




Thomas South.





ARBOR SCIENTIÆ


VENERABILIS ET CÆLITVS

illuminati Patris RAYMVNDI LULLII

Maioricensis,

LIBER AD OMNES SCIENTIAS

utilissimus.



Anno Domini M. D. XV.



ARBOR SCIENTIÆ
VENERABILIS ET CÆLITVS
illuminati Patris RAYMVNDI LVLLII Maio-
ricensis, cuius farrago & fructus admirabilis à
tergo huius indicabitur. Et in cuius commenda-
tionem est hoc extemporaneum Iodoci Badij
Ascensij ad pium lectorem Epigramma.

Suscipe Ramundi cælesti lumine clari
Aurea in arboribus mala scientificis.
Quæ si lector edes & in imo pectore condes:
Moly, aut diuinam dixeris Ambrosiam.
Quatuor ecce quater septenis prædita membris
Robora in hac sylua conspicias arboreâ.
Omnia viuificis lignis pomisque referta:
Quæ bene si gustes nil magis esuries.
Mentis enim quiuis hac crescit in arbore fructus
Omnia quæ scitu digna patere facit.
Ergo Atlantiacum quamuis præstantius auro
Citrinas mensis eleuat ista decus.
Quin Paradisiacæ non sunt huic robora sylue
Æquiparanda, licet nosse vel illa darent.
Illa etenim vetitis nocuerunt fructibus Adam:
Hæc potis illius viuificare genus.
Proinde tibi multum maior Balearica debent:
Ad quos hæc Lulli sunt bona missa tui.

OPVS PRÆCLARVM ET VALDE
mirabile. Arbor scientiæ vocatum à multum
Reuerendo Magistro Raymundo Lullio editum.
In quo omnium scientiarum traditur notitia.
Quæ arbor generalis in XVI. arbores speciales
diuiditur, quæ sunt.



ARBOR elementalis,
prima.

Arbor vegetalis, se-
cunda.

Arbor sensualis, tertia.

Arbor imaginalis, quarta.

Arbor humanalis, quinta.

Arbor Moralis, sexta.

Arbor Imperialis, septima.

Arbor Apostolicalis, octaua.

Arbor Celestialis, nona.

Arbor Angelicalis, decima.

Arbor Aeniterpalis, undecima.

Arbor Maternalis, duodecima.

Arbor diuinalis, & Humanalis,
decimatertia.

Arbor Diuinalis, decimaquarta.

Arbor Exemplificalis, decima-
quinta.

Arbor Questionalis, decimasexta.

Et qualibet istarum arborum di-
uiditur in septem partes, videlicet
in radices, truncum, branchas, ra-
mos, folia, flores, & fructus, ut la-
tius apparebit subtiliter intuenti.

ARBORIS elementalis radices
sunt, principia generalia, sci-
licet bonitas, magnitudo, duratio,
potestas, sapientia, voluntas, &c.

Truncus est hyle siue cahos.

Brancha sunt quatuor elementa sim-
plicita.

Rami sunt, quatuor elementa
composita.


Folia sunt accidentia.

Flores sunt instrumenta.

Fructus sunt corpora elementata &
indiuiduala.



Deo



De Arboribus



DEVS IN VIRTUTE


tua incipit Arbor scientia.



DN desolatione & fletibus stans Raymundus sub quadam arbore pulchra tuam desolationem cantabat : vt modicum suum alleuiaret dolorem quem habebat , quia negocium sanctum Iesu Christi , & totius Christianitatis , & publicam vtilitatem in curia Romana non potuit obtinere. Dum ita staret desolatus in quadam pulchra valle pluribus fontibus , & arboribus pulchris abundosa : quidam monachus per illam vallem veniebat : qui Raymundum cantare audiebat. Et quia cantus ille erat dolorosus , & pius sequendo vocem vsque ad locum : vbi stabat Raymundus: venit. Et per habitum quem ei vidit , & per magnam barbam quam Raymundus habebat: existimauit quod esset aliquis homo religiosus extraneæ nationis, & dixit ei hæc verba. Amice quid habetis? & quare plangitis? Nomen vestrum (si placet) mihi dicatis, & in qua terra natus estis. Quoniam si vos in aliquo iuuare possem : libenter meum posse facerem. Quia videtur mihi multum vos esse desolatum, & vellem vos esse in consolatione , & quod consolationem in nostro creatore haberetis, contemnendo & obliuiscendo vitam breuem huius mundi. Respondit ei Raymundus , dixitque ei suum nomen, & magnam partem sui status & vite ei retulit. Multum placuit monacho: quia Raymundum inuenit. Cui di-

xit : quòd ipsum diu quasiuerat : vt ipsum rogaret: quòd ipse vnum librum componeret ad omnes scientias generalem , qui leuiter intelligi posset , & per quem ars sua generalis (quam composuerat) facilius intelligi posset, quia nimis subtilis videretur ad intelligendum. Et etiam quia cetera scientia, quas antiqui sapientes inuenerunt: ita difficiliter intelliguntur, & ita longum tempus requirunt ad discendum: quod vix aliquis potest ad finem debitum deuenire. Et etiam plura dubia sunt : quæ quidam sapientum contra alios sapientes habent. Quare rogauit ipsum: quòd vnum librum faceret generalem qui ad omnes scientias intelligendum iuuaret. Quoniam intellectus confusus periculum magnum & magnæ deuotionis priuationem ad honorandum Deum, cognoscendum, amandum & seruiendum , & proximo suo salutem procurandum appor-
tat. Respondit Raymundus. Domine monache, diu laboraui ad veritatem inuestigandam per vnum modum & per alium: & per gratiam Dei ad finem & cognitionem veritatis deueni: quam scire tantum desiderauit , & quam in libris meis posui. Et etiam sum desolatus: quoniam illud quod tantum desiderauit : & pro quo annis 30. laboraui: ad finem deducere non potui. Item quia libri mei modicum appreciantur, imò dico vobis ; quòd plures me re-
nent pro fatuo, quia de huius negocio me intromitto: propter quod voluntatem non habeo neque illum librum (pro quo me rogatis) neque alium facere siue componere , imò in mea tristitia desolatus volo remanere. Et quia Dominus noster Iesus Christus tam paucos amatores habet Christianos in hoc mundo : ad Saracenos redire propono, ad protestandum & ostenden-

dum illis nostræ sanctæ fidei veritatem : & ad faciendum ei honorem : secundum quod potero , & secundum gratiam & adiutorium quam expecto habere à Deo, quæ me creauit ad tractandum suum honorem, & ad reprehendendum illos per quos in hoc mundo est inhonoratus. Raymunde (dixit monachus) hunc faciatis librum: de quo vos rogavi, & talem faciatis: per quem homo vestram intentionem cognoscat, & quod de stultitia quam vobis quidam imponunt (quia nec vos nec libros vestros cognoscunt) sitis excusatus, & vt per hunc librum cæteri libri vestri apprecientur. Et certè à culpa non essetis excusatus : nisi bonum quod poteritis inter Christianos feceritis. Et erit ad reformandum bonum : quod fecistis. Insuper vobis promitto : quod si hunc librum facitis illum pluribus portabo, & omne bonum quod potero, faciam, quamdiu viuam. Multū considerauit Raym. in hoc: de quo monachus ipsum rogauit, & in bono quod sequi posset : si librum illum faceret. Et dum ita consideraret, quādam pulchram arborem respexit, quæ coram stabat, in qua folia plura, flores & fructus consistebant, & in his quæ ipsa significabat, cogitauit. Raymunde, dixit monachus, in quo cogitatis, & quare meis sermonibus non responderis. Domine monache, dixit Raym. cogito in hoc quod per hanc arborem significatur, quoniam omne quod est, significatur in ipsa, propter quod habeo voluntatem illum librum faciendi, de quo me rogatis, recipiendo significata quæ hæc arbor mihi in septē rebus significat, videlicet per radices, per truncum, branchas, ramos, folia, flores, & fructus arboris. Et per ista septē huius libri processum tenere propono.




De diuisione huius libri.



LIBER iste in sexdecim partes diuiditur, ex quibus componitur hæc arbor scientiæ. Prima pars est de arbore elementalī. Secunda de arbore vegetali. Tertia de arbore sensuali. Quarta de arbore imaginari. Quinta de arbore humanali. Sexta de arbore morali. Septima de arbore imperiali. Octaua de arbore apostolicali. Nona de arbore celestiali. Decima de arbore angelicali. Vndecima de arbore euiternali. Duodecima de arbore maternali. Tercima de arbore christianali & diuinali. Quarta de arbore diuinali. Quindecima de arbore exemplificali. Sedecima de arbore quæstionali. Per has sexdecim arbores de omnibus scientiis tractari potest. Posita est in hac scientia arbor elementalī: vt cum ipsa naturæ proprietatesque elementorum cognoscantur, & illud quod sunt, & operationes quas faciunt, & illud quod sequitur ex illis. Per arborem vegetalem cognitio datur de plantis secundum earum vegetationem & operationem: quas habent in seipsis secundum naturas : quas habent per instinctus & appetitus naturales. Per arborem sensualem datur ars & cognitio de sensibilibus & sensitis & de eorum sentire. Per arborem imaginalem habetur ars & modus cognoscendi impressiones : quæ remanent in imaginatione de rebus sensitis, vegetatis & elementatis. Per arborem humanalem datur cognitio de principiis & coniunctionibus spiritalium & corporalium rerum & de eorum naturis : & de finibus causarum, quæ

quæ sunt propter homines. Iterum de dispositionibus : & habitibus , quæ in hominibus consistunt : & de pluribus aliis , de quibus in quinta parte libri huius loquemur. Per arborem moralem datur cognitio de virtutibus & vitiis , quæ sunt in hominibus , & de causis , per quas virtutes & vitia adsunt & absunt. Per arborem imperialem datur cognitio de regimine principum & de fine quare sunt publicæ siue communes personæ. - Per arborem apostolicalem habetur cognitio de vicaria , quam Iesus - Christus tradidit beato Petro , & de Sanctitate , quæ requiritur in prælatis & eorum subditis , & de fine , propter quem eliguntur ad essendum personas communes. Per arborem celestialem datur cognitio de impressione : quam corpora supraclestia influunt in corporibus inferioribus , & de naturis : quas corpora inferiora recipiunt à corporibus superioribus. Per arborem angelicalem habetur cognitio de angelorum quiditate , & de eorum operationibus quas habent in se , & de gloria , quam dant Deo , & de subsidiis , quæ hominibus faciunt. Per arborem æternalem datur cognitio de paradiso & de inferno & de continua duratione : quæ est in alio seculo sine fine. Per arborem materialem intelligimus dominam nostram sanctam Mariam : quæ mater est iustorum & peccatorum : & datur cognitio de spe & auxilio , quæ in illa & ab illa habemus & habere possumus : & de respectu , gloria & amore : qui sunt inter ipsam & filium suum Iesum Christum. Per arborem diuinalem & humanalem Iesum Christum & participationem diuinæ naturæ & humanæ intelligimus , & habetur cognitio quomodo Iesus Christus est finis & perfectio omnium entium creatorum.

Per arborem diuinalem Deum intelligimus & operationes quas in se habet & in creaturis : & finem siue perfectionem , quos habet in se & quos habemus in ipso. Per arborem exemplificalem exempla intelligimus : quæ dari possunt de arboribus supradictis : & datur cognitio ad inuestigandum & ostendendum naturas earum & proprietates. Et hæc arbor multum est bona ad prædicandum. Per arborem quæstionalem artem intelligimus & modum quæstiones faciendi & ipsas soluendi. Et datur cognitio ad inuestigandum rerum veritates : & ad destruendum & confundendum errores : qui in multis libris ponuntur : per quos multi homines tanquam cæci in tenebris existunt.




De Arbore elementali.



ARBOR ista diuiditur in septem partes. Prima pars est de suis radicibus. Secunda de suo trunco. Tertia est de branchis suis. Quarta de ramis. Quinta de foliis. Sexta de suis floribus. Septima de suo fructu. Per suas radices intelligimus principia artis generalis : quæ sunt bonitas , magnitudo , duratio , potestas , sapientia , voluntas , virtus , veritas , gloria , differentia , concordantia , contrarietas , principium , medium , finis , maioritas , æqualitas , & minoritas. Per truncum omnium istorum principiorum corporalium congregationem intelligimus. Vnde sequitur siue resultat vnum corpus confusum : quod dicitur chaos quod complet totum spacium , quod est sub luna diffusum , in quo species rerum sunt seminatae , siue diffusa , & dispositiones & habitus

earum, in tantum: quòd ipsum corpus est substantia confusa rerum elementatarum accidentibus subiaccens. Per branchas quatuor elementa intelligimus, videlicet ignem, aërem, aquam, & terram, quæ sunt substantiæ rerum elementatarum: in ipsis sustentatarum. Et ipsa insensibilia sunt & incorruptibilia, in quantum sunt simplicia. Per ramos quatuor massas scilicet quatuor elementa composita & sensibilia intelligimus, videlicet ignem quem in flamma sentimus, & aërem motum, qui est inter nos & lunam, & aquam maris, fontium, & fluminum, & terram, in qua habitamus & sustentamur. Et ista sunt membra arboris elementalís. Per folia intelligimus rerum corporalium corruptibilium accidentia, sicut sunt quantitas, qualitas, &c. Per flores rerum instrumenta intelligimus, sicut est manus, quæ est instrumentum ad operandum: & pes ad eundem. Per fructum elementata intelligimus, sicut sunt lapis, pomum, homo, leo, piscis, avis, aurum, & argentum.



De prima parte arboris elementalís scilicet de radicibus. Et primò de Bonitate.

IN parte ista intendimus dare diffinitiones bonitatis & aliorum principiorum: ut cum ipsis diffinitionibus principia cognoscantur. Bonitas est ens ratione cuius bonum agit bonum, & sic bonum est esse: & malum est non esse. Est bonitas radix arboris elementalís: in quantum arbor per bonitatem est bona, & ratione bonitatis agit bonum: in quantum res pri-

marías & naturales producit, videlicet branchas, ramos & cæteras partes suas, & eius priuatio eiusque operationum esset mala. Et operationes suæ sunt primariæ: in quantum omnia naturalia elementata ab ipsa sunt deriuata: & de sua essentia sunt essentiata. Est bonitas vniuersale principium omnibus partibus, quæ sunt bonæ in arbore, sicut magnitudo arboris, quæ est bona per bonitatem, & idem est de duratione, potestate & cæteris partibus. Et ideo est bonitas radix omnibus partibus arboris: quæ ex illa suam capiunt similitudinem, videlicet quod sunt bonæ per ipsam. Hæc bonitas generalis in semetipsa est plena sui ipsius & cæterarum partium. Est plena suipsius in semetipsa, in quantum in semetipsa partes habet essentielles & concretas, quæ de sua sunt essentia, specie & natura: videlicet bonificatiuum, bonificabile & bonificare. Bonitas est cæteris partibus plena: in quantum est magna per magnitudinem: & durabilis per durationem: & potens per potestatem. Idcirco bonitas est radix arboris cum complemento: quòd supra diximus, per quod est completa ratio: per quam arbor sit bona & agat bonum. Vnde cum bonitas sit per se plena & per aliud: oportet quòd sit radix substantialis, quia si non esset: non esset magnitudine plena: cum substantia maior sit accidente, nec substantialiter esset arbor bona. Et talis priuatio substantialitatis esset mala: & arboris suarumque partium vacuitas, est ergo bonitas pars substantialis: ut natura passionem non habeat vacuitatis. Bonitas in quantum per magnitudinem est magna, & per durationem durabilis, & per potestatem potens: & sic de cæteris: est accidentibus subiectata, quæ sunt similitudines: quas ab aliis parti

partibus assumit, & in quantum cæterę partes ab ipsa capiunt similitudines sunt illę similitudines quas recipiunt accidentia: sicut magnitudo quę bona est per bonitatem & duratio similiter & potestas, &c. Et in hoc est fons generalis cæteris accidentibus: quę de partibus substantialibus procedunt.

De Magnitudine.

Magnitudo est illud ens, per quod bonitas, duratio, &c. sunt magnę: ambiens omnes extremitates essendi. Magnitudo est substantialiter radix arboris: ut ipsa substantialiter sit magna, & quod magnitudo sit id quod est, quoniam si magnitudo non esset principium substantiale: paruitas esset in bonitate, duratione, potestate, & virtute, &c. & non esset hoc quod est: neque per ipsam esset arbor magna, quod est impossibile. Est ergo magnitudo secundum semetipsam substantialis: & similitudines quas dat sunt accidentales, sicut de bonitate prædiximus. Sed quoniam magnitudo est una pars arboris: est arbor per illam substantialiter magna: quemadmodum totum per suas partes essentialiter est totum. Et ad probandum, quod duratio, potestas & alię arboris radices contrarietate excepta sunt substantiales partes: sufficit probatio, quam dedimus de bonitate, magnitudine, &c. quę sunt partes substantiales. Contrarietatem tamen non dicimus partem esse substantialem: ut probauimus in tabula generali. Per hanc magnitudinem habetur cognitio de magnitudine arboris, quam habet secundum suas radices, & secundum suum truncum, branchas, ramos, folia, flores, & fructus.

De Duratione.

Duratio est proprietas: per quam durant bonitas, magnitudo, &c. Bonitas durat per durationem in suo existere & agere, sicut duratio, quę est bona in suo existere & agere per bonitatem. Vnde sicut radix à terra cum qua participat: influentiam assumit: sic duratio est radix vnde bonitas influentiam ad durandum assumit in seipsa & etiam ad durificandum similitudines, quas bonitas dat cæteris partibus substantiæ. Et hoc quod dicimus de bonitate: sequitur de potestate, &c. Idcirco est duratio ratio per quam arbor, & omnes eius partes durant.

De Potestate.

Potestas est id, per quod bonitas, magnitudo, duratio, &c. possunt existere & agere. Bonitas est: & in quantum est: potest esse, quoniam si esse non posset, non esset. Quia bonitas est ita sub ratione potestatis, in quantum esse potest, sicut potestas est sub ratione bonitatis: in quantum bona est per bonitatem. Et quoniam bonitas in seipsa operationem habere potest per potestatem videlicet bonificare: quod sine potestate habere non posset: oportet quod potestas in se habeat possificare: per quod bonitas possit habere in se bonificare, quod habere non posset: si potestas non haberet possificare. Et ideo potestas est radix arboris cum bonificare: in quantum bonificare est per possificare. Et idem est de magnificare, durare & cæteris. Quare in arbore sequitur possificare de rebus possibilibus, secundum sui ipsius & suarum partium rationem. Et ea quę sunt in illa impossibilia: sunt impossibilia, quia sub ra-

tione suorum principiorum non existunt: sicut enim impossibile, quod ignis in aquam essentialiter posset conuerteri, & aqua in ignem, vel vna species in aliam.

De Sapientia.

Sapientia est id ratione cuius sapiens intelligit. In arbore elementalí sunt instinctus naturales, sicut ignis, qui habet instinctum naturalem ad calefaciendum aërem: vt habeat cum illo concordantiam, & ad calefaciendum aquam: vt cum illa habeat contrarietatem, vt de concordantia sequatur generatio, & de contrarietate corruptio. Cùm sit ita, quod generatio cum esse habeat concordantiam, & corruptio cum non esse. Vnde ratione huius ignis instinctum habet naturalem ad has operationes naturales faciendum: quamuis discretionem non habeat. Quare in elementatis quæ discretionem non habent, & inclinationes habent naturales ad illos fines, quare sunt: stant instinctus naturales habituati in figura sapientiæ vel scientiæ, quæ est in hominibus. Et propter hoc est instinctus naturalis radix arbori elementalí: ratione cuius instinctus naturales sunt in illa habituati & diffusi.

De Voluntate.

Voluntas est id, per quod bonitas, magnitudo, &c. sunt amabiles. In arbore elementalí secundum suam naturam non est voluntas spiritalis, sed in ipsa sunt habituata, & seminata voluntates animalium irrationab. lum & appetitus plantarum & elementorum, qui sunt naturales appetitus causis naturalibus desideratis sub ratione bonitatis, & sic de cæteris. Sicut ignis, qui habet appetitum ad calefacien-

dum aërem: vt det ei suam similitudinem. Et sicut planta quæ habet appetitum ad pluuiam: vt ex illa viuat & crescat. Et sicut leo, qui habet appetitum ad leonissam pro specie sua conseruanda: & ad bibendum, vt det humiditatem suis partibus desiccatis & calefactis: & idem est de cæteris elementalís. Iste appetitus naturalis est radix arboris elementalís: vt habeat naturales appetitus particulares habituatos & diffusos sub vniuersali appetitu, quem diximus.

De Virtute.

Virtus est origo vnionis, bonitas magnitudinis, &c. Oritur virtus de vnitatis bonitatis in bonificare: in quantum bonificare erit virtuosæ de bonificatio & bonificabili: in quibus erit virtus siue oritur: vt bonificare sit virtuosum, & bonificans & bonificabile similiter virtuosæ. Et idem est de exitu: quem facit virtus de aliis causis primariis & secundariis. Et hæc virtus est radix arboris elementalís, per quam virtutem habet in seipsa & in suis partibus: vt sint virtuosæ, & quod faciant operationes virtuosas.

De Veritate.

Veritas est id, quod est verum de bonitate, magnitudine, &c. Et verificare est id, quod verum est de bonificare, magnificare, &c. Ignis est: & postquam esse, verum est illum esse, quoniam si suum esse non esset verum: ipse non esset. Ergo ignis est ita per veritatem in vero: sicut per calorem in calefacere, & per lucem in lucere. Hæc veritas quæ res primarias ponit in vero: est radix vniuersalis, cæteris veritatibus: quæ in arbore elementalí consistunt. Et ipsa est genus: & illæ sunt species in arbore diffusæ & habi

habituatæ unde deriuantur cæteræ in diuiduitate veritates, sicut veritates ignis & aliorum elementorum: quæ sunt species existentes sub radice: quæ est genus, de qua radice dictum est. Et veritates indiuiduatæ sunt: sicut est calor piperis & allei, & humiditas & frigiditas cucurbitæ.

De Gloria.

GLoria est ipsa delectatio, in qua bonitas, magnitudo, &c. quiescunt: Gloria quæ est cum discretione: non est simpliciter in arbore elementalí, quia non pertinet nisi rationali, sed eius similitudo & figura est in arbore elementalí: vt eius partes quietem habeant. Et illa est delectatio naturalis & corporalis, sicut ignis, qui delectatur indando suam similitudinem aëri: in quantum ipsum calefacit, & in recipiendo siccitatem à terra: vt sit siccus, cum qua siccitate delectatur destruere humiditatem aëris: vt illum calorem suum recipere compellat, & vt non det aquæ humiditatem. Contra quam aquam delectatur: vt ipsam possit calefacere, & in ipsa frigiditatem mortificare. Et sic de cæteris rebus naturalibus: quæ delectantur in suis operationibus, quemadmodum planta, quæ flores & fructus facere delectatur, & leo cum leonissa. Et propter hoc hæc delectatio naturalis & generalis quam diximus, est radix arboris elementalís: ratione cuius delectationes inferiores in illa sunt seminatæ: quas quædam res habent in aliis secundum quod supra diximus.

De Differentia.

Differentia est id, ratione cuius bonitas, magnitudo, &c. sunt rationes inconfusæ. & per quam bonificans & bonificabile sunt inconfusa. Differe-

rentia est radix generalis per quam differunt res primariæ & naturales, & idem est de secundariis, sicut bonitas, magnitudo, &c. quæ in creaturis non sunt idem, imò per differentiam sunt differentes in tantum, quòd vna non est alia. Et idem est de bonificante & bonificabili & bonificare: quæ differunt in bonitate. Et de magnificante, magnificabili & magnificare, quæ differunt in bonitate. Et de magnificante, magnificabili & magnificare, quæ differunt in magnitudine. Idcirco differentia est ratio & occasio, quod de pluribus sit pluralitas, & quod differant substantialiter, quemadmodum ignis, aër, homo, & equus, quæ differunt substantialiter, sed sine differentia hoc esse non potest, nisi differentia principium substantiale esset in partibus substantialibus, videlicet differans, differabile, & differare, quæ sunt partes de sua essentia & substantia. Veruntamen differentia est alio modo principium accidentale, quemadmodum arbor & lapis, quæ per accidens differunt, in quantum non sunt differentes per se, sed per differentiam. Sicut arbor quæ non est per se colorata, in quantum est subiacens speciei arboris, sed est colorata, in quantum est subiacens speciei coloris. Differentia habet tres species. Est enim differentia inter sensuale & sensuale: sicut inter hominem & asinum: qui differunt per speciem. Et inter sensuale & intellectuale, sicut inter corpus & animam, quæ differunt per differentiam. Et inter intellectuale & intellectuale, sicut inter intellectum & voluntatem, & inter Deum & angelum: qui differunt per differentiam. Et per has tres species quas diximus de differentia, sunt omnia entia differentia. Sed in arbore elementalí non

non est differentia rerum spiritualium: sed sensualium. Et per illam habet species in se seminae sive diffusae differentes adinuicem: sicut species bouis & asini, pomi & equi, folij & floribus, & sic de aliis sensualibus rebus subsistentibus elementatis. Et propter hoc, hæc differentia est radix arboris elementalís. Ex qua differentia omnes specificæ differentiæ derivantur: existentes in arbore in potentia per materiam: & in habitu per formam.

De Concordantia.

Concordantia est id, per quod bonitas, magnitudo, &c in vno & in pluribus concordant. Plura concordant in vno & in pluribus per concordantiam, sicut bonitas, magnitudo, &c. quæ concordant: vt sint partes vnius substantiæ, sicut substantia pomerij: quæ bona est & potens & magna. Concordant adhuc, vt quælibet remaneat hoc quod est in substantia: vt in illa substantia differentia non perdat, nec illæ suum esse perdant, nec earum naturas nec proprietates, quia si perderetur in vnitæ substantiæ, rerum pluralitas perderetur: in qua perditione concordantia perderetur, quoniam subiectum non haberet in quo foret sustentata & esset contra seipsam, quod est impossibile, quoniam nullum ens naturaliter est contra seipsum. Est ergo concordantia ratio vni & pluribus, & sub tali ratione est radix arboris elementalís, per quam radicem seminata sunt in arbore elementalí subiecta arbori humanali plures concordantiæ naturalium rerum speciales existentes secundum tres species: quas de differentia prædiximus, sicut inter ignem & aërem, in quibus est concordantia sensualis: in quantum in calore concordant. Et quem-

admodum inter sensuale & intellectuale: vt corpus & anima quæ adinuicem concordant, vt ex ipsis sit vnus homo, & vt hoc quod sunt, remaneant. Et inter intellectuale & intellectuale, sicut intellectus & voluntas, quæ concordant in simul ad accipiendum vnum obiectum, quemadmodum intellectus: qui illud accipit intelligendo: & voluntas amando.

De Contrarietate.

Contrarietas est quorundam, mutua resistentia propter diuersos fines. Hæc contrarietas tres habet species, secundum quod dictum est de differentia. Contrarietas est inter sensuale & sensuale, sicut inter ignem & aquam: inter quos est contrarietas per calorem & frigiditatem. Item est contrarietas inter sensuale & intellectuale, sicut inter corpus & animam hominis, quoniam anima naturaliter se habet ad aliam vitam: & corpus ad vitam istam. Contrarietas est inter intellectuale & intellectuale, sicut inter bonum angelum & malum, & sic de aliis rebus similibus istis. Illa contrarietas, quæ est inter sensuale & sensuale, est radix arboris elementalís: vt in illa sint contrarietates specificæ seminatae existentes sub generatione & corruptione, & finibus contrariis, quemadmodum ignis, qui se habet ad calefacere & aqua ad frigidare.

De Principio.

Prinzipium est id, quod se habet ad omnia in ratione alicuius prioritatis. Hoc principium est radix arboris elementalís: vt per ipsum suæ partes sint primæ & generales. Quoniam sicut principium est bonum per bonitatem, est magnum per magnitudinem, durans per durationem, & potens per

per potestatem, sicut bonitas, magnitudo, duratio, potestas, &c. sunt principia per principium, quod eis dat suam similitudinem: sicut ex illis similitudinem accipit. Principium generale duobus modis intelligimus: substantiale scilicet & accidentale. Substantiale sicut efficiens, forma & materia & causa finalis. Accidentale: sicut quantitas, qualitas, relatio, & alia accidentia generalia. Principium quod est efficiens, est sicut ignis: qui principiat calefacere, & agens naturale, quod principiat generare, quemadmodum homo: qui generat alium hominem. Principium formale est, sicut forma, quæ materiam informat, quemadmodum forma vegetatiua, quæ informat materiam arboris: in quantum ipsam materiã facit stare vegetabilem. Principium materiale est sicut materia ferri, quæ est principium ad plura, sicut ad clauum, ad gladium, & ad cultellum. Principium finale est sicut homo: qui est principium finale omnium suarum partium, quoniam omnes partes hominis sunt, ut homo sit. Et sicut habitare: quod est principium finale cameræ. Principium accidentale est sicut quantitas: quæ est principium mensurarum, & qualitas, quæ est principium figurarum: & sic de aliis. Per hoc principium generale in arbore elementalí sunt plura principia diffusa, sicut dispositio: quæ est principium ad habitus specierum in ipsis diffusos & seminatos.

De Medio.

Medium est subiectum: per quod finis influit principio suam similitudinem, & per quod principium refluit fini naturam sapiens utriusque. Et finis influit principio suam similitudinem, sicut calefactiuum ad cale-

factibile: & medium est calefacere, & sicut habitatio ad cameram: & medium est habitare. Et sic de aliis rebus similibus illis. Hoc medium tres habet species. Vna est secundum medium coniunctionis, sicut clauis, qui coniungit duos postes, & amare, quod coniungit amantem & amatum, & calefacere, calefaciens & calefactum. Alius est modus medij: quod est mensurarum, sicut centrum: quod est in medio loco circuli, & calefacere: quod est in medio loco calefacientis, & calefactibilis, & intelligere intelligentis & intelligibilis, & numerus binarius in medio vnus & trium, & actus in medio potentie & obiecti. Tertia species medij est medium extremitatum, sicut linea quæ est inter duo puncta, & amplum inter longum & profundum, & virtus temperantie: quæ est inter nimis & parum. Et sic de aliis rebus similibus istis. Secundum tres species antedictas est medium radix arboris elementalís, quæ habet in se diffusa seu seminata plura media disposita ad ducendum per agentia naturalia in actum, sicut in pipere, ubi sunt media antedicta, existente intra piper vno puncto medio qui est centrum ad circumferentias. Adhuc in illo est calefacere, quod calefaciens, & calefactum coniungit, & linea, quæ sunt media terminata existentia intra extremitates superficiarum. Idcirco plantæ & generata crescunt vsque ad medium locum: qui est centrum augmenti & generationis, & descendunt vsque ad finem priuationis per corruptionem.

De Fine.

Finis est, in quo principium quiescit. Finis habet tres species. Est enim finis, qui est complementum, sicut ca-

lesactum, quod est finis calefacere, quoniam calefacere est, vt sit calefactum, & res vísa, quæ est finis videre, & amatum amare, & clauus, quæ est finis martelli, & sic de aliis rebus naturalibus & artificialibus. Est alius finis, qui est secundum priuationem, sicut priuatio virtutis, aut visus, aut hominis mortui. Est etiam alius modus finis, sicut termini terrarum & regnorum, & extremitates substantiarum. Secundum has tres species finis est finis radix arboris elementalís in qua fines rerum naturalium sunt in potentia. Et propter hoc sunt appetitus & subiectus naturales in arbore elementalí diffusi secundum naturam sue radicis, quæ est finis, & dispositionis quam habet cum aliis radicibus.

De Maioritate.

Maioritas est imago magnitudinis, immensitatis, bonitatis, eternitatis, &c. Maioritas est in tribus modis. Est enim maioritas, quæ est de substantialibus, sicut substantia hominis, quæ maior est in bonitate & virtute quàm substantia asini, & adhuc cum ipsa sit de pluribus rebus, quoniam in asino rationalitas non est, sed in homine. Est alia maioritas, quæ est inter substantiam & accidens, sicut bonitas substantialis, quæ maior est quàm bonitas accidentalis. Est alia maioritas, quæ est inter accidens & accidens, sicut videre quod maius est in bonitate quàm calefacere, & intelligere quàm videre. Per has maioritates in arbore possunt esse plures maioritates, & quedam maiores aliis, quemadmodum ignis, qui est maior in pipere in calefacere quàm aqua, & clauus quàm martellus in fine, & aurum quàm ferrum ad emendum & vendendum, & sic de aliis rebus.

De Aequalitate.

Aequalitas est subiectum in quo finis concordat, bonitatis, magnitudinis, &c. quiescit. Hæc æqualitas in arbore elementalí est radix tribus modis. Videlicet æqualitas, quæ est inter substantiam & substantiam, sicut Raymundi & Martini, quæ æquales sunt in specie hominis. Et æqualitas, quæ est inter substantiam & accidens, sicut quantitas, quæ est ita magna in extensitate, sicut substantia corporalis sub illa existens. Est & alia æqualitas inter accidens & accidens, sicut decoctio de duabus plantis facta vna existente in quarto gradu caloris, & alia in quarto gradu frigidi-tatis, quæ æquales sunt in calefacere, & frigefacere patientem. Est vna alia æqualitas proportionalis, quæ est sicut membra in substantia hominis, quæ secundum proportionem conueniunt, quamuis vnum membrum sit alio maius. Secundum hos modos æqualitatis est æqualitas radix arboris elementalís, in qua dispositæ sunt & habitatae plures naturales, & particulares æqualitates de vniuersali æqualitate (quam prædiximus) deriuata.

De Minoritate.

Minoritas est ens circa nihilum. Hæc minoritas intelligi potest secundum quod intelligitur de maioritate, cum maioritas & minoritas se habeant relatiue. Minoritas est prope non esse secundum comparisonem maioritatis, quæ plus habet de esse quàm minoritas. Adhuc quando res de non esse in esse deueniunt, ante sunt in minoritate quàm in maioritate. Et quando corruunt de esse in non esse prius sunt in maioritate quàm in minoritate. Vnde cum hoc ita sit, minoritas

minoritas ergo est generale principium & radix in arbore, per quam sunt plures minoritates: vt in illa sit dispositio & potentia, per quam quædam suarum partium sunt minores quàm alia. Dictum est de radicibus arboris elementalís, & data est doctrina seu cognitio: quomodo arbor elementalís est assituata secundum suam naturá radicem, quam diximus. Propter hoc haberi potest cognitio de rebus primariis naturalibus in arbore sustentatis seminatis, & dispositis, quomodo ducantur ad habitus & actus per agentia naturalia descendentia & deriuata de primis: quemadmodum secundus homo qui descendit de primo, & secunda gallina de prima, quos primò Deus creauit: vt per operationem naturalem deducerent in actum indiuiduata specierum in arbore existentium, secundum quod supradiximus.

De Trunco arboris elementalís.

TRuncus iste est hyle, qui dicitur siue vocatur vniuersale chaos. Et est corpus primum existens principium omnium generalium & corruptibilem elementariorum, & est corpus de prima forma, & de prima materia compositum. Forma prima est aggregata de formis primariis, quas supra diximus, quemadmodum de bonificatiuitate, magnificatiuitate, durificatiuitate, possificatiuitate, &c. quæ componunt vnā formā vniuersalem sub qua existunt, sicut partes consistentes subius substantiam ex ipsis aggregatam siue compositam, & hæc est forma trunci generalis. Prima materia est aggregata de multis materiis, videlicet de bonificabilitate, magnificabilitate, durificabilitate, possificabilitate, & cæteris, quoniam omnes insimul sunt dispositæ, quod ex

ipsis sit vna vniuersalis materia sicut plures partes simul dispositæ sunt ad vnum totum. Et hæc est materia prima trunci generalis, & per bonificare, magnificare, durificare, possificare, & cæteros actus, forma vniuersalis & materia vniuersalis coniunguntur, & insimul vnum corpus (quod vocatur chaos) constituunt, in quo omnia particularia corpora seminata sunt, & disposita essendi indiuiduata ad essendum de esse corporis vniuersalis, sicut piper, allium & pomum quæ sunt de quatuor elementis & clauus de ferro. Quòd truncus istæ sit corpus, quilibet suarum radicum secundum suam dispositionem significat. Et probatur hoc modo considerando bonitatem esse vnum punctum & magnitudinem alium, & sic de cæteris radicibus. Vnde aggregata bonitate magnitudini, & magnitudine durationi, & duratione potestati, sequitur linea, quæ est longitudo. Et aggregata duratione bonitati, & potestate magnitudini, sequitur superficies, quæ est latitudo. Et quia quilibet punctus est rotundus, quia est plenus suis concretis essentialibus, sicut bonitas quæ plena est suo bonificatiuo bonificabili, & bonificare, sequitur profundum. Cum ita sit quòd omnes puncti sunt adinuicem mixti, vt in mixtione sit eorum quantitas continua, sicut bonitas, quæ non potest esse magna sine magnitudine, nec durans sine duratione, nec potens sine potestate, nec magnitudo, duratio, potestas, &c. possunt esse bonæ sine bonitate. Sunt ergo puncti mixti adinuicem in continua participatione. Probauimus ergo longum, amplum & profundum, vnde resultat corpus de necessitate. Et hoc corpus est rotundum & sphericum, quoniam est de partibus rotundis (secundum quod præ-

diximus) & suus locus est in concauitate (sphere lune, qui est ex ipso plenus, ut natura vacuum non sustineat quia si sustineret res naturales essent impossibiles. Truncus iste & chaos est inuisibilis ratione confusionis, in qua est, & quoniam sue partes continuæ sunt & quælibet est in alia, & quoniam visibilitas non est nisi de partibus discretis. sicut aer, qui participat cum oculis per contactum, & imò oculi non possunt videre illum. Et etiam quia in trunco potestates eius sunt informes, sicut quantitas, qualitas, & cætera accidentia sustentata supra confusionem, quia oportet ipsas esse confusas. Et in confusione substantiali & accidentali seminatæ sunt partes dispositæ ad essendum formatæ in indiuiduæ existentibus actualiter sub suis speciebus, sicut homo, qui habet corpus indiuiduatum, & leo similiter, & in quolibet illorum est quantitas discreta, & qualitas determinata &c. Et idè corpora indiuiduata elementata poros habent, qui sunt foramina, ubi sunt pili in animalibus & folia in plantis, & per ipsos intrat & exit chaos, quemadmodum claritas quæ transit per vitrum & aqua per foramina, & ex hoc chaos viuunt & durant elementata. Truncus generalis est de suis radicibus, quæ sunt causæ primariæ. Vnde quemadmodum ipse est ex ipsis, ita habet aptitudinem & naturam, quod ex illo sint causæ secundariæ, sicut ignis & cætera elementa, quæ sunt ex illo, & sicut planta, homo, auis, piscis. Vnde sicut ipse est de bonitate, magnitudine & cæteris ejus partibus, ita oportet quod causæ secundariæ, quæ sunt ex illo sint ex illo sub ratione bonitatis magnitudinis, &c. sicut planta, quæ bona est & magna est de bonitate & magnitudine trunci, & idè una bonitas est ex

alia, & una magnitudo ex alia, & sic de cæteris partibus naturalibus. Truncus istæ generalis consistit in tertio numero, sicut panis, qui est de aqua & farina, in quibus transit in tertio numero in hoc, quod non est aqua nec farina, quamuis sit de aqua & de farina. Et hoc idem est de planta, quæ non est elementa, quamuis sit ex ipsis. Vnde sicut truncus in numerum tertium transit in tantum, quod non est bonitas, nec magnitudo, nec cæteræ partes primariæ, ex quibus constitutus est: ita trunci siue stipites speciei in trunco generali existentes in potentia transeunt in aliam speciem & in alium numerum quando agens naturale truncum tangit generalem per viam generationis, quemadmodum potentia vegetatiua, quæ panem vegetat in carnem transmutando materiam panis sub specie altera. Truncus iste est substantia ratione suarum partium substantialium, ex quibus est aggregatus siue compositus, videlicet de bonitate substantiali & de magnitudine, & aliis, & est subiaccens accidentibus suarum partium. Vnde quemadmodum est facta siue constituta substantia ex partibus substantialibus, ita in ipso est constitutum accidens ex pluribus accidentibus, videlicet de quantitate bonitatis & magnitudinis, & cæterorum, ex quibus facta est una quantitas generalis, & composita de simplicibus quantitatibus & in numero tertio transacta, ex qua transeunt in alio numero specificæ quantitates existentes sub speciebus, sicut quantitas equi, pomi, vel bouis, & hic transitus fit per agentia naturalia per viam generationis. Est ergo truncus vniuersalis de partibus substantialibus & accidentalibus aggregatus.

De Branchis arboris elementalís.

BRanchæ arboris elementalís sunt quatuor elementa simplicia. Et sunt quatuor vt in illis sint differentia, concordantia & contrarietas. Quoniam si tres essent aut minus, non reciperentur in illis. Et si quinque essent, vnum esset superfluum, quoniam sufficit differentia, quod sit in concordantia & contrarietate, sicut differentia, quæ est inter ignem & aërem, & est in concordantia caloris in hoc, quod ignis & aër sunt de complexione calida. Et sufficit, quod sit in contrarietate aquæ & ignis: in quantum ignis est calidus & aqua frigida. Idem est de terra, quam oportet stare in concordantia siccitatis, quæ est inter ignem & terram, & quod sit in contrarietate terræ & aëris per siccum & humidum, quæ sunt contraria. Sed hoc esse nõ posset, si elemēta nõ essent quatuor. Idem est de concordantia ignis & aëris, quos concordare oportet in calore. Et similiter aëris & aquæ, quos concordare oportet in humiditate. Et aquæ & terræ quas concordare oportet in frigiditate. Et hoc idem est suo modo de contrarietate, quam oportet esse subiectam complexioni calidæ & frigidæ, & similiter complexioni humidæ & siccæ. Sicut in pipere, in quo sunt omnes istæ complexiones, & ei sufficit, quod sit subiectum differentiarum & concordantiarum & contrarietatum, quas prædiximus. Et adhuc quia elementa sunt quatuor & non minus neque plus, sunt disposita, quod sint figurata in elementatis in figura quadrangulari, circulari, & triangulari, quæ quidem tres figure necessariae sunt, quod assistantur in elementaris. Quadrangularis figura est in quantum est ex qua-

tuor elementis, & sit linea recta de igne ad aërem per concordantiam caloris, & de aëre ad aquam per concordantiam humiditatis, & de aqua ad terram per concordantiam frigiditatis, & de terra ad ignem per concordantiam siccitatis. Et ex illis quatuor lineis & concordantiis resultat in elementatis quadrangulus naturalis: per quem extensa sunt & ampla. Circularis figura est, in quantum quædam elementa intrant in aliis, sicut ignis, qui intrat in aërem dando ei suum calorem, qui suum proprium subiectum, quod est ignis, non dimittit. Et idem est de aëre, qui intrat in aquam dando ei suam humiditatem. Et aqua, quæ intrat in terram ei dando suam frigiditatem. Consimili modo est de terra, quæ intrat in ignem ei dando suam siccitatem. Et ideo in elementatis consistit rotunditas, sicut in pomo & in capite hominis. Triangularis figura causatur ex linea quæ exit de igne ad aërem, & de igne ad terram, & de terra ad aërem. Et hic triangulus ex duabus lineis concordantibus & vna contraria est compositus. Et idem est de triangulo qui est de aëre, igne & aqua, & de triangulo qui est de aqua, aëre & terra, & de triangulo, qui est de terra, aqua & igne, & sic sunt quatuor trianguli, qui complent quadrangulum, & quadrangulus complet circulum. Et ideo est necessarium quod sint quatuor elementa & non plura nec pauciora, vt in elementatis sit plenum & non vacuum, vt inter vnum elementum & reliquum possit esse differentia, & idem de concordantia & contrarietate oportet quod sint certæ & propriæ qualitates & appropriatæ, quibus quatuor elementa distincta sunt concordantia, contraria & differentiatæ, sicut, ut calor, quæ est propria

qualitas ignis, & humiditas aëris, & frigiditas aquæ, & siccitas terræ. Et quoniam ignis ceteraque elementa de vno & eodem trunco generali supradicto consistunt, & de vna & eadem bonitate & magnitudine, est vna brācha ignis ratione differentię, quæ est earum principium, & alia brācha aër ratione distinctionis, quæ est inter calorem & humiditatem. Et eadem bonitas vna est in igne per calorem, & alia in aëre per humiditatem. Et idem est de aqua & terra. Et in hoc passu patet differentia, quæ est inter vnum elementum & aliud per proprias qualitates, & diffinitio quæ fieri potest ex ipsis apparet, quemadmodum ignis, qui est illa substantia, quæ propriè est calida, & aër, qui est illa substantia, quæ per se est humida, & sic de aqua & terra, quæ diffiniri possunt per suas proprias qualitates. Et est significatum, quomodo de vno sunt plura, sicut ex vna generali bonitate sunt plures speciales bonitates, & de vno trunco multæ brāchæ. Et ex hac significatione significatur multitudines specierum in brāchis seminatarum siue diffusarum & per qualitates proprias distinctarum. Vnumquodque elementorum habet suum locum proprium secundum quod sibi melius est dispositum, quemadmodum ignis, cuius locus est sua sphaera cōtigua cū sphaera lunæ, & locus aëris est sphaera contigua cū sphaera ignis, & locus aquæ est sphaera contigua cū sphaera aëris, & locus terræ est sphaera cōtigua cū sphaera aquæ in superficie, in qua sumus. Et ratione horum locorum differentium per altum & infimum, continentem & contentum, sunt elementa differentia & diuersas habent operationes. Illud per quod sphaera ignis est, superior aliis sphaeris est, quoniam ignis habet

plus de virtute in se, in quantum habet in se plus de forma & minus de materia quàm cetera elementa. Et quia est plus levis & plus habet de motu pertinet ei, quod sit in altiori sphaera, vt motus melius & citius se cōplere possit. Et hoc idem sequitur de sphaera aëris, quam oportet esse sphaera aque altiore, quia tantum de materia non continet sicut aqua, & quia levis est & aqua ponderosa. Et ratio quare sphaeram aque oportet esse supra sphaeram terræ est, quia minus habet de materia quàm terra, nec est ita grauis sicut terra, & etiam quia elementata sicut sunt plantæ & bestię in aqua sustentari non possent, nec aqua in se sine terra sustentari posset. Per has quatuor brāchæ naturalium arborū consistunt, sicut brāchæ pomerij, & tibię leonis, & tibię & brāchia hominis, tibię & allegruis, & spinę tergi piscis. Et per quatuor elementa simplicia significantur produções & extensitates elementatorum, sicut brāchæ pomerij, quæ in longitudine sunt extensæ, & sicut tibię & brāchia hominis. Et etiam influentia & augmentatio sunt significatę per ipsam, & ceteræ conditiones pertinentes ad ipsam, sicut mutatio numeri, quoniam sicut ignis in tertium numerum transit in quantum est vna brācha simplex trunci generalis, & hoc per proprietatem specialem, sic brāchæ elementatę transeunt de potentia in actum in numerum tertium per agentia naturalia.

De Ramis Arboris elementalís.

RAMI arboris sunt quatuor, videlicet quatuor massæ, quæ sunt membra generalia, quæ sensibilia sunt, & de elementis simplicibus composita. Sicut ignis quem videmus in flamma & carbone, & qui est in lapide & ferro. Secunda massa est aër, in quo respiramus & in quo stamus, & quem in odore & vento (qui est aëris motus) sentimus. Tertia massa est aqua maris, fluminum & fontium, pluviae & roris, quam cum frigiditate, colore, sapore, visu & odore sentimus. Quarta massa est terra, in qua stamus, & quæ est in lapidibus & metallis, quæ sunt terræ congelatæ & desiccatae. Vnaquæque harum massarum ex quatuor elementis simplicibus est composita, & ex ipsis deriuantur substantiæ indiuiduatæ sub speciebus existentes, sicut corpus hominis, arboris, &c. Has quatuor massas vocamus quatuor ramos arboris elementalís generalis. Et ipsas ramos vocamus, quia habent conditiones, quæ ramis conueniunt, quæ secundum radicem supradictarum dispositiones existunt, quemadmodum bonificatiuum, bonificabile, & bonificare in bonitate sunt rami quolibet aliud respicientes: vt sit bonificatum & vnoquoque in alio existente. Ergo modo consimili quatuor massæ sunt rami in hoc, quod inter se vnumquodque elementum super aliud habet actionem vt sit elementatum, quod est bonum & de causis siue rebus simplicibus productum. Sicut est ignis qui est ignificatiuus, in quantum est simplex, & cetera elementa sunt ignificabilia in massis & in elementatis, quæ sunt ex speciebus. Et hoc conuertitur sicut aër, qui est aëriificatiuus, & cetera elementa sunt aëri-

ficabilia in elementatis, vnde sicut ex ramis plantæ deriuantur folia, flores & fructus, sic ex quatuor massis omnia indiuiduata elementata deriuantur. In his quatuor ramis & massis mortificata sunt elementa & remissa quolibet aliud mortificante, sicut ignis qui aërem cum calore mortificat, vt aqua quæ sibi est contraria, suam non influat humiditatem, & etiam ipsum mortificat cum siccitate, quam ex terra recipit, quæ sibi alij contrariatur & hoc in tantum, quod aër ab igne se defendere non potest. Et econuerso aër ignem mortificat, in quantum se iuuat cum aqua contra calorem, & cum humiditate contra siccitatem. Et sic suo modo de aqua & de terra. Vnde sicut in pomerio est materia magis digesta in ramis, quàm in branchis, & in branchis quàm in trunco, sic in quatuor massis est materia magis digesta & plus disposita quàm in simplicibus elementis. Et ideo ad ramos, siue iam in quatuor massas comparamus sine quibus nullum elementatum indiuiduatum ex ipsis simplicibus elementis sequi posset, quia simplicitatem elementorum simplicium elementatum non posset sustinere. In his ramis generalibus habituati sunt & dispositi omnes rami arborum naturalium specialium & in illis transit vnus numerus in alium, sicut vna materia, quæ de vna specie transit in alteram per generationem & corruptionem. Elementa tamen simplicia remanent semper in suo esse in quantum simplicia, quoniam si in suis ramis suum esse perderent, nec ad generationem nec ad compositionem elementorum inclinationem haberent, cum ita sit, quod omne ens naturale euitat non esse, & suum esse completum affectat & etiam quia nec bonitas, magnitudo & cetera radices

radices arboris elementalís generalís cum elementatís participare possent, si simplicia entia in compositis perderentur, & sicut simplicia elemēta suum proprium numerum perderent in cōpositis, sic radices in arbore generali perderentur, quod est impossibile. Sunt ergo essentialiter & accidentaliter elementa simplicia in compositis, sicut in denario remaneat argentum & cuprum, & in citho vini limphati, vinum & aqua, & in homine, anima & corpus, & in substantia, forma & materia, & sic de aliis rebus similibus istis. Elementa simplicia de sphaeris suis ad alias sphaeras ascendunt & descendunt, ut elementata sint, quæ sunt fines eorum & centra, quare sunt, sicut plures lineæ, quæ ad vnum punctum se habent. Et propter hoc oportet quod vnumquodque elementum sit in alio, quoniam si ignis simplex staret in sua sphaera & hic inferius non descenderet, ociosus esset in hoc, quod elementatum ex ipso non veniret, & hoc nec finis, neque bonitas, neque cætera prima principia secundum cursum naturalem pati possent, nec ignis qui est hic inferius, esset de sua essentia & haberet præsentem compositas & non simplices, & sic in sua essentia se sustinere non posset, & in illo bonitas duratio potestas, &c. deficerent & etiam instinctus & appetitus naturales ad ascendendum supra, quoniam ascendere non posset, nec ille supra hic inferius descendere ratione sphaeræ aquæ, quæ esset in medio quæ esset corpus simplex & solidum, quod suum contrarium transire per se non dimitteret. Et adhuc ignis qui est supra, cum terra hic inferius participare non posset: nec siccitatem ex illa recipere, & esset siccus per se & calidus, unde inordinatio sequeretur, & ex illis mixtio quam ha-

bent non esset, quia quædam elementa dant aliis qualitates suas ut intrare possint in compositionem, ut etiam in illis quantitas continua esse possit per truncum, per radices, & per branchas arboris elementalís. Sunt ergo elementata mixta quædam in aliis, sicut sunt radices arboris, quarum quælibet est mixta in alia & omnes insimul, sicut bonitas & magnitudo, quæ ad invicem sunt mixta, in quantum quælibet alteri suam dat similitudinem, & similitudines sua propria subiecta non dimittunt, & sphaeræ remanent assituate: ut dictum est, & quælibet est centrum sui proprium elementi, sicut sphaera ignis, quæ est centrum ignis, sed ignis ut finem sequatur, quare est, hic inferius descendit, ut elementata complexionis calidæ possit generale, & terra ad ignem ascendit: ut suam siccitatem ei dare possit, & quod possit accipere in sphaera ignis influentiam & beneficium à luna & cæteris planetis, & quando est supra, appetitum habet descendendi hic inferius, quemadmodum mercator, qui de domo sua recedit, & ad terras longinquas ad lucrandum vadit, quando est in illis, tunc desiderium habet, quod in domum suam esset reuersus cum multiplicatione suorum denariorum. Et sic conseruatur motus elementorum per quadrangulum, circulum & triangulum supradictos. Quæ quidem conseruatio esse non posset, si elementa per omnes extremitates trunci elementalís generalís non transirent.

De Foliis arboris elementalís.

PER folia accidentia naturalia intelligimus. Quoniam sicut folia ad ventum se vertunt, ex quacunque parte veniat, sic accidentia se vertunt, & se habent ad conditiones substantiarum naturalium. Et sicut folia sunt ad conservandum flores, & fructus contra magnum calorem & magnam frigiditatem, & adhuc contra magnum ventum, sic accidentia sunt ad conservandum substantias, in quibus sustentantur, sicut calor qui calefacere cum quantitate calefactibilis conservat, & per calefacere ignis conservatur in fine, quare est in sua bonitate & magnitudine duratione & potestate instinctu & naturali appetitu. Et etiam sicut folia sunt ad ornandum arbores, sic accidentia se habent ad substantiam, ut ex illis ornata & pulchrificata sit, quare omnibus istis rationibus & pluribus aliis comparamus folia ad accidentia substantiarum, quæ sunt accidentia generalia in arbore elementalí, quæ generalis est, ad alias arbores naturales ex illa derivatas, sic quantitas ignis simplicis, quæ generalis est ad omnes elementatas quantitates, quæ sunt de sua specie. Generalia accidentia sunt hæc quantitas, qualitas, relatio, actio, passio, habitus, situs, tempus, & locus. Sunt alia accidentia, sicut color, sapor, calefacere, & calor, &c. quæ esse possunt in suis generibus antedictis. Vnde prius de quantitate dicemus & investigabimus, vnde est eius principium & origo, & quomodo extensa est per arborem elementalem. Et postmodum loquimur de cæteris accidentibus.

De Quantitate.

Bonitas est, ut sit bonum, & magnitudo est, ut sit magnum, & quoniam istæ rationes & causæ primariæ per differentiam sunt differentes in tantum, quod una non est alia, sed sunt essentiæ diversæ, imo oportet ut sint quantitates quod habeant quantitatem, quoniam si quantitatem non haberent, deberet, quod infinitæ essent, & quod unum idem numero essent, sicut in Deo bonitas, magnitudo, quæ sunt rationes infinitæ, & sunt unum idem numero in tantum quod una est alia, sed in creaturis hoc esse non posset. Et quoniam bonitas & magnitudo quæ sunt rationes creatæ, sine quantitate esse non possunt, est quantitas, ut ipsæ sint, & propterea quantitas est accidens, quoniam creata non est, ut ipsa sit, sed ut aliud sit. Et hæc quantitas est sustentata in illa creatura, quæ creata est, ut ipsa sit, & sicut bonitas, quæ est creata, ut ipsa sit & magnitudo similiter. Et hæc quantitas erit de parte substantiali continuæ & discretæ: continuæ, sicut quantitas bonitatis, quæ continua est in sua essentia & in concretis suis, quæ sunt bonificatum bonificabile, & bonificare; & est continua, quoniam unumquodque illorum est in alio, & sunt ex una & eadem essentia, quæ est bonitas. Et discreta quantitas nascitur, in quantum differentia est inter unam essentiam & aliam, sicut inter bonitatem & magnitudinem. Quoniam bonitas suam similitudinem dat magnitudini, in quantum ipsam bonam facit, & magnitudo bonitati, in quantum ipsam facit magnam. Quantitas discreta nascitur ex ambobus principiis in quantum unum non est aliud. Et est subiacens continuæ quan-

titati in quantum ambo principia miscen-
tur, unde sequitur compositum
quod in numerum tertium transit, si-
cut vinum in capho limphatum. Se-
cundum hanc quantitatem continuam
& discretam, quæ sunt in causis pri-
mariis, videlicet in radicibus arboris
elementalis, se extenditur quantitas in
trunco, in branchis & in omnibus suis
partibus, sub vna specie in trunco,
& sub alia in ramis, & sub alia in
branchis, & sic de cæteris partibus
arboris: sicut ferrum quod est sub vna
figura in clauo, & sub alia in marcello,
& sub alia in cultello. Quare quantitas
continua secundum speciem suam est
indivisibilis & specie est continua, si-
cut ferrum, quod indivisibile est se-
cundum speciem suam. Quoniam li-
cèt sit sub figura cultelli vel clavi,
semper remanet ferrum. Secundum
in quantum figuræ sunt diuersæ, di-
uisibile est in quantitativis discretis.
Simili modo est de quantitate in ar-
bore elementalí, & in aliis arboribus
naturalibus ab ipsa derivatis.

De Qualitate.

Qualibet radicum qualis est per
qualitatem, sicut bonitas per bo-
nificationem, & magnitudo per ma-
gnificationem, & duratio per durifi-
cationem, & sic de cæteris. Et ideo
qualitas est ratio, quæ proprium nu-
merum rerum conferuat, sicut ignis,
qui qualis est per suam propriam qua-
litatem, videlicet per suum proprium
calorem, quæ nulli alijs nisi sibi propriè
competit elemento. Et propter hoc
simplex cum sua propria remanet qua-
litate. Et in quantum per siccitatem
est siccus, quæ quidem siccitas est pro-
pria qualitas terre: compositus est cum
aliis elementis, cum quibus est in nu-
mero confusus. Unde ut ignis possit

esse simplex & compositus, sibi com-
petunt duæ qualitates, vna propria &
alia appropriata, propria ei competit
per suum proprium calorem: appro-
priata per siccitatem, quam à terra re-
cipit. Et quoniam qualitas se extendit
in proprium & appropriatum, signifi-
catur ens esse quale duobus modis.
Vnus modus est, quando ipsam ens si-
gnificatur simpliciter & secundum suã
propriam qualitatem, sicut si quæra-
tur quid est illud quod est per seipsum
calidum, & respondendū est, quod ig-
nis quoniam nullum ens est per se ca-
lidum nisi ignis. Et adhuc si quærat-
ur, quid est illud quod per seipsum est bo-
num, respondendū est, quod est illud
ens, quod per se habet propriam boni-
tatem. Alius modus est, quando ens
determinatum est per qualitatem ap-
propriatam, & hoc est determinatum
in alio & per aliud, sicut cum quæri-
tur, quid est illud quod per ignem est
calidum, & respondendum est quod
aër. Est tamen alius modus determi-
nationis sed est confusus, in quo in-
trant plures qualitates, sicut terra &
aqua, quæ possunt esse per ignem ca-
lescere, & ita veniunt & derivantur
in trunco confuso ex suis radicibus, si-
cut bonitas, quæ magnitudinem boni-
ficat & potestate, &c. Officium qua-
litis est in arbore elementalí, ut ibi
sint plures qualitates in potentia. Et
suum officium adiuvant radices arbo-
ris, quoniam bonum est, quod vnum
ens non sit aliud, ut inter vnum ens &
aliud differentia esse possit, & etiam
concordantia finis & cæteræ radices.
Et ideo potest ignis simplex actualiter
esse in elementalí, & est simplex in
seipso per suam propriam qualitatem,
& est compositus in aliis elementis
ratione appropriatarum qualitatum. Et
propter hoc in elementalí numeri
causarum

causarum simplicium & primarum non perduntur, vt possint esse ex ipsis causis secundariis & compositis, quæ compositæ esse non possent; si numerus rerum simplicium perderetur. Et in illis qualitatibus quæ sunt in potentia in arbore elementalí, & in ipsa feminatæ sunt species subiacentes vt vnaquæque species sit in potentia in suo proprio numero, & propter hoc oportet quod formæ quæ sunt in potentia, in actu deducantur per suas proprias qualitates, & per agentia naturalia, sicut forma leonis per leonem & leonissimam, & sic de contimilibus.

De Relatione.

Relatio duobus modis consistit, vnus modus est dualis, & alius ternalis. Et isti modi de radicibus arboris deriuantur, in quibus sunt primæ relationes, sicut in bonitate in qua est bonificatiuum, & bonificabile quæ relatiuè se habent, quoniam si vnum est, oportet quod aliud sit. Et hæc relatio est dualis, in quantum est de duobus terminis. Relatio ternalis est, sicut in bonitate, in qua sunt bonificatiuum, bonificabile, & bonificare, quorum quodlibet se habet relatiuè ad aliud per agens naturale, quod formas quæ sunt in potentia deducit in actum. Et propter hoc relatio dualis stat primo in potentia in speciebus, & relatio ternalis exit in actum in indiuiduis specierum in medio speciei & indiuiduati tunc, quando fit opus generationis & productionis, & cum est factum, relatio remanet in indiuiduato & producto, & in agente naturali, quemadmodum si est pater, oportet quod sit filius, & tunc remanet relatio similiter per patientem, vt si est filius oportet quod sit pater, & sic de aliis rebus similibus istis. Secundum relationem

quam prædiximus & quæ de causis primariis deriuatur, sunt operationes agentium naturalium, & dispositio illarum transit de radicibus in truncum, & de trunco in branchas & de branchis in ramos, & est ita successiuè vsque ad fructum, & imò est relatio extensa per totam arborem, & est dispositio in speciebus, vt indiuiduata disposita sint, vt in actum ducantur, secundum quod relatio est sub instinctibus & naturalibus appetitibus, sicut appetitus principij qui se habet ad finem relatiuè, quia si principium est oportet finem esse, & si finis est, oportet principium esse. Et ex his respectibus duobus exit in medium amborum absque quo relatio esse non posset, quoniam si medium non esset principium & finis essent vnum idem numero & esset destructa in arbore successio & generatio in rebus naturalibus. Est ergo relatio in arbore elementalí actualiter sustentata in principio, medio & fine. Et hoc est relatio prima per totam arborem extensa ex qua exeunt & deriuantur secundariæ relationes sustentatæ in indiuiduis specierum elementaris, principiatas, & successiuè generatis, vt leo & pomum. Et in leone producto & generato consistit particularis relatio feminata, & est in principio, medio & fine, vt leo alterum leonem generare possit.

De Actione & Passione.

Actio & Passio sunt accidentia primaria, & exeunt de causis primariis, sicut actio, quæ de bonitate exit, in quantum magnitudo est bonificata per bonitatem, & passio nascitur in magnitudine in quantum est bonificabilis: & actio quæ est accidens est similitudo bonificatiuitatis, quæ essentialis est & substantialis pars bonitatis.

nitatis. Et passio quæ est accidens est similitudo bonificabilitatis, quæ est pars substantialis & essentialis bonitatis. Et propter hoc exit actio accidentalís de actione substantiali, & nascitur passio accidentalís in passione substantiali. Et secundum quod actio & passio quæ sunt accidentia, derivantur de rebus primariis, sunt in trunco & branchis, & in aliis partibus arboris in potentia, & sunt in actu deductæ per agentia naturalia, ita quod actio substantialis producit actionem accidentalem de passione substantiali in passiva qualitate. Et propter hoc substantiæ mouent accidentia ad perfectiones substantiarum.

De Habitu.

HAbitus primi sunt de rebus primariis, sicut habitus bonitatis, qui est de similitudine magnitudinis, in quantum magnitudo habet in habitu ad magnificandum bonitatem & bonitas habet in habitu ad bonificandum magnitudinē. Et isti habitus per totam arborem extensi, sunt habitus primi naturales, in quibus sunt in potentia habitus secundarii, ex quibus sunt indurata indiuiduata elementata. Et propter hoc species in arbore seminatae sunt habitus primi, ex quibus induratae sunt radices arboris, & omnes eius partes, & agentia naturalia ex primis habitibus per modum generationis induunt indiuiduata elementata, sicut leo, qui generat alium leonem, ex hoc quod accipit ex arbore elementalí, conuertendo in suam speciem hoc, quod accipit, & hoc quod accipit habituatum secundum suam speciem ponit in potentia, ut ex illo habitu quem dat leoni quem generat, alter leo indui possit. Et ita successiuē vno habitu existente sub alio & vno ex alio

leonis species conseruatur, ita sicut plura particularia, quæ in eorum utilitate conseruantur & quælibet pars in alia, & totum in partibus suis. Ex his habitibus naturalibus exeunt habitus artificiales, quæ similitudines sunt naturalium, sicut habitus virtutis acquisitæ, qui est similitudo habitus virtutis naturalis, sicut similitudo virtutis naturalis, quæ extensa est in iustitia, prudentia, fortitudine, temperantia & cæteris habitibus virtuosis, qui ex istis descendunt, sicut castitas, patientia, humilitas, &c. Sunt & alij habitus artificiales, sicut habitus grammaticæ, logicæ, & plures alij, & habitus chlamydis, & tunicæ, &c.

De Situ.

IN causis primariis Situs est generale principium ad situs secundarium causarum, sicut in bonitate, in qua assituata sunt bonificarium, bonificabile, & bonificare, quæ sunt de sua essentia, & bonitas assituata est in illis. Alius modus situs est, quæ confusus est sicut bonitas: quæ assituata est in magnitudine in quantum est magna per magnitudinem, & magnitudo, quæ est assituata in bonitate, in quantum est bona per bonitatem. Isti sunt situs secundarii, quæ accidentales sunt & similitudines primorum situum. Et imò assituata sunt simplicia in seipsis & in aliis, sicut bonitas, quæ assituata est in seipsa & in magnitudine, secundum quod dictum est. Et propter hoc situs duobus modis consistit per totam arborem elementalem, quare sequitur, quod omnes partes assituatae sunt in suo toto, sicut omnes radices in trunco arboris, & totum in partibus suis, sicut truncus in suis radicibus. Et idem de vna parte in alia, sicut bonitas quæ assituata est in magnitudine, & magni-

& magnitudo in bonitate. Et propter hoc sunt aliqua contenta & aliqua continentia. Est & alius sicut de rebus assituatis in discreta quantitate, sicut ossa in carne & vinum in ampulla, & homo iacens vel stans in camera, & sic de aliis secundum rectitudinem, vel obliquitatem, vel circularitatem entium indiuiduatorum.

De Tempore.

Tempus est ens indiuisibile secundum se, sed diuisibile est in alio ratione motus rerum, quæ sunt motæ in illo per motum de potentia in actum, aut de vno loco in alium, aut incremento per generationem vel in diminutionem, vel decremento per corruptionem, seu alterationem de vno in aliud. Vnde quemadmodum ferrum semper est vnum in quantum sua species licet in plures figuras sit diuisum videlicet in figura cultelli, gladij, & martelli, sic tempus semper est vnum in seipso, licet ipsum diuisum sit in tempus præteritum & futurum ratione suorum subiectorum substantialium & accidentalium sub motibus existentium, deinde sunt momenta, horæ, dies, anni. Figure temporis & similitudines & in motionibus siue motibus rerum apparent. Principium primum in quo tempus est diuisibile, in radicibus arboris consistit, in quantum similitudo vnius radicis mouetur in aliam in hoc quod quælibet radix alteri suam dat similitudinem. Et de hoc primo motu & principio exeunt principia & motus secundarij de potentia in actum in entibus elementatis indiuiduatis, quæ in figuris temporis, vt dicendum est, apparent. Sed sua forma est simplex, nec videri potest nec sentiri, cum ita sit, quod nulla forma indiuisibilis

videri potest nec sentiri. In hoc tempore radices arboris & omnes partes eius consistunt, sicut consistunt in loco, virtute & potestate, sine quibus esse non valerent. Et oportet, quod tempus sit in principio, medio & fine, sine quibus sustentari non posset in motu. Quomodo autem tempus est sine fine & successione, in arbore eternali probare intendimus.

De Loco.

Locus duobus modis consideratur: primus modus est secundum quod locus secundum sui essentiam in se est: secundus secundum quod locus est in alio. Primus est sicut locus, qui est id ratione cuius plura in ipso & in alio possunt collocari, quia sicut plura colorari possunt per colorem & calefieri per calorem, & bonificari per bonitatem, eodem modo collocari possunt per locum. Et locus iste vniuersalis ad collocata primò in radicibus arboris consistit, & ipsæ sunt in ipso, sicut ipse qui est in bonitate, in quantum bonus est, & econuerso, quoniam absque loco bonitas non posset esse. Secundus modus est, sicut locus qui diuiditur in alio, siue se extendit, sicut in bonitate, in qua bonificatiuum, bonificabile, & bonificare sunt collocata & bonitas in illis, & bonificatiuum in bonificabile, & econtra, & adhuc sicut bonitas, quæ collocata est in magnitudine, in quantum sua similitudine est inducta & econtrario. Et ex hoc secundo modo qui est de loco eius exeunt similitudines in elementatis indiuiduatis, cuius similitudines sunt continens & contentum, quæ similitudines sunt visibiles, sicut vinum in ampulla, in qua apparent continens & contentum & quæ de potentia in actum deducta sunt ex locis confusis

& primis, quæ sunt in arbore sicut truncus qui in suis partibus est collocatus, & branchæ in trunco & in branchis rami. Idcirco collocatæ sunt actualiter species in arbore, in quibus collocata sunt potentialiter elementabilia indiuidua per materiam vniuersalem, & habitualiter per formam generalem, & sunt in actum deducta in similitudinibus loci sub quantitatibus discretis existentia, sicut lumen, quod est in camera collocatum, & camera in aëre, & sic de aliis similibus istis. Et hæc similitudines loci sunt visibiles, sed essentia loci inuisibilis est nec sentiri potest, quoniam locus indiuisibilis existit.

De Floribus arboris elementalís.

Flores arboris comparamus ad naturalia instrumenta. Et hoc facimus, quoniam sicut flos est fructui proximior, quàm folia branchæ vel rami, aut radices, sic instrumentum est proximius operato, quod quidem instrumentum vocamus operari, quod est ex operante & operabili, sicut in scriptura siue in scribere, in quo pœna proximior est literæ quàm manus, & manus quàm brachium, & quoniam de videre sequitur visum, sunt oculi instrumenta ad videndum, & videre est opus adductum in instrumentis, quæ sunt oculi, & fructus est visum. Hoc instrumentum naturale & generale est centrum, ad quod radices se habent in operari, & idem est de trunco, branchis, ramis & foliis. Et est generale ad alia instrumenta ex ipso derivata & particulata sub specierum indiuiduis existentia, sicut flores in arbore vegetali, & oculi & lingua in sensuali, & sic de aliis similibus istis floribus. Et instrumentum generale & inuisibile sentiri non potest, & eius si-

militudines & partes apparent in instrumentis indiuiduatis, & de potentia in actum deductis, in quibus fit operatio, de qua fructus resultat in arbore vegetali. Et est fructus de essentia florum, sicut fructus est de essentia instrumenti in arbore sensuali. Et instrumentum arboris vegetalis sunt oculi, qui sunt vegetati, & fructus qui est sensatum, est ex instrumento, quod est sentire, quod est flos ei proximior existens quàm flos arboris vegetalis. Dicimus tamen, quod sensitivum & sensibile sunt instrumenta ad sensatum, vnum per modum actionis, & aliud per modum passionis, sicut homo & fœmina, qui instrumenta sunt ad filium procreandum, & ista sunt instrumenta in ramis, sed generare est instrumentum in flore, quia generato est proximius, vt dictum est, quod quidem generatum est de essentia ipsius generare, & generare est productum de essentia & de specie patris & matris. Idcirco generatum & sensatum est indiuiduatum, & in alium numerum & alia essentia transit, & cum patre & matre in vna specie remanet.

De Fructu arboris elementalís.

Fructus arboris elementalís est elementatum, sicut lapis, aurum, pomum, piscis, avis, bestia, & corpus hominis. Hæc omnia sunt elementata & indiuiduata, & ipsa fructum vocamus, quia bonitas, magnitudo, potestas & virtus maiorem quietem & finem habent in illis quàm in trunco, branchis, ramis, foliis, & floribus & hoc est, quia in pomo (quod est fructus) conseruatur species in quantum in pomo ipse aliud pomum continetur, & idem est de aliis rebus quas prædiximus. Est etiam elementatum fructus, quoniam in illo

in illo primæ intentiones primarum causarum consistunt: quoniam in hoc quod bonitas suam magnitudini dat similitudinem & è conuerso in fructu magnitudo bono aggregatū est quā in cæteris partibus arboris bonitate & magnitudine ponentibus se per primam intentionem in fructu & per secundam intentionem remanentibus in floribus, foliis, ramis, brā. trun. & radi. & idem faciunt duratio, potestas, instinctus & naturales appetitus. Et propter hoc fructus sunt in summitatibus arboris: & in illis plus habetur de sapore & vtilitate quā in aliis partibus arboris. Fructus arboris elementalís generalis inuisibilis est: & nullo modo sentiri potest, sed eius indiuiduata & particulata sensim possunt & videri, sicut est pomum, aurum, Martini & eius falco, coruus, equus, & piscis. Dictum est de arbore elementalí & de partibus eius: & quia primas causas & formas in illa seminatas proponimus inuestigare: aliquas ipsarum eligimus, scilicet centum, quas volumus inuestigare: vt de ipsis cognitionem habeamus, & vt per illas alias. (quæ plures sunt) cognoscere valeamus & etiam vt per illas alias arbores melius cognoscere valeamus. Et primò de vnitate, postmodum de pluralitate, & sic de aliis successiuè nostros sermones dirigere proponimus.

De Vnitate. 1.

VNitas est extensa in arbore elementalí: in quantum est vna & de pluribus vnitatibus vnita, sicut de vna bonitate generalis: & ex vna generali magnitudine, & sic de aliis. Vnde ratione suæ vnitatis & vnitatum: ex quibus est vnita: plures vnitates rerum in ipsa sūt seminatæ & diffusæ, quæ-

admodum vnitas plantæ, vnitas equi, & sic de aliis.

De Pluralitate. 2.

Pluralitas rerum in arbore elementalí seminata est & diffusa, & hoc ideo est: quia de pluribus rebus est, & etiam quia quælibet illarum ad ipsam venit cum pluralitate: sicut bonitas, quæ ad illam venit cum bonificatiuo, bonificabili & bonificare, & magnitudo, quæ venit cum magnificatiuo, magnificabili & magnificare, & sic de cæteris. Vnde quemadmodum ex arbore elementalí vnus lapis, vnum pomum, vna auis & cæteræ vnitates sequi possunt & deripari ratione suæ vnitatis: ita ex ipsa plures lapides, plura poma & plures aues sequi possunt & deripari ratione suæ pluralitatis. Et propter hoc est in ipsa pluralitas causa ad plures pluralitates, sicut vnitas, quæ causa est ad plures alias vnitates.

De Simplicitate. 3.

Simplicitas in arbore elementalí est sex causis primariis, velut ex simplicitate bonitatis, magnitudinis & cæterarum: & de simplicitate ignis & aëris, & cæterorum elementorum. Et hoc idem de suis simplicibus accidentibus, sicut de simplici quantitate bonitatis & magnitudinis ignis & sui calorís & cæterorum, in quibus per totam arborem simplicitas sustentatur: in quantum arbor est de simplicibus causis primariis & generalibus. Vnde sicut bonitas est ratio bono: quod agat bonum: & magnitudo magno quod faciat magnum: sic simplicitas: quæ est species generalis & ratio pluribus simplicitatibus ab ipsa deriuatis & indiuiduatis per agentia naturalia.

De

De Compositione. 4.

Compositio in arbore elementalí est apta species, ex qua plures compositiones deriuari possunt & produci. Et hoc est quia arbor est ex pluribus causis composita. Vnde sicut membrum naturale naturaliter suas sapit extremitates, vnde suum principium & finem: sic omne quod arbor elementalís suam sapiat compositione, quod esse non posset, si vlla compositio non esset causa prima pluribus compositionibus indiuiduatis elementalís.

De Forma. 5.

Arbor elementalís per formam generalem est informata, vt in trunco suo dictum est, & ideo omnium quod forma sapiat naturam formæ ipsa forma generali principio existente ad plures formas in illa seminata & diffusæ, vt per illam sua elementata indiuiduata sint informata, & quod sint de sua essentia, vt eorum informatio sit cum magnitudine bonitatis, durationis, potestatis principij, & finis. Omnium ergo quod formæ, capræ, aquilæ, spomerij, &c. sint in illa seminatæ & per agentia naturalia productæ.

De Materia. 6.

Arbor elementalís est de materia generali secundum quod in trunco suo dicendum est, ex qua materia sunt plures materiæ particulares in illa seminatæ & diffusæ: & in speciebus cum auxilio qualitatís sustentatæ: & per agentia naturalia in actum deductæ, vt in capra, aquila & in cæteris indiuiduis. Et hoc esse omni ratione bonitatis, magnitudinis, durationis, potestatis: & ratione maiorum appetituum naturalium.

De Genere. 7.

Substantia est genus, ex qua sunt plures species arboris elementalís. Substantia est: quoniam ex pluribus partibus substantialibus est aggregata. Hanc substantiam omnium genus esse realiter, & quia est de reali & generali bonitate: & de reali & generali magnitudine, & cæteris, est composita, & ideo omnium quod sit prima substantia ad alias plures substantias speciales, veluti truncus qui est pars substantialis & generalis, quæ se habet ad plures partes substantiales & generales: vnde branchas & ramos. Est ergo genus ens reale in arbore elementalí, & si non esset ens reale & substantiale, sed tantummodo intentionale: secundum quod logicus ipsum considerat: generalia principia perditæ essent in arbor elementalí, ita quod non essent entia realia primariæ causæ. Et in earum perditione perderetur arbor elementalís quæ non posset esse ens reale, & in eius perditione nulla causa secundaria esset de primatiæ, vt vnumquodque indiuiduum esset de seipso, & non de alio, quod est impossibile: Est ergo genus ens reale, in quo species naturales sustentantur.

De Specie. 8.

In arbore elementalí species sunt seminatæ, sub quibus sunt indiuiduata elementata, & quoniam in illa sunt seminatæ realiter, non tantummodo entia sunt considerata in ratione, imò sunt entia realia, quoniam si entia realia non essent, bonitas non esset causa primaria bono, quod ageret bonum, & sequeretur, quod bonitas illud faceret de alia causa etiam, & non de se, & magnitudo magno similiter, non esset ergo bonum de bonitate: nec

nec magnum de magnitudine, nec indiuiduum de specie, & hoc est impossibile quòd bonum non sit de bonitate, nec magnum de magnitudine, & sicut hoc est impossibile in specie bonitatis & magnitudinis: ita est impossibile, quòd indiuiduum non sit de specie. Oportet ergo quòd species sit ens reale, ex qua sit indiuiduum, quod est ens reale.

De Intensitate. 9.

IN arbore elementalī est intensitas seminata, quæ est generale principium ad plures intensitates sub specierum indiuiduis existentes, sicut intensus color rosæ aut niuis: vel intensus sapor vini. Et hæ intensitates accidentales sunt de vna intensitate generali de causis primis deriuata, sicut de intensa bonitate & intensa magnitudine, & cæteris. Hæ intensitates sunt substantiales, vt habeant plus de entitate, & quod ex ipsis deriuari possint intensitates accidentales, quæ sunt earum similitudines.

De Extensitate. 10.

EXtensitas est generale principium ex qua descendunt plures extensitates. Et hæc generalis extensitas est realiter in arbore, & sunt sua principia de extensione: quam bonitas facit in magnitudine, duratione, potestate, &c. & quam ipsa faciunt in bonitate. Et hæc extensitas extensa est per totam arborem, & de illa est extensitas confusa, quæ apparet in colore confuso, & in sapore similiter, & cæteris obiectis sensuum arboris sensualis.

De Abstracto. 12.

IN arbore elementalī sunt abstractæ causæ reales & generales, sicut bonitas, magnitudo, &c. & ex istis sunt

abstractiones secundariæ; sicut bonitas trunci, brancharum, ramorum, foliorum, florum & fructuum, etiam bonitas leonis, pomerij & aliarum. Et hæ sunt abstractiones reales & naturales, ex quibus logicus accipit earum similitudines, in quantum considerat in abstracto primas causas, & illas ponit in sua consideratione, vt cum illis similitudinibus cognitionem habeat ex causis veris & realibus.

De Concreto. 12.

IN arbore elementalī sunt concreta prima, quæ sunt causæ generales ad concreta secundaria, sicut in bonitate bonificatiuum, bonificabile & bonificare, quæ sunt sue partes essentielles, & in magnitudine similiter: in qua sunt essentialia concreta, secundum magnificatiuum, magnificabile & magnificare, & ex istis resultat concretum quod est bonum & magnum, sicut truncus arboris, qui est bonus & magnus, & eius branchæ similiter rami, folia, flores, & fructus, quæ sunt concreta bona & magna. Et in his habituata sunt concreta indiuiduata, sicut lapis qui est bonus & magnus, & pomum similiter.

De Generatione. 13.

Generatio est principium generale in arbore elementalī, & suum principium est in multiplicatione, quæ fit de bonitate & magnitudine & cæteris causis primis in quantum se aggregant ad essendum vnum compositum, quod fit in 3. numero quod est truncus secundum quod est dictum. Et in hoc trunco sunt in potentia generationes truncorum particularium, & in branchis sunt generationes particularium brancharum. Et idem est suo modo de ramis, foliis, floribus &

D fructi

fructibus. Et cum vniuersalis generatio cum agentibus naturalibus tangitur: generatio transit in generationes particulares de potentia in actum deductas.

De Corruptione. 14.

Corruptio generalis naturaliter sustentatur in arbore elementalī, ex qua speciales descendunt corruptiones. Et hæc corruptio generalis stat per contrarietatem generalem, quæ est vnum principiorum primorum, sicut dictum est in radicibus arboris, non tamen arbor per illam est corruptibilis secundum cursum naturalem nec etiam generabilis, quoniam nulla causa in quantum est generalis est corruptibilis secundum cursum naturalem, nec etiam generabilis, quia si causæ generales essent generabiles & corruptibiles non essent causæ primariæ, & essent, antequam essent, & hoc est impossibile. Sed quia causæ secundariæ sunt de primis & contrarietas est generalis ratione illarum causarum secundariorum: sunt entia corruptibilia, cum ita sit, quod suum officium & natura sit inclinare entia quæ sunt, ad non esse, sicut faber, qui vult de ense cultellum facere, ducit in priuationem figuræ ensis vt de ferro figuram cultelli facere possit, quia in eodem tempore illud ferrum non posset sufficere figuræ ensis & figuræ cultelli. Consimilimodo contrarietas vnam formam corrumpit, vt concordantia primarum causarum aliam formam possit generare, sicut vegetatiua: quæ corrumpit formam panis, vt formam carnis generare possit.

De Priuatione. 15.

Priuatio est in arbore elementalī principium generale. Et hæc priua-

tio generalis est ad plures particulares priuationes, quoniam si in arbore elementalī non esset priuatio realis & generalis, esset in ipsa contrarietas ligata, & vna materia multis figuris sufficere posset, sicut idem ferrum sub forma ensis existens posset eodem tempore sub forma cultelli existere: in quo est sub forma ensis. Et adhuc in entibus naturalibus non esset corruptio, nec mors, nec alteratio, nec motus de potentia in actum, & hæc omnia sunt impossibilia. Est ergo priuatio ens reale & primum, sed quia se habet ad non esse, imaginatio nullam in ipsa entitatem realem imaginari potest, sed intellectus ipsam considerat in intentione simpliciter.

De Plenitudine. 16.

Plenitudo est principium generale & reale in arbore seminata, & est deriuata de plenitudinibus, quæ sunt primariæ, sicut de plenitudine bonitatis, quæ est de bonificatione, bonificabili & bonificare, ex quibus bonitas essentialiter est impleta, & etiam de plenitudine: quam habet de magnitudine, quæ ipsam implet, in quantum ipsam facit esse magnam, & sic de duratione: quæ ipsam implet, in quantum ipsam durare facit. Et sic de his plenitudinibus est arbor plena: & non sustinet vacuitatem realiter. Plenitudo est per circulum, quadrangulum & triangulum, qui sunt figuræ generales & plenæ punctis & lineis, vt dictum est. Et de hac plenitudine generali descendunt particulares plenitudines elementatæ, vt lapis qui est plenus: & pomum similiter, & camera, quæ est plena aëre: & sic de aliis similibus istis.

De Vacuitate. 17.

Vacuitas considerata est duobus modis, secundum vnum est ens reale, & secundum alium intentionale & non reale. Est ens reale sicut principium & mediū, qui se habent ad finem ad quem sunt, & ipsum habere non possunt: sicut aqua in pipere qui appetitum habet naturalem: quod in pipere possit damnari, & idem est de igne suo modo, qui appetitum habet naturalem in pipere, quod spoliare possit & priuare totam essentiam aquæ, vt cum aëre & terra maiorem concordantiam habere possit, & quod eius contrarium quod est aqua, ei nullum laborem possit inferre. Vacuitas intentionalis est illa, quam intellectus considerat, in quantum cōsiderat vegetam esse vacuum aqua vel vino aut alia re corporali visibili, & etiam cum considerat quod homo est vacuus ætate perfecta tunc, quando est in ætate imperfecta, & castitate, cum stat in luxuria, & sic de aliis rebus similibus istis.

De Grossitudine. 18.

Grossitudo est ex causis primariis, & est causa primaria pluribus grossitudinibus. Et incipit in partibus, vbi materia maiorem habet entitatem sicut in aqua & in terra in quibus materia maiorem habet quantitatem quam in igne & aëre. Et propter hoc materia aquæ & terræ est magis spissa & magis plena: & plus durat quam materia ignis & aëris, quoniam ratione aquæ restringitur & ratione terræ desiccatur. Ratione tamen aëris & aquæ est alia grossitudo: quæ in extensitate maior est quam grossitudo aquæ & terræ. & hoc est, quia aër magis extensibilis est quam terra, & propter hoc homines flegmatici grossiores sunt

quam melancolici, & comparatis partibus melancolici cum partibus flegmatici: grauiore sunt partes melancolici quam partes flegmatici, & etiam magis durabiles. Vnde cum hoc ita sit: probatum est & significatum quod in arbori elementalī est grossitudo generalis, ex qua plures grossitudines particulares deriuantur.

De Gracilitate. 19.

Gracilitas est principium generale, & in arbore elementalī sustentatur & seminatur. Et est de minoritate, sicut grossitudo est de maiori- tate. Est etiam ratione calidi & sicci, per calidum consumitur frigiditas & per siccum humiditas. Et quia frigidas partes quæ in ipsa intrant restringere non potest, quoniam ignis suos poros aperit, vt ipsam calore euacuet: & in illa humiditatem consumat, quam accipit ab aëre, contra quam est siccitas terræ. Et ideo sunt entia, quæ sunt complexionis calidæ & siccæ graciliora quam illa quæ sunt complexionis frigidæ & humidæ.

De Leuitate. 20.

Leuitas est principium generale ad plures particulares leuitates, & est generale ratione sphaerarum ignis & aëris, qui appetitū habent in suis sphaeris ad descendendum inferius in sphaeras aquæ & terræ, & cum leuitate descendunt, & quia sunt leues ascendunt cum leuitate ad eorum sphaeras. Et ex hoc generali ascensu & descensu sunt particulares leuitates, quæ in specierum indiuiduis persistunt.

De Ponderositate. 21.

Ponderositas est generalis ad plures particulares ponderositates. Et est ratione appetituum naturalium, quos

D 2 habent

habet aqua contraria ad sua centra, quemadmodum aqua & terra, quæ sunt in sphaera ignis, quæ appetitum habent essendi hic inferius, & veniunt hic inferius cum gravitate, quam habent, quia cum illa huc inferius se movent. Et cum supra ascendunt, cum gravitate non ascendunt, quoniam ascendere & gravitas contrariantur, sed per violentiam ascendunt & per coactionem corporum cælestium, quæ cum igne & aëre, qui sunt cum aqua, & terra coniuncti, ipsas attrahunt ad sphaeram ignis, ut in ipsa aqua & terra beneficium planetarum accipiant, & quod cum illo hic inferius descendant. Et ratione huius gravitatis generalis siue pöderositatis, quam diximus, inclinationem habent fructus: qui sunt in arbore, sicut pomum, quod est in pomerio, quod descendant hic inferius in superficie terræ. Et idem est de pluvia, niue & rore, ex quo beneficiū ex causis superioribus receperint.

De Totalitate. 22.

IN arbore elementalī est totalitas, quæ generalis est ad plures speciales totalitates, quemadmodum bonitas, quæ generalis est ad omnes bonitates individuatās elementatas, sicut bonitas ferri, quæ generalis est ad bonitatem ensis, cultelli, clavi. Et idem est de magnitudine & cæteris. Idcirco totalitas arboris suam similitudinem ponit in fructu pomerij, quoniam in pomo sunt in potentia omnes similitudines arboris elementalī, videlicet similitudines radicum, trunci, brancharum, ramorum, foliorum, florum & fructuum. Et in hac totalitate arboris elementalī seminatæ sunt ita omnes species, quæ se habent ad sua individua, sicut seminatæ sunt omnes similitudines arboris elementalī in pomo, & ideo ex

vno pomo sunt producta plura poma. Hoc idem sequitur in pisce, aue, homine & in leone.

De Partibus. 23.

IN arbore elementalī sunt partes generales ad alias partes particulares, quemadmodum sua pars quæ est bonitas, est generalis ad aliam partem totius, utpote ad partem pomi quæ est bona, & ad partem piscis, quæ est bona, & sic de aliis. Et propter hoc omnes partes arboris elementalī generales sunt ad partes substantiarum individuarum naturalium. Et per talem naturam sunt plures partes in vna parte seminatæ, & in individuis sunt quædam partes in aliis, sicut in pipere, in quo est ignis in calore, & calor in igne, & ignis in aëre, in quantum intrat in illo cum suo calore, & aër in igne, in quantum suo calore indutus est & siccitate. Vnde secundum quod dictum est de totalitate & partialitate est significatum, quomodo in individuis naturæ sunt & proprietates, & quomodo quædam partes sunt in aliis, & totum in partibus suis, & partes in suo toto: & hoc per naturas & proprietates, quæ sunt in arbore elementalī.

De Interioritate. 24.

INterioritas generalis & naturalis est in arbore elementalī: ex qua interioritates naturales descendant & speciales & in arboribus sunt, quæ ex illa deriuantur. Et hæc interioritas generalis significatur in suis radicibus, sicut bonificare, quod est intra bonificatē & bonificabilem. Et ex hoc bonificare quod est intra in arbore elementalī, bonificare quod est in pomo naturam habet, quod sit intra bonificatium & bonifica

bonificabile, quæ sunt in pomo. Et in hoc passu significatæ sunt proprietates per quas contenta stant intra continentia, sicut semen, quod est intra pomum, & homo intra cameram, & indiuidua intra species suas, & omnia elementata intra arborem elementalem.

De Exterioritate. 25.

EXterioritas generalis est in arbore elementali, ex qua particulares & speciales exterioritates descendunt. Et est exterioritas generalis per differentiam, quæ suas partes differre facit, sicut bonitas, quæ est differens à magnitudine & truncus à suis branchis, & vna brancha ab alia, & sic de aliis partibus arboris. Et propter hoc plura sunt, quæ differunt in specie, sicut magnitudo, quæ est extra speciem bonitatis. Et propter hoc in elementatis sunt quædam res extra alias, sicut pomum quod est extra folia, & extra speciem rosæ, & equi: & sicut continens, quod est extra contentum, sicut ampulla, quæ est extra vinum. Vnde in naturalibus omnes istæ exterioritates particulares sunt possibiles, ratione exterioritatis generalis, quam diximus.

De Statione. 26.

Statio generalis in arbore elementali consistit, ex qua stationes particulares naturales descendunt, sicut arbor quæ stat hoc quod est in suo numero, & idem est de suis partibus, sicut eius bonitas, magnitudo, &c. quæ non dimittunt suum numerum, quoniam duratio earum esse proprium conseruat. Et ex hac statione veluti descendunt indiuiduorum elementatorum stationes, sicut pomum, quod stat in suomet numero, & equus Martini & Martinus similiter, & etiam statio la-

pidis, qui stat in vno loco qui se non mouet, & clauus in poste fixo, & oculi in facie, & sic de aliis rebus similibus istis.

De Motu. 27.

Motus generalis est in arbore elementali, quæ est vna de suis partibus, & est generalis ad omnes motus indiuiduorum elementatorum, & eius principium est in radice arboris, vt supra dictum est, & hoc etiam dicendum est, videlicet quod in bonitate arboris est bonificare motum de bonificatiuo, & bonificabili in bonificando magnitudinem, durationem, &c. & quod ex omnibus radicibus sit truncus bonificatus, magnificatus, &c. & idem de motu trunci in branchis, & sic de ramis, foliis, floribus, & fructu. Tamen motus iste generalis non se mouet in arbore elementali de vno loco in alium: nec se mouet per modum alterationis nec clementi, quod si faceret, non esset in tota arbore: sed est pars generalis disposita ad motus indiuiduatorum elementatorum de potentia in actum motorum, vt esse possint per generationem: aut de esse in priuationem per corruptionem: aut de vna qualitate in aliam, sicut frigiditas in calorem, & vnus homo qui de vno loco in alium se mouet, & qui in suis iuncturis ita habet naturalem potentiam motus per motum generalem, sicut habet corpus per corpus generale, & quantitatem per quantitatem generalem, hoc idem sequitur de motu, qui est in specie alterationis, sicut vinum quod alteratum est in acrum. Et idem de cremento, sicut homo qui motus est de modica quantitate ad magnam.

De Duritie. 28.

Durities est vna pars generalis, quæ est in arbore elementalī, ex qua omnes durities indiuiduorum elementatorum descendunt. Et hæc durities generalis est de igne & terra, & aqua & terra. Est de igne & terra, quia ignis calefacit terram, & terra desiccatur igne, & ideo humiditas non habet virtutem suam in illo loco, & hoc apparet in tegula quæ est dura, quoniam ignis ipsam desiccatur, & etiam in lapide qui est pulvis desiccatus & per aquam congelatus, qui ipsum restringit, qui quidem lapis est durus per aquam & terram, quæ in illo calorem & humiditatem mortificant, & hoc idem est de duritie ossium & de testitudine per siccitatem, & sic de aliis elementatis, quæ sunt dura per duritiem generalem antedictam: quæ est fons de qua exeunt durities particulares.

De Mollitie. 29.

Mollities est in arbore elementalī, ex qua descendunt mollities, quæ sunt in elementatis indiuiduatis. Et est in arbore elementalī de igne & aëre, & de aëre & aqua, quam ignis calefacit aërem dissoluendo vnam partem ab alia, & calefacit aquam mortificando congelationem, quæ est in indiuiduis per aquæ restrictionem, & humiditas se extendit per aquam & terram mortificante aëre siccitatem terræ cum adiutorio ignis, qui terram calefacit, & qui concordantiam terræ & aquæ destruit, & propter hoc metalla fusila sunt mollia per humidum & calidum, & etiam homines sanguinei & flegmatici, & sic de aliis similibus istis, quæ mollia sunt per molliem generalem, quæ est in arbore elementalī.

De Longitudine. 30.

Longitudo est in arbore elementalī causa vniuersalis ad longitudes arborum productarum ab illa. Quæ quidem longitudo stat in arbore elementalī per extensitatem naturalem suarum brancharum, & etiam per extensionem suæ bonificatiuitatis & bonificabilitatis, magnificatiuitatis & magnificabilitatis, & sic de aliis. Et ex hac longitudine generali & reali exeunt & descendunt longitudes indiuiduatorum, sicut longitudo dactyli, & brachiorum, & tibiarum bestiarum, & sic de aliis. Et hæc longitudo stat per calidum & siccum magis quam per calidum & humidum, vel quam per humidum & frigidum, vel quam per frigidum & siccum. Et hoc est, quia ignis naturam habet diffusiuam, & quia siccitatem recipit à terra, quæ naturam habet euacuatiuam & restrictiuam per aquam: est longitudo magis per siccum quam per alias complexiones. Et propter hoc plantæ quæ sunt complexionis calidæ & siccæ sunt longæ & graciles maximè, & habent spinas pungentes.

De Amplitudine. 31.

Amplitudo est generalis in arbore elementalī. Et sunt eius principia participationes rad. cum sicut participatio bonificatiui & magnificatiui, ex quibus sequitur amplum. Et idem de participatione bonificabili & magnificabili, & etiam brancharum. Et ex hac amplitudine generali sunt amplitudines speciales deriuatæ, & ex ipsa habent beneficium, sicut amplitudo folij ficus & faciei hominis & suæ manus, & sic de aliis. Hæc amplitudo est per calidum & per humidum, & hoc est, quia ignis est diffusiuus & aër

aër impletius. Et propter hoc plantæ extendunt in amplum branchas suas.

De Profunditate. 32.

Profunditas in arbore elementali causatur ex suis ramis, & adhuc de suis radicibus. Et hoc significatum est in bonificare & magnificare, quæ significant, quod profunditas sit in medio, in quantum stat in medio brancharum. Et ex hac profunditate generali descendunt speciales profunditates sicut profunditas pomi, & ossium, in qua sunt grana pomi, & medulla ossium. Et hæc profunditas plus est per frigidum & siccū quam per aliam complexionem, quia terra est de forma sphaerica, & aqua habet naturam restrictiuam.

De Potentia. 33.

Potentia est in arbore elementali duobus modis. Vnus modus est in quantum sua aptitudo disponit, quod ex illa produci possint indiuiduata de potentia in actum, sicut pomum, quod est in illa in potentia primo, in hoc quod illa est primo ad pomerium: & stat in potentia in pomerio, priusquam in actum deducatur. Et hæc secunda potentia est ex prima, quæ quidem prima est seminata in arbore elementali, & ita est pars realis illius, sicut cæteræ partes eius: secundus modus potentia est ille, qui est actiuus, sicut potentia calefaciendi aut videndi. Et iste modus est in potentia in prima, unde in bonificatiuitate bonitatis: & impossibilitatiuitate potestatis, &c. Et deducitur in actum in potentia elementorum, quam diximus, sicut potentia visiva, quæ prius fuit in potentia quam in actu.

De Obiecto. 34.

Obiectum est duobus modis in naturalibus, vnum est intra, & aliud est extra. Illud quod est intra est sicut bonificabilitas, quæ est de essentia bonitatis, & est obiectum bonificatiuitatis, quæ est de essentia bonitatis. Obiectū quod est extra est sicut magnitudo, quæ est bonificabilis, & color qui est visibilis. Obiectum quod est intra, est generale ad obiecta extra mota in obiectis intra, sicut panis qui est vegetabilis, & est mota sua materia in vegetabilitate, quæ est de essentia vegetantis, quæ transmutat panem in carnem. Hæc obiectatio quæ est intra, est in arbore elementali, sicut bonificabilitas arboris elementalis, quæ est obiectum bonificatiuitatis, quæ bonificabilitas est generale obiectum, ex quo descendunt obiecta indiuiduorum elementatorum, sicut in planta plantificabilitas, & in sensato sensificabilitas. Et propter hoc est vna obiectabilitas ex alia.

De Actu. 35.

Actus est duplex, vnus est ille, qui deducitur de potentia in actū. sicut racemus, quem homo comedit, qui in est actu, qui fuit in potentia. Est alius actus, qui est opus potentia actiua & passiua, sicut calefacere & videre, &c. Actus primus est in arbore elementali vna pars realis non deductus de potentia in actum, sed tantummodo stat in ipsa per creationem, & per ipsum ita est arbor actualiter. sicut bonus, qui est bonus per bonitatem, & magnus per magnitudinem, & hic actus est generalis ad actus indiuiduorum elementatorum, qui substantialiter & accidentaliter veniunt de potentia in actum: sicut actus pomerij, in quo

quo est pomum in actu, & idem est de suo colore. Qui quidem actus pomerij ante fuit in potentia quam pomum in potentia vel actu in ipso pomerio.

De Prioritate. 36.

ARbor elementalis prima est per prioritatem ad arborem vegetalem & sensualem. Et hoc est quia prioritas est vna de partibus suis, per quam ipsa est arbor prima, vt per illam bonitas & magnitudo & cæteræ primæ naturæ se habent ad prioritates secundarias, quæ in arbore vegetali sunt & sensuali, & subiectum huius prioritatis est, in quantum bonitas est prima ad bonitatem magnitudinis, & magnitudo est prima ad magnitudinem bonitatis, & in quantum radices sunt primæ ad truncum, & truncus ad branchas, & branchæ ad ramos, & sic successiuè vsque ad fructum pomerij, in quo ponunt suas similitudines sustentatas in potentiis in quibus stat pomum potentialiter, & exeunt similitudines in actum tunc, quando pomum est generatum. Prioritates tamen arboris elementalis non stant successiuè secundum tempus, ita quod prius sint radices quam truncus, nec truncus quam branchæ, sed sunt primæ, in quantum truncus est ex ipsis, & truncus est primus ad branchas, in quantum branchæ sunt ex illo, sed hoc non est in arboribus particularibus, quia prius est potentia quam productum ex illa in actu, sicut pomum, quod prius fuit in potentia quam in actu.

De Secundarioritate. 37.

Secundarioritas est in arbore elementalī vna pars naturalis: ratione cuius radices se habent prius ad truncum quam ad branchas, & truncus se habet prius ad branchas quam ad ra-

mos. Tamen secundum modum finis & complementi prius se habent radices ad fructum quam ad truncum, & truncus ad fructum quam ab brachis. Et hoc est, quia finis nobilior est in fructu quam in trunco vel in brachis. Et hic ordo secundarioritatis, quæ est in arbore elementalī est causa ad secundarioritates indiuiduatas in indiuiduis elementatis sicut in pomerio in quo radices se habent prius ad truncum quam ad fructum per vnum modum & ad fructum quam ad truncum per alium, & in hoc sunt significatæ secundariæ intentiones & primæ, quæ stant in rebus elementatis.

De Tertioritate. 38.

Tertioritas est in arbore elementalī vna pars generalis ad tertioritates arborum indiuiduatarum, in quibus transeunt arbores in numerum tertium, per quam indiuidua stant sub speciebus, sicut ex forma & materia pomi numerus tertius resultat, qui est pomum de forma & materia compositum. Et idem est de elementis compositis, quæ transeunt in numerum tertium per compositionem, licet de elementis simplicibus existat, & idem est de suis accedentibus. Et tota virtus rerū particularium, & operatio quam habent, in tertio numero descendit ex tertioritate supra, quæ est pars arboris elementalī: per quam eius radices transeunt in numerum trunci, in quantum truncus est ex ipsis & in numerum corporis, illæ remanent in eorum prioritate & simplicitate.

De Augmentatione. 39.

In arbore elementalī augmentatio est naturaliter principium generale ad augmenta quæ stant in arboribus particularibus, ita quod augmentatio genera

generalis est species, sub qua multæ augmentationes existunt indiuiduatæ, sicut augmentatio, per quam crescit pomerium, auis & homo, & horum augmentationes descendunt à natura augmentationis supra, quæ incipit in radicibus arboris, elementalís quemadmodum bonitas quæ crescit in quantum similitudinem recipit à magnitudine, duratione & potestate, &c. quoniam maior est bonitas per hoc quod habet per seipsam, & per hoc quod habet per magnitudinem, durationem, potestatem, &c. quam per hoc quod habet per seipsam simpliciter. Crescit adhuc bonitas, in quantum dat similitudinem magnitudini, durationi, potestati, &c. Et hoc incrementum est incorruptibile, quod est simplex pars arboris elementalís, sicut bonitas, magnitudo, &c. & est principium simplex arboris elementalís, in quantum est ratio incrementi ad alias partes suas.

De Consumptione. 40.

IN arbore elementalí consumptio est proprietas & natura, per quam consumptiones inferius stant in indiuiduis elementalís, sicut consumptio pomi & clauí. Non tamen quod consumptio supra sit ratio arbori elementalí, quod sit consumptibilis, quoniam nulla pars generalis & simplex secundum cursum naturalem est consumptibilis, sed quod consumptio generalis est ratio ad partes compositas & speciales, & consumptio est eis ratio per contrarietatem finium minoritatis & imperfectionis.

De Dispositione. 41.

Dispositio est generalis & simplex pars arboris elementalís, in qua diffusæ sunt & seminatæ dispositiones naturalium inferius consistentium, sicut species capræ & leonis, quæ dispositæ

sunt ad essendum entia realia ratione dispositionis generalis in radicibus arboris sustentatæ & in trunco & cæteris suis partibus simplicibus, quoniam bonum est quod species sit ens reale & magnū est, & maior virtus & principium stat in suis indiuiduis. Ex hac dispositione generali descendunt dispositiones, quæ sunt inferius, sicut materia ferri, quæ disposita est quod ex illa fiat clauus, qui in potentia in illa stat cum adiutorio agentis artificialis. Et in hoc passu significatum est quod est differentia inter dispositionem & potentiam, quoniam materia ferri per seipsam est disposita; quod ex illa clauus fiat, & clauus in potentia esse non potest in materia sine fabro, qui ex illa ipsum trahat in actu.

De Proprietate. 42.

Proprietas stat in arbore elementalí una de partibus suis simplicibus, quæ est ratio agentibus naturalibus quod ipsa suis proprietatibus vtantur, sicut piperi, cui proprium est calefacere, & reubarbaro attrahere coleram, & magneti attrahere ferrum, & leoni cui proprium est leonem generare. Et omnes hæ proprietates descendunt à proprietate generali, sicut bonitates hic inferius consistentes quæ descendunt à bonitate supra, quæ est simplex pars arboris elementalís. Et per hanc proprietatem generalem proprium est bonitati bonificare, & magnitudini magnificare, & igni calefacere, & sic de cæteris partibus arboris elementalís. Est tamen alius modus proprietatis quæ est appropriata, sicut calor, qui est aëri appropriatus per ignem, & sicut bonitas quæ est appropriata magnitudini per simplicem bonitatem generalem & substantialem. Et per hanc naturam proprietatis appropriatæ sunt

E species

species appropriata, quod sint seminata & sustentata in arbore elementalitate ratione finis, ad quem se habet, & quod bonitas possit in illo esse magna & completa, & magnitudo bona in illa & completa, & sic de aliis, & in hoc passu significatum est realitatem esse specierum, unde speciei equi, asini, & sic de similibus. Ex hac proprietate appropriata ex generali descendunt istae proprietates appropriatae, quae sunt hic inferius in individuis elementatis, sicut in asina, cui proprium est asinum concipere, sed ratione equi de quo concipit, est ei appropriatum mulum concipere: & equo similiter est appropriatum in asina mulum generare. Et idem sequitur in plantis sicut in pommerio & persico in illo inferio, ex quibus nascitur pomum persicum.

De Proportione. 43.

Proportio est vna pars simplex arboris elementalitis, in qua naturae proportionum hic inferius existentium sunt seminatae, & illa est ex partibus magnis & parvis secundum dispositionem foliorum arboris elementalitis, sicut in assuetudine partium hominis in concordantia magnitudinis & paruitatis, maioritatis, & minoritatis, proportionatis quantitativis subiacentium. Ex hac proportionem descendunt pulchritudines hic inferius & alia placencia ad videndum. Et contrarium proportionis apparet in illo, qui habet grossum caput, & modicam staturam, & idem est in bestiis, quae non habent membra bene disposita & proportionata.

De Conditione. 44.

Conditio est vna pars simplex arboris elementalitis, per quam eius partes sunt conditionatae, sicut bonitas, quae sub ratione conditionis dat ma-

gnitudini suam similitudinem ut magnitudo det ei suam: quoniam si magnitudo non daret ei suam similitudinem, bonitas ei suam non daret, & sic de aliis causis primariis, quae omnes sunt ita conditionatae per conditionem, sicut sunt bonae per bonitatem. Et propter hoc sunt conditionatae sub tali conditione: quod sint causae primariae ad causas causatas, & quod continent in se reales species. Et ex conditionibus supra descendunt conditiones inferius naturales, quae sunt inter nos, quemadmodum si vnus homo alium diligit, ille qui diligitur, est conditionatus, quod diligit illum, per quem est dilectus: & si homo temperate comedit & sanas comestiones, est in ipso sanitas conditionata. Et ex his conditionibus naturalibus exeunt conditiones artificiales, quae sunt similitudines naturalium: quibus mercatores in emendo & vendendo vtuntur, & milites in praeliis, & communes personae in suis officiis, & sic de aliis rebus similibus istis.

De Intentione. 45.

Intentio est pars simplex arboris elementalitis, quae quidem intentio est illa naturalis, sicut radices arboris quae intentionem habent in dando sibi invicem suas similitudines ut ex illis sit truncus, & truncus qui habet intentionem ad producendum branchas ratione fructus, & ignis, qui intentionem habet calefaciendi aërem, quia appetitum habet ad magnitudinem & ad bonum agendum, & appetitum habet aquam destruendi intentione, scilicet quod concordantiam maiorem habeat cum terra suam similitudinem recipiendo, & calida, & sicca producendo. Ex his intentionibus supra existentibus descendunt inferius intentiones

tiones in indiuiduis elementatis sustentatæ, sicut intentio naturalis, per quam ferrum & aurum sunt in dispositione materiæ, & in potentia per agens artificiale, quod ipsum ducat de potentia ad actum. Ex his intentionibus naturalibus homines similitudines accipiunt, & exemplum in habendo intentiones accidentales & artificiales: sicut homo, qui de petra trahit ferrum intentione, scilicet quod possit facere securim, vomerem & ligonem, acum & cultellum, & qui domos facit propter habitare, & nauem propter lucrari, & sic de aliis rebus similibus istis. Est tamen quædam intentio prima & alia secunda. Prima intentio est per finem & complementum. Et alia est in medio, per quod principium transit ad finem. Intentio quæ est propter finem, est sicut habitare, & intentio quæ est in medio, & sicut camera, & sicut arbor, quæ est propter fructum, & fructus, qui est propter hominem, ut ex illo viuatur, & homo, qui est ut Deum cognoscat, amet, recolat, laudet, honoret & seruiat, & sic de aliis rebus similibus istis.

De Ordinatione. 46.

Ordinatio est forma, quæ est in arbore elementali ita fixa, sicut sunt stellæ non errantes in firmamento. Et est ita ratio arbori elementali, quod eius partes sunt ordinatæ, sicut bonitas illis est ratio quod sint bonæ, & magnitudo, quod sint magnæ. Et in hac ordinatione ita naturali & generali habituata sunt ordinationes inferius: sicut in pipere, in quo elementa gradata sunt ordinaliter, & sicut in pomerio, in quo ordinaliter fiunt transformationes de vna specie in aliam: in quo prius sunt branchæ quam rami, & flores quam fructus. Ex his ordinatio-

nibus naturalibus accipiunt homines similitudines in habendo mores ordinatos in viuendo.

De Operatione. 47.

In arbore elementali est operatio forma naturalis & generalis operationibus inferius existentibus in indiuiduis elementatis sustentatis & per ipsa motis, unde arbor elementalis sic se habet ad agere per operationem suam, quæ est vna de suis partibus simplicibus, sicut ignis se habet ad calefacere, & potentia ad suum obiectum. Et propter hoc indiuidua inferius se habent ad agere secundum naturam operationis supra existentis, quæ est ratio suis operationibus, sicut in pomerio: in quo est operatio de radicibus in trunco, & de trunco in branchis, & sic de aliis. Ex hac operatione naturali homines accipiunt exemplum in habendo operationes artificiales secundum artes mechanicas.

De Influentia. 48.

In arbore elementali est influentia forma generalis ad influentias corporum elementariorum. Et hæc influentis est generalis ratio influentiis radicum, in quibus est sustentata sicut bonitas, quæ suam similitudinem influit magnitudini, durationi, potestati, & aliis, & magnitudo, duratio, potestas, quæ influunt suas similitudines bonitati, & sic de trunco, qui influit suam similitudinem branchis, & vna branchia ad aliam, & sic de ramis, foliis, floribus & fructu. Quare hæc influentia generalis est causa influentiæ hic inferius, sicut in pomerio: in quo est influentia naturaliter facta ex vno in aliud: & gustare, cui est influxus sapor, & idem est de visu, cui influxus est color, & odoratiui odor, & sic de aliis rebus naturalibus.

De Reſluentia. 49.

IN arbore elementalī bonificatiuum influit bonificabili ſemetipſum, bonificabile reſluit bonificatiuo ſemetipſum, in quantum eſt diſpoſitum, quod ex ipſo bonificatiuo producatur bonificare, quod erit de influentia arborum. Et ex hac reſluentia, quæ generalis eſt in arbore elementalī, ſunt reſluentia inferiorius, ſicut in pipere, in quo ignis influit ſuum calorem aëri cum ſiccitate, & aër reſluit illum calorem igni cum ſiccitate, quam recipere non appetit. Ex hac reſluentia & aliis influentiis, & reſluentis naturalibus accipiunt homines ſimilitudines, ſicut illi, qui recipere nolunt aliqua, quæ dantur eis, aut illi qui reddunt malum pro malo, aut bonum pro bono, & ſic de aliis rebus ſimilibus iſtis. Et in hoc paſſu apparet reſolutio quæ rediit ad cauſas primas & naturas in arbore elementalī, non tamen in numero, in quo erant, ſed in numero de quo ſunt, cum ita ſit, quod ille numerus perdat in corruptione.

De Productione. 50.

PRODUCTIO in arbore elementalī eſt principium generale, ſicut productio, quæ eſt in bonitate & cæteris radicibus arboris, de qua productione tertius numerus reſultat, quemadmodum in bonitate, bonificare productum eſt ex bonificatiuo, & bonificabili, & magnificare ex magnificatiuo, & magnificabili, & ſic de cæteris; quare ex his productionibus producit truncus in numero tertio, & truncus producit branchas, quæ producunt ramos, & rami producunt folia & flores cum fructibus. Et ex his productionibus generalibus productæ ſunt productiones pomerij indiuiduati &

ſpecificati, & ſic de arboribus vegetatis & ſenſatis. Et in hoc paſſu apparet, quod arbor vegetalis, ſenſualis & imaginalis productæ ſunt ex elementalī ſecundum naturam productionis ſupra.

De Origine. 51.

ORIGO proprietas eſt & natura in arbore elementalī, ex qua oriuntur & deriuantur origines rerum inferiorius indiuiduatarum: quoniam ſicut in bonitate naſcitur bonificare ex bonificatiuo, & bonificabili, ita indiuidua inferiorius naſcuntur ex cauſis primariis, ſicut puer qui naſcitur ex patre & matre, per modum generationis in ſpecie hominis: & ſicut bonificare, quod naſcitur in ſpecie bonitatis, & idem eſt de videre, quod naſcitur ex viſitiuo & viſibili in ſpecie viſus, & ſic de aliis rebus ſimilibus iſtis. Et in hoc paſſu ſignificatur, quomodo particularia naſcuntur in ſuis vniuerſalibus, quæ entia realia eſſe oportet, quoniam ſi non eſſent, non haberent, in quo naſcerentur.

De Exitu. 52.

IN arbore elementalī bonificare exit de bonificatiuo, & bonificabili, & naſcitur in bonitate, & quia magnificatio bonitatem magnificat, exit in magnificare & in magnificabile, & in magnificatiuo, & magnificabili, quæ ſunt de eſſentia magnitudinis & e-conuerſo. Quare in hoc paſſu ſignificatum eſt, quod quædam partes exeunt in aliis & de aliis, & e-conuerſo, & quod truncus exit de radicibus & earum operationes in trunco, & hoc idem in branchis, quæ exeunt de trunco, & rami, qui exeunt de branchis, & folia, flores & fructus, qui exeunt de ramis. Vnde ex hoc exitu ſupra deſcendunt

scendunt exitus inferius sicut pomum quod exit de pomerio, & exit in specie pomerij, & propter hoc in illo remanet in potentia aliud pomum, & sic de similibus.

De Separabilitate. 53.

IN arbore elementalī diuisa est proprietas & natura, per quam in arboribus inferius quædam sunt diuisa ab aliis, in quantum quædam sunt de aliis, non tamen quod in arbore elementalī quædam partes sint diuisæ ab aliis, cum ita sit, quod ipsa sit confusa & in illa quælibet pars sit in alia, sed ratione diuisionis, quæ est vna de suis partibus simplicibus sunt inferius partes quædam de aliis diuisæ, sicut pomum, quod est diuisum à pomerio, quando homo illud colligit, aut quando cadit in terram, & sicut puer, qui est de matre sua diuisus, & sicut sanitas ab infirmo, & sic de aliis rebus naturalibus similibus.

De Inseparabilitate. 54.

IN arbore elementalī est inseparabilitas & forma generalis, ratione cuius partes arboris ab illa non separantur, nec aliqua suum numerum dimittit, sicut branchæ, quæ se non dimittunt de trunco ratione inseparabilitatis naturalis, & branchæ in ramis suum numerum non dimittunt. Quare simili modo est in rebus inferius inseparabilitas, sicut in pipere, in quo calor suum proprium subiectum non dimittit, quod est ignis simplex, à quo diuidi non potest ratione naturæ inseparabilitatis superioris, quæ est sua causa prima & sibi generalis, videlicet inseparabilitati caloris ignis simplicis in pipere, & sic de aliis rebus naturalibus similibus istis, sicut in homine, qui in vno tempore est pinguis, & in alio

tempore mater in quo suum humidum radicale non diuiditur ab eo, quamuis ita sit, quod suum humidum nutrimentale vadat & veniat. Et in hoc passu est significatum, quomodo indiuidua supra in suo numero remanent, quæ non perdunt per accidentia, quæ vadunt & veniunt, & quæ conseruantur per inseparabilitatem supra existentem.

De Possibilitate. 55.

Possibilitas est vna forma simplex arboris elementalī, & est vna brancha potestatis. Vnde sicut omnes partes arboris sunt bonæ per bonitatem, sic sunt possibiles ratione possibilitatis. Et ex hac possibilitate generali sunt istæ possibilitates inferius, sicut piper, quod potest esse, & equus & falco, & sicut vnum piper, quod potest esse ex alio, & vnus equus ex alio, & sic de aliis rebus naturalibus. Et in hoc passu est significatum, quod arbor vegetalis, sensualis & imaginālis possunt esse de elementalī, & quod species possunt esse entia realia, & totum hoc ratione possibilitatis supra vestitæ possituitate. Et ex hac possibilitate generali sunt possibilitates inferius, sicut piper cum magnitudine bonitatis, durationis, &c. instinctuum & appetituum naturalium, nec contrarietas contradicere potest, cum ita sit quod possibilitas sit maior per plures causas quam per vnā.

De impossibilitate. 56.

Impossibilitas est in arbore elementalī pars simpliciter, per quam est impossibilis, quod bonitas non sit, hoc quod est, & ita de magnitudine & cæteris. Et ex hac impossibilitate quæ est supra, sunt impossibilitates, quæ sunt inferius sicut piper, in quo impossibile

est quod frigiditas sit cum virtute maiori quam calor, cum calor in illo sit in quarto gradu, & frigiditas in primo. Et etiam contradictiones, quæ sunt inferius sunt per impossibilitates, quæ sunt supra, sicut esse hominem & non esse hominem, & esse bonum, & non esse bonum, quæ sunt contradictoria & impossibilia, & sic de aliis similibus istis.

De Similitudine. 57.

Similitudo est natura & proprietas, quæ est ratio in arbore elementalī, per quam quædam radices dant aliis suas similitudines, sicut bonitas, quæ induit magnitudinē ex seipsa, & magnitudo similiter. Et ideo magnitudo quæ est in bonitate sustentata accidentāliter similitudo est magnitudinis substantialis, & idem est de bonitate quæ est in magnitudine sustentata. Et in hoc passu similitudines inferius consistentes cognosci possunt, sicut species, quæ similitudinem habent in suis generibus, sicut homo & equus qui similitudinem habent in animali. Et hæc similitudo descendit de supra, sicut bonitas magnitudinis & magnitudo bonitatis, quæ similitudinem habent in duratione, & quælibet stat in ipsa. Est & alius modus similitudinis, sicut bonificatiuum, bonificabile & bonificare, quæ similitudinem habent in bonitate, quolibet existente bono sub bonitate, quæ est eorum species & essentia. Et ex his similitudinibus sunt indiuiduorum similitudines, quæ similitudinem habent in specie, sicut Petrus & Raymundus qui similitudinem habent in specie hominis.

De Dissimilitudine. 58.

IN arbore elementalī est dissimilitudo vna ex suis partibus simplicibus,

ex qua descendunt dissimilitudines inferius, sicut bonitas ignis, quæ est dissimilis bonitati aquæ, & bonitas ramī, bonitati folij. Quare inferius bonitas hominis est dissimilis bonitati asini, & hoc idem est de figura pomi, quæ dissimilis est figuræ rosæ, & figura clauī, figuræ martelli.

De Natura. 59.

Natura est primum principium in arbore elementalī ad naturas inferius, & per illam ita sunt radices arboris naturatæ, & omnes suæ partes, sicut sunt bonæ per bonitatem, & magnæ per magnitudinem. Quare hæc partes inferius sunt naturatæ per naturam supra eis generalem, & ipsa est ens reale, quia si non esset ens reale, naturæ inferius non haberent mediū naturale nec commune, in quo possent concordare, quæ concordant sicut masculus & femella, qui concordant in procreando filium, & gustatiuitas & gustabilitas in gustare, & sic de aliis rebus naturalibus.

De Corporalitate. 60.

Corporalitas est forma simplex, per quam bonitas, magnitudo, & aliæ radices arboris sunt causæ corporalis, per quam naturam habent, quod de illis sequitur corpus in trunco & in branchis, ramis, floribus & fructu. Et ex hac corporalitate supra sunt corpora inferius, sicut corpus pomi & hominis. Et quia in bonitate supra est bonificatiuum, bonificabile & bonificare, & in magnitudine, magnificatiuum, magnificabile & magnificare, & sic de aliis radicibus, quodlibet corpus inferius est de partibus corporalibus vnde de longitudine, amplitudine & profunditate, quæ sunt de sua essentia, & illa ex illo. Et istæ tres dimensiones retinent

inient ita corpus in corporalitate sicut faciunt bonificatium, bonificabile & bonificare bonum tenent in bonitate.

De Transmutatione. 61.

Transmutatio est vna de partibus arboris elementalibus, per quam sunt transmutationes inferius, sicut materia panis quæ per vegetationem est transmutata in materiam carnis, & calor ignis in calorem piperis. Et in hoc passu potest haberi cognitio, quomodo sit transmutatio inferius de vna re in pluribus, sicut materia ferri in figura ensis, & materia ensis in figura cullæ, & hæc transmutatio est de eodem ferro, & ita de aliis rebus. Hæ autem transmutationes inferius non essent sine transmutatione supra, quæ est de bonitate trunci, de bonitate branchiarum, & de bonitate ramorum.

De Luce. 62.

In arbore elementalibus est lux vna de suis partibus, & hoc est per differentiam, quæ declarat partes, & nascitur in branchis, sicut ignis & aer, qui habent lucem, quæ est color diuisus in lucem ignis & in diaphanitatem aeris: quæ est claritas, & ex hac luce descendunt luces inferius sustentatæ in suis indiuiduis coloratis & indutis luce & claritate. Et de hac materia locuti sumus magis largè in tabula generali.

De Umbra. 63.

Vmbra est vna de partibus arboris elementalibus, & est de confusione: quæ in vmbis aquæ & terræ apparent, & est in aqua de albo colore & in terra de nigro, tamen umbra maxime est propter spissitudinem materię aquæ & terræ, quæ impedit lucem & claritatem cum restrictione aquæ &

cum nigredine terræ, & non tantum cum albedine aquæ clarificatæ per participationem aeris cum nigredine terræ, quæ ei dat suam similitudinem. Per istam vmbra supra sunt inferius istæ vmbæ, sicut umbra pomerij, parietis & hominis, & sic de aliis corporibus elementatis.

De Linea. 64.

Linea est pars in arbore elementalibus, per quam sunt partes simplices arboris in lineis, sicut bonificatium, quod est vna linea & bonificabilis alia, & magnificatium vna linea, & magnificabile alia: & idem est de branchis, quoniam ignis simplex stat sub vna linea extensa in simplicitate, & linea aeris in alia, & idem est de aqua & terra: quare hæ lineæ supra generales sunt istis lineis inferius sustentatis in arbore vegetali & in sensuali, sicut corpus pomerij quod est ex multis lineis, & sic de corpore hominis.

De Punctualitate. 65.

Punctualitas est vna pars simplex in arbore elementalibus, quæ exit de pluribus lineis, sicut bonificare, quod est vnus punctus qui est in medio bonificabili & bonificabilis, sicut centrum, quod est in medio circuli, & hoc idem de magnificare & cæteris. Et ex ista punctualitate supra descendunt puncta inferius in indiuiduis elementatis, quæ sunt actus pomorum, sicut gustare, quod est centrum gustatiui & gustabilis, & quoniam exit de ambobus, quæ sunt lineæ, cum vegetare componit lineam. Et in hoc passu cognitio haberi potest, quomodo puncta exeunt à lineis, & quomodo lineæ sunt compositæ ex punctis, & quomodo corpus est actus coniunctorum punctotum & linearum.

De Superficie. 66.

Superficies est in arbore elementalis vna pars simplex, cum qua differentia diuersificat partes arboris in dispositione, quomodo quælibet sit disposita inferius in indiuiduis elementatis ad habendum superficiem. Et superficies incipit in concretis bonitatis quæ est in arbore elementali, & sic de concretis magnitudinis & aliarum, in quibus est confusè ratione confusio- nis arboris elementalis. Et quia quædam partes sunt in aliis superficies tamen stat in sua realitate, numero & natura, sicut argentum in denario, qui est de ipso & de cupro. Et ex hac superficie supra descendunt omnes superficies, quæ sunt inferius, in quibus sunt corpora elementata terminata, quæ induta sunt ex illa, sicut pomum, clauus & cætera his similia, quæ sunt corpora contenta intra superficiem.

De Figura. 67.

Figura est vna pars arboris elementalis, quæ est generalis ad figuras inferius, & est ex circulo, triangulo & quadrangulo: ex circulo, sicut similitudines, quæ sunt in partibus arboris circulariter: ex triangulo, sicut ex bonificatiuo, bonificabili & bonificare: ex quadrangulo, sicut ex 4 brâchis arboris. Et ex istis figuris supra descendunt figure, quæ sunt inferius, sicut in pipere, in quo est figura circularis, & in naso triangularis, & in palma hominis quadrangularis. Et ex hac figura, quæ est inferius figurata sunt opera artificialia ad similitudinem figurarum naturalium, sicut figura clauis, cultelli & martelli.

De Rectitudine. 68.

Rectitudo est vna pars simplex in arbore elementali, quæ generalis est cæteris rectitudinibus inferius: quæ sunt sex, vnde altitudo, infimitas, ante, retro, dextrum & sinistrum. Et hæc sex rectitudines sunt in dispositione rectitudinis supra existentis confusæ & generalis. Sed agens naturale trahit suas species de potentia in actu in elementatis, sicut in corpore hominis, quod habet sex rectitudines, quas diximus secundum semetipsum, & non secundum corpus, in quo est contentum, sicut corpus hominis cum existit ipse in aëre, qui aër confusus est, propter quod in se non habet sex rectitudines, sed homo ipsas habet in illo idcirco cum homo se vertit, vel de locis infimis ascendit ad loca alta, se mutant rectitudines. Adhuc per rectitudinem quæ est supra, quædam corpora inferius existentia sunt in recta linea, & aliqua in obliqua siue tortuosa: in recta, sicut dactylus, in linea tortuosa, sicut in ficulnea. Et hæc rectitudo, tortuositas, siue obliquitas sunt in ratione specierum, quæ sunt sub figura quam diximus, vnde sub figura circulari, triangulari & quadrangulari.

De Masculinitate. 69.

Masculinitas est in arbore elementali pars generalis ad alias masculinitates inferius, sicut ad masculinitatem dactyli & hominis. Et hæc masculinitates descendunt de masculinitate, quæ est supra, quæ est per bonificatiuitatem, magnificatiuitatē, &c. Et in hoc passu potest cognosci: per quam naturam masculi sunt magis fortes & magis nobiles quam femellæ, & quare homo dicitur esse persona communis, & femina non dicitur esse persona communis in iudicio.

De Fæmincitate. 70.

Fœmineitas est pars simplex in arbore elementalī, & est de bonificabili, magnificabili & cæteris partibus passiuīs. Et ex hac fœmineitate descendunt fœmineitates inferius, sicut fœmineitas dactili, & fœminæ, & gallinæ, & sic de aliis fœmellis indiuiduatis. Et quia sunt ex passione, plus digestibiles sunt & consummabiles quam masculi indiuiduati, sicut gallina, quæ magis digestibilis est quam gallus, & in specie porri, in quam porrum fœmineum magis digestibilis est quam porrum masculinum, & idem est in specie coctani, & sic de aliis.

De Membrositate. 71.

M Embrositas in arbore elemen-
tali est vna ex suis formis sim-
plicibus naturalibus, quam suis ramis
comparauimus sicut sunt suæ quatuor
massæ, quas diximus, quæ sunt 4. mēbra
maiora naturalia, ex quorum mem-
brositate membra naturalia elementa-
ta inferius descendunt, sicut in pome-
rio rami, & in homine viscera, caput,
brachia, & tibiæ, & sic de aliis rebus
similibus istis.

De Instrumentalitate. 72.

Instrumentalitas est illa forma in arbore elementalī, ex qua hæc instrumenta inferius descendunt: quæ sunt in rebus naturalibus. Et ista instrumentalitas in arbore elementalī consistit maximè in floribus, quia cum flore sit fructus, & idè in pometiō sunt flores, quæ sunt instrumenta ad poma, & in homine sunt oculi, qui sunt ad videndum, & lingua, quæ est instrumentum ad loquendum, & manus, quæ instrumenta sunt ad operandum, & pedes, qui sunt instrumenta

ad eundem. Et ex his instrumentis naturalibus accipiunt homines similitudines in instrumentis artificialibus, sicut symphonia, quæ instrumentum est ad cantandum, & cultellus ad scindendum, & equus ad currendum, & naus ad lucrandum, & sic de aliis rebus his similibus.

De Nutriménto. 73.

In arbore elementalī est vna poma,
quæ est nutritiua sicut in radicibus,
ex quibus nutritur fructus. Et ex hac
poma nutritiua descendunt potentiæ
istæ nutritiue, quæ inferius consistunt,
sicut in pomerio, quod nutritur de ter-
ra, pluuia, aëre & de calore solis, & si-
cut scœmina, quæ puerum nutrit cum
suo lacte. Et ex his nutrimentis natu-
ralibus accipiunt homines similitudi-
nes in suis moribus, sicut sapientes,
qui nutriunt pueros ad sanitatem &
bonos mores, & ad habitus scientiarū.

De Imprefione. 74.

IN arbore elementalī est vna forma impressiua, natura cuius corpora cælestia suas similitudines imprimunt in arbore elementalī. Et ex his primis impressionibus descendunt impressiones, quæ sunt inferius, sicut impressio arborum vegetalis, sensualis & imaginālis, quæ sunt impressæ, in quibus apparent figuræ arboris elementalī, quæ videri non potest neque tangi. Et ex his impressionibus naturalibus homines accipiunt similitudines per quas cognoscuntur, sicut illi qui faciunt signa in scutis & in suis sigillis, & Rex in suo vexillo, & sic de aliis rebus his similibus, & sic impressio conceptionis interioris manifestatur in voce impressa in illa per loquutionem, quæ est impressio interioris conceptionis, & idem est de videre: quod est impressio videntis & visibilis.

De Insertione. 75.

INSERTIO est forma simpliciter in arbore elementalī, natura cuius sunt inferius quādam substantiæ insertæ in aliis, & insertio quæ est supra, est sicut aër, qui insertus est in igne, ut calorem ignis attrahat ad suam humiditatem, & aqua, quæ inserta est in aëre, ut suam humiditatem trahat ad suam frigiditatem, & idem est de terra inserta in aqua, ut frigiditatem suam trahat ad siccitatem suam, & idem est de igne in terra inserto, ut suam siccitatem ad suum calorem trahat. Et in hoc passu cognosci potest, quomodo formæ quæ sunt supra attrahuntur inferius, sicut formæ quæ sunt inferius, attrahuntur supra, ut naturaliter fiat mixtio ex elementis. Alius modus insertionis est supra, sicut potentia vegetatiua, quæ est inserta in elementatiua, ut ad se attrahat elementare: & sicut potentia sensitiua, quæ est inserta in potentia elementatiua & vegetatiua, ut ad suum sentire trahat elementare & vegetare, & sic de imaginatiua. Et hæc insertio est necessaria supra ratione finis bonitatis, magnitudinis, durationis, potestatis instinctuum & appetituum naturalium, & sic de aliis partibus arboris, qui finis esse non posset, si insertio diuersarum potentialium non esset vna de formis simplicibus arboris elementalis. Est ergo insertio supra prima causa & generalis ad insertiones: quæ sunt inferius, sicut in pipere in quo inserta est vna qualitas in alia, & in oleastro olea, & in mulo species equi & asini, & in homine sua vegetatiua in sua elementatiua, & sua sensitiua in sua vegetatiua, & sua imaginatiua in sua sensitiua, & sua rationatiua in sua imaginatiua. Vnde sicut olea materiam oleastri ad suam trahit naturam, sic in anima-

libus formæ superiores ad suas species trahunt formas inferiores.

De Perseitate. 76.

PERSEITAS est vna forma simplex quæ in arbore elementalī consistit. Perseitas est id ratione cuius entia substantialia per se stant hoc quod sunt, sicut in arbore elementalī bonitas stat per seipsam hoc quod est. Et hoc idem est de suis concretis essentialibus, & idem est de trunco & cæteris partibus arboris substantialibus. Et ex hac perseitate supra descendunt perseitates, quæ sunt inferius, sicut substantia pomerij, quæ stat per seipsam hoc quod est, & substantia leonis similiter, & sic de aliis perseitatibus naturalibus. Deus tamen ad eorum existere tanquam causa primaria iuuat, qui suum effectum stare facit hoc quod est. Et adhuc iuuant ad perseitates, quæ sunt inferius, influentiæ corporum celestium.

De Individuitate. 77.

INDIVIDUITAS in arbore elementalī est forma simplex & prima ad individua inferius, per quam individua elementata sunt indiuiduata. Et sunt ita indiuiduata sub ratione indiuiduitatis supra, sicut sunt bona sub ratione bonitatis supra, & magna per magnitudinem supra, & sic de cæteris. Individuitas supra est ratio trunco, quod sit indiuiduum vnum, in quantum species est, & qualibet de branchis similiter. Et quodlibet indiuiduorum supra est suamet species, sicut sol, qui est suamet species supra, in quantum non stat alius sol. Secundum, ratione huius sunt individua arboris elementalis generalia ad individua inferiora per agentia naturalia indiuiduata, sicut pomum est indiuiduatum per generationem

nerationem formæ & materiæ pomerij, & filius qui est indiuiduatus per generationem viri & mulieris. Et sic de aliis rebus naturalibus his similibus.

De Attractione. 78.

Atractionis est vna forma simplex in arbore elementalī, & est prima ad attractiones, quæ sunt inferius. Et est supra in quantum bonitas ad se attrahit magnitudinem, vt sit magna, & ignis terram, vt sit siccus. Conciliatio fit hinc inferius, sicut radices pomerij qui trahunt ad se membra arboris elementalī, & truncus qui trahit ad se hoc quod radices inde accipiunt, & branchæ, quæ attrahunt ad se hoc quod truncus accipit ex radicibus, & sic successiue de vna attractione ad aliam vsque ad fructum qui est pomum. Est & alia attractio, sicut homo, qui trahit à pomo odorem & saporem. Est alia attractio sicut est attractio grani pomi in terra seminati, de quo instinctus naturales, & appetitus arboris superioris & arboris inferioris attrahunt in actum arborem, quæ est in potentia in grano per viam generationis. Est alia attractio, sicut olea quæ ad suam speciem trahit vegetationem oleastri in quo est inserta, & sicut vegetatio leonis quæ attrahit vegetationem bouis aut asini, quem comedit. Et idem est de attractione sensitiuæ, quæ ad suum sentire trahit virtutem vegetatiuæ, & potentia visiva quæ ad suum videre visibilitatem trahit sui obiecti & instrumentum opus. Et sic de aliis rebus his similibus.

De Necessitate. 79.

In arbore elementalī necessitas est vna de suis partibus simplicibus, ratione cuius sunt bonitati sua con-

creta necessaria, vt in ipsis sit substantialiter sustentata. Et quodlibet concretum alij est necessarium. Et idem est de trunco, cui suæ radices sunt necessariae, & sic de igne, cui est necessarium siccitatem de terra recipere, vt cum illa aërem possit mortificare, vt calorem suum recipiat, & vt per illum transire possit ad calefaciendum aquā. Et est adhuc alia necessitas in arbore elementalī, quæ est secundum antecedens & consequens rerum naturalium, sicut si est corpus, oportet quod sit amplum, longum & profundum, & econuerso. Et ex his necessitatibus supra sunt necessitates inferius, quemadmodum in pomerio cui necessariae sunt radices, vt cum illis possit vitam à terra recipere. & sic de cæteris elementis. Et hoc idem est de necessitate solis & cæterorum corporum cælestium. Et sic est de homine, cui est necessarium gustare & sentire, & adhuc si est homo, oportet quod sit animal. Et ex his necessitatibus naturalibus accipiunt homines similitudines, sicut homo qui facit cameram propter necessitatem in ea habitandi, & tunicam, vt frigus non habeat, & sic de aliis rebus artificialibus, quæ sunt necessariae ad conseruandum necessitates naturales.

De Contingentia. 80.

Contingentia est in arbore elementalī secundum impressiones corporum cælestium, quas contrarietas (quæ est vna pars arboris elementalī) deuiat à fine contra concordantiam corporum cælestium & arboris elementalī. Et ex hac contingentia descendunt contingentia, quæ sunt inferius, quæ veniunt cum contrarietate quæ deuiat fines in indiuiduatis contra eorum concordantiam, & concordantiam quæ est supra, sicut à ca-

su, in quo venit gelu quod comburit amigdala, quando sunt in flore, & à calu nascuntur homines contracti, & sic de aliis contingentis naturalibus, & ex his naturalibus contingentis accipiunt homines similitudines quas fortunas vocant, sicut quidam, qui fortunati sunt ad diuitias & honores & alij ad contrarium, & sicut vnus equus, qui habet bonum dominum & alius malum, & vnus homo qui perdit vnum denarium, & alter illum inuenit. Et sic de rebus his consimilibus, quare fortuna realiter non est aliquid in formis artificialibus, sed tantum in opinione hominum & intentione, sicut forma fantastica, quam humanus intellectus attingit & de obiectis realibus multiplicat.

De Perfectione. 81.

Perfectio est in arbore elementalī, ratione cuius completa est ad recipiendum impressiones corporum supra cœlestium, & etiam est id ratione cuius completa est in suis partibus, sicut in sua bonitate, quæ completa est in partibus suis, hoc est in suis concretis essentialibus, & ita de aliis suis partibus. Est etiam arbor elementalī completa, in quantum disposita est, quod ex illa perfectiones quæ sunt inferius recipiant cōplementum. Quæ quidem perfectiones sunt ex illa, quæ est suprā, velut pomerium & pomum, quæ sunt completa, & sic de animalibus. Et ex his perfectionibus naturalibus homines accipiunt similitudines in hoc quod volunt compleri esse per diuitias, mores, & habitus scientiarum.

De Imperfectione. 82.

IN arbore elementalī est imperfectio vna de suis partibus, per quam quædam partes nequeunt esse com-

pletæ in aliis, velut ignis qui completus esse nequit in calefaciendo aërem, nisi siccitatem à terra recipiat, quoniam si siccitatem à terra non reciperet, semetipsum vacuaret sua simplici entitate: numerus cuius perderetur in compositione, in qua cum aëre intrat. Et sic de flore, qui in se completus non est, in quantum est propter fructum, & non propter se. Et ex hac imperfectione quæ est suprā, descendunt imperfectiones inferius, velut pomerium, in quo est imperfectio, in quantum non potest sustentationem habere absque beneficiis, quæ recipit ab extra, & idem de homine qui est imperfectus per vitia accidentaliter & naturaliter, in quantum se sustinere nequit absque comestione, & etiam completus non est in embione secundum ætatem, & sic de aliis rebus his similibus.

De Vita. 83.

IN arbore elementalī est vita vna de suis simplicibus partibus, ex qua vitam accipiunt istæ vitæ quæ inferius sunt corporales, sicut vegetatiua, quæ viuit per vegetare, & sensitiua per sentire, & vita (quæ est suprā) est confusa & seminata in arbore elementalī, quæ disposita est, quod ex illa exeat ista vita, quæ est inferius in indiuiduis elementalīs, sicut ferrum quod dispositū est quod ex illo clauus fiat, qui in ipso non stat in potentia sine fabri iuuamine. Et propter hoc Deus benedictus sit, ipse attrahit de dispositione elementalī vitam vegetalem & sensualem, sicut inde attraxit primum pomerium, & primum leonem, & primam sardinam, & primum lumen, & primum hominem, & primum falconem.

De Colore. 84.

IN arbore elementali est color vna de suis partibus simplicibus in ipsa seminatus & confusus, idcirco per videre non sentitur. Et est generalis aliis coloribus, qui inferius consistunt, sicut color pomi & hominis, etiam ad colores quatuor massarum quæ rami sunt & membra arboris elementalis, & per illum & ex illo stat visibilitas in potentia cum iuuamine visitiuitatis, vt videre esse valeat in animalibus, quibus est necessarium secundum necessitatem vitæ.

De Sono. 85.

SONUS seminatus est in arbore elementali, in quo generalis est ad sonos, qui sunt inferius, & clamores siue tumultus. Et eius subiecta sunt in obuiationibus brancharum, quæ sunt suprâ, & qui est confusus. Et ex illo descendit inferius sonus sentitus per auditum, qui est generale instrumentum ad voces & sonos, & qui dispositus est in sono suprâ, & deductus de potentia in actum per motus corporum inferius consistentium, sicut per tonitruum in aëre motum per obuiationes ventorum contrariorum, & per sonum venti in foliis, & per vocem motam per linguam.

De Odore. 86.

ODOR in arbore elementali dispositus est, & est deductus in potentia inferius per odorantes vapores qui exeunt ab elementaris, sicut odor qui de pomo & rosa exit, qui sentitur in participatione cerebri & nasi animalis, vt placitum habeat in odorando odores, quæ suæ conueniunt complexioni, & ad euitandum illos qui sibi contrariantur.

De Sapore. 87.

SAPOR est in arbore elementali seminatus & diffusus, cuius subiecta sunt appetitus naturales qui spectant ad gustum qui seminarus est in arbore elementali ita confusus sicut sapor. Et sapor & gustus in illo dispositi sunt in potentia per agentia naturalia, quæ ipsos in actum deducunt tunc cum animal comedit & bibit, aut in habitu quando est generatus, sicut homo qui in habitu habet gustare sapes, quamuis non comedat vel bibat.

De Sensu. 88.

SENSUS seminatus est in arbore elementali qui dispositus est ratione sensitivæ insertæ in elementatiua & vegetatiua, quod ex illo agens naturale animatum in actu deducat per sentire calorem aut frigiditatem, famem & sitim & tactum, & sic de aliis rebus his similibus, quæ adueniunt secundum opera agentium naturalium animatorum. Et per sentire quod est tactus, sunt appetitus naturales in placitis & delectationibus animalium masculorum & fœminarum vt inclinationem habeant ad conseruandum species suas.

De Conceptione. 89.

CONCEPTIO in arbore elementali est vna de suis partibus simplicibus, ex qua descendunt istæ conceptiones, quæ sunt inferius sicut conceptio quam fœmina ab homine accipit, vt filium habeat, & sicut homo qui in mente sua concepit hoc quod imaginatur, & illud extra manifestat cum lingua, & de hac conceptione loqui intendimus magis longè in arbore sensuali, sunt ergo istæ conceptiones (quæ sunt inferius) ex conceptione

quæ est supra, sicut arbor elementalis quæ influentias concipit corporum cælestium, sicut ignis qui concipit iuamen quod sol sibi influit in calefaciendo & suum calorem multiplicando, & aër qui calorem concipit igne, & flores arboris, qui concipiunt suum fructum, & etiam natura elementalis, quæ concipit finem naturæ arboris vegetalis & sensualis.

De Dormitione. 90.

IN arbore elementali truncus est de radicibus, & branchæ sunt ex trunco, & rami ex branchis, & folia, & flores de ramis, & fructus est de floribus, & quia quædam sunt ex aliis, est in illa natura, & proprietas dormitionis quæ est ex præparatione & dispositione, quam forma facit ex materia in istis inferioribus: inquantum ipsam præparat & disponit ad operationem: vnde interim dum ipsam disponit & præparat, est in indiuiduis sensatis impressio dormitionis, sicut in planta, in qua in hyeme non sunt folia, flores, neque fructus, & hoc est ratione terræ restrictæ in suis poris per aquam: vt calor naturalis disponat & digerat materiam ad radices, sicut in primo tempore veris, in quo fit renouatio foliorum, florum & fructuum, & talis natura dicta est dormitio plantæ in hyeme. Et quia sensitiua inferra est in vegetatiua, & vegetatiua in elemèntatiua: dormitio est in sensitiua vt præparatio fiat & digestio, & vt possit esse renouatio ex transmutatione cibarium in carnem & sanguinem. Et hæc præparatio maximè efficitur in nocte ratione dormitionis animalis quod dormit propter vapores clausos qui ascendere non possunt ad fantasiam, quæ est subiectum vigilationis, quæ est in die maximè.

De Vigilatione. 91.

Vigilatio causatur à caliditate & siccitate. Et est impressio supra in arbore elementali, in qua est præparatio naturalis, & prima quod forma quæ est inferius agat de materia, ex qua facta est dispositio & præparatio, aliter per dormitionem. Et imò successiuè vigilant in vere plantæ, quæ sunt inferius vsque ad æstatem, in qua fructus colligitur. Et ex hac tali vigilatione vegetali transit vigilatio ad sensuale in animali quod in se continet naturam vegetalem, & quod vigilat ratione pororum qui aperti sunt, & fantasia species colligit imaginatas, per quas sensus inclinationem habent ad obiecta realia, sicut homo qui aliquod placitum visibilitatis imaginatur, & se mouet ad obiectum, vt ipsum videre possit.

De Somnio. 91.

Somnium est medium quod est inter vigilationem & dormitionem confusum, sicut tempus autumnale quod est confusum inter materiam vigilationis & dormitionis. Et propter hoc homines melancholici somniant plusquam alij naturaliter. Et natura somnij primò accipitur in primis principiis superioribus: quæ est inter dispositionem & præparationem, vt quædam causæ sint de aliis. Et secundum illam, naturâ supra est impressio, quæ est inferius somniandi, & maximè in hominibus qui vtuntur plus speciebus fantasticis quàm irrationalia, & hoc est ratione animæ rationalis: quæ requirit maiores operationes quàm irrationalia, & propter hoc somniant homines tribus modis. Vnus modus est secundum impressiones supra, de qua dictum est, & hoc est secundum conditiones

conditiones & complexiones : quæ veniunt ex vegetatiua & sensitiua. Alius modus est secundum dispositionem rationatiuę: quæ requirit illas species in dormitione: quas habuit in vigilatione: vt possit vti, recollere, intelligere & amare in illis rebus: quæ desiderat aut odit. Alius modus est per reuelationem Dei, & per bonos angelos in his quæ ventura sunt, aut per dæmonem: qui dum homo dormit, præparat animæ aliquas species dispositas ad peccandum: vt homo post dormitionem peccare possit.

De Gaudio 93.

IN arbore elementali sunt appetitus naturales, sicut bonitas quæ habet appetitum, vt sit magna, & vt magnitudo sit bona per ipsam, & sicut ignis: qui appetitum habet ad calefaciendum aërem: & ad recipiendum siccitatem à terra, & sic de aliis. Et in tali natura descendit inferius in animalibus impressio gaudij, tunc cum attingunt hoc quod desiderant, velut homo qui habet famem, & gaudet cum possit comedere, aut cum videt hoc quod desiderat, & sicut equus, qui placitum habet in comedendo, aut in quiescendo, & sic de aliis his similibus. Et adhuc secundum instinctus naturales & appetitus sunt naturæ placitorum in plantis, secundum quod veniunt ad complementum suorum appetituum naturalium, sicut pomerium quod delectationem habet (si tamen delectatio dici possit: quoniam ita loqui nos oportet: quia defectum vocabuli habemus) in quantum conseruat cum suis foliis fructum contra magnum calorem solis, aut contra magnam frigiditatem venti.

De Ira. 94.

IN arbore elementalī est principium, medium & finis: principium est sicut bonificatiuum, finis est sicut bonificabile, vel bonificatum: medium etiam est sicut bonificare, & sic de aliis. Et quia in arbore elementalī est contrarietas: ipsa impedit principia cōtra cōcordantiam: ne transeant per medium ad finem quem desiderant, sicut in igne, in quo siccitas impedit ignem quod non det calorem aëri. Et ex hac natura quæ est supra per contrarietate, inclinationem habent inferius vegetata ad similitudinem iræ. Et hoc apparet in minori planta quæ stat prope aliam plantam maiorem: quæ non est de sua specie quæ se elongat ab umbra ipsius; quamcumque potest vt calorem solis recipere possit, & propter hoc nutritur eius truncus tortuosus: & idem est in animalibus, in quibus est impressio iræ naturaliter ratione impressionis, quæ est supra, sic gallina, quæ habet iram, quando miluus pullum suum comedit, & idem est de homine infirmo, qui est iratus, quia non est sanus, aut quia ad finem ducere non potest, hoc quod desiderat: & propter hoc, homines qui sunt melancholici, magis sunt irasci quam alij: & hoc est propter siccitatem & frigiditatem, in quibus contrarietas plus impedit concordantiam appetituum naturalium, quam propter humiditatem & siccitatem.

De Sanitate. 95.

IN arbore elementalī sanitas quæ est inferius disposita est per ordinationem supra, quæ est de concordantia per totam arborem extensa, sicut in planta, quæ sanitatem habet dispositam

tam ad animal, quod ipsam comedit, & adhuc sicut in animali in quo est sanitas ratione concordantiæ, quæ est ex impressione & coniunctione elementatione vegetatiuæ & sensitiuæ. Et hæc concordantia est secundum quod species quædam sunt magis concordantes cum aliis quam aliæ, sicut hordeū quod plus concordat cum equo quam frumentum, & frumentum melius cum homine, quam cum equo, & sic de cæteris rebus naturalibus his similibus.

De Infirmitate. 96.

Secundum quod de sanitate dictum est: de infirmitate per contrarium dici potest, quoniam suprà in arbore elementalī sit dispositio & ordinatio, quod quædam indiuidua, specierum sint contra alia indiuidua, quæ sunt ex aliis speciebus, & hoc per multum: remotam concordantiam specierum sicut serpens, qui per venenum naturæ hominis contrariatur, & idem est de realgare & aliis herbis medicinalibus, quæ per violentiam humores consumunt. Est etiam infirmitas, quæ est de extremitatibus medijs contra temperantiam quæ est in medio. Est etiam infirmitas per corruptionem & contrarietatem, quæ sunt contra generationem & concordantiam. Et idem est de infirmitate quæ est per tristitiam & timorem vel iram, quæ sunt impressiones motæ ex primis principiis, sicut melancholicus, qui tristis est per melancholiam, per quam infirmus est, quoniam tristitia beneficia impedit, quæ vegetatiua & sensitiua à rationatiua recipiunt.

De Industria. 97.

In arbore elementalī significatur Industria generalis secundum in-

stinctus & appetitus naturales & secundum folia arboris, quæ sunt ad conseruandum substantiam & fructum: Quæ quidem industriæ est causa ad industrias inferiores, sicut in foliis pomerij, quæ per instinctus naturales sunt ad conseruandum substantiam, flores & fructus contra magnum calorem, & industria quam habet leo in venando, & auis in faciendo suum nidum, & aranea in faciendo suam telam, & sic de cæteris industriis, quæ pertinent ad irrationalia, quæ ex industria suprà descendant secundum cursum naturalem, & ex hac industria quam irrationalia habent in viuendo, accipiunt homines similitudinem in quantum in se continent naturam elementalem, vegetalem, sensualem & imaginalem accipiendo industriam in viuendo.

De Substantia. 98.

Substantia est in arbore elementalī generalis ad substantias inferius, & est ex partibus substantialibus arboris, & ex subiacentibus earum existentibus quibusdam sub aliis, sicut bonitas quæ est sub magnitudine, in quantum ab ea habitum suscipit & in quantum est sub foliis quæ in illa susciuntur. Consimili modo est in arbore vegetali, quæ est vna substantia ex pluribus partibus substantialibus existentibus sub pluribus partibus accidentalibus sicut rami qui sunt sub foliis: Et hoc idem de arbore sensuali.

De Essentia. 99.

In arbore elementalī consideramus Essentiam ens generale ad alias essentias inferius, quæ quidem essentia stat suprà substantiam, sicut essentia arboris quæ est elementatio quæ est suprà elementatū quod est substantia, & bonitas arboris

arboris quæ est essentia boni est in arbore. Et idem est de magnitudine & cæteris formis abstractis, & primariis ad omnes indiuiduorum inferius, sicut bonitas ignis quæ est supra bonitatem piperis, & bonitas pomerij quæ est supra bonitatem pomerij & pomi in quantum est bonum, & sic de arbore sensuali. Et in his omnibus est substantia sub essentia, in quantum essentia est sustentata in suo bonificatio, bonificabili & bonificare, quæ sunt eius partes substantiales, & in quantum sunt partes essentielles bonitatis, quæ est essentia, conuertuntur essentia & substantia, sed in quantum est differentia inter partes substantiales & accidentales, est differentia inter substantiam & essentiam, sicut humanitas, quæ est essentia hominis & substantia quæ est homo ex partibus substantialibus & accidentalibus cõpositus.

De ente. 100.

IN arbore elementalì ens est genus multum generale in tantum quod supra ipsum non est aliquod genus secundum corporales entitates, quæ sunt sub luna. Et ex hoc ente quod est supra descendunt omnia entia, quæ sunt inferius elementaria substantia & accidentalia, sicut entitas pomerij, quæ ex entitate supra descendit. Et ex isto ente generali (quod est supra) & ex isto ente (quod est inferius) cognitio haberi potest secundum istas centum formas (de quibus supradictum est) quæ sunt causæ & formæ primariæ ad formas & causas, quæ sunt inferius. Et adhuc de illo haberi potest cognitio secundum ea quæ de arbore elementalì prædiximus, & secundum ea quæ in arbore vegetali, sensuali & imaginali dicere proponimus, in quo imaginali imaginatio imaginatur vnum aliud ens intentionale, quod est similitudo huius

entis realis de quo dictum est, sicut capra quæ lupum imaginatur, & eius conditiones ei contrarias per instinctus naturales. Dictum est de centum formis primariis ad has formas inferiores naturales, quarum secreta per ea, quæ prædiximus de illis formis primariis cognoscuntur, sicut speciale, quæ cognoscitur per cognitionem quæ de generali habetur. Voluit Raymundus transire ad tractandum de arbore vegetali: sed dixit monachus, quod in aliquibus quæ dicta sunt in arbore elementalì dubitauit, & propter hoc voluit ei facere quæstiones. Veruntamen dixit Raymundus quod in arbore quæstionali ipsas faceret, & adhuc si in aliis arboribus in aliquo dubitaret, quoniam in illo loco quæstionem & responsionem esse oportet secundum ordinationem istius libri.

DE ARBORE VEGETALI.



Arbor vegetalis in 7. partes dividitur sicut alie arbores, scilicet in radices, truncum, branchas, ramos, folia, flores & fructus.

Radices sunt principia generalia: quæ sunt duplicia: in quantum sunt de natura elementalì, & de natura vegetali.

Truncus est duplex, scilicet de natura elementalì: & de natura vegetali.

Brancha sunt quatuor potentia naturales, videlicet appetitiua, retentiva, digestiua, & expulsiua, & sunt duplices similiter, de duabus naturis.

Rami simili modo sũt duplices, & sũt generatio, corruptio, priuatio, & renouatio, &c.

Folia etiã sunt duplicia: secundũ elationẽ, & vegetationẽ, & sũt visibilia & inuisibilia

Flores etiã sunt duplices, visibiles & inuisibiles: de natura elementalì, & de natura vegetali.

Fructus similiter sunt duplices, visibiles secundum naturam elementalem: inuisibiles secundum naturam vegetalem.



De Arbore vegetali.

Hæc arbor in septem partes diuiditur, scilicet in radices, truncum, branchas, ramos, folia, flores, & fructus. Et est arbor duplex, in quantum est differentia inter ipsam & arborem elementalem in qua est inserta per creationem, hoc est dictu, quod Deus creauit potentiam

vegetatiuam, in illa & ex illa, sicut Deus creauit hominem de terra & de limo terræ, propter hoc sunt indiuidua inferiora elementata, & vegetata. Vnde cum hæc arbor sit duplex, oportet quod dupliciter ipsam ducamus in nostro intellectu, vt melius de ipsa cognitionem habeamus.

De Radicibus arboris vegetalis.

RADICES arboris vegetalis sunt bonitas, magnitudo, duratio, &c. quas diximus in arbore elementalī. Et quælibet istarum radicum est duplex, in quantum in se continet naturam elementalem & vegetalem, generalem, & specialem. Generalis est elementalī; specialis est vegetalis, & insimul sunt vna radix composita ex ambabus naturis, quæ bona est sub ratione bonitatis. Et natura vegetalis in suam speciem transubstantiat naturam elementalem, sicut olea in oleastro inserta, quæ in suam speciem trahit & transmutat influentiam, quæ venit ex oleastro. Et omnes inuicem radices sunt lineæ, quæ se habent ad truncum vegetalem arboris, cui suas dant conditiones & naturas.

De Trunco arboris vegetalis.

TRUNCUS iste duplex est, quia est de natura & essentia elementalī & vegetali. Et est truncus generalis ad truncos, qui sub illo sunt vegetati, sicut truncus pomerij, leonis, hominis, gruis, & piscis. Et est visibilis in suis particularibus, sicut truncus pomerij, qui visibilis est & palpabilis, & sua visibilitas & palpabilitas per essentiam elementalem consistit, quæ in se continet grossam materiam. Sed essentia quam habet pomerium per vegetationem, videri non potest, nec tangi, quia sua materia est subtilis in tantum quod videri non potest nec tangi, sua tamen figura in liquore apparet, qui est in trunco, quemadmodum apparet truncus vegetalis in trunco ficus in similitudine lactis, & in trunco leonis in figura sanguinis. Est tamen trun-

cus vegetalis de natura corporali, quia est de partibus substantialibus corporalibus, secundum quod est significatum in radicibus.

De Branchis arboris vegetalis.

BRANCHÆ arboris vegetalis sunt duplices, quoniam quædam sunt ex natura elementalī, & aliæ ex natura vegetali. Et branchæ huius arboris sunt quatuor, scilicet potentia appetitiua, & retentiua, digestiua, & expulsiua. Et sunt quatuor, quia sufficiunt transmutationibus, quæ fiunt per generationem & corruptionem in vegetatione, & per differentiam & concordantiam, & contrarietatem. Et minus quatuor esse non possunt, secundum quod est significatum in branchis arboris elementalī. Et istæ quatuor branchæ generales sunt ad omnes branchas vegetatas, sicut ad branchas pomerij, equi & hominis.

De Appetitiua.

Potentia appetitiua est ratio per quam quædam partes vegetatæ habent appetitum ad alias partes. Et in hoc appetitu consistit appetitus brancharum elementalium, & etiam appetitus vegetaliū. Et propter hoc est appetitus duplex, & compositus, sicut pomerium, quod appetitum habet ad pluuiam, vt cum frigiditate aquæ suam frigiditatem possit multiplicare, & appetitum habet ad diem, vt calore solis suum calorem possit multiplicare, & idem est de appetitu, quem habet ad terram & ad aërem. Et istæ res, quæ sunt extra & intus intrans, pertinent ad potentiam augmentatiuam, quæ est per vegetationem, quæ fit ex rebus siue causis, quæ veniunt de extra in species quæ intra consistunt: sicut species pluuiæ, quæ conuertitur in spe-

ciem pomerij, cuius conuersionem appetit appetitiua: vt suum cremen- tum sit magnum. Et idem est de cte- mento trunci, ramorum, foliorum, flo- rum & fructuum. Habet adhuc ap- petitiua conditionem habendi appeti- tum ex vno elemento in alio, & ex vna complexione in alia per modum con- cordantiæ, bonitatis, magnitudinis, du- rationis, potestatis, virtutis & instin- ctuum naturalium: vt sequantur fi- nes vegetationis, sicut in equo, in quo appetitiua appetit speciei equinæ conseruationem, & propter hoc e- quus inclinationem habet ad equam, vt in ea filium possit generare, habet etiam equus appetitum ad comedend- um: vt per viuere eius partes valeant sustentari in speciem carnis, speciem herbæ transmutando: & etiam aquam (quam potat) in speciem sanguinis: & adhuc habet appetitum ad aquam: cum habet sitim: vt cum aquæ frigiditate nimium calorem ignis possit mortificare, & cum humiditate aquæ possit mortificare nimiam siccitatem terræ, & cum equus habet magnum frigus: appetitum habet quod in calore solis stare possit. Et sic de cæteris appetiti- bus naturalibus, quos narrare nimis longum esset. Est ergo appetitus du- plex, videlicet appetitus quam habet pomerium vel equus ad conseruan- dum suam speciem, & quem habent elementa in illis.

De Retentiua.

Potentia retentiua est ratio ad reti- nendum partes intrus: quæ veniunt ab extra: quamuis appetit appetitiua, & influit relatiua supra in hac quæ est inferius: quæ retentio fit secundum stationem formæ essentialis, quam di- ximus in arbore elementali: quæ gene-

ralis est ad stationes inferius. Et pro- pter hoc potentia nutritiua ex digesti- ua habet materiam quod digerere pos- sit: quæ est ex rebus: quamuis retinet retentiua, sicut homo quæ denarios congregat: quos expendit cum indi- get. Et hæc retentio fit plus per aquā, quam per aliud elementum, quia aqua naturā habet restringendi essentia. Et propter hoc potentia digestiua est ma- ximè de conditionibus ignis, vt dif- fundat partes, quamuis retentiua re- tinet per aquā. Est adhuc retentiua de natura fœminina ratione impressionis quam habet per conceptionem rerum, quæ veniunt per appetitiuam. Et dige- stiua est ex natura masculina: quæ in naturalibus rebus suam similitudinem imprimit. Et hoc significatum est in tractatu supradicto de masculo & fœ- mina, & de impressione in arbore ele- mentali.

De Digestiua.

Digestiua est illa potentia quæ di- gerit hoc quod arbor accipit à terra, & ab aliis elementis & influen- tiis, quæ veniunt ex corporibus cæle- stibus, sicut in pomerio, in quo radi- ces accipiunt à terra partes crudas, & ipsas ponunt in retentiua, & digestio digerit illas cum calore naturali, & ipsas ad membra pomerij diuidit, & ad cæteras partes pomerij, vt humidum radicale ex humido nutrimentali vi- uat. Et idem sequitur in animalibus sicut in homine in quo cibaria quæ comedendo & bibendo accipit, & va- pores quouis cum naso respirat: dige- stiua digerit, & ex vna specie in aliam transmutat, sicut panem in carnem & vinū in sanguinem. Consimilli modo fit de vaporibus grossis: quæ veniunt ab extra, quæ conuertuntur in vapo- res subtiles: quæ sunt intra, & homo

per

per modum generationis, corruptio-
nis, priuationis, & indiuiduationis, &
secundum alias formas generales, de
quibus in arbore elementalī, in fine
dictum est.

De Expulsiua.

EXpulsiua est illa potentia: quæ ma-
terias grossas expellit, quamuis ap-
petitiua abhorret ponere in nutrimento,
& à quibus digestiua magis subri-
les attraxit: quamuis appetitiua in nu-
trimento plantarum potentur appe-
tit, sicut in pomerio: in quo expulsiua
extra proijcit corticem, quæ non est
vegetatus: & folia quæ cadunt ab il-
la. Et hoc plus apparet in quercu, quæ
magis grossum habet corticem. Et idē
sequitur in animalibus, sicut in homi-
ne, à quo expulsiua magis grossas &
indigestas spuendo, sudando, & in
urinando expellit, & sic de aliis faci-
bus. Hæc quatuor branchæ, de qui-
bus suprà dictum est, videri non pos-
sunt, nec tangi: quoniam generales
sunt ad omnes branchas arborum ve-
getalium & sensualium, & sustentan-
tur in arbore elementalī, & eorum
branchæ indiuiduatæ diffusæ sunt, in
substantiis vegetatis & sensatis. Cum
appetitiua desiderat plusquam reten-
tiua retinere possit, nec quam digesti-
ua digerere, tunc concordantia est
maior cum corruptione, quam cum
generatione, & cum consumptione,
quam cum cremento. Et cum reten-
tiua magis grossas retinet, & indige-
stas contra expulsiuam, tunc habet in-
clinationem ad consumptionem &
corruptionem. Et cum digestiua non
tantum digerit, quantum est conue-
niens nutrimento plantæ, aut animali.
tunc est contra generationem & cre-
mentum. Et cum expulsiua est nimis

fortis, aut debilis, tunc est substantia
in corruptione. Et imò medici ad sa-
nitatem ministrant naturis brancharum:
vt concordantiam habeant in nu-
trimento substantiarum, & docent ad
habendum sanitatem cum temperan-
tia, quæ est subiectum concordantiæ
brancharum.

De ramis arboris vegetalis.

RAmi arboris vegetalis sunt dupli-
ces, quoniam quædam sunt ex
arbore elementalī, & alij ex arbore ve-
getali. Illi quæ sunt ex arbore elemē-
tali, sunt visibiles in pomerio: vbi fit
renouatio in vere, in quo nascuntur
flores, folia & fructus. Et rami quæ sūt
ex natura vegetali, videri non possunt,
nec tangi. Et significantur fortius per
generacionem, corruptionem, priua-
tionem, & renouationem, quam per
cæteras formas. Quoniam per genera-
tionem fit transmutatio & renouatio-
nes entium, secundum quod in tra-
ctatu de generatione significatum est.
Et idem est de corruptione & priua-
tione in priuando, quasdam formas
veteres per corruptionem, & in ge-
nerando nouas formas per generatio-
nem. In his ramis generalibus com-
positis de generali arbore elementalī,
& de generali arbore vegetali, sunt in
dispositione omnes rami plantarum
& animalium: quæ sunt in illis in po-
tentia cum iuuamine agentium natu-
ralium, quæ ipsos ducunt in actum se-
cundum condiciones radicum & na-
turarum, centum formarum prima-
rum, de quibus in arbore elementalī
dictum est. In ramis pomerij sunt in
potentia rami, alterius pomerij: qui
potentia sustentatur in dispositione
radicum & centum formarum. Et cum
agens naturale hos ramos tangit:

quæ sunt in potentia in ramis , quæ sunt in actu secundum dispositionem radicum, illos ramos ducit de potentia in actu : & agens naturale pomerij, est in pomo, in quo semen consistit: quod est agens secundum appetitum & instinetum naturalem diffusos per omnes formas , & hoc successiuè , de quibusdam agentibus in aliis : de qua successione species pomerij conseruatur. Et idem est de specie equi.

De Foliis arboris vegetalis.

Folia arboris vegetalis sunt duplicia , quoniam quædã sunt secundum vegetationem, alia secundum elementationem. Folia quæ sunt secundum vegetationem, videri non possunt, nec tangi , quoniam intra folia elementationis consistunt, quæ sunt visibilia & palpabilia in pomerio , quæ quidem folia sunt substantiæ: in quibus sustentantur accidentia, quæ sunt folia arboris elementalıs : in quibus sunt folia accidentalıa , quæ sunt arboris vegetalis , in quantum vegetatio : sicut color , sapor & odor, dulcedo & amaritudo , & cætera accidentia his similia , quæ sunt quantificata , qualificata, relata, existentia in actione , passione, tempore, loco, habitu, & situ, secundum quod significatum est in foliis arboris elementalıs. Hæc folia quæ ad vegetationem pertinent ipsam ornant & conseruant, sicut substantia vegetatiua, cum facit folia elementalıa & visibilia, quæ sunt tunicæ vegetatiuorum ex substantia pomerij existentium. Et cum illa cadunt à pomerio est significatum, quod folia vegetatiua suum cursum fecerunt, & complementum, in ornatione & conseruatione substantiæ vegetatiuæ, quæ ex tunc dormit vsque ad tempus, in

quo fit renouatio foliorum in vere. Virtus tamen foliorum vegetalium in pomo potentialiter positorum excitatur & mouetur, tunc cum pomum comestum est per animal in nutrimento vegetato & sensato, in quo color, sapor & odor attinguntur.

De Floribus arboris vegetalis.

Miores arboris vegetalis sunt duplices, quia compositi sunt ex elementatione & vegetatione, sicut flos pomerij, qui visibilis est, in quantum continet naturam elementalem: sicut tangi non potest, nec videri: in quantum continet naturam vegetatiuam, cuius vegetatiuæ flores intra continentur, & sunt ex tam subtili materia quod videri non possunt, & stant maximè per instrumentum compositum de potentia, obiecto & actu: ex quibus fructus est deriuatus, qui proximior est potentiæ obiecto & actui quam cæteris formis: sicut operatum, quod proximius est manui, quàm brachiis, & martello, quam manui: & sic de aliis causis his similibus. In floribus qui sunt generales, sunt flores speciales in potentia: & flores plus habent de odore & sapore, quam folia, & etiam plus de virtute: & habent magis intensum colorem, & hoc est: quia proximiores sunt fructui quam folia, qui est nobilior pars, quæ est in tota arbore. Et stat flos per corruptionem & fructus per generationem: & idè in cõsummatione floris colligitur fructus: & oritur fructus in medio loco floris, vt sua virtus maior sit. Et flos leuior est, quam fructus: quia fructus est magis plenus, & quia potentialiter in se continet omnes partes arboris futuræ. Flores in arbore non tantum durant sicut folia, quæ sunt ad conseruan-

seruandum flores & fructus : & flores qui cadunt , sunt materia , quam expulsa proijcit & scindit à planta, quia digestio facta est in quantum fructus ex subtili materia floris consistit generatus : & illa quam appetitiua appetiit, & quam retentiua retinuit , & digestiua digessit in partibus fructus. Et quando flores cadunt priusquam fructus sit generatus, tunc est ratione infirmitatis arboris, & suarum brancharum. Quædam arbores sunt, quæ flores non habent, sicut ficulnea : & ratio est, quia fructus efficitur in ramis. Et hoc est propter magnam abundantiam humiditatis & caloris: in qua citius fit digestio , quam in cæteris complexionibus in qua magna abundantia humiditatis & caloris ficus consistunt, & ideo sunt magis placidæ ad comedendum, quam alij fructus, quia humana natura , plus delectatur in complexione sanguinis, quam in complexione colere flegmatis & melâcholiæ.

De Fructu arboris vegetalis.

FRUCTUS arboris vegetalis est duplex, secundum partium duplici-
tatem de qua dictum est. Et fructus in quantum videri potest & tangi, est ratione naturæ elementalis. Et forma fructus vegetalis apparet in sapore, odore & colore, quæ sunt suæ figuræ quas animal per sentire attingit. Et fructus vegetalis stat secretus & abscondus sensibus corporalibus, qui figuras attingunt. Sed imaginatio ipsum attingit, in quo colliguntur omnes partes in quibus stat alius fructus in potètia & ideo est maior in bonitate, magnitudine virtute, potestate, &c. quæ flores & folia: quæ sunt per secundam intentionem. In pomerio pomum est fructus, & quia pomum in se plus continet de vegeta-

tione quàm flores, vel quam folia, vel cætera partes arboris, est pomum fructus arboris: quod est finis, videlicet vegetatiu, ad quod vegetatiu, vegetabile & vegetare se habent, & est centrum in quo quiescunt, sicut plures lineæ in vno puncto, in quo se congregant & miscentur qualibet dante, alij suam similitudinē, vt sequatur finis: quam appetunt. Fructus plenior est & ponderosior quam flos, quia ad plura se habet quam flos, & quia plus continet de circulo, triangulo & quadrangulo, & de centum formis, quæ sunt naturæ primariæ. Quædam arbores sunt, quæ fructus non faciunt, sicut salix & fraxinus, & hoc est: quia in flore species earum conseruantur. Et quidam fructus sunt in quibus non est testa extra: sicut in cerasis, quæ habent ossa interius, & hoc est propter magnam humiditatem, quæ stat in extremis, & siccitas sustentatur in medio, videlicet in ossibus: est alius fructus, qui habet testam extra, quæ non habet intrus testudinem, siue os: sicut castanea & nux: & hoc est, quia siccitas abundat extra & humiditas intrus: & sic de aliis. Quodlibet elementum quatuor species habet plantarum: in quibus, siue per quas super cætera elementa dominatur: sicut ignis, qui in pipere & alleo dominatur: quæ sunt in quarto gradu caloris: & in tertio gradu siccitatis: & in secundo humiditatis: & in primo frigiditatis. Secunda planta est sicut cinamomum, in quo ignis est in tertio gradu caloris, & terra in secundo, & aër in primo: & aqua est degradata. Tertia planta est sicut faniculus: in quo ignis est in secundo gradu caloris: terra in primo, aër in tribus partibus vnus gradus: & aqua in duabus. Est alia planta, in qua ignis est in primo gradu caliditatis: sicut anisum, in quo

quo ignis est in primo gradu caliditatis, & terra in tribus punctis siccitatis, & aer in secundo humiditatis, & aqua in vno frigiditatis. Et idem est de cæteris elementis, quia quodlibet quatuor species plantarum habet quibusdam gradatibus super alias, secundum quod in quatuor speciebus antedictis est significatum: & ideo medici habent materiam ad præparandum sanitatem in patiente in gradando plantas secundum artem medicinæ. Et de homine vnum tractatum fecimus, quæ vocatur principia medicinæ, in quo damus doctrinam, quomodo medici sciant medicinas gradare secundum gradus infirmitatum & plantarum. Dictum est de arbore vegetali, & de suis secretis & naturis haberi potest cognitio, secundum processum, quem tenuimus in illa applicando sibi centum formas, quæ in arbore elementalibus continentur, secundum exempla, quæ de illis dedimus & dare præponimus.

DE ARBORE sensuali.



Arbor sensualis in septem partes, sicut & aliæ arbores diuiditur. in radices, trun-

cum, branchas, ramos, folia, flores, & fructus.

Radices sunt principia generalia: quæ sunt triplicia in quantum sunt de natura elementalibus, vegetali, & sensuali.

Truncus est corpus sensualis, & similiter est triplex: in quantum de dictis tribus naturis est constitutus.


Branchæ sunt sex sensus corporales: videlicet visus, auditus, odoratus, gustus, tactus & olfactus. Et similiter sunt triplices: de dictis tribus naturis constituti.

Rami sunt membra corporalia, tam interiora, quam exteriora, quæ similiter sunt de dictis tribus naturis composita.

Folia sunt accidentia, quæ similiter sunt triplicia, &c.

Flores sunt actus corporis sensibilis, &c.

Fructus sunt indiuidua sensata, scilicet homo, equus, & cetera animalia.



De Arbore sensuali.

Hæc arbor est de animalibus, & diuiditur in septem partes secundum quod in ipsa apparet, & est triplex, quia consistit ex potentia elementatiua, vegetatiua & sensitiua, vnde sicut si vna arbor fuisset ex tribus speciebus facta, sicut si pomerium esset in piro insertum, & persicus in pomerio, esset vna arbor

omnes tres species, ita inserta vegetatiua in elementatiua, & sensitiua in vegetatiua reddunt vnam arborem omnes tres potentia: differentia tamen est inter arborem ex pomerio, piro & persico constitutam, quia est de quantitibus discretis, & arborem de elementatiua, vegetatiua, & sensitiua constitutam, quia est de quantitibus continuis, quibusdam arboribus in aliis existentibus. Sensitiua est in arbore elemental generali, & vegetali

H secun

secundum quod complementum naturale requirit, ut in natura non sit vacuum, & secundum quod coniunctio rerum, quæ sunt intra & extra requirit, & etiam dispositio, & proprietates primarum causarum. Et sic de centum formis generalibus de quibus dictum est in arbore elementalī, in quarum tractatu est significatum, quod de necessitate secundum cursum naturalem oportet, quod arbor sensualis extensa sit in arbore elementalī & vegetali, quia si non essent sensibiles de particularibus & non de vniuersalibus, sicut lapis & pomum qui non essent naturaliter visibiles, nec frigiditas lapidis sensibilis, nec sapor pomi similiter, & idem de suo odore, & sequeretur quod sensitua non participaret cum formis generalibus & primariis arboris elementalī & vegetalis: vnde in sensitua clementum esse non posset, nec etiam generatio, & cum Petrus moretur & suus equus & falco annihilaretur sensitua omnium trium, quia non haberet subiectum generale, in quo format sustentata, sicut si annulus Petri, qui est de auro, fusus esset, & sua materia annihilaretur ita, quod nihil foret, videlicet aurum, de quo prius erat. Et adhuc pirum & pomum essent vacua visibilitate & dispositione ad habendum proprietatem & naturam sensibilitatis. Et hoc natura sustinere non posset, quoniam sustineret vacuum contra magnitudinem bonitatis & totalitatis, & partium, & multa alia inconuenientia sequeretur & impossibilia. Est ergo arbor sensualis generalis extensa in arbore elementalī & vegetali, ut inconuenientia non sint, & quod formæ primariæ remanere possint hoc, quod sunt.

De Radicibus arboris sensualis.

RADICES arboris sensualis sunt triplices, hoc est dictum, quod eius bonitas tres habet naturas, vna est elementalī, alia vegetalis, & alia sensualis, & hoc idem de magnitudine & cæteris radicibus arboris. Et omnes istæ tres naturæ sunt bonæ, & constituunt vnā radicem bonā, in qua quælibet suum habet officium, sicut elementalī ex arbore elementalī beneficium suscipit & clementum, & vegetalis ex vegetali, & sensualis ex sensuali, quemadmodum particulare, quod beneficium suscipit à suo vniuersali, & ex huius beneficio efficitur generatio & clementum in animali, sicut in homine & equo, & sic de cæteris animalibus compositis & constitutis de natura elementalī, vegetali & sensuali. Sicut pomerium, quod suas habet radices, in quibus beneficium à terra accipit & cæteris elementis sicut homo, & cætera animalia, radices suas habent in aëre in quo sunt contenti, & in cæteris elementis, & hoc est, quia sunt mobiles de vno loco in alium, in quo aëre & cæteris elementis vegetatio generalis & sensitua generalis extenduntur, sicut vitrum quod extenditur per totum circulum vini in illo contenti, & in illo loco continentis sunt radices hominis, & sit influentia & refluentia, ut homo viuatur. Et pororum subiectum est subiectum influentiæ & refluentiæ, quod est humidum nutrituale, quod venit & vadit, de quo viuunt humidum radicale, sicut lumen, quod viuunt de oleo in lampade. Istæ radices sunt generales, in quibus stant in potentia & in dispositione radices speciales indiuiduatorum animatorum, quæ du-

ctæ

Etæ sunt in actu per agentia naturalia, ita quod vna radix (quæ est bonitas) generalis est ad plures radices particulares. Et intendimus tamen dicere de bonitate naturali, & non morali, in qua bonitate animalia participant, & quæ dicta est genus, in qua species particularium bonitatum seminantur, sicut bonitas equi, quæ est vna species & bonitas gruis similiter, ex qua bonitate equi est bonitas equi, qui est Petri, & bonitas equi, qui est Martini. Ita sunt in bonitate generali speciales bonitates seminatae, sicut plura semina diuersarum specierum in vna eadem terra, quæ quidem terra se cuilibet seminum reddit generalem. Et de hoc habemus experientiam in horto plantato ex pluribus plantis in speciebus & numero diuersis. Item ex terra, videlicet ex lapide, efficitur ferrum, vitrum & regula, & terra est eadem & generalis ad tria opera. Eodem modo radix, quæ est bonitas generalis est ad elementatum, vegetatum, sensatum, & imaginatum, & hoc est, quia est de quatuor naturis. Vnde quando ferrum venit in corruptione, & sic de regula & vitro, tunc redeunt ad terram eorum materiam & naturam, sicut qui faceret ex vna massa auri cithrum, scutellam, & anulum, & postmodum totum insimul funderet, prima massa rediret in primo statu & numero, figuris denudata per quas quidem figuras in partes diuersas erat diuisa. Consimili modo bonitas, quæ est radix generalis, suas partes recuperat, cum in priuatione veniunt figuræ & numeri, sub quibus steterunt, ita quod bonitas elementalis generalis suam partem recuperat elementalem, specialem, & vegetalem, generalis suam specialem, & sensualem, generalis suam partem sensualem & specialem, & sic

formæ primariæ & naturæ conferuntur.

De Trunco arboris sensualis.

TRUNCUS arboris sensualis est triplex, in quantum est de tribus naturis, videlicet de natura elementali, vegetali, & sensuali, sicut corpus hominis aut equi quod est vnus truncus ex tribus ante dictis naturis constitutus. Per naturam elementalem habet corpus hominis ossa, carnem, & nervos, & est visibile & palpabile. Et per naturam vegetalem habet proprietates & naturas trunci vegetalis, secundum quod dicendum est in suo tractatu, & apparet in liquore corporis sua figura, & color, quam accipit de sanguine, figura est trunci sensualis per totum corpus hominis extensa. Qui quidem truncus sensualis est sensus communis, natura cuius eius sensus particulares faciunt iudicium & est de natura corporali, vt sit substantialis pars corporis, & quod magnitudo bonitatis non sit maior in trunco elementali & vegetali quam in sensuali, in quibus esset maior, si truncus sensualis foret accidentalis, cum ita sit, quod elementalis & vegetalis sint substantiales, & quod bonitas naturaliter maior sit in partibus substantialibus quam in accidentalibus. Et idem est de magnitudine, potestate & virtute instinctibus & appetitibus naturalibus, & de fine & concordantia. Est ergo truncus sensualis pars substantialis & in fine nobiliori, & natura quam truncus elementalis & vegetalis, quoniam per ipsum maior veritas attingitur, & in pluribus se extendit obiectis quam per truncum elementalem & vegetalem, sicut visibilitas, sapor & odor, qui per

animalia attinguntur, quos substantiæ inanimatæ attingere non possunt, & etiam quod truncus sensualis in suam speciem transubstantiat cæteros truncos, videlicet elementalem & vegetalem, & non econtrario, sicut olea in oleastro inserta, quæ ad suam speciem in sua materiâ trahit naturam oleastri. Sensus communis videri non potest nec tangi ratione magnæ subtilitatis quam habet sua materia, & est communis ad suos particulares sensus: sicut calor ignis, qui communis est ad calorem piperis & allei, quæ sunt sua particularia, & per illum quodlibet particulare commune est ad diuersa iudicia, sicut visus, qui iudicium facit de albo colore & de nigro, viridi & rubeo, & de rebus pulchris & turpibus. Et idem de gustu qui commune iudicium facit de sapore dulci & amaro, de vino, aqua, & de aqua calida & frigida, & de sapore pomi, & de sapore persici, & sic de aliis rebus similibus istis. Iste truncus hominis ita vnus est per vnitatem (quæ est forma generalis & primaria) sicut est bonus per bonitatem & magnus per magnitudinem. Et ita est ex diuersis naturis per differentiam, sicut vnus est per concordantiam plurium bonitatum in vna, & per concordantiam bonitatis & magnitudinis, & sic de aliis rebus similibus istis. Et secundum quod sensus communis beneficium accipit à trunco elementali & vegetali, subiecta sensata viuificat, in quibus sua particularia sustentantur, quæ sunt de natura elementali & vegetali, quoniam sensus communis est, qui in sua specie & in suis particularibus quæ sunt de suo esse trunco vtitur elementali & vegetali sicut vegetatiua pomerij, quæ vtitur terra & cæteris elementis in vegetando ipsa ex specie sua, & in ele-

mentando seipsam ex elementis, sicut forma, quæ stat supra magnitudinem bonitatis, potestatis, virtutis, &c. Et propter hoc secundum quod sensus communis est fortis in sua virtute, sua particularia fortia sunt & virtuosa, & eorum subiecta fortificat, videlicet cæteros truncos.

De Branchis arboris sensualis.

BRANCHÆ arboris sensualis sunt sex, videlicet visus, auditus, odoratus, gustus, tactus, & affatus. Quem quidem affatum probauimus sextum fore sensum, & hoc in tractatu quem de illo fecimus. Branchas oportet esse sex & non plures neque minus, quia si plures essent, hoc quod plus esset, superfluum esset, quam superfluitatem natura sustinere non potest, & si minus esset, natura vacuitatem sustineret, quam sustinere non potest, sicut si visus non esset, esset visibilitas rerum vacua, & ad aliquem finem se non haberet. Et si affatus non esset locutio, quæ non caderet sub specie aliquorum sensuum, esset in vanum in hoc, quod se ad aliquem finem non haberet: idem est de auditu, & cæteris sensibus. Sunt igitur sex sensus secundum naturæ corporalis necessitatem, & secundum sex rectitudines corporis, & cum ipsis attingi possunt, omnia particularia, corporalia, & omnia imaginabilia in ipsis sunt impressa oportet sex sensus esse partes subilâtales corporales, vt communis sensus partes habeat, quæ sunt de sua essentia, in quibus sit sustentatus, qui est de natura corporali, secundum quod probatum est. Et hæc sex branchæ sunt in arbore generali (quam arborem sensualem vocamus) quæ generales sunt ad

ad omnes branchas speciales indiuiduorum animatorum, sicut visus, qui est potentia generalis ad visum hominis, equi, aquilæ, & piscis, quemadmodum bonitas generalis, quæ sub se plures bonitates habet speciales. Quælibet brâcharum habet sua propria subiecta, in quibus sustentatur, sicut visus, qui est brancha triplex, in se continens tres naturas, videlicet elementalem, vegetalem, & naturam sui sensus cômunis, & visum particulatum & indiuiduatum, sicut oculi Petri, qui sunt elementari, vegetari & sensari, & idem de auditu, & cæteris sensibus. Et de his sensibus loqui proponimus breviori modo, quo poterimus, veruntamen taliter nos loqui oportet, quod haberi possit cognitio de entitatibus eorum, & de naturis, & de operationibus & modis.

De Visu.

Visus est brancha triplex, secundum quod supradictum est, & suus locus stat in oculis, & illud quod ab oculis videri potest & tangi, de essentia est branchæ elementalis, & maxime de natura ignis & aëris, cum lux ignis, & aeris diaphanitas instrumenta sint ad videndum, & ad remouendum umbras, quæ sunt per aquam & terram. Et illud quod in oculis est vegetatum, est de natura vegetatiuæ, in qua sunt eius quatuor branchæ de quibus dictum est, & hæc videri non possunt in oculis, neque tangi, cum ita sit, quod vegetatiua sit inuisibilis, & intangibilis. Et quælibet suarum brancharum, suum habet officium in oculis, sicut per appetitiuam potentia visiva se habet ad obiectum suum proprium, videlicet ad visibilitatem, & retinet lucem ignis & diaphanitatem aëris in linea, quæ est inter visitiui-

tatem & visibilitatem, & digestiva digerit species umbras, quod sint clara & lucida, & expulsiua umbras remouet, sicut ignis, qui ex aqua calida frigiditatem remouet. Et essentia visus videri non potest, neque tangi, & super alias, est forma, & est supra ipsas in magnitudine bonitatis, potestatis, &c. Et partes eius essentielles sunt quatuor, videlicet visitiuum, visibile, videre, & visibile commune, ex quo visibile particulatum est indiuiduatum, sicut visitiuum oculorum Petri, quod est vna pars sui visus & visibilitas, quæ est de essentia visus, & videre, quod est actus amborum, quod est intrâ, ita quod ex istis tribus partibus consistit visus Petri, & hic visus est brancha sensus communis. Et visibilitas quæ est extra, est sicut visibilitas pomi & piri, quod est obiectum remotorum in quantum non est de essentia visus Petri, sed participat in specie cum visibilitate quæ est pars visus Petri, & quæ sensata est, & sustentata in oculis. Et digestiva digerit visibilitatem extra in visibilitate intrâ, sicut digerit panem in carnem, & vinum in sanguinem. Et ex hoc sequitur alius actus, qui est videre & opus accidentale, ut sit visum, quod est desideratû, ut videatur, & in quo visitiuum quietem habet. Oculi Petri sunt elementari, vegetari & sensari, & equus suus visibilis est, quem Petrus videt. Et inter oculos Petri, & equum est vna linea per aërem & spacium, quod est inter oculos & equum extensa; & hæc linea composita est ex tribus naturis, de elementali, scilicet vegetali & sensuali, linea existente inter duò puncta terminata. Vnum punctum, est illud, quod est contiguum cum equo, & aliud, quod est contiguum cû oculis Petri. Hæc contiguitas & terminatio

inex stant per quantitatem discretam, in quantum oculi Petri, & equus sunt corpora in vno loco non existentia, & ab inuicem differentia. Sed in quantum secundum arborem sensualem, generalem est triplicata, de natura elementalī, vegetali & sensuali, est linea continua: sed in oculis Petri est sensata sub vno corpore, in quantum pars lineæ generalis intrat in oculos, & in quantum intrat in equum, quod est aliud corpus, quod quidem corpus est visibile per suam visibilitatem, quæ est vna de suis partibus essentialibus, per quam visibile est in suo colore, in quo linea quæ est extra, participat per contiguitatem. Et quia visitiuum quod est in oculis Petri, ad suum proprium visibile se inclinat ratione appetiuitatis naturalis & appetibilitatis, digestio digerit visibilitatem extra, quæ non est de essentia oculorum, in visibilitate intra, quæ est essentialis pars visus Petri. Et ideo oculi Petri attingunt equum, nec visitiuum ad equum per lineam transit, nec color equi venit ad oculos Petri, quæ quidem color non potest venire, quoniam si veniret, suum proprium subiectum (quod est equus) dimitteret. Nec visiva potentia Petri ire potest ad obiectum quod si faceret: suum proprium subiectum (qui sunt oculi) dimitteret, est ergo modus videndi ille quem prædiximus, & iste modus sequitur in aliis sensibus secundum eorum conditiones & naturas. Hæc branca quæ est visus, animalibus est necessaria ratione habituum, quos per visum accipiunt, qui necessarij sunt ad videndum, & ad habitus scientiarum. Et visibilitas est impressio imaginationis, quæ in se imprimit similitudines visibilitatum, vt imaginatio retineat, quomodo homo ad domum suam redire sciat, & leo ad fon-

tem, & sic de cæteris rebus similibus.

De Auditu.

AVditus est alia branca arboris sensualis, & est ita triplicata ex tribus naturis, sicut branca, quæ est visus. Et stat plus per calidum & siccum, quam per aliam complexionem. Et ideo corpora quæ desiccata sunt per magnum calorem, magis sonabilia sunt, & plus de sono retinent, quam alia, quando sunt tacta. Idcirco aures sunt de complexionem calida & sicca, & per ipsas colera expellit suam superfluitatem, cum ita sit, quod fæces quæ exeunt de auribus, sint de complexionem calida & sicca. In auditu est auditium, quod est vna de suis partibus essentialibus, & est audibile, quod est de essentia auditus, & est audire, quod exit ex ambobus, & exit in essentia auditus, & in illa nascitur & remanet vna de suis partibus essentialibus. Et in istis tribus partibus essentialibus, auditus est sustentatus, sicut voluntas, quæ sustentata est in suo proprio volituo, volibili & velle. Et est vna audibilitas communis, quæ est pars, & de essentia arboris sensualis, extensa in aëre, in lapide, & in ligno, & in natura elementalī, vegetali per continuam quantitatem sustentata. Et ideo cum lapis tangitur cum ferro, aut aër cum virga, exit illa audibilitas in actu per motum factum, in percussione & tactu. Et illam audibilitatem attingit auditivus in suo proprio audibili, quod est de sua essentia, quod cum audibilitate extranea participat in specie. Et cuius similitudinem digestiva digerit in audibilitate intra, secundum quod de visu dictum est. Et ex hac attingitione sequitur vnum audire, accidentale ex quo habituarū est & vestitū substan

Substantialia audire, q̄ est intra. Auditus necessarius est ad viuendū, vt habitus scientiarum sint, & memoria entium transactorum, & quod possit esse industria, & modus ad recipiendum entia futura, quoniam sine auditu animalia modum viuendi non habent, nec homines cognitionem de Deo, nec de suis operibus habere possent. Est etiam auditus pars substantialis arboris sensualis, & sua concreta essentialia similiter, scilicet habitus, quos recipiunt sunt accidentales, & ire, & venire possunt, absque corruptione ipsius.

De Odoratu.

Odoratus est tertia brachia, & est triplex: secundum quod dictum est de visu, & operatio sua, & modus est significatus in hoc quod de visu & auditu dictum est. Et sua linea quæ est inter illum & objectum est de complexione calida & humida, quoniam per calorem est potentia odoratiua, attractiua, & per aërem respirantia vapores, quæ sunt extra respirando in quibus odores sustentantur, qui de poris substantiarū odorabilem exeūt. Et in hoc passu est significatum, quod omnia entia elementata in trunco arboris elementalis consistunt, & eius essentia per omnia vadit & venit: sicut odores per lineam, & per suos terminos. Nasus est instrumentum per arborem elementalem ad odorandum, sicut aures ad audiendum. Et odorabile est subiectum arboris elementalis, in quantum simplex odor qui sentitur: & potentia odoratiua est forma sensus & pars sensus communis: & instrumentum quod est ex parte vegetatiuæ. In odoratu sunt brachia vegetatiuæ, quarum quælibet suum habet officium in odoratu, secundum

hoc quod de vegetatiua, dictum est in capitulo de visu. Odoratus necessarius est ad viuendum ratione motus cordis & pulmonis, qui vapores, qui sunt intra expellunt exterius, cum digestiua & expulsiua. Quæ quidem digestiua illos vapores in fæces digessit, quamuis expulsiua extra expellit: & appetitiua appetit alios nouos vapores, quos odoratiuum respirando intus ponit ad refrigerandum cor, cōtra magnū calorem, & ad delectandum naturam in bonis & sanis odoribus, & placentibus ad odorandum, quos retentiua retinet, quousque sint digesti, & expulsiua magnam grossam illorum expellit extra.

De Gustu.

Gustus est, quarta brachia, & est triplex: secundum quod de aliis dictum est. Et suum objectum est sapor. Et potentia quæ se habet ad objectum est gustatiua. Et instrumentum quod est ex parte elementariuæ, est illud quod in pomo tangi & videri potest. Et illud quod est ex parte vegetatiuæ: est sapor, qui est gustabilis in essentia, sensus in quem nascitur & exit, sicut infans quæ nascitur, & exit in essentia hominis, & ferrum in figura clauis, & calefactum in speciem caloris. Et illud quod recipit hoc, quod nascitur in illo & intrat est gustabile, quod est de essentia gustariui. Et ex arboribus exit gustare, quod est de sua essentia. Et omnes tres sunt de essentia sensus communis. Et gustare quod venit extra, est habitus, quem in gutture accipiūt: ad quod lingua trahit saporem cibariorum, quæ comedendo & bibendo intrant. Et quoniam cibaria veniunt in speciebus diuersis & complexionibus, possunt esse plures lineæ diuersæ de gustatiuo ad gustabile, sicut piper, quod

quod præparat lineam calidam & siccam, & cucurbita frigidam & humidam. Et istæ lineæ sunt ex parte arboris elementalis. Et sapores quos habet, sunt ex parte potentia vegetatiue, quæ illas vegetat ex arbore generali in speciali cum suis branchis, & lineæ quæ sunt ex sensitiua sunt sapores sensitiui & sensati in partibus essentialibus sensus. Iste sensus qui est gustus necessarius est ad viuendū: quoniam sine ipso animalia viuere non possent: quoniam partes intrā substantiam consistentes viuere non possent nec cōplexionum contrarietatem sustinere, ex qua sequitur in substantia corruptio & diminutio, sed ratione cibariorū quæ ab extra veniunt & intrant comedendo, & bibendo: partes substantiarum sustentantur. Et ideo positum est placitum in comedendo & bibendo per saporem: vt appetitiua desiderat illa mouendo animalia ad comedendum & bibendum cum natura placiti.

De Tactu.

Tactus est triplex. Et hoc quod continet ex arbore elementali: est caro vbi fit tactus illius, quæ sentit, & sentit & sentitur, & stat maximè per calidum & humidum. Et hoc quod in tactu est magis placitū, est per vegetationem, quæ habet appetitū ad conseruandū speciem. Et illud placitum retinet, vt fiat digestio in transmutatione de veteribus formis ad formas nouas, quas quidem veteres expulsiua projicit extra. Illud quod est ex parte sensus: videri non potest nec tangi, sed est illud, pro quod sensus consistit: quæ est ratio ad sentiendum, sicut bonitas est ratio ad bonificandum. Et est ratio ad sentiendū tactuum, tangibile & tangere: quæ sunt de esse tactus sensati, &

qui est vna brancha sensus cōmunis. Tactus iste sequitur modum aliorum sensuum in sentiendo: de quibus dictū est; videlicet quod est vna linea inter tactiū & tangibile: & ex tribus naturis arborum composita, sicut ignis: qui dat dispositionem sentiendi calorem, & vegetatiua placitum, & sensitiua sentire, & agens naturale illud: quod in dispositione consistit in extremitatibus tactiui & tangibilis in habitum & in actū deducit, & ideo homo sentit calorem, asperū, & leue, & cætera his similia. Tactus multū est necessarius ad viuendum, & est hoc quod est subiectum ad maius placitum, aut pœnam, quam aliquis aliorum sensuum: & cōmunior est, quam ceteri sensus, & extensus est per totum corpus, exceptis aliquibus partibus corporis, sicut in capillis & ungulis, & dentibus, in quibus modicum de sensu consistit, & hoc est ratione siccitatis, quæ est per terram in capillis, & propter restrictionem quæ est in ungulis, & in dentibus ratione aquæ.

De Affatu.

Affatus est ille sensus, per quem manifestatio fit in sermone, qui est intrā conceptus, sicut homo, qui loquitur hoc quod cogitat, & auis similiter, sicut gallina, quæ clamat filios suos. Est iste affatus est ita triplex, sicut ceteri sensus, quoniam aër ibi ponit vocē, & vegetatiua ponit placitum desideratum, & in speciebus tactis digestum, ex quibus vox exit, & sensus ponit sentire, auditui in manifestando rem conceptam per lineam motam à conceptione, vsque ad manifestationem, quæ fit in sermone. Et linea est à sensitiuo, vsque ad sensibile. Lingua est organum, quod mouet lineam, & manifestatio est obiectum,

fectum, & affatiuum est potentia, & motus est instrumentum. Et de isto sensu locuti sumus diutius in suo tractatu. Et est sensus, multum necessarius ad viuendum, & ad moralitates acquirendum, & ad seruiendum Deo, & ipsum amandum, & laudandum, & honorandum, plusquam aliquis aliorum sensuum, quoniam cum nullo cæterorum sensuum potest tractari de Deo: ita bene, sicut cum affatu, qui ipsum nominat & docet, laudat & deprecatur, & auditus non facit tantum hoc, quoniam passiuè suum nomen accipit, & affatus actiuè ipsum nominat. Et propter hoc affatus est magis nobilis sensus, quàm alij, quoniam est magis prope finem, propter quem omnia entia sunt creata, videlicet ad cognoscendum Deum & amandum, & laudandum. Et propter hoc affatus, plus de merito portat, quam cæteri: sicut Apostoli, qui ascenderunt ad maius meritum, per loqui de Deo, quam per audire, vel quam per aliquè alium sensum. Est adhuc affatus sensus, qui se habet ad vtilitatem publicam & regimen, & omnes alij sensus se habent ad vtilitatem specialem. Vnde magnum inconueniens foret, si affatus non esset vna brachia sensus communis, ex quo plus portat de vtilitate quam cæteri sensus.

De Ramis arboris sensualis.

Rami arboris sensualis sunt, sicut membra, in quibus fit renouatio per vegetationem, & compositio per elementariam, & communicatio, siue communitas, cuiuslibet sensus per sensitiuam, quoniam sicut quælibet brachiarum habet suum ramum, secundum quod in pomerio apparet, sic

sensitiua in qualibet suarum brachiarum, suum habet ramum. Et istos ramos membra appellamus, quoniam in illis, & ex illis fit renouatio indiuidualiter foliorum, florum & fructuum. In homine sunt membra cor, epar, splen, pulmo & cerebrum. Et ista sunt intrà, ex quibus membra, quæ sunt extra vitam assumunt, videlicet caput, brachia & tibiæ. Et illud quod ex istis membris videri potest, & tangi est ex parte arboris elementalis. Et illud quod in quolibet membrorum, sequitur per generationem, corruptionem, priuationem & renouationem, est per arborem vegetalem. Et illud per quod illa membra sensata sunt, est per arborem sensualem. Quæ quidem membra sensata sunt ex essentia sensus communis, qui in membris sensatis, vegetatis & elementatis suos ramos extendit, quæ sunt de sensitiuo, sensibili & sentire. Et quia de membris sequitur videre, audire, odorare, gustare, palpare, & fari, stat communitas cuiuslibet sensuum per ramos, qui communem habent virtutem intrà, ex qua viuunt rami extra, in quibus sustentata sunt instrumenta, sicut oculi in capite, & manus in brachiis, & pedes in tibiis. Et brachia & tibiæ sunt membra, in quantum in illis sustentata sunt illa instrumenta quæ diximus, & sunt brachia secundum respectum trunci, qui est in tertio numero.

De Foliis arboris sensualis.

Folia arboris sensualis sunt triplicia, sicut quantitas ignis, quæ pertinet ad arborem elementalem, & quantitas saporis, quæ pertinet ad arborem vegetalem, & quantitas sensibilitatis, in qua calor & sapor sentiuntur, est de sensualitate.

Et idem est de qualitate & cæteris accidentibus. Et propter hoc mixta sunt quædam accidentia in aliis secundum mixtionem naturarum arborum, quæ se miscent, ut sit vna arbor sensualis ex tribus naturis constituta, videlicet ex natura elementalī, vegetali & sensuali. Sicut accidentia arboris elementalī & vegetali per totam subiectam se extendunt, sic accidentia naturæ sensuali se extendunt per totam arborem in extensione sensus communis. Et propter hoc quando ignis est in corpore vegetato & sēfato calorem suum extendit, sensus suum sentire extendit in sentiēdo illum calorem. Et idem facit in sentiēdo saporem quem digestiua extendit in gustare, & placitum in videre, & ex illo sapore per vegetatiuam extenso est placitum, quod habet sensitiua. Et idem de placito quod datur per appetitiuam in videre, tangere, odorare, & in audire, in tantum quod formæ quæ sunt supra in sensitiua in suis accidentibus, conuertunt accidentia, quæ in formis inferioribus existunt, sicut olea, quæ in suam speciem conuertit illud quod assumit ex oleastro, in quo est inserta, veruntamen sicut argentum remanet in denario, qui est de ipso & de cupro, sic accidentia quæ sunt ex formis inferioribus in suis propriis subiectis remanent, quamuis induta sint ex accidentibus formarum superiorum. Et propter hoc stant accidentia in continua & discreta quantitate. In continua ratione mixtionis formarum, quæ adinuicem mixtæ sunt. In discreta, quia nullum accidens suum proprium subiectum dimittit, quamuis intret cum aliis mixtionibus.

De Floribus arboris sensualis.

Lores arboris sensualis sunt triplices, sicut in oculis quorum flos est videre, & oculi instrumenta sunt ad videndum, & videre est instrumentum ut videatur obiectum coloratum: in quo quidem videre ignis lucem suam ponit, & aer suam diaphanitatē. Et digestiua digerit species, ex quibus videre constitutum est, quod quidem videre est accidens sensus qui est visus. Ex quo videre accidentali videre substantiale indutum est, de quo in brancha quæ est de visu dictum est, ut ille habitus instrumentū sit ad videndum ens desideratum: quod visum est in sua similitudine, ut facies hominis, quæ in speculo videtur, in quo similitudo faciei est impressa ratione arboris elementalī & vegetali, quæ cum speculo participant, & etiam cum oculis & cum facie, & cum linea quæ est in medio secundum participationem generalem, et idem sequitur de flore auditus, & de floribus aliorum sensuum, & de florum instrumentis, sicut audire quod est flos in auribus sustentatus, quæ sunt sua instrumenta. Et audire instrumentum est: ut ens quod est sonus, vel vox sit auditum, & illud quod mouet instrumentum est auditium: quod audire mouet in audibili.

De Fructu arboris sensualis.

Fructus arboris sensualis est triplex, hoc est dictum: quod habet naturam elementalem, vegetalem & sensualem. Natura elementalī in illo ponit elementatum, sicut equus qui videtur qui est elementatus. Et vegetatiua ponit in illo vegetatum, in hoc quod

quod equus est vegetatus. Et sensitiva ponit sensatum, in hoc quod equus est sensatus, & obiectum visum est equus: qui est fructus visus. Et est eius fructus in quantum finis: hoc est dictum quod visus est, ut sit obiectum visum, sicut ferrum quod est, ut sit clauus, & manus, ut sit operatio, & operatio, ut sit operatum, & sic de aliis rebus similibus istis. Hoc idem sequitur de fructu audiendi, cuius fructus est auditum: & odorandi, cuius fructus est odoratum, & gustandi gustatum, & palpandi palpatum, & affandi affatum seu manifestatum. Et ex omnibus his fructibus sequitur sensatum, quod est fructus omnium partium arboris: in quantum est ceterum & finis omnium suarum partium, & omnes partes se habent ad illud: quoniam omnes sunt propter ipsum.

De Applicatione & practica, capit. formarum.

IN hoc passu datur doctrina quomodo homo sciat applicare formas naturales ad substantias indiuiduatas. Et secundum quod in hac arbore sensuali damus doctrinam, dari potest in aliis. Et quoniam applicatio multum est utilis & necessaria ad habitus scientiarum, & est sustentatio intellectus: in quantum se sustinet in formis & ad eorum exempla recurrit: ut suum obiectum requirat: idcirco ponimus hunc tractatum (quæ est de applicatione). in hac arbore scientiæ. Vnitas est ratio quod arbor sensualis sit vna. Et ratio per quam vnitas est ratio, quod arbor sit vna, est ratio vnitatum, quas arbor in se continet: sicut vna vnitas bonitatis ex tribus naturis composita, & vna arbor ex tribus naturis composita, &

sic de aliis vnitatibus. Et ratio per quam est pluralitas in arbore, est, quia est de pluribus rebus differentibus per essentiam, de quibus pluribus rebus in ipsa arbore dictum est, quæ sunt plures radices, plures trunci, plures branchæ, & sic de cæteris. Sunt ergo vnitas & pluralitas causæ primariæ, per quas arbor est vna, & in se plures causas continet. Simplicitas & compositio sunt causæ & formæ primariæ, per quas arbor in numero vno sit simplex & ex pluribus rebus composita. Est simplex in vno numero, quia est ex pluribus causis simplicibus: sicut de igne simplici & cæteris elementis, & de appetitiva, quæ est forma simplex, & de potentia visiva similiter, & sic de aliis. Et omnes istæ formæ simplices se habent ad vnum simplex, sicut plures linee ad vnum punctum: quod si quidem simplex est arbor sensualis, in quantum habet vnum numerum. Et est composita de pluribus causis per compositionem suarum partium, sicut truncus qui compositus est ex natura elementali, vegetali & sensuali. Forma & materia sunt rationes per quas arbor ex ipsis est constituta, sicut forma vegetatiua quæ in animali informat formam elementalem, & forma sensitiva informat vegetatiuam, & hoc est propter magnitudinem bonitatis, quæ maior est in fine formarum superiorum quam in fine formarum inferiorum, quæ sunt materiæ ad formas, quæ sunt supra, sicut secundæ intentiones ad primas. Formæ tamen inferiores semper remanent secundum earum specialem bonitatem in suo numero simplici: sicut ferrum quod est sub forma cultelli & clauis, quod tamen semper remanet hoc quod est. Genera & species sunt rationes, quod in arbore sunt plura genera & plures species, sicut

bonitas generalis quæ est ratio in arbore ad plures bonitates speciales, & magnitudo generalis ad plures magnitudines speciales: sicut ignis qui habet vnam specialem bonitatem, & ær aliam, quæ sunt ex bonitate generali in trunco confusa, & idem de specie generali, per quam in arbore sunt indiduiata, elementata, vegetata & sensata, sicut Martinus & suus equus, qui sunt sub animali, quod est sub corpore. Interioritas & exterioritas sunt rationes, quod in arbore aliquæ rationes sunt intra arborem, & aliquæ extra: sicut ignis, qui est in aëre, & est vegetatus in vegetatiua, & sensatus in sensitiua. Et est extra aërem & extra vegetatiuam & sensitiuam, in quantum suus numerus est differens à numero aëris, & à numero sensitiuæ & vegetatiuæ, sicut in equo Martini, in quo quædam formæ sunt intra alias per quantitatem continuam, & sunt extra per quantitatem discretam. Abstractum & concretum sunt rationes, quod in arbore sūt causæ abstractæ & concretæ, sicut elementatio, vegetatio & sensualitas, quæ sunt formæ abstractæ, quarum ratione in arbore sunt abstractiones, sicut calor, sapor & visibilitas. Et idem de concretis, sicut elementarium, quod est concretum elementationis inferioris, quod est in equo qui est elementarius, in quantum producit alium equum elementatum. Et idem de vegetatiuo & sensitiuo, cum ita sit, quod equus productus vegetatus sit & sensatus. Generatio, corruptio & priuatio sunt formæ generales in arbore ad plures generationes, corruptiones & priuationes, quia sicut ignis bonus est sub ratione bonitatis, sic est generatiuus sub ratione generationis, generando in equo calorem, & vegetatiua saporem

& sensitiua videre. Et idem de corruptione, quæ est ratio ad omnes corruptiones, sicut forma herbæ quam equus comedit, quæ corrumpitur per corruptionem generalem: vt per generalem generationem generetur caro specialis equi. Et idem de priuatione, quæ consequens est corruptionis, quæ esse non posset absque priuatione formarum veterum in generatione formarum nouarum. Grossities & subtilitas sunt formæ, quæ sunt rationes in arbore sensuali ad grossities materialium & ad subtilitates formarum, sicut materia elementatorum, quæ est grossa & spissa in formis illorum, quæ sunt subtiles, & materia vegetatiuæ, quæ subtilis est secundum comparisonem materiæ elementatiuæ, & idem de materia sensitiua, quæ subtilior est quam materia vegetatiuæ, & idem de formis, quarum quædam subtiliores sunt quam aliæ, vt de materiis dictum est. Leuitas & ponderositas sunt formæ generales, ratione quarum in arbore sensuali sunt plures leuitates & ponderositates, sicut in equo, in quo ossa sunt grauiæ siue ponderosæ, & cor & pulmo leues, & medulla similiter, quorum leuitas & ponderositas stat per arborem elementalem, & non per vegetalem neque per sensualem, & hoc est: quia vegetatiua & sensitiua plus habent de subtilitate & simplicitate quam arbor elementalis. Quia plenitudo est per totam arborem sensualem extensa, non potest esse vacuitas in arbore, quæ contraria est plenitudini, quia sicut bonitas plena est bonificatiuo, bonificabili, & bonificare, sic arbor sensualis plena est essentia elementatiua, vegetatiua, & sensitiua. Veruntamen secundum modum imperfectionis & corruptionis sunt in arbore sensuali causæ vacuæ, sicut subtilitas

tia embrionis, quæ non est in ætate perfecta, nec formæ, quæ sunt in potentia, quæ vacuæ sunt sine quare sunt, & sic de aliis causis similibus istis: quæ quidem formæ sunt planè cum in actu ducuntur. Totalitas & pars sunt causæ primariæ, quarum ratione arbor sensualis est totum ex suis partibus, & suæ partes sunt ex toto, sicut equus, qui est totum suæ elementatiuæ, vegetatiuæ, & sensitiuæ, quæ sunt suæ partes. Hoc esse non posset, si totalitas & pars non essent causæ primariæ ad totalitatem, ut partes equi & corporis hominis, & sic de aliis indiuiduis naturalibus. Intensitas & extensitas sunt formæ primariæ ad intensitates & extensitates arboris sensualis: sicut in equo, qui multum est albus in quo color est intensus, & in equo bruno est color confusus & extensus. Et hæc intensitas & extensitas sunt per elementalem naturam, & quando equus magnum habet appetitum comedendi per vegetatiuam, intensum habet saporem, & extensum quando non comedit saporosa, sicut cum comedit herbam amaram. Et per sensitiuam visum habet intensum, cum habet oculos claros & dispositos ad videndum, & habet extensum & confusum, cum oculos habet infirmos. Statio & motus sunt formæ primariæ in arbore sensuali, quarum ratione in se habet plures motus & stationes particulares, sicut equus, qui stat in vno loco tunc cum se non mouet. Et stat albus per elementa, & pinguis per vegetationem, & hilaris per sensitiuam. Et equus est hoc, quod est per stationem omnium trium potentiarum. Et est mouens & mobilis ratione motus generalis, & quando se mouet de vno loco in alium, est motus ille localis per elementa. Et in quantum est motus

habet clementum, & est ille motus per vegetationem, & in quantum se mouet ad ea quæ videt & desiderat, est ille motus per sensitiuam. Duities & mollities sunt formæ primariæ ad arborem sensualem, quæ plures habet mollities & duities particulares, ex generalibus causatis: sicut caro quæ est mollis, & est mollis per potentiam elementatiuam, & ossa quæ dura sunt per ipsam. Vegetatiua autem, & sensitiua simpliciter non habet duitiem, neque mollitiem, sicut lenitatem non habent, neque ponderositatem, veruntamen in equo sunt formæ, in quantum informant in illo formam elementalem, ex qua duities & mollities consistunt. Longitudo, latitudo & profunditas, sunt formæ primariæ ad longitudes, latitudes & profunditates, quæ sunt in arbore sensuali, quæ sunt tantummodo per arborem elementalem, & hoc est, quia sunt de grossa materia, secundum comparisonem materiæ, quam habent vegetatiua & sensitiua, quia materia cuiuslibet est ita subtilis, & ita parum de natura habet corporali, quod nequit esse subiecta longo, amplo, & profundo: sicut corpus hominis, quod ita parum habet de humanitate, quod per se non sufficit ad esse humanum, Et idem de bonificatione, quæ est pars substantialis bonitatis, quod per se non sufficit ad esse superba, sicut pars quæ non sufficit, ut sit totum. Idcirco in equo sua longitudo, latitudo & profunditas sunt de essentia elementalī, & omnes mensuræ prædictæ per vegetatiuam & sensitiuam sunt informatæ, quæ intantum extendi possunt in longum, amplum & profundum, sicut prædictæ dimensiones extenduntur. Potentia, obiectum & actus sunt formæ primariæ in arbore sensuali,

sicut in equo, in quo sunt plures potentia, actus & obiecta sub formis generalibus (de quibus dictum est) existentia, sicut in equo, qui potentiam habet calefaciendi aquam frigidam, quam bibit, quæ potentia stat per arborem elementalem. Et digestio & transmutatio de frigiditate in calorem fit per vegetatiuam. Et in illa frigiditate quam sentit, cum aquam bibit fit illud sentire per sensituiam. Et ideo calefacere est actus elementariæ, & transmutare vegetatiuæ, & sentire sensituiæ. Et in quantum equus desiderat aquam bibere, est aqua obiectum elementale, & obiectatum est per appetitiuam, quæ est ex vegetatiua, & in quantum aqua est visa, ipsa est obiectum sensituiæ. Prioritas & secundioritas & territoritas sunt formæ primariæ ad arborem sensualem, sicut arbor elementalis, quæ est prima naturaliter ad arborem vegetalem, & vegetalis ad sensualem, ex quibus sequitur secundioritas & tertioritas, videlicet antecedens & consequens: & tertius numerus substantiæ, quia ignis primò ponit causas primarias, ut sint vegetatæ. Et idem faciunt rami arboris elementalis, in quibus sunt materiæ digestæ, ut agentia naturalia substantias vegetatas producant. Et vegetatiua primæ dispositionis se habet ad habitus secundarios, in quantum sensituiua in ramis suis, tertium numerum producit per consequentiam ramorum vegetatiuæ. Et in hoc passu significatum est argumentum, quod est ex duabus maximis, & vna conclusione, existente secunda maxima, ex prima, & conclusione existente ex ambabus ad significationem causarum realium, consequente existente ex antecedente, & tertio numero, ex ambobus, sicut equus, grus, homo & pis-

cis. Crementum & diminutio sunt generales formæ ad arborem sensualem, veluti in leone, in quo crementum est per arborem elementalem, ex qua vegetatiua materiam multiplicat, quam radices accipiunt, ex hoc quod leo comedit & bibit. Et sensituiua illud crementum in sensibus ponit, & hoc facit, quia retentiua retinet hoc quod venit, & digestiua illud digerit in maiori quantitate, quam hoc quod expulsiua in fæces expellit. Et quando est consummatio, per contrarium est, videlicet quod expulsiua, plus per corruptionem expellit, quam digestio in generatione ponit, vel quam retentiua retinet. Dispositio proprietas & proportio sunt formæ primariæ ad arborem sensualem: sicut in leone, in quo arbor elementalis habet in dispositione, quod agens naturale trahat formam leonis, cum vegetatione, cum qua leo stat in potentia in arbore elementali, & in actu deductus in arbore sensuali, cum proprietate omnium trium naturarum, & cum proportionem: quæ in illis stat habituata, ex qua leo sua membra habet proportionata & instrumenta sua. Conditio & intentio sunt naturæ primariæ ad arborem sensualem, sicut arbor elementalis, quæ conditionata est taliter, quod cum tangitur cum arbore vegetali, influit materiam & subiectum, in quo vegetatiua, vegetatum ædificet. Et hoc facit ignis ea intentione, ut sit indutus ex formis vegetatis. Et vegetatio taliter conditionata est, quod cum ipsa ab arbore sensuali tangitur, dat influentiam illi subiecto ea intentione, ut formis sensatis sit induta. Et ideo arbor sensualis in leone indiuiduatur per conditionem suam & intentionem, secundum quod agens naturale tangit omnes tres naturas ipsas tangendo secundum

cundum earum conditiones & intentiones, quate sunt. Ordo & operatio sunt prima principia ad arborem sensualem, quia ratione ordinis quam habet arbor elementalis in se secundum radices suas, truncum, & ceteras suas partes, disposita est quod ex illa vegetatum & sensatum operata sint cum ordinatione vegetationis & suæ operationis, & cum ordinatione sensitiuæ & suæ operationis. Et hoc apparet in leone, in quo est ordo & operatio naturalis secundum naturas omnium trium arborum. Influentia & refluentia sunt causæ primariæ ad arborem sensualem. Et ideo in leone stant influentia & refluentia secundum tres arbores, sicut elementalis, quæ influit ad principia sua finem, quare est, & illa principia refluunt illum finem ad finem vegetationis, qui refluit ad principia sensualis hoc quod ex elementali accipit, & sua principia similiter, & sensualis illam influentiam recipit ad finem, ex qua sua principia refluit. Et ideo stat leo productus de influentia & refluentia naturali omnium trium arborum. Productio ortus & exitus sunt primariæ naturæ ad arborem sensualem, sicut in elementali, in qua productus est truncus ex radicibus, & branchæ ex trunco, quæ nascuntur ex trunco, & in seipsis exeunt, quia in suamet specie nascuntur. Et cum vegetatio per agens naturale tangit productionem, ortum & exitum elementalis, producit ex ipso elementatum, quod nascitur & exit in vegetato. Et hoc idem facit sensuale, videlicet natura sensitiua, quæ producit in suamet specie leonem vegetatum & sensatum, & quia exit & nascitur in sensitiua, remanet sensatus & ex ipsa indutus. Separabilitas, inseparabilitas sunt formæ primariæ ad arborem sensua-

lem, sicut in leone, in quo est calor naturalis, qui suum proprium subiectum non dimittit, quod est ignis, quia ab ipso discedere non potest, nec vegetatio suas branchas dimittit, quod si dimitteret, non esset hoc, quod est, nec particulares sensus à sensu communi non discedunt, sicut partes quæ suum totum dimittere non possunt. Et cum in leone hæc quæ prædicta sunt recedunt, videlicet elementatiua, vegetatiua, & sensitiua, tunc ille leo in priuationem deuenit. Et in hoc passu est significatum, quod simplicia remanent in suo numero in cōpositis. Possibilitas & impossibilitas sunt causæ primariæ ad arborem sensuale, sicut in arbore elementali, in qua possibile est, quod sequitur elementatum ex illa, & in vegetali, in qua possibile est, quod ex ipsa sit vegetatum, & in sensuali, in qua possibile est, quod ex illa sequatur sensatum. Et hæc possibilitates sunt, quia in quolibet arborum, quodlibet suorum principiorum ad finem se habet, propter quem est. Et ideo ex omnibus tribus arboribus potest esse leo. Et impossibile est, quod non possit esse secundum cursum naturalem. Et est impossibile, quod leo possit esse in arbore elementali, si in sua leoneitate perderentur principia simplicia arboris elementalis, & idem est de vegetali. Similitudo & dissimilitudo sunt naturæ primariæ ad arborem sensualem, sicut in leone, in quo est similitudo aeris, ignis, terræ & aquæ, in quantum branchæ arboris elementalis, in suis ramis ponunt similitudines suas, quas leo attingit, videndo & tangendo, & ex quibus est secundum naturam elementalem. Et vegetatiua in ipso suam ponit similitudinem, & essentiam suam: in quantum leo vegetat cibaria quæ accipit, & appetitum habet, & instinctum

Etum naturalem assumendi ipsa, vt ex ipsis viuât. Et sensitua similiter, quæ in leone suam ponit similitudinem, inquantum ipsum calorem, frigiditatem & saporem sentire facit, & etiam res visibiles videre. Ponunt adhuc arbores in leone, per corruptionem dissimilitudines suas, sicut leo, qui cum gustum infirmum habet, videntur ei cibaria amara, quæ naturaliter sub forma leoneitatis dulcem habent saporem. Et idem est de suis dissimilitudinibus, quæ sunt species, sicut piscis & equus, qui similes figuras non habet, & sic de aliis rebus similibus istis. Natura, corporalitas & transmutatio ad arborem sensualem, sunt naturæ primariæ, sicut in leone, omnes tres arbores suas ponunt naturas, sicut ignis, qui naturam ponit calefaciendi, & vegetatiua naturam saporandi, & sensitua naturam videndi. Item ignis & cætera elementa ponunt in leone naturam corporis, inquantum in ipso ponunt longum, amplum & profundum, & figuras quæ sunt circulus, triangulus & quadrangulus. Et vegetatiua, & sensitua similiter ponunt in ipso corporalitatem: inquantum sunt partes corporales & substantiales. Ponunt etiam in leone transmutationem formarum, quæ sunt in potentia & dispositione, quod sint in actu transmutatæ, sicut vnus leo ex alio, & sicut muto quem leo comedit, eius materia carnis est transmutata in materiam carnis leonis. Lux & vmbra sunt causæ primariæ ad arborem sensualem, sicut in leone, in quo ignis ponit lucem, quæ est instrumentum ad videndum, & aqua & terra quæ ponunt vmbra, per quam pellis leonis habet colorem confusum. Et digestiua illam lucem facit in oculis digerentibus, illa quæ ducunt claritatem, & digerit

vmbra, dirigendo illa de quibus vmbra venit. Et sensitua lucem ponit, inquantum in sua impressione ipsam accipit, & in sua specie ipsam nasci, & stare facit, sicut lux ignis, quæ est in oculis leonis, & est pars illorum, quæ ita est sensata, sicut vegetata, & idem est de vmbra. Et in hoc passu cognosci potest, quod in absentia solis, vel luminis ignis stat leo in vmbra ita contentus, sicut vinum in ampulla. Et ideo leo facit vmbra, secundum illas partes, in quibus sol, vel lumen ipsum non tangunt. Linea, punctus & superficies sunt causæ primariæ ad arborem sensualem, sicut in leone, in quo arbor elementalis, puncta ponit, lineas & superficies, quæ sunt de sua essentia & natura. Puncta verò sunt, sicut sunt radices, & lineæ sunt longum, amplum & profundum, & branchæ arboris est superficies ex amplitudine & participatione linearum, & de contiguatione, quæ est inter vnâ & aliam, & puncta quæ vegetatiua ponit in leone, sunt suæ radices, & lineæ sunt suæ branchæ, & superficies est sicut sapor, quæ est superficies in medio tactiui existens, qui ipsum saporat. Et idem est de sensitua, quæ in sapore ponit sensum & oculos, quæ superficiem attingunt, & sua puncta sensata in sentiendo, videndo, audiendo, & lineas sensatas, sicut sunt suæ branchæ. Rectitudo & figura sunt prima principia ad arborem sensualem, sicut in leone, in quo arbor elementalis, sex ponit rectitudines, inquantum leo est in illa contentus, quæ verti possunt, secundum quod leo se vertit in parte dextra, vel sinistra. Ponit etiam in ipsa figuram circularem, triangularem & quadrangularem: secundum quod in ipso manifestè apparet, & secundum hoc quod de figura

festè apparet , & secundùm hoc quod de figura in suo tractatu, dictum est. Et vegetatiua in leone ponit rectitudines , quia illa quæ ex comestione digerit , quæ comedit , expulsua inferius in fæces proijcit , & digestiua superius , & in omnes partes , in quantum dat ad cerebrum , & ad caudam , & ad brachia dextrum & sinistrum , & ad pedes & ad dorsum altum & infimum , & in illo ponit figuram digestam in specie leonis , quæ in semine cruda fuit & confusa. Sensitiua verò ponit rectitudines in sex sensibus sensatis , & figuram leonis in extremitatibus illorum in superficie sensata. Masculinitas & fœmininitas sunt causæ primariæ ad arborem sensualem , sicut arbor elementalis , quæ in leone ponit masculinitatem ratione naturæ , quam habet à bonificatiuitate , magnificatiuitate , aërificatiuitate , & sic de aliis formis masculinis. Et ponit in illo fœmininitatem ratione naturæ bonificabilitatis , magnificabilitatis , ignificabilitatis , & sic de cæteris materiis fœmininis. Et ratione huius sunt in specie leonitatis leo & leonissa : & vegetatiua in illis ponit suas naturas masculinas & fœmininas , videlicet vegetatiuitatem , & vegetabilitatem. Et idem de sensitiua , quæ ponit in illis naturas masculinas & fœmininas , sicut sunt sensitiuitas , & sensibilitas. Et ideò leo est in leonissa agens naturale in elementando per elementare , & in vegetando per vegetare , & in sensando per sensare. Membrositas & instrumentalitas sunt naturæ primariæ in arbore sensuali : sicut in leone , in quo elementatiua potentia ponit membra & instrumenta , secundùm quod significatum est in ramis & in floribus suæ arboris ponendo sua membra , videlicet cor , epar , caput , & brachia , Ponit

etiam instrumenta , in quantum ponit manus , & pedes , & oculos , & elementare. Et vegetatiua in illo ponit membra secundùm generationem , corruptionem , & priuationem , & renouationem formarum veterum , & novarum , & ponit instrumenta , in quantum ponit humidum nutrimentale , quo. vtuntur formæ in saporando & digerendo in aliis. Et sensitiua membra ponit , sicut visitiuum , visibile , & videre , quæ sunt membra & rami visus : & ponit instrumenta , sicut videre quod est flos , qui non est de essentia visus nec visitiui , & sic de aliis. Nutrimtum & impressio sunt causæ primariæ ad arborem sensualem , sicut in leone , in quo elementatiua potentia ponit nutrimentum secundùm naturam quam habet nutriendi : sicut bonitas & magnitudo , quæ bonum & magnum durare nutriunt , & ignis qui nutrit suum calorem in aëre & in terra calefaciendo , & ponit impressiones suæ speciei , in hoc quod leo est ex quatuor elementis , & habet radices , truncum , branchas , ramos , folia , flores , & fructus , secundùm quod in arbore sensuali significatum est. Et vegetatiua ponit in leone nutrimentum , in quantum dat ei potentiam nutritiuam , cum qua nutrit semetipsam ex cibariis quæ accipit , & in illo ponit suam impressionem , in quantum ei dat appetitum & alias branchas , & idem est de suis ramis , & cæteris partibus arboris vegetalis. Et potentia sensitiua ponit in leone nutrimentum , in quantum in ipso nutrit videre , gustare , tangere , &c. etiam ponit in ipso suam impressionem , in quantum in ipso ponit visibilitatem , quæ est impressio visitiuitatis , & videre quod est impressum ex ambabus potentiis , & sic de cæteris partibus sensitiuæ. In-

tertio & perfectas sunt causæ primariæ ad arborem sensualem existentes in naturis trium arborum, sicut in leone, in quo elementatiua ponit insertionem secundum naturam inferendi, quam in se continet: sicut ignis qui in suo calore inserit aërem, ex qua insertionem exit humiditas calida. Et ponit in leone perfectitatem, cum facit ipsum esse per se elementatum & vnā substantiam per se stantem, & etiam facit ipsam esse per se ipsam elementantem, in quantum ipsum facit alium leonem generare & elementare. Et vegetatiua ponit in leone naturam inferendi, quam habet inferendo in materia carnis, quam comedit, materiam suæ speciei, quæ est leonina. Et ponit in ipso perfectitatem, in quantum est per se ipsum vegetans vegetando cibaria, quæ accipit in sua specie, in qua nascuntur & exeunt. Et sensitiua ponit suam insertionem, in quantum inserit sentire in branchis leonis, & in cæteris suis partibus. Et ponit perfectitatem in quantum ipsum facit per se ipsum sensatum, & ipse sentire facit alterum leonem per viam generationis. Indiuiduitas & attractio sunt naturæ primariæ ad arborem sensualem, & sunt naturæ omnium trium arborum, quæ se ponunt naturaliter in leone, sicut indiuiduitas arboris elementalis, vnde sequitur substantia elementata, existente vno leone ex alio ex branchis & ramis arboris elementalis in specie leonina. Qui quidem leo habet attractionem, quæ est de attractionibus arboris elementalis, sicut ex attractione, quam ignis habet in trahendo siccitatem ad se de terra, & aër calorem ab igne. Per quam attractionem leo attrahit ad se materiam cibariorum, quæ assumit, ipso habente naturam attractiuam per elementa. Et vegetatiua in ipso ponit

indiuiduatum, in quantum digestiua naturam habet indiuiduandi vnā partem ab alia, & expulsiua similiter, ponit etiam adhuc vegetatiua attractionem in leone, in quantum attrahit ad se species cibariorum quæ assumit. Et sensitiua similiter proponit in leone, in quantum ex sua sensitiuitate & sensibilitate generali scindit & indiuiduat sensitiuitatem & sensibilitatem, quam in leone producit quem generat. Ponit adhuc in leone attractionem sensitiuitatis & sensibilitatis, ex quibus sentire procedit extensum in gustare, videre, audire, odorare, & sic de aliis. Necessitas & contingentia sunt prima principia ad arborem sensualem, secundum quod significatum est in hoc quod in earum tractatu dictum est: sicut in leone, in quo arbor elementalis suas ponit necessitates, quoniam si truncus est, oportet quod sint radices, & si accidens est, oportet quod sit substantia. Et propter hoc leo habet truncum de necessitate, & quia in se habet calorem, oportet de necessitate quod in se habeat substantiam ignis. Item necessarium est leoni comedere ratione qualitatum contrariantium, quæ sunt suæ partes. Ponit etiam elementalis potentia in leone contingentiam secundum contingentiam, quæ est supra, & ideo leo casu nasci potest contractus: & inuenire etiam potest à casu aliquam bestiam, quam inuenire non intendebat, sicut serpentem, aut hominem. Et in leone vegetatiua ponit necessitates, quia si in ipso est vegetare, necessarium est ei comedere. Et ponit in illo contingentiam secundum contingentiam, quæ est supra, de qua in suo tractatu dictum est. Et sensitiua in leone ponit necessarias causas, ita quod si habet videre, oportet quod

quod habeat visum & visibile. Et etiam ponit in illo contingentiam in priuatione videndi ratione cæcitatís, circa quam peccant elementatiua & vegetatiua in organo videndi. Et in hoc passu est significatum, quod sensitiua est nobilior potentia quàm elementatiua & vegetatiua: sicut ignis qui semper combureret, si ligna haberet. Perfectio & imperfectio sunt causæ primariæ ad arborem sensualem, ad quam sunt primariæ per tres naturas arboris, sicut in leone elementatiua, quæ in illo ponit corpus completum, cum suam habet ætatem, & hoc facit ex complemento, quod elementatiua habet in trunco generali sub specie corporalitatis. Et in leone ponit imperfectionem, in quantum in ipso ponit elementationem in potentia, in quantum potest elementare alium leonem in generando, qui quidem leo qui stat in potentia completus non est. Et vegetatiua ponit in leone perfectionem, in quantum in ipso ponit branchas suas. Et in ipso ponit defectum, in quantum ipse sustineri non potest, nisi comedat & bibat, quia in se habet vegetare & consumptionem suarum partium per corruptionem. Et sensitiua ponit in illo perfectionem in videndo, audiendo. Et defectum accidit, cum sibi dat afflictionem per sensum, quem habet à calore, frigore, fame, & siti. Vita & color sunt causæ primariæ ad arborem sensualem; sicut in leone, qui est viuus per vitam, & est coloratus per colorem, & hoc secundum naturam trium arborum. Est viuus per arborem elementalem, in quantum viuit ex cibariis elementatis. Et coloratus est per colores quatuor elementorum generalium ad suum colorem. Est viuus per ve-

getatiuam, quæ vegetat illa, quæ comedit, ipsa transmutando in speciem leonis. Et colorem habet per vegetatiuam, quæ colores generales digerit in specialem colorem, quia sicut transmutat aquam, quam bibit in sanguinem, sic colorem aquæ in colorem leonis transmutat, sicut in hominibus, qui comedunt cibaria nimis calida, vegetatiua vegetat in ipsis colorem croceum in oculis & in facie. Et sensitiua ponit in leone vitam: per quam colorem sentit, famem & sitim, & in ipso ponit colorem sanguinis, & ei dat virtutem, quod colorem videre possit. Sonus, odor & sapor sunt naturæ primariæ ad arborem sensualem, quæ sunt ex parte trium arborum generalium, sicut elementalis natura, quæ ponit aures in leone, quæ instrumenta sunt ad audiendum & ponit nasum, qui instrumentum est ad odorandum, & in ipso ponit guttur, qui instrumentum est ad gustandum. Et vegetatiua ponit in leone naturam audiendi, in quantum digerit sonum ad audibilitatem per naturas calidas & siccas, quæ plus reddunt de sono quàm illæ, quæ sunt ex aliis complexionibus, & apparet in tonitruo, quod est de vaporibus calidis & siccis, etiam per retentiua (quæ est vna brachia vegetatiuæ) retinetur ille sonus in auribus. Ponit etiam odorabilitatem, in quantum digerit odores ad odoratiuitatem, quoniam sicut aquam digerit in sanguinem, sic digerit odores in odorabilitatem. Et hoc facit vegetatiua in gustare, quæ digerit gustabilitatem in hoc, quod ipsam ponit in dispositione gustandi, sicut natura quæ ponit in ferro dispositionem clauis. Et gustare ponit in potentia vegetatiuam & sensitiuam quæ quidem sensitiua ipsam ducit in actu in leone, in quantum ei dat naturam gu-

statiuam. Ponit etiam in ipso odore & audire, in quantum ei dat potentiam auditiuam & odoratiuam. Et in hoc passu cognosci potest, quomodo vegetatiua obiecta quæ sunt extra disponit cum elementatiua ad obiecta, quæ sunt intrà, quæ sunt ex natura sensitiuæ, in quibus ipsa accipit sensitiua. Tactus & affatus sunt formæ naturales & primæ ad arborem sensualem, sicut leo, qui tactum habet per arborem elementalem, in quantum in ipso ponit quantitates discretas sub forma molli, aut sub forma dura in tangendo. Ponit adhuc in ipso affatu linguam quæ est elementata, & quæ est instrumentum & organum ad affandum. Et vegetatiua ponit in tangere saporem digestum & in dispositione & potentia positum, ut sentiri possit & affari, ponit in potentia & in dispositione quod audiri possit. Et sensitiua ponit in tangere sentire, sicut leo, qui cum tangit aquam frigidam cum lingua, sentit frigiditatem, & cum clamat, suam vocem sentit, & adhuc sentit vocem aliorum entium cum sua potentia auditiva, quæ est brachia sensus. Vigiliatio & dormitio & somnium sunt potentie primæ ad arborem sensualem secundum naturas trium arborum, quia natura elementalis ponit in leone vigiliationem, in quantum famescere facit, & sua necessaria imaginari per nimium calorem aut frigiditatem, humiditatem aut siccitatem. Et in dormire ponit naturam quiescendi, in quantum cessat humorum contrarietas, qui excitant ipsum ad vigilandum, quorum contrarietatem leo sufferre non potest, & ideo dat ei natura in dormitione quietem. Et natura elementalis ipsum somnare facit, in quantum suam imaginationem stare facit inter vigiliatorem & dormi-

tionem ratione impressionum, quæ se habent ad omnes partes, videlicet ad vigilandum & dormiendum, & ideo homines qui sunt complexionis calidæ & siccæ, somniant colores croceos, & siccitates, & prælia. Et quia anima requirit recolere, intelligere & amare, & ignis requirit calefacere & desiccare, in dormitione loquuntur de rebus quæ sunt de natura calida & sicca, & similiter de præliis. Vegetatiua ponit in vigilare suam naturam, in quantum præparat leoni saporem comestitionis, & in ipso ponit suam naturam dormitionis, in quantum ipsum dormire facit, ut melius digerere possit cibaria, quæ ita bene digerere non potest in vigilando, quia formæ sensitiuæ ipsum impediunt, in quantum se habent ad sua obiecta sensibilia. Et suam naturam ponit in somnare, in quantum digerit species fantasticas, quas imaginatio accipit cum iuuamine sensuum. Quæ quidem species fantastice sunt inter vigilare & dormire. Et sensitiua ponit in vigilare suam naturam, in quantum sensus uti facit sentire. Et in dormitione naturam ponit quiescendi in quantum potentie festæ sentiendi quietem habent in dormitatione. Et ponit in somnare species sentiendi confusas, quæ sunt inter vigilare & dormire. Gaudium & ira sunt formæ primæ ad arborem sensualem secundum naturas trium naturarum arborum generalium, sicut in leone, in quo natura elementalis est ratio ad placitum, quod habet per suam vigentem fortitudinem, cum qua potestatem habet vincendi alias bestias. Et in illo ponit dispositionem ire per frigidum, & per calidum, & per famem, & per sitim, & per infirmitatem. Et vegetatiua ponit secundum suam naturam placitum in leone, in quan-

tum cibaria digèrit, quæ accipit tali modo, quòd ipsum sanum stare facit, & ei ministrat placitum per saporem & tactum, quem facit in leonissam. Poni etiam in illo iram per contrarium modum placiti. Et sensitiva ponit in illo placitum per videre, & per sentire sapes bonos. Poni etiam in illo iram, in quantum ipsum sentire facit contraria ad viuendum, sicut sunt fames, sitis & dolor. Sanitas & infirmitas sunt formæ primariæ ad arbo-rem sensualem, sicut leo, qui per sanitatem est sanus, & per infirmitatem infirmus. Et istæ impressiones sunt per naturas arborum, sicut elementatiua, quæ per temperatas complexionones est ratio sanitatis, quæ est in leone, & per distemperatas complexionones est ei ratio infirmitatis. Et digestiua ei est occasio sanitatis tunc: cum digerit cibaria, secundum quod oportet. Et quando peccat in sua operatione, infirmitatem in leone ministrat. Et sensitiva sanitatem ministrat per sentire placitum in comedendo & bibendo, quia sapor sentitus naturam viuificat. Et ideo de placito quod habet leo in videre ea quæ sibi placent. Et per contrarium sensitiva infirmitatem ministrat in leone. Industria est forma generalis ad industrias animalium, quæ industria sustentata est in potentiis generalibus, videlicet elementatiua, vegetatiua & sensitiva: sicut leo qui industriam habet ad venandum secundum elementatiuam, quæ accipitur supra in instinctu naturali ignis, & in eius appetitu, qui modum habet aquam calefaciendi, calefaciendo aërem quem calefacit: ut in humiditate calefacta, quam aër dat aquæ: transeat ignis ad calefaciendum & mortificandum aquam. Item ignis habet modum calefaciendi aërem in-

fluendo in illo calorem desiccatum, ut cum sua siccitate humiditatem existentem in aquam possit mortificare, ut aqua beneficium ab aëre non recipiat. Consimili modo vegetatiua est ratio leoni, quod habeat industriam secundum suum modum generalem, quem habet in suis brāchis: sicut leo, qui modum habet existendi in locis calidis, quando fit frigus, & in locis frigidis, quando viget calor. In quo modo digestiua melius potest operari secundum naturam sensitivæ, quæ ei ministrat loca frigida, quando habet calorem, & loca calida, quando habet frigus. Et adhuc se facit inuisibilem de nocte bestiis, quia timorem habent de illo, quando ipsum vident, & ideo plus venatur de nocte quàm de die. Substantia, essentia & ens sunt formæ generales & primæ ad arbo-rem sensualem: sicut in leone, in quo substantia elementalis, & generalis ponit substantiam specialem & indiuiduatā ex quatuor massis deriuatam, essentia cuius est leoneitas, quæ est ex natura elementalī, in quantum hoc quod in leone videri potest, & tangi. Et idem est de sua entitate elementata. Et idem facit vegetatiua, quæ vegetando conseruat speciem leonis. Et sensitiva similiter, quæ sensando aut sentiendo conseruat, & ipsum generat cum agente naturali. Et leoneitas quæ est essentia leonis, est per vegetationem & per sensum, quia sine vegetare & sentire essentia stare non posset supra substantiam, quæ stat sub essentia per vegetare & sentire, quæ sunt de entitate substantiæ & essentiæ. Et in hoc passu potest homo cognoscere, quod substantia est in particularibus sub essentia & operatione illius; sicut bonus sub bonitate. Et adhuc cognosci potest quod

essentia & substantia stant sub entitate. Et in hac cognitione multum de philosophia habetur. Et adhuc ea quæ dicta sunt de centum formis applicatis ad indiuiduatum arboris sensualis. Quæ applicatio subiectum est generale, in quo datur doctrina habendi artem & modum ad applicandum centum formas ad inuestigandum veritatem entium secretorum sequendo modum, quem terminus inuestigandi secreta & naturas cum centum formis, & indiuiduatum, elementatum, vegetatum & sensatum cum naturis elementalibus, vegetalibus, & sensualibus.

DE ARBORE imaginali.



Arbor ista in septem, ut alia, diuiditur partes, scilicet, in radices, truncum, branchas, ramos, folia, flores, & fructus.

Radices sunt principia generalia imaginata in similitudines illorum realium in imaginatione sumpta.

Truncus est trunci realitas aliarum arborum imaginati in similitudinaria accepti.

Branchæ sunt similitudines brancharum aliarum arborum imaginatae.

Rami sunt similitudines ramorum aliarum arborum imaginatae.

Folia sunt similitudines foliorum aliarum arborum imaginatae.

Flores similiter sunt similitudines florum aliarum arborum imaginatae.

Fructus sunt similitudines fructuum aliarum arborum imaginatae.



De Arbore imaginali.



ARBOR ista est de similitudinibus & impressionibus. Et diuiditur in septem partes, videlicet in radices, truncum, branchas, ramos, folia, flores, & fructus. Et est de similitudinibus arboris elementalis, vegetalis, & sensualis,

quoniam in quantum est generalis, in illis est inserta & cum illis mixta: sicut vegetalis in elementalibus, & sensualis in vegetali. Et similitudines ex quibus est, sunt masculinæ & femininæ: masculinæ sunt per bonificatium, magnificatium, & ceteras formas. Est ex similitudinibus femininis per bonificabile, magnificabile, & ceteras materias. Et propter hoc in se continet imaginatium, imaginabile, & imaginari,

nari, quod est similitudo bonificare, magnificare, & cæterorum actuum. Et imaginatiuum est similitudo bonificatiui, & magnificatiui & cæterorum. Et imaginabile est similitudo bonificabilis & magnificabilis & sic de aliis. Arbor ista est de imaginatione, quæ est creatura vt plurimum necessaria animalibus, quia absque illa viuere non possunt, nec se possent habere ad obiecta sensibilia: sicut leo qui ad fontem redire non posset absque imaginari, neque similiter auis ad suum nidum, nec homines ad domum, nec antequam domus esset, ipsam facere scirent, nec sine imaginatione clauum, tunicam, nec nauem facere scirent, nec habitus scientiarum haberent, neque alia quæ necessaria sunt ad viuendum, neque memoriam rerum transactarum haberent. Hæc arbor videri non potest nec tangi. Et in quantum imaginabilitas est in corporibus inanimatis, & in quantum imaginatiuitas, imaginabile, & imaginari est in animatis corporibus, in animatis corporibus est sicut in igne & in aëre, qui assimilantur in calore, & sicut speculum, quod accipit vmbra & figuram plantæ, quæ simulantur ad diaphanitatem in vmbra, & est in animatis, qui simulantur in speciebus, sicut Petrus & Martinus, qui simulantur in specie hominis, & sic de aliis rebus similibus istis.

*De Radicibus arboris
imaginalis.*



RADICES arboris imaginalis sunt similitudines radicum realium de quibus in arbore elementalī, vegetali, & sensuali dictum est: sicut similitudo bonitatis, magnitudinis, durationis, potestatis, & cæterarum radicum, etiam similitudo

vnitatis, & pluralitatis, & cæterarum consimiliū formarū, de quibus dictum est. Et suæ radices sunt ita generales ad similitudines específicas: sicut sunt radices reales, & generales ad específicas, secundum quod in exemplis quæ dedimus, dictum est. Bonitas suam dat similitudinem magnitudini, in quantum magnitudo est bona per bonitatem, & magnitudo dat suam similitudinem bonitati in quantum bonitas per magnitudinem est magna, & ex his similitudinibus realibus est imaginatio arbor ex similitudinibus & impressionibus, & quæ accipit similitudines radicum: sicut cera, quæ accipit similitudinem literarum sigilli, & speculum quod accipit figuras quæ sunt ante ipsum: & sicut homo qui imaginatur equum, quem vidit in quo imaginatur bonitatem in quantum bonus est ad currendum, & in ipso imaginatur magnitudinem, quia ipsum vidit magnum, & quia ipsum vidit pulchrum imaginatur in ipso pulchritudinem sicut magnitudinem, quæ est pulchritudo bonitatis, quoniam pulchrum est bonitati quod sit magna. Vnde sicut potestatiua, sensitiua naturam habet & proprietatem, quod in sua specie sentiat saporem pomi, quod homo comedit, quam non sentit in specie pomi, sed in essentia sua: sic imaginatiua accipit & attingit similitudines reales in semetipsa, in qua digestiua ipsas digerit. Et in his similitudinibus quas accipit in imaginatiua à bonitate, magnitudine & cæteris radicibus sunt naturæ arborum realium, quæ sunt imaginabiles, quia cum imaginatiua participat, quæ in ipsis generaliter est extensa: sicut ignis & cætera elementa, quæ in elementatis figuram faciunt, & ponunt in illis colores: sicut in equo elementato, in quo est figura

figura & color, qui boni sunt & magni. Et quia ex similitudinibus realibus similitudines fantasticae descendunt, sicut accidentia quae exeunt ex substantia accipit imaginatiua similitudines reales ab equo, quae bonae sunt & magnae, & ipsas accipit cum sensitiua, quae est instrumentum ad illam receptionem, quam attingit videndo colorem & magnitudinem, & digestiua ipsas species fantasticas digerit, in quantum dispositae sunt, quod sunt imaginatae, & cum imaginatiua sunt potentialiter in obiectis cum iuuamine sensitiuae, secundum quod dictum est. Et sic omnes tres naturae arborum realium disponunt, quomodo imaginatiua, earum similitudines accipiat, quae apparent in bonitate & magnitudine equi.

De Trunco arboris imaginalis.

TRUNCUS arboris imaginalis est ex similitudinibus communis & confusus, & constitutus est ex essentis & naturis radicum suarum, & in ipso sunt potentialiter similitudines specificae, quas ex ipso agentia naturalia & animata attrahunt ulterius non animata. Inanimata sunt: sicut figura plantae terrae vel equi, quae apparent in speculo vel in umbra aut in aqua, aut in umbra quam arbor facit in terra ratione solis, & sic de aliis rebus similibus istis. Quare truncus, secundum quod tangitur ex sui natura, responder ad factum: per quem tangitur per agentia naturalia, quia si per bonitatem tangatur, reddit similitudinem bonitatis, & si per magnitudinem, similitudinem magnitudinis: sicut Deus, qui est iustus, misericors & humilis, quia si tangatur cum iustitia, iustitiam reddit,

si cum misericordia, reddit misericordiam, & si cum humilitate, reddit humilitatem. Consimilimodo facit truncus imaginatiua, quia si bonitatem imaginatur in specie equi, reddit ei bonam similitudinem equi, & imaginatiua ipsam accipit in sua natura, in qua ducit de potentia in actum: sicut ignis, qui cum calefacit aquam frigidam, ducit calorem in actum, qui ante stabat in potentia. Haec similitudo stat in duobus modis. Vnus modus est in quantum non est accepta per imaginationem: sicut umbra plantae in speculo vel in aqua, vel in terra, quae est similitudo similitudinum realium, elementarium, ita quod planta non imaginatur illam similitudinem, neque speculum aqua, neque terra illam similitudinem imaginantur, quia non sunt substantiae animatae, imaginabilitas tamen cum illis participat in trunco generali, qui est de natura elementalium, vegetali, sensuali, & imaginali. Et propter hoc secundus modus similitudinis est per agens naturale animatum: sicut equus vel homo, qui potentiam habent imaginatiuam, quae umbram plantae accipit in aqua vel in terra illam umbram imaginando. Et in hoc passu cognoscitur, quod imaginabilitas est duobus modis. Vna est, quae disposita est quod imaginata sit: sicut umbra plantae, quae apparet in speculo, vel in aqua aut in terra. Alia est imaginabilitas, quae est ex essentia imaginationis coniuncta cum imaginatiuitate masculina in animali, quae cum sua imaginabilitate & in sua imaginabilitate stat in una substantia indiuiduata & sub una & eadem specie. Et in sua imaginabilitate attingit imaginabilitatem extra sustentatam in umbra plantae, quae in speculo, aqua & in terra est similitudo plantae, quam

similitudinem accipit animal, sicut homo, qui imaginatur illam similitudinem plantæ. Et truncus huic umbræ reddit similitudinem bonitatis, in quantum illa imaginatio est bona, & magna est in hoc quod magnam facit operationem, & idè similitudinem reddit magnitudinis. Et quia operationes transactæ durant per imaginationem, quæ ipsas reddit à trunco exit similitudo durationis. Et idem est de potestate, quoniam magna potestas stat in illo imaginari, quia ex trunco exit magna similitudo potestatis, & idem est de instinctibus naturalibus & appetitibus & de aliis similitudinibus, quæ sunt ex formis realibus & generalibus, quæ imaginabiles sunt iuvantibus quibusdam formis aliis: ut sint imaginatæ earum similitudines. Ita sub ratione imaginationis: sicut bonæ sunt sub ratione bonitatis, & magnæ sub ratione magnitudinis, & sic de aliis.

De Branchis arboris imaginalis.

BRANCHÆ arboris imaginalis similitudines sunt brancharum aliarum arborum: sicut vestigia pedum, quæ sunt similitudines pedum per operationem, sic branchæ imaginatiuæ sunt impressiones operationum, quas faciunt arbores reales & naturales. Et de hoc exemplum dabimus breviori modo quo poterimus, ut melius cognitionem imaginationis dare possimus.

De Similitudine ignis.

Ignis simplex videri non potest neque tangi, & sua similitudo stat in ramis, videlicet in igne composito, qui est suum opus: sicut flamma, quæ visi-

bilis est & composita ex quatuor elementis: sed quia in illa plus est de igne quam de aliis elementis stat similitudo ignis in illa & non aliorum, & ex hac similitudine imaginatio imaginatur ignem simplicem, & similitudinem accipit à flamma & non flammam. Et hæc similitudo exit de imaginabilitate flammæ, quæ visibilis est, quam imaginatio in suam propriam imaginabilitatem convertit, quæ est, pars animalis, quod flammam imaginatur. Vnde sicut ignis qui cum medio transit ad aquam (hoc est per aërem) sic imaginatiua cum vna similitudine aliam accipit similitudinem: videlicet cum sua similitudine reali, quæ est pars animalis imaginatiui, accipit similitudinem flammæ ignis, quæ est similitudo fantastica, depurata & digesta in cerebro, quæ exit de imaginabilitate reali flammæ, quæ stat inter imaginabilitatem realem animalis & imaginabilitatem flammæ: sicut somnari, quod est in medio dormiendi & vigilandi. Et hæc imaginabilitas, quæ est inter duas imaginabilitates reales, est species fantastica imaginationis, quæ non est de sua essentia: sicut accidens, quod non est de essentia substantiæ. Et est operatio imaginandi & instrumentum cum quo imaginatiua transit ad imaginandum ignem simplicem imaginando suam similitudinem, quæ visibilis est, quæ est flamma. Veruntamen ignis simplex in figura imaginari non potest: sed in qualitate, videlicet in calore vel in leuitate aut in colore. Et in hoc passu cognoscitur quomodo imaginatio species multiplicat, quæ sunt similitudines entium realium.

De Similitudine appetitiua.

Appetitiua est vna de branchis arboris vegetalis: cuius similitudo est vna de branchis arboris imaginalis: sicut similitudo ignis, quæ est vna ex brâchis arboris imaginalis. Appetitiua est ens reale in arbore vegetali, & suâ similitudinem accipit animal in suis appetitibus naturalibus: sicut homo, qui naturalé habet appetitum ad comedendum & bibendum, & sic de aliis sensibus. Et idè naturalem habet inclinationem ad imaginandum res appetibiles, quas cum imaginatiuitate imaginatur. Et quia imaginatiuitas & imaginabilitas se habent relatiuè: idè imaginatiua accipit cū similitudine imaginatiuitatis suammet similitudinem masculinam, & cū sua similitudine masculina accipit similitudinē fœmininā ab obiecto imaginabili & appetibili sub ratione coloris, saporis, vocis, odoris, aut tactû. Et sic imaginatio similitudinem accipit à potētia retentiua, digestiua & expulsiua. Et in hoc passu cognoscitur, quomodo imaginatiua similitudines accipit ex arbore vegetali.

De Similitudine Visus.

Similitudo videndi est brâcha imaginatiuæ in qua imprimuntur res visibiles, sicut imaginatiua hominis aut araneæ, qui propter hoc, quia vidit domum, cum est in absentia illius: illā domum imaginari potest, & aranea telam, quam facere desiderat: & imaginari est species multiplicata de imaginabilitate sustentata in camera visibili, composita ex quatuor elementis, in quibus imaginatiua generalis est inserta cum visibilitate elementorum compositorum. Et cum visitiua potē-

tia materiam tetigerit, & figuram cameræ, quando homo est in absentia cameræ, aut clauferit oculos: imaginatiua attrahit à visibilitate similitudinē, quæ est species fantastica in imaginatiua accepta & impressa, & sic imaginabilitas remanet ens reale significatum per visibilitatem rei. Et similitudo imaginabilitatis est operatio imaginatiuæ, quæ illam similitudinem imaginabilitatis accipit per videre in seipsa, & in sua propria imaginabilitate, quæ cū imaginabilitate cameræ habet concordantiam in specie. Et instrumentum est visibilitas cameræ, cum qua imaginatiua similitudinem trahit ab imaginabilitate cameræ, & ponit in sua propria imaginabilitate: cum qua est coniuncta in homine, qui suam imaginatiuam mouet ad imaginandum cameram. Et in hoc passu cognoscitur natura & modus, quem imaginatiua habet in multiplicando species, quas trahit ab imaginabilitatibus cum instrumento, quod est videre: de quo dictum est.

De Similitudine Auditus.

Similitudo auditus est vna brâcha arboris imaginalis: sicut homo, qui audit aliquam notam aut aliquos sermones, qui sūt audibiles in auribus & in aëre, quæ sūt partes arboris elementalıs: in quibus audibilitas sustentatur & disponitur, quod audiatur, & stat in potētia, quod audiat per auditium, quod est de essentia sensus, quod audibilitatē accipit: quæ est extra disposita in sua audibilitate intrā, quæ est de essentia sensus & pars hominis, qui audit sermones. Et idè imaginatiua quæ extensa est per aërem & per aures: & sic de aliis partibus: sicut forma in arbore elementalı extensa cum tangitur per imaginatiuum speciale, (quod est de sua

natura) reddit imaginabilitatē speciale in sermonibus auditis; quos accipit imaginatiuum in illis cū audire: quod est instrumentum à quo trahit similitudinem imaginandi, quę est ita vestigiū & impressio audiēdi: sicut vestigiū pedis in cinere. Et in hoc passu datur doctrina: quomodo imaginatiuum multiplicat species & ipsas trahit ex similitudinibus audibilitatis cum instrumento, quod est audire.

De similitudine Odoratus.

Similitudo odoratus est vna brācha Arboris imaginalis, cum qua animal imaginatur odorabilia, & hoc secundum illum modū diximus in similitudine videndi. Imaginari quod est de odorabilibus, non est secundum figuram circularem, quadrangularem, nec etiam secundum triangularem: quia deficit corpus solidum in quo formaretur illa figura odorationis, in quantum non habet superficiem, quę sit visibilis oculis, sed imaginatio imaginatur figurā odorationis sub specie pomi, aut arboris, aut rosę. Et ideo imaginatiua transit ad imaginandum obiectum in quo odoratio sustentatur, & mouet se imaginatiuum ad imaginandum delicias, quas odoratiuum in illis obiectis assumit.

De similitudine Gustus.

Similitudo gustus est vna brācha Arboris imaginalis, & imaginari est similitudo gustus multiplicatū ex gustabilibus, videlicet ex similitudinibus illorum: sicut homo qui in pomo imaginatur dulcedinem, & in thure amaritudinem. Et dulcedo & amaritudo sunt entia realia, & similitudines quas imaginatiuum trahit, sunt species facticę sustentatę in natura imaginatio-

nis masculinę cū instrumento, quod est gustare, quod accipit dulcedinē & amaritudinem per attractionem sensus masculini, qui ad se trahit naturam sensus fœmininę: & fœmininus in quantum se disponit ad attractionem ratione appetituum naturalium, ad se attrahit naturam masculinam.

De similitudine Tactus.

Tactus est vna brācha sensus secundum quod dictū est, & eius similitudo est illud, quod imaginatiua trahit ad suam speciem, in quantum imaginatur operationes tangendi: sicut homo, qui tangit ferrum calidum, aut aquam frigidam, aut fœminā: quę tactum sensus sentit: in quo imaginatio est seminata & inserta, & quę respondet imaginatiuę in specie & natura imaginabili, quę est pars animalis. Et propter hoc imaginatiuum trahit speciem fantasticam, quod est imaginari quo indutum est tangere, quod est ens reale, & eius vestimentum est similitudo fantastica, quę est operatio imaginationis. Et propter hoc quando homo imaginatur tactum quę fecit fœminā: illa similitudo mouet calorem naturalem & inclinā ad generationē, & appetitum similiter ad cōseruationē speciei humanę. Et hoc est, quia tactus & imaginatiua sunt mixtę naturę & potentię adinuicem cum quantitate continua. Sed quia imaginatio est vna essentia, & tactus alia essentia, & species sunt distinctę, stant in quantitate discreta.

De similitudine Affatus.

Affatus est vna brācha sensus secundum quod suprā probatum est. Ex quo affatu imaginatiua trahit similitudinem,

dinem, sicut ignis, qui cum aquam frigidam calefacit: calorem qui in illa aqua erat potentialiter, trahit in actu, de quo qui sem calorem inducit aqua induit, quæ quidē aqua stat in calorem, & ille calor tractibilis est de essentia caloris attractiui. Simili modo imaginatiua trahit suam similitudinem de affatu, in quo stat in potentia, in quantum affatus est imaginabilis ratione conceptionis interioris in voce manifestata, ex qua similitudine imaginatiua affatum induit in sua propria imaginabilitate distincta in subiecto, & non in specie ab imaginatiuitate, in qua affatus est indutus ex similitudine fantastica, quæ exiit de imaginatione generali, quæ est ens reale per speciale tacta, quæ specialis est pars imaginatiui indiuiduati in specie humana, vel in specie equi, & sic de aliis. Et ideo ioculatores ante imaginantur notas quas intra concipiunt, & similitudines illarum trahunt in sermonibus quos in ore cum lingua proferunt, vel in similitudinibus sermonum, quos formant in instrumentis: sicut in figella vel in symphonia, & hoc facere non possent, si imaginatiua similitudinem in sua specie non acciperet ex affatu vel ex similitudinibus ipsius affatus.

De Ramis arboris imaginalis.



RAMI arboris imaginalis sunt similitudines ramorum arboris elementalis, & ramorum arboris vegetalis, & ramorum arboris sensualis. Similitudines sunt arboris elementalis, in quantum sunt similitudines compositæ, quæ similitudines simplices significant: sicut quatuor massæ elementorum compositorum, quæ sunt similitudines sim-

plicium elementorum. Et ideo rami imaginabiles sunt quatuor sub specie ramorum elementarium existentium, sicut imaginatiua, quæ imaginatur massam terræ in qua habitamus, & massam aquæ, quam in mari videmus, & massam aeris, in quo sumus, & massam ignis, quem sentimus tangendo & videndo: ut qui stat in ferro & in lapide. Et has massas imaginatur cum iuuamine ramorum vegetatiuæ, & sensitiuæ. Cum iuuamine ramorum vegetatiuæ, qui sunt generatio, corruptio, priuatio, & renouatio: sicut generatio specierum generatarum in terra, & indiuidua elementata ex terra: sicut pomerium, quod nascitur in terra & de terra, & pomum in specie pomerij, & hoc cum corruptione formarum veterum, & cum priuatione illarum, & cum renouatione nouarum formarum. Vnde propter hoc imaginando imaginatiua quatuor formas imaginatur: terram, ex qua exeunt & in ipsa attingunt naturas & proprietates elementales, à quibus imaginatiua trahit similitudines plantarum. Imaginatiua terram imaginatur cum iuuamine sensitiuæ, videlicet cum iuuamine ramorum suorum, qui sunt sensitiuum, sensibile, & sentire in branchis sensitiuæ, in quibus sunt rami sensitiui, sensibilis, & sentire: sicut in sensu, qui est visus, sunt visitiuum, visibile, & videre: & in auditu, auditium, audibile, & audire. Et quia visitiuum monstrat membra corporum reparatorum membris sensus communis iuuat imaginatiua ad imaginandum visibilia. Et sic imaginatiua transit ad imaginandum terram, & suas conditiones attingit, & proprietates in visibilitatibus elementorum, quæ ex ipsa deriuantur, & illud quod in ramis elementariæ, vegetatiuæ, & sensitiuæ attingit.

fui rami proprij sunt & essentielles, qui
~~imprimuntur~~ sunt ex ramis antedictis, & in
 ramis imaginatiuæ imprimunt simili-
 tudines suas moras per agentia natu-
 ralia, videlicet per illos, qui imaginan-
 tur ramos reales arborum prædican-
 rum.

De Folijs arboris imaginalis.

FOLIA arboris imaginalis sunt
 similitudines foliorum arbo-
 ris elementalis, vegetalis, &
 sensualis. Folia arboris elementalis
 sunt quantitas, qualitas, & cætera præ-
 dicamenta, quæ exeunt à substantia
 elementali in specie elementationis,
 & imaginatiua illas imaginatur cum
 folijs arboris vegetalis, & sensualis,
 quæ sibi sunt instrumenta ad imagi-
 nandum folia arboris elementalis. Et
 illa instrumenta suas imprimunt simi-
 litudines in imaginatiua, & imaginati-
 ua ipsas accipit, & ad similitudines fo-
 liorum elementaliu transiit.

De Similitudine Quantitatis.

Imaginatiua accipit similitudinem
 quantitatis realis, quæ similitudo est
 fantastica, & ipsam accipit cum iuu-
 amine naturarum trium arborum, quæ
 sibi sunt instrumenta ad accipiendum
 similitudinem: sicut arbor elementalis,
 quæ figuram facit substantiæ corpo-
 ralis, in quantum in ipsa ponit longum,
 amplum, & profundum, quæ sunt
 quantitates continuæ substantiæ, quæ
 videri non possunt nec tangi, & per
 sensum videt figuram. Et imaginati-
 ua considerat longum, amplum, & pro-
 fundum, ex quibus trahit quantitatem
 in abstracto, & illud quod trahit, est
 similitudo quantitatis ad quam tran-
 sit, quia videtur in colore & figura. Et

similitudo facit de quantitate discreta,
 de qua similitudinem accipit cum iu-
 uamine arboris elementalis, & sensua-
 lis: sicut & mentalis, quæ componit
 numeros, manus, & differentia ipsos in
 numero distinguit, & visus ipsos in
 numero distinctos recipit, & imagi-
 natiua similiter, & ideo imaginatiua
 numerum multiplicat ex vno, duobus
 & tribus, & sic de alijs discretis, quæ
 numerari possunt. Et hæc quantitas
 numeri non est aliquid in seipsa, sed
 est similitudo quantitatum realium
 discretarum. Quæ similitudo est o-
 peratio imaginationis quæ plura con-
 siderat. Iuuat adhuc vegetatiua ad
 operationem imaginationis cum suis
 radicibus: sicut sapor vini, quod est
 forte, quando est purum: & non forte,
 quando est lymphatum. Et ideo ima-
 ginatiua in vino considerat fortitudi-
 nem maiorem & minorem. Idcirco
 considerat quantitatem fortitudinis
 cum iuuamine gustus in gustando,
 quam quantitatem non accipit sub fi-
 gura circulari, triangulari, nec qua-
 drangulari, quia sapor non est visibilis,
 quia non est obiectum visus, & ideo
 imaginari non potest sub obiecto vi-
 sus: sed ipsum imaginatur in obiecto,
 quod spectat ad gustum. Et in hoc
 passu cognoscitur quomodo imagina-
 tiua vnam quantitatem accipit secun-
 dum vnum sensum, & aliam quantita-
 tem sub alio sensu. Et propter hoc v-
 nam generalem quantitatem confide-
 rat, quæ est similitudo quantitatis rea-
 lis & generalis, quæ extenditur in ar-
 boribus & earum partibus: sicut acci-
 dens, quod est extensum in sub-
 stantia in longum, amplum,
 & profundum, &
 rotundum.

De Similitudine Qualitatis.

Sonus est per arborem elementalem, & sub sono stat verbum, quod audibile est per sensum, qui est auditus, & quia verbum videri non potest nec gustari: sed tantummodò audiri, imaginabilis est ratione sensus, qui est auditus, & eius imaginabilitas disposita est per arborem elementalem, & sensualem, quæ sunt instrumenta ad imaginandum, cum quibus instrumentis imaginatiua trahit similitudinem à verbo, & ponit in imaginari, ita quod similitudo tenet vnum pedem in verbo in quantum est sua figura, & alium pedem tenet in imaginatione in quantum est sua operatio, & ita stat in medio, videlicet inter verbum & imaginationem, quæ illam similitudinem trahit à verbo cum iuuamine auditus in audiendo & tactus in tangendo: sicut audire, quod est in medio sensus, qui est auditus, & tangere quod est inter linguam & aërem, quæ quidem lingua tangit aërem in quo format vocem, quam accipit auditus in audiendo, & imaginationi ipsam repræsentat, & illud quod imaginatio accipit, est similitudo: sicut sigillum, quod cera suas literas repræsentat, & cera literarum similitudines, & non literas sigilli assumit. Et in hoc passu cognoscitur, quomodo similitudines exeunt de entibus realibus. Secundùm hoc quod diximus de similitudine auditus in audiendo, potest cognitio haberi quomodo imaginatiua accipit similitudines qualitatis in verbis, in quibus qualitas extenditur, sub qua quæri potest, qualia verba dixit Rex suo populo? & is qui responder imaginatur verba in similitudine illarum, in qua ipsa verba retinuit: sicut cera retinet

similitudinem literarum quæ sunt in sigillo. Idem facit imaginatiua de qualitatibus naturalibus: sicut ex calore, frigiditate, dulcedine & amaritudine, & de bonitate dulcedinis, & de malitia amaritudinis. Et quia istæ formæ sunt sicut impressiones literarum sigilli in cera, imaginatiua similitudinem accipit ex his impressionibus sub ratione qualitatis.

De Similitudine Relationis.

Per visum videt homo infantem nasci de sua matre, & ideò considerat homo matrem & filium, & patrem & filium, & propter hoc consideratur quod si pater est, & filius sit, & si filius sit, quod pater sit. Et idem sequitur de relatione, qui est inter æquales causas: sicut si est æqualitas, oportet quod sint plures res, & idem est de concordantia. Et hæc necessitas est ens reale: ex qua imaginatio similitudinem trahit relationis, ita quod entitas realis conuertitur cum relatione in vno eodem numero, & imaginatiua similitudinem trahit relationis, & ipsam ponit in seipsa de qua induit suum imaginari: sicut ipsum induit de similitudine albedinis, quando res albas imaginatur. Et in hoc passu cognoscitur, quod relatio est vna causa secundùm realitatem, & sua similitudo est alia causa secundùm imaginari: sicut litera, quæ est vna causa in sigillo, & sua similitudo alia in cera.

De Similitudine Actionis & Passionis.

Oculi vident, quod martellus clauum extendit cum percutere, & quod ignis calefacit aquam, quam calidam tactus sentit, absque quo sentire

tire non sciri posset, quod ignis aquam calefaceret. Et ideo sensus sunt instrumenta, mediantibus quibus imaginatiua trahit similitudines actionis & passionis, & ponit ipsas in suo imaginari ex illis similitudinibus indutum, quod quidem indumentum se extendit in rebus actiuis & passiuis, quia cum illa similitudine accipit earum similitudines, quemadmodum oculi qui cum luciditate albam similitudinem, nigram, viridem, & rubeam accipiunt: sicut imaginatiua cum similitudine actionis & passionis similitudinem actionis martelli accipit, qui clauum extendit, & etiam actionem ignis, qui aquam calefacit, & passionem ferri de quo effectus est clauus, & passionem aquæ per ignem calefactæ.

De Similitudine Habitus.

Ignis induit de suo calore aquam: in quantum ipsam calefacit, & aqua accipit habitum ignis sub ratione contrarietatis, & aërem calefacit, qui habitum ignis accipit sub ratione concordantiæ. Et ad hos habitus transit imaginatiua, ad imaginandum per habitum scientiæ, quoniam imaginari incipit cum habitibus, qui sunt extra: sicut tunica, quæ est habitus hominis qui ipsam induit, & sic de chlamyde & de habitu coloris: sicut homo, qui est albificatus per colorem. Et idem de gustare, quod dulcificatum est; per dulcedinem saporis, & sic de aliis habitibus, ex quibus imaginatiua similitudinem habitus accipit, & sicut intellectus, cum vna intellectiuitate plures res intelligit, & faber cum vno martello, plures clauos facit, sic imaginatiua, cum vna similitudine, quam accipit ab habitu, multas similitudines habituum attingit: sicut habi-

tum chlamydis, tunicæ, aquæ, aëris, contrarietatis, & concordantiæ; & in hoc passu cognoscitur, quomodo vnus intellectus generalis est ad intelligendum plures res.

De Similitudine Situs.

Figura naturalis assituata est per circulum, quadrangulum & triangulum, & idem est de figuris artificialibus. Et has figuras attingit visus, & in quantum visus ipsas attingit, disponit quod sint imaginatæ in absentia videndi, quia dum videntur, imaginatiua ipsas imaginari non potest, quia visus dominus est in videre: sicut ignis, qui aquam calefacit, dominus est in calefaciendo, scilicet, tunc cum oculi non vident figuras, quas viderunt, est imaginatio domina ad imaginandum ipsas, quia ipsas habitauit per videre quod sibi illuminauit situationem circularitatis, quadrangularitatis, & triangularitatis. Et quia imaginatiua accipit similitudinem situationis realis, cum illa similitudine, quam accipit, imaginari potest plures assituationes reales: sicut assituationem hominis, manus & cameræ, vici & ciuitatis, etiam assituare potest chimeram, & ipsam apprehendere sub similitudine bouis, hominis, piscis, & fœminæ, & ipsam apprehendere potest, paruum aut magnum. Et hoc facit, quia assituationes facit in habitu situs non sustentatæ, in habitu reali, scilicet in habitu imaginandi similitudinem situs, quam accipit à sitibus realibus. Et per hanc naturam pictores libertatem habent ad faciendum figuras magnas, aut paruas, & sub similitudinibus diuersorum habituum & assituationum.

De similitudine Temporis.

Visus diem accipit, & noctem, videlicet similitudinem amborum, & ex hac similitudine quam accipit, imaginatiua similitudinem, in quantum imaginatur vnum diem, & vnam noctem, & imaginatur diem in vno tempore, & noctem in alio, & sic similitudinem temporis accipit, & similitudinem moris, cuius similitudo est instrumentum imaginationi, quod similitudinem cimenti temporis accipiat. Hoc idem facit figura cimenti, quod est instrumentum ad imaginationem per quod similitudinem temporis accipiat: sicut planta, quæ in vno tempore est parua, & in alio est magna, & fructus qui in vno tempore est viridis, & in alio tempore est maturus. Et quia tempus tangi nequit, neque videri, gustari, nec odorari, sensus monstrat imaginationi similitudinem temporis, sicut gustus in gustando, qui monstrat quod in vno tempore pomum est viride, & in alio maturum. Et ideo imaginatio quæ illam similitudinem accipit, similitudinem temporis accipit, & suum induit imaginari illa similitudine habituatum, & denudat ab ipso similitudines particulares, quas accipit, in quantum remanet habitus generalis, ad imaginandum generalitatem temporis. Et ex hac generalitate descendit ad imaginandum tempus, in rebus particularibus, sicut tempus diei, & tempus noctis, & tempus præteritum hominis mortui, & tempus præsens hominis, qui viuus est, & tempus futurum infantis, qui est ad nascendum.

De similitudine Locī.

Oculi vinum vident in ampulla, & ampullam vident in camera, & cameram in ciuitate, & ciuitatem in aëre. Et idem locum imaginationi repræsentant, sicut speculum, quod repræsentat figuram rei, quæ stat ante ipsum. Et ex hac repræsentatione trahit imaginatio similitudinem loci, quæ oculi disponunt. Et quia similitudo stat in potentia per oculos, & per imaginationem; sicut clauus, qui stat in massa ferri, per ferrum & per fabrum, & martellum, sic visus, & imaginatio, & instrumentum (quod est figura, quæ continet, & quæ est contenta, secundum quod dictum est de ampulla & vino) sunt rationes, cum quibus imaginatio accipit loci similitudinem, cum quæ imaginatur res collocatas, & ea in quibus sunt collocatæ, sicut vinum in ampulla, & ampulla in camera. Et quia locum oculi sentire, seu videre non possunt, similitudinē suam imaginationi repræsentat, quam accipit imaginatio in specie, & natura sua, sicut formam abstractam ab ente reali sustentatam in imaginatione, & generalizatam ad imaginandum plurima loca particularia, hoc est suas similitudines particulares similitudinis generalis, quam imaginatio sub ratione loci accipit.

De Floribus arboris imaginalis.

Flores arboris imaginalis sunt similitudines florum arboris elementalis, vegetalis & sensibilis. Sunt similitudines florum arboris elementalis, in quantum imaginatio imaginatur flores illius, sicut elementate, quod est flos elementati, &

instrumentum ad eundum, & manus ad operandum. Et ex his floribus & instrumentis, imaginatio accipit similitudinem, cum videt figuras, in quibus fit operatio, videlicet in operando, in elementando & eundo. Flores arboris vegetalis, sunt potentia, obiectū & actus, qui quidem actus est vegetare, ex quibus imaginatio accipit similitudinem, cum visu in videndo, & cum gustu in gustando, in quantum visus pomum vider vegetatum, & gustus saporem attingit. Et hæc sensuum operationes earum similitudines influunt imaginationi, sicut pes in arena, & imaginatio accipit ipsas, sicut arena, quæ pedis vestigium accipit. Et imaginatiua imaginatur vegetariæ operationes, & imaginando ipsas mouet branchias vegetariæ, ad habendum appetitum in rebus gustabilibus. Et vegetatiua mouet branchias arboris elementalis: sicut homo, qui imaginatur aliquod placitum saporis, ad quod se mouet per comedere & bibere. Accipit imaginatiua similitudines florum arboris, sensualis, sicut videre, quod est flos & instrumentum, cum quo potentia visiva, obiectum visum accipit. Et similitudo quam imaginatio accipit, est habitus, de quo induit imaginari sub ratione videndi. Hoc idem facit audire: secundum quod in accidentibus imaginationis significauimus. Accipit imaginatiua similitudines florum arborum, & vnā similitudinem facit generalem, sicut logicus qui plurium indiuiduorum vnā speciem considerat. & cum illo flore generali imaginatur flores speciales secundum naturas & proprietates instrumentorū & actionum, formarū & passionum materiārum, & ideo res imaginatæ sequuntur, quæ indutæ sūt de imaginari, quod illas imaginatur.

De Fructu arboris Imaginalis.

Fructus arboris imaginalis est similitudo fructus arboris elementalis, qui est elementatum, & fructus arboris vegetalis, qui est vegetatum & elementatum, & fructus arboris sensualis, qui est sensatum, vegetatū & elementatū: sicut equus, qui est elementatus, vegetatus, & sensatus. Et ideo fructus arboris imaginalis est imaginatum. Et fructus iste est de essentia imaginationis: sicut homo per naturā imaginatus, & sic elementatus, vegetatus, & sensatus, & imaginatum quod homo imaginando accipit per imaginationem: sicut sunt leo & equus imaginati per hominem, qui non sunt de essentia imaginationis hominis ratione quantitatis discretæ, sed continuæ: sicut ignis Petri, & ignis leonis, & pomi, qui sunt de vna essentia continua, in quantum sunt vnum elementum simplex, non in quantum sunt diuersa composita. Et ideo imaginatiua in suo fructu, qui est de sua essentia attingit imaginatum, quod est de essentia equi, quem attingit in figura imaginandi, sicut attingit similitudinem quantitatis, qualitatis, & sic de aliis accidentibus, secundum quod dedimus doctrinam in foliis istius arboris. Et fructus qui est imaginatum quod est de essentia imaginatiui, est fructus in fine rerum imaginabilium, vt sunt habitus scientiarum, & quod animalia habere possint industriam ad viuendum in habendo res quæ sunt necessariæ ad viuendum: sicut acus & nidus gallinæ, camera & ferrum, cum quo homo trahit ignem à lapide, & sic de aliis similibus istis. Dictum est de arbore imaginationis, quæ multum vtilis est

lis est ad sciendum secundum artes mechanicas & liberales, & ille qui melius ipsam scit, melius dispositus est, ad habendum habitus artium & scientiarum, & haber plus de ipsius cognitione secundum processum, quem tenuimus in suo tractatu, & in tractatu ceterarum arborum. Et quantum plus homo se iuuat in imaginando cum radicibus, truncis, branchis, foliis, floribus, & fructibus, & cum centum formis, quas in arbore elementalī posuimus, & in applicatione in arbore sensuali, tanto melius multiplicat homo suum imaginari ad accipiendum varias similitudines entium realium, naturalium & artificialium.

DE ARBORE humanali.



Arbor humanalis similiter ut alia diuiditur in septem partes principales, scilicet in radices, truncum, branchas, ramos, folia, flores, & fructus.

Radices sunt principia generalia

istius artis, tamen sunt duplicia, scilicet, corporalia & spiritualia, in quantum homo ex corpore & anima est compositus.

Truncus est genus humanum siue species humana. Et consistit ex quinque truncis, videlicet de quatuor antedictis, & de isto qui pertinet ad animam rationalem.


Branchae sunt membra humana, & potentia animae, & sic dicta branchae sunt ex duabus naturis, scilicet de natura corporali, & de natura spirituali.

Rami sunt proprietates dictorum membrorum, &c.

Folia sunt accidentia humana, &c.

Flores sunt actus naturales hominis, &c.

Fructus sunt homines indiuidui, scilicet, Petrus, Iohannes, Martinus, &c. Qui dupliciter dicuntur fructus, scilicet fructus ratione existentiae, & fructus ratione agentiae, &c.



De Arbore humanali.



ARBOR humanalis in se continet quinque naturas quæ sunt quatuor naturæ quatuor arborum, de quibus dictum est, quæ ad corpus humanum pertinent, quæ sunt suæ partes. Et quinta natura est de natura animæ rationalis

coniuncta cum corpore humano, in tantum quod ex illa & ex corpore sequitur homo, qui Petrus vocatur vel Martinus, & sic de aliis individuis, quæ sunt sub specie humana. Hæc arbor diuiditur in septem partes, videlicet in radices, truncum, branchas, ramos, folia, flores, & fructus.

De Radicibus arboris humanalis.

RADICES arboris humanalis sunt duplices, scilicet, bonitas corporalis, & bonitas spiritualis. Et ex ambabus bonitatibus efficitur vna radix, quæ est bonitas composita ex ambabus, & fit compositio in quantum quælibet alteri suam dat similitudinem, idem est de magnitudine, duratione, potestate, & cæteris radicibus. Et ideo bonitas spiritualis se inclinat ad magnitudinem bonitatis corporalis. Et bonitas corporalis se inclinat & exultat ad magnitudinem bonitatis spiritualis. Et hoc naturaliter ratione maioritatis & minoritatis, quæ se ponunt in magnitudine bonitatis, quoniam maioritas est pars bonitatis spiritualis, quia est per primam intentionem & in nobiliori fine, & minoritas se ponit in magnitudine bonitatis corporalis, quæ est per secundarum intentionem, quæ est propter primam. Bonitas corporalis venit ad spiritua-lem cum quatuor naturis arborum, de quibus dictum est, & bonitas spiritualis ipsas accipit in vno numero tertio quod est corpus, ita quod ex ipsis quatuor naturis efficitur vna bonitas corporis in vna bonitate naturali & substantiali animæ rationalis. Et differentia conseruat essentiam cuiuslibet bonitatis, & ipsam in suo numero remanere facit. Et concordantia quamlibet bonitatem cum alia bonitate concordat in vna bonitate hominis, quæ quidem bonitas in numerum tertium transit. Et idem de magnitudine, & cæteris radicibus arboris. Et ideo cum homo tangitur vel ipse tangit secundum bonitatem corporalem, ean-

dem bonitas spiritua-lem ad illuminationem secundum bonitatem naturæ corporalem, in quantum est forma & complementum illius: sicut qui tangit militem Regis: Rex respondet sicut vniuersale, quod defendit suum particulare. Et sicut cum bonitas animæ rationalis tangitur per aliquam bonam aut malam tentationem, partes quæ sunt inferius, respondent, sicut cum tangitur Rex, respondent milites, qui ipsum defendunt propter finem, quare est. Hæc ordinatio stat per creationem, & in anima remanet, quæ postea venit ad corpus, quando cum ipso intrat in compositionem siue in conjunctionem, sed quia corpus infectum est per peccatum originale, in contrarium respondet, quod quidem peccatum originale in commento tabulæ generalis probatum esse, & adhuc infra probabitur. Et propter hoc homines iusti meritum habent, quando naturam corporis constringunt cum natura animæ, & ipsum stare faciunt ad hoc propter quod creatum est.

De Trunco arboris humanalis.



RUNCVS arboris humanalis de quinque truncis consistit, videlicet de quatuor primis truncis, & de trunco, qui pertinet ad animam rationalem, qui quidem truncus est rationalis, coniunctus truncis qui veniunt ad eum. Et trunci transeunt in vnum truncum tertium hominis: sicut partes ad suum vniuersale, quod vocamus substantiam humanam, quod nomen ei attribui-mus, quia est communior pars quam aliqua cæterarum partium arboris, & quia stat sub aliis partibus. In hoc trunco quælibet radi-

radicū officium suum, & quilibet truncorum specialem similiter, ex quibus est compositus, qui sunt suæ partes grossæ, & radices sunt suæ partes minutæ. Vnde cum ipse tangitur ab vna parte grossa, omnes partes illius respondēt, quia eius partes ad inuicem sunt mixtæ, cum partibus aliorum truncorum, omnibus truncis respondentibus ad tactum illius trunci tacti. Et idē differentia conseruat in illo tactu partes reales. Et concordantia ipsas concordat & ipsas appropinquat ad illorum tactum, sic si tangatur substantia hominis cum nimis magno calore, respondet anima & instinctus naturalis ad desiderandum aquam vel frigiditatem. Et propter hoc anima mouet corpus ad fontem, & imaginatiua imaginatur fontem & eius circūstantias: & oculi vicos vident, per quos homo vadit, & appetitiua desiderat, quod homo bibat aquam frigidam ad multiplicandum frigiditatem corporis, & mortificandum nimis magnum calorem, vt digestiua habeat temperatas mensuras, quæ naturali calori conueniunt.

De Branchis arboris humanalis.

BRANCHÆ arboris humanalis sunt ex duabus naturis, videlicet ex natura corporali & ex natura spiritali, & branchæ quæ sunt de natura corporali exeunt de trunco, in quantum est de natura corporali, & branchæ quæ sunt de natura spiritali exeunt de trunco humanali, in quantum est de natura spiritali, vnde primo de branchis corporalibus dicemus, deinde de spiritalibus.

De Branchis corporalibus arboris humanalis.

BRANCHÆ corporales ex quatuor naturis consistunt, hoc est de natura elementalī, vegetali, sensuali & imaginali. De natura elementalī, sicut brachia & tibiæ, quæ sunt branchæ corporis significari per dorsum hominis, quod significat truncum elementalem, qui est pars trunci humanalis. Branchæ, quæ sunt de natura vegetali, sunt appetitiua, retentiua, digestiua, & expulsiua. Et branchæ quæ sunt ex natura sensuali, sunt sex sensus corporis. Et branchæ quæ sunt ex natura imaginali, sūt 14. videlicet quatuor, quæ sunt similitudines brancharum arboris elementalīs, & quatuor, quæ sūt similitudines brachiarum arboris vegetalis, & sex, quæ sunt similitudines brancharum arboris sensuales. Et omnes istæ branchæ, sunt branchæ arboris humanalis substantiales, de quibus dictum est. Et quælibet brancha suam propriam naturā habet secundum suas condiciones, quas diximus in arboribus ante hanc arborem positīs. Vnde qui voluerit inuestigare secreta, & naturas brancharum corporalium, quæ sunt, vt homo sit ex ipsis constitutus, illas inquirat in hominē, secundum quod positæ sunt in arboribus præcedentibus. Et hæc inquisitio, multum est utilis, & est disposita in tractatu, quem fecimus de arboribus, & quem de ista arbore facere proponimus. Et quia breuiter loqui proponimus, branchas nolumus recapitulare corporales in hac arbore, quia sufficit, quod in suis propriis arboribus dedimus cognitionem.

De Branchis spiritualibus arboris humanalis.

BRanchæ arboris humanalis spirituales sunt tres, videlicet memoria, intellectus, & voluntas, quæ sunt tres potentie, quæ sunt de essentia animæ rationalis: sicut quatuor branchæ, quæ sunt de essentia trunci elementalis, & sicut truncus, qui est de suis radicibus. Vnde primò dicemus de memoria, & postmodum de intellectu & voluntate.

De Memoria quæ est brachia spiritualis arboris humanalis.

Memoria est brachia arboris humanalis, & est de bonitate, magnitudine, duratione, potestate, sapientia, voluntate, virtute, veritate, gloria, differentia, concordantia, principio, medio, & fine, maiore, æqualitate, & minoritate. Et ipsa est posita in numero tertio, quoniam sicut homo est ex anima & corpore, & in numerum tertium transit in tantum, quod non est anima nec corpus, sic memoria non est bonitas, nec alia principia, licet sit ex ipsis, quibus principiis vritur secundum illorum naturam. Memoria per bonitatem est bona, cum ita sit, quod bonitas vna sit de suis partibus, & ideo facit operationes bonas, quæ sunt res transactas recolere, per quod recolere homo habet habitum scientiæ, qui bonus est, & eius privatio esset mala. Memoria magna est per magnitudinem, & eius magnitudo bona est per bonitatem, & propter hoc bonas facit operationes & magnas, quia magnum quid est recolere res præteritas & sensibus absentes. Quia memoria est de duratione, ideo naturam habet, quod

durare faciat, quæ præterita sunt: sicut recolere ea, quæ homines antiqui fecerunt, quorum operationes per memoriam durant, quæ ipsas recolit. Memoria est de potestate, cuius ratione potest esse hoc quod est, & recolere res transactas, & potest esse de bonitate, magnitudine, sapientia. Quia memoria cum sapientia participat, & cum voluntate, quæ sunt cæteræ branchæ, habet per sapientiam instinctum naturalem ad recolendum, & habet per voluntatem appetitum naturalem ad recolendum, & ideo mouet instinctus & appetitus naturales aliarum brancharum, ex quibus est corpus hominis. Sicut homo qui recolit aliquod placitum carnale, per quod recolere se mouet elementatiua ad calefaciendum, & vegetatiua ad vegetandum, & sensitiua ad sentiendum, & imaginatiua ad imaginandum, ut illud placitum in actu venire possit. Et idem est si homo recolat aliquod displicentum, quod ab aliquo homine receperat, quoniam tunc se mouet ad iram per instinctum naturalem & appetitum memoriæ, & alias branchas mouet, cum quibus participat, cum instinctibus naturalibus, & appetitibus secundum eorum condiciones, ut possit fieri vindicta, & ideo irascuntur sapius homines, & si sunt patientes, virtuosi efficiuntur, & meritum consequuntur. Quia memoria est de virtute, facit opera virtuosa, quoniam virtus est res transactas recolere secundum earum condiciones & naturas. Memoria est de veritate, ideo recolit vera. Et cum vera recolere non potest, contrariatur, ei contrarietas, quæ est inter branchas elementatiuæ, vegetatiuæ, sensitiuæ, & imaginatiuæ, cum quibus ipsa memoria participat. Et ideo sapius credit vera recolere, & recolit in contrarium. Memoria est

de ge

de gloria, videlicet de delectatione, idcirco naturam habet in habendo delectationem & placitum: sicut ignis qui delectatur in calefaciendo, & vegetatiua in vegetando, & sensitiva in sentiendo, & imaginatiua in imaginando. Memoria est de differentia intellectuali, ratione cuius in se habet concreta differentia quæ sunt de sua essentia. videlicet memoratiuum, memorabile, & memorari, & quia ipsa est de potestate, potest ipsa habere. Et bonum est, quod ipsa habeat, quia ipsa est de bonitate. Et magnum est ei, quod ipsa habeat in seipsa, & quod sint de de sua essentia. Et propter hoc res recolit differentes, & ipsas recolere potest, & ei bonum est ipsas recolere. Et plura sunt quibus est bonum quod recolantur, sicut amatus qui placitum habet, cum ab amico recolitur, quia bonum est recolere. Memoria est de concordantia intellectuali, & ideo branchas concordat, cum quibus participat ad recolendum ea quæ recolere desiderat. Quæ quidem branchæ ipsam iuuant in hoc quod sunt de concordantia sicut & ipsa. Et contrarietati contrariantur: quæ concordantiæ recolendi contrariantur. Vnde secundum quod memoria se iuuat, & cum branchis cum quibus participat, est concordans, est disposita ad recolendum. Memoria est de principio, idcirco principium est ad recolibilia recolendum: sicut oculi qui principia sunt ad videndum visibilia. Et quia memoria est de principio cum recolere principiat, siue incipit illud in suo proprio memorabili sibi essentiali principiat, & in ipso assumit memorabilitates, quæ sunt extra, quæ non sunt de sua essentia, & sunt memorabiles siue recolibiles, quia cum illa participant in corpore, cum quo est coniuncta. Et

per similitudines illarum brancharum, cum quibus est coniuncta, similitudines aliorum entium, quæ non sunt cum ipsa coniuncta, attingit: sicut mater, quæ suum filium recolit, & miles suum equum, quæ siquidem filius & equus recolibiles sunt, in quantum elementati sunt, & vegetati & sensati, per quos participant genera & species cum coniuncto memoriæ, quæ in similitudinibus illius coniuncti incipit accipere similitudines cæterorum entium ei similitum. Memoria est de medio, idcirco in se habet essentiale memorari, quod est in medio memorantis & memorabilis. Et est in medio intellectus & voluntatis, vt temperatè accipere possit species, quas ei commendant, & eis eas restituere, quando petant, & in ipsa illas quærant. Et etiam quia memoria est de medio, naturam habet memorandi cum medio, videlicet cum memorari fatastico, quæ est species multiplicata, & instrumentum ad recolendum ens memoratum. Memoria est de fine, videlicet de causa finali, & ideo quietem habet in memorando memorabilia, quorum ratione creata est memoria, videlicet ad memorandum Deū eiusque operationes, proprietates, & dignitates. Et est retrò in occipite hominis, quia est instrumentum ad memorandum ea, quæ transacta sunt, & terminos illorum & species quas intellectus & voluntas in ipsa thesaurizauerunt, & lucrati in ipsa fuerunt, vt faciant habitum scientiæ, charitatis, & cæterarum virtutum. Memoria est de maioritate, vt sit pars substantialis animæ, quia si esset accidentaliter, disposita non esset ad memorandum magna, nec habere posset magnum recolere, cum ita sit, quod magnitudo maiorem habet concordantiā cum substantia, quàm cum accidente, & boni-

tas similiter, & idem est de voluntate, virtute, veritate & gloria, duratione, potestate, differētia, cōcordantia, principio, medio, & fine. Memoria est de qualitate, & ideo est de æqualibus partibus, videlicet de memoratiuo, memorabili & memorari, quæ partes essentielles sunt illius, & in quibus sustentatur. Et quia est de bonitate, est sua æqualitas bona, & quia est de magnitudine, est magna, & quia est de duratione, durat, & quia est de potestate, potest esse, & sic de cæteris formis. Memoria est de minoritate, quia de nihilo creata est, & quia in se quædam minores habet partes, quàm aliæ, sicut sunt accidentia, quæ non sunt ita magna, sicut partes substantiales, quæ sunt bonitas, magnitudo, &c. quarum ratione, memoria est pars substantialis animæ rationalis. Et partes minores esse non possunt de memoria, si memoria de minoritate non esset. Memoria non est de contrarietate, quod si de contrarietate esset, corruptibilis esset, sed est contrarietati subiecta, inquantū brachæ aliarū arborū, cū quibus participas, sunt de contrarietate. Quapropter homo plura facit contra memoriam, in mouēdo partes suas, cōtra ipsā, sicut homo, qui cōtra suas partes facit in scindendo suam manum, aut quando nimis laborat, aut quia comedere non vult cum habet famem, & sic de cæteris rebus similibus istis. Dictum est de memoria & de suis partibus, & per ea quæ de ipsis diximus potest haberi cognitio de memoria & de sua quiditate, quia cognoscendo partes cognoscitur totum. Vnde sicut corpus sensatum responder, cum ab aliqua suarum brancharum, vel ab aliqua suarum formarum tangitur: sic memoria responder, cum ab aliqua suarum formarum tangitur vel par-

tium: sicut si tangatur cum malitia contra suam bonitatem, cum magnitudine suæ bonitatis, responder contra malitiam. Et si cum bonitate tangatur, cum magnitudine suæ bonitatis, responder recolendo res bonas, & sic de aliis tactibus, per quos tangi potest, quia totidem modis respondere potest: sicut sunt partes suæ, & etiam in plus accidentaliter, in quantum est de concordantia, per quam respondere potest contra contrarietatem, & in quantum est de veritate, respondere potest contra falsitatem, & sic de cæteris. Iste tractatus de memoria multum est utilis ad sciendum, & ad habendum habitum scientiæ, & etiam ad habendum modum ad memorandum res transactas, quia data est doctrina, quomodo homo sciat suam memoriam mouere ad recolendum obiecta affectata, quod memorentur, quæ similitudinem habet suarum partium, scilicet ex quibus est memoria, & secundum hoc quod diximus in branchis cæterarum arborum, data est doctrina ad applicandum similitudines illarum brancharum, vt recolentur secundum earum condiciones, & condiciones partium memoriæ. Et iste tractatus quem dedimus de memoria, dispositus est, quod ponatur in arte memoratiua, quæ fieri potest secundum quod iste tractatus significat.

De intellectu qui est brancha spiritalis arboris humanalis.

SECUNDUM quod dictum est, quod memoria est de bonitate, magnitudine, & cæteris principiis, ita dicimus, quod intellectus ex ipsis consistit, & in tertium numerum transit sicut memoria. Vnde qui de intellectu tractare voluerit, & naturas eiusque secretis inquirere, tractet ipsa secundum

quod de memoria tractatum est cum suis principiis. Ad dandum melius cognitionem de intellectu & de eius naturis & conditionibus applicare volumus centum formas primarias, quas diximus in arbore elementali ad intellectum, & ipsum cum ipsis inquirere. Et primò cum vnitatem & pluralitatem. Est intellectus vnus per vnitatem: sicut bonus est per bonitatem, & magnus per magnitudinem. Et plura habet in se per pluralitatem, videlicet intellectuum intelligibile & intelligere. Et idè in quantum est vnus habet naturam considerandi vnum vt vnum. Et quia est de pluribus rebus, naturam habet considerandi plura vt plura. Intellectus est de principiis simplicibus, videlicet de bonitate simplici & magnitudine, &c. & idè habet naturam, quod si pars simplex substantiæ & in numero simplici indiuiduato, ratione cuius simplicitatis entia simplicia attingit, & quia est de pluribus principiis compositus, in hoc quod transit de pluribus principiis in tertio numero: sicut homo, qui compositus est ex anima & corpore, & transit in tertium numerum, hoc est in esse humanum per naturam compositionis attingit entia, quæ ex pluribus simplicibus principiis sunt composita. Per formam bonitatis habet intellectus naturam formalem, quæ bona est, & idem est de magnitudine, idcirco in se habet intellectuum, quod est forma composita ex bonificatione, & magnificatione. Et quia est de bonitate materiali, in quantum est bonificabilis, & est de magnitudine, quia est magnificabilis, naturam habet materialem, quæ est intelligibilis. Et intelligere habet per bonificare, magnificare, &c. Intellectus est de bonitate generali in hoc, quia est de vna bonitate, ex qua est

memoria & voluntas: & idem est de magnitudine generali, & idè naturam habet considerandi entia generalia. Et quia bonitas sua est ei specialis & propria, & à bonitate speciali memoriæ & voluntatis distincta, habet naturam considerandi specialia. Et per hanc naturam considerat logicus genera & species entium naturalium. Intellectus habet intra seipsum naturam, quæ est pars suæ essentiæ: sicut propria intelligibilitas, & extra suam essentiam aliam habet intelligibilitatem, quæ non est de sua essentia: sicut intelligibilitas pomi leonis & caloris ignis, & idè transit ad considerandum naturas extra cum naturis, quæ sunt intra, quæ concordantiam habent in genere & specie cum illis quæ sunt extra. Intellectus est de bonitate, quæ est forma abstracta, & est de concretis, quæ habent intra formam, hoc est bonificationem, bonificabile, & bonificare, & idè naturam habet ad considerandum formas, quæ sunt in abstracto, & ad inclinandum se suis concretis, illa intelligendo, & idè accipit habitus scientiarum. Intellectus non est de generatione, quod si esset, oporteret quod esset secundum cursum naturalem de corruptione per quam naturam priuationis haberet. Sed quia coniunctus est cum substantia corporali, quæ est ex arbore elementali, vegetali, & sensuali & imaginali generata, attingit considerationes generationis, corruptionis, & priuationis, & habet passionem per corruptionem & priuationem coniuncti, in quantum suas perfectiones complere non potest, nec ab ipsis imperfectiones remouere, quæ sua organa & instrumeta impediunt ad intelligendum intelligibilia. Intellectus participat cum entibus, quæ sunt de subtili & grossa materia

materia: sicut corpus ei coniunctum, quod per ignem est de subtili materia, & per terram est de grossa. Et etiam per vegetatiuam materiam habet magis subtilem, & per sensitiuam magis subtilem, & per imaginatiuam magis subtilem, idcirco intellectus accidentaliter naturam habet subtilem ad intelligendum res intelligibiles. Et cum est de grosso ingenio, hoc est ratione organorum & instrumentorum, quæ ingrossata sunt per grossam materiam: sicut homines flegmatici, qui naturaliter ita subtile ingenium non habent sicut colerici, melancolici tamen sunt de subtili ingenio, licet sint de complexione sicca & frigida, & hoc est per accidens, videlicet ratione memoriæ, quæ maiorem habet concordantiam cum illa complexione quam cum cæteris, quia etus natura est species retinere ratione constrictionis, a quæ etiam de natura sui est, quod sit ampla ratione vacuitatis terræ, quam habet terra, vt ex ipsa exire & nasci possint & nutrirī plures substantiæ. Intellectus naturam non habet, quod sit leuis, neq; ponderosus, sed quia participat cum leuibus & ponderosis, accidentaliter intelligit leuius in vno tempore quam in alio: sicut homo ieiunus, in quo intellectus melius dispositus est ad intelligendum quam in homine non ieiuno, in quo cibaria sunt indigesta. Plenitudo intellectus est suum intellectiū, intelligibile & suum intelligere, & quando se habet ad finem, quare est. Et sua vacuitas est, quando se non habet ad finem, quare creatus est, & quando est contra finem suorum principiorum, videlicet contra finem bonitatis suæ & magnitudinis suæ, &c. Et hoc est tunc, cum sapius & cum maiori deliberatione naturas cæterarum arborum considerat quam

naturam arboris intellectualis, de qua est vna pars & vna brancha. Intellectus est ex parte, videlicet ex bonitate magnitudine, & cæteris principiis. Et ideo est totus ipsemet, quia omne ens quod sit de partibus, oportet quod totum sit ad illas partes, quapropter in quantum totum est naturam habet ad intelligendum totalitates entium. Et quia de partibus est, naturam habet ad intelligendum res partiales. Intellectus participat cum entibus intensis, & cum entibus extensis, videlicet cum intenso calore corporis cum quo coniunctus est, & cum intensa bonitate sustentata in suis intensis concretis. Idcirco naturam habet intensam ad considerandum intensitates rerum. Et quia participat eum entibus extensis, naturam habet ad considerandum extensitatem plurium colorum sub vno colore, de quo coloratum est corpus cum intellectu coniunctum. Et quia participat cum extensa bonitate & extensa magnitudine, duratione, potestate, &c. habet naturam ad considerandum in entibus extensis quædam in aliis. Intellectus stat in statione & motu accidentaliter, quia cum entibus quæ sunt in loco, participat: sicut cum corpore, cum quo est coniunctus, quod siquidem corpus stat in loco, & est mobile de vno loco in alium. Idcirco intellectus accidentaliter stat in loco per corpus, & per corporis motum est motus de vno loco in alium, quoniam per corporis motum mouetur, & ideo mouendo corpus seipsum mouet. Et sicut est mobilis per corpus localiter transit per medium accidentaliter mediante corpore, cum ita sit, quod corpus de vno loco in alium transire non possit, nisi transeat per medium. Et in hoc passu haberi potest cognitio quod intellectus per cor-

pus in vno loco existens secundum suam naturam non transit per medium ad intelligendum objecta, quæ sunt extra, & ita citò intelligit illa, quæ sunt à longè: sicut illa quæ sunt prope. Et ideo est significatum, quod cum à corpore sit separatum, ita citò est in locis remotis sicut in locis, propinquis. & ad illa loca mouetur, quamuis per medium non transeat secundum suam propriam naturam, cum non sit corpus, de cuius natura est per medium se mouere. Durum, molle, amplum, nec profundum, non sunt partes intellectus, quia formæ sunt, quæ spectant ad substantiam corporalem, sed quia intellectus, coniunctus est cum corpore illis formis subiecto, accidentaliter in illis partibus consistit, & per participationem quam habet cum ipsis, earum similitudines in subiectis extra sustentatas attingit. In intellectu consistit potentia, obiectum, & actus, propriæ & appropriatæ. Propriæ sicut suum proprium intellectiuium, intelligibile & intelligere appropriatæ, sicut potentia visua, quæ cum intellectu participat, & obiectum quod est visibile similiter, & idem est de videre. Et ideo intelligit intelligibilitates entium, visibilium, visitiuorum, & entium, quæ sunt videre, vt ita loquar, quæ in suo appropriato intelligibili attingit, quod non est de sua essentia, sicut est intelligibilitas coloris, aut visus, visitiui leonis, pomi, vel imaginationis. Et has intelligibilitates quæ sunt extra, denudat ab intelligibilitate fantastica ex intelligibilitatibus realibus abstracta, & suam propriam intelligibilitatem ex ipsa induit, & suum intelligere, & sic intellectus indutus est de habitu scientiæ. In intellectu est primum principium, & per illud primum entia, antecedentia attingit, sicut sunt

maximè, quæ antecedentia sunt ad conclusiones. Et attingit res secundarias, quia est de mediò, ideo attingit maximam minorem, quæ consequens est ad maximam maiorem. Et attingit tertium numerum substantiæ indiuiduatæ, ex pluribus partibus multiplicatæ, & in tertio numero positæ, & hoc facit, quia est de fine, qui est vnum de suis principiis, per quem est positus in tertio numero, & de suis partibus constitutus, in quo siquidem numero est vna brachia huius arboris. In intellectu non est, natura crementi, siue augmentationis, nec diminutionis, in quantum est pars spiritalis substantiæ. Sed accidentaliter crescit, vel diminuitur in habitibus, quos accipit secundum bonitatem acquisitam, vel magnitudinem, virtutem, veritatem, vel sapientiam. Et hoc facit ratione partium, prout quibus participat, quarum ratione habitus quos accipit, crescunt vel diminuuntur in cremento, siue in augmentatione, vel diminutione ipsarum. Dispositio, proprietates, & proportio sunt formæ, quæ sunt in intellectu. Per dispositionem dispositus est ad intelligendum secundum dispositionem sui ipsius, & dispositionem suarum partium, cum quibus participat in coniuncto. Et habet proprietatem in se ad intelligendum, & habet proprium intellectiuium & intelligibile, & quia habet proprium esse, sunt suo esse appropriatæ partes propriæ, quemadmodum bonitas existens propriæ sub specie intellectus, & idem est de magnitudine, & aliis partibus ex quibus est constitutus. Quæ siquidem partes in illo proportionaliter consistunt, & ideo proportionaliter respondet proportioni partium, cum quibus est in coniuncto. Condicio, intentio, ordo, & operatio sunt formæ, quæ sunt in

in intellectu, cum quibus responder partibus, cum quibus est in coniuncto, quia secundum suam intentionem, intentioni corporis responder, & ideo corpus conditionat, & ordinat, ut operationem habere possit ad sequendum finem, siue intentionem: quare est, quæ est Deum, & res veras cognoscere. Influentia & refluentia sunt formæ, quæ sunt in intellectu, sub quarum ratione influit & refluit suum intelligere, & suam virtutem, & potestatem, & magnitudinem, & suam bonitatem corpori & eius partibus, cum quibus est coniunctus, & quibus influit vitam, sustentationem, & informationem. Et id quod ei dant, eisdem refluit, ut Deum intelligere possit, & entia similia in genere, & specie suis partibus, cum quibus est coniunctus, quapropter suum intelligere, de pluribus rebus diuersis in generibus & speciebus consistit. Et cum cessat influentia & refluentia, devenit homo in priuationem & mortem, vel in priuationem intelligendi. Productio ortus & exitus sunt formæ, per quas intellectus suum intelligere producit, quod nascitur ex intelligibili, & exit in intellectiuitate: sicut homo qui intelligit semetipsum hominem esse, aut aliam rem intelligit. Idecirco intellectiuium, naturam habet producendi similitudinem rei intellectæ, ut per illam similitudinem cum illa possit participare. Quæ siquidem similitudo naturam habet exsecundi & nascendi in suam speciem, quæ est opus intellectiui & intelligibilis, quorum realitas significatur in eorum opere quod est intelligere. Et in hoc passu est significatū, quod species fantastica, quam intellectus multiplicat, nascitur de intelligibilitate, & stat & nascitur in intellectiuitate, & ideo similitudo est amborum. Sepa-

rabilitas & inseparabilitas sunt formæ, quæ consistunt in intellectu: sicut intelligere reale, quod est de essentia intellectus quod nunquam suum proprium subiectum dimittit, quod si illud dimitteret, non essent naturalia nec substantialia intellectiuitas & intelligibilitas in intellectu, imò essent in ipso formæ accidentales, quæ de sua essentia non essent. Et intelligere quod non separatur ab intellectu, aliud est ab intelligere, quod est species fantastica multiplicata ex similitudine realis intelligere, quod suum proprium subiectum non dimittit. Quod siquidem intelligere habet naturam, quod eius similitudo, appareat in illa specie, quam intellectus multiplicat ex ipso & ex intelligibili, & ex seipso, scilicet intellectu. Et hæc species fantastica vadit & venit, & eius particularia renquantur, & in priuationem deveniunt, ita quod vnum intelligere non est aliud: sicut qui faceret vnum clauū, & postmodum destrueret illum, & quod iterum ex eodem ferro clauum faceret, figura primi clauī non esset figura vltimi, quamvis amborum materia semper eadem in numero remaneret. Et hoc significatū est in magnitudine & paruitate ipsius intelligere, quoniam in vno tempore habet homo magnū intelligere, & in alio paruum, idecirco oportet quod numerus amborum sit in quantitate distinctus. Sicut in pomo consistit, visibilitas in quantum est visibile, & tangibilitas similiter in quantum est tangibile, & etiam odorabilitas in quantum est odorabile, ita in intellectu est similitudo, in quantum est intelligibilis, sine qua similitudine non posset esse intelligibilis, cum ita sit quod intellectiuium se habere non posset supra intelligibile sine medio, quod est similitudo.

cum qua intelligit, intelligibile. Et sicut in ipso stat similitudo intelligibilitatis, cum intelligit, ita stat in ipso dissimilitudo intelligibilitatis, cum ignorat ens quod non intelligit, quæ siquidem ignorantia est dissimilitudo intelligendi, sicut umbra, quæ est dissimilitudo luminis. In intellectu stat natura, per quam naturam habet intelligendi, & ex qua natura nascitur similitudo, quæ est intelligere. Vnde sicut intellectus bonus est, per bonitatem, & magnus, per magnitudinem, & ignis est calidus, per calorem, sic intellectus, per naturam sui intelligere potest intelligere, quæ siquidem natura est ei propria, sicut natura calefaciendi, quæ est propria igni. Idem est de natura videndi, quæ spectat ad oculos. Intellectus participat cum corporalitate, ratione cuius cæteras corporalitates attingit, cum quibus non est coniunctus, sicut gustus in gustando modicum de aqua maris, totam aliam partem aquæ maris salis iudicat, quam non gustat. Et in hoc passu est significatum, quomodo cum vna parte cum eo coniuncta attingit totum, sicut gustus in gustando, qui cum vna parte quæ est gustabilis, quam gustat, cæteras partes iudicat esse gustabiles, quæ dispositæ sunt, quod gustentur in illa qualitate, in qua illa pars gustatur, quam gustus attingit. Sicut faber, qui vnâ eandem materiam ferri transmutat de vna figura in aliâ, utpote de cultrillo facit elauum, sic intellectus, vnâ eandem materiam intelligendi de vno intelligere ad aliud transmutat, sicut in pomâ & equo, in quibus est intelligibilitas, in quantum disposita sunt, quod intelligantur. Et intellectus vnum habet intelligere, cum pomum intelligit, & aliud cum intelligit equum. Idcirco stat trans-

mutatio vnius intelligere in aliud, quæ siquidem transmutatio fit propter diuersitatem obiectorum intelligibiliû. Et intelligere, stat vnum secundum vnitatem potentie intellectiue. Et in hoc cognoscitur quod vnus est habitus scientiæ, secundum potentiam intellectiuam, & plures sunt habitus scientiarum, secundum diuersas intelligibilitates illarum. Lux & umbra sunt formæ, cum quibus intellectus participat, videlicet cum luce ignis, & cum umbra terræ, quæ sunt partes corporis, cum quo intellectus est coniunctus. Et quia in intellectu est intelligere, sicut lumen quod illuminat intelligibilitates entium intelligibiliû, & cum illo lumine intellectus ipsas attingit, inter intellectum, & ignem maiorem concordantiam, quam inter ipsum & terram, quia sua ignorantia est umbra intelligendi, in qua intellectus non attingit res intelligibiles, quæ sunt in umbra ignorantie. Linea & punctus sunt formæ, cum quibus intellectus participat, in quantum coniunctus est cum corpore, cuius lineæ & punctus sunt partes naturales. Et ideo linea & punctus, cum quibus intellectus participat, sunt media, cum quibus attingit lineas & puncta substantiarû, quæ non sunt coniunctæ cum illo. Et hanc attractionem facit ratione similitudinû quorundâ pûctorû & aliorû, & quarundâ linearû & aliarû, quæ sunt sub genere corporalitatis. Et in hoc passu significatum est, quod intellectus citius tangit partes illorum, cum quibus coniunctus est cum aliâ quid intelligit, quam partes cum quibus non est coniunctus, sicut manus, quæ ante tangit pennam quam penna literam, & ideo multiplicat ante similitudines partium, cum quibus est coniunctus. In intellectu sunt recti-

tudo, superficies & figura formæ, per quas intellectus coniunctus se habet ad intelligendum; quæ siquidem formæ sunt ex essentia & natura corporis indiuiduati, cum quo intellectus est coniunctus, & ex ipsis ita est habitus: sicut homo tunica indutus, & substantia ex colore colorata. Et ideo intellectus ratione habituum quos habet per corpus se habet ad habitus corporales, & considerat rectitudines secundum habitum rectitudinis, & habet superficiem, secundum habitum superficiem, & habet figuras, secundum habitum figuræ. Et in hoc passu habetur cognitio, quod intellectus accipit primo habitus partium, cum quibus est coniunctus, & in quolibet habitu se habet ad plures terminos sub vno habitu scientiæ consistentes. Partes masculinæ & femininæ participat cum intellectu in quantum sunt partes corporis cum ipso coniuncti: sicut visibilitas, & visibilitas, calefactiuitas, & calefactibilitas, vegetatiuitas, & vegetabilitas, &c. & quia intellectus habet intellectiuitatem, & intelligibilitatem, est concordantia inter quasdam partes & alias arboris humanalis, ratione cuius concordantiæ partes corporales dispositæ sunt ut intelligantur, & intellectuum ad intelligendum. In intellectu sunt intellectuum, intelligibile, & intelligere membra, quæ habent concordantiam cum ramis sensus communis: sicut cum visibili, visibili, & videre, auditui, auditibili, & audire, & sic de aliis similibus istis. Et de hac concordantia quæ est inter vnum membrum & aliud dispositus est intellectus ad intelligendum res, quæ sunt rami branchiarum: sicut pater & mater, qui concordantiam habent in amare filium, quia eorum similitudines repræsentat. Intellectus

habet plura instrumenta ad intelligendum, quoniam omnia instrumenta aliarum arborum formæ sunt, cum quibus intelligit intellectus: sicut elementare, quod est instrumentum, cum quo fit elementatum, & vegetare, cum quo fit vegetatum, & sic de sentire & imaginari. Et hæc omnia sunt formæ cum quibus intellectus suum intelligere producit, quod est instrumentum intellecti & etiam intellectui quod mouet intelligere, quod intellectum induit. Sicut martellus, qui mouet figuram clauis, de qua induit substantiam clauis. Transit ergo intellectus ad intelligendum cum omnibus instrumentis elementatum, vegetatum, sensatum, imaginatum, rationatum, & humanatum, & cætera supposita his similia. Intellectus nutrit suum intelligere cum suis naturalibus conditionibus & cum conditionibus aliarum branchiarum, quia in hoc quod intellectus seipsum inclinatur ad intelligendum entia bona suum intelligere nutrit cum natura bonitatis. Et quando habet appetitum ad intelligendum magna, nutrit suum intelligere magnum cum natura magnitudinis. Et quando vult finem intelligere propter quem est, tunc suum intelligere nutrit cum naturis. Et quando vult corpus intelligere, suum intelligere nutrit intelligendo condiciones corporis, hoc est longum, amplum, & profundum & cæteras eius condiciones. Et in hoc passu significatur modus, ratione cuius nutriti sunt habitus scientiarum, & quomodo per contrarium modum sunt habitus scientiarum destructi. Impressio est forma, quæ est in intellectu, & est de intellectu & intelligibili, quod siquidem intellectuum suam similitudinem imprimit in intelligibilitate, quæ similitudo in
intelli

intelligere apparet, & hanc naturam impressionis habet intellectus generaliter ratione suarum partium; & stat impressio naturalis & specialis: sicut in sua bonitate naturali, in qua bonificare est impressum & vestigium, & sic de aliis rebus. Et ratione huius impressionis generalis ex pluribus multiplicata, & ratione impressionum, quæ in arboribus consistunt, cum quibus intellectus participat, habet intellectus naturam & proprietatem ad intelligendam suam similitudinem imprimendo in entibus intelligibilibus, ut ex ipsis trahat intelligere, quod est impressio siue character entium intellectuum & entis quod ipsa intelligit. Intellectus est de bonitate, magnitudine & cæteris formis primariis. Unde in quantum bonitas suam similitudinem dat magnitudini, est magnitudo bonitate induta, & hoc quod magnificat, eius bonitas accipit in sua specie: sicut gustus qui in sua specie accipit illud, quod ex gustare venit. Et per hunc modum intellectus accipit in sua specie naturas, quæ sibi veniunt ex suis partibus in quantum ipsas induit ex sua essentia, in cuius concretis conuertit bonificare in bonum intelligere, & idem facit de magnificare in magnam intelligere, & per hanc naturam quam habet in se, habet concordantiam cum insertionibus aliarum arborum, quas transit ad intelligendum per illam concordantiam. Perseitas, & indiuiduitas, & attractio sunt formæ, ex quibus intellectus est indutus, & ita est per perseitatem hoc, quod est: sicut est bonus per bonitatem, & per naturam indiuiduitatis est indiuiduatus, in quantum de bonitate generali ipsæ memoria & voluntas specialem bonitatem quælibet per se habent indiuiduatam, quæ stat sub sua perseitate &

numero, & idem est de sua speciali magnitudine & de cæteris principiis. Idcirco habet intellectus naturam & virtutem attractiuam, per quam attrahit de bonitate virtutem ad intelligendum, quod sit bonum & virtuosum, & de magnitudine similiter. Et etiam per virtutem attractiuam attrahit virtutem aliarum arborum ad intelligere suum, ut illarum subiecta intelligere possit. Necessarium & contingens sunt formæ, in quibus intellectus de necessitate consistit secundum suas condiciones naturales, per quas naturales intelligibilitates attingit: sicut oculi qui naturaliter colorem attingunt, & gustus in gustando, qui naturaliter attingit saporem. Et forma contingentiæ est per accidens, quia intellectus attingit secundum dispositionem aliarum arborum, quæ in vno tempore dispositæ sunt, quod intelligantur, & in alio non, & per vnum modum, & per alium non. Sed intellectui est ita proprium intelligere: sicut igni calefacere lignum quod ardet, tamen cum aqua ei projicitur, contingit, quod illud calefacere non potest. Perfectio & imperfectio sunt formæ, quibus vitur intellectus: perfectione vitur, in quantum se habet ad finem, quare est, videlicet ad intelligendum Deum & cætera entia vera cum virtute eius principiorum. Et cum imperfectione vitur, tunc se habet contra finem propter quem est creatus, hoc est, cum intelligit entia vera contra virtutem suorum principiorum & eius sororum, quæ sunt cæteræ branchæ animæ: sicut si intelligeret falsitatem, & voluntas diligeret. Et in hoc passu est significatum, quod vna potentia in vitium cadit per aliam accidentaliter. Vita est forma, quæ est vna pars intellectus: sicut bonitas, quia
sicut

sicut per bonitatem bonus est, sic per vitam viuus est, per quam vitam habet naturam viuificandi ceteras arbores dispositas, quod viuificentur per ipsum: sicut sunt arbor vegetalis, sensualis, & imaginis, quæ sunt motæ per ipsum ad vitam, si cum illo sint coniunctæ. Vtitur intellectus colore, in quantum ipsum colorem intelligit. Et idem de cæteris branchis arboris sensualis, quæ sunt intelligibiles, quarum intelligibilitatem trahit intellectus ad suam intelligibilitatem propriam, & in ipsa illas intelligit: sicut sphaera lunæ, quæ sibi aquam attrahit in sphaera ignis, & in illa ei dat suum beneficium. Et sicut aqua cum suis conditionibus venit ad accipiendum influentiam & beneficium à luna in sphaera ignis, ita intelligibilitates arborum veniunt ad accipiendum influentiam secundum earum conditiones in intelligibilitate intellectus: sicut visus, qui cum intellectu est coniunctus, venit ad accipiendum beneficium, in quantum ipse visus intellectus est per intellectum sub ratione coloris, quem intellectus intelligit, & per ipsum intelligit potentiam visiuam, quæ colorem accipit, cuius est obiectum. Vigilare consistit per intellectum, & dormire per ociositatem ipsius intellectus. Et ideo homines qui intellectu multum vtuntur minus dormiunt quam alij. Et somnare inter intelligere & ignorantiam consistit: sicut dubitatio, quæ est inter affirmatiuam & negatiuam. Et illud propter quod vigilare per intellectum consistit, est, quia intellectus trahit instrumenta ad suum intelligere, quæ siquidem instrumenta sunt aliarum arborum, quibus operatur, vt intelligere possit: sicut calefacere, vt possit intelligere calefactum, & sicut videre,

vt possit intelligere obiectum visum. Et illud propter quod in dormire ociositas intellectus consistit, est, quia flores cæterarum arborum quietem habent, quia agentia eorum naturalia fessa sunt in mouendo ipsa, & ideo intellectus non habet, cum quo possit operari in attingendo obiecta corporalia. Et ratio quare somnare est inter vigilationem & dormitionem, est, quia intellectus attingit in parte aliquas similitudines realium visibilitatum, & in parte ipsas ignorat, quia eius instrumenta disposita non sunt, quod ex ipsis bonum operari possit: sicut faber, qui cum paruo martello magnum clauum operari non potest. Gaudium & ira sunt formæ, quæ sunt in intellectu in parte secundum suam proprietatem, & in parte secundum naturam voluntatis, secundum suam naturam, in quantum inclinationem habet ad placitum per suum instinctum naturalem, vt intelligere possit. Et quando impeditur ad intelligendum, inclinationem habet per instinctum naturalem ad iram, & ad hoc mouet voluntas in amando intelligere, pro cuius amare habet intellectus placitum in intelligendo. Et quando voluntas odit intelligere, tunc mouetur intellectus ad iram contra voluntatem secundum instinctum naturalem. Per intellectum sanitas consistit in corpore, vel infirmitas, quoniam secundum quod intellectus in intelligendo delectatur, corpus (cum quo est coniunctus) viuificat, si tamen res delectabiles intelligit. Et si res corpori nociuas intelligit, corpus & eius ossa desiccant, & sic est causa sanitati corporis, aut infirmitati. Tamen secundum seipsum dispositus est, ad habendum sanitatem, aut infirmitatem spiritualiter. Dispositus est ad sanitatem in quantum sua principia dirigit ad finem, propter quem sunt, si-

cur bonitatem ad bonificandum, quod si deuiat illa à fine propter quem sunt, tunc infirmatur per peccatum. Industria est forma cum qua intellectus participat, quæ industria venit ex parte sensitivæ & aliarum arborum. Et illa industria est ei instrumentum, quomodo modum animalium accipiat, quem habent in viuendo, & plantæ in vegetando, sicut vulpis, quæ industriam habet in venando, & farnetum, quod habet industriam se ligandi in ramis arborum, in quibus ascendit, & sic de aliis rebus similibus istis. Intellectus est pars substantialis animæ rationalis, & eius essentia est intelligentia, & est ens in quantum est suppositum de concretis essentialibus plenum, quæ sunt intellectuum, intelligibile & intelligere. Est pars substantialis animæ, quia est de partibus substantialibus, videlicet de bonitate substantiali, magnitudine & cæteris. Et intelligentia est eius essentia, in quantum æqualiter sua realia, concreta essentialia consistunt sub essentia sua. Et est ens in quantum compositus est, ex partibus substantialibus & accidentalibus: compositus est ex substantialibus, ut dictum est, ex partibus accidentalibus, ut in foliis huius arboris dicere intendimus. Dictum est de centum formis primariis, & secundum quod applicatæ sunt ad humanum intellectum, eo modo applicari possunt, ad voluntatem secundum suas condiciones.

De Voluntate, quæ est brachia spiritalis arboris humanalis.

Voluntas est de bonitate, magnitudine, & cæteris formis spiritalibus, quæ se habent ad ipsam constituendam, sicut plures lineæ ad unum punctum. Vnde sicut homo utitur

suis partibus calefaciendo, vegetando, sentiendo, & imaginando, sic voluntas utitur, vel uti debet bonitate, magnitudine, & cæteris: debet uti bonitate, quia naturaliter est bona, & magnitudine similiter. Et quia libertatem habet utendi suis partibus, potest acquirere aliam bonitatem, quæ accidentaliter est, & meritoria & moralis, quæ virtus vocatur, sicut iustitia, quæ est bona, & sic de aliis. Voluntas in homine est coniuncta, cum branchis cæterarum arborum, videlicet cum igne, qui est vna brachia arboris elementalis, quæ naturalem habet appetitum calefaciendi, & siccitatem recipiendi. Et voluntas naturalem habet appetitum diligendi ignis appetitus cum ipsos habeat secundum cursum naturalem, sicut homo, qui cum habet frigus, magnum habet appetitum per ignem, quod calefiat, & illum appetitum diligit voluntas, quia corpus diligit, cum quo est coniuncta. Idcirco fit concordantia inter voluntatem & appetitum ignis, quæ bona est & magna, &c. Sed cum ignis appetitum habet ad nimis magnum calorem, quia voluntas aquam diligit cum iustitia, frigiditatem diligit contra nimium calorem, idcirco hominem mouet ad comedendum res frigidas, & ad standum in locis frigidis, & ad vestiendum paucas vestes. Vegetatiua amabilis est, quia est bona & magna, & quia per illam viuunt corpora, ex his quæ sunt extra, quæ vegetatiua conuertit in naturas corporis. Et quia est amabilis, voluntas diligit eam. Idcirco diligunt homines sapores, in quibus appetitiua delectatur, amaritudines euitando, quas appetitiua non requirit in retentiua, neque in digestionem. Tamen quando appetitiua delectationem requirit contra bonitatem voluntatis, si volun-

tas illam delectationem diligit, suum diligere non est bonum, imò est vitiosum, in quantum diligit contra bonitatem & iustitiam. Idcirco homines qui sunt iusti in vegetatione, diligunt temperantiam, cum qua refranant appetituum contra debitam delectationem, ut voluntas cōseruare possit bonitatem suam, quæ diligibilior est quàm delectatio in vegetatione. Et si homo contrarium faciat, diligit plus ea, quæ minora sunt, quàm ea quæ sunt maiora. Et ideo stat vitiosus in peccato & in culpa. Voluntas diligit sentire in videndo, audiendo, & odorando bonos odores, & in gustando, tangendo, & in loquendo. Et hoc facit, quia naturaliter diligit partes, cum quibus est coniuncta, idcirco corpus mouet ad videndum pulchra, quia pulchra placencia sunt ad videndum. Et mouet corpus ad audiendum verba pulchra, & sic de cæteris delectationibus sensualibus, in quibus corpus delectatur & inuenit placitum. Et quia naturaliter voluntas plus diligit, debet iustitiam in amare suum in magnitudine bonitatis, quàm delectationem sensus in sentire, si in sentire maiorem diligit delectationem, quàm in amare intelligere, vel recolere, facit contra magnitudinem sui amare, sicut homines, qui plus diligunt pulchritudinem mulierum, ratione sensus, in sentiendo, quàm pulchritudines ipsius voluntatis, intellectus, & memoriæ in amando, intelligendo, & recolendo. In homine coniunctæ sunt voluntas & imaginatiua, ita sicut partes, quæ coniunguntur, ut sit totum. Vnde cum inclinationem habet amandi sensitiua, imaginatio est eius instrumentum, in quantum intellectus in illa imaginatur placita sensualia, & tunc imaginatiua voluntatem mouet, ad amandum placita

sensualia. Et in hoc passu habetur cognitio, quomodo quædam potentia, alias potentias mouent, sicut voluntas, quæ intellectum mouet ad imaginandum placita sensualia in imaginatiua, quæ est similitudo illorum, quæ siquidem placita naturaliter sunt amabilia. Et imaginatiua voluntatem mouet ad amandum illa placita: sicut naui, quæ mouendo seipsam, nautas mouet de vno loco in alium. Et si voluntas in hoc motu non moueat amare suum cum magnitudine bonitatis, potestatis, virtutis, &c. seipsam mouet ad peccatum, & instrumentum quod est imaginari, conuertit in malis operibus, quæ sunt priuatio magnitudinis, boni, & virtuosi amoris in amando. Et in hoc passu cognosci potest, quod malum est priuatio boni, & peccatum priuatio virtutis. Et habetur cognitio, quomodo homines se inclinant ad malum & peccatum. Quæ siquidem inclinatio est priuatio ascensionis ad opera bona & virtuosa. Voluntas est ita de æqualitate, sicut est de bonitate, magnitudine, duratione, & potestate, & idem est de intellectu & memoria. Et ideo habet voluntas naturaliter ita æqualia, sicut bona, & magna, & potentia, quæ sunt suum proprium amarium, amabile & amare, quæ in illa sunt æqualia. Vnde sicut voluntas participat cum intellectu, & memoria in specie bonitatis, magnitudinis, &c. sic cum illis participat in specie æqualitatis. Et in hoc passu cognoscitur, quod omnes tres potentia, animæ naturaliter sunt æquales: sicut per bonitatem sunt bona, & per magnitudinem & potestatem magnæ & potentes, & sic de cæteris. Sed quia homines earum æqualitate vti nesciunt, ideo opinantur, quod vna sit maior alia. Sicut considerare, quod voluntas sit maior, quàm

intellectus in quantum ei præcipit illa obiecta intelligere: quæ amare desiderat, cui voluntati intellectus est æqualis: in quantum ei præcipit intelligibilia obiecta amare cum magnitudine bonitatis, virtutis, veritatis, &c. Et idē est de æqualitate memoriæ, quæ est instrumentum dispositum, in quo voluntas & intellectus, æqualiter species deponant, quas acquirunt & multiplicant, ut ipsas æqualiter, cuilibet restituere possit. In vegetatiua consistit æqualitas instinctuum naturalium & appetitivum: sicut appetitiua, quæ æqualis est naturali instinctui retentiæ, & quando est maior, tunc est contra digestivam: idem si instinctus naturalis retentiæ maior sit, quàm naturalis instinctus appetitiæ. Oportet ergo secundum cursum naturalem, quod in vegetatiua sint æquales potentie instinctus & appetitus naturales. Sed quia homines maiorem inclinationem habent ad appetitus sensuales, qui dant placitum, quàm ad instinctus, per quos fit calor naturalis, & etiam conservantur. Imò credunt, quod appetitiua maior sit in vegetatiua, quàm instinctus naturalis retentiæ, qua propter contra veritatem corporis considerant. Idem faciunt, cum maiorem voluntatem iudicant per libertatem, quam intellectum, qui ita magnus est per libertatem sicut voluntas: quoniam sicut est magnum voluntati habere libertatem, per quam se habere possit ad diligendum unum, vel aliud, sic est magnum intellectui habere libertatem, per quam se habere possit ad intelligendum libere & non coactè, unum obiectum vel aliud. Sicut oculi, qui libertatem habent, quod videant, & ignis ad calefaciendum, cum calefacit, & etiam sicut voluntas libertatem habet ad amandum, vel odiendū,

sic intellectus libertatem habet, ad intelligendum veritatem vel falsitatem.

De Ramis arboris humanalis.

Rami arboris humanalis sunt ex quinque naturis, videlicet de natura elementalī, vegetali, sensuali, imaginariā & rationali. Idcirco quilibet ramorum venit cum suis naturis & conditionibus in hac arbore: sicut ignis, qui venit cum suis ramis: qui sunt significativum, significabile, & significare: in massa quæ est ramus de elementatio, elementabili & elementare compositus, cum aliis elementis. Et cum tali ramo stat vestitus de vegetatiua ramus, cuius induit suum ramum, per quod indumentum est dispositus ad generationem & corruptionem, priuationem & rehouationem, & transit ad ramos sensitivæ, ratione quorum dispositus est, quod sit instrumentum visitivum visibili, & videre & obiecto viso, & auditivo audibili, & sic de cæteris particularibus sensus communis. Deinde transit ad imaginativam ducendo ei obiecta, quæ per suam habet naturam, & illa similiter, quibus est indutus per vegetativam & sensitivam, in qua dispositus est, quod sit imaginabilis secundum suas conditiones, quas accipit & donat. Et sic indutus & habitatus transit ad rationativam, cuius rami sunt in memoria, memorativum memorabile & memorari, & in intellectu, intellectivum, intelligibile & intelligere, & in voluntate, amativum amabile & amare. Et idē anima accipit in suis ramis proprietates & qualitates ramorum elementariorum. Et idem facit de vegetativis, & sensitivis, & imaginatis. Et in hoc passu habetur cognitio de mixtione ramorum,

ramorum, quæ fit in arbore humanali, per quam mixtionem fit ramorum continuatio & participatio, vt fit vna continuatio humanitatis ex discretis quantitatibus constitutæ, quæ discretæ sunt, in quantum sunt partes totius, quod est homo. Quod si quidem totum est, totum per continuam quantitatem ex pluribus compositam. Et ramis sic mixtis omnibus adinuicem in arbore humanali, fit participatio obiecti & obiecti, & potentia & potentia, & actus & actus, quemadmodum ex elementabili, vegetabili, sensibili, imaginabili & rationabili. Et quia hæc obiecta sunt specie obiectationis, sunt in concordantia, per quam disposita sunt, quod sint instrumenta omnia adinuicem, vt per potentias sint obiectata. Et idem sequitur de concordantia potentiarum & actuum, veluti elementarium, vegetarium, sensitivum, imaginativum & rationativum, quæ concordantiam habent in accipiendo obiecta, in quantum sunt sub vna specie actiuitatis. Et ex ambabus concordantiis, sunt in concordantia actus, sicut elementare, vegetare, sentire, imaginari & rationari. Et quando hæ concordantiæ destructæ sunt per contrarietatem, quæ est contra fines ramorum, fit diuisio ramorum, & moritur homo.

De Foliis arboris humanalis.

Folia arboris humanalis sunt de quinque naturis, secundum quod rami sunt de illis: sed quia in arboribus prædictis, de quatuor dictum est, idcirco de quinta natura quæ est de foliis spiritualibus arboris humanalis, in hac arbore loqui intendimus, & de participatione, quam habet cum cæteris foliis. Et primo de quantitate arboris humanalis,

quæ est secundum animam rationalem.

De Quantitate arboris humanalis.

IN homine est vna quantitas continua, quæ ex pluribus quantitatibus discretis consistit, secundum quod sunt plures arbores, ex quibus compositus est. Et quia in quatuor arboribus antedictis, de quantitate tractatum est, cum quantitate illarum inuestigare volumus quantitatem arboris rationalis coniuncta cum corpore humano. Sicut ignis, qui quantus est per existentiam & agentiam, & eius partes indiuiduatæ in elementatis sunt, quantæ in amplum, longum & profundum, & in figura circulari, triangulari & quadrangulari: sicut in pipere & equo. Et istæ suæ quantitates indiuiduatæ transeunt in arborem vegetalem, in qua imprimunt suas similitudines, & arbor vegetalis ipsas in figuris accipit quæ veniunt, in quibus eius indiuiduas quantitates extendit. Et idem est de arbore sensuali, & etiam de imaginari. Cuius quantitates sunt similitudines realium quantitarum, quæ veniunt. Et idem est de arbore rationali, quæ se extendit in arboribus, cum quibus est coniuncta: sicut in homine, in quo est anima extensa per omnes quantitates corporis, quæ siquidem extensio est sua quantitas, in qua longum, amplum, & profundum non sunt realiter, neque circulus, quadrangulus, neque triangulus corporales, secundum suam essentiam, sed accipit illas figuras quantitatis, in sua quantitate: sicut cera, quæ quantitatem accipit in sua quantitate à litteris sigilli, & quantitas arboris rationalis in quantitate bonitatis, consistit spiritualis, & magnitudinis similiter. Et sic de aliis radicibus propriis, quæ multiplicant

vnam quātitatem continuam sub memoria existentem, videlicet sub eius quantitate. Et sic de intellectu & voluntate. Quæ siquidem memoria totum ex suis partibus esse non possit, nisi qualibet suarum partium quantitatem haberet, vna parte existente ab alia distincta. Corpus cum anima coniunctum in amabilitate est quantum, idcirco oportet, quod voluntas illud mensuret in amare secundum amabilitatem illius, quod mensurare non posset, si quantitatem ipsa non haberet. Cuius quantitas in numero ternali consistit, videlicet in amatio, amabili & amare, & ex his tribus consistit quantitas voluntatis, quæ videri non potest, nec tangi, neque etiam imaginari, quia nō est de natura corporali. Et hoc idem sequitur de quantitate intellectus & memoriæ. Deus est intelligibilis, & sua intelligibilitas est absque quantitate in sua amatiuitate, & in suo amare, & in seipsa. Et istud est, quia bonitas Dei, sua magnitudo, potestas, & ceteræ suæ formæ sunt infinitæ, & qualibet est idem numero quod alia. Sed eius intelligibilitas est quanta in intellectu humano, qui usque ad terminum intelligit, quem terminum facit in seipso, qui finitus est & terminatus, quia est de partibus finitis & terminatis, & in numero differentibus. Et in hoc passu cognoscitur, quando in arbore humanali, arbor rationalis se extendit secundum quantitatem arboris corporalis, & remanet in maiori quantitate bonitatis, magnitudinis, & cæterarum formarum spiritualium, quàm quantitas corporaliū formarum. Et hoc est, quia arbor rationalis, maiorem habet magnitudinem bonitatis & virtutis, quàm arbor corporalis. Ratio quare comparamus quantitatem arboris rationalis ad fo-

lia, est, quia sicut folia se vertunt ad omnes ventos, sic quantitas arboris rationalis, quantitates sequitur arboris corporalis, secundum quod amabiles sunt, intelligibiles, & dispositæ ad elementandum, vegetandum, sensandum & imaginandum. Folia quæ sunt in arbore humanali, ex parte arboris elementalís sunt accidentia corporis, quæ sunt per calorem, frigiditatem, siccitatem, & humiditatem, colorem, longum, amplum & profundum, & visibilem figuram, scilicet circularem, triangularem, aut quadrangularem, & illa quæ sunt in homine per vegetatiuam, sunt, sicut sapor, odor, &c. Et illa quæ sunt per sensitiuam: sunt, sicut videre, audire, &c. Et illa quæ sunt per imaginatiuam, sunt: sicut similitudines aliarum arborum.

De Qualitate arboris humanalis.

IN arbore humanali, tot sunt naturæ qualitarum, quot sunt naturæ arborum. Et ideo arbor rationalis naturales & proprias habet qualitates, per quas dicta est qualis, & eius bonitas qualis, & magnitudo similiter. Et in eius bonitate bonum quale, & in magnitudine magnum quale. Et per bonitatem existit bene, & per magnitudinem magnifice. Et hæ qualitates mixtæ, & cum aliis coniunctæ reddunt hominem qualem, vt si ita diceretur, qualis homo est Petrus aut Martinus, vel si est bonus aut malus, magnus aut parvus, sanus aut infirmus. Et in hac determinatione ponit, qualibet arbor suam propriam qualitatem: sicut arbor elementalís, quæ ponit in illa colorem, album aut nigrum. Et vegetatiua in illa ponit sanitatem, aut infirmitatem. Et sensitiua sensum caloris aut frigiditatis. Et imaginatiua in illa

illa ponit similitudines aliarum qualitatum. Et rationatiua gaudium, aut tristitiam, aut habitum scientiæ. Et sic de aliis rebus similibus istis.

De Relatione arboris humanalis.

Secundum quod arbor humanalis sex pluribus arboribus consistit, ita sunt plures relationes, aliæ in aliis mixtæ. Et ideo in homine est relatio generalis omnium, sicut relatio honorificatiui, honorificabilis & honorificare, aut patris aut filij. Et relatio honorificatiui, honorificabilis & honorificare deriuatur ex relationibus ramorum, aliarum arborum primarum, ita quod homo Martinus honorificatiuus est, inquantum est ex primis arboribus antedictis, non inquantum est ex hac arbore, quoniam nullus homo generare potest animam rationalem, nec creare, & ideo non transit relatio ad omnes partes arboris humanalis. Relationes arboris rationalis sunt in ramis, videlicet in memoria, memoratiuum, memorabile, & memorari, in intellectu, intellectiuium, intelligibile, & intelligere, & in voluntate amatiuium, amabile, & amare, & in suo trunco, videlicet rationatiuum, rationabile, & rationare, & in suis radicibus: sicut in bonitate, in qua est relatio bonificatiui, bonificabilis & bonificare. Et sic de cæteris relationibus naturalibus.

De Actione & Passione arboris humanalis.

Cum arbor humanalis sit ex pluribus arboribus: oportet quod in illa sint plures actiones & passionēs, sicut in Martino in quo per arborem elementalem actio & passio constituitur, quia suus calor naturalis cibaria quæ

comedit, calefacit, & eius frigiditas est calefactibilis, & in se habet actionem per arborem vegetalem, inquantum digestiua digerit cibaria, quæ accipit, & in se habet passionē per corruptionem inclinationis ad mortem, & renouationis ad alias formas, quæ sunt sub aliis speciebus: sicut vermes ex materia corporis deriuati. Est in homine actio ratione arboris sensualis: inquantum colorē sentit cum oculis, & saporem cum gustu: & est in illo passio, inquantum sentit dolorem. Per actionem imaginationis carnes se mouent, ad carnales delectationes, quæ siquidem carnes sustinent passionem in motu quem habent. Sunt etiam in homine actio & passio, per arborem rationalem, sicut omnes arbores primariæ quæ habent passionem sub arbore rationali, quæ est dominus & forma informans, omnes formas inferiores ad earum inclinationes naturales & motus. Et ipsa habet passionem in acquirendo necessitates ipsarum: sicut anima cum considerat & laborat, ut corpus viuere possit, & necessitates habere, quibus indiget ad viuendum: sicut est camera, qua indiget ad inhabitandum, & acus, qua indiget ad suendum, & vomer, quo indiget ad arandum. Habet adhuc anima rationalis, actionem & passionem per se simpliciter, sicut in voluntatem, in qua amans est agens, & amabile patiens, & etiam amare amorum passionem habet secundum impressiones & passionēs habituum, quos accipit. Et sic de aliis rebus similibus istis: sicut intellectus, qui passionem habet cum intelligere non potest, & voluntas, cum non potest habere hoc quod desiderat.

De Habitu

De Habitu arboris humanalis.

HAbitus arboris humanalis sunt plures & diuersi. Et quidam sunt naturales, & alij artificiales; naturales sunt secundum conditiones arborum primarum; secundum quod de ipsis dictum est in foliis arboris elementalis. Et similimodo est de habitibus arboris vegetalis, sensualis, & imaginalis, qui secundum eam conditiones veniunt ad habitus arboris rationalis, vt sint sustentati: sicut materia quę sustentata est in sua forma & in fine illius. Et ex omnibus his habitibus naturalibus, est arbor humanalis habituatā & induta. Sicut per habitum elementalem induta est colore & calore, & per vegetalem sapore, dulcedine, & odore; & per sensualem induta est visu & auditu, & per imaginalem induta est imaginatione, & per rationalem induta est memoria, intellectu, & voluntate. Et ex omnibus his habitibus naturalibus deriuantur habitus artificiales, qui sunt necessarii ad viuendum & ad bene esse arboris. Sicut per, elementalem homo accipit habitum tunicę, vt frigus non habeat, & sic in habitu, habet artem sartorię, vel artem fabrilem, vt cultellum facere possit, acum & vomerem. Et per vegetale habet in habitu artem pistorinam, & artem medicinę. Et per sensualem habet in habitu artem ædificatoriam, & artem pulchram figurarum, ornamentorum & instrumentorum. Et per imaginalem facit imagines. Et per rationale habet habitus virtutum, qui sunt fides, spes, & charitas, iustitia, prudentia, fortitudo, &c. De quibus habitibus moralibus, & artificialibus, loqui intendimus in arbore morali. Et in hoc passu leuiori modo, quo possumus loquimur de habitibus mechanicis & liberalibus, & primò de arte fabrilī.

De Arte fabrilī.

Sicut arbor vegetalis, suos habet instinctus naturales ad faciendum folia, flores & fructus, sic faber considerando processum arborum, secundum instinctum naturale industriam habet, & modum in arte fabrilī. Sicut considerando radices, in quibus ei significatur per bonitatem, quod faciat bonum cultellum, & magnum, & durabilem per magnitudinem, & durationem, & fortem per potestatem, & proportionatum, per proportionem ad finem, propter quem ipsum facit. Et in trunco est ei significatum, quod faciat cultellum ex pluribus rebus, sicut trūcus, qui est ex pluribus rebus. Et per folia consideret instrumenta, cum quibus faciat, & suam quantitatem consideret, assituationem & tempus: & sic de aliis rebus; secundum quod considerat ad faciendum cultellum ornatum & vtilem, propter suum finem. Vnde sequente fabro processum arborum, secundum instinctum naturalem illarum, suam imaginationem disponit, ad imaginandum suam artem completē, & suum intellectum subtiliat, vt sua arte bene sciat vtī.

De Arte Carpentaria.

Per arborem imaginalem accipit carpentarius similitudines aliarum arborum, & necessitates considerat hominum, quibus indigent ad viuendum imaginando domos, scrinia, scutellas, aratrum pro agricola, & sellam pro equo, & lanceam pro milite, & sic de cæteris, quę ad eius officium pertinent. Et omnes hæ considerationes ipsum dirigunt & disponunt, secundum conditiones arborum, & etiam secundum principia primaria, vel secundaria. Vnde si quis carpentarius

istam scientiam sciret, subtilior esset, quam alij in faciendo sua opera, quoniam dispositiones arborum darent ei doctrinam ad imaginandum subtiliter figurâs circulares, triangulares, & quadrangulares, quas considerare oportet in processu artis carpentariæ.

De Arte Sartoria.

Sartor acum considerat, filium, forfices, & pannum. Et hæc omnia considerat propter finem induendi, & branchas habituat, & in illis ornamenta considerat. Et per radices modos considerat. Et per truncum corpus hominis. Et per formam quantitatem & proportionem tunicæ, & ipsius induti. Et vult quod tunica sit bona & magna, & quod duret per durationem & potestatem, & quod eius color sit placens ad videndum, & quod sit mollis, ut tactus placitum habeat. Et sic de cæteris rebus similibus istis. Quare sartor qui habet in habitu suam artem, primo incipiat in formis primariis secundum instinctus naturales in arboribus seminatos & in eius partibus. Concordando instinctus naturales cum habitibus artificialibus, existunt mechanici in suis operationibus perfecti.

De Arte Agricola.

Agricola considerat aratrum, vomerem, ligonem, bouem, & restellum semen & tempus seminandi & colligendi, & sic de cæteris rebus similibus istis. Hæc consideratio incipit in instinctibus naturalibus & in formis primariis, quæ habitum agricolæ disponunt secundum earum condiciones, dispositiones & naturas, quas agricola tunc accipit, cum suam artem

habituat: sicut per bonitatem, per quam aratrum bonum considerat, item bonum vomerem, bonos boues, bona putatoria, & bonum tempus ad seminandum & ad colligendum. Et omnes istæ considerationes sibi conueniunt, secundum quod vititur arbore imaginali in accipiendo similitudines cæterarum arborum, quas accipit in earum radicibus, truncis, branchis, ramis, foliis, floribus, & fructibus.

De Arte Mercimonie.

Mercator terrarum necessitates considerat, & idem in aliquam terram vadit, in qua habetur magna abundantia alienius rei, de qua alia terra indiget. Sicut illi qui vadunt ad locum, in quo sit piper, & ubi sunt panni, & ipsos in terram ducunt, ubi piper neque panni sunt. Vnde primò considerat finem, qui generalis est ad viuendum, & ad bonum esse magnum & durable potens & amabile. Et considerat in prospectatibus rerum, in quibus homines habeant quietem. Vnde postmodum istis considerationibus principiatis, in radicibus secundum truncum considerat suum bonum speciale ex pluribus rebus acquisitis multiplicarum. De quo trunco exeunt magnæ branchæ, & bonæ, & pulchra folia, & rami foliis pulchris & fructu ornati sub intentione ornamenti, ad euitandum famem, sitim, & vilia vestimenta. Et in omnibus istis habet mercator modum recipiendi significata arborum & participationem, quam quædam arbores habent cum aliis. Quare ille esset subtilis & bonus mercator, qui sciret accipere significata arborum secundum processum istius scientiæ generalis.

De Arte Nautarum.

Marinarius considerat galeam, nauem & barcham, & considerat velum, & arborem, & cætera quæ expectant ad nauem, & postmodum considerat tempus nauigandi, & portus, ad quos habet refugium, stellam, acum, magnetem, ventos & miliaria, & cætera quæ spectant ad suam artem. Et omnes istæ considerationes, primò incipiunt in formis naturalibus & primariis seminatis in arboribus, ex quibus instinctus & appetitus naturales disponunt habitum marinariæ illis, qui sub fine artis marinariæ significata arborum accipiunt in arbore imaginalli, cum branchis arboris humanalis. Et is qui melius accipit arborum significata applicando ipsa ad finem marinariæ, qui est lucrari, est sapientior alio marinario, & securius est ei nauem tradere & mercimonia.

De Arte Militia.

Miles finem militiæ cōsiderat, qui ipsum considerare facit bonum equum, & bene equitare, gladium fortem, cum quo percutere possit, & lanceam cum qua à longè possit percutere, & scutum forte, cum quo se possit cooperire. Et ipsum considerare facit modum, quomodo suum inimicum decipere possit & vincere. Et ut ex officio suo vtilitatem, honorem, & bonam famam, ab omnibus similiter habere possit. Et hæ considerationes primò incipiunt in formis primariis naturalibus seminatis in arboribus, quæ disponunt formas artificiales, quæ instrumenta sunt artis militiæ. Quam artem habent in habitu quidā milites melius, quam alij, secundum quod

sciunt concordare formas primarias naturales, cum formis secundariis artificialibus.

De Arte Grammaticali.

Grammatica est ars, quæ docet ordinatè loqui, & accentus ponere in vocabulis, ut oportet, & concordare verba, & nomina, præpositiones, substantiuum & adiectiuum, & sic de cæteris partibus artis. Et iste ordo & processus prius incipit in formis primariis seminatis in arboribus, in quibus ordinatæ sunt, secundum cursum naturalem. De quo ordine grammaticus habet instinctum naturalem, ex quo trahit ordinem habitus artificialis, in loquendo, & in faciendo bonum Latinum, & in euitando falsum accentum, in quo Latino significata ponit vocabulorum, quæ sunt in vulgari.

De Arte Logicali.

Logicus finem considerat Logices considerando falsum & verum. Et considerat falsitatem & veritatem, Sub forma nominis & verbi. Sub forma nominis considerat, ut cognitione habeat de rebus, quæ sunt hoc quod sunt. Idcirco nomina considerat & diffinit. Et sic similiter verbum considerat & diffinit, ut cognitionem habeant operationum, quas habent substantiæ. Et in his duobus principiis, omnes res consistunt, videlicet existere & agere. Et ad inuestigandum ista principia, habet Logicus intentiones secundarias, quæ sunt rerum realium significata, de quibus tractat naturalis, & ex quibus Logicus nomina trahit, & similitudines operationum naturalium. Et super hoc ponit in consideratione

rationibus suis, decem prædicamenta, genera & species, differentias, & proprietates, & accidentia, & maximas ponit ante conclusionem, & habet modum arguendi & significandi res falsas esse veras, & veras esse falsas, ut de veritate & falsitate melius cognitionem habere possit, & sic de cæteris rebus, quæ ad Logicam pertinent. Et omnes istæ considerationes incipiunt in instinctibus naturalibus & primariis, quæ in arboribus sunt sustentati, & in ipsis realiter seminati, boni, magni, amabiles, veri & distincti ab inuicem. Et ex omnibus istis formis realibus est habitus Logicæ dispositus, quod veniat de potentia, per agens artificiale in actu, quod accipit similitudines in arbore imaginari cæterarum arborum, ut ex illis similitudinibus, ars Logicæ constituere & ordinare possit, & de entibus cognitionem habere possit.

De Arte Rhetorica.

Rhetoricus tractat, quod homo loqui possit per vocabula pulchra & ornata, ut sensus auditus placitum in audiendo habere possit, & ut per illud placitum voluntatem mouere possit audientium ad perficiendum, quod desiderat Rhetoricus, qui facit de Rhetorica instrumentum ut ad finem venire possit, quem desiderat. Quod siquidem instrumentum deriuatur ex principiis primariis & ex ornamento, quod habent naturaliter, & etiam de natura instrumentorum superiorum. Et ex his naturis primariis in arboribus seminatis accipit Rhetoricus in arbore imaginari pulchras similitudines & ornatas & dispositas ad placitum, positis illis similitudinibus in verbis, & illis verbis positis in pul-

chris exemplis & placidis, & in salutationibus ornatis & in humilibus supplicationibus, & debitis petitionibus & promissionibus. Vnde cum Rhetoricus tangat formas naturales & principia quæ in arboribus posuimus, & applicando illa ad habitum Rhetoricæ, tunc habet modum & magnam materiam vtendi scientia sua, & ad consequendum ea quæ desiderat, ad quæ per Rhetoricam venire credit.

De Arithmetica.

Arithmeticus considerat discretas quantitates ex discretis quantitibus realibus multiplicatas in similitudinibus fantastis, ex quibus numerum multiplicat, quem ponit in figuris, quæ illas certas quantitates significant. Et ideò considerat vnum & eius figuram, & duo, & eius figuram, & decem, & eius figuram, & viginti, & eius figuram, & centum, & mille, & eorum figuras, & sic de aliis. Et considerat assituationes figurarum, secundum quod sunt ante vel retrò in arte algorismi. Considerat etiam substantiarum assituationes: sicut lapides, ex quibus turris efficitur, numerum quorum scire desiderat, & sic de aliis, quæ ad artem spectant. Ad cuius artis finem peruenit, si de ordinatione superiori & de formis primariis quæ sunt in arboribus naturalibus cognitionem habere sciuerit, quia ita apparet habitus arithmeticæ in illis formis, sicut imago in speculo. Cum ita sit, quod numerus numeralis sit, imago visa in numero reali, qui est ex entibus veris, singularibus & distinctis, & in numero illorum apparet sua similitudo.

De Geometria.

Geometricus considerat quantitates continuas, & illas mensurat de principio usque ad medium, & de medio usque ad finem, & facit circum, in quantum considerat in illo medium, quod est centrum, cuius circumferentia est circulus. Deinde quadrangulum considerat & triangulum, qui circum perferiunt. Et ad has figuras venit secundum quod accipit similitudines habituum naturalium superiorum, quos applicat ad suam artem, ut sciat quantitates turrium, & marinarij spacia, quæ sunt inter unum ventum & alium. Vnde sicut sanitas est principium memorie, sic quantitates continuæ & reales supra existentes sunt principia quantitarum artificialium abstractarum ex materia, de quibus Geometricus mensurat res mensurabiles secundum suam artem. Et huic arti iuvant maxime assuaciones naturales, de quibus in arbore elementalī tractatum est, & etiam in hac arbore in suis foliis.

De Musica.

Musicus considerat voces dispositas, scilicet quod sint altæ, infimæ, & mediocrës, longæ & breves, grossæ & primæ siue subtiles, proportionatæ & accentus vocalium & consonantium, ut voces ornare possit & melodias instrumentorum, quæ sunt placentes ad audiendum & ad confortandos animos hominum. Et ideo artem ordinat & modum quomodo voces trahat, quæ sunt in dispositione soni placentes, & vocis, ut in actu veniat habitus musicalis. Et principia prima & naturalia in formis consi-

sunt, de quibus dictum est in processu arborum, ex quarum instinctibus musicus habet instinctum naturalem, ex quo trahit habitum musicalem: sicut faber qui clavum trahit ex massa ferri de potentia in actu, ut sine utatur, ratione cuius est faber. Et ideo sunt radices & trunci & ceteræ partes arborum principia prima & naturalia, ex quibus principia artificialia artis musicæ descendunt.

De Astronomia.

Astronomus considerat naturas corporum supra cælestium influentias & impressiones, quas mittunt in inferioribus corporibus, quæ illas influentias recipiunt, & impressiones, secundum quas disposita sunt & mota ad operationes naturales secundum radices arborum & secundum truncos, branchas, ramos, folia, flores & fructus. Idcirco Astronomus considerat stellas fixas in firmamento, quas dividit in partes duodecim, quæ sunt duodecim signa, videlicet aries, taurus, gemini, cancer, leo, virgo, libra, scorpius, sagittarius, capricornus, aquarius, pisces. Et istis qualitates brancharum arboris elementalī attribuit, nam arietī qualitatem ignis attribuit, tauro qualitatem terræ, geminis qualitatem aeris, & cancro qualitatem aquæ, & sic de aliis per ordinem. Et dicit, quod aries est mobilis & masculus, cuius planeta dicitur Mars. Et dicit quod eius caput est bonum in medio & in fine, & sic de aliis per ordinem. Etiam considerat Astronomus septem planetas errantes, qui sunt Saturnus, iupiter, Mars, Sol, Venus, Mercurius, & Luna, & istis planetis qualitates elementorum attribuimus effectivæ & appropriatæ,

priatæ, secundum hoc quod requirit planeta inferius quæ naturis supra cœlestibus indigent: vt moueant ipsa ad instinctus generabilium & corruptibilium naturales, & ad modos, per quos plantæ vel animalia viuere possint, aut in priuationem & corruptionem deuenire, vt cursus naturalis non cesset. Et dicunt, quod Saturnus est de complexione terræ, & quod sit malus, & plumbum sit ex parte eius, & dies sabbati similiter. Et quod Iupiter sit de complexione aëris, & quod sit bonus & quod stagnum & dies Iouis sint ex parte ipsius. Et sic de cæteris per ordinem. Considerat etiam Astronomus momenta, horas, dies, menses, annos, & motus rerum, & secundum complexionem & respectus signorum & planetarum, per cursus illorum in diuersos status temporis mutatorum. Considerat etiam rerum abundantiam in fructibus & defectum. Item sanitatem & infirmitatem, lucrari, & perdere officia & præliorum victorias. Et sic de cæteris rebus similibus istis. Et ad considerationes omnium prædictorum radices, trunci, branchæ, rami, folia, flores, & fructus arborum naturalium sunt nature primariæ generales, quæ secundum eorum dispositiones & naturas disposita sunt, ad recipiendum impressiones superiores, seu influentias: sicut regula, quæ secundum suam dispositionem influentiam recipit à Sole per ignem & terram, & cera, quæ mollescentiam & dissolutionem recipit per solem, per ignem, & per aërem. Et sic de cæteris rebus similibus istis. Idcirco valde necessarium est Astronomo scire Philosophiam, quæ est de generatione & corruptione, in tractatu & processu, quem fecimus in arboribus naturalibus significata.

De Arte Iuris.

Iurista considerat iustitiam in his quæ sunt licita ad euitandum illicita, vt sit pax & charitas inter gentes, in amando Deum & ei seruendo, & ad faciendum ei reuerentiâ & honorem, quæ ei conueniunt. Idcirco dicunt, quod principia iuris sunt Deum diligere, honestè viuere, & vnicuique quod suum est reddere. Et quia deficit charitas in gentibus, & bonum speciale, plus diligitur quàm publicum, inuenta est scientia iuris, in qua posita sunt leges, & canones ad conseruandû hoc quod conuenit publicæ vtilitati, & speciali & ordinationi illius boni. Idcirco inuenti sunt iudices, aduocati, & doctores ad cōseruandû & tuendû scientiam iuris, secundum mādaturam Papæ & Imperatoris, & ad positiones quas fecerunt, in quibus scientia iuris sustentatur, sunt principia naturalia primariæ causæ, quas in arboribus posuimus, quæ generales sunt ad particularia, in quibus scientia iuris consistit. Quæ siquidem particularia examinari possunt & cognosci, & eorum veritates, naturæ & intentiones, quare sunt in vniuersalibus positis in processu arborum generalium & primarum. Quæ siquidem vniuersalia necessaria sunt cuilibet iuristæ ad sciendum, vt suam scientiam melius cognoscere possit, & vt in defectibus particularium requirere possit ad perfectiones superiores & generales, ponendo concordantiam inter generalia & specialia, siue inter vniuersalia & particularia, sicut inter totum & eius partes.

De Arte Medicina.

Medicina est, vt sit sanitas. Idcirco medicus considerat qualitates entium necessariorum ad conseruandum sanitatem, & ad destruendum infirmitatē per accidētia in naturalia causatam. Idcirco disponit & ordinat naturam patientis, vt in actu redeat sanitas, q̄ in ipso esse solebat. Et considerat decoctiones & emplastra, electuaria, balnea, phlebotomias, dietas & cætera his similia. Considerat etiam gradus febrium & planetarum, & simplicitatem, & interpolationes febrium. Considerat etiam horas, in quibus incipit infirmitas, & in quibus desinit, siue terminatur, & sic de aliis, quæ significauimus in principiis medicinæ. Vnde omnibus istis particularibus inferioribus, sunt causæ primariæ particulares generales, quæ sunt supra, quæ in processu arborum consistunt, ex quibus, siue per quas primi medici, per instinctum naturalem habitum medicinæ, & suam artem considerauerūt, & ideo illa principia sunt valde necessaria illis, quæ de scientia medicinæ se intro-mittunt, vt per principia, verisimilia habere possint cognitionem de particularibus. Et illi medici, qui ita sæpe deficiunt in suis experimentis, cognitionem non habent de primis principiis naturalibus. Idcirco per medicos, quàm plures homines moriuntur, qui sine ipsis viuerent, per concordantiam supra existentem, & appetitus, & instinctus naturales in industria, quam dant ad regendum eorum particularia. Quoniam per instinctum naturalem, habet canis industriam ad comedendum herbas, vt vomitum faciant, per quas quidem herbas ei nociua & indigesta proijciat, vt sanitatem habere

possit. Et idem facit carus, secundum quod experientiam habemus.

De Philosophia.


Philosophus veritatem rerum scire desiderat, vt in illo scire delectationem habere possit. Idcirco suum intellectum fortificat, ad habendum vnum habitum vniuersalem, sub quo plurium veritatum cognitionem habere possit, & de scientiis in pluribus veritatibus extēsis, videlicet in earum similitudinibus. Idcirco philosophus considerat causas primarias & reales, & per ipsas ad realia particularia descendit, & ipsa inuestigat cum causis primariis. Et eius inuestigatio consistit in ascendendo & descendendo, ex causis superioribus ad inferiora, & de inferioribus ad superiora, & in effectibus illarum habet cognitionē ex ipsis. Causas verò primarias in arboribus naturalibus significauimus, & in earum partibus, ex quibus sunt cōstitutæ, affutuæ, & ex pluribus habitibus induitæ.

De Theologia.

Theologia loquitur de Deo, videlicet de eius essentia, proprietatibus, dignitatibus, & eius operationibus, quas habet in seipso & in creaturis. Supponit etiam, quod Deus habet omnem perfectionem, siue complementum in suo existere & agere, & quod nullum habet defectum, nec indigentiam alicuius rei, & quod sit finis, & perfectio omnium creaturarum. Et in huiusmodi considerationibus, Theologus finem sequitur brancharum arboris humanalis, & etiam radicem, & omnium partium arboris. Idcirco maiorem habet delectationem in considerationibus suis, quàm aliquis alius


alius ratione nobilitatis obiecti. Et cum se inclinat ad considerandum naturas primarias secundum philosophiam, tunc venit ad scientiam, positiones primas, quas fecit in Theologia, in necessarias demonstrationes conuertit & rationes. Et ideo Theologi philosophi maiorem delectationem habent in Theologia quam alij, quia de necessitate principia attingunt positiua, quae simpliciter considerantur secundum auctoritates & opiniones verorum. Quare philosophia multum est necessaria ad sciendum Theologiam, & ad vincendum errores & iniurias, & falsas opiniones, quae sunt contra veritates, in quibus Theologia est sustentata, & per illam est habituada.

De Situ arboris humanalis.

 RBOR humanalis assituata est ex quinque naturis, ex quibus est constituta: quia vna assituatio est per arborem elementalem, alia per vegetalem, alia per sensualem, alia per imaginalem, & alia per rationalem. Per elementalem habet corpus circulatum, triangulatum, & quadrangulatum. Et per vegetalem habet corporalitatem assitutam secundum figuras arboris elementalis, quae in se continet corporalitatem maiorem quam vegetalis. Et ideo simpliciter non potest homo cogitare figuram corporalem secundum arborem vegetalem, quia sua corporalitas tangi non potest neque videri. Et assituatio quam ab illa accipiunt Perrus & Martinus, est per generationem & corruptionem, priuationem & renouationem, & etiam per alias partes arboris. Et assituatio quae est per sensualem est, secundum quod potentiae sensitiuae, assituae sunt in branchis,

ramis, foliis, floribus, & fructibus, vt dictum est, & idem est de arbore imaginale, quae est de similitudinibus assituationum realium. Et hoc idem est de situ arboris rationalis, secundum quod dictum est, in qua est assituatus per memoriam in occipite, per intellectum in fronte, & per voluntatem in corde, & per truncum in omnibus partibus corporis.

De Tempore arboris humanalis.

 RBOR humanalis consistit in tempore, & est in tempore secundum dispositiones arborum, ex quibus constituta est. Quia secundum quod arbores diuersae sunt, in tempore diuersimode consistunt: sicut ignis, qui in omni tempore Martinum calefacit: & vegetatiua, quae in vno tempore facit Martinum esse sanum, & in alio infirmum. Et sensitiua ipsum sentire facit in vno tempore calorem, & in alio frigiditatem, & in vno tempore famem, & in alio sitim. Et imaginatiua in vno tempore ipsum mouet ad delectationem, & in alio tempore ad iram. Et rationale ipsum mouet in vno tempore ad iustitiam, & in alio tempore ad illicita siue ad iniuriam. Tamen semper in Martino simplex consistit tempus, & Martinus in tempore similiter. Sed quia Martinus consistit ex diuersis partibus & naturis, diuersificat tempus in similitudinibus temporis, quae siquidem similitudines non sunt de sua essentia: sicut intellectus, qui accipit similitudinem corui in imaginatione, & ipsum considerat in vno tempore album, & in alio nigrum, quae siquidem consideratio non est de essentia corui, nec de essentia sui coloris, sed est species multiplicata

cata de similitudinibus & de figura corui in imaginatione impressis, in qua intellectus ipsas imprimit. Sicut litteræ sigilli, quæ in ceta imprimunt suas similitudines, quæ non sunt de sua essentia.

De Loco arboris humanalis.

ARbor humanalis consistit in loco, & locus in ipsa: sicut partes quædam consistunt in aliis. Tamen Martinus totus stat in loco, sed totus locus non stat in Martino, quia si totus staret in ipso, leo & turris locum non haberent, in quo starent. Sed in quantum Martinus determinatus est secundum quinque arbores, ex quibus constitutus est, diuersimodè in loco consistit: sicut per vnum modum stat in arbore elementali, quæ ipsum in loco determinat, qui in se continet figuram circularem, triangularem & quadrangularem, & plenam ex longo, amplo & profundo. Et vegetatiua stare facit Martinum in loco, in quantum suam figuram facit vegetatam. Et sensitiua similiter Martinum in loco stare facit, in quantum est extensa in vegetatiua & elementatiua. Et imaginatiua similiter, in quantum se ponit inter frontem & occiput, vbi fit fantasia & multiplicatio specierum fantasticarum sub speciebus imaginationis. Et rationatiua Martinum in loco stare facit, in quantum ipsum mouet de vno loco in alium. Et in Martino locus consistit accidentaliter, in quantum se ponit in maiori virtute in vno loco quàm in alio: sicut in cerebro in quo se ponit per recolere & intelligere ad faciendum iudicium de entibus, & in corde per amare & per diligere bona diligibilia, & per odire mala odibilia, ve-

runtamen rationatiua simpliciter in loco non consistit, sed accidentaliter secundum conditionem illorum, in quibus consistit: sicut arbor navis, quæ de vno loco in alium mouetur ratione motus navis, in qua arbor consistit.

De Floribus arboris humanalis.

FLORES arboris humanalis sunt ex quinque naturis, videlicet ex natura elementali, vegetali, & sensuali, imaginari, & rationali. Per elementalem elementare est flos, in quantum homo est elementabilis & elementatiuus ex quibus elementare resultat. Elementabilis est, in quantum generabilis est ex quatuor elementis. Elementatiuus est homo, qui alium hominem generat, idcirco elementare est flos, ex quo sequitur elementatum, & est flos, quia radices arboris elementalis naturaliter, & truncus, branchæ, rami, & folia se habent ad florem, qui est superior ratione maioritatis finis, in quantum propinquior est elementato, quod est pars homificati. Vegetare est flos in hac arbore, ad quem se habent radices arboris vegetalis, & truncus, branchæ, rami, & folia. Idcirco est flos, quia per illud viuunt homines ex causis exterioribus, quæ intrant per gustare, tangere & odorare, quas vegetatio vegetat & transmutat in speciem hominis, sine quibus viuere non posset. Sentire est flos, per quem homines sentiunt videndo, audiendo, odorando, &c. Idcirco est flos, quia radices arboris sensuales, & truncus, branchæ, rami, & folia se habent ad sentire, ut homines sentiant & sentiantur. Et flos qui est sentire, generalis est, in quantum se extendit ad plures flores, videlicet

videlicet ad flores videndi, audiendi, odorandi, gustandi, tangendi, & affandendi, siue loquendi. Imaginari est flos arboris, imaginis ad quem se habent radices, truncus, &c. Idcirco est flos, quia per imaginari, retinent homines in memoria res absentes, quæ fuerunt auditæ, odoratæ, & gustatæ, tactæ, & affatæ, siue locutæ. Rationari est flos, ad quem suæ radices se habent, & sic de trunco, &c. Idcirco est flos, vt homo sit rationatus, & quod hoc quod facere voluerit faciat cum ratione, quia ea quæ cum ratione facta sunt bona sunt & magna, durabilia, & virtuosa, vera & amabilia, & in ipsis homo vtitur intellectu & fine, quare creatus est, & quando facit contrarium, facit sicut animal brutum in suis operibus, & flores stare facit otiosas, qui sub eo sunt, per quorum otiositatem ad finem quare sunt, venire non possunt. Et in hoc passu cognoscitur, quomodo est graue peccatum, quod tot nobiles flores à fine deuiat, quare sunt.

De Fructu arboris humanalis.

FRUCTUS arboris humanalis est duplex, quoniam vnus est ratione existentie, & alius ratione agentie. Ille qui est ratione existentie, est fructus per quem homo est hoc quod est, & hunc fructum habent fructus, qui sunt sub eo, vt ex elementato, vegetato, sensato, & rationato sit hominificatus. Et in hoc fructu stat alius fructus in potentia cum conditionibus aliorum fructuum, quas pater potest dare filio, quem generat, arbore rationali excepta, quæ per creationem venit, & ideo habent homines libertatem, quod si per generationem arbor rationalis veniret,

ita se haberent homines naturaliter ad ratiocinandum: sicut ad videndum, audiendum, &c. & perderentur merita & virtutes morales, & plura alia inconuenientia inde sequerentur. Fructus per agentiam est secundum finem, videlicet homo est vt Deum recolat, intelligat, amet, honoret, & ei seruiat, & omnem reuerentiam faciat. Et iste fructus nobilior est primo fructu, & etiam altior, quoniam primus fructus est, vt iste fructus sit, & eius virtus siue nobilitas, consistit in virtute obiecti & nobilitate, quod quidem obiectum est Deus omni honore dignissimus, & est dignus, quod recolatur, intelligatur, & ametur, honoretur, & ei seruiatur, plusquam aliquod aliud ens quod non est Deus. Et in hoc passu cognoscitur, quomodo magnum defectum faciunt homines, qui plus suos filios diligunt, in quantum sunt ab ipsis hominificati & deriuati, quam quia creati sunt ad honorandū Deum, & ei seruiendum, quia in intentione eorum de maiori fine faciunt minorem. Idcirco contra rationem vtuntur & faciunt, & contra eorum principia naturalia, & deuiati sunt à fine, quare sunt, in cuius deuiatione ad gloriam peruenire non possunt. Et idem sequitur in hominibus, qui plus diligunt seipsos honorari quam Deum, & plus diligunt fructus brancharum sensualium & florum, quam fructus brancharum rationalium. Et ita sunt sicut lapis, qui de loco alto ad locum infimum descendit. Et in hunc descensum descendunt homines in abyssum, de quo nunquam exhibunt nec habebunt aliquid cum quo ad supernam gloriam ascendere possint, quia caput tenent inferius & pedes superius, in quantum intentiones primas peruertunt in secundas.

De Arbore Morali.

S V M M A R I V M.



Arbor ista moralis est duplex supra unum truncum. Et idem de suis radicibus secundum quod per figuram sequentem significatur. Et hoc in quantum dicta arbor est de virtutibus & de vitiis. De arbore vitiosa dicitur suo loco. Nunc de virtuosa dicimus, quod dividitur in septem partes ut alia arbores,

scilicet in radices, truncum, branchas, ramos, folia, flores, & fructus.

Radices sunt principia generalia huius artis, ut in praemissis arboribus.

Truncus est mos confusus & generalis.


Branchae sunt virtutes Cardinales & Theologicae.

Rami sunt similitudines ramorum realium.

Folia sunt accidentia virtutum.

Flores sunt merita acquisita per virtutes.

Fructus est merces, siue retributio.



Piratio finis.
 Falsitas.
 Sculptia.
 Malitia.
 Bonitas.
 Magnitudo.
 Duratio.
 Potestas.
 Sapientia.
 Voluntas.
 Virtus.
 Veritas.
 Gloria.
 Differentia.
 Concordantia.
 Contrarietas.
 Principium.
 Medium.
 Finis.
 Maioritas.
 Aequalitas.
 Minoritas.

De Arbore Morali.

ARBOR ista est duplex, vna pars est de bonis moribus nominatis sub ratione virtutum lucratum siue acquiratarum, quæ sunt similitudines arboris humanalis realis. Alia pars est de malis moribus sub ratione vitiõrum dictis siue vocatis, quæ sunt dissimilitudines similitudinum partium arboris humanalis. Dicemus ergo primò de prima parte, postmodum de secunda. Prima pars diuiditur in septem partes, videlicet in radices, truncum, branchias, ramos, folia, flores, & fructus.

De Radicibus arboris moralis.

RADICES arboris moralis sunt similitudines radicum arboris humanalis: sicut bonitas moralis, quæ est similitudo bonitatis realis, & magnitudo moralis, quæ est similitudo magnitudinis realis, & perseuerantia moralis, quæ est similitudo durationis realis, & potestas moralis, potestatis realis, & intelligere morale, quod est de reali, & virtus moralis, quæ est de reali virtute, & amare morale, quod est similitudo amare realis. Et idem est de veritate, delectatione, differentia, concordantia, contrarietate, principio, medio, fine, maioritate, æqualitate, & minoritate moralibus, quæ sunt similitudines veritatis, delectationis, differentia, & aliarum realium. Et omnes istæ similitudines morales sunt impressiones formarum realium primarum & naturalium. Et sicut formæ reales & substantiales sunt ex quinque naturis (secundum quod in arbore humanali dictum est) ita

sunt impressiones morales similitudines quinque naturarum realium, velut bonitas moralis, quæ est bona sub ratione elementationis, vegetationis, sensualitatis, imaginationis, & rationalitatis. Est bonitas moralis sub ratione elementationis: sicut homo bonus qui vitur elementatis ordinatè, in quantum ipsa ad finem applicat, quare sunt: sicut sunt panis & denarii, quæ elementata sunt, & ex illis eleemosynam facit pauperibus, qui ipsa querunt propter Deum, qui ipsa creauit, vt homines diuites & pauperes viuerent. Bonitas moralis est similitudino bonitatis vegetalis, in quantum homines bene ipsis vegetatis vtuntur, velut homo bonus, qui vegetata congregat, vt bonas operationes faciat, per quas Deus honoretur, & ei seruiatur, & ab illis accipiat hoc, quod ei est necessarium ad viuendum, & dat similiter ex ipsis eleemosynā pauperibus, per quorum necessitatem arbor vegetalis ipsa trahit sub terra, siue à terra, & ipsa deu enire facit, in fructum, & homo iustus ipsa congregat, & diuidit cum iustitia & charitate illis, qui ipsis indigent, & ex ipsis accipiunt cum iustitia & temperantia, vt vitam bonam habere possint, cum qua Deo seruire possint. Est bonitas moralis sub ratione sensualitatis: sicut homo bonus, qui bene vitur sentire in videndo, audiendo & sic de cæteris floribus sensitiuæ qui boni sunt, & bene vitur videre suo, quando sensualia videri & ex ipsis accipit bona significata, quæ significant. Sicut in videndo pulchrum filium, pulchram fœminam, pulchrum florem, pulchrum equum, &c. in quibus Deus debet laudari, qui ita pulchras creaturas creauit. Et idem est de aliis floribus: sicut homo bonus, qui cum instrumenta audit sonare, & similiter cum audit

audir verba Dei, bene vtitur illo audire, in quantum bonitatem considerat, quam verba significant, & melodiam, quæ est in alia vita audita. Bonitas moralis sub ratione imaginationis consistit: sicut homo bonus qui res imaginatur, & ex imaginatione trahit bona significata, quæ applicat ad bonas operationes. Sicut homo qui imaginatur opera misericordiæ, & ex illa imaginatione se mouet ad operationes quæ sunt bonæ, & cum imaginatur pulchras scæminas, & imaginatio mouet ipsum ad carnales delectationes, & se mouet ad contrarium in imaginando turpitudines, quæ sunt in scæminis, quæ non sunt dignæ, nominari neque scribi, & ex illo motu se mouet ad castitatem, quæ est bonus motus. Est bonitas moralis recolere bonum, intelligere bonum, & diligere bonum, & bonitas est magna secundum magnitudinem recolendi, intelligendi, & amandi. Et est durabilis, secundum quod durat recolere, intelligere & amare, & potest esse potens in bona recolere, intelligere, & amare, & sic de aliis rebus similibus istis. Quare in exemplo quod dedimus de bonitate secundum quinque naturas reales arborum, potest homo intelligere magnitudinem moralem, quæ est de magnitudinibus realibus secundum quinque naturas arborum, & idem de duratione morali & cæteris similitudinibus moralibus, sicut radices naturales & reales sibi adinuicem suas dant similitudines, sicut bonitas: quæ est in arbore elementalī suā dant similitudinem magnitudini, & magnitudo similitudinem suā bonitati, & sic de aliis: ita radices morales sibi dant adinuicem suas similitudines: sicut bonitas moralis, quæ magnitudinem moralem facit bonam, & magnitudo moralis quæ bonitatem moralem fa-

cit magnam: sicut homo qui magnam habet animositatem in bello: quia verecundiam timet, & diligit honorem, quam magnitudinem bonitas facit esse bonam, & magnitudo facit bonitatem esse magnam, quoniam illa bonitas est magna quæ verecundiam magnorum defectuum euitat, & per quam veniunt magnæ felicitates & honores. Et ideo cum homines ornati & induti de moralitatibus tangantur & tērentur ab aliquibus defectibus, quolibet moralitas aliam tangit, & sibi inuicem dant suas similitudines, & ita hominem in virtute fortificant contra vitium, & in illa ipsum assuescunt, vnde sicut sinapis naturā habet, quod quanto plus homo ipsam ducit, tanto fortior est: vel sicut bestia rebellis, quæ quanto magis percutitur, vt ultra vadat, tanto magis retrouertitur, & idem est de mala scæminia, quæ correctionē non recipit: ita homines virtuosi quanto magis tanguntur & tentantur, vt se moueant ad vitia, tanto magis se mouent ad contraria vitiorum, videlicet ad virtutes morales, quæ consuetæ sunt quod se inuicem iuuent contra eorum inimicos. Et in hoc passu cognoscitur, quod Deus benedictus permittit hominem iustum tentari à dæmonibus & ab hominibus malis, paupertate, inhonoribus & aliis contrariis prosperitatibus, vt sint fortiores, & vt vtiatur sepius habitibus virtutum, quia quanto magis vtuntur, tanto melius dispositi sunt, quod Deus benedictus eis suam gratiam transmittat, quæ magnum locum & bonum requirit,

in quo multum intrare possit.

De Trunco arboris moralis.

TRUNCUS arboris moralis est ex naturis & essentiis radicibus, ex quibus constitutus est, & est mos confusus & generalis, in quo sunt in potentia mores particulares, quibus homines bene morigerati sunt habituati secundum habitus quos attrahunt à trunco in branchis, ramis, floribus, & fructibus, ex quibus nascuntur, exeunt & sunt, secundum quod durant per durationem, & secundum quod sunt amati per voluntatem, & possificati per potestatem, & per bonitatem boni, & ad finem moti: quare sunt, cum intellectus illum finem intelligit, & concordantia concordat principia & media, ut ad finem venire possint contra contrarietatem, quæ principii & mediis contradicit, ut concordantia sit in habitibus ociosa & suo fine vacua. Truncus arboris moralis est inuisibilis, & tangi non potest neque imaginari sub figura circulari, quadranguli, nec triangulari, & hoc est: quia non de natura corporali, sed est similitudo illius nature & nature spiritualis, quem quidem truncum attingit intellectus in hoc quod intellexit ex radicibus realibus & ex trunco reali, de quo est truncus moralis, cuius est similitudo in memoria sustentata, quæ ipsam recolit, & voluntas, quæ ipsam diligit. Idcirco ex illis trahit intellectus habitus, qui dispositi sunt ad recolendum, intelligendum & amandum: sicut habitus iustitiæ, prudentiæ, & cæterarum virtutum moralium, quæ possunt esse ex trunco eis ita generali secundum similitudines: sicut massa ferri ad figuram cultelli, gladij, & martelli.

De Branchis arboris moralis.

BRANCHÆ arboris moralis sunt septem virtutes. Et quatuor sunt cardinales, & tres theologales. Cardinales sunt iustitia, prudentia, fortitudo, & temperantia. Theologales sunt fides, spes, & charitas. Differentia est inter quatuor cardinales, & tres theologales: in quantum per quatuor se habet homo ad bene vivendum in hac vita, & quilibet homo eas habere potest: secundum quod naturaliter trahere potest similitudines ex primis naturis trunci moralis, quæ sunt confusæ & dispositæ ad ducendum in actum. Sed tres virtutes theologales haberi non possunt sine gratia Dei, & illas dat, cui sibi placet, quia viæ sunt ad aliam vitam. Eas tamen libenter dat hominibus ornatis & indutis virtutibus cardinalibus quæ cum illis, scilicet, theologalibus concordantiam habent.

De Iustitia.

IUSTITIA est illa virtus, ratione cuius homines reddunt unicuique, quod suum est. Iustitia est ex radicibus arboris, & maxime ex æqualitate, ratione cuius bonitas, magnitudo, &c. sibi dant inuicem æqualiter suas similitudines; & in illa æqualitate dandi nascitur & stat iustitia, quoniam iustum est, quod magnitudo suam det similitudinem bonitati, ex quo bonitas dat ei suam similitudinem. Et bonum est, quod similitudines æqualiter sint datæ, & est magnum similiter & durat: quia æqualiter sibi inuicem suas dant similitudines. Et ideo iustitia bona est, magna & durabilis in æqualitate huiusmodi dationum. Et in hoc passu cognoscitur,

gnoscitur, quod datio extra æqualitatē facta non durat: sicut cum Martinus fessius est dandi magna Petro: cum idē Petrus ei dat parua. Et hoc est, quia magnitudo & paruitas sunt contraria, cum qua contrarietate habet iniuria concordantiam contra iustitiam, quæ est ex causis magnis & æqualibus, & paruis & æqualibus. Iustitia est virtus, ratione cuius memoria habet iustum recolere, & intellectus iustum intelligere, & voluntas iustum amare. Idcirco voluntas naturaliter diligit iustitiam: vt habere possit per ipsam iustum amare: & quod memoria in ipsa recolere possit, & intellectus intelligere. E ratione iustitiæ diligit voluntas in memoria iustum recolere, & in intellectu iustum intelligere: quare mouet homines ad iustum recolere, intelligere & diligere. Et idem faciunt memoria & intellectus, vt induti sint habitu iustitiæ inuicem cum voluntate, & quod omnes tres custodiant iustitiam contra suos inimicos, qui sunt iniustum recolere, intelligere & diligere, quæ sunt contra iustitiam: cum homines ociosi sunt in accipiendo similitudines naturarum primarum, & accipiunt dissimilitudines illarum. Sicut homo malus, qui iniuste accipit similitudinem malitiæ contra similitudinem bonitatis: & qui accipit paruam similitudinem bonitatis, contra magnam similitudinem bonitatis. Et sic de aliis rebus, in quibus nascitur & stat iniuria, quæ est priuatio iustitiæ.

De Prudentia.

Prudencia est illa virtus, ratione cuius homines sapientes eligunt ea, quæ sunt bona, & euitant ea, quæ sunt mala, & diligunt plus maiora bo-

na quàm minora, & plus timent maiora mala quàm minora. Prudentia maximè est ex parte intellectus, quoniam sicut olea inserta in oleastro ad suam speciem trahit & naturam hoc, quod venit ex oleastro: sic intellectus habituatus prudentiæ & indutus, sibi & eius naturæ attrahit hoc, quod venit sub habitu prudentiæ, bonitatis, magnitudinis, durationis, &c. Quare sicut ignis fortius in pipere regnat quàm cætera elementa: sic intellectus regnat fortius, in habitu prudentiæ quàm cæteræ radices arboris. Et ideo prudentia plus crescit & multiplicat in habitu, quem intellectus accipit, quàm in habitibus, quos accipiunt memoria & voluntas. Et cum perditur habitus, & in priuationem deuenit, maiorem culpam habet intellectus quàm memoria & voluntas, quia prudentia plus participat cum intellectu quàm cum memoria vel cum voluntate: obiecta bona & magna illuminat per experientiam voluntati & memoriæ. Idcirco homines amici prudentiæ inquirunt experimenta rerum, quæ videri, imaginari, recolere possunt & amari, & etiam audiri, gustari, & tangi. Et in illa inquisitione diu cogitant, quousque lumen eliminauerit memoriam & voluntatem: vt sit facta electio illius rei, quæ bona est ad amandum, recolendum & intelligendum, vel ad odium. Idcirco memoria in illo tempore iuuat ad faciendum electionem & iudicium, inquantum recolit similitudines primarum naturarum & dissimilitudines illarum. Per quod recolere memoria disponit voluntati amabilitatem similitudinum, & odibilitatem dissimilitudinum, vt voluntas se moueat ad amandum similitudinem bonitatis realis: & similitudinem magnitudinis realis, & sic de aliis: & quod

quod se moueat ad odiendum earum dissimilitudines. Idcirco quando intellectus & memoria concordantiam habent ad representandum similitudines voluntati contra malas similitudines, ipsam inclinant ad amandum prudentiam, & ad odiendum eius contraria, cum ita sit quod potestas maior sit in intellectu & memoria quam in voluntate tantummodo. Aliquando tamen cōtingit, quod memoria & intellectus representant voluntati bonas similitudines & malas, & voluntas eligit malas & bonas dimittit. Et hoc est, quia intellectus & memoria vtuntur minori potestate & minori magnitudine bonitatis, durationis, virtutis, & veritatis, & memoria minores fines recolit, & fines maiores obliuiscitur.

De Fortitudine.

Fortitudo est ille habitus & virtus, per quā homines sunt fortes contra vitia, & nituntur ad lucrandum virtutes. Fortitudo est maximè ratione potestatis, quæ regnat in bonitate, magnitudine, duratione, sapientia, & voluntate, veritate, & gloria, differētia, cōcordantia & contrarietate, compellunt & fortificant principium, medium & finem, & maiorem contra minoritatem, & æqualitatem illorum, quæ bona sunt contra æqualitatem illorum, quæ mala sunt. Idcirco cum fortitudo est tacta contra bonitatem cum malitia, tunc fortificat bonitatem cum magnitudine, & cæteris naturis primariis. Et cum est tacta fortitudo cum paruitate, contra magnitudinem multiplicat, siue fortificat magnitudinem in maiori, contra minoritatem & paruitatem. Idcirco milites in bello sunt fortes & audaces, & habent magnum animum & desiderium ad habendum

victoriam. Et cum in mensa tanguntur & tentantur contra temperantiam, sunt fortes contra gulam, cum magnitudine bonitatis & memoriæ, quæ recolit, & cum magnitudine voluntatis, quæ amat sapientiam, sanitatem, & verba licita, quæ homo habere non potest, cum nimis comedit & bibit. Et cum miles tentatur per luxuriam, aut per superbiam, aut per cætera vitia, potestas suam similitudinem ministrat naturis primariis, & accipit similiter ab eis suas similitudines, vt habitu fortitudinis se induere possit, & ornare, & à vitiis se defendere. Et ad hoc concurrunt naturæ primariæ, secundum quod potestas se fortificat in dādo & recipiendo similitudines illarum.

De Temperantia.

Temperantia est illa virtus, per quam homines sunt saniores, quam per alias virtutes, & per quam vincunt illicitos appetitus. Temperantia magis cōsistit per æqualitatem, quam per aliquod aliorum principiorum. Idcirco maiorem habet concordantiam cum iustitia, quam cum aliqua alia virtute, quoniam ante se iuuat cum iustitia, quam cum aliis virtutibus, quia cum iustitia licita mensurat, & cum illa se defendit ab illicitis. Temperantia tamen se iuuat cum fortitudine, contra magnos appetitus comedendi & bibendi, in quantum fortitudo ipsam conseruat, quousque veniat iustitia, quæ nimios appetitus dimittit, & minores appetitus multiplicat, vt appetitus sint æquales in potentia, digestiua & retentiu. Et hæc eadem æqualitas iuuat prudentiam, quæ docet cautelas & modos, per quos homines habeant temperantiam contra gulam, in quantum in principio mensa,

sa, antequam homines incipiant comedere, ipsos moueat ad recolendum, intelligendum & amandum temperantiam, & ad odiendum gulam & circumstantias illius. Et homines considerare facit paruam vtilitatem saporis, & magnum periculum infirmitatis, quæ venit, quia magni saporis & plures in cibariis multum recoluntur & amantur. Quare prudentia consulit, quod illi nimij saporis obliuiscantur, & temperantia recolatur & disponatur, vt sit habituata. Vnde sicut quatuor fratres, aut sorores, secundum instinctum naturalem habent modum, & naturam, quod se iuuant contra inimicos suos, sic virtutes cardinales modum habent, & instinctum naturalem, quod se iuuent contra vitia.

De Fide.

Fides est virtus, quæ compellit intellectum ad affirmandum, vel negandum positiuè illa, quæ vera sunt. Fides est, vt restauret veritates amabiles, & recolibiles, & considerabiles, vt similitudines illarum sint bonæ, per quas significantur. Sicut visibilia oculis absentia, quorum similitudines acceptæ sunt in imaginatione, vt visibilia desiderentur, & quod amabiles videri possint. Fides est maxime ratione intellectus, qui credit hoc, quod intelligere non potest, veruntamen credentiam suam iuuant memoria & voluntas, quia voluntas vult quod attingat supponendo veritatem, quam per rationes necessarias attingere non potest illo tempore. Et hoc vult voluntas, vt possit attingere amabilitates obiectorum, quæ intellectus considerat.

Et idem facit memoria, quæ instinctu naturalem habet ad memorabiles desiderabiles, vt cum voluntate habeat concordantiam. Ratione fidei intellectiuitas inquit intelligibiles verorum & materiam disponit, vt intelligatur per necessarias rationes, quam dispositionem Deus iuuat. Et iuuat amatiuitas voluntatis, & memoratiuitas memoriæ. Idcirco intellectus se exaltat & subtiliat tantum quantum potest ad ascendendum suum intelligere, per necessarias rationes rerum veritates, sicut ad intelligere trinitatem Dei, & eius incarnationem, & creationem mundi, & hominum resurrectionem, & Sacramentum altaris, & potestatem Papalem, quam habet in clauibus, & sic de aliis rebus similibus istis. Ad quem ascensum intellectus venire non posset, nisi prius supponeret esse possibile quodlibet obiectorum, quæ diximus. Idcirco fides habet officium, per quod intellectus supponat, quod intelligere possit vera. Et est lumen intellectus, per quod vera inquirat, & cum ea videlicet vera acquisierit, siue acceperit in vno gradu veritatis, fides ei disponit materiam, quo magis supra ascendat cum maiori magnitudine intelligendi, & hoc de gradu in gradum, in tantum quod non potest ultra ascendere. Et fides est supra intellectum, & intellectus est sub fide sicut olea, quæ inserta est supra oleastrum. Et quanto magis venit materia ex oleastro ad oleam, magis supra ascendit olea, veruntamen illam materiam quæ venit, conuertit in suam speciem. Et in hoc passu cognoscitur, quomodo fides remanet, & merita quæ habet homo per illam, licet intellectus attingat in vno tempore vera, quæ sunt circa Deum per necessarias

rationes, quæ prius non attingebat, sed ea supponebat esse vera per virtutem fidei. Si fides non esset, homines simplices, & qui habent tractare de artibus mechanicis, participare non possent cum veritatibus Dei & eius operationum, quæ difficiles sunt ad intelligendum. Sed quia fides est in istis, cum illis veritatibus participant in amando, credendo, & recolendo, sicut cum sensibilibus quas non sentiunt, participant imaginando illas, per quod imaginari se mouent ad sentiendum sensibilia, quæ sentire desiderant videndo, vel audiendo, odorando, gustando, &c.

De Spe.

Spes est virtus, quæ facit hominem sperare finem quem desiderat, ad quem venire credit plus per potestatem & bonitatem Dei aut alterius quàm propter suam bonitatem vel potestatem, & idem de magnitudine, duratione, sapientia, & voluntate. Spes magis est per finem quàm per aliud principium. Cum illa homines confidunt in misericordia Dei quòd eorum peccata dimittat, quia potestatem maiorem habet peccata dimittendi, quàm ipsi habent ad peccandum, & maior est eius bonitas in faciendo bonum, quàm malitia hominum in faciendo malum; & voluntas Dei maior est in amando bona & pia, quàm voluntas hominum, & idem est de sapientia & duratione Dei. Et ideo qui sic veniam sperat à Deo, finem cōsequitur, quem desiderat. Homines qui volunt facere aliqua per quæ Deus seruii potest & honorari, si illa facere nequeunt per se ipsos, quia paruum habent potestatem, ad diuinam potestatem recurrant, sub cuius spe sperent auxilium, quia si-

nis est ad honorem illius potestatis, & tales homines habent veram spem. Sed homines qui ad aliquem finem venire desiderant, vt honorentur, dentur, seruiantur, & vt sic loquar, saluentur, & ex grauibz periculis liberentur, & ista desideria habent ratione vtilitatis eorum, & non simpliciter propter honorem Dei, homines tales non habent veram spem, quoniam nullus in peccando veram spem habere potest, cum ita sit, quod spes & peccare sint contraria, & spes & virtus iustitiæ, & charitas habeant concordantiam. Sicut fides materiam intellectui præparat, vt suum intelligere faciat ascendere ad altas intelligibiles, sic spes materiam voluntati præparat, vt suum amare ascendere faciat ad altas amabiles, & memorabiles. Idcirco spes est causa, quæ dat hominibus magnum placitum & quietem, & quanto est maior, tanto est causa maioris placiti & quietis. Et in hoc passu cognoscitur, quod Deus patitur aliquos homines filios spei & cultores illius esse pauperes, & in grauibz periculis, vt in bonitate Dei & potestate habeant confidentiam. Quia sicut magna frigiditas facit hominem recolere calorem ignis, aut magna sitis facit hominem recolere frigiditatem aquæ, & locum vbi est fons, sic labores quos amici Dei patiuntur in hoc mundo propter eius amorem, facit eos recolere magnam potestatem & magnam bonitatem Dei. Et idem de sua magna humilitate, pietate, & voluntate.

De Charitate.

Charitas est virtus, quæ societatem facit & solatium inter amicum & amatum, qui se habent ad amabilia.

bilia. Per charitatem diligunt homines Deum & eius operationes, & se inuicem diligunt & seipsos. Et est magis per voluntatem quam per aliud principium. Et non potest esse plena absque amare, quod se habeat ad Deum & ad homines cum magnitudine bonitatis, iustitiæ, & amabilitatis. Idcirco homines qui ad Deum habent suum amare, & ad seipsos sunt filij charitatis, & ex eius habitu induti. Sed illi qui non habent suum amare in Deo & in seipsis cum magnitudine bonitatis, iustitiæ, & amabilitatis, eorum amare non habent indutum de charitate, sed indutum est de figura charitatis, quæ est contra formam: sicut aqua calida in qua figura sui caloris est contra formam frigiditatis. Sicut denarij & possessiones sunt diuitiæ hominum diuitum, ita charitas est diuitiæ hominum pauperum. Vult enim charitas, quod diuites satisficiant pauperibus in suis necessitatibus de suis diuitiis. Etiam charitas est diuitiæ diuitum in hominibus pauperibus, quia charitas requirit quod homines pauperes diuitibus seruiant in suis necessitatibus. Idcirco charitas vnum pedem tenet in hominibus diuitibus, & alium in hominibus pauperibus, & tendit amare per charitatem ad Deum, qui est amatus. Charitas est similitudo voluntatis, quæ desiderat amabiles amari. Idcirco amatum charitas facit esse in intellectu & in memoria amici, in quo consistit amatus, memoratus & intellectus. Idcirco charitas est virtus, quæ dat maius placitum quam aliqua alia virtus, & per quam amicus plus est alligatus suo amato, vt ab ipso recedere nequeat, nec fatigari in honorando ipsum & ei seruiendo. Et quia in hoc libro breuiter loquimur, quia gentes prolixitatem non di-

ligunt, & citò in amando sunt fessi, de charitate nolumus dicere totum, hoc quod dicere possemus. Dictum est de virtutibus moralibus, modò dicendum est, quomodo vna virtus cum alia concordantiam habet. Et hoc est, vt habeatur doctrina quomodo cum quibusdam virtutibus alia possunt haberi, & quomodo vitiis (quæ sunt eis contraria) possit contradici.

De Iustitia, & Prudentia.

Prudencia disponit iustitiæ obiecta sua, in quantum inquit licita & illicita, quia est operatio intellectus, qui illa intelligit. Idcirco in quantum præparat iustitiæ obiecta sua, est ratio disposita iudicare, ratione cuius dispositionis iuuatur per prudentiam ad faciendum iudicium. Idem est de iustitia, quæ prudentiam iuuat, quia in quantum prudentia attingit, quod melius est amare Deum quam creaturam, disponit iustitia prudentiæ, quemadmodum habeat & industriam, quomodo moueat voluntates hominum ad amandum Deum magis quam aliquid aliud, cum iustum sit diligere plus amabiles maiores quam minores, & magis nobilia quam minus nobilia. Et in hoc passu potest homo cognoscere, quod quando homines sapientes tentati sunt contra prudentiam, quomodo se iuuant cum iustitia, & cum tentati sunt contra iustitiam quomodo se iuuant cum prudentia.

De Iustitia, & Fortitudine.

Fortitudo iustitiam fortificat contra iniuriam tunc, cum homines fortitudine vtuntur. Sicut iudex cum tentatur per denarios, quod det falsum iudicium, & ipse considerat fortitudi-

nem multiplicatam ex bonitate magnitudine, sapientia, voluntate, virtute, veritate & gloria, quæ meliora sunt quàm denarij, tunc contradicit iniuriæ, & est fortis in suo iudicio, per quã fortitudinem habet iustitia materiam ad iudicandum, & è conuerso, in quantum iustitia iustificat fortitudinem, quoniã iustum est, quòd fortitudo vratur naturis, ex quibus constituta est, & quòd sit contra contrarietates partium suarum. Et in hoc passu habetur cognitio, quomodo fortitudo facit prius considerare licita vel illicita quàm voluntas se moueat ad amandum, vel iustitia ad iudicandum.

De Iustitia, & Temperantia.

Temperantia disponit iustitiæ, quod fiat bonum & verum iudicium, in quantum temperantia facit homines esse sapientes & habere subtilem intellectum. Et iustitia disponit temperantiæ æquales mensuras, secundum quas debet homines mouere ad comedendum & bibendum temperatè, & ad loquendum & operandum temperatè, & sic de alijs, quæ iustitia cum partibus æqualibus aut proportionatis mensurat. Et quando homines nimis comedere volunt, aut bibere, vel loqui, aut expendere, aut ire, iustitia representat licita & illicita ad naturalem instinctum temperantiæ, quæ habet per magnitudinem bonitatis. Et per finem propter quem homo creatus est, habet concordantiam cum instinctu naturali iustitiæ, qui est per magnitudinem, bonitatis, & per finem propter quem creatus est homo. Et sic existente concordantia inter duos instinctus naturales, qui se habent ad finem vnum, vincit illa concordantia, concordantiam gulæ & iniuriæ,

quæ est contra finem iustitiæ & temperantiæ.

De Iustitia & Fide.

Iustitia est ratio, quod fides sit hominibus, qui sunt occupati in rebus temporalibus & in artibus mechanicis, qui non possunt altum intellectum habere ad subtilia indagandum, quæ cū fidè attingit, quoniam iniuriòsum esset, quod homines in suis necessitatibus occupati cum Deo & eius veritatibus non participarent. Idcirco vult iustitia quòd intellectus seipsum in credendo vera & alta captiuè, quæ siquidem alta non intelligit, quia occupatus est in intelligendo infima. Et fides iustitiam iuuat in quantum captiuat intellectum ad credendum alta, quia in hoc quòd fides facit materiam iustitiæ præparat: quod credulitas quã habet intellectus induta sit habitu iustitiæ, quia ratione illius habitus dispositus est ad faciendum bonum & verum iudicium.

De Iustitia & Spe.

Iustitia præparat spei sua obiecta: in quantum iustum est quod homines maiorem spè habeant in potestate Dei & in eius bonitate, magnitudine & voluntate, quàm in potestate creata, idcirco, quia iustitia hoc iustificat & requirit, cum spe participat, qua participatione spes vititur iuste in sperando à Deo auxilium, misericordiam, & veniam. Quæ siquidem spes est causa iustitiæ, quod habeat in illa bonum & verum iudicium. Et in hoc passu cognoscitur, quod iustitia & spes concordantiam habent contra iniuriam & desperantiam.

De Iustitia & Charitate.

Iustum est diligere, & odibilia odire, & in quantum hoc iustum est, iustitia disponit charitati suas amabilitates. Et in quantum charitas se habet ad Deum & ad proximum, iustitia ei disponit sua obiecta, videlicet suas iustificabilitates; quoniam iustum est quod homo Deum diligit; & suum proximum, & etiam semetipsum. Et in hoc passu cognoscitur quod homines habent culpam, qui neque Deum neque suum proximum diligere volunt: quia iustitiæ suæ obiecta non præparant in modo quod cum illa habeant concordantiam, & quia culpam habent, dignum est, quod per iustitiam puniantur.

De Prudentia & Fortitudine.

Prudentia & fortitudo habent concordantiam: quæ fortitudo abstinentioniam producit: quousque prudentia suum obiectum inuenerit, quod desiderat. Sicur homo, qui se abstinere a peccato, quia fortitudo fortificat ipsum contra vitium, quod prudentia attingit, & ipsum dimittit, & contrarium suum eligit. Sed hoc facere non posset prudentia si fortitudo abstinentioniam non causaret, quæ voluntatem hominis refrenat, quæ disposita est ad peccandum tunc, cum tentatio venit. Prudentia est causa fortitudini in hoc, quod fortitudini eligit obiecta sua: sicut homo qui cum tentatur ad peccandum: differentiam facit inter maiora bona & minora, & idem facit in malis. Et per huius lumen per differentiam productum habet fortitudo naturalem instinctum, quod sit fortis contra vitium, cum ita sit, quod maiora bona magis de-

siderabilia sint quam minora, & maiora mala magis odibilia quam minora.

De Prudentia & Temperantia.

Prudentia præparat temperantiæ suam materiam in quantum sanitatem considerat esse bonam & gulam esse malam. Et quia sanitas est bona: habet temperantia naturalem instinctum ad bonum, quod venit per sanitatem, & euitat mala quæ per nimis comedere & bibere veniunt. Et ille naturalis appetitus & instinctus causat prudentiæ suum instinctum naturalem: in quantum materiam præparat, ratione cuius prudentia elegit illa, per quæ sanitas consistit, & euitat illa, per quæ infirmitas generatur.

De Prudentia & Fide.

Per fidem captiuatur intellectus ad credendum sublimia, quæ sub habitu scientiæ intelligere non potest, secundum ipsa credit sub habitu credulitatis. Et hac fidem iuuat prudentia, in quantum considerat intellectus infirmitatem & obiecti altitudinem. Et sic considerando, habet concordantiam cum fide, & fidei præparat illa, quæ credenda sunt. Et illa fides accipit, ut credibilia & vera prudentia eligat, in quantum quod in fide restarentur, & ut ipsa suis instinctibus naturalibus & appetitibus liberè uti possit in coactione intellectus qui credenda liberè credit ratione electionis, quam liberè prudentia facit. Et in hoc passu haberi potest cognitio de libertate intellectus quæ per prudentiam consistit, & eius captiuitas per fidem.

De Prudentia & Spe.

Sapientia est in Deo spem habere ratione bonitatis suę misericordię, potestatis, voluntatis, sapientię, & veritatis. Et magna stultitia est plus confidere in suis denariis, in sua sapientia, vel in amicis suis, quam in Deo. Et hanc sapientiã & stultitiã prudentia considerat. Idcirco causat spem, quę est materia & subiectum prudentię, quod eligat habitum sapientię, bonitatis, magnitudinis, potestatis & voluntatis. Et idem de habitu misericordię, in quantum spem considerare facit magnam misericordiam Dei, quę maior est, quàm peccata hominũ. Quem siquidem habitum prudentia eligit, per cuius electionem remanet hoc quod est, & suam priuationem vitat in illa electione.

De Prudentia & Charitate.

Prudentia & charitas habent concordantiã, quoniam magna sapientia est amare Deum, seipsum, & suum proximum, & magna stultitia est Deũ nõ diligere, seipsum, neque suum proximum. Et magna stultitia est suum proximum odire, qui creatura Dei est, & etiam operatio: quoniam qui multum Deum diligit: eius opera diligere debet. Vnde cum ista sint de conditionibus charitatis, preparat charitas prudentiã secundum suas conditiones quod prudentia eligat sua obiecta, & quod dimittat eorum contraria. Et prudentia causat & disponit charitati habitus suos: in quantum ipsos bonos considerat, & ipsos eligit, & eorum contraria dimittit. Et in hoc passu potest homo cognoscere magnam concordantiã quę est inter

habitum prudentię & habitum charitatis, & quomodo per priuationem vnius habitus, sequitur priuatio alterius.

De Fortitudine & Temperantia.

Fortitudo & temperantia habent concordantiã, quoniam fortitudo est potestas, cum qua temperantia vincit gulam: sicut miles in bello qui cum sua potestate suum inimicum vincit. Et quia fortitudo est potestas temperantię: operatio temperantię est felicitas fortitudinis, quę suum actum habet in actu temperantię. Et in hoc passu potest homo cognoscere magnam coniunctionem fortitudinis & temperantię, quoniam sicut in charitate iustum iudicare & amare separari non possunt: sic fortitudo & temperantia separari non possunt, & quando separantur habitus fortitudinis, & habitus temperantię, non possunt remanere.

De Fortitudine & Fide.

Fortitudo & fides habent concordantiã, quoniam fortitudo fidem fortificat in quantum cum fortitudine constringit intellectum ad credendum vera, quę non intelligit. Et quę fortitudo est vis intellectus: vincit intellectus seipsum: vt habitu fidei habitus sit & indutus, sicut Rex, qui cum potestate suę humilitatis se humiliat, vt sit humilis, & quod participare possit cum pauperibus eorum necessitates intelligendo. Et idem est de potestate suę misericordię, cum qua seipsum vincit tunc cum parcit illis qui eum offenderunt.

De Fortitudine & Spe.

Fortitudo est vis spei, & spes est instrumentū, & habitus fortitudinis, cū quo sua natura vti potest & etiā sua operatione. Sicut homo qui habet spem in misericordia Dei in suis necessitatibus intantum quod non deuincitur per desperantiam, qui vult spem deuincere, inquantum considerare facit magna peccata hominum, qui spem habent in magna iustitia Dei. Idcirco fortitudo & spes sunt pedes: cum quibus pauperes vadunt, & quarunt a diuitibus eleemosynam, & peccatores misericordiam Dei.

De Fortitudine & Charitate.

Fortitudo est potestas charitatis, cū qua charitas se fortificat cōtra crudelitatem & inimicitiam, & stat fortis contra suos inimicos. Et ideo charitas est habitus difficilis, vt sit vis, magna, sicut homini iniuriato, cui est necesse magnam vim charitatis habere in amando suum proximum, qui sibi iniuriatus est, & etiam difficile est Deo seruire & eum honorare ratione impedimentorum, que sunt magna, que Deus patitur quod sint magna, vt charitas maiori potestate vti possit in tractando honorem Dei. Et ideo quando homines qui Deum diligunt, magnum habent tedium ad seruendum eum, tangitur fortitudo quod sit magna vis charitati vt charitas possit esse magna, quam magnitudinem consequitur in magnitudine vigoris, q̄ est fortitudo, cum qua suum amare fortificat cum quo Deum diligit & suum honorem. Et idem est de homine paupere, qui eleemosynam facit alij pauperi, quæ eleemosyna est multum difficilis: quia illo indiget quod alij dat.

De Temperantia & Fide.

Temperantia & fides habent concordantiam in concordantia quæ habent cum fortitudine, sicut duæ sorores que concordantiam habent cum fortitudine in amando suum fratrem: quia ratione fortitudinis (quæ est vis temperantiæ & fidei) habent fides, & temperantia concordantiam: Idcirco fides fortificat temperantiam, & temperantia fortificat fidem, quoniam per temperata cibaria est intellectus dispositus ad credendum contra incredulitatem, sicut homines inebriati, qui leuiter credunt vel discredunt. Et homines qui fidem habent, temperantiam diligunt, vt melius fide vti possint.

De Temperantia & Spe.

Temperantia affert meritum quod siquidem meritum disponit habitum spei, quæ sperat mercedem. Et quando homines contra temperantiā peccauerint cum penitent, & temperantiam diligunt: temperantia habitum disponit spei, per quem habitum homines peccatores habebant confidentiam in misericordia Dei, qui defectus quos contra temperantiam fecerunt, remittit. Et spes causat habitum temperantiæ, inquantū homines considerare facit misericordiam Dei, supposito quod gulam odiant, & quod diligant temperantiam.

De Temperantia & Charitate.

Vt charitas sit virtus est temperantia hominibus necessaria, quoniam sine temperantia charitas non posset esse virtus, quia in gula sustineri non

ri non posset. Et quia temperantia charitati est necessaria oportet quod temperantia sit virtus. Idcirco charitas causat temperantiam in hoc quod temperantiam oportet esse virtutem, ut charitas esse possit, & è conuerso. Et in hoc passu cognoscitur quod charitas est nobilior virtus quam temperantia, cum temperantia sit ex secundariis intentionibus, & charitas ex primariis.

De Fide & Spe.

Fides est lumen & testimonium magnę potestatis, humilitatis, & misericordię Dei, quoniam magna potestas est illa quę duas naturas (videlicet naturam diuinam & humanam) existere facit vnā personam, quę vocatur Iesus Christus. Et magna humilitas est quod diuina natura (quę est filius Dei) velit indui ex humana natura, quę est Christus homo. Et magna misericordia fuit quod Deus absque hoc quod humanum genus non petit veniam ab ipso, remittere voluit per incarnationem quasi accipit misericordiam quę est Deus. Idcirco fides causat magnam spem, quam homo habebat in magna potestate Dei, & in eius magna misericordia & pietate, siue humilitate. Quę siquidem spes causari non posset, si homo incarnationem Dei non crederet. Et in hoc passu cognoscitur quod infideles dispositi non sunt ad habendum ita magnam spem sicut Christiani, cum ita sit quod infideles incarnationem Dei non credunt.

De Fide & Charitate.

Fides & charitas habent concordantiam, quia in hoc quod per fidem credimus in productionem diuinam

per generationem & spirationem. unde sequitur trinitas personarum, videlicet Patris, & Filij, & Spiritus sancti, & quia incarnationem credimus, & in passione Christi hominis Dei causat fides charitatem in magnitudine bonitatis, durationis, potestatis, sapientię, veritatis & virtutis, cum trinitas & incarnatio sint obiecta amabilia multum voluntati disposita ad amandum magnas amabilitates per lumen fidei. Quia quanto fides est maior, tãto voluntas est disposita ad habendum magnam charitatem. Idcirco est concordantia inter charitatem & fidem per magnitudinem bonitatis & ceterarum formarum, quę sunt instrumenta ad earum concordantiam. Et in hoc passu cognoscitur quod illi paruam habent charitatem, qui non sunt cultores fidei cum magnitudine bonitatis, virtutis, veritatis, sapientię, & potestatis.

De Spe & Charitate.

IN magnitudine charitatis multiplicatur magnitudo spei, quoniam quanto homines maiorem habent charitatem Deo, sibiipsis, & suis proximis, tanto causant in spe magnitudinem, & è conuerso, quia quanto homo maiorem habet spem in Deo & in suis amicis, tanto causat magnitudinem in charitate. Idcirco charitas & spes secundum quod sunt magnę, causant quęlibet alij magnitudinem bonitatis, durationis, potestatis, sapientię, voluntatis, veritatis, & virtutis finis & concordantię. Idcirco possunt homines tantum habere de charitate & spe, quantum habere volunt. Et in hoc passu cognoscitur, quod magnam culpam habent illi qui sunt negligentes in habendo magnitudinem charitatis & spei. Dictum

est de septem virtutibus moralibus, quarum alie inuicem cum aliis mixtae sunt. Modò dicendum est de sedecim virtutibus moralibus, quae ex primis descendunt & deriuantur. Et secundum quod doctrinam dedimus in miscendo quasdam virtutes cum aliis, cognosci potest doctrina & modus in miscendo virtutes illas quas dicere proponimus.

De Sanctitate.

Sanctitas est illa virtus, per quam sancti sunt innocentes & mundi à peccatis. Vt sanctitas sit virtus, iuuant ceterae virtutes, quare illa est virtus communis ex multis: sicut iustitia, quae homines facit sanctos, in quantum existit in illis occasio quòd sint iusti. Et prudentia ipsos facit sapientes, in quantum eis significat illa, per quae sapientes fieri possunt. Et fortitudo ipsos fortificat contra vitia, & temperantia ipsos sanos existere facit & habere intellectum subtilem & licita verba proferre, & fides ipsos credere facit veritates quas intelligere non possunt, & spes ipsos sperare facit illa quae per ipsam fidem magnam assequuntur. Et charitas ipsos participare facit in societate & amore & fraternitate, & in amando Deum & ei seruiendo. Et omnes istae virtutes & etiam aliae quae ex ipsis descendunt, iuuamina sunt & instrumenta quòd homines sint sancti & habeant altam vitam, & quod mundi sint à peccato.

De Patientia.

Patientia est illa virtus, per quam homo passiuas virtutes acquirit: sicut homines fortes, qui patientiam habent contra illos qui illicita eis fa-

ciunt. Idcirco patientia disponit in passionibus materiam, per quam homines sint humiles, & habeant charitatem secundum appetitum & instinctum naturalem & concordantiam, quae est inter formas & materias. Quoniam secundum quod disposita est materia habet forma placitum in illa operandi & producendi ex illa hoc quòd desiderat. Idcirco dixit quaedam sapiens, quod patientia est quaedam virtus quae vincit, & quae vinci non potest. Et est virtus per quam daemon sapius deuincitur, quam per aliquam aliam virtutem.

De Abstinencia.

Abstinencia est illa virtus, quae tunc voluntatem refrénat cum odibilia vult desiderare. Abstinencia incipit ratione finis charitatis, & ipsam prudentia illuminat, fortitudo ipsam fortificat, & iustitia ipsam iustificat, & spes ipsam sperare facit illa quae desiderat. Et dum abstinencia homines facit abstinere, habet prudentia deliberationem, & iustitia similiter, & idem de temperantia ad faciendum bonum & verum iudicium, & ad eligendum illa per quae homo venit ad felicitatem, & euitat illa quae damnum dant. Idcirco abstinencia est illa virtus quae plus irae contrariatur in principio quam aliqua alia virtus.

De Humilitate.

Humilitas est illa virtus quae minores virtutes humiliat ad maiores cum iustitia, & humiliat cum seipsa virtutes maiores ad minores, idcirco maior est per illa quae maiora sunt, quam per illa quae sunt minora, & per seipsam quam per iustitiam. Cuius bonitas multiplicatur in entibus minoribus & maioribus. Idcirco dicit

quidam sapiens quod humilitas magna virtus non est, si descendat ut in bonitate ascendat, sed ut in infimis (in quibus parum est de bonitate) consistat. Et quoniam per huius intentionem est magna humilitas ad bonitates superiores & magnas iustitia ipsam exaltat ratione suorum meritum. Idcirco dicitur, quod quanto homines maiores minoribus se humiliant tanto ad magnitudinem bonitatis, virtutis, charitatis, & spei exaltantur.

De Pietate.

Pietas est illa virtus quæ humilitatem cordis ad oculos ascendere facit, & quæ illam in lachrymis & fletibus convertit per compassionem quam homo pius habet de proximo suo, cum ipsum videt in tribulatione & periculo. Et hæc pietas à charitate descendit, & ex similitudinibus quas habent homines sub specie minoritatis, per quam habent instinctum naturalem, conservando tamen libertatem, ut quidam pietatem de aliis habeant, postquam in minoritate cum humilitate habent concordantiam, quæ minoritatem cuiuslibet repræsentat. Idcirco dicit quidam sapiens, quod crudelitas ex superbia nascitur, quæ non considerat in minoritatibus, in quibus participant naturaliter quidam homines cum aliis.

De Castitate.

Castitas est illa virtus quæ ordinem ponit in copula hominis & feminae. Per castitatem considerant homines finem copulae matrimonij quod est propter filios qui sint servitores Dei. Qui siquidem finis ipsos considerare facit sanctitatem matri-

monij & immunditiam luxuriæ & eius circumstantias, & hoc in tantum quod prudentia eligit circumstantias castitatis, finem matrimonij conservando, & circumstantias luxuriæ dimittit. Idcirco in magna concordantia sanctitas & castitas consistunt. Quam concordantiam iuvant prudentia, abstinencia, fortitudo, & spes.

De Largitate.

Largitas est illa virtus, quæ avaritiæ plus contrariatur quàm aliqua alia virtus. Largitas est filia charitatis & spei, quæ siquidem filia contrariatur avaritiæ, quæ est filia crudelitatis & desperantiæ. Idcirco homines largi filij largitatis dant, ut largitatem habere possint, non autem ut remunerentur per illos quibus dant: sed per modos largitatis & mercedem spectant, siue expectant in multiplicando largitatem, in qua voluntas eorum quiescit, ut ipsam habere possint cum magnitudine bonitatis, & perseverantiæ.

De Legalitate.

Legalitas siue fidelitas est illa virtus, quæ homines tenere facit quod promittunt, & cum illud tenere non possunt, facit ipsos verecundiam habere. Legalitas est illa virtus, quæ est contra traditionem, deceptionem, & mendacium, & habet vnum pedem de iustitia, & alium de fortitudine, & homo legalis tendit quietus in lectum veritatis, in quo charitatem & spem acquirit. Idcirco homines fideles tenent hoc quod promittunt, quoniam iustitia hoc requirit, & fortitudo ipsos facit fortes contra falsitatem & deceptionem. Et charitas & spes illos faciunt verecundiam timere.

De Constantia.

Constantia est illa virtus, quæ hominem perseverare facit in suo bono proposito. Constantia homines firmat cum fortitudine & spe ad magnitudinem, bonitatis, perseverantiam, iustitiam, & veritatis. Idcirco homines qui sunt constantes in suo bono proposito, fortes sunt contra vitia, & spem habent in adiutorio Dei, & in eorum meritis quæ acquirunt in longa perseverantia bonitatis, & veritatis. Idcirco dicit vnus sapiens quod homines filij constantiam fortes sunt, & plures habent amicos, per quos constantes sunt contra suos inimicos.

De Diligentia.

Diligentia est virtus cum qua charitas, & prudentia vincunt pigritiam. Per diligentiam sunt homines citò mobiles, & considerant illa, quæ possunt euenire, & plus vigilare diligunt quàm dormire, & nolunt esse pingues vt citiùs ire valeant ad finem quem desiderant: & quando impediti sunt ex nimio desiderio languent, & quando fessi sunt, fortitudo eorum desiderium cum prudentia, & spe fortificat in tantum, quod charitas facit ipsos audaces, nec ipsos multum dormire permittit.

De Suauitate.

Suauitas est virtus charitatis filia in prudentia & humilitate nata, siue orta. Suauitas homines fortes suauiter facit, quoniam illos ligat cum charitate in patientia, & humilitate. Et ideo se duci permittunt ab hominibus superbis, crudelibus, & impatientibus, ad voluntatem eorum in tantum, quod cum sua humilitate vincunt eorum superbiam, & cum sua patientia vincunt

illorum iram, & cum sua charitate illorum vincunt crudelitatem in tantum, quod cum eorum similitudine ipsos domant. Et ad hoc leo dat exemplum, qui mansuetus est & suavis aliis animalibus paruis, quæ vtuntur suauitate cum illo contra superbiam, & contra iram, & quæ cum illo similitudinem habent in voluntate.

De Conscientia.

Conscientia est illa virtus, quæ consulit cum timore facere bonum & evitare malum. Conscientia homines habere facit timorem de Domino, qui bonum pro bono reddit, & poenam pro malo. Et ideo conscientia cum potestate, & iustitia Domini minatur, & illi qui minas timent, reuerentiam Domino faciunt, per quàm merita consequuntur, & virtutes multiplicant. Et quando minas non timent, contra Dominum peccant cui reuerentiam non faciunt. Idcirco conscientia eos ligat cum iustitia ad poenam, & non sustinet quod spem habeant in Domino. Et hæc conscientia est secundum instinctum naturalem.

De Timore.

Timor est illa virtus, per quàm homines charitatem offendere timent, & timorem habent de iustitia. Timor est ancilla amoris, quæ prudentiam mouet ad considerandum illa, quæ periculosa sunt, & qui opinari facit plura damnoſa, quæ non eueniunt. Et ideo timor homines existere facit inter iustitiam & charitatem, quia per iustitiam contra Dominum errare timent, & per charitatem timent, quod bonitatem Domini offendant. Et huiusmodi timor spem affert, quæ cum charitate habet con-

cordantiam, per quam misericordiam Domini expectant.

De Contritione.

Contritio est virtus, qui homines mouet ad satisfactionem & pecuniam, quia contritio homines mouet ad satisfactionem & penitentiam, facit concordantiam misericordiae, iustitiae, & spei, quia satisfactio affert iustitiam, & pecunia spem, & ideoque misericordiam adesse oportet. Quare contritio est virtus, quae deficere non potest, imò ad finem illius venis, quod desiderat. Idcirco homines hilares facit, cum illos flere facit, quoniam cum illis fletibus ipsos adducit ad concordantiam illorum & Domini.

De Verecundia.

Verecundia est passiuua qualitas, quae reuelat dispositionem minorum formarum per quas homo dispositus est ad faciendum illa quae sunt illicita, quae verecundia venit ab his, quae minora sunt. Naturaliter foemina maiorem habent verecundiam quam homines, cum ita sit quod homines maiores sint per actionem, & foeminae minores per passionem: veruntamen homines moraliter plus de verecundia habere debent in deficiendo siue peccando quam mulieres, quoniam defectus maior est in formis quam in materiis. Idcirco homines virtuosi magis verecundiam timent quam foeminae secundum virtutes acquisitas. Et in hoc passu cognoscitur quod homines verum iudicium non faciunt in hoc quod pro peccato luxuriae non plus increpant homines quam foeminas.

De Obedientia.

Obedientia est illa virtus quae voluntatem (quae est libera naturaliter) facit esset seruam & subditam alteri voluntati, quae ad plures alias voluntates est communis. Obedientia est virtus ut subito habitu sint plures voluntates ad vnum finem ordinatae, sicut plures lineae ad vnum punctum. Idcirco obedientia requirit ordinem omnium virtutum, ut voluntates quae sunt sub illa ordinatae sint: sicut iustitia quae requirit quod voluntas religiosi sit coacta sub suo habitu ad obediendum voluntati sui superioris. Et idem est de prudentia & ceteris virtutibus. Quare oportet quod voluntas superioris domina plurimum voluntatum ordinata sit secundum habitus aliarum virtutum, ut cum illis suas oves custodiat quae libertatem ad peccandum nolunt habere: inquantum se obligant ad volendum voluntatem maioris in faciendo bona opera. Vnde sicut communi voluntati est magnus honor factus: sic posita est ipsa voluntas in magno honore & periculo. Et si inordinata sit & exuta ex habitibus virtutum, nulla voluntas maiorem habent culpam, nec dignior tanta poena.

De Ramis Virtutum.

Secundum quod dictum est in ramis aliarum arborum haberi potest cognitio de ramis huius arboris, & maxime per ramos arboris imaginarios. Cum ita sit quod rami virtutum sint similitudines ramorum naturalium & realium, sicut rami iustitiae qui sunt similitudines realis potentiae obiecti & actus. Sicut Martinus qui est iustus: qui sub habitu iustitiae accipit obiectum quod

quod est de iustificabilitate, & dat iudicium rectum inter partes & ramos quorum iudex factus est. Et idem est de sua prudentia, cuius rami sunt potentiae obiecti & actus, & sic de ceteris virtutibus. Rami cuiuslibet virtutis loca sunt, in quibus virtutes nascuntur, renouantur & viuunt ex radicibus arboris, videlicet bonitate, magnitudine & ceteris: Sicut in iudicio quod magnitudo facit de patribus & ramis, habet vnam renouationem bonitatis, magnitudinis, & aliarum: & in iudicio quod facit de genere & bonitate, habet aliam renouationem bonitatis, magnitudinis, & aliarum. Idcirco rami suae iustitiae generales sunt ad plura iudicia. Et idem est de ramis suae prudentiae, & sic de suis aliis virtutibus. Et hoc plantae significant quae fructus producunt in ramis nouis.

De Foliiis virtutum.

Folia virtutum sunt accidentia virtutum ex quibus virtutes sunt ornatae & induta. Et ex his accidentibus haberi potest cognitio per accidentia ceterarum arborum: cum ista accidentia sint illorum similitudines in operibus virtuosis quae faciunt homines habituati virtutibus. Veruntamen quia multum desideramus veritates & secreta eorum declarare & ostendere: in hac arboře loqui volumus de virtutum accidentibus.

De Quantitate virtutis.

Iustitia Martini, & sic de eius prudentia, fortitudine, & ceteris virtutibus: est quanta: per cuius quantitatem ipsa crescere potest vel minui: quoniam sine quantitate nec crescere potest nec minui. Et illa quantitas tangi non potest nec videri: nec est de

essentia reali, sed ita est multiplicata in specie fantastica quae est habitus virtutis quae vocatur iustitia sicut est habitus multiplicatus, vt sit habitus iustitiae. Idcirco quantitas non habet longum, latum neque profundum, nec consistit sub figura corporali, circulari, quadrangulari, nec triangulari: sed tantummodo sub figura spiritali, quae quantitatem habitus iustitiae repraesentat quae est continua quantitas in quantum est essentia vnitus habitus, & est discreta, in quantum distinctio potentiae obiecti & actus sunt tres rami iustitiae.

De Qualitate virtutis.

Prudencia Martini est qualis secundum bonitatem ratione cuius homo dicit quod est bona. Et est qualis per magnitudinem ratione cuius homo dicit quod est magna. Et sic de duratione, potestate, & ceteris formis accidentalibus, quarum qualitas in sua specie repraesentat qualitates particularis: sicut calor ignis, qui calorem piperis & allei repraesentat. Vnde sicut calor est propria qualitas ignis, & est piperi & alleo appropriata remanens vna in sua specie: sic qualitas prudentiae est sua propria qualitas. Et qualitas quam habet iustitia in habitu prudentiae est qualitas appropriata prudentiae vt vratur habitu iustitiae. Et in hoc passu multum est de philosophia morali.

De Relatione virtutis.

Relatio est in virtute sicut in fortitudine & in ceteris secundum quod relatio est considerabilis pluribus modis. Sicut in forma quae est in abstracto & supposito: sicut si est fortitudo est forte quod est indutum habitu fortitudi-

nis: & si est suppositum, oportet quòd sit habituum. Sicut magnitudo quæ est fortis in bello, aut in iudicio, aut in patientia, aut in prosperitatibus huius mundi vel in paupertate. Est alius modus relationis, secundum quod significatum est in ramis prudentiæ quæ est ratione potentiæ obiecti & actus, quoniam si fortificatus sit, oportet esse fortificabile & fortificare & cōuerso. Et idem est de relatione, quæ est per æqualitatem & cōcordantiam.

De Actione & Passione virtutis.

IN temperantia est virtus actiua per formam, & passiua per materiam. Et prius sentitur passio quàm actio, quoniam passio sentitur in indigentia appetitiuæ, quæ requirit multum de cibo, & postmodum venit forma, quæ materiam disponit ad habitum virtutis. Idcirco in habendo temperantiam habent homines passionem quæ est passiua virtus, de qua virtus actiua operatur siue agit. Veruntamen illi qui magnam habent temperantiam tantum diligunt operationem virtutis, quod virtus passiua illos non cogit ad passionem secundum formam rationis quæ habet voluntas sua ex sensibili & passibili qualitate. Sicut ignis qui mouet terram ad suum instinctum naturalem, quamuis aqua ei non det magnam passionem.

De Habitu virtutis.

Fides est virtus, & est habitus sub quo intellectus est habitumatus & indurus ad credendum vera Dei & eius operum quæ argumentatiuè non intelligit, sed positiuè: cuius positiones sunt similitudines rationum necessariarum, quæ sunt per vim argumenti. Et iste habitus fidei est virtu-

sus, quoniam sub ipso facta sunt opera virtuosa & mirabilia, quoniam magnum mirabile est veritates rerum attingere absque rationibus necessariis. Idcirco dicitur, quòd fides non est habitus naturalis, sed est donum gratiæ & infusio Dei, qui ipsam dat, quia hominibus est necessaria, quam necessitatem natura humana dare non potest, quoniam si dare posset: sequeretur quod fides esset habitus naturalis, & quod probationes necessariæ naturaliter essent superflue.

De Situ virtutis.

Spes est virtus, & est assituata in bonitate, magnitudine, & cæteris similibus entium realium & primorum: quoniam sicut corpus est realiter assituatum secundum arborem elementalem, vegetatiuam & sensuale, sic spes est assituata similitudo in pluribus similitudinibus, quia sicut corpus vnam habet assituationem per figuram circulem, & aliam per triangularem, & vnam aliam per illa quæ sunt infima, & aliam habet per superiora, & sic de aliis rectitudinibus: sic spes est assituata per vnum modum secundum bonitatem, & per alium modum secundum magnitudinem, & sic de cæteris similibus. Et idem est de assituatione quam habet spes in cæteris virtutibus, cum ita sit quòd quædam virtutes assituatæ sunt in aliis: sicut spes quæ est in iustitia, cum magna iustitia sit in hominibus, qui habent maiorem spem in Deo quàm in denariis, possessionibus, & amicis. Et idem est de prudentia, cum sapientia sit in Deo spem habere. Et sic de aliis assituationibus virtutum ex quibus homo cognitionem habere potest per hoc quod de situ spei dictum est.

De Tempore virtutis.

Charitas est virtus, & est in tempore in quantum est incepta in tempore: potest esse in vno tempore & non in alio, & in quantum potest esse maior in vno tempore quam in alio. Existere quod habet charitas in tempore, est ei appropriatum secundum naturam temporis realis, & non secundum naturam charitatis, cum ita sit quod charitas non sit ex rebus reabilibus, sed est similitudo illarum, in quantum sunt amabiles aut amatiua. Et tempus quod est forma realis, est de natura corporali: sicut accidens quod est de natura substantiae, non quod sit de essentia substantiae, sed est natura per quam substantia potest esse: sicut charitas quae principiari potest, aut multiplicari vel in tempore priuari, sine quo tempore principiari non posset multiplicari neque priuari: sicut substantia, quae sine quantitate non posset esse quanta, nec sine qualitate qualis, nec sine colore colorata.

De Loco virtutis.

Sanctitas est virtus, & est in loco spiritualiter, videlicet in spirituali iustitia, & prudentia, & aliis virtutibus quae sunt similitudines spirituales virtutum realium quae consistunt in loco corporali reali, in quantum sine loco esse non possent, nec in vno loco esse, & non in alio, qui sicut cristallum accidentaliter accipit colorem auri: cum supra aurum sit positum, sic sanctitas & virtutes in quibus consistit, similitudinem a loco accipiunt, in quantum in substantiis consistunt, quae sunt in loco. Ideo sicut tunica mouetur de vno loco in alium per motum hominis, qui ex ipsa vestitus est: sic san-

ctitas mouetur de vno loco in alium accidentaliter per motum sanctae personae. Ideo sanctitas secundum suam naturam non transit per medium, quod est inter principium & finem. Et in hoc passu est significatus motus substantiarum separatarum, quae mouentur de vno loco in alium, non contentae in loco, secundum figuram circularem, triangularem, nec quadrangularem, nec secundum rectitudines loci, sicut tunica, quae se non mouet ex vno loco in alium.

De Floribus virtutum.

Flores virtutum sunt merita, quae homines acquirunt per virtutes, quas habent. Et secundum quod virtutes sunt diuersae, sunt flores diuersi & distincti. Et quia arbor moralis est valde necessaria ad sciendum, ideo de hac arbore loquimur ita diu. Veruntamen diu non loquimur, imò breuiter, secundum quod est necessarium ad sciendum, & se habet ad praedicationem secundum conditiones ipsius, quas diximus. Ideo loqui volumus de floribus cuiuslibet virtutis.

De Flore Iustitiae.

Flos iustitiae est meritum quod est per recolere, intelligere & diligere iudicium, recolitum, intellectum, amatum, bonificatum, & sic de aliis actibus radicum iustificatarum, ut sit iudicare, & ut illi sint habitu iustitiae induti. Et ideo flos iustitiae viuunt, quando iustitia est recolita, intellecta, & amata, bonificata, & magnificata, & cum illa iustificat alios habitus virtutum, & priuationibus floris iustitiae, stat in contrario.

De Flore Prudentiae.

Flos prudentiae est meritum per discretionem hominum, qui accipiunt illa

illa quæ sunt bona & mala, & quæ sciunt habere modos eligendi illa quæ sunt bona, & dimittendi illa quæ sunt mala, cum iuamine brancharum arboris sensualis, imaginæ, & rationalis. Et idèd homines sapientes quærunt consilia, & dant deliberationem voluntati priusquam eligant, amabilitates vel odibiles, & intellectus prius quàm faciant iudicium, & memoriæ quod recolat iuamina brancharum, arborum quas diximus. Et idèd vocantur sapientes, & discreti in eorum operibus, & ad finem veniunt, quem desiderant.

De Flore fortitudinis.

FLos fortitudinis est meritum, quod est ex fortificatio recolere, intelligere & amare, quod est ex fortificatio bonificare, magnificare, &c. Et eius figura est fortificare, quod est flos fortitudinis, in quo apparent vigores, qui ex ipso sunt induti. Idcirco homines qui habent fortem animam, fortes, sunt per florem, & cum tentantur ad faciendum aliquod illicitum, flos fortificat bonitatem contra malitiam, & sic viuunt ex bonificare, sicut lumen quod viuunt de oleo. Et cum tentantur contra ceteros flores, illos fortificant contra eorum contraria. Idcirco homines fortes animi sunt muniti pluribus floribus, spiritualibus & moralibus, cum quibus vincunt tentationes sensuales.

De flore Temperantia.

FLos temperantiæ est meritum sui factus, per quem actus aliarum virtutum sunt temperati, sicut iudex quæ habet moderatos sermones in iudicio, & habet temperamentum in mensa & suo studio, & in expensis suis, & sic de cæteris rebus similibus istis. Et hic flos consistit in medio loci temperantiæ,

vt sit fortior, & quod melius sapiat principium & finem, & vt cum cæteris floribus maiorem habeat concordantiam, & cum mouetur ex medio loco, & ad vnam extremitatem appropinquauerit, infirmitas est, & dispositus ad corruptionem.

De Flore Fidei.

FLos fidei est meritum sui actus quod habet in credendo vera, & viuunt ex veritate entium, cum iuamine florum aliarum virtutum. Sicut cum flore iustitiæ, cum sit iustum credere vera, postquam intelligi non possunt. Et est difficile illa credere & non intelligere. Et iste vigor qui est flos fortitudinis, rigat florem fidei, vt sit fortis cum incredulitatem, & vt in illa cæteri flores sint fortes.

De flore Spei.

FLos spei est meritum quod est ex sperare licita, secundum iusticiam & misericordiam, & sustentatus est cum aliis floribus, sicut iustum est habere spem in Deo, cum facit verum iudicium in illis, quæ ei seruiunt, & eum honorant secundum eorum posse. Et iustum est, quod Deus iuuat eos, qui pro ipso laborant. Et iustum est quod perdonet illis, qui se pœnitent de commissis, & qui contritionem habent & satisfaciunt, & etiam quod Deus eis parcat, postquam spem habent in ipso.

De flore Charitatis.

FLos charitatis est meritum, quod est ex amare amabilia, illo amare induto ex floribus aliarum virtutum, & ex illo alios flores induente in eorum amabilitatibus. Sicut amare charitatis, quod iustum est per iusticiam, & discretum, siue prudens per prudentiam, & forte per fortitudinem, & modera

dératum per temperantiam, quod si-
quidem amare induit florem iustitiæ,
inquantum amari facit, & sic de aliis
actibus florum. Secundum quod di-
ctum est de floribus in virtutibus pri-
mariis, potest haberi cognitio de flo-
ribus consequentibus, descendentibus
ex primariis: sicut ex flore sanctitatis,
qui est meritum cæteros flores sancti-
ficans, & ipsos à peccato purificans.

De Fructu arboris moralis.

FRUCTUS arboris moralis, duo-
bus modis consistit. Vnus
modus est de mercede flo-
rum. Secundus modus est, vt Deus
honoretur virtuosè, & ei seruiatur.
Primus modus est sicut merces iustitiæ,
quæ est per iudicare, & merces pru-
dentia, quæ est ex discretione, & mer-
ces fortitudinis, quæ est ex fortificare,
& merces temperantiæ, quæ est ex tem-
perare & merces fidei, quæ est per cre-
dere, & merces spei, quæ est per spera-
re, & merces charitatis, quæ est ex
amare, siue per amare. Et in his modis
mercedes radicum intrant, sicut mer-
cedes iustitiæ per bonificare, magnifi-
care, & alia quæ induunt & ornant
suum florem. Secundus modus, fru-
ctus magis supra consistit, & altior est
& nobilior primo, & est causa primi,
videlicet moralitates sunt, vt Deo vir-
tuosè seruiatur, veluti cum virtuosa
iustitia & cæteris, & etiam cum vir-
tuosa bonitate, magnitudine, & cæte-
ris. Et idem de virtuoso recolere, in-
telligere & amare. Idcirco nemo ad
Deum peruenire potest, qui virtuosè ei
seruire voluerit, nec ipse Deus bene-
dictus vult seruitium ab eo accipere.
Et in hoc passu cognoscitur ratio, per
quam Deus habet ita paucos seruito-
res, & quod plures sunt illi, qui ei de-

decus magnum faciunt, inquantum ei
virtuosè seruiunt, & credunt ei serui-
re virtuosè in hoc mundo, idcirco
cum sunt mortui, nullam habent re-
tributionem ex hoc quod habere cre-
debant, imò habent pœnam, in quan-
tum Deo seruire virtuosè voluerunt.

De Secunda parte arboris moralis.

Hæc pars est de vitiis, & tot
habet partes sicut prima. Quæ
siquidem partes sunt radices,
truncus, branchæ, & aliæ. Et per hoc
quod de prima parte dictum est, co-
gnitio ex ista haberi potest, sicut vnum
contrarium, quod aliud contrarium
cognoscitur. Veruntamen, quia hanc
arbolem volumus declarare, de vitiis
loqui intendimus.

De Radicibus Vitiiorum.

RADICES vitiiorum sunt quatuor, vi-
delicet malitia, stultitia, falsitas, &
priuatio finis. Et ad ista quatuor se ha-
bent magnitudo, duratio, potestas, vo-
luntas, delectatio, differentia, concor-
dantia, contrarietas, principium, me-
dium, maioritas, æqualitas, & minoritas.
Magnitudo se habet ad malitiam,
inquantum malitia est magna, & se
habet ad stultitiam, quæ contraria est
sapientiæ, inquantum stultitia est ma-
gna, & se habet ad falsitatem, inquan-
tum falsitas est magna, & se habet ad
priuationem finis, inquantum priua-
tio est magna, idcirco peruersa est ma-
gnitudo in vitium, contra hoc quod
esse solebat in virtute, quare diffinitio
magnitudinis in vitio existentis est
hæc, videlicet: magnitudo est id, per
quod malitia stultitia, falsitas, & priua-
tio finis sunt magnæ. Est etiam diffi-
nitio magnitudinis hæc, videlicet ma-

T gnitu-

gnitudo est per quam duratio, malitię, stultitię, falsitatis, & priuationis finis est magna, idcirco trāsit magnitudo in vitium. Diffinitio malitię quę contrariatur bonitati, est hæc, videlicet malitia est id, ratione cuius magnitudo, duratio, potestas, stultitia, voluntas, falsitas, delectatio, & alię sunt malę, quibus similitudinibus malitia culpę suam dat similitudinem, inquantum ipsas peruenit in vitium & peccatum. Idcirco malitia est illud, ratione cuius homo malus facit malum esse, cuius mali est malū, & eius priuatio est bona. In hac arbore quę est de vitii duratio, est id ratione cuius durant malitia, magnitudo, potestas, & ceterę formę peruersę in vitium & peccatum. Idcirco duratio est mala cōtra bonitatem, & eius magnitudo est mala contra virtutem & contra alias formas. In hac arbore potestas est id, per quod malitia magnitudinis, durationis, & alię possunt existere & agere. Quę siquidem potestas est mala, & eius priuatio bona. Et hoc est, quia de illa sequitur malum. Stultitia est contrarium sapientię, inquantum stultos omnes illos facit esse, qui sunt habituati ex illa & induti: sicut ut homo stultus, qui fatuē intelligit entia contra eorum intelligibilitates bonas & veras, finis quarum est intelligibilis sub habitu sapientię. Idcirco stultitia mala est & vitiosa, & eius priuatio est bona. Volūtas vitiosa est illa, ratione cuius illa quę sunt amabilia sunt odibilia, & illa quę odibilia sunt sub habitu virtutis, in habitu vitij sunt amabilia. Idcirco talis voluntas est mala, & suo fine vacua. Vitium est priuatio virtutis, & exit ex similitudinibus vnicarum, videlicet ex malitia, & ex mala magnitudine, duratione, potestate & aliis, sub cuius

vitij habitu sunt formę bonę peruersę in malo, & in priuatione finis & sub falsis similitudinibus. Falsitas est illa, quę est habitus ratione cuius similitudines bonarum formarum, & virtuosarum peruersę sunt in falsas similitudines. Idcirco illa quę falsa sunt, videntur secūdum apparentiam, quod sint vera, & illa quę sunt vera videntur quod sint falsa. Delectatio quę est sub habitu vitioso, est id in quo vitia habent quietem. Idcirco homines mali delectationem habent in faciendo malum, & habent laborem in bono, quod homines boni faciunt. Differentia quę est inter vnum vitium & plura, est mala, & est confusio bonitatis, magnitudinis, & ceterarum formarum, quę induit sicut de virtute. Idcirco homines mali habent intellectum confusum, & voluntatem confusam, & plus tenebras diligunt quā diligant lucem. Concordantia vnius vitij & alteri est mala, & eius priuatio est bona. Idcirco est mala similitudo ex bona concordantia, & est hoc quod est contra bonam contrarietatem. Idcirco per talem vitiosam concordantiā multa vitia se concordant in vno & in pluribus malis. Contrarietas mala, est hoc, quod est cōtra bonos fines & bonas concordantias. Idcirco est mala, & eius priuatio est bona. Malum principium est id, quod se habet ante ad plura mala principia, & istud generale est ad plura principia, & suum esse est ex priuatione boni principij naturalis & generalis, ad bona principia. Et in hoc malo principio generali, principiant principia particularia mala, inquantum homo dispositus est ad faciendum malum, inquantum principatus est de nihilo, quod non habet, naturam alicuius boni, quod si haberet esse, esset non esse, quod est impossibile.

ibile & contradictio. Et in hoc passu possunt cognosci principia peccati, & ubi principiantur, & de quo, & per quam principiantur, & quare homo habet libertatem ad faciendum bonum & malum, quæ siquidem libertas quam homo habet ad peccandum non est creatura, sed est ex natura nihili, inquantum homines se inclinant per illam ad principium generale, de quo sunt, videlicet ad non esse, vel nihilum. Et inquantum habent esse, & sunt creati ad bonum, naturam habent ex libertate creata ad faciendum bonum, & per illam principiant bona, contra mala. Et iste passus est multum utilis ad sciendum, & difficilis ad intelligendum, videlicet illis, quæ parum sciunt, & maxime illis qui sunt vitiosi, & contra bona principia. Medium vitiosum est priuatio mediæ virtuosæ, & est subiectum, in quo priuatio finis similitudinem suam influit ad principium, & principium suam malam similitudinem refluit ad priuationem finis. Idcirco in hac influentia & refluentia sunt primæ formæ peruersæ in vitiis, & in malis similitudinibus, vnde magna mala durabilia, & possibilia sequuntur, quæ sunt contra instinctus & appetitus naturales bonarum formarum. Priuatio finis est vacuitas & vacuatio boni mediæ, & boni principij. Idcirco priuatio finis est mala, & sub sua malitia & habitu sunt peruersæ bonæ formæ in peccata & mala, & sunt vacuæ de suis bonis principijs, & mediis naturalibus. Idcirco in inferno bonæ formæ naturales sunt vacuæ, suis bonis finibus naturalibus, ad quos se habent bona principia, & media naturalia habituata accidentibus vitiosis principijs & mediis, & nullo tempore finem consequentur, ad quem finem se habebunt, secundum

cursum naturalem. Et pœnam quam habebunt damnati per priuationem finis naturalis, non est aliquis, quæ eam dicere, nec scribere posset. De qua pœna loqui intendimus diutius in arbore æternali. Maioritas vitiosa est illa maior imperfectio, quæ se habet ad non esse, & quæ facit suum contrariū (quod est minoritas) concordare cum esse. Quæ siquidem minoritas naturaliter habet concordantiam cum non esse. Et in hoc passu potest haberi cognitio sub ratione similitudinis non esse, & similitudinis esse, quæ sunt formæ, quæ sunt contrariæ similitudines esse, & non esse. Idcirco homines mali, quanto maiores sunt in malitia, concordantiam maiorem habent cum non esse, quam homines qui non sunt ita mali, qui secundum comparationem habent, ratione eorum malitiæ concordantiam cum esse. Et in hoc passu potest haberi cognitio, quod maioritas est mala in priuatione finis, & in stultitia, & in falsitate, in qua siquidem maioritate, mali sunt infideles sub habitu stultitiæ, & etiam Christiani diuites auari, qui bona communia permittunt esse ociosa, & in priuatione finis contra pauperes. Aequalitas vnius mali, & alterius est priuatio æqualitatis vnius boni & alterius. Idcirco homines auari, digni sunt magna pœna. Et quanto magis sunt auari, maiori pœna sunt digni, quia multiplicant æqualitatem vnius mali & alterius, & priuant finem, propter quem diuitiæ illorum sunt creatæ. Quæ priuatio finis est multum mala, in qua concordant plura magna mala, contra finem bonitatis, & contra finem suæ magnitudinis, durationis, suæ potestatis, sui instinctus, & sui appetitus naturalis. Minoritas vitiosa est priuatio minoritatis virtuosæ, quæ concordantiam

habere cum non esse, & in hoc passu potest cognosci modus, ratione cuius poterit haberi cognitio de quiditate virtutis, & de quiditate vitij. Et huius cognitio, multum est utilis illis, qui habituari volunt ex virtutibus, & qui volunt vitia evitare, & habitus eorum. Dictum est de radicibus vitiosis, & de earum diffinitionibus, per quas haberi potest cognitio de ipsis, & quomodo stant sub quatuor habitibus vitiosis, videlicet sub habitu malitiæ, stultitiæ, falsitatis, & privationis finis, sub quibus quatuor habitibus, sunt alij habitus, aliarum radicum, quæ se habent ad suas species, sicut materia oleastrij, quæ se habet, & se convertit in materiâ oleæ insertæ in illo. Et ex istis quatuor formis: quæ sunt supra, quæ vivunt ex formis inferioribus, compositus est truncus arboris vitiosæ.

De Trunco arboris vitiosæ.

TRUNCUS huius arboris est ex similitudinibus quas diximus, quæ sunt suæ radices, & qui est communis confusio generalis quæ est fons, in quo vitia particularia sunt disposita in potentia, quæ si quidem vitia trahit agens naturale de dispositione, & ipsa in actu adducit & in habitu, sicut Martinus vitiosus, qui ex ipsa trahit suam malitiam, & magnitudinem illius malitiæ. Et idem de sua stultitia & potestate quam habet, per quam potest fieri stultus, & duratio, quam habet in perseverando in malo, & in stultitia, & etiam in falsitate, & in privatione finis virtutis, quæ est truncus contrarius, truncus vitij. Truncus iste est invisibilis, nec videri potest, cum sit ex similitudinibus, quæ similitudines sunt peccatorum, quod est iste truncus. Et quia in illo stat multitudo malitiæ, potest quilibet homo multi-

plicare & augmentare suum peccatum, cum ita sit, quod ex formis generalibus multiplicari possint formæ speciales. Et cum in trunco sit minoritas una ex suis partibus, possunt peccatores minorificare sua peccata, & maiorificare, cum maioritas sit una pars trunci, & etiam quia privatio finis, est una pars trunci, possunt peccatores privare eorum peccata, & hoc possunt cum potestate, quæ est una pars trunci. Veruntamen possunt cum iuvamine Dei, contra potestatem trunci, & possunt cum contrarietate, quæ est una pars trunci, in qua est concordantia virtutum, sic in dispositione & potentia moraliter, sicut frigiditas naturaliter in aqua calefacta. Et iste passus declarat, quomodo peccator potestatem habet, in principiando virtutem ratione contrarietatis, quæ est contra vitium, tamen cum adiutorio Dei, sine quo peccator non posset exire à peccato, cum sit incarceratus in carcere iustitiæ. Et iste passus est multum utilis ad sciendum.

De Branchis arboris vitiosæ.

BRANCHE huius arboris principaliter sunt gula, avaritia, luxuria, superbia, accidia, invidia, & ira. Et iste septem branchæ sunt habitus, sub quibus sunt formæ, ex quibus truncus consistit. De quibus diffinitiones dare proponimus, ut ex ipsis melius cognitionem demus.

De Gula.

GULA est illud peccatum, quod sepius privat ab continentiam & temperantiam quam aliquod aliud peccatum. Idcirco est illud vitium, per quod homines plus moriuntur, quam per aliquod aliud vitium. Per gulam sunt
sepius

Sæpius homines infirmi; cum ita sit, quod per nimis comedere aut bibere, sit destructa digestio & appetitus naturalis, in quo natura arboris vegetalis se delectat. Idcirco patres & matres qui diligunt filios & vitam illorum, nutrire non deberent cunctis cibariis delicatis & pluribus. Quæ quidem delectatio & multitudo disponit gulam contra vitam, & contra diuitias, & disponit homines quod sint ociosi; & quod sint de grossioringentis, & quod sint latrones, cum diuitiæ eis defecerint propter nimis comedere & bibere, vel propter cibaria delicata quæ sunt chariora quam alia: sicut sunt gallinæ, perdicee, & pisces grossi, qui sunt chariores quam carnes bouinae, vel sardinae.

De Avaritia.

Avaritia est illud vitium, quod est magis contrarium finis bonorum temporalium, quam aliquod aliud vitium. Per avaritiam sunt denarii ociosi in arca omnis avari, & bladem in granariis, & sic de alijs. Sicut spes in qua homo avarus non existit, in quantum confidit in suis denariis nec eius appetitus suum habet complementum, in quantum homo avarus non comedit de cibariis quæ sunt sana, quia sunt digestibilia, & quia appetitua in illis delectationem inuenit. Idcirco homo avarus est contra arborem elementalem, ex qua sunt denarii. Et idem est de contrarietate, quam habet contra arborem vegetalem, in quantum est contra sapores & delectationes, in quibus natura delectatur. Est etiam contra arborem sensualem, in quantum homo avarus est male indutus, & facit in malo lecto, & multum laborat. Et sic de alijs similibus istis: sicut homo avarus qui in

extremis satisfacere non curat de commissis, quæ fecit contra largitatem, veritatem & finem diuitiarum.

De Luxuria.

Luxuria est vitium, quod inordinat copulam carnalem, in quantum ipsam deniat à fine, propter quem est finis: carnalis copulæ. Est enim finis carnalis copulæ, in humana specie restauretur & multiplicetur in pluribus hominibus, quem finem facit luxuria obliuisci, & recolere facit delectationes carnales, & contra eulsum naturalem, quas nec dicere, nec scribere sumus auli, propter magnam vilitatem illarum. Sub quarum habitu sunt viles illi, qui illis delectationibus sunt induti, & qui magnæ pœnæ sunt digni. Est etiam luxuria contra sanitatem, quia in placitis quæ dat arborem vegetalem destruit. Et est contra diuitias, quas homo congregat, & disponit in diuitiam, deceptionem, traditionem, & plura alia mala, quod veniant in actu. Et de hoc experientiam habemus in pluribus & magnis malis, quæ hominibus luxuriosis per feminas acciderunt, & per eos pluribus alijs.

De Superbia.

Superbia est illud vitium, ratione scilicet homines volunt habere honores, qui eis non conueniunt. Superbia obliuisci facit minoritates naturales de quibus homo processit, & considerare facit maioritates quas Deus sub conditione dat, quod homo cum illis sit humilis, & indutus habitibus virtutum, & cum illis Deo honorem faciat & suo proximo. Idcirco homines superbi nolunt pares habere, nec alios amare, & faciunt ali-

qua, quorum oratione humiles existunt in servitute propter eorum defectum. Et invidiam habent de bonis humilium, qui ascenderunt cum humilitate ad perfectiones, quas Deus dat. Idcirco homines superbi sunt invidiosi & accidia induti ratione cuius dicunt: malum libenter, & irascuntur, quando honorari non possunt in rebus superioribus, à quibus eos superbia descendere facit in infimis, quæ sunt sub pedibus humilium, qui cum humilitate ascendunt ad superiora, à quibus homines superbi ceciderunt. Idcirco per superbiam veniunt guerræ, labores, iræ, tristitiæ, & paupertates, & plura alia mala, quæ longum esset ad enarrandum, quæ dicere non oportet, quoniam lex ipsis experientiam habemus.

De Accidia.

Accidia est vitium, per quod homines pigritiam habent in faciendo bonum, & habent placitum de malo aliorum, & tristitiam de eorum prosperitate. Accidia est vitium, quod est in pluribus hominibus, qui ipsam non agnoscunt nec credunt esse in mortali peccato. Et est vitium, quod est magis secretum quam alia, idcirco plures se perdunt per accidiam, qui credunt saluari. Quare accidia est peccatum valde periculosum, quæ regnat multum in mundo. Accidia est contra charitatem & contra fraternitatem naturalem, & est medium per quod bona naturalia sunt impedita, ne veniant ad fines naturales, quia per ipsum transire non possunt. Et ideo facit homines pigros & contra diligentiam, iustitiam, & cæteras virtutes.

De Invidia. Invidia est illud peccatum, quod est contra propriam charitatem, & communem.

Invidia est illud peccatum, quod est contra propriam charitatem, & communem. Invidia est contra propriam charitatem, in quantum homines invidiosi volunt habere bona aliena contra iustitiam & spem. Et quando ipsa habere non possunt facit ipsos considerare modos ex quibus oriuntur traditiones, mendacia, deceptiones, latrocinia, & plura alia mala, ut illa bona habere possint. Idcirco invidia est valde grave peccatum, in quantum cum malo desiderare facit homines bona, quæ sunt contraria in aliis. Invidia est contra communem charitatem, scilicet contra charitatem Dei, qui dat bona communia omnibus: sicut ignis, qui dat communem calorem plantis, in quibus ipse habet Dominium, & etiam in plantis, in quibus cætera elementa dominium habent. Est etiam invidia contra communem charitatem, fraternitatis, & bonorum naturalium. Idcirco homines invidiosi non recurrunt ad bona generalia, sed ad specialia, quæ habere desiderant contra suos proximos.

De Ira.

Ira est nimius motus voluntatis, quæ venit, & est cum tristitia, per quam voluntas passionem bonorum entium desiderat, & actionem malorum, ut bona sint destructa. Per iram destructæ sunt veritates, quas intellectus inquirat, quia ira lumen destruit, cum quo inquiruntur, & in intellectu ponit tenebras. Et idem facit in viis memoriæ, idcirco homines qui sunt irati, nesciunt quid faciunt, & faciunt casu fortuito hoc quod faciunt, & contra instinctus & appetitus naturales.

es & cum errauerint, eorum commissi-
sa vel errores non recolant, nec mo-
dum quæ tenuerant, quando erraue-
runt: quare homines qui sunt irati, li-
gati deberent, quousque iram vel fu-
rorem amitterent, & haberent lumen
vitarum intellectus, & memoria, &
quousque tenebræ priuarentur, per
quas homines irati fortuito vadunt
absque discretionem, qui peiores sunt
quàm bestiae, quæ hoc quod faciunt,
cum imaginatione faciunt, & cum
instinctibus, & appetitibus naturali-
bus. Nullum peccatum est ita peri-
culosum sicut ira: quia ira brachia &
pedes ligat contritioni, conscientiæ,
patientiæ, abstinentiæ, & aliis virtuti-
bus, ut ventre non possint nec aliqua
operari. Quare ira est contra esse &
habet concordantiam cum non esse,
in quantum bona digna essendi incli-
nat ad non esse, & mala digna non es-
sendi producit in esse. Quare homo
iratus non facit differentiam inter de-
structionem sui ipsius, patris, filij & so-
roris, & fratris, & consanguinei, pri-
uati & extranei, quoniam nulli parcit,
nec remittit, nec rationem auscultat.
Et mala quæ sunt per iram, quis di-
cere possit?

De Gula, & Avaritia.

GVla & avaritia concordantiam
habent contra temperantiam, &
largitatem. Et ideo gula disponit ma-
teriam avaritiæ quod sit contra largi-
tatem. Sicut homines gulosi, qui bo-
na temporalia aggregant in maiori
quantitate quàm indigeant, pro ciba-
riis quæ desiderant. Idcirco avaritia
est contra largitatem, quæ retinet il-
la, quæ dari deberent, postquam est
sufficiencia cibarium in illis, quæ co-
medere desiderant. Contra tempe-

rantiam idem facit avaritia, quæ gula
materiam disponit, quod possit mul-
tum comedere, & bibere contra tem-
perantiam, in quantum retinet multa
superflua, quæ omnia homo comede-
re non potest, neque bibere, propter
quas diuitias intendit multum comede-
re, & bibere, postquam cibaria ha-
bere potest, cum diuitiis quas avaritia
aggregat.

De Gula, & Luxuria.

GVla, & luxuria concordantiam
habent contra castitatem, & tem-
perantiam, quia gula facit homines
comedere, & bibere, ut luxuria vti
possint, idcirco propter placita lu-
xuriæ est gula, contra temperantiam &
contra castitatem, in quantum ma-
teriam luxuriæ disponit per nimium co-
medere, & bibere. Idem facit luxuria
quæ disponit gulæ materiam: ut per
illam possit esse contra castitatem &
temperantiam. Et in hoc passu potest
cognosci, quod quædam vitia sunt
concordantia cum aliis contra virtutes,
& quomodo concordantia vitiorum
accipitur in trunco secundum natu-
ram radicem, quæ sunt primariæ dissi-
militudines virtutum.

De Gula & Superbia.

GVla & superbia concordantiam
habent contra temperantiam &
humilitatem, quoniam homines qui
sunt superbi, multum diligunt come-
dere & bibere, in quantum nolunt esse
serui temperantiæ, quæ dat passionem
seruitutibus illius, ut habeant humili-
tatem, cum quâ ascendere possunt ad
merita, quæ veniunt per illas passio-
nes. Et gula homines facit superbos
contra temperantiam, quoniam non
vult

vult quod habeat aliquos subditos.

De Gula, & Accidia.

GVla & accidia concordantiam habent contra temperantiam & diligentiam, quoniam gula facit homines pigros, per nimium comedere & bibere, & ipsos facit obliuisci fines rerum necessariorum ad viuendum, & ideo est contra semetipsam. Et accidia facit obliuisci fines entium, ut homines sint pigri in procurando cibaria, quæ necessaria sunt ad vitam, secundum naturas arboris vegetalis. Et etiam obliuisci facit fines temperantiæ, ratione quorum temperantiam est instrumentum ad sanitatem, & vitam.

De Gula, & Inuidia.

GVla & inuidia concordantiam habent contra temperantiam, & charitatem, quia gula est contra charitatem propriam & communem, ut habeat quid comedere. Idcirco aufert diuitias pauperibus, quas possident homines diuites. Et inuidia est contra temperantiam in hoc, quod multiplicat materiam comedendi, & bibendi in desiderando illam, ut gula habeat quid comedere, & etiam bibere.

De Gula, & Ira.

GVla & ira habent concordantiam contra temperantiam, & abstinentiam, & discretionem, quia per gulam sunt homines inebriati, & etiam morui voluntatis consentiunt, & non habent deliberationem ad eligendum discretionem, & abstinentiam, neque ad vtendum prudentia. Et ira est contra temperantiam, & gulam, in quantum tristitiam producit, & non per-

mittit media temperata, considerare, & corpus ponit in periculo, & cibaria, ratione cuius temperantia subiectum non habet, in quo diu stare possit, nec gula habet subiectum, in quo diu esse possit, quoniam cibaria deficiunt, & non habet quid comedere possit, & sanitas per tristitiam deficiit, & per mortem, nec habet appetitum ad comedendum.

De Auaritia, & Luxuria.

Auaritia & luxuria habent concordantiam, contra castitatem, & largitatem, quoniam homines auari per suam auaritiam retinent illa, quæ dari deberent, & ideo sunt contra largitatem, & quoniam retinent illa, sunt contra castitatem, quoniam homines auari bona temporalia congregant, ut possint vii luxuria in pulchris, & malis fœminis, quæ magna dona requirunt secundum comparisonem turpium mulierum, quæ sunt malæ.

De Auaritia, & Superbia.

Auaritia & superbia habent concordantiam, contra largitatem, & humilitatem, quoniam auaritia in quantum aggregat plura bona temporalia, materiam præparat superbiæ: sicut homines superbi qui dispositi sunt quod sint superbi, quando habent plures diuitias. Et superbia disponit materiam auaritiæ, quod sit contra largitatem, in quantum est dispositio quod sit per magnas diuitias. Sicut homines qui propter hoc quia sunt diuites sunt contra largitatem, ratione cuius largitatis pauperes sunt humiles. Et idem est de diuitibus, quando dant de bonis suis pauperibus, ad quos humilitas ipsos diuites descendere facit, & ascen-

ascendere contra superbiam, & auaritiam. Idcirco fuit quidam diues impeditus qui nesciebat, si filium sum nutretet auaritiæ vel largitati.

De Auaritia, & Accidia.

Auaritia & accidia concordantiam habent contra largitatem, & diligentiam, quoniam auaritia est contra largitatem, cum accidia, quæ est contra diligentiam. Idcirco auaritia est contra semetipsam. Quare mercatores auari ascendere non possunt ad ita magnas diuitias sicut largi, qui cum diligentia habent concordantiam, & auari cum pigritia, & accidia est contra largitatem cum auaritia, in quantum cum illa habet concordantiam.

De Auaritia, & Inuidia.

Auaritia & inuidia contra largitatem, & charitatem, habent concordantiam, quoniam inuidia est contra charitatem, per quam est largitas. Et auaritia est contra charitatem, in quantum est contra largitatem, quæ est instrumentum charitatis.

De Auaritia, & Ira.

Auaritia & ira sunt contra largitatem, & abstinenciam, quoniam auaritia in quantum est contra largitatem, materiam præparat hominibus auaris, quod sint irati, cum eos perdere contingat eorum diuitias, aut cum homo eis consulit, quod sint largi & eos reprehendit de auaritia. Quæ siquidem ira est contra largitatem, in quantum auaritia est eius instrumentum.

De Luxuria, & Superbia.

Luxuria & superbia habent concordantiam, contra castitatem, &

humilitatem, quoniam in quantum luxuria est contra castitatem, est contra humilitatem, quæ homines humiliat ad se subiiciendum castitati. Et in quantum superbia, est contra humilitatem, est contra castitatem, sub qua non vult subici, imò libera diligit esse in placitis luxuriæ.

De Luxuria, & Accidia.

Luxuria & accidia concordantiam, habent contra castitatem, & diligentiam, quoniam in quantum luxuria est contra castitatem, materiam accidiæ præparat, quod homines sint pigri ad acquirendum castitatem, & ad resistendum diligentia. Et quantum accidia est contra diligentiam, materiam præparat luxuriæ, quod homines sint pigri ad acquirendum castitatem.

De Luxuria, & Inuidia.

Luxuria & inuidia habent concordantiam contra castitatem, & charitatem, quia inuidia concupiscere facit pulchras mulieres, idcirco materiam luxuriæ præparat, contra castitatem. Et desiderare facit diuitias, per quas materiam luxuriæ præparat, in quantum per diuitias homines habere possunt pulchras mulieres. Et in quantum luxuria est contra castitatem, materiam inuidiæ præparat, quod sit contra charitatem mariti, & suæ pulchræ vxoris, quam luxuria desiderare facit, & inuidere. Hoc idem est de luxuria, quæ desiderare facit diuitias mariti, ut cum illis luxuriari possit Petrus, qui est inuidiosus.

De Luxuria, & Ira.

Luxuria & ira concordantiam, habent contra castitatem, & absti-

mentiam, quoniam luxuria in quantum est contra castitatem, voluntatem Petri luxuriosi mouet ad iram, quando habere non potest mulierem, cum qua luxuriari vult. Et ira in quantum est contra abstinenciam, est causa luxuriæ contra castitatem, quam castitatem Petrus luxuriosus habere non potest in deliberatione voluntatis ratione subitanei motus, qui est contra castitatem.

De Superbia, & Accidia.

Superbia & accidia habent concordantiam, contra humilitatem, & diligentiam. Quoniam in hoc quod superbia est contra humilitatem, est contra diligentiam, quæ cum humilitate acquiritur, & in quantum accidia est contra diligentiam, est contra humilitatem, quæ cum diligentia acquiritur.

De Superbia, & Inuidia.

Superbia & inuidia concordantiam habent contra humilitatem, & charitatem. Quoniam in quantum superbia est contra humilitatem, est contra charitatem, quæ cum humilitate habet concordantiam. Et in quantum inuidia est contra charitatem, est contra humilitatem, quæ cum charitate habet concordantiam.

De Superbia, & Ira.

Superbia & ira concordantiam habent contra humilitatem, & abstinenciam. Quoniam in quantum superbia est contra humilitatem, est contra deliberationem abstinenciæ, quæ in humili voluntate, & patiente habet deliberationem. Et idem est in humili intellectu, & memoria. Et in quantum ira est contra abstinenciam,

est contra humilitatem, quæ acquiritur cum abstinencia contra iram.

De Accidia, & Inuidia.

Accidia & inuidia habent concordantiam contra diligentiam, & charitatem. Quoniam in hoc quod accidia est contra diligentiam, materiam inuidiæ præparat, quod pigritiam desideret Petrus piger ad lucrandum diuitias Martini, per quam pigritiam concupiscit illas diuitias, quas cum labore lucrari non vult. Et in quantum inuidia est contra charitatem, est contra diligentiam lucrandi diuitias.

De Accidia, & Ira.

Accidia & ira concordantiam habent contra diligentiam & abstinenciam. Quoniam in quantum accidia est contra diligentiam, habet concordantiam contra ira, contra abstinenciam, quæ sine diligentia voluntatis & memoriæ, & intellectus haberi non potest. Et in quantum ira est contra abstinenciam, concordantiam habet cum accidia, in quantum pigritiæ præparat materiam, quæ cum priuatione diligentia habet concordantiam.

De Inuidia & Ira.

Inuidia & ira concordantiam habent contra charitatem & abstinenciam. Et in quantum, inuidia est cum charitatem, est contra abstinenciam. Et in quantum ira est cum abstinenciam, est contra charitatem, quæ cum abstinencia lucratur. Dictum est de vitiis principalibus, & alia cum aliis miscuimus, vt per quædam alia cognoscantur. Modo de aliquibus vitiis dicere proponimus, quæ consequentia sunt primorum.

morum. Et primò dicendum est de iniuria.

De vitiis consequentibus. Et primò de Iniuria.

Iniuria est vitium quod est cōtra iustitiam per semetipsam. Et est contra iustitiam, in quantum concordantiam habet cum vitiis, quæ sunt contra iustitiam, sicut cum superbia, quoniam superbum est contradicere iustitiæ, quæ ita alta est per bonitatem, magnitudinem, fortitudinem, & sapientiam, & maximè cum superbia, quæ in se nullam habet bonitatem, imò omnes qui sub suo habitu sunt induti, infimos existere facit. Indiscretio est vitium, quod est contra prudentiam, in quantum est eius priuatio. Et est cōtra prudentiam cum iuuamine pigritiæ & iræ, quoniam per pigritiam sunt homines indiscreti, in quantum nolunt inquirere veritatem rerum. Et per iram offuscatus est eorum, intellectus in tenebris existens, idcirco sunt homines idiotæ, qui habitu prudentiæ uti nesciunt. Debilitas cordis est contra fortitudinem, & ut maior sit contrarietas, est contra fortitudinem cum desperantia, ut homines non sint fortes cum spe, quæ animos hominū fortificat, qui in potestate Dei, & in sua bonitate, & in fidelitate, & in veritate (in quibus sunt) confidentiam habent. Et in hoc passu potest haberi cognitio, quod vitium, quod per seipsum, contra vnā virtutem non potest, habet concordantiam cum aliis vitiis, contra vnā virtutem. Idcirco homines virtuosi, quando plura vitia sunt contra vnā virtutem, cum illa virtute, plures alias virtutes concordant, ut cum illis sint contra plura vitia. Intemperantia est id, quod est contra temperantiam cū

gula, & contra fortitudinem, quam debilitatem fortificat gula, cum primis naturis sensitiuè imaginatis, cum placito sentiendi instantum, quod fortitudo deuincit per suum contrarium, & per iuuamen, quod facit gula debilitati. Idcirco homines sapientes mortificant imaginationes, quæ iuuant placita sentiendi, illa placita obliuiscendo, & placita recolendo, quæ veniunt per virtutes in considerationibus hominum virtuosorum instantum, quod gula iuuare non potest debilitatem, imò per fortitudinem deuincitur. Infidelitas est id, quod est contra fidem, cum falsis similitudinibus, quæ verè videntur secundum cursum naturalem, & cum priuatione recolendi, quæ non recolit opera, quæ Deus facit supra cursum naturalem, ut sua magna potestas, melius recolit intelligi, & amari possit, & quod homines in illo habere possint maiore spem. Idcirco homines sapientes cum sunt tentati, cōtra huius infidelitatem, recolunt illa, quæ Deus fecit, & facit supra cursum naturæ, sicut creare mundum, & primum hominem & miracula quæ fecit, & facit, ut fidem fortificent, & etiam considerant, quod Deus plus habet facere, quàm intellectus eorum intelligere. Desperantia est id, quod est contra spem, contra quam est cum memoria in recolendo magnitudinem peccati, & magnitudinem iustitiæ, & obliuiscendo magnitudinem misericordiæ & pietatis. Idcirco homines sapientes cum cadunt in tali contrarietate, recolunt æqualitatem iustitiæ, & misericordiæ Dei. Idcirco sunt in spe contra desperantiam, & cum timore iustitiæ Dei, cum quo timore ei honorem faciunt, cum humilitate, & cum contritione, & satisfactione. Idcirco iustitia iuuat spem contra desperantiam,

& cum misericordia habet cōcordantiam. Crudelitas est id, quod est contra charitatem, cum auaritia & superbia intantum, quod charitas non potest se tueri contra suum contrarium, quousque se iuuat cum contrariis contrariorum, cum quibus se iuuat crudelitas, quæ sunt humilitas, quæ est contra superbiam, & largitas, quæ est contra auaritiam. Et quia charitas, humilitas, & largitas concordantiam habent cum esse, & superbia, crudelitas & auaritia concordantiam habent, cum non esse, crudelitas, superbia & auaritia non possunt esse contra charitatem, largitatem, & humilitatem. Traditio est id, quod est contra fidelitatem, quam habent homines multis modis, quoniam vnus modus est ille, quem habent homines contra fidelitatem cum luxuria, & alius modus est ille, quem habent contra fidelitatem cum auaritia. Idcirco homines sapientes legales secundum quod modi sunt diuersi legalitatem iuuant. Sicut contra luxuriam iuuant cum castitate, & contra auaritiam cum largitate. Et quando modos ignorant, fidelitas contra traditionem non potest. Sicut qui iuuare vellet cum castitate, fidelitatem contra traditionem, quæ est per auaritiam. Homicidium est illud vitium, quod plures habet modos quàm aliud, quoniam potest esse per inuidiam, per superbiam, iram, luxuriam, & per plura alia vitia. Idcirco homines discreti cum tentantur ad faciendum homicidium, modos considerant, ratione quorum huiusmodi habent tentationem, & iuuant se cum contrariis. Idcirco fuit deceptus semel quidam homo, qui tentationem homicidij mortificare voluit cum timore iustitiæ, & non cum charitate sui proximi, quæ fortior est contra auaritiam, quam ti-

mor contra mortem, & homicidium fecit, quod non fecisset, si se cum charitate iuisset. Latrocinium est vitium, quod est magis per gulam, quam per aliud vitium. Idcirco temperantia est ei plus contraria, quàm aliqua alia virtus. Et idem deceptus fuit quidam homo, qui se iuuare nesciebat in tentatione contra latrocinium, contra cuius vitium se iuuare voluit cum fidelitate, & non cum temperantia, & fecit latrocinium. Mendacium est illud vitium, cuius contraria maximè sunt veritas & verecundia. Idcirco deceptus fuit quidam, qui plus mortificare voluit mendacium cum iustitia, quàm cum veritate & verecundia. Et idem mentiebatur, in quantum dixit falsa verba, & cum mentitus fuit, veritas & verecundia, plus eius conscientiam excitauerunt, quàm iustitia. Idcirco cognouit, quod plus contraria sunt veritas, & verecundia mendacio, quam iustitia tantum. Et propter hoc modum accepit, quod cum mentiri volebat ante veritatē & verecundiā respiciebat, quā iustitiā, vel quā aliam virtutem. Maledictio est illud vitium, cuius contraria sunt maximè, bonitas & charitas. Et idem quidam discretus, cum volebat male dicere, bonitatem & charitatem respiciebat, per quem respectum bonitas, à voluntate priuauit suum contrarium, & charitas similiter, & voluntatem ad benedicendum conuerrebant contra maledictionem, quæ maximè est per malitiam & crudelitatem. Impatientia est vitium, quod est cum superbia, & ira contra patientiam. Et è conuerso, patientia est cum humilitate & abstinentiā contra impatientiam. Idcirco fuit prælum in voluntate, inter patientiam & impatientiam, in qua quidem voluntate vincebat patientia impatientiam,

cum

cum iuamine Dei, qui iuuat humilitatem & abſtinentiam contra ſuperbiam & iram. Cùm ita ſit quòd Deus ſemper virtutes iuuat, & non vitia. Idcirco non eſt verum, quòd quidam homines dicunt, quod leuius eſt vitiis, quàm virtutibus. Veruntamen verum dicunt ſecundùm naturas, quas habent homines per minoritatem, & per radices, ex quibus proceſſerunt, videlicet de non eſſe & de infectione, quã habet ratione originalis peccati. Et falſum dicunt, inquantum leuiora ſunt illa, quæ Deus iuuat, ad faciendum, quàm illa, quæ iuamen non habent à Deo. Et propter hoc homines culpam habent, qui bonum non faciunt, ſed faciunt malum. Inconſtantia eſt vitium, quod eſt contra conſtantiam, cum indiſcretionem & debilitatem animi. Et conſtantia eſt contra inconſtantiam cum prudentia & fortitudine. Et propter hoc accidit ſemel, quod fuit prælium inter conſtantiam & inconſtantiam, in conſcientia cuiusdam hominis & victa fuit conſtantia, quia accidia iuuat indiſcretionem & debilitatem animi, & quia diligentia nimis tardabat. Immundicia eſt vitium, quod eſt contra ſanctitatem cum malitia, & cum magnitudine iniuriæ indiſcretionis, debilitatis, intemperantiæ, incredulitatis, deſperantiæ, & crudelitatis. Et e conuerſo ſanctitas eſt contra immundiciam cum bonitate, & cum magnitudine iuſtiæ, prudentiæ, fortitudinis, temperantiæ, fidei, ſpei, & charitatis. Et idè accidit quòd ſanctitas & immundicia præliabantur in libertate vnius hominis. Sanctitas autem fuit deuicta in hoc, quod venerunt ad iuandum prælium gula, auaritia, luxuria, ſuperbia, accidia, inuidia, & ira. Falſitas eſt vitium, quod eſt contra fidelitatem cum hypocrifi

& ſimonia. Et e conuerſo fidelitas eſt cōtra falſitatem cum veritate. Et propter hoc factum fuit prælium in libera voluntate cuiusdam hominis. Et deuicta fuit falſitas per fidelitatem, quoniam plus poteſt fidelitas cum veritate, quàm falſitas cum hypocrifi & cum ſimonia. Et idè reprehendebatur quidam prælatus propter hypocrifiſm, & ſimoniam qui deuictus fuit per falſitatem, & excuſabat ſe per tentationem hypocrifiſis, & ſimonix. Pigritia eſt contra diligentiam cum uſura. Et e conuerſo diligentia eſt contra pigritiam cum mercimonio. Et propter hoc reprehendebatur quidam uſurarius de uſura quam faciebat, & fuit ſcriptum quòd uſura fuit peccatum, vt pigritia in hominibus non eſſet, per quam homines impedimentum habent ad lucrandum bona, quæ neceſſaria ſunt ad viuendum, quæ lucrantur cum diligentia & mercimonio. Incurialitas eſt contrarium curialitati cum gula, auaritia, & ſuperbia. Et curialitas e conuerſo eſt contra incurialitatem cum verecundia. Et propter hoc factum fuit prælium inter curialitatem, & incurialitatem, & vincebat curialitas, quæ eſt fortior cum verecundia quàm incurialitas cum gula, auaritia, luxuria, & ſuperbia. Oportuit tamen quòd verecundia fuiſſet magna, quoniam vna parua virtus contra plura vitia non poteſt. Idcirco reprehendebatur quidam peccator, qui ſe excuſabat, quia cum tentatione plurimum vitiſſimum errauerat, nec iuamen habuit niſi ab vna virtute, quæ deuicta fuit, quia parua erat & victoriam habuiſſet ſi magna fuiſſet. Inobedientia eſt contrarium obedientiæ, & in quodam viro religioſo adinuicem præliabantur. Obedientia verò fuit munita de patientia, abſtinentia, &

humilitate. Et inobedientia munita erat de impatientia, ira, & superbia. Et fuit deuicta obedientia, quia ira priuauit habitum prudentiæ, per cuius priuationem deuicta fuit obedientia, quia si prudentia in illo prælio fuisset, obedientia deliberationem habuisset ad considerandum patientiam, abstinentiam, & humilitatem.

De Ramis vitiorum.

RAMI gulæ sunt de actiua appetiuitate, & passiuæ appetibilitate, & de medio amborum quod est appetere. Et ista sunt eius tria membra principalia, in quibus fit generatio sui habitus, & priuatio habitus temperantiæ, qui in ramis corrumpitur, in quibus fit renouatio plurimum peccatorum existentium sub habitu gulæ sustentato in habitibus suorum ramorum, & membrorum. Ramos auaritiæ & cæterorum vitiorum potest homo considerare secundum hoc quod de ramis gulæ dictum est, & secundum hoc quod diximus de ramis cæterarum arborum. Et quia prolixitatem euitamus, intellectui qui est in hac scientia exercitatus cognitionem quæ de ramis cæterorum vitiorum haberi potest commendamus.

De Foliis vitiorum.

FOLIA vitiorum sunt similitudines accidentium realium, quæ similitudines sunt contra similitudines accidentium realium, quæ indutæ sunt de virtutibus. Et quia ista folia grauius sunt ad intelligendum, vt de illis cognitionem d. mus clarè, de quolibet tractare proponimus.

De Quantitate vitij.

VITIJUM est sub quantitate terminatum, quoniam si terminatum non esset per quantitatem, omnia vitia essent æqualia, & essent ita magna in principio sicut in medio & in fine, nec esset differentia inter peccatum veniale, & mortale, quod est impossibile. Est ergo vitium per quantitatem terminatum, & quantitas est similitudo extensa & continua per naturam arboris elementalis, vegetalis, sensualis, imaginæ, & rationalis. Et est discretæ, in quantum distinctio arborum: sicut Petrus luxuriosus, qui cum imaginatur placita luxuriæ, crescit caro quæ est instrumentum. Et in illo cremento ignis ponit calorem & extensionem longi, lati, & profundi. Et vegetatiua ponit delectationem quanto maior est imaginatio. Et sensitiua in illo ponit sentire. Et imaginatiua, imaginari, & voluntas desiderare, & memoria recolere, & intellectus, intelligere. Et quælibet istarum potentialium multiplicat suum actum & operationem in illo motu & cremento. Idcirco oportet de necessitate quod habitus luxuriæ sit ratio operationum cum quantitate. Quæ quantitas videri non potest, nec tangi, quia est similitudo motus carnalis, & non est de essentia illius, sed est eius figura accidentalis. Sicut est figura quadrangularis hominis similitudo formæ illius. Et hæc similitudo quantitatis, quæ est per habitum luxuriæ, venit de potentia in actum per agens, qui ipsam trahit de dispositione materiæ (in qua stat in potentia) per agens naturale & per suam naturam. Sicut clauus qui est in potentia in massa ferri per dispositionem ferri & per potentiam fabri,

fabri, qui ex massa trahit figuram clauui, qui est quantus. Tamen in tantum est differentia, quoniam figura clauui est creatura, in quantum posita est in dispositione ferri, & non est creatura, in quantum est posita per agens artificiale. Quantitas luxuriæ non est creatura in potentia hominis luxuriosi, & motus carnalis extensus & indutus de habitu luxuriæ. Per imaginatiuam, sensitiuam, vegetatiuam, & per elementatiuam potentiam, est naturalis, & est creatura eius quantitas. Et in hoc passu potest cognitio haberi, quod quantitas luxuriæ est ex parte rationalis, & non ex parte subiecti corporalis. Et ideo animalia bruta luxuriam non habent, quia ratione carent.

De Qualitate vitij.

Auaritia Petri qualis est per malitiam, & est qualis per magnitudinem, & sic de alijs formis. Et qualitas est similitudo & impressio habitus avaritiæ, de quo habitu est induta eius voluntas, quæ illum multiplicat. Sicut interius qui multiplicat speciem fantasticam, sub specie qualitatis in quantum obiectum quale intelligit, & idem facit memoria. Et sic habitus avaritiæ est sustentatus per qualitatem actuum omnium trium potentiarum quæ mouent imaginatiuam ad imaginandum res motas ad essendum subiecta avaritiæ.

De Relatione vitij.

Relatio vitij est: sicut si est gula, oportet quod si gulosus, sine quo gula esse non posset, & è conuerso. Et est etiam relatio in branchis huius arboris, secundum quod est significatum

in ramis. Sicut voluntas qui comedere desiderat contra temperantiam, in quo desiderio est relatio inter potentiam quæ desiderat, & rem desideratam. Et hæc relatio est habitus de gula indutus, quæ expoliatur voluntatem habitus temperantiæ, in quantum trahit relationem, de qua temperantia est vestita.

De Actione, & Passione vitij.

In vitio sunt actio & passio: sicut in ira, quoniam voluntas est potentia actiua, quæ mouet elementatiuam ad calorem, quod calefaciat cum imaginatiua vegetatiuam, & sensitiuam, in tantum quod homo iratus passionem sentit per sensitiuam, & voluntas tristitiam habet per passionem. Et in hoc passu cognoscitur, quod voluntas materiam habet propriam & naturalem, substantialem suæ formæ essentiali, quæ ipsam mouet ad tristitiam, & passionem cum vegetatiua, sensitua, imaginatiua, & elementatiua, quæ sunt ei instrumenta ad illum motum actionis & passionis, quoniam cum illa sunt coniuncta. Idcirco cognosci potest, quod voluntas irata & tristis, in quantum forma habet in potentia, quod trahat de sua materia disposita ad peccatum habitum iræ, qui induit actum iræ, quæ exit de materia voluntatis, in qua actus erat dispositus, priusquam ab ipsa exiret.

De Habitu vitij.

Habitum vitij est: sicut superbia, & accidia, & cætera vitia. Qui siquidem habitus est forma accidentalis & dissimilitudo habitus virtutis. Sicut superbia quæ est dissimilitudo habitus virtutis humilitatis, & infidelitas,

litas, quæ est dissimilitudo habitus fidei. Et habitus superbiæ exit in actu per formam voluntatis, quæ vult exaltare vilia supra nobilia contra iustitiam & charitatem, & per materiam, in quantum illa exaltatio est amabilis contra iustitiam, & charitatem. Et in hoc passu cognoscitur, quod habitus superbus venit de iniusta amatiuitate, & amabilitate, quæ nascuntur in habitu superbiæ de reali amatiuitate, & amabilitate. Sicut similitudines oculorum, nasi, oris, & aliarum partium faciei in speculo disposito ad recipiendum illas similitudines, quas imprimunt in illo reales partes faciei: sicut sigillum quod imprimit literas suas in cera quæ sunt similitudines in cera literarum, quæ sunt in sigillo. Et in hoc passu cognoscitur, quomodo entia realia multiplicant suas similitudines in aliis substantiis, quæ non sunt de eorum essentia: sicut in cera, quæ non est de essentia sigilli. Multiplicant ergo iniusta amatiuitas, & amabilitas (quæ sunt partes reales voluntatis) earum similitudines, in dissimilitudines iustitiæ quæ irascuntur & existunt in iniuria indutæ de superbia. Quia voluntas vult quod entia nobilia sint subdita vilibus, siue minus nobilibus.

De Situ vitij.

Sicut situs est ratio, quod vna similitudo sit assituata in alia sub habitu virtutis, sic est ratio, quod vna similitudo sit assituata in alia sub habitu vitij. Sicut in habitu accidiæ, in quo voluntas est pigra ad faciendum bonum, & desiderat mala, cui desiderio est sollicita. Et sic sua operatio assituata est de pigritia contra bonitatem, & de diligentia in tractando malum. Et idē

est de intellectu, & memoria, quæ in habitu accidiæ suas habent operationes assituatas, de similitudinibus bonitatis, magnitudinis, & aliarum. Et in hoc passu cognoscitur, quomodo habitus vitij assituatus est vitiosa assituatione, quæ ex habitu vitioso est induta, vno vitio exeunte in alio, scilicet habitu vitioso in vitiosa assituatione, & vitiosa assituatione in habitu vitioso. Et in hoc passu potest haberi cognitio de magna Philosophia morali.

De Tempore vitij.

Tempus in quantum est ens reale, non est sub habitu vitioso, sed in quantum sunt in illo habitus vitiosi, significant similitudines temporis. Sicut in vno tempore Petrus inuidiosus desiderare potest mulierem sui vicini, & in alio tempore suam vineam, & in alio tempore suum equum, & sic tempus est obiectum habitui inuidiæ generale, ad plura particularia, in diuersis temporibus existentia, non quod tempus sit vniuersum in se sed est, subiectum dispositum ad diuersa opera, quæ Petrus in vno tempore operari non potest. Sicut vegetatiua quæ in vno eodem tempore complexionate non potest speciem vix siue racemi in complexione calida & sicca, & frigida & sicca. Et in hoc passu habetur cognitio, quod inuidia, & sic de cæteris habitibus peccati, non sunt decentia temporis, sed tempus est instrumentum illorum in quantum possunt esse in alio sustentati, quia plura possunt esse in diuersis temporibus.

De Loco Vitij.

Vitium est in loco duobus modis: vnus est quando est in illis naturaliter,

raliter, sicut homo contractus, cæcus, aut surdus, & sic de cæteris vitiis, naturalibus, quæ non sunt in habitu peccati ex parte animæ rationalis. Alius modus est ex parte animæ rationalis, sicut habitus traditionis, aut prodicionis aut impatientiæ, qui est loco spiritali videlicet in voluntate impatienti, & quæ diligit traditionem. Et iste locus non est corporalis, sed est spiritalis, & de habitu vitioso indutus, & in loco collocatus, videlicet in mala volūtate: mala, quia vult malū, & nō bona, quia non vult bonū, & idē est de intellectu & memoria. Et quia istæ tres potentiæ sunt loca, in quibus sunt habitus vitiosi, & ipsæ sunt in corpore cum anima coniuncto, quæ siquidem anima est ex tribus potentiis spiritalibus, sunt habitus vitiosi, accidentaliter in loco corporali, videlicet in corpore humano, quod est habituatū, de habitu vitioso accidentaliter, quia est collocatum in anima in qua totum extensū est. Et in hoc passu datur cognitio, quomodo corpus peccat accidentaliter, inquantum de peccato est habituatū accidentaliter per habitus vitiosos, in quibus sunt tres potentiæ animæ. Et idē est significata resurrectio, ut corpus Petri, quod moritur in mortali peccato, habeat poenam pro eo, quod sterit, vel fuit instrumentum animæ ad peccandum cum illo coniunctæ. Secundum quod dedimus exemplum de accidentibus vitiosis in vitiis moralibus antedictis, haberi potest cognitio de accidentibus venialium peccatorum, veluti quantitas vitiosa volūtatis gulosi, qui se mouet ad desiderandum carnales delectationes, & in principio resistit illi appetitui, inquantum quod quantitas non extenditur in medio, neque venit in successione, quod ad finem veniat, & est sicut

punctus, qui dispositus est, quod ex illo, & ex alio fiat linea, & quando ei deficit alius punctus, non exit in actu linea, similimodo principium appetitus carnalis fuit sub habitu luxuriæ principiatum, & quia se non extendit, & ratio, & castitas extensionem, & secundum punctum impediuerunt, ad quem punctum ratio noluit consentire, & odit principium primi puncti, qui fuit peccatum veniale in principio, tantummodò sustentatum, & in vno puncto, qui fuit destructus per aliud principium ei contrarium, & in habitu castitatis natum, & cum pluribus punctis extensis per medium, à principio vsque ad finem. Et in hoc passu datur cognitio, quod est peccatum veniale, ex quo de malo exit bonum, non tamen existens de essentia mali, nec è conuerso malum de essentia boni.

De Floribus vitiorum.

Flores vitiorum sunt culpæ, quæ sunt habitus peccati. Sicut voluntas quæ peccat, inquantum vult esse sub habitu gulæ, aut auaritiæ, aut luxuriæ, & sic de aliis peccatis. Et flores sunt culpæ inquantum voluntas culpā habet, quando se induit de habitibus vitiosis, ex quo se induere potest de habitibus virtutis. Vnde sicut ex calefacere, sequitur calefactum, sic per culpam, siue cum culpa sequitur peccatum quod est fructus malus, qui est priuatio boni fructus. Idcirco peccare est flos malus, qui est opus peccati, sicut calefacere, quod est opus calefacientis & calefactibilis, inquantum potentia actiua, quæ est forma ignis calorem mouet, qui per formam est actiuus, & inquantum est calor mortis, est forma passiuā à materia mota per actiuam: similimodo in peccare est ho-

mo agens, qui voluntatem mouet ad peccandum. Et idem est de intellectu, & memoria, & forma voluntatis, quæ est amariuitas, quæ suam materiam, quæ est amabilitas mouet ad peccandum. Et ira peccare est flos agentis & patientis, à quo flore nascitur, & exit peccatum in voluntate sustentatum, & in pluribus habitibus extensum, ex quibus voluntas est induta, videlicet suum amare quod est indutum, ex pluribus modis peccandi.

De Fructu viciorum.



Ructus peccati est duobus modis. Vnus est consequentia culpæ, videlicet pœna, quam iustitia Dei facit, qui punit homines peccatores eis dando pœnam malam contra bonitatem, & magnam contra magnitudinem realem, & durabilem contra durationem realem, & sic de aliis formis realibus, de quibus homo constitutus est, contra quas dat pœnas in contrarietate formarum realium, & accidentalium, secundum quod peccata sunt magna, aut parua, & diuersa: sicut propter peccatum corporale, dat pœnam corporalem, & propter spirituale peccatum, pœnam dat spiritua-lem. Sicut propter peccatum luxuriæ, dat calorem ignis, & priuationem finis voluntatis: & propter peccatum gulæ, quæ diligit sapida & saporosa, dat insapida in arbore vegetali & sensuali, & in imaginatione, quæ imaginatur magnam quantitatem pœnæ, & in rationali, quæ illam pœnam intelligit esse æternam, & intelligit, quod perdidit æternaliter finem, propter quem fuit creatus, qui siquidem finis est vacuus sui principij, & medij quæ naturaliter se habent ad illum finem, quem intellectus perdidit, & idem de

memoria & voluntate. Et in hoc passu datur cognitio, quomodo pœna spiritualis est magna, & maior quam corporalis. Secundus modus fructus est magis principalis quam primus. Et est bonum, quod pœna sequatur propter peccatum, quæ est instrumentum, cum quo Deus punit peccatores & peccata illorum: & pœnæ quas habent sunt instrumenta, per quæ merita iustorum melius cognoscantur, & gloria quam Deus eis corporaliter & spiritualiter largitur. Quare sicut peccatum veniale est aliqualis preparatio per quam se mouet homo iustus ad vtendum virtute per excitationem, quam facit peccatum veniale, quod virtutem excitat à suo contrario: sicut aqua in furno, quæ excitat carbones ad maiorem calorem, sic pœna peccatorum & eorum culpa est aliqualis dispositio & exemplar ad excitandum intellectum iusti ad cognoscendum melius gratiam Dei, misericordiam, iustitiam, & suam gloriam, quam à Deo accipit. Veruntamen non dicimus quod Deus sit occasio peccati: sicut nec iniuria hominis iniuriosi, quæ non est occasio bonæ iustitiæ Principis, quod si esset, sequeretur: quod vnum contrarium esset occasio sui contrarij, quod est impossibile. Diximus de arbore morali, & illam scire est multum vtile, & in illis qui prædicant, est multum bona sequendo suum processum, & est bona illis, qui audiunt eorum sermones, quoniam secundum dispositionem arboris datur cognitio de moralitatibus, videlicet quid sunt, & vnde veniunt, & in quo stant, & quomodo virtutes haberi possunt & multiplicari, & quomodo vitia possunt destrui.

De Arbore Imperiali.

S V M M A R I V M.



ARBOR imperialis versatur circa regimen rei-publicae. Et diuiditur in septem partes vt aliae

arbores, videlicet in radices, truncum, branchas, ramos, folia, flores, & fructus.

Radices sunt principia generalia huius artis.

Truncus est commune regimen siue imperator.


Branchae sunt barones & officiales, &c.

Rami sunt virtutes, quae debent esse in principe.

Folia sunt accidentia, &c.

Flores sunt iudicia principis & suorum officialium.

Fructus est pax gentium.



De Arbore Imperiali.



ARBOR ista in septem partes est diuisa, videlicet in radices, truncum, branchas, ramos, folia, flores, & fructum. Item in duas partes diuiditur. Prima pars concordat cum prima parte arboris moralis, & est similitudo & impressio illius partis, sicut litteræ quæ sunt in

cera, sunt similitudines litterarum quæ sunt in sigillo. Idcirco in hac parte radices primæ partis arboris moralis, respõdere debent primis radicibus istius arboris, & truncus trunco, & hoc per ordinem vsque ad fructum. Et de hac prima parte huius arboris loqui intendimus, & exempla dare, & per illam intelligi potest secunda pars quæ est, vt cum prima parte huius arboris sit Imperator, siue Princeps contrarius secundæ partis huius arboris moralis. Et de

de hac secunda parte huius arboris nõ oportet dare exempla, quoniã per hoc quod de prima parte dicemus, & per ea quæ diximus de secunda parte arboris moralis, potest haberi de ipsa cognitio & modus ad regendum in pace & populum, & regnum.

De Radicibus arboris Imperialis.

RAdices arboris Imperialis sunt bonitates, magnitudines, durationes, potestates, sapientiæ, voluntates, virtutes, veritates, delectationes, concordantiæ, principia, media, fines, maioritates, æqualitates, & minoritates, quæ cõcordant in vna communitate vnus bonitatis, vnus magnitudinis, vnus durationis, vnus potestatis, & sic per ordinẽ, vsque ad minoritatem. Quæ si quidem bonitas sit vnus personæ cõmunis, idem de magnitudine & cæteris, illa persona vocata hoc nomine, quod est Imperator, vel Princeps Bonitas Petri, & bonitas Martini, radicis generalis, & sic de aliis, se tradit habitui bonitatis Principis, aut Imperatoris, vt ipsas tali modo regat, quod bonitates extra accidentales concordantiam habeant cum bonitatibus, quæ sunt intra naturales & corporales. Et idem est de magnitudine Petri Martini, & sic de aliis. Ideirco Imperator & Princeps est imago Dei in terra, ad regendum bonitates morales, rerum corporalium populi, & magnitudines & durationes & alias quæ ad suum populum spectant. Et in hoc passu datur de honore, qui Principi conuenit, & de magno merito quod expectat, si sit bonus, & de seruitute, in qua Deus ipsum posuit ad regendum, cum vna sua bonitate, plures bonitates, & cum vna magnitudine, plures magnitudi-

nes, & cum vna potestate, plures potestates, & cum vna voluntate, plures voluntates. Sicut vnus pastor est obligatus, ad regendum plures oues, Princeps obligatus est cum sua bonitate ad regendum plures bonitates, & propter hoc sua bonitas est in seruitute, ratione cuius debet esse humilis, contra superbiam. Et quia sua bonitas principalis, & communis est de pluribus bonitatibus particularibus, generalis est sua bonitas libera, ratione cuius libertatis & generalitatis se custodire debet, ne declinet de bono ad malum, & ne concordantiam habeat, cum secunda parte arboris moralis. Et si declinet ad malum, & cum secunda parte arboris moralis habeat concordantiam, cadit de pluribus gradibus superioribus, ad plures gradus inferiores, & iniuriam facit, & peccatum pluribus bonitatibus particularibus, quæ suam bonitatem elegerunt, quam Princeps in vitium & malitiam peruertit. Cuius vitium ita est supra bonitates particulares sui populi, sicut vitium, quod est supra virtutem. Et in hoc passu haberi potest cognitio, quomodo defectus Principis mali, est magnus & grauis, & quantum est materia magna, & grauis mali exempli, & occasio iustitiæ Dei, quod puniat eum in perpetuis tormentis. Vitium ita magnam concordantiam habet, cum paruitate & minoritate, quod sibi nulla entitas realis conuenit, vt in totam concordantiam habeat cum non esse & quod eius contrarium, quod est virtus, habeat concordantiam cum magnitudine & cum esse. Et in hoc passu cognoscitur, quomodo defectus Principis, siue delictum est magnus & grauis, in tantum quod eius vitium nullam habet entitatem realem, nec concordantiam, cum aliqua realitate. Et cum par-

uitate & minoritate habet ita magnam concordantiam, quod omnibus modis concordat cum priuatione & non esse, & est supra tantas bonitates magnas & reales, & supra tantas durationes bonas & magnas & reales, & facit durationem vitij esse, & potestatem supra tot, & tantas potestates. Item facit stultitiam, siue ignorantiam illius esse, supra tot, & tantas sapientias, & odibilitatem illius, supra tot, & tantas amabilitates. Et sic de vitio, quod est supra virtutem, & de falsitate, quæ est supra veritatem, & sic de vacuitate, quæ est supra fines, & sic de aliis. Et hoc est sicut, si venenum esset insertum in tyriaca, & tenebræ in luce, & pœna in quiete. Et sic de cæteris formis insertis in bonitatibus illis contrariis, de quibus malè formæ attrahunt, & peruertunt naturam illarum bonitatum in malis moribus. Vnde cum hoc ita sit, est magnum mirabile quod aliquis homo velit esse Princeps, cum in ita graui casu possit deuenire.

De Trunco arboris Imperialis.



Runcus arboris imperialis est confusus, id est, commune regimen quod significat communem personam Principis, in quo siquidem communi regimine sunt disposita, & in potentia particularia regimina hominū existentium in castellis & villis, ciuitatibus, quæ regimina veniunt in actu per Principē, si sua utatur generali bonitate, sua generali magnitudine, & sic de aliis formis communibus multiplicatis ex radicibus, arboris; quæ sicut faber generalis est cum suo martello generali, ad trahendum de massa ferri, quæ generalis est ad plures figuras particulares:

videlicet ad figuram cultelli, gladij, & clauis: sic princeps qui bonus est, trahit in actu cum suis formis generalibus, hoc quod dispositum est ad regimen trunci generalis & materiæ omniū illorum regiminum particularium. Et quando Princeps est malus, est eius truncus communis, ad ducendum in actu vacuitates finium bonarum, quæ ei sunt supra: sicut ille qui illos vacuos facit, inquantum ipsos à fine deuuiat, propter quem sunt: sicut qui vacuaret à bonificatiuitate, & bonificabilitate, bonificare, & à magnificatiuitate & magnificabilitate, magnificare, vt non sit bonificatum, & magnificatum, & quod ipsas impleret malificare, & paruificare, vt sit malificatum, & paruificatum. Bonus Princeps, qui est communis truncus, ad plures truncos particulares, quando fines formarum implet qui sunt sub eo: implet suum finem de finibus formarum, qui sunt sub eo, sicut qui implet vnam bonitatem, pluribus bonitatibus, & vnā magnitudinē, pluribus magnitudinibus. Idcirco huiusmodi Principi ita pleno, plures honores conueniunt & amores. Et si Princeps vacuet cum vna malitia plures bonitates, & cum vna paruitate plures magnitudines, vanitatem illius Principis nullus cogitare, vel dicere posset. Et in hoc passu datur cognitio: quomodo bonus Princeps obiectum est ad plures amariuitates, vt per multos sit amatus, honoratus, & laudatus. Et quomodo malus Princeps est obiectum plurium odibilitatum: & quomodo per suas gentes sit oditus, maledictus, inhonoratus & inobeditus.

De Branchis arboris Imperialis.

Branchæ arboris Imperialis sunt decē. Prima est Barones, sicut sunt Comites,

Comites, Duces, Marchiones, & Vicecomites. Secunda est, sicut sunt Milites vnus scuti. Tertia est, sicut sunt Burghenses. Quarta est, sicut sunt Consiliarij siue Consiliarij. Quinta est, sicut sunt Procuratores. Sexta est, sicut sunt Iudices. Septima est, sicut sunt Aduocati. Octaua est, sicut sunt Sargiones & Nuncij. Nona est, sicut est Confessor discretus. Decima est, sicut sunt Inquisitores. Omnes istę branchę debent esse habituatae & indutę primis branchis arboris moralis.

De Baronibus.

BArones Principi conueniunt, vt ipsum iuuent ad regnandum & possidendum suam nobilitatē, quoniam in nobilitate Baronum conseruatur nobilitas Principis: sicut plura particularia, quę suum vniuersale cōseruant. Idcirco illi Principes malefaciunt, qui sunt contra nobilitates suorum Baronum, quoniam destruendo eorū nobilitates, destrunt suas nobilitates. Quoniam magis est nobile Principi, quod sub se habeat Barones, quā quod non habeat, sicut substantia, quę est genus magis supra quā corpus, quę quidem substantia tantum non esset supra: si corpus esset species, & quod non posset esse genus. Sunt adhuc Principi Barones necessarii in bello, vt plura vexilla habere possit pluribus hominibus ordinatis, sub quolibet vexillo; & quolibet vexillo ordinato, sub vexillo maiori Principis. Quoniam si Barones non essent, non oporteret quod in bello esset plus vno vexillo, & Princeps haberet satisfacere ordinationi, & regimini suorum militum & sui populi, quod quidem regimen consulum esset, oportet, quoniam sua sapientia iussicere non

posset ad regendum tot particularia regimina, & posset in bello perdere suam vtilitatem & honorem. Sicut Principi sunt Barones necessarii, sic Princeps Baronibus est necessarius, vt Princeps eos iuuet & defendat in suis necessitatibus. Quoniam quilibet Baro fortior est per suum Principem contra alium Baronem, qui ei vult iniuriari. Idcirco illi Barones malefaciunt, qui sunt contra suum Principem; & qui querunt ab illo priuilegia & libertates, per quę potestatem habeant & honorem contra potestatem & honorem Principis. Et in hoc passu cognoscitur, quod secundum ordinationem vnitatis & pluralitatis oporteret quod esset vnus Imperator tantummodò in mūdo, ita supra multos Reges & Principes, sicut est vnus Papa supra multos praelatos. Sed quia Imperator non est illa potestate, q̄ esse solebat, videlicet quando Imperatores Romani regnabant, deuentum est ad æqualitatem, quę est inter Principē, & Principem, & vnā ciuitatem & aliam, & imperium est diuisum in plures partes, & in plures communitates ciuitatum. Et ideo sunt guerrę & labores in mundo, & non est vtilis potestas in mundo, quę iuuet ad mortificandum illos labores, qui sunt per guerras & malos homines. Et hoc est, quia vtilitates speciales plus diliguntur quā publicę.

De Militibus.

Milites sunt necessarii ad regimen Principis, quoniam per equos habent homines prerogatiuam, quod sint magis fortes, quā alij, qui equos non habent, & per equos honores maiores eis debentur, & etiam propter honorem antiquitus militię impositum. Idcirco quanto milites plus habent

bent de potestate & honore, tanto magis sunt conueniētes, siue opportuni ad regimen Principis, & tardius vituperium facerent & illicita. Quoniam honor naturaliter homines facit esse supra, & vilitas inferius secundum moralitatem, & idēd est honor gradatus ita quōd melius conuenit militibus quā burgensibus, & burgensibus quā mercatoribus, & mercatoribus quā populo, in quo nullus est gradus superior, neque inferior, in quantum populares in artibus mechanicis sunt necessarij, castro, villę, & ciuitatis. Idcirco Princeps ille malefacit, qui honorem antiquum militię non obseruat, in quantum aliquos milites facit, qui non sunt digni, & illi similiter qui sunt dedecus militię faciunt.

De Burgensibus.

Burgenses sunt homines, qui regere debent ciuitates, & tenere siue conseruare sua priuilegia. Idcirco burgenses excusationem habēt, quōd alia officia non habeant, videlicet quod non sint milites, neque mercatores, nec quōd vtantur artibus mechanicis, qui sunt necessarij Principi, vt custodes sint consuetudinum ciuitatis, & quōd per illos ordinentur mechanici. Et idēd burgensibus aliquis honor debetur, qui mercatoribus non debetur, quia generale habent officium, per quos honores equos habere debent, & debent esse diuites tali modo, quod de suis redditibus viuere possint, & eorum officium sustinere.

De Consilio.

Principi conuenit bonum consilium bonarum personarum, & in suo consilio debent esse Barones, mili-

tes, burgenses, mercatores, & aliqui homines, qui sint de populo, & etiam illum esse oportet, qui sit suus confessor. Barones ibi debent esse, quoniam partes sunt regiminis, & idēd de militibus, burgensibus, & hominibus populi, qui sciunt statum populi & ciuitatis. Et idēd est de Confessore Principis, vt Princeps ipsum timeat in consilio, & quod Confessor ipsum reprehendat, si contra suum bonum consilium faciat. Sicut bonitas populi se tradit bonitati Principis, & potestas populi potestati Principis, & idēd de sapientia, voluntate, & ceteris formis, de quibus in radicibus huius arboris, dictum est, ita Princeps se tradit suo consilio, & ei tradit bonitatem generalem, & ceteras formas, quę sibi à suo populo sunt commissę. Et idēd est multum Principi necessarium habere per bonitatem bonum consilium, & per magnitudinem magnum, & per duracionē durabile, & per potestatem potens, & per sapientiā sapiēs, & per charitatē, charitatum, & per virtutem virtuosum, & per veritatem verum, & per finem completum. Et huiusmodi consilium facit bonum Principem, per bonum regimen. Et contrarium facit malos Principes, & mala regimina. Et idēd Princeps sapius perdit suū principatum, & sui stant in ira & tristitia, & in periculo perdendi alium principatum æternalem. Quare illi Principes malefaciunt, qui de suo consilio homines nobiles eiciunt, sapientes & potentes, & virtuosos, & se submittunt vili consilio prauo, & vacuo formis, de quibus dictum est. Quod siquidem vile consilium est infirmitas regni, & tenebrę illius, & mala fama Principis, & labor populi ita tribulati: sicut oues quę tribulantur per lupos, quando pastorem non habent.

De Procuratoribus.

PPrincipi procuratores sunt necessarii, sicut sunt Balliui, Vicarii, & Castellani, qui eius redditus congregant, & alij procuratores similes istis, quos procuratores Princeps habere dicitur, qui sint induti habitibus virtutum contra vitia. Quoniam per malos procuratores Principes suas terras perdunt & suos denarios, & suum officium est confusum in illis. Et ideo malefaciunt illi homines, qui volunt esse procuratores magis propter eorum utilitatē, q̃ propter utilitatē Principis, quoniam sunt contra publicam utilitatem. Et Princeps malefacit, quoniam facit illos procuratores, qui illum quærunt de officio: sicut Papa malefaceret, si consentiret, quod aliquis eligeretur in prælatum, vel personam publicam: si quæreret illud, vel huiusmodi officium, vel faceret simoniam: ut huiusmodi officium habere posset.

De Iudicibus.

Iudices sunt necessarii Principi ad faciendum iudicia. Qui siquidem iudices sapientes esse debent, & salarium à Principe recipere debent, ut libertatem maiorem habeant ad dandū verum iudiciū, per veritatem, & bonum per bonitatem, & virtuosum per virtutem, & sic de aliis formis. Quam libertatem ita bene habere non possunt, si ab aliis salarium accipiant. Et ideo male faciunt Principes, qui sustinent quod iudices accipiant aliquod salarium ab aliis, sed quod ipsi eis largiantur tantum, quod ipsi iudices possint vivere honorabiliter, secundum quod officio conuenit. Quoniam sicut Princeps Deum in terra significat te-

nendo homines in pace: ita iudex in suo iudicio Principem significat, quia honor iudicis, est honor Principis, & vilitas iudicis, est dedecus & mala fama Principis.

De Advocatis.

Aduocati sunt Principi necessarii, qui sint boni, fideles, & sapientes, & quod in qualibet ciuitate aduocatos habeat, & per principem cōductos, & quod prohibeatur eis ne salarium agentibus accipiant, ut sint magis fideles, & quod lites nō prorogent, nec quod faciāt litigantes expēdere, & huiusmodi aduocati sunt Principi, valde necessarii: ideo malefaciunt Principes, qui huiusmodi aduocatos non habent. Sed ad hoc respondit monachus, & dixit, quod nimis Principi constarent illi aduocati. Cui respondit Raym, quod Princeps tenetur tales habere, quia omnia quæ ad bonum iudiciū spectant, sunt instrumenta Principis, qui est iudex generalis: sicut martellus, forfices & incus spectant ad fabrum, ut bene clauum faciat, & quod clauum citò faciat, vel sequatur finis in illo tempore, quod sibi conuenit.

De Sagionibus siue Nunciis.

Sagiones sunt Principi necessarii, ut per illos capiantur illi qui accusati sunt, & puniantur qui culpam habent, & quod sint nuncij procuratorum & iudicum. Qui siquidem sagiones, vel nuncij salarium à Principe tantum accipiant, ut veraciores sint, & meliores in eorum officio. Et in hoc passu considerare potest Princeps, quod non decet quod sit superbus, quoniam quilibet sagio, siue nuncius, suam significat personam, cum ita sit,

quodd Princeps sit , vt puniat illos qui malefaciunt , & statuit sagiones , officium quorum non est de nobilibus rebus.

De Inquisitoribus.

Inquisitores sunt Principi necessarii, qui inquirent , si iudices & procuratores, aduocati, & sagiones aliqua fecerint contra Principem, vel contra suas gentes. Et illi inquisitores debent esse boni, & sapientes, & diuites, & quodd sint in tribus modis, videlicet quodd sint de maioribus mediocribus & de populo, vt melius scire possint veritatem, & quodd maiores inquisitionem faciant per seipsos de omnibus, & idem est de mediocribus, & minoribus. Et iste modus est necessarius, vt iudices maiorem habeant timorem, & alij officiales Principis. Qui quidem Princeps punire debet suos officiales, si ipsos inueniat in defectu, vel in delicto. Quoniam Princeps qui vni parcat officiali, plures facit iniurias pluribus hominibus, quæ iniuriæ sunt contra suum officium, de quibus rationem reddere, Deo ipsum oportet, qui non semper parcat, & indulget.

De Confessore.

Prinicipi est necessarius, bonus, & discretus confessor, qui sit religiosus, vt sit fortius à mundo elongatus, & ad illum homines veniant, si Princeps in aliquibus manifestè facit contra iustitiam, qui quidem conscientiam dicitur facere Principi, & inquirere dicitur, si Princeps aliquid iniuste faciat, contra suum populum. Quoniam sicut Princeps inquisitores habere debet contra suos officiales, sic debet

habere inquisitorem contra seipsum, & talis inquisitor est valde Principi necessarius, & suis gentibus.

De Ramis arboris Imperialis.

Ram arboris imperialis significantur in ramis arborum, & maxime in ramis primæ partis arboris morales quas habere debent contra ramos qui sunt in secundâ parte illius arboris. Et etiam ad Principem spectat habere inter alia, sex ramos, videlicet, iustitiam, amorem, timorem, sapientiam, potestatem, honorem, & libertatem. Quoniam sine istis ramis Princeps habere non potest bonos flores, nec bona folia, nec de ipso fructus bonus colligi potest.

De Iustitia Principis.

Iustitia est ramus generalis in Principe ad plures bonas iustitias & magnas, durabiles & potentes. Et ideo oportet, qd iustitia Principis sit bona, & magna, & potens. Et eius bonitas & magnitudo significantur in branchis arboris morales. Quæ siquidem significatio est Principi necessaria ad sciendum, quomodo se habeat sua iustitia cum prudentia, fortitudine, & alijs virtutibus. Et sicut iustitia est ramus, quem Principem habere oportet, in quantum est generalis, ita oportet quodd sit ramus in suis subditis, vt concordantia sit inter iustitiam generalem, & iustitias particulares.

De Amore Principis.

Amor est ramus, qui conuenit Principi & suis subditis. De quo amore potest haberi cognitio secundum tractatum de charitate in arbore morali.

rali. Et amor conuenit Principi, vt suum populum diligit, & quòd sit à suo populo dilectus, quoniam amor & amatus habent concordantiam. Idcirco Princeps suum populum nutrire dicitur fortius ad amandum quàm ad timendum, cum ita sit, quòd amare sit nobilius quàm timere, quia plura sustinet homo per amorem, quàm per timorem non sustineret. Idcirco illi Principes malefaciunt, qui vim non faciunt, an sint amati vel non sint amati, sed volunt, quòd homines ipsos timeant. Qui siquidem timor bonus esse non potest sine amore, nec diu durare potest, cum ita sit, quod timor sine amore magnam dat passionem animis hominum. Quæ siquidem passio facit considerare plura contra Principem de quibus odium nutrit contra amorem, & iniuriam contra iustitiam, & traditionem contra fidelitatem, & sic de aliis, quæ veniunt per timorem sine amore. Et nutrimentum amoris sit eum amabilitatibus amabiliū: sicut cum iustitia quæ est amabilis naturaliter cum humilitate, honestate, & cæteris formis, de quibus dictum est in prima parte arboris moralis. Et nutrimentum odij sit per contrarium quod est de formis odibilibus, de quibus dictum est in secunda parte arboris moralis. Idcirco Princeps in quantum vult esse iustus, castus, & humilis, & sic de aliis virtutibus, suum populum nutrit ad amandum amabilia in semetipso, & ex illo nutrimento suum populum nutrit ad amandum, amabilia in semetipso, & ex amobus nutrimentis amoris nutritur odium ad odiendum odibilia, quæ sunt iniuria, superbia, luxuria, & cætera

vicia.

De Timore Principis.

TImor est ramus qui conuenit Principi duobus modis: vnus inq-
 dus est principalior, videlicet quòd timeat Deum, & alius modus est, quod timeat populum suum. Deum timere dicitur, vt offensam populo suo non faciat, quem Deus tradidit ei sicut oues, quæ traditæ sunt pastori. Suum populum timere dicitur, vt offensam non faciat amori, quem suus populus habet ad eum, quoniam magnam iniuriam facit Princeps suo populo, cum contra illum iniuriam facit & deceptionem. Simili modo populus Deum timere dicitur, vt ei offensam non faciat in Principe, quem ei dedit Deus in Dominum, & etiam Principem timere dicitur, vt offensam amori illius non faciat, & quòd non destruat concordantiam amoris, & timoris. Est etiam alius modus amoris quem populus habere dicitur ad suum Dominum, considerando potestatem Principis, & sapientiam illius & suorum iudicium, procuratorum, & consiliariorum, & iustitiæ Principis. Et ideo male facit Princeps ille, qui suam potestatem diminuit, & qui discretum consilium non habet & discretos officiales, quia suum populum nutrit ad modicum timorem, de quo nutrimento sequitur minor amor, & per tempus odium & contemptus, quæ habent gentes Domino suo.

De Sapientia Principis.

AD Principem spectat, quòd sit sapiens & discretus vt cognitionem habere sciat de intentione, ratione cuius est Princeps, & vt suum populum regere sciat, vt populus ipsum

timeat propter suam sapientiam. Quoniam Princeps discretus multum est timibilis, & est magis timibilis propter suam sapientiam quàm propter potestatem, quoniam sapientia Principis timorem ponit in suo consilio, & in officialibus suis, & in suo populo, cum ita sit, quòd sapientia ostendit licita, & illicita, & iudicia, quæ conueniunt illis, qui contra Principem faciunt. Et propter hoc in retroactis temporibus Principes fuerunt sapientes, qui filios suos Philosophiam docere faciebant, quia est scientia generalis, quæ intellectum illuminat hominum ad cognoscendum veritates rerum. Quare Principes antiqui in Philosophia edocti modos habuerunt ad bonum regimen & ad bonos mores naturales.

De Potestate Principis.

AD Principem pertinet potestas, quoniam potestas est instrumentum sui officij. Et est potestas ita generale instrumentum Principis, sicut martellus, qui est instrumentum generale fabro, ut cultellum, gladium, & clauum faciat, ita Princeps cum sua potestate est iudex generalis, maioribus, mediocribus, & minoribus: & quanto sua potestas est maior, tanto suum instrumentum est melius, & ideo malè faciunt homines, qui sunt minores, siue inferiores, qui maioribus consentiunt, quod potestas Principis diminuat, quoniam per suam minoritatem perditur suum officiũ, & fiunt diuisiones regnorum, & terrarum, & traditiones, & guerræ, & plura alia mala, quæ eueniunt, quia Princeps uti non potest suo officio.

De Honore Principis.

AD Principem spectat honor, quoniam honor duos habet pedes,

cum quibus vadit per iustitiam, quæ siquidè iustitia est quies populi. Vrus pes honoris est amor, & alius est timor. Idcirco Princeps intantum quantum est eius honor, intantum fortius ire potest per iustitiã, cum ita sit, quòd honor sit amabilis & timibilis, & ideo Principes malefaciunt, quando non observant honorem, qui eos deet, & populus malefacit, quando delectus facit suo Principi, quoniam in honore Principis consistit honor, & quies populi. Et in hoc passu cognoscitur magna nobilitas honoris, quæ tantum ab hominibus desideratur: contra quem honorem illi faciunt, qui cum utilitate ipsum habere volunt, & illi sunt qui volunt habere honorem, contra honorem sui Domini, quem honorem cum habere volunt, habere non possunt, quia ipsum habere volunt cum utilitate, quæ honori est contraria, cum ita sit, quòd nullum contrarium haberi possit per contrarium suum. Et hoc significatum est in hominibus mundanis, qui plus seipsum honorari diligunt quàm Deum. Idcirco omnia quæ habent, ad habendum honorem eis sufficere non possunt, quia ipsum non habent, & ipsum habere volunt, & sic saturari non possunt de hoc, quod non habent. Et iste passus est valde utilis ad intelligendum.

De Libertate Principis.

Libertas est forma intellectualis data homini, ut liberè bonum faciat, & liberè malum euitet. Quoniam bonum est ita nobile, quod de eius nobilitate est, quod liberè fiat, & non coactè. Et vitium & peccatum, tantum est malum & vile, quod sibi non conuenit, quòd coactè sit deamatum. Et ideo est data libertas voluntati hominis

minis ad faciendum bonum, & ad vitandum malum. Et idem est de intellectu & memoria, cum ita sit, quod Deus ratione suæ nobilitatis sit liberè obiectabilis intellectui, voluntati & memoriæ hominis. Et idem est de aliis bonis entibus creatis. Et quoniam homo libertatem habet ad faciendum bonum, & ad vitandum malum, si bonum faciat, & malum euitet, habet meritum, ratione cuius maius bonum assequitur, quàm bonum, quod fecit. Et si faciat malum, & euitet bonum, habet culpam: ratione cuius consequitur maius malum, & perdit maius bonum, quàm bonum, quod facere noluit. Et in hoc passu significatur alia vita, cum magnitudine iustitiæ Dei. Deus homini libertatem non dedit, vt malum faciat, cum ita sit, quod ei libertatem dedit, vt bonum faciat, & malum euitet. Et si Deus homini libertatē dedit, quod malum facere posset, libertatem creauisset contra libertatem, & creauisset duas potestates, vnā bonā, & aliam malā, & duas libertates, vnā bonā & aliam malā, quod est impossibile, quod Deus sit creator mali, & quod vna libertas in vno subiecto sit contra aliam, cuius libertates sint partes intellectuales, quoniam iam forent formæ necessariæ secundum cursum naturalem. Sicut ignis qui est liberè contra aquam, & aqua contra ignem, veruntamen in subiecto in quo sunt copiundi ignis & aqua vnus est dominus, & alius est subditus: sicut est in colerico, in quo ignis est dominus, & aqua in cucurbita est domina. Et ratio quare homo libertatem habet ad malum, est hæc, quia tener siue habet de natura, de qua est, videlicet de non esse, & quia peccatum originale est. Vnde sic habet libertatem ad faciendum malum ratione naturæ sibi ap-

propriatæ, quæ est ex parte nihili, quod est suum centrum ad quod cum peccato descendit liberè: sicut lapis qui ad centrum cum ponderositate descendit, quam quidam ponderositatem ei suum centrum appropriauit, vt possit esse centrum illius, & quod lapis possit in illo habere quietem. Et in hoc passu datur cognitio, cum qua possunt cognosci principia libertatis quam homines habent ad faciendum malum, quæ libertas est priuatio libertatis qua homines vt volunt faciendo bonum, & euitando malum. Et iste passus valde est vtilis & subtilis ad sciendū. Secundū quod de libertate dictū est, oportet Principē libertatem cōsiderare ad sciendum, vt ipsam diligat ad faciendū bonum, & ad euitandum malum, & quod odiat libertatem ad faciendum malum. Idcirco populus non dicitur esse contra libertatem, quam habet, Princeps ad faciendum bonum & ad euitandum malum, quod si sic Principem inclinant ad vtendum mala libertate in faciendo malum, quare ille populus facit contra seipsum, qui vult, quod in ciuitate sint aliquæ antiquæ consuetudines, quæ sunt contra iustitiam, & contra libertatem bonum faciendi, & malum euitandi. Dictum est de ramis arboris imperialis, & secundum septem modos de quibus dictum est, potest Princeps alios ramos considerare, qui ei conueniunt: sicut est firmitas. Quoniam nobile est Principi, quod sit firmus & constans, & magna vtilitas est ei, quod non sit de verbis duplicibus. Et habere potest notitiam constantiæ in tractatu, qui est de constantia, de qua dictum est supra in branchis arboris moralis. Et idem est de patientia, fidelitate, & largitate, & de aliis formis primariis, quæ Principi conueniunt.

De Foliis Arboris Imperialis.

Folia arboris imperialis significata sunt: in aliis arboribus primis, veruntamen tractare volumus breuiter de ipsis in hac arbore. Et cum Raym. primò tractare vellet de quantitate, considerauit, quòd ad Principem spectant consuetudines, leges, & ordinationes antiquæ, quæ significant folia ad conseruationem sui regni, & ordinamentum illius. Et in hac consideratione stetit diu. Et suspirando dixit hæc verba. O quàm magnum damnum est, quod ego non habeo coadiutores, qui me iuuarent ad bonum publicum tractandum. Quoniam si adiutores haberem, modum video, per quem scientia iuris (quæ est confusa) veniret ad declarationem, & in breui tempore sciri posset. Raymunde, (dixit monachus) bonum est, quod in hoc libro modum ponas, quem dicis, quoniam possibile est, quod adhuc compleatur hoc quod desideras. Et ideo Raymundus dixit, quod modum in breuibis verbis ponere non posset, nec in pluribus verbis illum ponere vellet, idcirco nollet tractare de materia illa. Sed monachus ei tot verba dixit, quod eum faciebat habere conscientiam, si nò tractaret de illa materia, postquam Deus dedit ei cognitionem, cum ita sit quod Deus nihil dat frustra. Idcirco illi habent culpam, quibus ipse dat, si ad finem non ducant gratiam, quam à Deo recipiunt, vel quod suum posse faciant. Et propter hoc Raymundus voluntatem habuit, quod de modo generali, qui ad scientiam iuris spectat, breuiter tractaret, quia complete tractare non posset per seipsum, quoniam iura particularia ignorabat,

& etiam plus intendebat ad tractandum altiora, & quæ sunt de maiori fine. Considerauit Raymundus in formis primariis generalibus scientiæ iuris, minando quadraginta sub quibus stare possunt omnia particularia scientiæ iuris ciuilis. Quæ siquidem formæ sunt istæ, emptio, venditio, commodatum, redditio, depositum, promissio, probatio, confessio, negatio, dubitatio, statutum, procuratio, ablatum, legatum, accusatio, excusatio, permutatio, perditio, inuentio, datio, conditio, tormentum, vituperium, deceptio, diffamatio, furtum, luxuria, proditio, homicidium, blasphemia, inobediētia, mendacium, indigentia, fortuna, voluntarium, ignorantia, obliuio, libertas, seruitus & præsumptio. Ad ordinandum vnum librum generalem scientiæ, vel rhetoriæ iuris, oportet considerare quadraginta formas, quas supra diximus, & oporteret cognitionē dari de qualibet, secundum quod de centum formis primariis cognitionem dedimus in arbore elementali, & quod particularia ex èpla iuris applicarentur, quadraginta formis secundum quod applicauimus centum formis in arbore sensuali, & in arbore humanali, per exempla naturalia, oporteret etiam sequi modum in 40. formis, quem tenuimus in branchis arboris humanalis combinando, quamlibet formam cum alia, & recipiendo significatum illius combinationis, secundum quod recipitur in maximis, siue conditionibus artis inuentiæ, & artis amatiuæ, ita quod de tribus formis generalibus scientiæ iuris, fieret vna maxima, secundum ordinem artis intentiæ, & quod cuilibet maximæ daretur vna quæstio iuris, cuius solutio in maxima significaretur, secundum quod minuatæ quæstiones artis inuentiæ, & fa-

ram

rum solutiones significantur in maximis eiusdem artis, videlicet quod de ipsis maximis fiant solutiones iuris per rationem naturalem & necessariam. Et hoc modo scientia iuris, quæ est de particularibus, reduci posset ad eorum formas generales. Et etiam doctrina posset dari in quæstionibus, ad prædicandū de scientia iuris. Oporteret etiā q̄ fieret discursus cū quadraginta formis per accidentia arborum primarum, vt accidentia quæ sequuntur, siue procedant ex formis in scientia iuris cognosci possent, quoniam quædam accidentia sunt secundum vnā arborem, & alia secundum accidentia, quæ sunt secundum aliam arborem: sicut accidentia arboris elementalis sunt differentia ab accidentibus arboris vegetalis. Et habita cognitione de accidentibus primariis, quod applicentur ad accidentia quadraginta formarū, & q̄ cum illis fieret iudicium & aduocatio, miscendo quædam accidentia in aliis sicut formæ, quæ sunt mixtæ adinuicem, quædam siue aliæ in aliis, & recipiendo significata, secundum naturas formarum & accidentium, quæ exeunt ex huiusmodi mixtionibus. Oporteret etiam quod Princeps faceret huiusmodi librum doceri hominibus, qui essent iudices & aduocati, vt per illum iudicare possent & aduocare, & plura litigia in breui tempore per rationes naturales, & necessarias determinare. Et quod illi iudices, & aduocati conducti essent per Principem, secundum quod supradictum est, ratione cuius librum melius intelligere possent, & per illum concordare accidentia iuris, quæ à casu veniunt, & quæ sunt particularia accidentibus necessariis & naturalibus, quæ sunt in formis generalibus. Et istæ passus multum est utilis, illis, qui dili-

gunt scientiam iuris. Ray. dimittere voluit materiam foliorum, & transire voluit ad materiam florum, sed monachus rogauit eum, quod aliquod exemplum daret de materia foliorum. Et ideo Ray. dedit exemplum de arte in formis emptionis & venditionis secundum nouem modos generalium accidentium, per quod exemplum haberi possit practica aliarum formarum.

De Quantitate arboris Imperialis.

Milles quidam suum equum vendidit cuidam mercatori pro centum florenis. In illa venditione est quantitas substantiæ equi & florenorum, quæ quantitas est subiecta formæ emptionis & venditionis, ita quod miles recipiat omnes florenos, & quemlibet florenum in suo pondere debito, & in specie auri, & etiam quod quilibet florenorum sit integer, hoc idem debet mercator recipere in equo, videlicet quod equus sit sanus & integer, & quod habeat frenum, quod ei continet, quoniam ita oportet, quod equus habeat sanitatem & integritatem, sicut oportet, quod florenus debitum pondus habeat & integritatem, & etiam speciem auri, & idem est de freno, quod est ad vsum equi & mercatoris, sicut floreni, qui sunt ad vsum militis. Et in hac emptione & venditione ponit arbor elementalis quantitatem discretam, & colorem, & pondus in florenis, & figuram in equo. Et arbor vegetalis ponit sanitatem equi, & purificationem auri. Et arbor sensualis ponit verborum quantitatem per auditum, propter quæ verba est emptio conditionata. & color equi, & discreta quantitas florenorum videtur. Et arbor imaginis imaginatur quantitatem equi & florenorum, & certam quanti-

quantitatem subiecti determinat, in quo fit emptio & venditio. Et arbor humanalis ponit similitudines aliarum arborum, & virtutes naturaliter, videlicet iustitiam quantitatis datæ, & receptæ secundum naturam recolendi, intelligendi, & amandi in emptione, & venditione.

De Qualitate arboris Imperialis.

IN venditione equi ponitur qualitas bonitatis, in hoc quod miles promittit, quod equus est bonus, & ponitur qualitas auri, in quantum mercator promittit dare bonum aurum, & etiam quia mercator promittit dare numerum qualem, & miles qualem equum, videlicet album, aut nigrum, vel istum, vel illum. Et in hac qualitate sunt plures qualitates aggregatæ, videlicet plures similitudines qualitatum realium: sicut qualitas verborum per sensum auditorum, & in sono, qui est de arbore elementali sustentatorum, & sic de aliis qualitatibus imaginatis, & sensitis, de quibus qualitatibus est emptio & venditio equi conditionata sub habitu qualitatis.

De Relatione arboris Imperialis.

IN emptione equi stat relatio, in quantum vnus vendit, & alius emit, & subiectum illius relationis stat in equo & in auro, aut in valore illius, & in milite, & in mercatore, ita quod in illa relatione quatuor sũt termini, sine quibus relatio esse non posset, nec sine relatione emptio & venditio nihil essent: nec si deficeret vnus terminorum, vel plures. Sunt ergo emptio & venditio conditionatæ, secundum naturas primarum formarũ relationis. Ad quam relationem arbores diuersimodè se habent, secundum earum naturas, in

quibus naturis relatio est sustentata.

De Actione & Passione arboris Imperialis.

IN emptione & venditione sunt actio & passio, sicut miles qui habet actionem in denariis, & mercator in equo, quia fit permutatio actionis & passionis, ita quod miles actionem habebit in denariis ratione actionis, quã habuit in equo, & mercator actionem habebit in equo, propter actionem quam habuit in denariis. Et ita passio est consequentia actionis, & hoc secundum conditiones arborum, quoniam si miles promittit vendere integrum equum & bonum, actionem habebit in bono auro, & in numero debito per verbum nominato, & in sono audito, illo verbo recolito per mercatorem intellecto & amato. Et si miles vendere non promittat bonum equum & integrum, non habebit spiritualiter actionem in precio, si sit intentio mercatoris, quod emat bonum & integrum equum pro centum florenis. Veruntamen vult ius secundum rationem arboris sensualis, quod mercator sit punitus, quia non quærit, quod de equo dici debet, audiri & videri, quia à milite quærere debet, si sit bonus & integer equus, & etiam quod illum tenter secundum actionem, quam sensus mercatoris habet in attingendo veritatem equi, veruntamen illa actio, quam miles vult habere in centum florenis, non est secundum ius spirituale, quoniam est cõtra brachias primæ partis arboris moralis.

De Habitu arboris Imperialis.

EMPTIO & VEDITIO equi sub habitu generali, sub quo possunt esse emptæ & venditæ plures res. Et pro-

propter hoc oporteret, quod vnus habitus fieret de emptione, & venditione in scientia iuris, videlicet statutum ordinatum & regulatum, principia naturalia in arboribus seminatis. Sicut miles qui dicitur vendere equum sub habitu iustitiæ, prudentiæ, fortitudinis, & charitatis, & ideo dicere debet conditiones & modum equi, videlicet si conditiones habet bonas aut malas, quoniam propter bonas habet charitatem sibi ipsi, & per malas suo proximo. Et si aliquod vitium est in equo, & miles mercatori non manifestat, contra iustitiam, prudentiam, fortitudinem & charitatem, vendit equum, ratione cuius venditionis iustitia ipsum punit in bonis spiritualibus, quæ veniunt per illam prudentiam, fortitudinem & charitatem. Et hæc punitio pertinet ad Deum, non autem Principi, vt mercator sit ita diligens ad emendum sub habitu prudentiæ, sciendo conditiones equi priusquam denarios soluat, sicut miles vedit sub habitu. s. prudentiæ, in quantum vult scire, an floreni sint de bono auro & pondere.

De Situ arboris Imperialis.

IN emptione & venditione equi sūt verba assituata sub certis terminis, quoniam miles assituat illa secundum vocem, quæ significat venditionem & bonitatem & conditiones equi, & mercator illas assituationes accipit in memoria, intellectu & voluntate, in quibus verba militis sunt ita assituata sub specie venditionis, sicut litteræ sigilli in cera ponendo suas similitudines. Et idem est in verbis quæ dicit mercator, ad dandum centum florenos militi propter equum, quæ verba accipit miles in sua memoria, intellectu & voluntate. Et transitus impressionum

consistunt ex instrumentis arboris sensus & imaginalis. Et ideo secundum similitudines quæ sunt in prima parte arboris moralis, illæ assituationes dicunt esse, vt habeant figuram completam, videlicet circularem, triangularem, & quadrangularem, quæ sunt mēsuræ & cōditionēs, ex quibus figuræ sunt plenæ, quæ significant formas naturales, quæ conueniunt emptioni & venditioni. Et est figura circularis in continuatione iustitiæ, prudentiæ, fortitudinis, & charitatis. Et est quadrangularis in quantum emptio, & venditio sunt de quatuor terminis, videlicet de actione militis & mercatoris; de qua dictum est, & de subiecto quod est equi & auri. Et triangulus est de intentione quam habet mercator ad emendum equum, & in vendendo siue tradendo aurum, & de respectu in quō sunt assituatio, & promissio equi & auri. Et idem est de intentione militis. Et iste tractatus assituationis applicatus ad emendum & vendendum, est valde utilis ad sciendum, & est vna species artis metimoniae.

De Tempore arboris Imperialis.

IN emptione & venditione equi est tempus verborum presentium, per quæ conueniunt miles & mercator. Quæ siquidem conuentio est, quod miles tradat equum in illo eodem tempore, quo florenos recipit à mercatore, & quod mercator in illo eodem tempore quo promittit florenos tradere militi, equum recipiat à milite. Idcirco tempus tantum se habet secundum suam presentiam ad denarios sicut ad equum. Et si mercator denarios soluat, quamuis equum nondum habuerit, retinere debet condi-

tionem, quodd miles ei det equum, quem miles ei vendidit pro centum florenis, & idem debet miles facere, si equum tradat mercatori, licet denarios nondum acceperit.

De-Loco arboris Imperialis.

Sicut tempus æqualiter se habet ad præsentiam denariorum & equi, & ad possessionem cuiuslibet, ita locus æqualiter se habet ad possessionem denariorum & equi, videlicet quod in vno eodem loco miles tradat equum mercatori, & mercator denarios militi. Veruntamen ratione impedimenti loci non conuenientis, & etiam temporis in quibus miles & mercator mutuo se liberare non possunt, vult ius secundum iustitiam, charitatem, fidelitatem, & intentionem principalem, quod in vno loco & tempore solui debeant denarij, & in alio loco & tempore equus debeat tradi. Et si inter distantiam vel diuersitatem temporis & loci moreretur equus, vult ius quod mercator non teneatur soluere denarios, videlicet si miles denarios iam recepit, quod denarios illos restituere teneatur. Et hoc sustinet ius secundum formas naturales, quod differentiam ponit inter locum, & locum, & tempus, & tempus in arbore elementali. Secundum quod data est doctrina ad vtendum accidentibus in emptione, & venditione equi potest haberi cognitio, quomodo sciatur vti accidentibus in emptione, & venditione villæ vel castri, panni aut nauis, & sic de alijs rebus subiectis emptioni, & venditioni. Et idem exemplum quod datum est de equo est vna species habitus generalis scientiæ iuris, & est doctrina, quomodo homo sciat ordinare iura & scripta specialia sub habitu generali iuris existentia.

De Floribus arboris Imperialis.

Flores arboris imperialis sunt iudicia Principis & suorum officialium. Qui siquidem flores significantur in floribus aliarum arborum, & in processu illarum. Sunt etiam flores principis regimina & ordinationes motæ ad iustitiam & ad pacem gentium. Et flores principis inserti sunt in floribus sui populi. Et idem altiores sunt & pulchriores, quam flores alicuius alterius hominis sui populi, quoniam materiam inferiorem honoris populi conuertunt in honorem principis. Veruntamen quando princeps est malus, flores sui sunt mali, quoniam peruertunt honorem inferiorem in dedecus gentium ira, quod faciunt honorem, qui est inferior, esse in vilitate siue dedecore supra, quod est in principe. Idcirco flores principis sunt turpes & mala figura informati, nec ex ipsis bonus fructus exire potest. Flores principis sunt instrumenta ad regimen florum sui populi ita, quod respondent pluribus regiminibus florum principis. Et idem princeps non debet esse negligens, nec multum dormire, nec venari, nec quiescere, quoniam in eius otiositate sunt suæ gentes ociosæ, quoniam instrumentum non habent, quod ipsos moueat ad regimen nec ad pacem. Et propter hoc in laboribus, & in guerris sunt gentes principis per ipsius otiositatem. Et quoniam facit contra finem quare est princeps, ita quod seipsum vacuat illo fine propter quem est, & in sua vacuitate finem populi vacuat. Et propter hoc principes malefaciunt, qui in vana gloria huius mundi delectantur, & in delitijs carnalibus, & sensualibus postquam ad

ad tot & tanta respondere teneantur. Sicut martellus, qui est instrumentum ad plures clauos, & sicut cereus ardens, qui est instrumentum ad illuminandum plures homines in camera.

De Fructu arboris Imperialis.

RVERVS arboris Imperialis est pax gentium, ut in pace esse possint, Deum etiam recolere, intelligere, & amare, honorare, & ei servire. Quoniam gentes quæ sunt in guerra & invicem in laboribus, non sunt in dispositione, quod Deum multum possint amare, honorare, & ei servire, nec sibiipsis, nec etiã aliis charitatem habere, tantum occupati sunt in laboribus & guerris terrarum. Vnde sicut plantæ secundum earum indigentiam calorem solis & rorem noctis requirunt, sic populus à Principe requirit iustitiam & pacem. Quare Principes malefaciunt, qui guerras in terris suis patiuntur, vel guerras adinvicem habent contra iustitiam & pacem, & flores aliarum arborum, propter quas Principes sunt. Quoniam malus Princeps omnes fructus, & flores qui sub ipso sunt, in labore & guerra ponit, & ideo dignus est quod habeat magnam pœnam quando suum regnum non tenet nec custodit in pace & iustitia. Et in hoc passu habetur, quod merita boni Principis sunt magna, & magna sunt præmia, quæ habere expectat, & si sit malus, sunt magnæ pœnæ, quas ipse expectat ratione magnarum culparum, quas habet. Fructus arboris Imperialis generalis est ad illos fructus qui sunt sub ipso: sicut calor ignis, qui generalis est ad calorem piperis, hominis, leonis, gruis, & piscis, sine quo calore generali calor istorum individuatorum,

de quibus dictum est, non posset esse instrumentum cum quo entia individua calefieret. Idcirco fructus principis qui talibus fructibus habet respondere, est infirmus quando se inclinatur ad specialia contra generalia, & publica: sicut malus Princeps, qui plus diligit suam utilitatem quam utilitatem populi sui. Quoniam propter infirmitatem fructus Principis sunt fructus populi infirmi. Sicut piper, homo, leo, grus, & piscis, qui infirmi essent, si ignis suum calorem sibi attraheret & illum eis non daret. In nullo fructu tantum est de malo sapore & odore, sicut in fructu mali Principis, quoniam si fructus generalis sit malus in sapore & odore, malus est illis, qui speciales sunt & parvi, sed fructus mali principis, qui est generalis: omnibus dat malum saporem & odorem. Et propter hoc mirabile est, quomodo malus Princeps credit habere valorem, cum in illo sit fructus tam mali odoris & saporis, ex quo exeunt & deriuntur tanta mala, & tantæ infirmitates contra tot, & tantas gentes, & contra tot, & tantas sanitates, quæ sunt res ut plurimum valentes. Et malus odor, & sapor fructus Principis attinguntur in malis operibus illius, quas credit abscondere, & celare gentibus sub specie boni saporis, & odoris, & quia malus odor, & sapor fructus est generalis, celari, & abscondi à gentibus non potest: sicut ignis qui suum calorem celare non potest homini, qui comedit piper, nec Princeps populo suum vitium celare potest, in quantum iniurias facit suis gentibus, & deceptiones. Quæ quidem gentes oculos habent, cum quibus vident, & aures, cum quibus audiunt, quia pacem neque regimen nec etiam bonum exemplum habent de suo Domino. Et in

hoc passu datur cognitio, quod non est aliqua arbor, quæ faciat ita malum fructum, ita periculosum, ita damnosum, nec à qua tantum de malo veniat: sicut de arbore mali Principis.

De Arbore Apostolicali.

S V M M A R I V M.



ARBOR Apostolicalis versatur circa personas, & res Ecclesiasticas, & spirituales. Et similiter diuiditur in septem partes, videlicet in radices, truncum,

branchas, ramos, folia, flores, & fructus.

Radices sunt virtutes Cardinales & Theologales,

Truncus est persona generalis, qui dicitur Apostolicus siue Papa.

Branchæ sunt Cardinales & alij Prelati.

Rami sunt decem precepta, &c.

Folia sunt Sacramenta & Canones.

Flores sunt quatuordecim articuli.

Fructus est saluatio gentium.

De Arbore



De Arbore Apostolicali.

ARBOR apostolicalis in septem partes diuiditur, quæ sunt radices, truncus bianchæ, rami, folia flores, & fructus. Et est arbor generalis ad res & ordines spirituales, in qua sunt impressiones vicariæ S. Petri, subiectum cuius est alba petra, pura, munda, & scripta sanctitate, in qua sunt impressiones litterarum sigilli.

Domini nostri Iesu Christi. Quæ si-
quidem litteræ sunt suæ operationes &
sua bona exempla, quæ dedit gentibus
in amando & honorando Deum &
suum proximum. Et quia illæ litteræ
sunt impressæ in petra, fortiores sunt
quam si essent impressæ in cera. Et
quia petra est alba, sunt magis appa-
rentes, quam si essent impressæ in are-
na. Et etiam litteræ pulchræ sunt &
mundæ, quoniam petra est alba.

De radicibus arboris Apostolicalis.

RAdices arboris Apostolicalis, sunt virtutes Cardinales & Theologicę, de quibus suprà in arbore morali tractatum est. Idcirco Apostolicus debet esse iustus per iustitiã, & prudens per prudentiam, & fortis per fortitudinem, & temperatus per temperatiã & cultor Christianorum per fidem, & dare debet eis spem alterius vitę per spem, & habere debet amorem suo populo per charitatem. Et si Apostolicus facit huiusmodi contrarium, facit contra radices suorum principiorum. Iustitia Papę debet esse bona per bonitatem, & magna per magnitudinem, & durabilis per durationem, & potens per potestatem, & illuminata per sapientiam, & amata per amorem, & virtuosa per virtutem, & vera per veritatem, & debet esse quies, in qua iustitię particulares sui populi quietem habeant. Et idem est de prudentia, & de aliis virtutibus & radicibus arboris. Debet iustitia Papę esse in differētia per differētiã, ita quod debet esse iustus per vnum modum, secundum virtutes morales, & per alium secundum virtutes Theologicas. Item in iustitia Papę debet esse concordantia, videlicet inter vnã virtutem & aliam. Quoniam iustum est, quod plures virtutes concordantiam habeant cum fine, propter quem sunt. Pręterea iustitia Papę debet esse contra iniuriam per contrarietatem, quę est inter virtutes & vitia. Et iustitia Papę debet esse principium ad iustitias sui populi, per principium efficiens & formale. Et iustitia Papę debet esse medium, inter Deum & suum populum per medium generale, quem si-

quidē populum, Deus ei tradidit sicut oues, quę cōmittuntur pastori. Item iustitia Papę ad finem se debet habere per complementum, quoniam iustum est, quod Papa faciat hoc, propter quod est creatus vniuersalis pręlatus & generalis ad omnes pręlatos. Et pręterea iustitia Papę debet esse maior, per maioritatem officij quàm aliqua alia iustitia, quę sit in suo populo, quoniam iustum est quod ita sit: ex quo est pręlatus & vicarius generalis. Et iustitia Papę se debet habere ad charitatem per æqualitatem, quoniam iustum est reddere cui libet, quod suum est. Et iustitia Papę se debet inclinare ad minoritates sui populi, per minoritates illorum, & per maioritatem sui ipsius, quoniam iustum est, quod Dominus maior se humiliet, & se inclinet ad minoritates sui populi, sive ad oues, vt ipsas custodiat à lupis rapacibus. Debet Papa illam fidem habere, quam habuit beatus Petrus, postquam est eius Vicarius. Et oportet quod illam fidem habeat sub habitu bonitatis, taliter quod Papa sit bonus, quia fides est bona. Oportet quod Papa habeat magnam fidem, quia fides sancti Petri fuit magna. Et oportet quod Papa ita magnam fidem habeat, quod fidei sui populi respondeat. Item oportet quod fides eius sit durabilis, postquam generalis est, quoniam in priuatione causę generalis priuantur durationes particulares. Pręterea fides Papę debet esse fortis, vt fortitudo illius fortificet fidem cuiuslibet hominis. Et ideo ordinatio Dei fuit, quod Imperium Romanum datum fuit Papę, vt cum brachio sæculari Papa foret fortis ad resistendum inimicis fidei. Adhuc fides Papę debet esse clara hominibus per sapientiam, & per bonum exemplum, quoniam il-

la claritas illuminat, cuiuslibet homini suam fidem: sicut sol qui illuminat plures stellas, magno lumine illuminante plura parua lumina. Et fides Papæ debet esse charitativa & amabilis, ut moneat suos subditos ad charitatem, & ad calorem amoris per magnum feruorem. Et fides Papæ debet esse virtuosa, ut sit contra vitia. Item fides Papæ debet esse vera, ut sit contra falsitatem & errorem, & ideo dixit Dominus Iesus Christus ad beatum Petrum. Petre si diligis me, pascue oues meas. Et dixit ei ter ad significandum, quod oues sunt Dei Patris, & Dei Spiritus sancti, & Dei filij & hominis, qui sunt vnus Deus, vnus Christus, qui vnum pastorem suis ouibus elegit, ut daret eis veritatem fidei ad comedendum, cum qua veritate reuiuere. Et in persona beati petri sunt oues commissæ fidei, cuiuslibet personæ Papæ. Et propter hoc malefacit ille Papa, qui fidem in pluribus ouibus non augmentat, ut sit multum vniuersalis, & quod in illa viuant plures oues, quoniam satis est maior gratia vitæ spiritualis, quam corporalis. Fides etiam Papæ debet esse quies fidei cuiuslibet hominis, sicut bona particularia, quæ in generalibus quiescere habent. Et in fide Papæ non debet esse differentia, videlicet inter fidem suam & fidem sui populi, quoniam vna debet esse fides in se, & in suo populo. Item Papa cum sua fide concordare debet fidem cuiuslibet hominis. Et cum sua fide debet Papa esse contra illos, qui sunt contra fidem, ratione cuius contrarietatis conuari debet errores destruere, qui sunt seminati inter Saracenos, Tartaros, & inter Iudæos, cum quibus erroribus sunt contra fidem Christianam. Debet etiam destruere schismata, quæ se-

minata sunt inter Christianos, siue schismaticos deuiatos à vera fide Christiana. Fides etiam Papæ debet esse principium, & lumen, per bonum exemplum eundo ante omnes oues suas, ut locum videant, in quo sunt pastora, & aquæ vitæ æternæ. Fides etiam Papæ debet esse medium, in quo accipiat lumen à Deo, & quod illud det suo populo: sicut luna quæ virtutem accipit à sole, & illam influit plantis inferioribus & substantiis sensatis. Fides etiam Papæ se debet habere ad finem, propter quem ipse est Papa, qui siquidem finis est, ut illuminet cum sua fide vias, & ostendat per quas sancti vadunt ad vitam sanctam, & contemplatiuam, & ad poenitentiam. Fides etiam Papæ ita debet esse maior, sicut pastor maior est ouibus suis, Fides etiam Papæ debet esse æqualis, cum fide suarum ouium, in credendo illa, quæ sunt vera Dei. Et etiam quia Papa est pastor, & est in vna fide cum suis ouibus, inclinare se debet ad minoritates illarum, ut ipsas supra ascendere faciat ad recipiendum beneficium de sua maiestate: sicut ignis qui se inclinat ad aërem, qui non est de ita magna virtute, sicut ipse est, & ipsum ascendere facit supra, in quantum in virtute ipsum maiorificat. Et idem facit sol de igne, quoniam ipsum ascendere facit, in quantum multiplicat calorem ipsius. Sicut prima principia applicauimus ad iustitiam & fidem, quæ sunt de radicibus arboris Apostolicalis, ita applicari possunt ad alias radices arboris, de quibus est truncus. Et ita transeunt prima principia ad radices: transeunt ad truncum, secundum quod conuenit suæ dispositioni, transeunt etiam ad branchas. Et sic de alijs partibus arboris.

De Trunco arboris Apostolicalis.

TRuncus arboris Apostolicalis est persona generalis, quæ dicitur Apostolicus. Et in hoc trunco ponit truncus elementalis partes quæ ad corpus pertinent, & arbor vegetalis, sensualis, imaginis, & humanalis suo modo, sicut & elementalis. Et arbor rationalis ponit in illa persona generali partes, quæ ad animam spectant. Et officium apostolicale ponit generalitatem personæ, cum prima parte arboris moralis. Idcirco truncus apostolicalis est maior & plenior magnitudine bonitatis, & aliarum virtutum, quàm aliquis alius truncus sui populi, quia in illo stant alij trunci sui populi ordinati, & dispositi ad finem propter quem sunt creati. Veruntamen si Papa sit malus, nullus truncus est ita damnosus sicut suus truncus, nec in quo tantum peruerit de bono in malum, nec qui tanta poena sit dignus: sicut si est bonus, est dignus, quod maiorem gloriam habeat, quàm aliquis. Sol maior est, quàm Luna: idcirco Luna accipit à Sole beneficium, & non esset decens, quod Sol à Luna beneficium acciperet, quia stat superius, & est maior Luna, veruntamen est vna opinio naturalis, quod lux Solis est punctus, qui est centrum plurium linearum, quæ sunt de luce stellarum fixarum in firmamento, quæ suam virtutem aggregant in Sole, vt in ipso influentia fiat inferius à stellis, quæ sunt supra in pluribus partibus, secundum quod ista corpora inferiora habent indigentiam de influentiis superioribus. Similimodo truncus apostolicalis altus est in virtute per influentiam, quæ est supra per Iesum Christum, & per Sanctos, & est congregatio, in qua

diuiditur & transmittitur influentia sui officij, & suæ virtutis ad truncos inferiores particulares, qui ipsa indigent, vt illuminati sint & edocti per illum, & etiam dispositi ad accipiendum influentias à suprâ. Est ergo truncus apostolicalis similis Soli in splendore, & in officio. Et idcirco trunci qui sunt inferiores, & sui particulares, & sibi commissi, debent ei reuerentiam facere, & honorem sicut partes suo toti. Est ergo pulchra & nobilis huiusmodi assitutio splendoris, quæ est in medio influentiarum existentium supra, & refluentiarum inferius. Et si contingat, quod aliqua nebula obscura, quæ sit de secunda parte arboris moralis, consistat in trunco apostolicali generali, est illius figura, illius nebulae, multum intensa in vmbra contra lucem, & in malo contra bonitatem, & in vitio contra virtutem. Et quia est in loco alto, est visa à pluribus hominibus. Et quia est magna vmbra, magnam impedit claritatem, quæ de trunco superiori, ad truncos inferiores & particulares descendere non potest. Vnde sequitur magna priuatio boni, & ita magna sicut est vmbra. Et tantum de malo multiplicat illa vmbra, sicut est priuatio boni. Et in hoc passu cognoscitur, quod sicut truncus apostolicalis per virtutem & splendorem, est causa ad magnum bonum, ita per vitium, & per tenebras potest esse causa ad magnum malum. Et propter hoc mirabile est, quomodo tantum diligat homines esse in officio apostolicali, cum sit ita periculosum. Truncus est in medio radicum & brancharum, quoniam ipse est per radices, & branchæ sunt per truncum. Et quando radices deficiunt, truncus deficit, & quando deficit truncus, deficiunt branchæ, & in defectu brancharum defectum habent

habent rami folia, flores & fructus. Est ergo valde necessarium, quod truncus habeat bonas radices, quod si malas habeat, ipsas habet contra seipsum, & facit malas branchas, & in ipso rami desiccantur, folia, flores & fructus. Et de hoc experientiam habemus in plantis, & in ordinatione mundi, & in breuibus aliis Ecclesie beati Petri, sub quibus alii omnes homines huius mundi esse deberent & quiescere, vt cum illis alii ad Sanctam vitam æternalem volarent & ascenderent. Extensio & alarum multiplicatio stat in dispositione trunci, & dispositio trunci stat in cremento, & multiplicatione radicum. Et hæc dispositio cmenti, & multiplicationis stat in libertate trunci, qui est generalis potentia ad mouendum ad se radices cum magnitudine bonitatis, & aliarum radicum. Sicut substantia quæ sibi attrahit suas partes naturales, cum sit magna in bonitate, duratione & potestate.

De Branchis arboris Apostolicalis.

BRanche arboris Apostolicalis sunt Cardinales, Patriarchæ, Archiepiscopi, Episcopi, Abates, Priores, & Ministri, & aliæ personæ communes. Et istæ branchæ sunt sui officiales, vt suum populum regere possit secundum naturam finis, quare truncus est persona generalis & communis secundum radices, quæ ad truncum pertinent, sicut plures partes quæ pertinent ad suum totum. De bono trunco, bona brancha, & quanto meliores & maiores sunt branchæ, melior & maior est truncus, & è conuerso, quoniam in bonitate & magnitudine trunci, stant bonitas & magnitudo brancharum, oportet ergo magnam esse concordiam inter truncum & bran-

chas, & inter vnâ brancham & aliam, vt in trunco, & in branchis sit magnitudo bonitatis, & aliarum radicum trunci, quæ sunt generales ad radices brancharum particularium. Et quando contingit, quod sit contrarietas inter truncum & branchas, & inter brancham & brancham, peruertitur magnitudo bonitatis, in magnitudinem malitiæ, quæ truncum & branchas vulnerat, per quorum vulnera rami infirmantur, & folia, similiter flores, & fructus arboris. Est ergo magna priuatio boni contrarietas, si sit in arbore Apostolicali. Sicut truncus est punctus ex pluribus terminis aggregatus, qui sunt termini suarum radicum, ita est vnus punctus & vnum centrum, ad quod se habent plures branchæ. Et sic truncus est punctus duplex, quoniam vnus punctus est per inferiorem naturam, & alius est per naturam superiorem. Et si istæ duæ naturæ sint in quantitate discreta non autem in continua, tunc infirmantur, quare sanitas ambarum naturarum stat in continua quantitate, vt vna natura sit in alia, vt truncus in omnibus suis partibus sit plenus, & branchæ similiter, & quod sit influentia, & refluentia de quantitatibus discretis in vna continua quantitate. Et per talem influentiam & refluentiam crescit truncus per radices, & crescunt branchæ per truncum. Et truncus dat branchis suam similitudinem, quam accipit inferius. Et branchæ dant trunco suas similitudines, quas accipiunt ab ipso. Et idè quando sit concordantia de quantitatibus discretis in continua quantitate, talia sunt possibilia in magnitudine bonitatis, in branchis, quæ possibilia non sunt, quando discretæ quantitates non sunt in continua quantitate aggregatæ. Secundum quod dictum est

in trunco arboris elementalis, truncus transit in tertium numerum in quantum vnus numerus fit ex pluribus numeris, sic similimodo truncus arboris Apostolicalis transit in tertium numerum, quia generalis est ad plures numeros particulares. Et idem est de branchis trunci arboris Apostolicalis, quæ transeunt in numerum branchæ, ita per naturam trunci: sicut truncus arboris elementalis per naturam suam radicem in numerum tertium transit. Et sicut truncus elementalis retinet naturam suam radicem, quamuis in numerum tertium transeat in quantum non est suæ radices, sic branchæ trunci Apostolicalis retinere debent naturam trunci, de quo sunt, licet nulla brancha sit truncus. Et sicut nulla radix trunci arboris elementalis appetitum habet, quod esset truncus, cum ita sit, quod naturaliter quælibet radix habeat appetitum ad conseruandum suum numerum, & etiam pars appetitum non habet secundum cursum naturalem, quod sit totum, ita branchæ arboris Apostolicalis conseruare debent suum numerum, nec aliqua ipsarum debet habere appetitum, quod ipsa truncus esset, nec truncus appetitum habere debet, quod brancha non sit brancha; ex quo naturam trunci conseruat. Et in hoc passu multum habetur de cognitione, per quam status trunci, siue brancharum videtur, siue apparet.

De Ramis arboris Apostolicalis.

Rami arboris Apostolicalis sunt decem inter alios, & alios septem ramos vocamus, qui positi sunt in arbore Imperiali, qui etiam pertinent ad officium Apostolicum. Decem vero rami sunt decem præcepta, quæ sunt

vnum Deum colere, & diem Sabbatum seruare, nomen Dei in vanum non accipere, patrem & matrem honorare, falsum testimonium non perhibere, non furari, non occidere, non luxuriari, non concupiscere uxorem alterius, non concupiscere rem proximi. Veruntamen multa alia præcepta sub istis decem intelliguntur. Et ista decem præcepta applicari possunt ad duo præcepta, quæ Dominus Iesus Christus dixit, cum ab eo quærebatur, quorum primum est. Dilige Dominum Deum tuum ex toto corde tuo, & ex omni mente tua, & ex omnibus viribus tuis. Secundum est. Dilige proximum tuum sicut teipsum. Et de istis duobus præceptis tractare intendimus. Et primo de primo.

De Primo præcepto arboris Apostolicalis.

Primum præceptum diuiditur in quatuor partes. Vna est, in quantum dicit: Dilige Dominum Deum tuum ex toto corde tuo. Istud præceptum factum est voluntati, quoniam cor est locus in quo voluntas obiectum eligit, quod desiderat vel odit, & in quantum dicit ex omni mente tua, est factum præceptum intellectui & memoriæ, qui voluntatem antecedunt, quando fit mens, ut sibi obiectum eligat. Et istud secundum præceptum est duplex, vnum fit memoriæ, & aliud intellectui, & ita sunt tria mandata. Et in quantum dicit ex omnibus viribus tuis, præcepta multiplicantur in multiplicatione animarum, quæ sunt potentia, videlicet anima vegetatiua, & sensitiua, & etiam intelligere possumus, potentiam imaginatiuam, & potentiam elementariam, in quantum anima potestatem habet in elementariis,

tis, vnde præcepta sunt sex : ex parte animæ rationalis sunt tria, & ex parte vegetatiuæ est vnum, & ex parte sensituiuæ aliud, & ex parte imaginatiuæ reliquum. Et ita quatuor præcepta, quæ in prima parte continentur, multiplicantur in septem partes. Secundum præceptum in quantum dicit: Dilige proximum tuum sicut teipsum, multiplicatur in prædictis septem partibus, cum ita sit, quod homo sit amabilis, in quantum sua voluntas, suus intellectus, sua memoria, sua potentia, imaginatiua, sensituiua, & sua potentia vegetatiua sunt amabiles, & etiam in quantum elementatiua (quæ est vna pars hominis) est amabilis per ipsum: sicut pars quæ est amabilis per suum totum. Et ideo processum istorum ramorum ducere volumus duobus præceptis multiplicatis in septem, ita quod prima pars est mandatum voluntatis, secunda intellectus, tertia memoriæ, quarta est mandatum imaginatiuæ, quinta sensituiuæ, sexta vegetatiuæ, & septima pars est mandatum potentiæ elementatiuæ. Vnde omnia ista præcepta facta sunt Domino Papæ omnibusque subditis suis, & tanto plus ei quam alicui alij, quanto plus potest Deo seruire quàm aliquis alius. Et sic de Cardinalibus & aliis gradibus, secundum quod sunt in superioribus gradibus: sicut ignis qui secundum cursum naturalem vult, quod piper quod est in quarto gradu caloris, plus calore utatur quàm cinamomum, quod est in tertio gradu caloris, & cinamomum quam feniculus, qui non est nisi in secundo gradu caloris, & feniculus quam anisum, quod non est nisi in primo gradu caloris. Et in hoc passu cognoscitur, quod personæ publicæ seu communes quanto sunt in altiori gradu, tanto plus obligatæ sunt ad ob-

seruandum præcepta Dei, & plus sunt inobedientes, si ei non obediant, quam personæ, quæ non sunt communes.

De Primo præcepto arboris Apostolicalis, quod sit voluntati.

SANCTO patri Apostolico fit mandatum quod Deum diligat ex toto corde suo. Et quia Deus est magnus Dominus, magnum facit mandatum, & facit illud magnæ personæ, quoniam Apostolicus est magnus, in quantum est persona communis, & mandatum suæ voluntati est factum, sub qua plures sunt voluntates ad obediendum voluntati superiori. Et quia voluntas est magna, quæ est superius, & dicit Deus, quod de rota seipsa eum diligat, in hoc facit mandatum toti potestati voluntatis & toti magnitudini, quam voluntas habet in amando, & similiter toti suæ bonitati, durationi, virtuti, veritati, concordantiæ, principio, medio, & fini, maioriati, & æqualitati. Et ideo mandatum fit de pluribus & magnis, & fit ad amandum magna, videlicet bonitatem Dei, & suam magnitudinem, & sic de aliis formis sibi essentialibus. Et magnum est, quod voluntas Apostolica, quæ est ita alta (quia est generalis & est domina supra tot & tantas voluntates) Deum diligat de rota seipsa, videlicet de tota sua bonitate, magnitudine, duratione, potestate, & cæteris. Debet ergo omne bonum diligere, quod diligere potest, & amare debet ita magnum bonum, sicut suum amare potest esse magnum, & tantum debet amare, sicut potest durare suum amare. Et in hoc passu cognoscitur, quod voluntas Apostolica est obligata ad amandum, quantum potest honorem Dei, & utilitatem sui populi.

De Secundo præcepto arboris Apostolicalis quod fit intellectui.

DEus præcipit intellectui Apostolico quod ipsum intelligat, & quod ipsum intelligi faciat de tota sua bonitate, magnitudine, potestate, duratione, virtute, & veritate, & sic de aliis formis. Et istud præceptum significat conuersionem gentium, ipsis eiectionis ab errore & deductis ad intelligendum veritatem Dei eiusque operationum, ut in gloria Dei quiescere valeant sine fine. Est ergo præceptum magnum, quoniam est magni Domini, & fit magno Domino, qui intellectum habet generalem ad plures intellectus, & de magnis rebus est factum, & quæ sunt bonæ & durabiles, quæ possunt esse magnæ, quia Deus præceptum aliquod de rebus impossibilibus non facit, quare Apostolicus obedire potest mandato, quod fit ei, & obligatus est ad obediendum Domino supremo tantum quantum mandatum est magnum, & tantum quantum res possibiles sunt, quod intelligantur ad honorem Dei & utilitatem sui populi. Et istud mandatum facit Deus ei, in quantum dicit ei, quod diligat Deum ex tota sua mente.

De Tertio præcepto arboris Apostolicalis quod fit memoria.

Memoria Apostolici creata est ad recolendum Deum, & etiam creata est, quod faciat Deum à suo populo recoli. Et fit ei mandatum, quod de tota sua potestate quam habet in magnitudine bonitatis, durationis, virtutis, veritatis, & sic de aliis omnibus, recolat Deum, & faciat ipsum

à suo populo recoli, qui sibi commissus est ad recolendum Deum operationesque eius. Et istud mandatum facit ei Deus in quantum dicit ei, quod ipsum diligat ex tota mente. Est ergo mandatum magnum, & fit de rebus magnis, & magno Domino, sub quo sunt tot & tanti homines obligati ad sequendum suam voluntatem. Et hoc quod suus intellectus intelligit, & quod sua memoria iuste recolere potest, secundum quod est mandatum ei: Quare sicut mandatum est magnum, obedientia debet esse magna, & si obedientia non est magna, inobedientia est magna, & sic magnitudo peruertitur de obedientia in inobedientiam. Vnde sequitur magnum malum, potens, durabile, falsum, & vitiosum, unde multa mala sequuntur. Et hoc passu cognoscitur in hoc, quod Deus facit magnum mandatum & magno Domino, & de magnis, quod ipse vult recoli cum magnitudine bonitatis, durationis, potestatis, virtutis, & veritatis. Quæ siquidem magnitudo est amabilis, intelligibilis, & possibilis per potestatem, & bona per bonitatem, & virtuosa per virtutem, & vera per veritatem, & durabilis per durationem. Cognoscitur etiam quod Deus non vult recoli cum paruitate recolendi, postquam recolere potest esse cum magnitudine bonitatis, durationis, & cæterarum.

De Quarto præcepto arboris Apostolicalis quod fit imaginationi.

IN quantum Deus mandat quod ipse diligatur ex omnibus viribus, quas homo habet, & homo habet vim in imaginando bona, quæ facere potest, est factum mandatum homini, quod diligat Deum cum imaginatione. Et

ne. Et istud mandatum significat, quod Deus facit Apostolico mandatum, quod ipsum faciat diligere à suo populo, siue à suis gentibus artis mechanice, quæ operantur cum imaginatione: sicut magistri scientiarum & artium liberalium, qui cum mente intellectus operantur, de qua supra dictum est. Est ergo factum mandatum Apostolico, quod homines suos Deum diligere faciat, videlicet homines qui sunt artium liberalium, & homines qui fruuntur arte mechanica. Est ergo istud mandatum magnum, quia fit à magno Domino & factum est magno Domino, qui magnam habet potestatem, quod Deum amari faciat in pluribus rebus & magnis. Et ideo magnum mirabile est, quomodo aliquis Papa diu vivere possit vel dormire, vel quomodo possit in aliquo esse ociosus, cum teneatur Deo in tot & tantis rebus obedire.

De Quinto precepto arboris Apostolicalis, quod fit potentia sensitiva.

Sensus est vis hominis, qui consistit sex modis, secundum quod in branchis arboris sensualis dictum est. Quoniam in quantum Deus mādauit homini, quod ipsum ex omnibus viribus suis diligeret, fecit ei mandatum quod cum omnibus sensibus qui sunt instrumenta potentie, cum quibus homo Deum diligere possit, honorare & seruire. Quoniam sicut faber diligere potest denarios quos habet de cultello cum forfice & cum martello, cum quibus facit cultellum: ita homo Deum amare potest, cum videre, audire, odorare gustare, tangere & loqui in tractando, cum omnibus istis honoris Dei. Et quoniam apostolicus est homo & magnus in posse, siue potestate vidē-

di, & sic de aliis sensibus (quoniam sub suo visu, plures sunt visus, sicut sub sua voluntate plures sunt voluntates, & sub suo verbo plura verba) ideo est mādatum in illo magnum. Et in hoc passu cognoscitur quod Deus vult quod sibi seruiatur cum omnibus sensibus hominis, in quantum præcipit quod homo eum diligat ex omnibus viribus suis, quas habet in sentiendo, & in tota magnitudine sui sensus, & bonitate illius. Et sic de sua duratione, potestate, & virtute, & sic de cæteris formis sensitiuis, & sensibilibus, ex quibus nascitur, & exit sentire. Nec est mirum, si Deus vult quod diligatur cum omnibus istis rebus, cum ita sit, quod ipsas omnes creauit ad se diligendum, honorandum, & seruendum. Et ille qui cum omnibus illis ei non seruit, postquam habet potestatem, suas vires ponit in ociositate, & ipsas sine euacuat: sicut homo diues, & auarus, qui suos denarios ponit in arca, ex quibus nullus fructus peruenit, qui siquidem denarii sunt pauperum, qui famem habent, sitim & frigus, quia illos denarios habere non possunt. Et ideo significauit Deus quod ipse habebat famem, sitim, & frigus rerum, quas homines negligentes ponunt in ociositatem, tunc cum dicit. Famem me habere vidistis, & non saturastis me. Et passus iste est excitatio mouendi conscientiam, ut habeat magnam contritionem, satisfactionem, & timorem. Et illi qui sensus suos ponunt in ociositate, in quantum cum omnibus viribus eorum Deo non seruiunt, sunt inobedientes ipsius mandatis.

De Sexto precepto arboris Apostolicalis, quod fit potentia vegetatiua.

IN potentia vegetatiua habent homines potestatem, sicut in plantis, & in grano, quod habent in granariis, & in vino, quod habent in doliis, & sic de aliis rebus similibus istis. Sicut in branchis arboris vegetatiuis, in quibus potestatem habent, quod ipsas induant branchis primæ partis arboris moralis. Et quia Deus mandatum fecit homini, quod ipsum diligat cum omnibus viribus suis, & Apostolicus est homo, fit ei mandatum, quod ipsum diligat, cum tota arbore vegetali, postquam in illa habet vim, & magnam vim, quoniam arbor sua generalis, est ad plures arbores. Et in hoc passu cognoscitur, quod Deus vult, quod homo ei seruiat, cum omnibus fructibus, qui de terra crescunt, cum quibus eleemosynam faciat pauperibus. Quam quidem eleemosynam Papa procurare debet, cum tota sua potestate, quæ generalis est ad potestates hominum, qui bona colligunt, quæ de terra crescunt.

De Septimo precepto arboris Apostolicalis, quod fit ratione potestatis elementalis.

DEnarij cõpositi sunt de quatuor elementis, & etiam villa, castra, ciuitates, acus, ensis, & cultellus, & sic de aliis elementatis, sicut filum Martini, gallina & bos, & in his omnibus habent homines potestatem. Et ideo fecit Deus mandatum homini quod ei seruiat, cum omnibus elementatis. Et quia Papa est homo, fit ei mandatum, quod Deo seruiat, cum omnibus elementatis, qui ab illo requirit seruitium,

quantum potest ei cum illis seruire. Et quia sua potestas est magna, requirit ab illo seruitium magnum. Quod quidem magnum seruitium, Papa complere non possit sine magna charitate, amore & potestate. Et ideo tantum Deus eum honorauit, quod ipsum supra omnes homines posuit in magnitudine dignitatis, vt ipse ad eum magnum amorem & charitatem habeat, cum quibus suam magnam moveat potestatem ad finem, propter quem ei data est ipsa potestas, videlicet ad honorandum Deum, & ei seruiendum. Dictum est de septem mandatis, cum quibus homo diligere Deum, debet & suum proximum. Et in his quæ supra diximus est significatum, quam magnum, & quam graue est peccatum, cum quo homo est Deo inobediens, inquantum ipsum peccatum est priuatio finis, ratione etius, scilicet finis Deus fecit homini præcepta. Quod siquidem peccatum plura tormenta disponit in æternitate duratura, & sustentata, in hominibus Deo inobedientibus, & mortuis in mortalibus peccatis, quæ contra Deum commiserunt.

De Foliis arboris Apostolicalis.



Ista folia duobus modis tractare intendimus. Primus modus est secundum septem sacramenta Ecclesiæ, per quæ est ornata & fortificata. Septem sacramenta Ecclesiæ sũt, Baptismus, Confirmatio, Matrimonium, Eucharistia, Ordo, Pœnitentia, & Extrema-Vnctio. Alius modus est de accidentibus, quæ ad arborem apostolicalem spectant, sicut sunt regulæ scriptæ in iure Canonico, quoniam illa regulæ ornamenta sunt Ecclesiæ, & fortificatio illius.

De Baptismo.

Baptismus est sacramentum necessarium ratione originalis peccati, quod in commento tabulæ generalis probatum est. Baptismus est similitudo per figuram sanctitatis. Quæ quidem sanctitas est impressio in sacramento, quod ad se finem conuertit, propter quem homo creatus est, sicut olea inserta in oleastro, quæ ad se materiam conuertit, & influentiam, quæ influitur de oleastro. Quoniam forma sacramenti in patiente posita, qui recipit baptismum, purificat & mundificat, & transmutat immunditiam in puritatem, & tenebras in lucem. Et hoc facit cum potestate diuina homini data, sicut instrumentum ad vtendum illa in loco Dei, quæ recuperare vult, quod perdidit in suo subiecto. Quoniam sicut martellus est instrumentum fabro, quod cum illo clauum faciat & cultellum, sic potestas diuina est instrumentum presbytero, quod cum illa subiectum immundum per peccatum originale sanctificet & mundet. Et hoc est magnum mirabile, quod homo vti possit potestate Dei, sicut Deus. Et istud mirabile intellectum hominis excitat ad intelligendum magnam potestatem Dei, & voluntatem ad amandum illam, & memoriam ad recolendum magnitudinem fidei, spei, & charitatis. Et arbor elementalis ponit aquam in illo Sacramento, & vegetalis, sensualis, imaginalis, & moralis in illo ponunt earum proprietates & naturas, inquantum sunt formæ passiuæ in subiecto Sacramenti. In quibus formis facta est impressio per formas superiores quæ sunt in arbore rationali, quæ mouent instrumentum cum ordine verborum, quæ sunt de arbore

sensuali, in quibus instrumentum facit impressiones quas formæ inferiores recipiunt, vt sint sanctificatæ, & ad finem propter quem fuerunt creatæ, reuersæ, & cum Deo participatæ: sicut litteræ ceræ, quæ participant in similitudinem cum litteris sigilli.

De Confirmatione.

Confirmatio est, vt puer qui non erat dispositus ad intelligendum quando fuit baptizatus, recipiat impressionem Sacramenti primi in suo intelligere, & idem est de sua memoria & voluntate. Idecirco istud Sacramentum de Confirmatione, instrumentum est primi Sacramenti, quod inquatum semetipsum dispositum erat ad faciendum impressionem in potentiis animæ subiecti, sed ipsam facere non potuit in actibus illarum potentiarum, videlicet in recolere, intelligere & diligere, sed tantummodo facit impressiones in potentiis. Et per Sacramentum Confirmationis fiunt characteres Sacramenti in actibus potentiarum, inquantum baptizatus consentit, quod sit mundatus à peccato originali, recolendo, intelligendo, & amando.

De Matrimonio.

Matrimonium est Sacramentum, quod ordinat copulam hominis & feminae ad finem, propter quem sunt masculinitas & femineitas, videlicet ad multiplicandum humanam speciem, vt Deus sit honoratus, & amatus per plures homines. Et istud Sacramentum specificat talem hominem, & talem feminam cum ordine verborum, & ordine conceptionis interioris, quæ mouent verba illius, qui agit

agit Sacramentum, & illorum qui characteres Sacramenti recipiunt intus & extra, & agens ligat, & illi sunt ligati. Et Sacramentum est sustentatum ita in contrahentibus, sicut litteræ sigilli in cera sunt sustentatæ. Et istud ligamen Sacramenti est, ut sit intentio copulæ ad generandum prolem ratione primarum brancharum arboris moralis, & non ratione placiti sensualis, quoniam finis sensualis colligitur in arbore rationali.

De Eucharistia.

EVcharistia est Sacramentum altari, quod quidem Sacramentum est, ut Deus cum homine multum possit participare in magnitudine bonitatis, durationis, potestatis, sapientiæ, voluntatis, virtutis, veritatis, concordantiæ, principij, medij, & finis, maioritatis, & humilitatis. Deus participat cum homine in magnitudine bonitatis ratione Sacramenti, quoniam valdè magnum bonum est homini tractare & tenere corpus Christi, qui est finis & completum omnium corporalium, & illud ita bonum corpus tågere cum suis manibus, & ipsum ponere in suo corpore, ut corpus tactum mundet à peccato, corpus quod est tangens, ita quod in illo tangere tangentis, & tacti est participatio ambarum bonitatum. Et illud bonum ita magnum in humano corpore positum non est aliquis, quæ cogitare posset. In Sacramento participant Deus & homo in magnitudine durationis, quoniam valde magna est duratio, & conservatio, quod Christus qui est homo Deus, remaneat sine cremento, & diminutione sui ipsius in Sacramento, homine recipiente illum Christum, qui non crevit per transmutationem substantialem

panis in carnem Christi, & vinum in sanguinem Christi, nec diminuitur, inquantum ille qui ipsum recipit transmutat materiam panis, transmutatam in Christum in carnem sui ipsius recipientis, & idem est de vino in sanguinem. Et hoc est magnum miraculum, & est figura & impressio magnæ durationis, quæ figura est character Sacramenti, quod est instrumentum ad significandum, magnam durationem Christi Dei hominis, In Sacramento altaris participat Deus & homo in magnitudine potestatis, quoniam magna est potestas, quam Deus dat presbytero, qui de pane facit carnem, & de ita paucis pane, ita magnam carnem sicut est caro Christi, quæ magna est, inquantum cōiuncta est cum Deitate, & idem est de vino & sanguine. Et magna potestas est illa, quam presbyter habet in loco, ubi facit Sacramentum, quoniam in illo loco de vino facit Sanguinem Christi qui in Cælo est. Hoc autem facit presbyter cum potestate Dei infinita, quæ se dat ei sicut instrumentum motum per agentem ad suam voluntatem. Sicut martellus qui est instrumentum fabri, quod cum illo clauum faciat ad suam voluntatem. Et hæc participatio magnitudinis & potestatis est ita in Sacramento, sicut est in arte fabricationis inter agētem & martellum, verumtamen maior est participatio in Sacramento ratione instrumenti, quod est infinitum, quod siquidem instrumentum est agens inquantum facit Sacramentum, sicut martellus, qui est agēs, inquantum facit clauum, & sicut martellus est patiens, inquantum est motus per manum fabri, sic potestas infinita est instrumentum patiens, inquantum se exhibere presbytero, quod cū illa Sacramentum faciat. In magnitudine

tudine sapientiæ participat Deus & homo in Sacramento, quoniam in quantum presbyter credit de pane carnem Christi facere, & de vino sanguinem Christi, eius credentia excitat suum intellectum ad intelligendum magnam potestatem Dei, magnam bonitatem, & magnam durationem, magnam sapientiam, & magnam voluntatem: & sic de aliis formis diuinis. Quare credulitas quam habet presbyter, significat formas, de quibus dictum est, quas intellectus attingit in forma intelligendi, & est captiuatus in quantum credit Sacramentum esse verum, & sic credentia est lumen in quo intellectus scientiam attingit. Et in hoc passu datur cognitio, quod credentia causat scientiam presbyteri in Sacramento ratione participationis quæ est magna in intellectu presbyteri & in intellectu Christi, qui intelligit Sacramentum esse verum, & sic participant scientia, & scientia, & credulitas in Sacramento. Et iste passus est multum placens, quod intelligatur, & significat, quod argumentum & credentia in vno tempore possunt esse in Sacramento. Et idem in aliis Sacramentis, & etiam in articulis fidei Catholicæ. Idcirco dixit Esayas Prophetæ, quod homo intelligere non potest, si non credat. Est ergo credentia lumen intelligendi, ita quod per credentiam hoc accipit vnum obiectum: sicut presbyter qui accipit Sacramentum esse verum, & per illud obiectum quod credit, multa alia obiecta esse vera intelligit, quæ sunt bonitas, magnitudo, duratio, potestas, & cetera; secundum quod supradictum est. In magnitudine voluntatis Deus & homo participant per Sacramentum, quoniam magna magnitudo voluntatis Dei est, qui vult esse in Sacra-

mento Christi: & magna magnitudo est voluntatis presbyteri, in quantum disposita est ad amandum valde illud Sacramentum. Quoniam secundum quod magnum est in bonitate & in aliis formis Christi, est amabile; & Sacramentum est, vt participatio Dei & hominis sit magna inter voluntatem, & voluntatem, & amare, & amare, & ita magnæ esse non posset, si Sacramentum non esset. Deus ergo ordinauit, quod sit Sacramentum, vt participatio amoris sit magna. Sacramentum altaris est ratio per quam virtus Dei & hominis sunt in magna participatione, quoniam magna virtus est Christi, quod ipse sit in cælo & in Sacramento, & magnam virtutem habent verba presbyteri, quæ faciunt esse vnum Christum & non plures in pluribus locis, videlicet in multis altaribus in vno eodem tempore. Et hæc participatio magnitudinis virtutis, quæ est inter Christum & presbyterum, esse non posset sine Sacramento, quod est subiectum participationis magnitudinis virtutis. Vnde cum virtus & vitia sint contraria, malefaciunt illi presbyteri, qui sunt in mortali peccato, & faciunt Sacramentum: & idem est de aliis hominibus, qui Sacramentum recipiunt & sunt in mortali peccato. In magnitudine veritatis Iesus Christus & homo participant in Sacramento, quoniam in illo magna est participatio inter veritatem, & veritatem, in hoc quod veritas superior in se veritatem inferiorem multiplicat in magnitudine bonitatis, potestatis, & aliarum: in quantum facit esse verum hoc quod presbyter dicit in Sacramento tunc, cum dicit, Hoc est corpus meum. Et hoc est magnum miraculum veritatis, quod vnum sit corpus Christi, & aliud corpus presbyteri, &

quod corpus Christi, & corpus presbyteri sint agentia in vno corpore quod est Sacramentum. Hoc autem esse non posset sine Sacramento quod presbyter facit in figura Christi, qui in quantum Christus loquitur, & facit Sacramentum. Et sic est magna participatio inter procuratorem & Dominum, & inter veritatem cuiuslibet. Et huic veritati participatus cursus naturalis sufficere non potest, sed sicut olea ad suam speciem trahit materiam oleastri, in quo est inserta, ita veritas superior ad suam magnitudinem attrahit veritatem inferiorem, quæ ascendit ad veritatem superiorem. Idcirco dicitur, quod Sacramentum est supra cursum naturalem, in quo Sacramento veritas superior se ostendit ita magnam: sicut faciunt duratio, potestas, sapientia, voluntas, & virtus, quæ sunt superiores, ita quod participationis magnitudo, quæ est inter veritatem & veritatem est speculum, in quo apparent magnitudines superiores. Quod speculum esse non posset, si Sacramentum non esset in ita magna magnitudine sicut illa, quam diximus, quæ potest esse per Sacramentum. In magnitudine concordantiæ Deus & homo participant in Sacramento, quoniam Deus & presbyter ita fortiter per Sacramentum concordant, quod contrarietas contradicere non potest naturaliter neque per locum, neque per tempus, nec per quantitatem, nec per colorem, nec per saporem, nec per aliquod aliorum accidentium: sicut per ponderositatem & figuram. Locus contradicere non potest, quoniam Christus in eodem tempore est in multis locis, videlicet in pluribus altaribus. Hoc naturaliter esse non posset quod vnus homo sit in cælo, & in terra, & in pluribus

locis, & in vno eodem tempore. Deuicta sunt ergo locus & tempus & cætera prædicta accidentia naturalia, quæ sunt secundum cursum naturalem per concordantiam quæ est inter Christum & presbyterum. Et hanc concordantiam ita magnam, videlicet quæ est inter Christum & habitum Sacramenti, de quo presbyter est indutus, non est homo viuens qui ipsam extimare possit, idcirco ille presbyter malefacit, qui cum luxuriosus, superbus, auarus, & gulosus est, est contra ita pulchrum vestimentum, quoniam neque pulchrius nec nobilius vestimentum habere posset quàm sit habitus Sacramenti. Sacramentum altaris est principium magnum complementi efficientis formæ, & materiæ. Est magnum complementum presbyteri, quod cum principio superiori, quod est principium omnium creatorum complet omnia principia sua creata, videlicet suam bonitatem naturalem, magnitudinem, durationem, potestatem, sapientiam, voluntatem, veritatem, & virtutem. Et ex hoc magno complemento informatus est, & habet quietem sua materia in formis principiorum. Et ideo magnum principium quod tunc principiat, cum de pane facit carnem, & de vino sanguinem, & de vacuo plenum, non est homo viuens, qui dicere nec scribere posset, nec etiam magnitudinem illius principij in bonitate, duratione, & cæteris formis sustentati. Sacramentum altaris est instrumentum, quod est medium inter Deum & hominem in quantum coniungit formas superiores, & inferiores ita, quod forma est in forma: sicut aër qui est medium in quo ignis & aqua inuicem coniunguntur existente quolibet in alio, & in illa conjunctione intrant formæ inferiores

tes cum contrarietate naturali, quam contrarietatem formæ superiores in concordantiam conuertunt supra cursum naturalem, qui repræsentatur in concordantia, quam habent ignis & aqua in aëre, cum piper sit, vt ignis in ipso magnum calorem habeat, & aqua magnam passionem: sic in Sacramento, in quo formæ superiores magnam habent actionem, & formæ inferiores magnam passionem. Et ita magnam actionem & passionem, quod maiores esse non possunt inter Christum & presbyterum. Et hanc ita magnam actionem, & passionem Dei & creaturæ valde delectabile est intelligere & considerare. Finis propter quē mundus creatus est, cognoscitur in Sacramento altaris, qui quidem finis est, vt cognoscatur magnitudo diuinæ bonitatis, durationis, potestatis, & aliarum formarum Dei, & etiam vt cognoscatur magnitudo humanæ bonitatis, durationis, potestatis, sapientiæ, voluntatis, & aliarum formarum humanitatis Christi. Et iste finis in Sacramento cognoscitur, in quo est finis magnus bonitatis superioris & inferioris, & sic de aliis formis. Et ideo est Sacramentum habitus, in quo cognoscitur finis creationis mundi. Et ideo ille habitus est pulchrius speculum, quod potest esse in hac vita, inter Deum & hominem, videlicet & videndo in illo speculo, tot in tantas magnitudines finium, & complementorum formarum superiorum, quæ complent formas inferiores. In Sacramento altaris participant Deus & homo cum maioriata, quoniam Deus plus influere non potest de sua bonitate, magnitudine, duratione, potestate, sapientia, voluntate, & sic de aliis formis. Nec homo in sua bonitate, magnitudine, duratione, potestate, & sic

de aliis formis, plus recipere non potest de influenza superiori. Participant ergo Deus & homo cum maioriata influentiæ & hæc participatio maioriata, quæ est inter Deum & hominem in hac vita, esse non posset sine Sacramento. Et ideo malefaciunt illi homines, qui sunt presbyteri, qui Sacramentum sapius facere possent, & faciunt in contrarium. In Sacramento altaris participat Deus cum homine, cum magna humilitate suæ bonitatis, durationis, potestatis, sapientiæ, voluntatis & veritatis, quoniam magnum est, quod ille qui est Deus & homo velit participare inferius, & tantum seipsum humiliare, cum omnibus suis altitudinibus, quæ sunt ita altæ, quod altiores esse non possent, quod dimittat se moueri de vno loco in alium, & dari hominibus. Et ideo malefaciunt illi presbyteri, & illi homines qui recipiunt Sacramentum, quando superbi sunt, cum ita sit, quod superbia & humilitas sint contraria. Et in hoc passu cognoscitur, quod presbyteri debeant esse magis humiles, quàm alij homines, in loquendo, induendo, comedendo, equitando, & habitando: & sic de aliis, quæ magnæ humilitati conueniunt, sicut Iesus Christus, qui in hoc mundo fuit humilis in omnibus.

De Ordine.

ORdo est Sacramentum necessarium ad alia Sacramenta, quia est instrumentum, cum quo fiunt alia Sacramenta. Et ordo est ita magnus, sicut spectat ad magnitudinem aliorum Sacramentorum: sicut martellus, qui proportionari debet ad magnitudinem clauis. Vnde cum Sacramentum altaris, & pœnitentiæ sit ita magnum,

oportet quod ordo quem presbyter recipit, sit magnus, ut ipse potes sit per illum ordinem ad conficiendum Sacramentum altaris, & ad dandam pœnitentiã hominibus, & in soluendo & ligando illos cum clauibus beati Petri, quæ claudunt & aperiunt hominibus in cœlo & in terra : cui apertum & clausuræ, respondet ordo presbyteri, qui siquidem ordo est Sacramentum, cuius scilicet Sacramenti magnitudinem extensam in bonitate iustitiæ, misericordiæ & potestatis iudicandi, & indulgendi, nullus posset scribere, nec cogitare. Et ideo illi presbyteri malè faciunt, qui habent ita magnum ordinem, quod se inclinant ad aliquod pactum, cum ita sit quod ordo & pactum sint contraria.

De Pœnitentia.

Pœnitentia est Sacramentum extensum in cōtritionem hominum, qui pœnitent de peccatis, quæ fecerunt, de quibus confitentur, & se submittunt iudicio presbyteri, ut fiat satisfactio, cum virtute contra vitium. Et istæ tres formæ contritionis, confessionis & satisfactionis sunt passiuæ, in quibus accipiunt similitudines formarum actiuarum, quas habet presbyter, qui similitudines imprimit illarum formarum actiuè in iudicio, quod dat, & in hoc quod indulget cum clauibus, quæ in illis formis passiuis claudunt & aperiunt. Et per hoc Sacramentum pœnitentiæ excitantur homines ad timorem per contritionem, & ad spem per indulgentiam. Et confessio, & satisfactio mouent contritionem, & è conuerso, contritio mouet illas: sicut forma, quæ mouet formam, vna forma mouente aliam ad suum finem: sicut ignis qui in pipere

cum forma caloris mouet formam humiditatis, frigiditatis, & siccitatis & siccitas, quæ mouet in pipere humiditatem, & frigiditatem. Et idem in formis spiritualibus, sicut voluntas quæ mouet intellectum ad intelligendum bona obiecta, amabilia ratione eorum bonitatura, & ad intelligendum mala obiecta, quæ sunt odibilia ratione eorum malitiæ. Et idem facit intellectus, qui mouet voluntatem ad amandum intelligibilia, & ad odiendum odibilia.

De Extrema-vnctione.

Extrema vnctio est Sacramentum, quod esse oportet ratione finis, quoniam sicut baptismus est ratione principij, & confirmatio ratione mediij, sic extrema-vnctio est ratione finis. In qua extrema-vnctione peccator, sua peccata confitetur, & fateatur fines formarum, qui sunt in vita æterna, & fines formarum qui priuantur in hac vita. Et sic extrema-vnctio est punctus, in quo peccator confitetur & fateatur lineas, quæ deficiunt in hac præsentī vita per mortem, quæ est diuisio corporis & animæ, & lineas futuras in vita æterna. Et hæc confessio per extremam vnctionem est Sacramentum in patiente, & in agente. Et si in patiente discretio deficiat propter magnam infirmitatem, in agente restauratur, qui facit Sacramentum. Sicut si naturaliter vnus homo perderet vnum oculum, in magna parte virtus illius oculi restauratur in organo alterius oculi. Et in hoc passu cognoscitur quomodo restaurantur baptismus & confessio in tempore necessitatis in absentia presbyteri, in quantum fieri possunt Sacramenta per aliū hominem, qui non sit presbyter. Apparet etiam in hoc passu, quod Deus diligit,

diligit, quod Sacramenta sint magna. Dictum est de septem Sacramentis sanctæ Ecclesiæ, quæ sunt ornamenta illius, & sicut Sol, qui est ornamentum terræ, in quantum ei dat lucem, & est idem de lumine, quod remouet tenebras à camera in nocte, & quod monstrat illa, quæ sunt in camera, sic septem Sacramenta cum lumine, & participatione formarum superiorum & inferiorum monstrant nobilitatem creatoris & creaturarum.

De Secunda parte foliorum arboris Apostolicalis.

Folia arboris Apostolicalis sunt canones, quæ sunt accidentia, quibus Papa indiget ad suum regimen. Qui quidem canones seminati sunt in decretalibus & decretis, & plures alij sūt in dispositione, quod cognoscantur: & illi qui cognoscuntur, possunt applicari ad certum numerum aliorum cognitorū magis generalium: ita quod artificialiter plura particularia applicari possent ad pauca vniuersalia, & data est ex eis practica secundum modum quem dedimus in folijs arboris Imperialis. Quem quidem modum replicare volumus in vno folio tantummodo, & hoc discurrendo per generalia accidentia. Et modum quem dabimus in discurrendo, est doctrina, quomodo homo discurrere sciat per folia artificialiter, per accidentia generalia. Et per hanc doctrinam posset homo deducere ad scientiam necessariam in breui longam rhetoricam positiuam vocatam ius canonicum.

De Summa Trinitate: & primò de Quantitate.

Summam Trinitatem firmiter credimus, & simpliciter confitemur,

sine quantitate continua & discreta. Quoniā in quantum credimus vnū Patrem, vnum Filium, vnum Spiritum sanctum, & omnes tres, vnum Deum, & non tres Deos, credimus & confitemur, quod in Trinitate non est quantitas: quoniam in ipsa non potest esse, postquam omnes tres remanent vna essentia, vnus Deus, vna natura, vna bonitas: & sic de alijs formis essentialibus, siue rationibus. Quoniam quantitas discreta sine diuersitate essentialium esse non potest, aut sine diuersitate essentialis & suppositi, aut concretionis: sicut in bonitate creata, in qua bonificatiuus, bonificabilis & bonificare sunt distincti, in quantum vnum non est aliud. Et quamuis ita sit, quod sint de vna essentia bonitatis, nullum illorum est bonitas, & ideo quodlibet per quantitatem attingitur, & in quantitate bonitatis determinatur. Sed hoc non est in beata Dei Trinitate: quoniā Pater est tota essentia diuina, & Filius tota essentia diuina, & Spiritus sanctus tota essentia diuina: & Pater de toto seipso producit Filium, & Pater & Filius de totis seipsis Spiritum sanctum producant. Et quia Pater est infinitus, & Filius est infinitus, & quilibet de tota sua essentia producit, non potest productus ex eis in extensitate, nec in æternitate esse quantus: quoniam productus est de essentia infinita & æterna, quare in illa benedicta productione quantitas nullo modo locum habere potest. Firmiter ergo credimus & simpliciter, quod in beata Dei Trinitate non est quantitas, nec potest esse.

De Qualitate.

In summa Trinitate non est qualitas, quæ sit accidens, quoniam bonitas Patris, & Filij, & Spiritus sancti

est qualitas essentialis & substantialis, in quantum Pater est qualis, & Filius qualis, & Spiritus sanctus qualis, ita quod per qualitatem determinatus est quilibet ut sit cognitus, & cum sua proprietate quilibet ab alio distinctus & determinatus, ut Pater per proprietatem paternalem, & Filius per proprietatem filialem, & Spiritus sanctus per proprietatem spirabilem. Et omnes istæ tres proprietates personales sunt una proprietas diuina, æterna, & infinita in bonitate, & in aliis formis diuinis, quarum quælibet est qualis, quælibet alia remanere per essentialitatem. Et quælibet est qualis per operationem generationis & spirationis, in quibus est distinctio personarum. Ita quod pater per bonitatem bonum filium generat, & per magnitudinem magnum, & per æternitatem æternum. Et ita bonitas est qualis, & magnitudo qualis, & æternitas, similiter in generatione, & in spiratione. Idcirco formæ in productione sunt rationes reales omnes una forma remanentes per essentialitatem, & naturam, deitatem, & unitatem unius Dei. Et iste passus est multum delectabilis ad considerandum, & est principium ad soluendum plures obiectiones factas contra summam Trinitatem. Quæ quidem obiectiones graues sunt ad intelligendum per illos, qui parum sciunt, aut qui de Deo parum credunt.

De Relatione.

IN beata Dei Trinitate credimus & confitemur relationem substantialem non accidentalem. Substantialem, in quantum Pater producit Filium de sua essentia substantiali, & de tota, non de parte, quoniam pars non potest esse in substantia infinita & æterna. Idcirco relatio realiter est substantialis

sine aliquo accidente. Et idem de relatione actionis spirationis, & passionis. Et similitudo istius relationis substantialis, & diuinæ, est inter Patrem, & Filium, qui sunt homines. Sed illa relatio non sentitur per aliquem sensum, quoniam interius est ita secreta, quod nullus sensus ipsam attingere potest, sed intellectus ipsam attingit in specie, quam multiplicat de relatione, quæ est accidentaliter consideratio, ita quod si pater non esset, nec filius, & e conuerso. Et causa quare relatio substantialis est necessaria, est, quia Martinus suum filium de sua substantia, & de suis accidentibus generat. Ita quod illa relatio unum pedem tenet in Patre, & alium in Filio. Et hoc est secundum modum quem diximus in branchis arboris elementalis, vegetalis, & sensibilis. Et quia Martinus generat filium suum de suis accidentibus: sicut faber qui de accidentibus ferri facit accidentia clauis, ideo remanet relatio inter Martinum, & suum filium accidentaliter. Idcirco illa relatio est triplicata, una est substantialis & realis, alia est accidentaliter, & realis, & tertia est intentionalis in intellectu multiplicata, in quantum ipsam intelligit, & suum intelligere induit in sua specie fantastica, quæ est in genere relationis.

De Actione, & Passione.

IN beata Dei Trinitate non credimus, nec affirmamus actionem neque passionem accidentalem, quoniam accidens non potest esse in productione, quæ est æterna & infinita: veruntamen actionem credimus & passionem in diuinis personis substantiales, in quantum dicimus quod pater est agens, in quantum producit, &

filius

filius est patiens, in quantum productus est: sed quia pater producit de sua substantia substantiatum, & produciens, & productum remanent vna substantia, oportet quod actio & passio sint reales personæ substantiales, & actio, & passio in eis locum habere non possunt, quia pater est in filio, & filius in patre, in quantum sunt vna substantia: & idem de tempore, quod non potest in illis habere principium, neque motum, quoniam Pater infinitus est in extensitate, sicut in æternitate, & idem est de Filio. Et idem est de quantitate secundum quod dictum est, quæ in illis non potest esse: quare actio & passio quæ sunt formæ accidentales nõ possunt esse in substantiato, vbi nõ est tempus, locus, quantitas, nec motus, & in quo actio & passio sunt vnamet substantia, & vnamet essentia. Et idem sequitur de sancto Spiritu, quæ est passiva spirabilitas procedens, & processa de activa spiratiuitate sine tempore, & sine aliis formis accidentalibus, postquam remanet vna substantia, cum activa spiratiuitate, quæ est Pater & Filius. Et in hoc passu habetur modus ad soluendum quæstiones, quas faciunt Saraceni, contra sanctam Trinitatem ratione actionis & passionis, quas negant in Deitate, affirmantes quod in Deo non cadit aliud quod accidens.

De Habitu.

IN beata Trinitate Dei non credimus, neque affirmamus habitum, cum ita sit, quod habitus sit accidens, & Deus sit purus actus in existendo & agendo, sicut sua magnitudo bonitatis, quæ est existere æternum, & sua magnitudo bonitatis, quæ est opus æternum, & idem est de aliis formis di-

uinis, idcirco Pater est suamet magnitudo, quæ est Pater æternaliter, & infinite in generando Filium æternaliter & infinite. Et idem est de sancto Spiritu qui æternaliter & infinite exit de Patre & Filio. Idcirco in beata Dei Trinitate, nec in sua essentia habitus esse non potest, nec creaturæ quas creauit, in illo habituata fuerunt, priusquam ipsas creauerit, quoniam antequam ipsas creauerit, fuerunt idæ in sua sapientia, quæ quidem idæ aliud non erant nisi Deus. Et erant multæ idæ, in quantum oportebat, quod plures essent creaturæ, sed non erant nisi vna idea, in quantum Deus est vnus. Sicut in speculo, in quo est virtus, per quam plures figuras diuersas accipit, vt figuram hominis, equi & castri, & est vna in seipsa, & pars speculi, ita Deus antequam forent creaturæ, cum sua sapientia quæ est forma diuina essentialis & substantialis, creaturas venturas attigit, & hoc actualiter & non habitualiter. Et in hoc passu erant Aristoteles, & eius sequaces, qui affirmarunt mundum esse æternum, vt creatio habitualiter in Deo non esset, & quod eius operatio æternaliter & actualiter esset in mundo, quoniam homo quod credebat habitum, si mundus creatus fuisset, est purus actus sapientie Dei, quæ accipiebat ea quæ ventura erant. Sicut si virtus receptiua speculi transiret ad accipiendum formas, antequam essent, quod facere non potest, secundum cursum naturalem, sed sapientia Dei potest hoc facere, quia sua virtus, & sua potestas sunt in vno puro actu infinito in attingendo hoc, quod est intra se & extra.

De Situ.

IN Trinitate Dei non est situs, cum ita sit, quod Deus non sit corpus

pus, nec aliqua natura corporis : quoniam ens infinitum in extensitate non potest esse corpus, cum ita sit, quod corpus non potest esse sine longo, amplo, & profundo, nec sine figura circulari, vel quadrangulari, aut triangulari: sed nullum istorum cadere potest in infinitate. Et ideo malè fecerunt illi Philosophi antiqui, & adhuc aliqui moderni Saracenorum, qui sunt eorum sequaces, qui negauerunt, quod Deus sit extra firmamentum essentialiter, nec intra, sed potentialiter & virtuosè: & sic de aliis formis. Et hoc negauerunt, quia affirmare timebant, quod Deus foret corpus si essentialiter esset intra & extra: sicut ignis qui est corpus, supposito quod sit intra cameram & extra: quia sicut Deus infinitus est per æternitatem, in qua est tempus mundi, & motus firmamenti, & illa est extra in quantum mundus non est æternus, sed est principiatus, & æternitas est intra mundum, quoniam non est ens diuisibile, ita extensitas Dei infinita est intra mundum & extra, quamuis ita sit, quod non sit corpus. Et ista extensitas diuina & spiritualis est essentia, quæ est Pater, qui de seipso producit Filium, & de Patre, & Filio exit Spiritus sanctus. Quare situs qui est creatura, est speculum & similitudo, in quo humanus intellectus accipit modum, secundum quem personæ diuinæ sunt in essentia, quasi in similitudine situationis: sicut Pater qui est in essentia sicut generans & spirans, & Filius sicut generatus & spirans, & Spiritus sanctus sicut spiratus. Et idem est de essentia, quæ est per vnum modum Pater, & per alium Filius, & per alium Spiritus sanctus, & ipsa remanet indistincta in semetipsa, quamuis in ipsa sint personæ. Et istud speculum assituationis, & figura est

creatura ita disposita & ordinata, quod intellectus humanus per illam videre potest, modum essentiae & personarum diuinarum: & sic de aliis formis diuinis. Sicut in diuina bonitate, in qua est Pater bonificans, & Filius bonificatus & bonificabilis, & Spiritus sanctus similiter: & bonificare quod est inter Patrem & Filium, est per modum generandi, & inter Patrem, & Filium, & Spiritum sanctum per modum spirandi. Sed hoc intellectus humanus, intelligere non posset, si situs non esset, quod est instrumentum ita necessarium ad intelligendum modum personarum: sicut color est necessarius ad imaginandum coloratum.

De Tempore.

IN Trinitate Dei non est tempus, cum ita sit quod tempus non possit esse sine principio, & motu rerum motarum, & principiatarum, in quo tempus est sustentatum. Et etiam quia Pater Filium generat de æternitate, in quantum de seipso (qui est æternitas) ipsum generat: & idem est de Patre & Filio, qui de seipsis qui sunt æternitas, Spiritum sanctum spirant. Quare sicut faber qui facit clauum de ferro, ipsum facere non potest de ligno, postquam ipsum facit de ferro, ita & multo melius productus de æternitate essentialiter & naturaliter, & substantialiter non potest esse de tempore, nec de aliqua natura temporis, cum ipse productus sit de æternitate, & in æternitate. Et ideo Saraceni, & Iudæi male faciunt, qui negant in Deo Trinitatem: quoniam si Trinitatem in Deo affirmarent, crederent, affirmare tempus in ipso, & negare æternitatem. Et in hoc passu potest homo cognoscere, quomodo humanus,

nus intellectus Christianorum est altior, quàm intellectus aliarum sectarum intelligendo in Deo operationem producentis, & producti sine tempore, & sine motu vnus & alterius.

De Loco.

IN Trinitate Dei non est locus, cum ita sit quod locus esse non potest nisi in entibus finitis. Sicut ampulla, quæ est locus vini, & camera quæ est locus hominis, qui stat in illa, & sic de loco secundum quod dictum est in arbore elementalī. Quare locus non potest esse in subiecto infinito extenso sicut est Deus pater, qui infinitus est in extensitate sine longo, amplo, & profundo, & sine omni natura loci. Et de toto seipso producit filium, quia ipse in vno loco non potest esse, nec filius in alio, quia essent supposita finita, si pater esset in vno loco & filius in alio, nec filius productus esset de essentia patris, qui est ens infinitum in extensitate nec de toto patre. Et idem est de Spiritu sancto, qui infinitè sine quantitate (sine quo locus esse non potest) exit de patre & filio, & exit in patre & filio, vt exeat in infinitate, & exit in seipso vt sit infinitus. Et ita nullo modo in diuina Trinitate locus esse potest. Quare Saraceni, & Iudæi malefaciunt, qui opinionem habent, quod Christiani credant, quod pater sit in vno loco & filius in alio, & Spiritus sanctus in alio, quoniam credunt, quod omnia quæ distincta sunt, requirant loca distincta: sicut homo, arbor, Martinus & filius suus. Et in hoc quod dicimus, quod pater est in filio, & filius in patre, & sic de sancto Spiritu, non sequitur, quod dicamus, quod vna pars sit in alia, cum ita sit, quod personæ

diuinæ non sint partes, quoniam pars non cadit in infinitate, vt dictum est, sed pater est in filio, & filius est in patre, & ita de Spiritu sancto, ita essentialiter, & naturaliter, quod vnum sunt per essentiam & naturam. Dictum est de accidentibus in quibus datur doctrina, quomodo homo sciat illa accidentia negare in summa Trinitate, & ipsam excusare ab illis accidentibus, & etiam quomodo homo sciat respondere ad obiectiones quæ fiunt contra ipsam beatam Trinitatem cum accidentibus supradictis. Quare similis doctrina haberi potest ad vtendum ipsis accidentibus affirmando vel negando illa in aliis canonibus. Sicut in canonibus de rescriptis & de constitutionibus, & sic de aliis. Quoniam per applicationem canonum ad nouè accidentia generalia poterit iudex cognitionem habere in iudicando, & aduocatus, in aduocando, & actor in agendo, & reus in defendendo. Et ideo doctrina data est, secundum quod dictum est, quomodo homo sciat vnā scientiam facere de generalibus formis, ad quas iura canonica reducantur. Et de illis quæ sunt particularia in vniuersalibus formis cognitionem habere. Et talis liber multum esset utilis Domino Papæ & suis Officialibus.

De Floribus arboris Apostolicalis.

FLORES arboris Apostolicalis sunt, quatuordecim articuli nostræ fidei Christianæ, videlicet credere & affirmare vnū Deum Patrem, Filium, Spiritum sanctū, creatorem, recreatorem, & glorificatorem. Isti septem articuli prædicti pertinent ad Deitatem, & alij septem sequentes ad humanitatem, qui sunt,

quod Dominus Iesus Christus conceptus est de Spiritu sancto, natus ex Maria virgine, crucifixus & mortuus, descendit ad inferos, tertia die à mortuis resurrexit, ascendit ad cælos, & quod venturus est iudicare viuos & mortuos. Et hos, quatuordecim articulos flores vocamus; quia altiora sunt, quæ de Deo & eius operibus credere possumus, & credulitas quâ homo habet de ipsis est flos, unde nascitur fructus, qui est sancta mater Ecclesia sustentata in hominibus iustis, sanctis & Catholicis, qui sunt oves Domini Papæ Vicarij seu successoris Beati Petri qui Romæ fuit crucifixus & mortuus. Quæ quidem Roma sedes est sui Vicarij, cuius sedes vocatur Petra, cuius conditiones sunt, quod sit fortis, viua & alba, Et ideo illi malefaciunt, qui illam Petram non custodiunt de morte, fragilitate & immundicia, cum illis sit commissa secundum suas conditiones, quæ requirunt homines viuos, fortes & mundos de peccatis. Antequam veniamus ad probandum vnum Deum, primò probabimus æternitatem esse, postmodum infinitam bonitatem, & infinitam magnitudinem, & alias formas, cum natura Dei per has formas significetur, & secundum earum naturam probationes ducere intendimus & conclusiones. Deinde probabimus Deum esse, & postmodum articulos. Et quemlibet articulum probare volumus quinque rationibus, & per formas primas, & per earum diffinitiones. Quæ quidem primæ formæ sunt bonitas, magnitudo & aliæ. Veruntamen si in aliquo contra sanctam fidem Ecclesiæ Romanæ dicemus, scienter non dicemus, sed ignoranter. Et ideo hoc quod dicemus, submittimus humiliter & tradimus Ecclesiæ Romanæ sacrosanctæ, quo-

niam hoc quod ipsa faciet, credemus.

De Formis sue rationibus Dei.

SI æternitas non est, omne quod est, inceptum est à seipso, quod est impossibile, quoniam fuisset antequam esset, quod est impossibile. Est ergo æternitas, quam summam durationem vocamus. Si summa bonitas non est, nec infima est, quod est impossibile, cum relatiuè se habeant. Est ergo summa bonitas quæ est infinita: quoniam si non esset infinita, sequeretur quod maius bonum quod minus distat ab infinitate, magis distaret ab infinitate, quia esset plus circa non esse quam minus bonum, & sic minus bonum maius esset quam maius bonum, quod est impossibile. Est ergo summa bonitas, quæ est infinita. Si infinita magnitudo non est, omne quod est, terminatum est in extensitate, & sic æternitas infinita est in duratione, & bonitas in summitate, vt probatum est: sed terminata sunt in magnitudine, quod est impossibile, cum infinitum, & finitum in eadem substantia proportionem non habeant. Est ergo infinita magnitudo: sicut est æternitas & summa bonitas. Si infinita potestas non est, omnis potestas est finita, quod est impossibile: quia æternitas est in infinita duratione, & postquam est in infinita duratione, potest esse in infinita duratione per potestatem, quia sine potestate non posset esse infinita. Est ergo infinita potestas, propter quam æternitas potest esse in infinita duratione. Æternitas est, vt probatum est, & quia est, scibilis est, & sic sua scibilitas est infinita: sicut ipsamet æternitas infinita est, & potest esse infinita per infinitam potestatem. Et bonum est,

est, quod sit infinita in scibilitate per summam bonitatem. Est ergo infinita scibilitas, & per consequens infinita sciuitas, cum relatiuè se habeant. Et sic per consequens est infinita sapientia ex ambabus. Si infinita voluntas non est, omnis voluntas finita est, & sic summa bonitas (quam probauimus) & infinita duratio, infinita potestas, & infinita sapientia non sunt amabiles infinite per voluntatem, quod malum est contra bonitatem, cum omne bonum sit amabile. Et etiam est vitium contra infinitatem magnitudinis, æternitatis, potestatis, & sapientiæ illarum, infinitate amabili non existente quod eis est malum, quod est impossibile. Est ergo infinita amabilitas, & per consequens infinita amatiuitas, cum relatiuè se habeant. Si infinita virtus non est, omnis virtus finita est, non sunt ergo summa bonitas, nec infinitas magnitudinis, æternitatis, potestatis, sapientiæ, & voluntatis infinite virtuosæ per virtutem, & sic sunt in infinitate earum ociosæ, & sine fine, quem perfectionem vocamus. Vnde sequitur summum vitium, & infinitum habens conuenientiam cum summa bonitate, & immensitate magnitudinis, &c. quod est impossibile: est ergo infinita virtus, per quam formæ supradictæ infinite sunt virtuosæ. Si nulla veritas sit infinita, omnis veritas est finita in bonitate, immensitate, magnitudinis, æternitatis, &c. & sic est falsum summam bonitatem esse, &c. quas probauimus: sequitur ergo ipsas esse & non esse, quod est contradictio. Est ergo infinita veritas, per quam æternitas, bonitas, &c. sunt in vero esse. Si nulla gloria sit infinita, omnis gloria est finita, non est ergo gloria voluntati diligere semetipsam, & summam bonitatem, &c. quod est malum

contra bonum, & paruum contra magnum, & vitiosum contra virtuosum, & falsum contra verum. Et sic bonitas non haberet: per quod posset esse summa, & sic de aliis, & esset gloria in rebus finitis, per quam essent in summitate bonitatis, voluntatis, & virtutis, quod est impossibile. Est ergo infinita gloria & summa. Si nullum principium sit infinitum in prioritate, omne principium est finitum, & sunt plura principia æqualiter in prioritate finita, quod est impossibile, quia iam probauimus, quod summa bonitas, & immensa magnitudo, &c. sunt in prioritate infinitæ, quia summa bonitas est in prioritate summitatis. Est ergo vnum summum principium: per quod summa bonitas, &c. sunt ante omnia in prioritate. Si nullum medium sit infinitum, omne medium est finitum, quod falsum est, quia in summa bonitate (quam probauimus) bonificare nõ esset medium infinitum inter bonificantem, & bonificabilem, & sic iam ipsa non posset esse summa, quia esset ociosa & sine virtute. Etiam non esset amabilis, si amare esset finitum, & non infinitum medium inter amantium, & amabile. Est ergo summum medium infinitum, per quod omnes formæ (quas prædiximus) habent purum actum, vt non sint ociosæ. Si nullus finis sit infinitus, omnis finis est finitus. Vocamus autem finem perfectionem rei & terminum ad quem: quod sit finis infinitus patet in hoc per hoc quod probatum est de summa bonitate, &c. quia infinitæ non possent esse sine fine, quia bonitas esset ociosa naturaliter, & non esset ratio magnitudini, quod esset bona sua infinitas: & sic de æternitate & de conuerso, quod est impossibile, ergo, &c. Si nulla concordantia sit infinita, omnis concor-

dantia est finita, non concordant, ergo summa bonitas, &c. in infinitate, quod est impossibile, quia iam non essent infinitæ in virtute & in amabilitate, &c. Est ergo vna concordantia infinita. Si nulla æqualitas est infinita, omnis æqualitas est finita, non sunt ergo summa bonitas, &c. æqualiter infinitæ, & sic sunt aliquæ finitæ, & non infinitæ, quod est impossibile. Est ergo vna æqualitas infinita, per quam omnes formæ antedictæ sunt infinitæ.

Quod Deus sit.

QUOD Deus sit, per, quinque rationes probare volumus in hunc modum. Si Deus est, suum esse est bonum, & magnum, & æternum: cum ita sit, quod consideramus Deum esse perfectum bonitate, magnitudine, & duratione. Et si Deus non est, sua priuatio est mala, & magnitudo æterna mala, quoniam Deus nunquam fuit nec erit: vnde sequitur, quod magnitudo mali est æterna, si Deus non est ita: sicut sequitur per contrariū, videlicet quod Deus est, est magnitudo boni æterni, oportet ergo q̄ Deus sit de necessitate, quia magnitudo maiorē habet concordantiam cum bonitate in duratione: quam cū malitia, quia priuatio, & duratio sunt contraria: & duratio & esse habent concordantiā, & magnitudo & bonitas habēt concordantiā cū esse, & paruitas quæ est cōtraria magnitudini: & malitia contraria bonitati concordantiam habent cum non esse: probatum est ergo Deum esse. Si Deus est: plus est de possibilitate, quam de impossibilitate in æternitate magnitudinis, & bonitatis. Et si Deus non est, est contrarium: quoniam supposito, quod Deus non sit, oportet de necessitate esse æternitatem, quoniam si

æternitas non esset, hoc quod est per se principiatum esset, quod est impossibile, quod aliqua substantia seipsam principiare posset: quoniam si seipsam principiare posset, & producere, esset sua potentia in aliquo subiecto, quod iam prius fuisset, & sic multiplicaretur contradictio, quod esset aliquid, & non esset: quæ contradictio est impossibilis. Est ergo æternitas de necessitate, in qua æternitate est maior possibilitas, magnitudinis, bonitatis, si Deus est: quoniam si Deus est æternitas, potest esse infinita in magnitudine bonitatis existente Deo illa æternitate: & si Deus non est, non potest esse infinita in magnitudine bonitatis, & sic magnitudo, & æternitas maiorem habent concordantiam cum impossibilitate boni, quam cum possibilitate existente illa possibilitate in actu. Puto, quæ quidem maior concordantia est impossibilis, vt magnitudo, & æternitas non habeant cōcordantiam cum malitia & impossibilitate, & quod habeant concordantiam cum bonitate, & cum bono posito, & possibili, vt ita loquar, est ergo Deus de necessitate. Si Deus est, veritas est in maiori realitate bonitatis, magnitudinis, & æternitatis: & si Deus non est, est in minoritate, & falsitas in maiori opinione & fantastica speciei, in qua consideratur esse Dei, quod est infinita bonitas, magnitudo, æternitas. Et hæc consideratio est falsa, & est maior quam realitas magnitudinis, & bonitatis, quæ sunt infinitæ in æternitate. Et ita æternitas maiorem habet concordantiam cum magnitudine bonitatis, cum falsitate in fantasia, quam humanus intellectus accipit, & quæ non est de essentia æternitatis, nec est substantialis, quam cum magnitudine bonitatis realis, quæ est veritas & substantia.

stantia. Et talis concordantia est impossibilis, per quam impossibilitatem probatur, quod Deus est de necessitate. Si Deus est, suum esse est amabile, & si non est, est odibile. Et hoc est, quia in amabilitate magnitudo, bonitas, & æternitas habent concordantiam, & si Deus non est, suum esse amabile non est, postquam non est, nec esse potest, & est amabile hoc, per quod non potest esse, cum ita sit quod veritas naturaliter sit amabilis. Sequitur ergo, si Deus non est, quod sua priuatio sit amabilis, & quod suum esse sit odibile, & quod amare sit bonum, & magnum, & odire similiter. Vnde sequitur naturaliter, quod minora bona, magis sunt amabilia, quam maiora, & quod bonum est odibile, & malum amabile, & quod maiora mala, magis sunt amabilia quam minora. Et hoc est impossibile, secundum quod experientiam habemus, & secundum rationem naturalem. Est ergo Deus de necessitate, quia si non esset inconuenientia antedicta sequerentur, quæ esse non possunt. Si Deus non est, non est finis alicuius rei in aliqua substantia, & finis rãtũmodo est in accidentibus. Finem vocamus complementum sine aliquo defectu, quoniam si Deus non est: finis consistit in actibus potentiarum & primarum formarum. Sicut finis ignis qui consistit in calefacere, & finis vegetatiuæ, in vegetare, & sensitiuæ in sentire, & imaginatiuæ in imaginari, & rationatiuæ in recolere, intelligere, & amare. Et finis arboris moralis consistit in virtutificare, & arboris Imperialis in iudicare, & idem de arbore Apostolicali, & finis solis consistit in lucere, & finis firmamenti in mouere. Et sic de aliis in tantum quod operari est finis, & non operatum. Et

est in principio, & medio entium. Quæ quidem entia sunt vacua rebus substantialibus, & plena sunt rebus accidentalibus quæ sunt finis. Et ideo dixerunt aliqui Philosophi antiqui, quod oportet, quod generatio, corruptio, & priuatio sint principia æterna & generalia, vt operatio Dei sit æterna. Idcirco dicunt, quod oportet quod aliquæ formæ veteres veniant in priuationem, & corruptionem, vt formæ trouæ venire possint in actum, & postmodum in priuationem & corruptionem, & hoc æternaliter generando & corrumpendo. Vnde sequitur quod fines entium sint generale corrumpere, & priuari: & quia sunt magis in priuatione quam in esse, est priuatio finis rerum quæ sunt, & esse se habet ad illum finem, quæ est suum contrarium, & in illo quietem habet. Et hoc est impossibile, & contra cursum naturalem, quæ quidem impossibilitas esset possibilitas, si Deus non est. Sed quia Deus est, contrarium est, videlicet operatio est, vt sit operatum: videlicet accidens est, vt substantia sit quæ est finis, & complementum accidentis, quod in illa habet quietem. Sicut forfices & martellus, qui quietem habent in clauo, & clauus in postibus, quas coniungit, & postes suum finem habent in nauí. Et idem est de igne in quo calor habet quietem in calefacto, & vegetare in vegetato, & sentire in substantia sensata, & imaginari in imaginato, & intelligere, recolere, & amare in substantia recolita, intellecta & amata: & virtutificare in homine virtutioso, & iudicare in iustitia, & iustitia in pace, & pax in essendo instrumentum hominibus ad cognoscendum Deum, recolendum & amandum, & ad eundem de ista vitã ad aliam, & ad remanendum cum eo æternaliter, &

ad recipiendum ab eo gloriam, Deo existente per hominem recolito, intellectu & amato, quæ sunt tres formæ, fines, & complementa omnium entium creatorum. Et ita sequitur, si Deus est, quod principia & media entium se habent ad finem, & illum finem attingunt, & in illo quietem habent. Et si Deus non est, prædicta inconuenientia sequuntur, quæ esse non possunt secundum cursum naturalem, nec etiam secundum cursum supranaturalem: cum ita sit, quod si Deus non est, nullum ens est supra cursum naturæ, quod si esset, non esse esset causa essendi, siue illius rei quæ est, & sic esset aliquid, & non esset aliquid, quod est impossibile.

De Vnitate Dei.

Sicut Deus benedictus, bonus est per bonitatem, & magnus per magnitudinem, æternus per æternitatem, & potens per potestatem, &c. ita oportet quod sit vnus per vnitatem: quoniam si non esset vnus per vnitatem, essent aliæ formæ maiores in Deo quam vnitas, & esset vnitas in Deo in minoritate, quæ est ens prope non esse. Et sic vnitas Dei non esset Deus, nec natura illius, quod si sic Deus esset minor per vnitatem, quæ minoritas esset mala contra bonitatem, & parua contra magnitudinem, & priuatio contra æternitatem, & fragilitas contra potestatem, & sic de alijs, quod est impossibile, scilicet quod in Deo sit contrarietas, vel defectus cum ipse sit pura concordantia, & complementum. Est ergo Deus vnus per vnitatem completè duobus modis: vnus est quod sit vnus, sicut Martinus qui est vnus, & equus qui est vnus, videlicet vna substantia. Alius modus est, quod non

sint plures dii, sed vnus tantummodo, sicut vnus sol, vna luna, vnus ignis. Et per hos duos modos vnitatis est Deus vnus completè, sine quibus vnitas non posset esse ratio Deo, quod esset vnus completè. Est ergo vnus Deus tantummodo, & non plures dii. In Deo potestas, sapientia, & voluntas sunt vnum idem in numero, quod si non oporteret, quod in Deo esset accidens, ita quod potestas non esset per seipsam sapiens, nec amata, vel amans, nec sapientia potens per seipsam, nec amata: nec voluntas per semetipsam potens, nec sapiens: quoniam potestas per sapientiam esset intellecta, vel intelligens, & per voluntatem amata vel amans, & sapientia intelligere posset per potestatem, & amare per voluntatem, & voluntas posset amare per potestatem, & intelligere per sapientiam, non autem per seipsam. Sicut aer qui non potest esse calidus per semetipsum, sed per ignem: & sicut ignis qui non potest esse siccus per se, sed per terram. Oportet ergo quod in Deo sua potestas, sapientia, & voluntas sint vnum idem numero, vt in ipso non sit accidens, nec paruitas, magnitudinis, bonitatis, potestatis, sapientia, neque voluntatis. Est ergo vnus Deus & non plures: quoniam postquam in Deo potestas, sapientia, & voluntas sunt vnum idem numero, potest esse per potestatem, si voluntas sua vult, & potest scire sua sapientia per voluntatem, & debet voluntas velle, postquam potest esse, quoniam gnitudo est suæ voluntatis, potestatis, & sapientia, & suæ bonitatis, si est vnus Deus, & non plures, & si sint plures, & non vnus tantummodo, voluntas est contra magnitudinem, suæ bonitatis, potestatis, & sapientia. Et idem est de sua sapientia, quæ sit contra magnitudinem.

rudinem bonitatis suæ, potestatis suimet, & suæ voluntatis. Et idem est de potestate, quæ potest contra magnitudinem bonitatis suimet, sapientiæ & volûntatis: & hoc est impossibile quod in Deo sit aliqua forma contra seipsam, vel contra aliam: veruntamen non dicimus quod in Deo sint plures formæ, sed vna forma, sed ita nos loqui oportet, in quantum rationes quæ sunt in Deo, formas vocamus: probatum est ergo quod sit vnus Deus, & non plures dij. Oportet quod bonitas Dei sit ita magna, quod maior esse non potest: quoniam si posset esse maior, esset magna in potentia, & parua in actu, quæ quædã paruitas esset contra magnitudinẽ, & contra bonitatẽ, & contra alias formas, quod est impossibile: est ergo bonitas Dei ita magna, quod maior esse non potest, & maior bonitas, quæ potest esse, est quod sit vna quæ sit Deus, ita quod alius Deus, aliam bonitatem non habeat, vt bonitas sit infinita in magnitudine, cuius infinitas est, q̃ sit vna, & nõ plures: verũtamẽ homo bonus est, & equus est bonus, nec bonitas alicuius illorum est contra magnitudinem bonitatis Dei, postquam ipsa est infinita & est Deus, & bonitates extra quæ sunt creatæ sunt infinitæ. Est ergo vnus Deus tantummodo, & non plures, vt magnitudo suæ bonitatis sit infinita. Et idem est de sua extensitate, æternitate & potestate, quæ non possent esse infinitæ formæ, si essent plures dij. Si essent plures dij, vnus per se sufficere non posset, quod esset finis suarum formarum: sicut bonitas vnius Dei, quæ non posset habere quietem in sua magnitudine, quæ esset terminata & finita in hoc quod esset aliqua magnitudo, quæ esset alius Deus: & idem de magnitudine, quæ quietem habere non posset in bonita-

te, postquam alia bonitas esset Deus, & ita nullus Deus finem suum haberet in seipso, nec in alio: quoniam si in alio haberet, non esset Deus: essent ergo formæ cuiuslibet Dei vacuæ sine suo, quod est impossibile. Est ergo vnus Deus, & non plures dij, in quo qualibet suarum formarum quiescit, qualibet forma in ipso existente infinita, & ipso infinito existente, & completo sine omni defectu. Si sunt plures dij, plures sunt æternitates, & quælibet æternitas est Deus, & sicut quilibet Deus infinitus est per æternitatem, oportet quod sit infinitus per extensitatem, cum ita sit quod in Deo extensitas & æternitas sunt æquales in seipsis, & in magnitudine bonitatis, potestatis, & aliarum: sed hoc esse non posset, si essent plures dij: quoniam æternitas esset maior, quam extensa magnitudo: quæ magnitudo rangeret magnitudinem alterius Dei, & haberet quilibet Deus rectitudines, quæ sunt sursum & deorsum, antrosum, retrorsum, dextrorsum & sinistrorsum, in quibus magnitudines contrariarentur sibi inuicẽ, sicut rectitudines vnius corporis, quæ obuient sibi inuicem, cum rectitudinibus alterius corporis, & ita quilibet Deus haberet substantiam terminatam, vsque ad vnum locum, & non extenderet se ad plus, & oporteret, quod vnus Deus esset in alio, sicut pars in parte, ita quod totum non sequeretur, quod est impossibile, & contra magnitudinem bonitatis, æternitatis & infinitatis, & etiam contra cursum naturalem. Est ergo vnus Deus tantummodo, & non plures. Probauius ergo primum articulum, videlicet vnum Deum esse, & non plures. Secundus articulus est, credere & affirmare Patrem. Tertius articulus est credere & affirmare Filium.

lium. Quartus articulus est credere & affirmare Spiritum sanctum. Et hos tres articulos probare volumus probando Trinitatem, quam probare intendimus tribus modis, secundum quod probauimus in libro quinto hominum sapientum. Primus modus est ad probandum Trinitatem, probare in Deo pluralitatem plurium rerum. Secundus modus est probare, quod illæ plures res sint personæ, quæ sunt proprietates, ita quod vna sit paternalis proprietas, alia filialis, & alia passiuæ spirabilis. Tertius modus est probare, quod in Deo sint tres personæ, ita quod non sint plures, neque pauciores.

De Pluralitate Dei.

Deus est vnus, & est bonus, magnus, æternus, potens, &c. Vnde sicut Deus se habet ad intelligere per sapientiam, & ad amare per voluntatem, sic se habet ad vnire per vnitatem, & ad bonificare per bonitatem, & ad magnificare per magnitudinem, & ad æternificare per æternitatem, & ad possidere per potestatem. Et hoc ita esse oportet, vt sapientia & voluntas magis se non habeant ad finem, quam vnitas, bonitas, magnitudo, æternitas & potestas. Deus ergo se habet ad vnire per vnitatem ita, quod vnum producat, qui intantum sit vnus, quod non sit alius, vt vnitas sit ita ratio vni, quod producat vnum: sicut bonitas est ratio bono, quod producat bonum, & voluntas est ratio amanti, quod producat amatum, & sapientia est ratio intelligenti, quod producat intellectum. Deis inquantum est vnus non potest seipsum producere, videlicet suam vnitatem: quoniam nullum ens seipsum producere potest. Et quia oportet, quod producat

vnum, vt vnitas sit ratio fini sui ipsius: oportet quod sit vnus Deus, qui producat vnum Deum ita, quod vnus sit producat, & alius sit productus, & quod vnus sit de vno, & quod de ambobus sit vnire: ita quod sub ratione vnitatis sint tria concreta de sua essentia & natura, & omnia tria vna essentia & vna natura, & non plures essentia nec naturæ, vt vnitas sit magna: & alia tria sunt vniens, vnibilis & vnire. Oportet ergo de necessitate, quod inter illa sit distinctio, intantum quod vnum non sit aliud, sine qua distinctione vnitas non posset esse ratio vni quod producat vnum, & esset ociosa, & per illam non sequeretur aliquid in sua essentia, nec de sua essentia & natura, & esset parua in seipsa, & magna in creaturis, in quibus est ratio vni creaturæ, quod producat aliam creaturam per modum generationis & secundum cursum naturalem: sicut Martinus, qui est vnus, cui vnitas Dei est ratio, quod Petrum producat, qui est vnus filius suus: oportet ergo quod vnitas Dei quæ non potest esse maior ratio alij, quam in semetipsa sit, ratio in suamet essentia vni Deo: quod producat vnum Deum. Probatum est ergo quod in Deo pluralitas sit de necessitate secundum magnitudinem vnitatis & suæ bonitatis, æternitatis, potestatis, sapientiæ, voluntatis, virtutis, veritatis, & gloriæ. Omnis vnitas maior est in magnitudine bonitatis & potestatis per existere & agere, quam per existere tantum, aut per agere tantum. Sicut ignis qui maior est per suum esse & per suum calefacere, quam per suum esse tantum, aut per suum calefacere tantum: & quod non esset hoc, quod est. Est ergo vnitas Dei maior in magnitudine bonitatis, æternitatis & potestatis per existere, & agere, quam non esset per vnum.

unum tantum. Et quia oportet quod in illa sit maior magnitudo bonitatis, æternitatis & potestatis, quæ possit esse: oportet quod in illa sit hoc quod est, & quod habeat operationem in se unitiui, unitibilis & unitæ, quam operationem habere non posset sine distinctione plurium, cum ita sit quod operari unitatis non possit esse sine unitæ, ita quod unus non sit alius. Sicut faber qui non potest agere de ferro nec de unitate illius absque unitæ, ita videlicet quod de ferro unum clauum faciat aut unum cultellum vel plures. Est ergo in unitate Dei pluralitas plurium: ita quod unus non est alius, ut sua unitas possit esse magna per existere & agere. Deus est Deus per deitatem: sicut bonus est per bonitatem, & unus per unitatem. Et quia ipse in se habet agere: in quantum intelligit semetipsum, & diligit semetipsum: oportet quod in seipso habeat deificare: sicut in se habet intelligere & amare. Quoniam si haberet intelligere & amare, & non deificare, maior esset per sapientiam & voluntatem in bonitate, potestate, æternitate & sine quam per deitatem: quod est impossibile. Est ergo in deitate deificare quod in se ipso esse non potest sine distinctione deificantis, deificabilis, & deificare, & seipsum deificare non potest, quoniam iam Deus est, & est deitas: sicut seipsum æternare non potest, cum iam sit æternus & æternitas. Sed de seipso potest deificatum deificare de deificante per deificare. Probatum est ergo quod in Deo sit pluralitas sustentata in deificante, deificabili, & deificare, cum distinctione. Deus est Deus per suum existere: sicut martellus, qui martellus est per suum existere: & panis qui est panis, quia est

de farina & aqua, & sic de aliis substantiis. Vnde sicut martellus est, ut sit clauus: & panis, ut homo ex ipso uiuat: ita & multo melius est Deus, ut sit Deus: quoniam si Deus non esset ratione finis, sed ratione existentie: esset in minori bonitate magnitudinis, æternitatis, potestatis, sapientie, voluntatis, gloriæ, virtutis, & veritatis: & martellus, & panis essent in maiori magnitudine bonitatis quam Deus, in quantum essent per modum essendi hoc quod sunt, & quod per eorum existere sequeretur aliquod bonum, & Deus non esset nisi tantummodo per suum existere, & quod in se non sequeretur aliquod bonum per suum existere, sed in creaturis & dispositus esset ad producendum magis parua quàm magna, in quibus esset finis sui existere: sicut finis martelli, qui est in fine clauis, & finis panis in vita hominis. Et hoc est impossibile, quod aliquis finis qui non sit de essentia Dei, sit finis suæ existentie: nec quod martellus & panis sint in maiori magnitudine quàm Deus, qui est causa prima. Est ergo in Deo existentia & agentia, & oportet quod Deus sit ita bonus, & ita magnus per agentiam sicut per existentiam, & per existentiam sicut per agentiam. Est ergo Deus in tantum Deus per agere sicut per existere: unde cum Deus sit per existere, oportet quod sit Deus per agere: videlicet per deificare, ita quod Deus sit de Deo & quod deificans sit, ut sit deificatus, & deificabilis, & deificare, & deificatus, & deificabilis: ut sit deificans, & deificare: & deificare ut sit deificans & deificabilis, hoc autem esse non posset sine pluralitate plurium. Est ergo in Deo pluralitas de necessitate. Deus est purus actus, & est actus purus infinite,

oportet ergo quod in illo sit infinire, quoniam si in sua actualitate infinita non esset infinire, sequeretur in illo contradictio: videlicet quod esset actus infinitus & non infinitus, esset actus infinitus in quantum per modum existendi, ita quod sua existentia non haberet terminum in extensitate, sicut in æternitate, in qua non est terminus principij, medij & finis, & esset infinitas finita in infinire, in hoc quod ipsum non haberet, & sic esset infinita & finita, quare nõ posset esse in actu infinito. Oportet ergo quod infinire sit de infiniente & infinibili, de quibus non posset esse absque pluralitate omnium trium. Et etiam oportet quod si in Deo non esset infinire bonitatis in bonificare, quod est de bonificante & bonificabili, & in æternare quod est de æternificante & æternificabili, & in possificare, quod est de possificante & possificabili, & intelligere, quod est de intelligente & intelligibili, & in velle quod est de volitivo & volibili: & sic de aliis formis, essent bonitas ociosa in hoc quod non esset bonitas, ad infinendum bonum de bono, cuius ociositas sibi esset mala. Et idem est de æternitate quæ foret ociosa ad infinendum de æternificante & æternificabili, cuius ociositas ei esset priuatio infinitatis. Et de potestate quæ esset ociosa, in quantum non esset ratio ad infinendum. Cuius ociositas ei essent impossibilitas possibilis & positi, & idem est de aliis formis. Oportet ergo de necessitate quod quælibet formatum de habeat ad infinire, vt in ipso sint ita purus actus, sicut sunt in infinitate. Oportet etiam quod sint in infiniente & infinibili ita actus purus, sicut sunt in infinitate: sed hoc esse non posset, si in Deo non esset pluralitas, est ergo pluralitas in Deo de necessitate.

De Diuinis Proprietatibus.

PROBATUM est supra quod in Deo sit pluralitas, modo probare volumus quod illa pluralitas sit in proprietatibus personalibus, videlicet in proprietate Paternali, Filiali, & Spirituali passibili. In bonitate Dei sunt bonificans, bonificabilis & bonificare, & in magnitudine, magnificans, magnificabilis & magnificare, & in æternitate æternificans, æternificabilis & æternificare, & in sua potestate possificans, possificabilis & possificare, & in sapientia, intelligens, intelligibilis & intelligere, in voluntate amans, amabilis & amare, & sic de cæteris dignitatibus Dei. Et hoc oportet esse de necessitate vt ipsæ dignitates non sint ociosæ, & quod in seipsis suum habeant complementum, sicut intelligere Dei, quod bonum esse oportet per bonitatem, & de bonitate, & de magnitudine ratione cuius oportet quod sit magnum. Et idem est de æternare, ratione cuius est æternum, & de æternitate, & idem est de intelligere, quod oportet esse per sapientiam & de sapientia, & sic de amare, quod oportet esse de voluntate. Et si hoc ita non esset, intelligere Dei non esset magnum in bonitate, nec de bonitate, & sic de magnitudine, & cæteris. Et quia intelligere est magnum, oportet quod intelligens sit magnus & intelligibilis magnus, & quilibet ita magnus, quod non possit esse maior, neque melior, neque plus æternus, & sic de aliis. Oportet ergo quod intelligens sit pater, & intelligibilis sit filius, ita quod Deus intelligens seipsum producat ita magnum intelligere in semetipso, quod sequatur ex ipso intellectus, qui sit de essentia intelligentis, & quod intelligens, & in-
telle

tellectus sint intelligere essentialiter, & quod distinctio remaneat inter intelligentem, & intellectum, & quod sit de patre & filio, & oportet quod sit patris & filij: quia oportet quod intellectus sit de intelligente, ut intelligere sit maius, quoniam si non esset de essentia intelligentis, esset minor, quæ quidem minoritas in Deitate locum non habet. Quia sicut Martinus qui generat filium de seipso vocari debet pater, quia generat de seipso: ita Deus intelligens, qui de seipso intellectum producit, vocari debet pater, & per consequens intellectus vocari debet filius. Et oportet quod quilibet sit suppositum persona & substantia, ut magnitudo sufficiat de seipsa, & de bonitate, æternitate, & de potestate, & de aliis dignitatibus omnibus tribus. Probatum est ergo quod pluralitas sit de paternitate, & de filiatione. Oportet quod pluralitas Dei sit amantis, amabilis, & amare, & in amante, amabili, & amare, & per amantem, amabilem, & amare. Quoniam si aliqua istarum formarum deficeret, esset vacua una aut duabus, aut omnibus tribus. Est ergo pluralitas de amare, & in amare, & per amare, & in amante, amabili, & de amante, amabili, & per amantem, & amabilem, & ita sufficit magnitudo bonitatis, & cæterarum formarum omnibus tribus. Oportet ergo quod amans sit pater, & amatus sit filius, cum ita sit quod inter patrem & filium possit esse maior bonitas, & magnitudo amoris (quia filius est de patre) quam inter aliqua alia supposita, quæ non sunt de essentia amoris, nec sunt pater & filius. Et quia pater amat filium, & filius amat patrem, oportet quod magnitudo sufficiat ita fortiter de seipsa, & de bonitate, æternitate, potestate, & de aliis ipsi amare,

quod est inter patrem & filium, quod illud amare sit ita magnum in omnibus dignitatibus, & per omnes dignitates, & de omnibus dignitatibus: sicut sunt pater & filius. Oportet ergo quod amare sit persona, & proprietates spirabilis, per quam oportet quod vocetur Spiritus sanctus, qui exit & producit de patre & filio, patre amante filium & filio patrem, & quolibet amante alium quantum semetipsum. Et si ille exitus qui exit de amore patris & filij (quam quidem amorem habent ambo) non esset Spiritus sanctus, non sufficeret ei magnitudo bonitatis, æternitatis, potestatis, & aliarum dignitatum, & esset ille exitus subiectum minoritati, & paruitati, quæ est contra magnitudinem, & non esset hoc quod est in aliqua forma, quod est impossibile. Est ergo ille exitus Spiritus sanctus, videlicet persona passiva spirabilis, & spirata ab amore, qui est spirativitas activa, & pater & filius, uno alium diligente. Oportet quod pluralitas divina (quam probauimus) in maiori sit relatione, quæ potest esse bonitatis, magnitudinis, æternitatis, & aliarum: sicut in amore, in quo amans, amabilis, & amare, qui sunt de sua essentia, sunt in maiori relatione, quam amans, amabilis, & amare, quæ non sunt de sua essentia. Sicut Martinus qui denarios diligit, & honores, & delicias carnales, & sic de aliis. Postquam ergo in pluralitate Dei sit maior relatio amantis, amabilis, & amare, oportet quod amans sit pater, & amabilis filius, & amare Spiritus sanctus, & quod omnes tres sint amor & relatio unius ad alium, existentibus amore & relatione sustentatis in ipsis: sicut essentia in suis concretis, quæ sunt ex illa essentialiter: est ergo sustentatio proprietatum personalium, quæ sunt

paternitas, filiatio, & spiratio, vt relatio sit magna in magnitudine bonitatis, & amoris, & aliarum: sicut amor in quo non potest esse amans sine amabili, nec amans, & amatus sine amare. Naturaliter maior concordantia bonitatis, magnitudinis, æternitatis, potestatis, sapientiæ, & voluntatis, & aliarum quæ possit esse in pluralitate, videlicet in proprietatibus distinctis, & personalibus, potest esse inter Patrem, & Filium, & Spiritum sanctum: quoniam in hoc quod pater de seipso, & de toto hoc quod habet producit filium, & filius non est ex alio nisi ex patre: sicut Petrus filius Martini, & suæ matris, qui non est tantummodo de Martino, imo est de sua matre, nec est de toto Martino, quoniam non est de essentia suæ animæ rationalis, nec est Martinus, quoniam Martinus est in vno loco, & Petrus suus filius in alio: sed in Deo non est ita, quoniam filius est de toto patre, & in patre, & pater in filio, & pater de toto suo amare amat suum filium, & filius de toto seipso amat patrem, & amare est de ambobus, & de vna amantinitate, quæ est ambo, & illa remanet vna amabilitas. Et ideo maior concordantia quæ possit esse, est illorum trium in magnitudine bonitatis & aliarum: sed hoc esse non posset, si pluralitas non esset paternitatis, filiationis, & spirationis. Oportet quod diuina pluralitas sit in maiori æqualitate quæ possit esse inter vnum & aliud, vt illa maior æqualitas sufficientiam habeat magnitudinis, bonitatis, æternitatis, & aliarum. Est ergo maior æqualitas, quæ possit esse inter Patrem, & Filium, & Spiritum sanctum: sicut filius qui est ex tota bonitate patris, & ex tota magnitudine illius, & sic de tota æternitate, & de tota potestate, sapientia, & voluntate. Hæc ita

magna æqualitas non posset esse nisi inter patrem & filium, patre generante filium de toto seipso, & de tota sua bonitate, magnitudine, æternitate, & aliis, & patre cum filio spirante Spiritum sanctum exeuntem siue spiratum de tota bonitate amborum, & de tota eorum magnitudine, & cæteris, & existente æquali medio amborum in hoc, quod exit ex ambobus. Oportet ergo quod pluralitas diuina quæ requirit secundum suam bonitatem, & naturam maiorem æqualitatem suppositorum, sit in æqualitate paternitatis, filiationis, & passiue spirationis.

De Numero diuinali, æternali.

PRobatum est quod in Deo sit pluralitas personarum, videlicet Patris, & Filij, & Spiritus sancti, modo volumus probare, quod personæ pauciores esse non possunt, nec plures tribus secundum magnitudinem bonitatis, æternitatis, potestatis, & aliarum. Magnitudo bonitatis est, quod habeat in seipsa & de seipsa bonificatiuum, bonificabile, & bonificare: & magnitudo æternitatis est, quod habeat in seipsa & de seipsa æternificatiuum, æternificabile, & æternificare, & idem est de aliis formis. Et ideo significatum est, quod personæ diuinæ sunt tres, & non plures neque pauciores: quoniam si essent plures oporteret quod in formis illud plus esset superfluum. Sicut in bonitate, in qua oporteret, quod duos haberet bonificatiuos aut plures, & duos bonificabiles aut plures, & duo bonificare aut plura. Et non sufficeret vnus bonificatiuus, vnus bonificabilis, & vnum bonificare, & ita deficeret magnitudo cuiuslibet, qui defectus esset malus, & paruitas cuiuslibet. Et si in bonitate non esset nisi vnus bonificatiuus, & quod

non

non esset bonificabilis; qui esset de eius essentia, & bonificare quod esset de essentia amborum, non posset esse relatio in magnitudine bonitatis, & ei deficeret magnitudo, & hoc esset malum. Sunt ergo in bonitate tres, & non plus, neque minus, & hoc idem in æternitate, & in aliis formis. Et est bonificatiuus, magnificatiuus, æternificatiuus, possificatiuus, & intellectiuius, & in amore amatiuus, qui est Pater. Et bonificabilis, magnificabilis, æternificabilis, & intelligibilis: & in amore amabilis, qui est filius, in quo amore, amare est Spiritus sanctus, qui est bonificare, magnificare, æternificare, possificare & intelligere. Et est distinctio inter Patrem, & Filium, & Spiritum sanctum, ita quod in amore, Pater, & Filius sunt generare, & Pater, & Filius, & Spiritus sanctus sunt in amore spirare, existente spirare distincto, in quantum Pater, & Filius sunt spiratiui, & Spiritus Sanctus spirabilis. Sunt ergo tres personæ & non plures, neque pauciores. Si in diuinis sit vnus Pater & non plures, vnus Filius & non plures, vnus Spiritus sanctus & non plures, magnitudo sufficit cuiuslibet personarum in singularitate cuiuslibet. Et idem est de bonitate, quæ sufficit singularitati cuiuslibet. Et idem faciunt æternitas, potestas, sapientia, & voluntas. Sicut in vno regno, in quo sufficit vnus Rex, bonus, magnus, potens, sapiens & virtuosus: & in cælo, in quo sufficit vnus Sol, & vna Luna, & in elementatis, vnus ignis, vnus aer, vna aqua, & vna terra, & in anima vnus intellectus, vna memoria, & vna voluntas, & in argumento duæ maxime, & vna conclusio, & in corpore, vnum longum, vnum latum, & vnum profundum: & sic de aliis similibus illis. Oportet ergo quod in Deo suf-

ficiat vnus Pater, vnus Filius, & vnus Spiritus sanctus, qui sunt vnus Deus, & non plures. Sicut in amore Dei, in quo amans, amabilis & amare sunt vnus amor, vnus Deus: amabilis vero & amatus sunt vnum, idem numero, qui est filius: quoniam si amatus esset vnus, & amabilis esset alter, amatus esset ductus de potentia in actum, & amabilis esset in potetia & in futuro. Et pater est amans, & est amatus per filium, & est idem numero, quod amans & amatus. Et est distinctio in hoc, quod in quantum ipse est amans, est pater, & in quantum ipse est amatus, est amatus per filium, & hoc idem est de filio, qui in quantum pater ipsum intelligit, est filius, qui est amans, in quantum amat patrem. Et idem est de Spiritu sancto, qui in quantum est amans, est Spiritus sanctus, & amatus sunt Pater, & Filius amati per Spiritum sanctum ex ambobus spiratum, Patre & Filio existentibus vno amante, qui amant, scilicet Spiritum sanctum producendo ipsum. Est vnus alius modus amandi, de quo non sequitur productio, sicut Pater qui amat seipsum, in quo amore sunt amans, & amatus, & amare vna eadem persona in numero. Et idem est de Filio, qui amat semetipsum, & est vna eadem persona in amando semetipsum, vt de Patre dictum est. Et idem est de Spiritu sancto. Et amare cuiuslibet est vna essentia, & vnus amor ita: sicut est vna bonitas, cuiuslibet siue omnium trium, & vna magnitudo, vna æternitas, vna potestas, vna sapientia, vna voluntas, vna Deitas, & vnus Deus. Et hoc oportet esse de necessitate, vt magnitudo bonitatis, & suæmet æternitatis, & aliarum formarum sufficiat proprietati cuiuslibet personæ, & communitati omnium trium. Et iste passus est multum utilis ad sciendum, & ne-

cessarius illis , qui de sancta Trinitate desiderant habere cognitionem. Maior concordantia quæ sit in aliquo numero, in numero ternario consistit , sic in bonitate, concordantia , bonificatiui, bonificabilis & bonificare : & in magnitudine, concordantia, magnificatiui, magnificabilis & magnificare: & sic de aliis. Et quia oportet quod maior concordantia numeri, quæ possit esse, sit in Deo, & non minor, oportet ergo quod sit ex tribus tantum , & non de pluribus, nec paucioribus. Ex paucioribus non potest esse : quoniam concordantia esset minor, quoniam concordantia maior est ex tribus, quàm ex duobus. Ex quatuor non potest esse, quoniam quartus esset in concordantia superfluous, sicut in bonitate, in qua sufficit concordantia trium, videlicet concordantia bonificatiui, bonificabilis, & bonificare. Est ergo concordantia maior ex tribus, & est maior ex tribus, quam ex alio numero : quoniam vnus nascitur ex alio vno, & vnus exit de duobus , & omnes tres remanent, vna essentia, vna natura, vnus Deus in numero , ita quod non sequitur quartus numerus, qui sequitur in creaturis: sicut homo qui est de corpore, & anima, & ex coniunctione amborum , & transit in tertium numerum , qui non est aliqua de suis partibus , nec aliqua de suis partibus est homo , sed in Deo , Pater est Deus , & Filius est Deus , & Spiritus sanctus est Deus , & omnes tres sunt vnus Deus, & ille Deus qui est Pater , & qui est Filius, & qui est Spiritus sanctus. Et ita remanet numerus in tribus personis, & in vno Deo, & vnus non est aliud nisi tres personæ , nec personæ sunt aliud, nisi ille vnus. Et ita oportet esse de necessitate, vt in Deo non sint partes, nec compositio , & quod magni-

tudo de seipsa, & de bonitate, æternitate, potestate, & aliis numero ternario sufficiat , de quo dictum est supra. Maior æqualitas quæ possit esse inter plura, potest esse in numero ternario: sicut vnum, quod æqualiter potest esse inter duo, & magis æqualiter, quam inter tria aut quatuor , aut inter plura : quoniam secundum esset longius, siue remotius à quarto , quam à primo , vel à tertio , & primum propinquius esset secundo quàm tertio & quarto , & tertium propinquius esset quarto quàm primo. Etiam si æqualitas fiat de sex, ita quod duo sint in medio, & duo sint primi, & duo in fine, non potest esse magna æqualitas de sex : sicut de tres tantummodo, quoniam vnum de duobus quæ sunt in medio , propinquius est duobus quæ sunt in principio, quam aliud quod est suum consocium, quod est propinquius illis duobus qui sunt in fine. Oportet ergo considerare de necessitate numerum ternarium in Deo , vt possit esse in numero diuinarum personarum æqualitas maior & propinquitas, quæ possit esse , sicut Spiritus sanctus qui est in medio Patris, & Filij, in quantum exit ex ambobus: sicut amare quod est in medio amantis, & amabilis, in quantum est ex ambobus , & Filius qui est in medio Patris, & Spiritus sancti, & in hoc quod tantum exit Spiritus sanctus ex Filio sicut ex Patre , qui est in medio Filij, & Spiritus sancti: quoniam in tantum Pater Spiritum sanctum spirat , sicut Filium generat. Omnis perfectio potest esse in principio medio & fine , & extra ista non potest esse, nec sine istis tribus potest esse. Et quia numerus diuinarum personarum debet esse perfectus, se perficit in tribus, videlicet quod sit vnum principium quod non sit principiatum, & quod sit princi-

principians, & iste est Pater. Et oportet quod aliud sit principiū q̄ sit principiatū, & istud est Filius qui principiat Spiritum sanctū, & est principiat per Patrem. Est & aliud principiū quod est principiatum, quod est sanctus Spiritus, & non principiat aliud principium, vt numerum compleat, & finem principij, & vt principiare possit esse in medio. Quoniam si sanctus Spiritus alium principiaueret, & ille alium principiaueret, & sic in infinitum non posset numerus esse completus, & semper vnum in potentia principiabile non principiatum remaneret, vnde principiare in medio principiantis & principabilis principiatu stare non posset. Et ita numerus non esset ex tribus, sed ex pluribus, in quibus quies in fine non esset, quoniam finis non esset, & principium & medium essent vacua, inquantum finem nō haberent actua-lem sed potentialem, ad quam se haberent aternaliter, & illum habere non possent, & sic deficeret magnitudo bonitatis, & aliarum principio, medio & fini, qui defectus est impossibilis: per quam impossibilitatem probatum est, quod numerus personarum tantummodo in Trinitate consistit, quam probauimus de necessitate cum auxilio Domini superioris, cui placeat, quod homines de ipsa cognitionem habeant, vt per cognitionem melius ipsam possint recolere & amare, etiam quod de ipsa infidelibus, qui ipsam non credunt, cognitio dari possit, per quam cognitionem ad suam gloriam valeant peruenire. Probauimus supra beatam Dei Trinitatem quam Saraceni & Iudæi ignorant, & credunt quod Christiani credant in aliam Trinitatem, quæ sit ex partibus ex quibus sequerentur quatuor dii. Quoniam dicunt, quod Christiani credunt, quod

tunc quando Incarnatio Filij Dei fiebat, diuina essentia, & natura se in tres partes diuidebat, quarum vna est Pater, alia Filius, alia Spiritus sanctus Et aliqui dicunt quod sancta Maria est alia pars, & sic arguunt, quod Christiani sunt in errore, cum ita sit, quod essentia Dei sit infinita, & indiuisibilis, & immutabilis. Etiam dicunt quod Pater sit antequam Filius, & Pater, & Filius antequam Spiritus sanctus, & quod vna persona sit in vno loco, & alia in alio. Et plura alia inconuenientia, & impossibilia opponunt contra Christianos, quas oppositiones & positiones non facerent, si beatam Dei Trinitatem scirent, quam Christiani credunt. Et ideo Dominus Papa, & eius fratres Cardinales bene facerent, si tractarent & ordinarent, quod essent homines sancti & deuoti ad moriendum pro Iesu Christo, & edocti in lingua Arabica, siue Saracenicā, qui irent ad prædicandum Saracenis, & disputandum cum eis, ostendendo beatam Dei Trinitatem, quam Christiani credunt, & negando illam Trinitatem, quam Saraceni credunt & dicunt, quod Christiani credunt Et per hūc modum posset Dominus Papa & eius fratres plus fidem catholicam exaltare quam per gladium, scutum vel cultellum.

De Creatione.

Q Vintus articulus est credere & affirmare, quod Deus sit creator mūdi, vt in tabula generali, per quinque rationes probauimus, & adhuc in hoc libro per rationes quinque probauimus. Et primo sic: si mundus est æternus, sunt duæ æternitates, æternitas Dei & æternitas mundi, vnde sequeretur minoritas magnitudinis, bonitatis,

nitatis, in æternitate Dei, quæ nobilior est & maior, si sit singularis, quam si sint plures æternitates: sicut vnus Deus qui nobilior est & maior si sit vnus, quam si plures essent. Et idem est de sole, singularitas cuius est ratio magnitudini suæ bonitatis & suæ perfectionis. Et hoc idem est de luna, quæ singularis est, & de igne similiter, & sic de aliis: sicut est singularitas regis in vno regno, & intellectus in anima, & visitatio in corpore Martini, sui equi, & sui falconis. Est ergo diuina æternitas contra magnitudinem suæ bonitatis, si sunt plures æternitates: quoniam priuat singularitatem suæ æternitatis, quæ priuatio est mala & paruitas magnitudinis. Et quia homini contrarietas est impossibilis, vt Deus non sit contra seipsum, oportet de necessitate quod Deus tantummodo sit æternus. Est ergo mundus principiat in tempore, quia principiat tempus in illo, nec aliquis alius ipsum posset principiare, quoniam seipsum principialet siue principiaisset: sed hoc est impossibile, quod aliquod ens principiet seipsum. Est ergo Deus creator mundi. Si mundus æternus, sua æternitas est finis & complementum suarum partium, cum ita sit, quod infinitum sit finis & complementum finiti. Æternitas mundi est infinita, inquantum in tempore non est principia, neque habet principium, medium, neque finem, & sua bonitas est finita, inquantum se non extendit infinitè, & inquantum mundus est subiectus malitiæ quæ est contra bonitatem. Et idem est de magnitudine, quæ finita est in seipsa, inquantum mundus finitus est circulariter, cum ita sit omne corpus finitum esse oportet. Est etiam potestas mundi finita, inquantum se non extendit in infinitum, quod sit de sua essentia.

Et idem est de aliis formis & partibus mundi, quæ omnes in se sunt finitæ, & ita intra quantitates: sicut linea intra duo puncta. Veruntamen inquantum æternitas mundi est infinita, sunt omnes partes generales substantiæ mundi infinitæ in æternitate, inquantum durant sine principio, medio & fine. Et sic sequitur, quod bonitas maior est in alio, quam in seipsa, & magnitudo similiter, & sic de potestate & aliis formis, quod est impossibile secundum cursum naturalem, videlicet quod aliquod ens sit maius & nobilius in alio, quam in seipso. Est ergo probatum quod sicut formæ mundi sunt terminatæ, & intra quantitates comprehensæ, ita duratio mundi terminata est in principio & fine in tempore. Est ergo mundus creatus & non æternus, & ipsum creatum vocamus, quia non est productus ex alio, sed ex nihilo. Si mundus sit æternus, magnitudo maiorem habet concordantiam cum malitia, quam cum bonitate, cum ita sit, quod magis sit de malo quam de bono, & semper fuit & erit, postquam mundus non fuit principiat: quoniam si vnus homo sit bonus, mille alij homines sunt mali, & si vnus homo viuat centum annis, mille millia erunt in priuatione & plus. Et si in hac vita habeat vnum placitum & vnum bonum, centum mala & displicita sustinet, & nunquam fuit primus homo, nec erit vltimus. Et sic extenditur magnitudo plus in malo, quam in possibilitate mali quam boni, & vitij quam virtutis, & falsitatis quam veritatis, & contrarietatis quam bonæ concordantiæ, & priuationis finis quam esse. Et sic æternitas mundi, magis subiecta est malo quam bono, & minori bono quam maiori, & maiori malo quam minori. Et est suus finis priuatio rerum,

rum, quæ sunt generabiles & corruptibiles, quæ se habent per secundam intentionem ad esse, & principaliter ad non esse. Et sequitur secundum cursum naturalem, quod minora bona sint magis amabilia quam maiora, & maiora mala, minus timibilia quam minora, & hoc est inconueniens. Est ergo mundus creatus de nihilo, ut inconuenientia antedicta non sint, & quod magnitudo habeat concordantiam maiorem cum bonitate, quam cum malitia, & in quantum mundus erit melior secundum vitam æternalem, quam in sua arbore probabimus. Probauimus beatam Dei Trinitatem, in qua Pater producit æternaliter Filium, & Pater, & Filius spirant Spiritum sanctum æternaliter. Et si mundus sit æternus, æqualis est productio diuinæ æternitatis, cum æternitate mundi secundum durationem, ita quod in æternitate sunt duæ productiones æquales, videlicet diuina productio, & productio mundi. Et ita sequitur quod operatio intra non comprehendit in omnibus modis operationem, quæ est extra, quæ operatio exterior est mundus, qui æqualis est operationi interiori in duratione, quæ æqualitas est impossibilis ita in duratione, sicut in bonitate, magnitudine & cæteris, ut æternitas Dei sit ita æqualiter ante mundum in tempore creatum: sicut bonitas Dei ante bonitatem mundi, & ante alias suas formas ipsis existentibus per quantitatem in quantitate & bonitate Dei, sine quantitate existente. Est ergo mundus creatus & nouus. Si mundus sit æternus in suis partibus non est generale principium quod sit de sua essentia, quoniam sua æternitas non est principiata, nec sua potestas, nec aliqua de suis formis generalibus quæ sunt de sua essentia. est.

principiata, & ideo non possunt esse principium generale ad principia particularia, quæ sint de sua essentia. Nec potest esse finis vniuersalis in mundo, quoniam vniuersalis non potest esse sine principio vniuersali, principio & sine existentibus de essentia substantiæ. Nec potest esse medium generale in substantia mundi, quoniam medium generale non potest esse sine principio generali & sine generali. Non sunt ergo principium, medium, & finis, formæ generales, quæ sint de essentia mundi. Quare sequitur de necessitate quod in mundo non sunt formæ particulares existentes sub principio, medio & sine generalibus, quod est impossibile & contra experiētiam, quam sentimus. Sicut Petrus, qui habet principium, medium & finem, & eius equus, & falco similiter, & idem est de pomo & de pisce, & de omnibus rebus existentibus in generatione & corruptione. Oportet ergo quod sint formæ generales naturales, sub quibus stant particularia inferiora, existentia de essentia & natura superiori, sicut partes existentes sub toto, quæ reguntur per suum totum. Probatum est ergo, quod mundus sit creatus ratione experiētiae, quam habemus de principiis, mediis, & finibus particularibus, quæ sunt de essentia mundi & partibus illius, quæ esse non possent, si mundus esset æternus. Probauimus quod mundus sit de nouo, & quod Deus sit creator & mundus creatus. Et ideo Dominus Papa, & sui fratres Domini Cardinales benefacerent, si niterentur opinionem destruere, quam habent Saraceni, Tartari, & plures Schismatici Christiani, quod mundus sit æternus, in qua opinione moriuntur, & vadunt ad pœnas perpetuas infernales, quæ finem non habebunt. Et sit præiudicium Deo &

suę æternitati in opinione illorum qui negât quod Deus sit Creator. Fit etiam præiudicium Deo, & suę æternitati ab illis, qui illam opinionem destruere possent, & sunt negligentes ad illam destruendum. Præterea illa opinio est valdè periculosa, quoniam fortiter multiplicatur in mundo, quoniam eius multiplicatio fidem diminuit, & spem alterius vitę, quoniam si mundus sit æternus, quicquid credimus de veteri Testamento, & nouo Testamento, contra veritatem credimus. Bonum est ergo etiam optimum probare, quod mundus à Deo sit creatus.

De Recreatione.

Recreatio est sextus articulus. Et istum in quatuor partes diuidimus. Prima pars est, quod primus homo peccauit. Secunda pars est, quod eius peccatum fuit generale sensualiter. Tertia pars est, quod illud peccatum generale fuit spiritualiter. Quarta pars est, quod recreatio facta est.

Quod primus Homo peccauit.

Deus creauit mundum, vt probauimus, homo est pars mundi, Deus ergo creauit hominem. Et creauit ipsum cum magnitudine bonitatis, durationis, potestatis, sapientię, voluntatis, virtutis, veritatis, glorię, concordantię, principij, medij & finis. Cum ita sit, quod omnes istę formę sint in Deo, & fuerunt in creatione hominis. Oportet ergo quod homo fuerit creatus in magnitudine bonitatis, durationis & ceterarum, vt inter formas agētes & patientes sit concordantia magnitudinis, & magnitudinis, bonitatis & bonitatis, & sic de aliis. Sicut sol, qui in quantitate magnus est, & in lu-

ce, in virtute, & in motu: fuit ergo creatus cum magnitudine bonitatis, durationis, potestatis & aliarum. Similimodo homo magnus est, & maior quam sol in magnitudine bonitatis, potestatis & virtutis secundum cursum naturalem, quoniam naturaliter plures bonitates participant cum homine quam cum sole, quoniam homo sentit & imaginatur, & potest recollere, intelligere, & diligere Deum, & hoc non facit sol. Et quia homo quando natus est primò incipit sentire malum quam bonum, & facere vanitates & praua, & peccata, antequam virtutes, incipit contra finem, quare creatus est, tale principium non habet sol, quoniam semper est in statu, quare creatus est. Et idem est de elementis, plātis, & animatis brutis. Oportet ergo quod homo habuerit in principio peruerfionē de bono in malum, & de magnitudine in paruitatem, & de duratione in priuationem, & de potestate in debilitatem, & de virtute in vitium in generali homine primo creato, per quem homo cecidit in peruerfionem, quę est per peccatum mortale. Peccauit ergo primus homo. Olea quę inserta est in oleastro, ad se trahit materiam ex oleastro, & ab eo suscipit augmentum, & fructum facit in sua specie, & non in illa quę est species oleastri, nec oleaster habet vnde fructum faciat in sua specie, quoniam olea conuertit speciem oleastri in seipsa. Similimodo arbor rationalis est inserta in sensuali, & secundum naturam magnitudinis, bonitatis, & virtutis deberet trahere sensuale ad bonum & non ad malum, & ad virtutem & non ad vitium. Et secundum quod homo incipit in sua iuuentute, est contrarium: sicut si oleaster attraheret sibi naturam oleę, quę est superius, & quod oleaster fructum

fructum faceret in sua specie, & olea non, ita corpus trahit animam rationalem inferius ad diligendum vanitates & peccatam magis quàm virtutes & finem, propter quem homo creatus est. Sed hoc esse non posset, nisi primus homo peccauisset, quoniam iste vltus generalis est in omnibus hominibus in principio, cum incipiunt venire in hunc mundum, nec potest principiari ab homine, qui non sit generalis nec primus: sicut nec piper nec alleum essent de complexione calida & sicca, si ignis in principio non foret calidus & siccus, & vnus ignis generalis calidus & siccus ex quo omnia calida & sicca descenderent, quæ non possent descendere ab igne qui exit de lapide & ferro qui generalis non est ad generationem piperis vel allei. Peccauit ergo primus homo, ratione cuius peccati corpus inclinatur animam leuius ad vitia, quam anima corpus ad virtutes. Secundum quod dictum est in arbore elementalī, bonitas est ratio bono, quod agat bonum, & magnitudo est id, ratione cuius bonitas est magna, & duratio est id, ratione cuius bonitas durat magna, & magnitudo bona, & sic de aliis, sed hoc non est in statu hominis, quoniam postquam mundus creatus fuit vsque nunc, est magis de malo quam de bono, & maius malum quàm bonum, & semper durauit magnitudo mali. Et de hoc experientiam habemus successiue, videlicet quod vnus homo habet ex alio, non sequitur ergo quod bonitas sit ratio bono, quod agat bonum magnum, quoniam deficit magnitudo bonitatis, & bonitas magnitudini, & duratio deficit ambobus, & consentit magnitudo, quod malitia sit ratio malo, quod agat magnum malum, & consentit duratio magnitudinī mali, & re-

manet bonitas parua ratio bono, quod agat bonum, & hoc secundum statum mundi, sed hoc esse non posset, nisi primus homo peccauisset, quoniam secundus homo, aut tertius, aut quartus, & sic de vno in alium non sufficeret huic generalitati peruersæ de bono in malum, & de magna bonitate in magnam malitiam, & de magna duratione bonitatis, & magnitudinis in duratione malitiæ, & paruitatis. Peccauit ergo primus homo, ratione peccati, sequitur ista generalitas magnitudinis mali, & quæ tantum durauit, & adhuc durat. Contrarietas est forma accidentalis, & concordantia substantialis per vnum modum, & accidentalis per alium, secundum quod in arbore elementalī, dictum est. Est ergo concordantia propinquior magnitudini, quam contrarietas, & ideo magis potest concordantia naturaliter in bono, quam contrarietas in malo, eum ita sit, quod potestas quæ est maior, plus potest quam potestas, quæ est minor. Sicut potestas piperis, quæ plus calefacere potest, quam potestas anisi, & vna libra glaciē plus infrigidat, quam vna vncia. Et quia contrarietas deuiauit mundum in homine à fine, propter quem creatus est, in maiori quantitate deuiationis, quam retentionis, quam concordantia retinuit in homine, vt mundus remaneat in fine, propter quem creatus est: in hoc est significatum, quod primus homo peccauit, vnde sequitur quod contrarietas quæ naturaliter est forma minor quam concordantia, deuicerit concordantiam. Quoniam nisi primus homo peccauisset, contrarietas non potuisset, ita generaliter deuicisse concordantiam, & etiam quia concordantia bona est secundum cursum naturalem, & secundum quod est creatura. Sed nos loqui-

mur de contrarietate, quæ priuatio est concordantiæ, sicut malitia quæ est peccatum, & priuatio bonitatis. Esse & priuatio contraria sunt, & virtutes, & vitia, bonum & malum, magnum & paruum, veritas & falsitas, & sic de aliis contrarietatibus. Et ideo malum quod est peccatum non conuenit cum esse, cum ita sit, quod bonum quod est virtus, conueniat cum esse, sicut falsitas quæ non conuenit cum esse, postquam veritas cum esse habet concordantiam: & idem est de magnitudine mali & de falsitate, quæ non concordant cum esse, postquam magnitudo boni, & veritatis cum esse habet concordantiam. Et hoc est secundum cursum naturalem, qui peruersus est in innaturalem: sicut calor naturalis hominis peruersus in innaturalem, per aliquam occasionem nimie comestionis, aut potus, aut alicuius excessus, vel læsionis complexionum. Sicut homo qui propter nimiam coleram habet febrem, aut per corruptionem alicuius humoris, aut habet dolorem in capite, cum nimis comederit, aut potauerit, quoniam sine aliqua occasione non posset fieri peruersio caloris naturalis in innaturalem, nec sanitatis in infirmitatem. Oporteret ergo quod hæc infirmitas in qua sunt homines, in quantum magis sunt parati ad faciendum malum, quam ad faciendum bonum, & ad magnum malum, quam ad magnum bonum, & plures sunt homines, qui malum faciunt, & sunt in falsitate sine fide, quam illi qui bonum faciunt, & fidem habent, & plura mala facta sunt quam bona, & plures homines sunt in errore, quam in veritate in hominibus: sic per primum hominem, qui peccauerit, ex cuius peccato sit nostra infirmitas, quæ generalis non posset esse sine peccato primi hominis gene-

ralis ad omnes homines, in quantum omnes ex illo sunt deriuati, peccauit ergo primus homo. Probauius ergo quod primus homo peccauit, possent tamen aliqui homines dicere, quod quilibet homo peccat, tunc cum peccat per suam libertatem & actualitatem, & non per primum hominem, & in hoc non contradicimus secundum modum peccati actualis particularis: sicut Petrus, qui est peccator, & Martinus similiter, & poterit esse, quod Guillelmus, & Iacobus sint homines iusti: quare peccatum actuale non extenditur ad omnes, sed est particulare tantum. Præterea homo non peccat per libertatem, quam habet: sicut faber qui non peccat faciendo cultellum, quem non benefacit propter martellum, sed quia ipsum nescit facere bene, aut quia ipsum bonum non vult facere. Et ratio quam nos induximus ad probandum, quod primus homo peccauerit, est de generalibus principiis, videlicet de maiori apparatu, siue promptitudine, quam habemus ad faciendum malum, quam ad faciendum bonum, & libentius facimus, & plus de malo facimus quam de bono, & prius facimus malum quam bonum, & prius sentimus malum peccati quam bonum quietis. Et per hanc generalitatem talem quæ non potest esse sine occasione, & occasio non potest esse in homine particulari principata, probauimus quod peccatum principatum est de homine generali, qui vocatur Adam, de quo nos omnes processimus.

*Quod peccatum Adæ sit generale
sensualiter.*

PRobauimus, quod primus homo peccauerit, modò probare volumus

mus, quod illud peccatum sit originale & generale ad omnes homines naturaliter, secundum corpus cuiuslibet hominis. Ita tamen naturale, sicut naturaliter quædam puella nutrita fuit de veneno, quod naturaliter homines occidit, ita dicimus quod peccatum originale est naturale, inquantum extensum est, & seminatum in omnibus hominibus contra cursum naturalem virtutum, ad quas habendum sunt creati omnes homines: sicut si vna puella nutrita esset cum tyriaca, cum qua vixisset naturaliter contra venenum. Deus est iustus, ideo quicquid facit, cum iustitia facit, & est bonus, & ideo quicquid facit, cum sua bonitate facit, & est vita, & ideo hominem creavit ad vivendum: sequitur ergo quod Deus creavit hominem ad vivendum, & non ad moriendum. Vnde cum homo sit mortalis naturaliter, oportet quod illa natura mortalitatis eueniret per originale peccatum, ita generale ad mortalitatem, sicut mortalitas generalis est, ad omnes homines existentes aliqui iusti, & boni, & alij iniusti & mali, existente mortalitate tantum in iustis & bonis, quantum in iniustis & malis. Est ergo peccatum originale extensum in mortalitate corporali omnium hominum. Quoniam si non esset generale peccatum, Deus esset iniustus, & malus hominibus bonis & iustis, inquantum ipsos priuaret à fine vitæ, & in mortalitate ipsos poneret, & pluribus laboribus corporalibus famis, sitis, caloris & frigiditatis, & infirmitatis puniret, & tantum homines iustos, & bonos, sicut homines iniustos & malos, hoc esse non potest, quia Deus est bonus & iustus. Est ergo probatum peccatum originale esse in omnibus, ratione cuius sunt in mortalitate & in pœna generali corporali-

ter & sensualiter. Anima rationalis est forma corporis, cum quo coniuncta est, cui dat esse inquantum ipsum sustinet in esse vitali, inquantum quod de natura animæ est, quod semper teneret corpus viuum, cum quo coniuncta est, & cum quo est pars, quod de illa & de corpore sit homo, ad quem partes habent appetitum naturalem, sicut plures partes ad suum totum, quod est finis cuiuslibet. Et quia corpus se inclinat ad corruptionem contra naturam animæ, & contra instinctum & appetitum naturalem plurium rerum ad vnum totum, oportet quod illa inclinatio ad quam corpus se habet contra suum instinctum & appetitum naturalem (qui sunt propter finem) & sit ratione originalis peccati, quod corpus deuiat à fine, propter quod creatum fuit, cum ita sit quod peccatum & virtus sint contraria, & cum virtute corpus fuerit creatum, & cum vicio sit deuiatum à fine. Sed hoc principium non potuit in medio, videlicet in quolibet homine, quoniam principium non incipit in medio, cum ita sit, quod principium sit ante medium, sicut post medium est finis. Est ergo peccatum originale in omnibus hominibus, postquam omnes homines sunt mortales. Bonitas est ratio bono, quod agat bonum, & quæ a malitia est contra bonitatem, non est ratio bono quod agat malum, & idem est de malitia, quæ est ratio malo, quod agat malum. Quare sicut bonitas est ratio productioni essendi, ita malitia est ratio priuationi essendi. Est ergo malitia ratio mortalitati, ut homines non habeant esse, & quod illorum corpora deueniant in terram, & in puluerem, & in priuationem motus audiendi & videntis, & sic de aliis, quæ ad corpus viuum pertinent, quæ habet per productionem

nem boni esse, cui bonitas fuit ratio. Est ergo significatum esse originale peccatum in omnibus hominibus, ratione cuius est mortalitas illorum corporaliter, quoniam si ipsum non esset, non posset esse malitia generalis contra bonitatem generalem. Veruntamen possent aliqui dicere quod animalia bruta moriuntur, licet non sint in peccato originali. Et ad hoc potest rationabiliter responderi, quod animalia bruta creata sunt ratione rationalium, quare sicut in pipere ignis est Dominus, & alia elementa suas sequuntur conditiones, hoc idem in bello, in quo Rex est Dominus, & milites sequuntur conditiones illius, ita in cursu naturali elementalium, in quo corpus hominis est Dominus conditiones aliorum corporum animatorum, sequuntur conditiones corporis hominis, quod requirit ut illis, ut cum illis vivere possit, & de illis, sicut lumen in lampade vivit de oleo, quod quidem oleum dispositum ita esse oportet, quod lumen ex ipso vivat. Corpus hominis est de bonitate, magnitudine, duratione, & sic de aliis formis substantialibus, est etiam de formis accidentalibus, videlicet de contrarietate, quantitate, qualitate, & cæteris, idcirco si peccatum non esset originale in corpore hominum extensum, contrarietas formas substantiales destruere non posset, quæ contrarietas est forma accidentalium, contra quam sunt omnes formæ substantiales & accidentales naturales, veruntamen contrarietas vincit, ratione cuius corpus tendit ad corruptionem & ad mortalitatem, & hoc facit contrarietas cum iuvamine peccati originalis, sine quo tantum non haberet de potestate. Est ergo peccatum originale in corpore cuiuslibet hominis, in quantum quodlibet cor-

pus ratione illius est mortale. Veruntamen possent aliqui dicere, quod corpus moritur, quia compositum est ex quatuor elementis, quæ sunt contraria, sicut ignis, & aqua per calorem & frigiditatem, & aer, & terra per humiditatem & siccitatem. Quare ad hoc rationabiliter potest responderi, & secundum veritatem, quod in quolibet corpore est maior concordantia, quam contrarietas: sicut in quolibet triangulo corporis, in quo duæ lineæ sunt concordantes, & tertia contrarias, sicut ignis & aer concordant in calore, & ignis & terra in siccitate, & terra & aer contrariantur per humiditatem & siccitatem: est ergo maior concordantia naturaliter si non esset, peccatum originale sustineret corpus contra mortalitatem cum iuvamine illius, quod venit de extra comedendo & bibendo, contra contrarietatem, quæ est intra quod iuvat maiorem concordantiam. Sed quia peccatum originale est, perdita, est iustitia in hominibus naturaliter, qui temperatè non comedunt, quam non perdidissent, si Adam & eius successores iustè vixissent. Veruntamen possent aliqui dicere quod inter ignem & aerem est contrarietas, quia ignis est siccus & aer humidus, quare oportet maiorem esse contrarietatem quam concordantiam. Et ad hoc veraciter potest responderi, quod maior est concordantia inter calefacientem & calefactum, in quantum vnum alteri non resistit, imo quodlibet appetitum habet ad alium, quam contrarietas ignis & aeris, cui contrarietati cuilibet alij resistit per modum disjunctionis, & concordantia stat per modum conjunctionis. Etiam quia ignis maiorem habet potestatem cum qualitate propria in concordantia, quam cum qualitate appropriata in contrarietate.

rietate. Idcirco ratio adhuc vera remanet, videlicet quod in corpore plus est de concordantia, quam de contrarietate secundum cursum naturalem.

Quod peccatū originale sit in anima.

Secundum processum quem tenuimus in arboribus naturalibus, respōdemus quod arbor vegetalis inserta est in arbore elementalī, & sensuālis in vegetali, & rationalis in sensuāli. Et arborem rationalem vocamus animam hominis insertam in corpore cōiunctam cum illo. Quare sicut ignis qui est insertus in aëre, inquantum stat supra ipsum per modum actionis, & aër insertus in aqua, inquantum ei dat calorem quem recipit ab igne, sic potentia elementalī descendit per potentiam vegetatiuā in planta ad elementandum, & vegetatiuā in equo trahit inferius sensitiuā ad vegetandum, & in homine sensitiuā trahit inferius rationatiuā ad sentiendum. Et sic formæ superiores agunt de formis inferioribus, & formæ inferiores ratione appetitus quē habent in seipsis passiue, attrahunt formas superiores, sicut materia formam. Et ideo vegetatiuā mouet elementatiuā in planta, & sensitiuā mouet vegetatiuā in equo, & rationatiuā mouet sensitiuā in homine. Et in hoc passu significatum est quod peccatum originale se extendit ad animam rationalem, cuiuslibet hominis secundum inclinationem quam diximus, quoniam corpus hominis infectum est & corruptum, & ita corruptum sicut est, anima rationalis ipsum mouet ad elementandum, vegetandum & sentiendum, & mouet ipsum ad necessitates illius, videlicet ad comedendum, bibendum, habitandum & ad induendum, & sic

de aliis, quæ sunt extra, quæ sunt creaturæ Dei, quibus vti corpus non est dignum inquantum Adam cōtra suum fuit creatorem: & per hunc modum anima rationali Petri & Martini est instrumentum ad peccandum propter originale peccatum, per quam instrumentalitatem habet culpam generalem. Duo modi sunt peccandi, videlicet peccatum originale, & peccatum actuale. Peccatum actuale diuiditur in peccatum mortale, & veniale, sicut Saracenus, aut Iudæus, aut aliquis alius, qui non sit Christianus, in quo extenditur peccatum originale corporaliter, secundum quod probauimus. Et idem est in Christianis secundum naturam mortalitatis & pœnæ, non tamen secundum redemptionem quæ facta est per passionē Christi, ratione cuius passionis & recreationis mundata est anima Christiani à culpa, & corpus de peccato originali, & remanet anima Saraceni infecta quamuis non sit de essentia animæ Adæ, & illa infectio & culpa est ei peccatum veniale, sed ratione corporis est ei peccatum mortale. Sicut cristallum, quod est in se album, & ipso posito in subiecto nigro accipit colorem nigrum, in quo colore iudicatur accidentaliter nigrum. Sicut homo existens in iniuria est iniuriosus, & in luxuria est luxuriosus. Et in hoc passu potest homo cognoscere, quod anima Saraceni aut Iudæi, qui credit esse in veritate, & qui non peccat mortaliter in peccato actuāli, pœnam non habebit spiritualem, sed habebit pœnam per corpus, inquantum per ipsum perdidit gloriā spiritualem. Est ergo in animab⁹ infidelīū peccatū originale, & est in illis moraliter p corpus ppter similitudinem, quam accipit: sicut homo qui est iniustus in iniuria, indu-

tus est de habitu illius. In Adam fuit species humana tota exaltata super omnes alias species corporales, quæ omnes creatæ sunt ad seruiendum homini, & peccauit Adam, secundum quod probauimus, quare secundum iustitiam Dei quæ est magna, oportet, quod sicut per gratiam tota species humana in Adam fuit exaltata in magnitudine bonitatis, ita postmodum tota fuit dirupta in magnitudine malitiæ ratione iustitiæ, in tantum quod fuit peioris conditionis quàm aliqua alia creatura, ratione peccati & culpæ, & maiori pænæ subiugata: sed hoc esse non posset, si anima cuiuslibet hominis non fuisset infecta per peccatum originale, & posset Deus plus per gratiam homini dare sine aliquo merito illius quam iustitia Dei hominem punire per culpam. Et quia gratia Dei, & sua iustitia sunt vna & eadem bonitas, & magnitudo in numero, oportet quod tantum Deus punire possit propter culpam quam dare per gratiam. Est ergo species hominis in peiori conditione propter peccatum originale quam species pomerij, equi, piscis, & gruis, quoniam ista indiuidua post eorum mortem pœnam non habent, & ita non sunt de tam vili conditione: sicut sunt homines, qui moriuntur in peccato originali, & esset iniuriatum iustitiæ Dei, quæ non posset tantum punire sicut gratia Dei dare. Si non esset peccatum originale hominis non recreati, corpus illius post resurrectionem non esset tormentatum, quoniam non haberet cum quo tormentum sentiret: aut oporteret quod anima illius haberet gloriam, & quod ipsum corpus haberet pœnam, & esset corpus in inferno, & anima in paradiso, & hoc est impossibile. Oportet ergo quod anima sit subiecta peccato origi-

nali, vt sit instrumentum cum quo corpus infidelis mortui in peccato originali post resurrectionem possit tormentari, & puniri de illo peccato. Peccauit Adam, vt probatum est, & remansit peccatum originale corporaliter in omnibus hominibus, secundum quod probauimus, & perseuerantia peccati remanere non posset generalis sine subiecto, & corpus hominis non recreati non posset esse per seipsum tantummodo subiectum perseuerantiæ peccati, quæ requirit subiectum, qd sit homo, qui nõ potest esse sine anima & corpore. Oportuit ergo, qd anima intrasset in subiectione perseuerantiæ peccati, vt homo esset subiectum illi perseuerantiæ. Et ideo indirectè, & oblique peccatum originale cadit in anima hominum infidelium, & directè, & sine medio in corpore ipsorum. Quare sicut vnus homo esset deamatus per alium & non per semetipsum, ita anima infecta est per peccatum originale & non per semetipsam, & hoc est ratione magnæ coniunctionis & participationis, quæ est inter illam & corpus. Et in hoc passu cognoscitur, quomodo sanctitas est magnum quid, & quomodo peccatum est graue. Quartus modus probationis est de recreatione, probatio cuius non cadit in hoc loco postquam habemus probare, quod filius Dei sit incarnatus, & in quantum homo crucifixus. Quare probato quod sit incarnatus, & propter recreare hominem crucifixus, est iste articulus de recreatione probatus in probatione illorum duorum articulorum.

Quod Deus sit glorificator.

Articulus iste qui est septimus, facit testimonium, quod Deus est glorificator, videlicet quod ipse dat gloriam.

gloriam sanctis gloriæ. Et probatio istius articuli fit tribus modis. Primus modus est probare resurrectionem, vt glorificentur corpora hominum iustorum. Secundus modus est probare, quod animæ hominum sint immortales, videlicet naturaliter incorruptibiles, vt ex ipsis, & ex corporibus resuscitatis sint homines, vt prius, qui vadant ad gloriæ. Tertius modus est probare quod gloria datur per Deum.

Quod sit Resurrectio.

DEus creauit hominem cum magnitudine bonitatis, durationis, potestatis, & aliarum, & ideo naturaliter est in homine magna bonitas, & sua bonitas est maior per durationem animæ corporis, quam per durationem vnus tantummodo, & idem est de magnitudine potestatis: oportet ergo quod sit resurrectio; postquam creatio est de magnitudine bonitatis per agens in patiente, in quo patiente non posset esse, si non esset resurrectio, in qua duraret magnitudo bonitatis corporaliter & spiritualiter in æternitate. Si sit resurrectio, potest potestas Dei æternaliter in homine, & si nō sit resurrectio nō potest in homine nisi in ista vita, in qua sumus, vnde cum homo sit plus quam anima, sicut totum quod est maius sua parte, est in hac vita maius subiectum potestati Dei quam in alia: & ista vita melior est, & nobilior quam alia, cum ita sit, quod illud subiectum est nobilius, in quo potestas Dei possit potestatem maiorem magnitudinem bonitatis: & quoniam impossibile est, quod ista vita sit nobilior quam alia, oportet quod sit resurrectio, vt potestas in homine vi possit magnitudine bonitatis, du-

rationis, & aliarum. Erit ergo resurrectio de necessitate, videlicet secundum magnitudinem diuinæ bonitatis, & magnum vsum, quem requirit in suo effectu, secundum magnitudinem bonitatis iustitiæ, gratiæ, & voluntatis. Si non sit resurrectio, in alio sæculo recolitur Deus, intelligitur, & amatur, per animam, & non per hominem, & per animam iniustam recolitur, intelligitur & oditur, & non per hominem, & ita iustitia Dei deficit, quoniam in hac vita Deus fuit per hominem recolitus, intellectus, & amatus. Et per hominem malum recolitus, intellectus & oditus, & sic iustitia retribuit alij, & non illi qui dilexit, & punit alium, & non illum qui odit. Est ergo resurrectio, videlicet vt iustitia Dei retribuat illi, qui Deum dilexit, & punit illum, qui Deum odit. Et in hoc mundo sunt plures homines iusti qui multum laborant propter Deum Dominum nostrum corporaliter, & qui mortui sunt propter amorem suum. Et si non esset resurrectio, non esset corpus remuneratum de laboribus, quos sustinuit in hoc mundo ad seruiendum Deo, & idem est de pluribus hominibus iniustis, qui in hoc mundo plures habuerunt prosperitates, & puniti non sunt in hoc mundo de malis, quæ fecerunt in hac vita contra Deum: & sic corpus illorum, siue corpora non punirentur, si non esset resurrectio, & deficeret iustitia Dei in iudicando, quod est impossibile, & contra magnitudinem iustitiæ. Erit ergo resurrectio, vt post hanc vitam corpus habeat mercedem, vt bono faciat bonum, & malo faciat malum. Omnia corporalia creata sunt propter corpus hominis ei seruiendo, & ideo corpus hominis est sicut centrum & finis, ad quem se ha-

bent aliæ creaturæ corporales, sicut elementa se habent ad elementata, & sicut branchæ arboris vegetalis ad vegetatum, & sicut branchæ arboris sensibiles se habent ad sensatum: vnde si non esset resurrectio corporum hominum, post finem mundi omnes substantiæ corporales essent vacuæ sine, cum ita sit, quod post finem mundi nō sit generatio, nec corruptio, nec operatio elementalis naturæ. Et si sit resurrectio, remanēt plenæ sine in glorificatione corporum Sanctorum, cum natura quorum participant corpora elementata, & illa participatio exit æterna, & idem est de corporibus cælestibus. Erit ergo resurrectio, ut corpora remaneant plena, & habeant centrum, ad quod completè se habeant. Et in hoc passu cognoscitur, quod homines peccatores, qui moriuntur in peccato mortali, magnam faciunt iniuriā creaturis corporalibus, qui eis seruierunt in hac vita, comedendo, bibendo, videndo, audiendo, tangendo, loquendo & illuminando, & pluribus aliis modis, quod quidem seruitium perditur totū in homine peccatore, in quo suæ partes corporales sunt vacuæ sine, & vacuant fines aliarum partium exteriorum. Et ideo sunt homines, qui moriuntur in mortali peccato, magna poena digni.

Quod anima rationalis sit immortalis.

IN homine sūt quinque potētie generales, videlicet potētia elementatiua, vegetatiua, sensitua, imaginatiua, rationaliua. Et per quatuor primas est corpus, & per rationaliua est anima, quæ nō est de natura corporis, quod si esset, esset elementalis, & de conditionibus elementorum, nec esset contra sentire:

sicut homo qui resistit cum temperantia contra nimis comedere, & contradicit imaginationi cum ratione, quæ attingit veritatem superius, quam imaginatio non attingit: sicut nos qui sumus in hac terra superiori, qui imaginamur quod antipodes cadant inferius. Etiam imaginatur imaginatio, quod pomum dulce sit amarum cum per infirmum gustare tangatur. Et intellectus attingit, quod antipodes non cadunt inferius, quoniam sic ascenderent supra, nec quod pomum dulce sit amarum, sed quod gustus in gustando sit infirmus, qui loco dulcedinis amaritudinem attingit. Est ergo intellectus alterius naturæ & essentiæ quæ non est corpus, & ideo sicut qui poneret vnam sagittam in igne combureretur lignum & non ferrum, ita moritur corpus, & remanet anima. Est ergo probatum, quod anima rationalis est immortalis secundum cursum naturalem, & corpore mortuo remanet anima. Corpus humanum duobus modis moritur, vnus est ratione peccati originalis, ut probatum est, propter quod anima naturaliter non moritur, cum ita sit, quod illud peccatum sit sibi veniale ut probatum est. Alius modus est, quia est compositum ex quatuor elementis, quorum quodlibet alij contrariatur, & quia de formis corruptibilibus est generatum, & de nouis indutum. Sed anima non est elementalis, nec de natura corporali, nec etiam est generata, sed simpliciter est sine successione creata, & ideo non habet in seipsa naturam ratione cuius sit mortalis. Est ergo immortalis sicut flos albus, qui in quantum est albus nullam habet naturam quod sit niger, quoniam anima rationalis ita est per vitam contraria morti sicut flos albus contra nigredinem per albedinem,

nem, & sicut substantia calida, quæ est contraria per calorem substantiæ frigidæ. Deus benedictus creauit animam ad recolendum, intelligendum & diligendum seipsum, etiam ita bene ipsam creauit, vt Deum ita fortiter recoleret, intelligeret, & amaret cum magnitudine durationis: sicut cum magnitudine bonitatis, potestatis, sapientiæ, voluntatis, virtutis, & veritatis, cum ita sit, quod Deus sit tantum recolibilis, intelligibilis, & amabilis per suam æternitatem: sicut per magnitudinem suæ bonitatis, potestatis, & aliarum. Est ergo anima immortalis & æterna, postquam Deus æternaliter est recolibilis, intelligibilis, & amabilis: etiam est immortalis vt magnitudo Dei satisfaciatur magnitudini memorabilitatis, intelligibilitatis, & amabilitatis Dei in æternitate. Si anima esset mortalis, cum ita sit, quod non sit de natura elementalium nec etiam corporali (vt probatum est) post mortem suam non esset aliquod subiectum, in quo esset sustentata. Et idem est de suis partibus quæ radices sunt suæ arboris, & non esset aliquid, & sic esset Deus iniustus, si animam malam non puniret, & non retribuere animæ iustitiam, & si ipsam alia vice crearet, ipsam recreare non posset in illo numero primo, quoniam suæ partes nouæ essent, & aliæ: cum ita sit, quod in duabus creationibus oportet quod sint duo numeri ita in pluralitate distincti sicut duæ creationes. Et iste passus subtilis est ad intelligendum. Non est ergo anima creata alia vice, remanet ergo immortalis, vt suus numerus subiectum remaneat iustitiæ Dei & gloriæ, si bona sit, & pœnæ si sit mala. Anima iusta in hoc mundo non est remunerata, quoniam in hoc mundo quietem non habet, quoniam totus

mundus ipsam saturare non potest, nec complere: quoniam cum homo vnam rem affectauerit, statim desiderat aliam, & quia Deus est iustus, oportet quod anima rationalis sit immortalis, vt quietem habeat in qua assequatur meritum ex bonis, quæ fecerit recolendo, intelligendo, & amando Deum. Et idem est de anima hominis iniusti, qui in hoc mundo puniri non potest in illis hominibus qui habent prosperitates, & paruus habent labores in hoc mundo, oportet ergo quod puniatur in alia vita cum magnitudine iustitiæ, videlicet in æternitate, quam probare volumus.

Quod Deus dabit gloriam Sanctis in gloria.

CReauit Deus mundum cum magnitudine bonitatis, æternitatis, potestatis, sapientiæ, voluntatis, gloriæ, & veritatis. Et ideo sua magnitudo est ita ratio, quod Deus creauerit mundum ratione gloriæ sicut ratione bonitatis. Est ergo finis mundi ita magnus per gloriam sicut per bonitatem. Sufficit ergo veritas ad gloriam homines in gloria: vt magnitudo tantum sufficere possit fini gloriæ, sicut fini bonitatis. Est ergo probatum, quod Deus qui creauit mundum, dabit gloriam hominibus bonis. Et iste passus est placens ad intelligendum: quoniam intellectus gaudet in attingendo veritatem gloriæ: quam expectat, gaudet etiam in nouo modo probationis: quam damus secundum tabulam generalem. In Deo est gloria, & ipse est sua gloria, & si non daret gloriam, illis qui suam gloriam diligunt, iniuriam faceret amabilitati suæ gloriæ, & amatiuitati illorum, qui suam gloriam diligunt. Et sic esset iniustus & auarus amabilitati suæ, & amatiuitati

hominum. Et idem sequeretur de sua memorabilitate, & de intelligibilitate, & de memoratiuitate & intellectiuitate hominum, quæ iniuria est impossibilis. Dabit ergo Deus gloriam omnibus illis, qui moriuntur in statu bonitatis, virtutis & veritatis, & qui ipsum diligunt, & suam gloriam sperant. Articulus dicit: quod Deus est glorificator, & magnitudo gloriæ Dei hoc significat cum magnitudine bonitatis, durationis, potestatis, sapientia, voluntatis, virtutis, veritatis. Magnitudo gloriæ hoc significat cum magnitudine bonitatis, inquantum est magnum bonum dare gloriam & magnam durationem, magnam potestatem, magnam sapientiam, magnam voluntatem, & magnam virtutem in æternitate: & si Deus homines sanctos non glorificaret, esset significatum contrarium, videlicet quod gloria non significaret cum magnitudine bonitatis dare se hominibus, sed cum paruitate bonitatis. Et sic esset contra suam magnitudinem, quam habet in bonitate, duratione, & cæteris, quod est impossibile: oportet ergo quod contrarium sit verum, videlicet concordantiam magnitudinis gloriæ, bonitatis, æternitatis, & cæterarum. Inquantum articulus dicit, quod Deus glorificabit, inquirimus, utrum Deus glorificabit hominem, aut non. Si teneamus negationem & sit vera, articulus est falsus, & deficit gloria cum magnitudine bonitatis, æternitatis, &c. suæ amabilitati. Et si affirmationem teneamus, sufficit gloria cum magnitudine suæ bonitatis, æternitatis & cæterarum suæ amabilitati. Est ergo veritas completa sufficientia, quam gloria habet in sua amabilitate. Est ergo articulus verus & affirmabilis, & non negabilis. Veruntamen inquirere volumus, si

Deus glorificabit sanctos cum medio vel sine medio. Si dicamus sine medio, affirmamus, quod Deus sit visibilis oculis corporalibus, sed hoc est impossibile: oportet ergo quod glorificet corpora hominum cum gloria, quæ sit medium, quod sit visibile; quod est corpus Christi glorificatum, quod probare intendimus. Etiam inquirimus, utrum angelos & animas sanctorum glorificabit cum specie multiplicata ex sua similitudine, aut sine specie. Si intelligamus cum specie, affirmamus, quod gloria est in minoritate contra maiorem gloriam magnitudinis, bonitatis, durationis, potestatis, sapientia, voluntatis, virtutis, veritatis, concordantia, principij, medij, finis, & æqualitatis. Oportet ergo tenere contrariū, videlicet quod Deus glorificat sine medio & non cum medio: sicut ignis, qui calefacit aquam cum medio: & faber, qui cum medio facit clauum igne calefaciente aërem & postmodum aquam, & fabro tangere clauum cum martello moto per manum. Qui siquidem clauus siue cultellus sine medio fieret: si clauum fabro facere volente, factus esset sine tactu martelli. Et in hoc passu cognoscitur quomodo diuina voluntas volendo sufficit glorificationi animarum & angelorum, quam habent fixè, siue perseveranter in obiecto, quod est gloria Dei. Illā vero gloriam quam habent, nemo ipsam dicere vel scribere posset. Deus est glorificator sine contrarietate & cum pura cōcordantia quam bonitas, æternitas, potestas, sapientia, voluntas, gloria, virtus, & veritas habent in magnitudine contra paruitatem. Et idem est de concordantia, quam habent magnitudo, æternitas, potestas, sapientia, voluntas, virtus, gloria, & veritas cum bonitate contra malitiam. Et idem est
de

de concordantia, quam bonitas & magnitudo, potestas, sapientia, voluntas, gloria, virtus & veritas habent in æternitate contra prinationem. Et idem est de fine & aliis formis. Et iste passus est multum placens ad intelligendum, & significat magnam gloriam propter concordantiam omnium formarum diuinarum, quam habent ad glorificandum sanctos in patria. Dictū est de septem articulis, qui pertinent ad deitatem. Modo oportet dicere de septem articulis qui spectant ad humanitatem.

Quod Dominus Iesus Christus de Spiritu sancto sit conceptus.

Articulus iste requirit tres probationes. Prima est, quod sit incarnatio. Secunda est, quod Dominus Iesus Christus per Spiritum sanctum sit conceptus, & non per hominem. Tertia est, quod ipse sit incarnatus, & non ad incarnandum.

Quod Deus sit Incarnatus.

Cum Deus creauit mundum, fuerunt in illa creatione sua bonitas, sua magnitudo, sua sapientia, & sua voluntas. Sapientia intellexit magnitudinem finis, ratione cuius ipse creauit mundum. Et illum finem magnum intellexit ratione magnitudinis Dei, quæ erat in creatione, & bonum ratione bonitatis, & amabilem ratione voluntatis. Fuit ergo mundus creatus ad magnum finem, bonum, intelligibilem & amabilem. Sequitur ergo quod si Deus sit incarnatus quod finis propter quem mundus creatus est, sit in ita magna bonificabilitate, magnificabilitate, & intelligibilitate. & amabilitate, quod non possit esse in

maiori, quod si in maiori posset esse, deficeret maiori finis diuina bonificatiuitas, magnificatiuitas, intellectiuitas, & amatiuitas, quod est impossibile: est ergo Deus incarnatus, cum sit maior finis propter quem mundus possit esse creatus, quod in vna parte mundi Deus sit incarnatus, videlicet in homine, in quo plures naturæ participant, quam in aliqua alia creatura, qui quidem homo in Deo sit personatus, & cum illo coniunctus, & quod de diuina natura & humana sit vna persona, vnū suppositum, vnus Deus, vnus homo, non duo dii, neque duo homines, sed vnus homo deificatus, & filius Dei hominificatus. Deus carnē humanam assumere voluit, vt sicut suæ dignitates quietem habent intra se in operatione, quæ est ita magna, quod maior esse non possit, ita quietem haberent in operationibus exterioribus, videlicet in creaturis, sed homo esse nō posset, si incarnatus non fuisset, & creaturam non deificasset, quoniam sicut sua bonitas non potest esse maior ratio bono quod agat bonum: sicut si sit ratio bono Deo, quod producat Deum, & idem est de magnitudine & aliis, ita bonitas diuina non potest esse maior ratio bono creatori, quod producat bonam creaturam: sicut est quod sit ei ratio: quod ipsam ad Deum producat, de qua Deus sit ita inductus, quod ipse sit illa creatura, & quod ipse & illa creatura sint vna persona, quæ sit homo Deus. Et sic bonitas habet quietem in maiortate creaturæ & sapientia similiter, quoniam non potest scire nobiliorem creaturam. Et sic de potestate, quæ quietem habet, quoniam ipsam nobiliorem facere non potest. Et voluntas similiter quietem habet, quoniam nobiliorem creaturam diligere non potest. Et idem est de

magnitudine, quæ ipsam plus magnificare non potest. Est ergo Deus incarnatus, ut suæ dignitates quietem habeat in operibus extra. Et si Deus non sit incarnatus, nec ad incarnandum bonitas foret ratio bono creatori, quod crearet magnum bonum cum magnitudine, & Deus non crearet ita magnum, sicut bonitas, & magnitudo essent rationes creationi, & hoc sciret sapientia, in quantum sciret maiorem creabilitatem, magnitudinis & bonitatis, & sic bonitas & magnitudo quietem non haberent, nec sapientia, nec aliæ formæ in creatione, & Deus crearet creaturas bonas & magnas infinite, & nullo tempore ad finem, nec ad complementum veniret, quod est impossibile. Inter causam, & suum effectum est concordantia, per quam concordantiam, omne efficiens suam operationem diligit naturaliter, Deus est causa prima, & mundus est suus effectus, videlicet sua operatio, est ergo inter ipsum, & mundum concordantia, subiectum cuius concordantiæ est participatio Dei & creaturarum, quam participationem voluntas vult esse ita magnam, quod maior esse non possit: maior esse non potest, si Deus sit incarnatus, quoniam in illa incarnatione participat cum omnibus creaturis, in quantum homo in se continet naturam omnium creaturarum: quod si non sit incarnatus, voluntas diuina non diligit magnam participationem nec concordantiam inter Deum & creaturam, sed habet concordantiã cum paruitate & contrarietate contra magnitudinem & concordantiam, per quam concordantiã quam habet cum paruitate & cum contrarietate, est contra operationem magnitudinis, bonitatis, eternitatis, & potestatis, & sic de aliis, quæ contrarietas est impossibilis,

est ergo Deus incarnatus. Deus creauit mundum ratione bonitatis, & ideo ipsum creauit bonum, & ipsum creauit ratione magnitudinis, & ideo ipsum creauit magnum. Deus est deitas: sicut est bonitas & magnitudo, oportet ergo quod mundum creauisset ratione deitatis, oportuit ergo quod mundus fuisset deificatus postquã fuit bonificatus & magnificatus. Quoniã si deificatus nõ fuisset, fuissent bonitas & magnitudo in creatione, & non deitas, quæ esset ociosa in creatione, quod impossibile est, cum ira sit, quod illa bonitas & magnitudo sunt vnum idem numero, & cum Deo similiter, qui creauit mundum. Est ergo mundus deificatus in vno homine, qui est Deus: quoniam totus mundus non est totus bonus, in vnitatem bonitatis, nec totus magnus, in vnitatem magnitudinis, quæ vnitates sũt in homine deificato, qui est pars mundi, in quo deitas fuit ratio Deo quod hominem deificaret, in quo foret incarnatus & hominificatus. Quia Deus est incarnatus, potest esse finis & complementum omnium rerum corporalium in æternitate, sed hoc esse non posset, si Deus incarnatus non esset: quoniam si Deus non esset corpori vnitus, nulla natura elementalis, vegetalis & sensualis ipsum attingere posset, nec cum illo participare, & sic essent vacuæ sine, ad quem finem se haberent in æternitate naturaliter principium & medium illorum, & nullo tempore ipsum attingerent, quæ vacuitas esset mala contra bonitatem & parua contra magnitudinem, Est ergo Deus incarnatus, ut illud gloriosum corpus quod sumpsit, sit visibile & eius sermo audibilis. In quo corpore glorioso sunt naturæ arboris elementalis, vegetalis, sensualis, & sic est plenum principium & medium.

dium creaturam corporalium in illo corpore glorioso, quod est finis omnium corporalium, quoniam omnia corporalia quiescunt in illo secundum naturam corporalitatis, ad quorum quietem nulla creatura sufficeret, quæ non esset deificata.

Quod Dominus Iesus Christus de Spiritu sancto sit conceptus.

Potentia & obiectum concordantiam habent in operatione, sicut visitiuum & visibile, quæ concordantiam habent in videre, & intellectiuium & intelligibile in intelligere, & bonificatiuum, & bonificabile, in bonificare, & sic de alijs. Et quanto maior est concordantia, magis est actus simplex, & magis propinquus potentia & obiecto. Oportet ergo quod Christus sit conceptus de Spiritu sancto in Domina nostra sancta Maria Virgine Gloriosa: quoniam si per hominem conceptus fuisset, actus non fuisset ita purus, nec ita simplex inter Deum & Dominam nostram sanctam Mariam, & Christus haberet duos patres, videlicet vnum Deum & alium hominem, & domina nostra non habuisset tunc ita puram conceptionem in concipiendo Deum, sicut habuit sine copula hominis, & foret conceptio minor, & potetia similiter, ratione cuius minoritatis non posset esse incarnatio quam in maiori maioriata concordantia esse oportet quæ possit esse inter potentiam & obiectum. Fuit ergo Iesus Christus conceptus de Spiritu sancto sine copula viri. Sicut Iesus Christus fuerit conceptus per carnalem copulam viri, Filius Dei duos patres habuisset & vnam matrem, videlicet Deum patrem & hominem patrem, qui homo pater ita foret suus pa-

ter sicut natura sua mater. Sed hoc non oportet secundum magnitudinem Filij Dei, quoniam postquam sufficit vnus Deus pater, non oportet quod habeat hominem patrem, etiam naturalior est filiatio vnus patris & vnus matris, quam duorum patrum & vnus matris. Et quia maiorem concordantiam patris & matris & filij oportet esse in incarnatione, oportet de necessitate, quod per Spiritum sanctum fuisset Christus conceptus & non per hominem. Si Christus fuisset conceptus de homine, foret in conceptione hominis patris & feminae matris, ita homo sicut alius homo, & non posset esse incarnatio, quam oportet esse de necessitate, vt homo esset homificatus in Deitate, & non in seipso, vt vna posset esse persona ex ambabus naturis, videlicet ex diuina natura & humana, quæ quidem persona non posset esse vna, si Christus in quantum homo fuisset in seipso homo, & non in Deitate homificatus, quoniam iam esset conceptus ex homine patre & femina. Est ergo Christus homo per sanctum Spiritum, & non per hominem generatus, sed de matre productus in Deitate. Si Christus per hominem conceptus fuisset, domina nostra sancta Maria non potuit esse Virgo in conceptione, sed per hominem corrupta fuisset, per cuius corruptionem sanctitas & intentio fuissent in minoritate puritatis, bonitatis, magnitudinis, voluntatis, potestatis, in incarnatione, & sic de alijs formis, & ita conceptio digna non fuisset coniungere naturam diuinam, & humanam in vna persona, & supposito Deo homine. Oportet ergo quod Domina nostra Virgo fuisset, vt in conceptione exaltaret suam dignitatem, & potestatem ad maioriata magnitudinis, bonitatis

tis, virtutis, &c. Deus hominem fecit de terra, & foeminam fecit ex homine secundum ordinem, oportuit ergo quod hominem ex foemina fecisset, & si Christus fuisset Filius hominis & foeminae, tertius modus defecisset, videlicet in producendo hominem ex foemina, absque homine. Qui quidem defectus fuisset, vacuitas ordinis & magnitudinis, bonitatis, & aliarum, quæ vacuitas est impossibilis, postquam est contra bonitatem magnitudinis & aliarum.

Quod Deus sit iam Incarnatus.

OPortet quod incarnatio sit cum magnitudine veritatis, vt in illa possit esse magnitudo bonitatis, quæ in ipsa esse non posset, si esset cum paruitate veritatis, cui paruitati veritatis resisteret magnitudo falsitatis & malitiæ, & sic non possêt esse incarnatio. Et quia probatum est, quod incarnatio sit, est ergo cum magnitudine veritatis, si Deus sit iam incarnatus. Quoniam si esset ad incarnandum omnes homines qui credunt, aut crediderunt, quod iam sit incarnatus sunt in falsitate, & contra veritatem credentes vnam, & eandem incarnationem, & sic sunt in malitiâ, & in peccato, & ad ignem vadunt infernalem, & sequitur paruitas veritatis, & privatio magnitudinis, bonitatis, in diuina voluntate, potestate, & sapientia, quod est impossibile. Est ergo Deus iam incarnatus, vt restauret magnitudinem bonitatis, & veritatis in hominibus, qui crediderunt & credunt, & credet: quod ille sit iam incarnatus. Si Deus non sit incarnatus, est ad incarnandum, & cum foret incarnatus in sua incarnatione, homines locum non ha-

berent ad credendum ipsam: quoniam eorum opinio foret, quod falsa esset illa incarnatio: sicut illa, quæ præterita est, quem homines credebant esse veram, & ita libertatem non haberent ad credendum, & esset credulitas impossibilis secundum magnitudinem bonitatis, sapientiæ, voluntatis, veritatis, & virtutis, ratione cuius impossibilitatis esset incarnatio impossibilis. Est ergo Deus iam incarnatus, vt non sequatur impossibilitas antedicta. Si Deus iam sit incarnatus, iustum est, quod reuerentia & honor fiat Domino Iesu Christo, & Apostolis, Martyribus & Confessoribus: qui authenticati sunt, & qui habentur pro sanctis. Et si Deus non sit iam incarnatus, Christus fuit in Bethleem natus, & in Ierusalem crucifixus: homo falsus, & omnes in ipsum credentes sunt per ipsum falsificati. Et sic Deus est contra iustitiam, & contra modum incarnationis, & sequitur minoritas in Deo misericordiæ & pietatis: quoniam omnes Christiani, Iudæi, Saraceni & Pagani vadunt ad Infernum, intantum quod de illis Deus misericordiam non habet, nec pietatem. Est ergo iam incarnatus, vt Deus magnam misericordiam habeat & pietatem, & quod sancti qui credunt incarnationem, remunerati sint de doloribus, quos per fidem sustinuerunt. Oportet quod incarnatio sit cum magnitudine finis in duratione, sicut est cum magnitudine finis in bonitate, sapientia, potestate & voluntate. Et si Deus non sit iam incarnatus, est finis incarnationis contra maiorem magnitudinem durationis subiectæ magnitudini, bonitatis, potestatis, sapientiæ & voluntatis, in quantum tempus quod præteritum est, usque ad tempus quo erit incarnatus, non fuit subiectum magnitudini, bonitatis,

mitatis in duratione potestatis, sapientia, & voluntatis. Deficit ergo duratio formis, & è conuerso deficiunt forma durationi, quod est impossibile. Est ergo Deus iam incarnatus, cui placeat, quod ipsum Deum hominem in sua gloria, per suam magnam pietatem videre valeamus. Si Deus sit incarnatus, est ordo positus inter primam intentionem & secundam. Primam intentionem nouum Testamentum vocamus, & secundam intentionem vetus Testamentum, quod concordantiam habet cum nouo successiue, & in continua quantitate temporis. Et si Deus non sit incarnatus, sequitur contrarium, & est concordantia quantitatis continuæ in priuatione, & est in quantitate discreta, & hæc credentia quam Christiani habent, est falsum medium, si Deus non sit iam incarnatus. Quæ si quidem discreta quantitas contrarietatem ædificat inter primam intentionem, & secundam, contra maiorem concordantiam, quæ est in continua quantitate & in discreta. Est ergo Deus iam incarnatus, vt sit maior concordantia quantitatis, inter primam intentionem & secundam.

Quod Dominus Iesus Christus sit natus.

PRobatum est, quod Deus sit incarnatus, & consequentia incarnationis secundum medium, & finem sequitur principium incarnationis, quæ continua est, quod sit natus. Quoniam si natus non esset, & esset incarnatus, principium incarnationis, medium, & finis non consequerentur, & deficeret magnitudo veritati incarnationis & humanitatis, qui defectus esset malus contra bonitatem, & vitium contra virtutem, & sic de aliis. Est ergo Iesus

Christus natus homo Deus, postquam homo Deus, postquam homo Deus fuit incarnatus. Iesus Christus fuit natus naturaliter, vt eius natiuitas esset modus cursus naturalis, qui ad natiuitatem hominis pertineret. Et natus fuit in humana specie, quia fuit homo & Filius Dei: in quantum fuit homo, natus est homo, & in specie hominis, & homo deificatus natus est Deus in deitate, & ita natus est Deus in humanitate, & homo in deitate, & sic oportuit esse ratione vnitatis personalis ambarum naturarum, videlicet diuinæ naturæ & humanæ. Natiuitas Christi ita oportuit esse per locum naturalem quantum ad naturam hominis, sicut oportuit, quod fuerit supra cursum naturalem quantum ad naturam diuinam, quæ coniuncta fuit cum natura humana supra cursum naturalem, & ideo natus fuit Iesus Christus supra cursum naturalem, in quantum Domina nostra post partum Virgo permansit: sicut prius Virgo fuit in conceptione. Quoniam sicut Deitas modum cursus naturalis non requirebat in accipiendò humanitatem, videlicet quod transiret per locum, ita non requirebat exire de corpore Virginis locum corrumpendo & medium transitus. Et talis transitus supranaturalis similitudinem habuit cum conceptione quæ fuit supra cursum naturalem, in quantum Iesus Christus non fuit homo homificatus in supposito humano, sed in diuino supposito, in quo homificatio fuit producta & sustentata. Oporteret natiuitatem Christi conseruare intentionem Matris suæ Domina nostræ & amariuitatem Virginitatis suæ, vt magnitudo bonitatis diuinæ sufficeret magnitudini voluntatis Domina nostræ, quæ intentionem habuit, quod Virgo permaneret in:

principio, medio, & fine Incarnationis, & Natiuitatis filij sui, quæ sufficientia bonitatis non fuisset, si Christus de Virgine non nasceretur, de qua Virgine natus est, vt permaneret magnitudo bonitatis, in intentione virginittis. Si Iesus Christus natus sit de Virgine, & conceptus fuerit, de Virgine, eius virginittas, puritas, & sanctittas fuerunt in maiori concordantia bonitatis, magnitudinis, durationis, potestatis, sapientie, voluntatis, gloriæ, virtutis, & veritatis. Et si Dominus Iesus Christus non sit natus de Virgine, esset concordantia in minoritate magnitudinis, bonitatis, & aliarum, quæ concordantia minorittis est impossibilis. Est ergo Iesus Christus natus in maiori concordantia Virginittis.

*Quod Iesus Christus fuerit
mortuus.*

Deitas honorauit, quantum potuit humanitatem Iesu Christi; quoniam ipsam magis honorare non potuit, quantum quod ipsam in Deitate crearet, in qua fuit coniuncta cum Filio Dei. Oportuit ergo quod humanitas honoraret, quantum potuit Deitatem, cum prosperitatibus & delitiis temporalibus ipsam non potuit honorare, quoniam Deitas non requirit honores prosperitatum, neque deliciarum, sed requirit, quod homo sit pauper in hoc mundo, & quod sustineat labores & mortem ad honorandum ipsam. Oportuit ergo quod Christus in quantum homo, moreretur, vt humanitas Deitatem honoraret, & vt esset exemplum aliis ipsam honorandi. Iesus Christus fuit mortuus ad dandum exemplum, quod ipse erat homo mortalis propter originale peccatum, erat tamen immortalis, in qua-

tum sustentatus fuit in Deitate. Et mortalis fuit, vt cum sua speciali mortalitate generalis mors moreretur. Quæ siquidem mors generalis deuicta fuit quia ille per quem totus mundus creatus fuit, sustulit passionem, vt mundus esset recreatus. Quæ quidem specialis passio ad auferendum culpam generalem sufficit; sicut sufficit finis generalitati mundi, qui fuit creatus ad finem Christi & propter illum. Et in hoc passu probatum est, quod mundus recreatus est per mortem Christi, quam esse oportuit, vt mundus per ipsam recreatus fuisset, & vt ad finem propter quem fuit creatus, rediret. Quoniam si mundus in æternitate deuictus fuisset à fine, propter quem creatus fuerit, magnitudo, bonitas & ceteræ formæ diuinæ fini creationis deficerent, quod est impossibile. Probatum est, quod mundus à fine deuictus existit propter originale peccatum, voluit ergo Iesus Christus mori, vt sua mors esset ratio suo populo, pro quo mortuus fuit, vt ipsum diligeret, quæ quidem ratio non posset esse in ita magna magnitudine amabilitatis: sicut fuit per mortem, quoniam pastor magis diligere non potest suas oves: sicut cum moritur propter bonum illarum. Et quoniam Iesus Christus suum populum dilexit in magnitudine amatiuitatis, mori voluit ratione magnitudinis, amabilitatis. Et in hoc passu potest homo cognoscere, quod Iesus Christus sustinet, quod in mundo sint Saraceni, & Pagani, vt Christiani habeant magnam materiam amabilitatis, etiam vt in illa vtantur magna amatiuitate, ita quod ipsi sustineant labores & mortem, vt infideles ad Deum conuertere possint, & terram sanctam recuperare. Et ideo Dominus Papa & eius fratres Domini Cardinales malefaciunt,

lesaciunt; & alij Prælati, qui non nūtrunt Christianos ad moriendum pro Domino nostro Iesu Christo, & ad vrendum magna amariuitate. Iesus Christus principatus fuit homo ad honorandum Deum amandum, & ei feruiendum, & in medio stetit Deum honorando, & amando, in quantum fuit homo, & hoc tantum, quantum potuit. Oportuit ergo, quod in fine compleret magnum honorem, & magnam amariuitatem, & amabilitatem: sed hoc esse in fine non potuit, si non moreretur ad honorandum Deitatem: quoniam finis non esset similis principio & medio cum magnitudine amariuitatis, & amabilitatis, quem finem oportet esse, vt respondeat naturæ principij, & medij secundum quantitatem continuam magnitudinis humanæ amariuitatis, & amabilitatis. Est ergo probatum, quod Iesus Christus crucifixus fuit & mortuus. Iesus Christus mortuus fuit in quantum homo, non in quantum Deus. Sicut sanctus Petrus qui fuit mortuus in quantum corpus, non autem in quantum anima. Et etiam corpus Christi existens in cruce mortuum fuit, in quantum anima ipsum dimisit, & non mortuum, in quantum Deitas ab ipso non recessit. Nec coniunctio diuinæ naturæ, & humanæ dissoluta fuit. Remansit ergo Iesus viuus & mortuus sine contradictione, quoniam mortuus fuit secundum mortalitatem humanam, & viuus fuit, secundum quod fuit deificatus in viuā Deitate, à qua vita discedere non potest. Et idem sequitur, quod in cruce Deus mortuus fuit, & non fuit mortuus sine contradictione; mortuus fuit, in quantum homo Deus qui in quantum homo fuit mortuus, non fuit mortuus in quantum Deus homo, qui in quantum Deus non fuit mortuus. Id-

circo mors Christi extitit secundum cursum naturalem, & remansit viuus supra cursum naturalem. Et ita sibi inuicem respondent articuli Incarnationis, natiuitatis, & passionis secundum naturam humanam, & supra cursum naturalem illius. Et hæc consideratio delectabilis est ad considerandum.

*Quod Iesus Christus descendit
ad inferos.*

A Nima Iesu Christi descendit ad inferos, vbi erant Adam & sancti Patres, qui de hac vita præterierunt quos per suam mortem redemit, & ad illos descendere voluit, vt eis maius gaudium de eorum redemptione exhiberet. Quoniam maius gaudium fuit per Dominum quam per nūcium, & quia redemptio fuit magna, oportuit quod manifestaretur cum maiori hilaritate, & cum maiori veritate, quæ quidem maior veritas multo melius manifestata fuit per illum, qui redemptionem fecit, quam per aliquem aliū. In hoc quod anima Christi ad inferos descendit, quæ erat cum Deitate vnita, Adam & Prophetæ Deum viderunt & cognouerunt in anima Christi, quæ cognoscere nec videre poterant per alium, cum quo Deitas coniuncta non erat. Et ita partem hominis viderunt, videlicet animam, & filium Dei viderunt in illa. Per quam visionem maior constantia siue certitudo de eorum redemptione fuit multiplicata, propter quam maiorem certitudinem, oportuit quod anima Christi ad inferos descenderet, & quod ab illis locis Sanctos auferret. Anima Christi ad inferos descendit ad significandum, & ostendendum victoriam, quam Christus habuit in cruce, in qua genus humanum suo

proprio sanguine redemit. Et significabat quod in inferno afflictionem non habuit de pœnis, qui in inferno erant, & huius significatio fuit signum & manifestatio Prophetis & Sanctis, quod culpa peccati originalis consumpta erat, postquam anima (quæ erat eis similis) in loco ubi erant passionem non habuit. Ut damnati maiorem pœnam haberent, descendit anima Christi ad inferos, quoniam in illa manifestata fuit victoriâ, quam habuit in saluando illos, qui in Iesu Christo credabant, remanentibus in inferno perpetuè illis, qui suum aduentum negauerant. Quare sicut iustis fuit maior gloria eius repræsentatio, ita oportuit quod iniustis fuisset maior pœna. Sicut Iesus descendere voluit de vita ad mortem in cruce, ita descendere voluit de vita acquisita in cruce per mortem suam ad mortem Sanctorum, qui propter originale peccatum in tenebris existerunt. Et hoc ita esse oportuit, ut eius descensus esset in magnitudine bonitatis, charitatis, & humilitatis. Sed hoc esse non potuit, si Iesus Christus ad inferos non descendisset.

*Quod Iesus Christus à mortuis
resurrexit.*

MAior finis bonitatis, magnitudinis, & aliarum consistit in homine, quam in aliqua suarum partium tantum, idcirco oportuit, quod Dominus noster Iesus Christus resurrexisset, ut maior finis veniret. Quoniam si non resurrexisset, oporteret quod in illo esset aliqua culpa, quæ maiorem finem impediret. Quæ quidem culpa in Christo esse non potuit, quia coniunctus & personatus est homo in Deitate & in illa sustentatus. Iesus

Christus resurrexit, ut esset homo ex anima & corpore, sicut fuit antequam moreretur. Et quando mortuus fuit, homo fuit, in quantum filius Dei erat homo, sed non erat homo, in quantum anima non erat in corpore. Et quia filius Dei voluit esse homo de anima & corpore constitutus, Iesus Christus resurrexit, ut diuina voluntas assecuta fuisset hoc quod volebat, quod assecuta non fuisset, si Iesus Christus non resurrexisset de morte ad vitam. Quia Iesus surrexit à mortuis, significatum fuit, quod compleuerat in cruce victoriam contra originale peccatum. Et si Iesus Christus non resurrexisset, significatum fuisset quod victoria non erat completa. Quare oportuit, quod Dominus Iesus Christus à mortuis resurrexisset, non tamen per aliam sed per seipsum: quoniam sicut filius Dei per se incarnatus fuit, ita per se anima Christi rediit in suo corpore de quo exiuit. Iesus Christus resurrexit, ut esset exemplum & signum generalis resurrectionis hominum, quæ ventura est. Idcirco posuit homines in maiori spe resurrectionis per suam resurrectionem, contra quam maiorem spem fuisset, si non resurrexisset contra maiorem spem, Iesus Christus non potuit esse secundum magnitudinem bonitatis, iustitiæ & charitatis. Si Iesus Christus à mortuis non resurrexisset, fuisset suum corpus in terra, & anima in cœlo, & suum corpus priuilegiū non habuisset in magnitudine bonitatis, gloriæ, & voluntatis supra corpora aliorum hominum. Quod quidem priuilegium necessariū est, quod Iesus Christus habeat ratione coniunctionis, diuinæ naturæ, & humanæ, in qua coniunctione est natura humana Domini nostri Iesu Christi exaltata in maiori magnitudine bonitatis, gloriæ,
finis

finis & voluntatis, quam aliquam aliarum creaturarum. Resurrexit ergo à mortuis Dominus noster Iesus Christus.

Quod Iesus Christus ad cœlos ascendit.

IN cœlo empireo sunt animæ Sanctorum, ibi Deum contemplantur & vident facie ad faciem, & oculo spirituali ad oculum, & in hac vita mortali, nulla anima Deum contemplari, neque videre potest sine medio, videlicet sine specie fantastica. Est ergo nobilior ille locus superior quam locus istius vitæ mortalis. Oportuit ergo quod Iesus Christus suum corpus ascenderet ad illas summities siue altitudines, in quibus est nobilior locus. Sed hoc esse non potuit, si Iesus Christus ad cœlos non ascendisset. Ascendit Iesus Christus ad cœlos, ut gloriam daret Sanctis, quoniam per suam visionem maiorem habent gloriam, & si ad cœlos non ascendisset, haberent minorem, & sic Dominus noster Iesus Christus foret contra maiorem gloriam, & haberet magnam concordantiam cum minori gloria, quod est impossibile, cum ita sit, quod gloria & maiestas habeant concordantiam in magnitudine bonitatis & aliarum: quoniam Dominus Iesus ad cœlos ascendit, animas Sanctorum posuit in maiori specie resurrectionis. Quoniam in hoc quod viderunt Dominum Iesum Christum qui à mortuis resurrexit melius eis reuelata fuit & significata generalis resurrectio, per quam maiorem reuelationem & significationem Sancti maiorem gloriam habuerunt, & maiorem spem resurrectionis. Dominus noster Iesus Christus genus humanum recreauit, & traxit animas Sanctorum de infer-

no, quæ iuerunt in Paradisum. Cum ita sit, quod Paradisus sit locus, ubi attingitur finis, propter quem mundus fuit creatus. Idcirco ista vita in qua sumus, est in principio & in medio, & alia vita est in fine. Vnde si animæ Sanctorum irent ad Paradisum, bene oportuit quod anima Iesu Christi iuisset, & suum corpus ascendisset, cum ita sit, quod ipse sit finis & complementum restaurationis illarum animarum. Dominus Iesus nobilior est ratione diuinæ naturæ quam ratione humanæ, & ideo si ad cœlos non ascendisset, diuina natura iniuriata fuisset in humana. Et idem est de anima & corpore, cum ita sit quod anima sit nobilior quam corpus. Sicut si olea quæ inserta est in oleastro, mitteret suam naturam inferius, & natura oleastri supra ascenderet, ita quod oliua faceret in specie oleæ, quæ siquidem oliuæ essent de specie oleastri & non de olea. Iesus Christus ergo ascendit ad cœlos, ut in ipso incōuenientia ante dicta non fuissent. Deus est bonus, & sua bonitas est ei ratio, quod agat bonum, & Deus est magnus, est ergo sua bonitas ratio Deo, quod agat magnum bonum: sua bonitas ergo non est ei ratio, quod agat paruum bonum & non magnum, postquam est magna Deitas, bene facere non potuit humanitati quam assumpsit: si ipsam in locis in quibus non attinguntur magna, sed parua, tenuisset. Ascendit ergo ipsa gloriosa humanitas Iesu Christi ad loca: ubi magna bona attinguntur.

Quod Iesus Christus sit Index in die iudicij.

OPortet quod dies iudicij sit de hominibus bonis & malis, ut sequatur finis eorum, quæ creata sunt.

Quod siquidem iudicium intelligi oportet videri & audiri, quoniam si ne intelligere, videre & audire non esset finis in magnitudine bonitatis, veritatis & aliarum: oportet ergo quod iudex sit Deus & homo. Oportet quod sit Deus, ut iudicium intelligatur in magnitudine veritatis, oportet quod sit homo, ut iudex videatur, & quod eius iudicium audiatur. Idcirco oportet quod gentes congregentur in vno loco, ut iudicem videre possint & audire, sed hoc esse non posset, si Iesus Christus non esset iudex. Iudicabit ergo Dominus Iesus bonos & malos in die iudicii. Oportet quod iudicium sit in quantitate continua principij, medij & finis. Et quia quantitas in diuersis remanet quantitibus distinctis sustentata per differentiam, quæ est inter principium, medium & finem, oportet esse iudicium, secundum quod pertinet ad principium, medium & finem. Unde si Dominus noster Iesus Christus sit iudex, est eius iudicium de principijs, videlicet de hoc quod spectat ad honorandum Deitatem & humanitatem cum illa coniunctam. Et idem est de medio, cum ita sit, quod Iesus Christus in quantum homo est medium inter Deum & suum populum. Et idem est de fine, cum ita sit, quod omnia entia creata sint ad honorandum Deum & humanitatem Christi. Erit ergo Iesus Christus iudex in die iudicii. Dominus Iesus Christus erit iudex, ut sit maior gloria bonorum, & maior poena malorum. Quoniam magna gloria est bonis, quod ipsi videant, quod ille qui erit eis similis, dabit iudicium & vocabit ipsos ad gloriam perpetuam. Et magna poena erit malis, qui videbunt ita magnam potestatem hominis, quæ ipsos iudicabit ad poenam perpetuam, & quia iudicium

oportet esse in magnitudine veritatis, maior erit, in quantum dabit maiorem gloriam bonis, & maiorem poenam malis. Oportet ergo quod Dominus Iesus Christus sit iudex. Vnus idem calor magnus est in vno subiecto, & parvus in alio: sicut calor ignis qui est magnus in pipere, & parvus in aniso, magnus est in pipere, quia recipere potest magnum calorem, parvus est in aniso, quoniam non est de suis conditionibus, quod possit esse subiectum magno calori. Modo simili erit de maiori iudicio, quod erit in fine mundi. Quod siquidem iudicium non posset esse magnum, si non esset aliquod magnum subiectum, in quo sustentatum esset. Magnum subiectum non posset esse: si ille qui dabit iudicium, non esset primus iudex & maior, qui possit esse, unde cum Deus non sit corpus: si ipse iudicium daret per vocem, & vox de ipso non esset, & vox non esset pars illius, ille qui loqueretur, non esset iudex primus, imo esset medium, & sic iudicium non posset esse magnum, quoniam subiectum non haberet, in quo posset esse magnum. Oportet ergo quod ille iudex qui iudicabit bonos & malos: sit ille idem qui loquetur, in quantum dabit iudicium, sed hoc esse non posset, si Deus non esset homo. Iesus Christus ergo iudicabit, qui in quantum homo erit ille idem, qui loquetur, & in quantum Deus erit primus iudex, & sic iudicium erit magnum. De magnitudine iudicii est, quod ille qui iudicat, sit finis iudicii, & quod ille qui iudicatus est, se habeat ad illum finem secundum magnitudinem bonitatis, & concordantiam iudicis, & iudicati. Et idem sequitur secundum magnitudinem malitiae, & contrarietatis illorum, qui deliquerunt contra iudicem. Oportet er-

go quod Dominus noster Iesus Christus sit iudex, cum ipse sit finis, in quantum Deus & homo omnium entium creatorum, ad quem finem se habent iusti cum magnitudine bonitatis, & concordantiæ, & mali qui ipsam ostendunt, cum magnitudine malitiæ, & contrarietatis.

De Fructu arboris Apostolicalis.

FRUCTUS arboris Apostolicalis est ille, in quo colliguntur omnes fructus aliarum arborum, de quibus dictum est. Quoniam omnia quotquot sunt in hac vita præsentis secundum diuinam ordinationem, quã Deus posuit in creaturis istius vitæ, in qua sumus, se ita dirigunt ad arborem Apostolicalem & generalem: sicut plures lineæ ad vnum punctum ex illis constitutum & cætrum, in quo sibi inuicem obuiant, & suum habent complementum: sicut plures partes in suo toto. Fructus apostolicalis est saluatio gentium & ordinatum ministerium, vt Deus recolatur, intelligatur & ametur, honoretur, & ei seruiatur plusquam alicui alij. Et iste fructus apostolicalis est ita nobilis, & de ita nobilibus conditionibus, quod requirit vnam personam communem, qui sit eius cultor, & habeat dominium, super omnes homines. Inter quem cultorem & fructum, oportet esse ita magnam concordantiam in magnitudine bonitatis, sanctitatis, virtutis, & veritatis, quod maior esse non possit, vt maioritas non deficiat magnæ concordantiæ, & quod concordantia non sit in maiori magnitudine bonitatis, sanctitatis, virtutis, & veritatis, quod si esset, iniuriati essent omnes fructus aliarum arborum in mi-

nori concordantia, quæ iniuria esset contra magnitudinem bonitatis, &c. Fructus arboris elementalis est res elementa: sicut opera, pomum, equus, piscis, grus, homo, aurum, ferrum, & sal, & sic de aliis metallis. Et omnes isti subiiciuntur fructui apostolicali ita, quod omnia elementa ordinat per rectam lineam res elementatas, quæ seruiunt Domino apostolico, quod per illas tractare possit saluationem gentium, & ad euitandum damnationem illarum, & ad faciendum Deo honorem. Per petram intelligimus ædificia camerarum, turris, castri, & ciuitatis: per equum instrumentum, vt milites sint brachia Ecclesiæ sanctæ: per gruem omnia volatilia ad vsum Domini Papæ submissa, & idem de piscibus, etiam de auro & ferro, per quod intelliguntur artes mechanica, & per sal saporem cibariorum. Et idem intelligitur in fructu arboris vegetalis, & sensuualis: sicut pomum, quod est necessarium ad habendum saporem, vt appetibile sit ad comedendum, ex quo vita sequi possit & sensatum, quod est fructus, per quem possint esse scientiæ, mechanica, & liberales. Et idem est de imaginabili, humanali, & de morali arboribus, vt cum virtutibus colligatur fructus: in fructu apostolicali, & etiam imperiali, vt Imperator pacem tenere possit in mûdo, & destruere infideles, rebelles, mandatis sancti Patris Apostolici, vt fructus colligatur sub sua administratione. Etiam quinta essentia est eius fructus, vt sit fructus apostolicalis. Quis ergo cogitare posset vel scribere nobilitatem fructus arboris apostolicalis? Idcirco oportet, quod huiusmodi fructus nobilem habeat pastorem. Quare quando Cardinales Papam eligunt pro suo posse debent

propon

proportionare cultorem fructui, & Papa electus in illa proportionem seipsum conseruare.

branchas, ramos, folia, flores, & fructus.

Radices sunt principia generalia excepta contrarietate.

Truncus sunt cœli.

Branchæ sunt duodecim signa.

Rami sunt planeta.

Folia sunt accidentia cœlestia.

Flores sunt actus cœlestes.

Fructus sunt res creata inferior.

De Arbore Cœlestiali.

S V M M A R I V M:



ARBOR Cœlestialis similiter diuiditur in septem partes, videlicet in radices, truncum,

De Arbore.



De arbore Cœlestiali.

Hæc arbor cœlestialis diuiditur in septem partes, videlicet in radices, truncum, branchas, ramos, folia, flores, & fructus.

De radicibus arboris Cœlestialis.

Cum Deus creauit mundum, creauit vnâ bonitatem generalem

de natura corporali, & idem est de magnitudine, duratione, potestate, vno instinctu, & vno appetitu, & sic de aliis principiis primis & generalibus, quæ sunt de corporali natura. Et quodlibet principium diuisum in duas partes, vna pars est de quinta essentia, alia est de quatuor substantiis mundi, ex quibus arbor elementaliter consistit. Et sic vna bonitas generalis diuisa est in plures bonitates, vna bonitas est de quinta essentia, & alia est de essentiis infe-

rioribus. Et hæc talis corporalitas ita generalis fuit, vt bonitas superior, & bonitas inferior haberent naturaliter maiorem concordantiam Et idem est de magnitudine, & magnitudine, & cæteris formis primariis, contrarietate excepta: quoniam contrarietas generalis posita non fuit in principiis superioribus, vt non essent contraria inuicem quædam cum aliis, nec quod in ipsis esset generatio, nec corruptio, nec priuatio formarum antiquarum, & renouatio formarum nouarum. Et ideo contrarietas generalis est sustentata in istis quatuor substantiis mundi, quæ sunt branchæ arboris elementalis, ratione cuius, scilicet contrarietatis elementa sunt contraria inuicem quædam cum aliis, vt sit generatio, & renouatio nouarum formarum, & hoc secundum quod in illa dictum est. Sunt ergo radices arboris cœlestialis, bonitas, magnitudo, duratio, potestas, instinctus naturalis, & appetitus, virtus, veritas, delectatio, differentia, concordantia, principium, medium, finis, maioritas, æqualitas, & minoritas. Per bonitatem arbor cœlestialis est bona, & per bonitatem habet rationem ad bonum motum, & habet operationem bonam, influentiam, impressionem, & restaurationem. Et per magnitudinem est magna in extensitate & corporalitate, & per durationem durabilis est, & per potestatem potens, & per sapientiam suæ partes instinctus habent naturales ad finem, propter quem sūt, & per appetitum illos fines desiderāt, & per virtutem ipsos perficiunt, & attingunt cum iuamine moris, qui est instrumentum ad illam attritionem, & per veritatem sunt suæ influentiæ vere naturaliter, & per delectationem delectantur superiores formæ, ad dan-

dum similitudines suas istis formis inferioribus, & per differentiam sunt differentes radices, & quædam radices quædam faciūt operationes & influentias, & aliæ radices, alias habent operationes, & per concordantiam est cōcordantia inter radices, & per principium sunt radices primæ causæ istis inferioribus, & per medium, habent medium in seipsis: sicut in bonitate solis, in quo est bonificare medium inter bonificatum & bonificabile, & sol qui est medium inter Saturnū & Lunam. Et per finem causæ superiores se habent ad objectū quod est secundum corporalitatem, generationem & corruptionem istarum rerum inferiorum, quæ necessariae sunt ad vitam hominis, & sciētiā ipsius, & ad cognoscendum Deum recolendum, honorandum, & ei seruendum. Et per maioritatem sunt quædam radices principia maiora in quibusdam regionibus quam in aliis, & in quibusdam elementatis quam in aliis, sicut Saturnus, qui maiorem habet virtutem in autumno quam in vere. Et per æqualitatem principia superiora sunt æqualia simpliciter in bonitate, duratione, potestate & cæteris. Et per minoritatem est influentia aliquorum minor quam alia, alicuius quam alterius: sicut in Anglia, in quo sol non habet ita magnam virtutem in luna, sicut in India. Est ergo quælibet formarum quæ sunt superius, ratio secundum suum proprium esse ad causas inferiores, & secundum quod causæ superius miscentur ad inuicem, miscetur influentia earum, & illarum virtus, in istis causis inferioribus moris. Quando principia generalia in principio creationis mundi fuerunt diuisa, & quædam partes supra posite fuerunt, & quædam hinc inferius, vt dictum

dictum est, fuerunt partes superiores denudatæ de multis naturis & proprietatibus, quas habent partes inferiores. Sicut bonitas firmamenti, quæ deputata fuit, & denudata de ponderositatē, calore, humiditate, frigiditate, & siccitate, dūritie, & mollicie, asperitate, & lenitate: amaritudine, & dulcedine, alteratione, generatione, & corruptione. Et idem est de aliis partibus firmamenti.

De Trunco arboris cœlestialis.

TRUNCUS arboris cœlestialis est sicut pellis extensa circulariter, & est corpus, quod tenet à sphaera ignis, vsque ad superficiē, quæ superior est quam aliqua alia, intra quam omnia corporalia continentur, quæ siquidem superficies terminus est, in quo truncus cœlestialis terminatur, & est de suis partibus, videlicet de suis radicibus, & nō participat cum alio corpore superiori. Truncus compositus est, & confusus de suis radicibus, & ita animatus est anima motiua, sicut truncus arboris elementalis elementatiua, & vegetalis vegetatiua, & sensualis de sensitiua, & ideo suus finis est mouens, mobile & motum, quare suus motus est ratio omnibus corporalibus motibus inferioribus, & suæ partes sunt omnes obl. quæ, scilicet circulares: sicut sua bonitas, quæ facit arcum ex bonificatiuo, bonificabili, & bonificare, & sicut sol, qui facit arcum in die, qui est supra terram de oriente, meridie & occidente, quare successive fit motus continuus: sicut sua bonitas in magnitudine, & magnitudo in bonitate, & sic de aliis partibus trunci. Et ideo bonitas quæ est in rectitudine orientis, habet appetitum ad magnitudinem quæ est in occidente, quæ est

bonificabilis, est motus in bonificare extensus de oriente ad occidentē, qui quidem oriens & occidentes indicantur secundum diuisiones diei & noctis, & in tantum sicut sunt rectitudines trunci elementalis: secundum respectum, sunt plura orientia & occidentia, & plures meridies: sicut oriens quod est vnum, in quantum sol oritur in Hierusalem, & est aliud, in quantum oritur in Sicilia, & est aliud, in quantum oritur in Noruegia, & sic de aliis partibus trunci elementalis. Et idem sequitur de meridie & occidente. Et in hoc passu cognoscitur, quod firmamentum habet quietem in motu: sicut lapis in statione, & in suo centro. Quoniam sicut pluuia quæ cadit per aërem, se mouet ad existendum in loco vbi non se mouet, nec mouetur, ita omnes partes firmamenti se mouent ad mouendum, vt sit mouens, mobilis, & motus, & ideo suus motus non cessat. Truncus cœlestialis se mouet in circuitu, & truncus elementalis stat in medio, & secundum rectitudines trunci elementalis, & trunci cœlestialis partes amborum truncorum se respōdent: quemadmodum si truncus elementalis habeat indigentiam in aliqua suarū partium, truncus cœlestialis in contiguatione, quam habet cum elementali, influat & complet, & satisfacit elementali: sicut bonitas superior bonitati inferiori, & magnitudo supra magnitudini inferiori. Etiam si truncus elementalis habeat indigentiam de calore secundum regionem orientis contra frigiditatem, quæ est in regione occidentis, sol qui est instrumentum, & brancha multiplicat cum suo splendore, ita calorem illius regionis: sicut ignis cum suo calore calorem, qui est in aqua, tunc quando illam calefacit in olla, aut in ventre equi, qui aquam

aquam potauit, aut in folio cucurbitæ, q̄ recipit rore de nocte, & sic de aliis rebus similibus istis. Et hoc facit Sol ratione suæ bonitatis, magnitudinis & aliarum. Secundum quod exemplum dedimus in branchis arboris sensualis, quomodo potentia se habent ad obiecta per lineam continuam elementatam, quamuis potentia ad obiectum non vadit, nec obiectum venit ad potentiam: inquantum sunt in discreta quantitate, & actus fit per naturam ambarum quantitarum, videlicet per continuam & discretam, ita truncus cœlestialis, & truncus elementalis se respiciunt secundum continuam quantitatem & discretam, quamuis superior truncus in inferiorem non intrat, nec truncus inferior intrat in superiorem, inquantum habent discretam quantitatem, sed influentia superior venit inferius ratione continuæ quantitatis generalis, in qua sunt ambo trunci: sicut in vna bonitate generali & corporali, & vna magnitudine corporali generali, & sic de aliis. Et in illa linea generalitatis fit operatio in impressione, secundum quod dedimus exemplum in branchis arboris sensualis. Et in hoc passu cognoscitur, quod lux Solis hîc inferius non descendit, sed eius similitudo accipitur in superficie arboris elementalis, quæ ipsam hîc inferius repræsentat per continuam quantitatem lucis. Et idem est de bonitate tauri, & de eius motiuitate, quæ accipiuntur in bonitate ignis, & in motiuitate illius. Et eius similitudo apparet in bonitate piperis, & in motiuitate flammæ, & sic de aliis similibus istis. Et hæc philosophia multū delectabilis est ad intelligendum, & est via ad cognoscendum multa secreta naturalia. Truncus arboris cœlestialis sentiri non potest, quia confusus est, & eius color

sentitur in stellis fixis & erraticis, & eius figura circularis est, & est causa ad omnes circularitates, siue circulares figuras corporales: sed illa figura non potest videri, & consistit de partibus triangularibus existentibus in linea obliqua, vt dictum est. Et ideo est causa ad triangulos inferiores: si ut ad triangulum, qui est de igne, aëre, & de terra, & secundum respectum rectitudinum trunci elementalis, respondet ad figuram quadrangularem: sicut meridies & media nox, quæ se respiciunt per lineam corporalem generalem, & oriens & occidens similiter. Et ideo sunt quatuor impressiones regionum: quæ respondent ad quatuor quadratos, ex quibus causantur quadranguli inferiores, & ex illis exeunt trianguli, quia quadrati generales in situ tunc triangulati sunt assituati. Truncus cœlestialis non est levis, nec ponderosus, quoniam est de lineis obliquis & rotundis, quæ simpliciter secundum se non habet superius, nec inferius: sicut circulus, qui non habet principium, neque finem, secundum assituationem. Nec truncus cœlestialis est corruptibilis, nec generabilis, veruntamen est causa generationi & corruptioni in inferioribus, quia iuuat quibusdā plus in vno loco, & minus aliis in alio loco. Nec truncus cœlestialis crescit, nec diminuitur in semetipso, quoniam alium locū non appetit, sed illum tantum in quo est, & idem est de suis partibus. Et plures alias proprietates possemus dicere, quas habet truncus cœlestialis, quas non habet truncus hic inferior: & sicut truncus inferior, qui multas proprietates habet, quas non habet truncus superior, videlicet calorem, ponderositatem & alia: sed quia prolixitatem euitamus, de pluribus proprietatibus trunci superioris non facimus mentionem,

mentionem, & transimus ad branchas illius.

De Branchis arboris Cœlestialis.

BRANCHÆ trunci cœlestialis sunt duodecim signa, quæ siquidem respondere debent branchis arboris elementalis, secundum ordinationem corporum inferiorum, & corporum superiorum. Veruntamen secundum positionem positam à philosophis aliquas contrarietates videmus secundum ordinem nec essarium: sicut aries quæ indicatur esse de complexione ignis, & taurus de complexione terræ, & gemini de complexione aëris: quoniam secundum rationem naturalem, & situationem supra quam oportet respondere situationi brancharum arboris elementalis, tria signa deberent esse de complexione aëris in vere, & tria de complexione ignis in æstate, & tria de complexione terræ in autumnio, & tria de complexione aquæ in hyeme. Tria signa quæ sunt de vere sunt aries, taurus, & gemini, & tria quæ sunt de æstate, sunt cancer, leo, & virgo, & tria quæ sunt de autumnio, sunt libra, scorpio, & sagittarius, & tria quæ sunt de hyeme, sunt capricornus, aquarius, & piscis. Veruntamen sicut quatuor tempora anni vadunt in circuitu terræ, ita signa vadunt in circuitu terræ secundum situationem veris, æstatis, autumnii, & hyemis. Et si philosophi hunc cursum errauerunt, non est mirandum, si eorum sequaces deficiunt in suis experimentis & iudiciis, quæ dantur isti arte Astronomiæ. Si aries sit bonus, & taurus bonus, & gemini bonus, totus quadratus veris est bonus. Et sicut concordant in bonitate, concordare debent in mobilitate, & in masculinitate.

Et ratione concordantiæ quam habent, debent concordare in Marte, qui datur arietis, & in Venere, quæ datur tauro, & Mercurio, qui datur gemini. Et ad hoc contradicit scemininitas, quam attribuerunt tauro, & mediocritas, quam attribuerunt gemini: & sic de aliis rebus similibus istis, quæ ducunt plura inconuenientia secundum positiones antiquas. Sicut Saturnus, cui attribuantur complexiones terræ, quæ est infimum elementum, & habet tardiores motum & minorem circulum, & Saturnus, qui est altior planeta, & qui maiorem cursum facit quam omnes alij planetæ. Et ideo Dominus Papa & sui fratres Domini Cardinales benefacerent, quod secundum necessarium ordinem impressionum superiorum, & inferiorum ordinari facerent scientiam Astronomiæ in debitis situationibus inquirendo experientias, quæ ex illa ordinatione sequerentur. Et hæc inuestigatio fieri posset secundum processum istius libri cum iugamine processus artis inuentiæ & tabulæ generalis. Branchæ arboris cœlestialis respondere debent branchis arboris vegetalis: sicut aries, taurus, gemini, quæ mouere debent appetituum ad obiecta complexionis humidæ & calidæ ratione veris: & cancer, leo, virgo ad obiecta calidæ, & siccæ complexionis in æstate: libra, scorpius, & sagittarius ad obiecta complexionis siccæ, & frigidæ in autumnio: capricornus, aquarius, & piscis mouere debent appetituum ad obiecta frigidæ, & humidæ complexionis in hyeme. Veruntamen si leo in æstate appetituum mouet ad obiectum, frigidum, & humidum, facit hoc, ut plus de materia habeant ad calefaciendum, & ad desiccandum, & quia materia nimis calefacta, & desiccata appetitum habet, quod

humefiat, & frigeſcat, & ſic de aliis regionibus. Branchæ arboris, cœleſtialis reſpondere debent branchis arboris ſenſualis: ſic aries qui maiorem habet concordantiam cum viſu per humiditatem & calorem, quam leo per calorem & ſiccitatem. Et leo maiorem habet concordantiam cum auditu per caliditatem, & ſiccitatem quam piſcis per frigiditatem, & humiditatem, & ſic de aliis ſimilibus iſtis. Idem ſequitur in branchis ſpiritualibus Et quia aries maiorem habere debet concordantiam propter cor cum voluntate per humiditatem & calorem quam piſcis per frigiditatem & humiditatem, vel ſagittarius per ſiccitatem & frigiditatem. Et leo maiorem debet habere concordantiam propter cerebrum in anticipite cum intellectu per calorem & ſiccitatem, quam piſcis per frigiditatem & humiditatem. Et ſcorpio maiorē debet habere concordantiam per cerebrum cum memoria in occipite retro per frigiditatem & ſiccitatem, quam gemini per humiditatem & calorem. Et idem ſequitur de branchis tibiis & cæteris membris hominis. Et in hoc paſſu cognoscitur quo tempore anni, & qua hora diei & noctis, medici dare debent ſuis patientibus medicinas, & quomodo vnum ſignum concordat ad dandum medicinam vni membro, & aliud ſignum ad dandum medicinam alij membro. Quia terra eſt in medio octauę ſphęre, ſtant ſemper ſex ſigna ſuper ſuperficiem terrę ſuperius, & alia ſex ſtant inferius, ſicut per lineam rectam de oriente ad occidentem, & de meridie ad ſeptentrionem. Idcirco quod liber ſignum aſcendit ſecundum reſpectum rectitudinis terrę. Vt ponamus, quod oriens ſit A. & occidentes ſit C. & meridies ſit B. & ſeptentrio ſit D. Aſcen-

dunt ergo aries, taurus, & gemini de A. vſque ad B. & cancer, leo & virgo de B. vſque ad C. & libra, ſcorpio & ſagittarius de C. vſque ad D. & capricornus, aquarius & piſcis de D. vſque ad A. Et propter hoc experienciā habemus, quod ſol calidior eſt, quando deſcendit de B. vſque ad C. quam quando aſcendit de A. vſque ad B. quia plus recipit de virtute à cancro, leone & virgine, quā ex ariete, tauro & ex geminis. Ariete aſcendēte de A. vſque ad B. eſt eius aſcenſus caput, & eius deſcenſus eſt de B. vſque ad C. quod eſt eius cauda, B. vero eſt eius medium. Idcirco per vnum modum inſluit ad branchas arboris elementalıs ſecundum caput, & per alium ſecundū medium, & per alium modum ſecundum caudā. Idcirco aſtronomus vnum iudicium facit in capite, aliud in medio, & aliud in cauda. Et idem facit de aliis ſignis. Faciunt etiam iudicium de cancro, ariete, libra, & capricorno, qui ſunt mobiles: videlicet quod res quę ſunt in eorum dominio. non durante, & quod illę res durant, quę ſunt de dominatione tauri, leonis, ſcorpionis, & aquarij, qui non ſunt mobiles, & quod illę res durant, & non durant multū, quę ſunt in dominatione geminis, virginis & ſagitarij & piſcis, qui mobiles ſunt in parte & non in toto. Deſcendit aries de B. vſque ad C. ſecundum aſſituationem circuli ſuperioris, qui eſt de A. vſque ad C. Et prius gemini deſcendit quam ipſe, & taurus ſimiliter. Idcirco aſtronomus prius iudicium facit de gemini in quadrangulo de B. & de C. quā de tauro vel de ariete, & ſic de aliis ſignis. Idcirco ſunt vintiſiquatuor horę in die naturali, vt aſtronomus iudicare ſciat ſignum ſecundum ſuam horam. Et idem de duodecim menſibus & quatuor temporibus

poribus anni, de quibus dictum est. Masculinitas ratione formæ vni signo attribuitur, & fœmininitas ratione materiæ attribuitur alij signo, & hoc vt vnum signum habeat actionem, & aliud passionem, & vt de illo quod habet actionem, sequatur masculus & dies, & de illo quod habet passionem, sequatur fœmina & nox. Veruntamen in vna eadem regione & hora generantur masculus & fœmina, & hoc est ratione conceptionis corporum inferiorum, quæ recipiunt impressiones à superioribus, secundum quod disposita sunt ad recipiendum. Sicut ignis, qui semper habet naturam calefaciendi illam substantiam, quam tangit, veruntamen non calefacit pellem salamandrarum, quæ vivit in igne, & hoc est, quia nata est & nutrita in igne, & est plus ex ipso quam ex alio elemento. Consimili modo quamvis vnum signum sit masculus, eius masculinitas non est ratio, quod sua regio masculinum producat in illa materia, quæ plus disposita est ad fœminam secundum dispositionem brancharum arboris elementalıs. Et in hoc passu cognoscitur, quod graua sunt iudicia astronomiæ ad intelligendum. Ratio quare attribuitur vni signo mobilitas, & alij statio, est quoniam oportet, quod res quæ per generationem producuntur, per motum producantur, qui est augmentalis & de causis alterabilibus, de quo motu instrumenta fatigantur: sicut equus qui fatigatur ad currendum & cor ad cogitandum, & os ad loquendum, & manus ad operandum. Idcirco natura requirit quietem, secundum quod experientiam habemus in dormiendo, & in plantis, quæ fructus non reddunt in hyeme, & equus qui fatigatus est ad currendum, & balista quæ fessa est ad trahendum, quæ non facit magnum

ictum, cum sæpius traxerit. Dicitur ergo propter hoc, quod illud signum quod est stabile sicut leo (vt dicitur) quod non est mobile. Et illa quæ non sunt mobilia, officium habent, ex quo sequitur quies in substantiis fessis, & illa quæ mobilia sunt, sicut aries qui habet officium, vt substantiæ sint mobiles, & mouentes, & motæ post earum quietem. Dicitur etiam, quod aliqua signa non sunt mobilia sed mediocritia: sicut virgo, & ratio est hæc, quia motuitas, mobilitas, & stabilitas sibi inuicem obuiant. Et omnia ista fiunt secundum impressiones inferiores, cum ita sit, quod signa continuè fixa stant in firmamento, & in partibus illius, secundum iudicium quod sit de mobilitate in vno, & de immobilitate in alio, & de mediocritate in alio, sit ratione respectus inferius. Sicut sol cum vna eadem virtute regulam desiccet & ceram fundit. Quod bonum est esse, & malum est non esse, dictum est, quod esse est bonum, & non esse est malum, & ideo dicitur, quod aliqua signa quæ causant esse, sunt bona, & aliqua signa quæ non causant esse, sunt mala. Et in hoc Astronomi iudicium accipiunt, quod aries est bonus, quia ex ipso sequitur bonum, & leo est malus, quia ex eo sequuntur guerræ, & prælia. Etiam dicitur quod bona signa fortunant homines ad bonam prosperitatem, & longam vitam, & sanitatem, & placita, & mala faciunt contrarium. Et hoc intendunt dicere secundum impressiones naturales, quibus anima ratione suæ libertatis non semper consentit, etiam quia Deus secundum suam bonitatem aut iustitiam vititur suo effectu ad voluntatem suam in omni tempore, & in omni loco. Idcirco malefaciunt Astronomi, qui tantum confidunt in iudicio impressio-

num corporum superiorum, factarum hinc inferius, quæ ita destitui possunt supra cursum illarum impressionum per Deum, & per liberam voluntatem hominis secundum arborem moralem. Sicut homo destruere potest literas in cera impressas per grafium aut per sigillum.

De Ramis arboris Cœlestialis.

RAMI arboris Cœlestialis sunt septem planetæ. Et dicunt antiqui philosophi, quod Saturnus est superior, & Iupiter postmodum, & sic per ordinem de aliis usque ad lunam. Et dicunt quod Saturnus est malus, & quod causat plumbum, & diem sabbati. Et dicunt ipsum esse de complexione terræ. Dicunt etiam, quod Iupiter est bonus, & quod causat stagnum, & diem Iouis, & quod sit de complexione aëris. Dicunt etiam, quod Mars sit malus, & quod causat ferrum & diem Martis, & quod sit de complexione ignis. Itē dicunt, quod Sol sit bonus, & quod causat aurum & diē dominicū, & quod sit de complexione ignis. Præterea dicunt, quod Venus sit bonus, & quod causat cuprum & diē Veneris, & quod sit de complexione aquæ. Dicunt etiam quod Mercurius sit neutrum, & quod causat argentum vivum & diē Mercurij. Dicunt, quod luna sit bona bonis, & mala malis, & quod causat argentum & diem lunæ, & quod sit de complexione aquæ. Secundum assituationem elementorum, oportet quod planetæ sint assituati ut assituationes ordinatæ sibi inuicem corresponsdeant. Sphæræ elementorum ordinatæ sunt hoc modo, sphaera ignis est super or, & sphaera aëris cōtinguatur cum sphaera ignis, ut ignis inclinationem habeat ad aërem: & aër est su-

pra sphaeram aquæ ut inclinationē habeat ad illā, & aqua est supra sphaeram terræ, ut ad illam inclinationem habeat. Et sic ratione inclinationis quæ sit de superius ad inferius, venit influentia inferius: sed hoc non est ordinatum secundum assituationes, quos philosophi in planetis ordinauerant, quoniam posuerunt Saturnum supra, qui est siccus, & aërem inferius, qui est humidus. Et posuerunt Martem & Solem qui sunt calidi, sub aëre, & sic vno participante cum alio sequitur nimia similitudo caloris, & destruitur ordo assituationis, quæ pertinet ad illam quæ est in sphaeris elementorum. Posuerunt etiam complexionem aquæ sub Mercurio qui est siccus. Multa etiam inconuenientia edocet ars nostra in assituatione planetarum secundum opinionem antiquorum: veruntamen sustinet, quod per contrariam assituationem Saturnus esset superius per siccitatem, & Iupiter postmodum per humiditatem, ut sequatur vna linea de contrariis, ita de siccitate supra ad humiditatem inferius: sicut fit in sphaeris elementorum, vnde sequitur concordantia inter calorem, qui est supra, & humiditatem, quæ est inferius, videlicet inter calorem ignis, & humiditatem aëris. Sustinet etiam ars, quod calor aëris, quem habet Iupiter, ad calorem ignis descendat, qui est de Marte. Sustinet etiam ars: quod siccitas Martis descendat ad siccitatem Solis, & humiditas Veneris descendat ad siccitatem Mercurij, & sic siccitas Mercurij ad humiditatem lunæ. Et hoc sustinet ars ut fiat mixtio influentiarum planetarum & compressionum elementorum. Planetæ se mouent de occidente ad orientem contra motum signorum quæ se mouent de oriente ad occidentem. Et ideo sit obuiatio

tio virtutum & influentiarum firmamenti & planetarum in facie: sicut facies arietis cum facie Saturni, qui se obuiant facie ad faciem: quorum obuiatio fieri non posset, si Saturnus se moueret de oriente ad occidentem. Et quia obuiatio fit facie ad faciem, est maior influentia, quæ venit ex illa obuiatione hinc inferius: vnde sequitur maior mixtio & virtus hinc inferius. Et in hoc passu cognoscitur, quare planetæ sunt errantes, & diuersas habent operationes siue ordinationes. Sol suum motum habet perfectum in trecetis sexaginta quinque diebus & sex horis, ex quibus annus compositus est. Et motus lunæ fit in vno mense. Et in hoc passu cognoscitur, quod sol ad duodecim menses respondet, qui diuiditur in quatuor tempora anni, quæ sunt ver, æstas, autûnus, & hyems, & quodlibet istorum tres menses requirit, quia duæ lineæ fortiores sunt per concordantiam, quam vna per contrarietatem: sicut in ætate, in quo fortior est concordantia in calido & sicco, quam contrarietas, quæ est inter humidum & siccum, ex quibus fit triangulus, qui est ex tribus lineis & de tribus angulis, & quælibet lineæ & angulus indiget vno mense. Et oportet, quod luna correspondeat cuilibet mense, vt concordantiam habeat cum triangulo cuiuslibet, videlicet veris, æstatis, autûni & hyemis. Et hoc sic esse oportet, vt in sphaera lunæ influentias accipiant & colligant, per frigiditatem & humiditatem, sicut in ætate fructus colliguntur per caliditatem & siccitatem. Et in hoc passu cognoscitur, per quam necessitatem annus habet trecetos sexaginta quinque dies & sex horas, quas habet, vt continuari possit cum alio, & quod sequatur bissextus. Oportet quod sint septem planetæ, vt sufficiant concordantiæ

quadranguli, & trianguli: quatuor sunt, vt hic in inferioribus quadrangulus consistat, tres sunt, vt in inferioribus fit triangulus. Et mixti sunt trianguli & quadranguli per mixtionem respectus planetarum, vno planeta existente in respectu alterius in vno tempore, & in alio tempore in alio respectu. Et sic lineæ illorum respectuum se miscuunt, & perficiunt influentiam & virtutem, quæ plena venit in inferioribus, multiplicando in inferioribus suam similitudinem: sicut plura lumina, quæ vnam lucem generalem multiplicant, & plures motus vnum motum generalem, & plures voces vnum sonum generalem, & plures guttæ aquæ, mare generale: & sic de aliis rebus similibus istis. Sol est in medio, vt sit terminus triangulorum & quadrangulorum. Quoniam in quantum participat cum Saturno, Ioue & Marte, sequitur ex omnibus quatuor planetis quadrangulus. Vt ponamus, quod Saturnus sit A. Iupiter B. Mars C. Sol D. est ergo quadrangulus de A. ad B. & de B. ad C. & de C. ad D. & de D. ad A. In quo quadrangulo sunt duo trianguli generales: vnus est de A. ad C. & alius est de B. ad D. Et in quolibet istorum sunt duo, vnus est de A. & de B. & de centro quadranguli. Alius est de B. & de C. & de centro quadranguli. Alius est de C. & de D. & de centro quadranguli. Et alius est de A. & de D. & de centro quadranguli. Et hoc idem sequitur de Sole, vsque ad Lunam. Et ratione huius habet, sol maiorem virtutem in inferioribus, quam aliquis alius planeta. Et in hoc passu cognoscitur, quod virtus est maior in medio quam in extremis. Rami huius arboris respondent ramis arboris elementalis, vegetalis, sensualis, imaginæ, & humanalis. Ramis arboris elementalis

respondent, in quantum ab eis causati sunt, quod componantur & misceantur. Quoniam illorum mixtio & impressio effectiue sunt de mixtione, quam habent planetæ in eorum respectu, & in dando sibi inuicem suas similitudines, secundum quod se inuicem respiciunt. Ramis arboris vegetalis respondent, in quantum fit generatio, corruptio & priuatio, & renouatio per influentiam supra, quæ datur in sphaera lunæ ad superficiem, quæ est contigua cum superficie ignis. Sicut piper & alleum, quæ generari non possent sine sole, & plumbum & dies Sabbati, quæ causantur à Saturno: & sic de aliis. Ramis arboris sensualis respondent, sicut sol, qui est instrumentum visui ad videndum, & sicut Saturnus, qui est instrumentum auditui ad audiendum: & sic de aliis. Ramis arboris imaginæ respondent, in quantum planetæ suas influunt similitudines hæc inferius, ita quod de se nullam partem afferunt substantialem, nec accidentalem, nec ponunt aliquid positiue hæc inferius de eorum essentia, sed tantum suas similitudines: sicut litteræ sigilli, quæ nihil dimittunt de earum essentia in cera, sed tantum suam similitudinem. Et ideo imaginatiua per impressiones supra naturam habet quod similitudines accipiat in similitudinibus substantiarum. Idem sequitur in ramis arboris humanæ: sicut in visu, cui sol suam influunt similitudinem, ut dictum est, & memoria quæ virtutem accipit in cerebro per Saturnum, & voluntas in Ioue, & intellectus in sole. Secundum hoc quod dictum est, & secundum plures alias rationes, quas dicere possemus, significatur assituatio planetarum, & maneries quam habent in influendo inferius suas similitudines, quas habent in bonitate, magnitudine &

cæteris: & etiam secundum formas primarias, quæ in arbore elementaliter ponuntur. Ratione cuius assituationis haberi potest ars, & modus ad cognoscendum, utrum ars astronomiæ ab antiquis Philosophis compilata veritatem contineat, vel etiam iudicia quæ faciunt astronomici, in quibus sapius deficiunt.

De Foliis arboris cœlestialis.



olia arboris cœlestialis comparamus accidentibus generalibus arboris, quæ sunt rationes accidentibus inferioribus. Ita videlicet, quod quantitas regionis arietis, tauri & gemini est ratio, & causa quantitatis orientis vsque ad meridiem. Et sic de aliis accidentibus, de quibus breuiter tractare volumus.

De Quantitate arboris cœlestialis.

Quantitas arboris cœlestialis, duobus modis consideratur, continua scilicet & discreta: & istos duos modos in tribus figuris consideramus, videlicet in figura circulari, quadrangulari & triangulari. Quantitas continua consideratur, ut de ariete & tauro, & sic de aliis vsque ad piscem: & de Saturno & Ioue, vsque ad Lunam, & de ariete & tauro, & sic de aliis: & de Saturno vsque ad Lunam. Hæc quantitas continua per totum firmamentum est extensa, & est vna de pluribus, videlicet de quantitibus primis radicum: & quia radices sunt differentes, est quantitas continua ex discretis quantitibus: sicut communis quantitas substantiæ, quæ est ex discretis quantitibus, videlicet de forma & de materia, quæ sunt quantæ. Et hæc discreta quantitas radicum apparet in diuersi

uerſitatibus ſignorum & planetarum. Eſt vnus alius modus quantitaris continuæ, quæ eſt de ariete vſque ad libram, & de cancro vſque ad ſcorpionem, & de Saturno vſque ad Lunam. Et hæc comprehendit omnia loca quæ ſunt intra octauam ſphæram, & ſuſtentata eſt in formis generalibus quintæ eſſentiæ, & etiam quatuor ſubſtantiis mundi. Et quantitas diſcreta conſiſtit in bonitate, quæ eſt vna in quinta eſſentia, & eſt alia in quatuor ſubſtantiis mundi. Sicut ferrum, quod eſt ſub vna figura in eultello, & ſub alia figura in martello: & idem de magnitudine & cæteris formis: quare ſicut in carne digiti conſiſtit vna quantitas continua, ita tota ſubſtantia vniuerſalis mundi extenſa eſt in vna quantitate bonitatis continuæ, & quantitas continua ita habet partes, quæ ſunt de ſua natura, ſicut habet quantitas continua digiti partes diſcretas, quæ ſunt oſſiū. Et in hoc paſſu cognoscitur quomodo reſpondent quantitates diſcretæ quintæ eſſentiæ, & quatuor ſubſtantiarum, quæ ita recipiunt influentiam ex quantitate continua ſuperiori: ſicut quantitas oſſium digiti ex quantitate carnis. Et ſicut quantitas carnis nihil ponit poſitiuum, quod ſit de ſua eſſentia, ſed tantummodo de ſua natura in quantitate diſcreta oſſium, ita quantitas quintæ eſſentiæ non ponit aliquid de ſe in quantitatibus inferioribus in quantum ſua eſſentia: ſed in quantum ſua natura, cum qua participat, ſecundum continuitatem cum quantitatibus inferioribus. Et in hoc paſſu cognoscitur, quomodo Sol multiplicat quantitatem in cumento, quod facit planta, & in calore piperis, quamuis eius quantitas hæc interius non deſcendat nec à ſe recedat, licet quantitates inferiores de ipſa recipiant in-

fluentiam & impreſſiones. Et hæc philoſophia delectabilis eſt ad intelligendum, & eſt via ad cognoscendum plura principia & ſecreta naturalia. Quantitas quintæ eſſentiæ conſiſtit in figura circulari ſecundum aſſituationem, quæ eſt de ariete vſque ad piſcem, & de Saturno vſque ad Lunam, & de ariete vſque ad Lunam, & eſt in figura quadrangulari, in quantum eſt in quatuor regionibus: vna eſt de ariete, & tauro, & gemini: & alia eſt de cancro, leone, & virgine: & alia eſt de libra, ſcorpione, & ſagittario: & alia eſt de capricorno, aquario, & piſce. Et figura triangularis conſiſtit in planetis. Et idem eſt de quadrangulari, ſecundum quod faciunt triangulum, & quadrangulum. Et de hac materia dictum eſt in ramis huius arboris. Et in hoc paſſu cognoscitur quomodo quantitas ſuperior aſſituata eſt, & cauſa aſſituationi quantitatis inferioris ſecundum circulum, quadrangulum, & triangulum.

De Qualitate arboris Cœſtialis.

SOL eſt qualis per differentiam, quæ habet cum aliis planetis, & qualis eſt, quia bonus eſt & lucens. Et hæc qualitas eſt ei propria, licet luna ſit bona: ſicut ignis qui bonus eſt & aer bonus: ſed quia ignis & aer diſtincti ſunt per calidum & humidum, eſt bonitas ignis ſub vna qualitate, & bonitas aeris ſub alia. Idem eſt de bonitate ſolis & lunæ, quoniam ſub vna ſpecie & proprietate eſt in ſole, & ſub alia ſpecie & proprietate eſt in luna. Eſt alius modus qualitatis, quæ eſt appropriata: ſicut calor ſolis, qui eſt ei qualitas appropriata, & frigiditas lunæ ſimiliter, & hoc eſt ratione operationis quam habent diuerſimodè: quoniam ſol eſt cauſa igni multiplicando

calorem ratione suæ lucis, quæ concordat cum luce ignis, qui calidus est propriè. Et idem est de luna, quæ in aqua multiplicat frigiditatem ratione suæ vmbrositatis, quæ concordat cum vmbrositate aquæ. Et ex duabus vmbrosis sequitur nox, quæ est fons frigiditatis & vmbre. Et idem est de claritate lune, quæ est ei qualitas appropriata per Solem. Et idem est de aliis qualitatibus aliorum planetarum, qui imprimunt suas similitudines in qualitatibus propriis, & appropriatis hîc inferioribus consistentibus. Idcirco dicitur, quod Saturnus est malus & de complexionem terræ, & sic de aliis: quoniam causa est inferius ad multiplicandum siccitatem, frigiditatem, & melancholiam hominum ratione cuius multas malas habent cogitationes: & sic de aliis.

De Relatione arboris Cœlestialis.

SOL est de magnitudine bonitate, & cæteris: & in bonitate est bonificatium, bonificabile, & bonificare, in quibus stat relatio, quæ est pars solis, & per quam sol habet naturam bonificandi in relationibus inferioribus, quæ sunt in specie bonitatis. Quare sicut lux solis est ratio multiplicandi calorem ignis, quia cum illo habet concordantiam in luce, ita est ratio eius relatio ad multiplicandum relationem ignis in calefactiuo, calefactibili, & calefacere, & in bonificatiuo, bonificabili, & bonificare. Et in hoc passu cognoscitur modus, secundum quem accidentia superiora imprimunt suas similitudines in accidentibus inferioribus. Cui intentioni est instrumentum motus firmamenti & suarum partium, qui maior est superius quam hîc inferius, ratione cuius maioritatis fiunt

impressiones in inferioribus per superiores.

De Actione & Passione arboris Cœlestialis.

SOL est de bonitate, magnitudine, & cæteris radicibus, & eius bonitas magna non esset, si non esset ratio bono, quod bonum faceret: verum quia bonum facere bonum non potest sine actione & passione: idcirco Sol habet actionem, in quantum est bonificatius, & suum bonificabile essentiale est passius, sicut materia sub forma, & bonificare est ex ambobus. Et idem de actione & passione in Sole sub ratione bonitatis: & subiectum operationis est magnitudo, quæ est bonificabilis, & duratio similiter, & potestas, & cæteræ partes Solis de sua bonitate similitudines accipiunt, in quantum sunt bonæ partes & essentia sub ratione bonitatis. Et ex hac actione & passione quæ sunt intra substantiam Solis, sequitur vna passio extra: sicut Sol, qui actionem habet super Venus, in quantum ei dat suam similitudinem, & Venus est passius, in quantum illam similitudinem accipit. Et Venus qui est planeta actius, in quantum actionem habet super Mercurium, & Mercurius passius, in quantum ipsam accipit. Et idem est de Mercurio qui actionem habet supra Lunam, & Luna, quæ passiva est, in quantum ipsam accipit. Idcirco dicitur, quod Luna plus habet de materia, quam aliquis aliorum planetarum, ut sua materia disposita sit ad recipiendum plures & magnas passiones, quæ sibi veniunt à superioribus planetis. Idcirco Luna significat fortius suas proprietates in inferioribus quam aliquis alius planeta. Vnde marinarij Lunam respiciunt: & ho

& homines quando volunt sanguinem minuere, plantare, & scindere arbores: & fœminæ quando volunt concipere pueros, & sic de aliis similibus istis: sicut cancer maris, qui sub vna Luna plenior est quam sub alia. Et in hoc passu cognoscitur, quod actiones & passiones superiores rationes sunt actionibus, & passionibus inferioribus secundum cursum naturalem. Et de hoc accipitur opinio, quam habent homines circa eufortunium, & infortunium: qui ignorant libertates, quæ sunt in inferioribus in animabus rationalibus, super quas corpora superiora actionem non habent, quæ siquidem animæ maiorem habent actionem super corpora, cum quibus coniunctæ sunt, quam corpora superiora. Et illi sapientes qui hoc cognoscunt, dicunt quod eufortunium, & infortunium non sunt aliquid secundum realitatem rerum spiritualium.

De Habitu arboris cœlestialis.

SOL habet in habitu descendi regulam, & mollificandi ceram: & sicut ignis habet in habitu desiccandi regulam ratione siccitatis quam accipit à terra, ita Sol habet in habitu desiccandi regulam ratione siccitatis, quam accipit à Saturno. Et sicut ignis qui habet in habitu mollificandi ceram per suum proprium calorem, ita Sol per suam propriam lucem habet in habitu, ad mouendum & multiplicandum lucem ignis, cum qua in specie concordat, & cum qua calorem ignis mouet ad mollificandum ceram fortius, in quantum ei multiplicat calorem. Et sic indirectè Sol habet in habitu mollificandi ceram ratione caloris, quam mouet ita cum igne, sicut manus mouet litteram cum penna. Et

habitus superiores sunt ita rationes habitibus inferioribus: sicut habitus figurales litterarum sigilli habitibus motis & productis in litteris ceræ. Et in hoc passu cognoscitur, quod quidam habitus sunt ex aliis in similitudine, & non materialiter. Et hæc cognitio est passus, in quo intellectus humanus exaltatur ad intelligendum pulchra secreta naturalia,

De Assituatione arboris cœlestialis.

SITUS arboris cœlestialis est significatus secundum hoc quod diximus de sua quantitate, & etiam secundum suas radices, truncum, branchas, ramos, folia, flores, & fructum. Et assituatio ista, siue situs qui est superius, causa est istis sitibus inferioribus: sicut Sol, qui situatus est in suo circulo mouens & motus: mouens in quantum per seipsum mouetur de occidente ad orientem; motus in quantum firmamentum ipsum mouet de oriente ad occidentem; & idem est de eius assituatione, quæ stat inter Saturnum & Lunam. Et ideo epar consistit in medio loco corporis, & fel in ipso, in quo Sol maiorem habet actionem, quam aliquis alius planera. Et in hoc passu cognoscitur, quod situs superior imprimat suam similitudinem in assituationibus substantiarum elementatarum.

De Tempore Arboris cœlestialis.

ARBOR cœlestialis assituata est in circulo, qui secundum figuram non habet principium, neque finem, similimodo motus qui est in firmamento de ariete usque ad taurum, & sic usque ad piscem, etiam de motu Saturni usque ad Lunam, & de Saturno usque ad arietem, & taurum, & pis-

cem nullam habent umbram, ex qua sequatur tempus dierum & noctium super superficiem sphaeræ ignis. Tempus ergo supra non multiplicat diem, neque noctem, sed hic inferius ratione umbræ terræ. Quoniam totum hoc quod est supra illuminatum est, siue lucidum per solem, & per stellas sine umbra noctis. Veruntamen multiplicatur tempus in alio, non in seipso: sicut Saturnus, qui habet vnum motum, & Iupiter qui habet alium, & sic vsque ad Lunam. Quare in illis stat tempus in discretis quantitativibus, & in seipso stat vnum: sicut vnus dies, qui stat in pluribus momentis sine umbra & multiplicatione plurium dierum. Et in hoc passu est tempus reuelatum intellectui, secundum quod est in se & in alio. Stat ergo tempus ita in seipso sine motu, sicut circulus sine principio & fine. Sicut homo peccator indiget misericordia Dei, & homo iniuriatus sua iustitia, sic substantiæ inferiores necessitatem habent, quod tempus sit variatum in substantiis superioribus. Sicut Saturnus qui in vno tempore est in vno loco, & in alio tempore in alio, & in vno tempore est in rectitudine arietis, & in alio tempore tauri, & ideo requirit tempus inferius secundum suam assituationem naturalem, ordinem, & assituationem temporis superioris, vt tempus superius hic inferius transmittat suam similitudinem ad tempus, quod est hic inferius, quam accepit in substantiis elementaribus, quæ in vno tempore sunt in vno loco, & in alio tempore in alio loco, etiam quod in eodem tempore, vna eadem substantia operatur diuersa: sicut ignis qui calefacit, illuminat, & desiccatur, & molliciat: & sic de aliis rebus similibus istis, quæ longum esset narrare.

De Loco arboris cœlestialis.

Locus est vna pars arboris cœlestialis, quia sicut firmamentum stat in tempore per seipsum, ita stat collocatum in seipso, & intra seipsum continet omnia quæ cum loco participat. Et extra se secundum cursum naturalem locus subiectum non habet: quoniam octaua sphaera continet omnia collocata. Idecirco dicunt aliqui quod extra firmamentum naturaliter non potest esse aliquod corpus, vt non sit dare locum infinitum, nec quod natura loci sit infinita, etiam vt locus appetitum non habeat ultra terminum, in quo substantia corporalis terminata sit & collocata. Quoniã sicut si lapis se moueret de inferius vsq; ad arietem, ei esset ascendere, qui siquidẽ motus ei esset innaturalis: sic Saturno esset appetitus innaturalis, si veller esse supra arietem vel aries supra taurum, vel taurus supra arietem. Est ergo locus terminatus secundum cursum naturalem intra octauam sphaeram. Veruntamen secundum fidem tenemus, quod est cœlum cristallinum, & empireum supra octauam sphaeram. De cœlo empireo loqui intendimus in arbore æternali.

De Floribus arboris Cœlestialis.

Flores arboris Cœlestialis sunt actus existentes inter potentias & obiecta induta de motu extenso in illis, & e conuerso. Sicut flos arietis, qui est in Marte, & flos tauri in Venere, & flos geminis in Mercurio, & cancri in Luna, & leonis in Sole, & virginis in Mercurio, & flos libræ in Venere, & scorpionis in Marte, & sagittarij in Ioue, & capricorni in Saturno, & aquarij in Saturno, & piscis in Ioue, & isti flores sic considerantur
secun

secundum opiniones antiquorum, quorum assituationi totaliter scientia nostra non consentit, quoniam ordinem non sequuntur, & est impossibile, quod experientia non sit secundum ordinem naturalem. Est etiam elementare flos: sicut ignis qui est in aëre producit motum calefaciendi, unde elementare est indutum: sicut aurum, & dies Dominicus per Solem. Et vegetare quod est flos arboris vegetalis, & dies Iouis, qui est flos Iouis, & sentire, quod est flos arboris sensualis, & dies sabbati, qui est flos Saturni. Et imaginari flos arboris imaginalis, & argentum & dies Lunæ, qui sunt flos Lunæ. Et ex istis floribus superioribus influentiam accipiunt flores inferiores. Sicut leo qui producit florem ex elementare in leonissa, & pomerium ex vegetare in pomo, & gustus ex sentire in comedendo, & imaginatiua ex imaginari in fantasia: & sic de cæteris floribus: sicut ex rosa, ex lilio, & ex scribere. Ex floribus vero superioribus flores qui sunt hic inferius, non sunt essentialiter nec materialiter: sicut nota viellæ, quæ non est ex essentia notæ interioris, quam habet ioculator in fantasia. Sed flores qui sunt inferius, sunt moti per agentia naturalia inferiora cum iuuamine florum superiorum agentibus naturalibus mouentibus, quæ se mouent ad producendum flores inferiores secundum cursum naturalem ex essentiis agentium: sicut sonus viellæ, qui multiplicatus est ex essentiis accidentalibus per tactus factos in chordis, & leo qui ex sua substantia producit elementare, & vegetare, sentire, & imaginari, quando generat alium leonem.

De Fructu arboris Cœlestialis.



R V C T V S arboris Cœlestialis duobus modis consistit, vnus est de sua natura, & alius est supra suam naturam, qui colligitur in cœlo empireo. Fructus qui est de natura arboris cœlestialis, est ex causis motis, ad quas se mouent formæ motiua in mouendo mobilia, vt producant substantias motas de potentia in actu, & idem de accidentibus: sicut aurum, pomum, equum, & corpus Martini, & eius castrum, & cultellus, & suus liber: & sic de aliis rebus motis per agentia naturalia aut artificialia cum iuuamine formarum superiorum. Fructus qui est superior, est ratione finis: sicut homo qui est fructus, in quo colliguntur fructus arboris elementalis plantarum, & irrationalium, si tamen ille homo Deo seruit in hac vita. Et in tali homine colliguntur fructus arietis, & tauri, Saturni, & Iouis, & sic de aliis. Et si homo sit peccator, illi fructus perduntur in illo: sicut aurum quod perditur in perditione nauis, quæ perditur in mari profundo. Et ideo propter peccatum est contra omnes fructus corporales quos Deus creauit, & virtutes acquisitæ cum omnibus illis fructibus habent concordantiam. Est ergo fructus superior homo motus in sua substantia, & supra hominem est alius fructus superior, ad quem se habent omnes fructus ratione finis, videlicet ad cognoscendum, recolendum & amandum Deum, honorandum, & ei seruendum. Quem fructum placeat ei, quod suus populus colligere possit.

De Arbore Angelicali.

S V M M A R I V M.



ARBO Rista Angelicalis versatur circa naturam Angelicam. Et similiter ut alia arbores diuiditur in septem partes, videlicet in radices, truncum, branchas, ramos, folia, flores, & fructus.

Radices sunt bonitas, magnitudo, & cetera principia generalia, contrarietate excepta.

Truncus est substantia spiritualis.

Branchæ sunt tres virtutes, scilicet memoria, intellectus, & voluntas.

Rami sunt correlatina dictarum virtutum.

Folia sunt accidentia spiritualia.

Flores sunt actus Angelici.

Fructus est amare & laudare Deum, & illi famulari.

De Arbore



De Arbore Angelicali.

ARBOR Angelicalis diuiditur in septem partes; videlicet in radices, truncum, branchas, ramos, folia, flores, & fructus. Et est arbor spiritualis, quæ videri non potest neque tangi, & quæ figuram corporalem non habet, neque producta est de alio, sed de nihilo. Et plures alias conditio-

nes habet, quas non habent arbores, quæ sunt de natura corporali.

De Radicibus arboris Angelicalis.

Bonitas, magnitudo, duratio, & aliæ formæ, contrarietate excepta, sunt radices arboris Angelicalis, de quibus arbor Angelicalis constituta est, sicut homo qui constitutus est ex anima & corpore. Et sic arbor in tertium numerum transit supra radices, quæ re-

manent suæ partes: sicut homo qui est in tertio numero, ut dictum est. Bonitas Angeli producta est de nihilo, & est producta in specialitate, & non de generalitate, videlicet de generali bonitate. Idcirco Angelus est suam species, cum sit de vna bonitate, quæ non est ex alia bonitate. Idem est de sua magnitudine, & cæteris suis partibus, quæ ita multiplicant vnam speciem & constituunt, sicut vnam substantiam, vnam essentiam, & vnum suppositum, quæ sunt Angelus. Idcirco Angelus est simplicior creatura quàm alia. Bonitas Angeli producta est in magnitudine, idcirco est magna: & in duratione, idcirco durat, & in potestate, idcirco habet potestatem: & in sapientia, & ideo est ratio, quod sapientia sit bona: & in voluntate, idcirco est amabilis: & in virtute, & ideo est virtuosa: & in veritate, idcirco est vera, & in gloria, & ideo habet quietem Angelus in bonitate: & in concordantia sine contrarietate, idcirco est bonus & incorruptibilis: & in principio, idcirco principiata est in tempore: & in medio, idcirco suum bonificare est in medio, quod est inter bonificatiuum & bonificabile, qui sunt de sua essentia: & quia producta est in differentia, remanet bonificatiuum, bonificabile, & bonificare differentia: & quia bonitas in fine producta est, est ratio ad bonificandum: & quia producta est in maioriata, est producta substantialiter, cum ita sit, quod substantia maior sit, & plus habet de entitate quam accidens, & quia producta est in æqualitate, sua concreta sunt æqualia per essentiam: & quia producta in minoritate, continet in se accidentia, quæ sunt eius instrumenta & indumenta. Et hoc quod diximus de bonitate, dici potest de magnitudine, duratione,

& aliis. Angelus productus est ex istis radicibus, quas diximus, & ipse productæ sunt de nihilo, & quia quædam productæ sunt in aliis, est Angelus ex ipsis constitutus. Idcirco Angelus est occasionatus naturaliter, quod faciat operationes similes suis radicibus, videlicet operationes bonas ratione bonitatis, & magnas ratione magnitudinis, & durabiles ratione durationis: & sic de alijs. Et quod operationes sint plures, quoniam Angelus est constitutus ex pluribus rebus, quæ sunt operationes ad plures operationes, quas facit Angelus bonus. Et angelus malignus facit per contrarium, ita quod suam bonitatem naturalem peruertit, ut sit ratio accidentaliter malo, & eius magnitudo magno malo. Sicut Rex iniuriosus & malus, qui suam magnam potestatem peruertit in faciendo magna mala, magnas iniurias, magnas vanitates, & plura alia vitia. Et huiusmodi contrarietas formarum interiorum, & operationum exteriorum est vinculum, cum quo angelus malus, obstinatus est, captus & ligatus, quod bonum facere non potest, & licentius est ad faciendum malum.

De truncò arboris Angelicalis.



Substantia spiritualis quæ ad corpus inclinationem non habet, truncus est arboris angelicalis. Truncus namque dicitur aggregatio radicum quæ tertium multiplicant, existente qualibet radice extensa in alia: sicut bonitas, quæ extensa est in magnitudine & in duratione, in quantum magnitudo est tota bona, & duratio similiter. Et idem de magnitudine in bonitate extensa, & in duratione, in quantum sunt per magnitudinem magnæ. Et idem est de duratio

duratione, in quantum magnitudo & bonitas durabiles sunt per durationem. Et per has extensiones & mixtiones fit multiplicatio, quæ est truncus, qui per bonitatem bonus est, per magnitudinem magnus, per durationem durans, & sic de cæteris. Quia bonitas ad truncum venit bonificatiua, & bonificabilis, & magnitudo magnificatiua, & magnificabilis: & sic de cæteris radicibus, est truncus substantia de formis spiritualibus & materiis spiritualibus composita, & sub vna forma generali & materia generali, quoniam forma generalis constituta est de bonificatiuitate, magnificatiuitate, & cæteris formis: & materia generalis constituta est de bonificabilitate, magnificabilitate, & cæteris. Et coniunctio formæ generalis & materiæ generalis constituta est de reali & essentiali bonificare, magnificare, & cæteris actibus quæ sunt partes substantiæ. Truncus est substantia, quia est sub qualibet suarum partium, quæ in ipso subsistentur. Sicut corpus Martini, quod dicitur substantia, quia stat sub accidentibus. Et secundum quod truncus angeli tangitur, ita respondet cum suis partibus, quæ ei sunt rationes secundum responsionem. Sicut si voluntas amat aliquam amabilitatem, bonitas respondet cum bonificare, vt amare sit bonum, & magnitudo respondet cum magnificare, vt sit magnum, & duratio cum durare, vt amare sit durans: & sic de aliis. Huiusmodi tactus tangunt diuinæ dignitates, vt Angelus tægat seipsum & suas partes, & vt respondeat tangenti extra secundum magnitudinem bonitatis, durationis, & sic de aliis in amando diuinæ dignitates. Et hoc facit Angelus bonus, & Angelus malignus facit in contrarium. Truncus Angeli non ha-

bet longum, amplum, nec profundum, quia non est de natura corporali, nec figuram habet circularem, quadrangularem, neque triangularem: quoniam sicut à superficie corporali separatus est, ita separatus est à longo, amplo, & profundo, & à contrarietate naturali, & à duritie, mollitie, colore, calore, humiditate, frigiditate, & siccitate, etiam à ponderositate & leuitate, etiam separatus est à vegetatione, sensu & imaginatione. Et extensio suarum partium ita sine loco se extendit realiter quibusdam partibus in aliis existentibus, sicut fantasticè se extendit imaginatio in imaginando vnā paruum figuram, & in imaginando aliam magnā: sicut Martinus qui equum imaginatur, & postmodum imaginatur vnum magnum montem. Et idem est de amore quod spiritualiter se extendit in amando plus vnum hominem quam alium, aut vnā forminam plusquam aliam: & sic de aliis rebus similibus istis.

De Branchis arboris Angelicalis.



Memoria, intellectus, & voluntas sunt branchæ arboris Angelicalis, quæ sunt ex radicibus. Sicut memoria, quæ est ex bonitate, magnitudine, duratione, virtute, & cæteris, quæ sunt suæ partes. Sicut ignis qui est ex bonitate, magnitudine, & cæteris radicibus arboris elementalitis. Et sicut ignis in tertium numerum transit, in quantum est substantia & totum supra suas partes existens, sic memoria transit & ascendit supra suas partes, in quantum est totum ex ipsis, & centrum, & finis illarum. Quoniam omnes se habent ad constituendum illam: sicut forma & materia, quæ se habent ad substan-

tiam, ut constitutur ex ipsis & ædificetur. Idcirco substantia supra suas partes ascendit, ut sit in tertio numero: quoniam est una, & est ex pluribus. Et quia memoria est de bonitate, magnitudine, & cæteris, utitur in suo recolere ita bonitate, magnitudine, & cæteris: sicut sensiuina facit in sentire, videlicet, utendo suis potentiis, quæ sunt sensus particulares. Intellectus Angelicus est de bonitate, magnitudine, duratione, potestate, virtute, & cæteris, & idem est de voluntate. Et ita transeunt & ascendunt in tertio numero: sicut memoria. Vnde bonitas quæ est una secundum unum modum consistit in memoria, & secundum alium sub intellectu, & secundum alium sub voluntate. Et idem de magnitudine, duratione, potestate, virtute, veritate, gloria, differētia, & cæteris. Et hoc est, quia Deus recolibilis est, intelligibilis, & amabilis, non tamen per creaturam bonificabilis, magnificabilis, &c. quoniam nulla istarum formarum realiter Deum bonificare potest, nec magnificare: vnde bonitas quæ Deum bonificare non potest, consistit sub memoria intellectu & voluntate, quibus Deus potest esse obiectum recolendo, intelligendo & amando. Et actus bonitatis consistit in recolere, intelligere & amare, de quo quidem actu induti sunt: ut sint boni & digni, q. Deus sit per illos obiectatus, videlicet recolitus, intellectus, & amatus. Et hoc quod dicimus de bonitate, intelligitur de magnitudine, duratione & cæteris. Sicut diuine personę distinctę sunt in una eadem bonitate per proprietates personales, quæ sunt paternitas, filiatio, & passiuā spiratio: sic branchę Angeli distinctę sunt sub una eadem bonitate, & una essentia Angelicali ratione distinctarum proprie-

tatum potentialium, quæ sunt memoria, intellectus & voluntas. Et distinctio fit per differētia, quæ ita est una pars essentię Angelicę, sicut bonitas & concordantia quam habent potentię in accipiendo obiecta, stat per concordantiā, quæ est una pars substantię angelica. Et potestas quam habent in accipiendo obiecta, est ratione potestatis, quæ est una pars substantię Angelicę, in quantum accipiunt obiecta cum magnitudine recolendi, intelligendi & amandi, per magnitudinem accipiunt, quæ est una pars substantię Angelicę. Et in quantum obiecta accipiunt cum maiori, aut cum minori, aut cum minoritate, quæ sunt partes substantię Angelicę. Et idem est de aliis formis & partibus substantię Angelicę. Et in hoc passu cognoscitur, quomodo Angelus benignus obiecta accipit per unum modum cum speciebus innatis, & per alium cum speciebus natis. Quando accipit obiectum cum specie innata: tunc accipit illud cum maiori magnitudine bonitatis, durationis, potestatis, &c. Sicut cera quæ sine medio similitudinem accipit ex literis sigilli, quamuis aliquā speciē non multiplicet, quæ sit extra suam naturā, nec de parte, de qua substantia cerę non sit constituta. Et in hoc passu cognoscitur quomodo Angeli attingunt fixę obiecta & illorum veritates. Sicut ignis qui fixę, & cum specie innata cum calore attingit substantiam ferri calefacti, & vegetatiua substantiam vegetatam. Quia Angelus bonitatem acquirit & sanctitatem, tunc cum bene utitur suis potentiis, attingit cum speciebus acquisitis, quas producit de potentia in actu, quæ non sunt de essentia suppositi: & istę sunt accidentales, & per.

& per minoritatem minores quā species innatæ, quæ per maioritatem sunt maiores, de quibus dictum est. Et in hoc passu cognoscitur, quomodo Angeli acquirunt meritum in accipiendo obiecta, & sūt iusti, charitatiui, sancti, & virtuosī. Et maligni Angeli fiunt per contrarium, quia accipiunt obiecta contra naturas suorum primorum principiorum. Angelus benignus intellectum non habet investigatiuum cum dubitatione, sed cum affirmatione aut negatione. Sicut sanctus Michaël qui non dubitat, si Martinus sit iustus vel non iustus: quoniam in conditionibus Martini attingit ita cito veritatem suæ bonitatis, & malitiæ: sicut impressiones cere attingunt similitudines literarum sigilli: sed hoc non faciunt dæmones, quia intellectus eorum est infirmus, & deuiatus à fine, idcirco prius incipit dubitare, quam affirmare aut negare, si Martinus bonus sit aut malus.

De Ramis arboris Angelicalis.

Memoratiuum, memorabile, & memorari sunt vnus ramus memoriæ: intellectiuium, intelligibile, & intelligere sunt alius ramus, qui est de intellectu: & volitiuium, volibile, & velle sunt alius ramus, qui est de voluntate. Et sic rami sunt tres: sicut potentiæ sunt tres: & sic branchæ se miscent in accipiendo obiecta: sicut rami se miscent in illis obiectationibus: sicut memoria, intellectus, & voluntas sancti Michaëlis, qui se miscent accipiendo aliquod obiectum, recolitur, intellectum, & amatum, ratione cuius mixtionis se miscet memoratiuum, intellectiuium, & volitiuium, memorabile, intelligibile, &

amabile, recolere, intelligere, & amare. Sicut memoratiuum, memorabile, & memorari sunt vnus ramus memoriæ: sic bonificatiuum, bonificabile, & bonificare sunt alius ramus bonitatis, quæ continetur in ramo memoriæ. Et idem de magnificatiuium, magnificabile, & magnificare, quæ sunt vnus ramus magnitudinis, qui continetur in memoria. Et idem est de ramo durationis, potestatis, virtutis, &c. Etiam bonificatiuium, bonificabile, & bonificare sunt ramus bonitatis, qui continetur in intellectu, cuius ramus continet in se ramum bonitatis, vt eius ramus sit bonus. Et idem ramus bonitatis constitit in ramo voluntatis, ita quod vnus est ramus bonitatis in seipso, & distinctus est in ramis per proprietates distinctas, videlicet per memoriam, intellectum, & voluntatem. Et in hoc passu cognoscitur, quomodo vnus ramus est per essentiam, & plures per operationes distinctas ab inuicem. Ramus memoriæ est de essentia memoriæ, & memorabile, quod est de essentia rami intellectus est differens à memorabili, quod est de ramo memoriæ. Et ambæ memorabilitates differentes sunt, in quantum differentia brancharum participant in vnitatis essentia, in quantum sunt de vna eadem bonitate, vna eadem magnitudine. Et idem est de amabilitate rami voluntatis, & de amabilitate rami memoriæ, & intellectus, & idem de intelligibilitate. Et in hoc passu cognoscitur, quod Angelus creatus est ad similitudinem summæ Trinitatis, & vnitatis essentia. Angelus bonus intelligit seipsum, & se intelligit in sua intelligibilitate, quæ appellatur intellectus possibilis. Et intelligit cum sua intellectuiritate, quæ appellatur intellectus agens, & intelligere est ex

ambobus. Et in quantum intelligit intelligibilitatem, & intellectiuitatem, & intelligere, aliam speciem intelligibilitatis, nec intellectiuitatis, neque intelligere non multiplicat. Quoniam si faceret, non intelligeret seipsum cum magnitudine bonitatis, durationis, potestatis, sapientiæ, voluntatis, virtutis, veritatis, gloriæ, finis, & maioritatis, imo intelligeret seipsum cum contrario magnitudinis, bonitatis, &c. Intelligit ergo seipsum cum seipso, & cum suis partibus, de quibus constitutus est. Sicut Sol qui seipsum illuminat cum suamet luce, & ignis qui seipsum calefacit cum suomet calore. Et iste passus multum est placens ad intelligendum, & edocet, quod sicut intelligit seipsum cum seipso, ita intelligit alium cum seipso: sicut cultellus, qui cum seipso scindit carnem: & sicut clauus, qui cum seipso postem perforat, & equus, qui cum suis pedibus currit. Ratione ramorum Angeli, qui participant in vna eadem bonitate, magnitudine, &c. etiam quia in illa participatione non est contrarietas naturalis, se conuertit totus Angelus in suo intelligere, recolere, & amare: quoniam in suis partibus nullam habet resistantiam, per quam sit contrarietas inter vnum ramum, & alium. Et in hoc passu cognoscitur magnitudo simplicitatis, & libertatis, quæ est in Angelis, qui sunt boni: & magnitudo simplicitatis, & obstinationis, quæ est in Angelis malis, qui sunt ita simpliciter peruersi ad malum recolendum, intelligendum, & amandum, quod in illis nulla potentia malo remanet vacua, nec plena bono, in qua possit habere deliberationem, quod ad bonum conuertere possit suum recolere, intelligere, & amare. Martinus equum videt cum suis oculis. Beatus Michaël intelligit san-

ctum Gabrielem cum suo intellectu, & quia sanctus Gabriel intelligibilis est cum magnitudine bonitatis, virtutis, veritatis, potestatis, & voluntatis, sanctus Michaël intelligit sanctum Gabrielem secundum magnitudinem suæ intellectiuitatis, & secundum magnitudinem intelligibilitatis sancti Gabrielis, & sic transit magnitudo cuiuslibet in magnum intelligere. Et in hoc passu cognoscitur, quod Angeli Beati naturaliter priuilegium habent in intelligendo supra homines: quoniam Martinus compositus est ex anima & corpore, & corpus non est de essentia intellectus, nec corpus & anima participant in vna eadem simplici bonitate, quia vna est bonitas corporalis, alia spiritualis: sed sanctus Michaël non est ita, quoniam vna eadem bonitas est illa, quæ est de suo intellectu, sua memoria, & sua voluntate, & sic multo melius seipsum intelligit cum suomet intellectu quam Martinus, qui ita bene seipsum intelligere non potest, sicut facit sanctus Gabriel, vel sanctus Michaël, qui cum corpore non participat: etiam sanctus Michaël melius potest intelligere sanctum Gabrielem esse bonum quam Martinus, cum bonitas sancti Michaëlis sit spiritualis, & sancti Gabrielis similiter. Martinus equum videt per colorem, & audit per vocem, & sanctus Michaël, sanctum Gabrielem intelligit bonum per bonitatem, & magnum per magnitudinem, & quando sua voluntas quierem habet in fine, propter quem intelligit sanctum Gabrielem, intelligit quod sanctus Gabriel bonus est & magnus. Et in hoc passu cognoscitur, quomodo partes substantiæ vnius Angeli dispositiones sunt ad intelligendum, recolendum, & amandum alium Angelum. Et cum sanctus Michaël malum Angelum

gelum intelligit, quia bonitas, & malitia sibi inuicem non correspondent in concordantia bonitatis, & bonitatis, intelligit sanctus Michaël Angelum malum secundum contrarietatem bonitatis, & malitiæ, & sic de alijs formis. Et idem est, quando sanctus Michaël intelligit Martinum peccatorem, aut Petrum virtuosum. Sanctus Michaël oculos habere non indiget ad videndum colorem, vt ipsum intelligat, quoniam magnitudo sui intelligere sufficit ad intelligendum colorem, per quem intelligit coloratum, ita & multo melius sicut Martinus equum intelligit coloratum, quia videt colorem. Nec etiam sanctus Michaël necessitatem habet ad imaginandum, vt corporalia intelligere possit, quoniam magnitudo sui intellectus perficit actum intelligendo corporalia, ita quod necessitatem non habet habendi instrumentum, quod sit de natura corporali. Sicut Deus qui antequam mundus fuisset creatus, suus intellectus intelligebat colorem album & nigrum, ita quod necessitatem non habuit habendi oculos corporales & imaginationem, quoniam sufficit ei magnitudo potestatis, sapientiæ, virtutis, voluntatis, gloriæ, veritatis, & bonitatis. Dictum est de naturis, & de modis ramorum Angeli, & de modo quem habet ad intelligendum naturaliter, quem modum naturaliter habet secundum suum amare, & recolere. Et in floribus intendimus loqui de modo, quem habent Angeli in recolendo, intelligendo, & amando Deum secundum modum naturalem, & secundum modum supernaturalem.

* *

De Folijs arboris Angelicalis.

Et primo de Quantitate.



ER folia arboris Angelicalis accidentia intelligimus, quæ pertinent ad substantiam Angelicam. Et primo dicemus de quantitate. Quantitatem spirituales in Angelo duobus modis consideramus, videlicet discretam & continuam. Continua est sicut vna bonitas, in qua sunt bonitates brancharum arboris. Discreta est, in quantum branchæ differentes sunt in bonitate. Quoniam vna est bonitas memoriæ, alia intellectus, & alia voluntatis. Et sic quantitas bonitatis est vna & continua, in quantum seipsa, & est diuisa in plures quantitates discretas pluribus partibus arboris existentibus bonis per bonitatem sub certis quantitatibus terminatis. Et illud idem quod de bonitate dicimus, dici potest de magnitudine, duratione, & cæteris. In radicibus discretæ sunt quantitates, sicut vna quantitas est bonitatis, alia est magnitudinis, & sic de cæteris. Et de omnibus est vna quantitas continua in trunco, in branchis, & in ramis extensa. Etiam quælibet radix suas habet quantitates discretas, sicut bonitas in qua bonificatiuus suam propriam habet quantitatem, & bonificabilis similiter. Et idem de bonificare, & sic de magnitudine, & cæteris. Etiam est vna quantitas bonitatis in magnitudine, & alia est illa quam habet duratio ratione bonitatis, & alia quam habet potestas, cum ita sit, quod magnitudo, duratio, potestas, &c. bonæ sint per bonitatem. Substantia Angelica incorruptibilis est per durationem,

tionem, quæ duratio quanta est inquantum habet principium, sed quanta non est, inquantum substantia Angelica æternaliter durabit: est ergo quantitas in principio mensura temporis, quoniam in tempore fuit principiata, & in hac mensura mensuratae sunt partes Angeli & eius substantia sine subiecto corporali & non extensa in longum, amplum & profundum, sicut duratio substantia: quæ se non extendit in æternitate corporaliter. Et in hoc passu cognoscitur extensio spiritualis quantitatis: sicut bonitas, quæ se extendit ita in magnitudine æternaliter: sicut se extendit in duratione æternali. Secundum quantitatem numeralem sunt plures Angeli, & est significatum, quod plures sunt quam homines, inquantum sunt magis similes Deorum substantia quam substantia hominum, cum Deus substantia sit spiritualis, & Angelus similiter, & homo sit compositus de substantia corporali & spirituali. Vnde cum in Deo sit magnitudo, & in Angelo & in homine similiter: oportet quod magnitudo Dei maiorem habeat concordantiam cum magnitudine Angeli quam cum magnitudine hominis: cum maior concordantia sit inter unam substantiam spiritualem & aliam, quam inter unam substantiam spiritualem & aliam corporalem, quare ratione maioris concordantia (de qua dictum est) significatum est, quod Angeli sunt in maiori numero quam homines, etiam quod numerus illorum sit impar: ut similior sit Beatissimæ Trinitati Dei. Oportet quod quantitas Angelorum sit in numero ternario, videlicet in maiori, æqualitate & minoritate, sine quibus eorum quantitas numeralis non esset perfecta. Sunt ergo aliqui Angeli qui sunt maiores in magnitudine bonita-

tis, potestatis, sapientia, & voluntatis, quam alij Angeli. Et hi sunt Deo propinquiore, nec habent officium, sed tantummodo Deum contemplantur. Et sunt alij Angeli, qui sunt minores in magnitudine bonitatis, potestatis, sapientia, & voluntatis, qui habent officium in administrando hominibus inferius, ut eos custodiat à demonibus, & ipsos inducant ad virtutes, & ipsos à vitiis elongent. Est vnus alius modus ordinum Angelorum, qui sunt in medio: qui æqualiter officium habent in administrando Angelis inferioribus per influentiam, quam accipiunt ab Angelis superioribus. Et hi sunt illi, qui faciunt legationes, & reuelationes, & prophetias. Et ex istis tribus hierarchiis Angelorum multiplicantur nouem ordines ad significationem septem planetarum & octauæ sphaeræ, & trunci arboris elementalis. Quoniam si Deus posuit in ordine substantias corporales, bene oportet quod posuerit in ordine substantias spirituales, & in illo numero, in quo substantia corporales, & spirituales habeant maiorem concordantiam. Etiam subiecta ordinis sunt nouem, scilicet Deus, Angeli, cælum, anima, imago, natua, sensitiua, vegetatiua, elementatiua, & potentia artificiatiua.

De Qualitate arboris Angelicalis.

Sanctus Michaël est bonus per bonitatem, & est magnus per magnitudinem, & sic qualis est per suas formas speciales, ratione quarum indiuiduatus est in seipso, & non de alio: sicut cultellos & clauus, qui indiuiduati sunt in seipsis, veruntamen indiuiduati sunt de aliis, videlicet de massa ferri: sed istud in Angelis non est, quoniam

niam

niam quilibet qualis est per suam propriam indiuiduitatem non indiuiduatam ab alia substantia. Etiam duas habet qualitates à bonitate: vna est innata, & alia nata. Illa quæ est innata, est sua pars, ex qua constitutus est. Nata est sua bonitas acquisita ratione cuius habet meritum, & hæc est qualitas ei appropriata, quam Deus in illo confirmavit, quia ei gratis seruit. Ignis calorem suum habet in diuersis substantiis, videlicet in substantia piperis, allei, & fœniculi, & calor est vna qualitas in se, & est plures qualitates in aliis: sicut vna est qualitas piperis, alia allei, & alia fœniculi. Est ergo vna eadem qualitas distincta per aliud & non per seipsam, videlicet per distinctionem substantiarum, quæ sunt differentes. Secundum hunc modum qualitas sancti Michaelis, & idem de quolibet alio Angelo distincta non est, sed per alium modum ita, videlicet quod sanctus Michael est bonus, in quantum Deum diligit, & in quantum ipsum intelligit, & in quantum ipsum recolit, & idem in quantum recolit, intelligit, & diligit sanctum Gabrielem aut seipsum: & sic de aliis, & secundum quod suum recolere, intelligere, & diligere, nobiliora habent obiecta, se extendit bonitas ita recolere, intelligere, & amare: sicut calor ignis qui se plus extendit in calefaciendo aërem, quam aquam. Ignis qui calefacit plus piper quam fœniculum, in illo maiori calefacere plus ponit de calore quam in minori: quia piper plus recipere potest quam fœniculus. Et idem est de recolere, intelligere, & amare, quæ habent Angelum in obiectis, quæ accipiunt, in quibus maius ponunt aut minus, secundum quod quædam obiecta plus disposita sunt, quod recolantur, intelligantur & amentur, quam alia. Et in

hoc passu cognoscitur, quomodo Angeli non vtuntur eorum qualitatibus secundum quod homines suis qualitatibus vtuntur in hac vita: sicut homo auarus qui recolit plus & sæpius magnitudinem thesauri, quam magnitudinem boni intelligere, boni amare, & boni recolere, quæ bonificata sunt per charitatem, iustitiam, prudentiam, fortitudinem, & temperantiam, spem, & fidem. Sanctus Michael Archangelus frustra non vtitur suis qualitatibus, quibus vtuntur homines in vanum in hac vita. Quoniam sanctus Michael intelligit, quod sanctus Gabriel est, nec dicit, quod sanctus Gabriel non est sanctus Raphael, nec dicit, quod equus Martini non est equus Petri, quoniam obiectum non accipit nisi secundum quod est, sed postquam intelligit, quod sanctus Gabriel est, & sanctus Raphael similiter, superfluum esset ei, si diceret, quod sanctus Gabriel non est sanctus Raphael, quod siquidem superfluum esset sibi vtium contra virtutem, & paruitas contra magnitudinem bonitatis, intellectus, memoriæ, voluntatis, veritatis, & gloriæ. Et in hoc passu cognoscitur, quomodo Angeli quietem habent in veritatibus, quas attingunt. Sol non lucet plus in vno tempore quam in alio in seipso: sed sua lux multiplicat plus suam similitudinem in vno tempore quam in alio: sicut dies qui clarior est in tertia quam in mane, & in meridie quam in tertia: modo simili Angelus non est melior nec sapientior in vno tempore quam in alio, sed suum scire & sua bonitas sunt in maiori magnitudine bonitatis accipiendo vnum obiectum quam aliud, & hoc contingit per maioritatem magnitudinis, bonitatis, quæ est in aliquibus obiectis, & per minoritatem magnitu-

dinis & bonitatis, quæ est in aliis obiectis. Et in hoc passu cognoscitur, quomodo Angelus cum vna eadem qualitate poterit esse maior aut minor in bonitate per alium, sua bonitate semper remanente sub certa quantitate terminata. Et iste passus est via ad cognoscendum plura secreta naturalia qualitarum propriarum, & appropriatarum, quæ in quantum sunt propriæ qualitates non plus ponunt, nec minus de seipsis in accipiendo obiecta: sed in quantum sunt qualitates appropriatæ. Idcirco differentia est inter species innatas & natas, quæ quidem natæ attractæ sunt ex obiectis, & ex ipsis multiplicatæ.

De Relatione Angelorum.

IN Angelis est relatio interior & exterior, & ex rebus interioribus, & exterioribus. Relatio quæ est interior, est sicut in bonitate, in qua sunt relationes bonificatiuus, bonificabilis, & bonificare, & in sua magnitudine, magnificatiuus, magnificabilis, & magnificare. Et magnificatiuus magnificat suum magnificabile, propriam magnificando bonitatem, quæ est magnificabilis: sicut magnitudo, quæ est bonificabilis. Et idem de duratione & cæteris, quæ relatiue sibi inuicem suas dant similitudines. Hæc relatio est intra substantiam Angeli, & est vna de suis partibus. Est & alia relatio, quæ est intra & extra, secundum quæ Angeli obiecta attingunt. Sicut sanctus Michael qui est intelligens, & sanctus Gabriel intelligibilis. Idcirco oportet quod si intelligens est, quod sit intelligibilis, & intelligere, & è conuerso. Et hæc relatio necessaria est in Angelis, vt sit in magnitudine bonitatis, durationis, potestatis, &c. Et in

hoc passu cognoscitur priuilegium, & excellens virtus, & nobilitas quas habent Angeli supra homines, quoniam plura sunt intelligibilia Martino, quæ ipse non intelligit. Cognoscitur etiam quomodo Angeli attingunt veritates substantiarum corporalium, quamuis oculos non habeant, nec aliquem aliorum sensuum, sed illas veritates per intellectum attingunt, quia sunt intelligibiles, & quia Angeli benigni sunt intelligentes cum magnitudine bonitatis, durationis, &c.

De Actione, & Passione Angelorum.

Actio, & Passio sunt in Angelis duobus modis: vnus modus est intra, & alius extra. Ille qui est intra per vnum modum substantialis est, & per alium accidentalis: substantialis est ex parte formæ, & materiæ, ex quibus substantia Angeli constituta est vt in truco dictum est. Accidentalis est, inquantum vna forma suâ dat similitudinem alteri formæ: sicut bonitas sancti Michaelis, quæ suam similitudinem dat suæ magnitudini. Et inquantum ei dat, est forma actiua, & inquantum magnitudo ipsam accipit, est forma passiuæ. Actio & passio quæ sunt intra & extra, sunt, inquantum sanctus Gabriel intellectus est, per sanctum Michael amarus & recolitus, & inquantum sanctus Michael placitum accipit in recolendo, intelligendo & amando sanctum Gabrielem. Et idem est in Angelis malignis, qui actionem habent in tormentando homines, & in tentando illos, secundum quod eis licentiarum est per iustitiam diuinam, etiam passionem habent in tormentando & tentando illos.

De Habitibus Angelorum.

IN quolibet Angelo sunt tres habitus generales, qui sunt sue branchę. Quare sicut si in Martino esset habitus grammaticę, logicę, & rhetoricę : ita quilibet Angelus habitum habet recolendi, intelligendi, & amandi : verũtamen Angelus habet nobiliores habitus quam Martinus, quoniam continũ vitur suis particularibus, quę sunt sub habitus ad hoc, quod habitus sint in magnitudine bonitatis, durationis, potestatis, &c. Et Martinus si vitur grammatica, non vitur logica, neque rhetorica, nec in vno tempore vitur omnibus particularibus, quę stant sub habitu grammaticę. Et in hoc passu cognoscitur, quod habitus Angelorum magni sunt, & sibi inuicem in eodem tempore correspondent quilibet habitus & sue partes. Cognoscitur ergo quod Angeli boni magnam habent gloriam, & per consequens pœnam, quam habent Angeli maligni, quorum habitus se respondet cum eorum particularibus ita in contrarietate naturę, sicut faciunt habitus Angelorum bonorum cum eorum particularibus in concordantia naturali. Sunt etiam alij habitus acquisiti meritorij : sicut habitus iustitię & charitatis in sancto Michaelē, quę siquidem iustitia habituata est bonitate, in quantum est bona, & de charitate, in quantum est amabilis. Et idem est de habitibus malorum Angelorum : sicut est Lucifer habituatus de iniuriā & de crudelitate, & sicut est eius iniuriā de malitia. Et sic de aliis habitibus per culpas & peccata acquisitis.

De Assituatione Angelorum.

Substantia Angeli assituata est secundum arboris assituationem, videlicet secundum assituationem, radicũ, trunci, brancharum, ramorum, foliorum, florum, & fructuum. Et radices assituatę sunt quędam in aliis, sicut bonitas induta magnitudine, quę in quantum magna est per magnitudinem, in magnitudine consistit, & ē conuerso in quantum magnitudo est in bonitate, quia est bona per bonitatem, Et idem est de assituatione trunci, qui assituatus est in suis partibus. Et branchę similiter, & sic de aliis assituationibus naturalibus arboris. In cœlo empireo sunt Angeli assituati, vt dictum est in capitulo de quantitate. Et modo simili assituati sunt de assituatione obiecti & actus, existente vno Angelo obiecto alij Angelo cum magnitudine bonitatis, durationis, potestatis, sapientię, voluntatis, & aliorum. Et in hoc passu cognoscitur, quod magna est gloria Angelorum bonorum, & pœna malorum, assituatio quorum in inferno est in maiori magnitudinis malitię, irę vitiorum & instinctuum naturalium. Et idem est in æqualitate & minoritate.

De Tempore Angelorum.

Angelus principatus est, in quantum est creatus, & in quantum principatus est extra æternitatē : principatus est in tempore, cum ita sit, quod omne quod est, oportet esse in æternitate aut in tempore, & tēpus in quo Angelus principatus est, quod siquidem tempus requirit motum corporealem, non est pars Angeli, qui est substantia spiritalis, sed in tempore est ita principatus, sicut collocatus est in

aliquo loco sine occupatione loci. Idcirco Angelus non requirit successiue motum in tempore secundum suam naturam, sed tempus accipit secundum naturam suam motum Angeli, qui moueretur in diuersis temporibus de vno loco in alium. Sicut sanctus Gabriel motus de cœlo empireo, qui venit ad annunciandum Dominam nostram ad Nazareth. Et hoc tempus sustinere non posset, quod sanctus Gabriel in vno tempore sit in locis diuersis. Est ergo sanctus Gabriel in tempore super naturam temporis, ita in principio sicut in æternitate, in quo tempus non habebit motum extensum. Et iste passus valde grauis est, & subtilis est ad intelligendum, & dat placitum intellectui, qui ipsum intelligere potest, & ostendit altitudines & nobilitates, quas substantiæ spirituales habent supra substantias corporales.

De Locis Angelorum.

Locum in Angelis duobus modis consideramus, est vnus locus qui est intra, & alius extra. Ille qui est intra est sicut sanctus Michael, qui est in seipso spiritualiter collocatus, sicut totum in suis partibus, & partes in suo toto, & vna pars in alia: sicut bonitas sancti Michaelis in sua magnitudine, & magnitudo in bonitate, & radices in trunco, & truncus in radicibus. Et huiusmodi collocatio quæ est intra, non requirit superficiem extra, qui sit de conditionibus loci, qui in se continet substantias corporales. Idcirco substantia Angeli est in loco supra naturam loci, in quantum non occupat illum locum, in quo est. Sicut substantia Angeli mota de vno loco in alium, qui non dimittit in motu successionem primi nec ultimi, nec temporis futuri & præteriti, quæ distincta sunt à præsen-

ti, idcirco plures substantiæ Angelicæ possunt esse in eodem loco sine occupatione loci: sicut possunt esse in tempore & in motu sine successionem primarum partiū & vltimarum, quæ sunt in motu grauis, in quo suum caput est primum in motu, & eius pedes sunt vltimi. Et in hoc passu cognoscitur, quod Angeli sunt in loco supra naturam loci, qui siquidem locus est extra eorum essentiam, & qui non est pars eorum. Est alius locus Angelorum qui est extra, sicut est cœlum empireum, in quo quidam Angeli sunt in vno loco, alij vero in alio secundum quod propinquiores sunt Domino nostro Iesu Christo. Et idem in inferno, secundum quod quidam Angeli maligni sunt in maiori abyssu quam alij. Est etiam alius modus loci, qui est extra & intra obiectiue, sicut obiectum, quod sanctus Michael accipit, in quo suum habet recolere, intelligere & diligere, & ille locus exterius est, in quantum non est de essentia sancti Michaelis, sed de essentia sancti Gabrielis aut alterius Angeli, & suam præsentiam habet sanctus Michael in seipso. Et in hoc passu cognoscitur, quod sicut in potestate nec in obiecto non sit occupatio loci: ita substantiæ spirituales non occupant inuicem alias substantias spirituales in essendo in vno eodem loco, nec in accipiendo vnum idem obiectum, nec in recolendo, intelligendo & amando idem obiectum.

De Floribus arboris Angelicalis.



FLORES arboris Angelicalis sunt duobus modis: quidam sunt particulares, & alij vniuersales. Particulares sunt acquisita & additamenta radicum, sicut bonificare acquisitam, magnificare, durare, possi

possificare, intelligere, amare, verificare, glorificare, differentiare, concordare, principiari, mediare, complere maioricare, & æqualificare, omnes isti infinitiui sunt flores acquisiti: sicut homo iustus qui acquirit iustitiã: & homo castus castitatem. Et subiecta istorum florum sunt infinitiui naturales & essentiales ramorum, scilicet naturale recolere, intelligere & amare orinati & induti de illis floribus, qui sunt instrumenta ad acquirendum flores generales, qui sunt acquisitum & productum recolere, intelligere & amare in bonitate, magnitudine, duratione, potestate, &c. Hoc est dictum, quod infinitiui ramorum implicantur, & induuntur in floribus acquisitis & productis, vt Angeli sint digni ad recolendum intelligendum & amandum Deum & eius operationes, etiam vt sint digni, vt recolantur, intelligatur & amentur per Dominum Deum nostrum, & per ipsam glorificentur. Et in hoc passu cognoscitur, quomodo Angeli benigni facie ad faciem attingunt Deum fixè & sine medio, ipsum recolendo intelligendo, & amando, laudando, & benedicendo, & ab ipso benedicto, gloriam recipiendo. Seraphin Deum intelligit, & suo intelligere iuuant flores, & in quantum Deum bonum, & intelligit, flos facit suum intelligere bonum, & in quantum ipsum intelligit magnum flos magnitudinis facit intelligere magnum, & quia intelligere durat, iuuat flos durationis perseverantiam intelligere, & vt possit Deum intelligere sine medio, iuuat potestas data ad iuuandum intelligere, & voluntas illud iuuamen diligit, quod fit intelligere de Seraphin, cum acquisito bonificare, magnificare, durificare, possificare, & idem de aliis floribus, idcirco quiescit voluntas in intelligere.

Quoniam quantum intelligere supra ascendit per iuuamen florum, tantum ascendit amare voluntatis, & stat fixè in amato. Et sicut intelligere iuuatur ad ascendendum per flores: sic amare iuuatur ad ascēdendū per flores. Et in ascensu ipsius amare habet intelligere quietem, quoniam æqualiter ad obiectum ascendunt, & æqualiter induta sunt & ornata de floribus. Et idem sequitur de recolere, quod ad recolitur ascendit cum iuuamine florum, in tantum, quod Deus recolitur, intelligitur, & amatur cum omnibus floribus per branchas Angeli. Et sicut Sol attrahit supra calorem roris, qui supra ascendit cum iuuamine solis: sic bonitas Dei attrahit & ascendere facit superius bonitatem memorię, intellectus & voluntatis de Seraphin, videlicet in recolendo, intelligendo, & amando. Et idem est de magnitudine Dei, & de suis dignitatibus, & sic sibi respondent inuicem dignitates superiores & flores inferiores in ascensionibus actuum brachiarum. Et huiusmodi responsio & ascensio multum est placens ad intelligendum, & si ille qui ipsum bene intelligit contra Deum facit aliquam offensam, dignus est magna pœna. Seraphin intelligente Deum, ita alte dignitates Dei sunt exemplar ipsi intelligere de Seraphin. Et idem est de recolere & diligere de Seraphin & de aliis suis floribus. Et sic Deum attingit duobus modis, naturaliter videlicet, & supra naturam. Naturaliter secundum principia sua primaria, de quibus est eius truncus, suę branchę & sui rami: sicut ignis qui naturaliter calefacit aërem, & sol qui naturaliter lunam illuminat, & huiusmodi natura licentiata est per meritum florum. Et attingit supra suam naturam, in quantum Deus ascendere facit actus brachiarum &

florum: quoniam sicut voluntas de Seraphin plus Deum diligit quam seipsum, ita intellectus de Seraphin Deum plus intelligit quam seipsum, & sic ascendit ad intelligendum supra seipsum, & plus intelligit, quam sua natura sufficere possit ad intelligendum. Et de hoc quod accipit supra suam naturam, reuelat Angelis inferioribus, qui ita magnum intelligere non habent, secundum quod ipse est licentiatuſ per Dominum nostrum.

De Fructu arboris Angelicalis.

FRUCTVS arboris Angelicalis est naturalis & super naturalis. Naturalis in quantum quilibet actus suarum brancharum venit ad complementum, sicut sanctus Michael Archangelus qui intelligit intellectum, amatum, & recolitum sub ratione bonitatis, magnitudinis, &c. quod siquidem recolitum, intellectum, & amatum sunt fructus naturales brancharum & ramorum, ut radices non sint ociose nec vacuæ, ut finis sit centrum quietis. Fructus qui est supra naturam arboris, est suprema recolibilitas, intelligibilitas, & amabilitas Dei, & quæ sunt Deus, & è conuerso. Et hæ tres obiectabilitates supremæ sunt fructus arboris Angelicalis, centrum & quies illius. Et quia fructus sunt superius, & arbor est inferius, non possunt omnes fructus comprehendi per branchas arboris, quod si comprehenderentur, branchæ forent ita magnæ sicut fructus: & idem est de actibus brancharum. Sunt ergo fructus magis supra, sicut amabilitas Dei, quæ maior est in magnitudine bonitatis, æternitatis, potestatis, quam Angelus amare possit: & idem de intelligibilitate, & recolibilitate Dei: quare sicut

unum vas quod sit in mare, plenum est aqua, ita actus brancharum pleni sunt fructibus superioribus, & sicut totum mare in illo paruo vase intrare non potest, ita fructus superiores comprehendendi non possunt per actus brancharum: cum ita sit, quod fructus sint infiniti, & actus brancharum finiti. Recolibilitas Dei, & idem de sua intelligibilitate & amabilitate, est fructus recolitiuitatis Angeli, cum tota essentia diuina, & cum tribus personis diuinis, & cum omnibus dignitatibus diuinis, & idē de tota natura diuina. Habet se ergo obiectum superius infinitè, & in tota sua totalitate ad potentiam inferiorem, quæ siquidem potentia se habet ad obiectum, cum tota sua totalitate, essentia, & natura, & cum omnibus suis floribus, intantum quod tota se implet ex obiecto, & omnes suæ partes sunt plene ex ipso: sicut camera plena aëre & Sol luce. Etiam potentia plenior est obiecto, quam ferrum in fornace calore: quoniam in ferro est aqua, quæ resistit calori cum sua frigiditate, aqua existente parte ferri compositi & elementati: sed in potentia Angeli non est aliqua cōtrarietas, quæ suo complemento resistat. Est ergo recolitiuitas Angeli plenior recolibilitate Dei, quam aliquod dolium vino, vel camera aëre, vel ferrum calidum calore, vel Sol luce: quoniam lux Solis quæ est accidens, tantum complere non potest substantiam Solis, quæ maior est quam accidens: sicut facit substantia Dei, quæ est recolibilitas, in implendo recolitiuitatem Angeli. Est ergo istud complementum ita magnum, quod recolitiuitas obliuisci non potest supremam recolibilitatem superiorem, quæ ipsam implet, nec voluntas Angeli se habere vult ad odiendum recolibilitatem, quoniam plena est summa
ama

amabilitate, de qua non esset plena, si memoria se habere posset ad obliuiscendum fructum. Et idem est de intellectuuitate Angeli, quæ ita est plena intelligibilitate superiori, quod se habere non potest ad ignorandum ipsam. Et omnia tria complementa vident quidam Angeli in aliis. Gloriam ergo eorum, quis est, qui posset cogitare, narrare, vel scribere.

branchas, ramos, folia, flores, & fructus.

Radices sunt merita de principiis generalibus.

Truncus est duratio.

Branchæ sunt Paradisus, & infernus.

Rami sunt retributiones.

Folia sunt accidentia.

Flores sunt actus glorificatorum, siue condemnatorum.

Fructus sunt complementa finium.


De Arbore Æuiternali.

S V M M A R I V M.



ARBOR æuiternalis diuiditur in septem partes, videlicet in radices, truncum,

De Arbore



De Arbore Aeuitali.

PER aliam vitam arbo-
rem æuiternalem consi-
deramus, quæ diuiditur
in radices, truncum,
branchas, ramos, folia,
flores, & fructus. Per radices intelli-
gimus merita, quæ veniunt per secundas intentiones, quæ sunt per ope-

ra artificialia sub ratione primorum principiorum, quæ sunt radices: sicut merita acquisita per bonitatem, magnitudinem, perseverantiam, potestatem, &c. etiam per branchas arboris humanalis, & Angelicalis, & per arborem moralem: quoniam de omnibus istis iudicium dare oportet & rationes, ut finis esse possit in primis principiis. Beatus Petrus qui est iustus, & idem de Seraphin, est bonus per suam

suam iustitiam, quæ est bona sub ratione bonitatis. Idcirco oportet, quod sit remuneratus cum bono: & quia sua iustitia est magna, oportet quod remuneratus sit cum magno bono: & quia sua iustitia durabilis fuit in hac vita, oportet quod durabilis sit in alia: & sic de aliis formis, videlicet quod per bonam potestatem remuneratus sit bono posito, & per bonum intelligere remuneratus sit bono intellecto, & propter bonum amare bono-amato, & per virtuosum amare virtuoso-amato, & propter bonum verum vero bono, & propter gloriosum amare glorioso-amato, & idem de concordantia, differentia, principio, medio, & fine, maioriore & æqualitate. Et istæ formæ ac quæsitæ sunt radices arboris, & sunt formæ meritoria, videlicet meritum boni cum bono, & meritum magni cum magno, & sic de cæteris. Machometus & idem de lucifero, fuit iniustus & falsus Saracenus, & quia sua iniuria, luxuria, & secta fuerunt male, oportet quod remuneratus sit malo propter malum, & quia fecit magnum malum in hoc, quod plures homines posuit in errore, oportet quod eius merces sit magna in pœna, & quia malum illorum duravit & durat, oportet quod remuneratio in pœna dureret, & idem est de cæteris formis. Et istæ culpæ acquiræ sunt radices & mala merita. Hoc idem sequitur de mechanico, qui malum opus facit, cum quo gentes decipit. Et idem est de malo iudice, qui dat falsum iudicium, & de homine auaro diuite, qui finem suarum diuitiarum impedit, quas aufert pauperibus, qui ipsis diuitiis indigent: & sic de aliis similibus istis. Sicut substantia pomerij & equi, & idem est de aliis substantiis naturalibus: sunt plenæ formis realibus, & natura non

sustinet, quod sint vacuæ: sic iustitia Dei non sustinet, quod aliqua opera facta per homines, & per angelos in operando, in cogitando, & in aliis modis, in quibus opera fieri possunt: in fine iudicii obliuiscantur: quia iustitia Dei est magna ratione, cuius oportet siue necessarium est, quod subiectum iudicandi sit magnum. Et in hoc passu cognoscitur, quod homines peccatores qui dñu perseverauerunt in peccato, siue peccatis, de quibus plura mala in eorum sequacibus secuta sunt, habebunt reddere in die iudicii de pluribus rationem. Et istum passum considerare est multum terribile hominibus peccatoribus.

De Trunco arboris æuiternalis.



Er Truncum æuiternalem intelligimus durationem bonorum meritorum, & malorum, & magnorum, & paruorum, & illorum: qui habiti sūt per magnam potestatem bonitatis, aut mali magni, aut parui intelligere, magnæ amatiuitatis, aut paruæ, & magnæ odiuitatis, aut paruæ, & magnæ virtutis, aut paruæ, magni vitij, aut parui: & sic de cæteris. Quare omnes formæ trunci quæ sunt suæ radices, constituēt vnam durationem meritorum & culpæ, quæ finem non habebit, quam durationem truncum æuiternalem appellamus, qui semper durabit, vt iustitia Dei subiectum habeat, in quo iudicare possit. In hac vita sunt opera hominum: Primò in principio, postmodum in medio, & vltimò in fine, cum moriuntur: & post finem non possunt esse, quoniam finis non esset hoc, quod est: sicut Martinus qui non foret hoc, quod est sine capite, remanent ergo opera in fine æuiternata ita:

M m quod

quod non sunt post finem. Et in hoc punctum finis: videlicet qui est vltimus finis, qui est in morte extensus, veniunt illa quæ sunt æternata: sicut fructus arborum, qui eueniunt maturi in æstate. Et in hac æternitate durant merita & culpæ, quoniam in illo sine colliguntur omnia opera, quæ homines fecerunt in hac vita, & quæ posita sunt in vna linea æternali, quæ habet principium in fine mortis, & nō potest habere finem priuationis, quia est in fine iudicij. Et iste passus est placens iustis ad considerandum, & horribilis peccatoribus. Secundum quod dictum est in arbore Angelicali, videlicet quod sicut branchæ sunt ex radicibus, ita truncus æternalis sub forma durationis est ex meritis & culpis, videlicet quod culpæ & merita sustentata sunt in æternitate, vt iudicium durare possit, & quod finis meritum sit quies æternaliter, & finis culparū labor, qui finis est vacuitas virtutum & primarum formarum realium, quæ æternaliter se habebunt ad suum centrum, & nunquam illud attingent nec habebunt.

De Branchis arboris æternalis.

DVOBVS modis consideramus branchas arboris æternalis, vno modo intelligimus paradysum, alio modo intelligimus infernum. Et paradysum intelligimus in cælo empireo quod est supra firmamentum, quod est luce plenum, de qua luce induta erunt corpora glorificata, quæ tantum lucebunt, sicut est illa lux & plus etiam, quam est lux solis, quæ plus lucet in sole quam in luna, & sic erit lux de luce. Et illa lux æternaliter durabit & maior erit in quibusdam corporibus,

quam in aliis, secundum quod merita erunt maiora aut minora in hominibus iustis: quare sicut æternaliter erit lux de luce, ita erit paradysus æternaliter sanctorum secundum eorum merita, & erit ad gloriam Dei ipsum recolendo, intelligendo, amando & laudando, ipso benedicto dante se obiectiue ad æternam glorificationem per bonitatem bene, & per magnitudinem magnifice, & per durationem æternaliter, & per potestatem potenter, per intelligere intelligibiliter, per amorem amabiliter, per virtutem virtuosè, & per veritatem verè, & per gloriam gloriosè, & per finem completè. Infernus erit secunda brancha arboris æternalis, & erit in abyssu terræ, & in maiori contrario lucis & bonitatis, veritatis, finis gloriæ & amabilitatis. Et secundum quod culpæ erunt maiores, maiores erunt pœnæ, magnificè, malè, æternaliter, intelligibiliter, odibiliter & desperanter, & in vacuitate totius complementi. Et erit in inferno tantum æternalis, sicut brancha paradisi in cælo empireo.

De Ramis arboris æternalis.

NO sunt rami arboris æternalis, vnus est de brancha paradisi, alius est brancha inferni. Ramus paradisi multiplicatus est in tribus ramis. Vnus ramus est iustitiæ, alius verò gratiæ, alius est passionum. Ramus qui est iustitiæ est ille, qui reddit bonum pro bono, & magnum pro magno, & durabile pro durabili, & sic de aliis. Et ramus qui est per gratiam est ille qui dat plus de bono quam meritum habitum propter bonum, & magis de magno bono, & dat per durationem æternalem durationem, & sic de

sic de aliis formis quæ dona multiplicant sine quibus Sancti acquirere non possent gloriam æuiternalem. Tertius ramus est passionum, videlicet retributionum in gloria receptarum. In gloria iustè per iustitiam, & æuiternaliter per gratiam, quas remunerationes Sancti recipiunt ex supremo iudice liberali sine omnium complementorum. Ramus infernalis multiplicatus est in duobus ramis, vnus est iustitiæ & alius est passionum. Ramus iustitiæ dat malum pro malo, & magnum malum pœnæ pro magno malo culpæ, & dat malum æuiternale, vt æuiternaliter punire possit peccatores, qui contra æternitatem errauerunt, quæ infinita est in duratione, & quæ suâ similitudinem producit in æuiternitate cum magnitudine bonitatis in bonis, & cum magnitudine mali in malis, & cum magnitudine durationis in bonis, & cum magnitudine durationis in malis, quæ magnitudo durationis est æuiternitas, quæ est aliqua similitudo in duratione æternitatis, in quantum est sine fine. Quam æuiternitatem oportet esse de necessitate, vt æternitas producere possit in tantum suam similitudinem, sicut diuina bonitas in bonitate & diuina magnitudo in magnitudine, & sic de aliis,

De Foliis arboris æuiternalis. Et primo de quantitate.

ÆUITERNITAS ita est quantitate: sicut linea quæ esset in principio terminata & non in fine: sicut in forma ignis, qui virtutem habet multiplicatiuam, secundum quod materia combustibilis & calefactibilis sufficere possit, quoniam ignis semper cresceret & duraret in comburendo, si lignum esset semper multiplicatum. Est ergo quantitas æuiternitatis in tẽ-

pore incepta ratione mēitorū & culpārū, quæ in tẽpore principium habuerūt, & nō est terminata in fine, quia merces iustorū durat, & pœna iniustorū, & virt⁹ iustificatiuitatis iudicis superioris: hāc virtutē non habet ignis, quoniā nō potest facere durare lignum in sua virtute, quia est contra lignum quod comburit, sed iustificatiuitas superior durare facit in sua virtute iustificabilitatem iustorum in continua quantitate æuiternali, quia cum illis habet concordantiam in magnitudine bonitatis, & æternitatis, & durare facit punibilitatem iniustorum, quia iudicare suam concordantiam habet cum magnitudine bonitatis, æternitatis, &c. Sicut continua quantitas bonitatis sustentata est in quantitatibus discretis, quæ sunt de essentia continuæ, videlicet bonificatiui, bonificabilis, & bonificare, qui sunt de essentia bonitatis, ita quantitas continua æuiternitatis discretas habet quantitates, in quibus est sustentata, videlicet quantitates hominum & Angelorum, in quibus est sustentata æuiterna quantitas continua gloriabilitatis, in gloriosis, & tormentabilitatis in damnatis, ratione cuius sustentationis oportet quod sint quantitates discretæ æuiternabiles, vt continua quantitas æuiternalis habere possit subiecta æuiternalia, in quibus sustentari possit: sicut magnitudo bonitatis, cuius quantitas continua necessitatem habet, quod discretas habeat quantitates, in quibus possit sustentari, vt essentia bonitatis sit durabilis.

De Qualitatibus arboris Auiternalis.

Qualitates arboris æuiternalis sunt similitudines acquisitæ, & similitudines formarum realium in bonis,

& dissimilitudines formarum realium in malis: sicut Beatus Petrus qui bonus est per bonitatem iustitiæ, & Iudas qui malus est per malitiam perditionis. Bonitas sancti Petri est qualitas appropriata per iustitiam, & malitia Iudæ est qualitas contra bonitatem appropriata per traditionem, quæ fuit, quando tradidit Dominum Iesum Christum, & istæ qualitates appropriatæ sunt æuiternaliter appropriatæ: quoniam sicut igni est appropriata siccitas, ut cum illa aërem mortificet & compellat ad recipiendum suum calorem, sine qua siccitate ignis aërem calefacere non posset, quoniam sua magna simplicitas compositionem illius, & ignis vitaret: ita oportet quod Beato Petro sit appropriata qualitas bonitatis in æuiternitate, ut merces durare possit, quam Beatus Petrus acquisiuit cum iustificatiuitate, cui oportet quod respondeat superior iustificatiuitas quæ causat suam similitudinem in æuiternitate, quam causare non posset si qualitas acquisita per sanctum Petrum non esset appropriata in æuiternitate: & maior esset causabilitas inferior quam causatiuitas superior, quod est impossibile: oportet ergo quod bonificatiuitas beati Petri sit qualitas æuiterna, & idem est de qualitate Iudæ, quam per traditionem acquisiuit, & quæ est malefactibilitas: ut superior punitiuitas subiectum habeat æuiternum, quod non haberet, si malefactibilitas in priuationem deueniret, & foret maior in dispositione & ordine punibilitas quam iustificatiuitas superior, & hoc est impossibile. Deus creauit sanctum Michaëlem, & ipsum creauit in tempore, quoniam sine tempore nulla creatura creata potest esse, quod si creata foret sine tempore, non esset principiata, & sine principio crea-

tura esse non posset, cum ita sit, quod creatura sit res producta de nihilo. Et quia sanctus Michaël creatus fuit in tempore, & in illo tempore se liberè conuertit ad recolendum, intelligendum & amandum Deum, cum tota magnitudine suæ bonitatis, durationis, memoriæ, intellectus, & voluntatis, virtutis, & veritatis, fuerunt ei qualitates appropriatæ in æuiternitate ratione totalitatis conuersionis. Et si fuissent appropriatæ extra æuiternitatem, non esset tota conuersio in actu: quoniam de ipsa aliquid remansisset in potentia, ratione cuius deliberationem habere posset ad odiendum Deum, ignorandum, & obliuiscendum: quia sicut Sol, ita citò sicut Deus ipsum creauerit, se totum conuertit in motum circularem, & luce totus fuit illuminatus sine aliqua obscuritate, ita beatus Michaël & multo melius (quia est substantia spiritalis) se totum conuertit ad recolendum, intelligendum, & amandum Deum, & in illo non remansit aliqua possibilitas, ratione cuius Deum posset obliuisci, ignorare, nec odire. Idcirco oportuit, quod meritum acquisiuisset in æuiternitate, & idem est de magnitudine, duratione, & cæteris. Est ergo sanctus Michaël qualificatus, & qualitatibus æuiternalibus indutus, cum iuuamine tamen gratiæ superioris. Et idem sequitur de Lucifero per contrarium, qui totum se conuertit in malis qualitatibus contra bonas, in tantum quod in illo non remansit aliqua possibilitas, quomodo ad bonum se conuerrere posset. Vade sicut lapis qui cadit inferius per aërem, qui ratione suæ ponderositatis nullam habet possibilitatem ascendendi superius, ita Lucifer totus conuersus in malitiam nullam habet possibilitatem se conuertendi in bonam qualitatem. Id-

circo oportet, quod in eius mala qualitate sit æuiternitas.

De Relatione arboris Aeuiternalis.

SECUNDUM cursum naturalem durante substantia sēper durat relatio formæ & materiæ, ita quod forma sit agens & materia patiens. Simili modo est de relationibus æuiternalibus, quoniam durante beato Petro bono per iustitiam, durant remuneratium, remunerabile, & remunerare in bonificare, in quo se habent relatiuæ ratione boni subiecti, quod est beatus Petrus. Et si relatio deficeret, iniuriatum esset subiecto, & in illo duraret relatio contrariorum, videlicet iniuriatum, & per bonitatem remunerabile, & bonificabile, & glorificabile. Et hoc est impossibile, quod huiusmodi duratio esset in æuiternitate, nec extra æuiternitatem, cum iustificatium supra sit in magnitudine bonitatis, æternitatis, &c. Est ergo relatio superior æuiterna inter iustificatium, iustificabile, & in bono remuneratium, remunerabile. Iudas Iscarioth fuit malus per malitiam, in qua malitia incepit relatio malificatiui, & malificabilis, in malificare, quod fuit peccare Iudæ, & subiectum relationis, vnde Iuda mortuo in malitia remansit subiectum relationis, videlicet peccare conuersum in malificare. Oportuit ergo quod post mortem Iudæ remansisset in æuiternare subiectum relationi punitiui, & punibilis sustentatæ in punire. Quicquid Deus creauit, creatum est propter finem supremum, vt creatum sit cum magnitudine bonitatis, æternitatis, potestatis, sapientiæ, voluntatis, virtutis, veritatis, gloriæ, & finis. Est ergo totus mundus creatus ratione supremæ recolibilitatis,

intelligibilitatis, & amabilitatis. Oportet ergo quod creata quæ sunt memoratium, intellectuum, & amatum, respondeant in æuiternitate supremis obiectabilitatibus, ita quod se habeant relatiuè in recolere, intelligere, & amare in æuiternare, sustentatis, sine quo deficerent obiectabilitates superiori magnitudini bonitatis creatarum obiectatiuitatum, quibus deficeret magnitudo finis, ratione cuius creatæ sunt, & sic esset contrarietas in relatione formarum actiuarum & passiuarum, quæ contrarietas impossibilis est. Oportet ergo quod concordantia sit in æuiternitate relationum, quæ sunt antedictæ. Et idem sequitur de relationibus contrariis: sicut Lucifer contrarius supremis obiectabilitatibus cum malo recolitui, intellectuui, & amatiui.

De Actionibus, & Passionibus arboris Aeuiternalis.

IN corpore beati Petri glorificati stabunt actiones, & passiones in concordantia sine contrarietate: sicut ignis qui calefaciet aërem, aquam, & terram, ita in naturali concordantia: sicut est concordantia formæ, & materiæ, quæ se habent ad constituendum substantiam, in qua quiescunt. Idcirco actio & passio quæ erunt in corpore beati Petri, erunt sine corruptione, & generatione, & erunt ita æuiternæ sicut circulus, qui est sine discretæ quantitate. Et idem erit de actionibus, & passionibus spiritualibus in iustis: sicut voluntas beati Petri, quæ æuiternaliter erit remunerata in sua amatiuitate, & amabilitate cum magnitudine bonitatis, & amare. Corpus Iudæ Iscarioth æuiternaliter erit infernatum & subiectum plurium a-

ctionum, & passionum cum contrarietate qualitarum sine aliqua concordantia : sicut ignis qui calefacit aërem, de qua calefactione aër habebit passionem, quoniam remota erit concordantia, quam habere solebant in hac vita. Item ignis calefaciet aquam, & aqua ignem infrigidabit, cum contrarietate amborum calore durante in igne & in aqua: & in igne, & aqua durabit frigiditas ratione iudicij, & sui subiecti, & idem de contrarietate aliorum elementorum, & sic in illis durare non potest concordantia, ut punitio sit simplex, & durabit contrarietas in æuiternitate, ut iudicium subiectum habeat, in quo durare valeat. Et istud subiectum quod habet æuiternales actiones, & passiones non est generabile nec corruptibile. Quoniam sicut lapis contra suam ponderositatem superius ascendit artificialiter, ita supra cursum naturalem durabunt in corporibus damnatorum contrarietates æuiternæ actionum, & passionum. Et idem erit in spiritualibus actionibus, & passionibus: sicut voluntas Iudæ Iscarioth, quæ passionem habebit in amando & in odiendo ratione actionis, quam suus intellectus habebit intelligendo, quod nunquam voluntas habebit hoc, quod desiderabit, & æuiternaliter habebit hoc quod noler. Et idem sequitur de passione, quam intellectus habebit in hoc, quod voluntas volet, & odiet quietem cuius intellectus noler, & priuationem finis illius diliger. Et istæ actiones & passiones sunt ita magnæ, quod cogitare nec narrare posset aliquis,

De Habitibus arboris Aeuitalis.

HAbitus æuiterni sunt duo secundum branchas arboris, videlicet

quod quidam sunt habitus, quos habent & habebunt sancti de gloria: & alij sunt, quos habent & habebunt damnati de tristitia. Habent sancti habitus lætitiæ, & damnati habent habitus tristitiæ, sicut beatus Petrus habet in habitu ita lætitiā, sicut iustitiam & sanctitatem: & sicut Iudas Iscarioth qui habet in habitu ita æuiternaliter tristitiam, sicut iniuriam & pœnam. Intelligere beati Petri habituum est in æuiternitate, quam ita intelligit, sicut intelligit suam intellectiuitatem, quæ intelligit intelligibilitatem æuiternitatis, & ipsam intelligit sub habitu bonitatis gloriæ & charitatis. Et idem est de intelligere Iudæ, quod in contrarium habituum est in æuiternitate sua, intellectiuitate intelligente intelligibilitatem æuiternitatis sub ratione malitiæ, pœnæ & odibilitatis, & idem sequitur de habitu memoriæ. Et isti habitus sunt instrumenta, per quæ Sancti habent gloriam æuiternaliter, & damnati pœnam. Iudas habet habitum conscientiæ & desperantiæ cum habitu tristitiæ, & cum habitu intelligentiæ æuiternæ, & memoriæ similiter, in tantum quod omnes habitus erunt ita appropriati æuiternitati, sicut lux soli sine corruptione lucis & substantiæ. Et iste passus est valde horribilis peccatoribus ad considerandum, & per contrarium est Sanctis valde placens & delectabilis sub ratione sanctæ considerationis habituatæ de charitate, gloria, iustitia & bonitate.

De Assituatione arboris æuiternalis.

IN cœlo empireo sunt Angeli ante Dominum Iesum Christum, secundum magnitudinem bonitatis, iustitiæ & charitatis assituati & ordinati, & idem est de sanctis hominibus. Et huiusmodi

iusmodi assituatio erit æuiterna. Et in inferno assituati sunt demones æuiternaliter, & idem erit de hominibus damnatis, qui stabunt ita assituati in igne quidam supra alios, sicut in montibus altis quidam lapides supra alios. Et idem erit de illis, qui stabunt assituati in aqua fetuente, sicut pisces in mari. Et huiusmodi assituatio erit realis, in quantum substantiæ ei subiectæ, quæ erit æuiternaliter intellecta, ita necessario, sicut erit realis assituatio. Et iste passus est valdè horribilis & timibilis, quem homines sæpius considerare deberent, vt timorem haberet, & peccatis resisterent.

De Tempore arboris æuiternalis.

Quando Deus creauit mundum, illum creauit cum magnitudine bonitatis, sapientiæ, voluntatis, & sua sapientia comprehendit certum numerum hominum creabilium. Et eius voluntas illam comprehensionem numeri dilexit, & bonitas ipsum numerum bonificauit. Fuerunt ergo homines creati sub certo numero præuiso, antequam creati fuissent per sapientiam Dei. Oportet ergo quod motus firmamenti qui est, vt sit generatio, & corruptio in inferioribus ad generandum & producendum corpora hominum, habeat finem & stationem, vltra quem finem non sit motus elementorum nec firmamenti. Erit ergo completa productio numeri hominum, in tantum quod non erit aliquis naturalis motus corporalis in firmamento nec in elementis. Idcirco tempus subiectum non habebit, in quo possit esse multiplicatio annorum & mensium, dierum, & horarum, & momentorum. Non erit ergo tempus in successione substantiarum mota-

rum de vno tempore in aliud. Erit ergo tempus æuiternum sine motu. Piscis motus in aqua mouetur ex vno loco in alium: sed non de vna aqua in aliam, cum aqua vna sit in seipsa per essentiam, ita quod piscis de essentia aquæ nullam facit differentiam. Similimodo corpora glorificata in gloria mouebuntur in tempore de vno loco in alium, quolibet corpore se mouente ad suam voluntatem sub ratione bonitatis & placiti, ita quod in tempore non erit differentiare in se per aliquam successionem motus: quia hora, nec motus se non multiplicabunt de vno tempore in aliud. Erit ergo motus illorum in tempore æuiterno sine successione temporis: quamuis successio sit secundum motum loci, corpore Sancti se mouente de oriente ad occidentem, & de occidente ad Cælum empireum, & sic de aliis locis. Sicut motus glorificati corporis, non multiplicabit horam, neque momentum, diem, neque annum in tempore, ita obiectatio potentiarum quæ se habebunt ad glorificationem in recolendo, intelligendo, & amando, audiendo, & videndo non multiplicabunt horam, momentum, diem, neque annum in tempore, & successio erit de vno obiecto in aliud secundum magnitudinem bonitatis, gloriæ, & veritatis: sicut erit successio motus de quo dictum est. Et iste passus placens est ad considerandum, & in illo diuina gloria significatur esse æuiterna.

De Loco arboris æuiternalis.

Sancti gloriæ se mouebunt ad placitum de vno loco in alium, & in quocunque loco sint, gloriam habebunt, vt differentia vnus loci, & alterius gloriam non consumat æuiternam: quæ

quæ erit in Cœlo empireo, & etiam intra firmamentum, secundum quod Sancti placitum in motu habebunt. Vnde sicut motus corporis glorificati aliquam realitatem non ponit successum in tempore æuiterno, ita motus corporis glorificati aliquam realitatem successiuam non ponit glorificationis distinctè, per motum de vno loco in alium, vt duritia locorum quæ est, vt possit esse motus corporum glorificatorum æuiternam gloriam non consumat. Et iste passus subtilis est ad intelligendum. Locus damnatorum est infernus, qui est æuiternus, & vno corpore damnati moto de vno loco in alium, in quocumque sit motum: habebit pœnam: sicut piscis in mari, qui mouetur de vno loco in alium, semper cum aqua participat, ita quod mutatio vnius loci in alium piscem ab aqua non diuidit, neque aquam à pisce. Idcirco locus inferni erit subiectum æuiterno tormento, ita, quod corpus damnatum stabit ita fixè in igne, sicut lapis in annulo, aut aries in firmamento, siue illud corpus sit motum per flammam ignis, aut per aquam de vno loco in alium.

De Floribus arboris Aeniter nalis.

FLORES arboris æuiternalis sunt gloriationes æternæ: sicut gloriatio, bonificare, durare, possificare, intelligere, amare, virtutificare, omnibus istis ornatis glorificari & indutis.

De Glorificatione bonificare.

GLORATIO quæ est de bonificare in æuiternare erit in Sanctis sub ratione bonitatis, existente bonitate ratione bonificare, & gloria gloriar

illud bonificare, ita videlicet quod bonificatium, bonificabile, & bonificare erunt plena gloriar, & essentia bonitatis similiter, cum ita sit, quod eius complementum sunt bonificatium, bonificabile, & bonificare, quod complementum habebit in æuiternare. Gloriar quod est de bonificare, iuuabit magnificare, vt sit magnum, quod siquidem magnificare erit extensum per totum bonificatium, bonificabile, & bonificare, quod siquidem magnificare non posset esse extensum sine extensione gloriar & æuiternare: quoniam si deficeret æuiternare & gloriar, in illo esset minorificare, & non posset esse magnificare quod cum maiorificare habet concordantiam. Gloriar quod est de bonificare, iuuat durare, quod se extendit in bonificatium, bonificabile, & bonificare cum gloriar, vt sint in æuiternitate: quoniam in quantum bonificatium durat, oportet quod durent bonificabile, & bonificare, & è conuerso. Et per hanc durationem gloriar durat: quoniam magna gloria est bonificatiui, quod in æuiternare, & gloriar habere possit suum bonificabile, & bonificare, & idem est de magnitudine gloriar in bonificabile, & bonificare. Gloriar quod est de bonificare, iuuat possificare in quantum bonificatium potest esse bonificans, & bonificabilis potest esse in æuiternare, & idem est de bonificare, quod potest esse in æuiternare, & ex ambobus posse potest esse bonificare, & ex bonificare. & possificare quæ sunt in æuiternare, sequitur æternum gloriar: idcirco remanent in æuiternitate productum bonificatum, bonificabile, gloriatum, & glorabile. Et iste passus est placens ad considerandum. Intelligere iuuat gloriar, quod est de bonificare, quoniam intellectu

tellectus sancti intelligit in sua bonitate æuiternaliter gloriatum, bonificantem, bonificabilem, & bonificare, de quo intelligere sequetur gloriari in suo intelligere. Et ex gloriari quod erit in intelligere æuiternaliter accipietur lumen ex bonificare intellectum in gloriari, & in æuiternare. Et iste passus subtilis est ad intelligendum. Amare iuuabit gloriari, quod est de bonificare: quoniam voluntas beati voler, quod in sua bonitate sint æuiternaliter bonificans, bonificabile, & bonificare, & ita erit sicut voler. Et quia in bonitate sequetur hoc quod voluntas voler, sequetur in suo amare gloriari, de quo gloriari erit intellectui lumen in bonificare. Et sic erunt duo lumina æuiternaliter in gloriari vno lumine ab alio lumine accepto. Et iste passus est valde placens ad considerandum. Virtuificare iuuabit gloriari, quod est de bonificare: quoniam virtutis bonitas æuiternaliter stabit in essentialibus concretis bonitatis: vnde sequetur in bonificare æuiternum gloriari, quoniam magna gloria bonitatis erit, quod æuiternaliter habeat in se virtuosum bonificans, virtuosum bonificabile, & virtuosum bonificare. Verificare iuuabit gloriari, quod erit de bonificare: quoniam veritas Dei ponet in vero æuiternaliter bonificans, bonificabile & bonificare bonitatis. Et ex hoc sequetur gloriari in bonificare, quoniam magna gloria erit bonitati, quod æuiternaliter, & verè sint sua concreta in verificare bonificantis, bonificabilis & bonificare. Secundum quod ostensum est, quomodo florem bonitatis iuuant alij flores, data est doctrina, quomodo vnus flos iuuat ad habendum gloriari in æuiternare: sicut gloriari quod erit de magnificare, cui iuuat flos

bonitatis, inquantum ipsam bonum facit: & idem est de duratione, inquantum ipsum durare facit, & sic de potestate, inquantum potest per ipsam potestatem. Et sicut de bonitate exempla posuimus, sic de alijs exempla poni possunt. In arbore æuiternali sunt flores, qui sunt contrarij illis floribus, de quibus dictum est. Qui siquidem flores contrarij sunt æuiternalia tormenta in damnatis sustentata, sicut tormentare reale, bonitatis, magnitudinis, potestatis, intellectus, voluntatis, virtutis, & veritatis, quæ sunt reales partes & naturales substantiæ damnati. Et isti flores inuicem tormentare iuuant, vt tormentum sit magnum.

De Tormento quod est ipsius amare.

TORMENTVM quod est de amare, iuuabit malificare, vt amare sit malum inquantum quod malitia se extendit in amatiuū, amabile & amare voluntatis, vt amatiuus, amabilis, & amare sint mali. Malus erit amatiuus, inquantum malū amabit, & amabit hoc quod habere nō potest, & odiet hoc quod æuiternaliter habebit. Et suum amabile erit malum, quoniam amabile quod amabit de sui natura erit odibile. Idcirco amare erit malum productum ex amante & amabili in æuiternare & tormentare, quoniam magnum tormentum erit de amante, amabili & amare æuiternaliter existentibus in malificare. Magnitudo iuuabit tormentare, quod erit de amare, quoniam amatiuum erit magnum in amare iniuriōsa & magna, & in odiendo magna digna ad amandum. Idcirco magnum erit tormentum ipsius amare in æuiternare, in quo odiet Deum, qui est obiectum magis amabile, & maius in in amabilitate bonitatis, æternitatis,

infinitatis, potestatis, sapientiæ, voluntatis, gloriæ, & veritatis: Durare iuuabit tormentum, quod erit de amare, inquantum ipsum existere facit in æuiternare contra amatum, & amabile, quæ ex illo amare tormentare habebunt in æuiternare extensū ex amobus. Et iste passus grauis est ad cogitandum, veruntamen spirituales sanitates habere possunt peccatores, si bene ipsum passum considerare volunt. Potestas iuuabit tormentare, quod erit de amare, inquantum existere poterit in æuiternare contra amatum amabile & odibile, & amatum amabile & odibile existere possunt contra amare, & amatum contra amabile, & amabile contra ipsum, & idē est de odibili. Et hæc contrarietas stare poterit per potestatem, vt amare possit esse in magno tormentare. Intellectus damnati iuuabit tormentare, quod erit de amare: quoniam intellectus intelliget, quod voluntas æuiternaliter voluerit, quod non habebit, & hoc quod odiet habebit, quod intelligere quod intellectus æuiternaliter habebit, voluntas æuiternaliter odiet & blasphemabit. Erit ergo amare tormentatum per hoc quod intellectus intelliget. Quoniam si intellectus æuiternaliter tormentum voluntatis non intelligeret, voluntas in suo amare habere posset aliquam quietem, & aliquam spem de hoc, quod desideraret. Sed quietem nec spem habere potest: postquam intellectus verē intelligit & æuiternaliter tormentum ipsius amare, de quo tormentatur voluntas ita fortiter, quod non est aliquis in hac vita, qui cogitare posset, narrare vel scribere: nec etiam omnes homines qui viuunt, inuicem cogitare possent, posito quod ex omnibus multiplicaretur vna cogitatio, quæ illud tormentum cogitaret. Quo-

niam huiusmodi cogitatio stare non posset in æuiternare, in quo erit illud tormentum, quod erit de amare hominis peccatoris damnati. Et iste passus ducit tristitiam hominibus peccatoribus, si bene cogitare vellent. Virtus iuuabit tormentare, quod erit de amare, inquantum erit ratio vitio, quod est suum contrarium, sicut gustare hominis infirmi, quod est contra saporem pomi, quod ipse infirmus comedit in quo amaritudinem inuenit contra dulcem saporem, qui est in pomo. Erit ergo virtus realis occasio vitij moralis, quæ siquidem occasio tormentabit amare æuiternaliter, existente virtute occasio vitio in amante amabili & amare, per quam occasionem iustitia Dei tormentabit voluntatem peccatoris, qui contra virtutē suam habebit amare & suum amans, & suum amabile. Realis veritas peccatoris iuuabit tormentare, quod erit in amare: quoniam verē ostendet intellectui delictum voluntatis, vnde nascetur conscientia, de qua erit odire extensum: quoniam voluntas odiet illam conscientiam, quam monstrabit veritas intellectui, quam deamabit, quia ei dabit tormentum. Et appetitum habebit ad ignorandum illam conscientiam, & ad intelligendum contrarium illius, quod veritas ei monstrabit, quod esse non potest. Idecirco tormentabitur in æuiternitate. Et si ignorare posset conscientiam, aliquod refrigerium tunc haberet in suo intelligere, in quo similiter illud haberet amare voluntatis, quod erit in tormento: quia intellectus ignorare non potest manifestationem, quam dabit voluntas de conscientia. Erit ergo tormentatum amare in verificare & in intelligere, quæ siquidem verificare & intelligere deamabit voluntas, vnde inclinabit veritatem

titatem realem ad habendum appetitum ad falsificandum contra suum verificare : sicut intellectus qui appetitum habebit ad ignorandum contra suum intelligere. Et in hoc passu cognoscitur, quomodo quædam formæ tormentabunt alias eorum actibus floribus appellatis tormentorum æuiternorum, quæ homines peccatores valde timerent, si ipsa consideraret secundum doctrinam, quam de ipsis dedimus in hac arbore.

De Fructu arboris æuiternalis.

FRUCTUS arboris æuiternalis sunt complementa finium partium realium, ex quibus sunt substantiæ Sanctorum. Sicut est fructus bonitatis, & fructus magnitudinis, durationis, potestatis sapientiæ, voluntatis, gloriæ, & veritatis. Et fructus damnatorum sunt priuationes fructuum saluatorum : sicut priuatio finis bonitatis, & finis magnitudinis, & finis durationis, & sic de aliis priuationibus. Et omnes isti fructus, & fructus saluatorum sunt æuiterni, ita in æuiternitate constituti, sicut fructus arborum, qui in æstate colliguntur. Et isti fructus æuiterni, ita sunt in hac vita seminati, sicut fructus plantarum, qui in hyeme seminantur, ut in æstate ex eis alius fructus colligatur & multiplicetur, quæ collectio & multiplicatio significant collectionem & multiplicationem fructuum æuiternorum.

De Fructu bonitatis.

FRUCTUS bonitatis consistit in complemento bonificatiui, bonificabilis & bonificare, quod siquidem complementum esse non posset, sine æuiternitate : quoniam si actus bonitatis

in priuationem deueniret, non posset esse complementum bonificatiui, bonificabilis & bonificare : est ergo collectus fructus in æuiternitate, in quo non sit cessatio, nec ociositas bonificatiui, bonificabilis & bonificare. Fructus magnitudinis est complementum magnificatiui, magnificabilis & magnificare, videlicet ut magnificatiuum semper sit magnum in magnificando magna. Et idem de magnificabili, magnificato in magno magnificare, quod siquidem magnificare sit ita magnum, quod in se non contineat aliquam vmbra paruitatis, quod si contineret, non posset esse complementum magnificatiui, magnificabilis, & magnificare. Oporteret ergo, quod sit complementum eorum in æuiternitate, & quod in illa colligatur, intantum quod nullo tempore in magnificare sit vmbra minorificandi, nec paruitatis. Fructus durationis non potest esse collectus in priuatione sui ipsius, nec sui durificatiui, durificabilis, nec sui durificare : oportet ergo quod colligatur in fine omnium trium suorum concretorum & suimet. Hęc collectio esse non potest de duratione partiali substantiæ gloriæ, nisi in æuiternitate, in qua finis substantiæ gloriæ colligatur & sustineatur : sicut color in substantia, & calor in igne, & lux in sole. Fructus potestatis est quod æuiternaliter habere possit in seipsa realia concreta, & quod ipsa sit ratio, quod bonitas possit esse, & magnitudo similiter : & sic de aliis partibus substantiæ gloriæ. Etiam quod per ipsam quælibet primarum partium in seipsa habere possit essentialia concreta : sicut bonitas, quæ per rationem potestatis habere potest in seipsa essentialia bonificatiuum, bonificabile, & bonificare. Colligitur ergo fructus potestatis

in æuiternitate, extra quam colligi non posset : quoniam extra æuiternitatem nullus finis creatus posset habere complementum : cum ita sit, quod omnis finis creatus, qui non colligitur in æuiternitate, deueniat in defectu : sicut finis equi, gruis, piscis, pomerij, & auri, quæ in æuiternitate transitum non habent : cum ita sit, quod omnes in corruptionem deueniant, & non in resurrectionem. Finis sapientiæ in æuiternitate colligitur, in qua colligitur & æuiternaliter colligitur : sicut fructus sapientiæ, qui consistit in intelligere, intellecto, & intelligibile : in quantum intelligitur & colligitur. Et in quantum est intelligibilitas Dei in æuiternitate, colligitur fructus in æuiternitate, in qua intellectuius creatus æuiternaliter Deum intelliget facie ad faciem, ut iam dictum est in arbore angelicali. Et ille qui fructum colliget, erit intellectuius, & ipsum colliget in suo proprio intelligere. Et sic colligetur fructus in omnibus tribus, & remanebit ad colligendum in obiecto, & sic erit complementum in intellectu sine aliquo defectu sine ociositate & cessatione. Fructus voluntatis colligetur in æuiternitate, in qua æuiternaliter colligetur. Idcirco suum colligere duas condiciones requirit, una est, quod colligetur completè sine aliquo defectu, & quod amatiuum colligat in seipso, & in suo proprio amabili & amare. Alia conditio est, quod fructus æuiternaliter sit ad colligendum, ut amatiuum colligere non cesset, quod si cessaret in colligendo, cessaret amare, & fructus esset collectus & non colligendus, & esset possessus in ociositate sine amare. Et sic non esset collectus, in maiori parte finis amatiui, amabilis & amare. Oportet ergo quod remaneat ad colligendum.

Et istæ duæ condiciones quas diximus significant condiciones æuiternitatis, & gloriam sanctorum, quam habebunt in colligendo obiectum in amando ipsum, quod siquidem obiectum est Deus benedictus, qui amabilis remanet amatiuo creato in æuiternitate, ita completè, sicut in illa remanet amatus. Et nobilitas quam habet iste fructus ita collectus & colligendus, non posset ab aliquo viuente cogitari. Fructus virtutis in suo merito colligitur, & cum æuiternitate colligitur : sicut amatiuus qui æuiternaliter erit virtuosus in amando virtuosum amatum & amabilem, ex quibus exibat virtuosum amare in æuiternare sine cessare. Huiusmodi fructum ita colligendum & collectum est bonum desiderare, & omnes fructus corporales huius vite parum appreciare qui colligi non possunt cum nimio potare & comedere, nec in viuendo cum delectationibus & honoribus. Veritas suum fructum colliget in suo fine cum æuiternare, veritate creata attingente veritatem increatam in generando & spirando, ut dictum est in arbore apostolicali, & dicendū est in arbore diuinali. Et sic colligetur fructus verificare in verificare & veritatis in veritate. Et ipsum colliget verificatiuum ex verificante, & verificabile ex verificabili. Quare fructus colligetur in ita magna veritate, & de ita magna veritate quod illi collectioni necessaria erit æuiternitas, sine qua non posset esse magna collectio, & maturatio fructus, & separatio falsitatis. Materialiter in flamma ignis vnum lumen colligitur ex alio lumine, sicut vnus cereus incensus ex alio cereo incenso, & colligitur in luce, calore, & in conditionibus luminis, de quo colligitur & incenditur. Et hæc materialis collectio est figura, & significatio

ficatio collectioni fructus gloriosi, qui in æuiternitate colligetur: sicut lumen ex lumine, etiam in nobiliori conditione, & tanto nobiliori, quanto fructus spiritualis est nobilior lumine materiali. Erit ergo finis gloriosi sancti collectus ex gloria in gloria æuiternaliter, & gloriosè, & sine aliquo tormento, & cum conditionibus quæ spectant ad valde completam gloriam. Secundum modum quem dedimus de fructibus, quos colligent æuiternaliter beati, haberi potest cognitio de modo, secundum quem æuiternaliter damnati colligent. Veruntamen quia bonum est considerare sapius pœnas infernales, æuiternales, breuiter significare volumus collectiones æuiternorum tormentorum.

De Fructu malitiæ.

FRUCTUS malitiæ est priuatio bonitatis: sicut in voluntate damnati, in qua bonitas realis, & naturalis est vna de suis partibus, ratione cuius naturaliter amatiuum, amabile, & amare, quæ sunt essentialia concreta voluntatis, requirunt esse bona: quoniam ad bonum finem creata fuerunt. Idcirco habent in natura secundum creationem, quod sint bona. Sed quia bonitas suum finem perdidit, concreta voluntatis, & bonitatis artificialis remanent vacua, ad quem quidem finem se habent æuiternaliter, & nullo tempore ipsum attingent: quoniam ad illum finem se habebunt cum malitia artificiali, & hoc ita simpliciter, quod in malitia artificiali non est aliquid de bonitate artificiali, imo sunt ita contrariæ, & multo magis quam bonitas naturalis, & malitia artificialis: sicut calor & frigiditas, albedo, & nigredo. Idcirco bonitas naturalis tota erit ple-

na malitia artificiali in pœna æuiterna, quam quidem pœnam æuiternam colligent amatiuum, amabile, quæ sunt concreta voluntatis. Et quia colligentur in æuiternitate, tormenta cuiuslibet remanebunt ad colligendum in æuiternare, cum amare & odire. Secundum tormentum collectionis fructus spiritualis significatur collectio fructus corporalis in tormento æuiterno: sicut corpus damnati in igne tormentatum, ita quod ignis igne tormentabit, & aqua aquam, & aer aerem, & terra terram, & ignis tormentabit aerem, aquam, & terram, & è conuerso, ita quod tormentum nullo tempore finem habebit, medium, nec principium, quia tormentum erit æuiternaliter. Erit ergo ignis partialis, qui erit pars corporis tormentati per ignem exteriorem: sicut ignis partialis ferri in fornace, qui per ignem fornacis multiplicatus est in calore. Erit ergo ignis intra damnatum partialis per generalem ignem, qui erit extra fomentatus, & idem erit de aliis partibus partialibus, quæ omnes erunt in contrarietate & vacuæ concordantia & sine illarum. Et hoc erit mirabile, quod ignis erit contra ignem, & vniuersale contra particulare suum. De hac pœna ita magna plus narrare nolo: quoniam modicum est illud, quod dicere possem secundum respectum magnitudinis pœnæ, quæ est in æuiternare, quæ colligetur in corpore materialiter, & in anima spiritualiter, & quæ colligetur in anima per corpus, in quantum corpus quod plenum finibus ad animam venit ratione glorificationis, ad animam venit vacuum finibus cum tormentis. Et in hoc passu cognoscitur ignis materialis per quem anima habet tormentum, in corpore cum illa coniuncto.

De Arbore Maternali.

S V M M A R I V M.



ARBOR maternalis versatur circa Dominam nostram virginem Mariam. Et diuiditur ut aliæ arbores in septē partes: scilicet in radices, truncum, branchas, ramos, folia, flores, & fructus.

Radices sunt fines hominum re-

creatorum.

Truncus est habitus plurimum tætuum.

Brancha sunt duæ, scilicet natura diuina, & natura humana.


Rami sunt spes, pietas, aduocatio, &c.

Folia sunt nouem accidentia generalia.

Flores sunt actus dignitatum Domina nostra.

Fructus est Dominus Iesus Christus.

De Arbore

*De Arbore maternali.**De Radicibus arboris maternalis.*

Hanc arborem attribuimus
 Dominae nostrae sanctae Ma-
 riae matri iustorum & pec-
 catorum, idcirco eam appellamus ar-
 borem maternalem. Et ipsam diuidi-
 mus in septem partes, sicut alias ar-
 bores.

Radices arboris maternalis sunt
 plures, inter quas sunt fines ho-
 minum recreatorum, qui perdiri erant
 ratione peccati originalis, qui erant re-
 stauraturi per mortem Iesu Christi, per
 quam originale peccatum fuit con-
 summatum, vt supra, in arbore
 apostolicali dictum est. Adam & eius
 sequaces

sequaces creati sunt ad gloriam, & propter originale peccatum ab illa gloria fuerunt deuiati: sed filio Dei placuit humanam carnem assumere, & fuit filius Deus homo Dominae nostrae, ut Adam & suos consequentes restitueret ad finem, ad quem eos creauit. Idcirco Domina nostra Mater est finis illorum. Mater est in quantum materia, quoniam filius Dei ex ipsa carnem humanam assumpsit, ut primorum hominum fines in primo statu restitueret. Idcirco Domina nostra est mater finis Adam, Noë, Abraham, Isaac, Iacob, Moyses, beati Petri & Pauli etiam omnium mundatorum ab originali peccato, per Dominum nostrum Iesum Christum Filium suum. Finis hominis est recolere, intelligere, & amare, Deum honorare, laudare, benedicere, & ei seruire, & in illo habere gloriam æternam. Est ergo finis hominis valde magnus in bonitate, magnitudine, & in aliis formis primis. Et quia plures homines sunt recreati, est Domina nostra Mater plurium finium, qui sunt radices suae maternitatis. Et in qualibet radice hominis est Domina nostra Mater plurium finium: sicut est in radice Adam, in quo sunt plures fines partiales: sicut finis suae bonitatis & finis suae magnitudinis, & sic de aliis finibus corporalibus & spiritualibus. Est ergo magna maternitas Dominae nostrae, postquam fines sint tot & tanti in tot & tantis hominibus, quare talis mater ita nobis & ita magna digna est, quod diligatur, recolatur, laudetur, intelligatur, honoretur, & ei seruiatur. Secundum quod dictum est in pluribus locis, homo est finis omnium rerum corporalium, quarum finis perditus fuit per peccatum originale, & eius perditio fuit in deuatione finis hominum. Et quia finis hominum ad pri-

um statum rediit per recreationem factam per filium Dominae nostrae redierunt fines corporum caelestium, & omnium elementorum, & elementatorum, per illam recreationem ad finem, quare creati fuerunt. Est ergo Domina nostra Mater omnium finium illorum: quoniam si ipsa non esset, nullus finium illorum rediisset, nec rediret ad primum statum, & Sol & Luna, stellae, & ignis, & alia elementa, pomerium, & aliae plantae, ferrum, & alia metalla, equus, & alia animalia seruirent homini frustra, in quantum homo foret peccator, & suo Creatori inobediens. Idcirco fines illorum perditifuerant, qui sunt, ut seruiant homini iusto, amico, & seruitori Dei. Sed quia Domina nostra est Mater recreationis materialiter, est Mater omnium illorum finium, qui sunt ad seruendum homini. Est ergo Domina nostra mater magnae maternitatis, secundum quod fines sunt plures & magnae necessitatis, utilitatis & virtutis.

De Trunco Arboris maternalis.

TRUNCUS arboris maternalis est maternitas radicum, ut dictum est. Et est truncus constitutus ex pluribus, in quantum est habitus generalis, ratione cuius omnes fines corporales redire possunt ad primum statum. Idcirco cum Domina nostra ab aliquo fine particulari tãgitur truncus qui vniuersalis est, respondet illi tactui particulari, sicut totum quod respondet suis partibus. Est ergo truncus habitus plurium tactuum, & responsum, quae sunt naturales secundum naturam tactuum: sicut Martinus qui ut filius spei tangit Dominam nostrã, respondet ei Domina nostra, ut mater spei, Et si ipsam tangat cum pietate, respon-

respondet ei Domina nostra, vt mater pietatis, & sic de aliis formis. Quare ratione naturæ tactuum & responſionum peccatores inueniunt in Domina nostra in ſuis neceſſitatibus iuuamina & reſtaurationes. Huiusmodi namque truncus qui tantum generalis eſt ad tantos & tot tactus, & qui inconſtanti ad omnes cum complemento reſpondet, valde chare teneri debet & deberet, ipſum diligendo, recolendo, intelligendo, honorando, & ei ſeruiendo. Eſt etiam magis generalis in magnitudine bonitatis, poteſtatis, & virtutum, quam ſplendor ſolis, vel calor ignis: quoniam neque ſol, neque ignis, reſpondet tactui, ſpei, & pietatis, charitatis, miſericordiæ, & veniæ, quibus reſpondet maternitas Domine noſtræ. Et propter hoc Chriſtiani malefaciunt, qui nobilitatem talis trunci non oſtendunt infidelibus, qui in Domina noſtra ſpem non habent nec cognitionem de ſua bonitate, immò negant & vilipendunt & diſcredunt virtutem excellentem & nobilitatem, in quibus ipſam Deus poſuit vt mater omnium corporalium creaturarum, in quantum ſuus filius cum ipſa omnes corporales creaturas (vt dictum eſt) ſua benignitate recreauit.

De Branchis arboris maternalis.

BRANCHÆ arboris maternalis ſunt duæ, videlicet natura diuina Ieſu Chriſti, & natura humana. Et Domina noſtra mater eſt illarum brancharum in quantum exierunt in filiatione quæ in ipſa facta fuit ex ambabus prædictis naturis, quæ ſiquidem filiatione eſt Filius Deus homo, qui eſt Filius Deus per Deitatem, & Filius homo per humanitatem: & quia ambæ filiationes coniunctæ

ſunt in vno Filio, maternitas Domine noſtræ attingit ambas branchas natas ex ipſa, in hoc quod vnus Filius Deus homo ex ipſa natus eſt. Exijt de Domina noſtra brâncha humana cum brâncha diuina, quæ ipſam generauit ex carne & ſanguine Domine noſtræ, & ipſam generauit cum conceptione Domine noſtræ, quæ generationi cōſentiit. Idcirco Domina noſtra mater eſt in incarnatione materialiter quantum ad corpus Domini noſtri Ieſu Chriſti, quæ materia fuit corporalis, & formaliter fuit mater, in quantum dilexit & credidit conceptionem, & ita fuit mater corporaliter & ſpecialiter, & materialiter, & formaliter. Fuit etiam mater per formam ſuperiorem diuinam, quæ mouit ſuam conceptionem ſpiritualem & materiam corporalem ad filiationem. Exiuerunt ergo branchæ ex Domina noſtra in magna filiatione magnæ maternitatis, & ita magnæ in magnitudine bonitatis, durationis, poteſtatis, ſapientiæ, voluntatis, virtutis, & veritatis, quæ non poteſt nec potuit eſſe maior per Deitatem in humanitate, nec per humanitatem in Deitate, nec per creatorem in creatura. Idcirco magnitudo brancharum correſpōdet magnitudini maternitatis, & magnitudo maternitatis eis correſpondet intantum quod reſponſio maior eſſe non poteſt. Magnæ arbores magnas habent branchas, & ſecundum quod branchæ ſunt magnæ, vmbre quas faciunt, ſunt magnæ: in quibus ſe obumbrant homines quando ſit magnus calor. Obumbrant ſe ergo homines quotquot nati ſunt & naſcentur, qui ſunt in ſtatu ſalutis, ſub branchis maternitatis in quantum defenduntur à pœna, quæ cecidit in humana ſpecie ratione originalis peccati. Sit ergo truncus laudatus,

& benedictus, à quo ita magnæ branchæ exeunt, sub quarum vmbra tot & tanti homines quiescunt.

De Ramis arboris maternalis.

Misericordia, spes, pietas, aduocatio, humilitas, & virginitas, sunt rami arboris maternalis. Misericordia ramus est arboris maternalis, in quantum peccatores misericordiam inveniunt per Dominam nostram in suo filio qui peccata remittit: quia Domina nostra mater est misericordiæ, in quantum suus Filius Deus homo est misericordia. Vnde in quantum est magna misericordia filij, & maternitas misericordiæ, satisfacit misericordia magnæ veniæ, gratiæ, & doni illis, qui misericordiam quærunt. Domina nostra est refugium peccatorum, & illorum, qui indigent habere virtutes & bona temporalia, & qui sunt in tribulationibus, & periculis, & est refugium illorum, in quantum habent in seipsa spem, quod ipsos in necessitatibus suis iuuet: sicut homo peccator qui est in peccato luxuriæ aut auaritiæ, aut in alio peccato, qui habet spem in Domina nostra, quod eum iuuet ad habendum castitatem, charitatem, aut aliam virtutem, quam desiderat. Idcirco spes quam Domina nostra habet in suo filio, vt det peccatoribus hoc, quod ab ipso petunt, spei peccatorum respondet, & ita sibi inuicem ambæ spes respondent cum concordantia magnitudinis, bonitatis, virtutis, & charitatis, ratione cuius responsionis nullus fatigare se debet de Domina nostra, ex quo in ipsa est spes: quoniam si se fatigaret, fatigaret se Domina nostra in suo filio cum magnitudine spei, quod est impossibile: & idem de aliis, qui pauperes sunt in

bonis temporalibus, qui spem habent in Domina nostra, vt eos iuuet ad viuendum, vt suo filio, & sibi seruire possint. Etiam bona fœmina, quæ filium suum habet infirmum spem habet in Domina nostra, quod ipsum curet. Item marinarius, qui est in mari in periculo mortis, habet spem in Domina nostra, vt ad bonum portum venire possit. Pietas quam Domina nostra habet de peccatoribus, est vnus ramus arboris, & est magnus ramus: magnus est, in quantum habet magnam pietatem. Cum ita sit, quod omnia opera Dominae nostræ sint magna in magnitudine bonitatis, sapientiæ, voluntatis, virtutis, & veritatis. Est etiam magnus ramus propter magnam necessitatem hominum, de quibus Domina nostra pietatem habet, & qui quærunt à Domina nostra auxiliũ per pietatem, & qui propter amorem ipsius pietatem habent, & sic ambæ pietates sibi inuicem correspondent, videlicet pietas Dominae nostræ, & pietas hominum, ratione cuius responsionis peccatores attingunt per Dominam nostram hoc, quod desiderant. Item Angeli computant lachrymas quas faciunt homines tunc, cum rogant Dominam nostram, quod de ipsis habeat pietatem. Aduocatio est ramus huius arboris, videlicet aduocatio quam Domina nostra facit pro peccatoribus, cum ipsos punire vult iustitia filij sui, & Domina nostra aduocat cum misericordia, spe, & pietate, & cum amore, quem habet in filio suo, & quem habet ad peccatores, & cum amore, quem illi habent ad illam, & ad suum filium, etiam cum contritione, quam habent de eorum peccatis, & cum confessione, quam faciunt, etiam cum satisfactione, quam promittunt, & cum pluribus aliis formis format Domina nostra suam aduocatio-

uocationem, & libellum, quem dat filio suo pro peccatoribus. Et iustitia filij se defendit accusando peccatores de magnis peccatis, quæ fecerunt contra Deitatem, quæ ipsos creauit, quæ fecerunt etiam contra humanitatem, quæ ipsos recreauit. Etiam secundum naturam iustitiæ, & iudicij: quoniam sic est naturale iustitiæ iudicare: sicut naturale est intellectui intelligere, & igni calefacere, & soli lucere. Sed quoniam filius homo, & Domina nostra sunt ad vnam partem aduocationis, iustitia Filij Dei ad preces filij hominis & suæ matris se defendere non potest. Est ergo bona aduocata talis, quæ dicit aduocando, quod ita naturale est misericordiæ misereri: sicut est iustitiæ iudicare, & punire, etiam plus in quantum per misericordiam sequitur magnitudo bonitatis in gloriando poenitentes saluatos, & per iustitiam in puniendo sequitur magnitudo poenæ in damnatis. Etiam Domina nostra dicit & allegat, quod contradicere non potest iustitia contra suam similitudinem, quæ est poenitentia iusta, quam peccatores habent cum contritione, confessione, satisfactione, & cum spe aduocationis suæ. Humilitas & virginitas sunt rami arboris maternalis, videlicet humilitas Dominae nostræ est ramus, in quantum est exemplum ad plures humilitates. Et est ramus suæ virginitas, in quantum exemplum est ad plures virginitates: quoniam plures homines, & plures foeminae quia Domina nostra humilis fuit & virgo, habere volunt humilitatem, & virginitatem: sicut sunt homines, & foeminae, qui diligunt religionem, vt habere possint habitum humilitatis in verbis, & in suis vestimentis, lectis, ædificijs, & cibarijs. Et idem est de virginitate, cuius habitum in religione conseruât.

De Folijs arboris maternalis.

FOLIA arboris maternalis nouem accidentia generalia appellamus. Et primo de quantitate dicemus: quæ quidem quantitas respondet magnitudini bonitatis arboris maternalis: quoniam magnitudo bonitatis arboris maternalis extensa est cum quantitate in tantum: sicut est bonitas arboris, quæ quanta est per quantitatem. Vnde cum magnitudo se tantum extendat in bonitate, quod maternitas arboris melior est quam aliqua alia maternitas, vel quam omnes alia maternitates. Est ergo magna quantitas in bonitate supra omnes quantitates aliarum maternitatum: quoniam nulla alia maternitas filiationem habet, de qua sit Deus filius & homo: sed solummodo maternitas Dominae nostræ. Etiam est quantitas maternitatis maior in bonitate quam omnes quantitates aliarum maternitatum, cum ita sit, quod omnes homines recreati & saluati sint filij Dominae nostræ per recreationem: ratione cuius filiationis, & maternitatis æternaliter gloriemur. Quæ quidem gloria est in ita magna quantitate durationis, quod non habet finem. Idcirco magnitudo bonitatis, potestatis, &c. quam habet quantitas continua & discreta, quæ est huius arboris maternalis ab aliquo viuentis dici non posset nec scribi.

De Qualitatibus arboris maternalis.

Bonitas acquisita & data est qualitas maternitatis, & hoc est de magnitudine bonitatis, & de bonitate magnitudinis: & sic de alijs qualitatibus arboris. Sicut virtus maternitatis

quæ est ita magna sicut bonitas arboris, & quæ extensa est per omnes qualitates arboris. Et quamlibet istarum qualitatum arboris appropriaui Deus maternitati cum tanta magnitudine virtutis & bonitatis, quod ipsas facit matres per recreationem omnibus bonitatibus, & virtuosis qualitatibus hominum recreatorum, & saluatorum: sicut bonitas Sancti Petri & sua virtus, quæ sunt qualitates acquisitæ, & per gratiam Dei datæ, quæ sunt folia per recreationem qualitatum acquisitarum, & datarum ex arbore maternali. Et ideo correspondent qualitates arboris maternalis qualitatibus hominum saluatorum: sicut qualitates generales, quæ respondent qualitatibus specialibus: sicut bonitas Domine nostræ quæ generalis est ad bonitates hominum saluatorum. Et in hoc passu cognoscitur, quod Domina nostra digna est omni laude, & quod multum laudetur, & ei seruiatur per suum populum, cum ita sit, quod ipsa sit ita bona, ita magna, & ita completa omnibus complementis quod ad eam spectat complere omnia complementa, quæ requirunt qualitates hominum saluatorum, recreatorum.

De Relationibus arboris maternalis.

Mater & filius relatiuè se habent in creaturis: quoniam si mater est, oportet quod sit filius, & si sit filius creatus, oportet quod sit mater, sed extra creaturas potest esse filius quamuis mater non sit, sicut filius Dei matrem non habet, in quantum est Deus, & ponit se in relatione cum matre, in quantum est filius homo, quæ siquidem filiatio & maternitas sub in-

uicem respondent ita bene, magnificè, & vitiosè, sicut sibi inuicem respondent relatiuè. Est ergo responsio relationis in ita alto gradu, quod nullus alius gradus relationis potest esse ita magnus in bonitate, potestate, gloria, virtute, amore, & veritate existente gradu relationis creatæ & increatæ: Est alius gradus relationis, quæ est inter creaturam & creaturam in maiori magnitudine bonitatis quam aliquis alius gradus creatus: sicut relatio quæ est inter Dominam nostram & filium suum hominem, qui est maior in bonitate quam omnes creaturæ: quoniam omnes creaturæ sunt propter ipsum, qui est finis & complementum omnium. Est ergo relatio ipsius & Domine nostræ supra omnes relationes creatas: sicut filius melior est quam alius filius creatus, etiam quam omnes filij creati. Vnde sequitur, quod mater sit maior postquam maiorem habet filium quam omnes aliæ matres. Et sicut suus filius est finis & complementum omnium filiorum creatorum, ita mater sua est finis & complementum omnium matrum creatarum.

De Actione & Passione arboris maternalis.

Domina nostra habet actionem supra demones, quoniam nullus eorum nocere potest filiis suis, qui sunt filij ipsius per spem, quam habent in ipsa: & sunt ipsius filij per charitatem, in quantum ipsam diligunt: etiam sunt filij sui per custodiam, quoniam ipsos custodit & defendit, sicut bonus pastor & fortis, qui custodit suas oues & defendit. Vnde cum potestas demonum sit magna, quam habent in faciendo malum, est ergo magna actio, quam Domina nostra habet in demonibus

nibus supra passionem, quam habent inquantum facere non possunt aliquam rem contra potestatem Domine nostrę, nec etiam contra eius voluntatem. Est etiam vna alia actio, quam Domina nostra habet, quę est magis supra, & in maiori magnitudine bonitatis, quoniam habet actionem in voluntate filij sui, qui est Deus homo, qui fortior est quam omnes Angeli, & quam omnes homines: vnde sicut in bonitate passio est magna, oportet quod magna sit in bonitate actio quam habet Domina nostra in voluntate filij sui, qui vult omne illud, quod Domina nostra vult: quoniam si Domina nostra saluationem vult alicuius hominis, aut sanitatę, aut virtutem, suus filius vult, & sic factum est, sicut Domina nostra vult siue petit: quoniam suus filius in omnibus ei obedit, & eius voluntatem facit, vt ei correspondeat in amore naturali, qui est inter filium & matrem, & maxime inter maiorem filium & maiorem matrem.

De Habitu arboris maternalis.

Domina nostra habet memoriam, intellectum & voluntatem: per memoriam in habitu habet recolere, & per intellectum intelligere, & per voluntatem amare. In habitu habet recolere, vt peccatores recolat, qui ipsam recolunt in suis necessitatibus, tribulationibus, & timoribus, & qui ipsam clamant, quod ipsos iuuat: quoniam si ipsa ipsos non iuuat, mortui sunt & perdit, & in pluribus verēcundiis positi. Quare sicut sol habet in habitu, quod illuminet terram, quam circuit secundum dispositionem sui motus, ita & multo melius cum ita sit, quod Domina nostra maior sit in bonitate quam sol, & plus habeat de virtute,

habet in habitu ad recolendum, cum tacta sit cum recolere hominis peccatoris, qui ipsam in suis necessitatibus recolit, & qui ab ea iuuamen quęrit: sicut ignis qui habet in habitu calefacere hominem, qui sibi appropinquat, quia frigidus est. Et si ignis qui non habet ita magnum habitum in calefaciendo sicut Domina nostra habet in recolendo, cum ita sit, quod memoria est nobilior habitus & altior quam calor, ita fortiter calefacit elementatum, quod ei appropinquatur, quantomagis ergo Domina nostra in habitu habet ad recolendum peccatorem qui sibi cum pœnitentia, spe & recolere appropinquatur. Et quod dictum est de habitu memorię, est dicendum suo modo de intellectu & voluntate.

De Assituatione arboris maternalis.

Domina nostra est in cœlo empyreo coram filio suo Domino Iesu Christo, & propinquior est suo filio quam aliqua alia creatura, & sub ipsa sunt Angeli & homines stantes per ordinem, quilibet iuxta alium, qui cantando ipsam laudant & benediciunt, & ei reuerentiam faciunt & honorem, cuius corpus gloriosum in maiori splendore assitutum est quam Sol, cuius etiam caput virginitate & maiori sanctitate coronatum est quam aliquod aliud caput capite filij sui excepto. Est ergo assituatio gloriosi corporis Domine nostrę valde pulchra & formosa ad viuendum & multum amabile, quod videatur. Est etiam alia assituatio Domine nostrę, quę est spiritualis, sicut sua memoria in bono recolere assituata, & eius intellectus in bono intelligere, & sua voluntas in bono amare. Et secundum quod ob-

iecta quæ Domina nostra accipit recolendo, intelligendo, & amando, sunt in magnitudine bonitatis assituata, recolere, intelligere, & amare ipsius sunt in magnitudine bonitatis assituata, est ergo magna assituatio quam Domina nostra habet in recolendo filium suum Deum & hominem, & peccatores qui ipsam reclamant, & illos qui ponunt suam bonitatem, nobilitatem & charitatem in eorum recolere, intelligere, & amare.

De Tempore arboris maternalis.

A Principio mundi usquequo filius Dei fuit incarnatus & crucifixus, nullus homo fuit, qui paradysum intraret. Expectabant ergo Prophetæ & Sancti, qui erant in inferno, tempus, in quo Domina nostra nascitura erat, & etiam tempus in quo filius suus foret incarnatus, ut fructus beatorum in illo tempore colligerentur, sicut colliguntur fructus plantarum in æstate. Quare illud tempus fuit valde nobile, & ita centrum & finis omnium aliorum: sicut punctus in medio loco circuli, ad quem se habet unio & aggregatio plurium linearum. Præterea ad illud tempus se habuerunt omnia alia tempora corporum cælestium & terrestrium, & eorum motus, ut essent re-creata, quia omnia hominibus Deo inobedientibus seruierunt, in quorum seruitio finem seruitij non attinxerunt, nec finem, propter quem creata fuerunt, quem finem perdiderunt propter originale peccatum. Fuit ergo tempus in quo Domina nostra nascebatur in valde magna exaltatione, & in magnitudine bonitatis, & in magna desiderabilitate sanctorum & utilitate illorum & in magna amabilitate corporum cælestium & terrestrium.

De Loco arboris maternalis.

Domina nostra est in paradiso & mater in filio Deo homine, in qua Deus homo est filius, ita quod mater est mater per filium, & filius est filius per matrem. Et idem suomodo de peccatoribus, qui in Domina nostra habent spem, qui sunt filij spei in quantum sunt, filij Domine nostræ in spe, in qua sunt. Et hoc est magnū mirabile, quod sint filij spei, & quod sint in spe, & quod per spem sint filij Domine nostræ, in qua sint cum spe: veruntamen secundū magnū localitatē maternitatis magnum mirabile non est: quoniam sicut firmamentum in se plura continet ratione suæ magnæ quantitatis & localitatis, ita Domina nostra in se continet plures spes peccatorum, cum quibus peccatores sunt in illa collocati & obumbrati: ita sicut pulli sub alis gallinæ matris illorum in suo calore calefactorum significantium calefactionem hominum peccatorum, quam habent in amando Dominam nostram. Qui siquidem peccatores calefacti sunt per amorem Domine nostræ, quæ ipsos spe induit & inuitat ad locum beatum, in quo stat, in quo æuiternaliter collocentur:

De Floribus arboris maternalis.



Flores arboris maternalis sunt actus dignitatum Domine nostræ, cum quibus fructus colligitur, sicut bonificare quod est actus bonitatis Domine nostræ, & magnificare, quod est actus suæ magnitudinis, & perseverare, bonificare, & magnificare, quod est actus suæ durationis, in quantum durare facit suum bonum & magnum recolere, intelligere, & amare.

amare, bonificare, & magnificare. Et idem est de actu potestatis, quod est possificare, cum quo possificatur bonum & magnum recolare, intelligere, & amare. Et idem est de actu virtutis, ratione cuius recolare, intelligere, & amare Dominae nostrae sunt virtuosae. Et idem est de actu veritatis, qui est verificare, per quod sunt in veritate alij flores. Et idem est de actu gloriae, per quem sunt alij actus in gloria. Sicut plures voces secundum artem musicae aut soni corporum caelestium multiplicant unum tertium sonum communem & placentem ad audiendum: ita actus bonitatis, magnitudinis, durationis, potestatis, virtutis, veritatis, & gloriae tres flores multiplicant, quae sunt generales, qui sunt recolare, intelligere, & diligere Dominae nostrae, ut cum illis fructus magnus, & valde excellentes in bonitate, duratione, potestate, gloria, virtute, & veritate, colligere possit, sine qua excellentia & magnitudine florum non possent actus excellentes colligi. Recolare, intelligere, & diligere Dominae nostrae sunt flores sublimes, & alti, ita & multo melius quam flos lilij, stat altè in albedine, & odore, & sicut rosa in rubedine & odore, & flos sarnenti, qui ascendit supra florem cuiuslibet alterius arboris, cum quo participat, & flos aloë, qui superior est in utilitate, quam flos pruni. Et ita sunt alti flores Dominae nostrae: quod omnes flores hominum peccatorum qui in ipsa spem habent, obumbrati sunt sub umbris florum superiorum, qui de ipsis saporem, utilitatem, colorem, & odorem accipiunt. Ad quam umbram venire valeamus propter eius amorem.

De Fructu arboris maternalis.

IESVS Christus fructus est Dominae nostrae virginis, & matris gloriosae. Et sicut pomum fructus est qui colligitur in tempore caloris, ita Domina nostra suum fructum colligit cum amore, & illum colligit tempore misericordiae, videlicet cum suus Filius Dominus Iesus Christus remittit peccatam peccatoris propter amorem ipsius. Et sicut pomum colligitur ad dandum saporem, & odorem, & rosa ad dandum placentem colorem, ita Domina nostra suum fructum colligit cum placito recolendi, intelligendi, & amandi, quod habet in suo filio, & in suis operibus. Colligitur fructus Dominae nostrae ad dandum vitam hominibus, qui mortui erant propter peccatum originale, & in illo qui est fructus unitas ex natura divina, & humana, colligit Domina nostra fructus peccatorum qui in illa spem habent, qui siquidem fructus sunt fines, de quibus dictum est in radicibus huius arboris, & peccatores colligunt spes, contritiones, lachrymas, suspiria, fletus, & amores, ut fructus Dominae nostrae colligere possunt, & ad suam gloriam venire. Domina nostra suum fructum colligit in natiuitate cum virginitate: quoniam virgo ipsum concepit, & colligit ipsum cum paupertate: quoniam cum humilitate ipsum concepit, & ipsum colligit sine aliqua passione, quia ipsum concepit sine aliqua corruptione, & colligit in suo filio homine filium Deum, qui suus Pater est & Filius, Pater suus est per creationem, & suus Filius per incarnationem, huiusmodi Filium ita collectum Domina nostra colligit cum gratia sancti Spiritus, & cum

cum bonificare, magnificare, possifi-
care, gloriari, & verificare sui recolere,
intelligere, & amare.

De Arbore Iesu Christi.

S V M M A R I V M.



ARBOR Christianalis ver-
satur circa Dominum Iesum
Christum. Et diuiditur vt
alia arbores in septem partes, vide-

licet in radices, truncum, branchas,
ramos, folia, flores, & fructus.

Radices sunt principia generalia
diuina, & humana.

Truncus est Iesus Christus.

Brancha sunt dua, scilicet natura
diuina, & humana.

Rami sunt respectus quos habent
ambae natura.

Folia sunt accidentia Iesu Christi.

Flores sunt actus radicum.

Fructus est recreatio, &c.

De Arbore

*De Arbore Christianali.*

HÆc arbor diuiditur in septem partes, quæ sunt radices, truncus, branchæ, rami, folia, flores, & fructus: & est arbor duplex, vna pars est de creatura, alia vero de creatore. Et est arbor in qua creator participat cum omnibus creaturis in quantum ambæ naturæ vnitæ sunt in vnitæte vnius personæ.

De Radicibus arboris Iesu Christi.

DVæ naturæ sunt ex radicibus in hac arbore: quædam radices sunt ex parte naturæ humanæ, cæteræ vero ex parte Diuinæ naturæ. Radices quæ sunt ex parte humanæ naturæ, sunt humanæ bonitas naturalis, et extrinsecus naturalis, vegetalis, sensualis, imaginabilis, & rationalis, vt dictum est in arboribus naturalibus & primis. Et hæc bonitas

humana Domini Iesu Christi est unita cum sua bonitate diuina, in tantum quod Dominus Iesus Christus bonus est per ambas bonitates. Est homo bonus per bonitatem humanam, & est Deus bonus per bonitatem diuinam. Et est homo bonus Deus per diuinam bonitatem, & bonus Deus est bonus homo per humanam bonitatem, in tantum quod duæ sunt bonitates, videlicet bonitas humana, & bonitas diuina, & ambæ naturæ, videlicet natura diuina & natura humana sunt bonæ per quamlibet bonitatem. Et quia vna bonitas transit in aliam, est facta participatio ambarum bonitatum, ita & multo melius quam vinum limphatum, quod in citho participat cum aqua exeunte vino in aqua, & aqua in vino. Humana bonitas venit ad diuinam cum quinque naturis, quinque primarum arborum, & diuina bonitas venit ad humanam bonitatem in propria persona filiali diuina bonitate communi exeunte, ita Patri & Filio & Spiritui sancto, & multo melius sicut communis bonitas humana Domini Iesu Christi, quæ communis est quinque naturis arborum: & sicut communis bonitas quinque arborum venit spiritualis in homine spirituali, qui est Dominus Iesus Christus, ita diuina bonitas personalis quæ est Deus filius, propriè venit ad humanam bonitatem Domini Iesu Christi qui spiritualis est, & sic participant ambæ bonitates in vno indiuiduo, qui est Iesus Christus. Et quia humana natura spiritualis in Domino Iesu Christo participat cum communi, & filialis bonitas diuina communis est in natura cum bonitate paternali & spiritali, participat diuina natura cum humana Iesu Christi, & per illam cum omni reali natura creata. Et sicut exemplum

dedimus de humana bonitate & diuina, dari potest exemplum de humana magnitudine & diuina, & sic de cæteris radicibus arboris. Et in hoc passu cognoscitur modus incarnationis Filij Dei & participatio, quam Deus cum omnibus creaturis per incarnationem, quam probauimus in arbore Apostolicali, & quam iterum probare intendimus in hac arbore, in qua modum incarnationis tractamus, vt de illo cognitio habeatur. Humana bonitas Domini Iesu Christi venit ad diuinam bonitatem, in quantum diuina ipsam sibi attrahit, & suæ naturæ, ita & multo melius quam olea in oleastro inserta, quæ ad suam naturam trahit naturam oleastri, quæ venit. Et diuina bonitas venit ad humanam cum sua propria natura, quæ est supra cursum naturalem humanæ bonitatis, ita & multo melius quam natura oleæ, quæ est supra naturam oleastri, & sicut olea facit stare naturam oleastri in seipso, ita & multo melius diuina bonitas in se stare facit humanam bonitatem. Et in hoc passu modus cognoscitur, secundum quem humana natura Domini Iesu Christi in diuina natura sustentatur, & ambæ naturæ distinctæ remanent in vna persona, quæ est Dominus Iesus Christus.

De Trunco arboris Iesu Christi.



R VNCVS arboris Domini Iesu Christi duplex est, in quantum sunt duæ naturæ, & est vnus, in quantum naturæ sunt unitæ. Ita & multo melius quam denarius ex auro & argento, qui est ex duobus metallis, & est vna substantia composita ex ambobus, veruntamen exemplum non sufficit, quoniam denarius est in tercio numero, & truncus

in tertium numerum non transit: quoniam natura diuina semper remanet absque mutatione, augmentatione & diminutione: sed intantum exemplum sufficit, quod sicut denarius est vnus & ex pluribus naturis, ita Dominus Iesus Christus est vna substantia, & est ex pluribus naturis. Adhuc exemplum non sufficit: quoniam in denario aurum & argenteum intrant compositionem, sed diuina natura compositionem non intrat cum humana: quoniam, ita magna est eius simplicitas, quod in compositionem intrare non potest: quoniam si compositionem intraret, sua simplicitas magna non esset, & in tertium numerum transiret ex duabus naturis compositum. Ad denarium componendum naturaliter veniunt partes inuicem alie in aliis, sicut aurum fustum, & argentum fustum artificialiter, quorum partes naturaliter inuicem intrant alie in aliis, & vnā substantiam faciunt, quæ est vnus denarius artificialiter factus, ratione artificialis fusionis. Est ergo denarius per artificium, & non per naturam. Sed Dominus Iesus Christus est vnus ex duabus naturis per alium modum, vnus est ex duabus naturis, in quantum est ex natura humana & natura diuina, & natura diuina, & humana remanent distinctæ, & homo factus artificialiter ex Domina nostra, & ex anima rationali in natura diuina. Et quia factus est de natura corporali & anima rationali, est naturaliter homo. Et quia factus est homo in natura diuina, quæ ipsam humanam naturam assumpsit, de qua induta est: est factus artificialiter filius Domine nostræ. Et factus est supra cursum naturæ, & filius Dei factus est homo supra cursum naturæ. Et sic Dominus Iesus Christus est vna persona ex duabus naturis,

& est naturaliter vna persona, postquam est ex duabus naturis, & ex vna persona artificialiter, postquam incarnatio facta est artificialiter & supra cursum naturæ. Truncus est ex humana bonitate, magnitudine, duratione, & cæteris radicibus humanalibus: est etiam ex diuina bonitate, magnitudine, æternitate, & cæteris diuinis dignitatibus. Et quia radices hominis & dignitates Dei participant in vno trunco, qui est Deus homo vocatus Iesus Christus, cum tangitur truncus cum similitudinibus suarum naturarum, illi tactui respondet secundum suas naturas, cum ita sit, quod inter similitudinem, & similitudinem sit naturalis concordantia. Idcirco si Martinus bonus est, & bonum amare producit, cum quo diligit Dominum Iesum Christum, respondent bonitates Domini Iesu Christi, videlicet diuina bonitas, & humana bonitati Martini, & bonitati sui amare. Et hoc idem faciunt duæ voluntates, videlicet diuina, & humana, quæ diligunt Martinum & suum amare, & suam bonitatem, & bonitatem sui amare. Et idem est de aliis naturis & partibus trunci: sicut si Martinus tangit Dominum Iesum Christum cum suo recolere, intelligere, & amare, potestare, virtute, & sic de aliis, quare & multo melius quam si homo tangeret tympanum in vno loco, omnes partes illius responderent, ita naturæ, & partes Domini Iesu Christi tactui respondent, quem homines sibi faciunt rogando, contemplando, honorando, laudando, obediendo, & in administrando: est ergo talis tactus bonus, & est magnus, postquam magna est responsio. Si Martinus tangit truncum cum modico amare, & tangit illum, vt suum filium infirmum curret, cui portat magnum amorem, trun-

cus secundum quod tangitur à Martino, respondet: quoniam magnus amor Domini Iesu Christi, non respondet cum magno amare modico amare Martini, postquam tangitur cum modico amare, nec respondet magno amare, quod Martinus portat suo filio: quoniam iniuriosè tangitur, in quantum Martinus tangit cum minori amare maiorem bonitatem, & cum maiori amare minorem bonitatem. Et in hoc passu cognoscitur modus, ratione cuius homines qui rogant Dominum Iesum Christum inordinate, non exaudiuntur; & in suis petitionibus puniuntur, in quibus oportet quod sic per iustitiam puniantur: sicut exaudirentur, si bonum modum habuissent in rogando Dominum Iesum Christum. In pomo sunt quatuor elementa per vnum modum secundum concordantiam, & per alium secundum contrarietatem: secundum concordantiam: sicut ignis & aer, qui habent concordantiam in calore, & in quantum ignis suam dat similitudinem aëri, & aer appetitum habet ad accipiendum suam similitudinem, videlicet calorem ignis. Secundum contrarietatem sicut ignis, & aqua, qui contrariantur per calorem & frigiditatem: quoniam aqua similitudinem ignis accipere non vult: sed ei cum sua frigiditate quantum potest resistit. Iste talis modus contrarietatis qui est in pomo, in trunco non est: quoniam natura diuina & humana concordantiam habent, natura diuina se dante humanæ naturæ, ut Deus fiat homo, & homo fiat Deus, natura diuina accipiente humanam, ipsa natura diuina remanente hoc, quod est sine aliqua mutatione vel alteratione. Et in hoc passu cognoscitur, quod natura diuina non accipit aliquam alterationem vel mu-

rationem sui ipsius in coniunctione, quam facit cum humana: sicut ignis qui nullam accipit alterationem in constitutione, quam facit cum aëre per calorem, & aërem exaltat ad statum nobiliorem, in quantum ipsum induit suo calore cum concordantia; sicut humana natura, quæ exaltationem recipit, in quantum natura diuina est induta cum concordantia. Idcirco malefaciunt Saraceni, & Iudæi, qui negant incarnationem Filij Dei, dicentes, quod Deus alterationem acciperet in coniunctione & vnione, quam faceret cum homine; in quo sunt plures defectus naturales, qui homo vult Deus esse, ut sit cognitum, quod sua bonitas & complementum nullam infirmitatem vel alterationem per aliquam vnionem vel coniunctionem quam facit cum homine, recipere potest: quoniam sua æternitas ipsum durare facit immutabilem, & sine decremento, & decremento. In trunco natura diuina est principium; & humana natura principiata: quoniam Deus principiauit hominem ex Domina nostra, & ipsum principiauit in seipso, videlicet in sua Deitate, idcirco homo principiare non potest aliquid in Deo, postquā totus principiauit est, & principiauit de principio materiali in principio formali: quare homo per suā naturā nec per aliquā ei pertinētē substantialiter vel accidentaliter vilificare potest diuinam naturam, nec minorificare, nec maiorificare: in qua quidē natura diuina nihil principiare potest, multiplicare nec alterare, quamuis cū illa sit coniuncta. Et in hoc passu cognoscitur, quod cum Deus creauit mundam, in se nullam recepit mutationem, quoniam totum ipsum principiauit, quare mundus sterit totus ex nihilo principiauit, & fuit ex nihilo
princi

principiatus, ut esset totus principiatus: quoniam si esset æternus, non esset totus principiatus, & quoniam mūdus totus fuit principiatus, in Deo aliquid principiari non potest: quia si in illo principiari posset aliquid, totus principiatus non esset, nec Deus foret totum principium formale, & in aliqua parte foret principium materiale, quod est impossibile.

De Branchis arboris Iesu Christi.

DVÆ sunt branchę arboris Iesu Christi, videlicet natura diuina & humana. Et brancha humana est elementalıs, vegetalis, sensualis, imaginalis, & rationalis: cum ita sit, quod ipse sit ex istis quinque naturis, & ipsas in se continet, & per has naturas quę sunt suę partes sentiebat Iesus Christus in hac vita pręsenti obiecta sensibilia. Sentiebat per naturam elementalem, calorem, & frigiditatem: & per vegetalem appetitum habebat ad comedendum & bibendum: & per sensualem attingebat calorem, vocem, saporem, & odorem: per imaginalem species multiplicauit imaginando figuras substantiarum corporalium: & per rationalem recolebat, intelligebat, & amabat, & utebatur ratione. Idcirco erat verus homo, & utebatur conditionibus naturalibus naturaliter & virtuosę. Brancha Domina est filialis, æterna & infinita, & est bonitas, potestas, sapientia, voluntas, virtus, veritas, & gloria. Et ideo in hac pręsenti vita in qua erat Dominus Iesus Christus, brancha diuina utebatur miraculis supra cursum naturalem, nec habebat famem sitim, calorem, nec frigiditatem, & attingebat obiecta corporalia sine multiplicatione spe-

ciei, & sine potentiis sensualibus. In quantum vna brancha erat in alia, attingebat vna brancha obiecta secundum naturam illius: sicut brancha diuina, quę ratione coniunctionis cum humana attingebat famem, sitim, calorem, & frigiditatem, & eum oculis colorem videbat, & cum imaginatione species multiplicabat & similitudines substantiarum corporalium, & recolebat, intelligebat, & amabat sicut homo. Et hoc faciebat, quia diuina brancha erat, & est per humanā homo: sicut substantia alba quę est alba per calorem, & substantia quę est corpus per longum, latum, & profundum, & brancha humanalis ratione coniunctionis quam habebat & habet cum diuina, sine speciebus multiplicati obiecta corporalia realiter attingebat, ita quod non indigebat medio nec similitudinibus, nec habebat famem, nec sitim, calorem nec frigiditatem, nec ignorantiam alicuius rei, & erat & est immortalis. Et in hoc passu cognoscitur modus, quem Dominus Iesus Christus in hac vita habebat in suis operibus secundum naturas brancharum & coniunctionem illarum. Branchę huius arboris sunt magnę in bonitate, duratione, potestate, sapientia, voluntate, gloria, virtute, & veritate: quęlibet brancha est magna per seipsam, & brancha humana maior est in diuina quam in seipsa, & brancha diuina est maior in humana per humanā quam omnes branchę creatę, cum ita sit, quod brancha humana maior sit per diuinam quam omnes alię branchę creatę. Magnę sunt ergo ambę branchę, vnde cum branchę sint ita magnę, quos cogitare dicere vel scribere posset magnitudinem trunci, cuius sunt prędictę duę branchę. Differentia est inter duas branchas, quoniam

vna est natura diuina, & alia natura humana. Et quanto sunt maiores brachæ, tanto maior est differētia: & quāto maior est differentia, tanto maior est eorum concordantia, quam habent ambæ brachæ in essendo vna persona, vnus trūcus, vnus Iesus Christus. Sunt ergo branchæ magnæ in differentia & in concordantia, & ita magnæ, quod sicut concordantia est maior quam alia concordantia, quæ est inter creatorem & creaturam, ita oportet quod differentia sit maior inter brancham & brancham quam aliqua alia differentia, quæ sit inter creatorem & creaturam. Quam maiorem differentiam significat maior distinctio, quæ est inter vnā personam diuinā & aliam, & idem est de concordantia. Idcirco malè dicunt illi, qui dicunt, quod inter Patrem & Filium & Spiritum sanctum non est ita magna distinctio sicut inter Deum & equum: cum ita sit, quod inter diuinas personas sit maior concordantia quam inter Deum & equum, quæ maior concordantia esse non posset sine maiori distinctione personarum. Ambæ branchæ magnæ sunt in fine cum maiortate: in fine sunt magnæ cum maiortate, quoniam finis branchæ diuinæ, vt ita loquar, maior esse non potest, cum ita sit, quod ipsa sit infinita & æterna, & finis, & completum omnium creaturarum. Et finis branchæ humanæ est ita magnus, quod maior creatura esse non potest: quoniam omnes aliæ creaturæ creatæ sunt propter illam, & ipsa coniuncta est cum fine branchæ diuinæ.

De Ramis arboris Iesu Christi.



AM r arboris Domini Iesu Christi respectus sunt, quos habent ambæ naturæ: sicut

voluntas diuina & voluntas humana, quæ se respiciunt in amare: & intellectus diuinus & humanus qui se respiciunt in intelligere: & æternitas Dei & memoria Domini Iesu Christi quæ se respiciunt in recolere. Vnde cum ambæ naturæ sint ita magnæ, quis cogitare posset, dicere, vel scribere magnitudinem ramorum: quoniam voluntas humana tantum diligit voluntatem diuinā, quod omnes voluntates creatæ vnitæ essent in vna voluntate, illa voluntas tantum diligere non posset, sicut voluntas Domini Iesu Christi diligit diuinā voluntatem, quæ voluntas diuina tantum diligit humanā, quod ipsam plus diligere nō potest: est ergo ita magnum illud amare, quod diuina voluntas habet ad humanā, quod potestas diuina quæ est infinita, in illa est terminata, inquantū multiplicare non potest maius amare inter Deum & creaturam, in quo termino habet quietem, ita sicut voluntas cuiuslibet naturæ, quæ quietem habet in illo maiori amare. Et hæc eadem quies consistit in intelligere & recolere ambarum naturarum: idcirco male faciūt Saraceni & Iudæi, qui negant maiorem quietem, quæ potest esse inter Deum & creaturam per recolere, intelligere & amare. Respiciens natura humana diuinā naturam recolendo, intelligendo & amando, regriatur diuinæ excellentiæ, in quā ipsam assumpsit & posuit, & de illo excellenti & alto gradu, ita & multo melius: sicut homo qui de vno alto monte respiceret ad valles & planicies, respicit Dominus Iesus Christus in quantum homo peccatores, rogando patrem suum creatorem filium Deum & hominem, quod pietatem habeat de peccatoribus. Et in hoc fit in vna eadem persona, quæ est Dominus Iesus Christi

Christus. Oportet ergo quod preces exaudiantur ratione magnæ vnionis ambarum naturarum. Et iste passus est valde placens & delectabilis peccatoribus ad considerandum, qui altitudines Domini Iesu Christi de locis infirmis respiciunt, in quibus ceciderunt in peccato, & ex quibus surgunt respiciendo altitudines Domini Iesu Christi, & ramorum, ipsos ramos recolendo, intelligendo & amando plusquam aliquid aliud. In respectu intelligere, recolere & amare est ita magna concordantia, quod nulla contrarietas ibi esse potest, quæ contrarietas in illo esset respectu, si diuinâ natura humanâ nõ exaudiret de precibus, quas ei facit pro peccatoribus, quod eis remittat & quod eis det saluationem. Sed quia ambæ naturæ sunt in vna persona, est vnum iudicium, quod siquidem iudicium amatum est per naturam humanam, quæ amat totum hoc, quod diuina diligit, etiam voluntas humana plus diligit voluntatem diuinam quàm seipsam vel saluationem hominum peccatorum, ideo preces facit cum iustitia, cum qua sequitur misericordia naturæ diuinæ, quæ germana est iustitiæ, quæ iustitia suæ germanæ deficere non potest. Et iste passus est obiectum timoris & spei hominibus peccatoribus.

De Foliis arboris Iesu Christi.

Et primò de Quantitatibus.

ES V S Christus in quantum homo ornatus est & indutus accidentibus, sine quibus non esset homo: sicut de quantitate, quam habet secundum arborem elementalem, vegetalem, sensualem, imaginalem, & rationalem. Et quia natura diuina assumpsit humanâ, assum-

psit in illa quantitatem continuam & discretam, & in se remanet sine quantitate: sicut aqua quæ accipit de vino limphato colorem & saporem, & aqua in igne calorem, & homo virtutem in iustitia & prudentia, & sic de aliis similibus istis. Et sic participant infinitas & quantitas: infinitas in quantum natura diuina quæ est infinita, & in hoc quod vnum est suppositum, quod est truncus, habet infinitas in natura humana quantitatem continuam per omnes arbores, quæ sunt de conditionibus, naturæ humanæ. Et quia distinctæ sunt, est illa quantitas continua in quantitatibus discretis sustentata. Et sicut infinitas quantitatem habet in alia natura & non in seipsa, ita quantitas in alia natura est infinita, & in seipsa terminata remanet, sed hoc esse non posset sine coniunctione ambarum naturarum in vnitatem personæ.

De Qualitatibus Iesu Christi.

Qualitas duobus modis consideratur. Est enim qualitas propria, & qualitas appropriata. Propria est sicut Martinus qui bonus est naturaliter, in quantum creatura. Appropriata est sicut Martinus qui bonus est, quia iustus est, & sapiens, charitativus, & temperatus, & sic de aliis habitibus virtutum acquirarum: has qualitates appropriatas sibi ipsi natura diuina appropriat, in quantum naturam humanam assumpsit: sicut ignis qui sibi ipsi siccitatem terræ, in quantum se induit terra appropriat, quæ siquidem terra igni suam siccitatem appropriat: sic natura humana quæ diuinæ suas condiciones appropriat, & hoc facit, quia qualitates substantiales & diuinæ obuiant qualitatibus substantialibus & accidentalibus hominis in vnitatem trunci.

trunci. Et in hoc passu cognoscitur hoc, propter quid Dominus Iesus Christus in hoc mundo dilexit virtutes acquisitas, ut natura diuina in natura humana ipsas habere posset.

De Relationibus arboris Iesu Christi.

Natura diuina & natura humana Domini Iesu Christi distinctæ sunt realiter per essentiam. Et quia ambæ naturæ coniunctæ sunt & distinctæ in vno trunco, sequitur inde relatio: sicut si est Deus homo, oportet quod homo sit Deus, & si homo est Deus, oportet quod Deus sit homo. Et in hoc passu Saraceni cognoscere possunt, & etiam Iudæi eorum errores, qui incarnationem non credunt; quia opinantur, quod Christiani credant, quod Deus ita naturam humanam assumpsit, quod ipse Deus non remansit: sicut materia panis, quam homo comedit, quæ cum transubstantiata est in speciem carnis, formam panis & eius materiam dimittit, & stat induta de forma carnis, & est materia formæ illius, in quibus perditur relatio formæ & materiæ panis. Et idem dicunt, quod Christiani credunt, quod in passione Domini Iesu Christi natura diuina moriebatur, & quod Deus non remansit Deus, & moriebatnr homo, & non remansit homo. Sed in quantum Christiani credunt in relatione antedicta, Deus moriebatur in quantum homo, & in suo proprio esse remansit in quantum Deus, & mortuus fuit secundum naturam humanam, & homo remansit Deus, in quantum Deus remansit homo. Idcirco malefaciunt Christiani, qui non dicunt Saracenis relationem incarnationis, & modum, secundum quem credunt in

illa: quoniam si Saraceni sapientes modum scirent incarnationis, & relationis cognitionem haberent, supponerent incarnationem esse possibilem, quam modò supponunt esse impossibilem, quia de ipsa cognitionem non habent, & possibilitate supposita cum conditionibus, quas homo eis dare posset, & de incarnatione secundum processum huius libri, plures Saraceni se conuerterent ad fidem Christianam. Cum ita sit, quod plures sapientes Saraceni sint, qui non credunt in Machometum, quia secundum vitam quam ipse fecit, experientiam habent quod non fuit Propheta, nec homo virtuosus, nec verus.

De Actionibus, & Passionibus Iesu Christi.

IN Domino Iesu Christo est natura diuina actiua, & humana passiua, in quantum diuina natura humanam assumpsit, & illam in seipsa sustentat, etiam in seipsa factus fuit homo ex natura humana. Quæ siquidem natura humana actiones habet & passionem, quæ sunt de suis conditionibus: sicut actio, & passio corporis naturalis, & actiones illius secundum naturas arborum, etiam passionem illius, quam habuit in cruce, & actionem illius, quam similiter in cruce habuit tunc, cum vicit peccatum originale. Saraceni dicunt quod Christiani credunt, quod Deus passionem habuit in natura humana per famem, sitim calorem, & frigiditatem, & in cruce per mortem. Idcirco credere nolunt Saraceni sapientes, quod Deus sit homo. Et propter hoc Christiani malefaciunt, quia Saracenis sapientibus non ostendunt eorum credulitatem, in qua negant & negarent illas passionem, in quantum

quantum natura diuina, & illas passion-
nes affirmant, & affirmarent secun-
dum naturam humanam: sicut aqua
quæ passionem habet per calorem i-
gnis in pipere, & non habet passionem
per frigiditatem in cucurbita.

De Habitibus Iesu Christi.

DIuina natura accipiens humanam
naturam conditiones hominis
assumpsit, idcirco assumpsit habitus
ita, quod recolit vt homo sub habitu
memoriæ, & intelligit vt homo sub
habitu intellectus, & diligit vt homo
sub habitu voluntatis, & sic de habi-
tibus aliarum arborum, qui sunt de
conditione humana. Et in hoc pas-
su cognoscitur quod habitus Domini
Iesu Christi sunt magni & actus illo-
rum: quoniam Deus qui comprehen-
dit omnes creaturas sub habitu homi-
nis, vult omnes ipsas comprehendere
recolendo, intelligendo, & amando.
Et in hoc passu cognoscitur quod ma-
gnus est amor, quem Dominus Iesus
Christus habet ad populum suum, &
magna fuit passio, quam ipse sustinuit
in cruce: vnde sicut logicus acquirit
habitum logicæ per scientiam, ita Domi-
nus Iesus Christus in quantum homo
habet in memoria omnia in hoc, quod
Deitas sub habitu memoriæ creatæ,
recolere vult omnia quæ recolit, in
quantum est homo, & in quantum est
Deus. Et sic attingit, & comprehen-
dit Dominus Iesus omnes creaturas,
in quantum est Deus, & in quantum
est creaturâ.

De Assituatione Iesu Christi.

Natura diuina assituata est in hu-
mana: sicut ferrum cultelli in fi-
gura illius quæ non est de sua essentia:

sed est accidentalis figura assituata in
forma & in materia cultelli. Est ergo
Deitas in humanitate assituata, in quâ-
tum induta est ex illa, ita tamen quod
natura diuina non sit secundum con-
ditiones suas in aliqua figura assituata:
quoniam essentia infinita secundum
sui naturam habere non potest figu-
ram circularem, quadrangularem, ne-
que triangularem, cum ita sit, quod
oporteat omnem figuram esse finitam,
& in substantia corporali esse sustentatâ,
quæ ex illa figura induta est & termi-
nata. Et quia Saraceni modum incar-
nationis ignorant ratione assituatio-
nis quam credunt, quod Christiani
credant in incarnatione supponendo
incarnationem esse impossibilem, di-
centes, quod si Deus esset incarnatus,
oporteret quod diuina infinitas habe-
ret finitam figuram, ex qua tota indu-
ta esset, & in illa terminata circulariter,
quadrangulariter, & triangulariter. Et
sic implicat in incarnatione esse cōtra-
dictionem, videlicet quod Deus sit in-
finitus, & non infinitus. Et propter
hoc Christiani male faciunt, qui non
ostendunt Saracenis modum incarna-
tionis, quam credunt in incarnatione,
& in assituatione illius, dicendo eis
quod Deitas quæ est Deus Filius, assi-
tuata est in humanitate, non in quan-
tum est infinita: sed in quantum Filius
Deus est homo terminatus & finitus,
& sub certa figura assituatus, ex qua
ita est vestitus: sicut pomum colore, &
gustare sapore, cum homo comedit
pomum, tamen substantia pomi non
est de essentia coloris, nec gustare de
sapore, nec ferrum de figura cultelli:
quoniam si ferrum esset de figura
cultelli, ex ipso ferro clauus
fieri non valeret.

De Tempore arboris Iesu Christi.

IN Domino Iesu Christo æternitas & tempus participant: quoniam in hoc quod Filius Deus æternitas est, & in tempore factus est homo, participant æternitas, & tempus, non tamen quod æternitas sit in tempore, quoniam si esset in tempore, non esset hoc quod est, cum ita sit, quod æternitas sit ens sine principio & sine aliquo motu. Secundum in quantum Deus est homo, est æternitas in tempore: sicut Deus qui est homo in homine, & sicut aqua quæ calida est in calore ignis, & non per suam naturam: quoniam si aqua in olla calefacta, calida esset per suam naturam, sine igne in olla existente super aqua calida foret. Et hunc modum secundum, quem æternitas participat cum tempore in Domino Iesu Christo, Saraceni ignorant, nec est aliquis, qui eis ostendat. Vnde dicunt, quod si Deus sit incarnatus, quod sua æternitas peruersa est in temporalitatem: sicut si aqua frigida suam frigiditatem naturalem dimitteret, & habitum caloris susceperet.

De Loco arboris Iesu Christi.

Dominus Iesus Christus in quantum Deus est, in omni loco est, & in quantum est homo, est in cœlo empireo: ut dictum est supra in arbore apostolicali. Et in quantum Deus est homo, est Deus in vno loco per hominem, & non in alio loco, ubi non sit ille homo, & in quantum ille homo est Deus, est in omni loco per Deum, & hoc est secundum relationem, quam diximus in hac arbore, quam deinde ro quod Saraceni scirent: quoniam si ipsam scirent, minimè dicerent, quod Christiani credant, quod Deitas de cœlo recessit, & quod non esset in alio

loco, sed tantummodo in sancta Maria, cum incarnatus fuit. Nec etiam dicerent, nec crederent, quod Christiani credant, quod humanitas Christi sit in omni loco, in quantum homo si sit Deus, cum ita sit, quod Deus sit in omni loco, & istud leue est ad sciendum, secundum quod leue est scire relationem quam diximus. Et ideo male faciunt Christiani, quia non ostendunt Saracenis relationem, quam leuiter intelligere possent.

De Floribus arboris Iesu Christi.

Flores Domini Iesu Christi vocamus actus radicum, videlicet bonificare bonitatis, & magnificare magnitudinis, & sic de cæteris actibus, qui spectant ad conditiones Domini Iesu Christi. Qui siquidem actus sunt flores duplices: & quia vnum est bonificare diuinæ bonitatis, & aliud est bonificare humanæ bonitatis, & sic de aliis: & quia radices secundum earum diffinitiones, & naturas flores habent in ramis miscere volumus radices inuicem quasdam in aliis, siue cum aliis secundum naturas earum diffinitionum, ut maximas & conditiones ex ipsis faciamus, cum quibus flores intelligamus, & probationes de incarnatione Filij Dei ostendemus. Etiam artem & modum dabimus secundum quem applicari possunt radices ad probandum illa quæ quæri possent. Processus, quem tenere proponimus, est, videlicet quod vnam cameram faciamus de bonitate, & magnitudine, & aliam de bonitate, & æternitate, & sic per ordinem vsque ad cameram æqualitatis & minoritatis, iuuando tamen cameram cum illis radicibus cum quibus facere possemus maximam de camera per quam significabitur benedicta incarnatio Filij Dei.

De Bonitate, magnitudine & Incarnatione.

Bonitas est ratio bono quod agat bonum. Et si bonitas & magnitudo sint vnum idem numero, est bonitas ratio bono, quod agat magnum bonum. Sunt in Deo bonitas & magnitudo idem numero: est ergo bonitas ratio Deo, quod magnam creaturam, quæ sit bona, producat. Et ideo incarnatio filij Dei significatur, quæ producit bonam, & magnam creaturam, secundum quod bonitas est magna ratio illius productionis. Et si fiat quæstio, utrum Deus sit incarnatus in pluribus hominibus, respondendum est, ut infra in arbore quæstionali dicendum est.

De Bonitate, eternitate & Incarnatione.

Bonitas est ratio bono æterno, cum quo est idem numero, quod bonum æternum producat. Et æternitas est ratio bonitati, quod produciens vnus remaneat, alius vero productus. Et sic beata Dei Trinitas significatur, & etiam incarnatio filij Dei. Trinitas sancta significatur, ut dicemus in floribus arboris diuinalis. Incarnatio significatur, in quantum bonitas est ratio æterno, quod creaturam ita æternatam & bonificatam producat, quod ipsa creatura sit æterna, quæ ita sit conditionata conditionibus ipsius æterni, sicut ipse æternus de conditionibus creaturæ. Et in hoc passu necesse est, ut habeatur cognitio de relatione, de qua supra dictum est in hac arbore.

De Bonitate, potestate & Incarnatione.

Bonitas est ratio potenti, cum quo est idem numero, quod bonum possitum producat. Et idem est de bonitate ignis, quæ est ratio potestati ignis, quod bonum producat possitum, calefactum & elementarum, licet bonitas non sit vnum idem numero cum potestate ignis. Veruntamen ignis sub ratione bonitatis vtitur potestate, & producit hoc quod ratio exigit, videlicet instinctum & appetitum naturalem, intantum quod bonum elementatum & possitum producit, sicut sunt piper & cætera substantiæ elementaræ. Vnde si ignis sub ratione bonitatis producit, licet in eo bonitas & potestas vnum idem numero non sint, quanto magis diuina bonitas est ratio potestati diuinæ, cum qua est numero vnum idem, quod bonum magnum, potentem, possitum, creatum, æternatum, & deificatum producat, in quo filius Dei sit hominificatus.

De Bonitate, sapientia & Incarnatione.

Bonitas Dei est ratio suæ sapientiæ, cum qua numero est vnum idem, quod bonum creatum, magnum, durable & possitum intelligat, quod sapientia intelligit, ut sua ratio & ratio bonitatis, magnitudinis, æternitatis, & potestatis concordantiam habeant. Idcirco est significata incarnatio benedicta sine qua ratio sapientiæ rationi bonitatis, magnitudinis, æternitatis, & potestatis non responderet, & hoc esset malum.

*De Bonitate, voluntate &
Incarnatione.*

Bonitas Dei & eius voluntas sunt vnum idem numero, & bonitas est ratio voluntati, quod diligit productum creatum intantum, quantum ipsa potest esse ratio bono, quod magnum bonum, producat, & ita magnum sicut illud potest producere & sapientia intelligere. Idcirco significata est incarnatio, ut voluntas responderet rationi bonitatis in amando illam magnam productionem & bonam; & ita magnam, sicut sapientia illam intelligere potest.

*De Bonitate, virtute &
Incarnatione.*

Cum virtute bonitas est ratio bono virtuoso, quod bonum virtuosum creatum producat, & est ei ratio cum magnitudine potestatis, sapientiae, & voluntatis. Et si bonum virtuosum non produceret, productum bonum creatum & virtuosum secundum illas rationes, quas dat ei bonitas, faceret malum, & esset vitiosum. Idcirco est significata incarnatio esse vera.

*De Bonitate, veritate &
Incarnatione.*

Bonitas est ratio vero bono cum magnitudine durationis, potestatis, sapientiae, voluntatis, & virtutis, quod bonum verificatum producat in ita magna ratione veritatis, sicut bonitas est ratio veritati. Cum ita sit, quod diuina veritas ita magnam habeat concordantiam, sicut bonitas cum magnitudine, duratione, potestate, sapientia, voluntate, & veritate. Idcirco significata est incarnatio in re-

sponse, quam veritas fecit secundum suam rationem diuinæ bonitati.

De Bonitate, gloria & Incarnatione.

Gloria est bonitati, quod ipsa sit ratio bono glorioso, quod bonum gloriosum producat, & bonum est gloriae in producendo illud. Et in hoc passu significata est productio boni gloriosi; sicut causa quæ placitum habet in producendo bonum effectum gloriosum, secundum quod requirunt magnitudo, duratio, potestas, sapientia, voluntas, veritas, & virtus, duabus rationibus, quæ sunt ex gloria & bonitate.

*De Bonitate, differentia &
Incarnatione.*

Inter creatorem, & creaturam est differentia, & illa differentia est bona. Et sicut differentia requirit quod sit bona, ita requirit quod sit durabilis, magna & potens, & de magna & sapientia, voluntate, gloria, veritate, & virtute. Idcirco significata est in illa ratione incarnatio, ut sit responsio rationum, de quibus dictum est.

*De Bonitate, concordantia &
Incarnatione.*

Inter Deum & creaturam est concordantia, quæ bona est, & sicut concordantia requirit quod sit bona, ita requirit quod sit magna, durabilis & potens, & sic de sapientia, voluntate, virtute, gloria, veritate, & differentia. Quoniam si ipse non haberent ita magnum locum in concordantia sicut bonitas, idem sequeretur malitia & paruitas contra magnitudinem, & sic de

de aliis. Est ergo significata incarnatio per responsiones rationum æqualium in concordantia.

De Bonitate, contrarietate & Incarnatione.

Nulla contrarietas contradicere potest rationibus diuinæ bonitatis, cum ita sit, quod ipsa sit ratio bono, quod bonum creatum producat, cui est ratio, cum magnā concordantia magnitudinis, durationis, potestatis, sapientiae, voluntatis, virtutis, veritatis, gloriæ, & differentiae. Non potest ergo contrarietas contradicere rationi incarnationis, oportet ergo quod ratio incarnationis in ratione bonitatis remaneat, in qua ratione significatur sua probabilitas.

De Bonitate, principio & Incarnatione.

Bonitas est ratio bono, quod bonum principiat, & quoniam est ei ratio cum magnitudine, est ratio bono quod principiet magnum bonum. Et idem de duratione, potestate, sapientia, voluntate, virtute, veritate, gloria, differentia, & concordantia. Est ergo significata incarnatio esse principata, secundum quod bonitas est ratio cum aliis rationibus bono principio.

De Bonitate, medio & Incarnatione.

Bonus qui est creator est medium rationibus actiuis, ut producat rationes passiuas creatas, quarum productio bona est producente existente in tantum producente ratione magnitudinis magnum productum, quantum

bonum productum, & idem est de duratione, potestate, sapientia, voluntate, virtute, veritate, gloria, differentia, principio, & concordantia. Sed hoc esse non posset, nisi Deus esset incarnatus, iuuante tamen maiori fine rationis inter bonitatem & producentem, & productum creatum.

De Bonitate, fine & Incarnatione.

Bonitas est ratio bono, quod bonum creatum producat ratione finis, qui siquidem finis sit bonus, & ita magnus sicut bonus. Et idem de duratione, potestate, sapientia, & voluntate, virtute, gloria, & veritate, differentia, medio, principio, & concordantia. Est ergo significata incarnatio in magna ratione bonitatis & finis.

De Bonitate, maiori etate & Incarnatione.

Bonitas maiorem habet concordantiam cum magnitudine, quam cum paruitate: est ergo bonitas ratio bono, quod bonum creatum producat in maiori bonitate creata. Et illā eandem concordantiam habent, duratio, potestas, sapientia, voluntas, virtus, & veritas, gloria, differentia, finis, medium, & principium. Ratione cuius concordantiae significatur incarnatio.

De Bonitate, æqualitate & Incarnatione.

Bonitas æqualiter est ratio bono quod bonum creatum producat cum magnitudine durationis, potestatis, sapientiae, & voluntatis, virtutis, veritatis, gloriæ, differentiae, concordantiae, principij, medij, finis, & maioritatis: oportet ergo quod productus sit magnus, & æqualis bono, & durabilis.

& æqualis bono, & potens æqualis bono illo bono producto, æquali, magno, durabili, potenti, & sic de aliis. Et hoc in maiori æqualitate quæ possit esse inter rationes increatas & rationes creatas. Sed hoc esse non posset, si Deus non esset incarnatus.

De Bonitate, minoritate & Incarnatione.

Diuina bonitas est maior ratio cum maiori- tate bono, quod bonum creatum producat, quam cum minori- tate. Et hoc est, quia magnitudo maiorem habet concordantiam cum maiori- tate bonitatis quam cum minori- tate, & cum maiori- tate magnitudinis quam cum minori- tate, cum ita sit, quod paruitas & minoritas habeant concordantiam. Et idem de maiori- tate durationis, potestatis, sapientiæ, voluntatis, virtutis, veritatis, gloriæ, differentiæ, & concordantiæ, principij, medij, finis, & æqualitatis. Est ergo incarnatio significata & per maiorem concordantiam probata. Et si aliquis argumentum faciat quod mundus sit æternus secundum consequentiam proba- tionis, sit responsio, quod maior duratio creaturæ consistit per Deifica- tionem. Et quod mundus æternus non sit, supra in arbore apostolicali probatum est.

De Magnitudine, duratione & Incarnatione.

Magnitudo durationis est, quod natura diuina & humana remaneant hoc, quod sunt, & quælibet cum suis conditionibus, & quod insimul sint vnum suppositum, vnus Iesus Christus, est ergo incarnatio, vt magnitudo sit ratio durationi, & duratio magnitudini, secundum relationem creatoris & creaturæ.

De Magnitudine, potestate & Incarnatione.

Potestas est ratio magnitudini, quod possit esse & habere magna opera, & magnitudo est ratio potestati, quod possit esse magna per existentia & agentia. Et istæ rationes quæ conuer- tuntur, melius significantur in relatione conuer- sionis & creationis, si sit incar- natio. Et si non sit incarnatio, signifi- catur minus significatio conuer- sionis, & vna ratio deficit; alij in conuer- sione & relatione, quod est impossibile, per quam impossibilitatem consistit incarnationis probabilitas.

De Magnitudine, sapientia & incarnatione.

Magnitudo est ratio sapientiæ, quæ sciat magnā creationem, ita magnam, quod maiorem scire non possit: quoniam si maiorem scire posset, potestas maiorem haberet concordantiā cum sapientia quam magnitudo, quæ quidem magnitudo concordantiā cum paruitate sciendi haberet, & cum magnitudine potestatis, quæ concordantia est impossibilis. Est ergo magnitudo ratio sapientiæ diuinæ, quod sciat maiorem creaturam, quam scire potest, ratione cuius maioris creaturæ quam oportet sciri, oportet quod sit incarnatio, ratione cuius sit maior creatura, quoniam si non esset incarnatio frustra sciret sapientia possibilitatem maioris creaturæ.

De Magnitudine, voluntate & Incarnatione.

Diuina magnitudo est ratio diuinæ volū- tati, quod magnam crea- turam

turam diligat, & ita magnam quod maiorem diligere non potest, quoniā si maiorem diligere posset, & ipsam non diligeret, magnitudo non esset ratio voluntati, quod maiorem creaturam diligeret, & esset ei ratio paruitati, quæ siquidem ratio amabilis non est per voluntatem, nec possibilis per potestatem. Est ergo incarnatio, ratione cuius voluntas diligit ita magnam creaturam, quod maiorem diligere non potest.

De Magnitudine, virtute & Incarnatione.

Magnitudo est ratio virtuti, quod sit magna, & virtus magnitudini, quod sit virtuosa. Est ergo magnitudo virtus inter Deum & creaturam, si omnis creatura sit, ut sit incarnatio. Et si incarnatio non est, magnitudo non est ratio virtuti, quod sit magna ratio virtuti creaturæ. Est ergo incarnatio, ut sit responsio inter virtutem & magnitudinem, & inter creatorem & creaturam.

De Magnitudine, veritate & Incarnatione.

Si sit incarnatio, sequitur magna veritas creatoris in creatura, & de creatura in creatore, & ita magna quod maior esse non potest. Et si non sit incarnatio, magnitudo veritatis est in priuatione, & magnitudo & veritas deficiunt magnitudini & veritati creationis, quod est impossibile, ratione cuius impossibilitatis est probata incarnatio, cū ita sit, quod magna veritas sit, quod creator sit creatura, & creator sine contradictione, & secundum relationem quam diximus in foliis huius arboris.

De Magnitudine, gloria & Incarnatione.

Si sit incarnatio, est magna gloria creature: quoniam magna gloria est creaturæ, quod vnita sit cum creatore in vnitatem personæ, quæ sit creator, & creatura, & magna gloria est sanctis, qui creaturæ sunt, & qui sunt de naturis illius ita magnæ creaturæ cum creatore vnitæ. Et si non sit incarnatio, magnitudo gloriæ est in priuatione, & paruitas gloriæ est in esse, & sequitur quod magnitudo & gloria concordantiam habeant cum priuatione, & paruitas & gloria cum esse, quæ concordantia est impossibilis, ratione cuius impossibilitatis probata est incarnatio.

De Magnitudine, differentia, & Incarnatione.

Inter creatorem & creaturam est differentia, & si sit incarnatio, est magna differentia Dei & creaturæ: quoniam magna differentia est, quod duæ naturæ sint differentes, & quod vna sit persona, & etiam quod illa differentia maior sit in bonitate, duratione, potestate, sapientia, & voluntate, gloria, virtute, & veritate, concordantia, principio, medio, fine, & maiestate, quam aliqua alia differentia, quæ sit inter Deum, & creaturam. Et si non sit incarnatio, possibilitas magnæ differentie est in priuatione, quod est impossibile, ut diuina magnitudo maiori & nobiliori differentie quæ possit esse inter creatorem & creaturam, non deficiat.

De Magnitudine, concordantia & Incarnatione.

Si sit incarnatio, est magna concordantia inter creatorem & creaturam.

ram, & ita magna, quod maior esse non potest inter causam & causatum: quoniam magna concordantia est inter illos, inquantum sunt vna persona, & remanent distinctæ & concordantes ambæ naturæ. Et si non sit incarnatio magna concordantia creatoris & creaturæ est in priuatione quæ maior esse non potest: vnde sequitur, quod magnitudo rebellis est concordantiæ creatoris & creaturæ, & non contrarietati, quod est impossibile. Est ergo incarnatio.

De Magnitudine, principio & Incarnatione.

Magnitudo principij est, quod principiatum sit per principium non principiatum in tempore nec in quantitate, & quod principium principiatum sit vni suppositum cum principio non principiato in tempore, nec in quantitate, & quod illud principiatum sit principium omni enti creato secundum rationem finis. Et istud principium principiatum ita magnum in Deitate principiatum est per incarnationem si sit incarnatio. Et si incarnatio non est, deficit magnitudo magno principio principiato, & maiori principio, quod in tempore & in quantitate potest esse principiatum: quod est impossibile & contra magnitudinem maioris principiantis, & maioris principiabilis. Est ergo incarnatio.

De Magnitudine, medio & incarnatione.

Si sit incarnatio, est magna coniunctio principij & finis: quoniam magna coniunctio est in medio, in quo creator & creatura coniunguntur. Quod quidem medium inter princi-

pium & finem consistit, in quo sit influentia creatoris ad creaturam, & refluentia creaturæ ad creatorem, existente medio subiecto & vna persona. Et ut magnitudo sufficere possit ita magno medio, & ita magno subiecto, oportet ergo quod sit incarnatio.

De Magnitudine, fine & incarnatione.

Incarnatio est, ut sit magnus finis creaturæ: quoniam si sit incarnatio, est vna creatura posita in ita magna magnitudine finis, quod maior esse non potest, illa creatura existente coniuncta cum natura diuina, & cum illa in vnitatem personæ, finis est & complementum omnium creatorum. Qui siquidem finis & complementum non posset esse aliqua creatura, nisi vnitatem esset cum natura diuina & cum illa vna persona foret. Est ergo incarnatio, ut sit maior magnitudo finis in creatura. Et per hunc passum responderi potest ad obiectiones, quæ fieri possunt contra incarnationem singularem vnius personæ, & vnius trunci ex diuina natura & humana existentis, qui non posset esse, si Deus assumpsisset plures humanitates.

De Magnitudine, maiori & incarnatione.

Maior magnitudo creaturæ est, quod sit coniuncta cum creatori & vnita. Est ergo incarnatio, ut sit maior magnitudo creaturæ, & maior concordantia magnitudinis & maioritatis in vno supposito, quod sit creator & creatura. Et si non sit incarnatio, est maior magnitudo creaturæ disposita ad esse, & non est qui ipsam in actu producat. Et sic deficit magnitudo

tudo maioritati creaturæ, & se communicat minoritati creaturæ, quæ minoritas concordantiam habet cum paruitate creaturæ, quod est impossibile: est ergo incarnatio. Et si arguatur quod Deus paruas creaturas producit inquantum producit pomum, equum, & gruem, &c. respondendum est, quod Deus ipsas paruas creaturas producit ad seruitium & vsum magnarum, & magnas creaturas producit, quæ sunt homines ad seruitium maioris creaturæ, quæ est truncus huius arboris.

De Magnitudine, æqualitate & incarnatione.

SI sit incarnatio, magnitudo æqualitatis est inter bonitatem creatam & magnitudinem creatam, & sic de aliis formis, ex quibus est humana natura, quam Deus assumpsit. Et illa magnitudo æqualitatis magnificata est in magna æqualitate, quæ est inter diuinam bonitatem & diuinam magnitudinem, & sic de æternitate & ceteris diuinis dignitatibus. Est ergo incarnatio, vt sit magnificatio creaturæ æqualitatis in actu creato per filiū in creatum subiectum æqualitati bonitatis diuinæ magnitudinis, &c. Et si non sit incarnatio, est magnitudo rebellis suæ similitudini æqualitatis, quod est impossibile.

De Magnitudine, minoritate & incarnatione.

Minoritas secundum comparationē maioritatis est propriè non esse, & paruitas secundum comparationem magnitudinis similiter, idcirco diuina magnitudo quæ infinita est & æterna, maiorem concordantiam ha-

bet cum maioritate bonitatis creatæ, & magnitudinis creatæ, & idem est de duratione creatæ & aliis, quàm cum minoritate illarum. Est ergo incarnatio vt sequatur maior concordantia, sine qua incarnatione sequeretur minor concordantia contra magnitudinem bonitatis, &c.

De Aeternitate, potestate & Incarnatione.

Potestas plus potest de creatura in æternitate quàm extra æternitatem: potest ergo Deus plus in seipso de creatura, quam extra seipsum, cum ita sit, quod ipse sit æternitas. Potest ergo Deus accipere naturam humanā, quam assumpsit, vt plus vratur in creatura sua potestate, & creatura in semetipso.

De Aeternitate, sapientia & Incarnatione.

Deus æternaliter intelligit, quod plus potest de creatura in seipso quam extra seipsum: oportet ergo quod hoc quod intelligit sua sapientia de sua potestate, & de sua æternitate, & de sua creatura, compleat, quod si non, frustra sua sapientia intelligeret maiorem potestatem, quam ipse habet de creatura in seipso quam extra seipsum. Est ergo incarnatio, in qua perficitur hoc, quod plus intelligit sua sapientia de sua potestate, & creatura in sua æternitate quàm extra suam æternitatem.

De Aeternitate, voluntate & Incarnatione.

Æternitas in tantum durare facit amare voluntatis, sicut scire sapientiæ. Et quia voluntas tantum diligit creaturam, sicut ipsam intelligit

sapientia, & sapientia plus ipsam intelligit in magnitudine bonitatis, si ipsam intelligit unitam cum aeternitate, quam si ipsam non intelligat unitam cum aeternitate. Vult ergo voluntas, quod perficiatur hoc, quod sapientia plus intelligit de creatura in magnitudine bonitatis: oportet ergo quod sit incarnatio, ut perficiatur hoc, quod diligit diuina voluntas.

De Aeternitate, virtute & incarnatione.

Aeternitas plus potest virtutem creaturæ elongare à vitio in se ipsa quam extra se ipsam. Et quia virtus diuina tantum fecundè se habet ad virtutem creaturæ: sicut aeternitas perficit hoc, in quo plus creaturam elongare potest à vitio. Est ergo incarnatio, sine qua diuina virtus non posset creaturam tantum à vitio elongare, sicut diuina aeternitas ipsam elongare potest.

De Aeternitate, veritate & incarnatione.

Veritas plus potest verificare creaturam in aeternitate quam extra aeternitatem, videlicet ipsam vniendo cum aeternitate: & aeternitas plus durificare potest illud verificare in se ipsa quam extra se ipsam. Est ergo incarnatio: ut potestas diuina se extendere possit maiori verificare, & durare creaturæ.

De Aeternitate, gloria & incarnatione.

In aeternare plus potest glorificari creatura, quod siquidem aeternare est filiare in diuino generare, quod su-

pra in arbore apostolicali probaturum est, quam extra aeternare. Est ergo incarnatio, ut diuina gloria ita fecundè se habeat ad glorificandum creaturam: sicut potestas ipsam glorificare potest in aeternare.

De Aeternitate, differentia & incarnatione.

Si sit incarnatio, natura diuina, & humana sunt vna persona; quæ est ex duabus naturis per essentiam differentibus, & vna est substantia, in qua aeternitas durare facit ambas naturas in differentia sine multiplicatione, & diminutione ambarum naturarum. Et hæc duratio est maior actus quam diuina aeternitas habere possit in distinctione Dei & creaturæ. Est ergo incarnatio, ut aeternitas maiorem habeat actum, de quo dictum est.

De Aeternitate, concordantia, & incarnatione.

Aeternitas & diuina concordantia æqualiter se habent, & fecundè ad creaturam, si sit incarnatio: quoniam concordantia concordat in unitate personæ diuinæ vnionem Deitatis, & humanitatis, & aeternitas durare facit illud concordare, & vnire. Est ergo incarnatio, ut aeternitas & concordantia se æqualiter habere possint, & fecundè in creatura.

De Aeternitate, principio & incarnatione.

Sicut agens naturale in humana specie principiare potest substantiam nobiliorem quam in specie equi: ita potestas diuina principiare potest nobilius principium in diuina aeternitate.

nitate quam in specie hominis, vel altius creaturæ: & quia potestas diuina est principium creaturæ, secundum quod est principium se habet ad maius principium creatum, vt se habeat ad suam maiorem similitudinem: habet se ergo ad principium creatum cum diuina æternitate vnitum, sed hoc esse non posset, si Deus incarnatus non esset.

De Aeternitate, medio & incarnatione.

Sicut creatura in æternitate durabilior est quam extra æternitatem, ita amabilior est in æternitate quam extra æternitatem. Sunt ergo maior durabilitas & maior amabilitas media per quæ oportet, quod creator, & creatura in æternitate diuina coniungantur in tantum, quod ambo sint vna persona, vt sequatur maior durabilitas, & amabilitas creaturæ. Est ergo incarnatio, sine qua esset maior dispositio durabilitatis, & amabilitatis in creatura quam duratiuitatis, & amatiuitatis in creatore.

De Aeternitate, fine & incarnatione.

Finis creaturæ est æternitas, quem melius assequuta est, si sit incarnatio. Est ergo incarnatio, vt finem melius sit assequuta. Et si non sit incarnatio non est finis creaturæ assequuta in maiori actu, quam æternitas habere potest in creatura: sed in minori, quod est contra maiorem actum diuinæ voluntatis, quæ maiorem finem creaturæ diligit, cui maiori amare deficit actus æternitatis, quod est impossibile.

De Aeternitate, maioriute, & incarnatione.

Æternitas melius ostendere potest suam similitudinem cum maioriute quam cum minoriute, cum ita sit, quod æternitas maior sit quam creatura. Est ergo incarnatio, vt creatura sit in maioriute, supra quam maior esse non potest. Et si non sit incarnatio, ostendit æternitas suam similitudinem cum minoriute creaturæ contra suam maioriutem, quod est impossibile: per quam impossibilitatem est probabilitas incarnationis.

De Aeternitate, equalitate, & incarnatione.

Creatura tantum est amabilis per diuinam voluntatem in magnitudine bonitatis: sicut æternabilis per æternitatem in magnitudine bonitatis. Et hoc est, quia æternitas & diuina voluntas se habent æqualiter ad creaturam: est ergo incarnatio, per quam creatura æternata est, in quantum cum æternitate est vnita in vnitute personæ.

De Aeternitate, minoriute, & incarnatione.

Creatura producta est de nihilo, & quia minoriute est propriè non esse secundum comparisonem maioriutis: quæ est longè à non esse, oportet quod sit incarnatio, vt æternitas creaturam elonget à minoriute, & ipsam ponat in maiori maioriute, in qua poni possit, quæ siquidem maior fiat per incarnationem, sine qua æternitas nullam creaturam elongare posset ita fortiter à minoriute, nec per consequens à non esse.

*De Potestate, sapientia, &
Incarnatione.*

Potestas Dei tantum potest in creatura per possificare, sicut diuina sapientia per scire: cum ita sit, quod diuina sapientia habere possit suum scire per potestatem, & quia sapientia plus scit de potestate creatoris in creatura, si sit incarnatio, quam si non sit: oportet quod potestas tantum se extendat ad possificandum creaturam: sicut sapientia se extendit ad sciendum. Est ergo incarnatio, ut æqualiter potestas, & sapientia ad actus suos se extendant.

*De Potestate, voluntate, &
incarnatione.*

Diuina voluntas incarnationem amare potest postquam nullum inde sequitur inconueniens. Et postquam voluntas ipsam amare potest, potestas ipsam possificare potest. Et si ipsam possificare non posset, se posset plus amare extendere in amabilitate creaturæ, quam potestas in possibilitate. Et sic sequeretur, quod diuina potestas se haberet plus ad creaturam per voluntatem quam per seipsam, quod est impossibile. Est ergo incarnatio, ut potestas tantum se habere possit ad possificandum creaturam, sicut voluntas ad amandum creaturam. Et si voluntas amare posset incarnationem, & non amaret, potestas plus se habere posset ad possificandum creaturam, quam voluntas ad amandum ipsam, quod est impossibile. Et in hoc passu arguent quidam, & dicent, quod plura potest Dei potestas de creatura quæ voluntas non diligit. Et ad hoc responderi potest, quod potestas possi-

ficare non potest illa, si voluntas ipsa odit: nec potest esse ociosa in illis, si voluntas ipsa diligit, nec propter hoc potestas per voluntatem coacta est, cum ita sit, quod sint vnum idem numero, nec voluntas aliquid diligit sine magnitudine bonitatis. Et per hunc passum responderetur obiectionibus, quas aliqui facere possent secundum consequentiam nostrarum probationum, videlicet quod voluntas non diligit plures incarnationes: quoniam vnitas personæ esse nõ posset, si essent plures incarnationes naturæ diuinæ, & naturarum humanarum, nec diuina voluntas diligit quod potestas multiplicare possit gradus creaturarum contra ordinem & proportionem, in quibus oportet quod sint ordinati sub fine, qui est superior, qui est truncus huius arboris. Sicut Deus qui non posset ponere in ordine, quod bonitas nobiliorem finem haberet in specie equi quam hominis, nec color quam substantia. Et hæc responsio sufficit obiectionibus, quæ fieri possent contra nostras consequentias nostrarum probationum siue conclusionum, veruntamen latius loqui intendimus de hac materia in arbore quæstionali.

*De Potestate, virtute &
Incarnatione.*

Potestas Dei tantum potest de virtute sensitua sicut de intellectua: sed quoniam intellectua nobilior est quam sensitua se tantum communicare non potest per sensitua sicut per intellectua, quoniam per sensitua sentiri non potest, cum ita sit, quod ipse non sit substantia corporalis, & intelligi potest per virtutem intellectua, cum ita sit, quod ipse sit substantia spiritualis intelligibilis. Potestas

testas ergo diuina se habet plus secundum virtutem increatam ad possificandum virtutem intellectualem quā sensualem, & hoc secundum cursum naturalem. Sed potestas Dei supra cursum naturalem ascendit, vult quod sit incarnatio, vt tantum se cōmunicet sensitiuæ humanæ, sicut intellectiua humanæ in deificando quamlibet illarum potentiarum secundum modum incarnationis, existente tantum sensitiua coniuncta cum deitate, quantum intellectiua, vt potestas Dei tantum se extendere possit in dando virtutem per deitatem sensitiuæ quantum intellectiua. Et idem de elementariua, vegetariua, & imaginariua.

De Potestate, veritate & Incarnatione.

Diuina potestas plus potest de veritate creata in diuina veritate, quam de veritate creata in alia veritate creata. Et hoc est, quia veritas increata plus recipere potest de possificare & verificare quam veritas creata: & quia veritas increata ita nobiliter & fecundè se habet ad veritatem creatam, sicut diuina potestas verificat de veritate creata in seipsa, & de seipsa in illa tantum sicut potestas possificare potest. Sed hoc esse non posset, nisi incarnatio esset sine qua plus posset potestas de veritate increata verificare in veritate creata, & de veritate creata in increata per verum incarnare, quam veritas increata possificare de potestate increata in potestate creata, & de potestate creata in potestate increata per possificare incarnare, quod est impossibile, per quam impossibilitatem consistit probabilitas incarnationis.

De Potestate, gloria & Incarnatione.

Potestas Dei maiorem gloriam dare potest creaturæ per incarnationem quam sine incarnatione, cum ita sit, quod maior gloria quam creatura habere possit vel dare alij creaturæ, possit esse per incarnationem, quam esse oportet vt potestas respōdeat maiori gloriabilitati creaturæ, & gloriatiuitati increatæ, sine qua respōsione potestas increata quiescere habere non posset in gloriando creaturā: quod si haberet quietem, haberet cum minori gloriari contra maius, quod est impossibile.

De Potestate, differentia & incarnatione.

Illa potestas quæ plus differentiari potest, plus potest concordare, & maius differentiari & concordare quæ possint esse inter Deum & creaturam, est, si sint incarnatio: quoniam magna differentia est, q̄ sint duæ naturæ, vna infinita & alia finita, & quod ex ipsis sit vna persona, & magna concordantia est ex ipsis in vnitatem personæ. Est ergo incarnatio, vt potestas se extēdat in maiori differentia & concordantia, quæ possit esse inter Deum & creaturam.

De Potestate, concordantia & incarnatione.

In concordantia naturæ infinitæ & finitæ, quæ concordant in vnitatem personæ est maior possitiuitas, possibilitas, & possificare, quam in concordantia naturæ infinitæ & finitæ, quæ non concordant in vnitatem personæ, nec in concordantia naturæ finitæ & infinitæ.

Est ergo incarnatio vt maior concordantia quæ possit esse per incarnationem sit subiectum maiori possificabilitati & possificatiuitati. Et maiori possificare, quod possit esse inter Deum & creaturam: quod si incarnatio non sit, deficit diuina potestas maiori possificabilitati, possificatiuitati & possificare, q̄ diximus. Et per consequens deficit maiori concordatiuitati, concordabilitati & concordare, de quibus dictum est. Et ei deficit magnitudo bonitatis, virtutis, sapientiæ, & voluntatis, quod est impossibile, per quam impossibilitatem consistit incarnationis probabilitas.

De Potestate, principio & Incarnatione.

Diuina potestas plus principiare potest de creatura magnitudinē bonitatis in seipsa, quam extra seipsam. Est ergo incarnatio, vt ipsa sit subiectū maiori principio creaturæ in magnitudine bonitatis. Et si non sit incarnatio, deficit potestas maiori principiabilitati creaturæ, & maiori magnitudini bonitatis, quod est impossibile: cum ita sit, quod diuina sapientia sciat illam maiorem principiabilitatem & suam magnitudinem bonitatis, & diuina voluntas intantum diligat illam principiabilitatem & magnitudinem bonitatis, sicut scit sapientia.

De Potestate, medio & incarnatione.

Possificare est medium, quod est inter possificatiuitatem & possificabilitatem. Et quanto est maius mediū in magnitudine bonitatis, tanto possificatiuitas & possificabilitas se extendunt in magnitudine bonitatis. Est ergo incarnatio vt possificatiuitas diuina

& possificabilitas creata habere possint magnam extensionem & intensitatem cum magnitudine bonitatis.

De Potestate, fine & incarnatione.

Potestas diuina finem creaturæ plus exaltare potest in scibilitate & amabilitate in producendo illum finem de seipsa, & de creatura in vnitate personæ, quam in producendo illum finē sine vnitate personæ, quæ sit de natura diuina & humana. Est ergo incarnatio, vt potestas satisfaciāt scitiuitati & amatiuitati diuinæ, & maiori scibilitati & amabilitati finis creaturæ.

De potestate, maiori & incarnatione.

Diuina potestas plus potest de creatura cum maiori & maiori quam cum minori & minori, videlicet cum maiori & minori creata: sicut ignis qui plus calefacere potest cum maiori calore quam cum minori, & plus communicare suum calorem in maiori calefactibilitate quam minori. Est ergo incarnatio, vt potestas diuina possit de creatura cum maiori & maiori bonitatis creata, & possit in maiori bonificabilitate creata, in qua potest cum incarnatione, per quam exaltat creaturam in maiori magnitudine bonitatis, in qua exaltari possit.

De potestate, æqualitate & incarnatione.

Formæ diuinæ æqualiter se habent ad formas creatas, cum ita sit, quod formæ creatæ æqualiter sint creatæ per formas diuinas, videlicet per vniuersalem substantiam, quæ est Deus bonus

nus, magnus, æternus, &c. & æqualiter Deus per suas dignitates. Oportet ergo quod diuinā potestās æqualiter respondeat ma ori bono creato, scibili & amabili per diuinam sapientiam & voluntatem. Est ergo incarnatio, in qua sit æqualis responsio diuinæ possibilitatis, scitiuitatis & amatiuitatis, quæ maius bonum creatum attingunt per incarnationem.

*De Potestate, minoritate &
Incarnatione.*

Minor potestas creata est in plāta quā in animali, & in equo quā in homine: potest ergo plus potestas Dei in equo quā in planta, & in homine quam in equo: & hoc est ratione potentiarum passiuarum, quæ secundum quod maiores sunt in possibilitate, possunt esse in maiori passione sub diuina possibilitate. Est ergo secundum hoc significata incarnatio, vt sit vna maior passiuā possibilitas creata longior à minoritate in maiori maioriute actiua, quod esse non posset sine incarnatione.

*De Sapientia, voluntate &
incarnatione.*

OMne illud quod scitur per sapientiam Dei diligitur per eius voluntatem in scitiuitate & in scibilitate sapientiæ, non tamen secundum conditiones obiectorum malorum per peccatum: sicut Deus qui scit peccatū quod per suam voluntatem non diligitur. Et quoniam bonum est contra peccatum, oportet quod voluntas diligat omne bonum quod sapientia scit: quoniam si totum illud bonum non diligeret, posset peccatum diligere contra bonitatem, scitiuitatem & sci-

ilitatem sapientiæ: diligit ergo voluntas omne bonum quod scit sapientia, & illud diligit secundum possibilitatem bonæ amabilitatis. Et in hoc passu stat responsio generali obiectioni, quæ fieri potest contra consequentiam, quam damus de incarnatione in conclusione in pluribus locis huius processus. Dicimus etiam quod voluntas diligit omnia bona obiecta, quæ scit sapientia: & sic diligit equum scitum per sapientiam, in quo equo est parua bonitas. Et quia in se bonitatem habet est amabilis. Quanto ergo magis voluntas diligit obiectum creatum amabile, quia vnitum est cum diuina voluntate & bonitate, cum ita sit, quod ad voluntatem diuinam spectat melius amare magnum bonum, quam minus. Est ergo incarnatio, vt hæc locutio sit vera, si voluntas diuina parua bonitatem diligit, quæ est in equo, quanto magis diligit magnam bonitatem in incarnatione. Et si incarnatio non est, hæc locutio est vera, si diuina diuina voluntas diligit magnum bonum, sequitur, quod diligit paruū bonum, quæ locutio est falsa: quoniam si esset vera, ita haberet maiorem proportionem in amando paruū bonum quam magnum: sicut rex, qui maiorem habet proportionem cum potestate dando equum quam ciuitatem.

*De Sapientia, virtute &
Incarnatione.*

OMne id quod scit sapientia Dei scit virtuosè, & si parua scit virtutem, sequitur quod sciat magnā, cum ita sit, quod ad eam spectat melius scire magnam virtutem, quam parua, secundum quod de voluntate dictum est. Est ergo incarnatio, vt sapientia maiorem sciat virtutem quæ possit

possit esse de Deo in creatura, & de creatura in Deo. Et si non sit incarnatio, maior virtus Dei in creatura & creaturæ in Deo non esset scibilis virtuosè, esset ergo scibilis minor virtus virtuosè, & sequeretur quod sapientia Dei melius esset conditionata in scire parvam virtutem quam magnam, & minorem quam maiorem. Et esset ita conditionata sicut sapientia Martini, quæ propter hoc, quia de non esse producta est, melius conditionata est ad sciendum parvam virtutem ignis quam magnam Angeli.

De Sapientia, veritate & incarnatione.

NVlla sapientia scit ita magnam magnitudinem veritatis, sicut sapientia Dei, spectat ergo ad eum melius scire magnam veritatem, quam parvam. Est ergo incarnatio, in qua scit maiorem veritatem Dei in creatura, & creaturæ in Deo per vnitatem personæ diuinæ & humanæ, quam in aliqua veritate creata. Et si non est incarnatio, melius pertinet ad sapientiā diuinam scire minorem veritatem creatam quam maiorem, & minorem gratiam creatoris in minori creatura quam in maiori, quod est impossibile.

De Sapientia, gloria & incarnatione.

Oportet quod sapientia Dei melius sciat magnam gloriam quā parvam: & hoc est, quia ipsa est magnitudo ratione cuius scit secundum suam conditionem sine paruitate, licet sciat parvam gloriam in illis, qui non habent ita magnam gloriam sicut alij digni maiori gloria. Vnde si sapientia parvam gloriam comprehendit, bene

sequitur, quod magnam gloriam comprehendit, cum ita sit, quod parva gloria non sit de essentia sapientiæ. Est ergo incarnatio, vt diuina sapientia magnam gloriam comprehendat, & maiorem gloriam quam creatura possit habere. Et si incarnatio non est, sapientia maiorem gloriam creaturæ habitualiter comprehendit, & minorem actualiter, quæ est in aliquo angelo. Et hoc est impossibile, cum ita sit, quod magnitudo gloriæ maior sit actualiter quam potentialiter.

De Sapientia, differentia, & incarnatione.

Si sit incarnatio, sapientia Dei scit maiorem differentiā quæ possit esse inter Deum & creaturam in bonitate Dei & creaturæ, illa differentia existente inter bonitatem increatam, & creatam, ambabus coniunctis in vnitatem personæ diuinæ, & humanæ, & bonæ per diuinam bonitatem, & humanam. Et maioritas illius differentię consistit propter magnam magnitudinem bonitatis creatæ, & increatæ. Est ergo incarnatio, vt sapientia scire possit magnam differentiam amborum bonitatum, & magnam magnitudinem ex ipsis coniunctam.

De Sapientia, concordantia, & incarnatione.

Magnitudo concordantiæ est, quod plura concordent in vnitatem personæ, & quod quodlibet in sua propria quantitate remaneat. Sicut ignis & aer, qui concordantiam habent in vnitatem zinciberis, qui est humidæ, & calidæ complexionis. & in illo maiorem concordantiam haberent, si in illo possent esse sine terra, & aqua.

aqua. Oporteret ergo quod magna concordantia sit inter Deum & creaturam, vt sapientia diuina ad quam spectant magnæ obiectabiles, illam magnam concordantiam intelligere possit. Est ergo incarnatio, in qua sustentatur maior concordantia, quæ inter Deum & creaturam esse possit.

De Sapientia, principio, & Incarnatione.

Deus est principium creaturæ, & est principium creaturæ cum magnitudine finis, idcirco est principium creaturæ cum magnitudine maioris finis, cum ita sit quod magnitudo finis & principium maiorem habeant concordantiam in maioriore quam in minoriore. Et hoc scit sapientia Dei, & non tantummodo sapientia Dei, sed intellectus paruus Raymundi, qui hunc librum componit, & hoc idem scire poterit intellectus Martini & intellectus Petri: quoniam possibile est eis scire, & per se apparet. Est ergo incarnatio, vt sapientia Dei principium creaturæ sciat in maioriore finis. Quæ siquidem maior finis creaturæ consistit per incarnationem.

De Sapientia, medio, & Incarnatione.

Creare est medium, quod est inter Deum & creaturam, & potentia creatiua est creator, & creabilis est creatura, & creare quod exit de creabili, est actus passiuus, qui est pars creaturæ. In quo quidem creare potentia actiua de sua essentia nihil addit, & si est incarnare, est maius medium inter Deum, & creaturam quam creare: quoniam in ipso creator coniungit seipsum cum creatura. Est ergo

incarnatio, vt diuina sapientia sciat maius medium quod esse possit inter Deum & creaturam, videlicet incarnare, quod est de essentia creantis, & creabilis in trunco huius arboris. Et si non sit incarnatio, sapientia Dei scit illud maius medium in intentione, & non in realitate: sicut illud scit Raymundus, & minus medium scit esse realiter, quod scibile est in realitate & amabilitate, & maius in fantasia & in odibilitate: quod est impossibile.

De Sapientia, fine, & incarnatione.

Omne id quod Dei sapientia scit, secundum finem scit: quoniam nihil scit frustra. Idcirco dixit quidam sapiens, quod sapientia Dei illa nescit, quæ in actu non veniunt aliquo tempore: quoniam si ipsa sciret, illa scibilitas esset superflua, & non essent scita secundum finem: quoniam nihil inde sequeretur. Scit ergo sapientia Dei omnia, ratione finis, videlicet omnia scit propter seipsum & per seipsum, & scibilia sunt ratione finis. Est ergo incarnatio, vt sit maior scibilitas finis creatæ proportionata maiori scitiuitati. Et si non sit incarnatio deficit maior scibilitas finis creati maiori scitiuitati, quæ scire poterit ratione illius defectus aliquam scibilitatē superfluum & vacuam sine, quod est impossibile.

De Sapientia, maioriore, & incarnatione.

Ad maiorem scitiuitatem spectat maior scibilitas. Et si sit incarnatio, est per illam maior scibilitas creaturæ, quæ poterit esse in creatore, & creatoris in creatura. Quæ quidem maior scibilitas maiori scitiuitati respondet. Et si non sit incarnatio, re-

manet scitiuitas sine maiori scibilitate creaturæ, & sic remanet scitiuitas vacua maiori scibilitate creata, & plena minori, quod est impossibile. Est ergo incarnatio.

De Sapientia, æqualitate, & Incarnatione.

SI sit incarnatio, sapientia scit maiorem æqualitatem creatoris in creatura, & creaturæ in creatore. Veruntamen non dicimus, quod creatura æqualis sit creatori, sed quod æqualitas quam habet in suis partibus, coniuncta sit in trunco huius arboris cum æqualitate diuinarum personarum. Et si non sit incarnatio, diuina sapientia nescit maiorem æqualitatem creatam in maiori æqualitate increata, & deficit ei maior scibilitas creata, & ei sufficit minor, in qua quiescit: quod est impossibile & contra maiorem æqualitatem increatam, & maiorem possibilitatem æqualitatis creatæ.

De Sapientia, minoritate, & incarnatione.

Sapientia tantum intelligere non potest bonitatem in minoritate, sicut in maiori, cum ita sit, quod quanto bonitas est maior, tanto est intelligibilior quam minor. Est ergo incarnatio, vt sit maior intelligibilitas bonitatis creatæ illa intelligibilitate in maiori, multiplicata ratione incarnationis, in qua bonitas creata ad maiorem gradum ascendit intelligibilitatis creatæ, ad quem gradum intelligibilitas creata ascendere non posset sine incarnatione, nec diuina intellectiuitas ad illam venire posset: oportet ergo esse incarnationem, vt diuina intellectiuitas maiorem intelli-

gibilitatem comprehendat, quæ possit esse creata.

De Voluntate, virtute, & incarnatione.

Voluntas Dei diligit virtutem, idcirco posuit virtutes vias gloriæ, videlicet fidem, spem, charitatem, iustitiam, & ceteras virtutes, cum quibus beati tendunt ad gloriam. Est ergo virtus amabilis, & quia est amabilis, se habet fortius ad maiorem finem virtutis quam ad minorem. Est ergo incarnatio per quam diuina voluntas se habet ad maiorem finem virtutis creatæ, illo maiori fine virtutis creatæ coniuncto cum fine virtutis increatæ.

De Voluntate, veritate, & incarnatione.

Falsitas amabilis non est, quia est contra finem veritatis qui est amabilis: & quanto falsitas est maior, tanto est magis odibilis. Est ergo maior finis veritatis magis amabilis quam minor. Est ergo incarnatio, vt finis veritatis creatæ sit amatus in maiori gradu amabilitatis, sine qua incarnatione non posset esse amatus.

De Voluntate, gloria, & Incarnatione.

SI sit incarnatio, maior gloria creaturæ est amata in maiori amabilitate, & si non sit incarnatio in minori: cum ita sit, quod maior gloria creata possit esse per coniunctionem naturæ diuinæ, & humanæ in vnitatem personæ. Est ergo incarnatio, vt gloria creaturæ amata sit in maiori gradu, in quo amari possit.

De Voluntate, differentia & incarnatione.

INter gloriam Dei & creaturæ est differentia, & illa differentia est amabilis in bonitate & non in malitia, est ergo amabilis magis, in magnitudine quam in paruitate: cum ita sit, quod magna bonitas magis sit amabilis quam parua. Est ergo incarnatio ratione cuius bonitas differentia, de qua dictum est, plus est amabilis in magnitudine quam in paruitate, sine qua incarnatione esset in contrarium.

De Voluntate, concordantia, & Incarnatione.

SI diuina voluntas maiorem concordantiam Dei, & creaturæ non diligeret, esset concordantia amabilis in minoritate finis, in qua quietem haberet, quod est impossibile. & contra maiorem bonitatem concordantiæ. Est ergo incarnatio, ratione cuius est maior finis concordantiæ amatus.

De Voluntate, principio & Incarnatione.

DIuina voluntas diligit plus principiabilitatem creatam in maiori principiatiuitate quam in minori, & hoc est, quia principiatiuitas est causa principiabilitatis. Idcirco est incarnatio ut increata amatiuitas sequatur ordinem amabilitatis, qui est inter causam & effectum in maiori magnitudine bonitatis per incarnationem quam sine incarnatione.

De Volūtate, medio & Incarnatione.

INter magnam amatiuitatem & amabilitatem est maius medium

quam in paruitate. Est ergo amare maius medium per maiorem amatiuitatem & amabilitatem quam per minorem. Est ergo incarnatio, ratione cuius maius amare est maius medium, inter maiorem amatiuitatem increatam, & maiorem amabilitatem creatam.

De Voluntate, fine & Incarnatione.

Voluntas diuina diligit finem creaturæ, nam si ipsam non diligeret, ipsam ad aliquem finem non creauisset, aut ipsam contra finem creauisset, quod est impossibile. Diligit ergo diuina voluntas finem creaturæ, quam diligit cum magnitudine suæ bonitatis: idcirco oportet, quod in fine amata sit magna bonitas. Est ergo finis creaturæ amatus in maiori gradu bonitatis creatæ, cum ita sit, quod magnitudo maiorem habeat concordantiam cum maiori bonitate quam cum minori. Est ergo incarnatio secundum consequentiam illius, de quo dictum est.

De Voluntate, maioritate & Incarnatione.

MAior voluntas plus diligere potest quam minor, & maior voluntas magis est amabilis quam minor: est ergo incarnatio probata secundum consequentiam huius processus, cum ita sit, quod si sit incarnatio vna voluntas creata est in maiori amabilitate creata, quam aliqua alia voluntas creata. Et in hoc passu significata est responsio, quæ fieri potest secundum veritatem contra multum generalem obiectionem, quæ fit contra incarnationem secundum modum processus nostræ probationis. Et iste passus est valde utilis & subtilis ad intelligendū:

quoniam significat & ostendit quod oportet, quod vna sit iacarnatio, vt cum singularitate incarnatio ascendere possit ad maiorem gradum amabilitatis creatæ, quæ respondeat maiori gradui amatiuitatis increatæ.

De Voluntate, æqualitate & Incarnatione.

Sicut maior amabilitas creaturæ est magis amabilis quam minor, ita maior scibilitas creaturæ est magis amabilis quam minor, & idem de maiori bonificabilitate creatæ. Est ergo incarnatio, vt æqualiter se respondeant amabilitates in maiortate creatæ, quæ siquidem responsio non foret sine incarnatione. Et iste passus est valde placens & subtilis ad intelligendum, quoniam multum clarè probationem incarnationis significat.

De Voluntate, minoritate & Incarnatione.

Nvlla minor voluntas resistere potest voluntati, quæ est in maiortate cum magnitudine bonitatis, durationis, potestatis, sapientiæ, virtutis, gloriæ, & veritatis. Est ergo incarnatio, sine qua minor voluntas resisteret maiori, quoniam nollet, quod voluntas creatæ foret in maiori magnitudine creatæ bonitatis, durationis, potestatis, sapientiæ, virtutis, gloriæ, & veritatis.

De Virtute, veritate & Incarnatione.

Virtus non sustinet, quod veritas sit vitium, nec veritas sustinet, quod virtus sit falsitas: est ergo cōcordantia inter veritatem & virtutem, & per cōsequens inter vitium & falsitatem.

Idecirco significata est incarnatio: quoniam si incarnatio est maior, veritas creatæ est in maiori virtute increatæ, & maior virtus creatæ in maiori veritate increatæ. Et sic est maior concordantia inter veritatem & virtutem increatam, & veritatem & virtutem creatam contra maius vitium & falsitatem. Et si incarnatio non est maior concordantia vitij & falsitatis, maiori concordantiæ veritatis & virtutis resistit, quod est impossibile.

De Virtute, gloria & Incarnatione.

Virtus & gloria habent concordantiam, & vitium & pœna: cum ita sit, quod cum virtute Sancti vadunt ad gloriam, & damnati cum vitio ad pœnam, & si sit incarnatio, est concordantia virtutis & gloriæ creatæ in maiori quiete, & peccatores vitiosi sūt in maiori pœna. Est ergo incarnatio, vt sit maior distantia inter concordantiam virtutis & gloriæ, & concordantiam vitij & pœnæ.

De Virtute, differentia & Incarnatione.

Fides spes, & charitas, sunt virtutes differentes, & quāto sunt maiores, tanto possunt esse magis differentes, & maiori concordantia bonitatis, magnitudinis & veritatis, in quo maiori concordantia possint esse si sit incarnatio, quæ subiecta est maiori credibilitati spei & charitati. Et si incarnatio non sit, virtus habet defectum maioris concordantiæ & differentię in fide, spe & charitate. Est ergo incarnatio, vt maior virtus differentia & concordantia quæ sunt inter Deum & creaturam, sufficiant maiori virtuti differentię & concordantiæ fidei, spei, & charitatis. Idecirco dixit quidam sapiens, quod

Christia.

Christianus maiorem virtutem acquirere potest, aut esse in maiori vitio secundum suam credentiam quam Sacerdos vel Iudæus, vel aliquis alius homo.

De Virtute, concordantia & incarnatione.

INter vnam virtutem & aliam est concordantia, & inter vnum vitium & aliud, & ambæ concordantiæ sunt contrariæ. Et quanto virtutes sunt maiores, concordantia earum magis est contraria concordantiæ vitiorum, & è conuerso. Est ergo incarnatio, vt per illâ sit magna concordantia iustitiæ, prudentiæ, fortitudinis, temperantiæ, abstinentiæ, patientiæ, humilitatis, pietatis, & conscientiæ, contra maiorem concordantiam iniuriæ, stultitiæ, fragilitatis, gulæ, & impatientiæ, &c. cum ita sit, quod incarnatio occasio sit maiori iustitiæ, prudentiæ, & cæteris, si ipsa sit. Et si non sit, eius priuatio est occasio minori concordantiæ virtutum, & maiori concordantiæ vitiorum. Et in hoc passu potest intelligi, quod in inferno maiorem pœnam habebunt Christiani damnati quam alij homines.

De Virtute, principio & incarnatione.

IN maiori principio bonitatis maior virtus principiari potest, cum ita sit, quod potestas sit magis communicabilis virtuti in maiori principio quam in minori. Est ergo incarnatio vt virtus possit esse in maiori principio, & quod potestas diuina communicare possit suam similitudinem in illa maioriificatione, etiam similitudinem

diuinæ virtutis & diuini principij.

De Virtute, medio & incarnatione.

Naturaliter virtus maior est in medio loco quam in extremitatibus, & hoc est quia medium virtutis longius est à suo contrario in medio loco substantiæ quam in extremitatibus illius. Idcirco huiusmodi virtus creata incarnationem significat, cuius amabilitate amare beati Petri fortius est in medio loco voluntatis, quod est inter amatiuitatem & amabilitatem, quam amare alicuius alterius voluntatis, quæ non sit hominis catholici siue Christiani.

De Virtute, fine & incarnatione.

Quanto propinquior est charitas suo fini, tanto virtus fidei & spei se habet plus ad charitatem. Et si sit incarnatio, se habet virtus fidei & spei fortius ad finem charitatis, quam si incarnatio non sit. Est ergo incarnatio, vt virtus fidei & spei melius se habere possit ad finem charitatis, si sit incarnatio quâ si incarnatio nō sit, apparet multiplicatione maioris fidei & spei, si incarnatio sit quam si non sit. Quoniam magna fides est credere incarnationem, & per incarnationem possunt peccatores habere magnam spem in misericordia & charitate Dei, & illius hominis deificati, in quantum Deus factus est homo.

De Virtute, maioriæ & incarnatione.

Si virtus Dei esset contra maiorem virtutem creatam, oporteret quod cum aliquo vitio cōcordantiam

haberet: quæ concordantia est impossibilis. Non est ergo diuina virtus in aliquare contraria maiori virtuti creatæ, cui foret contraria si incarnatio non esset, in quantum virtutem nõ creauisset in maiori creabilitate, in qua creari posset. Est ergo incarnatio.

De Virtute, æqualitate & incarnatione.

DIuina sapientia & voluntas se habent virtuosè ad maiorem creabilitatem. Habet se sapientia ad maiorem creabilitatem, quæ intelligi potest, quam esse oportet ex creatura Deificata: quoniam maiorem creaturam in magnitudine bonitatis, & virtutis sapientia intelligere non potest: & sicut sapientia se habet ad maiorem creabilitatem per incarnationem, ita se habet voluntas, cum ita sit, quod ita virtuosè se habet ad obiectum sicut sapientia. Est ergo incarnatio, postquam maior creabilitas est amata per voluntatem diuinam: quod si non esset, diuina voluntas quietem non haberet in obiecto creato per maiorem creabilitatem sicut sapientia, & sapientia virtuosa esset in obiectione & voluntas vitiosa, quod est impossibile & contra æqualitatem, in qua se habent in accipiendo maioritatem creationis.

De Virtute, minoritate, & Incarnatione.

Minor virtus tantum non est principiabilis per diuinum principium, sicut maior virtus. Et hoc est quia ad virtutem Dei spectat melius maior principiabilitas virtutis quam minor. Est ergo incarnatio, vt sequatur consequentia antecedentium, de qui-

bus dictum est, quæ sequitur inquantum incarnatio sufficit maiori principiabilitati virtutis, quæ principiari possit.

De Veritate, gloria & incarnatione.

Veritas & gloria sunt contra falsitatem & pœnam, & tantum sicut veritas & gloria sunt contra pœnam & falsitatem, sunt in magnitudine bonitatis. Est ergo incarnatio, vt homines possint esse magis contrarij cum gloria & veritate pœnæ, & falsitati, & esse in magnitudine bonitatis: quoniam si incarnatio est, est in ita magna magnitudine bonitatis, quod nulla creatura potest esse in maiori magnitudine bonitatis. Et per illam magnitudinem bonitatis melius possunt esse homines contra pœnam & falsitatem cum gloria & veritate, quam non essent, si non esset magnitudo bonitatis, quæ est per incarnationem. Cui magnitudini bonitatis esset Deus contrarius cum pœna & falsitate, si incarnatio non esset.

De Veritate, differentia & Incarnatione.

Veritas est, quod inter Deum & creaturam est differentia, & in tantum quantum est illa differentia, est in veritate, & veritas in illa: & vt illud existere differentia in veritate & veritatis in differentia in maiori scibilitate sit & amabilitate, oportet Deum esse incarnatum, sine qua incarnatione existentia differentia antedictæ nõ foret in ita magna scibilitate & amabilitate, & Deus foret contra magnitudinem bonitatis. Et in hoc passu aliqui arguere possent & dicere, quod oportet quod Deus sit vnitus siue cõiunctus cum omnibus creaturis. Sed
respon

responderi potest, quod si Deus esset incarnatus in asino, quod talis incarnatio foret contra magnitudinem scibilitatis & amabilitatis veritatis & incarnationis. Et idem si cum omnibus creaturis esset coniunctus. Est ergo responsio in singulari incarnatione.

De Veritate, concordantia & incarnatione.

IN maiori concordare potest esse maius verificare, & in maiori verificare maius concordare: veruntamen in maiori- tate esse non posset contra maiorem bonitatem scire & amare. Est ergo incarnatio, vt per illam possint esse in maiori verificare & concordare naturæ diuinæ & humanæ.

De Veritate, principio & Incarnatione.

SI sit incarnatio verificare & principiari sunt inter Deum & creaturam in maiori veritate, & in maiori principio, & si non sit incarnatio in minori. Est ergo incarnatio vt sit verificare maioris veritatis & maioris principiari maioris principij: & si non sit incarnatio, est Deus contra maius verificare, & principiari, & per consequens contra maiorem veritatem & principium, quod est impossibile.

De Veritate, medio & Incarnatione.

Verificare est medium veritatis, in quantum exit de verificante & verificabili. Et est in medio amborum, & in ipso coniunguntur, concordant & quiescunt. Deus est verificans & creatura est verificabilis, voluit ergo Deus esse incarnatus, vt verificare esset de Deo & creatura, in quo quietem haberent & concordantiam in-

tantum, quod per illud verificare comprehensæ essent verificabilitates creaturæ in magnitudine bonitatis, finis & veritatis.

De Veritate, fine & incarnatione.

Deus est veritas, & est finis & complementum omnium creaturarum cum veritate. Et si Deus sit incarnatus est finis veritatis Dei, & veritatis creaturarum: quare sequitur, quod finis creaturarum est eis propinquior per incarnationem, & si non sit incarnatus, est longior. Est ergo incarnatio, vt finis & complementum propinquior sit creaturis, contra quam propinquitatē esset Deus, si non esset incarnatus.

De Veritate, maiori- tate & incarnatione.

Maior veritas quæ possit esse inter Deum & creaturam potest esse per incarnationem. Est ergo incarnatio, vt illa veritas sit in maiori- tate magnitudinis, bonitatis, duratio- nis, potestatis, sapientiæ, & voluntatis, gloriæ, finis, & virtutis. Et si non sit incarnatio, est Deus contra illam maiorem veritatem, cum maiori falsitate quam veritate, postquam falsitas impedit, quod veritas non sit in maiori- tate, quod est impossibile.

De Veritate, æqualitate & Incarnatione.

Diuina voluntas diligit creaturam, cum ira sit, quod illa sit sua factura, & si ipsam diligit in tantum, quod ipse vult esse illa, est eius amare in maiori- tate, & si non vult esse illa creatura, est in minoritate: sed oportet quod amare sit in maiori- tate, vt ipsum verifi-

verificare ascendat ad maioritatem, & quod voluntas & veritas æquales possint esse in amare, & verificare creaturam in maiori maioritate æqualitatis: probata est ergo incarnatio per veritatem & æqualitatem.

*De Veritate, minoritate, &
Incarnatione.*

Quanto veritas propinquior est minoritati, tanto longior est à maioritate magnitudinis, & bonitatis, cui maioritati magnitudinis, & bonitatis propinquior est, quanto longior est à minoritate. Est ergo incarnatio, ut in sua maioritate magnitudinis & bonitatis esse possit creata veritas longè à minoritate magnitudinis & bonitatis, quod si incarnatio non sit, veritas creata non habet vniuersale subiectum creatum, in quo possit esse longior à minoritate magnitudinis, & bonitatis, nec propinquior maiori magnitudinis & bonitatis, & Deus deficit veritati, cum ipsam non ponit in maiori magnitudine bonitatis, qui defectus est impossibilis.

*De Gloria, differentia, &
incarnatione.*

VT gloria longè sit à contrarietate, in se habet differentiam gloriantis, gloriabilis, & gloriari, quæ subiecta sint concordantiæ illorummet, cum qua concordantia gloria possit esse contra contrarietatem, cum ita sit, quod concordantia & gloria contrariantur contrarietati. Est ergo gloria contra contrarietatem cum differentia, cum qua magis est contraria contrarietati, secundum quod differentia est in maiori concordantia. Est ergo incarnatio, ut sit maior concor-

dantia gloriatiui increati, & gloriabilis creati in gloriari, & quod per maiorem concordantiam gloria possit esse cum differentia in maiori concordantia contra contrarietatem.

*De Gloria, concordantia, &
incarnatione.*

Gloria est contraria pænæ, & concordantia contrarietati, idcirco gloria & concordantia, concordantiam habent contra contrarietatem, & pœnam. Et contrarietas & pœna concordantiam habent contra gloriam, & concordantiam, & sic sunt duæ concordantiæ, & duæ contrarietates. Et quanto gloria, & concordantia sunt in maiori magnitudine bonitatis, plus contrariantur pænæ & contrarietati. Est ergo incarnatio, ut gloria & concordantia possint esse magis contrariæ contrarietati & pænæ deuictæ per gloriam, & concordantiam cum maiori magnitudine bonitatis, cum qua vincunt, si sit incarnatio. Et si non sit incarnatio, non habent cum quo vincere possint maiorem magnitudinem malipænæ, & contrarietatis.

*De Gloria, principio, &
incarnatione.*

Pincipium principiatum in gloria & eius natura coniuncta cum natura gloriæ principiatum est in maiori magnitudine bonitatis, si natura gloriæ sit increata. Est ergo incarnatio, ut principiatum creatum possit esse principiatum in maiori magnitudine bonitatis. Et si non sit incarnatio Deus qui est gloria deficit maiori principia-bilitati ipso existente per gloriam maiori principiauitate, qui defectus est impossibilis, per quam impossibilitatem probatur incarnatio.

De Gloria, medio, & incarnatione.

GLoria Dei est in ita magna summitate magnitudinis, & bonitatis, & homo est in ita magna infinitate magnitudinis, & bonitatis; quia de nihilo est creatus, quod non posset ascendere ad accipiendum gloriam in summitate magnitudinis, & bonitatis sine medio, quod sit de natura summitatis, & de natura infinitatis. Est ergo incarnatio, quod est medium ambarum naturarum, cum quo & per quod ascendere potest, ita magnitudo bonitatis inferioris ad accipiendum gloriam in magnitudine bonitatis superioris: sicut homo transire potest computando in numero de primo ad tertium per secundum, & de secundo ad quartum per tertium, & ita quousque numerus sit completus.

De Gloria, sine & incarnatione.

Deus est finis, & est gloria hominis, idcirco finis hominis est gloria Dei, & gloria hominis est finis, qui est Deus. Idcirco Deus creavit homines ad gloriam: oportet ergo quod sit incarnatio quæ sit de gloria & sine Dei, & de natura gloriæ & sine hominis, quæ natura facit differentiam inter gloriam & gloriam, & inter finem & finem. Et sicut facit differentiam facit concordantiam, quam siquidem differentiam & concordantiam facere non posset in maiori magnitudine bonitatis, si coniuncta non esset cum natura finis & gloriæ Dei, eum quæ non posset esse coniuncta, si non esset incarnatio.

De Gloria, maioriâ & incarnatione.

GLoria hominis ascendere non posset ad maiorem magnitudinem bonitatis sine incarnatione, ad quam ascendit per incarnationem: quoniam maior gloria quam homo habere potest in magnitudine bonitatis est, quod sit cum diuina natura coniunctus. Est ergo incarnatio, sicut in illo homine deificato, & in illo Deo homificato possit gloria hominum ascendere ad maiorem maioriâ magnitudinis bonitatis.

De Gloria, æqualitate, & incarnatione.

SI in gloria Dei non esset æqualitas sui essentialis gloriantis, gloriabilis, & sui essentialis gloriari, quies non posset esse cum æqualitate in magnitudine bonitatis æqualitati, quam homines habent in eorum voluntate ex essentiali amatiuo, amabili, & amare, & in eorum intellectu ex essentiali intellectiui, intelligibili, & intelligere, & in eorum memoria ex essentiali memoratiui, memorabili, & memorari. Et idem de æqualitate, quam habent inter eorum intellectum memoriam, & voluntatem. Et idem sequeretur, si non esset incarnatio sine qua non esset gloria hominum in maiori æqualitate magnitudinis & bonitatis per eorum essentialia concreta, quæ diximus.

De Gloria, minoriâ, & incarnatione.

SI sit incarnatio, est vnus homo, qui maiorem gloriam habet quam om-

nes angeli, & quam omnes homines. Et est gloria subiecta concordantiæ maioritatis & vnitatis illius hominis, qui est maior super omnes homines in gloria, & in magnitudine bonitatis. Et si non sit incarnatio, gloria non potest esse subiecta maiori concordantiæ vnitatis, & maioritatis: & suimet, & sic gloria creata non habet cum quo se possit elongare à minori minoritate, nec esse in maiori maiori: oportet ergo, quod sit incarnatio, vt gloria se elongare possit per incarnationem à minori minoritate, quæ est maior minoritas, & esse in maiori maiori magnitudinis bonitatis. Et per hunc passum responderi potest ad generalem obiectionem, quæ fieri potest, falsè tamen & contra veram conclusionem incarnationis.

De Differentia, concordantiæ, & incarnatione.

Magnitudo potestatis est, quod naturæ differentes in supposito concordent sine contrarietate, quod siquidem suppositum sit ex ipsis. Est ergo incarnatio: per quam natura diuina & humana in vno supposito concordant in tantum, quod cursus naturalis vnioni non resistit, quam habet cum diuina natura supra suam naturam, nec excellentia diuinæ naturæ resistit sibi ipsi in vnione, quam facit cum humana natura, quæ infima est in nobilitate, & hoc est ratione magnæ concordantiæ, quam diuina potestas habet in magnitudine concordandi. Quam siquidem magnitudinem concordantiæ habere non posset, ita magnam sine incarnatione.

De Differentia, principio & incarnatione.

Inter vnum principium & aliud est differentia, sicut Pater qui est vnum principium actiuum, & filius qui est aliud principium passiuum, & Spiritus sanctus qui est principium similiter passiuum ab ambobus. Et hæc omnia tria principia sunt vnum principium commune, quod est principium, creator, & creatura principiabilis, & creare est ex ambobus si sit incarnatio, quoniam in incarnatione est creare de essentia creatoris & creaturæ, sicut substantiare, quod est de essentia formæ & materiæ substantiæ. Est ergo incarnatio, vt diuina potestas sit magna in creare & principiari, in quibus sine incarnatione non posset esse ita magna.

De Differentia, medio & incarnatione.

Inter Deum & creaturam est differentia, & creare est in medio, verumtamen creare non est de essentia creatoris, sed est de creabili: sicut figuræ quas sigillum facit in cera, quæ sunt de essentia ceræ, non autem de essentia sigilli. Idcirco creare non est magnum medium inter Deum & creaturam secundum comparisonem, sicut si esset de essentia creatoris & creaturæ: sicut generare, quod est de essentia generantis & generabilis. Est ergo incarnatio, vt sit magnum medium in differentia creatoris & creaturæ, quod siquidem est magnum in magnitudine potestatis, in quantum est vnus truncus ex diuina natura & humana per creare & incarnare.

De Differentia, sine & Incarnatione.

DVo modi finis sunt differentes in generalitate secundum respectu creatoris & creaturæ: vnus modus est creatoris, & alius creaturæ, & si sit incarnatio, coniungunt se vtrique fines in vna persona, quæ generalis finis est ad omnes creaturas. Generalis est, in quantum est creator, & generalis in quantum est creatura, quæ generalis est in fine per exaltationem, quam assumit de deificatione, & ita generalis finis est per suam naturam, & per naturam quam accipit superius, omnibus finibus creatis, qui sunt de sua natura. Est ergo incarnatio, vt potestas possit esse in magnitudine finis, & differentia similiter.

De Differentia, maioriata & incarnatione.

Natura creata non est tantum differens à suis particularibus, sicut est cum natura diuina: quoniam omnia sua particularia finita sunt & terminata, & natura diuina est infinita: potest ergo differentia maior esse inter naturam diuinam, & humanam, quam inter vnā naturam creatam & aliam. Est ergo incarnatio, vt maioritas differentie sit tantum subiecta magnitudini potestatis in vniendo naturam diuinam & humanam, sicut in differentiando naturam humanam à diuina per creare: sed hoc esse non posset, si incarnatio non esset, sine qua deficeret maioritas magnitudini potestatis in vniendo creatorem & creaturam.

De Differentia, æqualitate & incarnatione.

QVanto potestas æquate potest plurā differentia in vna creatura sub ratione magnitudinis & bonitatis, tanto maius est possificare, quod habet in æquando plurā bona & magna in bonitate. Est ergo incarnatio, vt potestas æquare possit humanam bonitatem, magnitudinem & durationē, & alias formas primas substantiæ humanæ in æqualitate diuina, quæ est inter Patrem & Filium & Spiritum sanctum ratione diuinæ bonitatis, magnitudinis, æternitatis, &c. Quam si quidem magnitudinem possificandi potestas habere non posset sine incarnatione.

De Differentia, minoritate & incarnatione.

QVanto minoritas minor est, tanto maior est, sicut granum milij, in quo minoritas maior est quam in pipere, & in pipere quā in faba: idcirco piper maius est quam milium, & faba quam piper, & sic de aliis similibus istis. Est ergo substantia maior per maioritatem, & est minor per maiorem minoritatem secundum exempla, quæ supra posuimus. Idcirco cognoscitur, quod differentia est minor inter vnā substantiam paruum, & aliam paruum, quam inter vnā magnam & aliam paruum. Idcirco est significata incarnatio, vt potestas differentiam creatoris & creaturæ in ita magna maioriata ascendere possit, quod maior esse non possit in possificare, maiorificare & differentiare.

De Concordantia, principio & incarnatione.

INter principium & principiabile est cōcordare, quōd siquidē concordare est in magnitudine amantis & amabilis, secundum quod principians est magnum; & principiabilis, similiter in principiari & in amare, unde cum cōcordantia sit inter creatorem, & creatibilem principiantem, & principiabilem amantem & amabilem: oportet quod sit incarnatio, ut magnitudo se extendere possit in magnum concordare concordantis & concordabilis, principiantis & principiabilis, & amantis & amabilis, hanc extensionē magnitudo habere non posset sine incarnatione.

De Concordantia, medio & Incarnatione.

IN concordantia, se habent ita concordans, & concordabilis, & cōcordare, sicut in amore amans & amabilis & amare: est ergo concordantia medium concordantis & concordabilis, & secundum quod concordans & concordabile se habent ad magnum amare, est concordans magnum in amare & amore. Est ergo incarnatio, ut concordare Dei & creaturæ sit in magno amare, & in ita magno quod in maiori esse non possit, ut magnitudo non deficiat maioritati concordantiæ & amoris & concordandi & amandi.

De Concordantia, fine & Incarnatione.

Finis concordantis, & cōcordabilis, & concordare. Et finis concordare est concordatum, quod siquidem con-

cordatum est in magnitudine amoris & amandi secundum magnitudinem amoris, quam concordans & concordabilis habet in concordare & amare. Est ergo incarnatio in qua suppositum est concordatum per concordare cum magnitudine amandi per concordantē, creatōē, & amantem concordabilem, creabilem, & amabilem. Et huiusmodi concordatum requirit maiorem finem, qui possit esse inter Deum & creaturam per concordare amare, & complere.

De Concordantia, maioriāte & incarnatione.

Divina voluntas diligit concordantiam Dei & creaturæ in illa maioriāte, in qua potestas ipsam concordare potest. Et hoc facit, ut sapientia in concordantia sciat ita magnum amare, sicut intelligere, unde cum sapientia sciat quod maius concordare potest esse per incarnatē, oportet quod voluntas diligat maius concordare, quod diligere non posset, si incarnare deamaret.

De Concordantia, æqualitate & incarnatione.

Quanto concordantia habet æqualia concreta essentialia in amore, tanto maiorem habet æqualitatem inter concordare & amare. Est ergo incarnatio, ut possit esse magna concordantia inter concordare & amare, & ita magna quod magnitudo amoris concordantiæ non deficiat maiori magnitudini æqualitatis, quæ possit esse inter concordare & amare secundum comparisonem & creatoris & creaturæ.

De

De Concordantia, minoritate & incarnatione.

Minus amare in maiori concordantia non posset esse nec etiam minus concordare in maiori amore sine incarnatione, & ut minus amare creatum sit in maiori concordantia increata, & minus concordare creatum sit in maiori amore increato, oportet quod sit incarnatio, ut maius amare creatum sit in maiori concordantia creata & increta, & maius concordare creatum sit in maiori amore, & in concordantia increata.

De Principio medio, & incarnatione.

Nillum principium creatum ad finem venire potest sine medio: quoniam si venire posset ad finem sine medio, principium creatum esset idem quod suus finis, & ita Deus non esset finis illius, quod est impossibile. Et in hoc passu cognoscitur, quæ est natura peccati in hominibus, qui diligunt plus seipsos quam Deum. Unde cum principium creatum ad finem se habeat per medium, secundum quod finis est magnus, se habet ad magnum medium, & secundum quod medium est magnum se habet ad magnum finem. Est ergo incarnatio, ut principium creatum se habere possit per maius medium ad maiorem finem: sed hoc esse non posset, si incarnatio non esset, sine qua incarnatione maior finis maiori principio deficeret, & medio secundum suam naturam, quod est impossibile.

De Principio, fine & incarnatione.

DE maiori fine sequitur maius principium, & de maiori princi-

pio maior finis. Est ergo incarnatio ut possit esse hæc coniuncta, videlicet quod si sit incarnatio, per illam est maioritas creata in principio mundi & in fine: quoniam supra incarnationem non potest esse creatio in maiori principio & in fine, quoniam si esset, posset esse sustentata, & maiorificata in maiori natura quam in diuina, quod est impossibile.

De Principio, maioriitate & incarnatione.

Maius principium quod Deus principiare potest in creando, potest in incarnando, videlicet in principiando creaturam in seipso, & in seipso ipsam sustentare & vivere. Est ergo incarnatio, ut Deus per illam satisfacere possit maiori principiare, cui satisfacere non posset sine incarnare.

De Principio, æqualitate & incarnatione.

Sine incarnatione Deus equare non posset in magnitudine bonitatis principium creatum & finem creatum: cum ita sit, quod naturaliter in creaturis finis sit nobilior quam principium: sicut habitare, quod est nobilior finis quam principiare cameræ, & vivere quam comedere. Est ergo incarnatio, ut in illa, & per illam principium creatum & finis creatus habere possint æqualitatem in magnitudine bonitatis, quam habuerunt in natura humana, quam Deus assumpsit. Quæ siquidem æqualitas est finis & principium omnium aliarum æqualitatum creaturarum. Et in hoc passu cognoscitur modus secundum quem Deus per incarnationem omnes creaturas naturaliter exaltavit per æqualitatem finis & principii.

*De principio minoritate &
Incarnatione.*

QVoniam mundus de nihilo creatus est, & in nihilo non est aliquid, creatus est de maiori minoritate de qua creari potuit. Est ergo suum principium reale de maiori minoritate productum & creatum. Est ergo incarnatio, ut principium reale productum de maiori minoritate ad maiorem maioritatem sit productum. Et hoc esse non posset, si Deus incarnatus non esset: quoniam per incarnationem est principium creatum productum ad maiorem maioritatem finis. Et si non esset incarnatio, mundus foret productus de maiori minoritate ad finem sustentatum in minori maiori-
tate.

De Medio, fine & incarnatione.

INter maius medium & maiorem finem, oportet quod sit proportio in magnitudine virtutis: mundus est creatus propter aliquem finem cui oportet medium esse proportionatum, ut per illud principium mundi in fine quietem habere possit. Oportet ergo quod incarnatio sit, quoniam per illam medium proportionatum est inter finem mundi & principium, in quantum sufficit utili bono creato, quod una ex suis partibus sit cum bono diuino coniuncta, & sufficit utili magnitudini creatæ, quod una ex suis partibus cum diuina magnitudine sit coniuncta. Et idem de duratione vniuersali creatæ, quod una ex suis partibus sit cum æternitate coniuncta, & sic de aliis formis primis. Sed hoc esse non posset, si non esset incarnatio, sine qua virtus increata deficeret virtuti creatæ, qui defectus est impossibilis.

*De Medio, maiori-
tate & Incarnatione.*

POsito medio in maiori-
tate virtutis positi sunt in maiori virtute principium, & finis. Et medio non posito in maiori virtute, principium & finis positi sunt in vacuitate. Est ergo incarnatio, per quam medium creatum positum est in maiori virtute, per quod principium creatum & finis positi sunt in maiori virtute.

*De Medio, æqualitate &
Incarnatione.*

Naturaliter nullum medium creatum potest esse in æqualitate finis & principij: cum ita sit, quod principium & finis non sint æquales in magnitudine virtutis principio existente propter finem, & non è conuerso: quoniam si esset è conuerso secundum cursum naturalē esset successio, & motus de fine ad principium, & esset destructus cursus naturalis, & esset contrarium naturæ, ratione cuius lapis supra ascenderet, & aqua calefaceret ignem, & ignis infrigidaret aquam, & lux daret tenebras, & sic de aliis, quæ essent contra cursum naturæ. Est ergo incarnatio, per quam medium creatum est æquale cum principio creato, & fine creato, illis æqualibus existentibus in incarnatione. Quæ siquidem minoritas mediij, & principij ascendit ad æqualitatem finis.

*De Medio, minoritate, &
incarnatione.*

DE minori medio sequitur minor finis, & idem de principio: sequitur ergo de maiori medio maior finis &

& maius principium: & quia mundus creatus est, fuit ante minus medium quam maius, vt productio in multiplicatione esset successiue vsque ad maioritatem. Et si in creatione mundi esset ante maius medium quam minus, esset successio in contrario, videlicet quod de maiori fine se haberet ad minorem. Et in hoc passu cognoscitur natura peccati. Est ergo incarnatio, vt successio sustentata sit in medio, in quo virtus sit mota de minoritate ad maioritatem vltra quam non sit appetitus naturalis.

De Fine, maiori- & incarnatione.

Finis & maiortas proportionem habent, & imperfectio & minoritas. Non esset ergo finis cum maiortate proportionatus, nec maiortas cum fine, si non esset incarnatio, ratione cuius finis creatus ad maiortatem ascendit, & maiortas quietem habet in quantum finem maiorem non requirit: quoniam vltra incarnationem creatura maiorem appetitum habere non potest secundum naturam finis & maiortatis. Et si non esset incarnatio, esset contrarium.

De Fine, equalitate & incarnatione.

Si sit incarnatio, est in illa æqualiter finis creatus recolibilis, intelligibilis, & amabilis: quoniam secundum cursum naturalem nulli amatiuitati creatæ pertinet maior creatæ amabilitas quam finis per incarnationem sustentatus & completus. Et idem de intellectiuitate cuiuslibet hominis, cui non spectat altior intelligibilitas creatæ. Et idem est de recolitiuitate. Sunt ergo si sit incarnatio æquales in fine potetia spirituales cuiuslibet hominis

iusti, & idē de angelis beatis. Est ergo incarnatio, vt finis possit esse subiectū æquali amabilitati, & amatiuitati creatæ, & intelligibilitati, & intellectiuitati creatæ, & recolibilitati, & recolitiuitati creatæ.

De Fine, minoritate & incarnatione.

Minor finis est equi quam militis, quoniam finis equi est militia, & finis militis est iustitia & pax, vt in arbore Imperiali significatum est. Est ergo significatum, quod vniuersum creatum est propter minorem finem & quod aliqua ex suis partibus propter maiorem finem: quoniam si vniuersum creatum foret in maiori fine quam aliqua ex suis partibus, quælibet ex suis partibus suum finem in seipso haberet, in quo quiesceret, & nullum appetitum extra se haberet, & esset sicut equus, qui non esset propter militem, nec miles propter iustitiam, nec ferrum propter cultellum, & hoc est impossibile. Est ergo vna pars vniuersi creati finis totius vniuersi, & vt ad illum finem totum bonum vniuersum creatum se habeat. Et idem de suis partibus. Est ergo incarnatio, sine qua nulla pars vniuersi posset esse finis totius vniuersi creati: quoniam non esset digna de ita magna maiortate existente minori quam vniuersum creatum, sicut pars quæ minor est quam suum totum.

De Maiortate, equalitate & incarnatione.

Si sit incarnatio, exinde sequitur maior communis vtilitas omnibus partibus vniuersi boni creati. Et idem de vniuerso magno creato, & sic de aliis

aliis formis primariis, quæ omnes creaturæ secundum cursum naturalem per incarnationem ad maiorem virtutem ascenderunt. Et si incarnatio non sit, est communis utilitas & virtus in priuatione. Est ergo incarnatio ut creator non deficiat maiori communitati, virtuti & utilitati bonitatis, magnitudinis & cæterarum formarum primarum.

De Maioritate, minoritate & Incarnatione.

Creator & maioritas concordantiam habent, & creatura & minoritas. Idcirco Deus maior est quam creatura, & inter creatorem & creaturam non potest esse æqualitas, unde cum Deus creauit mundum secundum suam naturam, se habuit primo ad creandum ipsum in maiori magnitudine bonitatis, durationis, potestatis, sapientiæ, & voluntatis, gloriæ, virtutis, & veritatis, finis, medij, principij, æqualitatis, differentiæ, & concordantiæ, quam in minori: quoniam si se habuisset ante ad minoritatem formarum quam ad maioritatem, habuisset se ad creationem contra suam naturam, quod est impossibile. Est hic mundus creatus ratione maioris maioritatis, magnitudinis, bonitatis, & cæterarum, ad quam maiorem maioritatem creatus esse non potuisset, si Deus non esset incarnatus.

De Aequalitate, minoritate & incarnatione.

Minor æqualitas est in ouo quam in gallina, quia gallina est finis oui, & est in maiori magnitudine bonitatis & virtutis, quam ouum: quod si ouum foret finis gallinæ, fines conuer-

terentur, ita quod ouum esset propter gallinam & gallina propter ouum, & vtrique fines essent in circulo, & æquales in minoritate, & finis non haberet subiectum, in quo esset cum maiori per magnitudinem bonitatis & virtutis, quod est impossibile, & contra cursum naturalem. Est ergo gallina in nobiliori fine quam ouum. Et quia gallina est principiata ex ouo, oportet quod sit aliquis alius finis maior in magnitudine bonitatis & virtutis quàm gallina, & sic successiue de gradu in gradu, & de fine in finem, & de minoritate in maioritatem vsque ad vnum supremum finem creatum qui est finis omnium finium creatorum. Qui si quidem finis esse non posset sine incarnatione, quoniam sine incarnatione non possent habere ita magnam bonitatem magnitudinis & virtutis, quæ sufficeret esse finis omnium creatorum. Est ergo incarnatio sine qua in omnibus creatis foret circulus æqualis in minoritate & sine maiori finis, sicut circulus oui & gallinæ, ut dictum est.

De Fructu arboris Iesu Christi.

Fructum huius arboris quatuor modis cōsideramus, primus est per recreationem, secundus est per exaltationem, tertius per manifestationem, quartus per deificationem. Recreatio est, ut probatū est in arbore apostolicali. Idcirco recreatio totius humani generis est fructus, de quo viuunt omnes beati saluati. Et ille fructus, sustentatus est in natura diuina & humana in quibus saluati fructum vite colligunt sine quo mortui erant omnes illi, qui deuiati erant à fine propter quem creati fuerant, ad quem propter fructum redierunt,

dierunt, qui siquidem fructus ex Domina nostra collectus est materialiter, & ex cruce formaliter. Qui etiam fructus sufficit ad dandum vitam omnibus hominibus mundi ratione suæ magnæ generalitatis & nobilitatis. Idcirco malefacit Ecclesia, quia suum posse non facit, quod ex ipso fructu vitam possideant omnes homines huius mundi. Fructuum exaltationes consideramus, inquantum totum vniuersum creatum per incarnationem est exaltatum, quoniam per incarnationem participat deitas naturaliter cum toto vniuerso creato, inquantum naturam humanam assumpsit, quæ cum omnibus creaturis participat secundum cursum naturalem. Et inquantum participat cum deitate, supra cursum naturalem exaltatum est totum genus vniuersum, videlicet bonitas naturalis & generalis exaltata in bonitate Christi speciali, & idem de aliis formis naturalibus & primis. Dominus Iesus Christus est fructus per manifestationem, inquantum Deus in illo manifestat quietem quam habent dignitates Dei in formis primis Iesu Christi, quæ spectant ad humanam naturam: sicut diuina bonitas, quæ quietem habet in bonitate creata Christi, inquantum ipsam deificat in altiori gradu bonificabilitatis; & sicut diuina magnitudo, quæ magnificat magnitudinem Christi in altiori gradu magnificabilitatis: & æternitas, quæ durificat durationem humanam Christi in altiori gradu durificabilitatis, & potestas diuina, quæ possificat humanam potestatem Christi in altiori gradu possificabilitatis, & sic de aliis formis. Et omnes isti gradus ita excellentes sunt fructus, quos deitas colligit ex humanitate ad manifestandum actus suarum dignitatum in maiori parte manifestationis, in qua

manifestatione diuina natura quietem habet, inquantum manifestatio in supremo gradu perfectionis existit, & sic de gradu bonitatis, magnitudinis & aliarum. Et de hoc cognitionem dedimus in probatione, quam fecimus de incarnatione per flores huius arboris: sicut in primo flore, quæ est de bonitate & magnitudine, in quo ostenditur, quod ita magna debet esse exaltatio bonitatis creatæ: sicut bonitas diuina, & magnitudo sunt rationes, quod producat bona, & magna creatura. Est ergo illa creatura producta in ita magna bonitate: sicut bonitas & magnitudo superiores possunt esse rationes productioni bonæ & magnæ creaturæ. Manifestata est ergo in illa camera collectio fructus per magnitudinem bonitatis, & in secunda camera quæ est de bonitate, æternitate: per bonam durationem: & sic per ordinem, usque ad cameram æqualitatis minoritatis. Fructus incarnationis est duplex, videlicet humanitas Domini Iesu Christi, quæ colligitur per Deitatem, videlicet per Filium, qui illam humanitatem induit, inquantum factus est homo. Et humanitas fructus est in Deitate, inquantum est homo Deus, & est fructus, in quo beati colligunt gloriam tribus modis, videlicet sensualiter per corpus Christi, & spiritualiter per animam ipsius, & diuinaliter per suam Deitatem. Iste fructus ita altus, & ita gloriosus, ita magnus, & ita bonus, ita verus, & ita virtuosus ab aliquo cogitari, nominari non valet, neque scribi.

De Arbore Diuinali.

S V M M A R I V M.



ARBOR diuinalis versatur
circa diuinitatem. Et si-
militer diuiditur in septem
partes, scilicet.

Radices sunt dignitates Dei.

Truncus est substantia Dei.

*Branchæ sunt proprietates perso-
nales.*


Rami sunt generatio, & spiratio.

Folia negationes accidentium.

*Flores probationes productio-
num.*

*Fructus est Deus perfectè com-
pletus.*

De Arbore



De Arbore Diuinali.

H A N C Arborem septem modis consideramus, videlicet secundum dignitates, secundum substantiam, secundum personas diuinas, secundum generationem & spirationem, & secundum negationem accidentium, secundum probationem diuinarum productionum, & secundum complementum absque omni defectu.

Per primam partem dignitates Dei metaphoricè consideramus radices arboris. Et per substantiam truncum consideramus, videlicet essentiam & naturam diuinam. Et proprietates personales consideramus in similitudine branchatum. Et generationem & spirationem consideramus in similitudine ramorum. Et in similitudine foliorum consideramus negationem, quam facimus de accidentibus esse in Deo. Et in similitudine florum conf-

deramus probationes productionum: quas dabimus in beata Dei Trinitate. Et per fructum consideramus complementum quod est Deus completus sine omni defectu.

De Dignitatibus Dei.

Dignitates Dei appellamus suam essentialem bonitatem, magnitudinem, æternitatem, potestatem, sapientiam, voluntatem, virtutem, veritatem, gloriam, & distinctionem personarum, & concordantiam illarum, principium, medium, finem, & æqualitatem. Et has consideramus secundum suas diffinitiones, & secundum quod sunt rationes reales, & etiã secundum quod habent suos actus: sicut bonitas quæ est ratio bono in bonificando, & magnitudo magno in magnificando, & æternitas æterno in æternando, & potestas potenti in possificando, & sapientia sapienti in intelligendo, & voluntas volenti in volendo, & virtus virtuoso in virtuisicando, & veritas vero in verificando, & gloria glorioso in glorificando, & distinctio distinctionanti in distinctiando, & concordia concordanti in concordando, & principium principianti in principiando, & medium medianti in mediando, & infinitas infiniti in infinendo, & æqualitas æquãt in æquando. Exempla istorũ actũ, & istarum rationum sunt ista, videlicet quod bonitas est ratio bono, quod bonum producat, vt non sit ociosa, nec bonus ociosus. Et bonus est Deus Pater, qui per bonitatem bonum Filium producit. Et magnitudo quæ est ratio magno, quod producat magnum, vt non sit ociosa. Qui quidem magnus est Pater, qui producit magnum Filium ratione suæ magnitudinis, &

qui productioni respondet, secundum quod est magnus. Et æternitas est ratio æterno, quod æternum producat, videlicet est ratio Patri, qui est æternitas qui Filium æternum ratione suæ æternitatis producit, quæ est ei ratio, vt ipsa non sit ociosa, nec ipse ociosus. Et idem est de potestate, quæ est ratio possificanti quod possificatum producat, vt in se habeat possificantem, possificabilem & possificatum, & etiam possificare, sine quibus esset ociosa. Idem est de sapientia, quæ est ratio Patri, quod producat sapientem, vt sit intelligere, intelligens & intellectus. Et voluntas est ratio volenti, quod volitum & volibilem producat, vt sit vel- le, volens & volitus. Et virtus est ratio virtuoso, quod virtuosum producat secundum suam rationem, quod si non faceret, esset virtus ociosa, & ipse virtuosus ociosus. Et veritas est ratio vero, quod producat verum, vt in veritate sit verificare & verificatum, & quod veritas in omnibus tribus sit sustentata, & è conuerso, & idem de gloria, quæ secundum suam naturam requirit, quod gloriosus gloriosum producat, vt habere possit in seipsa & de seipsa gloriantem, gloriabilem & gloriari. Distinctio est ratio distinguenti à se distinctum, qui siquidem distinguens est Pater, qui ratione distinctionis distinctum producit, qui est Filius, vnde distinctio est ratio distinguibili, ratione cuius distinguibilitatis diuinæ rationes possunt esse & actus naturales & essentielles. Et concordantia similiter est ratio ad concordandum actus in productionibus. & quod bonificans sit in numero vnum idem cum magnificante, & æternificante, & cæteris: & quod bonificatus sit numero idem cum magnificato, & æternato, & cæteris: & etiam quod bonificare, magnificare, & æternare,

æternare, &c. sunt in numero vnum idem, & etiam quod omnia quæ diximus concordantiâ habeant in bonitate, magnitudine, eternitate, & cæteris, & in essendo vna eadem essentia, vna natura, vna Deitas, vnus Deus, & hoc quod diximus de Filio intelligendum est de sancto Spiritu: & quod dictum est de bonitate, magnitudine, & æternitate, potestate, sapientia, & voluntate, virtute, veritate, gloria, distinctione, & concordantia, intelligitur de principio, medio, fine, & æqualitate. Dignitates diuinæ sunt inuicem numero vnum idem: ita, quod bonitas est idem cum magnitudine & æternitate, & cæteris, in tantum quod numerus est vnus simpliciter sine aliqua distinctione numeri per essentiam, naturam, & Deitatem, & hoc est, vt bonitas sit ita magna, & ita æterna, & potens, &c. per seipsam sicut per magnitudinem, æternitatem, &c. & quod magnitudo similiter per seipsam sit ita propriè bona sicut per bonitatem, & per seipsam ita æterna sicut per æternitatem, & sic de aliis: quoniam si bonitas & magnitudo non essent vnum idem numero, sequeretur quod in Deo essent accidentia: sicut bonitas quæ esset magna accidentaliter per magnitudinem, & non magna per seipsam, & magnitudo quæ esset bona per bonitatem & non per seipsam, & quia in Deo non sunt accidentia oportet quod dignitates sint vnum idem numero. Ratio quare dicimus rationes reales esse in Deo, & quare ipsas numeramus, in quantum dicimus bonitatem, magnitudinem, æternitatem, &c. est ratione actuum, qui non possent esse, nisi essent rationes reales: sicut bonificare, magnificare, &c. Deo existente bono, magno, & æterno, &c. Et in quantum est bonus per bonitatem, veruntamen ip-

se est ipsamet bonitas, habet se ad bonificare, & idem in quantum magnus est, per magnitudinem se habet ad magnificare. Et sic Deo existente sub istis rationibus (vt ita loquar) se habet vt Pater ad bonificandum, magnificandum, & ad producendum bonum Filium & magnum, producendo bonum Filium per bonitatem, & magnum per magnitudinem. Et in hoc passu cognoscitur, quod rationes non existentes distinctæ secundum numerum, possunt esse reales rationes ratione distinctionis suppositorum, videlicet producentis & producti, qui distincti sunt in proprietatibus personalibus. Et si rationes non essent reales per productionem, in qua essent ita confusæ, sicut sunt per numerum, Deus non haberet rationem productionis: quoniam non posset esse distinctio in productione, postquam ipse non consideraret rationem bonitatis ad producendum bonum, nec rationem magnitudinis ad producendum magnum, & sic de aliis, & esset ociosus in suis rationibus, quæ rationes non essent, nisi esset productio: sicut non sunt rationes numeratæ secundum essentiam & sunt numeratæ secundum productionem. Sunt ergo dignitates rationes reales declaratæ, & numeratæ per productionem, & sunt in vnitatem numeri non numerati per essentiam Deitatis & naturæ. Et in hoc passu est valde declarata beatissima Dei Trinitas, videlicet pluralitas diuina suppositorum, quam esse oportet de necessitate, vt in Deo sint rationes reales, propriæ & essentielles claræ & numeratæ. Omnes istæ rationes bonæ sunt per bonitatem, & magnæ per magnitudinem, & æternæ per æternitatem, & potentes per potestatem, & scientiæ per sapientiam, & amatæ per vo-

luntatem, & virtuosè per virtutem, & verè per veritatem, & gloriosè per gloriam, & indistinctè numero per distinctionem: sed sunt rationes reales numeratè & clarè per distinctionem suppositorum. Et idem est de concordantia rationibus non concordantibus in quantum sunt vnum idem numero, sed sunt concordantes in concordantia suppositorum. Et rationes principia non sunt in quantum sunt vnum idem numero: quoniam postquam sunt vnum idem numero, vna ratio non potest esse principium alterius: sed sunt principia, & vnum principium in principiante producente, qui est rationes: & sunt principiatæ, in quantum productus principiatæ est ille rationes qui est ex illis principiatæ & productus. Et etiam actiones non sunt media per essentiam ita, quod vna sit in medio alterius: cum ita sit, quod omnes sint vna simplex essentia, sed per naturam mediæ & distinctionis personarum est in bonitate bonificare, in medio bonificantis & bonificabilis, & magnificare in medio magnificantis & magnificabilis, & sic de aliis. Et etiam rationes non sunt plures fines, sed sunt vnus finis, sicut sunt vna essentia, & sunt fines, sicut sunt rationes per productionem: sicut pater qui sub fine bonitatis producit bonificatum, & sub fine magnitudinis magnificatum, & sic de aliis. Nec rationes sunt æquales per essentiam, quoniam si essent forèt plures & distinctæ, videlicet vna ab aliis, sed sunt per æqualitatem æquales in distinctione suppositorum: sicut bonitas, magnitudo, æternitas, potestas, quæ sunt ita fontaliter & secundè in productione & distinctione, sicut sapientia, voluntas, &c.

De Substantia arboris diuinalis.

Substantiam consideramus esse illud ens in quo rationes sunt sustentatæ, veruntamen dicimus, quod illa & rationes sunt vna eadem essentia, natura, deitas, & Deus: sed substantiam consideramus in quantum est subiectum rationibus: sicut bonus bonitati, & magnus magnitudini, & æternus æternitati, & sic de aliis. Idcirco substantiam esse intelligimus bonum, magnum, æternum & potēs, &c. Secundum quod diximus in arbore elementalī, truncus in tertium numerum transit, ita quod non est vna species cum suis radicibus: quoniam ipse est totum, & radices sunt suæ partes. Sed diuina substantia non transit in tertium numerum, vt ipsa sit in vno numero, & suæ rationes & dignitates sint in alio numero: quoniam ipsa est bonitas, magnitudo, &c. & quælibet est tota substantia. Et in hoc ratio nostra facit differentiam, in quantum intelligimus substantiam omnium rationum, & intelligimus rationes per seipsas claras & inconfusas, & numerales, & etiam substantiales, in quantum substantialiter sunt rationes enti communi, qui est Deus, & qui est substantia. Etiam illæ sunt communes substantiæ in vnitatem numeri & in distinctione personarum. Cum sensibilitas se sensui repræsentat sub ratione coloris, responder sensus communis per videre illi repræsentationi, & cum se repræsentat sub ratione soni aut vocis, responder sensus communis illi repræsentationi cum audire: & sic de aliis sensibilitatibus particularibus, quibus responder sensus communis cum particularibus potentiis; ita & multo melius sine omni comparatione cum

cum substantia diuina tangitur per suas rationes, respondet illis rationibus: veruntamen non dicimus, quod rationes sint partes, scilicet quod respondent secundum earum realitatem & numeralitatem in tactu, ut ita loquar, in productione interiori aut in influentia exteriori quam facit creaturis: quoniam si tangitur sub ratione bonitatis substantia in quantum bona, bonitati respondet & producit bonum, ut bonitas habeat in ipsa suam fontalitem & fecunditatem & abundantiam. Et cum tangitur per magnitudinem, respondet substantia magna, & producit magnum, ut magnitudo suam habeat fontalitem & fecunditatem in illo tactu: & sic de aliis. Idcirco ille qui respondet, est in illa substantia Pater producens Filium: & quia tangitur per bonitatem, producit ipsum ex bonitate: & quia tangitur per magnitudinem, ipsum producit ex magnitudine, & de sua propria bonitate & magnitudine. Idcirco filius est productus bonus & magnus, & est bonus de bonitate, & magnus ex magnitudine. Et quia productus est de tota bonitate & de tota magnitudine, remanet cum patre vna eadem bonitas, & vna eadem magnitudo, & idem est de æternitate & aliis. Cum diuina substantia tangitur per homines bonos, qui faciunt bona opera propter amorem Domini nostri, diuina bonitas tangit substantiam: quæ quidem substantia quæ est Deus, respondet per suam bonitatem bonitati creatæ influendo gratiam bonitatis. Et hoc idem cum tangitur per magnitudinem, in quantum homines magna bona faciunt, & plura propter Dominum nostrum, magnitudo diuinam substantiam tangit, & substantia respondet influendo hominibus suis seruatoribus

magna bona & plura. Et idem de æternitate & cæteris. Et cum homines mali tangunt substantiam faciendo malum, iustitia tangit substantiam quæ tangit homines malos cum vindicta faciendo illis malum pænæ. Et si mala sunt magna, iustitia pœnas multiplicat. Et in hoc passu cognoscitur, quomodo Deus respondet iustis & peccatoribus, secundum quod est tactum per rationes superiores & inferiores. Diuina substantia insensibilis est: quoniam non est de rebus corporalibus, & est inimaginabilis, quoniam non habet figuram circularem, quadrangularem, neque triangularem, nec habet aliquam conditionem, per quam sentiri possit substantialiter nec accidentaliter: cum ita sit, quod ipsa sit infinita, & æterna: nec etiam substantia est composita de partibus, nec de aliqua alia re. Quoniam ens æternum & infinitum, & quod non habet in se aliquod accidens compositum esse non potest, & maximè cum sit pura simplicitas, & in puro simpliciter producente vna simplici persona quæ est pater, de tota sua simplicitate aliam personam, quæ est Filius, & hoc idem de sancto Spiritu. Idcirco nulla substantia quæ sit simplex, & in qua sit simpliciter cum æternare & infinire, composita esse potest, cum ita sit, quod simplicitas, & compositio contrariantur.

De Personis diuinis arboris diuinalis.

BRANCHÆ arboris diuinalis personales sunt proprietates: videlicet paternitas, filiatio, & passiva spiratio, & sunt in substantia secundum naturam dignitatum, & substantia est in ipsis sustentata, secundum

cundum quod essentia in suis essentialibus concretis sustentatur. Et ex istis branchis, ut ita loquar, tractare proponimus in hunc modum, videlicet in applicando dignitates cuilibet proprietati personali secundum suas conditiones & naturam cuiusque personæ, & etiam ostendere numerum trinalem personarum. Et hoc facimus ad bene declarandum hanc arborem, quamvis satis sufficienter sumus locuti de Trinitate in arbore apostolicali.

De Paternitate diuinali.

DEus est bonus, & in hoc quod sua bonitas est ei ratio quod faciat bonum, appellamus bonum, facere bonum producere habet se Deus ad faciendum bonum. Et quia sua magnitudo est ei ratio, quod faciat magnum, appellamus magnum facere producere magnum. Et hanc locutionem tenemus in toto hoc processu. Deus qui est magnus, se habet ad producendum magnum, & ita respondet substantia æqualiter duabus rationibus in producendo magnum bonum. Illum magnum bonum ex alio producere non potest, sed de seipso: quoniam sua magnitudo quæ est infinita, tota se habet ad essendum: ratio, quod magnus infinitus sit productus, & hoc idem de bonitate. Et quia nulla alia substantia est infinita: sed substantia quæ est Deus, oportet quod Deus producat de seipso magnum bonum infinitum: & idem de æternitate, quæ est ratio æterno, quod producat æternum bonum. Et quia alia æternitas non est, sed tantummodo æternitas Dei: oportet quod substantia se habeat ut suppositum æternans quod de seipso bonum æternum producat. Et hoc idem de potestate, quæ est ratio po-

tenti, quod bonum possumus producat. Et idem de sapientia, quæ est ratio sapienti, quod bonum scitum producat. Et voluntas amoroso siue amanti quod producat bonum amatum. Et virtus virtuoso, quod producat bonum virtuosum. Et veritas vero, quod verum bonum producat. Et gloria glorioso, quod gloriosum bonum producat, & distinctio distinctionanti, quod distinctum bonum producat, & concordantia concordanti, quod producat bonum concordatum. Et principium principianti, quod producat principiatum bonum. Et medium medianti, quod bonum mediatum producat. Et finis perficienti, quod bonum perfectum producat. Et æqualitas æqualificanti, quod bonum æqualificatum producat. Sicut omnes rationes se habent ad Deum secundum eorum naturam, & commune suppositum secundum suam naturam, respondet illis rationibus in producendo bonum, respondet omnes rationes ad producendum bonum. Et idem de productione magni, & de productione æterni. Et sic de omnibus rationibus, quæ respondent cuilibet singulariter & communiter, & commune suppositum similiter quod est Deus, & quod se habet ad responsionem, ut pater, quoniam de se habet producere, productum secundum quod omnes rationes requirunt. Et in hoc passu cognoscitur modus, secundum quem dignitates sunt rationes, ex quibus est proprietas paternalis, quæ est producens, respondens, complens, & obediens rationibus: existente, ut ita loquar, paternitate communi sub ipsis, secundum quod requirunt in productione. Et oportet quod sit pater, quia de seipso habet respondere omnibus rationibus, quoniam ex alio subiecto non posset sufficere, secundum quod rationes

rationes requirunt. Et quia inter producentem & productum, quæ sunt in summitate rationum, oportet esse maiorem viciniam, & participationem, concordantiam, naturam & amatiã: oportet quod sit per generationem, quoniam alia productio quæ non esset per generationem, sufficere non posset responsionibus rationum. Est ergo probata paternitas per quam intelligimus primam brancham huius arboris. Deus est bonus: & sua bonitas est ei ratio, quod faciat bonum, & si Deus rationi non responderet, ratio esset ociosa, & ipse esset ociosus, & virtus responsioni deficeret, & magnitudo bonitati, & finis, veritas, & gloria, potestas, sapientia, & voluntas deficerent bonitati & communi supposito, & si responsionem faceret tantummodo in subiecto creato & non in increato, responsionem facit extra & non intra, & deficerent infinitas & æternitas rationibus, & è conuerso, quod esset malum, & contra bonitatem, & contra omnes rationes, quod est impossibile. Est ergo responsio intra substantiam increatam, & est per productionem producentis & producti. In substantia milij, quæ est in multum parua quantitate magnitudinis, bonitatis, est bonitas ratio naturali agenti, quod bonum producat ex illa substantia, & magnitudo similiter est ratio agenti naturali, quod ex illa substantia magnum bonum producat. Et si substantia sit in terra, & conditiones habet, quæ conueniunt responsionibus, sequitur productio & responsio, & facit multiplicationem, quæ bona est & magna: in quantum ex grano milij est arbor producta, quæ conditiones habet, quas diximus de arbore vegetali. Vnde cum magis proprium sit Deo magnum bonum producere, quia ipse maius bonum est,

quam producere minus bonum: & milio est magis proprium, minus bonum producere quam maius, quia in ipso est paruum bonum: veruntamen maius bonum producit quam illud est, in quantum arborem in actu producit cum pluribus branchis, ramis, foliis, floribus, & fructu: quanto magis Deus, qui est magnus, bonus infinitè: in quantum Pater, Filium æqualem producit sibi ipsi, secundum quod rationes requirunt.

De Filiatione diuinali.

Filiatio est secunda brancha huius arboris: & est secunda, quia rationes ante se habent secundum naturam ad producentem, quam ad productibilem secundum ordinem productionis: veruntamen non dicimus, quod in illa anterioritate sit tempus, neque motus, neque maior nobilitas vnius personæ quam alterius: & hæc proprietas filialis est ita sub rationibus per modum passionis: sicut proprietas paternalis per modum actionis, videlicet bonitas est ratio bono, quod producat bonum: & sic ratio se habet dupliciter communi supposito, quoniam vno modo se habet ad illud per actionem, & per alium modum per passionem: vt ita loquat, Ideirco commune suppositum dupliciter respondet ratione bonitatis: quoniam per vnum modum se habet vt agens, & per alium vt patiens: & in quantum se habet vt agens, se habet vt bonificans: & in quantum se habet vt patiens: se habet vt bonificabilis. Et quia magnitudo est in illa ratione, facit quod bonificans sit magnus: & facit bonificabilem esse magnum. Ideirco bonificans, quia tangitur per magnitudinem: producit de seipso, & de sua bonitate bo-

nificatum: quoniam si de seipso ipsum non produceret, bonificatus non esset magnus, nec ipse substantiam haberet, in quo magnam haberet actionem. Et in hac productione æternitas est ratio, in quantum durare facit bonificantem & bonificabilem, similiter & in hoc est distinctio ratio, ut bonificans æternaliter sit distinctus à bonificabili, & bonificabilis ab ipso, intantum quod vnus non sit alius: & hoc æternaliter, ut æternitas faciat durare distinctionem. Etiam potestas est ratio quod bonificans possit esse distinctus à bonificabili, & bonificabilis à bonificante, & quod bonificans æternaliter producere possit bonificabilem, bonificatum: & ad hoc concurrunt sapientia, voluntas, &c. secundum hoc quod dictum est de magnitudine, æternitate, potestate, idcirco filiatio est proprietas personalis per omnes rationes: quæ ita se habent ad illam passiue, sicut ad proprietatem paternalem actiue. Et in hoc passu cognoscitur, quod quælibet dignitas secundum vnum modum est ratio per actionem, & per alium est ratio per passionem. Veruntamen non dicimus, quod rationes se habent ad passionem materialiter: cum ita sit, quod ipsæ sint formæ simplices, & non plures, sed vnum est alia in numero, secundum quod in processu dignitatum dictum est. Et sicut bonitas est vna ratio duplex, in quantum dupliciter se habet ad suppositum, ut dictum est: ita vna eadem forma se habet dupliciter ad commune suppositum: ut sit formans & formabile: sicut lumen de lumine, & Deus de Deo, existente duplicitate formæ in personis sustentata, & vnitatem formæ in communi supposito, idcirco forma est de forma & non de materia, nec de passionem materiali. Filius est bonificatus

& bonificabilis: bonificatus est, ut non remaneat in potentia, & quod sit in puro actu completus: & remanet bonificabilis, ut dignitates sint rationes: in æternitate æternaliter producenti & productibili, videlicet Patri & Filio. Et Pater, quamuis Filius sit productibilis, non addit aliquid Filio, postquam Filius æternaliter est productus, & de æternitate & infinitate, & de omnibus aliis formis productus. Nec Pater addit in seipso aliquam rem, quoniam in substantia infinita & æterna non cadit additio, nec scindit, nec diminuit, nec diuidit aliquam rem de seipso, licet de seipso producat Filium. Et has tales conditiones Patris & Filij requirunt rationes quælibet ab alia, & à natura essentia, quæ est communis substantia, quæ responderet illi requisitioni, secundum quod per rationes est tacta. Et in hoc passu cognoscitur modus, secundum quem in diuinis rationibus ociositas esse non potest.

De Spirabili proprietate diuinali.

IN creatione est creare, de creante & creabili: de creante formaliter, & creabili materialiter. Formaliter de creante: in quantum producit creaturam de nihilo, materialiter: in quantum producit creare de creabili. Tamen creatura creare non producit: quoniam esset creans, sed est potentia passiva, de qua produci potest creare, existente potentia subiecta ipsi creare in illo tempore, quo producitur per creantem. Et hunc ordinem habent aliquæ creaturæ in operando artificialiter: sicut in arbore rationali, in qua agens artificialis producit operari de operabili: sicut faber qui in quantum clauum ex ferro producit, operari ex operabili producit, quod quidem ope-

rari

rari non est de essentia operantis, sed in creaturis secundum cursum naturalem non est ita: sicut in planta in qua generare est de essentia generantis & generabilis, generante producente de seipso, & generabili generare tunc, cum generatur pomū aut equus: & sic de cæteris substantiis productis naturaliter. Et iste ordo est speculum, in quo representatur ordo naturalis superior: de quo dictum est in propria brancha, & secunda huius arboris. Idcirco secundum hoc, quod dictum est: in isto processu inquirere volumus, naturam & modum tertriæ branchæ secundum hunc modum. Diuina bonitas est ratio bono, qui est Deus, tripliciter, quod agat bonum: videlicet quod producat bonum, primo, in quantum est ei ratio, quod sit agens: & per hunc modum agens est Pater: secundo, in quantum est ratio Patri, quod bonificabilem producat, qui est Filius: tertio, in quantum est ratio Patri & Filio, quod bonificare producant, quod est sanctus Spiritus. Veruntamen non dicimus bonificare, quod est Pater & Filius in generare, sed bonificare quod est sanctus Spiritus. Et ex hac materia largius loquemur in ramis huius arboris. Habet se ergo bonitas tripliciter bono, qui respondet rationi tripliciter: in quantum quod in hac responsione est numerus singularis, & numerus dualis, & numerus ternalis. Singularis: in quantum vnus est Pater, alius est Filius, alius est Spiritus sanctus. Dualis: in quantum vnus est Pater, & alius est Filius, & Pater & Filius sunt vnum bonificare amborum: sicut vnū est generare amborum. Ternalis: in quantum Pater se habet ad Filium, & Filius ad Patrem sub ratione bonificandi æqualiter, quia bonitas est ambobus æqualis ratio: & quia Filius non

bonificat Patrem, habent se æqualiter Pater & Filius ad aliud bonificare, quod est spirare, in quo respondent bonitati spirando Spiritum sanctum, qui est tertia persona: vt dictum est: & etiam melius declarare volumus secundum hunc modum, quod est tertia persona. Faber quando facit clauum, ante martellum mouet quam clauum. Idcirco prius se habet ad operari, quam quod clauus sit operatus: sequitur ergo quod operari instrumentum sit operantis & operabilis. Sed in personis diuinis non est ita, quoniam si Pater se haberet ante ad spirandū, siue ad spirare quā ad Filiū, spirare esset instrumentū: sicut operari instrumentum est in fabricatione, & esset bonificare ipsius spirare instrumentum, & non esset de essentia filij: sicut operari fabri, quod non est de essentia clauī, habet se ergo Pater ad Filiū, & Filius ad Patrem, & secundum istum respectum amborum, & æqualem respectum sub ratione bonitatis se habent ambo ad spirandum in spirando Spiritum sanctum, qui est tertia persona, in quantum est consona antecedentis, qui est respectus Patris & Filij, & æqualiter in in responsione bonitati sub ratione bonificare siue bonificandi. Et in hoc passu potest intelligi error in quo sunt Græci, qui non credunt, quod sanctus Spiritus exeat à Filio, sed ex Patre tantummodo. Secundum exemplum quod dedimus de bonitate in inquirendo tertiam personam, potest dici de magnitudine, æternitate, potestate & cæteris, quoniam omnes dignitates sunt rationes communienti tripliciter: sicut magnitudo, quæ est ratio in magnificante, & in magnificabili, & in magnificare, & hoc idem per magnificatē, & per magnificabilem, & per magnificare, & hoc idem de magnificante

magnificabili & magnificare, & ad magnificentem, magnificentem, & ad magnificare, & etiam cum natura & modo magnificationis. Et idem de æternitate & cæteris dignitatibus. Idcirco omnes dignitates sunt sub vna passiuâ spiratione quæ est proprietas personalis & constituta de responsione quam facit commune ens dignitatibus secundû actiuam spirationem, propter quam dignitates requirunt passiuam spirationem, vt actus eorum esse possint inter Patrem, & Filium, & Spiritû sanctû, inter quem, scilicet Patrem & Filium esse non possent: cum ita sit, quod Filius Patrem non bonificat, nec ipsum magnificat, qui ipse totus bonificatus est & magnificatus per Patrem: sed in quantum Pater & Filius bonitati respondent in bonificando, & magnitudini in magnificando, habent se ad bonificare & ad magnificare in bonificando & magnificando sanctum Spiritum. Et in hoc passu beata Dei Trinitas valde clarè significatur.

De Numero ternali diuinali.

IN bonitate non potest esse magnitudo sine essentialibus concretis, in quibus sit sustentata, & cum ipsis vna natura remaneat, & vna essentia. Quæ quidem sunt bonificans, bonificabilis & bonificare, & quod vnus ex istis bonitate alium producat, & ambo tertium: quoniam sine istis non haberet subiectum, in quo esset sustentata: nec posset esse in puro actu, quoniam bonificare habere non posset, nec posset esse: quod si esset, oporteret quod esset in potentia in alia substantia sustentata, & quod bonificans; bonificabilis, & bonificans non essent de sua essentia, & sic esset parua cõtra magnitudinem,

quod ei esset malum, quod est suum contrarium, & esset in priuatione puri actus contra æternitatem, & non haberet in se potestatem essentialem, & deficeret potestas, quæ in ipsa seibilibus non esset nec amabilis. Et hoc idem de virtute, veritate & gloria, &c. quæ bonitati deficeret, & ipsa omnibus deficeret: quoniam postquam esset in defectu, non posset omnibus dare complementum. Et huiusmodi bonitas in Deo non est. Est ergo sua bonitas purus actus, & habet essentialia concreta quæ sunt tria, videlicet bonificans, bonificabilis & bonificare. Et cum omnibus istis tribus est ratio magna, æterna, potens, seibilis & amabilis, &c. Sûnt ergo tres personæ sub ratione bonitatis, & secundum quod iam dictum est & probatum, inquirêdo proprietatem paternalem & filialem, & proprietatem spirabilem. Et sicut oportet q̃ sint tres personæ & non minus ratione bonitatis, ita oportet quod sint tres & nō minus ratione magnitudinis, quæ est magna, quia in se habet essentialia concreta, videlicet magnificatẽ, magnificentem & magnificare, sine quibus non posset esse magna, & hoc idem de æternitate, quæ non posset esse magna sine essentiali æternificante, æternificabili & æternificare, & sic de magnitudine aliarum dignitatum. Qui in bonitate adderet quartum, aut quintum, aut plura supposita, quæ essent simpliciter de sua essentia: sicut sunt tria, de quibus dictum est, esset parua & non magna: quoniam si haberet duos bonificantes, videlicet duos patres, deficeret magnitudo cuiuslibet in fine: quoniam maior est vnus pater in fine bonitatis quam duo patres, si vnus sufficiat toti fini bonitatis sub ratione proprietatis paternalis. Quoniam si forent duo patres, forent distincti & toti

toti fini bonitatis vna proprietas paternalis, videlicet vnus pater sufficere non posset, imo indigeret habere duos aut plures: sicut toti speciei humanæ, cui non sufficit vnus Martinus, esset ergo bonitas defectiua si haberet in se duas paternitates, videlicet duos patres, & sic non esset magna. Et si nō esset magna, oporteret quod esset parua, cum ita sit quod paruitas & magnitudo sint contraria. Et idem de duabus filiationibus, & duabus spirationibus. Non sunt ergo plures tribus proprietatibus personalibus in diuina bonitate, & idem de diuina magnitudine, æternitate, & aliis. In bonitate diuina extranea proprietas esse non potest, quæ non sit bonificans, bonificabilis, nec bonificare: quoniam bonitas est plena omnibus tribus, & secundum suam naturam plures proprietates non requirit, nec plena potest esse sine ipsis, vt dictum est: sicut corpus, cui sufficit longum, amplum & profundum, ex quibus sit rotundum, quadrangulum & triangulum, quod siquidem corpus pluribus mensuris non indiget, nec poterit esse sine tribus mensuris. Esset ergo superfluitas, si diuina bonitas indigeret habere extraneam proprietatem, quæ non esset bonificans, bonificabilis & bonificare. Non est ergo quarta persona, nec plures tribus in bonitate diuinali. Et idem de diuina magnitudine, æternitate, & aliis. Bonificans, bonificabilis & bonificare sunt diuina bonitas, & bonitas est omnes tres ita, quod vna est essentia, natura, & numerus. Idcirco non sequitur tertius numerus: sicut fit in homine, aut in alia substantia creata: quoniam in hoc quod anima & corpus non sunt de vna essentia, nec natura, transit homo in tertio numero, qui est totum: & anima, & corpus sunt

sue partes. Et quia pars non est totum, nec totum est pars, & vnus numerus in toto & alius in parte: & multiplicatur, secundum quod partes sunt plures. Sed hoc non est in bonitate diuina: cum ita sit, quod bonificans sit tota bonitas, & tota bonitas sit bonificans, & bonificabilis sit de toto bonificante, & de tota bonitate, & bonificare, de tota bonitate, & de toto bonificante & bonificabili, & bonitas sit omnes tres, & omnes tres sint bonitas: idcirco non sunt partes bonitatis, quoniam quilibet est tota bonitas: & bonitas est quilibet: non oportet ergo dicere, quod bonitas sit in quarto numero, quoniam exire non potest de numero omnium trium, postquam illi tres non sunt sue partes, & quilibet est tota bonitas: & idem de magnitudine, æternitate, &c. Quia bonitas, magnitudo, & ceteræ diuinæ dignitates sunt vnum idem numero, vt iam dictum est in radicibus huius arboris: non est in diuina essentia vnus bonificans, & alius magnificans, nec alius æternificans: imo sunt vna eadem proprietas paternalis, quæ non multiplicatur in pluribus paternitatibus: quauis rationes sint plures, plures sunt per modum productionis, quæ est per generare & spirare, inter quas est distinctio: vt dictum est, non sunt plures, in quantum vna est alia, idcirco non fit multiplicatio inter Patrem & Patrem: cum non sit nisi vnus Pater, qui est bonificans, & magnificans, æternificans, &c. Et bonificans ratione bonitatis, & magnificans ratione magnitudinis, & æternificans ratione æternitatis, &c. & idem intelligitur de bonificabilitate, magnificabilitate, æternificabilitate, &c. & de bonificare, magnificare, &c.

De Generatione & spiratione.

Generatio & spiratio sunt rami huius arboris, quoniam secundum ramos arboris rationalis & angelicalis significantur isti rami, in quibus tenere proponimus modum quem tenuimus in brachis: ita videlicet quod sicut posuimus subiacentiam, & subintroitum actuum dignitatum sub brachis, ita proponimus submittere illos eodem actus sub generare, & spirare, & intelligere, & amare, videlicet sub generare per intelligere, & sub spirare per amare, siue per amorem.

De Generatione.

Diuina sapientia requirit suam fecunditatem, & fontalitatem à sapiente, qui est Deus: & tangit ipsum tripliciter, secundum quod est ratio intellectiuo, intelligibili, & intelligere. Et sapiens, qui tactus est per rationem, respondet ut intelligens, intelligibilis, & intelligere: & tunc seipsum intelligit. Et quia intelligit seipsum est intelligens: & quia se intelligit, est intelligibilis: quoniam si intelligibilis non esset: non posset se intelligere. Intelligit ergo seipsum, & habet in se intelligere: sine quo non posset esse intellectus; nec intelligens, nec intelligibilis. Facit ergo responsionem sapientiae secundum suam proprietatem & naturam illius, & respondentis acti per illam. Responsioni quam sapiens facit rationi sapientiae, omnes dignitates aequaliter concurrunt cum suis actibus, quæ requirunt in illo actu suam fecunditatem, fontalitatem & naturam: sicut bonitas, quæ requirit, quod illud intelligere sit bonum: ut in illo sit bonificare, & magnitudo requirit, quod sit magnum: ut in illo sit

magnificare: & eternitas requirit quod sit æternum, ut in illo sit æternare, & sic de cæteris actibus, & quia intelligere & bonificare sunt in responsione bonificans, & bonificabilis, ex quibus est bonificare, & quia in responsione est magnificare, sunt in illa magnificans & magnificabilis, ex quibus est magnificare. Et quia in responsione est æternare, sunt in illa æternans & æternabilis, ex quibus est æternare, &c. Sunt in intelligere bonificans, bonificabilis, & bonificare. Bonificans est intelligens, & non bonificat seipsum, quoniam iam bonus est, veruntamen intelligens, qui est bonificans, intelligit seipsum. Et in hoc puncto adest distinctio, & incipit esse generatio, & productio: veruntamen non dicimus, quod principiet in tempore, sed in natura distinctionis, & responsionis, in tantum quod bonificans & intelligens sunt una proprietas generatiua, bonificatiua, & intellectiua. Et distinctio est, in quantum intellectiuus per bonificatiuam proprietatem non bonificat seipsum: sed intelligit seipsum. Et in quantum habet remanere vnum suppositum cum bonificatiuo, bonificatiuus seipsum bonificat in alio, & sic concipitur verbum, quod est Filius, & remanet fecunditas bonitatis, & fecunditas sapientiae, & sunt bonificare, & intelligere in ramo, quem appellamus generatio aut generationem. Deus intelligit seipsum cum magnitudine: sed non magnificat seipsum: quoniam iam magnus est: & ut magnificare sit ita magnum sicut intelligere, transit magnificare in aliud per intelligere, & ut sit æquale ipsi intelligere. Et in hoc puncto adest distinctio, ut sit magnificare ita magnum sicut intelligere. Et ad esse distinctionis & æqualitatis est generatio & pro

& productio, & æquales remanent in fecunditate, & fontalitate duæ rationes, videlicet sapientia & magnitudo, quæ habent suos actus in generatione. Deus intelligit seipsum cum æternitate, non tamen æternificat seipsum: quoniam iam est æternus. Et quia intelligit seipsum, adfunt distinctio, æqualitas, & concordantia, in tantum quod intelligendo seipsum, in alium seipsum æternificat & remanet æternus & intellectus, & alius distinctus ab intelligente, & est intelligibilis, & hoc facit distinctio, & etiam æqualitas, ut æternare, & intelligere sint æqualia in fecunditate, & fontalitate, & natura: & hoc idem facit concordantia, per quam concordata sunt in distinctione, & æqualitate per productionem, & generationem, quam esse oportet per æternificationem, ut fecunditas æternitatis æqualis sit fecunditati sapientiæ: & quod facere possit existere & durare sub certa proprietate & determinata intelligentem & æternantem, & sub alia certa proprietate & determinata, æternificabilem, & intelligibilem, & sic sunt æternare & intelligere sub generare, illo generare existente per æternare, & intelligere. Deus intelligit seipsum cum potestate: quoniam sine potestate se intelligere non posset. Et quia Deus seipsum non possificat, quoniam iam est potens, in quantum potest esse intelligens transit ad possificandum alium & etiam intelligendum, ut in illo transitu sit æqualitas fontalitatis amborum rationum. Et sic adest distinctio & etiam æqualitas, & incipit distinctio alietatis, in quantum intelligens intelligit alium intelligendo seipsum. Et oportet quod intelligat de necessitate alium, ut possificans, qui non potest seipsum possificare, alium

possificare possit, & sic sunt possificare & intelligere æqualiter sub generare. Deus intelligit seipsum cum virtute, sed non virtificat seipsum, quoniam iam intelligens virtuosus est. Et quia oportet quod virtificare æquale sit intelligere, adest distinctio, & transire facit virtificare in obiectum virtificabile, generabile, ad quod transit scire, ut sit obiectum scitum in tantum per sapientiam & intelligere, sicut per virtutem & virtificare: & sic virtificare & intelligere æqualiter sunt sub generare: & generare æqualiter ex ambobus. Deus intelligit seipsum cum veritate, veruntamen seipsum non verificat, quoniam verus est. Et quia oportet quod verificare æquale sit intelligere: & intelligens seipsum verificare non potest, transit ad verificabile, ut in ipso sit verificans, idcirco oportet quod transeat ad intelligibilem distinctum cum distinctione, quæ iuvat: & sic sunt vnum idem intelligibile & verificabile, & remanet vna potentia obiectiva, quæ est intellectiva, verificativa & distinctiva, & sequitur verificare, intelligere, & distinctionare, quæ æqualiter sunt sub generare & producere: sine quo verificans non posset æqualitatem verificare ipsi intelligere, si non transiret ad verificabilitatem, intelligibilitatem, & distinctionabilitatem secundum naturam obiectandi, & æqualificandi obiectum cum actibus trium rationum, & cum earum actiuitate. Deus intelligit seipsum gloriosum, & non glorificat seipsum: quoniam iam est gloria, quæ requirit quod gloriosus habeat gloriari æquale intelligere. Idcirco oportet quod Deus respondeat rationi gloriæ: & est glorians alium, qui est gloriabilis: & sic est gloriari, quod est de gloriante & gloriabili æquale ipsi intelligere, quod oportet esse ex

se ex intelligente & intelligibili: quoniam æquale esse non posset ipsi gloriari, si non esset ex ambobus. Et in hoc puncto adsunt distinctio & æqualitas: adest distinctio, vt sit distinctio inter gloriantem, & gloriatum: intelligentem & intellectum. Adest etiā æqualitas, vt gloriari & intelligere sint æqualia: & sic sunt gloriari & intelligere sub generare. Deus intelligit seipsum esse Deum, est ergo per sapientiam intelligens: & Deus intelligibilis est per deitatem: & non potest deificare seipsum, quoniam iam Deus est, nec suam deitatem in pluribus deitatibus distinctionare potest, quoniam diuisibilis esset in pluribus diis. Et quoniam oportet quod deitas sit rationalis: sicut sapientia, ita requirit à Deo deificare: sicut sapientia à sapiente requirit intelligere. Idcirco adest distinctio cum distinctionare: & transit deificare ex deificante ad deificabilem: ad quem oportet quod transeat intelligere ex intelligente ad intelligibilem cum distinctionare: quod sit inter ambos, vt deificare & scire æqualia possint esse: & ita sunt deificare & scire æqualiter sub generare cum distinctionare: quod est actus distinctionis ita fontaliter sicut intelligere sapientie & sicut deificare, quod est actus deitatis. Deus intelligit seipsum, & oportet quod concordantiam intelligat inter intellectum, intelligibilem & intelligere: quoniam si concordantia deficeret, non haberet cum quo remotus esset à contrarietate: sicut per bonitatem cum qua remotus est à malitia, & cum magnitudine à paruitate: & sic de aliis: oportet ergo quod concordantia sit inter intelligentem, intelligibilem, & intelligere. Concordantia ibi esse non potest sine concordante, concordabili & concordare: est ergo concordantia

ita fontaliter ratio Deo per concordare: sicut sapientia per intelligere. Oportet ergo distinctionem adesse per quam vnus sit concordans, & alius concordabilis: quoniam sine illa non posset esse concordare. Et quia concordare oportet esse æquale ipsi intelligere, ita oportet sapientiam transire ad intelligibilem per distinctionem & distinctionare: sicut concordantia ad concordabilem: & sic sunt concordare & intelligere æqualiter sub generare & producere. Deus intelligit seipsum, & seipsum intelligere non potest sine intelligente, intelligibili & intelligere. Et si intellectus non sit principium intelligibilis, intelligere non potest esse principium amborum: & principium deficit in intelligere, quod siquidem intelligere non habet, cum quo remotum sit à principio ignorantie: & intelligere remotius est à malitia per bonitatem, & à paruitate per magnitudinem, quam ab ignorantia cum principio ipsius intelligere: & sic intelligere propinquum ignorantie potest esse, inquantum non est de natura principij: quæ propinquitas est impossibilis. Est ergo intelligere principium essentiale & naturale, cum quo intelligere remotum est à principio ignorandi, quod in diuino intelligere non potest principiare, postquam intelligere est principiare, diuini principij & principialis. Et quia Deus est principium, vt probatum est: non principiat seipsum, inquantum est principias, & quia principiare oportet esse æquale ipsi intelligere, oportet quod principiare transeat de principiante ad principabilem, & remaneat inter ambos: & hoc non potest facere sine iuuamine distinctionis, quæ sit inter principium, principiatem & principabilem, quam oportet esse inter intelligentem & intelligibi

telligibilem. Et ita sunt æqualiter intelligere & principiare, sub generare & producere. Deus intelligit seipsum: & intelligit, quod intelligere sit in medio intelligentis & intelligibilis, adeo est clarum & clarificatum intelligere: quoniam est intellectum esse in medio intelligentis & intelligibilis. Et si intelligens medium non intelligit inter se ipsum, & intelligibilem non habet: cum quo possit intelligere seipsum, nec intelligibilem: quoniam in priuatione medij est priuatio intelligendi. Non intelligit ergo Deus seipsum, nec intelligit seipsum esse intelligentem, nec esse intellectum: quod est impossibile. Est intelligere reale medium, quod est inter intelligentem & intelligibilem: cui meditationi adest distinctio, quæ se ponit in medio intelligentis & intelligibilis cum distinctionare, & per distinctionare. Et sic intelligere, mediare, & distinctionare æqualiter sunt sub generare, quod est ex illis, & in illis, & per illa, & in vno eodem numero cum illis. Deus intelligit semetipsum: & sicut sua sapientia requirit secundum suam formalitatem intelligentem, intelligibilem & intelligere, ita finis qui est complementum à Deo formaliter requirit perfectientem, perfectibilem & perficere. Deus seipsum complere non potest, quia iam plenus est, sed quia oportet quod respondeat rationi finis, & formalitati illius responderet, ut complens & perfectibilis, & perficere siue complere: sed hoc facere non posset sine distinctione perfectientis, perfectibilis & perficere completè producente de seipso perfectibilem: quoniam de alio subiecto ipsum perficere non posset: cum ita sit, quod ratio requirit perficere infinitum & æternum. Est ergo in illo complere distinctio, &

ut complere & intelligere sint æqualia, est inter intelligentem & intelligibilem, & ita oportet de necessitate ratione æqualitatis quam esse oportet, ut intelligēs de seipso distinguat in producendo intelligibile, non tamen distinguat seipsum, in quantum est intelligens, sed distinguat de seipso in producendo. Et hoc oportet ita esse, quia complens seipsum complere non potest: quoniam iam plenus est per seipsum: sicut intelligens, qui est iam intelligens per seipsum: sed oportet quod de seipso impleat perfectibilem in producendo ipsum de seipso. Sint ergo intelligere & complere æqualiter sub generare & producere cum distinctione, sine quo non sequeretur finis ipsius complere, neque intelligere, & Deus se intelligeret ociose & cum vaneitate utilitatis & finis, quod est impossibile & contra rationem finis, sapientie, & magnitudinis, bonitatis, eternitatis, &c. Deus intelligit seipsum cum æqualitate intelligentis, intelligibilis & intelligere, sine qua æqualitate sapientia non posset esse remota ab inæqualitate intelligentis, intelligibilis & intelligere: sicut per seipsam ab ignorantia cum intelligente, intelligibili & intelligere, & a malitia cum bonitate, & a paruitate cum magnitudine, & a tempore cum æternitate, & a confusione cum differentia, & a contrarierate cum cōcordantia, & sic de cæteris. Est ergo æqualitas inter intelligentem, intelligibilem & intelligere, quæ est in illis cum distinctione, sine qua non posset esse, cum ita sit, quod æqualitas non posset esse sine pluralitate plurium. Et quia æqualitas à Deo requirit secundum suam fecunditatem æqualificantem, æqualificabilem & æqualificatam, ut ipsa sit ex omnibus tribus, & omnes tres sint ex illa, responderet

Deus ita fontaliter rationi æqualitatis: sicut rationi sapientiæ, quæ requirit intelligentem, intelligibilem & intelligere. Idcirco sequitur productio de necessitate per æqualificare & intelligere æqualiter, quæ æqualiter sunt sub generare. Probatum est & ostensum, quod actus qui sunt infinitiui & de rationibus diuinis, subiacentes sunt ipsi generare, quod est supra, in quantum est ex omnibus, & quod generare est ex generante & generabili, & remanet idem numero cum ambobus: quoniam in tertium numerum non transit, quod si transiret totum esset, & essent generans & generabilis partes, quod est impossibile: cum ita sit, quod oporteat omnem partem esse finitam, & generare sit de infinito infiniens generare, infinibili generato & generabili. Demus ergo laudem Deo, a quo venit omnis sapientia & omne bonum, quia valde clarè ramū declarauimus, qui est de duabus primis branchis, hoc est generare, quod est ex generante & generabili, & in illo sunt ambo, & per illum vnus est in alio. Idcirco dixit Dominus Iesus Christus secundum Deitatem, quod ipse erat in Patre, & Pater erat in ipso, & qui ipsum videt, videt & Patrem, & qui videt Patrem, videt ipsum.

De Spirare.

Secundus ramus est spirare, sub quo sunt infinitiui dignitatum sub actu amoris, quod est amare: sicut actus bonitatis, qui requirit, quod de amore, quem Pater habet ad Filium, & quem Filius habet ad Patrem, exeat tale amare, quod possit esse ita persona: sicut est in Patre & Filio, ut suum bonificare possit esse in personali amare: & illi requisi-
tioni Pater & Filius respondent cum

distinctione & cum æqualitate, ut bonitati satisfacere possint, cui satisfaciunt in distinguendo amare, spirando illum, & cum illis in æqualificando: & sic est bonificare sub spirare in amare. Idcirco bonitas in illo amare quiescere potest. Pater diligit filium duobus modis, vno modo diligit ipsum in generando, alio modo in quantum respondet amori, quem filius habet ad eum: quoniam filius patrem diligit non in producendo ipsum, sed ipsum diligit, quia magna est eius amabilitas: & pater respondet illi amatiuitati filij, quem diligit, quia magna est eius amabilitas. Idcirco requirit magnitudo patris & filij à duabus amatiuitatibus, vnum ita magnum magnificare, quod sit personare in amare amborum secundum naturam spirandi. Idcirco pater & filius respondet magnitudini, in producendo spirare, vnde exit spirabilis per naturam amare, sub quo est magnificare in distinctionare & æqualificare. Filius patrem æternare non potest, quoniam ipse filius æternatus est per patrem: & quia potest patrem diligere, ipsum diligit, in quantum pater est amabilis per æternitatem, quæ est amabilis in patre, & per quam pater est amabilis, nec pater alia vice filium æternare potest: quoniam iam æternatus est per eum, in quantum per ipsum generatus est, & de sua æternitate. Idcirco æternitas requirit à patre cum amore, quod filium amet, postquam est amatus per filium, & pater æternitati obedit & amori: & amat filium. Et ex his duabus amatiuitatibus exit vnum æternum amare, quod est spirare, quod remanet vna amatiuitas, ut remaneat vna spiratiuitas, quæ producat vnam spirabilitatem, quæ est sanctus Spiritus spiratus, & spirabilis in æternitate, & de æternitate in æternare, quod est
per

per naturam amare, quod est sub spirare. Filius patrem producere non potest, quoniam non est de natura possibilitatis, nec possibilitatis, quod filius, qui est productus per patrem, suum patrem producat: & quia potestas se extendere non potest, nec communicare filio, quod ipse possit producere suum patrem, requirit à voluntate filij, quod ipse amet patrem, vt in illo amare possit potestas habere personale possificare, & ita fontale & abundum: sicut est generare. Idcirco filius responder potestati, & diligit patrem cum personali amare. Et potestas requirit à patre, quod amet filium cum personali amare: & amat filium cum personali amare. Et ita sibi inuicē obuiant ambæ amatiuitates personales in vno personali amare spirato, & personato: possificato per naturam amandi: sub quo spirare est actus potestatis qui est possificare. Pater filium producit virtuosum, quia ipsum cum virtute producit, & de virtute, & per virtutem, & in virtute. Idcirco virtus requirit à filio: quod amet patrem virtuosè, cum ita virtuosè amare, sicut est producere: sed hoc filius facere non posset sine personali amare, cui pater responder cum responsione virtutis, quæ non est illa, quæ est generationis. Et oportet quod illa responsio sit ita magna sicut illa, quam facit filius virtuti. Est ergo responsio, quam pater virtuti facit ratione amare personalis responsionis. Idcirco potest esse personalis actus virtutis in amore, quem habent pater & filius cum iuuamine tamen distinctionis: ratione cuius sit productus, spiratus, personatus, amatus, & virtutificatus, sub qua spiratione actum virtutis posuimus, qui cum aliis actibus constituit communem spirationem, quæ est supra, vt ita loquar: vi-

delicet supra actus infinitiuos per naturam amandi & amoris, & per amorem, & in amore. Pater filium producit cum veritate: idcirco pater est veritas productiua, & filius productibilis: & veritas conuerri non potest, videlicet quod pater sit veritas productibilis, & filius productiua, quod si conuerteretur, sequeretur contradictio tantum, quod pater esset pater, & non pater, & filius esset filius, & non filius: quoniam quilibet esset pater, & filius insimul: & quia in hac conuersione veritas verificare non potest, habere requirit à filio, quod amet patrem, cū ita magno amore, sicut est suum verificare per naturam generandi. Et hoc facit veritas, vt possit habere ita magnum verificare per actum filij in amando: sicut per actum patris in generando. Responder ergo filius veritati, & amat patrem, cum ita magno verificare amandi: sicut est verificare generandi. Idcirco veritas requirit à patre, quod respondeat amare filij, cum ita magno verificare amandi: sicut est actus filij. Et quia Pater est obediens rationi veritatis, responder filio per naturam amandi & verificandi: & ex ipsis duabus responsionibus quæ sibi inuicem obuiant: ita exit amare & spirare, & multo melius: sicut exiret ignis ex duobus magnis lapidibus, qui sibi inuicem in aëre obuiarent per machinas projectis, ex quibus exit in actu totus ignis qui est in illis in potentia. Et in hoc passu cognoscitur natura spirandi, & modus secundum quem verificare constituit spirare, cum aliis actibus per naturam amandi. Pater habet gloriam in producendo filium de sua gloria, & in quantum producit de sua gloria, est pater: & in quantum gloriatur cum filio per naturam amandi, habet pater gloriam in amando fi-

lium, & filius in amando patrem: quoniam magna gloria est patri in producendo ita nobilem filium, & magna gloria est filio in habendo ita nobilem patrem. Idcirco gloria requiritur a patre, quod habeat ita magnum gloriam in amare filium: sicut habet in generare ipsum, postquam filius ita magnam habet gloriam in amare patrem: sicut in amare seipsum, idcirco pater responderet gloriæ intantum per naturam amandi: sicut ei respondet per naturam generandi: in quantum ex ipsa filium generauit. Idcirco sibi obuiant ambæ responsiones in gloria per naturam amandi. Et ex illa obuiatione ita exit spirare in gloria, & multo melius: sicut exeunt ex obuiatione ventorum tonitrua in sonum, & fulgur in lucem & motum. idcirco est ille qui exit ex obuiatione in gloria, Spiritus sanctus: sub quo est gloriari per naturam amandi. Pater generat filium: ut probatum est in arbore apostolicali, & etiam in hac arbore: & quia generat filium respondet actui distinctionis, qui est distinctionare patre filium à se distinguente, ipsum generando ita, quod pater remanet vna proprietas distinctiua, & filius alia proprietas distinguibilis: & quia filius patrem distinctionare non potest, distinctio à filio requirit distinctionare per naturam amandi: & patrem amat cum personali amare, cui amare oportet quod respondeat pater per alium modum distinctionandi, distinctum à generare, quod si non, pater non aliud amaret nisi generare intantum, quod non amaret generatum, nec amare redderet propter amatum: & sic deficeret responsio ni distinctionandi, & personali amare filij, quod est impossibile. Diligit ergo Pater Filium cum personali amare in distinctionare, & amare in tantum,

quod duæ personarum uirtutes, vna videlicet quæ est Filius, & alia quæ est Pater sibi inuicem obuiant in distinctionare & amare, & amor est subiectum, unde exit distinctionare & amare, ita & multo melius: sicut exit in amore angeli amare, amantis, & amabilis. Exit ergo spirare ex ambabus, amatiuitatibus, personalibus, & personis: quæ se vniunt in vna proprietate spiratiua, distinctiua, amatiua, & productiua, de qua exit vna proprietas spirabilis, amabilis, distinguibilis, & productibilis: idcirco distinctio habere potest distinctionare per actum filij in ita magnum amare: sicut habet per Patrem in actu generandi. Patre Filium generante habet concordantiam cum omnibus rationibus, quæ ab eo suos actus requirunt infinituos: sicut bonitas, quæ ab eo requirit bonificare, postquam est bonus, & magnitudo, magnificare, postquam est magnus, & sic de cæteris. Respondet ergo Pater omnibus, & inter alias respondet concordantiæ, quæ requirit concordare, & generare, quæ siquidem concordantiæ requirit à Filio concordare in amare, & vult, quod concordare sit ita magnum in suo amare sicut in generare, istud ita magnum concordare Filius habere non potest sine personali amare concordatiui, productiui, & amatiui, idcirco Patrem amat cum tota amatiuitate sua, & Pater responderet Filio cum ita magna amatiuitate in concordare per naturam amandi, ut sit tantum concordantiæ obediens sicut Filius, & ex illo concordare exit spirare per naturam amandi, & sic concordantiam suam habet concordare duobus modis æqualibus: vno modo est per generare, alio modo per spirare, sub quo quidem spirare est ita concordare per amare: sicut est sub generare.

tare per intelligere. Deus est perfectum principium, & perfectum principium esse non potest sine istis tribus modis: videlicet quod sit principium, principians, non principiatum, quod principiat de seipso principiatum, & principiabilem, qui quidem principiat, & principiabilis sit principians alium principiatum, in quo principium sit terminatum, ita videlicet quod ultra illud non sit alia principiabilitas: quare principium commune remanet in numero ternali, secundum quod in tertia brancha probatum est. Et quia Pater Filium principiat, & Filius Patrem non principiat, & principium à Filio requirit principiare, Filius responderet rationi principij, & principiat personale amare de necessitate, quia principium à Filio requirit ita magnum principiare in amando sicut à Patre in intelligendo. Amat ergo Filius Patrem cum ipersonali amare in principiando, principiabilem, & principium, ita magnum principiare requirit à Patre per naturam amandi, sicut per naturam intelligendi. Obuiant ergo sibi inuicem Pater & Filius in vno personali amare, ita & multo melius sicut duo homines boni, qui se inuicem diligunt, sibi obuiant in vno genere amandi, & in vna natura amoris. Inuenit ergo Pater Filium in vna natura amatiua, spiratiua, & principiatiua, principio communi respondendo, & Filius inuenit Patrem similimodo in tantum, quod ex ambobus modis est vna natura principiandi, vt obuiatio sit magna in principiando amare, quod spirando producit. Et in hoc passu cognoscitur magna natura, quam Pater & Filius habent in amando, & in principiando Spiritum sanctum, & ipsam ita fortiter de principiabilitate, & amabilitate, perficiendo, quod ipse

non requirit naturam habere aliquam personam producendi: quoniam ei sufficit, quod sit productus postquam productus est per ita magnam obuiationem amandi & principiandi. Pater Filium generat, & ipsum generat cum medio bonitatis, videlicet cum bonificare, quod est in generando, in quantum Pater bonum Filium producit. Et idem est de medio magnitudinis, quod est in generando, in quantum Pater magnum Filium producit: & sic de aliis mediis, quæ sunt infinitiui & actus rationum, quæ attingunt suos actus in generando siue in generate, in quo quiescunt, quam quierem à Filio requirunt. Et quia Filius generare non potest Patrem responder rationibus per naturam amandi siue amare, quod est actus amoris, cum quo Patrem amat, & in quo bonitas habet bonificare, si Filius bonificatum producit: & sic de aliis mediis. Oportet ergo quod Filius de necessitate tertiam personam producat: vt respondere possit in bonitate bonificanti, & in magnitudine magnificanti. Ipsa namque Patrem bonificare non potest, nec magnificare in producendo: nec etiam potest in producendo seipsum bonificare, nec magnificare: quoniam iam productus est per Patrem. Habet se ergo ad Spiritum sanctum per naturam amandi: vt respondere possit in amando Patrem mediis infinitiuis in producendo: cui responsioni oportet, quod Pater respondeat ita fortiter sicut Filius. Idcirco Pater & Filius sibi inuicem obuiant in vno amare, quod est medium amoris, de quo exit spirare, ita & multo melius sicut aqua de fonte, & elementatum de elementis, & calor de igne, & splendor à Sole, & dulcedo à melle. Finis qui est complementum à Patre requirit complere & finire, &

Pater respondet in generando Filium infinitum & completum, in quo generare suus actus, quod est infinire & complere, habet finem, & sic finis habet in generare quietem, quod requirit à Filio, & Filius in spirando respondet per naturam amandi, in amando Patrem, quem tantum amare oportet, quod respondere possit infinire, & complere, quibus respondere non posset sine productione infinendi, & complendi. Obedit ergo Filius fini in producendo sanctum Spiritum, quæ exire facit per vim amoris, cum quo amat Patrem, & sic finis quietem habet in amare Filij per infinire & complere. Quam siquidem quietem requirit à Patre fortiter amando Filium, sicut generando ipsum. Idcirco spirare constitutum est ex requisitione & responsione, de quibus dictum est per naturam amandi. In generare æqualificantur bonificare, magnificare, æternificare: & cæteri actus & dignitates, quæ sunt Patris & Filij in generare. Qui siquidem actus & dignitates requirunt à Filio per amare in æqualificare: quoniam sicut habent æqualitatem per viam intelligendi existente illo æqualificare, vt ita loquar, ex Patre ad Filium, requirunt à Filio, quod æqualificare vadat per viam amandi de ipso ad Patrem. Et quia Filius obediens est rationi æqualitatis, oportet quod habeant se ad Patrem in producendo spirabilem per naturam amandi. Et vt Pater cum Filio se possit æqualificare in amando, vadit per illam viam ad Filium, per quam Filius venit ad illum, & ambo sibi inuicem obuiant in spirare, & amare, & æqualificare, de bonificare, magnificare, & sic de aliis actibus, in qua obuiatione habent quietem sub spirare. Dictum est de secundo ramo, & modum

ostendimus, per quem cognitio haberi possit de natura sancti Spiritus, quam Pater & Filius habent in spirando, sub qua natura, vt ita loquar, sunt actus dignitatum, qui illud spirare constituunt per naturam amandi. Sub quo ramo placeat Patri, & Filio, quod plures esse valeamus obumbrati amando, cognoscendo, honorando, & laudando ipsos, & eis seruiendo. Quoniam magnum mirabile est, quod ipse sit ita magnus ramus, & vmbra sit ita magna, homines vero parui, qui sunt in illa vmbra secundum comparisonem hominum, qui sunt sub vmbra Spiritus maligni, de cuius vmbra Deus suos seruitores defendat, & in breui det plures bonos pastores, qui homines ab illa vmbra eiciant.

Quod in Deo non sunt accidentia.

IN folijs arboris apostolicalis probatum est, quod in summa Trinitate non sunt accidentia: modò probare volumus, quod in essentia Dei non est accidens. Et primò de quantitate. Essentia Dei infinita est per magnitudinem, & æterna per æternitatem, & cum istis duabus proprietatibus est vnum idem numero. Et sic de bonitate, magnitudine, potestate, sapientia, & voluntate, & cæteris, ergo in ipsa Dei essentia quantitas non esse potest: quoniam quantitas est ens terminatum, & non potest comprehendere ens extensum infinite per seipsum: quoniam voluntas eius vult, quod infinite sit extensum: vt ita loquar: & potestas hoc potest postquam infinita est, & magnitudo hoc complet, & eius sapientia hoc scit: quoniam si sapientia hoc nesciret, contra bonitatem mala esset: & sic de æternitate, in qua temporis principiari non potest aliquam nouita

nonitatem, quæ sit de sua essentia: quod si faceret, Deus non esset, & iam probatum est, in arbore apostolicali, Deum esse, & vnum Deum, & non plures. Non potest ergo esse quantitas in Deo, nec in illo aliquam habere conditionem nec naturam.

*Quod in Deo non sit qualitas
accidentalis.*

Bonitas Dei, magnitudo, æternitas, potestas, sapientia, voluntas, &c. sunt vnum idem numero, idcirco non possunt esse qualitates accidentales: cum ita sit, quod accidens & minoritas habeant concordantiam, & paruitas, & minoritas, & magnitudo & paruitas sint contraria, quæ siquidem magnitudo est qualitas substantialis propria, & non appropriata: quoniam si esset appropriata, concordantiam haberet cum paruitate, & eius amabilitas non esset magna, nec intelligibilitas, & possibilitas, & esset parua, vnde sequeretur malum contra bonitatem, & contra seipsam & alias. Est ergo magnitudo propria qualitas substantialis. Idcirco proprium est Deo seipsum intelligere, & totum vniuersum creatum in æternitate, in qua hæc intelligit. Idcirco ita est impossibile, quod in suo intelligere nec per suum intelligere cadat vel deueniat aliqua nouitas in sua essentia: sicut impossibile est quod sua infinitas deueniat in quantitatem.

*Quod in Deo non sit relatio
accidentalis.*

Secundum quod probatum est in ramis, bonitas à bono requirit bonificare, bonificantem & bonificabile, & requiſitionem facit cum magnitudine, quam intelligimus esse infini-

tam. Et idem facit cum æternitate, potestate, sapientia, & voluntate, cum quibus est idem numero. Idcirco Deus qui est bonus, respondet rationi bonitatis, & relationis cum responsione substantiali, Patre Filium producente, & Patre & Filio spirantibus Spiritum sanctum: vt dictum est. Quæ siquidem productio est relatio bonificantis, bonificabilis & bonificare substantialiter: quoniam voluntas non vult, quod sit accidentaliter, vt eius amor sit in magnitudine bonitatis, & potestas complet voluntati magnitudinem amatiuitatis, & relatio magnitudinem amabiliatis. Et idem facit scitiuitati & magnitudini scibilis, & secundum quod potestas est fontalis & abundosa scitiuitati & amabilitati magnæ relationis, est æternitas fontalis & abundosa magnitudinis, & magnitudo æternitatis. Idcirco relatio esse nõ potest de bonitate accidentaliter, imò oportet esse de necessitate substantialiter. Deus filius intelligit seipsum & intelligit Patrem, & intelligit Spiritum sanctum: & in quantum est filius, & se intelligit esse filium, sua existentia & agentia sunt eadem essentia, licet filius seipsum per intelligere non producit, quoniam iam per intelligere patris productus est. Qui siquidem pater in quantum se patrem intelligit, seipsum non producit, idcirco intelligere & existentia suæ paternitatis sunt idem numero. Idem est de Spiritu sancto, qui seipsum intelligit, & qui seipsum non producit, & intelligere & existentia quæ est spirabilitas, sunt idem numero: & sicut dedimus exemplum de relatione per intelligere personale, ita videlicet quod exinde accidens non sequitur, intelligi potest de bonificare, magnificare, æternare, possiccare, amare, &c. ita quod in relatione nullum accidens cadere.

cadere poreft: quoniam ficut homo qui in æternitate generari non poteft, ita relatio diuina non poteft eſſe in aliquo accidente. Filius intelligit patrem, & intelligit ſeipſum, cuius intelligere non eſt ens quod fit in medio Filij & Patris: quoniam aliud non eſt niſi filius, qui eſt ſuum intelligere: ſicut Martinus qui eſt ſua humanitas, verumtamen Martinus non eſt ſuum intelligere. Et in hoc paſſu cognoscitur, quod intelligere Filij Dei prærogatiuam habet ſupra intelligere Martini in hoc, quod intelligere Filij Dei eſt intelligere ſubſtantialis, & idem de intelligere Patris & Spiritus ſancti. Et ſicut Pater, & Filius, & Spiritus ſanctus remanent vna eſſentia, vna natura, vna ſubſtantia, vna bonitas, vna magnitudo, &c. ita intelligere Patris, & Filij, & Spiritus ſancti in vna communis intelligere remanet, quod eſt vnus Deus, vna eſſentia, vna ſubſtantia, vna deitas, vna natura, vna bonitas, vna magnitudo, &c. Idcirco Deus in quantum intelligit ſeipſum, non producit ſeipſum nec alium: ſed in quantum rationes ab ipſo requirunt relatiue (vt probatum eſt) reales relationes ſubſtantiales: ſicut bonitas quæ ab eo requirit bonificatiuum, bonificabile & bonificare, habet ſe Deus ſecundum reſponſiones relationis ad productionem in quantum pater ex quo ſequitur Filius & Spiritus ſanctus, vt dictum eſt. Et in hoc paſſu cognoscitur modus ſecundum quem in Deo eſt relatio propriæ, in quantum productio perſonarum quæ fit ratione dignitatum, quæ communiter requirunt cum eorum propriis relationibus: ſicut Deus, qui ſeipſum intelligit eſſe Deum, & ipſemet eſt intelligens, intelligibilis & intelligere, licet ſeipſum non producat: ſed in quantum intellectus ab eo re-

quirit intellectiuium, intelligibilem & intelligere cum bonitate, quæ ab eo requirit bonificatiuum, bonificabile & bonificare, & ſic de cæteris, oportet de neceſſitate eſſe productionem diuinarum perſonarum, vt fiat reſponſio realibus relationibus dignitatum. Et iſte paſſus eſt valde placens ad intelligendum, & per ipſum cognoscitur modus, ſecundum quem Saraceni negant ſummam Trinitatem, in quantum ſtant ad communem relationem Dei: ſicut Deus qui intelligit ſeipſum, & ipſemet eſt intelligens, intelligibilis & intelligere ſine productione. Et in hoc verum dicunt in quantum communis relatio: ſed malè dicunt, in quantum negant reales & proprias relationes dignitatum, vt dictum eſt, ratione quarum oportet de neceſſitate, quod ſequatur trinitas perſonarum, quam probauimus.

Quod in Deo non ſit actio neque paſſio accidentalis.

Deus eſt forma ſubſtantialis, quæ nõ pòt eſſe paſſiua ſub alia forma, cum ita ſit, quod ipſa ſit æterna & infinita, & non habeat aliquam naturam materiæ, quod ſi haberet non eſſet pura forma. Et quod ipſa ſit pura forma ſine aliqua materiæ, ad hoc concurrunt & iuuant omnes rationes reales, videlicet bonitas, magnitudo, &c. quare materiæ in ipſo non poteſt eſſe, nec aliqua ſuarum conditionum. Et in quantum dicimus, quod Filius eſt generabilis, & Spiritus ſanctus spirabilis, non ſequitur propter hoc, quod in eſſentia Dei ſit materiabilis: quoniam Filius, & Spiritus ſanctus producti ſunt de pura forma Patris, etiam Spiritus ſanctus de pura forma Patris, & Filij. Et de hoc dictum eſt in

foliis arboris apostolicalis, videlicet quod in Deo non est actio neque passio accidentalis neque materialis.

Quod in Deo non sit habitus.

IN Deo est memoria, intellectus, & voluntas, & dicimus quod ipse habet memoriam, in quantum suo intellectui repræsentat, quod ipse potest tantum de bonitate, magnitudine, & æternitate: sicut vult sua voluntas, & suus intellectus, intelligit. Idcirco illa repræsentatio quæ fit in æternitate per memoriam intellectui, non est secundum habitum accidentalem: quoniam habitus accidentales non repræsentant in æternitate sed in tempore. Idcirco memoria Dei non potest esse habitus accidentalis, nec propriè dicitur, quod ipsa sit habitus, sed purus actus, postquam in æternitate est eius repræsentatio. Et idem est de intellectu diuino, & de sua voluntate, qui in æternitate sua objecta accipiunt. Idcirco intellectus diuinus, & sic de sua memoria, & voluntate, non attingunt res extrinsecas, quæ sunt de vniuerso creato in tempore præterito, præsentis, neque futuro, postquam illas in æternitate attingunt: sed quia quædam res creatæ sunt in vno tempore, & aliæ in alio, vult diuina voluntas, quod Martinus sit antequam Petrus suus filius. Et idem est de contingentibus, quæ sunt secundum naturas creaturarum, & dispositiones illarum, & contingentia in diuina sapientia, voluntate, & memoria non sunt: quoniam illa in æternitatem attingunt, & secundum libertatem voluntatis diuinæ, potestatis, &c. & secundum naturas, proprietates, & ordines subiectorum creatorum sub contingentibus existentium.

Quod in Deo non sit assitutio.

Pater est in Filio, & Filius in Patre, & idem est de Spiritu sancto sine assituatione accidentali: quoniam in eis non est figura circularis, triangularis, neque quadrangularis, neque longum, amplum, neque profundum, cum ita sit, quod diuina substantia sit spiritalis, & infinita. Idcirco situs secundum quod in creaturis accipitur, in Deo minimè accipitur, sed secundum quod est in creaturis, & creaturæ in illo, significatur humano intellectui situatio diuinarum personarum: vt de ipsis cognitionem habere possit: sicut in voluntate Martini, qui suum Filium diligit, in quo intelligere assitutum est in amatiuitate, & amabilitate: ita & multo melius est Spiritus sanctus inter Patrem & Filium, & Filius est in Patre, in quantum est de Patre, & in quantum sunt vna essentia, vnus est in alio: sicut bonitas quæ assituta est in suo essentiali bonificatio, bonificabili, & bonificare: in quibus figuram ampli, longi, & profundi non reddit, ita diuina essentia in Patre, & in Filio, & in Spiritu sancto: ita tamen quod diuisibilitatem sui ipsius non reddit, sed per vnum modum est in Patre, & per alium in Filio, & per alium in Spiritu sancto: est in Patre, vt Pater, in Filio, vt Filius, in Spiritu sancto, vt Spiritus sanctus.

Quod in Deo non sit tempus.

ITa & multo melius sicut est impossibile, quod frigiditas sit de natura caloris, & quod tenebræ sint de natura lucis, & quod vitia sint de natura virtutum, est impossibile, quod tempus sit de æternitate: cum ita sit, quod

Deus sit æternitas, & substantia infinita, & immobilis: quoniam nullum infinitum moueri potest, nec etiam suæ naturæ mobiles neque motæ esse possint, cum sint ita magnæ sicut substantia. Et naturas appellamus conditiones substantiæ, & suas rationes reales, & actus earum. Non potest ergo tempus esse in Deo: sed quia Deus uti non potest creaturis mobilibus sine tempore, agit de ipsis cum tempore: sicut faber qui agit de ferro cum calore ignis, & cum forfice, & cum martello: & sicut faber qui agit extra manus suas clauum, ita Deus extra suam æternitatem principiauit mundum in tempore, & creaturas mouet de vno loco in alium, & de vno statu in alium, ita quod tempus non intrat in æternitate. Idcirco quando Deus creauit mundum in seipso aliquam nouitatem non principiauit: scilicet nouitas stetit principiaata extra æternitatem, illa nouitate in tempore sustentata ratione principij sine quo tempore principium creaturæ principiari non potuit, nec creatura habere, in quo produci posset.

Quod in Deo non sit locus.

Locus in Deo esse non potest, cum ita sit, quod ipse sit infinita substantia, quæ in loco terminari non potest: quoniam si in loco esset terminata, non esset infinita. Et oportet quod sit infinita, ut sufficiat amabilitas suæ magnæ amariuitati: cui sufficere non posset, si esset finita. Etiam oportet quod sufficiat infinitæ generabilitati, & spirabilitati, ut actus dignitatum sint infiniti. Non est ergo Deus in loco terminatus, imò est extra locum. Est etiam in loco: quoniam si in loco non esset essentialiter, videret

licet in loco lapidis & maris, & sic de aliis substantiis vsque ad octauam sphaeram, eius essentia esset terminata: est ergo Deus essentialiter in omni loco, & præsentialiter, potenter & sapienter, & sic de cæteris suis conditionibus. Et quia ipse est extra locum & intra locum sine aliqua quantitate, est locus in ipso collocatus & comprehensus. Ideo dixit quidam peccator, cum mortaliter peccauisset, quo iret, vel in quo loco fugere posset à iustitia Dei, de qua magnum habuit timorem: quoniam si iret ad orientem, Deus ibi est, si ad occidentem similiter, & idem de meridie, & septentrione, de inferno & cælo. Dixit ergo ille sapiens, quod ad misericordiam Dei iret cum spe, contritione, confessione, & satisfactione, in qua quidem misericordia non est ira Dei.

De Floribus, scilicet, productionibus Diuinis.



PER flores diuinas productiones cōsideramus, quas probauimus, & iam probare volumus, ut melius declaremus modum, secundum quem cum formis primis summa Trinitas probari potest, & productiones diuinæ ratione actuum formarum, qui siquidem actus necessarij sunt, ex quibus actibus cessare nequeunt, ut sint in complere & producere. Et in hoc processu cameras facere proponimus de formis huius libri, cum quibus diuinas productiones probabimus, quæ sunt per generationem & spirationem.

*De Bonitate, magnitudine & Aternitate.**De Bonitate, magnitudine, aternitate, & potestate.*

IN Deo bonitas, magnitudo & aternitas sunt idem numero. Est Deus bonus, magnus & aternus, & eius bonitas productionem de bono requirit, & in bono, & per bonum, & cum bono, & in seipſa, & de seipſa, & per seipſam, & cum seipſa; & hoc facit, vt eius requisitio sit magna & aterna, quod non esset, si quatuor propositiones quæ diximus, deficerent. Respondet ergo Deus bonitati, quæ est sua ratio, in quantum est bonus, & sic bonus bonitati responderet, & magnus magnitudini, & aternus aternitati, si producat in eternitate, bonitate & magnitudine, bonum de bono, & magnū de magno, & aternum de aterno, & per bonitatem, magnitudinem, & aternitatem, & cum bonitate, magnitudine, & aternitate. Et si nihil producit, suppositum non responderet rationibus cum propositionibus, & ita remanet ociosum, quæ siquidem ociositas est mala & parua, & contra bonitatem, magnitudinem, & aternitatem. Sed hoc in Deo est impossibile, est ergo in ipſo productio bona, magna, aterna & infinita in bonitate, & non in malitia, in magnitudine & non in paruitate, in eternitate & non in tempore. Et est de bono, in bono, & de magno, in magno, & de aterno, in aterno, & est de bono, vt producens bonus sit in producendo, & productus sit bonus. Et productus est de magno, vt in magnitudine sit infinitus, & est de aternitate, vt in aternitate, producere, sit durabilis quod siquidem producere est cum ratione bonitatis & magnitudinis, & cum responsione, quam suppositum facit rationibus in producendo productum.

VT bonitas, magnitudo, & aternitas ociositatem non habeant, & potestate diuina possificare requirūt, quod sit in bonificare, magnificare, & aternificare: & quia potestas per bonitatem bona est, & per magnitudinem magna, & per aternitatem aterna: & hoc in quantum rationes sunt reales, licet quælibet sit alia: quoniam si reales non essent, non possent esse rationes, responderet potestas secundum suam naturam, & naturam rationum: & iustitia quæ hoc requirit & se communicat in possificare, quod est de possificante in possificabili, & de bonificante in bonificabili, & de magnificante in magnificabili, & de aternificante in aternificabili. Et sic sequitur productio (vt ita loquar) quoniam de summa productione in hac vita loqui non potest sine impropria locutione.

De Bonitate, magnitudine, aternitate & Sapientia.

Sapientia Dei scit, quod bonitas non potest esse magna sine bonificante, bonificabili, & bonificare, quæ sint de sua essentia. Et scit, quod aternitas magna esse non potest sine aternificante, aternificabili, & aternificare, quæ sunt de sua essentia. Et quia oportet de necessitate, quod sapientia sciat bonitatem magnam, & aternitatem magnam, oportet de necessitate in bonitate, & in aternitate esse illa objecta, per quæ ipsa magna scire possit. Sunt ergo in bonitate, bonificans, bonificabilis & bonificare, & in aternitate, aternificans, aternificabilis & aternificare: & per consequens produ-

ctio, sine qua sapientia obiectare non posset magnitudinem bonitatis, nec æternitatis in summitate.

De Bonitate, magnitudine, æternitate, & voluntate.

DIuina voluntas diligit magnitudinem bonitatis & æternitatis: magnitudinem bonitatis diligere non posset, si in bonitate non amaret bonificantem, bonificabilem, & bonificare, qui sunt de sua essentia: nec magnitudinem æternitatis posset amare: si non amaret in æternitate æternificantem, æternificabilem, & æternificare, qui sunt de sua essentia: etiam non diligeret magnitudinem æternitatis, si non amaret distinctionem inter bonificantem, bonificabilem, & bonificare, per naturam intelligendi & amandi, ut æternitas facere possit vnum esse bonificantem, alium bonificabilem, & alium bonificare. Et quod faciat omnes tres esse, & durare vna essentia bonitatis, vna natura deitatis, & vna substantia communis: quæ sit bonitas, magnitudo, & æternitas. Probauimus ergo productionem esse de necessitate.

De Bonitate, magnitudine, æternitate & virtute.

Ociositas boni est vitium, & est magnum vitium, secundum quod ociositas est magna: secundum quod ociositas durat, est vitium magnum: unde cum virtus & vitium sint contraria, & in Deo non sit vitium, & ipse sit virtus, oportet de necessitate, quod in bonitate non sit ociositas, quæ in ipsa esset sine bonificante bonificabili, & bonificare: in quibus magnitudo & æternitas non habeant ociositatem, ita videlicet quod magnitudo faciat bo-

nificantem esse magnum, & bonificabilem magnum, & bonificare magnum. Sed hoc magnitudo facere non posset sine productione quæ sit de essentia bonitatis: & quæ sit infinita in æternitate, & quod æternitas vnum faciat esse bonificantem, & alium bonificabilem, & alium bonificare.

De Bonitate, magnitudine, æternitate, & veritate.

Secundum naturam bonitatis & æternitatis, maior est veritas in existendo & agendo, quam in existendo aut agendo tantummodo. Idcirco secundum quod bonitas & æternitas se habent ad veritatem cum magnitudine, se habet veritas cum magnitudine ad bonitatem & æternitatem, bonitate existente in maiori veritate: si habeat in se bonificantem bonificabilem, quæ sit verificans & æternificans, qui producat bonificabilem, verificabilem, æternificabilem. Oportet ergo quod in bonitate sit productio: ut veritas se habere possit, cum ita magna magnitudine ad bonitatem & æternitatem, sicut bonitas & æternitas se habent ad ipsam veritatem.

De Bonitate, magnitudine, æternitate & gloria.

IN Deo bonitas, & æternitas, & gloria sunt vnum idem numero: & ut gloria sit magna, oportet quod sit in bono & æterno glorioso, qui de sua bonitate, de sua æternitate producat bonum gloriatum glorabilem: quoniam magna gloria est gloriosi, gloriari æternaliter glorabilem, qui sit bonus, æternus, & infinitus: hæc ita magna gloriosa esse non posset sine productione quam oportet esse: ut gloria sit magna,

magna, & quod in sua magnitudine æternitas & bonitas quietem habere possint.

De Bonitate, magnitudine, æternitate & differentia.

Sine distinctione bonificantis, bonificabilis, & bonificare, æternitas non posset esse magna in bonitate: quoniam sine distinctione esset in ipsa ociosa: & sic esset parua, & esset paruitas bonitatis, cum ita sit: quod sine distinctione aliqua operatio esse non possit. Est ergo in bonitate distinctio: videlicet inter bonificantem, bonificabilem & bonificare, vt æternitas in ipsis esse possit: quoniam magna magnitudo æternitatis est, quod faciat esse in bonitate æternificando vnum bonificantem, alium bonificabilem bonificatum: & quod bonificatus & bonificabilis remaneant æternaliter vnus productus, & productibilis æternatus & æternabilis.

De Bonitate, magnitudine, æternitate, & concordantia.

In bonitate æternitas non potest esse magna sine concordantia, cum ita sit, quod magnitudo æternitatis sit: si in bonitate concordat æternaliter bonificantem & bonificabilem in bonificare & producere: quod siquidem producere esse non posset sine concordantia: nec potest esse in priuatione, postquam æternitas magna potest esse in bonitate, in qua magna esse non potest sine concordantia.

De Bonitate, magnitudine, æternitate, & contrarietate.

Bonitas & æternitas longè sunt à contrarietate cum concordantia:

vt longinquitas sit magna: quæ est magna, quia concordantia & contrarietas contrariantur: & quia bonitas, magnitudo, & æternitas sunt concordantia in Deo, sunt bonitas & æternitas longè à contrarietate cum concordantia concordantis, concordabilis, & concordare: quoniam sine istis tribus non possent esse à contrarietate remotæ cum concordantia: quoniam sine ipsis concordantia subiectum non haberet in quo esset sustentata. Sunt ergo bonitas & æternitas remotæ à contrarietate cum concordante, concordabili, & concordare: quæ sunt de essentia bonitatis & æternitatis: vt remotiores sint à contrarietate, videlicet bonitas à malitia, & æternitas à tempore, & magnitudo à paruitate. Est ergo in Deo productio: cum ita sit, quod in concordante, concordabili, & concordare non possit esse priuatio productionis sustentata, cum illa productione in æternitate.

De Bonitate, magnitudine, æternitate, & principio.

Si principians non principiaret de æternitate, & in æternitate, principiabilem, non posset esse magnus in bonitate, & vt possit esse magnus in bonitate principiat principium de æternitate, & in æternitate. Et idem sequeretur si non principiaret principium de bonitate, sine quo non posset esse magnus in æternitate. Principiat ergo principium principians, nõ principiatum, de sua æternitate & propria bonitate, principiabilem principiatum. Etiam principiat ipsum de principio non principiato, vt æternaliter principiabilis sit & principiatum. Et sic sequitur de magnitudine principij in æternitate, & bonitate, & in

principio, & hæc cōcordātia nō posset esse sine productione, quam oportet esse de necessitate, vt principium possit esse in magnitudine bonitatis sui ipsius, & æternitatis.

De Bonitate, magnitudine, æternitate, & medio.

SI in bonitate non esset bonificare, nec in æternitate æternare, non potest esse magnitudo, in bonitate, nec in æternitate: quoniam non haberet in quo posset esse bonitas ergo habet in seipsa bonificare, & æternitas, æternare, vt magnitudo in ipsis possit esse, & quod bonitas & æternitas possint esse remotæ à paruitate cum magnitudine. Est ergo productio in bonitate, & magnitudine, per bonificare, & æternare, quæ sine productione esse non possent.

De Bonitate, magnitudine, æternitate, & fine.

Magnitudo finis non potest esse in bonitate; si bonificans de bonitate, & in bonitate, & per bonitatem, & cum bonitate, & cum æternitate, non se habet ad bonificandum, bonificabilem, bonificatum. Et idem de fine æternitatis, qui magnus esse non potest, si æternitas non se habeat ad æternandum, in æternitate, & de æternitate, & per æternitatem, & cum æternitate, & cum bonitate. Et quia oportet quod finis bonitatis, & æternitatis sit magnus: sequitur de necessitate productio, quam de necessitate esse oportet, postquam bonitas, est ratio ad bonificandum, cum magnitudine, & æternitas, similiter, ad æternandum: quoniam si non sequeretur productio, non esset magnitudo,

in fine bonitatis, nec æternitatis, quam in ipso fine esse oportet, & sine qua essent in paruitate finis bonitatis, & finis æternitatis.

De Bonitate, magnitudine, æternitate, & maioritate.

SI in Deo sit productio personarum per magnitudinem, bonitatem, & æternitatem, & de bonitate, magnitudine, & æternitate, & in bonitate, magnitudine, & æternitate, & cum bonitate, magnitudine, & æternitate, non possunt esse in Deo bonitas, magnitudo, & æternitas, in maiori maioritate, quam in illa, in qua sunt: & si productio quam diximus, non sit in Deo, possunt esse in maiori maioritate quam non sunt. Et ita sunt in minori maioritate actu, & maior maioritas est in potentia, quod est impossibile, per quam impossibilitatem oportet esse productionem in Deo de necessitate.

De Bonitate, magnitudine, æternitate, & æqualitate.

Bonitas magna nō potest esse sine æqualitate bonificantis, bonificabilis, & bonificate: nec æternitas potest esse magna sine æqualitate æternificantis, æternificabilis, & æternificare: quoniam sine tali æqualitate magnitudo non posset se communicare bonitati: si in bonitate & æternitate sit paruitas: quod est impossibile. Est ergo æqualitas in bonitate, magnitudine, & æternitate: & per consequens productio.

De Bonitate, magnitudine, æternitate, & minoritate.

Maior minoritas esset in diuina bonitate, & in æternitate: si non esset

esset magnitudo, in qua sunt per modum productionis. Idcirco dixit quidam inuentor: quod secundum quod homo nobilis est, & se inclinatur ad malefaciendum, maior est eius defectus quam alterius hominis, qui non sit ita nobilis. Esset ergo bonitas Dei in magno defectu, & in maiori minoritate magnitudinis, quam aliqua alia bonitas: si esset ociosa ratio bonificanti, bonificabili, & bonificare æternaliter & infinite. Est ergo in bonitate diuina productio de bonificante, bonificabili, & bonificare æternaliter & infinite: sine qua esset in maiori minoritate magnitudinis, quam aliqua alia bonitas.

De Potestate, Sapientia, & voluntate.

Sapientia scit potestatem & voluntatem: idcirco sunt scibiles potestas & voluntas. Amat voluntas potestatem & sapientiam, idcirco potestas & sapientia sunt amabiles. Et quia in Deo potestas ita est fecundose, & ita fontalis sicut sapientia & voluntas, sunt sapientia & voluntas possibiles per potestatem: sicut potestas scibilis est per sapientiam, & amabilis per voluntatem. Sunt ergo sapientia, & voluntas possibiles. Non sunt possibiles ita quod producantur de potentia in actu, quoniam æternæ sunt: sed sunt possibile, in quantum ex ipsis potestas producere potest possibile amatum & intellectum, quem oportet quod possit producere: & quod producat, ut non sit ociosa in illis, nec de illis. Est ergo productio in diuinis.

De Potestate, sapientia, voluntate, & virtute.

Per potestatem potest sapientia scire virtutem, & per potestatem volun-

tas ipsam amare potest, & potestas virtutem producere non potest, quoniam iam est æterna: sed virtus per potestatem potest esse, & postquam per potestatem potest esse, oportet quod potestas possit de virtute virtuosum producere, ut tantum possit in virtute, & de virtute per agere sicut per existere, & quod agere, quod habet de virtute in producendo, possit æqualificare suum possificare in virtute cum intelligere sapientiæ, & cum amare voluntatis, quæ illam virtutem obiectant per potestatem, ut dictum est: quam æqualitatem potestas habere non posset: si non produceret de virtute virtuosum.

De Potestate, sapientia, voluntate, & veritate.

Cum sapientia scire possit veritatem per potestatem, & voluntas per potestatem ipsam amare possit, oportet quod potestas per seipsam veritatem possit possificare, & quod hoc quod de veritate potest, sit scibile per sapientiam, & amabile per voluntatem. Oportet ergo quod potestas de veritate producat verificabilem verificatum: ut veritas intantum sit obiectabilis in agere per potestatem: sicut per sapientiam & voluntatem, sine qua productio non esset: quoniam veritas esset per sapientiam scibilis, & per voluntatem amabilis: & sine productione potestas in veritate nullam haberet actionem per seipsam: sed sapientia ipsam scire posset per ipsam, & voluntas per ipsam illam amare posset. Est ergo productio, ut possificare, scire, & amare in veritate se possint æqualificare.

De Potestate, sapientia, voluntate & gloria.

Sapientia actionem habet in gloria cum intelligere: & voluntas actio-

nem.

nem habet in gloria cum amare: oportet ergo quod potestas actionem habeat in gloria cum possificare. Actionem in gloria habere non potest sine producere de gloria gloriosum, in quo videlicet producere habet possificare: & possificans est agens actiuus, productiuus, gloriatiuus de gloria gloriosum, & potestas est possibilis, agibilis, & gloriabilis: in quantum gloriosus est productibilis, agibilis de gloria, amabilis & scibilis.

*De Potestate, sapientia, voluntate,
& distinctione.*

PER potestatem possunt esse, & sunt in sapientia intellectiuus, intelligibilis, & intelligere: & per sapientiam similiter: & in voluntate per potestatem possunt esse, & sunt amans, amabilis & amare: & per voluntatem similiter. Et si in sapientia non sit distinctio inter intellectiuum, intelligibilem & intelligere, & idem de suo modo & voluntate, non potest potestas de sapientia: cum ita sit, quod nullum ens sine distinctione agere possit. Non est ergo potestas libera sine distinctione in sapientia: & quia oportet quod sit libera, & non coacta in sapientia, oportet quod possit de sapientia in qua, & de qua cum distinctione potest producendo sapientem de sapientia, videlicet intelligibilem productum, & productibilem per possificantem, distinctionantem & generantem: qui est intellectiuus, generatiuus.

*De Potestate, sapientia, voluntate,
& concordantia.*

SINE productione potestas concordare non posset sapientiam, neque voluntatem, neque concordantem,

neque concordabilem, nec intellectiuum, nec intelligibilem, nec amantem, nec amabilem, nec possificantem, nec possificabilem. Non posset ergo potestas sine productione aliquid de concordantia, nec in concordantia, quæ non esset sine productione: cum ita sit, quod illa non possit esse sine pluribus rebus distinctis. Oportet ergo quod sit productio in diuinis: ut potestas possit in concordantia, & de concordantia in seipsa, & in voluntate & sapientia: & etiam ut in concordantia concordare possit concordantem & concordabilem.

*De Potestate, sapientia, voluntate,
& contrarietate.*

IN Deo potestas, sapientia, & voluntas sunt cōcordantia, idcirco contrarietas in Deo esse non potest: cū ita sit, quod concordantia & contrarietas sint contrariæ. Potest ergo potestas de sapientia & voluntate & de seipsa, & potest de sapientia amabili & scire, & de voluntate amabili & amare, & de seipsa possificabili & possificare. Et ad hoc contrarietas contradicere non potest: quoniam si contradicere posset, esset in Deo sustentata, & Deus non esset concordantia simpliciter. Non est ergo in Deo contrarietas, quæ contradicat productioni, sine qua productione contrarietas ligatam teneret potestatem Dei contra concordantiam intellectiui, & intelligibilis, & intelligere, amatiui, amabilis, & amare, possificatiui, possificabilis, & possificare.

*De Potestate, sapientia, voluntate, &
principio.*

SI potestas quam suppositum agens intelligimus, de sapientia potest
princi

principiare scibilem, & voluntate amabilem, & de seipsa possibilem, per huiusmodi principiare potest esse remotior ab ignorantia, odibilitate & impossibilitate. Et quia oportet esse hoc per quod sit remotior, oportet quod sit principiare in producendo de principio principiatum & principia-
bilem.

De Potestate, sapientia, voluntate, & medio.

IN sapientia potest esse intelligere in medio intellectui & intelligibili: & in voluntate potest esse amare in medio amariui & amabilis. Oportet ergo quod in potestate possit esse possificare, in medio possificantis, & possificabilis, quod si non potestas se plus habere posset ad alium per alium quam per seipsum, videlicet quod se posset habere ad medium in sapientia & voluntate, inquantum intelligere & amare per potestatem possunt esse, & in seipsa potestas ad medium, videlicet ad possificare se habere non posset, quod est in medio possificantis, & possificabilis: & quia est impossibile, quod potestas possit esse fecundior, & magis fontalis in alia quam in seipsa, oportet quod in seipsa habeat possificare simpliciter & proprie, quod habere non posset sine productione productibilis, possificatiui, & possificabilis.

De Potestate, sapientia, voluntate, & fine.

Sicut finis sapientie est intellectus & intelligere, & finis voluntatis amatus & amare: oportet quod finis potestatis sit possificatus & possificare,

quod si non potestas suum finem attingere posset in alio, & non in seipsa, suum finem attingeret per intelligere & intellectum in sapientia, & per amare & amatum in voluntate, inquantum intellectuius per potestatem habere potest intelligere & intellectum, & amatiuus amare & amatum, & potestas in se nihil, postquam in se non haberet posse & possum, quæ in se habere oportet per se simpliciter, ut in se suum finem habere possit & quiete in ipso. Habet ergo possum & possificare, & per consequens producere, quod esse oportet de necessitate in omni substantia in qua sit possificare & possum.

De Potestate, sapientia, voluntate, & maiori.

Illa potestas quæ potest de sapientia & de voluntate, est maior quam potestas, quæ de sapientia non potest neque de voluntate: oportet ergo quod sit productio in diuinis, ut diuina potestas habeat cum quo maior esse possit omni alia potestate. Potest ergo de sapientia & voluntate, inquantum possificatiuus producere potest de sapientia intelligibilem, & de voluntate amabilem.

De Potestate, sapientia, voluntate, & equalitate.

IN Deo potestas sapientia & voluntas remotæ sunt cum equalitate ab inæqualitate, cum ita sit, quod equalitas & inæqualitas contrariantur. Sunt ergo in Deo equalitas, potestas, sapientia, & voluntas, cum equalitate intelligendi & amandi, & possificandi, sine quibus equalitatem habere non possent, est ergo in Deo possificare,

quod esse non potest sine producere
quod sit de possificante, & possifica-
bili, productiuo & productibili.

*De Potestate, sapientia, voluntate,
& minoritate.*

Minoritas est ens prope non esse,
cui videlicet non esse sapientia
prope est per ignorare, & voluntas
per bonum odire, & potestas per o-
ciositatem: oportet ergo potestas, q. sa-
pientia, & voluntas remotæ sint à mi-
noritate, per possificare, intelligere, &
amare, vt in longinquitate minoritatis
remotæ sint à non esse. Et si in pote-
state Dei possificare non esset simpli-
citer, non haberet cum quo remota
esset à minoritate, nec à non esse per
seipsam, à qua minoritate, & non esse
esset remota per alium: videlicet per
intelligere & per bonum amare. Esset
ergo per seipsam propè minoritatem,
& non esse: quod est impossibile, est
ergo longè à minoritate, & à non esse
cum possificare. Est ergo in Deo pro-
ductio, sine qua in ipso possificare esse
non valeret, cum ita sit, quod possifi-
care, & producere se habeant relatiuè.

De Virtute, veritate, & gloria.

Virtus & vitium contrariantur, &
veritas & falsitas, eodem modo
gloria, & pœna, & plus contrariantur
in existendo, & agendo, quam in exi-
stendo tantummodo: videlicet quod
in virtute sit virtuiificare, & in verita-
te verificare, & in gloria gloriari, & in
vitio peccare, & in falsitate falsificare,
& in pœna tormentare. Et quia oportet
quod Deus sit magis contrarius
per virtutem vitio quam aliquod aliud
ens, & per veritatem falsitati, & per
gloriam pœnæ: oportet quod in sua

virtute sit virtuiificare, & in sua veri-
tate verificare, & in sua gloria gloria-
ri: sed hoc esse non posset sine pro-
ducere, quod sit virtuiificando, verifi-
cando, & glorificando.

*De Virtute, veritate, gloria, &
differentia.*

Deus est gloria, & est gloriosus, &
est virtus & virtuosus: oportet
ergo quod sit veritas & verus, vt veri-
tas se habeat ita in Deo fontaliter, sicut
virtus & gloria: quod si non esset, se-
queretur differentia inter virtutem,
gloriam, & veritatem: & esset gloria
vera per accidens, & virtus similiter:
quod esset vitium contra virtutem, &
pœna contra gloriam, & falsitas con-
tra veritatem, est ergo Deus veritas &
verus: sicut est virtus & virtuosus, glô-
ria & gloriosus. Verus non posset
esse sine productione ita magni vir-
tuosi & gloriosi, quod veritas faceret
vnum esse producentem, verifican-
tem, virtuiificantem, & gloriantem, &
aliud gloriabilem, verificabilem, &
virtuiificabilem: qui siquidem gloria-
lis, verificabilis, & virtuiificabilis sit
productus de glorificante, verificante,
& virtuiificante.

*De Virtute, veritate, gloria,
& concordantia.*

Sine productione in Deo virtus, ve-
ritas, & gloria non possent concor-
dantiam habere: quoniam in quantum
sunt vnum idem numero concordan-
tiam habere non possunt, cum ita sit,
quod concordantia non possit esse si-
ne pluribus rebus. Et si concordan-
tiam non habent realem, naturalem,
& propriam, & essentialem, earum cō-
cordantia est in priuatione, quæ pri-
uario.

uatio esset vitium contra virtutem, gloriam & veritatem, & est pœna cōtra gloriam, & contra veritatem, & virtutem, & per consequens est falsitas realis, naturalis, propria & essentialis contra veritatem, virtutem & gloriam. Et quoniam hoc est impossibile: secundum quod in gloria sit priuatio nec in virtute neque in veritate, vnde sequeretur vitium, falsitas & pœna: oportet ergo quod virtus, veritas & gloria habeant concordantiam, quam habere non possunt sine productione concordantis, concordabilis, & concordare in virtutificando, verificando, & glorificando.

De Virtute, veritate, gloria, & contrarietate.

DEus completam gloriam non haberet, si per aliquem modum esset propè pœnam, nec haberet virtutem completam, si per aliquem modum esset propè vitium: nec completam veritatem haberet, si per aliquem modum esset propè falsitatem. Oportet ergo quod in Deo sit productio realis propria, & naturalis & essentialis, vt in virtutificando sit longè à vitio, & in verificando à falsitate, & in gloriando à pœna. Quam longinquitatem habet virtuosus produciens de virtute virtutificatum, & verus de veritate verificatum, & gloriosus de gloria glorificatum.

De Virtute, veritate, gloria, & principio.

Per gloriam est Deus gloriosus, & per virtutem, virtuosus, & per veritatem, verosus, qui siquidem verosus non est vocabulum, quod sit in vsu, veruntamen oportet quod nos ita

loquamur, vt dicere possimus hoc, quod de diuina veritate intelligimus: & idem est de principio, vt vtī possemus vocabulis, cum quibus melius declarare possumus naturam Dei & suarum proprietatum. Et quia Deus est principium, oportet quod ita sit principiosus per principium, sicut virtuosus per virtutem, & verosus per veritatem, & gloriosus per gloriam. Principiosus esse non posset, virtuosus, gloriosus sine proprio & essentiali principiatē, principiabili, & principiāre, qui esse non possent sine producere principiabilem de principiante, in virtutificando, verificando, & glorificando.

De Virtute, veritate, gloria, & medio.

Sine medio non potest esse glorificare, virtutificare, neque verificare, q̄ si essent, non essent hoc quod sunt: cum ita sit, quod gloriari sit medium gloriantis & gloriabilis, & virtutificare, virtutificantis, & virtutificabilis, & verificare, verificantis, & verificabilis: sicut generare quod est medium generantis & generabilis, & amare amantis & amabilis. Est ergo in gloria medium, & in virtute & veritate similiter, & per consequens producere, quod est medium producentis & productibilis, sine quo producere non possent esse in natura mediij, nec de natura mediij gloriari, virtutificare, & verificare.

De Virtute, veritate, gloria, & fine.

Virtuosa foret veritas, si fini sufficere non posset, cui non sufficeret si non esset in verificare & de verificare: sicut gloria quæ non sufficeret fini, si non esset in gloriari & de glo-

riari. Veritas gloriæ sufficere non posset sine verificante & verificabili, videlicet producente verificante de seipso verificatum: quoniam postquā veritas in se habet realiter, propriè, & naturaliter, & essentialiter verificantē, verificabilem, & verificare, finis non potest habere per veritatem aliquem defectum. Est ergo productio, quæ est quies complementi.

*De Virtute, Veritate, gloria, & maiori-
tate.*

IN gloria, est maior veritas, si in illa sit productio gloriabilis, & gloriari, sine quibus oporteret, quod veritas esset in gloria, in minoritate, quæ si siquidem minoritas esset ei vitium contra virtutem, & pœna contra gloriam. Oportet ergo quod in gloria sint gloriāns, gloriabilis, & gloriari, propriè, & naturaliter, vt veritas, sit maior in gloria & non minor: maiorem dicimus, in quantum veritas maior esse non potest, nec minor. Et iste passus est subtilis ad intelligendum. Est ergo veritas in gloria maior, & nō minor: vt sit in ipsa virtuosè & non vitiosè: virtuosè in ipsa esse non posset, si in ipsa esset in minoritate, & non in maiori maiori-
tate, in qua est in verificando, producendo, gloriando de se verum gloriabilem, cum vero gloriari.

*De Virtute, veritate, gloria,
& æqualitate.*

SI in gloria non sit æqualitas gloriāntis, gloriabilis, & gloriari, veritas non haberet in quo esset sustentata in gloria: quoniam in gloria non posset sustentari in æqualitate, quoniam huiusmodi sustentatio esset vitiosa, in quantum in illa esset minoritas: cum

ita sit, quod in omni inæqualitate oportet quod sit minoritas. Est ergo veritas in gloria sustentata per æqualitatem veri glorificantis, verificantis, & veri glorificabilis, verificabilis, & veri glorificare & verificare. Hæc sustentatio esse non posset sine productione naturali & essentiali.

*De Virtute, veritate, gloria,
& minoritate.*

SI in gloria Dei non sit productio gloriāntis, gloriabilis, & gloriari, veritas in gloria aliquid verificare non potest: quoniam non potest verificare, quod vnus sit gloriosus, & alius gloriabilis. Est ergo veritas in gloria sine verificare, & per consequens gloria in veritate sine gloriari: & in illis est ociari, vt ita loquar, quod est vitiosum contra virtuosum, & propè non esse per minoritatem: quam minoritatem oportet esse in omni gloria & veritate, in qua sit ociari gloriæ & veritatis. Et quia ociari minoritas, neque vitium in virtute, veritate, & gloria Dei esse non possunt, oportet in Deo esse productionem per gloriari, gloriāntem, & gloriabilem, & per verificare, verificantem, & verificabilem.

*De Differentia, concordantia,
& contrarietate.*

IN omni ente in quo non sit distinctio, concordantia, neque contrarietas, oportet quod sit ociositas: cum ita sit, quod operatio non possit esse sine distinctione, nec sine concordantia aut contrarietate. Et quia ociositas contra contrarietatem non est, oportet quod in Deo sit concordantia contra contrarietatem, cum concordare. Oportet ergo quod in Deo sit concordantia.

dantia, vt sit contraria contrarietati cum concordare, & operari. Et quia in Deo est concordantia, sine contrarietate, oportet quod in Deo sit distinctio, vt cum concordantia possit esse contra contrarietatem: quoniam Deus remotior est à contrarietate, si in seipso sit concordare & distinctio, quam non sit: si in illo est tantummodo concordare. Oportet ergo quod Deus habeat in se distinctio, vt remotior sit à contrarietate. In Deo distinctio non potest esse, sine producere distinctionis, & distinctionabilis.

De Differentia, concordantia, contrarietate, & principio.

IN ente in quo non sit distinctio, concordantia aut contrarietas, principiare esse non potest: cum ita sit, quod omne principiare indiget habere distinctio, & omne distinctio indiget concordare aut contrariari. Et quia in Deo oportet esse principiare, vt cum principiare remotus sit ab ociositate bonitatis, magnitudinis, æternitatis, potestatis, sapientiæ, voluntatis, gloriæ, virtutis, & veritatis, & quod sit in concordare & non in contrariari: oportet quod principiare sit in producere principiantis & principialis cum distinctio, sine quo non posset esse principiare sine ociositate bonitatis, magnitudinis, & aliarum.

De Differentia, concordantia, contrarietate & medio.

IN Deo non est contrarietas, & si in Deo est concordantia in distinctio, est concordantia in medio distinctio, & distinctio: quod siquidem medium remotum est à contrariari, & distinctio est re-

motum à contrarietate in concordare, quod est in medio concordantis & concordabilis: cum quibus contrarietas participare non potest. Est ergo producere, vt media sint ad quæ contrarietas venire non potest, nec cum illis participare.

De Differentia, concordantia, contrarietate, & fine.

SI in essentia Dei non sit concordantia, concordantis, concordabilis, & concordare, in ipsa essentia Dei non est finis concordantiæ, & esset vacua illo fine: quæ siquidem vacuitas esset per aliquam contrarietatem, ratione cuius non posset esse finis concordantiæ: & quia est in essentia Dei, contrarietas esse non potest, neque vacuitas: oportet quod in illa sit finis concordantiæ: quæ non posset esse sine distinctio distinctio, & distinctio: sine quibus concordantia esset plena, ociositate, & per consequens fine. Oportet ergo quod sit in Deo concordantia, & distinctio concordantis, & concordabilis: distinctio distinctio, vt complere sit complementis, siue perficientis, & perfectibilis: sed hoc esse non posset sine producere producentis, & productibilis.

De Differentia, concordantia, contrarietate, & maioritate.

CUm ita sit, quod concordantia cum esse concordat, & contrarietas cum priuatione: oportet quod differentia sit maior in concordantia quam in contrarietate: cum ita sit, quod maioritas concordantiam habeat cum esse, & minoritas cum priuatione. Est ergo differentia maior in concordantia quam in contrarietate: in qua maioritate.

tate concordantia non posset esse sine distinctione concordantis, concordabilis, & concordare sine contrariari, minorificare, & priuare. Quod quidem distinctione esse non posset sine producere, producentis, & productibilis.

De Differentia, concordantia, contrarietate, & aequalitate.

NVlla aequalitas potest esse sine distinctione: cum ita sit, quod aequalitas non possit esse sine pluribus rebus: & idem de concordantia & contrarietate. Et concordantia potest esse in aequalitate, & in inaequalitate, & remotior potest esse à contrarietate in aequalitate, quàm in inaequalitate: oportet quod in natura Dei sit aequalitas concordantis, concordabilis, & concordare, in qua oportet quod sit concordantia aequalitatis, æquabilis, & æquare: vt diuina natura æqualiter sit remota à contrarietate, cum aequalitate & concordantia, à qua contrarietate non posset esse remota sine productione naturantis, naturabilis, & naturare, distinctionantis, distinctionabilis, & distinctionare: sine quibus non possent esse concordans, concordabilis, & concordare, æquans, æquabilis, & æquare.

De Differentia, concordantia, contrarietate, & minoritate.

Illa concordantia est in minoritate quæ est de formis accidentalibus: & illa est in maioritate: quæ est de formis substantialibus. Est ergo distinctio remotior à contrarietate in concordantia substantiali quam accidentali. Et idem est de concordantia, quæ remotior est à contrarietate in distinctione substantiali quam accidentali. Oportet ergo quod in Deo sit productio: vt sua

forma habeat, cum qua remota sit à contrarietate & à minoritate: à qua non posset esse remota sine substantia: li, distinctionare, & concordare.

De Principio, medio, & fine.

DEus est primum principium, & primus finis, & oportet quod sit primum principium, cum principiare, quod sit in medio principiantis, & principiabilis: quoniam sine principiare, quod sit in medio principiantis, & principiabilis, propriè, essentialiter, & naturaliter, non posset esse finis principij in principio, nec cum illo vna eadem essentia remanere, & Deus esset principium, in principiando creaturam, quæ esset finis principiandi, & primum principium non haberet finem principiandi de seipso: esset ergo per accidens principians, & per aliud, & non per seipsam, quod est impossibile. Est Deus principium, & finis simpliciter in seipso, & per seipsum, postquam in illo potest esse principiare, in medio principiantis, & principiabilis. Est ergo in Deo productio, sine qua non posset esse principiare, in medio principiantis & principiabilis.

De Principio, medio, fine, & maioritate.

SI in Deo non esset productio principiantis, principiabilis, & principiare: perficientis, perfectibilis, & perficere: principiare, & perficere non possent esse in maioritate, in qua oportet quod sint, vt principiare, & perficere, cum minoritate non possint participare, cum qua participarent, si non esset productio propria, realis, essentialis, & naturalis, principiantis, principiabilis, & principiare, perficientis

entis, perfectibilis, & perficere.

De Principio, medio, fine, & æqualitate.

Pincipiū, in quo sint principians, principiabilis, & principiare æqualiter, perfectione est plenum, de quo se perficit principians, producendo æqualiter de seipso principiabilem, de quibus scilicet principiante, & principiabili, æqualiter exit principiare, existens in medio principiantis, & principiabilis: oportet ergo quod in Deo sit productio, sine qua non posset esse perfectio principij in æqualitate, principiantis, & principiabilis, & principare.

De Principio, medio, fine, & minoritate.

Illud principium est minus, in quo principiabile non est de essentia principiantis, & hoc est, quia principiare non est de essentia amborum, nec in medio amborum potest esse, Et quia illud principium est in minoritate, non potest esse per seipsum in perfectione, nec in suamet natura quietē habere. Et quia Deus est principium, & in seipso suam habet perfectionem, oportet quod in illo sit productio propriē, & naturaliter principiantis, principiabilis, & principiare: qui remaneant & sint in perfectione.

De Maioritate, æqualitate, & minoritate.

Qvanto æqualitas est maior, tanto remotior est à minoritate, & quanto est minor, tanto remotior est à maiori. Oportet ergo quod in Deo æqualitas sit in maiori maiori-

te, quæ possit esse inter æquantem, æquabilem, & æquare: ut in illa maiori maiori remota sit à maiori minoritate æquantis, æquabilis, & æquare. Hoc autem esse non posset sine productione maioris æqualificantis, æqualificabilis, & æqualificare: idcirco oportet quod in Deo sit productio. Probatum est, quod in Deo sit productio, & data est doctrina, secundum quam formæ primariæ applicari possint ad probandum productionem in Deo. Ita quod illa productio est paternitatis, filiationis, & passivæ spirationis. Et sic oportet necessario quod illa productio sit in numero ternali, & non in maiori, neque in minori.

De Fructu, scilicet, de perfectionibus arboris diuinalis.



Per perfectiones arboris diuinalis fructus arboris diuinalis intelligim⁹, quos duobus modis consideramus: videlicet fructus interiores, & fructus exteriores. Appellamus fructus interiores illa, quæ sequuntur naturaliter ex actibus diuinarum dignitatum: sicut bonificatus, qui sequitur ex bonificare, & magnificatus ex magnificare, & æternatus ex æternare, & possificatus ex possificare; & intellectus ex intelligere, & amatus ex amare, & virtutificatus ex virtutificare, & verificatus ex verificare, & glorificatus ex glorificare, & distinctionatus ex distinctionare, & concordatus ex concordare, & principiat⁹ ex principiare, & mediat⁹ ex mediare, & perfectus ex perficere, & æqualificatus ex æqualificare. Appellamus bonificatum Filium, & Spiritum sanctum: qui sunt fructus Patris per bonificare & pro

& producere. Et appellamus Spiritum sanctum bonificatum, qui est productus, & spiratus à Patre & Filio per bonificare, & idem est de magnificare, & cæteris. Et isti fructus sunt naturales, diuinales, & essentielles, & collecti sunt & colligendi: collecti sunt, ut sint perfecti: colligendi sunt, ut in æternitate colligantur, & quod actus non sint in priuatione, nec dignitates ociosæ, & colliguntur per productionem, generationem, & spirationem. Isti fructus mali esse non possunt, quoniam sunt de bonitate: nec possunt esse parui, quoniam sunt de magnitudine: nec possunt esse de priuatione, quoniam sunt de æternitate: nec possunt esse impossibiles, quoniam sunt de potestate: nec possunt esse de ignorantia, quoniam sunt de sapientia: nec sunt de odibilibus, quoniam sunt de amore: nec possunt esse de vitiis, quoniam sunt de virtute: nec possunt esse de falsitate, quoniam sunt de veritate: nec possunt esse de pœna, quoniam sunt de gloria: nec possunt esse de tenebris, quoniam sunt de claritate spirituali: nec possunt esse de contrarietate, quoniam sunt de concordantia: nec possunt esse de ociositate, quoniam sunt de principio: nec possunt esse de vacuitate, quoniam sunt de medio: nec possunt esse de defectu, quoniam sunt de perfectione: nec possunt esse de maiori et minori, quoniam sunt de æqualitate. Est vnus alius modus fructuum, qui sunt communes contemplationes: sicut Filius, & sic de Patre & Spiritu sancto, qui contemplatur Patrem, & Spiritum sanctum, & semetipsum per amare. Et hoc idem facit per intelligere & recolere: quoniam diligit Patrem, diligit Spiritum sanctum & diligit seipsum. Et istud commune dilige-

re facit esse vnum amatum communem per essentialem & communem contemplationem: & iste est Filius Deus, qui in quantum Filius contemplatur Patrem Deum, & Spiritum sanctum Deum, & seipsum Deum, omnibus tribus existentibus vno Deo & non pluribus. Quare contemplatio est vna & communis, in quantum vnitatis Deitatis naturæ & essentiæ bonitatis, magnitudinis, & aliarum. Et sic vnus existit recolitus, intellectus, & amatus secundum communem contemplatiuitatem, & contemplabilitatem, & vnus amatus est in Patre, & alius in Filio, & alius in Spiritu sancto. Et hoc est secundum contemplatiuitatem, & contemplabilitatem personalem, quæ significatur in branchis & in ramis.

De Fructibus exterioribus.

FRUCTUS qui sunt extra, sunt creaturæ, quas arbor diuinalis facit in creando, & producendo, & fructus interiores, de quibus dictum est, sunt fructus creaturarum existentes extra naturas illarum: quoniam non sunt de earum essentia, & sunt perfectio illarum: sicut amatus diuinus, qui est fructus, & complementum omnium amatiuitatum, & bonarum appetitiuitatum, creaturarum. Et idem est de diuino intellectu, qui est fructus omnium intellectiuitatum, & instinctuum naturalium creatorum. Et idem de diuino recolito, qui est fructus memoratiuitatum creaturarum, & antiquitiuitatum. Et sic de diuino bonificato, personato, qui est fructus omnium creaturarum bonificatiuitatum, & bonificabilitatum, & sic de magnitudine, & cæteris. De fructibus supremis placeat Deo nobis dare per suam pietatem,

tem, qui stamus sub pede arboris, & qui de illis fructibus magnam indigentiam habemus.

De Arbore Exemplificali.



ARBOR exemplificalis continet recapitulationem arborum supradictarum per exempla, & proueria. Et similiter diuiditur in septem partes.

Radices sunt exempla radicum

precedentium arborum.

Truncus est exempla truncorum precedentium arborum.


Brancha sunt exempla brancharum, &c.

Rami sunt exempla ramorum, &c.

Folia sunt exempla foliorum, &c.

Flores sunt exempla florum, &c.

Fructus sunt exempla fructuum, &c.



De Arbore exemplificali.

Hæc arbor in septem partes diuiditur, videlicet in radices, truncum, branchas, ramos, folia, flores, & fructus. Quælibet vero istarum partium in quatuordecim partes diuiditur. Sicut prima pars quæ est de radicibus arboris elementalís, vegetalis, sensualis, imaginális, humanalis, moralis, imperialis, apostolicalis,

cælestialis, angelicalis, æuiternalis, maternalis, christianalis, & diuinalis. Et idem est de secunda parte & cæteris. Et quælibet prædictarum septem partium in quatuordecim partes diuiditur, vt exempla naturarum & módorû arborum dare valeamus, secundum quod sunt earum radices, trunci, branchæ, &c. & vt magnam materiam habeamus ad dandum exempla, cum ita sit, q̃ in quatuordecim arboribus antedictis omnia explicantur aut implicā-
tur.

tur. Et per exempla quæ dabimus, doctrina haberi potest ad cognoscendū secreta naturalia & supernaturalia. Potest etiā haberi doctrina ad prædicandum, & ad habendum moralitates, solarium, & amicitia gentium. Etiam potest haberi vniuersalis habitus ad intelligendū plura, & quæ sunt placencia ad audiendum. Exempla quæ dabimus, in duas partes diuidimus, videlicet in narrationes & proueria inquisita secundū naturas arborum. Et hunc processum tenere proponimus in hac arbore, & quia materia est magna, secundum eius magnitudinem procedere non possumus: quoniam in aliis valde sumus occupati, etiam quia gentes prolixitatem euitant, & ideo breuiter de hac arbore loquemur. Veruntamen secundum hoc quod dicemus, doctrinā dabimus ad inueniendum noua proueria & narrationes, & quomodo humanus intellectus extendi possit præ nimia materia huius arboris.

De Radicibus arboris exemplificalis.

Vlt ignis & appetit, q̄ suos calor in aqua sit bonus, vt sua bonitas magnam habeat virtutem. Idecirco aqua rogauit aërem, quod ipsam in sua infirmitate recoleret. Et tunc Monachus Raymundus rogauit, quod sibi illud prouerbum exponeret. Respondit Raymundus Monacho dicens, quod aërex duabus infirmitatibus infirmus iacebat. Vnam habuit infirmitatem propter amorem, aliam vero propter dolorem. Infirmitatem habuit propter amorem, quoniam de terra erat malè contentus, quæ actionem super ignem habebat, quam plurimum ipse diligebat, & desiderabat, quod Dominus esset terræ, quæ eius erat inimica. Infirmitatem propter dolorem habebat aër, quoniam

ipse sentiebat siccitatem, quam ignis posuit in ipso, quæ siquidem siccitas suam humiditatem tormentabat. Idcirco aqua dixit aëri, quod ipsam in sua infirmitate recoleret, quam patiebatur: quoniam ignis in ipso suum posuit contrarium, propter quod aër ignem odire debebat. Et hoc aqua dicebat, vt aër contrarius foret igni, & cum illa concordantiam haberet. Sed aër respondit aquæ dicens, quod potius infirmus esse diligebat, & esse bonus amicus & legalis ipsius ignis, qui sibi suam dabat similitudinem, quam sanus esse & facere contra suum amicum deceptionem aliquā vel delictū: quoniam nulla infirmitas est ita magna, sicut infirmitas quæ est per prodicionem & incognitionem, quæ hominē facit obliuisci beneficia, quæ à suo Domino recepit. Idcirco dixit aër, quod ipse, vellet esse subiectus & subditus igni suo Domino, vt ipse actionem in aqua habeat, in qua suum ostendar dominium cum magnitudine bonitatis & virtutis: quoniam magna virtus est calor ignis, & magnum bonum, quod ipse sit Dominus sui amici per concordantiam amoris, & sui inimici per contrarietatem. 2. Plorauit aqua, & dixit aëri, quod ipse falsitatem nesciebat, quam ignis terræ faciebat, aër vero ab aqua quarebat, quæ falsitas fuerat illa; aqua respondit dicens, quod ignis & terra faciebant societatem, & sibi inuicem promiserunt, quod quicquid lucrarentur, inter se diuiderent, & communicarent, vnde contigit, quod terra ferrum lucrabatur, ignis vero aurum. Et quando ad diuisionem & partitionem ferri & auri veniebant, terra dixit igni, quod ipse diuideret, hoc vero dixit terra, vt ignis ei aurum daret, quia ei suam dat siccitatem, & etiam quia ille qui liberaliter

diuidit semper alij dat partem maiorem, & credidit, quod ignis similiter faceret. Et ignis diuisit, & terræ dedit ferrum, aurum vero sibi ipsi retinuit. Respondit aër, dixitque aquæ, q̄ ignis falsitatem in diuisione minime faciebat, postquam terra falsam habuit intentionem in electione tunc temporis, cum igni dixerat, quod ipse diuisionem ferri & auri faceret seu partitionem, quam iuste fecerat, vt puniret terram de falsa opinione quam habebat. 3. Aër rogauit aquam quod ipsa cum terra se nō associaret postquā ipsa cum illo fecerat societatem: quoniam inter duo contraria non est aliquid, quod diu durare possit: cum ita sit, quod ipse & terra in vehemēti contrarietate existant. Aqua vero respondit aëri, dixitque ei, quod illa duratio est magna, quæ in concordantia durat per actionem & passionem. Miratus fuit aër de hoc quod aqua dixit: & ab ipsa quæsiuit, quomodo societas actionis & passionis in concordantia durare posset: cum ita sit, quod actio & passio contrariantur? Aqua vero respondit, dixitque hæc verba. Narratur, quod color ignis, & color terræ in flamma ignis sibi inuicem obuiarunt, in qua concordantiam per modum actionis & passionis habuerunt: quoniam terra dixit igni, quod ipsa quæ sibi suam dat siccitatem; in summitate flammæ suum colorem habere vellet, & in fumo; qui exit ab igne; etiam in rebus quas ignis comburit: sicut in carbone & in pipere. Ignis autem respondit ei: & dixit, quod satis ei placebat, postquam eius color in medio loco flammæ remaneret. Et sic de ferro calido, & carbonibus, & aliis his similibus. 4. Terra dixit igni, quod ipsa sibi non daret siccitatem, postquā ipse daret illam aëri, qui est eius inimi-

cus. Ignis autem respondit terræ, quod ipsa potestatem largitatis nesciebat. Ignis, (dixit terra) quæ est potestas largitatis? Narratur, dixit ignis, quod largitas & auaritia sibi inuicem obuiarunt: largitas namque totum dederat, quicquid habuerat, nec plus dare poterat: quoniam non habebat de quo. Et rogauit auaritiam, quæ pluribus rebus erat plena, quod ei de hoc quod habebat sibi daret, vt ipsa aliis dare posset: quoniam infirma erat, quia aliis dare non poterat. Auaritia vero se excusauit: & dixit, quod ipsa sibi nihil dare valebat: quoniam suam nolebat habere similitudinem. Et tunc largitas ad ipsos reuertebat, quibus aliquid dederat, & ad illos, quibus aliquid dare volebat. Et omnes insimul contra auaritiam fuerunt, qui ipsam de bonis quæ possidebat, spoliauerunt, vt largitas haberet, de quo dare posset: auaritia vero tristis remansit & infirma. Et dixit hæc verba. Ah quātum doleo de thesauro, pro quo diu laboraui: & propter quem tantā famem, & sitim sustinui cum tot & tantis inhonoribus & timoribus, quem dari video meis inimicis, & quæ dat mea inimica. 5. Ignis & aër inuicem, in quodam nemore magno sibi obuiauerunt, in quo aër terram diu quæsiuerat, vt de illa pro quodam vituperio quod sibi fecerat, vindictam acciperet. Et tempore illo quo ignis & aër sibi obuiarunt, Sol fuit in occasu: vnde aër rogauit ignem quod ei lumen faceret, tota illa nocte, vt ipse terram inuenire posset, quam multum inuenire optabat. Ignis vero diu considerauit, si aëri lumen faceret, vt aër terram inuenire posset: quoniam ipse ignis verecundiam habebat contradicere precibus aëris: & conscientiam habebat, si ostenderet terram, quæ erat sua amica, quam aër destruere volebat.

bat & occidere. Et interim dum ignis ita considerabat, aër mirabatur, quod ignis ad preces quas sibi fecit, non respondit: & dixit igni, quod bene cognouerat, quod ipse non multum ipsum diligebat, postquam ad preces quas ei fecerat, cito non respondebat tali modo, quod ipse ad grates teneretur. Ignis autem dixit aëri, quod ipse nesciebat, quomodo sapientia respondit voluntati. Et quomodo fuit hoc? dixit aër. Narratur (dixit ignis) quod voluntas magnum desiderium habebat, quod vnum hominem quem valde dilexerat, inuenire posset: & rogauit sapientiam, quod ei vicos ostenderet, per quos illum hominem inuenire posset, quem inuenire desiderabat: vt ipsum honorare & seruire valeret. Sapientia autem respondit voluntati dicens, quod iustam petitionem ei faciebat, & libenter ei vicos ostenderet, per quos suum posset inuenire dilectum & amicum: quos si quidem ei non ostenderet, si ipsa sciret, quod voluntas illum hominem occidere vellent, aut ei aliquod vituperium vel detrimentum faceret: cum ita sit, quod ille homo quem voluntas quaesuit, plurima placita mihi fecit. 6. Ignis quaesuit ab aëre: si tantum ipsum diligebat sicut aquam? Respondit aër, dixitque igni, quod ipse iustam quaestionem non faciebat: & quod parum de natura amoris sciebat. Aëri dixit ignis, & quæ est natura amoris? Aër vero siluit, nec aliquam voluit dare igni responsionem: quapropter ignis mirabatur, quoniam aër sibi non respondit: & totiens ipsum rogauit, quod ipsi responderet, quousque aër igni hæc verba retulit. Narratur, quod voluntas sapientiam inueniebat, dum ipsa ad quandam ciuitatem ibat, in qua erat memoria, ad quam voluntas ve-

nire optabat, vt suum amicum frequenter recoleret. Et quia sapientia iram quæ est voluntatis inimica, secum ducebat, voluntas sapientiã benè non recepit, quamuis sibi vicos ostenderit, per quos memoriam potuit inuenire. Et cum voluntas ad memoriam venisset, quæ suum recoluit amicum, magnum festum fecerunt, & magnum solatiũ inuicem habuerunt: intantum q̃ sapientia malè contenta stetit contra voluntatẽ, quæ ei ita magnum festum, & solatiũ in eorũ obuiatione nõ faciebat sicut memoriæ. Et ita sapientia voluntatem coram memoria reprehendit, dicens ei, quod paruas grates ei fecerat ex placitis, & honoribus, quos ei fecerat. Excusabat se voluntas dicens, quod maius placitum sentiebat in dando suam similitudinem, sine passione, quam in assumendo similitudinem alterius cum labore. 7. Aqua ibat per quoddam magnum nemus, in quo lapidem, & ferrum ex quibus exit ignis, inueniebat, quos blasphemauit, & eis plura vituperia dixit: quia ipsi occasio suæ infirmitatis fuerant, cum in olla vel in concha ipsam calefaciebat, & quæ ab ipsa suam frigiditatem quam valde diligebat, aufererebat. Lapis vero & ferrum responderunt aquæ dicentes, quod ignis fuerat vitiosus in dando eis suam virtutem. Sed aqua de illis verbis mirata fuit, quæ dixit eis, quod sibi impossibile videbatur, quod quicquam posset vitiosum esse in dando virtutem: vnde rogauit, quod sibi modum dicerent, secundum quem ignis virtuosus erat, inquantũ ei suam dabat virtutẽ. Narratur (dixerunt lapis & ferrum) quod quedam herba stetit in quodam prato, quæ virtutem habebat in curando leprosos de eorum infirmitate: cuidam leproso illa herba ostendebatur, de

qua comedebat, & curatus fuit de lepra per virtutem illius herbae. Tandem contigit, quod ille homo minutum ibat in illo prato, & cum illa herba quae ipsum curauerat suos lumbos terfit. Idcirco illa herba fuerat vitiosa in dando suam virtutem illi, qui tantum ipsam inhonorauit. A quibus tunc aqua petiit, & quam virtutem dat mihi ignis, cum sum in olla? Responderunt ei lapis & ferrum, quod ipsa & farina panem facere volebat ut cum illo pane virtutem homini darent ut exinde viuere posset. Quem siquidem panem cum virtute ignis in furno faciebant, sine quo quidem igne illum panem facere non poterant, neque virtutem homini dare valuerant.

8. Duæ veritates in igne sibi inuicem obuiauerunt, vna veritas fuerat de calore, & alia de siccitate, quæ ab igne petierunt, cum qua ipsarum se munitum contra falsitatem & aquam sentiebat. Ignis autem suæ luciditati dixit, quod ad illam quæstionem responderet, frigiditas vero terræ dixit igni, quod ipse iudicem communem non elegerat, cum ita sit, quod luciditas concordabat in die cum calore: qui quidem dies clarus est & calidus, & quæ contrariabatur in nocte siccitati: quæ quidē nox frigida est & tenebrosa ratione vmbrae terræ. Respondit ignis frigiditati terræ & dixit, quod contigit in quadam ciuitate, quod quidam homo de populo modum considerabat, per quem ipse posset esse rex illius ciuitatis, & considerabat quomodo ipsum regem qui erat suus Dominus occidere posset. In principio in quo ille homo propositum illud concepit, modum cum falsitate imaginari incepit: quoniam cum veritate non valebat, & sic ille homo modum accepit cum quo magnam habuit in illa

ciuitate potestatem contra regem suum Dominum, qui quidem Rex modum considerauit, quomodo illum hominem destruere posset, & in principio in quo modum considerauit, illum considerauit cum veritate. Idcirco in illa ciuitate veritas & falsitas magnum prælum habuerunt, & in fine falsitas deuicta fuit, quia cum non esse & nihilo concordabat: veritas vero cum esse, quod siquidem esse Rex in iudicem suæ conscientia elegit contra falsitatem, quæ est contra charitatem, & quæ cum tenebris habet cōcordantiā.

9. Aër conquerebatur aqua de igne, qui libitum, siue placitum habebat in tormentando ipsum cum terra: cum ita sit quod placitum de ipso habet recipiendi calorem, & quia aqua est inimica ignis, aërem minimè voluit consolari: imo ut plurimum de malo contra ignem dixit: & quanto plus de malo contra ignem dixit, tanto plus ipse ignis aërem tormentabat: quia aqua credebat aëre ita tormentato, & eius tormento de die in diem sibi multiplicato, ad terram recurrit, quæ sua erat inimica, qui conquerebatur ei de igne dicens, quod magnam iniuriam ei faciebat. Terra vero respondit aëri, ignem excusando & dicendo aëri plura vituperia: ut ipse aër plus de passione haberet, & ut sua natura contra aërem vteretur, qui est eius aduersarius. Aëre sic existente vexato, & quanto plus conqueri batur, tanto maiorem passionem sentiebat, aliud consilium non habuit, nisi quod ignem rogarer, quod de ipso pietatem haberet. Cui siquidem aëri ignis hæc verba dixit. Narratur, quod quidam rex vnum militem habebat, quem valdè diligebat, & per magnum amorem quem ad eum habebat, plures honores ei faciebat, & ei denarios & equos conferebat siue dabat,

bat, & quicquid indigebat. Et quanto plus rex dabat militi, tanto miles ad eū maiore habebat amorem, & fortius ei seruire nitebatur. Rex vero illū militē p̄bare voluit, si ad eū maiore amorem habebat propter hoc quod ei dabat, quam propter hoc quod erat suus Dominus, & magno tempore stetit, quod ipsi militi nihil dedit, ita quod miles contentus non erat de rege, sicut esse solebat: nec ei ita bene seruiebat, sicut in cōsuetudine habebat. Et vt rex melius intentionem militis probare valeret, abstulit ab eo vnum bonum castrum, quod ei ante dederat. Et tunc ille miles multum iratus de rege recessit, & iuit ad quēdam comitem, qui erat inimicus illius regis, cuius filiū ille miles occiderat in bello. Et dixit comiti, quod ipse volebat esse seruus ipsius: vt cum illo se posset vindicare de rege. Miles illē eum comite fuit in vno bello contra regem, & captus fuit, q̄ misericordiā à rege petiit, & rogauit ipsum, quod castrum & suum amorem ei redderet. Et rex respondit ei, & dixit, quod super hoc consilium cum iustitia & misericordia haberet. Cum iustitia consilium habere vellet, vt sciret, si ipsum punire deberet: & cum misericordia similiter: vt sciret, si ei parcere deberet: Misericordia regem rogauit, quod illi militi parceret, vt ipsa posset esse magna in rege. Et iustitia regi consului, quod ipsum puniret, vt ipsa maior esset in illo quam misericordia: & maximē cum ipse sit rex magis propter illam, quam propter misericordiam: etiam quia miles bonā intentionē nō habuit quā rēdi indulgentiam, in quantum ipsū rogauit, vt ei castrum restitueret. Et tunc rex propter illud, quod iustitia allegauit, pręcepit militem tormentari & ad mortem tradi. 10. Rosa & piper de igne & a-

qua loquebantur. Rosa aquam commendabat: quoniam bonitatem partium multiplicabat cōiungendo vnam partem cum alia, vt bonitas esset magna in aqua. Et piper ignem commēdabat, in quātum diuidebat bonitatem in plures partes, vt sub suo genere plures substantiæ sint bonæ. Tantum rosa & piper in his verbis steterunt, quod magnum prælum fuit inter ipsa: quoniam piper dicebat, quod plus valebat illa substantia, quæ se dat pluribus, quā illa quæ se restringit, & in se plura aggregat, de quibus plures aliæ substantiæ indigentiam habent. Rosa vero dicebat contrarium: & super his rosa & piper ad iudicium venerunt coram siccitate: & quia ipsa erat qualitas, quæ se habebat ad vtramque partem: sed siccitas se excusabat dicens, quod iudex esse nolebat: quæ dixit hæc verba. Narratur, quod vnus rex iudicium dedit duobus militibus, qui litigabant pro vno castro. Ille vero miles qui bonum ius in illo castro non habebat, mille florenos dedit iudici, vt iudicaret pro ipso. Et miles qui bonum ius habebat, iudici dedit centum florenos, vt iudicaret pro illo. Idcirco iudex plus fuit ex vna parte quam ex alia, videlicet ex parte illius q̄ sibi dedit mille florenos, quā ex parte illius, qui dedit centum, & falsē castrum iudicauit pro illo, cuius illud castrum esse non debebat. Vnde ipsa quæ plus erat ex parte rosa quam ex parte pipēris, nolebat esse iudex. Et contigit, quod Rex sciuit, quod iudex mille florenos à milite acceperat cui illud castrum iudicauit: & centum ab illo, qui illud castrum habere debebat. Et tunc Rex illos milites venire fecit coram se in suo concilio, à quo quæsiuit, si naturam cognoscerent, per quam vnus miles dedit mille florenos, & alius cen-

tum tantummodo, cum ita sit, quod milites æquales sint in diuitiis. In cōilio Regis erat quidam antiquus sapiens, qui dixit, quod præsumptio erat, quod ille miles qui non dederat nisi centum florenos, habebat ius in castro. Et ratio erat: quoniam ille qui habet bonum ius, fortius plangit expensas, quas facit in iudicio siue in lite, quam ille qui non habet bonum ius, qui libentius facit expensas: ut quod suum non est, acquirere possit. Et ex tunc Rex in terra sua statuit, quod qui plus de salario iudici daret, quod contra dantem haberetur præsumptio mala, & pro ipso qui minus iudici daret, præsumptio bona. 11. Ignis aquam decipere voluit, & dixit illi, quod ipsum iuuaret ad faciendum piper, quod est paruum, & ille ipsam iuuaret ad faciendum cucurbitam siue lactucam, quæ est magna, & sic ambo concordantiam inuicem haberent. Narratur, dixit aqua, quod quidam miles pauper vnum filium habebat, & quidam diues rusticus filiam, filius ille & filia matrimonium contraxerunt, ut filius militis diues esset per suam uxorem, & ut filia rustici honorata esset per suum maritum: sed honor in dedecus conuertebatur cum denarij expensi fuissent, & in passionem stetit omnibus temporibus vitæ suæ. Et hoc exemplum narrauit aqua, quia deceptionem & fraudem cognouit, quam ignis sibi facere voluit, cum sit quod piper diutius duret quam cucurbita, & frigiditas maiorem habeat passionem in pipere quam actionem in cucurbita, licet piper sit paruum, & cucurbita magna. Idcirco aqua respondit igni, quod concordantiam cum ipso habere volebat sub illa similitudine, quoniam in pipere diu posset esse in labore. 12. Ignis aquam rogauit

quod inuicem ad solem accederent, & quod in viatico in simul amicitiam haberent de vno & alio conferendo. Aqua vero respondit, dixitque igni, quod duo contraria inuicem per eandem viam bene & planè non vadunt, & maximè quia sol suus est inimicus, & est amicus igni. Veruntamen dixit aqua igni, quod si ipse se cum ad Lunam ire vellet de nocte & non de die, cum illo ad solem per vnam viam pergeret, siue descenderet. 13. Quatuor elementa principiauerunt piper, & in ipso posuit ignis quatuor vncias leuitatis, & terra tres vncias ponderositatis, ær vero duas vncias leuitatis, sed aqua in ipso posuit vnam vnciam ponderositatis. Et cum piper principiatum fuisset sex vnciæ leuitatis ascendere superius voluerunt, quatuor autem vnciæ ponderositatis inferius, videlicet in terra remanere voluerunt, piper vero appetitui quatuor vnciarum consentiit, & appetitui sex consentire noluit, idcirco sex vnciæ dixerunt piperi, quod contra suam naturam faciebat, in hoc, scilicet, quod plus stabat in loco inferiori quam in loco superiori, cum ita sit, quod maius sit per appetitus maiores quam per minores. Et tunc piper respondit & dixit hæc verba. Narratur, quod ventus duxit vnum granum racemi in quodam alto monte, qui valdè frigidus erat, illud granum, truncum, branchas, ramos, folia, flores, multiplicauit, sed fructum præ nimia frigiditate, quæ vigeat in illo monte, facere non potuit. Et quia principium, naturam & esse in pede montis acceperat, plus in locis infimis quam altis voluit remanere, ut fructum faceret, & suam speciem posset multiplicare. 14. Aër in medio ignis & aquæ se posuit, ut concordantiam faceret, & quod omnes tres

contra

contra terram essent, cum autem aër inter ignem & aquam concordantiam fecisset contra terram, terra suam siccitatem igni dare noluit, nec frigiditatem aquæ recipere, ut consueta fuerat, idcirco ignis & aqua contra aërem fuerunt cum terra, quam in medio amborum posuerunt. Et tunc aër ab igne calorem noluit accipere, nec suam humiditatem aquæ dare, quousque ignis & aqua cum illo concordantiam habuissent contra terram quæ igni siccitatem noluit dare, nec ab aqua frigiditatem recipere. Et sic ignis & aqua erant in labore semper cum concordantiam vellent habere, unde valde mirabantur, cum concordantiam neque per terram, neque per aërem habere non valebant. Et tunc à Saturno quæsiuerunt, si sciret rationem vel radicem, propter quam concordantiam habere non poterant. Saturnus dixit hæc verba, quod quidam erat heremita, qui erat sanctæ vitæ & conuersationis, dixit ad Angelum, qui eum custodiebat, quod fortiter mirabatur, quid poterat esse, quod cum ipse Deum contemplantur, nullam rationem faciendi peccatum habebat, & statim cum dimisisset contemplari Deum & rogare malo velle suo in tentationes, & cogitationes, & vanitates incidere. Angelus vero suus dixit ei, quod non erat mirum si homo tentatus est, & cogitat vanitates, postquam inter Deum & ipsum non est medium quod in concordantia ipsos esse facit, ita videlicet quod homo remotus sit ab omni natura peccati, vanitate & contrarietate Dei & hominis. Et hoc, dixit Saturnus non habet aër, cum vos alij concordantiam in illo contra terram habere vultis, quoniam remoti non estis à contrarietate, in qua estis, licet in aëre concordantiam habere velitis. Et tunc ignis & aqua co-

gnouerunt per hoc, quod de sancto heremita dictum fuerat, & per contrariam naturam in qua existunt, modum secundum quem sancti homines tentationes habent & cogitant vanitates. 15. Ignis & terra vnam filiam fecerunt in pipere, quæ maioritas vocabatur, & aër & aqua in eodem pipere fecerunt aliam filiam, quæ minoritas vocabatur: ambæ vero filiæ fuerunt uxores piperis, quod ex ipsis vnum filium generauit, qui suum Patrem occidit: & tunc sartor forfices & acum maledixit: Monachus autem dixit Raymundo quod illud exemplum sibi exponeret. Respondit ei Raymundus dicens. Narratur, quod acus cuiusdam sartoris sibi vnam filiam generauit, quæ vocabatur diuitiæ, & eius forfices vnam filiam generauerunt, quæ vocabatur honor. Sartor vero illas duas filias accepit in uxores, de quibus Sartor ille vnum filium generauit, qui in eius obitu dare noluit vnum modicum pannum, de quo cooperiri potuisset, & ipsum totum nudum subterrauerunt contra diuitias & honorem. Idcirco sartor ille forfices, & acum maledixit, cum quibus diuitias congregauerat, & honorem suo filio donauerat: sed forfices & acus de illa maledictione se excusauerunt dicentes, quod culpa carebant: quoniam se ipsum posuerat in minoritate diuitiarum & honoris, & suum filium in maiestate: idcirco oportuit quod filius suus & ipse in suo obitu contrarietatem habuissent. Raymunde, dixit Monachus, & quis vocabatur filius suus? Raym. respondit dicens, quod filius sartoris priuatio vocabatur, priuatio, scilicet finis honoris & diuitiarum. 16. In pipere igitur est in maiestate, & aqua in minoritate: idcirco aqua rogauit aërem & terram, quod

ipsam contra ignem iuarent ; quia sua minoritas maioritatem ignis non poterat sustinere. Aër autem & terra responderunt , dixeruntque ei , quod ipsa nesciebat , quomodo quædam bona domina suo malo marito respondebat. Et quomodo respondit ? dixit aqua. Narratur , dixerunt aër & terra , quod vnus erat homo , qui erat valde diues , & vxorem habebat cui dixit hæc verba : volo quod sitis domina mea , & quod de me & meis diuitiis faciatis vestram voluntatem. Et hoc dico propter hoc vt sitis bona , & quod bonitas vestra maior sit mea bonitate. Domina vero respondit & dixit hæc verba. Impossibile est , quod cum duabus naturis contrariis acquiri possit maior bonitas. 17. Ignis in pipere aërem & terram inuitabat vt contra aquam ipsum iuarent , quæ æqualiter sibi erat contraria per frigiditatem & ponderositatem in generali , quâ quidem æqualitatem destruere affectabat destruendo æqualem proportionem quam in pipere habent : quoniam destructa æqualitate ambarum qualitatum in pipere volebat aquam destruere : sicut inuidia quæ destruendo æqualitatem specialem amatiuitatis , & amabilitatis , destruere volebat charitatem duorum fratrum. Et quomodo fuit hoc , dixerunt aër & terra. Narratur , dixit ignis , quod erat quidam mercator , qui erat multum diues , & habuit duos filios , quibus in sua vita dedit vxores , & tempore sui obitus ordinauit in suo testamento , quod ambo æqualiter in bonis quæ dimiserat , possiderent & succederent , in tantum quod dum ipsi viuerent , illa bona non diuiderent. Et hoc fecit ille mercator , vt æqualem charitatem adinuicem haberent. Et tunc inuidia considerauit , quomodo illam charita-

tem destruere posset : quæ dixit filio primogenito , quod non erat conueniens quod ipse esset æqualis cum suo fratre neque in diuitiis neque in honore , postquam Deus ipsum primo nasci fecit : idcirco cum curia tractare deberet , quod illa bona diuiderentur , & quod maiorem partem diuitiarum haberet , qui respondit inuidiæ dicens , quod illam intentionem nesciebat , quam pater in factione sui testamenti habebat. Et quam intentionem habuit tuus pater (dixit inuidia) in factione testamenti sui ; qui dixit ei , noster pater quædam hominem huius ciuitatis occidit , qui habuit vnum filium , qui tantum habet in diuitiis sicut nos alij habemus , & voluit , quod bona quæ dimisit non diuideremus , vt inuicem charitatem haberemus : & si mihi dimisisset partem maiorem , & fratri meo partem minorem , inter nos charitas in æqualitate non foret , & inimicus primo fratrem meum si esset in potestate minori , occidere posset , & me post ipsum. Et tu inuidia de cætero talia verba mihi non loqueris. 18. Narratur , quod ignis ibat in peregrinationem , & aqua similiter , qui sibi inuicem obuiauerunt in via. Ignis autem dixit aquæ hæc verba. In hac terra sunt plures milites , qui sunt amici mei , & qui pro me facerent omnia quæcunque vellem , quibus plura placita & curialitates feci ; dum ignis ita loquebatur , cognouit aqua secundum verba , quæ ipse dixit , quod ipse ex ipsa timorem habuit. Idcirco cognouit quod ipse minorem virtutem , & potestatem habuit quam ipsa : quoniam si ipsa habuisset minorem virtutem , & potestatem quam ignis , in illa terra in qua se inuenerunt , ante habuisset timorem quam ignis , quem ipsa non habuit , postquam ignis dixit illa verba.

ba. Et quia considerauit, quod ignis prius habuit timorem quam illa, sentiebat virtutem & fortitudinem contra ignem: & tunc debellabat ignem, & ipsum deuincebat, qui dicebat, quod in illa terra erant milites sui amici, ut aqua timorem de ipso haberet, qui dixit igni, quod timorem de ipso non habuit de hoc, quod non viderat, per hoc quod audiuerat. Dictum est de radicibus, & dedimus modum secundum quem sciatur applicari ad moralitates, secundum quod ipsas applicauimus. Et quia prolixitatem vitamus, ad truncos arborum transimus.

De Truncis. Et primò de truncò arboris elementalis.



ER rogauit ignem: quod ipsum nimis non calefaceret: quoniam si ipsum nimis calefaceret, aqua ab ipso humiditatem non reciperet. 2. Inuidiam habuit terra de igne & aëre, qui in ficibus concordarunt, quæ rogauit ignem, quod cum ipsa in pipere concordaret. 3. Dixit aqua igni, quod sua frigiditas in æstate plus valebat contra febres, quas infirmi patiuntur, quam suus calor in hyeme contra frigiditatem, quam homines sani patiuntur. 4. Ignis dicebat malum de terra, quia est nigra; & de ipsa bonum dicebat, quia est licca. 5. Plorabat aqua, quia aër ab igne, qui est eius inimicus, calorem accipiebat. 6. Primum ver solem increpauit, qui pulchra opera quæ in Aprili, & in Maio fecit, in æstate destruit. 7. Ignis solem rogauit, quod non daret suam similitudinem lunæ, quæ similitudinem aquæ accipiebat. 8. Ignis quia est in pluribus, se commendabat, & de ipso aqua malum di-

cebat, quia il lam comburebat. 9. Dicebat ignis, quod in fœniculo fortior erat quam aqua; aër autem respondit, quod aqua in lactuca erat fortior ipso, idcirco cognouit ignis quod aër parum ipsum dilexit. 10. Aër ignem increpauit cum ipse sit ita clarus, & ita lucens, quare cum terra, quæ est nigra, semper participauit, idcirco cognouit ignis, quod aër inuidiam ex hoc habebat. 11. Materia aquæ de forma aëris se minimè fatigaret: si ad illam cum concordantia absque contrarietate veniret. 12. Terra tetigit contrarietatem ignis & aquæ, quæ contra terram irascebatur, quæ dixit contrarietati, quod malum esset eam tangere. 13. Dixit aër igni, quod ipse erat ita ponderosus, quod ipsum portare non potuit; ignis autem respondit aëri, quod per se ponderosus non erat, sed per terram. 14. Placitum habere uoluit aqua de igne, qui ipsam in ætate recoluit, quousque cogitauit, quod ignis ipsam recoluit, ut illam destrueret. 15. Plorauit aqua, quia ignis ipsam nimis calefaciebat, & de ipso conque- rebatur soli: luna uero ipsam reprehē- debat, quia ipsius inimico conquerebatur. 16. Aqua dixit ad ignem, quod ipsa Domina erat in niue; ignis autem respondit ei, quod sol suus amicus erat. 17. Aqua dixit ad ignem, quod in inferno per damnatos valde desiderabilis est: sed ignis respondēs dixit, quod iustitia est eius vxor. 18. Dixit aqua ad ignem, quod in nocte fortis erat; ignis autem respondit ei, quod ipse erat fortis in die. 19. Autumnus frōtariam tenuit per hyemem contra æstatem, & ver frontariam tenuit per æstatem contra hyemem. 20. Cum timore & labore ascendit aqua ad sphæ-

ram ignis ad accipiendum virtutem lunæ, & cum audacia & placito rediit & descendit. 21. Aqua dixit ad ignem, quod ipse in bestia mortua calorem naturalem non habebat, ignis autem respondit aquæ, dixitque ei q̄ in bestia mortua ipsa fœtebat. 22. Aqua dixit ad ignem, quod cum ipsa Domine suas facies lauât, vt albæ sint & pulchræ, sed ignis aquæ respondit, quod per ipsum Domine suos maritos desiderant. 23. Aqua dixit ad ignem, quod ipsa fontes implebat, ad quos animalia veniunt ad aquandum: ignis vero respondit ei, quod ipse vegetes vino implebat ad quas homines veniunt potatum. 24. Hyems dixit ad æstatem, quod ipsa erat frigiditate vacua, æstas autem dixit ad hyemem, quod ipsa calore vacua erat. 25. Aqua dixit ad ignem, quod ipsa erat pinguior igne, sed ignis respondit ei, quod ipse sanior erat illa. 26. Dixit aqua, quod ipsa erat grossior igne, ignis autem respondit ei, quod ipse velocius quam aqua currebat. 27. Dixit aqua, quod ipsa erat discreta, quia plura in simul cōgregabat, respondit quoque ignis, quod ipse liberalis erat, quia plura dabat. 28. Dixit aqua quod ex ipsa Rex coronatus erat, in quantum ipsa Domina erat in eius cerebro, ignis vero respondit ei, quod Rex erat arbor euerfa. 29. Dixit aqua, quod rex fieri fecit quendam pulchrū argenteum, ignis aut respondit ei, quod unam coronam de auro portabat. 30. Dixit aqua, quod regina per ipsam pulchros dentes habebat: ignis vero respondit, quod per ipsam regina pulchros crines habebat. 31. Dixit aqua quod alleum albo colore est indutum, qui est supra colorem ignis: respondit ignis, quod oleum quod est de sua natura in lapide, stat supra aquam. 32. Dixit aqua, quod maior erat in mari

quam ignis in lapide & ferro: ignis autem respondit ei, quod si sufficientiam lignorum haberet, quod ipse totam aquam maris consumeret. 33. Dixit aqua quod ipsa plantas rigabat: ignis autem respondit ei, quod ipse in æstate fructus plantarum colligit. 34. Dixit aqua, quod ipsa movebat molendinū: ignis autem respondit ei, quod ipse calefaciebat furnum. 35. Dixit ignis, quod ipse carnes molles faciebat, aqua vero respondit ei, quod ipsa facit duriciem ossium. 36. Dixit ignis, quod ipse in pipere supra aquam equitavit, aqua vero respondit ei, quod ipsa super cum equitat in canphora. 37. Dixit aqua, quod ipsa in cucurbita est longa: ignis vero respondit ei, quod eius longitudo recta est in dactylis. 38. Dixit aqua, quod ipsa ignem in ferro calefacto infrigidabat & in lapide marmoreo: ignis autem respondit, quod ipse calefaciebat eam in olla & in sulphure. 39. Dixit aqua, quod pisces in ipsa viuunt, ignis vero respondit, quod per ipsum vident homines de nocte. 40. Dixit aqua, quod vinū homines in vanum loqui faciebat, respondit ignis, quod animalia aquam mingebant.

De prouerbiis trunci vegetalis.

Dixerunt cerasa ad ficus, quod ipsa primo veniebant: ficus vero responderunt, quod desiderabiliores illis erāt. Cerasum dixit ad garrosam, quod ipsa nigra & tortuosa erat, garrosa vero respondit ei, quod ipsum citò putrefactum erat. Dixit laurica, quod homines infirmos curabat, vinum dixit, quod homines hilares faciebat. Dixit pomū ad simum, quod ipse fœtebat, simus vero respondit, quod de sua progenie erat. Dixit cinamomum quod

quod in scutella regis erat, fabæ vero responderunt, quod ipsæ erant in scutellis sanctorum hominū religioforū. Dixit frumentum, quod rusticus ordeū comedebat: ordeū vero respōdit, q̄ ipsū melius vēdebat. Dixit frumētum, q̄ ordeum auena fiebat: respōdit ordeū, quod frumētum aliquotiens fœtebat, & malum illius qui ipsum comedebant procurabat. Dixit piper, quod plusquam frumentum cōstabat, respōdit ei frumentum, quod plus de seruitio quam piper faciebat. Rex rosam colligebat, rusticus vero frumentum. Rex ficus comedere nolebat, quia porci ipsas comedebant.

De Prouerbiis trunci sensualis.

Dixit equus ad militem, quod calcaria portare ipsum nō oportuit, quoniam libenter iret: respōdit miles quod timor mulieres currere faciebat. Dixit equus ad militem, quod per ipsum honoratus erat, respōdit miles, quod ipse ei ad comedendum dabat. Dixit mulus ad equum, quod ipse suus frater erat, respōdit equus, quod ipse asino assimilabatur. Dixit asinus Domino suo, quod ipse cātare sciebat; respōdit Dominus suus, quod ipse flere sciebat. Dixit asinus, quod ipse dormire optabat, dixit Dominus, quod ipse ire volebat. Dixit asinus, quod nimis oneratus erat, respōdit Dominus, quod plures pueros habebat. Dixit canis ad catum, quod ipse ratos comedebat: respōdit Catus, q̄ ipse quando dormiebat nasū sub cauda nō tenebat. Dixit iumentum ad asinum, quod Domino suo non resisteret, quam potestas & ars omnia vincunt. Dixit lupus ad mutum, quare st̄bat cum homine, qui comedebat carnes & de corio facit sotulares & de lana tunicam?

respondit muto, quod ipse de lapidibus non viuebat. Dixit lupus ad canem, quare malum sibi volebat? respōdit canis, quod oues Domini sui diligebat, quia suum Dominum diligebat.

De Prouerbiis trunci imaginalis.

Caro de imaginatione conque- rebatur, quæ ipsam calefaciebat & crescere faciebat, cum luxuriam imaginabatur. Et imaginatio cōquebatur de memoria, quæ ipsam cum luxuriam recolebat, carnem mouere faciebat: memoria vero de voluntate conquebatur, quæ ipsam obliuisci luxuriam non faciebat. Capra lupum videbat, quem nullo tempore præiuderat, & timorem de ipso habebat. Et quidam videbat, vxorem suam suas crines pectere, qui ex hoc habuit zelotipiam. Proditio tetigit imaginationem, & imaginatio furcas imaginabatur. Oculi quandam pulchram Dominam videbant, quæ pulchra indumenta vestiebat: imaginatio vero camisiā illius imaginabatur. Quidam homo vnum equum emere voluit, & imaginatio auenam imaginabatur. Quidam homo regem rogauit, quod iustitiam faceret de quadam ciuitate: rex autem iniuriam imaginatus est. Timor imaginari facit mortem, & audacia honorem. Verecundia facit delictum imaginari, & legalitas complementum. Bona fama heremitæ ipsum imaginari facit hypocrisim. Imaginatio imaginatur de nocte hoc, quod non inuenit de die.

De Prouerbiis trunci humanalis.

Voluntas dixit ad oculos, quærens ab eis, quare pulchras respiciebant mulieres libentius quam turpes? & tu voluntas, dixerunt oculi, cum neque pulchra neque turpis domina de tua sit natura, quare diligis plus pulchras mulieres quam turpes? Aures, dixit intellectus quærens ab eis, quare placitum habetis audiendi vanitates? & tu intellectus, dixerunt aures, quare homines qui ipsas dicunt, non reprehendis. Naso dixit memoria, quare placitum habes rosam odorandi? & tu memoria, dixit nasus, quare per rosam luxuriam recolis? Os, dixit voluntas, quare nimis comedis? & tu voluntas dixit os, quare me non claudis? Caro, dixit voluntas, cum foemina te tangit, quare calefcis? & tu voluntas dixit caro, quare castitatem non diligis? Os, dixit intellectus, quare mentiris? & tu intellectus dixit os, quare me non consulis? Corpus, dixit anima, quare tantum dormis? & tu anima dixit corpus, cum ego vigilo, quare es ociosa? Corpus, dixit anima, cum frigus pateris, quare tremis? & tu anima dixit corpus, cum peccas, quare conscientiam habes? Corpus, dixit anima, quare es infirmum? & tu anima, dixit corpus, quare temperantiam non diligis? Corpus, dixit anima, quare morieris? & tu anima, dixit corpus, quare de me recedis.

De Prouerbiis truncis moralis.

Vitium, dixit virtus, quis est tuus pater? respondit vitium, priuatio tua est mea mater. Vitium, dixit virtus, quare tot homines te diligunt? respondit ei vitium, quia tu es ociosa.

Vitium, dixit virtus, quare tu es mihi contrarium? respondi ei vitium, quod sibi contrarium est, ut sit magna. Vitium, dixit virtus, ubi consistis? respondit ei vitium, ego sum in loco in quo tu non es. Vitium, dixit virtus, ego te in die iudicii accusabo, respondit ei vitium, tuum liberum arbitrium me excusabit iudici. Vitium, dixit virtuti, quare timorem non habes? respondit ei virtus, quare conscientiam non habes? Vitium, dixit virtus, quare tenebras diligis? respondit ei, & quare tu de die non vadis. Vitium, dixit virtus, habes fratrem? respondit ei vitium, pœna quam parieris, erit mea germana. Virtus dixit, quod ipsa in annulo regis erat, vitium respondit, quod erat in voluntate regis. Dixit virtus vitio, quod ipsam in homine paupere percutiebat, respondit ei vitium, quod conquereretur homini diuiti.

De Prouerbiis trunci imperialis.

Bonitas dixit malo Principi, quod ipse suum filium morti perdiderat, qui bonificare vocabatur. 1. Male princeps, dixit magnitudo, quare in bonificare me ociosam tenes? 3. Male princeps dixit duratio, bonitas me reprehendit, quia te durare facio. 4. Desiderat magnitudo, quod potestas mali principis esset in paruitate. 5. Stultitia mali principis cepit & incarcerationem sapientiam populi sui. 6. Voluntas mali principis amare exulabat à voluntate sui populi. 7. Virtus populi vitium mali principis in suo collo portauit. 8. Os mali principis verecundiam mentiendi non habebat. 9. Vana gloria principis laboré in suo regno seminat. 10. Malus princeps confusam conscientiam sui populi

puli facit. 11. Nullus malus princeps cum suo populo concordantiam habet. 12. Nulla contrarietas peior est quam contrarietas principis & sui populi. 13. Incepit princeps malefacere, cuius populus ipsum sequebatur. 14. Ille princeps est bonus, qui in medio loco sui populi consistit. 15. In malo principe perditur finis & complementum sui populi. 16. Maius Dominium habet princeps per modicum populum, qui bonus sit, quam per magnum, qui malus existit. 17. Oportet quod princeps habeat æqualitatem iustitiæ, sapientiæ, & charitatis. 18. Ille princeps minorem habet honorem, qui suum populum inhonorat.

De Prouerbiis trunci Apostolicalis.

Voluntas, dixit bonitas, quare malum prælarum elegisti? & tu bonitas, dixit voluntas, quare me bonam non fecisti? 2. Desiderabat magnitudo, quod prælatus esset de magno genere; sapientia autem dixit, quod ipsa plus valet in iudicio quam magnitudo in genere. 3. Sine charitate & sapientia iudicium prælati durare non potest. 4. Potestas boni prælati libenter stat in circulo, non autem in angulo. 5. Pœnitebat voluntas & plorabat, quia prælatum sine sapientia elegerat. 6. Concurrerunt sapientia & voluntas ad eligendum prælatum, & prius fuit voluntas ad electionem quam sapientia. 7. Virtus prælati melior est quam virtus solis. 8. Mendacium prælati occidit, sui populi veritatem. 9. Ille prælatus est arbor euerfa, qui vias gloriæ non ostendit. 10. Nullus prælatus suum officium cōfundere debet, nec diminuere. 11. Ille prælatus bonus est, in quo deuotio & sapientia cō-

cordant. 12. Contrarietas prælati & principis est valde mala & periculosa. 13. Sanctitas prælati est principium fidelitatis sui populi. 14. Lectus prælati in medio loco deuotionis & sapientiæ debet esse. 15. Nullus homo bono prælato est honore perfectior. 16. Nullus homo maius habet officium quam prælatus. 17. In æqualitate charitatis, & sapientiæ prælatus est eligendus. 18. Nullus homo in minori bonitate est, quam malus prælatus.

De Prouerbiis trunci cælestialis.

Ex pluribus formis corruptibilibus sequitur corpus incorruptibile. Ex formis qui sunt in motu primo, sequitur primum mobile. Primus motus non dat naturam cessandi. Formæ cæli ita sunt primæ per lucem, sicut primæ sunt per motum. Ita se habent formæ cæli ad primum circulum, sicut se habent ad primum motum. Ita se habent formæ cæli ad maiorem motum, sicut se habent ad maiorem circulum. Ex maiori rotunditate sequitur maior mobilitas. Ex formis innatura rotundis sequitur corpus rotundum. Simplex motus circularis per medium non transit. Nullus motus circularis ponderosus est, neque leuis.

De Properbiis trunci arboris Angelicalis.

Nullus bonus angelus indigentiam habere potest. Malus angelus nullum finem attingit. Nullus angelus antèrius habet, neque posterius. In nullo angelo est dubitatio. Nullus angelus leuis est, neque ponde

ponderosus. Nullus Angelus est ex alio Angelo. Nullus Angelus in loco est extensus. Nullus Angelus est ociosus. Nullus bonus Angelus poterit esse captus. Nullus malus Angelus est liber.

De prouerbiis trunci arboris æternalis.

IN æternitate non est terminus in fine. Caput æternitatis est in tempore: & eius cauda est in æternitate. Æternitas non habet medium. In æternitate motus non est extensus. In æternitate numerus non multiplicatur. Ex æternitate nullum ens exire potest. Æternitas speculum est æternitatis. Nulla creatura maior esse potest quam æternitas. Tantū durabit æternitas, quantum æternitas. Æternitas & æternitas societatem contraxerunt.

De prouerbiis trunci maternalis.

Postquā Domina nostra est pietati æqualis: nullus ex ipsa sit desperatus. Si quis conscientia & fletu sit plenus, Domina nostra sit pietate & amore securus. Domina nostra talem habet virtutem: quod peccatorem à peccatis mundare potest. Qui Dominam nostram reclamation: ipsa cum venia respondebit. Qui Dominam nostrā reclamation, nullus demon ei nocere potest. Desiderat Domina nostra, quod vnusquisque ipsam tangat cum pœnitentia. Domina nostra nunquam homini deficit, qui bene pœnituit de suis peccatis. Qui per Dominam nostram vult amari: filium suum faciat honorari. Domina nostra maternalem habet amorem, cuilibet pœnitenti peccatori qui habet contritionem. Ex Do-

mina nostra habet sufficientiam, qui filium suum laudat: & per mundum ipsum laudari & amari procurat.

De Prouerbiis trunci arboris christianalis.

Humana natura diuinam tangit naturam cum pietate sui populi. Diuina vero natura cum pietate suam recolat creaturam. Tangit humanus amor diuinum amorem cum pietate, quam habet de populo suo. Amor autem diuinus passionem Domini Iesu Christi recolat, quam ad diuinam naturam honorandum in cruce sustinuit. Humana natura in præsentia Domini nostri rogauit diuinam naturam pro suo populo. Humana natura diligit suū populum, & natura diuina diligit humanā. Nulla creatura est ita bona in seipsa: sicut in Deo. Plus potest Deus de creatura in se, quam extra se. Plus potest Deus creaturam amare per incarnationem, quam per creationem. Plus potest Deus cum creatura per incarnationem participare, quam per intelligere. Sine incarnatione maior concordantia naturæ diuinæ & humanæ esse non potest. Maior vnitas creaturæ fuit facta in vnitate diuinæ naturæ.

De prouerbiis trunci arboris diuinis.

Dixit diuina bonitas, quod de se ipsa bonum volebat, & illud bonum esse optabat, voluntas etiam hoc diligebat, potestas hoc ita perficiebat. Dixit bonitas diuina, quod ipsa volebat esse in bono, & voluit esse illud bonum, sapientia etiam hoc ita sciebat, & potestas hoc ita perficiebat. Dixit bonitas, quod ipsa volebat esse

per

per bonum ; & volebat esse illud bonum , magnitudo ei consentiebat , & potestas hoc perficiebat . Dixit bonitas , quod ipsa volebat bonificare : voluntas dixit , quod bonificare volebat amare : & sapientia dixit , quod illud volebat scire : æternitas dixit , quod ipsa volebat æternare , & dixit magnitudo , quod ipsa volebat illud infinire . Dixit bonitas , quod ipsa volebat bonificare , quod Deus esset : & dixit potestas , quod ipsa potuit ei dare : & dixit voluntas , quod ipsa illud voluit amare : & dixit sapientia , quod ipsa ipsum potuit scire , & dixit æternitas , quod ipsum potuit æternare . In substantia est substantiatum bonificare bonitatis . In substantia est substantiatum infinire infinitatis . In substantia substantiatum est æternare æternitatis . Vult diuina voluntas , quod substantia sua sit charitas . Non vult voluntas diuina , quod in substantia sua sit ociositas .

*De Branchis arboris exemplificalis.
Et primo de exemplo branchæ
elementalis.*

IGNIS, ær, aqua , & terra , in differentia , concordantia , & contrarietate sibi inuicem obuiauerunt . Idcirco principium differentia dixit , quod sic contigit ei , sicut cuidam Dominae de suo marito : principium vero dixit differentia , quomodo fuit hoc ? Narratur , dixit principium , quod quadam Domina habuit maritum , quem valde ratione matrimonij dilexit , & propter filios quos habuerunt . Illa Domina erat discreta & bene morigerata : sed eius maritus valde luxuriosus erat & prodigus , qui bona dilapidauit . Idcirco illa Domina esse non poterat sine odire & amare , nec finem inuenit , in quo quiescere potuit :

quoniam suum maritum perfecte diligere non potuit , propter defectus quos in suo marito viderat , nec ipsum odire potuit in totum , quia in finem matrimonij & suorum filiorum ipsum diligebat . Idcirco tu differentia , dixit principium , quietem habere non potes in concordantia , nec in contrarietate , cum ira sit , quod quodlibet elementum alij obuiat in concordantia & in contrarietate à qua contrarietate recedere non possunt , nec ego medium inuenio per quod ad finem venire poterò absque labore . Et quando sum in fine accidit mihi , sicut accidit cuidam Dominae . Et quomodo fuit hoc ? dixit differentia . Narratur , dixit principium , quod quidam miles cum vxore sua & filio suo captus fuit à Saracenis , & Rex Saracenorum dixit Dominae , quod libera iret cum suo marito aut cum filio suo , & quia Domina nesciebat quem eligere poterat , nesciebat ire nec remanere : quoniam charitas & dolor ipsam impeditam & perplexam tenuerunt , in tantum quod libertate , quam Rex sibi concesserat , uti nesciebat , & sic stetit , & fleuit , nec eius voluntas se ad eundum mouit , nec quieuit . Et tunc cognouit differentia , quod per obuiationem quam faciunt elementa , magnum laborem in ipsis sustinere oportet .

*De Exemplo branchæ arboris
vegetalis.*

Appetitiua , retentiua , digestiua , & expulsiua sibi inuicem in teporantia obuiuerunt . Idcirco mors diem increpauit . Monachus vero dixit , Raymundo , quod sibi illud exemplum exponeret . Narratur , dixit Raymundus , quod mors & vita inuicem cum die & nocte praelium fecerunt , sed mors societatem facere cum die

voluit, vt melius vitam destruere posset, & ratione instinctus naturalis quā vita & dies habent in concordantia, dies cognouit falsitatem mortis, & consensit verbis ipsius, vt ipsam deciperē posset, & quod melius posset esse contra noctem: & dicebat, quod suam amicitiam habere volebat in temperentia, quæ esset de branchis arboris vegetalis. Et mors in illa amicitia consensit, & amicæ fuerunt in similitudine, & non in fidelitate. Et cum ad noctem vita & dies venerunt, mortem in temperentia occiderunt, quæ siquidem mors cum moriebatur, diem increpauit, qui cum vita societatem fecit, & quia sibi grates non habuit, in quantum non fuerat contraria temperantiæ, quam dimiserat hospitium diei accipere. Dies autem respondit ei, quod ipse volebat esse legalis vitæ, quia cum legalitate fecerant inter se societatem. Et tunc nox mortem reprehendit, cui dixit, quod sicut ipsa plus sit in gula quam in temperentia, ita vita plus sit in temperantia quam in gula, idcirco mirum non erat, si dies in temperantia ipsam decipisset.

*De exemplo branche arboris
sensualis.*

Narratur, quod vnus ratus cum sua filia stabat in vno foramine, & prope illud foramen stabat quidam paruus catus, qui cum vna penna ludebat. Tunc vero dixit ratus matri suæ, quod ludere volebat cum illo cato paruo, qui discretionem non habebat: quoniam si discretionem habuisset, cum illa penna non lusisset. Et quia discretionem non habebat, contrarietatem naturalem quæ est inter murilegos & mures non cognoscebat.

Dicebat etiam, quod bonum foret: si se posset ponere cum ipso in societate & amicitia: quoniam per amicitiam posset esse, quod cum catus foret magnus, sibi malum non faceret, & quod ipsam de blado comedere dimitteret. Respondit ratus suæ filiæ, & dixit, quod nesciebat illud quod quædam domina dixerat marito suo. Et quid? dixit ratus matri suæ. Filia, dixit ratus, narratur, quod quidam burgenfis vnū militem occidit, qui vnum filium habebat: burgenfis autem vnam filiam habebat, concordatum fuit inter ipsos, quod filius ille & filia matrimonium contraherent, vt amici militis & burgenfis pacem inuicem habere possent. Et cum burgenfis filiam suam dare voluisset illi filio militis, vxor burgenfis dixit marito suo hæc verba. Narratur, quod equus & leo fecerunt societatem, & concordarunt, quod in peregrinatione irent. Equus vero quæsiuit: si herbas per viam inueniret, quas comedere posset: quoniam sine comestione ire non valeret. Leo autem dixit quod irent in nomine Dei: quoniam nō oporteret cibaria quærere: quoniam Deus eis satis daret. Et tunc cum equus considetauit, quod leo in se comestionem habebat, cogitauit, quod leo qui herbas non comedit: si non inueniret quid comedere posset, quod occideret & comederet suum socium: cum ita sit, quod in bestiis maior sit necessitas comedere, quā societatem seruare. Et tunc equus ille noluit ire cum leone in peregrinatione, nec cum illo esse in societate, licet inter ambos iracundia non fuisset. Et tunc burgenfis matrimonium facere noluit: quoniam milites sunt superbi, qui viuunt de honore, & non parcunt alicui in ira, intantum quod nihil valent societas.

De Exemplo branche imaginalis.

Narratur, quod ovis quædam habebat duos agnōs, quadam die contigit, dum ipsa in quodam prato cū ambobus filiis suis staret, quod vnus lupus vnum de suis filiis accepit, & coram ipsa illum occidit, & comedit. Ovis à lupo non fugit, imo ipsum rogauit, quod filium suum non occideret, sed ipsum sibi redderet, quæ fleuit & clamauit multum fortiter de dolore quem habebat, cum filium suum comedi videbat, qui clamabat matri suæ, quod ipsum iuuaret. Dum autem lupus agnum ita comedeat, quidam coruus & columba erant in quadam arbore iuxta, qui verba audierant, quæ ovis ad lupo dixerat, & viderant agnum occidere & comedere. Postquam autem ille lupus recesserat, venit quidam homo, qui alium agnum accepit, qui ipsum occidit coram oue matre sua, quem cum aliis hominibus ipsum comedeat. Et tunc flexis genibus oculos ad cælum leuauit laudans & benedicens Deum, qui sibi fructum dedit ad seruiendum homini, qui creatus est ad seruiendum Deo, & tunc hilari fuit, & iram obliuioni dedit, quam habuerat de suo filio, quem lupus coram ipsa occidebat & comedeat. Tunc vero columba dixit ad coruum, quod plurimum de oue mirabatur, quæ discretionem non habebat in rogando lupo, qui suus erat inimicus, nec imaginationem habebat de inimicitia, quæ erat inter lupos & oues, nec irata fuit de agno, quem homines comedeant. Respondit coruus, qui dixit hæc verba. Narratur, quod quidam pastor filium habebat, & vnus leo suum filium accepit. Et dum ipsum occidebat & co-

medebat, filius pastoris ad suum patrem clamauit, quod ipsum iuuaret. Pastor autem qui discretionem habuit, iuit ad leonem, & ab ipso suum filium abstulit, quamuis aliqua arma non detulisset, qui ad imaginationem timoris quem habere debebat de leone, non stetit, nec etiam ad discretionem: quoniam contra ipsum armatus non veniebat, sed stabat ad charitatem, quam habuit ad suum filium. Quare sic ovis timorem non habuit de lupo: quoniam amor quem habuit ad filium suum, eam obliuisci fecit timorem, nec ipsam periculum imaginari permisit, nec etiam inimicitiam, quæ est inter lupos & oues, imo ipsam fecit habere spem in suo inimico, in quantum lupo rogauit, quod sibi suum filium restitueret, & quod sibi malum non faceret. Et tunc columba cognouit, quod magnum quid est charitas, quæ in pastore discretionem destruxit, & in oue imaginationem. Et tunc dixit coruo, quod certificaret eam quare ovis de homine iram non habuit, qui suum filium comederat. Narratur, dixit coruus, quod quidam miles vnum magnum leporarium habebat, quem multum diligebat, cum quo ibat accipere ceruos. Accidit quadam die, quod miles cum suo equo & leporario ibat venatum in quadam magna silua multum distante à suo castro. Contigit quod cum in illa silua fuisset, venit quidam miles, qui suus erat inimicus, qui venit munitus, & militem occidit, & duxit equum. Leporarius autem remansit per totam illam diem propè Dominum suum, & in crastino venit quidam lupo, qui militem mortuum comedere volebat, sed leporarius ipsum defendebat, & cum lupo pugnabat, in tantum quod lupo habuit fugere. Leporarius autem ma-

gnam famem habuit, in tantum quod secundum instinctum naturalem in voluntate sibi venit, quod suum Dominum dimitteret, & quod irer comestum in castro de pane: sed timorem habuit, quod lupo rediret, & suum Dominum comederet, idcirco à suo Domino recedere noluit, imo ira propè illum stetit, quod de siti & fame mortuus fuit. Idcirco intellexit columba, quod lupo significabat lupum, qui agnum comedebat, & canis qui se propter Dominum suum mori permisit, sine discretionem imaginabatur quod ipse obligatus erat ad moriendum propter seruitium Domini sui, & ad custodiendum ipsum à malo, postquam Deus ipsum posuit in seruitute militis cui promiserat, quod ipsum pro suo posse seruiret: sicut ouis, quæ voluit seruire Deo in seruiendo homini cum filio suo, quæ magnum placitum habuit, quoniam ille homo qui suum filium comedit, erat iustus & amicus Dei: quoniam si iniustus fuerit, & in peccato, ira irata fuisset sicut de lupo, qui suum filium comedit.

De Exemplo branchæ humanalis corporalis.

Narratur, quod quidam leo parlamentum habuit siue concilium fecit, & à suo populo quæsiuit, si de aliquo in suo regno indigentiam habebat, vel si in suo regno aliquam bestiam habebat, quæ esset ei inobediens. Et ceruus respondit & dixit, quod in suo regno non erat pax, quoniam homo & equus cum aliis bestiis guerram faciebant, quas homo cum sagittis occidit. Leo autem consilium petiit à vulpe, quæ est bestia valde discreta, quæ dixit hæc verba ad leonem, Domine, homo est bestia, quæ arte v-

titur, cum qua vincit & occidit bestias, quoniam ipse equitat in equo, qui fortiter currit, & portat arcum & sagittas, cum quibus bestias occidit. Idcirco bonum esset, quod vos pacem cum homine haberetis, quia homo discretionem vtitur, & scit inequitare, & cum balista trahere, quæ à longè bestias occidit, & est fortior te: quoniam quando deficit ei fortitudo, ipse cum magisterio se iuuat. Idcirco esset bonum, quod sibi nuncios transmitteretis, qui inter vos & illum pacem tractarent. Et homines tales qui essent de sua curia & amici vestri, qui ei de vobis bonum dicerent, & vobis suum statum scire facerent, ut bestie vere se defendere possent, cum eis mala facere vellet. Leo autem habuit pro bono hoc quod vulpes sibi dixerat, quæ dixit, quod libenter irer inter alios nuncios, sed canis dixit leoni, quod non esset bonum quod vulpis esset nuncius, quoniam ipsa comedebat gallinas, quæ stant & morantur cum homine, & etià præsumptuose se iactabat ad faciendum nuncium. Leo vero cognouit, quod ipse veritatem dicebat, & canem elegit, quod esset nuncius: sed lupo dixit ad leonem, quod quas canis bestias quærebat homo occidebat, & quod ipse volebat ad hominem ire, ut posset panem comedere. Et hoc dixit lupo, ut canis non irer ad custodiendum oues. Leo vero consentiit consilio lupi, & petiit à cane si esset bonum quod lupo irer ad faciendum legationem. Canis vero cōsentiit, quod lupo ad hominem ire posset, ut homo ipsum occideret, quoniam ipse oues occidit & comedit. Et quia lupo magnam habuit voluntatem comedendi oues, iuit in legationem non considerando periculum ratione inimicitie, quæ est inter ipsum & hominem. Tūc vero

vero petiit licentiam, & in legatione perrexit. Et cum venit ad hominem priusquam dicere poruit sua verba, vel literas suas ostendere, homo traxit vnam sagittam ad lupum, & ipsum occidit, & ita legatio perdita fuit.

De Exemplo branchæ humanalis spiritualis.

Narratur, quod memoria, intellectus, & voluntas ad videndum Deum ad cœlum ascendere voluerunt, tunc vero resistentia fuit inter ipsos, quia quilibet primo ire voluit, vt prius bonitatem Dei & suam magnitudinem videret. Memoria vero allegabat, quod ipsa primo ire debebat, quoniam ipsa primo obiecta accipiebat, intellectus vero & voluntas postmodum accipiebant, & cum ipsi intellectus & voluntas sua obiecta dimittebant, ipsa custodiebat, idcirco allegabat quod ipsa primo ire debebat. Allegabat autem intellectus, quod ipse primo ire debebat, quia ipse obiecta voluntati ostendebat, & sibi lumen in memoria faciebat, cum quo voluntas ipsa obiecta inuenit. Voluntas autem per se allegans dixit, quod ipsa primo ire debebat, quia maiorem habuit virtutem, quam habuit intellectus vel memoria, in quantum poterat diligere hoc, quod intellectus potuit intelligere, nec memoria recolere quando homines recolere voluit, & intelligere aliqua quæ iam recolita sunt & intellecta in tempore præterito, & in tempore præsentis ipsa recolere non potest nec intelligere, quæ voluntas vult amare. Dum autem omnes tres ita stabant, quædam philomela venit ad illam arborem, sub cuius vmbra tres Domine steterunt, & cum intellexit resistentiam in qua erant, dixit eis,

quod nesciebant, quid quidam gentilis cuidam dixerat Christiano, & cuidam Iudæo & Saraceno in quodam libro quem fecit Raymundus de gentili & tribus sapientibus. Et quid fuit illud (dixerunt Domine) respondens philomela dixit, quod quidam Christianus & quidam Iudæus & Saracenus coram quodam gentili disputauerunt, qui ipsos rogauit per aliquas auctoritates non disputarent, quæ recolitæ sunt suppositæ & amare, nec secundum naturam intellectus sunt intellectæ, in quantum sunt creditæ. Sed quod disputaret secundum naturam argumenti & demonstrationis. Tunc vero intellectus iuit primo, qui fecit lumen memoriæ & voluntati ad videndum, si positiones quas fecerant, veræ erant aut falsæ. Tunc vero ille tres Domine ordinauerunt, quod intelligentia præcederet. Veruntamen resistentia fuit inter voluntatem & memoriam quæ illarum post intellectum præcederet. Sed philomela iudicauit, quod voluntas anteiret, & memoria iuit ultimo. Et ideo dixit hæc verba. Narratur, quod tempus futurum, & tempus præteritum venerunt ad hospitandum in hospitio, quod erat cuiusdam boni viri, qui vocabatur motus, & vnus asinum duxerunt, qui cibaria portabat. Ille bonus homo dixit, quod portam hospitij non aperiret, quousque concordata fuissent, quod primo intrare debuisset, aut caput asini, aut cauda ipsius, & tunc leuiter concordarunt, quod caput asini primo intrare debebat secundum naturam sui motus. Et tunc asinus intrauit & caput primo, & petiit, quod ipsum primo intrare debebat, quæ dixerunt, quod iam erat determinatum in introitu asini, tunc vero intrauit tempus futurum primo, & postmodum præteritum. Cognouit ergo memoria, quæ maiorem habet cō-

cordantiam cum rebus transactis quam cum futuris, quod voluntas ire primo deberet post intellectum, & ipsa ultimo. Dum autem illæ tres Dominæ ad cælum ascendebant, cum ipsæ multum iuerant, & prope solem fuerant, fuit intellectus fatigatus, nec magnum calorem solis sufferre potuit. Et tunc dixit ad voluntatem, quod iret primo, quia calorem solis non timebat, luit ergo voluntas primo, postmodum vero memoria, & intellectus ultimo, quia nihil intelligebat, sed supponebat verum esse illud, quod voluntas & memoria de Deo & de sua magna bonitate affirmabant.

De Exemplo branche moralis.

NArratur, quod quidam Rex voluit nūcium ad Imperatorem transmittere, qui dixit concilio suo, quod ex quatuor virtutibus cardinalibus, & ex tribus theologicis ipse duas transmittere volebat, & quod insimul concordarent, quæ minimè concordare potuerunt: quoniam omnes necessariæ erant ad legationem. Idcirco Rex militem elegit, qui esset nūcius in quo omnes essent virtutes. Ille vero miles dixit ad Regem, si sciret, quod Imperator esset iustus, quoniam si iustus non esset, nihil sibi iustitia valeret. Et si sapiens non esset, quod prudentia nihil sibi valeret, veruntamen si fortis esset, aut non esset, bonum esset, quod in legatione foret fortitudo, cum hoc quod in Imperatore esset charitas: quoniam si in illo charitas non esset, nec iustitia; secum spem ipse ducere non posset, cum ita sit, quod Imperator maiorem habeat potestatem quam Rex. Tunc vero Rex dixit ad militem, quod Imperatorem vincere volebat cum sua prudentia, si Imperator pru-

dentiam non habebat neque iustitiam, cum ita sit, quod iustitia & prudentia cum arte maiorem habeant concordantiam, quam potestas & ignorantia. Idcirco secum ducere posset spem in sua societate. Tunc autem Rex dedit certa capitula scripta militi, secundum quæ ipse deberet legationem facere sine cremeto & diminutione illorum, & sine aliqua nouitate. Et tunc miles se excusauit, & dixit, quod non iret in legatione, quoniam secum prudentiam ducere non posset, nec etiam spem. Et tunc Rex dedit militi licentiam, quod vi possit in legatione libere de prudentia, ut de magisterio vi posset, & in milite habuit spem propter prudentiam & charitatem, quas habebat.

De Exemplo branche Imperialis.

NArratur, quod in curia cuiusdam Regis, qui erat valde discretus, fuit vnus Baro, qui erat valde luxuriosus & male morigeratus, & vnus Sagio, qui castus erat & bene morigeratus. Rex ille vnum magnum fecit parlamentum, & plures secum induit de serico. Illum vero Baronem qui erat luxuriosus & Sagionem induit de vili panno. Magnum mirabile habuerunt omnes homines illius parlamenti, quia Rex baronem & Sagionem de æquè bono panno induerat, & Baro se valde vituperatum reputabat, & Sagio se valde honoratum reputabat. Et quæsiuerunt à Rege, quod exemplum illud eis exponeret. Rex autem dixit hæc verba. Quidam erat miles, qui valde pulchram habebat uxorem, & quæ erat valde luxuriosa, & posuit in facie sua cerusam & colores, ut pulchra appareretur. Accidit quodam die, quod miles à sua petiit uxore quod ei diceret

rer veritatem, & quod si ei non responderet, eam occideret. Illa vero dixit, quod sibi veritatem diceret, dum tamē ipsam non occideret, si sibi veritatem diceret. Et tunc miles quæsiuit à sua vxore, in qua pulchritudine erat magis alba, & magis munda, aut in sua facie, aut in sua intētionē, propter quā colores posuit: quæ respondit ei quod pulchritudo erat magis alba & clara in sua facie, & quod in sua intētionē erat contrarium: quoniam turpes habebat cogitationes, ex quibus intētionem induebat, ratione cuius suam faciem ornat, & depingebat; tunc vero ille miles à sua vxore quæsiuit, an pulchritudo pulchrior erat in facie aut in voluntate, ipsa autem respondit ei, quod quanto anima melior est corpore, tanto pulchritudo pulchrior est in voluntate, quam in facie. Tunc vero miles suam vxorem induit de vno vili panno, quia eius intentio turpis erat. Et tunc bato qui luxuriosus erat, & alij qui erant in parlamento, cognouerunt, quod rex induerat baronem ex vili panno, quia eius anima turpis erat, veruntamen sagio ex illo nō erat contentus, cui rex dixit hæc verba. Narratur, quod quædam cirmia quæ dicitur vermicula, quæ in manibus generatur, de Deo cōquerebatur, quia Deus ipsam fecerat ita modicam creaturam, & hominem fecerat ita magnam & ita honoratam. Et tunc Deus ipsam posuit in homine in quo ipsam honorauit, in quantum ipsam posuit in sua societate, & quod ipsa cirmia ipsum comederet, & vt homo superbus non esset propter suum honorem, & quod cirmia obliuisceretur suam paruitatem & vilitatem in societate, in qua erat cum homine, & in ipso honoratā. Deinde quando Rex dixit istud exemplum sa-

gio ad regem dixit, quod ipse nesciebat quid garisia dixit ad columbam. Et quomodo fuit hoc? dixit rex. Narratur (dixit sagio) quod duæ simiæ ligna posuerant supra vnam lucernam: quam ignem esse credebāt: quia frigus habebant, ignem incendere volebant & quod se calefacerent. Columba autem pluries ad simias dixit, quod lucerna ignis non erat, & quod bene apparebat quod simiæ qui homines esse solebant, ita turpem figuram in similitudine hominum habebant. Garisia autem dixit ad columbam, quod ipsa hominem tortuosum & obstinatum castigare non deberet: quoniam ex hoc damnum habere posset, quia tortuosus & obstinatus castigare se non permittit, & damnum dat illis, qui ipsum castigant. Columba autem garisia credere noluit in consilio, quod sibi dedit, & credebat, quod simiæ ipsam non audiuissent de vna arbore, in qua ipsa stabat. Et tunc in terram descendit ad ipsas, quæ dixit eis, quod lucerna quæ dicitur noctiluca: ignis non erat. Tunc vero simiæ columbam acceperunt, quæ ipsam occiderunt, & comederunt. Garisia autem dixit, quod in columba suos perdiderat sermones, verūtamen in seipsa experientiam habuit de his, quæ ad columbā prædixit.

De exemplo branchæ apostolicæ.

NArratur, quod honor & sapientia ibant in peregrinationem, & cum in hospitio hospitati fuerunt, sapientia comestionem præparauit, quæ posuit mensam & panē nigrum posuit supra mappas albas. Mappæ vituperium eis fieri reputabant: quoniam panis niger stabat supra ipsas. Panis autem respondit eis, quod ipsæ albæ non essent neque integræ si ipse albus fuisset, &

tunc

tunc honor cognouit, quod panis amicus erat sapientiae, nec voluit de ipso comedere, qui dixit ad sapientiam, quod ei album panem daret, quae respondit, & dixit, quod ipsa album panem dare nolebat, si non staret supra mappas rupras, per totam illam diem stetit, qui comedere nolebat, & in crastino se in itinere posuerunt. Et dum in itinere fuerunt, duos lupos inuenerunt, qui inuicem cum duobus canibus pugnaverunt. Dum autem sic inuicem pugnabant, venit quidam leporarius, qui germanus erat vnus canis, qui suum fratrem iuuare volebat, qui dixit ei, quod alium canem primo iuuaret, quem iuuit leporarius, & ambo lupum deuincerunt, & ipsum occiderunt. Deinde ad alium lupum occidendum venerunt, & ambo lupi mortui fuerunt. Leporarius tunc dixit fratri suo quarens ab eo, quare voluit quod primo alium canem iuuaret, qui respondit ei, quod si primo ipsum iuuasset, & fatigatus fuisset, ipsum qui suus frater non erat, postmodum non iuuaret, & posset esse, quod lupo ipsum occidisset. Sed in quantum in sua fraternitate confidebat, cogitabat, quod posito quod fatigatus pugnandi fuisset, nihilominus ipsum, qui suus erat frater, iuuaſſet: quoniam amor quem habebat, sibi daret virtutem & vigorem. Et dixit sapientia ad honorem, quod in societate charitas est bona, quare ipsa in societate cum ipso ire nolebat: quoniam nil nisi seipsum diligebat, & volebat, quod omnia ei seruirent, & ipse nulli seruire volebat, tunc sapientia de honore recessit, honor autem solus per totam diem ibat. Et quando fuit ad quandam ciuitatem hospitium Episcopi quærere nesciebat, & in domo cuiusdam rustici intrauit. Et ille rusticus cum sua vxo-

re comedeſſet & cum suis filiis, & propè mensam suam stabant vnus asinus, & vnus porcus, & vnus bos. Et honor de illo pane nigro, qui erat ante rusticum, comedeſſet, & cum ipso in mensa sedebat, supra, quam erant nigrae mappae & ruptae, nec honor abstinere poterat, quin comederet: quoniam magnam famem habebat, licet ille panis niger & mappae ruptae fuerant. Cum ille rusticus comederet, ad honorem dixit, quod iuuaret ipsum ducere bouem & asinum ad aquam. Honor autem respondit, quod nutritas non fuerat ad eundem retro boues & asinos, sed ad equitandum super equum, qui de mensa surrexit, & dixit rustico, quod sibi faceret vnum pulchrum lectum, in quo dormire posset, & porcum de domo proiiceret.

*De Exemplo branchæ arboris
caelestialis.*

Astronomus suum magistrum maledixit. Raymunde, dixit Monachus, & quomodo fuit hoc? Narratur, dixit Raymundus, quod in quadam ciuitate venit quidam Astronomus, cuius fama erat magna. Rex illius ciuitatis ad illum Astronomum dixit, quod respiceret, quando ipse moreretur. Astronomus autem dixit, quod illo anno mori deberet. Et Rex credebat, quod ille Astronomus diceret veritatem, & propter timorem mortis comedere non poterat nec dormire, in tantum quod propter timorem mortis Rex ille stabat quotidie cum illo Astronomo, & cum quodam discipulo suo in vna camera, qui respicere ipsum faciebat, si forsan errauisset in computo vel in arte Astronomiae, quia desiderabat, quod ipse Astronomus inueniret, quod ipse viuere posset.

set. Astronomus autem quæsiuit super, & inuenit, quod annum transire non posset. Dum ille Rex in tristitia stabat & dolore, accidit, quod vnus alius Rex sibi transmisit vnâ puellam, qui cum veneno erat nutrita, & nihil nisi venenum comedebat. Astronomus autem dixit, quod ipse credere non poterat, quod illa puella cum veneno vixisset: quoniam sua scientia sustinere non potuit, & maxime quia nata erat sub dominio arietis, qui est de complexionem humida & calida, quæ est contra complexionem veneni, quæ est sicca & frigida. Nunciij autem qui illam domicellam duxerant, in præsentia Regis & Astronomi, sibi de veneno ad comedendum & bibendum dabant, ita quod illa domicella malum non habebat de hoc quod comedebat vel bibebat. Et tunc Rex modicum habuit de placito, & cogitabat, quod ars Astronomiæ non semper verum iudicium dabat. Veruntamen propter magnum timorem quæ de morte habebat, experientia domicellæ timorem mortis à suo corde non proiciebat: quoniam nimis ipsam imaginabatur. Et sic Rege in tristitia & timore existente quidam sapiens miles, qui erat valdè amicus Regis, venit ad videndum Regem, & ab ipso quæsiuit, quid habebat: Rex autem secreto dixit ei, quod illo anno mori deberet, secundum quod ille Astronomus, qui coram ipso stabat hoc dicebat. Et tunc miles cognouit, quod Astronomus cum aliquo homine illius ciuitatis mortem Regis tractauisset: quoniam ipse Astronomus dicebat, quod Rex illo anno mori debebat, vt Rex ob timorem moreretur. Tunc vero miles dixit ad Astronomum, si sciret, quantum viuere deberet, qui respondit dicens ad militem, quod sua

vita non erat nisi 10. annis. Et quodam die miles dixit ad Astronomum, si sciret vere, quod dicebat: qui dixit ad militem, quod magnum tempus est elapsum quod ipse certus fuerat de termino mortis suæ. Et tunc miles cum vno gladio quem portauit, caput eius Astronomi amputauit, vt Rex hilaris foret, & vt cognosceret, quod Astronomus ille mentitus fuisset, & etiam scientia sua. Tunc vero discipulus illius Astronomi suum magistrum maledixit, qui dixit, quod nullo tempore confidentiam in arte Astronomiæ haberet.

*De Exemplo brancha arboris
Angelicalis.*

NArratur, quod quidam homo avarus qui erat valdè diues, mirabatur ex hoc quia saturari de diuitiis non poterat: quoniam quanto plus diuitiæ suæ crescebant, tanto plus desiderabat habere bona suorum vicinorum. Accidit autem quodam die, cum ipse equitabat iuxta castrum suum, in via tres pauperes inuenit, qui de vno magno pane, & de vno modico ferculo carniū comedebant, & quilibet illorum alium ad comedendum inuitabat: qui tunc considerauit quod inter pauperes erat charitas in magnis rebus & in paruis, & quod in ipso erat crudelitas & auaritia, quia de suis bonis quæ magnæ erant, pauperes non inuitabat, & inuidiam habebat de illis paruis bonis, quæ habebant. Et tunc suas diuitias maledixit, & pauper esse desiderauit, ita quod illos tres pauperes rogauit, quod ipsum in societate eorum admitterent, vt sua voluntas saturari posset, & quod ipsum dormire dimitteret: quoniam in magnis bonis & paruis ipsum ita fortiter labora-

uit, quod nullam quietem habere potuit. Narratur, dixerunt pauperes, quod sanctus Michael, & sanctus Gabriel in vno viridatio Deo obuiauerunt: cum quo ipsi solatium habuerunt, & quanto plus vnus Deum dilexit, tanto plus alius dilexit illum. Dum autem ita stabant, venit Lucifer, qui dixit, quod in eorum societate esse volebat, sub tali tamen conditione, quod ipse totum Deum habere volebat, & alij aliquid non haberent, qui tunc cognouerunt, quod ipse bonus angelus non erat, quia totum habere volebat tali conditione, quod ipse omnibus alijs qui ipsum habere vellent non sufficeret. Idcirco ad Luciferum dixerunt, quod ipse erat malus angelus, in quantum volebat habere totum generale bonum pluribus bonis particularibus necessarium. Et tunc homo auarus cognouit quod pauperes illi eius societatem habere noluerunt: quoniam timuerunt, quod totum panem & carnes comederet, de quibus ipsos non inuiteret.

*De Exemplo branchæ arboris
auternalis.*

Lucifer suum intellectum maledixit. Et quomodo fuit hoc Raymunde? dixit Monachus. Narratur dixit Raymundus, quod Lucifer suum intellectum ad Deum transmisit, vt sibi à Deo spem afferret. Et cum intellectus suus ante Deum fuisset vidit veritatem, quæ in vno libro legebat, & dicebat, quod Lucifer non habebat voluntatem, quod spem diligere, & quia ipsam non diligebat, dixit, quod nullo tempore ipsam haberet. Idcirco intellectus rediit ad Luciferum sine spe. Et tunc Lucifer maledixit intellectum, quia

spem misericordiæ Dei non portauit. Intellectus autem se excusauit, qui dixit hæc verba. Narratur, quod erat vnus rex valde iustus, & qui hominum voluntates intellexit, in cuius terra erat quidam miles, qui multum illum regem odiebat, & cum vno filio suo mortem illius regis tractabat, & rogauit regem quod sibi placeret quod suus filius de sua curia esset, & ei ad mesam suam seruiret, & hoc dicebat, vt filius suus regem intoxicaret, qui esset dixit filio suo, quod post mortem regis ipse tractaret, quod ipse esset rex. Et propter magnam voluntatem quam habuit ille filius, vt esset rex, voluntati patris consentiit, nec periculum quod sibi posset accidere respexit: quod quidem periculum sui patris consilium fecit obliuisci, & etiam desiderium quod habuit, vt posset esse rex, nec pater de periculo filij sui curauit propter malam voluntatem quam habuit contra regem: tunc vero rex qui totum sciuit, dixit, quod contrariæ voluntates vnā filiam fecerunt, quæ desperantia vocabatur, illam filiam dedit rex filio militis pro vxore, qui ex ipsa prolem generauit. Rex autem dixit ad militem, vtrum credebatur, quod de vxore filij sui spes aut desperantia nasceretur. Et tunc miles cognouit, quod rex voluntates hominum intellexit. Cognouit etiam suam mortem, & spem in rege non habuit: quoniam ita magna erat sua mala voluntas, quā habuit ad regem, quod ipsam conuertere non poterat ad amandum regem, & plus mori diligebat regem odiendo, & in desperantia vitæ, & indulgentiæ, quam regem diligere, & spem habere in sua misericordia. Et ita iratus fuit in morte, sicut quidam homo qui suum esse in sua vita maledixit. Raymunde, dixit Monachus, quomodo fuit.

fuit, hoc? Narratur, dixit Raymundus, quod erat homo quidam peccator, & qui valde mundi huius vanitates dilexit, quarum ratione fecerat Deo plura vituperia & inhonesta. Accidit autem quod Deus in illo homine vii voluit magna misericordia, & ei gratiam dedit, quod suum delictum cognouit. Et diu stetit ad procurandū honorem Dei iuxta suum posse. Accidit, quod ille homo diu & de graui infirmitate infirmus fuit, & vtiplum Deus in hac vita puniret, permisit, quod demon ipsum poneret in desperatione misericordiae Dei, recolendo sua magna peccata & iustitiam Dei plusquam suam misericordiam. Idcirco magnum amorem perdebat, quem habere solebat, & quia quotidie mori credebat propter magnam infirmitatem, quam habebat, pœnas inferni in imaginatione tenebat, in quibus stare æternaliter credebat, & suam damnationem certius affirmabat, quam homo qui panem tenet in manu, & credentiam habet, quod illum panem comedere debeat: veruntamen aliqualem spem in Domina nostra habebat, propter vnum librum quem propter eius amorem prius faciebat, in quo quidem libro ipsam valde commendabat & laudabat. Homo ille tantum pœnas inferni imaginabatur, quod cū curatus fuerat ei videbatur, quod ipse ibidem steterat, & plures condiciones & secreta inferni in sua infirmitate sibi reuelata fuerunt. Dum autem in sua infirmitate ita stetit desperatus, accidit quodam die, quod vnus carus corā ipso ratum vnum siue murem accepit, quem coram ipso occidit & comedit, & ille homo propter magnam tristitiam & timorem in quibus fuit & quos de pœnis infernalibus & æternis habuit, illum ratum quem carus come-

debat, esse desiderabat, dicendo de seipso, quod maledictum erat esse suū, quod tot & tantas pœnas infernales & durabiles expectat.

De Exemplo branchæ arboris maternalis.

Sapiens dignitates Dei benedixit. Raymunde, dixit Monachus, & quomodo fuit illud? Narratur, dixit Raymundus, quod bonitas, magnitudo, æternitas, & cæteræ dignitates diuinæ filium Dei rogaueunt, quod ipse qui erat per illas ita bonus, ita magnus, æternus, potens, sapiens, amorusus, virtuosus, verus, & gloriosus, quod propter amorem ipsarum vnum filium faceret in creaturis ita bonum sicut sua bonitas requirit aut requirebat, & ita magnum sicut magnitudo requirit, & sic de aliis. Et filius Dei ad dignitates respondit, quæ ipsum rogauerunt, & dixit, quod ille facere non poterat illum filium ita bonum & ita magnum sicut ipse volebat sine matre, quæ esset ita bona & ita magna, sicut ad illum filium spectaret. Et tunc prædictæ dignitates filium Dei rogaueunt, quod matrem talem faceret, & quod videlicet suam voluntatem in ipsa matre suam poneret similitudinem, quoniam quanto magis poneret, tanto magis contentæ essent. Etiam dicebant, quod quælibet illarum mater esse volebat illius matris filij, quam quidem matrem de suis similitudinibus facerent. Et tunc filius Dei benedictus procurauit & ordinauit conceptionem Dominae nostræ virginis gloriosæ, & eius natiuitatem in magna magnitudine bonitatis, magnitudinis. Et sic de cæteris similitudinibus creatis, idcirco mundus dixit Deo, quod ipse saturatus erat. Ray-

munde, dixit Monachus, & quomodo hoc? Narratur, dixit Raymūdus, quod cum Deus creauit mundum, mundus ab eo quæsiuit, propter quod ipsum creauit? Respondit ei Deus, dicens mundo, quod ipsum creauit, vt ex ipso vnum filium faceret, qui frater esset filij Dei, & quod de mundo vnā fœminam faceret, quæ esset mater ipsius filij Dei. Tunc vero mundus risit & hilaris fuit, qui dixit, quod magnus honor sibi fuit, quod ex ipso sit vna pars, quæ Deus sit, & alia pars, quæ sit mater ipsius. Et tunc dixit, quod timorem non habuit, nec habet, nec habebit de desperantia. Raymunde, dixit Monachus, & quare mundus dixit hoc? Narratur, dixit Raymundus, quod in Anglia erat quædam Domina, quæ diu Dominam nostram dilexerat, maritus autem suus vnum militem occiderat, & ille maritus moriebatur, qui vnum filium dimisit, ille filius cum matre remansit, qui suam matrem rogauit, quod ipsum in peregrinatione ire dimitteret ad quædam ciuitatem, in qua erat vnum altare Dominae nostræ, quæ in illo plura miracula faciebat. Et Domina propter timorem quem habuit de suo filio ipsum in peregrinatione ire non permisit: quoniam timebat, quod parentes militis, quem maritus suus occiderat, suum filium in via occiderent. Filius vero dixit matri suæ, quid erat illud, quod ipsa plus diligebat? Et ipsa respondit ei, quod non erat aliquid quod tantum diligeret sicut Dominam nostram. Tunc vero filius suus ipsam reprehendit, dicens, quod ipsa Dominam nostram non plus diligebat quam illum, postquam ipsa noller, quod ipse iret ad faciendum honorem Dominae nostræ, & ad videndum miracula ipsius: nec in Domina nostra spem ha-

bebat, quoniam ipsum de manibus inimicorum suorum defenderet. Et tunc Domina illa suum filium ire permisit in peregrinatione, & ipsum commendabat suæ matri sanctæ Mariæ, dicens, quod illa quæ est mater Dei & Domini in via filium suum custodiret, & saluaret, quoniam sibi ipsum commendabat. Accidit autem, quod cum filius suus prolongatus fuit per vnā diem ab illa ciuitate, in qua natus extitit, quod sui inimici in via acceperunt ipsum, & manus suas absciderunt & etiam oculos extraxerunt. Et ipse sic cut poruit, ad ecclesiam fuit, qui dixit Dominae nostræ, quod mater eius in sua spe deficiebat. Tandem ad notitiam suæ matris peruenit, quod ipse destructus existit, quæ dixit, quod ipsa non credebat de hoc aliquid, quæ iuit ad Ecclesiam, & filium suum curatum inuenit, ita quod nihil mali habuit. Et dixit, quod ipsa bene sciebat, quod Domina nostra erat ita bona mater, quæ spei filia suæ minimè deficeret veller.

*De Exemplo branchæ arboris
Christianalis.*

IN ortu solis heremita Deum benedixit. Quomodo fuit illud, Raym. dixit Monach. Narratur, dixit Raym. quod quidam heremita in quodam alto monte moram traxit, in quo Deum contemplabatur & laudauit. Ille heremita homo simplex fuit, qui literas ignorauit. Accidit, quod quidam Iudæus ad disputandum cum illo venit, qui dixit heremita, quod sibi modum ostenderet, per quem natura diuina & humana possent esse vna persona Iesu Christi, sine conuersione ambarum naturarum: quoniam si ipse sibi modum ostendere posset, se Christianum facere.

cere vellet. Tunc vero heremita respondit ei & dixit, quod ipse erat homo simplex, & quod literas ignorabat, nec illa quæstio quam sibi faciebat, ad ipsum, sed ad homines qui haberent plures literas spectabat: veruntamen ipse Deum rogaret illa nocte, quod ei modum reuelaret, secundum quem natura diuina & humana poterant esse vna persona Domini Iesu Christi: qui Iudæum rogauit, quod in crastino ad eum rediret, quoniam ipse sibi diceret de illa quæstione illud quod sibi videretur, & etiam secundum quod Deus ei reuelaret: quoniam in ipso de hoc spem habebat, & haberet. Et tunc Iudæus de heremita recessit. Heremita autem Deum rogauit, quod sibi modum incarnationis reuelaret, quam nulla ratione poterat intelligere, imo in fide inceptit dubitare: & dixit, quod postquam non poterat modum intelligere, ipse volebat simpliciter credere, veruntamen propter dubitationem quam habebat de fide, tantum multiplicabat dubitationem fidei in sua consideratione, quod tota illa nocte stetit in valde magna passione & tentatione, intantum quod dormire non potuit, & credidit, quod fides Christianorum non erat vera, & tunc ad Deum clamauit, quare ipsum in tentatione non iuuat, & quia ipse Deus non recognouit plures labores & afflictiones, quas propter eius amorem sustinuit. Dum heremita ita stabat in tristitia, Sol valde lucens & clarus oriebatur, & tunc Deum benedixit, qui ita pulchram creaturam creauit. Et quia Deum in sua tribulatione benedixit, illa benedictio humilitatem, sapientiam, & pietatem de cælo descendere fecit: quæ modum incarnationis sibi ostenderunt: qui Deum benedixit & laudauit, qui se in suis laboribus & magnis periculis

recoluit. Et quando Iudæus ad eum venit, dixit hæc verba. Narratur, quod sapientia, voluntas, & potestas sibi inuicem obuiauerunt in quodam viridario, quod plantarum erat pluribus arboribus bonis, magnis & virtuosis, tandem concordatum fuit inter ipsas tres, quod in illo viridario, vnum pulchrum opus facerent. In illo viridario erat vna modica arbor, vnde voluntas à sapientia quæsiuit, si ipsa sciret in potestate ita magnam virtutem, quod ipsa posset esse ex ipsa modica arbore naturam dare omnibus aliis arboribus viridarij, ita quod essent magnæ, intantum quod omnes ex natura illius parvæ arboris essent induræ. Respondit sapientia voluntati, & dixit, quod ipsa sciebat, quod potestas virtutem habebat induendi omnes illas arbores ex illa parua arbore secundum naturam magnarum arborum, & non secundum naturam parvæ. Et tunc voluntas potestatem rogauit, quod ipsa esset ita magna in illis arboribus, quæ sunt bonitas, magnitudo, æternitas, & cæteræ dignitates diuinæ: sicut scire sapientiæ, & velle voluntatis, quæ illud indumentum desiderabat. Idcirco modum incarnationis fuit in æqualitate potestatis, sapientiæ & voluntatis, quam habuerunt in illis magnis arboribus, & in parua arbore. Et tunc Iudæus modum incarnationis intellexit, qui Deum laudauit & benedixit, & desiderauit esse Christianus, & honorem Dei secundum suum posse omni tempore tractare.

De Exemplo branchæ arboris diuinatis.

Dixit finis, quod sine ipso nullum ens valeret aliquid. Et quomodo fuit illud, Raymunde, dixit Monachus.

Narratur, dixit Raym. quod in quadā ciuitate erat quādam magna Ecclesia, in qua plures Domine se congregauerunt, quæ erant valdè nobiles, & de progenie antiqua erat earum nobilitas. Illæ Domine erant ociosæ in illa Ecclesia, quia nulla ipsarum faciebat nec dicebat hoc, propter quod ad Ecclesiam venit, quousque finis apparuit eis, quibus dixit, quod sine ipso nihil valerent, postquam sine ipso nullum bonum faciebant. Tunc vero bonitas quæ erat vna ex ipsis dominabus, dixit hæc verba. Quando meam essentiam considero, & naturam desidero, quod de me fieret vnum magnū bonum, vt essem ita magna per agere sicut per existere: quoniam magnus defectus est cuilibet formæ esse frustra & esse ociosa: & si possem esse ita magna per agere, sicut sum in existere, & non sum, culpa est magnitudinis, quæ deficit magnitudini agēdi, & existēdi. Et si forma nō durat tantum per agere sicut per existere, est culpa æternitatis, quæ tantum durare non facit agere, sicut existere: & idem dixit de potestate quæ se de culpa excusare non potest: si non sit ita magna per agere sicut per existere, postquam potest esse, & etiam quia voluntas ipsum rogat, & sapientia scit, quod ipsa potest esse, & finis qui requirit hoc, & sic de aliis formis, quæ ad bonitatem dixerunt quod in præsentia finis ita & multo melius, sicut homo, qui in præsentia ignis ad quem stat propè calorem sentit, quælibet illarum sentiebat illam naturam & proprietatem, quam ipsa in præsentia finis sentiebat.

De Ramis arboris exemplificalis. Et primò de elementalī.



NARRATUR, quod piper & cucurbita sibi inuicem obuiauerunt, & piper dicebat, quod ignis plus valebat quā aqua, cucurbita vero dicebat, quod aqua plus valebat quam ignis. Ratio quare piper dicebat, quod ignis plus valebat quam aqua, erat, quia dicebat, quod ignis similior erat Deo quam aqua, quia ignis si sufficientiam de lignis haberet se tantum multiplicaret, quod totum mundum combureret. Et hanc naturam habet forma ignis ad significandum productionem, quæ est in personis diuinis quæ est in infinendo, magnificando, & æternando: hanc proprietatem ita magnam non habet aliquod elementum, sed tantummodo ignis: idcirco est similior Deo quam aliquod aliud elementum. Allegauit autem cucurbita quæ dicebat, quod aqua plus valebat quam ignis: quoniam aqua plantas multiplicabat, & in ipsa pisces viuebant, flamma autem ignis destruit & consumit omnia illa, quæ cum ipsa participant, etiam quia nulla creatura ita ociosa est sicut ignis: quoniam illa natura quam ignis habet in multiplicando suam flammam, si ligna haberet, ociosa est in quantum non multiplicat, & quia in Deo nulla est ociositas, est ignis plus Deo dissimilis quam aliquod aliud elementum, in quantum est magis ociosus quam aliud. Idcirco ovis pastorem reprehendit. Et quomodo fuit hoc, dixit piper cucurbitæ? Narratur, dixit cucurbita, quod in quodam prato steterunt oues, & iuxta illud pratum erat quādam magna silua, in qua plures lupi erant, qui oues comedebant: idcirco

oues

oues propter magnum timorem quem habuerunt, de lupis, erant macillenta: quoniam non fuerant ausa comedere ad eorum voluntatem, & illud quod comedebant, parum de bono eis faciebat. Accidit autem quod quidam pastor ouem increpauit, qui agnum macilentum habebat, cui dicebat, quod ipsa puniri debebat, quia in illo prato multum de herba comedere poterat, & multum de lacte habere, cum quo pinguem faceret suum filium. Quis autem pastorem reprehendit, quæ dixit ei, quod ipse erat occasio macillenta: sui filij & amaritudinis, quam in herba sentiebat, quia omni die dormiebat, nec de nocte multum vigilabat, & quia siluam & lupos non comburebat.

*De Proverbiis rami arboris
vegetalis.*

NArratur, quod in pomo se inuenerunt generatio, corruptio, priuatio, & renouatio. Corruptio de summitatibus descendebat, & generatio ascendebat, quæ in medio inuenerunt priuationem & renouationem, quæ de rota fortunæ hoc dicebant. Narratur, dixit priuatio, quod erat quædam domina valde pulchra, quæ suam faciem depingebat, & suas vestes ornabat, & in suo capite vnam coronam de lapidibus preciosis portabat, quodam autem die accidit, quod illa domina in speculo respiciebat, & se valde pulchram & bene ornatam videbat, quæ à sua pulchritudine quasiuit, ubi staret cum mortua esset; pulchritudo autem respondit, quod hospitium in vermibus accipiebat, qui suos oculos & suam faciem comederent. Et tunc domina dixit hæc verba: O Deus qui habes pulchritudi-

nem in virtute producentis & producti, tu es pulchritudo nostræ salutis. Amare pulchrum est in bonificare, & bonificare pulchrum est in amare, & tale existere pulchrum est in durare. Plus valet bonitas quæ existit, quam pulchritudo quæ ad corruptionem tendit. Pulchrior est bonitas in virtuoso cogitare, quam in coloribus vel in vitioso ornare. Pulchritudo quæ animam occidit, naturam alicuius rei non habet. Fatuus est ille, qui in aliqua pulchritudine delectatur, quæ inest corpori, quod citò foetet & corrumpitur. Illa pulchritudo nihil valet, quæ in malo hospitio manet. Pulchritudo quæ viuic semper & non moritur, valet plusquam totus thesaurus corporalis, qui ab hominibus in hoc mundo diligitur. Pulchritudo quæ est amici & amari, non moritur, si insit bonitati. Pulchrior est bonitas in humilitate, quam corona in capite. Postquam Domina hæc verba dixisset, ipsa speculum fregit, & dixit quod nullo tempore in illo specularetur: quoniam naturam habuit, quod faceret plures Dominas pulchras superbiæ & luxuriam sæpius recolere. Tunc vero illa Domina fecit vnum speculum ex bonitate, in quo sæpissime se respexit, & quando accidit, quod ipsa se bonam videbat in speculo, Deum laudauit & benedixit, & quando se vitiosam in speculo videbat, ipsa confitebatur, & sua peccata fleuit, & de ipsis poenituit.

De Proverbiis rami sensualis.

NArratur, quod oculi ibant in peregrinationem ad videndum vnam pulchram Dominam, quibus oculis affatus manifestauit, quod illa Domina erat bona & casta, & tunc aures habuerunt

buerunt placitum in audiendo talia verba. Idcirco magna fuit concordantia, & magna amicitia inter oculos, sermones & aures. Dum autem omnes tres stabant in concordantia & amicitia, aures affatum rogarunt, quod diceret aliqua verba placentia ad audiendum, quia ex verbis inhonestis cum ipsa audiebant erant fatigatae. Et oculi rogauerunt affatum, quod diceret pulchra verba: quoniam verba turpia sibi verecundiam faciebant, & tunc affatus dixit hæc verba. O Iesu, qui in Nazareth es natus, tu es homo deificatus, & Deus hominificatus. Iesu, tu es homo Deus, ut cum omni ente creato Deus participare possit. Iesu, qui per Spiritum sanctum es conceptus, tu in cruce moriendo per tuam magnam virtutem redemisti humanum genus. Iesu, tu à mortuis resurrexisti, & in cælum ascendisti, & viuos & mortuos iudicabis. Iesu, in tua sensualitate habebunt gloriam homines beati in summitate. Iesu, principaliter propter te fuit mundus creatus, ut tu esses cognitus, laudatus & honoratus. Iesu, qui per Deum & hominem es personatus, parce nobis flagellatus pro nobis crudeliter. Iesu, de nobis dolorem habebas: quoniam omnes sumus in peccatis, & ex bono amore exulati. Iesu, non des nos obliuioni, postquam tibi placeret, quod omnes te videre possemus. Iesu, tu bonus es ad nominandum, ad intelligendum, & ad recolendum, & es bonus ad amandum. Cum affatus hæc verba dixisset, ab auribus & oculis quæsiuit, si obediens fuisset eorum precibus. Et dixerunt aures, & qui sermones sunt mihi ita dulces sicut sermones Iesu Christi? Et dixerunt oculi, qui sermones sunt ita placiti: sicut sermones Iesu Christi.

De Prouerbiis rami imaginalis.

Narratur, quod visus & gustus in imaginatiua sibi inuicem obuiauerunt. Gustus autem dixit ad visum, quod malè pulchram domum videbat. Et quomodo fuit hoc, Raymunde? dixit Monach. Narratur, dixit Raym. quod quidam mercator erat, qui erat valdè diues, & cum venit ad mortem dixit ad filium suum, quod si domos facere vellet, quod portas pulchras non faceret, ut pulchritudo portæ non disco operiret diuitias suas siue ostenderet. Mercator ille moriebatur, & eius filius ipsum non intellexit, & in domibus in quibus habitabat erat turpis porta, quæ quidem domus intra erant pulchræ, filius ille vnam pulchram portam & magnam imaginabatur, quæ esset in domibus, in quibus morabatur, & cum portam illam fecisset, vidit, quod proportionata non erat domibus, quæ multum paruæ erant, & tunc illas domos diruit, & maiores & pulchriores fecit, quæ ad illam portam erant proportionatæ in pulchritudine & in quantitate, quæ ei constiterunt medietatem omnium bonorum suorum, & ipsum ab arte mercimoniarum deuiarunt: & imaginabatur, quod Dominus ita pulchrarum domorum deberet esse miles, & tenere equum & falconem & magnam comitiæ, ut camera vacuæ non essent, & sic magnas fecit expensas. Accidit autem, quod quadam die Rex per illum vicum transiuit, ubi erant illæ domus, & propter pulchritudinem portæ voluit in domibus intrare, & quando fuit intra domos, pulchritudo domorum & multitudo ipsum imaginari fecit thesaurum: quoniam cogitauit, quod ille merca-

tor plures florenos habebat. Et tunc dixit mercatori, quod ipse eum rogabat, quod ei mille florenos præstaret, quos oportuit ipsum mutare malo velle suo. Et propter magnas expensas quas faciebat, & propter illud quod mutuauerat, in breui tempore post non habuit quid comederet. Idcirco dixit gustus ad oculos, qui viuunt propter comedere, quod male viderunt pulchritudinem domorum. Tunc vero oculi dixerunt quod male vidit auaritiā. Et quomodo fuit hoc? dixit Monachus. Narratur, quod quidam erat princeps qui valde auarus erat, & quotidie imaginabatur plures ciphos auri & argenti, annulos, lapides preciosos, corrigias de serico ornatas ex auro & argento. Et propter magnam imaginationem quam habebat in illis rebus aggregandis, accidit, quod vnus Rex guerram habuit cum illo principe. Princeps vero propter magnam auaritiā quam habuit, & propter imaginationem antiquam quam habebat in aggregando magnum thesaurum, imaginari non potuit damnum, quod Rex sibi dedit, vel quod dare potuit, nec milites tenebat, qui ciuitatem defenderent, in qua Princeps erat. Tunc vero venit rex, qui ciuitatem occupauit, & principē, & habuit thesaurum suum. Cui princeps dixit, quod cum illo thesauro potuit ciuitatem restaurare, & fecit aurum fundi, & in ore principis poni, cui dixit, quod aurum potaret postquam illud tantum dilexit. Et tunc princeps moriebatur, & dum ipse moriebatur, oculi dixerunt ad gustum, quod male viderat auaritiā.

De Exemplo rami humanalis.

Narratur, quod oratio ad cælum ascendere voluit, & corpus ad

orationem dixit, quod ipsum secum adduceret: tunc vero oratio dixit ad corpus, quod nimis erat ponderosum, nec posset cum ipsa ascendere: veruntamen ex ipso imaginationem acciperet, cum qua gloriam Paradisi posset imaginari. Tunc autem oratio ad cælum cum imaginatione ascendit: & dum ipsa ascenderet, intentionem in via inuenit: quæ ab oratione quæsiuit: quo ire voluit. Oratio autem sibi respondit, quod ipsa ad cælum ascendere voluit, vbi Deum rogare proposuit, quod sibi daret Paradisum: & imaginationem secum adduxit, vt gloriā Paradisi posset imaginari: nec volebat in terra esse, quæ est prope infernum, quem imaginatio imaginata est: & propter timorem quæ de ipso habuit, tunc rogauit quod mecum illam adducerem ad standum in cælum. Narratur, dixit intentio, quod quidam miles erat valde diues & bonus in armis: qui valde vanam gloriam huius mundi diligebat. Miles ille vnū filium habebat: qui cum venit ad mortem, dixit filio suo, quod iret per vias suas: quæ quidem viæ spectabant ad diuitias, honores, audaciam, magnificentiam, & famam. Post mortem vero militis vidit eius filius patrem suum subterrare: & post modicum tempus patrem suum de vno loco in alium mutauit, cuius corpus tantum scerebat, quod ipse non poterat prope ipsum stare. Et tunc imaginabatur, quomodo pater suus de magno honore ad magnam vilitatem deuentus fuit, & in paupertatem amicorum: quoniam nullus iuxta illum stare voluit: & viciā quam habere solebat in bellis, perdidit: nec gentes locutæ fuerant de illo: quoniam ipsum obliui fuerunt, nec aliquid quod pater suus prius dilexerat, in illo remansit: quoniam totum

in morte perdidit. Tunc vero filius militis proposuit mundum dimittere: & totum vendidit quod habebat. Qui dixit Deo, quod totum quantum habuit, dare volebat suis pauperibus, vt sibi daret Paradisum: & quod ipsum de pœnis inferni custodiret. Et postquam omnia quæ habuit, pauperibus dedit, dixit, quod se Deo dare, volebat: vt Deus sibi daret Paradisum, qui se tunc posuit in religione in qua diu vixit suo maiori obediendo: & qui plures Missas cantauit, & multas afflictiones & tribulationes habuit, & in omnibus patiens fuit, vt Deus sibi daret Paradisum: & cum ad mortem venit confessus fuit, qui se communicauit, & peccata sua fletit, & misericordiam à Deo petiit: vt infernum non intraret, & quod gloriam haberet. Tunc vero anima ipsius ad infernum iuit, in quo æternaliter stabit, qui magnas pœnas sustinet, & sustinebit, quæ in arbore æternali significantur. Oratio autem & imaginatio valde mirabantur de hoc, quod intentio eis dixit, & maxime cum Deus sit iustus. Et tunc intentio ad orationem dixit & ad imaginationem, quod Deus dedit rectum iudicium in damnatione religiosi, qui bonum quod faciebat plus propter timorem inferni faciebat, & vt gloriam habere posset, quam propter bonitatem & amorem Dei: quare tu oratio & imaginatio, dixit intentio: nescitis hoc quod finis ad principium dixit. Et quomodo fuit illud? dixerunt oratio & imaginatio. Narratur, dixit intentio, quod vnus albus finis ad principium dixit, quod se de colore albo indueret, & quod veniret ad standum cum illo. Et principium de nigro colore se induit, & ad finem voluit venire, & cum illo remanere. Tunc vero dixit finis, quod duo contraria bene in vno loco

stare non poterant, nec in cælo duo dis. Et tunc cognouit oratio, quod ille, qui intentionem habet faciendi bonum, vt damnationem euitet, & quod saluationem habeat, Deum esse desiderat, postquam in cælo vult esse plus propter suum amorem, quam propter amorem Dei, & propter suam bonitatem, quam propter bonitatem Dei, & plus propter suam gloriam, quam propter gloriam Dei. Tunc vero oratio ad imaginationem dixit, quod ad terram rediret: quoniam nimis pœnas inferni imaginabatur, & gloriam Paradisi: & quod ipsa sola ascendere ad cælum volebat sine aliqua natura corporis, & Deum principaliter rogare, vt sibi gratiam daret, quod suum honorem tractare posset, qui ad eum pertinet secundum suam bonitatem, magnitudinem, æternitatem, potestatem, sapientiam, voluntatem, virtutem, veritatem, & gloriam.

*De Exemplo ramorum arboris
moralis.*

NArratur, quod potentia, obiectum & actus ad vnā Ecclesiam ibāt in peregrinatione. Illa Ecclesia erat de virtute: ad cuius portam stabat maioritas, & ad vnā aliam portam minoritas. Stabat maioritas ad portam illius Ecclesie, vt ipsi qui intrare vellent cum sua voluntate, maiorem virtutem haberent. Stabat etiam minoritas ad alteram portam, vt illi qui intrare vellent cum sua voluntate, minorem virtutem haberent. Cum autem potentia, obiectum & actus in porta illius Ecclesie fuissent, & conditiones maioritatis & minoritatis sciuissent, à libertate petierunt: si intrarent per portam maioritatis, aut per portam minoritatis. Libertas vero dixit, quod non habebat.

habebat officium consulendi aliquem: quoniam ipsa erat communis cuilibet portans: & dum ipsa se excusabat, quædam Domina quæ gratia vocabatur, dixit hæc verba. Narratur, quod vnus homo diu laborauit in tractando honorem Dei: quem ad finem ducere nō potuit. Atcidit autem quadam die, quod ipse cogitabat, & fortiter mirabatur, quare Deus ipsum non iuuit ad perficiendum illud negocium, quod propter suum amorem tractabat: verumtamen considerauit, quod in se forte aliquod vitium habebat, ratione cuius Deus ei virtutem non dedit, quod illud negocium ad finem ducere posset. Et dum ita cogitabat, & in se illud vitium quærebat, ipse dormiuit: & in somnis videbatur ei, quod quædam Domina erat coram ipso induta de pannis diuersis: quorum colores erant albedo & nigredo. Ille homo petiit à Domina, quid significabant illi colores suorum pannorum? Respondit Domina, & dixit, quod albus color voluntatem illorum hominum significabat, qui diligunt tantum honorem Dei, quod nihil de honore proprio curant: imò volunt, quod omnis honor sit Dei. Etiam albus color significabat voluntatem illorum, qui timorem de eorum in honore non habent, nec verecundiam habent ad tractandum honorem Dei. Et dixit, quod color niger significabat voluntatem illorum hominum, qui Deum honorant, vt ipsi sint honorati: & timorem habent de verecundia, vt dedecus nō recipiāt. Tunc autē ille homo euigilauit, & Ecclesiam per portā maioritatis intrauit ad videndum istum factum: qui dixit, quod ex tunc propriū honorē nō desideraret, nec timorem ex verecundia, nec de inhonore haberet, nec mortem subire ad tractandū honorem Dei dubitaret. Et

tunc sanctus dedit ei alba vestimenta, & rogauit me & maioritatem, quod sui amici essemus in omnibus rebus bonis, & quod nos custodiremus eum de malis & rebus minus bonis. Idcirco ille homo duxit ad finem & ad complementum illud sanctum negocium, in quo diu laborauit, vt Deus honorem haberet in hoc seculo. Et cum potentia, obiectum, & actus audiuisent hæc verba, per portam maioritatis intrauerunt, & sanctum rogauerunt, dicentes hæc verba. Domine sancte, dixit amatiuius: si placeret tibi, te vellem diligere secundum maiorem maioritatem meæ potestatis, meæ sapientiæ, & meæ voluntatis, postquam tu es amabilis cum maioritate possibilitatis, intelligibilitatis, & amabilitatis, vt inter te & me amare sit indutum de maioritate extensa in magnitudine bonitatis, durationis, potestatis, sapientiæ, voluntatis, gloriæ, virtutis, & veritatis. Et tunc sanctus dedit omnibus tribus id, quod ab eo petierunt. Et dixit ad gratiam & ad maioritatem, quod eos associaret, & quod per portas minoritatis non transirent.

*De Exemplo ramorum arboris
Imperialis.*

NArratur, quod quidam Rex illo die quo coronam accepit, à suo concilio quæsiuit, quæ erant conditiones quas Rex habere debebat in regnando? Et eius concilium respondit ei, & dixit, quod inter cæteras conditiones quas Rex habere debebat septem sunt conditiones principales, videlicet iustitia, sapientia, charitas, potestas, timor, honor, & libertas. Tunc vero Rex in præsentia sui populi quæsiuit si consentiret & concedere-

rent, quodd Rex habere deberet illas conditiones. Et omnes insimul Regi supplicauerunt, quod illas septem conditiones ipse haberet: quoniam sine ipsis nullus Rex suum regnum regere posset. Et tunc Rex respondit & dixit, quod illas conditiones habere vellet, & suum populum rogauit, quod essent inimici cuiuslibet hominis, qui sibi consuleret aliquid, quod esset contra illas conditiones. Populus autem hoc concessit, & instrumentum factum fuit inter Regem & populum suum de illo concessu. Idcirco Rex illas conditiones de centum nominibus Dei accepit, & ipsas scribi fecit ad portas sui palacij, vt si quis contra illas conditiones ipsum rogare vellet, quod timorem de ipso & suo populo haberet. Et per hunc modum Rex libertatem habuit in regnando, & in essendo bonus & amicus sui populi. Et cum aliquis ipsum contra illas conditiones rogauit, ipse faciebat ipsum legere in illis conditionibus, quæ in portis palacij scriptæ erant, & ipsos pœnitere faciebat de precibus, quas faciebant, aut ipsos faciebat mala morte mori. Conditiones illæ sunt istæ, quæ sequuntur.

De Iustitia.

O Deus! qui es vera iustitia, cum recolo mea crimina, te timeo in mea conscientia. Iustus est Deus de sua potestate suæ voluntati & sapientiæ, quæ habent, quicquid optant habere. Tantum dat Deus ex bonificare, & bonificato bonitati: sicut dat de amare, & amato voluntati. Si Deus esset in se ociosus, non esset iustus nec gloriosus. Iustus est Deus in iudicando, & iustus est in parcendo, & iustus est in iustitiam, & suam miseri-

cordiam coarquando. Si Deus incarnatus in homine non esset, magnâ largitatem in ente creato non haberet. Iustitia affert humilitatem, misericordiam & pietatem; & facit hominem amantem per voluntatem. Qui vult iudicare seipsum, citius misericordiam à Deo impetrat. Plus valent homini iustum recolare, iustum amare, & cogitare, quam aurum vel honores possidere. Iustitiæ Dei me præbeo, & recomendo, quod de me faciat vel agat ad suam voluntatem in iudicando; & ab ipsa peto veniam de meis peccatis pœnitendo. Misericordia & bona voluntas ex iustitia & pietate magnam societatem fecerunt.

De Sapientia.

O Deus! qui es sapientia, & scire, te vellem amare, & te amatum tenere, secundum quod mea voluntas potest complere. Deus est suus purus intellectus: idcirco omne quod est intelligit. Quia Deus in sua bonitate magnitudinem intelligit: idcirco in ipsa scit bonificabilitatem, quæ est bona, & magna intelligibilitas. Intelligit Deus, quod per se est intellectus; & intelligit, quod intellectus est personatus, vt in illo suum intelligere se extendere possit. In intelligere non potest esse intentio, si inter intelligentem, & intellectum non sit distinctio vt finis intelligendi sit cum perfectione. Si per intelligere aliquid non sequeretur, bonitas intelligentis & intellecti non esset, & bonum in ignorantia positum esset. Intelligere per distinctionem, oportet existere vt in illo esse possit concordare, per quod remotum sit à contrariari. Ille homo qui deificatus est habet maiorem intelligibilitatem boni quam aliquod aliud.

aliud ens creatum. Ut Deus per hominem multum esset intellectus naturam humanam assumpsit, intelligamus ergo ipsum plus quam aliquid aliud. Ita magna est in Deo intelligibilitas, sicut est magna sua intellectiuitas: quoniam æqualem habent magnitudinem & bonitatem.

De Amore.

O Deus! qui es in voluntate & amore, sis recolens de tuo seruitore, qui tuum honorem procurat cum amore. Ita habet Deus in voluntate magnitudinem amantis, amabilis, & amati: sicut in magnificante, magnificatum, & magnificare. Quia voluntas melius valet per amare, quam per suum odire, in Deo non potest existere odire. Magnitudo veritatis est, quod in illa sit amatus verificans, verificare, & verificatus. Sicut sapientia habet complementum in sciendo bonitatem, magnitudinem, & aternitatem, sic habet voluntas complementum in diligendo ipsas. Tantum voluit Deus hominem amare, quod propter hominem se voluit morti tradere. Qui in voluntate scit concordare naturam amantis, amabilis, & amare, ex omni vitio seipsum scit custodire. Plus valet in voluntate bonum amare, & per amicitiam bonum recollere, quam omne bonum sensatum, quod est per sentire. Ille, qui scit uti voluntate, nullus ipsum potest defraudare, nec aliquo modo bono potest indigere. Nullus plus dare potest quam ille qui suum dat amare, sine intentione peccandi.

De Potestate.

O Deus! qui es potestas, non esses gloriosus si potestas in te ociosa

foret. Potestas quæ potest de bonitate, infinitate, & aternitate, non habet terminum neque quantitatem. Potestas quæ non potest principiari de principio, bonificare, non potest bonitati sufficere. Potestas, sapientia & voluntas sunt in Deo una Deitas, ex qua deificatus est possificatus. Cum in potestate sit possificare, si in Deitate non esset deificare, potestas non posset Deus existere. Potestas quæ spiritalis est, supra sensualem potestatem potest: quoniam ipsa est supernaturalis. Plus valet potestas in amando, quam in videndo vel imaginando. Plus valet potestas in nutrimento bonæ voluntatis, & bonæ memoriæ, quam in auro vel in argento. Deus quantum potuit se voluit dare nostro intelligere, & amare: idcirco se voluit incarnare. Potestatem quam Deus dat per altaris Sacramentum, nullus viuens existimare potest.

De Timore.

Quia Deus est totus amor, in ipso non potest esse timor. Ille non potest esse maior Dominus, qui de aliquo timorem habet: quoniam timor est de ente minori, non autem de maiori. Timor est amoris consequentia, cum ipse timor sit de bono, & vero seruitore, qui timet vituperium, & iniuriam fieri Domino suo. Melius valet, quod homo timorem habeat ut sua Domino non deficiat, quam penam timere vel dolorem. Qui timet quod Deus sit inhonoratus, timorem habet ex magna felicitàte, & est plenus fidelitate. Deum non timet, qui sibi non facit honorem, & qui cum non timet, ei non ducit amorem: imo est plenus dedecore magno. Timor tantum valet propter bonitatem: sicut propter

possibilitatem: quoniam sunt aequales in amato. Tantum debet homo timere iudicare, sicut misereri: quoniam aequales sunt in amare. Timor hominem recognoscentem facit, & apertem multiplicat, & hominis defectum euitat. Plus valet timor in sanitate, quam in infirmitate: quoniam plus habet de libertate.

De Honore.

Deus cum honore est honorabilis; & non cum vilitate & defectu. Homo debet Deum honorare cum virtute intelligendi, amandi, & recolendi. Deum inhonorat, qui cantando ipsum nominat, & in vilibus factis ipsum desiderando cogitat. Qui propter modicum vult iurare, & iurando periurare, Deum nescit honorare. Heu tot homines Deus in hoc mundo honorauit, qui sibi in sapientia & voluntate honorem non praebeant, nec faciunt. Ad Deum talis spectat honor, videlicet quod omnibus honoribus sit maior. Qui Deum plus non diligit quam peccatum, ipsum vituperat & contemnit. Plus valet vnus honor Dei, quam honor totius populi. Qui Deum vellet multum honorare, sapius deberet recolere honorem, quem nobis fecit per suum incarnare. Ille qui per totum mundum posset honorem Dei procurare, in magno timore deberet stare: quoniam ad vltimum iudicium se non poterit excusare.

De Libertate.

Deus est liber in suo existere, & liber est in suo agere cum possificante, possificabili, & possiccare. Deus in sua magna bonitate per bonificantem, bonificabilem, bonifi-

care, & bonificatum liberam habet potestatem. Deus est magis liber in suo posse, quam est homo in suo velle, suam libertatem nemo potest scire. Deus est liber in infirmitate, in aeternare & complere, nec aliquid potest sibi resistere. Plus valet libertas in velle, in recolere & in scire, quam regnum vel imperium habere. Deus hominem liberum in virtute creauit, sed per se in seruitute deuenit: quoniam seipsum non cognouit. Quilibet homo libertatem potest habere ad amandum Deum, & ipsum charere tenere, quoniam neminem compellit ipsum amare. Homo qui est seruus peccati, liberam voluntatem non habet, quoniam iustitia ipsum incarcerationum tenet. Nullus homo qui est in virtute, est in seruitute: nec est liber, qui in peccato cecidit, quousque seipsum cognoscit. Melius valet seruitus cum poena, dum tamen ibi sit iustitia, quam libertas in honorificentia.

De Exemplo ramorum arboris

Apostolicis.

Narratur, quod voluntas & intellectus in quodam viridario erant, qui de Deo & suis operibus loquebatur. Intellectus autem dixit voluntati, quod ipse plusquam ipsa valebat, quoniam ipse transibat ad intelligendum supra sensitiuam & imaginatiuam. Supra sensitiuam transibat, cum gustus infirmus amaritudinem in pomo dulci sentiebat, & ipsum amarum iudicabat: sed ipse pomum dulce iudicabat, & intelligendo attingebat. Supra imaginatiuam transibat tunc, cum ipsa imaginabatur, quod Angelus cum se mouet de vno loco ad alium, imaginabatur, quod ipse per medium transibat, & quod ipse intellectus supra imaginationem intelligebat, in quantum intelli

intelligebat, quod Angelus secundum suam naturam per medium non transibat, sed secundum loci naturam per medium transibat, quem siquidem locum imaginatio imaginabatur. Voluntas autem respondit, & dixit, quod ipsa similiter supra sensitivam & imaginativam ascendebat, & etiam supra seipsam; supra sensitivam, sicut homo qui sentit famem, & ego volo, quod ieiunet; supra imaginativam, sicut homo qui imaginatur carnales delicias, & imaginationem in contrarium imaginari facio. Ascendo etiam supra me ipsam, inquantum Deum plus diligo quam me ipsam, & magis propter suum honorem laboro quam propter meum. Intellectus autem respondit & dixit, quod ipse supra seipsum ascendit ad Deum, inquantum seipsum mortificat, credendo de Deo hoc quod non intelligit ut Deum honoraret, & quod in illo gradu tantum, quantum ipsa volebat.

De Exemplo ramorum arboris celestialis.

NArratur, quod Saturnus & Iupiter Solem rogauerunt, quod diceret Deo, quod ipsi rogant ipsum quod inter ipsos medium poneret, quoniam complexiones contrarie quietem habere non possunt. Sol autem respondit eis, quod ipsi nesciebant, quid Deus heremite respondit. Et quomodo respondit, dixerunt Saturnus & Iupiter. Narratur, dixit Sol, quod quidam heremita in quodam monte stabat, qui plures temptationes habebat, & quotidie Deum rogabat, quod illas tentationes auferret ab eo, quoniam nimis ipsum vexabant. Deus autem respondit ei, quod illas tentationes sibi erant bonae, quoniam cum ipse per luxuriam ten-

tatus fuisset, ipse castitatem recolebat & amabat; & cum tentatus fuisset ad comedendum, ipse ieiunium diligebat; & cum tentatus fuisset ad dormiendum, ipse orationem recolebat & amabat; & cum tentatus fuisset per superbiam, suam vilitatem recolebat, & plura delicta, quae fecerat, & vile hospitium, de quo natus erat, & vile hospitium, in quo post mortem stare deberet, ubi vermes ipsum comederent, idcirco temptationes quas habebat ille heremita, excitabant & movebant ipsum ad faciendum bonum, & quod non esset ociosus, & quod semper faceret contrarium illarum temptationum. Idcirco ille heremita erat homo iustus, & quotidie magna merita acquirere per bonas operationes quas faciebat, & quia plures malas temptationes vincebat.

De Exemplo ramorum arboris Angelicalis.

NArratur, quod in quadam Ecclesia cathedrali erat quidam Episcopus, qui erat homo Idiotus, qui bene predicare nesciebat, nec suos canonicos reprehendere de malis, quae faciebant: quoniam eorum delicta nec defectus cognoscebat. Canonici autem desiderabant, quod ille Episcopus mortuus fuisset, & quod unum sapientem Episcopum haberent, qui sciret bene predicare, & eorum bonitates cognoscere. Accidit autem, quod ille Episcopus mortuus est, & habuerunt unum Episcopum discretum, qui bene praedicabat, & delicta & ceteros defectus quos faciebant, cognoscebat, & ipsos reprehendit tantum, quod ipsos in labore quotidie tenebat. Et accidit quadam die, quod canonici à quodam canonico veteri petierunt consilium, quid:

quid facerent de illo Episcopo, quoniā labores quos inferebat eis, sustinere nō valebant. Canonicus ille respondit dicens: quod facerent hoc quod bonus Angelus facit. Et quid facit bonus Angelus? dixerunt canonici. Respondit canonicus; bonus Angelus inuicem suos ramos miscet, & ipsos miscet in concordantiā; idcirco si vos misceatis desiderium, quod habuistis; quando alius Episcopus viuus erat, cum hoc quod de isto Episcopo cognoscitis, & quod mixtio sit in concordantiā, haberetis cum illo quietem: quoniam ipse est bonus, & vos bonos cognosceret, & sicut bonos diligeret; sed quod ille sit bonus & discretus, & vos sitis mali, & vultis, quod ipse sit sapiens, occasio estis de labore vestro.

*De Exemplorum arboris
auiternalis.*

NArratur, quod quidam prælatus fecerat vnum mortale peccatum valde turpe ad confitendum, & quidā princeps fuit in peccato luxuriæ. Accidit autē, quod ambo videlicet princeps & prælatus de confessione loquebantur; & prælatus à principe quæsiuit, si ipse confitebatur. Respondit princeps; quod veram confessionem desiderabat, quam habere non poterat; quoniam quando sibi venit in voluntate, quod confiteretur, considerauit; quod non dimitteret illud peccatum propter confessionem, idcirco confiteri nolebat: quoniam dicebat quod confessio nil valebat sine contritione & satisfactione. Prælatus autem dixit ad Principem, quod propter hoc confiteri non dimitteret: quoniam quamuis illa confessio, quantum ad saluationem sibi non sufficeret, tamen valeret sibi quantum ad corpus & quan-

tum ad animam: quoniam corpus passionem haberet, & anima verecundiā: & confessione utebatur, & etiam penas infernales recolebant, ex quibus confessor suus ei timorem faciebat, idcirco erat occasio boni sua confessio. Accidit, quod Princeps prælato credebat ex consilio, quod ei dederat: & propter exercitationem confessionis quam Princeps fecit: incipiebat contritionem habere, & penas auiternalis imaginari: intantum quod ipse quadam die seipsum vincere proponebat in faciendo veram confessionem, postquam toriens falsè confessus erat: tunc confitebatur cum intentione quod ad peccatum luxuriæ non rediret: & post confessionem se confirmatum sentiebat in via castitatis: & tunc misericordiam Dei laudauit & benedixit, qui ipsum recoluit. Et accidit, quod in alio tempore Prælatus à Principe petiit, si confessus erat. Et Princeps Prælato narrauit, quid ei acciderat per suum consilium. Et tunc Prælatus magnum placitum habuit: quoniam Princeps ei credebat. Et accidit, quod Prælatus fortiter mirabatur quid posset esse, quod ipse alium consulere sciebat, & non seipsum: & diligebat plus bonum Principis quam bonum suum: quoniam bonum Principis diligebat, & de suo peccato mortali in quo erat, non dolebat. Qui tunc proposuit, quod seipsum vinceret, & quod postquam alium consulit, quod seipsum consuleret. Et tunc à Principe quæsiuit, quod erat peius; aut auiternaliter stare in igne, aut vnum diem de verecundia habere. Et Princeps dixit, quod non erat magna quæstio, quare non requirebat responsionem. Prælatus autem tunc dixit ad seipsum, quod ipse credere volebat Principi, postquam Princeps sibi credebat: & quod seipsum vincere

vincere volebat cum consilio, postquā cum consilio alium vincebat, & volebat etiam se ita hilarem esse de suo bono: sicut de bono alterius. Et tunc Prælatus illud peccatum confitebatur, qui erat valdè verecundus: in quo quidem peccato diu stetit, & nullo tempore confessus fuit. Et post confessionem fleuit suum peccatum: & fuit homo iustus & sanctæ vitæ.

*De Exemplo ramorum arboris
maternalis.*

Narratur, quod misericordia, spes, pietas, aduocatio, humilitas, & virginitas, in voluntate sibi inuicem ebuliauerunt: quæ dixit eis, quod valdè contenta erat de earum societate: & ipsas rogauit, quod de ipsa non recederent. Ipsæ sex Domine voluntati responderunt, quod ipsæ cum illa starēt, dum tamen ipsas ociosas non teneret, neque earum contrarium diligeret: quoniam per ociositatem misericordiæ sequitur magnum malum: & idem de ociositate spei, pietatis, aduocationis & humilitatis: etiam virginitas est speculum domicellarū virginum & sponsarum Iesu Christi: in quo vident pulchritudines & dispositiones Domine nostræ, & eius alba vestimenta. Respondit voluntas, quod se totam dare volebat earum operationibus propter amorem Domine nostræ: nec volebat esse talis: sicut potestas vnius Principis. Et quomodo fuit illud? dixerunt sex Domine. Narratur, dixit voluntas, quod quidam Princeps valdè potens faciendi bonum, & euitandi malum post mortem patris sui proposuit delectari in venando, spaciando, comedendo, & cæteris huiusmodi, quæ ad corpus requiruntur. Et dum sic sua magna potestate quam ociosam habe-

bat, utebatur, in regno multū de malo propter suam ociositatem fiebat, & tunc dixit potestas ad regē: quod postquā ipse tenebat ipsam ociosam in bono, quod in malo ipsam ociosam non teneret. Et tunc Rex cum tota potestate sui regni & suæ personæ guerram fecit contra vnum regem à quo terram suā abstulit, & plures personas occidit, & fecit magnum malum, de quo computum habebit reddere in die iudicii tota sua potestas, quam habuit ad faciendū bonum & ad euitandum malum.

*De Exemplo ramorum arboris
Christianalis.*

Narratur, quod quidam homo peccator sepius imaginabatur sua magna peccata, & magnam iustitiam Dei, idcirco magnum timorem habuit de pœnis inferni. Peccator ille à misericordia Dei petiit consilium: quoniam propter magnum timorem quem habuit ex pœnis inferni, & quia recoluit iustitiam Dei, erat eius anima quotidie tristis, nec in bonitate Dei hilares potuit esse, nec ei seruire, nec etiā charitatem Deo nec suo proximo potuit habere, & sic de Deo erat quasi desperatus. Misericordia autem dixit ad illum peccatorem, quod tantum ipsam sicut iustitiam Dei recoleret in magnitudine bonitatis, potestatis, sapientiæ & voluntatis, & quod plus Deum quam seipsum diligeret, cum ita sit, quod Deus sit magis amabilis quam ipse, & tanto plus est amabilis, quanto est melior ipso, etiam quod seipsum iudicaret, postquam mortaliter peccauit, & hoc misericordia Dei ei consulebat, vt iustitia peccatorem non condemnaret, nec ei iniuriam faceret, postquam ille se iudicaret. Tunc vero dixit peccator ad misericordiam,

quod ipse sæpè fecerat hoc quod sibi consulebar, sed inuenire non potuit naturam in se, per quam damnationem suam posset amare, & amare iustitiam Dei in seipso: & sic cogitauit, quod illud iudicium, quod de se faciebat, nihil valebat, postquam veraciter illud non diligebat. Et tunc misericordia dixit, quod ipse erat deceptus, & per demonem tentatus, & quod punctum transcendentem non cognoscebat, per quem voluntas hominis iusti tunc ascendit, cum Deum plus diligit quam seipsam, diligendo hoc, quod Deus vult de ipsa iudicare, in quo quidem diligere voluntas habet passionem, in quantum damnationem diligit, quam Deus vult dare sibi: idcirco huiusmodi amare in me se fatigare non potest, nec oportet ipsum habere timorem de iustitia sorore mea: quoniam ipsa in aliquo contra iudicare facere non potest, nec contra punctum transcendentem amandi. Et tu peccator, dixit misericordia Dei, exemplum accipere debes in natura humana Iesu Christi, quæ se ad mortem in cruce iudicauit, vt naturam diuinam honorare posset. Dilige ergo omne istud, quod Deus vult de te agere & ordinare. Et postmodum tuum factum inter me & Deum dimitte, & tuam spem mihi trans mitte, quæ de te mihi memoriam faciat, & sis consolatus, nec timorem habeas, quod Deus tibi iniuriam faciat: quoniam si tibi faceret, mihi similiter & spei faceret, & faceret quod nunquam fecit.

De Exemplo ramorum arboris diuinalis.

NArratur, quod dare & accipere sibi inuicem in bonitate obuauerunt, à quibus bonitas quæsiuit,

quid vellent? cui dare respondit, quod erat nuncius largitatis, & veniebat, vt omnibus denunciaret, quod largitas dare vellet bonitatem, si ipsi accipere vellent ipsam. Accipere, autem dixit bonitati, quod nūcius erat necessitatis, & veniebat ad denunciandum hominibus, quod bonitatem acciperent, si largitas ipsam dare vellet. Tunc vero homines responderunt, quod ipsi bonitatem accipere vellent, si largitas ipsam dare vellet. Tunc vero dixit bonitas, quod ei placebat aduentus nunciorum, & aduentus voluntatis hominum sub tali conditione, quod largitas tantum daret, quantum homines acciperent, & quod homines acciperent tantum, quantum accipere possent. Et tunc largitas bonitatem dedit ex bonitate bonitati, vt bonitas esset contenta, & quod cum illa remanerent dare & accipere. Quæ si quidem bonitas hilaris fuit ex dare & accipere, & dixit hæc verba largitati: qui me dare vellet alicui, qui me accipere non posset, ipse me vti nesciret in dando nec in accipiendo, & me faceret ociosam, & potestatem sororem meam, quæ tantum dare potest, sicut accipere in amando, & in intelligendo.

De Foliis. Et primò de foliis arboris elementalis.



NARRATUR, quod sapientia & iustitia Dei sibi inuicem in homine obuauerunt: sapientia illum hominem prædestinare voluit, & iustitia ipsum iudicare, quantitas vero illius hominis dixit sapientiæ, & iustitiæ, quod ipsa volebat esse æqualiter ex ambabus, postquam ambæ æqualiter sunt Deus suus creator: veruntamen intelligere non poterat,

poterat, quod sua voluntas complere posset: quoniam si ille homo prædestinatus erat, intelligere non poterat, quod iustitia tantum haberet in ipsa sicut sapientia: & si homo iudicatus esset, intelligere non posset, quod sapientia tantum in illo homine haberet sicut iustitia. Et tunc sapientia & iustitia quantitati illius hominis responderunt, quod ipsa deberet esse ex ambabus æqualiter: sed modum scire non poterat, secundum quem æqualiter erat ex ambabus, nisi per punctum transcendentem, per quem humanus intellectus & voluntas supra eorum naturam ascendat, & quod illum modum intelligerent & amarent secundum diuinam naturam & societatem æqualem, quam habent in creaturis, ita quod vna alij iniuriam non facit: imo concordantiam habent in æquali possessione, in tantum quod sapientia illum hominem prædestinare potest, & iustitia ipsum iudicare, & potestas complere, prædestinare & iudicare. Et tunc quantitas secundum suam naturam de hoc mirabatur, quod iustitia & sapientia dicebant, & in eorum natura & concordantia suppositum, quod veritatem dicebant, & illam veritatem credebat, & amabat. Et quando accidebat, quod dubitabat, intelligebat, quod vni vel alij iniuriam faciebat, & quod volebat plus esse de vna quam de alia, & tunc de iniuria poenitebat, & misericordiam petebat.

De Exemplo qualitatis vegetalis.

Narratur quod quidam homo venit mistum sub quadam amigdalolo: illa amigdalus proiecit vnum florem, qui valde pulcher erat & albus, in quodam turpi loco qui fœtebat, idcirco flos illi homini conquereba-

tur de amigdalolo: quoniam ipsum diruebat de loco alto in infimo, & ille qui erat ita pulcher & albus, & qui redolebat, in loco nigro proieciebat & in loco fœtenti. Et homo dixit, quod ipse nesciebat illud, quod porcus ad pomum dicebat. Et quomodo fuit hoc? dixit flos. Narratur, quod pomus fecerat vnum pulchrum pomum, cui dedit valde pulchrum colorem, bonum saporem, & odorem. Accidit quod quando pomum fuit maturum, pomus ipsum ad terram cadere permittebat, quia volebat ibi esse. Et cum fuit in terra, venit quidam porcus qui erat valde turpis, & niger, & qui fœtebat: quoniam de sorde leuabar, & pomum accepit, & dum ipsum comedeat, pomum de porco conquerebatur, qui siquidem porcus ad pomum dicit hæc verba. Narratur, quod calor, humiditas, frigiditas, & siccitas in cerasis sibi inuicem obuiauerunt, quæ dixerunt quod in illis stare volebant, quia pulchræ erant, & sunt in magnis arboribus. Dum ita in illis cerasis stabant, & videbant, quod plus proficere in illis non poterant, nec ascendere in magnitudine bonitatis & virtutis, fuit concordatum inter ipsas, quod dimitterent illa cerasa, quæ stabant in arbore, & quod irent ad standum in cerasis, quæ cadebant in terra, quæ vna sus comedeat & sui filij: quoniam præualebant in substantiis animatis, licet non sint ita pulchræ, sicut sunt in substantiis vegetatis: & ratione huius maioris bonitatis, tu pomum appetitum habes, & desiderium descendendi de locis altis ad infima, quare de me nec de pomum conqueri debes.

De Exemplo relationis sensualis.

NArratur , quod relatio potentiae & objecti & actus magnam bonitatem in oculis quærebat, nec ipsam potuit inuenire: quoniam oculi de nocte non vident, & plura mala vident. Et quia magnam bonitatem inuenire desiderabat, & ipsam in oculis non inueniebat: ipsam in auribus quærebat, in quibus ipsam non inueniebat: quoniam aures de nocte non audiunt, dum homines dormiunt: & aliquando sermones malos audiunt. Deinde ibat quæsitum magnam bonitatem in naso, in quo ipsam non inuenit: quoniam nasus foetores sentit, & per ipsū trāseūt foetores intra, & exeunt extra. Ad gustum iuit relatio, quæ magnam bonitatem inuenire credebat, in quo ipsam non inuenit: quoniam ipse fatigatur in comedendo. Postmodum ad tactum iuit, in quo magnam bonitatem inuenire credebat, in quo ipsam non inuenit: quoniam sentit dolorem, calorem, & frigiditatem: quæ omnibus malum faciunt. Iuit etiam ad affatum, ut magnam bonitatem in ipso inuenire posset, quam in ipso non inuenit: quoniam pluries mentitur, & mendacia, quæ faciebat, erant mala. Relatio mirabatur valde: quoniam magnam bonitatem non poterat inuenire in corpore: & venit ad vnum pulchrum hospitium in quo ipsam quæsiuit, & ipsam non inuenit: quoniam Dominus illius hospitij mortuus erat illo die: & magnam bonitatem in diuitiis illius hominis quæsiuit, nec ipsam inuenit: quoniam dominus hospitij ipsas perdidit. Iterum iuit quæsitum magnam bonitatem in amicis illius hominis mortui, inter quos ipsam non inuenit: quoniam illum hominem obliti fue-

runt: qui multum ipsos dilexit, & per ipsum plura bona receperunt. Dum ita relatio ibat quæsitum magnam bonitatem de vno loco in alium, inuenit vnum hominem, qui fugit honorem, à quo quæsiuit, vbi magnam bonitatem posset inuenire: qui respondit ei, quod ipse nesciebat, vbi posset eam inuenire, postquam ipse ipsam non inueniebat in honore huius mundi, qui per tot homines diligitur. Et quomodo fuit illud? dixit relatio. Relatio dixit hoc, sæpius desideravi, quod magnam bonitatem inuenire possem, & quod cum illa possem esse, & participare: & cogitavi quod in illis rebus ipsam inuenire possem, quas homines desiderant habere, & propter quas plus laborant, quæ est honor huius mundi. Et quando veni ad honorem, & credidi in illo magnam bonitatem, & vtilitatem inuenire, in illo magnum laborem inueni, quem dant homines illis, qui honorem huius mundi diligunt, & habent, & ille ita magnus labor me dormire non permittit, nec etiā quiescere, nec habere aliquid bonum: imo honor huius mundi ita fortiter me oneravit culpis & peccatis, quod vix ipsa possum portare, & in ita magna inimicitia hominum me posuit, quod vbicumque vadam, vado in periculo mortis: quoniam volui magis honorari quam illi: idcirco fugio ab honore, nec volo aliquid habere de ipso, & sic cuiuscunque voluerit: quoniam in ipso nō est illud bonum, quod creditur esse. Et tunc relatio magnam bonitatem in hoc mundo non quæsiuit. Et ipsam quæsiuit in alia vita in substantiis spiritualibus, & in Deo, in quo completè ipsam inuenit, & cum illa stetit & remansit.

De Exemplo actionis & passionis arboris imaginæ.

NArratur, quod quidam homo peccator qui diu stetit in peccato mortali venatus fuit, & cito vnum leporem accepit, & tunc passionem quã ille lepus in morte sustinuit, est imaginatus: quoniam audiebat, quod ille lepus fortiter se conquerebatur, & leporarius sua ossa fregit ita, quod ille lepus se defendere non potuit, & per illam imaginationem quam habuit de passione leporis, imaginabatur passionem quam habent peccatores in inferno: & actionem quam dæmones habent supra illos in faciendo malum. Et tunc venit ei voluntas, quod de illo peccato mortali exiret, in quo diu stetit, & cum pecuniam accipere voluit, imaginabatur, quod misericordia Dei erat magna: & proposuit quod in morte confiteretur, & de illo peccato exiret. Et tunc in peccato remansit: veruntamen quotidie conscientia sua ipsum remordit propter imaginationem, quam de lepore habuit. Et quia conscientia ei dabat magnum laborem, peccatum dimittere volebat: & cum ad confessionem ire volebat, recoluit magnam misericordiam Dei, & stetit ita obstinatus, sicut stare solebat: quare ille homo proposuit, quod ex toto vnam partem eligeret: quoniam laborem in quo stetit, sustinere non potuit: & proposuit, quod pœnas inferni quas habent peccatores, non imaginaretur, aut quod non haberet spem in misericordia Dei: qui tunc iuit ad vnum discretum religiosum, à quo consilium quæsiuit: & cui laborem narrauit, in quo stetit. Ad quem dixit ille sapiens, quod ascenderet quandam altam turrim valdè, & quod staret bene superius in muro in vno pede, ille ho-

mo peccator in turrim ascendit, & facere voluit hoc, quod ille sapiens ei consuluit: sed propter imaginationem, quia periculum mortis imaginabatur, non fuit ausus facere hoc, quod sapiens ei consulebat. Et tunc sapiens dixit ei hæc verba: quod erat maius periculum, aut cadere de turri ad terram, aut cadere de hac vita ad infernum? Et tunc peccator ita fortiter imaginationem in imaginando pœnas inferni multiplicauit, quod propter timorem quem habuit de passionibus inferni, confessus est, & misericordiam Dei sperauit, & de peccato in quo erat, exiuit: qui fecit satisfactionem & sanctam vitam per gratiam Dei.

De Exemplo habitus arboris humanæ.

NArratur, quod pulchritudo & bonitas ad quandam Dominam venerunt, vt cum ea remanerent: & pulchritudo in corpore remansit, & bonitas in anima. Et per hos duos habitus, ex quibus illa Domina erat induta, ipsa magnam famam habebat in ciuitate: quoniam sæpe de sua pulchritudine & bonitate loquebantur. Illa Domina maritum habebat, qui erat turpis & malè morigeratus. Idcirco pulchritudo Domine conquerebatur bonitati de turpitudine mariti: quoniam non placebat ei participare cum suo contratio. Vnde bonitas Domine pulchritudini dicebat, quod illa nesciebat exprobrationes, quas faciebant flamma & oleum in lampade. Et quomodo fuit hoc? dixit pulchritudo. Narratur, dixit bonitas, quod in quadam camera erat lampas, quæ qualibet nocte comburebat, & flama illa cameram illuminauit, in qua depicti erant vnus homo & vnus dæmôn: ille homo indutus erat

albis vestibus, & habebat valdè pulchram figurā: & dæmon indutus erat de vestibus nigris, & erat factus de valdè turpi figura. Et tunc flamma magnum placitum habuit in ostendendo illas duas figuras: quoniam per turpem figuram dæmonis, & nigra indumenta gentes laudabant pulchritudinem figuræ hominis, & pulchritudinem suorum indumentorum. Dum flamma de bono opere quod faciebat, gloriabatur, oleum de flamma conquirebatur, quod ipsam consumpsit: & dixit, quod ipsum passionem habere nolebat, vt flamma delectationem haberet. Flamma vero dixit ad oleum, quod ipsum sine labore & passione participare non potuit in bono opere, quod ipsa faciebat. Tunc vero pulchritudo erat contenta de bono exemplo, quod bonitas narrauit.

*De Exemplo situs arboris
moralis.*

NArratur, quod in vno festo quidam Princeps sedebat in folio: & erat vestitus auro & serico: & in suo capite habebat coronam ex auro & lapidibus preciosis, & in sua manu tenebat virgam auream: & ante illum Regem stabant multæ gentes quæ dicebant, quod Rex sedebat multum nobiliter in suo folio, & quod bene significabat sua situatio nobilitatem Regis: veruntamen in anima ipsius erat malè situatus: quoniam nullus eum amabat, imò gentes desiderabant suam mortem, propter mala opera quæ faciebat, quia multum erat homo vitiosus, & multum malè morigeratus, & inimicus virtutum. Et dum ita Rex sederet, suum corpus dixit animæ suæ. O anima amica mea gaude de meo honore. Anima respondit, & dixit oculis illius

corporis, quod lætarentur de illo honore corporis: & quod aures fierent propter dedecus, quod Rex habebat in verbis gentium, quæ dicebant multum malum de Rege, qui in illis verbis stabat magis inhonoratus, quam in folio honoratus. Idcirco riserunt oculi & fleuerunt aures. Et anima cogitauit, quod illud corpus diu viuere non posset.

*De exemplo temporis arboris
Imperialis.*

NArratur, quod quidam Princeps vnā filiam habebat, quam multum diligebat: quoniam non habebat alium filium, nec filiam nisi illam, nec habere credebatur. Rex vero dixit filiæ suæ, quod sibi maritum dare volebat, & post mortem suam volebat, quod suus maritus esset Rex. Domicella autem dixit patri suo, quod ipsa maritum habere nolebat: quoniam semper virgo permanere desiderabat in gloria, in præsentia dominæ nostræ, cui voluit in aliquo assimilari, vt domina nostra propter illam assimilationem ipsam plus diligeret. Pater autem suam filiam reprehendit: & dixit, quod ipse volebat, quod de suo genere remaneret Rex in suo Regno, qui esset filius suæ filiæ: & sic successiue de vno Rege in alium, vsque ad finem mundi. Et tunc domicella suum patrem rogauit, quod ei veritatem diceret de vna petitione, quam sibi facere volebat. Et Rex dixit, quod sic. Tunc domicella dixit suo patri: si credebatur quod plures Reges mali essent quam boni? Et Rex dixit, quod in suo tempore, plures erant mali quam boni, etiam in tempore præterito, in quo secundum famam plures erant mali Reges, quam boni. Etiam quæro, dixit domicella, si cre-

ditis

ditis quod in vestro populo sint plures homines mali, quam boni? cui Rex respondit, quod in suo regno plures essent mali, quam boni. Iterum quæro, dicebat puella, si creditis fecisse plus de malo quam de bono? Rex vero suæ filiæ respondit, quod plus fecit de malo quam de bono. Tunc vero domicella dixit, quod secundum responsionem quam fecit ipse, velle non debebat, quod de suo corpore exirent homines, qui essent magis mali quam boni, & qui aliquod vituperium Deo facerent, & qui irent ad standum in inferno Deum æternaliter blasphemando, & illud genus, de quo processerunt. Tunc vero Rex qui erat homo peccator, propter verba quæ dixit ei filia sua, habuit contritionem de suis peccatis, de quibus fecit satisfactoriam, & fuit homo sanctus & de bona vita.

*De Exemplo loci arboris
Apostolicæ.*

NArratur, quod potestas, sapientia, & voluntas æqualitatem rogauerunt, quod cum illis iret in societatem: quoniam ipsæ volebant ire in quodam loco, ubi bona opera habere possent. Æqualitas autem eorum precibus cōsentiit. Et dum ibant quæsitum locum, ubi æquales operationes habere possent, bonitatem inuenerunt, in qua se posuerunt. Et dixit voluntas, quod ipsa bonitatem amare volebat de tota seipsa. Et sapientia dixit, quod ipsa scire volebat de tota seipsa bonitatem. Et potestas dixit quod ipsam possiccare volebat de tota seipsa. Et æqualitas dixit, quod æqualiter volebat, quod bonitas esset amata, scita, & possiccata cum tali cōditione quod bonitas æqualiter bonificaret potesta-

tem, sapientiam & voluntatem: bonitas vero dixit quod ipsa erat contenta. Et tunc dixit, monachus Raymundo, quod ipse modum narraret. Raymundus autem respondit, quod modus erat in hoc, quod quinque Domine per vnum modum fuissent, vnam agens, quod esset potestas, sapientia, volūtas, æqualitas, & bonitas: & quod per aliū modum essent vnus agibilis. Et quod ex ambobus vnū operari exiret, quod esset omnes quinque Domine, & per illud intellexit Monachus modum sustentatum in æqualitate bonificandi, possificandi, intelligendi, amandi, & æqualificandi: sed intelligere non poterat, quod ille modus posset esse sine loco continentis & contenti, qui in illo modo esse non poterat; tunc Raymundus dixit ad Monachū hæc verba. Narratur, quod ignis, aër, & aqua, & terra facere voluerunt vnam peregrinationem, & venire in vno loco, in quo significarent operationem, quæ non est in loco continentis, & contenti. Et tunc intrauerunt in pomo, quod est de omnibus quatuor, ita quod non est contentum, nec ipsa sunt intra, nec ipsum est extra, nec ipsa sunt intra. Et dum ipsa hanc significationem faciebant memoriam, intellectum & voluntatem inueniebant quæ stabant in anima in qua fortius faciebat significatio. Idcirco dixit Raym. Monachus, quod postquam anima fortius significabat interioritatem, quam quidem formæ diuinæ habent in aliis sine terminatione continentis & contenti, quam habent quatuor elementa in pomo, quanto magis illa natura, quæ est magis supra quam anima, & longior à loco, significat fortius interioritatem vnus formæ in alia sine existentia continentis & contenti.

De Exemplo quantitatis cœlestialis.

NArratur, quod circulus, quadrangulus, & triangulus sibi inuicem obuiauerunt in quantitate, quæ erat eorum mater, quæ tenebat vnum pomum auri. Et quæsiuit à suis filiis, si ipsi sciebant cui illud pomum dare debebat: cui respondit circulus quod ipse ipsum habere debebat, quia ipse erat primogenitus, & erat maior & fortius currebat quam sui fratres; quadrangulus vero dixit, quod ipse ipsum habere debebat: quoniam propinquior erat homini quam circulus, etiam erat maior quàm triangulus; triangulus è cōuerso dixit, quod ipse ipsum pomū habere debebat, quia erat propinquior homini quam circulus, & similior Deo quam quadrangulus. Et tunc quantitas suo filio triangulo dedit pomum. Sed Aries & eius fratres, & Saturnus & sui fratres quantitatem reprehenderunt, qui dixerunt quod male iudicabant: quoniam cum Deo nullam similitudinem habebat in longo, amplo, & profundo, & circulus similitudinem habebat, quia non habebat principium neque finem. Et quadrangulus reprehendit quantitatem, & dixit, quod nō bene iudicauit, quia ipsa erat similior Deo in quatuor elementis quam triangulus: quoniam sine quatuor elementis non possent esse homines, qui sunt vt Deum diligant & cognoscant. Triangulus autem suam matrem excusauit quantitatem, qui dixit, quod ipsa bene iudicabat, inquantum ipse erat similior animæ hominis & Trinitati Dei per numerum ternalem, quam suus frater circulus & quadrangulus: veruntamen pro tanto errauit, quia ei dedit pomum rotundum, quod non erat de sua figura.

De Exemplo qualitatis arboris Angelicalis.

NArratur, quod quidam heremita veniebat ad fontem ad potandum de aqua, vbi inuenit vnum dæmonem qui plorabat, quia fecerat vnum Monachum peccare cum vna Monacha. Heremita autem petiit à dæmone, quare plorabat, postquam suam voluntatem compleuerat in faciendo malum. Sed dæmon respondit, quod plorabat, quia maiorem pœnam quam primo habebat: quoniam propter illud malum quod fieri fecerat, sibi pœna multiplicata erat. Heremita ad dæmonem dixit quærens ab eo, quare faciebat homines facere malum, postquam sua pœna crescebat? Narratur, dixit dæmon, quod vnus coruus à quatuor elementis quæsiuit, de quo viuebant. Ignis vero respondit, quod ipse viuebat de terra, inquantum ab ipsa accipit siccitatem. Aër vero dixit, quod ipse de igne viuebat, inquantum ab eo recipit calorem. Sed aqua dixit quod ipsa viuit de aère, inquantum humiditatem recipit de ipso. Et terra dixit quod ipsa de aqua viuebat, inquantum ab ipsa recipit frigiditatem. Coruus vero ab illis quæsiuit: si eorum vita in suum contrarium conuertebatur, quid de ipsis esset in substantis elementatis. Et elementa coruo responderunt quod si ipsa in substantias elementatas peruerterentur, essent febribus similia. Et tunc heremita intellexit, quod in dæmone suæ qualitates peruersæ sunt de bono in malum, & quod ipse facit malum ita scienter, vt habeat malum: sicut homo iustus qui scienter bonum facit, vt habeat bonum.

De Exemplo relationis æternalis.

Narratur, quod Paradisus infernum deridebat, quia erat niger, & infernus è conuerso Paradisum, quia in ipso erant pauci homines: quoniam homines qui erant in sua nigredine, plures erant quam illi qui erant in albedine Paradisi. Et tunc dixit Paradisus. Domine nostræ, quod valdè male erat contentus de derisione quæ ei fecerat infernus. Quare ipsam rogauit quod suum Filium Iesum Christum rogaret, quod ex tunc ire non permetteret aliquem hominem in inferno, vt omnes homines venirent ad eum. Et vt in ipso essent plures homines quam in inferno: quoniam rationabile non est, quod infernus qui est ita malus in se habeat aliquid per quod maior sit, quam ego qui sum ita bonus. Cum ita sit quod relatio debeat esse maior inter gloriantem & gloriabilem, quam inter tormentantem & tormentabilem: & tunc Domina nostra respondit Paradiso, quæ dixit hæc verba. Narratur, quod quidam Rex qui valdè iustitiam diligebat vnū filium habuit de regina sua muliere, quæ erat valdè bona domina. Accidit quadam die, quod regina suum filium portauit in quodam viridario; vt cum illo in illo viridatio hilaritatem haberet. In illo viridario erat vnus lupus, qui venit ad reginam, quam malè vulnerauit, & ab ipsa suum filium abstulit, quem in suo brachio portabat, quem adduxit ad lupam suam vxorem, & ad filios suos, vt ipsum comederent. Lupus vero ipsum comedere noluit, sed ipsum nutritiuit sicut suos filios; qui cum ipso luserunt. Et quando magnus fuit, & filij lupi fuerunt magni, insimul iuerunt per nemus in quo erat

plures malæ bestię. Et filius regis conuenit carnes crudas comedere ad modum luporum, & occidebat homines, & oues furabatur. Et tunc Paradisus cognouit, quod per hoc quod Domina nostra dicebat, quod propter malas consuetudines hominum, qui oues comedunt, & qui in suis operibus suis patribus & matribus non simulantur, qui in hoc mundo bonas consuetudines habuerunt, tot homines in inferno iuerunt, & in ipso ita pauci intrauerunt. Et tunc lupum qui abstulit de regina filium, maledixit, qui docuit alios comedere oues crudas, etiam domicellas reginæ maledixit, quæ non iuerunt quæsitum filium suum, nec ipsam associauerunt, cum viridarium intrauit.

De Exemplo actionis & passionis arboris maternalis.

Narratur, quod actio & passio in Iesu Christo sibi inuicem obuiauerunt, & in ipso diu steterunt: postmodum vero ipsas ad sanctum Petrum transmisit, qui dixit ad actionem quod staret in anima sancti Petri, & quod passio in corpore illius staret. Et dixit ad fidem, spem, charitatem, iustitiam, prudentiam, fortitudinem, temperantiam, humilitatem, castitatem, misericordiam, & pietatem, quod ipsas associarent vsque ad sanctum Petrum, & quod quamdiu essent actio & passio in beato Petro, ab ipsis non recesserunt. Veruntamen si actio stare veller in corpore & passio in anima, quod recederent ab earum societate, & lupos permetterent oues comedere. Et dixit ad iustitiam, quod pastores puniret, qui bene oues non custodiunt. Sed ad hos sermones respondit Domina nostra,

quæ dixit, quod peccatores in ipsa actionem habuerunt, quia erat mater eorum & fons, ubi spem portabant, & ubi misericordiam inueniebant: idcirco non oportebat, quod virtutes ex toto recederent à beato Petro: quoniam beatus Petrus in ipsa spem habere non poterat. Tunc vero Iesus Christus dixit ad virtutes, quod fieret hoc, quod sua mater velleret: quoniam ipsa actionem in ipso habebat, postquam filius suus erat, & ipsum nutrierat.

*De Exemplo habitus arboris
Christianalis.*

Narratur, quod necessitas & contingentia in differentia sibi inuicem obuiauerunt, quæ ipsas de suo panno vestiuit, & ipsas ideas vocauit. Et ipsæ à differentia quæsierunt, quod postquam erant differentes, quare ipsas induit de vno eodem panno. Et differentia respondit, & dixit, quod differentes erant in creaturis, & non in creatore: quoniam in creatore ambæ sunt vna idea, & ratione vnitatis ipsas induit ex vno eodem panno, ratione cuius ipsas ideas vocauit. Et quia habitus diuersi erant in figura, erat pannus diuersificatus in figuris in diuersis creaturis sustentatis. Et tunc Monachi dixit Raym. quod illud exemplum sibi explicaret: quoniam ita erat subtile, quod ipsum intelligere non potuit. Raym. respondit ei, quod illud exemplum erat scriptum, & quod ipsum toriens legeret, quousque illud intelligeret, cum ita sit, quod habitus scientiæ iuuatur ex pluribus regressibus: veniuntamen si ipse tribus vicibus non intelligeret illud, quod legerat, quod legeret in arbore diuinale in capitulo de habitu: quoniam in illo passu

significatum erat id, quod de idea prædixerat. Et Raym. consuluit Monachum, quod teneret hunc ordinem in aliis locis huius libri, in quibus quædam per alia intelliguntur.

De Exemplo situs arboris diuinæ.

Narratur, quod quidam homo Deum considerauit, quomodo fuit Deus, & stetit antequam mundus fuit: quoniam dixit quod Deus corpus non habet: & dixit, quod non stetit circulariter, quadrangulariter, nec triangulariter. Et quia imaginari non poterat secundum tres assituationes corporales, supposuit, quod Deus nihil esset: quoniam si aliquid esset, sub aliqua prædictarum assituationum staret. Et cum supposuit, quod Deus nihil esset, habuit valde magnum dolorem in sua anima, & dixit, quod omnia ieiunia quæ fecerat, perdidit, & omnes orationes Dominicæ, quas fecerat propter amorem Dei: quia supposuit, quod non erat alia vita, quam ista, in qua sumus. Et tunc noluit amplius ieiunare, nec orationem Dominicam dicere. Et proposuit, quod iret ad quandam ciuitatem ad accipiendum uxorem, & quod corporales delitias haberet, quas habere posset. Dum autem heremita de monte descendebat ad eundem ad ciuitatem, ipse inuenit vnā columbam, quæ stabat in arbore, quæ ab heremita quæsiuit, quo ibat. Heremita vero narrauit ei, quod sibi acciderat. Et tunc columba dixit heremite hæc verba. Narratur, quod quidam Christianus, & quidam Saracenus disputauerunt, & inuicem de Deo loquebantur. Christianus vero à Saraceno quæsiuit, ubi erat voluntas Dei, antequam mundus creatus esset. Saracenus

nus respondit ei, & dixit, quod stabat in amante, amabili & amare. Sed Christianus à Saraceno quæsiuit, si inter ipsos erat distinctio. Saracenus respondit, quod non. Et tunc Christianus dixit, quod postquam inter ipsos non erat distinctio, in ipso voluntas esse non potuit, & postquam non habuit in quo stare posset, non potuit esse aliquid. Et tunc Saracenus dixit, quod ipsa voluntas erat in seipsa. Et tunc Christianus quæsiuit, si erat in seipsa sine tribus, quoniam sine illis esset ociosa. Saracenus dixit, quod stabat cum omnibus tribus. Et Christianus dixit, quod non poterat esse in seipsa sine distinctione omnium trium: quoniam sine distinctione non essent tres, nec duo, nec esset numerus trium, sed voluntas esset ipsis vacua. Et ad hoc Saracenus respondere non potuit. Hoc idem dico vobis, dixit Christianus, de bonitate Dei, quarens à Saraceno ubi erat antequam mundus erat. Et Saracenus non fuit ausus dicere, quod erat in bonificante, bonificabili & bonificare, ut non consentiret productionem personarum diuinarum, & dixit quod erat in seipsa sine bonificante, bonificabili, & bonificare. Tunc vero Christianus dixit, quod ipsa erat ociosa, & vacua magnitudine potestatis, & finis, & sine magnitudinis: quoniam magnitudo bonitatis est quod sit ita magna in agendo, sicut in existendo: vacua esset potestate, quoniam in seipsa non haberet potestatem nec in alio, nec aliud haberet potestatem in illa nec de illa: vacua esset sine, quoniam ex ipsa nullum bonum sequeretur. Et tunc Saracenus fuit cōuictus ratione productionis diuinalis quam Christianus ei probauit. Et heremita cognouit quod assuatio Dei non erat in subiecto cor-

porali, sed spiritali: sicut voluntas quæ est in amante, amabili & amare, & bonitas in bonificante, bonificabili & bonificare, spiritaliter & non corporaliter. Tunc vero heremita rediit ad suum heremitagium, qui tentationem cognouit, quæ dæmon sibi procura uir, & remansit bonus homo. Et dixit quod bonitas virtuosa & acquisita non erat in circulo, quadrângulo & triângulo. Sed in bonis operibus, quæ sunt de genere virtutis acquisitæ, quæ est bona virtus.

*De Prouerbiis florum arboris
elementalis*

Melius valet aurum in hominē paupere, quā in diuite. Ille ignis est bonus qui hæreticos comburit. Melius valet ignis in calore cordis, quā aqua in albedine faciei. Melius valet nigredo in ferro, quā albedo in argento. Ignis qui est in lapide tenet captum illud quod ipsum non trahit. Lux ignis noctem vincit. Ignis qui descendit est similis lupo qui de monte descendit ad valles ubi stant oves. Nullus ignis per suam naturam est frigidus, & nullus malus nuncius pacis bene procurat. Ignis descendit cum humilitate, & ascendit cum superbia. Si non esset ferrum in pede equi, non esset aurum in capite Regis.

*De Prouerbiis florum arboris
vegetalis.*

Cucurbita quæ seruiebat piperi malum de aqua & de seipsa dicebat. Superbia esset rosa, si inter spinas nata non esset. Quam citius flos amigdali erat vacuus super terram cadebat. Ille ignis qui in oleo inuisibilis est, in flamma apparet. Piper alleum increpauit,

quia albas vestes induebat. Piper in omnibus terris non nascitur. Equus regem reprehendit, qui malum de ordeo dicebat. Vinum cor confortat cum calore, & cerebrum cum siccitate destruit. Vinum in vegete fortius est, quam in cipro, & propinquior est suo fini in cipro, quam in vegete. Malefacit scarabatus, qui nascitur cum nigro colore ex farina alba.

*De Prouerbiis florum arboris
sensualis.*

OCuli ad intellectum dixerunt, quod Deum in sua infinitate intelligeret, & intellectus ad oculos dixit, quod ipsi solem in meridie respecerent. Rogauit mulus equam matrem suam, quod non diceret, quod ipse esset filius asini, ipsa vero respondit ei, quod ipse hoc in sua figura significabar, quare ipsa hoc celare non potuit. Inuenit mulus equum & asinum, qui equum salutauit, & asinum salutare noluit. Quidam homo locum videbat, in quo timorem habebat, & suos inimicos recolebat. Anima suum peccatum recoluit, & oculi plorabant, & os ieiunia faciebat. Cum homo cum cultello carnes scindebat, molliorem sentiebat: & quando ossa scindebat, duritiem sentiebat. Sentit homo amaritudinem in pomo dulci, ut intellectus infirmitatem intelligeret, & ut voluntas sanitatem amaret. Nulla aqua calorem sentit, nec aliqua visibilitas videtur. Oculi visibilitatem videre desiderant, & colorem vident, qui non est de essentia visibilitatis, Nullus homo est visibilis.

*De Prouerbiis florum arboris
imaginatis.*

NVlla imaginatio videtur. Anima irrationalis dormit, cum sine imaginatione sensitiuam mouet. Imaginatio imaginari potest in vno tempore totum circulum villæ, & non totum circulum firmamenti. In hac vita melius est mortem imaginari, quam vitam. Mala est imaginatio, quæ pulchritudinem sine bonitate imaginatur. Princeps prius furcas quam coronam imaginari debet. Imaginatio maiorem habet concordantiam cum intellectu quam cum voluntate. Sine multiplicatione speciei imaginatio se extendere non posset in magnitudine. Omnis imaginatio est instrumentum imaginantis & imaginabilis. Propter nimium imaginari est memoria infirma.

De Prouerbiis florum arboris humanis corporalis.

VIta hominis consistit in concordantia suarum partium. Homo peccator in aliqua re, quæ spectat ad Deum ius habere non potest. Ille homo est demonis, qui plus seipsum quam Deum diligit. Qui plus Deum quam seipsum diligit, plus ei honorem procurat. Vtilius est homini bene cogitare, quam bonum sentire. Vix est aliquis homo, qui facit hoc propter quod creatus est. Omnes homines qui bonam famam habent, boni non sunt. Bona fama in malo homine est habitus hypocrisis. Ille homo minus valet quam asinus, qui plus per corpus quam per animam vult valere. Ille homo qui sæpius imaginatur unde venit, scit vias diei & noctis.

De Prouerbiis florum arboris humanalis spiritualis.

Voluntas intellectum rogauit, quod diceret suo amato, quod plus ipsum, quam seipsam diligebat. Idcirco intellectus plus Deum, quam seipsum voluit intelligere, & memoria plus ipsum, quam seipsam recolere. Si voluntas valde suum amatum dilexisset, ipsum obliuioni non dedisset. In vna manu amati vidit intellectus vnū entem, & in alia florem, idcirco dixit voluntati, quod timorem haberet, & quod ad misericordiam spem transmitteret. Voluntas tantum suum amatum dilexit, quod ad amandum seipsam sibi tempus non sufficit. Memoria amatum recoluit, & intellectus ipsum intellexit, & voluntas desiderauit, quod per omnes homines honoratus esset. Voluntas ad amatum spem transmissit, vt. de peccatoribus memoriam & pietatem haberet. Voluntas prænimo amare infirmabatur: & maius recolere & intelligere cum bonitate amari sui ipsam curauerunt. Memoria, intellectus, & voluntas sua peccata plorauerunt: & amatus charitatem & spem eis transmissit. Voluntas, quæ bonum diligit, flores albos colligit, & voluntas, quæ malum diligit, nigros flores colligit. Voluntas ad amatum ascendit, & dixit ei, quod mundus qui suus est, per malos homines destruitur.

De Prouerbiis florum arboris moralis virtuosæ.

Iustitia, prudentia, fortitudo, & temperantia collegerunt alba merita: vt cum albis vestibus amato seruirent. Fides plorauit, & iuuenem à suis hominibus petit & petit, & vix est ali-

quis, qui ei respondet. Charitas iustitiæ de malis hominibus conquerebatur, qui ipsam nolunt amare: & spes misericordiam recoluit. Ille homo qui timorem habet de iustitia, habet defectum charitatis. Magna iustitia tantum timibilis non est, sicut priuatio magnæ spei. Ille homo discretus est, qui antequam loquatur, veritatem & prudentiam recolit. Nullus homo iustus est, qui de iustitia spem non habet. Vis melior est in prudentia, quam in lignis, vel in ferro. Qui de virtutibus est indutus, de aliquo indigentiā non habet. Si Deus homini virtuoso deficeret, contra iustitiam, charitatem, & spem esset.

De Prouerbiis florum arboris moralis vitiosæ.

Temperantia de gula conquerebatur: & iustitia fortitudinem puniuit. Qui culpas colligit in amando, colligit pœnas. Quia superbia est vitiosa cum credit ascendere superius, descendit inferius. Ille filius, qui in luxuria principiatus est, pœnam habet propter culpam sui patris. Nullus avarus habet spem. Homo iratus à prudentia, quam alius homo est remotior. Quia inter Deum & vitium non est aliqua similitudo, vitium non potest esse creatura. Nullum vitium cum esse habet concordantiam. Inter vitium & culpam non est aliqua differentia. Peius est vnum vitium in anima, quam mille vitia in corpore.

De Prouerbiis florum arboris Imperialis.

Iustitia Regis est pax sui populi. Pulchrior est iustitia Regis, quam sua corona. In honore Regis est suus

populus honoratus, Nulla magna seruitus est durabilis. Nullus homo solus de malo Principe se defendere potest. Nullus homo securus est in amicitia Principis. Malus Princeps & maior demon societate fecerunt. Potestas mali Principis est carcer sapientiae & voluntatis. Difficile est, quod Princeps munus sit humilis. In nullo homine est humilitas ita pulchra, sicut in Principe.

De prouerbiis florum arboris apostolicalis, & de articulis deitatis.

Cum ita sit, quod hoc quod est, est quia Deus est: si Deus non esset, nullum aliud ens esset. Si plures dii essent, infinitas nihil esset. Impossibile est quod duo Patres sint infiniti. Propter tactum diuinarum rationum nascitur Filius Deus ex Deo Patre. Ex obuiatione Patris & Filij exit Spiritus sanctus. Si mundus posset esse aeternus, posset esse possibilitas sine positiuitate. Recreatio mundi seruitutem hominum duplicauit. Omnis homo creatus est ad cognoscendum magnam gloriam Dei. Nullum ens deuiare potest mundum a fine propter quem creatus est. Deus plus potest in seipso quam in alio.

De prouerbiis florum arboris apostolicalis, & de articulis humanitatis.

Nobilior est, & melior conceptio Iesu Christi, quam recreatio mundi. Quia ad Deum melius spectat magna bona producere, quam parua: melius nasci potuit ex Virgine, quam mundum creare. Per mortem Iesu Christi uiuit magnum amare hominum. Descendit Iesus Christus in inferno, ut ad caelos sanctos homines ascendere faceret. Resurrectio Iesu

Christi est speculum vniuersalis resurrectionis. Finis humanitatis Christi est in supremis. Magnitudo iudicandi est in veritate sentiendi & intelligendi. Qui odit Iesum Christum, odit finem omnium rerum. Nullum nomen est virtuosius, quam nomen Iesu Christi. Nulla testimonia veriora sunt, quam articuli fidei.

De prouerbiis florum arboris celestialis.

Elementare est flos leonis, folis, & diei dominicae. Vegetare est flos Sagittarii, Iouis, & diei Iouis. Sentire est flos Capricornij, Saturni, & diei sabbathi. Imaginari est flos Cancrj, Lunae, & diei Lunae. Aries, taurus, & Gemini homines derident, qui dicunt, quod ipsi sciunt omnes eorum naturas. Sol & Venus Mercurium increpauerunt, qui homines musare facit in argento uiuo, quod in terra nascitur. Quis est ille, qui scire posset, quoties sibi inuicem obuiauerunt Aries, Taurus, Gemini, cum Saturno, Ioue & Mercurio? Plus valet argentum in bursa, quam in Mercurio. Haereticus est ille, qui maiorem habet timorem de Gemini & de Cancro, quam de Deo. Potestas, sapientia, & voluntas Dei inuicem maiorem habent amicitiam, quam Capricornus, Mars, & dies Sabbathi.

De prouerbiis florum arboris angelicalis.

Maior est gloria sancti Gabrielis, quam suum torum, vel suae patres. Cum homo peccat, suo bono angelo vituperium facit. Bonus angelus consulit cum intelligere, & angelus malus cum imaginatione, Bonus angelus

angelus consulit ad superius, & malus angelus ad inferius. Malus angelus consulit cum falsitate & magisterio, & bonus angelus cum magisterio & legalitate. Nullus dæmon in se concordantiam habet. Ita est pœna in dæmone: sicut motus in circulo. Quilibet dæmon seipsum, & alium tormentat. Malus angelus peruersus est totus in malum & peccatum. Nullus dæmon habet spem, neq; charitatem.

De Prouerbiis florum arboris æternalis.

INferne, dixit Paradisus, quid desideras? paradise, dixit, quod nullum bonum habeas. Inferne, quare es iratus? Paradise, quia per Christum sum spoliatus. Inferne, quare malefacis tuo amico? Paradise, quia bonum publicum non diligo. Inferne, habes multum quod possis bibere & comedere? Paradise, homines non cessant peccare. Inferne, potauisti sanguinem Regis? Paradise, totus sum rubedine plenus. Inferne, quid in tuo hospitio est solum? Paradise, desperantia & omne malum. Inferne, poterit aliquis de te exire? Paradise, nemo potest in me poenitere. Inferne, quare tot homines es potatus? paradise, quia Christus parum est cognitiss & amatus. Inferne, quare es ita malus? Paradise, quia non sum legalis. Inferne, de quo habuisti timorem? Paradise, de Christo, qui in hominibus præbet contritionem.

De Prouerbiis florum arboris æternalis.

Mater, dixit Christus, estis saluata. Fili, dixit ipsa, sum & sæpius dicta beata Mater, quid dicunt peccatores? Fili, dicunt, quod tu es miseri-

cordiosus, & veniam eis præbes. Mater, quare sunt tot peccatores? Fili, quia non habent bonos pastores. Mater, quomodo possem te hilarem facere? Fili, quod tibi placeret multum parcere. Mater, gentes nimis me oblitæ sunt? Fili, de ipsis pietatem habere memero. Mater, ego parcerem ei qui vellet. Fili, viam peccatoribus ostende. Mater, habes ne pietatem? Fili, & propter quid ego tantum fleui. Mater, quare me rogas ita sæpe. Fili, quia mundus est in perditione. Mater, tot homines me deamant? Fili, & tot homines me reclamant. Mater, quare tantum veniam diligis? Fili, quia mihi non contradicis.

De Prouerbiis florum arboris Christianalis.

Humanitas mea amica, tantum te honorauit. Ha deitas, mea domina, tot pœnas ad te honorandum sustinui. Ha humanitas, totus mundus ad te est creatus. Ha deitas, totus mundus in me per te est recreatus. Ha humanitas, de me non debes cõqueri. Ha deitas, me facias multum cognosci & honorari. Ha humanitas, tu es in me Deus. Ha deitas, mundus per me est tuus. Ha humanitas, pete. Ha deitas, meam matrem gentes reclamant. Ha humanitas, magnum bonum tibi volui. Ha deitas, Hierusalem est amissa. Ha humanitas, valde pulchrum habes hospitium. Ha deitas, parentes meos de malo hospitio defende. Ha humanitas, valde es pulchra. Ha deitas, plures homines me vocant. Ha humanitas, valde es ornata. Ha deitas, per homines valde sum rogata. Ha humanitas, tu es mea pulchra similitudo. Ha deitas, propter me facias misericordiam.

*De Prouerbiis florum arboris
diuinalis.*

HA fili Deus! meum cor tantum diligit. Ha Deus Pater, Spiritus sanctus es flamma. Ha Pater & Fili infinite. Ha Spiritus sanctus, qui es ex ambobus productus. Ha generatio infinita. Ha spiratio complera. Ha spiratio æterna passiuæ. Ha spiratio æterna actiuæ. Ha passio, tu vis esse infinita. Ha actio, tu vis esse complera. Ha fili, tu habes nobilem patrem. Ha pater, tu habes filium sine matre. Ha pater & fili. Ha Spiritus sanctus totus plenus. Ha pater & fili, meus fons. Ha flumen, qui nihil plus quæris. Ha Pater, & Fili mecum vnus Deus. Ha Spiritus sancte quilibet nostrum est tuus. Ha Spiritus sancte, qui numerum perficis. Ha numerans, qui numerum statuis.

De Fructu arboris exemplificalis.



NARRATUR, quod in annulo Regis aurum & smaragdus sibi inuicem repugnauerunt: quoniam aurum dicebat, quod elemēta erant plus propter ipsū, quam propter smaragdū: quoniam plus smaragdo seruiebat, sed smaragdus dixit, quod ipse plus seruiebat regi & aurum mercatoribus, & aurum dixit ad smaragdum quod nesciebat illud quod ferrum dixit ad lignum. Et quomodo fuit hoc? dixit smaragdus. Narratur, dixit aurum, quod quidam rex vnum bellum deuincebat, aduersitas fuit inter scutum & ensē regis: quoniam scutum dicebat, quod regem protexit qui vulneratus nō erat, quoniam ictus lancearum & ensium sustinebat, qui regem occidere volebāt,

qui mortuus esset si ipsum non esset. Ensis vero dicebat, quod ipse bellum deuincebat in quantum occidit & vulnerauit illos, qui regem occidere volebāt. Et tunc smaragdus dixit ad aurum, quod exemplum dederat contra seipsum: quoniam licet in scuto regis sit pulchrum, non esset bonum in ense qui vulnerat & occidit milites, quos occidere non posset, si esset de auro. Etiam datum est militibus, vt milites habeant enses de ferro, cum quo custodiant regem, & defendant. Et quod illos occidant, qui reges occidere volunt, & sic ensis duo habet officia: vnum videlicet quod regem defendat, & aliud quod suos inimicos occidat. Sed scutum non habet nisi vnum officium tantummodo. Et tunc aurum habuit verecundiam, cum exemplum contra seipsum dederat: quoniam bene cognoscebat, quod smaragdus regem de toxica custodiebat, & cor regis hilare faciebat.

*De Exemplo fructus arboris
vegetalis.*

NARRATUR, quod in pomo aduersitas fuit inter potentiā elementatiuā & vegetatiuā: quoniam elementatiua dicebat, quod pomū erat eius fructus, in quantum erat corpus propter elementa, & qualitates quas habebat, per elementa habebat. Vegetatiua vero allegabat & dicebat ad elementatiuā, quod ipsa non audiuerat iudiciū quod quidam iudex dedit inter principium & finem. Et quomodo fuit illud? dixit elementatiua. Narratur, dixit vegetatiua, quod farina, & aqua, & furnus vnum panem fecerunt, quem quidam homo comedere voluit, vt viuere posset. Aqua vero, farina & furnus dixerunt, quod nolebant, quod ille homo panem comederet. Homo autē dixit,

dixit, quod ipse panem comedere volebat, postquam panis factus erat ad comedendum. Et tunc venerunt ad quēdam iudicem, qui sententiam protulit, quod homo panem comederet, postquam aqua, farina, & furnus ipsum ad comedendum & viuendum fecerunt, & aquam, farinam, & furnum puniuit, in quantum fini restiterunt, propter quem erat.

*De Exemplo fructus arboris
sensualis.*

NArratur, quod quidam molendinarius vnum porcum nutrebat, cui dabat ad comedendum de blado quod futebatur: quodam die accidit, quod molendinarius dabat porco de blado, & asinus cum illo de illo blado comedere volebat. Molendinarius autem ipsum percussit cum vno baculo, vt non comederet de blado. Multum mirabatur porcus, quoniam molendinarius nolebat quod asinus de blado comederet, & quæsiuit ab asino, quare suus Dominus ipsum percussit? Et ipse dixit ei, quod Dominus suus erat malus & fur, quoniam ipse bladum portabat, & ei iniuriam faciebat, quia ei ad comedendum non dabat. Et porcus dixit ad asinum, quod in hoc apparebat, quod Dominus suus plus ipsum quam asinum diligebat, & quod ipse erat plus honoratus, quoniam non laborabat in portando bladum nec in aliquo alio, & suus Dominus ei dabat ad comedendum de blado pro sua voluntate, & ad asinum dare nolebat, qui in portando bladum laborabat. Asinus autem dixit ad porcum, quod male videbat amicitiam sui Domini & sui honoris, quia Dominus suus ipsum castrauit, vt filios non faceret, & quod non labo-

raret, vt pinguis fieret, & cum multum de blado comederet, & esset pinguis, cum vna securi ipsum percuteret, & ipsum in sale poneret, & per fercula ipsum comederet. Multum displicuit porco hoc, quod asinus sibi dixerat, & dixit, quod male ad suum opus bladū comedebat, quia propter hoc comedebat vt moreretur, etiam quia bladū furtiū comedebat, de quo conscientia propter timorem mortis habebat: idcirco dixit quod iret ad faciendum penitentia in quadā vinea in qua erant plures racemi. Et dixit quod nunquā bladum furtiū comederet, nec esset cum suo Domino, qui ei magnum fecerat vituperium & malum: quoniam ipsum castrauit, quoniam sibi non videbatur quod erat de genere bestiarū. Et tunc iuit ad vineam & voluit racemos comedere, qui dixerunt ei, quod erant fructus Domini vineæ, & non ipsius qui de vinea minimè cogitabat, de qua homo cogitabat, idcirco peccatum faciebat. Tunc vero porcus dixit quod ipse conscientia habere nolebat nisi propter timorem mortis, & de racemis comedit pro sua voluntate, interim dū porcus racemos comedebat, vnus coruus ad ipsum dicebat quod erat fructus Domini vineæ postquam suos racemos comedebat, qui ipsum cum fieret bene pinguis occideret. Tunc vero porcus conscientiam habuit de racemis, quos comedit, & exiuit de vinea, & fugit ad vnā magnā siluam, vbi dixit, quod vellent comedere vt non moreretur. Et diligebat potius esse macer & diu viuere, quam esse pinguis & citò mori.

*De Exemplo fructus arboris
imaginalis.*

Narratur, quod tempus præteritum & tempus futurum supra imaginationem resistebant, quoniam quodlibet ipsorum dicebat quod erat sua. Tempus præteritum allegauit quod ipsa imaginatio erat sua, quia ipsa imaginabatur res transactas. Tempus vero futurum dicebat quod imaginatio erat sua, quia futura imaginabatur: dum ita inuicem resistebant, dixit tempus futurum quod vnum iudicem eligeret qui illam resistantiam separaret, & dixit quod esset iudex tempus præsens quod erat in medio amborum. Et tempus præteritum dixit quod veritas erat, quod tempus præsens stabat in medio amborum, sed sua voluntas non, quoniam plus futura quam præterita diligebat, & dixit quod habebat pro bono quod intellectus esset iudex, qui est in medio in quantum intelligit præterita & futura. Sed tempus futurum dixit quod non esset competens iudex, quoniam maiorem proportionem & concordantiam cum imaginatione habebat in rebus præteritis quam in futuris. Et tunc conuenire non poterat, nec iudicem communem inuenire, quæ inuicem pugnaverunt. Et quia imaginatio plus diligebat esse de tempore præterito quam de futuro, ratione memorie quæ ipsam rogauit, tempus futurum per tempus præteritum fuit demictum, quod dixit ad tempus præsens quod male faciebat, quoniam ipsum non iuuabat postquam ipsum ut plurimum diligebat.

*De exemplo fructus arboris
humanalis.*

Narratur, quod corpus & anima super hominem litigauerunt: quoniam corpus dicebat, quod homo erat suus fructus, anima vero contrarium dicebat. Allegabat autem corpus, quod homo erat suus fructus: quoniam ipse erat de pluribus rebus quam anima: quoniam erat de quatuor arboribus, videlicet de elementalibus, vegetali, sensuali, & imaginali. Et anima non erat nisi vna arbor tantummodo. Et tunc anima dixit ad corpus, quod nesciebat quid sanctitas dixit ad honorem. Et quid fuit illud? dixit corpus. Narratur (dixit anima) quod quidam Episcopus erat in societate decem Canonicorum, qui erant homines boni, deuoti, & sanctæ vitæ, qui valde pulchrum officium faciebant in Ecclesia. Episcopus ille magnum habuit desiderium quod esset Archiepiscopus, ut esset magis honoratus, & quod plures haberet canonicos in suo Dominio. Ille Episcopus venit ad curiam qui tractauit, quod esset Archiepiscopus, & quando fuit Archiepiscopus, canonici illius Archiepiscopatus qui non erant homines boni, nec sanctæ vitæ, Archiepiscopo resistebant, qui ipsos castigauit, & sibi magnum laborem dederunt, & dixerunt, quod si ipse de eorum modo non esset, quod ipsum occiderent. Et tunc Archiepiscopus dixit, quod sanctitas facit prælatum & non honor, licet sanctitas tor bestias non ducit per viam sicut honor, & dixit, quod libenter redderet honorem propter sanctitatem, si ipsam recuperare posset. Et tunc dixit sanctitas ad honorem, quod ipsa magis cum pace valebat quam

quam honor cum labore. Etiam dixit anima ad corpus, quod ipsa plus hominem quam ipsum honorauit, quoniam ipsum posuit in homine naturam bestiarum, & ipsa posuit in homine naturam Angelorum.

*De Exemplo fructus arboris
moralis.*

Narratur, quod virtus & meritum sibi inuicem obuiauerunt in arbore morali, quoniam virtus dicebat, quod meritum erat suus fructus. Et meritum dicebat, quod ipse nesciebat quid vnus equus regi dicebat. Et quomodo fuit hoc? dixit virtus. Narratur, dixit meritum, quod quidam rex vnum falconem habebat, qui bene grues accipiebat. Accidit, quod rex quadā die ibat venatum, & cum falcone vnam gruem accipiebat, quæ de nubibus cæli descendit vsque ad terram, & tunc rex valde de illo falcone gaudebat, qui ita bene illam gruem occidit, qui dixit ad falconem, quod multum ipsum diligebat. Equus vero dixit ad regem, quod ipse valde mirabatur, quoniam rex tantum falconem diligebat, qui hoc quod faciebat, non faciebat vt regi placeret, sed vt comedere valeret. Rex autem dixit ad equum, quod sibi non credebatur, qui dixit, quod ipse inuidiam habebat, & tunc rex equum percussit cum calcaribus, & fecit illum diu currere: equus autē dixit ad regem, quod ipse illud quod dicebat, per experientiam probare poterat, quoniam si dabat falconi ad comedendum, ipse propter suum amorē non iret ad accipiendum grues, quoniam ad ipsos non vadit sine magno fastidio. Etiam rex sibi credere debebat, quia ipsum ieiunus portabat & plenus, vbicūque volebat, & cum

ipsum cum calcaribus percutiebat & ipse patientiam habebat, quam falco non haberet, si ipsum rex percuteret. Tunc vero rex cognouit, quod equus veritatem dicebat, & dixit ei, quod meritum acquisierat, & quod ipsum plus amare volebat quam falconem, qui hoc quod faciebat nō propter suū amorem, sed propter suam necessitatē faciebat, & cum ei displicebat, ipse ab ipso fugiebat, & ad ipsum redibat, vt ei comestionem daret.

*De Exemplo fructus arboris
Imperialis.*

Narratur, quod corona regis & pax populi sibi inuicem obuiauerunt in arbore Imperiali resistendo, quoniam corona dicebat, quod ipsa erat suus fructus. Pax vero populi dicebat, quod ipsa erat fructus, & non corona. Corona autem allegabat & dicebat, quod ipsa erat fructus, quia in capite regis, & pax stabat in populo, qui sedebat ad pedes regis. Et pax dixit ad coronam, quod ipsa nesciebat hoc, quod guerra dixit ad equum regis. Et quid fuit hoc? dixit corona. Narratur, dixit pax, quod quidam rex habebat vnum pulchrum equum, qui erat fortis, & valde bene currebat. Ille equus multum quieuerat, & tantum quantum volebat, comedebat, neque aliquem laborem habebat, quoniam rex pacem in sua terra & cum suis vicinis habebat. Accidit autem, quod rex equitauit equum, qui erat pinguis & superbus, & desiderauit hominibus malefacere & equis, quos vituperauit, & tunc regi consulit quod ex toto guerram faceret, vt esset fama, quod ipse erat bonus miles, & quod bonum equum habebat. Rex autem credidit equo, & cum vno Principe

guerram fecit, quem in bello deuicir, & à se suam terram abstulit, & Rex in in equo fugit, & in terram extraneam iuit, & habuit vendere coronam, vt aliquid pro se ad comedendum emeret, & in paupertate stetit, & equus deuenit valde macer, quoniam parum habuit ad comedendum, & in luto iacebat, quoniam non erat qui stabulum mundaret. Et tunc dixit guerra ad equum, quod consilium quod Regi dederat, contra suam pinguedinem dedit, & contra munditiam sui lecti, etiam contra pulchritudinem suae bellis.

De Exemplo fructus arboris

Apostolicalis.

NArratur, quod honor & saluatio gentium in arbore apostolicali sibi inuicem litigauerunt, quoniam vterque dicebat, quod erat fructus illius arboris apostolicalis. Honor autem allegabat, & dicebat, quod ipse erat fructus, quoniam Papa erat magis honoratus, homo quam alius. Saluatio allegauit, & dicebat, quod ipsa erat multo melior pluribus hominibus, quam honor in vno homine. Idcirco oportebat quod hoc quod erat maius & vtilius esset fructus apostolicalis, quod si non esset, finis non esset in summitate arboris quae fructum non portaret postquam finis in summitate non esset. Et esset principium in summitate cum honore, & finis in terra cum inhonore. Et sic arbor peruersa esset de bono in malum, quae faceret malum fructum. Et de magnitudine in paruitate, & faceret paruum fructum, & de duratione in corruptione, & fructus esset corruptus, & de potestate in debilitatem. Idcirco fructus vigorem illis, qui ip-

sum comederent, dare non poterat. Etiam peruersa esset de sapientia in ignorantiam, & non faceret lumen hominibus, vt irent per rectas vias, & de die, etiam sua voluntas esset peruersa de amabilitate in odibilitatem, & sua virtus peruersa esset in vitium, & sua veritas in falsitatem, & sua gloria in poenam: & sic in toto non esset ita mala arbor, sicut esset arbor apostolicalis, si honor esset in summitate, & finis arboris in terra ad pedem arboris. Idcirco dixit saluatio plurimum hominum, quod ipsa stare debuit in summitate, vt arbor esset recta, & quod esset maior arbor totius mundi, & quod honor esset vnus de floribus ex quo nasceretur fructus & exiret, de quo plures homines viuerent in vita aeterna, & fugerent mortem perpetuam.

De Exemplo fructus arboris

Caelestialis.

NArratur, quod magna resistentia fuit inter Solē & Regem, qui ex sua vxore habuit vnum filium, quoniam Sol dicebat, quod erat suus filius rationabiliter: sicut homo bonus, qui ratione bonitatis agit bonum. Et Rex dicebat, quod erat suus filius naturaliter: sicut ignis qui naturaliter calefacit, & pater qui naturaliter filium facit, & ipsum ex sua vxore habuit, & in sua specie humana, & Sol vxore non habet, nec est homo. Idcirco Rex dixit ad solē, quod ipse iudicium nesciebat, quod ipse de suo procuratore dederat. Et quomodo fuit illud? dixit Sol. Quadam vice, dixit Rex, accidit, quod quidam Procurator meus stetit diu in quadam ciuitate pro me, qui sibi dedit illam ciuitatem ad custo-

custodiendum, vt meum honorem tractaret, & procuraret in illa ciuitate vtilitatem gentium. Et Procurator ille tractauit tantum quantum potuit suum honorem, meum autem nequaquam, & ita diu stetit ille Procurator in illa ciuitate, quod gentes ipsum tenebant sicut Dominum, & illum honorem ipsi faciebant, qui Regi fieri debebat. Accidit autem, quod cum ego veni ad illam ciuitatem, mihi gentes honorem non faciebant, qui fieri debuit Domino & Regi, & illum meum Procuratorem honorauerunt sicut Regem, secundum quod in consuetudine habuerunt. Tunc vero ego dixit ad Procuratorem, quod de illa ciuitate exiret, & iret quaesitum honorem Regis in ciuitate, quae esset sua: quoniam nollem, quod in mea ciuitate mecum honorem Regis haberet, quoniam in vna ciuitate non sunt bene duo Reges. Et tunc Sol ad Regem dixit, quod ipse nesciebat illud quod Mercurius dixerat Alkimistae. Et quid fuit illud? dixit Rex. Narratur, dixit Sol, quod quidam Alkimista facere volebat in igne argentum de argento viuo, & de argento argentum viuum. Mercurius autem dixit ad Alkimistam, quod argentum viuum erat natum in terra, & quod ipse ipsum fecerat cum consilio Arietis & tauri & suorum fratrum, etiam cum consilio Saturni & suorum amitorum, & quod omnes insimul ante ordinauerunt, quam argentum viuum generatum esset, quod terra esset mater argenti viui, & ipse esset suus pater: idcirco noluit, quod suus filius alium patrem haberet, nec aliam matrem, & suae voluntati consentierunt Aries, Taurus, & Gemini; & ego, dixit Sol, & omnes mei fratres consensimus. Et tunc Alkimista de argento viuo argentum purum facere

non potuit: quoniam ipse sine nostra voluntate facere non poterat, nec sine voluntate sui primi patris, neque suae primae matris, & tunc Rex cognouit, quod Sol secundum exemplum quod dedit, intendebat dicere quod filius, quem de sua habuit vxore, erat filius Solis, in quantum filius homo generalis: & quod erat filius suus & filius Reginae, in quantum homo spiritualis.

*De Exemplo fructus arboris
Angelicalis.*

Narratur, quod quidam heremita vidit vnum Angelum, & vnum daemone, qui sibi inuicem resisteabant: quoniam Angelus dicebat, quod bonum agere erat fructus existere, & demon dixit, quod existere erat fructus mali agere. Angelus autem allegabat, & dicebat, quod bonum agere erat fructus existentiae: quoniam bonitas maior est in recoleret, intelligere, & amare Angeli, qui Deum contemplatur, quam in essentia Angeli. Daemon vero dicebat, quod bonitas naturalis est mala propter malam recolere, intelligere, & amare. Idcirco dixit heremita, quod ipsi nesciebant, quod quidam Graecus ad vnum Latinum & Saracenum dicebat: quoniam si sciissent, non restitissent in hoc, in quo resisteabant. Et quid est hoc, dixerunt Angelus & daemon? Narratur, dixit heremita, quod quidam Latinus & Saracenus sibi inuicem in quadam vinea obuiauerunt, in qua erant plures racemi. Et dum ipsi de racemis comederant, dixit Latinus ad Saracenum, quod de racemis fit vinum: & Saracenus respondit ei, quod de ipsis vinum non fiebat, sed de ipsis fiebat Nabit: quod est dictum in Arabico sicut vinum. Et quia Christianus non intell-

gebat, quid volebat dicere Nabit, nec Saracenus intelligebat, quid volebat dicere viuum, quilibet alij negabant, hoc quod dicebat, & super hoc erant in magna briga, quousque quidam Græcus venit, qui idioma cuiuslibet sciebat: qui dixit, quod vinum & Nabit vnum idem significant secundum realitatem numeri: sed vnum idem non significant in vno eodem idiomate: idcirco eorum contrarietas erat, quia se inuicem non intelligebant. Hoc dicebat heremita ad Angelum & dæmonem, vt Angelus intelligeret quod veritatem dicebat secundum bonum statutum: & dæmon similiter secundum malum statutum.

De Exemplo fructus arboris æuiternalis.

NArratur, quod quidam homo de Paradiso & inferno prædicare audiebat, prædicator dicebat, quod boni homines in Paradiso haberent gloriā æuiternam, & mali homines in inferno haberent pœnam æuiternam: post prædicationem, ille homo valde considerauit in hoc, quod audiuit à prædicatore de gloria Paradisi, & de pœna inferni: & in se sentiebat maiorem timorem de pœnis inferni, quam desiderium de gloria Paradisi, & ita sæpè pœnas inferni considerauit: & ita diu in illa consideratione stetit, quod quasi de Deo, neque de Paradiso recoluit. Et ille magnus timor, quem habuit, ipsum lāguere fecit, qui etiā macer fuit & infirmus: idcirco dixit suæ animæ, quod timor quem habuit, ipsum mori faceret, & tunc proposuit, quod pœnas inferni obliuioni daret, & quod gloriam Paradisi desideraret: quoniam magna bona desiderare facit stare corpus pingue, & sanum, & animam hilarem:

sed quia diu stetit in consideratione pœnas inferni, & in obliuiscendo Paradisum, vti non poterat ad libitum sua memoria: quoniam nimis ipsam nutriuit in recolendo pœnas, & in obliuiscendo gloriam: idcirco proposuit, quod ireret ad quendam amicum suum, qui erat valde sapiens, cui dixit statum suum, vt sibi consilium daret & modum, quod Paradisum recollere posset, & infernum obliuisci: quoniam propter timorem se mori sentiebat. Ille suus amicus dixit ei, quod ratio quæ plus pœnas inferni, quam Paradisum elegit, recollere est, quia plus se, quam Deum diligebat, quare ipse sibi consulit, quod plus Deum, quam seipsum diligeret: quoniam illa quæ homo plus diligit, plus recollit, & plus timet homo dedecus ipsorum, quam malum illorum, quæ non tantum diligit. Et tunc ille homo incepit plus Deum diligere quam seipsum, & bonitatem Dei sæpius recollere, quam suauiter: & dicebat quod ipsa plus valebat quam sua. Et ipse hoc volebat, & dicebat, quod magna ratio erat: quoniam bonitas Dei est fons & fructus, vbi omnia bona colliguntur. Ita fortiter ille homo se assuevit ad recolendum bonitatem Dei, quod timorem de pœnis inferni non habebat, neque quasi de se curabar: quoniā honorem, quietem nec diuitias diligebat, & tantum erat ei, quando blasphemabatur: sicut quando comedebat, & quando fiebant ei minę, sicut quando fiebant ei salutationes, & quando vituperabatur, sicut quando honorabatur, nec vindictam recolebat: sed quia Deus inhonoratus erat, quem tantum diligebat, in dolore & tristitia permanebat, qui dicebat gentibus. Hæ gentes quare peccatis: & quare meum amatum inhonoratis? quoniam si sæpius dolorem.

dolorem & malum, quod sequitur peccatum consideraretis, de nulla re hilaritatem haberetis.

*De Exemplo fructus arboris
maternalis.*

Narratur, quod quidam Monachus in consuetudine habebat quod Dominā nostram laudabat, cui dicebat, quod ipsa erat mater recreationis, ut eius filius fructum mundi recuperaret, quem perdidit propter peccatum originale. Idcirco dicebat ad Dominam nostram, quod ipsa erat obligata ad rogandum suum filium pro peccatoribus: quoniam si peccatores non essent, ipsa mater Dei non fuisset. Diu stetit Monachus in tali oratione, tandem quadam nocte accidit, cum Monachi matutinas dixissent, & de Ecclesia exiissent, Monachus ille venit ad altare, qui Dominam nostram more consueto rogavit, & ipsam sedentem supra altare vidit, quæ flendo dixit hæc verba. Illi qui dicunt, quod peccatum sit mei honoris occasio, mihi magnum inferunt vituperium: quoniam peccatum non potest esse alicuius boni occasio, quod si foret, non esset occasio mali, & illi dicunt mihi magnum honorem, qui dicunt quod ego sum mater Dei, quia Deus voluit esse homo, & ego talibus hominibus sum obligata ad rogandum meum filium, postquam multum per ipsos sum laudata & honorata. Et illi qui dicunt, quod ego mater Dei non essem, si non esset peccatum, dicunt quod fructus maternitatis non est meus filius Iesus Christus, sed peccatum. Idcirco nesciunt illud, quod intellectus ad voluntatem dixit. Et quid fuit illud? dixit Monachus ad Dominam nostram. Narratur, dixit Domi-

na nostra, quod intellectus dixit, quod ipse Trinitatem Dei, incarnationem, & articulos intelligere volebat, & dixit voluntas, quod ipsa nolebat, quod intellectus intelligeret, ut ipse Trinitatem Dei, incarnationem, & articulos Fidei Christianæ crederet, ut magnum meritum ex sua credulitate haberet, & per magnum meritum, magnam gloriam, quam non haberet, si articulos fidei intelligeret. Intellectus autem respondit, & dixit voluntati, quod secundum hoc quod ipsa dicebat, sequeretur, quod quanto minus articulos intelligeret maiorem gloriam haberet. Et sic in gratia, quæ est contraria sui intelligere, esset occasio, per quam ipse haberet magnam gloriam, quare ipse voluntati credere nolebat. Et dixit, quod sicut ipsa volebat magnam gloriam habere per magnum amare, ita volebat ipse gloriam habere per magnum intelligere. Etiam voluntatem reprehendit, & dixit, quod magis erat creatus, ut Deum multum intelligeret, quam ut magnam gloriam haberet: sicut voluntas quæ magis creata erat ad multum Deum amandum, quam ad seipsam. Etiam dixit, quod licet Trinitatem Dei intelligeret, propter hoc non sequeretur, quod ipse perderet habitum fidei: quoniam in principio credidit Trinitatem, & in fine proponebat, quod cum ipsam obliuisceretur, quod ipsam in habitum fidei deponeret, quem retinuit, & in quo ipse ipsam inuenit, cum ipsam intelligere volebat, idcirco dixit, quod fides erat coniuncta sui intelligere, & quod ipse fructum beatum Trinitatis colligebat in intelligere tunc, cum ipsam intelligebat, & in fide tunc cum ipsam credebatur, quia ipsam intelligere non poterat. Et tunc Monachus per verba quæ Domina nostra sibi dixerat, dixit

Dominæ

Domina nostra, quod ipsa erat Mater Dei, quia volebat esse homo, & quod erat Mater hominum peccatorum ratione coniunctæ recreationis, sine qua sui filij esse non possent.

De Exemplo fructus arboris Christianalis.

Narratur, quod voluntas intellectum transmissit ad vnum viridarium, in quo erant plures pulchræ & bonæ arbores, inter quas erat vna maior & pulchrior, quæ pulchriorem fructum & meliorem faciebat. Et dixit ad intellectum, quod ei portaret de fructibus illarum arborum: quoniam ipsa de ipsis comedere volebat. Intellectus autem ad illud viridarium perrexit, & quia erat piger, & maius tedium habebat in ascendendo in magnas arbores quam in paruas, attulit de fructibus paruarum arborum voluntatis quæ in ipsis magnum saporem non inuenit, quoniam de paruo fructu nõ sequitur magnus sapor, quæ dixit ad intellectum, quod ad viridarium rediret, & quod sibi de mediocribus fructibus & magis sapidis afferret, quoniam illi parui fructus ipsam saturare non poterant. Et tunc intellectus habuit redire ad viridarium, & habuit ascendere ad maiores arbores, vnde magnum tedium habuit, & de fructibus voluntati apportauit, ex quibus voluntas se saturare non potuit, quoniam maior erat eius appetitus quam sapor illorum fructuum. Idcirco dixit ad intellectum quod ad viridarium rediret, quoniam sibi de fructibus illarum arborum quæ sunt magis saporosæ & maiores non apportauit, quoniam si sibi apportasset, ipsa saturata fuisset. Tunc vero intellectus ad voluntatem dixit, quod ipsa erat Domi-

na inuidiosa, quæ non plangit laborẽ, suorum seruitorum: nec homo facere potest ad suam voluntatem, nec habuit grates alicui de seruitio, quod sibi faciebat: quoniam ipse sibi argentũ portabat, aurum, & lapides pretiosos, poma, ficus, cerasa, equos & falcones, castra, ciuitates & honores, pulchras foeminas, filios & pulchra indumenta, nec se pro contenta tenebat de fructibus quos sibi portauit. Voluntas autem dixit ad intellectum si in illo viridario remansit aliqua arbor, quæ portaret maiorem & meliorem fructum quam aliqua illarum, de quarum fructibus sibi portauit. Intellectus autem respondit ei, quod quædam arbor ibi erat, in qua ipse non ascenderat, quæ maiorem & meliorem fructum faciebat quàm aliqua aliarum, sed in ipsam ascendere nolebat, quoniam nimis erat magnum tedium illis, qui in ipsam ascendere volebant. Tunc autem voluntas dixit ad intellectum quod sibi accideret, sicut accidit cuida diuiti avaro: & quomodo fuit illud? dixit intellectus. Narratur, dixit voluntas, quod in quadam ciuitate erat quidam homo diues, qui erat multum avarus, quem Rex illius ciuitatis rogauit, quod sibi mille talenta mutuaret. Ipse vero se excusabat, qui dixit quod ipsos mutuare non poterat. Rex autem è conuerso dixit, quod ipse sibi mutuare ipsos poterat, sed ille diues homo ad Regem dixit, quod ipse sibi ipsa talenta mutuare non poterat, quia sua voluntas nolebat, nec ipse suam voluntatem cogere poterat, quæ erat Dei. Tunc autem Rex dixit, quod ipse ex tribus eligeret, quod magis vellet, quæ dicebat ei, quia se vituperatum tenebat, quia ita viliter ei, negabat: mille talenta mutuare: vnum erat, quod ipse debebat comedere.

dere quinquaginta cepas crudas in vna hora diei, aut centum ictus siue flagella in vna die acciperet, aut mille talenta mutaret in illa die. Homo ille auarus considerauit, quod melius esset ei quinquagintem cepas comedere, quam accipere centum ictus siue flagella, vel mille talenta mutuare. Et tunc incepit comedere cepas, & cum viginti comedisset, plus comedere non potuit, & omnes per os suum proiecit, & per totam illam diem fuit prope mortem. In crastino vero Rex ab ipso quasiuit, si sibi mille talenta mutuare volebat, aut centum ictus siue flagella accipere: qui dixit, quod centum ictus siue flagella accipere volebat, & cum triginta ictus siue flagella recepisset, plus sufferre non potuit, qui tunc dixit, quod mille talenta sibi mutaret. Et sic tu intellectus, dixit voluntas, redium & laborem in ascendendo habuisti per omnes arbores, quod minime habuisses, si primo mihi de fructu maioris arboris & melioris adduxisses, quem fructum mihi incontinenti adducas, & scias, quod ego de te non sum contenta, in quantum me inhonorasti, quia mihi cibaria duxisti de modico sapore, & mihi non duxisti ex illis, qui magnam habent saporem. Et tunc intellectus iuit ad magnam arbo-rem, in qua cum magno tedio ascendit, & de branchis inferioribus iustitiam collegit & prudentiam, & ceteras virtutes cardinales, & de branchis superius fidem, speciem, & charitatem, & de vna alia brancha, quae erat magis alta, colligebat Iesum Christum, & omnes fructus, & ad voluntatem securi portauit, quae de virtutibus primo comedit, ut in amando Iesum Christum maiorem saporem inueniret. Et quanto plus de Iesu Christo comedit ipsum amando, magis se sentit saturatam, &

maiorem saporem in comedendo inuenit, idcirco cessare à comedendo nolebat, quae dixit ad intellectum, quod ipse suum laborem obliuisci deberet, & gaudere de placitis, quae Domina sua in comedendo sentiebat.

*De Exemplo fructus arboris
Diuinalis.*

NArratur, quod quidam Philosophus, qui erat magister in Theologia, in consuetudine habebat, quod cum in studio erat fastiditus, in suo palastro equitabat, & ibat. spaciaturum per viridaria & per prata, quae erant iuxta illam ciuitatem. Accidit autem quadam die, quod ipse equitabat per vnum pratum, qui ibat visum vnum pulchrum fontem, qui erat sub quadam pulchra arbore, quae pulchris fructibus erat onerata. Dum autem per pratum equitabat, ipse vnum bouem inuenit, qui iacebat, qui ruminabat herbam quam comederat. Et cum fuit ad fontem, & sub arbore, considerauit quod fons scientiam significabat, quae ita de intellectu exibat in voluntate, sicut aqua de fonte faciebat in prato, & postmodum considerauit, quod ipse erat similis illi boui, qui herbam ruminabat: quoniam sepe scire desiderabat, & nunquam contentus fuit de hoc, quod sciebat. Et quando vidit fructus in arbore, considerauit, quis fructus in ipso sequebatur de hoc quod sciebat, postquam de hoc contentus non erat, & plus scire desiderabat. Et cum aliquis cum ipso disputabat, ipse superbus erat per hoc, quod sciebat, & gentibus vituperium dicebat, & errores saepius contra veritatem & doctrinam allegabat, ut gentes non cognoscerent, quod suus intellectus deuictus

foret per aliquem intellectum. Et dū ita considerabat, de se male contentus erat, qui dixit, quod parū ei proficiebat illud, quod addiscerat, postquam de hoc male contentus erat, nec fructum humilitatis colligerat in eo, quod sciebat. Et sic male contentus de fonte recessit, & quando fuit prope bouem, qui herbam ruminabat, quam comederat, ipse considerauit, quod scientia, quam sciebat, bene digesta non erat. & quod alia vice ipsam redire volebat, & quod volebat esse in vno loco, vbi pax erat, & quod cum nullo homine aduersitatem haberet de hoc quod ipse sciebat, & quod ex toto fructum scientiæ quæreretur, qui de scientia haberi potest. Et tunc ad quendam altum montem ascendit, in quo vnam cameram fecit, & in ipsa studuit, & fructum scientiæ quæsiuit, quem voluntas dilexit. Et per omnes passus suorum librorum per quos transiuit suus intellectus alia vice, transiuit, & cū omnes libros philosophiæ trāsisset, se saturatū scientiæ non sentiebat, & ad libros theologiæ transiuit, & cum omnes transiret, se saturatum sentit, qui cognouit, q̄ theologia fruct⁹ erat philosophiæ, & philosophia erat eius instrumentū, qui tūc ascendit ad colligendū fructū in sūma trinitate, considerando productionem personarum diuinarum naturarum, & rationes illius productionis, sicut pater, qui naturaliter filium generat æternaliter & infinitè, ratione magnitudinis ita infinitum, & ratione æternitatis ita æternum, & ratione bonitatis ita bonum, sicut ratione naturæ naturatum siue naturalem, & hoc idem de aliis rationibus diuinis. Considerauit & de productione Spiritus sancti. Et sic ipso existente, & diu fructum colligente in altiori summitate intellectus & voluntatis mortuus

fuit, & omnes passus, quos fecit adimpleuit, & cum summa Trinitate stetit eius intellectus completus, & eius voluntas contenta, & Deo sit data gloria, amen.

De Arbore quæstionali.

S V M M A R I V M.



ARBOR quæstionalis est de quæstionibus aliarum arborum, & in fine sunt quæstiones centum forma & practica illarum. Et sunt in presenti arbore quatuor mille quæstiones. Et similiter in septem partes principales diuiditur, scilicet, in radices, truncum, branchas, ramos, folia, flores, & fructus.

Radices sunt quæstiones radicum aliarum arborum.

Truncus sunt quæstiones truncorum, &c.

Branchæ sunt quæstiones brancharum, &c.


Rami sunt quæstiones ramorum, &c.

Folia sunt quæstiones foliorum, &c.

Flores sunt quæstiones florum, &c.

Fructus sunt quæstiones fructuum, &c.

De



Arbor Quæstionalis.



ARBOR ista diuiditur in septem partes, videlicet in radices, truncum, branchas, ramos, folia, flores, & fructus.

In radicibus quæremus quæstiones, quæ fient de radicibus aliarum arborum. In trunco quæremus quæstiones, quæ spectant ad naturam trunco-

rum aliarum arborum, & sic per ordinem. Et hunc processum proponimus tenere, ut doctrinam demus ad soluendum quæstiones peregrinas, quæ fieri possent secundum naturas aliarum arborum. Quam doctrinam dabimus in solutionibus quatuor millium quæstionum, quas in hac arbore ponere proponimus, quia secundum quod illas soluemus, ponunt homines qui sciunt hanc scientiam, soluere alias quæstiones peregrinas. Idcirco

dictum est, quod liber iste est arbor scientiæ generalis ad omnes scientias: quoniam de principiis generalibus est constituta, cuius inuestigatio generalis est, & artificialis. Et idem de conclusione huius arboris, quæ est practica cæterarum arborum antecedentium. Solutiones quæstionum breviori modo quo possumus faciemus. Et hoc idem est, quia prolixitatem evitamus, & naturaliter in breviori solutione quæstionis plus est de inuestigatione & de arte; quoniam abreuatio verborum magis generalis est, quam prolixitas ipsorum, & de hoc doctrinam dedimus in arte inuentiua, & in tabula generali, & in arbore philosophiæ. Processus, quem tenere proponimus in soluendo quæstiones, tribus modis consistit, vnus modus est in quantum responsionem transmittimus ad certa loca arborum antecedentium, in quibus solutionem homo attendere potest secundum naturam illorum locorum, & naturam quæstionis & suorum terminorum. Sicut si fiat quæstio de bonitate ignis, responsio consistit in radicibus arboris elementalis, tali modo quod affirmatio quæstionis ex illo textu trahatur, secundum quod ipse significat melius per vnâ partem quam per aliam, textu semper in sua conditione remanente, & definitionibus radicum similiter, & idem est similiter, si quæstio fiat de bonitate piperis. Vult ars, quod homo inquirat solutionem in radicibus arboris vegetalis, & sic per ordinem secundum naturam illarum radicum, & naturas quæstionum, quæ cum radicibus conueniunt. Et hoc idem quod dicimus de radicibus, dicimus de truncis, & de aliis partibus arborum. Idem modus est soluere quæstiones per maximas conditiona-

tas secundum naturas arborum, illa maxima cum conclusione quæstionis concordante, affirmando aut negando, & si maxima sit aliquibus obscura, consulimus quod ad naturas aliarum arborum, & ad eorum loca recurrant, cum quibus maxima habet cõcordantiam: sicut si quis trahere vellet conclusionem ex ista maxima. Omne principium nobilius est per existere & agere bona opera, quam per existere tantum: hæc maxima generalis est ad omne, quod est dictum in aliis arboribus de principio, & quod est dictum de maiori magnitudine bonitatis, durationis, potestatis, &c. Et quædam sua particularia sunt in radicibus arboris elementalis, & quædam in trunco, & quædam in branchis, & idem per ordinem de cæteris partibus arboris, & de aliis partibus quæ sunt aliarum arborum. Et ad quæstionem vnâ maximam facere proponimus secundum hanc secundam inuestigationem, quæ sicut in maxima est composita post quæstionem. Tertius modus solutionis est compositus de priori modo & secundo, secundum quem aliquoties aliquas quæstiones soluere proponimus, ipsas ad loca aliarum arborum transmittendo, & dando vnâ maximam ad quæstionem. Et nota, quod quando solutiones duarum aut plurium quæstionum remittuntur ad vnum eundemque locum siue capitulum, tunc post primam quæstionem assignabitur locus solutionis extensæ, sed ad secundam & tertiam, &c. solum dicetur ibidem.

De Radicibus. Et primò de arbore elementali.

CUm ignis sit de bonitate, & duratione, quare facit malum substantiis

stantiis quas comburit? & quare ipsas consumit? Solutio. Si ignis non esset consumptivus, non esset generativus, nec hominibus bonum faceret. Bonitas de quo est plena? Solutio. Vade ad bonitatem, quæ est in radicibus arboris elementalibus. Vtrum bonitas ignis sit substantialis? Solutio est ibidem. Si bonitas ignis bona non esset substantialiter, esset melior ignis per illa, quæ minora sunt, quam per illa quæ sunt maiora. Accidentia bonitatis qualia sunt? Solutio ibidem. Vtrum aliquid magnum sit magnum sine magnitudine? Solutio ibidem. Et etiam si aliquid ens posset esse magnum sine magnitudine, non posset esse paruum per parvitatem, nec per substantiam; esse magnum. Vtrum ignis sit maior quam sua magnitudo? Solutio. Recurre, ut suprâ. Omnis substantia est maior quam sua pars. Idcirco magnitudo ignis per seipsam suppositum esse non potest. Vtrum magnitudo ignis possit esse otiosa? Solutio. Per totam substantiam ignis est successio de suo principio, medio, & fine. Vtrum ignis possit esse magnus extra se? Solutio. Sicut bonitas in magnitudine est bona, sic magnitudo in bonitate est magna. Vtrum ignis sine agere durare possit? Solutio. Ignis nunquam foret, si eius partes non essent. Et recurre ad capitulum de duratione, quod est in radicibus arboris elementalibus. Vtrum duratio ignis sit substantialis? Solutio. Si nulla durabilitas esset substantialis, foret naturaliter duratio magis per aliud durabilis quam per seipsam. Vtrum ignis durabilior sit per formam, quam per materiam? Solutio. Si ignis sufficientiam haberet lignorum, omnes substantias elementatas combureret. Quare ignis plus durat in plumbo quam in ferro, cum ferrum fortius

sit quam plumbum? Solutio. Illud elementatum in quo plus est de ponderositate, propinquius est suo centro. Vtrum ignis dare posset, si non acciperet? Solutio. Si ignis dare posset sine accipere, de non esse posset essentiam suam multiplicare. Vtrum calor ignis suum proprium subiectum dimittere possit? Solutio. Nulla qualitas appropriata est ita durabilis: sicut propria qualitas. Vtrum calor ignis propriam habeat potestatem, aut appropriatam? Sol. Vade ad capitulum de potestate, quod in radicibus arboris elementalibus. Vtrum ignis à Deo magnam habeat potestatem in aqua, sicut in aëre? Solutio. Quia concordantia & esse habent concordantiam, & contrarietas & non esse, est omnis potentia maior per concordantiam, quam per contrarietatem. Vtrum ignis sine aëre aquam calefacere possit? Solutio. Nulla participatio potest esse sine aliqua concordantia. Cum in igne calor & lux sint æquales, quare potest aquam magis calefacere, quam ipsam illuminare? Solutio. Si potestas plus non posset de vna qualitate quam de alia, in omnibus subiectis esset potestas æqualis. Vtrum ignis in se operationem habere posset sine cæteris elementis? Solutio. In omni operatione oportet, quod vna res sit de alia. Quare ignis qui est in sua sphaera, habet appetitum, quod ad sphaeram terræ descendat, cum aqua, quæ est illi contraria, sit in medio? Solutio. Illa potentia est magna, quæ suum contrarium vincit. Et vade ad capitulum de potestate supra in arbore elementalibus. Cum ignis discretionem non habeat, quæ natura concordantiam habet cum aëre & terra, & contrarietatem cum aqua? Solutio. Recurre ad capitulum de sa-

piencia supra in radicibus arboris elementalís. Cū aër & terra contrariantur, quare ignis concordantiam habet cum aëre & cū terra? Solutio. Ignis in triangulo naturali est generatio per duas lineas, quæ sunt de concordantia, & est corruptio per vnā lineam, quæ est de duabus contrarietatibus. Vtrum ignis in aqua quam calefacit, inclinationem prius habet ad mouendum aquam quam suam frigiditatem? Solutio. Omnis motiuitas prius inclinationem habet ad maiorem mobilitatem, quam ad minorem, secundum cursum naturalem. Quare ignis habet appetitum generandi aurum, quod in sua specie non est generatum? Solutio. Nullus appetitus quietem habet in substantia elementalí. Et dic vt in capitulo de volūtate in radicibus arboris elementalís. Cum appetitus ignis & aquæ sint de bonitate, quare sunt contrarij? Solutio. Si ignis & aqua non essent contrarij, generatio non esset, quæ est bona. Vtrum ignis maiorem habeat appetitum ad calefacere, quam ad calefactum? Solutio. In nullo elementato habet ignis quietem. Cum aqua sit ponderosa, quare habet appetitum, quod ascendat superius? Solutio. Pauper mercator voluntatem habet eundi ad terras longinquas, vt lucrari valeat, & quod suū lucrum ad suam domum afferat. Quare ignis cum vna eadem virtute regulam desiccet, & ceram dissoluit? Solutio. In differentia passionum potentia differat suas actiones. Et dic vt supra de virtute in radicibus arboris elementalís. Vtrum virtus ignis sit ita magna in flamma sicut in carbone? Solutio. Illa virtus quæ suo centro est propinquior, est maior. Quare virtus forte in materia nascitur, & exit in actu? Solutio. Productio creata

est exemplum productionis increatæ. Vtrum ignis suam virtutem aquæ cōminicet? Solutio. Necessitas legem non habet. Vtrum veritas ignis de sua sit essentia? Solutio. Si substantia ignis de veritate substantiali non esset per se ipsa nō est. Et recurre supra ad capitulū de veritate in radicibus arboris elementalís. Vtrum substantia ignis veritatem habebat accidentalem? Solutio. Ibidem. Vtrum ignis aquam verificet? Solutio. Ex duabus veritatibus contrariis nascitur tertia veritas, quæ est filia ambarum. Vtrum veritas ignis & veritas aquæ sint contrariæ? Solutio. Ibidem, vt supra in capitulo de veritate. Vtrum ignis maiorem habeat delectationem in calefaciendo aërem quam aquam? Solutio. Nullus homo odit sine passione. Vtrum ignis passionem habebat in desiccando aërem? Solutio. Cum pater suum filium castigat, passionem habet. Vtrum ignis ita magnam habeat delectationem in conburendo ligna, sicut in calefaciendo ferrum? Solutio. Plus potest ignis ferrum calefacere quam carbonem. Vtrum ignis tantum acquirit in calefaciendo ferrum, sicut in conburendo ligna? Solutio. Ignis plus ab aqua se elongat, cum ligna conburit, quam cum ferrum calefacit. Vtrum differentia quæ est inter ignem & aquam sit pars substantialis amborum? Solutio. Vt supra in capitulo de differentia, quod est in radicibus arboris elementalís. Differentia accidentalís quare est? Solutio, ibidem. Vtrum differentia sit maior inter corpus hominis & suā animam, quam inter ignem & aquam? Solutio. Non sunt de vna bonitate differentia corporalis & spiritualis. Vtrum differentia caloris ignis & suæ lucis sit accidentalís? Solutio. Ignis sine differentia

ferentia accidentali suam similitudinem dare non potest calori allij & piperis. Ignis quare fundit aurum, & non liquefacit lapidem? Solutio. Concordantia ignis vni substantiæ & pluribus sufficit. Vtrum concordantia formæ & materiæ sit substantialis? Solutio. In nullo accidente secundum cursum naturalem est ita magna concordantia, sicut in substantia. Ignis quare aërem calefacit? Solutio. Omnis substantia foret ociosa sine concordantia. Vtrum concordantia quam ignis & aqua habent in ferro sit de contrarietate? Solutio. Siccitas ferri est obiectum ignis, & frigiditas aquæ. Vtrum contrarietas, quæ est inter ignem & aquam sit substantialis? Solutio. Vade ad capitulum de contrarietate in radicibus arboris elementalis. Vtrum aqua ignem possit infrigidare? Solutio. Sine contrarietate circulari elementatum non esset. Et recurre ad locum de contrarietate, ut supra. Cum contrarietas non sit pars substantialis substantiæ, quare concordantia, quæ est pars substantialis substantiæ, ex toto contrarietatem substantiæ elementatæ non priuat? Solutio. Nulla propria qualitas est separabilis. Vtrum ignis sit tantum contrarius aquæ per calorem, sicut terræ per leuitatem? Solutio. Si lapis grauior esset per aquam, quam per terram, terra eius centrum non esset. Qualia sunt prima principia substantiarum elementatarum? Solutio. Vade ad radices arboris elementalis. Vtrum ignis cum aquam calefacere incipit, prius seipsum, quam aquam calefaciat? Solutio. Ignis aquam calefacit, ut seipsum calefacere possit. Vtrum agens naturale prius incipiat formam quam materiam? Solutio. Agens naturale mouens formam, mouet materiam.

Quare ferrum, quod filius est ignis, cum sit calefactum, efficitur frigidum? Solutio. Nulla materia ita magnam habet proportionem cum forma artificiali, sicut cum naturali. Vtrum in ferro dispositio sit principium naturale? Solutio. Nulla dispositio artificialis potest esse sine naturali. Et in hoc passu gaudet Alchimista. Vtrum aër sit propinquior igni quam aqua? Solutio. Si aër esset propinquior aquæ quam igni, non haberet appetitum recipiendi calorem ab igne. Vtrum aër propinquior sit aquæ quam terræ? Solutio. Omnis participatio est subiecto propinquior per dare quam per auferre. Vtrum aër sit per totum spacium, quod est inter ignem & aquam? Solutio. In nulla vacuitate potest esse participatio. Vtrum calefactum sit propinquius formæ ignis quam eius materiæ? Solutio. Nulla forma se ipsam calefacit. Vtrum ignis per se sit siccus? Solutio. Si ignis esset siccus per se, appetitum ad terram non haberet. Vtrum ignis transmutare possit vel conuerrere essentiam aëris in suam speciem? Solutio. Finis simplicis elementi est principium elementi compositi. Vtrum in igne suæ partes sint quædam in aliis? Solutio. Omnes partes ignis sunt in circulo. Postquam prima principia sunt inuicem mixta, quare substantiæ elementatæ non sunt ad inuicem mixtæ? Solutio. Si asinus esset in boue, & bos in asino, aliqua vacuitas foret in natura. Vtrum ignis maiorem habebat appetitum addandum, quam ad recipiendum? Solutio. Dare & complementum concordantiam habent, & recipere & necessitas. Vtrum substantia ignis maiorem habebat concordantiam cum substantia aëris, quam cum accidentibus terræ? Solutio. Substantia ignis maiorem

maiorē habet concordantiam cum calore, quam cum siccitate, & cum nigredine. Vtrum in igne sit aliquod maius accidens, quam sua substantia? Solutio. Calor hominis plus valet quam substantia ignis. Vtrum in igne relatio sit maior quam quantitas? Solutio. Illæ craturæ nobiliores sunt & maiores, quæ Dei maiorem habent similitudinem. Cum aurum sit de igne qui est levis, quare non ascendit superius naturaliter, & descendit inferius? Solutio. Nunquam ignis æqualitatem caloris & coloris in auro posset habere in sua sphaera, cum ignis & aqua in auro non sint æquales. Vtrum aurum sit æqualitate vacuum? Solutio. In auro calor & lux sunt æquales qualitates, & frigiditas & color sunt æquales qualitates aquæ. Vtrum in auro ignis & aqua sint æquales? Solutio. Require capitulum de æqualitate in radicibus arboris elementalis. Vtrum simpliciter vna substantia possit alij esse æqualis? Solutio. Si elementatum possit esse sine maiortate & minoritate, vacuitas possibilis esset. Qualis est maior minoritas? Solutio. Illa minoritas est maior, quæ cum essentia nullam habet concordantiam. Vtrum maior minoritas realiter sit diuisibilis? Solutio. Si maior minoritas esset diuisibilis, esset sua diuisibilitas in infinitum. Vtrum minor punctus sit mobilis? Solutio. Nulla maior minoritas habet primum neque vltimum. Vtrum aliquod accidens habeat primum vel vltimum? Solutio. Si accidens simpliciter primum haberet vel vltimum, esset substantia.

De Quæstionibus radicum arboris vegetalis.

Vtrum bonitas pomi sit de bonitate ignis? Solutio. Recurre ad

radices arboris vegetalis. Vtrum malus sapor sit de bonitate arboris elementalis? Solutio. Dulcedo & amarus secundum suam naturam sunt bonæ. Vtrum dulcedo pomi sit qualitas composita de qualitatibus aëris: & de cæteris elementis sub concordantia? Solutio. Cum amaritudine sunt qualitates elementorum contra appetitus animalium. Vtrum vegetatiua viuat de elementatiua? Solutio. Vade ad radices, vt supra. Quare ignis appetit esse in pipere? Solutio. Naturalis virtus est maior in pluribus speciebus quam in vna. Essentia ignis quomodo vadit stare in essentia piperis? Solutio. Vegetatiua de pane facit carnem, & de vino sanguinem. Si ignis sit in pipere, quare non comburit ipsum? Solutio. Ita viuunt vegetatiua de igne, sicut flamma de oleo. Ignis quare non habet ita magnam virtutem in cucurbita, sicut in pipere? Solutio. Sicut radices arboris elementalis sunt in igne per calorem, ita sunt in aqua per frigiditatem. Vegetatiua quomodo derivatur de elementatiua? Solutio. Sicut radices arboris elementalis in igne transeunt in tertium numerum, ita transeunt elementa in tertium numerum in substantiis vegetatis. Vtrum elementa sint actualiter in substantiis vegetatis? Solutio. Si actualiter in ligno ignis non esset, nullus ignis crederetur.

De Quæstionibus radicum arboris sensualis.

Vtrum bonitas sensitiua sit de bonitate elementatiua & vegetatiua? Solutio. Vade ad radices arboris sensualis. Bonitas sensitiuæ quare est? Solutio. Ex bonitate farinæ, ex bonitate aquæ, bonitas panis multiplicatur

catur. Vtrum bonitas sensitiuæ sit in bonitate flammæ ignis? Solutio. Sicut de terra fieri possunt tegula, vitru, & ferrum, ita de igne fieri possunt flamma, pomu & caro. Et vade ad radices, vt supra. Cum caro sit corrupta, quo vadit sua bonitas naturalis? Solutio. Vt in radicibus arboris sensualis. Et intellige exéplum, quod datur de massa auri, quæ rediit ad suum numerum. Bonitas sensitiuæ quare est nobilior, quam bonitas vegetatiuæ? Solutio. Omnis nobilitas maior est in suo toto, quam in aliqua suarum partium. Vtru bonitas sensitiuæ sentiat? Solutio. Animal sentit per naturam, & eius rationes sunt instrumenta ad sentiendum. Vtrum bonitas sensitiua sit mortalis? Solutio. Si pars simplex esset mortalis, simplex esset, & non esset. Radices bonitatis sensitiuæ quales sunt? Solutio, vt in radicibus, vt supra. Animal quare habet poros? Solutio ibidé. Fræminæ quare non habent capillos in barba sicut homines? Solutio. Illa arbor quæ maiores habet radices, fortior est. Et vade ad radices, vt supra.

De Quæstionibus radicum arboris imaginalis.

Imaginatio est bona, vnde quæritur, idé quo est? Solutio. Vade ad radices arboris imaginalis. Imaginatio quomodo est? Solutio ibidem. Vtrum intellectus in sua specie imaginetur, aut in specie imaginatiuæ? Solutio ibidé. Vtrum imaginatiua in sua specie figuram attingat, aut in specie sensitiuæ? Solutio. Similitudines litterarum sigilli sustentatæ sunt in cera. Et vade ad radices virtutis. Vtrum in turri ima-

ginabilitas sit sustentata? Solutio ibidé. Vtrum in pomo imaginatiuitas sit sustentata? Solutio ibidem. Imaginatiua species quas accipit, quomodo multiplicat? Solutio ibidem. Imaginatio quid est? Solutio. Sicut primæ formæ sunt sub igne, ita sunt similitudines arboris elementalís, vegetalis, sensualis, & cælestialis, sub imaginatione. Vtrum imaginatio habeat colorem? Solutio. Imaginatio cum similitudine coloris attingit colorem. Vtrum imaginatio seipsam imaginari possit? Solutio. Imaginatio ita paruam habet quantitatem, quod seipsam imaginari non potest.

De Quæstionibus radicum arboris humanalis.

Bonitas corporalis & bonitas spiritualis quomodo coniunguntur & componuntur? Solutio. Vade ad radices arboris humanalis. Vtrum bonitas corporalis & spiritualis sint mixtæ? Solutio. In omni participatione non est mixtio: sicut angelus, qui in ciuitate in qua est, suas partes non miscet cum longo, amplo, & profundo illius loci. Vtrum anima naturam corporalem accipiat? Solutio. In homine differentia conseruat naturam corporalem & spiritualement, & concordantia ipsas concordat. Et vade ad radices virtutis. Homo quomodo ex anima & corpore transit in tertiū numerum? Solutio ibidem. Vtrum anima ante respondeat quam corpus, cum homo accipit vulnus? Solutio ibidem. Tentationes hominum quomodo veniunt? Solutio ibidem. Vtrum anima plus imaginari diligat quàm sentire? Solutio. Si peccatum non esset plus diligeret anima imaginari quàm sentire.

Cum homo moritur, anima per quem locum exit? Solutio. Nullus locus corporalis est carcer animæ rationalis. Anima rationalis quomodo est forma corporis? Solutio. Vade ad radicem virtutis. Vtrum anima ex corpore meritum producat? Solutio. Heremita quando ociosus est, & per aliquam malam tentationem tentatus incipit rogare Deum & orare, & habet contritionem.

De Quæstionibus radicum primæ arboris moralis.

Virtus moralis de quo est? Solutio. Sicut ignis est supra primas formas realiter, ita virtus moralis moraliter est supra similitudines arboris humanalis. Et recurre ad radices arboris moralis. Heremita quare vitat sapida cibaria? Solutio. Per mare cibariorum nimis sapidorum vadit temperantia periclitando. Quare heremita de monte descendit, & vadit ad civitatem visum pulchras mulieres? Solutio. Oculi vident pulchritudines creaturarum, & intellectus boni hominis intelligit pulchritudinem Dei, & voluntas ipsam diligit, & memoria ipsam recolit. Imaginatio quomodo est instrumentum meriti & culpæ? Solutio. Vade ad radicem virtutis. Vtrum homo plus de merito per imaginari acquirat, quam per sentire? Solutio. In ieiunio est passio sensus in sentiendo, & similitudo passionis est habitus imaginationis. Moralitas memoriæ de quo est? Solutio. Vade ad radicem virtutis. Moralitas ubi stat? Solutio. Heremita est in habitu, de quo est indurus. Moralitas quomodo crescit? Solutio. Ex maiori recolere & intelligere, sequitur maius amare. Et vade ad radicem virtutis. Vtrum verecūdia

quam homines habent in faciendo bonum, sit virtus? Solutio. Iesus Christus, nec beata Maria verecundiam habuerunt. Magna gloria, quomodo intrat in hominem? Solutio. Vade ad radicem virtutis.

De Quæstionibus radicum secundæ arboris moralis.

Qualia sunt prima principia vitiorum? Solutio. Vade ad radices arboris vitiosæ. Magnitudo quomodo peruersa est de virtute in vitium? Solutio ibidem. Malitia vitij quid est? Solutio ibidem. Cum peccatum nullam habeat entitatem, quare fortius est per antiquitatem, quam per novitatem? Solutio ibidem. Potestas quomodo potest esse mala? Solutio ibidem. Cum radices vitiorum sint priuationes virtutum, quæritur, vitium ante illas priuationes sint aliæ priuationes, quæ sint principia arboris vitiosæ? Solutio. Sicut in virtutibus sunt prima & secunda intentio: ita in vitiis. Et vade ad radices virtutis. Voluntas vitiosa quid est? Solutio ibidem. Vitium unde exit, & ubi nascitur? Solutio ibidem. Res quæ sunt falsæ, quare videntur esse veræ. Solutio ibidem. Mala tentatio quomodo cognoscitur? Solutio. Delectatio quæ est sub habitu vitioso est illa, in qua vitia quietem habent. Et vade ad radices, vt supra.

De Quæstionibus radicum arboris Imperialis.

Vtrum Princeps vii debeat plus de iustitia, quam de misericordia? Solutio. Si homines essent magis boni quam mali, Princeps esset electus, vt indulgeret. Vtrum Princeps melius regnet cum timore, quam cum amore?

amore? Solutio. Si omnes gentes essent bonæ, Princeps non esset. Vtrum bonitas Principis maior sit quam bonitas populi? Solutio. Plures homines vnum equum emerunt. Quare malus Princeps maiorem pœnam habebit in inferno quam alius homo? Solutio. Nulla voluntas ita charè empta est, sicut voluntas Principis. Vtrum Princeps sit plus eligibilis per successionē quam per moralem virtutem? Si lupus peltem mutonis non indueret, ille qui maiorem haberet virtutem, deberet esse Princeps. Princeps quare est? Solutio. Vade ad radices arboris imperialis. Vtrum Princeps magis tractare debeat utilitatem suam quam sui populi. Solutio. Vnus homo vineam fodit, quæ valet centum talenta ut vnum talentum habeat. Vtrum Princeps ante debeat coronam recollere quam furcas? Solutio. Nullus honor tantum valet sicut iustitia. Vtrum Princeps tantum dormire debeat sicut alius homo? Solutio. In nullo magno periculo habent homines somnū. Quare Princeps maiorem verecundiā habere debeat quam alius homo? Solutio. Vnus homo à pluribus hominibus plures res furatur.

De Quæstionibus radicum arboris Apostolicæ.

Vtrum Prælati magis sit, timibilis, quam amabilis? Solutio. Melior est Prælati per charitatem, quam per combustionem hæreticorum. Quare est Prælati? Solutio. Vade ad radices arboris Apostolicæ. Prælati quomodo virtutibus uti debeat? Solutio ibidem. Vtrum Papa obligatus sit ad tractandum & ordinandum, quod Euangelia per totum mundum prædicentur? Solutio. Nul-

la potestas data est propter ociositatem. Vtrum Prælati sit magis eligibilis per charitatem, quam per prudentiam? Solutio. Si non esset consilium, magis de bonitate, intraret in prudentia Prælati, quam in charitate. Vtrum Prælati maiorem debeat habere concordantiam cum oculis, quam cum auribus? Solutio. Honor Dei magis consistit per audire, quam per videre. Vtrum aliquis Prælati sit avarus? Solutio. Cuilibet Prælati sufficit vnus cippus argenti ad potandum. Et vade ad radices virtutis. Quare Ecclesiæ datum est Imperium? Solutio ibidem. Quare datus est maior honor Pape, quàm alicui homini? Solutio. In nullo homine est ita fortiter Deus representatus, sicut in Papa. Quare clerici uxores non habent? Solutio. Difficile est, quod vnus homo possit uti vita contemplatiua, & vita actiua.

De Quæstionibus radicum arboris cælestialis.

Vtrum firmamentum & quatuor elementa sint de vna materia generali? Solutio. Vade ad radices arboris cælestialis. Quare corpora supra cælestia sunt incorruptibilia? Solutio ibidem. Quare flores se vertunt ad solem? Solutio. Inter dare & accipere est concordantia. Vtrum firmamentum moueat seipsum, aut per alium sit motum? Solutio. Si firmamentum seipsum non moueret, non haberet cum mobilitatibus inferioribus ita naturalem concordantiam. Vtrum bonitas firmamenti, ignis, & aquæ sint de vno genere? Solutio. Particulares contrarietates concordantiam habent in vnitatem generis. Quare sol habet maiorem concordantiam cum igne, quam cum aqua? So-

lutio. Sol plus diligit lucem ignis, quam albedinem aquæ. Quare sol est magis lucens in meridie, quam in mane? Solutio. Ex ligno viridi exit plus de fumo, quam de sicco. Quare aqua fontium frigidior est in æstate quam in hyeme? Solutio. Hyems amicos solis de domo extrahit. Vtrum sol sit ponderosus? Solutio. Nullus mōtus circularis mouetur ad inferius. Vtrum sol sit calidus? Solutio. Si sol esset calidus, oporteret quod Venus & Mars essent corruptibiles, & quod ignis omnia combureret.

De Quæstionibus radicum arboris angelicalis.

Vtrum sit angelus? Solutio. Quanto substantia est magis simplex, tanto magis actiua poterit esse. Vtrum angelus cum vult agere, prius rationē considerat, quam naturam. Solutio. Nullus angelus tantum est creabilis, sicut Deus est amabilis. Et vade ad radices arboris angelicalis. Vtrum angelus habeat extensitatem? Solutio. Magnitudo angeli ita est impossibilis ad imaginandum: sicut sua bonitas, duratio, potestas, veritas, virtus, voluntas, & sapientia. Vtrum angelus sit corruptibilis? Solutio. Nullus simplex circulus (vt ita loquar) est diuisibilis. Vtrum angelus sit de genere naturali? Solutio. Vade ad radices virtutis. Vtrum naturalis bonitas angeli sit substantialis? Solutio ibidem. Vtrum angelus sit audibilis? Solutio. Inter Deum & creaturam est Idea considerabilis. Vtrum angelus sit de contrariis? Solutio. Nullus angelus secundum naturam est sub genere. Obstinatio mali angeli quomodo est? Solutio. Vade ad radices virtutis ibidem. Angelus de quo est? Solutio.

De Quæstionibus radicum arboris æiternalis.

Vtrum gloria angeli multiplicatur propter bonum, quod facit hominibus? Solutio. Iniuriam faceret Deus malo angelo, si sibi daret tantam pœnam propter vnum peccatum, sicut propter multa. Vtrum angelus faciat bonum hominibus, vt maiorem gloriam acquirat? Solutio. Voluntas Dei voluntates omnium bonorum angelorum complet. Vtrum dæmon homines peccare facit, vt plus habeat de pœna? Solutio. Tota voluntas dæmonis plena est malo. Cum dæmon peccauerit in tempore, quare habet pœnam æiternalem? Solutio. Vade ad radices arboris æiternalis. Vtrum tota bonitas naturalis dæmonis sit vacua & ociosa? Solutio. Sine fine nulla substantia est plena. Et vade ad radices virtutis. Vtrum pœna dæmonis sit ita magna sicut sua culpa? Solutio. Omnis culpa est contra infinitam bonitatem, contra quam non est aliqua pœna. Vtrum dæmon plus peccat contra rationes, quam contra naturam? Solutio. Si Deus non esset, & bonus angelus esset, plus diligeret bonus angelus suam naturam, quam suas rationes. Vtrum in malo angelo est ita magna potestas: sicut in bono angelo? Solutio. Nullus dæmon est liber. Vtrum dæmon per seipsum in homine habeat aliquam potestatem? Solutio. Nullus homo viuit de lapidibus. Et vade ad radices virtutis. Vtrum contrarietas sit principium mali angeli? Solutio. Contrarietas naturalis & culpa non sunt vnum idem numero.

*De Quæstionibus radicum arboris
maternalis.*

Vtrum Domina nostra aliquam occasionem habeat contradicendi peccatori, qui in ipsa habet magnam spem? Solutio. Vade ad radices arboris maternalis. Quare Domina nostra suum filium non rogat de iustitia, & ipsum rogat de misericordia: cum ita sit, quod in suo filio iustitia & misericordia sint æquales? Solutio ibidem. Vtrum Domina nostra suum filium rangat cum iustitia, cum peccatores petunt misericordiam? Solutio. Iniuriam faceret Domina nostra peccatori, qui habet spem in ipsa, & qui quærit misericordiam, si suum filium non rogaret propter eius amorem. Vtrum rationes Dominae nostræ sint matres hominum peccatorum? Solutio. Inter rationes & naturam Dominae nostræ est magna concordantia, Vtrum aliqua mater possit esse maior in magnitudine bonitatis, quam illa, quæ est mater finis? Solutio. Nulla bonitas est maior quam finis. Vtrum magnitudini maternitatis sufficeret charitas sine pietate? Solutio. Sine pietate Domina nostra non posset esse mater omnium peccatorum. Vtrum Domina nostra sit magis mater per naturam diuinam Iesu Christi, quam per humanam? Solutio. Iesus Christus in quantum homo se filium non faciebat neque hominem. Beatus Petrus à Domina nostra quæsiuit, quare ipsa plorabat? Solutio. Respondit Domina nostra beato Petro, quod in Hierusalem suus filius est inhonoratus, & quod plures homines ibant ad damnationem, quam ad saluationem in tempore, in quo Raymundus hunc librum composuit. Vtrum Domina nostra

sit mater propter peccatum? Solutio. Si Domina nostra mater esset propter peccatum, nullus peccator in ipsa spem haberet: cum ita sit, quod peccatum & sanctitas non habeant concordantiam. Vtrum si peccatum non esset, Domina nostra esset mater Iesu Christi hominis Dei? Solutio. Primæ intentiones non sunt propter secundas, & martellus & forfices sunt propter clauum.

*De Quæstionibus radicum arboris
christianalis.*

Vtrum Deus sit incarnatus? Solutio. Vade ad radices arboris apostolicæ, & ad flores arboris christianalis. Incarnatio quomodo est? Solutio. Vade ad radices arboris christianalis. Vtrum tota natura diuina sit incarnata? Solutio. Bonitas humana Iesu Christi fuit communis ex primis quinque arboribus, & fuit specifica in quantum vnus homo & non plures. Et vade ad radices virtutis. Vtrum bonitas diuina & humana conuersæ fuerunt in incarnatione? Solutio. Ex naturis primarum quinque arborum sequitur homo, & quoniam in illis naturis est differentia, remanent in quolibet homine naturæ distinctæ. Vtrum bonitas humana naturalis sustentata sit in deitate, aut in humanitate Iesu Christi? Solutio. Sicut humanitas est homo in deitate, & est homo per suam naturam, ita rationes humanæ Iesu Christi sunt hoc, quod sunt in rationibus diuinis personæ filij: & remanent rationes hominis in natura hominis. Vtrum bonitas humana sit per totam diuinam? Solutio. Tota diuina bonitas est humana in quantum Deus bonus est bonus homo, scilicet quia bonitas hominis est finita, de suæ

conditione non est, quod localiter sit in omnibus locis sæculi, in quibus est Deus homo. Vtrum bonitas humana sit ratio diuinæ bonitati quod bonum hominibus faciat, & quod eorum peccata remittat? Solutio. Per vnionem quæ est corporis & animæ, in quolibet homine, cum corpus hominis habet calorem & sitim, imaginatio imaginatur ymbra & fontes frigidos, & anima ipsos desiderat, & mouet corpus ad ipsos. Vtrum Iesus Christus cum erat in hoc mundo peccare poterat? Solutio. Impossibile est, dum anima sit in corpore, quod corpus sit mortuum. Et vade ad radices virtutis. Vtrum diuina bonitas in cruce fuerit vulnerata? Solutio. Sicut Iesus Christus homo est in deitate, & homo est per suam naturam, fuit diuina bonitas in cruce vulnerata, in quantum Deus homo fuit vulneratus, quæ secundum suam naturam non fuit vulnerata. Vtrum in Domino Iesu Christo elementa sint contraria? Solutio. Sicut Iesus Christus homo est in Deitate, & est homo per suam naturam, ita elementa in corpore Iesu Christi sunt in concordantia; & sunt contraria secundum eorum naturam, quorum contrarietas est oblita, & ad concordantiam reducta.

De Quæstionibus dignitatum Dei arboris diuinalis.

Vtrum sit Deus? Solutio. Vade ad flores arboris apostolicæ. Vtrum productio sit in Deo? Solutio. Si in Deo non esset productio, omnes suæ rationes essent ociosæ in extensitate infinita, & in infinita duratione. Et vade ad dignitates, & ad flores arboris diuinalis. Vtrum dignitates Dei sint rationes reales? Solutio. Si dignitates

Dei reales non essent rationes, esset natura diuina in se ociosa. Et vade ad dignitates virtutis. Cum dignitates Dei sint vnum idem, quomodo possunt esse plures? Solutio ibidem. Vtrum diuina bonitas sit maior ratio ad producendum maius bonum, quam minus? Solutio. Magnitudo & maioritas concordantiam habent, & paruitas & minoritas. Rationes Dei quare sunt? Solutio. Vade ad dignitates virtutis. Vtrum in Deo aliqua ratio maior sit quam alia? Solutio. Nulla minoritas est infinita. Et vade ad dignitates virtutis. Vtrum Deus in se ipso possit esse ociosus? Solutio. Nulla ratio diuina priuari potest. Vtrum Deus bonitatem possit acquirere? Solutio. Bonitas infinita multiplicari non potest, veruntamen bonitatem creatam acquirere potest per incarnationem participatam. Vtrum diuinæ rationes sint creaturæ? Solutio. Sicut & multo melius homo sentit ratione videndi, audiendi, & sic de aliis sensibus, est Deus creator per suas rationes; & sicut homo sentit per naturam suorum sensuum, est Deus creans per naturam suarum rationum.

De Quæstionibus radicum arboris exemplificæ

Quare milites in bello se ponunt ad mortem ad defendendum Regem eorum Dominum? Solutio. Vade ad primum paragraphum radicis arboris exemplificæ, in quo per similitudinem solutio huius quæstionis significatur. Quare homines gulosi carnes nolunt diuidere in mensa? Solutio ibidem ad secundum paragr. Heremita à Deo quæsiuit, postquam ipsum tantum diligebat, quare ei tot tribulationes dabat? Et quare ita fortiter

titer ipsum tentare permittebat? Solutio ibidem ad tertium paragr. Quare homines auari priusquam alij moriuntur? Solutio ibidem ad quartum paragr. Quare Deus non exaudit peccatores, quotiens ipsum rogant? Solutio. Vade ad quintum paragr. virtutis. Quod est maius placitum, aut dare aut accipere? Solutio. Vade ad sextum paragr. virtutis. Quare Deus dat tribulationes & passionem hominibus peccatoribus? Solutio. Vade ad septimum paragr. virtutis. Quare est iudex inuentus? Solutio. Vade ad octauum paragraph. Quomodo incipit inimicitia? Solutio. Vade ad nonum paragr. virtutis. Quomodo cognoscuntur falsitates hominum? Solutio ibidem ad decimum paragraph. Quomodo homines se defendere possunt à deceptione? Ibidem ad vndecimum paragra. Quomodo debet homo respondere suo inimico, cum cum vult decipere? Solutio ibidem ad duodecimum paragraph. Quare homines naturalem habent appetitum ad viuendum in hac præsentia vita, cum ita sit, quod alia vita melior sit quam ista? Solutio ibidem ad decimumtertium paragraph. Quare sunt tentationes, & quare homines in hac vita quietem habere non possunt? Solutio ibidem ad decimūquartum paragraph. Quomodo homines suos pueros nutrire debeant? Solutio ibidem ad decimumquintum paragr. Princeps quomodo debet esse familiaris cum suis subditis? Solutio ibidem ad decimumsextum paragr. Publica utilitas quare habet ita paucos seruitores? Solutio ibidem ad decimumseptimum paragr. Quomodo cognoscitur timor hominum? Solutio ibidem ad decimumoctauum paragr. Data est doctrina quomodo quæstiones mora-

les de-exemplis radicum arboris exemplificatis trahi possunt, ratione cuius doctrinæ homo poterit ex ipsis exemplis trahere quæstiones, quas homo facere potest ex radicibus arborum vegetalis, sensualis, & cæterarum.

De Quæstionibus truncorum.

Et primò de trunco arboris elementalis.

Vtrum prima materia sit & participet cum prima forma generali? Solutio. Vade ad truncum arboris elementalis. Hyle de quo est? Solutio ibidem. Formæ naturales & productibiles quomodo sunt in potentia, de qua sunt? Solutio ibidem. Vtrum chaos vniuersale sit corpus? Solutio ibidem. Vtrum ante formam & materiam ex quibus est substantia corporalis, sint alia prima principia ex quorum essentiis sint forma & materia, de quibus est ipsa substantia corporalis? Solutio ibidem. Quomodo plura vnum ens generale multiplicant? Solutio ibidem. Quare chaos generale non est sensibile? Solutio ibidem. Res secundariæ quomodo sunt de primis? Solutio ibidem. Species quomodo ex generalibus deriuantur? Solutio ibidem. Vtrum sit vna generalis quantitas, ex cuius essentia sint plures quantitates specificæ? Solutio ibidem.

De Quæstionibus trunci arboris vegetalis.

Vtrum essentia pomi sit essentia quatuor elementorum? Solutio. Vade ad truncum arboris vegetalis. Vtrum visibilitas pomi sit ex visibilitate lapidis? Solutio. Lapis & pomum in genere participant. Et vade.

vade ad truncum virtutis. Quare animal pomum & eius essentia videre non potest? Solutio ibidem. Vtrum in trunco pomi & pruni sit truncus elementalis? Solutio. Duæ humiditates pomi & pruni sunt ex vna humiditate generali, quæ non posset esse sine subiecto generali. Quare truncus arboris elementalis non occupat locum pomi? Solutio. Nullum principium occupat medium veniendo ad finem suum. Vtrum liquor fici sit de essentia ignis? Solutio. Liquor fici est de quatuor qualitatibus generalibus qualificatus, & nulla propria qualitas suum proprium subiectum dimittit. Pomus Martini ubi erat, antequam esset? Solutio. Idea capræ erat causa suæ productionis, in qua idea fuit capra antequam esset, & istud exemplum est mathematicum. Essentia trunci elementalis quomodo significatur in essentia pomi? Solutio. Vade ad truncum virtutis. Vtrum inter visibilitatem & visum sit differentia. Solutio. Nulla forma abstracta est visa. Et vade ad truncum virtutis. Vtrum visibilitas trunci elementalis sit intra pomum aut extra? Solutio. Figura clauis est extra essentiam ferri. Vtrum truncus elementalis sit materia, ex qua truncus pomi viuit? Solutio. Nullum humidum radicale sine humido nutrimentali viuere potest.

*De Quæstionibus trunci arboris
sensualis.*

Vtrum sensitiua sit ex elementatiua, & ex vegetatiua, & non ex seipsa? Solutio. Si animal posset esse simpliciter ex elementatiua & vegetatiua, equus & pomum possent esse in eadem specie. Et vade ad truncum arboris sensualis. Figuræ trunci ele-

mentalis & vegetalis quales sunt in sensuali? Solutio ibidem. Vtrum truncus sensualis viuat ex trunco elementali & vegetali? Solutio. In lampade flamma viuit ex oleo. Et vade ad truncum virtutis. Vtrum color sanguinis sit ex colore arboris vegetalis? Solutio. Olea inserta in oleastro non est ex oleastro. Vtrum color sanguinis sit potentialiter in lapide & in pomo? Solutio. Color generalis est vbique, sed specialis in omnibus corporibus non est. Quare nullus sensus seipsum sentire potest? Solutio. Quia sensibilitas in abstracto consistit, non potest attingi nisi in figura, sicut figura coloris, quæ in colorato per videre sentitur. Vtrum aliquis sensus substantiam attingat? Solutio. Si sensus intra attingeret, & non extra, figura substantiæ suum obiectum non esset. Vtrum truncus sensualis cum tangitur, per rationes responderet aut per naturam? Solutio. Dormiebat natura, cuius rationes ipsam euigilauerunt, ut ociosa non esset. Cum sensus tangat, vtrum tangat per suas rationes, aut per suam naturam? Solutio. Totum mouet suas partes, ut moueat seipsum. Vtrum potentia sensiua sit substantialis aut accidentalis? Solutio. Vade ad truncum virtutis.

*De quæstionibus trunci arboris
imaginalis.*

Vtrum truncus arboris imaginalis sit ita confusus sicut truncus sensualis? Solutio. Illa substantia magis est confusa, in qua differentia minus habet de entitate. Quare imaginatio substantias spirituales non attingit? Solutio. Si aliqua substantia spiritalis tangi posset, imaginatio ipsam posset imaginari. Vtrum imaginatio

natio habeat deliberationem? Solutio. Si imaginatio deliberationem haberet, respondere posset, antequam tacta esset. Vtrum imago, quæ imminet in speculo, sit de essentia imaginationis? Solutio. Vade ad truncum arboris imaginæ. Vtrum imaginatio realem imaginabilitatem attingat aut figuram illius? Solutio. Sicut faber artificialiter nouam figuram clauis trahit de ferro, ita imaginatio naturaliter trahit nouam figuram de imaginabilitate reali. Quare homo, qui nouam figuram suæ faciei vidit in speculo, ipsam ita bene imaginari non poterit, sicut figuram nouam faciei alterius hominis, quam vidit? Solutio. Quanto imago, se elongat à subiecto obiecti proprii in appropriato, tanto magis est confusa. Et in hoc passu multum de Philosophia habetur, quæ multiplicari posset secundum processum huius scientiæ. Vtrum imaginatio sit ex reali similitudine, aut ex fantastica? Solutio. Si imaginatio ex similitudinibus realibus non esset, nulla substantia per seipsam imaginabilis esset. Cum equus non sit ex intelligibilitate, quare est intelligibilis? Solutio. Sicut intellectus cum oculis attingit colorem, ex quo fantasticam trahit intelligibilitatem, ita trahit cum imaginatione ex equo fantasticam intelligibilitatem. Et vade ad truncum virtutis. Vtrum truncus arboris imaginæ cum dissimilitudine suæ naturæ tangi possit? Solutio. Nullus calor cum frigiditate sentitur. Vtrum imaginatio sit ita habitus similitudinum, sicut color substantiarum coloratarum? Solutio. Si imaginationes substantiale non esset, foret similitudo fontis absens ab animali, quod in ipso portauit, in accidente tantummodo sustentato. Et vade ad truncum, ut supra.

De Quæstionibus trunci arboris humanalis.

Naturæ hominis quomodo sibi inuicem respondent? Solutio. Vade ad truncum arboris humanalis. Vtrum in homine sit vna substantia aut plures? Solutio ibidem. Vtrum anima tangi possit? Solutio ibidem. Vtrum homo sit sensibilis? Solutio. Sentit homo bonitatem vini in citho: sed non totam bonitatem vini in dolio. Vtrum homo cum vna scientia se habere possit ad truncum humanale? Solutio. In flamma ignis conuertitur species olei in ignem, qui ardet in lampade. Et vade ad truncum virtutis. Vtrum anima rationalis sit per totum corpus? Solutio ibidem. Vtrum anima rationalis sit in capillis hominis? Solutio. Si anima rationalis foret in capillis hominis, sentirent capilli in eorum summitate. Vtrum homo qui manum perdit aut pedem, perdat aliquam partem animæ rationalis? Solutio. Nulla substantia spiritualis habet longas, amplas, aut profundas mensuras. Homo quare moritur? Solutio. Rumpitur ampulla, & exit vinum ex ipsa. Anima quomodo mouet corpus? Solutio. Primæ intentiones mouent secundas. Et vade ad truncum virtutis.

De Quæstionibus trunci arboris moralis virtuose.

Moralitas quid est? Solutio. Vade ad truncum arboris moralis. Moralitas quomodo durat? Solutio ibidem. Vna moralitas quomodo est contra aliam? Solutio. Quælibet pars arboris moralis suum proprium obiectum habet, aut suum appropriatum. Et

vade ad truncum, vt supra. Vtrum moralitates sint habitus naturales? Solutio. Boni habitus morales sunt naturales in fine hominis per dispositionem, & sunt in principio & medio artificiales per deliberationem & electionem. Vtrum vna moralitas possit esse ex contrariis? Solutio. Impossibile est, quod virtus & vitium ad vnum finem se habeant. Vtrum moralitas sit sensibilis? Solutio. Si moralitas sensibilis esset, oporteret quod esset naturalis. Vtrum in homine æquales moralitates possint esse? Solutio. Propter similitudinem æqualitatis quæ est in truncò morali, sunt moralitates dispositæ, quod sint æquales: sed quia in truncò sunt similitudines maioritatis & minoritatis, non est æqualitas moralitatum in potentia. Vtrum vna moralitas sit ex alia? Solutio. Ex maioribus moralitatibus minores deriuntur. Vtrum vna bona moralitas aliam occupet bonam moralitatem? Solutio. In tactu simplici omnes rationes habituum nõ recipiuntur. Vtrum moralitas sit imaginabilis? Solutio. Nulla imaginatio supra seipsam attingit.

*De Quæstionibus trunci arboris
moralis vitiosæ.*

Dispositio vitiorum de quo est? Solutio. Moralitas vitiosa est ex disposita priuatione. Vitium quomodo incipit? Solutio. Cum virtuosus incipit esse ociosus, incipit moralitas vitiosa. Vitium de quo vivit? Solutio. Ex priuatione speciei olei flamma ignis in lampade vivit. Peccatum quomodo multiplicatur? Solutio. Vade ad truncum vitiosum arboris moralis. Peccatum quomodo priuari potest? Solutio. Agens qui mouet

formam & materiam ad finem propter quem est; in illo motu culpam non habet. Vtrum truncus vitiosus sit ex partibus naturalibus? Solutio. Sicut lapis quem asinus portat habet naturaliter appetitum descendendi ad terram: ita mundus si Deus ipsum non sustineret, in nihilum tenderet & rediret. Vtrum peccatum habeat aliquam potestatem? Solutio. Vitiosa consuetudo & virtutis priuatio est potestas peccati. Vtrum in truncò vitioso sit electio boni & mali? Solutio. Impossibile est, quod truncus virtuosus & truncus vitiosus in eodem tempore sint in vno homine. Vtrum truncus vitiosus sit ex plenis partibus? Solutio. Nulla pars est plena, quæ est contra finem. Cum vitium sit ex virtute priuatum, quare est in obiecto reali & naturali sustentatum? Solutio. Ex dispositione priuationis virtutis, & potentie virtutis sentit homo se liberum ad eligendum bonum aut malum.

*De Quæstionibus trunci arboris
Imperialis.*

Bonus Princeps quare habet maius meritum, quam alius homo? Solutio. Ille homo qui plus habet de bono, magis à malo est remotus, quam alius homo. Vtrum Princeps debeat suo consanguineo ex delictis citius patere, quam alij? Solutio. Difficile est, quod parens Principis sit humilis. Vtrum intellectus plus pertineat ad iustitiam, quam voluntas? Solutio. Nullus intellectus ita cito currere potest, sicut voluntas. Quare Princeps filium suum primogenitum facit heredem? Solutio. Ille qui prius est ad principium, est propinquior fini secundum cursum naturalem. Princeps ubi thesaurum suum tenet? Solutio.

Thesau.

Theſaurus Principis eſt in ſuo enſe, & in voluntate gentium. Princeps quare habet timorem? Solutio. Nullus homo tot habet inimicos, ſicut Princeps. Princeps quare plus honorem, quam denarios diligit? Solutio. Dominium plurium voluntatum nobilius eſt & fortius, quam multorum denariorum. Princeps quare debet eſſe magis humilis, quam alius homo? Solutio. Humilitas, quæ ad magna & ad minora deſcendit, & in medio æqualia inuenit, in illo homine eſt, qui eſt magis ſubditus. Quare Principi pertinet maior legalitas, quam alteri homini? Solutio. In nullo homine eſt ita mala traditio, ſicut in Principe. Princeps quare habet uxorem? Solutio. Propter amorem quem Princeps habet ſuo filio diligit ſuum regnum.

De Quæſtionibus trunci arboris Apoſtolicæ.

Apoſtolicus quare debet eſſe Dominus Principis? Solutio. Vade ad truncum arboris apoſtolicæ. Apoſtolicus quare debet habere maiorem concordantiam cum Principe, quam cum alio homine? Solutio. Timor vineam cuſtodit. Quare Princeps pedem Papæ oſculatur? Solutio. In lampade eſt oleum ſupra aquam, quia habet concordantiam cum flamma. Apoſtolicus quare habet ita magnam cathedram? Solutio. Ille homo qui eſt altior, videt magis longè. Apoſtolicus quare habet alba indumenta? Solutio. Apoſtolicus remittit peccata hominum, & aqua albos pannos facit. Apoſtolicus quare non habet uxorem? Solutio. Si Apoſtolicus uxorem haberet, ipſe in terram reſpiceret. Quare eſt imperium? Solutio. Vnus

Apoſtolicus & vnus Imperator totum mundum acquirere poſſent. Quare non ſunt plures Apoſtolici? Solutio. Vnus Deus eſt in cælo, & imago ſue vnitatis vna eſt in terra. Quare vitium maius eſt in prælato, quam in alio homine? Solutio. Ille homo qui eſt altius melius videri poteſt, quam alius homo. Quare Papa maiori indiget conſilio, quam alius homo? Solutio. Quanto perſona eſt communior, tanto indiget conſilio generali.

De Quæſtionibus trunci arboris Cæleſtialis.

Vtrum firmamentum habeat animam, & ſi animam habeat, qualis eſt? Solutio. Vade ad truncum arboris cæleſtialis. Firmamentum de quo eſt? Solutio ibidem. Vtrum mobilitas ſit de natura firmamenti? Solutio. Omnis pars rotunda appetit motum. Et vade ad truncum, virtutis. Vtrum lux ſolis deſcendat hinc inferius? Solutio ibidem. Quare in fluminibus eſt minus de aqua in æſtate, quam in hyeme? Solutio. Aqua in hyeme ſeminator, & in æſtate colligitur. Et homines ieiuni plus habent de ſanguine, quam non ieiuni. Quare in fluminibus eſt plus in hyeme de aqua, quam in Autumno? Solutio. Dolium vino plenum reddit plus de vino, quam dolium quod eſt ſemiplenum. Cum firmamentum ſit ſimpliciter figura circularis, quare influat in inferioribus figuram quadrangularem & triangularem? Solutio. Vade ad truncum virtutis. Quare viget plus de frigiditate in aurora, quam in media nocte? Solutio. Ignis ſolem rogauit, quod iuaret eum ad trahendum ſuum calorem ex aqua. Et vade ad truncum virtutis. Quomodo ſol plan-

ram multiplicat? Solutio. Sicut potentia visiva per quantitatem continuam & discretam visibilitatem speciei multiplicat, ita sol per quantitatem continuam & discretam generabilitatem plantæ multiplicat. Et vade ad truncum virtutis. Vtrum sol suam virtutem superius influat, videlicet ad Martem, ad Iovem, & ad Saturnum, & ad Leonem? Solutio. Solum centrum est finis circuli, ut omnia corporalia propter homines existant.

*De Quæstionibus trunci arboris
Angelicalis.*

Vtrum in angelo essentia & substantia sint vnum idem? Solutio. In hoc quod accidens non potest esse per suam essentiam, & per substantiam est sustentatum, sequitur differentia inter substantiam & essentiam. Cum angelus non sit corpus, nec de natura corporis, queritur vtrum suæ partes possint esse inuicem, alia in aliis mixta? Solutio. Secundum naturam voluntatis amans & amabile sunt in amare. Et vade ad truncum arboris angelicalis. Vtrum angelus habeat figuram? Solutio. Si substantiæ corporales sentiri possent per formam superfluæ forent earum figuræ in natura. Et vade ad truncum virtutis. Vtrum angelus sit ex forma & materia? Solutio. Si nulla bonificabilitas esset ex essentia bonificantis, nulla bonitas esset magna, nec aliquod bonificare. Et vade ad truncum virtutis. Vtrum angelus habeat aliquam conditionem corporalem? Solutio. Si angelus aliquam conditionem corporalem haberet, esset vacuitas magnitudinis in differentia, quæ est inter substantiam corporalem & spirituales. Et vade ad truncum virtutis. Vtrum

angelus intelligere possit substantias corporales sine imaginari & sentire? Solutio. Adeo fortiter qualibet pars angeli est mixta in alia, & coniuncta in trunco angeli, & ita fortiter omnes partes se inuicem iuvant, quod ad accipiendum corporalia obiecta non indiget imaginari nec sentire. Vtrum angelus qui est in Oriente possit illa intelligere, quæ faciunt homines in Occidente? Solutio. Ita & multo melius angelus suum intellectum extendit ad magna & ad parva obiecta sine cremento & extensione suarum partium, sicut imaginatio. Et vade ad truncum virtutis. Vtrum plures angeli in vno loco possint esse? Solutio. Sicut in trunco angeli possunt esse suæ partes, alia in aliis sine occupatione loci, ita angeli possunt esse inuicem in vno loco. Postquam angeli à longè intelligunt hoc, quod homines faciunt, quare de cælo descendunt, & sunt in terra cum hominibus? Solutio. In præsentia angeli recipit anima hominis beneficium, quem custodit. Vtrum si vna acus substantiam angeli pungeret, in ipso punctum dimitteret, qui circumferentiam haberet? Solutio. Nulla punctualitas corporalis sustentari potest in amare.

*De Quæstionibus trunci arboris
æiternalis.*

Vtrum in alia vita meritum crescere possit aut diminui? Solutio. Vade ad truncum arboris æiternalis. Vtrum Deus parcere possit Machometo, qui est in inferno? Solutio ibidem. Vtrum in merito quod in fine colligitur principium & medium remaneant? Solutio. In hac vita meritum sustentatur in principio, & in medio, & in morte, & in fine. Vtrum sit aliquod

aliquod meritum substantiale? Solutio. Si figura cultelli esset ex essentia ferri, clarius fieri non posset ex illo ferro. Auiternitas in quo sustentatur? Solutio. In mensuris æternitatis, & iustitiæ Dei, & in principio mundi auiternitas sustentatur. In inferno tempus & auiternitas sibi inuicem quomodo correspondent? Solutio. Olea inserta in oleastro in suam materiam conuertit materiam, quæ sibi influitur ex oleastro. Vtrum peccatores in inferno intelligant omnes suas culpas? Solutio. Intelligibilitas iustitiæ Dei magna est, & non parua. Vtrum peccatores in inferno se inuicem cognoscant? Solutio. In igne quilibet carbo suum calorem in alio multiplicat. Infernus quare est? Solutio. Ita Infernus est propter priuationem finis, sicut Paradisus propter attriunctionem & possessionem finis. Vtrum inter Paradisum & Infernum sit medium? Solutio. Impossibile est, quod sit mediū, quod cū natura principij & finis non participet.

*De Quæstionibus trunci arboris
maternalis.*

Vtrum Domina nostra sit in morte hominum, qui in ipsa spem habent? Solutio. Inter maternitatem Dominae nostræ & finem, qui est suus filius, est valde magna concordantia. Domina nostra cum quo peccatoribus responderet, qui ipsam rogant? Solutio. Maternitas Dominae nostræ fini hominum responderet. Homines quare ita sæpe Dominam nostram reclamant? Solutio. Pueri qui habent famem flent quando suas matres vident. Domina nostra quare habuit ita magnum dolorem per mortem filij sui? Solutio. Scit Domina nostra magnū dolorem, ut magnam pietatem habeat. Domi-

na nostra cum quo suas oves custodit? Solutio. Cum sine maternitatis. Domina nostra oves suas à lupis defendit. Vtrum inter Dominam nostram & suum filium sit negatio? Solutio. In magnitudine magni amoris & sapientiæ negatio esse non potest. Vtrum Domina nostra sit mater peccatoris, qui plus seipsum diligit, quam Iesum Christum Filium suum? Solutio. Nulla virtus est mater peccati. Vtrum Domina nostra exaudiat peccatores, qui sibi iustas preces non faciunt? Solutio. Tantum diligit Domina nostra suum filium, quod suos inimicos non exaudiat. Vtrum Domina nostra plus fœminas, quam homines diligit? Solutio. Domina nostra plus similitudines filij sui diligit, quam alias similitudines. Cum Domina nostra sit ita pia, quare de damnatis pietatem non habet? Solutio. Inter pietatē & impietatem concordantia esse non potest.

*De Quæstionibus trunci arboris
Iesu Christi.*

Vtrum in Iesu Christo sint duæ personæ, videlicet diuina & humana? Solutio. Iesus Christus est vnus, & si esset in duabus personis, non esset vnus: quoniam essent duæ personæ. Et vade ad truncum arboris Christianalis. Vtrum in Iesu Christo sit vna natura, aut plures? Solutio. Si in Iesu Christo non esset nisi vna natura, non esset homo per humanam naturam, nec esset Deus per diuinam. Vtrum in Domino Iesu Christo sit vna magnitudo, aut plures? Solutio. Si in Domino Iesu Christo non esset nisi vna magnitudo, aut illa magnitudo esset infinita, aut finita, aut infinita & finita. Vtrum in Iesu Christo deitas aliquam mutationē, aut diminutionē

nem accepit. Solutio. Vade ad truncum, vt supra. Vtrum Iesus Christus compositus sit ex natura diuina & humana? Solutio ibidem. Vtrum in domino Iesu Christo natura diuina & humana in tertium numerum transierint? Solutio ibidem. Filius Dei quare non fuit in pluribus hominibus incarnatus? Solutio. Impossibile est, quod filius Dei cum pluribus hominibus vna persona possit esse. Quare filius Dei naturam angelicam non assumpsit? Solutio. Impossibile est, quod filius Dei in natura angeli cum omnibus creaturis posset participare. Vtrum natura humana Iesu Christi à diuina natura recedere possit? Solutio. Sicut humana natura suam deificationem non elegit, ita separationem à deitate eligere non potest. Quale nomen est maius? Solutio. Qui Christum nominat, de omnibus rebus loquitur.

De Quæstionibus trunci arboris diuinalis.

Vtrum in Deo essentia & substantia sint vnum idem? Solutio. Vade ad truncum arboris diuinalis. Vtrum in Deo essentia & esse sint vnum idem numero? Solutio. Esse & non esse sunt contraria, & si in essentia non esset esse, non foret per seipsam à non esse remota: & in hoc passu cognoscitur, quod, in creaturis est differentia inter essentiam & esse, vt essentia sit prope non esse, de quo producta est in esse: quoniam si ipsa & esse vnum idem essent, per seipsam esset à non esse remota, & foret æterna, nec posset esse in priuatione: & quia esse sine essentia non potest esse propter dependentiam, quæ habet essentia à non esse, habet esse inclinationem ad non esse, de quo per creationem est productum. Et iste passus est prin-

cipium generale ad cognoscendum plures particulares veritates. Vtrum substantia Dei, quæ est ex suis rationibus, transeat in tertium numerum? Solutio. Vade ad truncum virtutis. Substantia Dei quomodo respondet tunc, cum tangitur? Solutio ibidem. Vtrum bonitas Dei sit generatiua. Solutio ibidem. Vtrum substantia Dei sit composita? Solutio ibidem. Vtrum Deus seipsum annihilare possit? Solutio ibidem. Impossibile est, quod æternitas possit priuari. Vtrum Deus possit annihilare mundum? Solutio. Contra diuinam voluntatem diuina potestas nullam habet possibilitatem. Vtrum Deus contradictionem facere possit? Solutio. In Deo nulla est negatio. Vtrum Deus peccatum creare possit? Solutio. Vade ad truncum vt supra, & respice diuinam substantiam, quomodo respondet tunc, cum tangitur, vt ita loquar.

De Quæstionibus trunci arboris exemplificalis.

Et primò de elementalibus.



Quare dicitur omne nimium est malum? Solutio. Vade ad primum paragr. trunci arboris exemplificalis & elementalibus, in quo responso significatur. Inuidia quomodo incipit? Solutio ibidem ad secundum paragr. Vtrum ignis valeat plus, quam aqua in omnibus rebus? Solutio ibidem ad tertium paragr. Prima principia laudis & infamiae qualia sunt? Solutio ibidem ad quartum paragr. Tristitia quomodo incipit? Solutio ibidem ad quintum paragr. Quale valet plus aut pulchritudo aut utilitas? Solutio ibidem ad textum paragr. Preces quomodo sunt exaudibiles?

dibiles? Solutio ibidem ad septimum paragr. Reprehensio quomodo incipit? Solutio ibidem ad octauum paragr. Inimicitia quomodo cognoscitur? Solutio ibidem ad nonum paragr. Inuidia quomodo cognoscitur? Solutio ibidem ad decimum paragr. Mala voluntas quomodo incipit? Solutio ibidem ad vndecimum paragr. Ira quomodo multiplicatur? Solutio ibidem ad duodecimum paragr. Famulus quare fatigatur in seruiendo domino suo? Solutio ibidem ad decimumtertium paragr. Falstas hominis quomodo cognoscitur? Solutio ibidem ad decimumquartum paragr. Homines quare consilio indigent? Solutio ibidem ad decimumquintum paragr. Quomodo debet responderi homini qui minatur? Solutio ibidem ad decimumsextum paragr. Cum homo gibbosus se commendat, quomodo ei debeat responderi? Solutio ibidem ad decimumsextum paragr. Homines quomodo sibi inuicem timorem faciunt? Solutio ibidem ad decimumoctauum paragr. Quare fundus cacabi in quo oleum bullit non est ita calidus sicut oleum, cum ita sit quod cum flamma participat. Solutio ibidem ad decimumnonum paragr. Homines quare sunt magis humiles in terra extranea, quam in eorum terra propria? Solutio ibidem ad vigesimum paragr. Homines quare sibi inuicem dicunt opprobria? Solutio ibidem ad vigesimumprimum paragr. Prima & secunda intentio in quo habent differentiam? Solutio ibidem ad vigesimumsecundum paragr. Aqua quomodo est materia ignis? Solutio ibidem ad vigesimumtertium paragr. Quare quidam homines alios vili pendunt? Solutio ibidem ad vigesimumquartum paragr. Mors quare pro-

pinquior est porco pingui, quam macillento? Solutio ibidem ad vigesimumquintum paragr. Homines diuites quare sunt pigri? Solutio ibidem ad vigesimumsextum paragr. Homines auari quare sunt superbi? Solutio ibidem ad vigesimumseptimum paragraph. Rex fatuus quare est subditus alicuius vilis hominis? Solutio ibidem ad vigesimumoctauum paragraph. Homines quare plus laborant ad habendum honorem, quam ad habendum sanitatem? Solutio ibidem ad vigesimumnonum paragraph. Gentes quare diligunt vanam gloriam? Solutio ibidem ad trigessimum paragraph. Cum Rex magis quam alius sit subditus, quare est superbus? Solutio ibidem ad trigessimumprimum paragraph. Homines diuites quare pauperes vili pendunt? Solutio ibidem ad trigessimumsecundum paragraph. Seruitus quare est superba? Solutio ibidem ad trigessimumtertium paragraph. Materia quare magis superba est, quam forma? Solutio ibidem ad trigessimumquartum paragraph. Ignis quare est ipsi sentire propinquior, quam aqua? Solutio ibidem ad trigessimumquintum paragraph. Rusticus quare est Rex in sua domo? Solutio ibidem ad trigessimumsextum paragraph. Homo peccator quare est superbus de suo vitio? Solutio ibidem ad trigessimumseptimum paragraph. Maritus & sua vxor quare habent rixam? Solutio ibidem ad trigessimumoctauum paragraph. Cum nox sit ex aqua, quare ignis de nocte est superbus? Solutio ibidem ad trigessimumnonum paragraph. Reprehensio quare est periculosa? Solutio ibidem ad quadragessimum paragraph.

*De Quæstionibus prouerbiorum
trunci arboris vegetalis.*

Virtus quare nobilior est in fine, quam in principio? Solutio. Vade ad primum paragraph. trunci antedicti. Vxor fabri, quæ suam faciem depingit, quare manus sui mariti deridet, quæ sunt nigra? Solutio ibidem ad secundum paragraphum, Vinum quod voluntatem hilarem facit, quare intellectum hominis facit plorare? Solutio ibidem ad tertium paragraph. Humilitas quomodo homines superbos reprehendit? Solutio ibidem ad quartum paragraph. Fabæ quare non desiderant naturam habere cinnamomi? Solutio ibidem ad quintum paragraph. Mercator quare deridet rusticum patrem suum? Solutio ibidem ad sextum paragraph. Cum ex maiori honore possit homo cadere in maius dedecus, quare homines plus maiorem honorem diligunt, quam minorem? Solutio ibidem ad sextum paragraph. Albedo argenti quare nigredinem ferri deridet? Solutio ibidem ad octauum paragraph. Rusticus quare Regem qui quiescit, reprehendit? Solutio ibidem ad nonum paragraph. Superbia quomodo cognoscitur? Solutio ibidem ad decimum paragraph.

*De Quæstionibus prouerbiorum
arboris sensualis.*

Quare Rex portat ensẽ? Solutio. Vade ad primum paragraph. prouerbiorũ trunci arboris sensualis. Quare ambę manus sunt amicę? Solutio ibidem paragr. secundo. Superbus quare non vult sociũ? Solutio ibidem paragr. tertio. Homo fatuus quare

vult amari? Solutio ibidem paragr. quarto. Homo subditus quare diligit quietem? Solutio ibidem ad quintum paragr. Dominus quare pietatem de subditis suis non habet. Solutio ibidem ad sextum paragr. Homo luxuriosus quare in manu sua portabat florem lilij? Solutio ibidem paragr. septimo. Leo quare habet timorem de homine? Solutio ibidem paragraph. octauo. Bonum consilium quomodo cognoscitur? Solutio ibidem ad nonum paragr. Canis & lupus qui sunt similes, quare se inuicem odiunt? Solutio ibidem ad decimum paragraph.

De Quæstionibus prouerbiorum trunci arboris imaginalis.

Successio peccati, quomodo est in homine? Solutio. Vade ad primum paragr. prouerbiorũ trunci arboris imaginalis. Suspicio quomodo incipit? Solutio ibidem paragr. secundo, Homo qui vult tradere Regem, quare habet timorem? Solutio ibidem ad tertium paragr. Homines quomodo luxuriam abhorrent? Solutio ibidem ad quartum paragr. Honor quomodo durat? Solutio ibidem paragr. quinto. Homo falsus quomodo cognoscitur? Solutio ibidem ad sextum paragr. Quare sit honor militi? Solutio ibidem ad septimum paragr. Fœminæ quare habent maiorem verecundiam, quam homines? Solutio ibidem ad octauum paragr. Paruum capucinum à magno capucino quæsiuit, in quo loco stabat hypocrisis? Solutio ibidem nono paragr. Homo piger quare est macer? Solutio ibidem ad decimum paragr.

De Quæstionibus prouerbiorum trunci arboris humanalis.

Peccatum luxuriæ quare propinquius est animæ, quam corpori? Solutio. Vade ad primum paragr. prouerbiorum trunci arboris humanalis. Homo qui alium reprehendit, quare seipsum excusat, cum reprehendit? Solutio ibidem ad secundum paragr. Corpus quomodo est occasio peccati? Solutio ibidem ad tertium paragr. Fur cum suspenditur, quare suum patrem & matrem blasphemat? Solutio ibidem paragr. quarto. Postquam voluntas non sentit, quare per sentire habet culpam? Solutio ibidem ad quintum paragr. Coruus quare cornicem, quæ est nigra, deridet? Solutio ibidem ad sextum paragr. Lupi quare oues comedunt? Solutio ibidem ad septimum paragr. Fœminæ quare maiorem timorem habent, quam homines? Solutio ibidem paragr. octauo. Asinus qui clamabat, quare philomelâ derisit, quæ cantauit? Solutio ibidem ad nonum paragr. Homo discretus quare pœnam habet, quando cum homine indiscreto participat? Solutio ibidem ad vltimum paragr.

De Quæstionibus prouerbiorum trunci arboris moralis.

Quæsitum fuit à peccato, quis erat suus pater? Solutio. Vade ad primum paragr. prouerbiorum trunci arboris moralis. Quare sunt tot mali homines? Solutio ibidem paragraph. secundo. Finis peccati qualis est. Solutio ibidem ad tertium paragr. Quæsitum fuit à peccato, ubi stabat? Solutio ibidem ad quartum paragr. Quæsitum fuit à libero arbi-

trio, vtrum erat propter peccatum? Solutio ibidem ad quintum paragr. Conscientia ab homine peccatore quæsiuit, quare ipsam non diligebat? Solutio ibidem paragraph. sexto. Quæsitum fuit à peccato, quare malum de sole dicebat? Solutio ibidem ad septimum paragr. Vtrum virtus pœnam habere possit? Solutio ibidem ad octauum paragr. Quæsitum fuit ab annulo Regis, quantum valebat? Solutio ibidem ad nonum paragr. Quæsitum fuit à peccato, quare plus diuites quam pauperes diligebat? Solutio. Diuitiæ hominis auari & ociositas societatem inuicem contraxerunt. Et vade ad decimum paragr. trunci virtutis.

De Quæstionibus prouerbiorum trunci arboris imperialis.

Ociositas à bonitate quæsiuit, quare plorabat? Solutio. Vade ad primum paragr. trunci antedicti. Quæsitum fuit à magnitudine, ociositas ubi stabat? Solutio ibidem ad secundum paragr. Quæsitum fuit ab homine ocioso, quare minus quam alius homo viuebat? Solutio ibidem ad tertium paragr. Quæsitum fuit à malitia, quis suus filius maior vocabatur? Solutio ibidem ad quartum paragr. Heremita à ciuitate quæsiuit, quare plorabat? Solutio ibidem paragr. quinto. Quæsiuit heremita à ciuitate, de quo erat populata? Solutio ibidem ad sextum paragr. Quæsiuit heremita à ciuitate, de quo erat sua corona? Solutio ibidem paragr. septimo. Quæsiuit heremita à ciuitate, quare perdidit verecundiam? Solutio ibidem ad octauum paragr. Quæsiuit heremita à ciuitate, de quo erant messes suæ? Solutio ibidem ad nonum paragr. Quæsiuit heremita à ciuitate, quare ibat de

nocte? Solutio ibidem ad decimum paragr. Quæsiuit heremita à ciuitate, quare concordantiam non habebat cum bonitate? Solutio ibidem ad vndecimum paragr. Quæsiuit heremita à ciuitate de quo erat induta? Solutio ibidem ad duodecimum paragr. Quæsiuit heremita à ciuitate, quis sibi viam ostendit, quando ibat in peregrinatione? Solutio ibidem ad decimumtertium paragr. Quæsiuit heremita à ciuitate, vbi erat hospitium Regis. Solutio ibidem ad decimumquartum paragr. Quæsiuit heremita à ciuitate, quis ipsam spoliavit? Solutio ibidem ad paragr. decimumquintum. Heremita à ciuitate quæsiuit, qualis est plus sapida comestio? Solutio ibidem ad decimumsextum paragr. Heremita à ciuitate quæsiuit, vbi erat suus fons? Solutio ibidem ad decimumseptimum paragr. Heremita à ciuitate quæsiuit, quis ipsam inhonorauit? Solutio ibidem ad vltimum paragr.

De Quæstionibus prouerbiorum trunci arboris apostolicæ.

Heremita à voluntate quæsiuit, quare plorabat? Solutio. Vade ad primum paragr. trunci supradicti. Heremita à magnitudine quæsiuit, quò ibat? Solutio ibidem ad secundum paragr. Heremita ab Ecclesia quæsiuit, de quo vivebat? Solutio ibidem ad tertium paragr. Heremita ab Ecclesia quæsiuit, quod signum in suo vexillo faciebat? Solutio ibidem ad quartum paragr. Heremita ab Ecclesia quæsiuit, vtrum sciebat quæ erat conscientia? Solutio ibidem ad paragr. quintum. Heremita ab Ecclesia quæsiuit, vtrum suus equus bene currebat? Solutio ibidem paragr. sexto. Heremita ab Ecclesia quæsiuit, vtrum suus

splendor erat per totum mundum? Solutio ibidem ad septimum paragr. Heremita ab Ecclesia quæsiuit, an erat infirma? Solutio ibidem paragr. octauo. Heremita ab Ecclesia quæsiuit, quis eam à malis hominibus custodiebat? Solutio ibidem ad nonum paragr. Heremita ab Ecclesia quæsiuit, quis eam spoliat? Solutio ibidem ad decimum paragr. Heremita ab Ecclesia quæsiuit, de quo erat suus lectus? Solutio ibidem ad vndecimum paragr. Heremita ab Ecclesia quæsiuit, an timorem habebat? Solutio ibidem ad duodecimum paragr. Heremita ab Ecclesia quæsiuit, supra quid ædificata erat? Solutio ibidem ad decimumtertium paragr. Heremita ab Ecclesia quæsiuit, quales nuncios sibi suus sponsus transmisit? Solutio ibidem ad decimumquartum paragr. Heremita ab Ecclesia quæsiuit, per quem plus erat inhonorata? Solutio ibidem ad decimumquintum paragr. Heremita ab Ecclesia quæsiuit, de quo erat sua corona? Solutio ibidem ad decimumsextum paragr. Heremita ab Ecclesia quæsiuit, quales erant sui consiliarij? Solutio ibidem ad decimumseptimum paragr. Heremita ab Ecclesia quæsiuit, in quo erat sua maior bonitas? Solutio ibidem ad vltimum paragr.

De Quæstionibus prouerbiorum trunci arboris celestialis.

Quæsum fuit à bono Rege, quomodo sui consiliarij vocabantur? Solutio. Vade ad primum paragr. trunci antedicti. Quæsum fuit ab ense Regis, vnde veniebat, & quò ibat? Solutio ibidem ad secundum paragr. Quæsiuit heremita ab electione, quare plus in secundo motu quam in primo esse diligebat? Solutio ibidem

dem ad tertium paragr. Quæsiuit heremita à prædicatore, si tanta bona exempla dabat hominibus cum manibus sicut cum lingua? Solutio ibidem ad quartum paragr. Quæsiuit heremita à manibus prælati, vtrum de virtutibus aliquem circulum fecerunt? Solutio ibidem ad quintum paragr. A voluntate prælati quæsiuit heremita quò ibat? Solutio ibidem ad sextum paragr. Heremita à firmamento quæsiuit, an dormiebat? Solutio ibidem ad septimum paragr. Heremita à sole quæsiuit, quare erat rotundus? Solutio ibidem ad octauum paragr. Heremita à prælato quæsiuit, quare stabat in medio hominum? Solutio ibidem ad nonum paragr. Equus à prælato quæsiuit, qui supra ipsum equitabat, quare erat ita ponderosus? Solutio ibidem ad vltimum paragr.

De Quæstionibus prouerborū trunci arboris angelicalis.

Heremita à malo angelo quæsiuit vtrum in aliquo quietem habebat? Solutio. Vade ad primum paragraph. prouerborum trunci arboris angelicalis. Heremita quæsiuit à dæmone, de quo erat plenus? Solutio ibidem ad secundum paragr. Heremita ab angelo quæsiuit, vtrum cum se mouebat de vno loco ad alium, transibat per medium? Solutio ibidem ad tertium paragr. Heremita quæsiuit à sapientia angeli, vtrum erat infirma? Solutio. Respondit sapientia, quod magnitudo veritatis erat sua mater. Et vade ibidem ad quartum paragr. Heremita quæsiuit, vtrum intellectus & voluntas erant suæ alæ? Solutio ibidem ad quintum paragr. Heremita ab angelo quæsiuit, vtrum sæper erat rotundus? Solutio ibidem ad sextum pa-

ragr. Heremita ab angelo quæsiuit, quare erat indiuisibilis? Solutio ibidem ad septimum paragr. Heremita ab angelo quæsiuit, vtrum aliquam deliberationem habeat? Solutio. Nulla deliberatio est in vltimo fine. Et vade ibidem ad octauum paragr. Heremita à dæmone quæsiuit, vtrum erat liber? Solutio ibidem ad nonum paragraph. Heremita à bono angelo quæsiuit, vtrum erat liber? Solutio. Inter bonum & malum angelum non est aliqua concordantia. Et vade ibidem ad vltimum paragr.

De Quæstionibus prouerborū trunci arboris æuiternalis.

Heremita à Iesu Christo quæsiuit, quare dixit, quòd ille qui non perseveraret vsque ad finem, damneretur? Solutio. Vade ad primum paragraph. trunci prouerborū arboris æuiternalis. Heremita quæsiuit ab æuiternitate, de quo erat? Solutio ibidem ad secundum paragraph. Heremita à sole quæsiuit, vtrum post diem iudicij se moueret? Solutio ibidem ad tertium paragraph. Heremita à motu quæsiuit, vtrum erat de natura infinitatis & æternitatis? Solutio ibidem ad quartum paragraph. Heremita à mundo quæsiuit, vtrum erat æternus? Solutio ibidem ad quintum paragraph. Heremita à motu quæsiuit, qualis erat suus carcer? Solutio ibidem ad sextum paragraph. Heremita quæsiuit à iustitia Dei, vbi erat sine pietate? Solutio ibidem ad septimum paragr. Heremita ab æuiternitate quæsiuit, quare erat? Solutio ibidem ad octauum paragraph. Heremita ab æuiternitate quæsiuit, quare gentibus ita magnum timorem faciebat? Solutio ibidem ad nonum paragraph. Heremita ab æternitate &

468 Quæstiones truncorum.

æternitate quæsiuit: si vnquam diuiderent hoc quod acquisierunt? Solutio ibidem ad vltimum paragraph.

De Quæstionibus prouerbiorum trunci arboris maternalis.

Quare nullus homo de Domina nostra debeat desperare? Solutio. Vade ad primum paragr. quæstionis supradictæ. Domina nostra de quo est plena? Solutio ibidem ad secundum paragr. Domina nostra quare est ita potens? Solutio ibidem ad tertium paragraph. Domina nostra cum quo peccatoribus respondet? Solutio ibidem ad quartum paragraph. Dæmon de quo maiorem habet timorem? Solutio ibidem ad quintum paragraph. Domina nostra quid desiderat? Solutio ibidem ad sextum paragraph. Heremita à Domina nostra quæsiuit, quales erant illi, quos ipsa non audiebat? Solutio ibidem ad septimum paragraph. Domina nostra quare omnes homines non diligit? Solutio ibidem ad octauum paragraph. Heremita à Domina nostra quæsiuit, vtrum plusquam vnum filium habebat? Solutio ibidem ad nonum paragraph. Heremita ab apostolis quæsiuit, vtrum Domina nostra ipsorum erat? Solutio ibidem ad decimum paragraph.

De Quæstionibus prouerbiorum trunci arboris christianalis.

Vtrum Deus plus creaturas diligit propter creationem, quam propter incarnationem? Solutio. Vade ad primum paragraph. trunci antedicti. Heremita à Iesu Christo quæsiuit, quare moriebatur? Solutio ibidem ad secundum paragraph. Iesus Christus quomodo se excusat Domina nostra,

cum non vult veniam dare? Solutio ibidem ad tertium paragraph. Vtrum aliquo modo possit esse medium inter Deum & creaturam? Solutio ibidem ad quartum paragraph. Quare Deus naturam humanam assumpsit? Solutio ibidem ad quintum paragraph. Heremita à Deo quæsiuit, quomodo potest habere maiorem potestatem, & maiorem amorem ad creaturam? Solutio ibidem ad sextum paragraph. Heremita à voluntate Dei quæsiuit, qualis erat sua consuetudo? Solutio ibidem ad septimum paragraph. Heremita à Deo quæsiuit, qualis idea est maior? Solutio ibidem ad octauum paragraph. Heremita à Deo quæsiuit, quomodo melius poterat participare cum creatura? Solutio ibidem ad nonum paragraph. Heremita à Deo quæsiuit: si humanam naturam in pluribus hominibus accipere posset? Solutio ibidem ad vltimum paragraph.

De Quæstionibus prouerbiorum trunci arboris diuinalis.

Heremita à Deo quæsiuit, quales sunt sue possibilitates & impossibilitates? Solutio. Vade ad primum paragraph. trunci antedicti. Heremita à Deo quæsiuit, quomodo erat in seipso? Solutio ibidem ad secundum paragraph. Vtrum Deus & operatio quam Deus in se habet, sint vnū idem? Solutio ibidem ad tertium paragraph. Vtrum Deus sit infinitus? Solutio ibidem ad quartum paragraph. Quæsitum fuit à Deo, vtrum possit esse ociosus? Solutio ibidem ad quintum paragraph. Vtrum in Deo sit substantiare? Solutio ibidem ad sextum paragraph. Quæsitum fuit à Deo vtrum in operationibus, quas habet in se, sit vllum accidens? Solutio ibidem ad septi-

septimum paragraph. Quæsitum fuit à Deo, vtrum posset esse Dei? Solutio ibidem ad octauum paragraph. Quæsitum fuit à Deo, vtrum sua substantia posset esse charitas sine trinitate? Solutio ibidem ad nonum paragraph. Quæsitum fuit à diuina voluntate, vtrum suum amare erat substantiare? Solutio ibidem vltimum paragraph. Intelligas, quod si amare diuinæ voluntatis non esset substantiare, diligeret diuina voluntas ociositatem suæ substantiæ. Et si tu lector, qui legis has quæstiones, nescis soluere per passus ad quos te transmittio, iues te cum branchis arboris apostolicalis, & cum branchis, ramis, & floribus arboris diuinalis.

De Quæstionibus brancharum. Et primo arboris elementalis.

QUÆSITUM est, quare sunt quatuor elementa, & non plura, neque pauciora? Solutio. Vade ad branchas arboris elementalis. Quare sunt tres figuræ ex quatuor elementis, & non plures, neque pauciores, videlicet figura circularis, triangularis, & quadrangularis? Solutio ibidem. Vtrum siccitas ignis sit propria qualitas ignis aut appropriata? & hoc idem de calore aëris, & humiditate aquæ, & frigiditate terræ? Solutio. Si ignis esset calidus & siccus per suam naturam, & aër humidus & calidus, & aqua frigida & humida, & terra sicca & frigida, nullum elementum appetitum haberet essendi in alio: sicut aër qui appetitum non haberet ad recipiendum calorem ignis, postquam ipse esset per seipsum calidus: etiam appetitum non haberet in generatione. & corruptione substantiarum elementatarum, & possent esse

plura elementa, quam quatuor, quod est impossibile secundum cursum naturalem, & secundum quod probatum est in branchis arboris elementalis. Vtrum figuræ plantarum sint naturales, & de generalibus figuris? Solutio. Vade ad branchas, vt supra. Plenitudo substantiæ de quo est? Solutio. Complementum substantiæ elementalis est de radicibus & branchis arboris elementalis. Et vade ad easdem branchas. Elementa quomodo substantiam implent elementatam? Solutio. Circulus, quadrangulus, & triangulus sunt naturalia instrumenta, cum quibus elementa de seipsis substantias elementatas implent. Et vade ad branchas virtutis. Quare substantia elementata non potest esse vacua? Solutio. In mixtione circuli, trianguli, & quadranguli, qui sunt figuræ naturales, elementales & corporales, non potest esse vacuum. Quare vna candela quæ aliam incendit, de sua flamma aliquid non dimittit? Solutio. Truncus ex suis radicibus viuit, & ex trunco branchæ deriuantur, & quædam inuicem cum aliis miscuntur, & elementa composita exeunt ex simplicibus, & transeunt per candelam, quæ aliam candelam incendit. Cum quatuor elementa sint ex eisdem radicibus & ex vno trunco, quare sunt differentia? Solutio. Vade ad branchas, vt supra. Sphæra ignis quare est magis superius, quam sphæra aliorum elementorum? Solutio ibidem.

De Quæstionibus brancharum arboris vegetalis.

VTRUM in ortu pomi nascitur potentia vegetatiua & elementatiua, & vtrum ambæ potentie insimul nascantur? Solutio. Panis nascitur in

470 Quæstiones brancharum.

furno ex farina & aqua, & cum Martinus ipsum comedit, nascitur elementatiua & vegetatiua ex pane in carne, & corrumpitur species panis & crescit caro Martini. Quare branchæ vegetatiuæ sunt quatuor, & non plures neque pauciores? Solutio. Vade ad branchas arboris vegetalis. Vtrum in pomo appetitiua ex vegetatiua, & appetitiua ex elementatiua vnam tertiam appetitiuam multiplicent, & quod earum species amittant? Solutio. In priuatione partium est totius priuatio. Et vade ad branchas, vt supra. Vtrum in pomo appetitiua vegetata sit per humidum radicale, & elementata per humidum nutritimentale? Solutio. Primæ intentiones mouent secundas ad earum finem: sicut in lampade, in qua flamma ignis mouet flammam olei, quæ est in potentia ad aliam flammam, quæ sit in actu. Vtrum in pomo appetitiua vegetata sit duplex, videlicet quod vna sit radicalis, & alia nutritimentalis? Solutio. Flamma quæ est in lampade, est radicalis, & illa quæ exit de oleo, est nutritimentalis, & cū ex illa flamma accensa sit vna candela, illa flamma quæ est nutritimentalis, quæ exit de oleo, transit in candelam ad existendum flamma radicalis, quæ viuit ex flamma, quæ est in cera in potentia, & exit in actu nutritimentalis. Et in hoc passu est valde pulchra philosophia. Vtrum in pomo potentia re-tentiua sit duplex, videlicet, vtrum illa sit ex vegetatiua & elementatiua? Solutio. Pomus qui pomum producit in actu, aliud pomum retinet in potentia: si tamen elementatiuam nutritiuam retineat, quoniam si illa deficiat, pomum quod est in potentia retineri non potest: sicut flamma quæ est in potentia in oleo, quæ perditur, cum oleum deficit flammæ lampadis. In

pomo quomodo sit digestio pomi? Solutio. Vade ad branchas virtutis. Pomum quare est porosum? Solutio. Si in pomo pori non essent, truncus elementalis per illud transire non posset, nec digestiua digerere vapores, qui intrant in pomo, nec expulsiua pomi aliquid prolicere posset, & esset ociositas in pomo. Et vade ad branchas virtutis. Vtrum in hyeme pomum sit ociosum? Solutio. Impossibile est quod in subiecto in quo sunt differentia, concordantia & contrarietas sit ociositas. Et vade ad branchas virtutis. Heremita quæ fuit à pomo, quomodo crescebat, & quomodo consummabatur. Solutio ibidem.

De Quæstionibus brancharum arboris sensuales.

Vtrum affatus sit sensus? Solutio. Cum ex affatu maior sequatur operatio quam ex alio sensu, & in homine cum memoria, sapientia & voluntate maiorem habeat concordantiam, quam aliquis aliorum sensuum, suus finis foret in minoritate magnitudinis, bonitatis, virtutis & veritatis, & minus de entitate haberet quam aliquis aliorum sensuum, quod est impossibile. Et vade ad branchas arboris sensuales. Quare sensus particulares sunt sex, & non plures, neque pauciores? Solutio. Sex rectitudines corporis maiorem habent concordantiam cum sex sensibus, quam non haberet si essent plures quam sex, aut pauciores: ex qua maiori concordantia oportet quod nobilior finis sequatur. Et vade ad branchas virtutis. Vtrum sex sensus particulares sint potentie substantiales vel accidentales? Solutio. Si sensus particulares partes substantiales non essent, nulla pars substantiæ esset

esset actiua, neque passiuæ in sentiendo, & finis sentiendi in accidentibus consisteret, non autem in substantia: & finis sentiendi maior esset in minoritate, & minor in maiori, cum ita sit, quod substantia cum maiori habet concordantiam, & accidens cum minoritate. Et vade ad branchas virtutis. Vtrum sensitiva sit duplex? videlicet vna sit illa, quæ est intra substantiam, sicut visibilitas, quæ est de essentia visibilitatis, & quod illa sit substantialis, & alia sit sensitiva, quæ sit accidentalis, quam attingunt sensus extra substantiam: sicut est obiectum visum coloratum, quod est lapis, aut pomum, aut equus, in quibus generalis visibilitas accidentalis est seminata? Solutio. Nullus sensus extra substantiam attingit secundam figuram, quæ est accidentalis, & sensus communis est intra substantiam animatam, qui habet sex riuos substantiales, ut probatum est, in quibus accidentia sustentantur: sicut in visibilitate color, & in gustabilitate sapor, & sic de aliis. Et vade ad branchas virtutis. Heremita ab oculis quæsiuit, quomodo videbant, & quomodo in videndo species multiplicabant, & vtrum visitiuum ibat ad obiectum visum, aut è conuerso, aut vtrum vnum cum alio realiter non participaret, sed tantummodo per similitudinem? Solutio ibidem. Si aures non essent, vtrum sonus foret in vanum? Solutio. Lapis & lignum, & truncus non sunt in vna specie cum corpore animato, & vade ad branchas virtutis. Odo- ratus quomodo est assuetus in arbore elementali vegetali, & sensuali? Solutio. Vna per ficus in pomo inserta fuit, & in illo pomo inserta fuit pirus, quæ pira produxit, quæ sapiunt natu- ras omnium trium truncorum, & ma-

ximè naturam trunci superioris, cum quo sunt in vna specie. Et vade ad branchas virtutis. Heremita à gustu quæsiuit, vnde exibat, & vnde nascebatur, & quomodo exibat, & quomodo erat sua natiuitas? Solutio ibidem. Heremita à tactu quæsiuit, per quam qualitatem cum tangebatur, aut tangebatur, fortius sentiebat? Solutio ibidem. Heremita ab affatu quæsiuit, quare erat nobilior & vtilior sensus, quam alij. Solutio ibidem.

De Quæstionibus brancharum arboris imaginæ.

Vtrum imaginatiua sit de essentia elementatiuæ, vegetatiuæ, & sensitiuæ: aut si sit ita vna pars prima in creatione, sicut tres arbores de quibus dictum est? Solutio. Pes in cinere nihil de sua essentia dimittit, nec imaginatio in seipsa se extendit, cum equum imaginatur, nec se restringit, cum imaginatur aurem equi: quoniam totum quod facit, ex similitudinibus facit, nec coacta est per tempus, neque per motum. Et vade ad branchas arboris imaginæ. Heremita ab imaginatione quæsiuit, quomodo similitudinem accipiebat à flamma ignis? Solutio ibidem. Heremita ab imaginatione quæsiuit, vtrum ipsa erat ita passiuæ impressio actiuæ vegetatiuæ, cum qua est coniuncta in animali, sicut cera quæ est passiuæ impressio actionis litterarum sigilli? Solutio ibidem. Vtrum imaginatiua similitudines attingat visibilitatis aut visibilitatis in tempore præsentis, quando sunt impressiones similitudinum actiuarum in passiuis? aut vtrum illas similitudines attingat in tempore præterito tractis impressionibus actiuis? Solutio. Impossibile est, quod impressio quam pes facit in cinere,

cinere, videri possit, dum pes stat supra illum, & vade ad branchas virtutis. Vtrum imaginatiua seminata sit in sono tonitru, aut campanæ, & in voce quam facit lingua, & in nota, quam facit mulicus intra affatum, cuius similitudinem extra in villam transiit? Solutio. Imaginatiuitas, & sua propria imaginabilitas, quæ est de sua essentia, sunt intra animal, & sunt de sua essentia, & partes substantiales, de quibus est imaginatio, & imaginabilitas soni, tonitru, campanæ, linguæ, & extenditur & sustentatur in primis tribus arboribus, ex qua imaginabilitate imaginatiua intra attrahit, & multiplicat similitudines, quos colligit in imaginabilitate intra. Et vade ad branchas virtutis. Heremita quæsiuit ab imaginatione, vtrum ipsa odorem pomi imaginabatur in naso? Solutio. In illo loco in quo sensus colligit sensibile, faciunt sensitiua & imaginatiua maiorem societatem. Et vade ad branchas virtutis. Heremita ab imaginatione quæsiuit, vtrum sua natura erat fœminina aut masculina? Solutio. In auibus quæ ex rapina viuunt, est natura fœminina maior & & fortior, quam masculina. Et vade ad ramos gustus in branchis arboris imaginalis. Heremita ab imaginatiua quæsiuit, cum quo erat tacta, cum imaginabatur calorem ferri calidi, aut frigiditatem aquæ? Solutio. Tangit affatus intra se vnam similitudinem cum alia, & exit similitudo illius tactus in villa cum motu in sono, cuius imaginatiua similitudines attingit, quos affatus tangit in seipso. Et vade ad branchas virtutis. Quare est imaginatio? Solutio. Si imaginatio non esset, capra timorem de lupo non haberet, nec suum filium cognosceret, nec ad fontem sciret redire.

De Quæstionibus brancharum arboris humanalis corporalium.

Quid est homo? Solutio. Homo est ens homificans & homificabilis, & qui cum pluribus creaturis participat, quam aliqua alia creatura. Cum bonitas magna sit per magnitudinem, & magnitudo sit bona per bonitatem, & asinus habeat maius corpus, quam homo, quare corpus hominis est melius, quam corpus asini? Solutio. In asino minoritas, bonitas, secunda intentio, & magnitudo habent concordantiam, & in homine maioritas, bonitas, prima intentio, & magnitudo habent concordantiam, idcirco differentia facit esse vnam magnitudinem hominis, & aliam magnitudinem asini, & concordantia concordat in bonitate hominis maioritatem & finem, & concordat in bonitate asini minoritatem, & illud quod est propter finem. Heremita ab homine quæsiuit, quor branchas corporales habebat? Solutio. Vade ad branchas corporales arboris humanalis. Quare homo contractus nascitur? Solutio. In generatione hominis contracti dormiunt instinctus & appetitus naturales, & magnitudo, bonitas, virtus, finis, & concordantia, & vigilant minoritas, contrarietas, principium, & medium. Quare aliquis homo sex digitos habet in manu? Solutio. In generatione manus quæ habet sex digitos, dormiebant forma & instinctus naturales, & magnitudo & appetitus naturales vigilabant cum principio materiali. In homine brachium sinistrum quare non est ita forte sicut dextrum, cum ita sit, quod est membrum principale, sit in parte sinistra? Solutio. Balista ita magnum ictum non facit in paruo motu, sicut in

in magno: neque oculi digitos videre possunt, qui ipsos tangunt. Corpus hominis quare est pilosum? Solutio. Quilibet pilus est instrumētum, cum quo vapor depuratur, qui intrat, & cum quo restringitur vapor, qui exit per poros, vt digestio plures habeat amicos. Homo quare habet ventrem in medio loco corporis? Solutio. Illa virtus est communis, quæ est in medio, & pluribus partibus est magis abundosa, quam illa, quæ est in extremis. Homo quare comedit, & bibit? Solutio. Fusile ferri cum suo motu rotam molendini combureret, si aqua illud non infrigidaret. Homo quare habet duo brachia & duas tibias? Solutio. Quatuor elementa, & duo brachia, & duæ tibie hominis in numero habent concordantiam.

De Quæstionibus brancharum spiritalium arboris humanalis.

Vtrum tres potentie animæ sint substantiales aut accidentales? Solutio. Pius de gloria potest capere substantia, quam accidens, & ex substantia exit maior virtus, quam ex accidente, & maior finis per substantiam consistit, quam per accidens, & Deus multo melius est dispositus, quod recolatur, intelligatur, & ametur cum maiori bonitate, quam cum minori, & nullum accidens naturaliter est ita magnum, sicut substantia. Et vade ad branchas spirituales arboris humanalis. Quare memoria superior est, quam bonitas, magnitudo, duratio, potestas, virtus, veritas, & gloria? Solutio. Deus est recolibilis, & non per aliquam bonitatem creatam bonificabilis. Et hoc idem de magnitudine, duratione, & cæteris. Memoria de quo est? Solutio. Vade ad branchas virtutis. Me-

moria quare est? Solutio ibidem. Cum intellectus humanus sit vnus, & scientiæ sint plures, vtrum omnes scientiæ sint de intellectu? Solutio. Vade ad tertium paragr. de intellectu in branchis virtutis. Cum intellectus Martini sit vnum simplex principium suæ animæ, quæritur vtrum se habeat ad considerandum vniuersalia, vel particularia? Solutio ibidem paragr. quarto. Quæsitum fuit ab intellectu, vtrum ipse esset de forma & de materia? Solutio ibidem ad quintum paragr. Quæsitum fuit ab intellectu, quæ natura genera, & species, atque individua considerabat? Solutio ibidem ad sextum paragr. Ignis, pomum, lapis, & alius, sunt intelligibiles, idcirco quæritur, vtrum illorum intelligibilitas sit ex essentia humani intellectus? Solutio ibidem ad septimum paragr. Intellectus quomodo species multiplicat, & in abstracto formam considerat, quam trahit ex concretis? Solutio ibidem ad octauum paragr. Humanus intellectus quomodo habet passionem per corpus? Solutio ibidem ad nonum paragr. Quare quidam homines subtiliorem habent intellectum, quam alij? Solutio ibidem ad decimum paragr. Quare intellectus, qui non est de natura corporalis motus, subtilius in vno tempore intelligit, quam in alio tempore? Solutio ibidem ad vndecimum paragr. Cum intellectus non sit de natura corporali, quid est illud, de quo potest esse plenus, aut vacuus? Solutio ibidem ad duodecimum paragr. Cum intellectus non sit omnia, quare totalitates rerum intelligit? & cum ipse sit sua totalitas, quomodo aliquam partem intelligere potest? Solutio ibidem ad decimumtertium paragr. Cum intellectus non sit substantia augmentabilis, nec consumpti-

474 Quæstiones brancharum.

bilis, quomodo extendit suam considerationem & restringit? Solutio ibidem ad decimumquartum paragraph. Cum humanus intellectus primum non habeat neque vltimum corporaliter, quomodo de vno loco in alium se mouet, quando per medium transit? Solutio ibidem ad decimumquintum paragr. Cum intellectus aliquam naturam corporalem non habeat, quomodo substantias molles & duras attingit? Solutio ibidem ad decimumsextum paragr. Humanus intellectus quomodo vnâ similitudinem in aliam conuertit, cum facit tunicam suo intelligere ex illis similitudinibus? Solutio ibidem ad decimumseptimum paragr. Cum intellectus sit indiuisibilis, qua natura considerat antecedentia & consequentia rerum & conclusionem illarum? Solutio ibidem ad decimumoctauum paragraph. Cum intellectus non sit augmentabilis, quomodo vadit & venit augmentabilitas habituum? Solutio ibidem ad decimumnonum paragraphum. Cum intellectus sit substantia simplex, dispositio & proportio, quomodo sunt ei formæ appropriatæ? Solutio ibidem ad vigesimum paragr. Cum intellectus non sit substantia diuisibilis, & ordo sit ex pluribus rebus, quomodo est ordo de sua conditione? Solutio ibidem ad vigesimum primum paragr. Cum intellectus sit substantia indiuisibilis, influentia & refluentia quomodo sunt in illo sustentatæ? Solutio ibidem ad vigesimum secundum paragr. Cum intellectus sit substantia indiuisibilis, ortus & exitus quomodo sunt formæ in illo sustentatæ? Solutio ibidem ad vigesimum tertium paragr. Vtrum intelligere sit ex essentia intellectus, cum ita sit, quod verâ possit ignorare, & habere

opinionem, quod illa sunt falsa, & quia ipse non intelligit, in hominibus qui dormiunt? Solutio ibidem ad vigesimum quartum paragr. Intellectus quomodo seipsum intelligit? Solutio ibidem ad vigesimum quintum paragr. Cum intelligibilitas non sit de essentia pomi, nec visibilitas pomi sit de essentia sensus, & pomum est visibile, quamuis intellectus non esset, vtrum pomum esset intelligibile, supposito quod intellectus esset in priuatione? Solutio ibidem ad vigesimum sextum paragr. Intellectus quomodo attingit vniuersale cum particolare? Solutio ibidem ad vigesimumseptimū par. Heremita ab intellectu quæsiuit, per qualem sensum erat melius practicus, & per qualem melius theoreticus? Solutio ibidem ad vigesimum octauum paragr. Vtrum intellectus speculatiuus incipiat prius in suis similitudinibus, quam in similitudinibus obiectorum, quæ inquirat? Solutio ibidem ad vigesimum nonum paragr. Vtrum intellectus ita habeat sex rectitudines spirituales, sicut corpus corporales? Solutio Rectitudines intellectus naturaliter sunt intellectuum, intelligibile, & intelligere. Et vade ad trigessimum par. gr. in branchis antedictis. Cum intellectus non sit de natura masculina neque foeminina, quare subtilior est & fortior in hominibus, quam in mulieribus? Solutio ibidem ad trigessimum primum paragr. Intellectus & sentitiua quomodo habent concordantiam? Solutio ibidem ad trigessimum secundum paragr. Instrumenta intellectus speculatiui qualia sunt? Solutio ibidem ad trigessimum tertium paragr. Intellectus quomodo suum intelligere nutrit ex morali virtute? Solutio ibidem ad trigessimum quartum paragr. Intellectus quomodo

do habet impressiones actiuas & passiuas? Solutio ibidem ad trigessimum quintum paragr. Vtrum intellectus sit de aliquibus principiis primis & generalibus? Solutio ibidem ad trigessimum sextum paragr. Vtrum sit unus intellectus generalis ad omnes? Solutio ibidem ad trigessimum septimum paragraphum. Heremita ab intellectu quæsiuit, vtrum suam necessitatem in contingentiam conuertebat? Solutio ibidem ad trigessimum octauum paragr. Iacebat intellectus infirmus & quærebatur ab illo, de quo erat sua infirmitas? Solutio ibidem ad trigessimum nonum paragr. Vtrum intellectus sit vita, aut vita sit pars ipsius? Solutio ibidem paragr. quadragesimo. Vtrum intellectus conuertat similitudinem coloris in intelligibilitatem, aut vtrum color in se habeat naturam intelligibilitatis? Solutio ibidem ad quadragesimum primum paragr. Heremita ab intellectu quæsiuit, quare somniant homines? Solutio ibidem ad quadragesimum secundum paragr. Heremita ab intellectu quæsiuit, vtrum libertatem habebat in intelligendo? Solutio ibidem ad quadragesimum tertium paragr. Intellectus tristis quare desiccet ossa, cum ita sit, quod ipse non sit de sicca natura? Solutio ibidem ad quadragesimum quartum paragr. Prudentia intellectus vbi incipit? Solutio ibidem ad quadragesimum quintum paragr. Vtrum inter essentiam intellectus & suum esse sit differentia? Solutio ibidem ad quadragesimum sextum paragr. Heremita à voluntate quæsiuit, de quo erat? Solutio. Vade ad quæstionē de volūtate, quæ est in brāchis spiritualibus arboris humanalis. Heremita à voluntate quæsiuit cum ipsa non sit de natura

corporali, quare ignem diligit? Solutio ibidem ad secundum paragraphum. Heremita à voluntate quæsiuit, quomodo faciebat pœnitentiam? Solutio ibidem ad tertium paragraphum. Heremita à voluntate quæsiuit, quomodo peccabat? Solutio ibidem ad quartum paragraphum. Vtrum imaginatio sit subiectum libertatis? Solutio ibidem ad quintum paragr. Vtrum in anima memoria, intellectus, & voluntas sint secundum suam naturam æquales, & vtrum secundum rationes in aliquibus operationibus sint inæquales? Solutio ibidem ad sextum & septimum paragr.

De Quæstionibus brancharum arboris moralis.

Et primò de iustitia.

Heremita à Iurista quæsiuit, quid est iustitia? Solutio. Vade ad capitulum de iustitia in branchis arboris moralis. Iustitia de quo est? Solutio ibidem. Iustitia quomodo durat? Solutio ibidem. Iustitia quare est? Solutio ibidem. Vtrum iustitia sit ex rebus visibilibus? Solutio ibidem. Iniuria de quo est? Solutio ibidem. Iniuria de quo modo est? Solutio ibidem. Vtrum iustitia sit habitus æqualis intellectui, voluntati, & memoriæ? Solutio ibidem. Supposito quod iustitia non sit æqualis habitus omnibus tribus potentiis animæ, vtrum sua inæqualitas esset occasio iniuriæ? Solutio. Magnitudo & maioritas habent concordantiam cum esse, paruitas vero & minoritas cum priuatione. Heremita à iustitia quæsiuit, vtrum plures amicos haberet? Solutio. Iustitia respondit & dixit, quod pauci sunt homines,

476 Quæstiones brancharum.

qui Deum diligunt simpliciter propter suam bonitatem, magnitudinem, & æternitatem.

De Quæstionibus prudentiæ.

Prudentia quare est? Solutio. Vade ad quæstionem antedictam in brâchis arboris moralis. Heremita à prudentia quæsiuit, vtrum simpliciter maiorem haberet concordantiam cum intellectu quam cum voluntate? Solutio. Vna est natura, & in differentia rationum sunt diuersi modi. Et vade ad capitulum de prudētia. Vtrum homo sapiens in iudicio prius consideret intelligere, quam amare. Solutio ibidem. Vtrum prudentia prius artem consideret, quam naturam? Solutio. Nullus homo accipere posset per vim leonem siluestrem. Heremita à Iurista quæsiuit, quare plus prudentia vtebatur cum memoria, quam cum intellectu? Solutio. Omnes bonæ cōsuetudines adhuc in mundo non venerunt. Vtrum prudentia maiorem habeat concordantiam cum oculis, quam cum auribus? Solutio. Experiētia est ex oculis, & positiones sunt ex auribus. Heremita à prudentia quæsiuit, an prius haberet bonam opinionem, quam malam? Solutio. Prudentia respondit & dixit, quod ipsa sua germana charitas non erat, quæ per plures homines est decepta. Heremita à prudentia quæsiuit, quo tempore in mensa maiorem vim habebat? Solutio. Pauci homines sunt illi, qui dum famem habent & comedant, memoriam de temperantia habeant. Heremita à prudentia quæsiuit, vtrum fortior erat in maioribus necessitatibus? Solutio. Prudentia respondit & dixit, quod in illa omnes homines æquales non erant. Here-

mira quæsiuit à prudentia, si ei erat licitum mentiri? Solutio. Prudentia respondit & dixit, quod quædam puella de veneno vivebat.

De quæstionibus fortitudinis.

Fortitudo quid est? Solutio. Vade ad quæstionē de fortitudine, quæ est in branchis arboris moralis. Fortitudo quomodo est? Solutio ibidem. Fortitudo de quo est plus? Solutio ibidem. Fortitudo quare est? Solutio. Fortitudo est, vt homines habere possint deliberationem ad vtendum suis rationibus. Heremita à fortitudine quæsiuit, vtrum maior erat per amorem, quam per timorem? Solutio. In omni virtute est amor ante rationes humanas, & timor retro, cum ita sit, quod timor sit consequentia amoris. Heremita à fortitudine quæsiuit, quem plus diligebat, aut intellectum, aut voluntatem? Solutio. Respondit fortitudo, quod intellectus sibi ostendit felicitatem & periculum, & voluntas ei consolebat, quod felicitatem acciperet, & quod de periculo timorem non haberet. Heremita à fortitudine quæsiuit, cum quo bellum vincebat? Solutio. Vade ad quæstionem virtutis. Heremita à fortitudine quæsiuit, vbi stabat? Solutio. Respondit fortitudo, quod ipsa erat in omnibus illis, qui ipsam diligebant. Heremita à fortitudine quæsiuit, quomodo crescebat? Solutio. Respondit fortitudo & dixit, quod ipsa talem habebat naturam sicut contrarietas, quæ quanto plus tangitur, tanto plus crescit. Heremita à fortitudine quæsiuit, de quo vivebat? Solutio. Respondit fortitudo, quod ipsa vivebat ex similitudinibus, quas sibi suæ germanæ dabant ad comedendum.

De.

De Quæstionibus temperantiæ.

Temperantia quid est? Solutio. Vade ad quæstionem de temperantia, quæ est in branchis arboris moralis. Quærebatur temperantia, quomodo vocabatur? Solutio. Respondit temperantia & dixit, quod suum nomen erat sanitas. Temperantia, dixit heremita, quare medici volunt tibi malum? Solutio. Respondit temperantia, quod medici sibi malum volebant, quia ipsa procurabat quod ipsi essent pauperes. A temperantia quærebatur de quo genere erat? Solutio. Respondit temperantia, quod iustitia & fortitudo suæ germanæ erant. Quærebatur à temperantia, de quo vivebat? Solutio. Respondit temperantia, quod timor mortis & verecundia sua cibaria erant. Quærebatur à temperantia, quare plus diligebat stare cum Rege, quam cum rustico? Solutio. Respondit temperantia, quod in illo loco in quo plus lucrari potest, & in quo est magis necessaria ibi stabat libentius. Temperantia, dixit heremita, quare habes maiorem timorem de vino, quam de aqua? Solutio. Respondit temperantia, quod magnus sapor suam mortem procurabat. Temperantia, dixit heremita, quare es tantum rædiolæ? Solutio. Respondit temperantia, quod ipsa erat rædiolæ, quia homines sapè comedunt & bibunt. Quæsitum fuit à temperantia, si timorem habebat? Solutio. Respondit temperantia, quod ipsa timorem habebat omni tempore quod homines conuiuium faciebant, & de cibariis sapidis loquebantur. Temperantia, dixit heremita, quare es ita macra? Solutio. Respondit temperantia, quod ipsa erat macra, quia

in mensa fortitudo dormiebat, & memoria ipsam non recolebat.

De Quæstionibus fidei brancharum arboris moralis.

Heremita à quodam religioso quæsiuit, quid est fides? Solutio. Vade ad ramos de fide in branchis arboris moralis. Fides, dixit heremita, quare es? Solutio ibidem. Fides, quare ploras? Solutio. Respondit fides, quod ipsa plorabat, quia lupi oues comedunt. Fides, dixit heremita, diligis veritatem? Solutio. Respondit fides, quod ipsa erat veritatis ancilla, & in ipsa veritas suam posuit figuram. Fides, dixit heremita, es instrumentum intellectus? Solutio. Respondit fides, quod ipsa erat scutum intellectus, qui scindit & occidit cum ense suos inimicos. Quærebatur à fide, vtrum plures amicos haberet? Solutio. Respondit fides, quod si ipsa plures amicos haberet, in Hierusalem lupi non essent, qui oues occidunt, nec sol frustra suam in fidelibus daret claritatem. Quæsitum fuit à fide, vtrum ipsa in bello prius iret? Solutio. Respondit fides, quod in bello suum officium erat suppositio, & intellectus demonstratio, idcirco præibat. Fides qualia sunt tua merita? Solutio. Vade ad ramos virtutis. Quæsitum fuit à fide, vtrum intellectum diligeret & sua merita? Solutio. Respondit fides, quod omnis bonus miles diligit suum bonum equum. Quæsiuit fides ab intellectu, vtrum plus ipsam diligeret, quam seipsam? Solutio. Respondit intellectus, quod ipse maius meritum habebat per intelligere, quam per credere: quoniam per intelligere erat liber, & per credere erat subditus, & coactus in hoc, quod faciebat.

478 Quæstiones brancharum.

De Quæstionibus spei brancharum arboris moralis.

SPes quid est? Solutio. Vade ad ramos, de spe in branchis arboris moralis. Spes quare est? Solutio ibidem. Heremita quæsiuit à spe, vtrum aliquem hominem decepisset? Solutio. Respondit spes, quod si ipsa aliquem hominem decepisset, quod contra Dominam nostram fortiter errauisset, quæ ipsam valdè dilexit, & penes filium suum sæpius recoluit: sed eius figura plures homines decipit contra suam formam. Et vade ad ramos virtutis. Quærebatur à spe, vtrum ipsa erat in illis hominibus, qui plus seipsum quam Deum diligunt? Solutio. Respondit spes, quod ipsa erat germana misericordiæ & iustitiæ. Quærebatur à spe, quomodo vincebat iustitiam Dei? Solutio. Respondit spes, quod in hoc quod peccator se iudicabat, & iustitiam Dei diligebat, ipsam misericordiam Dei adducebat, cum qua Deus parcit peccatoribus. Quærebatur à spe quomodo crescebat? Solutio. Vade ad ramos virtutis. Heremita quæsiuit à spe, vtrum timorem habuisset? Solutio. Respondit spes, quod sèper quando homo sapiens in sua sapientia confidebat, & Rex in sua potestate, & homo sanus in sua sanitate, timorem habebat. Heremita à spe quæsiuit, quare erat maior in hominibus infirmis, quam in sanis, & in hominibus pauperibus, quam diuitibus? Solutio. Respondit spes, quod in necessitatibus suis homines suos amicos recolunt. Heremita quærebat à spe, vtrum misericordia Dei erat maior, quam peccatum? Solutio. Respondit spes & dixit heremita, quod ipse illam quæstionem faceret Dominæ nostræ, quæ

de misericordia Dei habebat omne illud quod volebat, tunc cum illi loquitur de illis qui in ipsa confidunt. Heremita à spe quæsiuit, vtrum erat tristis? Solutio. Respondit spes, & dixit heremita, quod desperantia eius inimica nunquam aliquem hominem hilarem fecit.

De Quæstionibus charitatis brancharum arboris moralis.

Heremita à prælato quæsiuit, vtrum sciebat quid erat charitas? Solutio. Vade ad quæstionem de charitate in branchis arboris moralis. Quæsitum fuit à charitate, quare erat? Solutio ibidem. Charitas, dixit heremita, de quo es plena? Solutio ibidem. Heremita à charitate quæsiuit, quare erat libentius in hominibus pauperibus, quàm in diuitibus? Solutio. Respondit charitas & dixit, quod propter denarios & possessiones vt plurimum erat vilipensa. Quærebatur à charitate, diuites homines cuius sunt? Solutio. Respondit charitas & dixit, quod homines diuites deberent esse procuratores hominum pauperum. Charitas, dixit heremita, quis te inuitauit? Solutio. Respondit charitas & dixit, quod ipsa comedebat ad tabulam iustitiæ & spei. Charitas quare timorem non habes? Solutio. Respondit charitas & dixit, quod ipsa timorem non habet propter hoc, quia suum creatorem plusquam seipsam diligebat. Charitas quare plus diligis esse in voluntate, quam in intellectu? Solutio. Respondit charitas, quod in hac vita voluntas prius erat ad amatum, quam intellectus ad intellectum. Charitas in quo tempore es magis honorata? Solutio. Respondit charitas, quod in illo tempore erat valdè honorata,

norata, in quo publica utilitas valde diligebatur. Heremita à charitate quæsiuit, vtrum ipsa erat magna? Solutio. Respondit charitas, quod ipsa erat magna in potentia: quoniam quilibet homo habere potest tantum ex ipsa, quantum vult, sed propter hoc quia paucos amicos habebat, parua erat in actu: idcirco stabat infirma & inter gentes inhonorata: tunc vero heremita plorauit propter illud, quod charitas dicebat.

De Quæstionibus iustitiæ & prudentiæ.

Iustitia & prudentia quomodo habent concordantiam? Solutio. Vade ad ramos iustitiæ & prudentiæ in branchis arboris moralis. Prudentia quomodo est ancilla iustitiæ, & iustitia prudentiæ? Solutio ibidem. Heremita à iustitia & prudentia quæsiuit, vtrum maiorem haberent concordantiam positiuæ quam demonstratiuæ? Solutio. Respondit prudentia, quod ipsa plus demonstrationem, quam positionem diligebat, quia erat intellectus similitudo: & iustitia respondit, quod in ignorantia intellectus ipsa stabat infirma. Heremita à iudice quæsiuit, vtrum in iudicio plus debebat considerare iustitiam, quam prudentiam? Solutio. Iudex respondit, quod de nocte in sua camera videbat cum lumine literas sui libri, quarum significationem scire desiderabat: vt veritatem dicere posset illis, qui ipsam ab ipso quærebant.

De Quæstionibus iustitiæ & fortitudinis.

Fortitudo quomodo excitat iustitiam, & quomodo ipsam à lupis

custodit? Solutio. Vade ad quæstionem antedictam in brâchis arboris moralis. Iustitia & fortitudo quare voluntatem peccatoris increpabant, cum peccabat? Solutio. Iustitia & fortitudo sunt, vt in electione voluntas habeat deliberationem. Heremita à fortitudine quæsiuit, quare iniuria ita fortiter erat in mundo multiplicata? Solutio. Respondit fortitudo, quod iustitia ipsam quasi totam obliuioni dedit. Heremita à fortitudine quæsiuit, vtrum verecundiam haberet? Solutio. Respondit fortitudo, quod ipsa verecundiam habebat ex defectibus quos iustitia germana sua faciebat in hoc, quod non puniebat illos, qui ipsam inhonorabât.

De Quæstionibus iustitiæ & temperantiæ.

Heremita à iustitia quæsiuit, quare habebat ita pulchra verba? Solutio. Vade ad quæstionem antedictam in branchis arboris moralis. Heremita à iustitia quæsiuit, vtrum dolorem in capite habebat? Solutio. Respondit iustitia, quod temperantia sua germana erat. Temperantia, dixit iustitia, quare me in mensa obliuisceris? Solutio. Respondit temperantia, quod ipsam oblita fuit, quia ipsam cum ieiuniis non castigabat. Iudex à iustitia quæsiuit & à temperantia, quomodo iudex occidere posset, & deuincere gulam & iniuriam: quoniam sapius ipsum tentabant, & impediabant, cum in suo libro legebat, & in iudicio stabat. Solutio. Vade ad ramos virtutis.

De Quæstionibus iustitiæ & fidei.

Fides à iustitia quæsiuit, vtrum iustum erat quod ipsa esset ita fortiter vituperata per aliquos homines, qui

480 Quæstiones brancharum.

qui per ipsam erant ita honorati, & ita diuites? Solutio. Plorabat iustitia, & dixit ad fidem, quod ipsa magnam quæstionem non faciebat, veruntamen illam quæstionem, quam ipsa faciebat, volebat scribere in suo libro, ut in die iudicii ipsam recolescere posset. Quærebatur à fide & iustitia, vtrum amicæ erant? Solutio. Vade ad quæstionem iustitiæ & fidei in branchis arboris moralis. Fides, dixit iustitia, & quare stes? Solutio. Iustitia, dixit fides, & quare me non iuuas? Fides, dixit iustitia, habes denarios? Solutio. Respondit fides iustitiæ, quare illam quæstionem voluntati hominum non faciebat, qui tantum ipsos diligunt.

De Quæstionibus iustitiæ & spei.

Iustitia à spe quæsiuit, vtrum in illa aliquando erat fatigata? Solutio. Respondit spes, quod inter ambas semper erat concordantia. Et vade ad quæstionem antedictam in branchis arboris moralis. Heremita à iustitia & spe quæsiuit, de quo vivebat? Solutio. Responderunt iustitia & spes, quod ipsæ vivebant ex concordantia. Heremita à iustitia quæsiuit, vtrum possit deuinci? Solutio. Respondit iustitia, quod ipsa deuinci non poterat in illis hominibus, qui in ipsa spem habent. Heremita à iustitia quæsiuit, cum ipsa punit peccatores de peccato, quare in ipsa habent spem? Solutio. Iustitia respondit, quod nullus peccator in ipsa spem habebat, qui de suis peccatis non dolebat, contra quem dolorem ipsa nullam iniuriam spei facere poterat.

De Quæstionibus iustitiæ & charitatis.

Quærebatur à iustitia, quare ita fortiter erat irata? Solutio. Respondit iustitia, quod ipsa irata erat, quia charitas ipsam quasi obliuioni dedit. Et vade ad quæstionem antedictam in branchis arboris moralis. Heremita à iustitia quæsiuit, quare erat ita negociosa? Solutio. Respondit iustitia, quod ipsa laborem habebat, quia charitas ferè perditæ erat. Heremita à charitate quæsiuit, vtrum si ipsa in omnibus hominibus esset, iustitia foret ociosa? Solutio. Respondit charitas, quod si ipsa foret in omnibus hominibus, foret iustitia negociosa in remunerando omnes homines per amare. Iustitia, dixit charitas, quare ploras? Solutio. Respondit iustitia, quod ipsa plorabat, quia plures homines ad damnationem, quam ad saluationem iudicabat, & tunc charitas diu cum iustitia plorauit, & dixit, quod ipsæ venerant in supplicio malorum hominum.

De Quæstionibus prudentiæ & fortitudinis.

Fortitudo cum quo prudentiæ seruit? Solutio. Si fortitudo abstinentiæ non causaret, prudentia deliberationem habere non posset. Et vade ad quæstionem antedictam in branchis arboris moralis. Prudentia & fortitudo quare sunt amicæ? Solutio. Dum fortitudo abstinentiam producit, prudentia facit comparisonem rerum cum differentia, ut faciat bonam electionem. Prudentia quare moritur? Solutio. In consumptione carbonis consumptio flammæ consistit. Fortitudo de quo

quò vitit? Solutio. Vade ad quæstionem virtutis.

De Quæstionibus prudentia & temperantia.

Heremita à prudentia & temperantia quæsiuit, quæ illarum electionem faciebat? Solutio. Duo homines ad vnâ mensam comedebant: vnus autem carnes diuidebat in duas partes æquales in bonitate & pondere, alius verò vnâ partem accepit, & aliam suo socio dedit. Et vade ad rubricam antedictam in branchis arboris moralis. Prudentia quomodo est infirma? Solutio. In infirmitate temperantiæ consistit infirmitas prudentiæ. Temperantia quomodo est sana? Solutio. Lumen est in camera: & mercator denarios suos computat. Prudentia & temperantia qua hora diei maiores sūt amicæ? Solutio. Temperantia rogauit prudentiam quod sibi lumen ad mensam faceret: & prudentia rogauit temperantiam, quod suum librum scriberet, dum ipsa comederet.

De Quæstionibus prudentia & fidei.

Prudentia & fides quomodo habent concordantiam contra vitia? Solutio. Vade ad rubricam antedictâ in branchis arboris moralis. Fides quomodo est subiectum prudentiæ? Solutio. Fides suppositionem facit per credulitatem in principio, cum intellectus inquit affirmationem & negationem, & prudentia ex illa suppositione trahit affirmationem aut negationem cum demonstratione. Cum prudentia viuat per intelligere, quare fidem diligit, quam non intelligit? Solutio. Fides est baculus, in quo prudentia in-

firma se sustinet. Heremita à fide quæsiuit, vtrum erat ita amica voluntatis: sicut intellectus? Solutio. Respondit fides, quod ipsa Domina erat per intellectum, qui sibi obediens erat, & stabat liberè per voluntatem, quæ sibi nullam coactionem faciebat.

De Quæstionibus prudentia & spei.

Heremita in via spem inuenit, & ab ipsa quæsiuit quò ibat, & unde veniebat? Solutio. Vade ad branchâ antedictam in branchis arboris moralis. Heremita à prudentia quæsiuit, quare spem tantum diligebat? Solutio. Respondit prudentia quod spes bonus nuncius erat: quoniam ipsa sibi afferebat bonum Dei, de quo vivebat. Heremita à prudentia quæsiuit, vtrum spes fessa erat: quoniam totiens ibat & redibat? Solutio. Respondit prudentia, quod spes talem naturam habebat, sicut flamma ignis, quæ se mouet, vt viuere possit. Quæsiuit heremita à prudentia, vtrum spem sibi vendere veller? Solutio. Respondit prudentia, quod si ipsa venderet spem, timorem & indigentiam haberet.

De Quæstionibus prudentia & charitatis.

Prudentia dixit charitas, quare me maiorem non respondes in amando Deum, quam in amando homines, cum ego sim in amando Deum per primam intentionem, & per secundam in amando homines? Solutio. Respondit prudentia, quod ipsa illam quæstionem faceret voluntati Martini, quæplis suum diligit honorem, & sui filij, quam honorem Dei. Charitas à prudentia quæsiuit, quare dormiebat: quod

niam quasi totus mundus ad perditionem deueniebat? Solutio. Respondit prudentia, & à charitate quæsiuit deuotio, quare tantum tardabat, & citò non veniebat. Heremita à prudentia quæsiuit & à charitate, vtrum maiorem habeant concordantiam in æqualitate, quam in maioritate & in minoritate? Solutio. Responderunt prudentia & charitas, & dixerunt, quod Deus æqualiter erat intelligibilis & amabilis cum magnitudine bonitatis, & veritatis. Heremita à prudentia & à charitate quæsiuit, vtrum magnam haberent amicitiam? Solutio. Vade ad rubricam antedictam in branchis arboris moralis.

De Quæstionibus fortitudinis & temperantie.

Heremita à temperantia quæsiuit, cum quo gulam suam inimicam vincebat? Solutio. Vade ad rubricam antedictam in branchis arboris moralis. Heremita à fortitudine quæsiuit, quis ipsam remunerabat de labore suo? Solutio ibidem. Heremita virtutem inuenit, & ab ipsa quæsiuit, de quo vivebat? Solutio. Respondit virtus, quod ipsa vivebat ex fortitudine in temperantia, & ex temperantia in fortitudine. Et vade ad ramos virtutis. Heremita à temperantia quæsiuit, qua hora diei erat maior? Solutio. Respondit temperantia, quod ipsa erat maior illa hora diei, in qua cum fortitudine tam magnam habebat concordantiam, quod gulam vincebat, ita quod nullam passionem sentiebat.

De Quæstionibus fortitudinis & fidei.

Heremita à fide quæsiuit, cum quo intellectum cogebar? Solu-

tio. Vis suppositionis quæ elegit affirmationem aut negationem sine dubitatione ligat intellectui suas tibias. Et vade ad rubricam antedictam in branchis arboris moralis. Intellectus quomodo accipit habitum fidei, quem sibi Deus elargitur? Solutio. Sicut voluntas accipit habitum charitatis amando plus Deum quam seipsam, ita intellectus accipit habitum fidei obediendo alij & non sibiipsi. Et vade ad ramos virtutis. Heremita à fide quæsiuit, quomodo crescebat? Solutio. Respondit fides, quod ipsa crescebat tanto fortius, quanto fortitudo cum veritate compellebat intellectum. Heremita à fortitudine quæsiuit, vtrum ita magna erat per demonstrationem, sicut per credulitatem? Solutio. Respondit fortitudo quod ipsa maior erat in fine quam in principio, cum ita sit, quod principium sit ratione finis.

De Quæstionibus fortitudinis & spei.

Heremita à fortitudine quæsiuit, quomodo spe utebatur? Solutio. Vade ad quæstionem antedictam in branchis arboris moralis. A peccatore quærebat, vtrum fortitudo in illo erat maior cum se iudicabat, aut cum misericordiam Dei sperabat? Solutio. Respondit peccator, quod cum seipsum iudicabat esse dignum pœna magna, passionem sentiebat propter magnum timorem, quem habebat de magna iustitia Dei, quam valde diligebat, ratione cuius timoris plorabat, & cum in Deo sperabat, & suam spem ad misericordiam Dei trans mittebat, nullum dolorem nec passionem sentiebat, & suum cor hilaritate & audacia complebat. Heremita à fortitudine

dine quæsiuit, vtrum villo tempore deuicta fuerat? Solutio. Respondit fortitudo, quod ipsa erat deuicta sæper, cum spes ab ipsa recedebat. Heremita à fortitudine quæsiuit, vtrum ipsa spem compellere poterat? Solutio. Respondit fortitudo, quod ipsa spem compellere non poterat: quia Deus ipsam liberè dabat & liberè ibat & veniebat.

De Quæstionibus fortitudinis & charitatis.

Heremita à charitate quæsiuit, quare Deus in hoc mundo tantas suis amicis dabat passiones? Solutio. Vade ad quæstionem antedictam in brâchis arboris moralis. Charitas, dixit heremita, quare Deus mandat homini, quod suum diligat inimicum? Solutio. Respondit charitas, quod Deus vult, quod homo suum inimicum diligebat, vt ipsa magnam habeat fortitudinem. Heremita à charitate quæsiuit, vtrum ipsa maiorem haberet fortitudinem in amâdo suum amicum, quam in amando suum inimicum? Solutio. Respondit charitas, quod ipsa suum amicum diligebat cum concordantia sine passione, & suum inimicum cum contrarietate & passione diligebat, idcirco amare cum vno pede ibat grauius & cum alio leuiter. Charitas, dixit heremita, quare homo pauper maius habet meritum, si elemosynam faciat de vno denario, quam homo diues de vno talento? Solutio.

Ille maius meritum consequitur,
qui cum tota sua potestate
facit bonum.

De Quæstionibus temperantia & fidei.

Heremita à fide, & temperantia quæsiuit, vtrum fortitudo ipsas inuitauerat? Solutio. Vade ad quæstionem antedictam in branchis arboris moralis. Heremita à fide quæsiuit, de quo suum ieiunium erat? Solutio. Respondit fides quod ita erat suum ieiunium spiritualiter ex suppositione sine dubitatione, quæ est carcer intellectus: sicut est ieiunium corporaliter ex temperantia in comedendo sapida cibaria & delicata. Heremita à fide quæsiuit, vtrum maior esset in credulitate, quam temperantia in abstinentia? Solutio. Nulla virtus corporalis æqualis potest esse in magnitudine bonitatis cum spirituali virtute. Heremita temperantiam inuenit, à qua petiit, quo ibat? Solutio. Respondit temperantia, quod ipsa ibat ita ad mortificandum saturitatem & saporem supra naturam appetitiuæ: sicut fides ibat ad mortificandum inquisitionem intellectus supra demonstrationem.

De Quæstionibus temperantia & spei.

Heremita à temperantia quæsiuit, quomodo amicitiam procurabat inter iustitiam & spem? Solutio. Vade ad quæstionem antedictam in branchis arboris moralis. Spes, quomodo est causa temperantiæ? Solutio ibidem. Heremita à temperantia quæsiuit, de quo erat pannus suæ tunica? Solutio. Respondit temperantia, quod pannus suæ tunicae erat ex iustitia & spe. Heremita à temperantia quæsiuit, vtrum spem maiorem habere sperabat cum gallinas comedebat: sicut

484 Quæstiones brancharum.

cum comedebat cepas? Solutio. Respondit temperantia, quod ipsa semper habebat timorem, cum cibaria sapida comedebat, & cum vinum græcum bibebat.

De Quæstionibus temperantia & charitatis.

Heremita à temperantia quæsiuit, quare non erat ita magna virtus sicut charitas? Solutio. Vade ad quæstionem antedictam in branchis arboris moralis. Heremita à differentia, temperantia & charitate quæsiuit, in quo erant differentes? Solutio. Respondit differentia, quod temperantia computabat illud, quod lucrabatur & expendebat, & charitas dabat omnia, quæ habebat. Temperantia à charitate quæsiuit, vtrum ipsam diligeret? Solutio. Respondit charitas, quod ipsa diligebat omnes illos, qui ipsam habere volebant. Charitas à temperantia quæsiuit, vtrum esset in Rege ita magna sicut in Regina? Solutio. Respondit temperantia, quod illam quæstionem fortitudini faceret, quæ hoc sciebat.

De Quæstionibus fidei & spei.

Quidam gentilis à quodam christiano quæsiuit, & à quodam Saraceno, quis eorum secundum suam sectam maiorem fidem, & maiorem spem habere poterat? Solutio. Vade ad quæstionem antedictam in branchis arboris moralis. Gentilis à christiano & Saraceno quæsiuit, quis ipsorum melius dispositus erat ad recolendum misericordiam Dei, & ad habendum timorem de sua iustitia? Solutio ibidem. Gentilis à Christiano & Saraceno quæsiuit, si ambo irent ad

infernum, quis ipsorum haberet maiorem pœnam? Solutio. Responderunt Christianus & Saracenus, quod ille maiorem pœnam haberet, qui maiori fidei & spei magis contrarius fuisset, & tunc Gentilis fidem Christianorum laudauit, & malum dicebat de credulitate Saracenorum.

De Quæstionibus fidei & charitatis.

Heremita à fide quæsiuit & à charitate, quare erant ita magnæ? Solutio. Vade ad quæstionem antedictam in branchis arboris moralis. Heremita à fide & charitate quæsiuit, si in Deo non esset trinitas personarum, & quod si Deus non esset incarnatus, vtrum Deus ipsas creare posset in maiori maiore, quæ creari possent? Solutio ibidem. Cum fides & charitas debeant magnam concordantiam habere, fides quare habet ita paucos amicos? Solutio. Nulla arbor habet culpam, si gelu flores suos comburit. Charitas à fide quæsiuit, quare plorabat? Solutio. Fides respondit, quod ipsa plorabat, quia in paucis hominibus erat, & quia per plures homines erat inhonorata.

De Quæstionibus spei & charitatis.

Spes quomodo multiplicatur? Solutio. Vade ad quæstionem antedictam in branchis arboris moralis. Heremita à spe quæsiuit, vtrum ipsa posset esse in hac vita æqualis charitati in magnitudine bonitatis? Solutio. Respondit spes, quod si in hac vita ipsa posset esse æqualis charitati, sequeretur de necessitate, quod in alia vita esset in hominibus saluatis, in quibus est charitas. Heremita à spe quæsiuit,

fuit, vtrum esset ita magna quia virtutem diligebat, sicut cum vitium odiebat? Solutio. Respondit spes, quod illam quæstionem faceret voluntati, quæ maior est in magnitudine bonitatis amando, quam odiendo. Heremita à charitate quæsiuit, vtrum esset ita magna in amando iustitiam Dei, sicut in amando suam misericordiam? Solutio. Respondit charitas, quod ipsa diligebat secundum suam naturam iustitiam Dei, & amabat suam misericordiam, quia spes sibi consulebat.

De Quæstionibus sanctitatis.

Sanctitas quid est? Solutio. Vade ad quæstionem antedictam in brachis arboris moralis. Heremita à prælato quæsiuit, qualis est cõmunior virtus? Solutio ibidem. Sanctitas infirma iacebat, & quædã anus ab ea quæsiuit, in quo loco maiorem dolorem sentiebat? Solutio. Respondit sanctitas, quod in illo loco, per quem ipsa maior erat, fortius erat vulnerata. A sanctitate quærebatur, in quot hominibus erat? Solutio. Sanctitas respondit, quod eius contrarium in tot hominibus erat, quod ipsos computare nesciebat.

De Quæstionibus patientie.

Patientia quid est? Solutio. Vade ad quæstionem antedictam in brachis arboris moralis. Patientia quare est? Solutio. Si patientia non esset, fortitudo meritum acquirere cum maioriâ non posset. Et vade ad quæstionem virtutis. Patientia quomodo est fortior quam fortitudo? Solutio. Quia patientia maiorem habet concordantiam cum humilitate, quam

fortitudo, & habet plures amicos, quàm fortitudo. A patientia quærebatur cum quo bellum vincebat? Solutio. Patientia respondit, quod ipsa homines superbos deuincebat, & iratos, derisores, & aduersitates cum humilitate & spe.

De Quæstionibus abstinentie.

Abstinentia quid est? Solutio. Vade ad quæstionem antedictam in branchis arboris moralis. Abstinentia quomodo incipit? Solutio ibidem. Abstinentia quid acquirit? Solutio. Abstinentia prudentiam, temperantiam, humilitatem, & spem acquirit. Abstinentia quomodo moritur? Solutio. Ibat voluntas ab bellum, nec secum prudentiam ducebat, vnde abstinentia in bello est mortua.

De Quæstionibus humilitatis.

Humilitas quid est? Solutio. Vade ad quæstionem antedictam in branchis arboris moralis. Humilitas quomodo homines ascendit ad magnitudinem bonitatis? Solutio ibidem. Humilitas quare desiderat esse in tot hominibus. Solutio. Nullus homo superbus parem habere desiderat. Quidã asinus ab humilitate quæsiuit, in quo subiecto erat sua maior majoritas? Solutio. Respondit humilitas, quod asinus iniuriam faciebat, qui Iesum Christum obliuioni dabat, qui suam similitudinem accipiebat.

De Quæstionibus pietatis.

Pietas quid est? Solutio. Vade ad quæstionem antedictam in branchis arboris moralis. Quare homo vinus abhorret tangere hominem

486 Quæstiones brancharum.

mortuum, & non abhorret tangere bestiam mortuam? Solutio ibidem. Heremita à Deo quæsiuit, vtrum ipse haberet ita magnam pietatem de hominibus peccatoribus si non esset incarnatus, crucifixus & mortuus, sicut si sit incarnatus, & in quantum homo crucifixus & mortuus. Solutio ibidem. Quare fœmina naturaliter est magis pia, & maiorem habet timorem quam homo? Solutio ibidem.

De Quæstionibus Castitatis.

Castitas quid est? Solutio. Vade ad quæstionem antedictam in branchis arboris moralis. Castitas quare est? Solutio ibidem. Quare fœmina casta plus commendatur propter castitatem, quam homo qui est castus? Solutio. Quidam paruus homo quendam magnum hominem vincebat in bello, propter quod magnam habuit laudem. Quare pater maius habet placitum quod sua filia sit casta, quam suus filius? Solutio. Naturaliter fœminæ maiorem habent verecundiam quam homines, & de verecundia amati habet, amicus verecundiam.

De Quæstionibus Largitatis.

Largitas quid est? Solutio. Vade ad quæstionem antedictam in branchis arboris moralis. Heremita à Deo quæsiuit, vtrum ipse creare posset largitatem in maiori maiore parte sine incarnatione? Solutio ibidem. Quare homo largus maius placitum habet in dando, quam in accipiendo? Solutio. Naturaliter ille qui dat remotior est ab avaritiâ & charitatî propinquior quam ille qui accipit. Quare homo senex naturaliter non est ita largus sicut

homo iuuenis? Solutio. Naturaliter complexio sanguinis & largitas habent concordantiam, & complexio melancholiæ & avaritiæ & sol virtutis maiorem dat flori humidæ & calidæ complexionis in ascendendo quam flori siccæ, & frigidæ complexionis in descendendo.

De Quæstionibus Legalitatis.

Legalitas quid est? Solutio. Vade ad rubri. antedictam in branchis arboris moralis. Quare naturaliter homo est magis legalis per amorem quam propter timorem? Solutio. Quia in Deo est amor & non timor, est omnis voluntas propter amare nobilior, quam propter odire. Legalitas cum quo vadit? Solutio ibidem. Legalitas vbi est? Solutio ibidem.

De Quæstionibus Constantie.

Constantia quid est? Solutio. Vade ad quæstionem antedictam in branchis arboris moralis. Constantia quare est? Solutio. Si equus non fugeret eius ligamen non esset. Et vade ad quæstionem virtutis. Heremita à Rege quæsiuit, vtrum in suo proposito erat magis constans per spem, quam per fortitudinem? Solutio. Respondit Rex, quod ipse suam fortitudinem ad Deum transmittere non posset, ad quæ suam spem trans mittebat. Heremita à constantia quæsiuit, vtrum erat ita propinqua credulitati sicut intelligere? Solutio. Respondit constantia, quod ipsa erat prope dubitationem per credulitatem, & longè per intelligere. Idcirco conscientiam habebat quando faciebat contra hoc quod intelligebat.

De Quæstionibus diligentie.

Diligentia quid est? Solutio. Vade ad quæstionem antedictam in branchis arboris moralis. Quare mater est diligentior ad nutriendum suum filium quando est parvus, quam quando est magnus? Solutio. Puer dum est parvus nutrimentum naturale requirit, & quædo est magnus morale, quod pater suus ei dare debet. Heremita à mercatore quæsiuit, quare diligentior erat in acquirendo denarios, quam virtutes? Solutio. Respondit mercator & dixit, quod Pater suus erat magis diligens in acquirendo denarios, quam Prælati suis in acquirendo virtutes. Quare miles est magis diligens in acquirendo honorem & laudem, quam in procurando sanitatem sui corporis? Solutio. Illa quæ Deo sunt magis similia, naturaliter sunt magis desiderabilia.

De Quæstionibus suauitatis.

Suauitas quid est? Solutio. Vade ad quæstionem antedictam in branchis arboris moralis. Suauitas cuius est filia? Solutio ibidem. Heremita à Domina nostra quæsiuit, vtrum suus filius erat suauis? Solutio. Respondit Domina nostra & dixit heremita, quod quæreret à cruce, & à malicia hominum per quos suus filius summo honore dignus est valde inhonoratus & vituperatus. Suauitas quare est? Solutio Virtutis.

De Quæstionibus conscientie.

Conscientia quid est? Solutio. Vade ad quæstionem antedictam

in branchis arboris moralis. Vtrum primus motus conscientie per amorem aut per timorem consistat? Solutio. Forma conscientie est propter amorem, & eius figura per timorem, est ergo in conscientia amor causa timoris. Conscientia quare est? Solutio ibidem. Heremita à conscientia quæsiuit, vtrum erat virtus moralis, aut naturalis? Solutio. Respondit conscientia & dixit, quod ipsa virtus naturalis, quæ in virtute morali suam ponebat similitudinem, quam ponere non poterat in illis peccatoribus qui spem non habent.

De Quæstionibus timoris.

Timor quid est? Solutio. Vade ad quæstionem antedictam in branchis arboris moralis. Heremita à timore quæsiuit, vtrum libertatem habebat? Solutio. Respondit timor & dixit, quod ipsa erat amoris contraria, & quia nulla coniuncta creata habent electionem, ipse non posset esse liber. Et in hac solutione multum de Philosophia consistit. Heremita à timore quæsiuit, vtrum erat ita prope verecundiam sicut amor? Solutio. Respondit timor & dixit, quod ipse nil facit cum deliberatione, sed facit totum hoc, quod amor qui est suus Dominus præcipit ei qui ipsum transmittit extra, vt sibi adducat illud quod desiderat contra suos inimicos. Heremita à timore quæsiuit, quare erat? Solutio. Respondit timor & dixit, quod ipse erat, vt minus faceret omnibus illis, qui malum dicunt de amore, qui est Dominus suus. Et vade ad quæstionem vt supra.

De Quæstionibus contritionis.

Contritio quid est? Solutio. Vade ad quæstionem antedictam in branchis arboris moralis. Contritio de quo est? Solutio. Contritio est ex similitudine conscientie, misericordie, iustitie, & spei. Contritio quare est? Solutio ibidem. Heremita à contritione quæsiuit, quare plorabat, & quare confitebatur? Solutio. Respondit contritio, & dixit, quod ipsa plorabat, quia ipsam pœnitebat de commissis, quæ perpetravit contra suum Dominum, & confitebatur, vt consilium peteret, quomodo gratiam à suo Domino recuperare posset.

De Quæstionibus verecundie.

Verecundia quid est? Solutio. Vade ad quæstionem antedictam in branchis arboris moralis. Cum femina naturaliter maiorem habeat verecundiam quam homo, quare homo cum delinquit, maiorem quam femina debet habere verecundiam? Solutio. Secundum moralitatem verecundia in femina refrenat minoritatem contra delictum, & in homine maiorem. Et vade ad quæstionem virtutis. Heremita à Domina casta quæsiuit, quare plus abhorrebat luxuriam propter verecundiam quam propter timorem? Solutio. Respondit Domina casta, & dixit, quod nulla qualitas appropriata cum fortitudine habet ita magnam concordantiam sicut propria qualitas. Heremita à Domina pulchra luxuriosa quæsiuit, vtrum tantum verecundiam diligebat, sicut Domina casta, quæ est turpis? Solutio. Respondit Domina pulchra dicens,

ipsa verecundiam perdidit in hoc, quod perdidit castitatem, & dicit, quod Domina casta verecundiam habere non debebat de turpitudine sua, postquam non poterat esse pulchra, quæ verecundiam habere debebat, vt esset casta.

De Quæstionibus obedientie.

Obedientia quid est? Solutio. Vade ad rubricam antedictam in branchis arboris moralis. Heremita ab obedientia Regis quæsiuit, vtrum erat ita magna sicut obedientia sui populi? Solutio. Illa obedientia quæ est per mortalem bonitatem, est nobilior quam illa, quæ est per seruitutem. Heremita ab obedientia quæsiuit, vtrum ita magnam passionem habebat in Domino sicut in subditis? Solutio. Ille qui pluribus obedit maiorem habet passionem, quàm ille qui obedit vni. Quidam Rex plorabat, quia non erat filius rustici & rustice, & obedientia ab eo quæsiuit, quare plorabat? Solutio. Respondit Rex & dixit, quod ipse plorabat, quia tantum de libertate non habebat in conscientia sicut filius rustici, quem conscientia dormire permittebat. Secundum processum quæ tenuimus in faciendo quæstiones ex principalibus virtutibus ad inuicem mixtis, quæstiones facere volumus ex virtutibus consequentibus, quasdam virtutes cum aliis miscendo. Sed quia prolixitatem euitamus, facere nolumus nisi vnâ quæstionem ex vna virtute cum alia. Et si tu lector multiplicare volueris quæstiones sub aliqua rubrica illas poreris multiplicare, si vadas ad rubricas antedictas, veluti si volueris quæstiones multiplicare de sanctitate & patientia, vade ad quatuor quæstiones & earum solutiones quas diximus de sanctitate, & vade ad alias quatuor quæ-

quæstiones & solutiones, quas diximus de patientia, & ex significatione illarum quam ex ipsis accipies: si ipsas scias intelligere, potes multiplicare quæstiones ad placitum, & vnam solutionem cum alia inuenire, & hæc regula generalis est in tota hac scientia, ratione cuius intellectus magnam habet materiam ad faciendum plures quæstiones, & ad inquirendum & inueniendum secreta naturalia & moralia.

De Quæstionibus sanctitatis, & virtutum sibi applicatarum.

Heremita à sanctitate quæsiuit, vtrum erat ita generalis virtus per actionem, sicut per passionem? Solutio. In quodam sermone in quo quidam Prædicator Deum plurius hominibus laudabat, affatus habuit magis generalem sanctitatem in laude, quam de Deo dabat, quam aliquis homo in audiendo illam laudem. Abstinencia, dixit heremita, es ita generalis virtus, sicut sanctitas? Solutio. Respondit abstinencia dicens, quod sola sanctitas est virtus generalis. Humilitas, dixit heremita, in qua virtute es maior? Solutio. Respondit humilitas & dixit, quod ipsa maior esse debebat in illa persona, quæ est magis communis. Cum sanctitas sit ita communis virtus, & virtus in homine sit communior quam in fœmina, quare pietas citius plorare facit fœminas quam homines? Solutio. Vna communitas est illa, quæ est moralis, & alia est illa, quæ est naturalis. Heremita à castitate quæsiuit, vtrum erat magis sancta in homine quam in fœmina? Solutio. Respondit castitas & dixit, quod ipsa erat in fœmina

magis sancta per verecundiam, & in homine per fortitudinem. Heremita à sanctitate quæsiuit, vtrum maiorem timorem haberet de avaritia, quam de luxuria? Solutio. Respondit sanctitas & dixit, quod homines ita magnam conscientiam non habebat per complexionem sanguinis, sicut per complexionem melancholiam. Heremita à sanctitate quæsiuit, vtrum haberet tot amicos per verecundiam legalitatis, sicut castitatis? Solutio. Respondit sanctitas & dixit, quod legalitas est communior virtus, quam castitas. Sanctitas, dixit heremita, habes ita magnam constantiam per amare, sicut per intelligere? Solutio. Respondit sanctitas & dixit, quod de illo actu qui citius vadit & venit, maiorem habet timorem, quam de illo qui lentè vadit. Heremita à diligentia quæsiuit, vtrum erat magis sancta per charitatem, quam per prudentiam? Respondit diligentia & dixit, quod ipsa erat sancta per prudentiam in capite, & per charitatem in cauda. Heremita à suauitate quæsiuit, vtrum erat ita sancta per patientiam, sicut per humilitatem? Solutio. Respondit suauitas & dixit, quod ipsa erat magis sancta per patientiam in fortitudine, & per charitatem in humilitate. Sanctitas, dixit heremita, habes ita magnam conscientiam per amorè, sicut per timorem? Solutio. Respondit sanctitas & dixit ad heremitam, quod ipse responsionem inueniret in significatione suarum quæstionum in sua rubrica antedicta, & in quæstionibus quas de conscientia diximus. Timor, dixit heremita, es ita sanctus per charitatem, sicut per iustitiam? Solutio. Respondit timor & dixit, quod ipse erat seruus charitatis cum iustitia. Heremita à contritione

490 Quæstiones brancharum.

quæsiuit, vtrum erat ita sancta per ieiunium, sicut per restitutionem denariorum, quos cum vsura acquisiuit? Solutio. Respondit contritio & dixit, quod ipsa erat magis sancta per restitutionem cum fortitudine, & per ieiunium cum temperantia. Heremita à verecundia quæsiuit, vtrum erat ita sancta in Prælato, sicut in Principe? Solutio. Vade ad definitionem sanctitatis & verecundiæ, & in significatione illarum definitionum responsionem inuenies. Heremita ab obedientia quæsiuit, vtrum erat ita sancta in intellectu religiosi, sicut in sua voluntate? Solutio. Respondit obedientia & dixit, quod ipsa est magis ancilla in voluntate religiosi, quam in eius intellectu.

De Quæstionibus patientiæ, & virtutum sibi applicatarum.

Heremita à patientia quæsiuit, vtrum erat ita magna virtus in abstinentia hominis, qui abstinet contra iram, cum denarios perdidit aut possessiones, aut cum obstitit, cum filium suum perdidit, aut aliquem suum amicum? Solutio. Respondit patientia & dixit, quod ipsa maiorem habebat parentelam cum abstinentia per naturam interiorem, quam per exteriorē. Heremita à patientia quæsiuit, vtrum erat ita magna virtus in homine, cum se humiliabat: sicut erat cum humilitas hominem ascendebat? Solutio. Respondit patientia & dixit, quod cum homo se humiliabat, ipsa vigilabat, & cum humilitas hominem ascendebat, ipsa dormiebat. Patientia dixit heremita, ab homines ita magnā pieratem in flendo, sicut in suspirando? Solutio. Suspiria veniunt ex corde, & lachrymæ ex oculis. Heremita

à patientia quæsiuit, vtrum erat ita magna virtus in Domina pulchra & casta, quæ iuuenem habet maritum, & quæ est de luxuria increpata, sicut in Domina pulchra & casta, quæ habet maritum senem, & quæ de luxuria est increpata? Solutio. In minori præsumptione non potest esse ita magna passio, sicut in maiori. Heremita à largitate quæsiuit, vtrum in homine diuite tantum diligebat patientiam, sicut in homine paupere? Solutio. Respondit largitas & dixit, quod ipsa plus patientiam diligebat in illo homine, qui à suo contrario erat remotior. Heremita ab homine legali quæsiuit, qui de traditione erat accusatus, vtrum maiorem haberet patientiam per voluntatem quam per intellectum? Solutio. Respondit homo legalis & dixit, quod secundum quod ipse fortius cum intellectu veritatem accipiebat, aut cum voluntate bonitatem, erat in ipso maior aut minor patientia. Patientia dixit heremita, habes ita magnam perseverantiam in temperantia sicut in charitate? Solutio. Respondit patientia & dixit, quod ipsa erat magis extensa virtus per temperantiam, & magis intensa per charitatem. Patientia à diligentia quæsiuit, quare ipsam dormire non permittebat, quoniam nimis vexata erat? Solutio. Respondit diligentia & dixit, quod dum patientia dormiebat, ipsa erat ociosa, quæ siquidem ociositas sibi erat magnus labor. Suauitas, dixit heremita, quare ploras? Solutio. Respondit suauitas & dixit, quod ipsa plorabat, ut patientiam excitaret, quæ dormiebat. Conscientia, dixit heremita, diligis patientiam? Solutio. A quodam homine guloso quærebatur, vtrum sciebat quid erat temperantia? qui respondit & dixit, quod ipse sciebat.

bat quendam locum, vbi perdices vendebantur, & quendam tabernam, vbi vinum bonum vendebatur. Patientia, dixit heremita, habes timorem? Solutio. Respondit patientia & dixit, quod ipsa timorem habebat omnibus vicibus, in quibus charitas & iustitia erant ociosæ. Patientia, dixit heremita, es ita magna in contritione Prælati, sicut in contritione Principis? Solutio. Nulla contritio potest esse ita magna per res corporales, sicut per res spirituales. Patientia, dixit heremita, quare habes maiorem timorem ex verecundia in temperantia quam in veritate? Solutio. Respondit, quod verecundia quam ipsa in temperantia habebat maior erat in temperantia, quam illa quæ in veritate habebat: quia gentes fortius increpant homines æbrios quam homines mendaces. Heremita à patientia quæsiuit, vtrum erat ita obediens Principi sicut Prælato? Solutio. Respondit patientia & dixit, quod quæstionem facere non oportet de hoc quod homo habet per experientiam.

De Quæstionibus abstinentiæ, & virtutum applicatarum.

Humilitas ab abstinentia quæsiuit, vtrum erat longior à superbia in sancto Prælato quam in sancto religioso? Solutio. Ille qui habet maiorem famam bonitatis, propinquior est ad hypocrisim. Pietas, dixit heremita, quare maiorem habes abstinentiam in flere hominum quam in flere mulierum? Solutio. Omnis abstinentia maior potest esse cum maiori fortitudine quam cum minori. Castitas, dixit heremita, quare mulieres maiorem habent abstinentiam contra luxuriam quam homines, postquam homines maiorem habent fortitudi-

nem quam fœminæ? Solutio. Maior est abstinentia in fœmina per verecundiam & per timorem, & in homine per fortitudinem & per amorem. Quare homo prodigus maiorem habet abstinentiam in mentiendo quam homo auarus? Solutio. Abstinentia & largitas remotiores sunt ab auaritia & falsitate in homine auaro, quam in prodigo: idcirco falsitas est propinquior homini auaro quam prodigo. Quare homo legalis maiorem habet abstinentiam ad faciendum proditio-nem quam ad faciendum luxuriam? Solutio. Generalius vitium est proditio quam luxuria. Heremita quæsiuit ab abstinentia, vtrum ante erat tacta cum constantia quam cum timore? Solutio. Nullus timor est ita generalis virtus sicut constantia. Diligentia voluit esse ociosa, & abstinentia dixit ad prudentiam & charitatem, quæ sibi malum de ipsa dixerunt? Solutio. Prudentia & charitas dixerunt ad abstinentiam, quod ipsæ cognoscebant, quod in ociositate diligentia contra ipsas erat earum inimica. Suauitas à gula quæsiuit, quare abstinentiam eiicebat de temperantia? Solutio. Respondit gula & dixit, quod ipsa non abiicebat abstinentiam de temperantia: sed ipsa exiuerat ex ipsa, quia charitas patientia & humilitas in te suauitas stare nolunt. Heremita ab abstinentia quæsiuit, cum quo consulebat? Solutio. Respondit abstinentia & dixit, quod ipsa conscientiam consulebat, cum homines deceptione facere volebant aut alium defectum. Ab abstinentia, dixit heremita, habes timorem? Solutio. Respondit abstinentia & dixit, quod si timor non esset, ipsa nihil foret. Abstinentia, dixit heremita, quare es? Solutio. Respondit abstinentia & dixit, quod ipsa erat,

quia contritio magnam passionem donabat. Abſtinentia, quare habes passionem? Solutio. Respondit abſtinentia & dixit, quod ipſa timorem habebat de verecundia. Heremita ab abſtinentia quæſiuit, vtrum erat ita magna in obedientia Abbatis, ſicut in obedientia Prioris? Solutio. In illa perſona quæ eſt magis communis, poſteſt abſtinentia maiorem habere obedientiam.

De Quæſtionibus humilitatis, & virtutum applicatarum.

Heremita ab humilitate quæſiuit, vtrum ita bona erat ſicut pietas? Solutio. Respondit humilitas & dixit, quod ipſa non eſſet hoc, quod eſt, ſi diceret, quod pias non eſt ita bona ſicut ipſa. Heremita à caſtitate quæſiuit, vtrum naturaliter Domina pulchra debeat eſſe magis caſta quam turpis? Solutio. Respondit caſtitas & dixit, quod Domina pulchra erat ſuperba propter ſuam pulchritudinem, veruntamen habebat plures inimicos quam Domina turpis. Heremita ab humilitate quæſiuit, vtrum ſtabat in hominibus auaris? Solutio. Respondit humilitas, quod ſua figura erat in hominibus auaris, & eius forma in hominibus largis, idcirco homines auari ſunt humiles exterius, & ſuperbi interius, ſicut homines hypocritæ. Heremita ab humilitate quæſiuit, vtrum ipſa deſcendebat ad legalitatem, vt ad maiorem bonitatem aſcenderet? Solutio. Respondit humilitas, quod ſi ipſa deſcendebat ad legalitatem, vt ad maiorem bonitatem aſcenderet, contra ſuam naturam faceret, quæ ſemper deſcendere deſiderat: ſed quia ipſa ad legalitatem deſcendebat, in quantum ſe ſibi humiliabat, aſcende-

bat legalitas ad maiorem bonitatem propter hoc quod ipſa ſibi donabat, & in aſcenſu legalitatis ipſa aſcendebat. Et in hoc paſſu eſt multum de Philoſophia. Heremita à conſtantia quæſiuit, vtrum humilitas erat in illo propoſito, cum aſcendebat, in quo erat cum deſcendebat? Solutio. Respondit conſtantia, quod humilitas erat in quodam monacho clauſtrali, in quo fuit ſuperbia, quando fuit Abbas. Heremita ab humilitate quæſiuit, quare plorabat? Respondit humilitas, quod diligentia plures habebat ſcholas & ſcholares iuris, quam Theologia. Heremita ab humilitate quæſiuit & à ſuauitate, quare ita libenter erant in hominibus magis nobilibus, quam in minus nobilibus: quoniam apparebat, quod ipſæ erant ſuperbæ? Solutio. Reſpoderunt ſuauitas & humilitas, quod magna nobilitas in leone conſiſtit, qui non reſpondet ad iram parui canis, qui latrando ſibi minatur. Heremita ab humilitate quæſiuit, vtrū habebat ita magnā conſcientiā in aſcendendo, ſicut in deſcendendo? Respondit humilitas, quod ille qui magis altè aſcendit, magis inferius cadere poteſt: idcirco quando delinquit, maiore conſcientiā habere debet. Heremita ab humilitate quæſiuit, vtrum habebat ita magnum timorem in aſcendendo ſicut in deſcendendo? Solutio. Respondit humilitas, quod nullum timorem habuit in deſcendendo: ſicut ſuperbia nullum habet timorem in aſcendendo. Heremita ab humilitate quæſiuit, vtrum contritionem habebat cum peccabat? Solutio. Respondit humilitas quod illa ſæpè contritionem habebat cum aſcendebat, licet non peccabat. Idcirco quanto magis aſcendebat de ſeipſa hominibus humilibus plus donabat. Heremita ab humilitate quæſiuit,

uit, vtrum verecundiã habebat? Solutio Respondit humilitas, quod ipsa verecundiã non habebat cum descēdebat: sed quando ascēdebat: & tunc heremita cognouit per hoc quod humilitas dixit, quare homines hypocritæ verecundiam non habent. Humilitas, dixit heremita, es libera? Solutio. Respondit humilitas, quod superbia quæ est suum contrarium est subdita inobedientiæ.

De Quæstionibus pietatis, & virtutum sibi applicatarum.

Pietas, dixit heremita, quare es maior in scēmina casta, quam in luxuriosa? Solutio. Respondit pietas, quæ scēmina casta est in ordine, in quo ipsa maior esse potest, quam extra ordinem. Heremita à largitate quæsiuit, quare homines largi citius plorant, quam homines avari? Solutio. Respondit largitas, quod homines largi pietatem habent, quæ est mater fletuum, & homines avari crudelitatem habent, quæ homines pauperes deridet. Heremita à legalitate quæsiuit, quis pietatem deridebat? Solutio. Respondit legalitas, quod homo falsus flet vt suspiret, vt legalis appareat. Cum in scēmina tantum non sit de constantia, sicut in homine: quare citius ad pietatem mouetur quam homo? Solutio. Minor virtus prius mouetur quam maior, veruntamen maior maiorem habet motum. Heremita à diligentia principis quæsiuit, vtrum pietatem de Saracenis habebat, qui vadunt in infernum? Solutio. Respondit diligentia principis, quod illam quætionem faceret diligentia Prælati. Pietas & suauitas plorabant, & heremita ab eis quæsiuit quare plorabant? Solutio. Responderunt pie-

tas & suauitas, quod ipsæ plorabant, quia non erant in coronis principum tantum dilectæ sicut aurum & lapides pretiosi. Conscientia, dixit heremita, quare habes naturam tristitiæ? Solutio. Respondit conscientia, quod ipsa naturam tristitiæ habebat, vt pietas peccata sua ploraret. Pietas, dixit heremita, habes timorem? Solutio. Respondit pietas, quod erat signum quod timor in suo vexillo portabat. Contritio, dixit heremita, quomodo es cognita? Solutio. Respondit contritio, quod ipsa cognita erat cum lachrymis pietatis, & erat incognita cū lachrymis hominum factorum qui plorant, vt homines legales decipere possint. Pietas, dixit heremita, habes verecundiam? Solutio. Respondit pietas, quod ipsa plorabat, quia pietatem de principe habebat, qui verecundiam habet in rogando Deum, & in loquendo cum hominibus humilibus, quia magnam pœnam propter illam verecundiam habebunt. Heremita à pietate quæsiuit, vtrum libertatem habebat, cum plorabat & suspirabat? Solutio. Respondit pietas, quod quanto magis plorabat, & suspirabat, tanto magis liberam se sentiebat, ideoque cognoscebat quod sua libertas stabat in flere, & suspirare propter peccata hominum inobedientium virtutibus.

De Quæstionibus castitatis, & virtutum applicatarum.

Heremita à largitate quæsiuit, vtrum erat ita magna in Domina casta, sicut in Domina luxuriosa? Solutio. Respondit largitas, quod sua figura magna erat in homine prodigo, & sua forma in homine largo. Heremita à castitate quæsiuit, vtrum erat virtus in homine proditore? Solutio.

Respondit castitas, quod in homine proditore, qui non est luxuriosus, stabat ita sua similitudo, sicut similitudo hominis viui in similitudine hominis mortui. Castitas, dixit heremita, cum luxuria te tangit, cum qua virtute maiorem constantiam habes? Solutio. Respondit castitas, quod cum seipsa maiorem constantiam habebat, quia ipsa erat magis contraria luxuriæ, quam aliqua alia virtus. Quidam mercator magnam diligentiam habebat in lucrando denarios, vt sua vxor nobiliter iret induta, à quo mercatore heremita quæsiuit, vtrum habebat ita magnam diligentiam in procurando castitatem suæ vxoris, sicut pulchra indumenta? Solutio. Respondit mercator heremita, quod sua vxor sibi promiserat, quod quanto nobilius ipsam indueret, ipsa magis casta esset, & quod ipse ei credebatur. Suauitas, dixit heremita, quare es maior in Domina luxuriosa, quam in casta? Solutio. Respondit suauitas, quod Domina luxuriosa suam accipiebat similitudinem, vt suum maritum deciperet cum similitudine amoris. Castitas, dixit heremita, cum te tangit luxuria, quæ consulis? Solutio. Respondit castitas, quod ipsa conscientiam consulabat, quæ nunquam luxuriæ est amica. Quidam senex quandam feminam iuuenem accepit in vxorem, à quo castitas quæsiuit, vtrum timorem de luxuria habebat? Solutio. Respondit homo senex, quod ipse timorem non habebat de luxuria, & dixit castitas, quod hoc bene apparebat. Quidam homo senex à castitate quæsiuit, vtrum iuuenem vxorem acciperet? Solutio. Respondit castitas, quod nullus homo senex, qui facit defectum contra suam vxorem iuuenem, ei satisfactionem facere non potest, idcirco

quibbet homo senex in accipiendo vxorem iuuenem debet conscientiam, contritionem, & timorem, & verecundiam habere. Heremita à castitate quæsiuit, quare homines iuuenes de ipsa habent verecundiam? Solutio. Respondit castitas, quod homines iuuenes non considerant pœnas inferni, ad quas vadunt homines luxuriosi, nec sciunt, quid est verecundia. Castitas, dixit heremita, quare es tristis, cum tu sis ita bonus? Solutio. Respondit castitas, quod ipsa erat tristis, quia plures homines plus luxuriæ, quam sibi obediunt.

De Quæstionibus largitatis, & virtutum applicatarum.

Legalitas à largitate quæsiuit cuius hominis societas stat magis periculosa? Solutio. Respondit largitas, quod nullus homo est peior socius, quam homo avarus. Largitas à constantia quæsiuit, vtrum ipsa possit in verbis confidere, quibus homo avarus aliquid suo amico promittebat? Solutio. Respondit constantia, quod homo avarus est magis mendax quam aliquis alius homo. Mercator à diligentia quæsiuit, quare non erat tam magni mercimonium largitatis sicut avaritiæ? Solutio. Exaltauit se diligentia, quod ipsa culpam non habebat, quia ipsa nulli se negabat qui ipsam volebat. Suauitas, dixit heremita, quare estis maior in largitate, quam in auaritia? Solutio. Respondit suauitas, quod cum homo denarios hominis avari tangit, ipse avarus citò irascitur, qui siquidem denarij homines avaros superbos faciunt. Largitas à conscientia quæsiuit, quare non erat in hominibus diuitibus avaris qui denarios pauperum faciunt esse ociosos?

Solu

Solutio. Excusauit se conscientia, quod auaritia hoc nolebat. Largitas, dixit heremita, auaritia quare timorem non habet de iudice? **Solutio.** Respondit largitas, quod auaritia plures denarios habebat, cum quibus iudicem tacere faciebat. Contritio, dixit heremita, quare estis maior in homine largo quam in homine auaro? **Solutio.** Respondit contritio, quod homo auarus est maior inimicus restitutionis, quam alius homo. Heremita à largitate quæsiuit, vtrum verecundiam habebat, quia auaritia plures amicos quam ipsa habebat? **Solutio.** Respondit largitas, quod non tantum verecundiam habebat, immò tristis erat & sæpe plorabat. Heremita ab obedientia quæsiuit, vtrum erat ita magna in largitate, sicut in auaritia. **Solutio.** Respondit obedientia, quod ipsa maior erat in largitate, secundum voluntatem, & in auaritia secundum corpus.

De Quæstionibus legalitatis, & virtutum applicatarum.

Constantia, dixit heremita, quare maiorem amicitiam habes cum legalitate, quam cum falsitate? **Solutio.** Respondit constantia, quod homo legalis suam cameram in rupe edificat, & homo falsus in arena. Legalitas, dixit diligentia, cur ploras? **Solutio.** Respondit legalitas, quod ipsa erat falsitatis amica, hoc sciebat. Homines legales quare speciosè loquuntur, & per viam humiliter vadunt? **Solutio.** Homines falsi citò loquuntur, vt deliberationem ad dicendum veritatem non habeant, & vadunt superbè, vt homo de ipsis timorem habeat. Homines legales quare se non excusant ita fortiter, cum homo ipsos

increpat de falsitate, sicut homines falsi se excusant? **Solutio.** Legalitas non habet ita magnum timorem, sicut falsitas, quia in veritate confidit, hoc scit conscientia. Heremita à legalitate quæsiuit, de quo habebat maiorem timorem? **Solutio.** Respondit legalitas, quod ipsa timorem habebat maiorem de falso testimonio, quam de aliqua alia re. Heremita à legalitate quæsiuit, vtrum contritionem habebat, cum confitebatur? **Solutio.** Respondit legalitas, quod ipsa erat confessioni hominis falsi contraria, qui cum falsitate confiteretur. Heremita à legalitate quæsiuit, quare erat rubeus color in facie hominis legalis, qui iniuste est reprehensus? **Solutio.** Respondit legalitas & dixit, quod ipsa ita sanguinem mouebat ad colorem rubeum in facie cum verecundia, cum iniuste fuerat reprehensa, sicut falsitas cum timore colorem croceum, cum secundum veritatem est reprehensa. Heremita à legalitate quæsiuit, vtrum vlllo tempore fuerat peccato obediens? **Solutio.** Nulla falsitas est obediens virtuti.

De Quæstionibus constantia, & virtutum applicatarum.

Constantia, dixit heremita, habes diligentiam? **Solutio.** Respondit constantia, quod Hierusalem fieret illa quæritio, quæ hoc sciebat. Heremita à constantia quæsiuit, vtrum suauitatem habebat? **Solutio.** Respondit constantia heremite, querens ab eo vtrum quærebat de illa suauitate quæ erat tempore Apostolorum, vel de illa quæ est in tempore in quo sumus. Heremita à constantia quæsiuit, vtrum erat fundamentum conscientia? **Solutio.** Respondit, quod ipse qui to-
tiens

tiens apostata fuit, illud sciebat. Constantia, dixit heremita, habes timorem? Solutio. Respondit constantia quod ipsa timorem habebat de homine infirmo qui suum bonum propositum mutat in malum, quando est curatus. Constantia, habes contritionem? Solutio. Respondit constantia, quod ipsa contritionem habebat, dum homines erant infirmi. Constantia, dixit heremita, habes verecundiam? Solutio. Respondit constantia, quod ipsa verecundiam habebat semper cum homines se de bono iactabant, quod faciebant. Obedientia à constantia quæsiuit, vtrum ipsam diligebat tantum per timorem sicut per amorem? Solutio. Respondit constantia, quod ipsa non facit aliquid pro denariis.

De Quæstionibus diligentia, & virtutum applicatarum.

Diligentia quæsiuit à suauitate, quare ibat spaciosè? Solutio Respondit suauitas, quod ipsa ibat citò cum constantia, & spaciosè cum patientia & humilitate. Heremita à diligentia quæsiuit, quare ita fortiter currebat? Solutio. Respondit diligentia, quod ipsa currebat ita fortiter, quia conscientia hoc sibi consulebat. Diligentia, dixit heremita, habes timorem? Solutio. Respondit diligentia quod ipsa timorem habebat de cibariis delicatis, & mollibus lectis, & pluribus tunicis, quæ homines pigros faciunt. Diligentia habes contritionem? Solutio. Respondit diligentia, quod ipsa contritionem habere non poterat in hominibus pinguibus. Diligentia habes verecundiam? Solutio. Respondit diligentia, quod ipsa verecundiam habebat de hominibus plenis vini, & carniū gallinarum, qui hoc quod

promittunt, non tenet, & dicunt, quod magnum tedium est ne per mundum ad honorandum Deum. Diligentia, dixit heremita, cum quo pigritiam vincis, quæ est tuum contrarium? Solutio. Respondit diligentia, quod ipsa suum contrarium vincebat cum charitate & prudentia.

De Quæstionibus suauitatis, & virtutum applicatarum.

Homo discretus quare considerat prius illud, quod loquitur? Solutio. Suauitas & conscientia in sermonibus causant Rhetoricam, bonitatem, charitatem, patientiam, & humilitatem. Suauitas, dixit heremita, habes timorem de superbia? Solutio. Respondit suauitas, quod nullus homo habet timorem de superbia, qui humilitatem diligit & patientiam. Suauitas, dixit heremita, habes contritionem? Solutio. Respondit suauitas quod illa cōtritionem in sua hypocrisi non habebat. Suauitas, dixit heremita, quare loqueris ita spaciosè & lentè? Solutio. Respondit suauitas, quod ipsa ita spaciosè & lentè loquebatur, quia habet verecundiam mentiendi. Suauitas, dixit heremita, cum quibus virtutibus es magis obediens? Solutio. Respondit suauitas, quod ipsa maiorem habebat parētelam cum charitate, patiētia, & humilitate, quam cum aliis virtutibus.

De Quæstionibus conscientia, & virtutum applicatarum.

Conscientia, dixit heremita, quare maiorem habes concordantiam cum timore, quam cum amore? Solutio. Respondit conscientia, quod suū officium ita erat ex minis sicut erat ex spe, & ex promissionibus. Conscientia

ta, quis est tuus cōfessor? Sol. Respondit conscientia, quod contritio suam confessionem audiebat: quoniam scire volebat quomodo minas faciebat hominibus qui malè faciunt, & quomodo hominibus consulebat quod faciant bonum. Heremita à conscientia quæsiuit, vtrum verecundiam habebat? Solutio. Respondit conscientia, quod ipsa verecundiam habebat sapius in leuatione mensæ, cum homines erant pleni vini, qui credebant me habere, quia contra temperantiam defece- runt, quam quidem verecundiam in principio mense habere voluisssem. Conscientia, dixit heremita, quare es semper tristis? Solutio. Respondit conscientia, quod ipsa erat semper tristis, quia semper erat ancilla.

De Quæstionibus timoris, & vir- tutum applicatarum.

Heremita à contritione quæsiuit, vtrum maiorem habeat concor- dantiam cum timore, quam cum amore? Solutio. Respondit contri- tio, quod amor ipsam cum timore mo- uebat. Cum verecundia sit bona vir- tus, quare homines habent ipsam cum timore? Solutio. Sicut faciendo bo- num non rident homines: sicut natu- raliter in faciendo bonum verecun- diam non habent. Obedientia cum sit ita bona virtus, quomodo homi- nes ipsam tantum timent? Solutio. Naturaliter intellectus & voluntas li- bertatem desiderant.

De Quæstionibus contritionis, & virtutum applicatarum.

Verecundia, dixit heremita, quare es? Solutio. Respondit verecun- dia, quod ipsa erat, vt ipsa contritio-

nem haberet de hypocrisi quam ha- bebat, quia ipse solus existerat, & her- bas crudas comedebat, & supra postè iacebat. Heremita ab obedientia quæ- siuit, vtrum ita magnam contritionem habebat in Prelato sicut in Canonico? Solutio. Respondit obedientia here- mitæ, quod ipse magnam quæstionem non faciebat, quare sibi responsio non conueniebat.

De Quæstionibus verecundie & obedientie.

Heremita ab obedientia quæsiuit, vtrum verecundiam habebat? Solutio. Respondit obedientia, quod ipse illā quæstionem sensitiuæ faceret, cui plures homines erant obedientes, quam intellectiuæ.

De Quæstionibus brancharum ar- boris moralis vitiosæ, & pri- mò de gula.

Gula quid est? Solutio: Vade ad branchas vitiosas arboris moralis & ad rubri. de gula. Gula quare est? Solutio. Gulla est, quia abstinencia, fortitudo, & prudentia non iuuant té- perantiam contra voluntatem, quæ cū appetitiua vegetali maiorem habet concordantiam, quam cum digestiua. Gula de quo est? Solutio. Gula est ex priuato fine téperantiæ & de ocio- sitate iustitiæ, prudentiæ, & fortitudi- nis. Gula quomodo est? Solutio. Gula est cum imaginatione quæ delectatio- nem comedendi & bibendi imagina- tur in sapore sensitiua, se ipsam mo- uente, cum instinctu naturali vegeta- tiuæ ad nimis magnum finem sentiē- di in gustando, contra ordinem reco- lendi, intelligendi, & amandi.

498 Quæstiones brancharum.

De Quæstionibus auaritia.

Auaritia quid est? Solutio. Vade ad branchas vitiosas arboris moralis in rubri. de auaritia. Largitas ab auaritia quæsiuit, vtrum erat creatura? Solutio. Respondit auaritia, quod ipsa creatura non erat, sed erat similitudo contra spem, quæ facit fines denariorum esse ociosos, & etiam fines substantiarum vegetatarum. Largitas ab homine auaro quæsiuit, cum quo auaritiam producebat? Solutio. Respondit homo auarus, quod auaritiam producebat cum similitudine bonitatis contra finem bonitatis illo fine debito hominibus, qui necessitatem habent de bonis quæ ipse aggregat, de quibus sua voluntas iustitiam non producit, nec prudentiam, fortitudinem, charitatem, neque spem. Auaritia, dixit largitas, quare es mihi contraria? Solutio. Respondit auaritia, quod sibi erat contraria, quia iustitia, prudentia, fortitudo, charitas & spes, suæ amicæ non erant.

De Quæstionibus luxuria.

Luxuria quid est? Solutio. Vade ad branchas vitiosas arboris moralis in rubrica de luxuria. Luxuria de quo est? Solutio. Est de instinctu & appetitu elementali, vegetali, sensuali & imaginari, & ex inordinato appetitu rationali contra ordinem carnalis copulæ. Luxuria quare est? Solutio. Luxuria est propter nimiam abundantiam comedendi & bibendi: illa abundantia directa siue ordinata ad carnales delectationes per voluntatem desideratas, & per intellectum intellectas, & per memoriam recolitas, & per imaginationem imaginatas, non coactas per iustitiam, nec reprehensas per pru-

dentiam, nec per fortitudinem deuitas, nec per abstinenciam ligatas, nec in ordine matrimonij positas. Castitas à luxuria quæsiuit, quare habebat maiorem cum voluntate concordantiâ quam cû memoria & cum intellectu? Solutio. Respondit luxuria, quod voluntas est potentia, quæ citius accipit suum obiectum, quam memoria & intellectus, de quibus timorem habet in principio, vt non consulant iustitiâ, prudentiam, & fortitudinem, quæ sæpius voluntatem reprehendunt, quia diligit virgiam.

De Quæstionibus superbia.

Superbia quid est? Solutio. Vade ad branchas vitiosas arboris moralis. Superbia de quo est? Solutio. Superbia est ex humilitatis priuatione, & est ex inordinato appetitu, qui magna in bonitate desiderat magnitudine non debita in maioriâ illi, qui desiderat, & qui suam maioriâtē sui proximi obliuiscitur, & qui minoritâtē illius recolit, & qui sui ipsius minoritâtē obliuiscitur. Superbia quare est? Solutio. Superbia est, quia humilitas non est. Humilitas à superbia quæsiuit, quare maiorem habeat concordantiâ cum intellectu, quam cum memoria nec voluntate? Solutio. Respondit superbia, quod intellectus ita propriè se habet ad intelligere, sicut ignis ad calefacere & ad lucere, sed voluntas est magis variabilis, & idem de memoria ad desiderandum res debitas & indebitas, quam intellectus ad intelligendum res veras & non veras: idcirco homo superbus qui non considerat suos defectus, & defectus alienos considerat, maiorem habet concordantiâ cum intellectu, quam cum aliis potentiis.

De Quæstionibus Accidia.

Accidia quid est? Solutio. Vade ad branchas vitiosas arboris moralis. Accidia de quo est? Solutio. Accidia est ex finibus ociosis, & ex tristi appetitu, quia fines non sunt ociosi. Accidia quare est? Solutio. Accidia est, quia diligentia finium moralium non est. Diligentia ab accidia quæsit, quare maiorem concordantiam cum intellectu habebat, quam cum memoria nec voluntate? Solutio. Respondit accidia, quod intellectus est illa potentia quæ maiorem laborem habet in inueniendo suum obiectum, quam aliqua alia potentia: quoniam ipse primo species inquit cum quibus secreta attingit & rerum veritates, & in inquirendo illas species, habet magnum laborem, cum ita sit, quod secreta & veritates rerum sint valdè fortiter absconditæ, & sub pluribus falsis similitudinibus, & ex illis speciebus quas accipit intellectus & colligit ad reuelandum secreta & veritates, accipit & colligit voluntas lumen ad diligendum suum obiectum amando vel odiendo, & illas species quas intellectus accipit & inuenit, memoriæ tradit seu recommittit, & in ipsa antiquas facit, & alias novas inquit, & sic facit habitum scientiæ de quo se induit, & de quo practicam habent memoria & voluntas, quæ non habent ita magnum laborem in accipiendo eorum obiecta cum lumine inuenito: sicut intellectus qui noviter illud lumen inuenit, & quia intellectus maiorem laborem habet, citius accedat quam memoria: nec voluntas idcirco pigritiæ est propinquior, quæ est media tunica, quam voluntas nec memoria.

De Quæstionibus inuidia.

Inuidia, quid est? Solutio. Vade ad branchas vitiosas arboris moralis. Inuidia de quo est? Solutio. Inuidia est de appetitu qui desiderat bona aliena possidere, quæ sunt aliis appropriata & data secundum ordinem iustitiæ & charitatis. Inuidia quare est? Solutio. Inuidia est, quia iustitiam, charitatem, & spem voluntas non desiderat, sed eorum contraria desiderat, & in memoria reponit. Iustitia, charitas, & spes, ab inuidia quæsiuerunt, quare maiorem concordantiam habet cum memoria, quam cum intellectu nec voluntate? Solutio. Respondit inuidia, quod memoria maiorem concordantiam habebat cum complexione terræ, quam cum aliqua alia complexione aliorum elementorum: idcirco erat ei auaritia appropriata: quoniam memoria requirit habere plures species, de quibus ita thesaurum facit cum ociositate: sicut homo auarus ex pluribus denariis, quos ociosos in arca facit esse: idcirco homines inuidiosi sunt pigri, & plura habere desiderant absque eorum labore, quam alij homines habent cum labore acquisita, vel quæ eis propter aliquem finem sunt collecta.

De Quæstionibus ira.

Ira quid est? Solutio. Vade ad branchas vitiosas arboris moralis. Ira de quo est? Solutio. Ira est ex odibilitate & tristi appetitu subito motu contra iustitiam, fortitudinem, & charitatem, sine deliberatione prudentiæ. Ira quare est? Solutio. Ira est, quia patientia non est, & quia abstinentia voluntatem non refrænât, priuat habitum charita-

500 Quæstiones brancharum.

tis, & quæ intellectum spoliât de prudentia, & memoria de iustitia, & se ipsam de fortitudine. Patientia ab ira quæsiuit, quare cum voluntate maiorem concordantiam habebat, quam cum memoria nec intellectu: Solutio. Respondit ira, quod voluntas subitum motum habet, & non faciebat aliquam deliberationem in accipiendo suum obiectum, quousque intellectus, prudentia vel suo contrario utitur: idcirco, quia voluntas sine deliberatione & consilio se mouet ad odiendum tunc, cum intellectus ociosus consistit, maiorem motum habet quam intellectus, nec memoria, cum in ea natura sit habere motum subitaneum sine deliberatione recolendi & intelligendi.

De Quæstionibus gula & auaritiæ.

Gula & auaritia quomodo habent concordantiam? Solutio. Vade ad rubricam antedictam in branchis vitiosis arboris moralis. Cum homo auarus multum non vult expendere, & homo gulosus multum vult comedere, auaritia & gula quare habent concordantiam, & non sunt contrariæ? Solutio. Gula & auaritia in diuersis hominibus sunt contrariæ, & in vno homine possunt concordantiam habere: sicut homo gulosus, qui est auarus aliis hominibus, ut multum comedere possit, & quod possit emere cibaria delicata. Auaritia & gula, quomodo sunt contrariæ? Solutio. Gula est contra satietatem hominis: auari ut multum comedere possit: idcirco est contra subiectum auaritiæ, & auaritia est contra gulam, in quantum tenet cibaria delicata ociosa, quæ posset emere, & gula vellet comedere, sed auaritia ei dare non vult: idcirco aliqui homines auari gulosi se debilitant & corrumpunt

in comedendo cibaria, quæ cum paucis denariis sunt empta, & quæ non sunt delicata. Charitas & temperantia plorabant, à quibus petiit heremita, quare plorabant? Solutio. Responderunt, quod ipsæ plorabant, quia earum contraria plusquam ipsæ diligebantur, & plures habebant amicos.

De Quæstionibus gula & luxuriæ.

Gula & luxuria quomodo habent concordantiam? Solutio. Vade ad rubricam antedictam in branchis vitiosis arboris moralis. Quare homines luxuriosi & gulosi sunt magis pauperes & minus viuunt quam alij homines? Solutio. ibidem. Heremita à gula quæsiuit, vtrum erat ita malum vitium sicut luxuria? Solutio. Respondit gula, quod ipsa non erat causa culpæ alteri nisi suo subiecto, & luxuria est causa culpæ homini & fraternis. Quare plures mulieres sunt luxuriosæ quam gulosæ? Solutio. Pulchræ mulieres ad luxuriam per homines inuitantur fortius quam ad gulam.

De Quæstionibus gula & superbiæ.

Gula & superbia quomodo habent concordantiam? Solutio. Vade ad rubricam antedictam in branchis vitiosis arboris moralis. Gula, dixit heremita, es ita malum vitium sicut superbia? Solutio. Respondit gula, quod ipsa erat peius vitium quam superbia in sensitua, & superbia erat peius vitium quam ipsa in intellectua. Gula quomodo est superbia? Solutio. Gula est superbia, quia vult, quod appetitus sensualis sit Dominus intellectualis. Plorabant gula & superbia, & heremita ab eis quæsiuit, quare plorabant? Solutio. Responderunt gula &

la & superbia, quod ipsæ plorabant, quia ipse carnes non comedebat, nec vinum bibebat, nec pulchra indumenta induebat.

De Quæstionibus gula & accidia.

Gula & accidia quomodo habent concordantiam? Solutio. Vade ad rubricam antedictam in branchis vitiosis arboris moralis. Heremita à gula quæsiuit, vtrum erat ita malum vitium sicut accidia? Solutio. Respondit gula, quod ipsa non est ita commune vitium sicut accidia. Heremita ab accidia, & gula quæsiuit, quale signum in scuto faciebant? Solutio. Responderunt gula & accidia, quod ipsæ signum tristitiæ faciebant, & pigritiæ cum homines nimis comederēt, & cum homines sani temperantiam lucrati fuerint, bonos mores, denarios & bonam famam. Gula & accidia, dixit heremita, qualis est vester finis? Solutio. Vade ad riburi antedictam.

De Quæstionibus gula & inuidia.

Gula & inuidia quomodo habent concordantiam? Solutio. Vade ad rubri. antedictam in brâchis vitiosis arboris moralis. Gula, dixit heremita, es ita malum vitium sicut inuidia? Solutio. Respondit gula, quod homo inuidiosus inuidiam habere potest ieiunus & plenus, & est magis contraria charitati quam illa. Gula & inuidia, dixit heremita, quare estis amicæ? Solutio. Responderunt gula & inuidia, quod ipsæ amicæ erant, quia timorem de earum inimicis habebant. Heremita à gula & inuidia quæsiuit, cum eas perderet, vbi eas citius inueniret? Solutio. Responderunt gula & inuidia, quod ipsæ erant libenter in homi-

nibus diuitibus, qui plures habent denarios, & plus bonum diligunt speciale contra publicum, quam homines pauperes.

De Quæstionibus gula & ira.

Gula & ira quomodo habent concordantiam? Solutio. Vade ad rubri. antedictam in branchis vitiosis arboris moralis. Gula, dixit heremita, es ita malum vitium sicut ira? Solutio. Respondit gula, quod ipsa corpus hominis lente occidebat, & ira subito & cito. Heremita à gula & ira quæsiuit, vtrum timorem habebant? Solutio. Respondit gula & dixit, quod ipsa timorem habebat de temperantia: & ira dixit, quod ipsa timorē habebat de patientia. Gula & ira venditis vos per denarios? Solutio. Responderunt gula & ira, & dixerunt, quod non vendebantur pro denariis, sed se dabant libenter omnibus qui ipsas volebant.

De Quæstionibus auaritia & luxuria.

Auaritia & luxuria quomodo habent concordantiam? Solutio. Vade ad brâchas vitiosas arboris moralis in rubrica antedicta. Luxuria, dixit heremita, es ita malum vitium sicut auaritia? Solutio. Respondit luxuria & dixit, quod ipsa non erat ita fortiter contra naturam sicut auaritia, nec erat ita publicum vitium. Heremita à vetula luxuriosa quæsiuit, quare non habebat ita magnum placitum de luxuria suæ nurus, sicut de luxuria suæ filiæ? Solutio. Respondit vetula & dixit, quod ipsa plus denarios propter suâ filiâ diligebat, quapropter nurû suam, & plus suâ similitudinē luxuriæ diligebat in illa scemina quam plus diligebat. Vetula luxuriosa, dixit heremita, quare tuum filium reprehens-

dis de luxuria, non autem tuam filiam? Solutio. Respondit vetula & dixit, quod suus filius suū corpus consume-
bat, & propter luxuriā denarios expen-
debat: sua vero filia ipsos lucrabatur,
quæ luxuriā corā ipsa faciebat. Filius
autem tuus non etiam cum sua filia
de luxuria sine verecundia loqueba-
tur, & sibi placita referebat, quæ cum
hominibus habuerat, de quibus placi-
tis verecundiam habebat, quod suo
filio ipsa diceret.

*De Quæstionibus auaritia &
superbia.*

Auaritia & superbia quomodo
habent concordantiam? Solutio.
Vade ad rubricam antedictam in brā-
chis vitiosis arboris moralis. Auaritia,
dixit heremita, es ita malum vitium,
sicut superbia? Solutio. Respondit
auaritia & dixit, quod ipsa erat peius
vitium quam superbia contra restitua-
tionem in puncto mortis, & superbia
erat peius vitium quam illa, cum ira
contra veniam in puncto mortis. Su-
perbia, dixit auaritia, quare es contra
honorem Dei, & tu auaritia, quare es
contra finem bonorum temporalium,
& vos, dixit heremita, quare inuicem
vos reprehenditis, postquam virtuti
estis contrariæ? Solutio. Respondit
superbia, quod ipsa erat contra Deum,
quoniam parem habere volebat in
magnitudine potestatis. Et auaritia
dixit, quod ipsa erat contra finem bo-
norum temporalium, quia charitas
dormiebat. Et ambæ ad heremitam
dixerunt, quod ipsæ se inuicem repre-
hendebant, quia cum inuidia concor-
dantiam habebant. Auaritia & su-
perbia, habetis ita magnam concordā-
tiam in homine sene, sicut in homine
iuuene? Solutio. Respondit super-

bia, quod ipsa maior erat in homine
iuuene, in quantum corpus, & in quan-
tum anima in sene. Et auaritia dixit,
quod ipsa erat in homine sene maior
corporaliter & spiritualiter, quam in
homine iuene.

*De Quæstionibus auaritia &
accidia.*

Auaritia & accidia quomodo ha-
bent concordantiam? Solutio.
Vade ad rubricam antedictam in brā-
chis vitiosis arboris moralis. Heremita
ab auaritia & accidia quæsiuit, quæ
ipsarum est peius vitium? Solutio. Re-
spondit auaritia, quod ipsa erat peior
quam accidia in infirmitate hominis
diuitis avari. Et accidia dixit, quod
ipsa erat peior in sanitate hominum
suorum amicorum quam auaritia, quia
erat vitium, quod non erat tam cogni-
tum, nec quod tantum timeatur sicut
auaritia. Heremita ab vno mercatore
auaro quæsiuit, quare tot denarios
non habebat sicut alius mercator a-
micus largitatis? Solutio. Vade vt su-
pra. Heremita à ciuitate Hierusalem
quæsiuit, quare plorabat? Solutio.
Respondit ciuitas Hierusalem, quod
auaritia & accidia hoc sciebant.

*De Quæstionibus auaritia &
inuidia.*

Auaritia & inuidia quomodo ha-
bent concordantiam? Solutio.
Vade ad rubricam antedictam in brā-
chis vitiosis arboris moralis. Heremita
à peccato quæsiuit, vtrum erat ita ma-
gnum in auaritia, sicut in inuidia? So-
lutio. Respondit peccatum, quod
maius erat in auaritia intensiue, & in
inuidia extensiue. Heremita ab avari-
tia & inuidia quæsiuit, si erant perditæ
vel

vel amissæ, ubi possent inueniri? Solutio. Responderunt, quod ipsi qui ipsas inuenire vellent, ipsas in pulchris domibus inquirerent, in pulchris equis, in pulchris vestibus, in tecaciis plenis denariorû, in horreis plenis frumento, & in lachrymis pauperum. Et tunc heremita dixit, quod citò poterant inueniri. Heremita ab auaritia quæsiuit & inuidia, vtrum erant de magno genere? Solutio. Responderunt auaritia & inuidia, quod eorum genus multum erat antiquum; & maxime erant in summitatibus arborum.

De Quæstionibus auaritiæ, & iræ.

Auaritia & ira quomodo habent concordantiam? Solutio. Vade ad rubricam antedictam in branchis vitiosis arboris moralis. Auaritia, dixit heremita, es ita malum vitium sicut ira? Solutio. Respondit auaritia, quod ira currebat citius ad malum contra bonum, quam illa. Auaritia ab ira quæsiuit, quare denarios quos ipsa cum labore acquisuerat, ad fortunam perdendi ponebat, tunc cum homines occidere volebat? Solutio. Respondit ira, quod ipsa damnum alicuius non plangebat. Ira, dixit auaritia, posses me vindicare de largitate, quæ de me malum pauperibus dicere facit? Solutio. Respondit ira, quod ipsam vindicare poterat de largitate, dum tamen ipsa litem inter homines diuites procuraret, qui eleemosynam pauperibus faciunt.

De Quæstionibus luxuriæ & superbiæ.

Luxuria & superbia quomodo habent concordantiam? Solutio. Vade

ad rubricam antedictam in branchis vitiosis arboris moralis. Heremita à luxuria & superbia quæsiuit, quæ ipsarum est peius vitium? Solutio. Respondit luxuria, quod ipsa erat peius vitium in corpore: & superbia dixit, quod ipsa erat peius vitium in anima. Tunc vero heremita cognouit, quæ ipsarum erat peius vitium. Quare vetula fœmina luxuriosa non est ita superba, sicut fœmina iuuenis luxuriosa? Solutio. Mulieres iuuenes magis rogantur quam senes. Heremita luxuriam & superbiam inuenit, quæ inuicem loquebantur, & quæsiuit ab eis, de quo loquebantur? Solutio. Responderunt superbia & luxuria, quod semper loquebantur de his quæ magis diligebant, aut de illis quæ valdè odiebant. Et tunc dixit luxuria ad heremitam, quod ipsa nolebat esse sua vxor: & superbia dixit, quod ipsa nolebat esse sua focia, quoniam pulchram figuram non habebat, nec equum equitabat, nec pulchra habebat indumenta, nec domicellos, qui ei seruirent, & habebat barbam albam, & cibaria macillenta comedebat. Respondit eis heremita, quod huiusmodi diligebat, ut earum societatem non haberet: quoniam nimis erant malæ bestię.

De Quæstionibus luxuriæ, & accidiæ.

Luxuria & accidia quomodo habent concordantiam? Solutio. Vade ad rubricam antedictam in branchis vitiosis arboris moralis. Heremita à luxuria & accidia quæsiuit, quæ ipsarum est peius vitium? Solutio. Respondit luxuria, quod ipsa erat peius vitium in sanguine, & accidia in melancholia. Accidia, dixit heremita, quare plus luxuriam diligis in magis nobilibus mulieribus,

504 Quæstiones brancharum.

lieribus, quam in minus nobilibus? Solutio. Respondit accidia, quod ipsa plus diligebat luxuriam in nobilioribus mulieribus, quam in minus nobilibus, ut esset magna, & ut maius malum procurare posset. Luxuria, dixit heremita, es ociosa in homine sene luxurioso, qui cum muliere iacere non potest? Solutio. Respondit luxuria, quod accidia sua amica hoc sciebat, quæ homines castos blasphemabat.

De Quæstionibus luxurie, & inuidie.

Luxuria & inuidia quomodo habent concordantiam? Solutio. Vade ad rubricam antedictam in branchis vitiosis arboris moralis. Heremita à luxuria quæsiuit, vtrum erat ita malum vitium sicut inuidia? Solutio. Respondit luxuria, quod ipsa erat peius vitium in tangendo, & inuidia in videndo. Quare mulier melius est disposita, quod sit luxuriosa quam inuidiosa, & homo quod sit inuidiosus, quam quod sit luxuriosus? Solutio. Nullam mulierem decet ita bene habere diuitias sicut hominem, & omnis voluntas coacta desiderat esse libera. Quare mulieres plus reprehenduntur de luxuria, quam homines de inuidia? Solutio. Iudicium fœminarum non est ita magnum sicut iudicium hominum.

De Quæstionibus luxurie, & ira.

Luxuria & ira quomodo habent concordantiam? Solutio. Vade ad rubricam antedictam in branchis vitiosis arboris moralis. Heremita à luxuria & ab ira quæsiuit, quæ ipsarum est magis mala? Solutio. Respondit luxuria, quod ipsa timorem habebat ali-

quotiens. Et dixit ira, quod nunquam timorem habebat. Quidam dare volebat mulierem iuuenem in uxorem cuidam homini veteri: qui ab ipsa quæsiuit, vtrum sibi placebat? Solutio. Respondit domicella, quod si ipse ipsam habere volebat in uxorem, & inuicem litigarent, non esset, qui pacem poneret inter ipsos. Quare homo luxuriosus iratus non est contra suum peccatum, & est iratus contra suam uxorem luxuriosam? Solutio. Quilibet gallus Dominus est in suo fimario.

De Quæstionibus superbie, & accidie.

Superbia & accidia quomodo habent concordantiam? Solutio. Vade ad rubricam antedictam in branchis vitiosis arboris moralis. Superbia, dixit heremita, es ita malum vitium sicut accidia? Solutio. Dixit superbia, quod ipsa magis Deo erat contraria, quam accidia: quoniam ipsa volebat esse sine pari. Heremita à superbia quæsiuit & ab accidia, vtrum erant contrariæ? Solutio. Responderunt, quod ipsæ contrariæ erant, in quantum in hominibus quælibet volebat esse maior quam alia. Superbia ab accidia quæsiuit vbi stabat? Solutio. Dixit accidia, quod plures domum suam sciebant.

De Quæstionibus superbie, & inuidie.

Superbia & inuidia quomodo habent concordantiam? Solutio. Vade ad rubricam antedictam in branchis vitiosis arboris moralis. Heremita à superbia quæsiuit, & ab inuidia, quæ ipsarum erat peius vitium? Solutio. Dixit superbia, quod ipsa erat peius

peius vitium in dæmonibus, & dixit inuidia, quod ipsa erat maius vitium in hominibus. Heremita à superbia quæsiuit, vtrum de ipso habebat inuidiam? Solutio. Respondit superbia, quod ipsa inuidiam non habebat de homine paupere malè induto, qui fabas comedit. Heremita à superbia quæsiuit, vtrum erat de sua parentela? Solutio. Respondit superbia, quod sua hypocrisis hoc sciebat.

De Quæstionibus superbia, & ira.

Superbia & ira quomodo habent concordantiam? Solutio. Vade ad rubricam antedictam in branchis vitiosis arboris moralis. Superbia & ira quæsiuerunt ab heremita, vtrum sciret quæ illarum esset maior? Solutio. Respondit heremita, quod ipse ambarum æqualitatem sciebat, quoniam superbia aliquem honorem non habebat, nec ira aliquod placitum. Quare homo superbus citius est iratus, quam alius homo? Solutio. Nullus homo habet tot contraria, sicut homo superbus. Ab homine paupere quæsiuit heremita, vtrum sciret domum in qua sunt superbia & ira? Solutio. Respondit homo pauper, quod faceret illam quæstionem hominibus diuitibus, qui vanam gloriam diligunt.

De Quæstionibus accidia, & inuidia.

Accidia & inuidia quomodo habent concordantiam? Solutio. Vade ad rubricam antedictam in branchis vitiosis arboris moralis. Heremita ab accidia & inuidia quæsiuit, quomodo vna est maior alia? Solutio. Respondit accidia, quod ipsa erat maior quam inuidia in homine paupere, in-

uidia vero dixit, quod ipsa maior erat quam accidia in homine diuice. Quæsiuit heremita ab inferno, vtrum in illo tot homines erant per inuidiam, sicut per accidiam? Solutio. Nullum peccatum est ita contrarium utilitati publici sicut accidia. Accidia & inuidia ab heremita quæsiuerunt, quam ipsarum sua hypocrisis diligebat? Solutio. Respondit heremita, quod sua hypocrisis habere vult bonam famam, quam habent sancti homines, & sua accidia abhorret bonam famam omnium hominum.

De Quæstionibus accidia, & ira.

Accidia & ira quomodo habent concordantiam? Solutio. Vade ad rubricam antedictam in branchis vitiosis arboris moralis. Accidia & ira, dixit heremita, habetis æqualitatem in malo? Solutio. Dixit accidia, quod ipsa nullum bonum diligebat, ira vero dixit, quod ipsa nullum malum odiebat. Quæsiuit heremita ab accidia & ira, vtrum erant contrariæ? Solutio. Dixerunt accidia & ira, quod ipsæ erant contrariæ, in quantum accidia ibat lentè, & ira citò. Quæsiuit heremita ab accidia & ira, vtrum erant de vno genere? Solutio. Responderunt, quod ira erat de genere ignis, & accidia de genere aquæ.

De Quæstionibus inuidia, & ira.

Inuidia & ira quomodo habent concordantiam? Solutio. Vade ad rubricam antedictam in branchis vitiosis arboris moralis. Quæsiuit heremita ab inferno, quæ erat maior procuratrix mali, aut inuidia, aut ira? Solutio. Respondit infernus, quod inuidia homines adducebat sibi, qui iniuriôsè

bonum diligunt, & ira sibi homines adducebat, qui iniuriose malum diligunt. Et tunc heremita cognouit, quod ira est peius vitium quam inuidia. Quare homines diuites maiorem habent inuidiam, & citius irascuntur quam pauperes? Solutio. Infantes cum nimis comederint, plorant, & cum famem habent, similiter. Heremita plenum & vacuum inuenit in via, & quæsiuit ab eis quo ibant? Solutio. Dixit vacuum, quod ibat ad inuidiam, quæ est vacua boni, & plenum dixit, quod ibat ad iram, quæ est plena mali.

De Quæstionibus vitiorum consequentium. Et primò de iniuria.

Iniuria quid est? Solutio. Vade ad primum paragraph. de vitiis consequentibus in branchis vitiosis arboris moralis. Iniuria de quo est? Solutio. Iniuria est ex priuatione iustitiæ. Iniuria quare est? Solutio. Iniuria est, quia iustitia non est. Quæsiuit heremita ab iniuria, cum quo sensu maiorem habet concordantiam? Solutio. Respondit iniuria, quod ipsa maiorem concordantiam habebat cum affatu, & cum auditu, quia ipsi sunt duo sensus, per quos est habitus iustitiæ in iustis.

De Quæstionibus indiscretionis.

Indiscretio quid est? Solutio. Vade ad secundum paragraphum. Indiscretio de quo est? Solutio. Indiscretio est de priuatione prudentiæ. Indiscretio quare est? Solutio. Indiscretio est, quia prudentia non est. Indiscretio, dixit heremita, contra quam potentiam animæ es magis fortis? Solutio. Respondit indiscre-

tio, quod ipsa erat magis contraria intellectui, quam memoriæ & voluntati, quia intellectus & prudentia magnam habent amicitiam.

De Quæstionibus debilitatis cordis.

Debilitas cordis quid est? Solutio. Vade ad tertium paragr. Debilitas cordis quare est? Solutio. Debilitas cordis est, quia homines fragiles & vulpini spem obliuiscuntur & verecundiam, & sæpius considerant illa, quæ periculosa sunt. Quare homines sanguinei sunt magis audaces, quam stegmatici? Solutio. Ignis sanguinem effundit, & aqua ipsum restringit. Quare homines post comestionem sunt magis audaces, quam homines ieiuni? Solutio. In hominibus post comestionem spiritus vitales messes faciunt: & in ieiunis ipsas fecerunt: idcirco virtus cordis magis est extensa, per omnia membra corporis hominis præsi, quam hominis ieiuni.

De Quæstionibus intemperantia.

Intemperantia quid est? Solutio. Vade ad capitulum de intemperantia in paragr. quarto. Intemperantia quare est? Solutio. Intemperantia est, quia fortitudo non est contra gulam. Heremita quæsiuit à temperantia, vtrum intemperantia sit creatura? Solutio. Respondit temperantia, quod omnis creatura naturaliter est bona, & si intemperantia esset creatura, esset ipsa bona, & non bona naturaliter, quod est contradictio. Quæsiuit heremita ab intemperantia, vtrum timorem haberet maiorem de fortitudine, quam de prudentia? Solutio. Respondit intemperantia,

rantia, quod ipsa timorem non habebat de fortitudine dum prudentia dormiebat.

De Quæstionibus infidelitatis.

Infidelitas quid est? Solutio. Vade ad quintum paragr. Infidelitas de quo est? Solutio. Infidelitas est ex erroribus quos intellectus humanus supponit veros esse contra articulos Fidei Catholicæ. Infidelitas quare est? Solutio. Infidelitas est propter absentiam bonorum pastorum, qui bene suas oves non custodiunt: & est materialiter, ut sancti homines Christiani materiam habeant ad faciendum bonum magni in destruendo errores, & in sustinendo passionem pro laudando & prædicando nomen Domini Iesu Christi. Infidelitas quomodo potest destrui? Solutio. Infidelitas destrui potest cum diligentia bonorum pastorum, secundum modum quem Raymundus posuit in sua petitione, quam ipse Domino Papæ, & eius collegio præsentavit.

De Quæstionibus desperantia.

Desperantia quid est? Solutio. Vade ad sextum paragr. Desperantia quare est? Solutio. Deus permittit esse desperantiam, ut sit materia hominibus, quod in Domina nostra habeant magnam spem. Quomodo est desperantia? Solutio. Desperantia est, in quantum homines peccatores reculant magnam iustitiam Dei, & obliuiscuntur suam magnam misericordiam. Homines desperati, quare sunt tristes? Solutio. Homines desperati sunt tristes, quia desperantia timorem inducit & permittit malum, & nullum bonum.

De Quæstionibus crudelitatis.

Crudelitas quid est? Solutio. Vade ad septimum paragr. Heremita à crudelitate quæsiuit, quare stabat libentius in hominibus diuitibus, quam in pauperibus? Solutio. Respondit crudelitas, quod inuidiam & avaritiam plus diligunt homines diuites, quam pauperes. Crudelitas, dixit heremita, petes veniam à Deo in præsentia pauperum? Solutio. Respondit crudelitas, quod non est ausa dicere falsum in præsentia testium. Crudelitas cum quo vincis charitatem? Solutio. Respondit crudelitas, quod ipsa charitatem vincebat cum pigris avaritiam, & cum desperantia, avaritia & superbia.

De Quæstionibus proditiõis.

Proditio quid est? Solutio. Vade ad octavum paragr. antedictum. Proditio, quomodo potest destrui? Solutio ibidem. Legalitas, dixit heremita, cum quo virio proditio est tibi magis contraria? Solutio. Respondit legalitas, quod proditio sibi erat contraria cum luxuria in hominibus iuuenibus, & cum avaritia in hominibus senibus. Heremita quæsiuit à proditiõne, cum quo sensu erat magis contraria legalitati. Solutio. Respondit proditio, quod nullus sensus est ita communis ad procurandum falsitatem sicut affatus.

De Quæstionibus homicidij.

Homicidium quid est? Solutio. Vade ad nonum paragr. Homicidium, dixit vita, quomodo posses destrui? Solutio ibidem. Homicidium,

508 Quæstiones brancharum.

dixit heremita de quo sēſu habes maiorem timorē? Solutio. Per nullū alium ſenſum moriuntur tot homines ſicut per guſtam; tunc vero heremita cognouit, quod per nullū ſenſum viuūt tantum homines, ſicut per guſtum & temperantiam. Vita, dixit heremita; cum qua potentia animæ homicidium eſt tibi magis contrarium? Solutio. Reſpondit vita quod nulla. potentia ſpiritualis auſcultat ita parum rationem, ſicut voluntas.

De Quæſtionibus latrocinij.

Latrocinium quid eſt? Solutio. Vade ad decimum paragr. Latrocinium, dixit heremita, quis eſt tuus maior amicus? Solutio ibidem. Latrocinium cui es plus furatus? Solutio. Reſpōdit latrocinium, quod Deo plus furatum eſt quam alicui alij. Latrocinium quas res eſt Deo magis furatū? Solutio. Reſpondit latrocinium, quod plus furatum eſt Deo de veritate & honore, quam de aliqua alia re: quoniam plures homines ſunt in errore, quam in veritate, & plures homines laborant ad acquitendum honorem proprium, quam ad honorandum Deum. Et tunc heremita dixit ad latrocinium, quod ipſum valde malum vitium erat.

De Quæſtionibus mendacij.

Mentiri quid eſt? Solutio. Vade ad decimum-primum paragra. Mentiri, dixit heremita, quales ſunt tui maiores inimici? Solutio ibidem. Mentiri in quo ſenſu eſt maius? Solutio. Reſpondit mentiri, quod nullus ſenſus contra naturam mentiebarur, niſi affatus tantummodo, & tunc heremita cognouit, quod affatus cū

veritatem dicebat, plus erat amicus Dei, quam nullus alius ſeruus. Quæſiuit heremita à voluntate, vtrum habebat ita magnam culpam in mentiēdo, ſicut intellectus? Solutio. Reſpondit voluntas, quod quæreret hoc à veritate quæ eſt obiectum intellectus.

De Quæſtionibus maledictionis.

Maledicere quid eſt? Solutio. Vade ad duodecimum paragraphum. Maledicere, quales ſunt tui maiores inimici? Solutio ibidem. Maledicere de quo plus dicis de malo? Solutio. Reſpondit maledicere, quod plus dicebat de malo de illo qui plus valet: tunc vero heremita cognouit, quod volebat hoc dicere de Chriſto de quo mali Chriſtiani malum dicunt dum ludunt ad taxillos: & infideles, qui ſunt plures quam Chriſtiani, qui de Domino Ieſu Chriſto dicunt multum de malo, de quo dicit malum voluntas, quæ ipſum tantum non diligit ſicut ſeipſam. Maledicere, quare eſt maius quam benedicere? Solutio. Reſpondit maledicere, quod maius erat quam benedicere, quia plures habebat procuratores, & quia quando lupi comedunt oues fugiunt paſtores.

De Quæſtionibus impatientie

Impatientia quid eſt? Solutio. Vade ad decimum-tertium paragraph. Impatientia de quo habes timorem? Solutio ibidem. Impatientia quomodo deuinceris? Solutio ibidem. Impatientia quare habes ita magnam audaciam, & eſt ita ſuperba? Solutio. Impatientia dixit, quod dum ira ſit ſua amica, non habet timorem quod ſit deuicta.

De Quæstionibus inconstantia.

Inconstantia quid est? Solutio. Vade ad decimumquartum paragrafum. Inconstantia, qui vocantur tui maiores inimici? Solutio ibidem. Inconstantia, quis sensus tecum maiorem habet concordantiam? Solutio. Inconstantia dixit, quod affatus erat ille sensus qui est minus stabilis. Inconstantia quare habes maiorem concordantiam cum voluntate, quam cum intellectu? Solutio. Inconstantia dixit, quod voluntas leuiter se vertebat de vno proposito ad aliud sine deliberatione: sed intellectus cum volebat loqui antequam loqueretur diu considerabat cum deliberatione, in hoc quod dicere volebat, propter quod ipsa sibi malum volebant.

De Quæstionibus immunditia.

Immunditia quid est? Solutio. Vade ad decimumquintum paragrafum. Immunditia quare es ita magna? Solutio. Respondit, quod ipsa erat ita magna, quoniam erat magis contraria, quam aliud vitium, communi habitui virtutis. Immunditia quare est maior spiritualiter, quam corporaliter? Solutio. Nulla munditia est ita magna sensualiter, sicut intellectualiter. Immunditia de qua aqua habes maiorem timorem? Solutio. Immunditia dixit, quod de aqua quam oculi lachrymando emittunt per contritionem, maiorem habebat timorem, quam de aqua, cum qua pulchra Domine suam faciem lauant.

De Quæstionibus falsitatis.

Falsitas quid est? Solutio. Vade ad decimumextimum p. 1. Falsitas de quo

maiores habes timorem? Solutio. Respondit falsitas, quod ipsa maiorem timorem habet de morte hypocrisis & symoniæ, quam de morte alicuius alterius vitij. Falsitas es ita fortis sicut veritas? Solutio ibidem. Cum tu falsitas non sis ita fortis sicut veritas, quare stas in pluribus hominibus, quam veritas? Solutio. Falsitas dixit, quod quæreret hoc à pastoribus qui male oues custodiunt.

De Quæstionibus pigritia.

Pigritia quid est? Solutio. Vade ad decimumseptimum paragrafum. Usura quare est? Solutio ibidem. Pigritia quo vadis? Solutio. Pigritia dixit, quod ipsa ibat ad morandum in hominibus pinguibus, qui habent bonos lectos, & qui cibaria delicata comedunt. Pigritia quare es magis in hominibus diuitibus, quam in hominibus pauperibus? Solutio. Propter indigentiam carniū comedit lupus de racemis.

De Quæstionibus incurialitatis.

Incurialitas quid est? Solutio. Vade ad decimum octauum paragrafum. Incurialitas quomodo deuincitur per curialitatem? Solutio ibidem. Incurialitas, dixit heremita, quare ploras? Solutio. Respondit quod ipsa plorat, quia homines hypocritæ curialitatem diligunt, ut inter gentes bonam famam habeant. Et hoc idem faciunt homines superbi. Incurialitas es dilecta per gulam? Solutio. Respondit incurialitas, quod illam quæstionem faceret curialitati, quæ plorat, dum homines gulosi comedunt.

De Quæstionibus inobedientiæ.

Inobedientia quid est? Solutio. Vade ad decimumnonum paragr. Inobedientia quomodo potest deuinci? Solutio ibidem. Inobedientia cui es magis communis? Solutio. Quia affatus plura facit mandata quam alius sensus, sunt plures homines ipsi inobedientes, quam alicui alij sensui. Inobedientia quare rides? Solutio. Respondit inobedientia, quod ipsa ridebat, quia homines amici obedientiæ sunt capti.

*De Quæstionibus mixtionis vitiorum consequentium.**Et primò de iniuria.*

Iniuria & discretio quomodo habetis concordantiam? Solutio. Vade ad quæstiones iniuriæ & indiscretionis, in quibus earum concordantia significatur quam habent contra iustitiam & prudentiam. Fragilitas quo vadis? Solutio. Respondit fragilitas quod ipsa ad iniuriam ibat, quæ ipsam rogauerat, quod ipsam iuaret ad deuincedum iustitiam. Intemperantia habes amicam? Solutio. Respondit intemperantia quod iniuria erat amica sua in mensa dum iustitia dormiebat. Iniuria & infidelitas quare habetis in mundo ita magnam potestatem? Solutio. Responderunt iniuria & infidelitas, quod pastores dormiunt, & iudices denarios diligunt, & superbia Dominum non habet. Iniuria quare estis hilaris? Solutio. Respondit iniuria qd ipsa erat hilaris, quia iniuriã faciebat misericordiæ Dei in peccatores qui spem in ipsa non habent. Iniuria quare tenes denarios hominis dinitis

ociosos? Solutio. Respondit iniuria quod ipsa erat amica credulitatis quæ claudit portas hominibus pauperibus. Iniuria quare perditionem facis? Solutio. Respondit iniuria, quod ipsa perditionem faciebat, quia illegalitas est sua consanguinea. Iniuria es tu in Rege qui suos homines mori facit in bello? Solutio. Respondit iniuria, quod ipsa erat in Rege, si Rex sine iustitia bellum faciebat. Iudex latro quare facit homines latrones suspendi? Solutio. Respondit iniuria, quod iudex latro homines latrones suspendi facit quia ipsa est vxor sua. Iniuria quare facitis mentiri homines? Solutio. Respondit iniuria, quod ipsa faciebat mentiri homines, vt ciuitas inferni esset populata de multis hominibus. Iniuria quales sunt vestræ mensuræ? Solutio. Respondit iniuria, quod ipsa mensurabat cum maledicere & blasphemare virtutes sanctorum hominum, quia cum iustitia habent concordantiam. Iniuria de quo habes timorem? Solutio. Respondit iniuria, quod ipsa timorem habebat de patientia quæ sepius ipsam deuicerat. Iniuria de quo est vestra potestas? Solutio. Respondit iniuria, quod sua potestas erat de priuatione iustitiæ & constantiæ. Iniuria cum quo lauas faciem tuam? Solutio. Iniuria dixit, quod suam faciem lauabat cum aqua quæ exit de oculis hominum, qui ridet tunc, cum derident sanctos homines. Iniuria quis scripsit tuum librum? Solutio. Dixit iniuria, quod ipsa & falsitas ipsum scripserant, vt iustitia & legalitas in ipso non sint scriptæ. Iniuria cui comodauistis equum vestrum? Solutio. Respondit iniuria, quod ipsa suum equum comodauit pigritiæ, & iustitiæ. Iniuria quo iuit vestra incurialitas? Solutio. Respondit iniuria, quod transmiserat ipsam

ipsam ad intemperantiam, ad superbiam, & ad infamiam. Iniuria fuisti vnquam obediens? Solutio. Respondit iniuria, quod ipsa erat obediens superbæ, luxuriæ, avaritiæ, & cæteris suis sociis.

De Quæstionibus indiscretionis, & vitiorum mixtorum.

Indiscretio, de quo est vestra vis? Solutio. Respondit indiscretio, quod sua vis erat de fragilitate quam miles habet in bello contra animositatem. Intemperantia vbi est vestrum hospitium? Solutio. Respondit, quod ipsa hospitabatur in indiscretionem quâ homines gulosi habent in comedendo & bibendo. Indiscretio quare es ita magna? Solutio. Respondit indiscretio, quod ipsa crescebat omni tempore, quo lupi oues comedunt. Indiscretio quare es desperata? Solutio. Respondit indiscretio, quod ipsa erat desperata, quia prudentia non loquebatur hominibus peccatoribus de magna misericordia Dei. Indiscretio quare es ita crudelis? Solutio. Respondit indiscretio, quod sua credulitas crescebat dum prudentia charitatem obliuiscabatur. Indiscretio, fecisti vnquam prodicionem? Solutio. Respondit indiscretio quod ipsa prodicionem faciebat semper cum homines sua peccata propter verecundiam confiteri dimittunt. Indiscretio occidisti vnquam aliquem hominem? Solutio. Respondit indiscretio quod infernus hoc sciebat, in quo tot homines vadunt propter ignorantiam & stultitiam. Indiscretio fecisti vnquam latrocinium? Solutio. Dixit indiscretio, quod ipsa sæpius furata est denarios pauperibus, vt famem haberet, & ipsos dabat diuitibus, vt de eorum diuitiis vanam glo-

riam haberent. Indiscretio dixisti vnquam mendacium? Solutio. Dixit indiscretio, quod illa sæpius mentiebatur in sartore, qui pannos vendit, qui sæpè dicit, quod Deus eum non iuuat, vt lucrari possit quinque solidos. Indiscretio dixisti vnquam malum de bona Domina? Solutio. Respondit indiscretio, quod ipsa malum dicebat de bonis Dominabus, vt luxuria in mûdo magnam famam haberet. Indiscretio quare es impatiens? Solutio. Dixit indiscretio, quod ipsa impatiens erat, quia prudentia dormiebat, & ita vigilabat. Indiscretio vos quæ non intelligitis, quomodo de inconstantia cognitionem habetis? Solutio. Indiscretio dixit, quod in hoc quod ipsa ignorabat, constantia habebat cognitionem de inconstantia. Indiscretio de quo est vestra immunditia? Solutio. Dixit indiscretio, quod sua immunditia erat de culpabili recolere, amare, ignorare, videre, audire, loqui, gustare, & tangere. Indiscretio tu quæ es priuatio prudentiæ, quomodo cognitionem habes de falsitate? Solutio. Indiscretio dixit, quod ipsa cognitionem habebat de falsitate cum iuuamine suorum sociorum, qui ipsam iuant contra prudentiam in eligendo minora bona & dimittendo maiora, & in accipiendo maiora mala & dimittendo minora. Indiscretio quare es pigra ad faciendum bonum? Solutio. Respondit indiscretio, quod ipsa erat pigra ad faciendum bonum, quia erat diligens ad faciendum malum. Indiscretio quare es malè edocta? Solutio. Respondit indiscretio, quod ipsa erat malè edocta, quia credebat facere placitum hominibus tunc, cum eis tadium & displicitum faciebat. Indiscretio fuisti vnquam obediens? Solutio. Respondit indiscretio, quod ipsa erat obediens omni

omni tempore, quo homines loquuntur stultè.

De Quæstionibus fragilitatis, & vitiorum mixtorum.

FRagilitas habes cognitionem de temperantia? Solutio. Dixit fragilitas, quod intemperantia sua amica sibi malum dixerat de temperantia multotiens, ut illa sibi malum diceret de fortitudine. Fragile cor, quare sunt tot infideles in mundo? Solutio. Respondit timidum cor, quod peteret hoc à pastoribus, qui maiorem timorem habent de morte corporis, quam de morte animæ. Fragile cor, quare es desperatum? Solutio. Respondit timidum cor, quod ipsum erat desperatum, quia habebat multos amicos, & fortitudo habebat paucos. Fragile cor, quare non habes magnam charitatem? Solutio. Timidum cor dixit, quod ipsum non habebat magnam charitatem, quia diligebat habere magnam crudelitatem. Cor fragile, est in te aliquid de legalitate? Solutio. Respondit, quod ita erat plenum proditione, quod ex legalitate in ipso nil intrare poterat. Cor debile, scis quid est mors animæ? Solutio. Respondit, quod nesciebat quid erat mors animæ, quia tota die considerabat in morte corporis: de qua magnum habuit timorem. Cor fragile, postquam habes tot denarios, quare non das pauperibus? Solutio. Respondit, quod nolebat illis dare denarios, quibus ipsos est furatus. Cor fragile, quare non habes verecundiam mentiendi? Solutio. Respondit, quod verecundiam habebat dicendi veritatem, ut mendacium odio non haberet: quod multum diligebat. Fragile cor, quare malum dicis de hominibus qui sunt audaces, & qui sunt amici largitatis? So-

lutio. Respondit, quod ipsum malum dicebat de hominibus qui sunt audaces, quia timorem de morte non habent, nec de paupertate. Cor fragile, quare patientiam non habes? Solutio. Respondit, quod si patientiam haberet, esset de genere fortitudinis, quæ est sibi contrarium. Cor fragile, quare non habes constantiam, & es ita sicut solum arboris, quod ad omnes ventos se vertit? Solutio. Respondit, quod erat ita plenum fragilitate, quod in illo quod faciebat, vel dicebat, deliberationem habere non poterat, nec abstinentioniam. Fragile cor, cum quo maris & faciem lauas? Solutio. Respondit, quod cum tristitia, timore, mendacio, & avaritia. Fragile cor, quare facis falsitatem? Solutio. Respondit, quod falsitatem faciebat, quia legalitas & fortitudo societatem contraxerunt. Fragile cor, quare diligentiam non habes? Solutio. Respondit, quod diligentiam habere non poterat, quia multum delectabatur in comedendo & dormiendo. Fragile cor, quare es malè edoctum? Solutio. Respondit, quod erat malè edoctum, quia sui oculi verecundiam non habebant, nec suæ manus largitatem, & de scientia Rhetoricæ nihil didicerat. Cor fragile, postquam es totum timor, quare non es obediens, ut Prælati tibi malum non faciat? Solutio. Respondit, quod timorem de Prælati non habebat, qui fuit electus symoniacè: quoniam ipse inimicus est fortitudinis, quæ est sibi contraria.

De Quæstionibus intemperantia, & vitiorum mixtorum.

Intemperantia, cum Saraceni Fidem non habeant, quare odiunt te plusquam Christiani? Solutio. Deus sustinet quod infideles habeant aliquos bonos

bonos mores, ad reprehendendum aliquos malos Christianos qui Fidem habent, & malos mores. Intemperantia quæ est tua consuetudo? Solutio. Respondit intemperantia, quod ipsa ponebat homines in spe temperantiæ in principio mense, & in medio loco eiciebat temperantiam de mensa. Intemperantia es medicus? Solutio. Dixit intemperantia, quod ipsa erat medicus, qui cum crudelitate occidebat pauperes contra charitatem, & cum seipsa diuites, qui sunt amici sui. Intemperantia quare prodicionem facis illis, qui in te confidunt? Solutio. Dixit intemperantia, quod ipsa habebat officium in prodendo amicos suos. Intemperantia cum quo occidis homines? Solutio. Intemperantia dixit, quod ipsa homines occidebat cum pluribus cibariis delicatis, & in comedendo pluribus horis dici. Intemperantia quomodo temperantiam furata es Monacho, qui ipsam in refectorio habebat? Solutio. Intemperantia dixit, quod ipsa furata fuit temperantiam Monacho, quem Abbas inuitauerat in infirmitorio. Intemperantia quem modum habes in mentiêdo? Solutio. Respondit intemperantia, quod ipsa modum mentiendi habebat, in quantum sanitatem promittebat & hilaritatem in comedendo plura cibaria delicata, ratione quorum tristitiam dabat & infirmitatem illis, qui ex ipsis nimis comedeant. Intemperantia quare dicis malum de temperantia quæ est ita bona virtus? Solutio. Dixit intemperantia, quod non est mirum, si vnum contrarium dicit malum de alio contrario. Intemperantia quare homines qui nimis comederint, sunt impatientes? Solutio. Dixit intemperantia, quod illi sunt impatientes, quia instinctus naturalis sentit principium infirmitatis,

quam ipsa in mensa procurauerat. Intemperantia quid cum bono vino forti operaris? Solutio. Dixit intemperantia, quod ipsa plura opera facere sciebat, inter quæ erat inconstantia vna ex ipsis. Intemperantia quare spuunt totiens homines? Solutio. Dixit intemperantia, quod homines totiens spuunt, quia ipsos nimis comedere faciebat & potare. Intemperantia fecisti vnquam falsitatem? Solutio. Dixit, & respondit quod ipsa multotiens falsitates faciebat cuidam heremita, qui non comedeat nisi panem & aquam per hypocrisisim, quo debilitabatur. Intemperantia quare sunt homines pigri in Augusto? Solutio. Respondit quod homines pigri sunt in Augusto, quia pleni sunt ficibus & multo. Intemperantia in quo tempore es edocta? Solutio. Dixit intemperantia, quod ipsa erat edocta ad leuationem mensæ cum homines saturati erant cibo & potu. Intemperantia fuisti vnquam obediens temperantiæ? Solutio. Intemperantia dixit quod ipsa fuerat multotiens obediens temperantiæ quæ homines comedere parum faciebat in cœna, vt ipsos nimis comedere faceret in prandio.

De Quæstionibus infidelitatis & vitiorum mixtorum.

INfidelitas, quare spem non habes? Solutio. Respondit infidelitas, quod ipsa habere non poterat, quia fides & spes inuicem concordant. Infidelitas vestri amici possunt habere charitatem cōtra crudelitatem, cum faciunt eleemosynam pauperibus? Solutio. Dixit infidelitas, quod sui consequaces qui eleemosynam faciunt figuram habent charitatis & non formam: quoniam si formam haberent, concor-

dantiam cum fide haberent, quæ est sibi contraria. Infidelitas, quomodo facis proditionem? Solutio. Murilegus similitudinem facit, quod sit cuniculus, cum planat aures suas, & caudam abscondit, ut cuniculos accipiat, & vulpis se fingit gallinam, ut ad eam pulli veniant. Infidelitas quomodo homicidium facis? Solutio. Respondit, quod ipsa homicidium faciebat eum ignorantia & falsitate, & ociositate pastorem. Infidelitas cum quo facis latrocinium? Solutio. Dixit infidelitas, quod illa animas hominum furabatur cum ignorantia, & vituperio fidei christianæ. Infidelitas quare ex mendacio vivis in tot hominibus? Solutio. Dixit infidelitas quod ipsa vivebat ex mendacio in pluribus hominibus: quia pauci homines sciunt, & volunt dicere veritatem. Infidelitas es irata: quoniam christiani de te malum dicunt? Solutio. Infidelitas dixit, quod ipsa non curabat de hoc, quod christiani de ipsa malum dicebant: quoniam per plures homines erat laudata, quam blasphemata. Infidelitas, habes impatientiam? Solutio. Respondit, quod habere non debebat impatientiam postquam civitatem Hierosolymitanam possidebat, sed impatientia ad fidem romanam spectabat. Infidelitas es fortiter ædificata? Solutio. Dixit infidelitas, quod ædificium suum munitum erat de ferro, lignis, & ignorantia: idcirco timorem non habebat, quod devinceretur. Infidelitas habes immunditiam? Solutio. Dixit infidelitas, quod Saraceni mappas non tenent in mensa, & cum comedunt, suos digitos lavabant, & sunt magis quam alij homines luxuriosi. Infidelitas, vestra falsitas posset destrui? Solutio. Dixit infidelitas, quod possibilitas suæ destructionis est scripta per Raymun-

dum in suo libro. Infidelitas habes pigritiam? Solutio. Dixit infidelitas, quod si est vnus christianus, centum sunt illi, qui non sunt christiani: idcirco pigritiam habebat: quoniam christianos non destruebat, veruntamen diligentiā habebat in terra Surie, Turquie, & Barbarie, quæ Christianorum esse solebant. Infidelitas, habes aliquam curialitatem? Solutio. Infidelitas dixit, quod ipsa curialis erat in Synagoga Iudæorum, quos bene colere facit diem Sabbati. Infidelitas, habes plures homines obediētes? Solutio. Dixit infidelitas, quod quæreret hoc à meridie & oriente, qui sunt pleni sua gente.

De Quæstionibus desperantiæ, & vitiorum mixtorum.

Desperantiā habes maiorem crudelitatem, quam spes charitatem? Solutio. Respondit desperantia, quod illa quæstio fieret buris pauperum & lupis, qui oves comedunt. Desperantia, quare proditionem facis? Solutio. Desperantia dixit, quod ipsa proditionem facit, quia legalitas cum spe concordantiam habet. Desperantia cum quo animas hominum occidis? Solutio. Dixit desperantia, quod ipsa animas hominem occidit, in quantum in puncto mortis eis promittebat discretionem, confessionem, contritionem, & satisfactionem: quoniam in illo puncto imaginatio fortius fontes frigidos imaginatur, quam peccata hominum, & misericordiam Dei. Desperantia, quomodo spem hominibus furatis? Solutio. Dixit desperantia, quod ipsa spem hominibus est furata inducendo suam similitudinem. Desperantia, quomodo dicis mendacium? Solutio. Respondit desperantia, quod ipsa.

ipsa mentiebatur, in quantum finge-
bat se hominibus pauperibus quod ipsa
erat in hominibus auaris, largitas &
spes. Desperantia de quo dicis liben-
tius malum? Solutio. Respondit de-
sperantia, quod ipsa sæpius malum di-
cebat de hominibus pauperibus, qui
in diuitibus spem habent. Desperan-
tia ubi stas? Solutio. Respondit despe-
rantia, quod ipsa erat in impatientia
hominum, qui verecundiam non ha-
bent. Desperantia habes constantiam?
Solutio. Respondit desperantia, quod
auaritia hoc sciebat, quæ ipsam asso-
ciabat vsque ad punctum mortis, &
post mortem ibat ad standum in in-
terno sine aliqua mutatione. Despe-
rantia habes sanctitatem? Solutio. Re-
spondit desperantia, quod ipsa erat vna
species immunditiæ peccati. Desperan-
tia dixisti vnquam veritatem? Solutio.
Dixit desperantia, quod ipsa officium
mentiendi habebat in sanitate homi-
num, & in eorum infirmitate. Despe-
rantia habes negligentiam? Solutio.
Desperantia respondit, quod non ap-
parebat, quod ipsa pigritiam haberet
in infirmitate hominis, qui moritur si-
ne spe. Desperantia habes aliquam
bonam consuetudinem? Solutio. Di-
xit desperantia, quod illa quæstio fie-
ret spei, quæ plorabat, quia homines
restitutionem non faciunt in eorum
vita, & habent maiorem spem in suis
filiis, quod pro eorum delictis satisfac-
iant, quam in seipsis. Desperantia ha-
bes plures subditos? Solutio. Dixit de-
sperantia, quod illam quæstionem fa-
ceret inferno, cui dedit tot gentes.

*De Quæstionibus crudelitatis, &
vitiis mixtorum.*

Crudelitas fecisti vnquam prodi-
tionem Deo? Solutio. Respon-

dit, quod ipsa prodicionem multotiens
fecerat propter denarios, quos ab ho-
minibus pauperibus auferebat, & di-
uitibus donabat. Crudelitas quomodo
facis homicidium? Solutio. Dixit cru-
delitas, quod ipsa homicidium facie-
bat in priuando charitatem & in pro-
ducendo auaritiam. Crudelitas es o-
ues furata? Solutio. Dixit crudelitas,
quod non tantummodo oues furata
fuerat, imo plures pastores occiderat.
Crudelitas quare mentiris? Solutio.
Respondit, quod ipsa mentiebatur,
quia charitas veritatem dicebat. Cru-
delitas quare malum dicis de charita-
te? Solutio. Dixit crudelitas, quod ipsa
malum de charitate dicebat, quia est
thesaurus hominum pauperum. Cru-
delitas, quare es impatiens, cum pau-
peres à te eleemosynam quærunt? So-
lutio. Dixit crudelitas, quod ipsa erat
impatiens, quia pauperes ab ea eleemo-
synam per charitatem quærunt. Cru-
delitas stas firmiter? Solutio. Respon-
dit, quod ipsa semper firmiter sta-
bat contra charitatem, pietatem &
humilitatem. Crudelitas cum quo
lauas tuos pedes? Solutio. Dixit cru-
delitas, quod ipsa suos pedes lauat cum
immundicia peccati. Crudelitas de
quo genere exiisti? Solutio. Re-
spondit, quod ipsa exiuit de falsitate,
quæ erat sua mater, & de superbia, quæ
est suus pater. Crudelitas habes pi-
gritiam? Solutio. Dixit crudelitas, quod
non apparebat, in quantum charitas
est quasi tota perdita. Crudelitas, qua-
re es malè edocta? Solutio. Dixit, quod
ipsa erat malè edocta, quia verecundi-
am non timebat. Crudelitas esses bona
monacha? Solutio. Respondit, quod
ipsa est de genere inobedientiæ.

De Quæstionibus proditiōis, & vitiorum mixtorum.

PROditio vbi es incepta? Solutio. Respondit, quod ipsa principium habuit tunc, cum Caim Abel suum fratrem occidit per inuidiam & per auaritiam, idcirco quia erat de tali genere, erat de parentela mortis. Proditio posset homo te furari? Solutio. Dixit, quod non oportebat, quod homo ipsam furaretur, quoniam ipsa se daret cuilibet homini, qui ipsam habere vellet. Proditio, cuius sensus es magis amica? Solutio. Respondit, quod ipsa plus affatum quam alium sensum diligebat, quia ipse plura mendacia dicebat, & cū illo procurabat deceptionem, quam facit hominibus. Proditio quare dicis malum de bonitate & charitate? Solutio. Dixit, quod propter hoc malum de charitate & bonitate dicebat, quoniam germanæ sunt legalitatis. Proditio, quare es impatiens? Solutio. Respondit, quod ipsa erat impatiens, quia superbia est suus frater, & ira est sua germana, & contrarietas est sua mater. Proditio, cum quo stas firma? Solutio. Respondit, quod ipsa stabat firma cum inuidia & auaritia. Proditio, es munda de peccato? Solutio. Respondit, quod ipsa confessionem non diligebat nec poenitentiam. Proditio, de quo es munita? Solutio. Dixit, quod ipsa munita erat de inuidia, auaritia, falsitate & superbia, vt occidere possit legalitatem, quæ est sibi contraria. Proditio habes pigritiam? Solutio. Dixit, quod illam quæstionem faceret Dominabus & castellis, in quibus ipsa totiens fuerat. Et dixit, quod legalitas paucos amicos habet. Proditio, vbi stas libentius? Solutio. Respondit, quod incurialitas est eius ve-

xillum. Proditio, vbi eras obediens? Solutio. Respondit, quod ipsa fuerat multotiens obediens luxuriæ & argento.

De Quæstionibus homicidij, & vitiorum mixtorum.

HOMICIDium quare occidis homines? Solutio. Respondit homicidium, quod homines occidebat quia furari non poterat. Homicidium cum quo occidis bonitatem? Solutio. Respondit, quod bonitatem occidebat cum falso testimonio. Homicidium quis dicit de te malum? Solutio. Dixit homicidium, quod Rex iustus malum de ipso dicebat, cum homines suspendi faciebat. Homicidium habes magnæ potestatem? Solutio. Dixit homicidium, quod illam quæstionem faceret magnitudini impatiens cum qua homines occidebat. Homicidium, de quo est vestrum ædificium? Solutio. Respondit, quod suum ædificium erat super inuidiam, auaritiam & superbiam. Homicidium sunt munde vestes tuæ? Solutio. Respondit, quod nullus carnis fex mundas habet vestes. Homicidium diligis falsitatem? Solutio. Dixit, quod illam quæstionem faceret ad hypocritam, cum qua animas hominum occidebat. Homicidium habes pigritiam? Solutio. Dixit, quod ciuitas Hierusalem hoc sciebat. Homicidium cum quo es malè edoctum? Solutio. Dixit, quod malè erat edoctum cum inuidia, ira, superbia, auaritia, & credulitate. Homicidium, es obediens? Solutio. Dixit homicidium, quod erat obediens iudici propter argentum, & principi propter honorem.

De Quæstionibus latrocinij, & vitiorum mixtorum.

Latrocinium, quare non habes verecundiam in mentiendo? Solutio. Respondit, quod non poterat vti officio suo sine mentiri. Latrocinium cum quo bonitatem furaris? Solutio. Dixit, quod bonitatem furabatur, cum maledicere, symonia & hypocrisis. Latrocinium, quare es impatiens? Solutio. Dixit, quod erat impatiens, quia furcas non recolebat. Latrocinium, habes infirmitatem? Solutio. Dixit, quod iustitia Regis ipsum tremere faciebat. Latrocinium, quare vadis de nocte? Solutio. Dixit, quod ibat de nocte ut gentes sua turpia indumenta non viderent. Latrocinium, quare es illegale? Solutio. Dixit, quod illegale erat, quia cum legalitate gentes decipere non poterat. Latrocinium, quare es? Solutio. Dixit, quod erat, quia pigritiam habebat in fodiendo vineam, & in eundo mercatum. Latrocinium, fuisti vnquam obediens? Solutio. Dixit, quod ipsum erat obediens sepe ad suum displicentem turcis. Latrocinium, es edoctum? Solutio. Dixit, quod illam quæstionem faceret symonia, quæ episcopatum est furata, & quod similiter illam quæstionem faceret hypocrisis, quæ sanctitatem erat furata.

De Quæstionibus mendacij, maledicendi, & vitiorum mixtorum cum ea.

Mentiri & maledicere quare societatem fecistis? Solutio. Dixerunt, quod societatem fecerunt, ut bonitatem destruerent & veritatem, quæ sunt amicæ. Quare homines

mendaces magis sunt impatientes, quàm alij? Solutio. Homo mendax semper cum reprehenditur, se excusat. Mentiri de quo est tuum fundamentum? Solutio. Dixit, quod suum fundamentum erat de superbia, invidia, ira, avaritia, & hypocrisis. Heremita ab ore quæsiuit, vtrum erat ita turpe per mentiri, sicut camisia leprosi per lepram? Solutio. Respondit os, quod illam quæstionem faceret hypocrisis, quæ turpior est, quam camisia leprosi? Mentiri quomodo facis falsitatem? Solutio. Respondit, quod symonia & hypocrisis hoc sciebant. Mentiri, habes diligentiam? Solutio. Dixit, quod per totum mundum semen suum seminavit. Mentiri, es bene edoctum? Solutio. Respondit, quod didicerat rhetoricam, ut gentes decipere posset. Mentiri, fuisti obediens? Solutio. Dixit mentiri, quod illam quæstionem Tartaris faceret, & ludæis, & Saracenis, & argento Christianorum, & habitui hypocrisis.

De Quæstionibus maledicendi, & vitiorum mixtorum.

Maledicere, quare malum dicis de hominibus humilibus cum patientiam habent? Solutio. Dixit, quod ipsa erat de genere superbiæ, iræ & crudelitatis. Maledicere, quare non dicis malum de inconstantia, quæ est malum vitium? Solutio. Dixit maledicere, quod ipsum nolebat suam germanam inhonorare, de qua sancti homines dicunt malum. Maledicere, quare malum dicis de clericis? Solutio. Dixit maledicere, quod malum de clericis dicebat, quia vitia peius stabant in illis, quam in aliis hominibus. Maledicere, quare non dicis malum de symonia & hypocrisis? Solutio.

518 Quæstiones brancharum.

Dixit maledicere, quod malū non dicebat nisi cum falsitate. Maledicere, es pigrum? Solutio. Dixit, quod de nullo tantum malum dictum est, sicut de trinitate Dei & eius incarnatione. Maledicere, quare incurialiter loqueris? Solutio. Dixit, quod superbia, ira & inuidia sibi consulebant. Maledicere, habes plures amicos? Solutio. Dixit, quod maior pars hominum pauperum & diuitum sibi obediebant.

De Quæstionibus impatientia, & vitiorum mixtorum.

Impatientia & inconstantia quare estis amicæ? Solutio. Responderunt, quod ipse erant amicæ, quia plures habebant amicos. Impatientia, quare est turpis? Solutio. Dixit, quod ipsa erat pulchra ad iram & ad superbiam, quæ multum ipsam diligunt. Impatientia, homines hypocritæ quare sunt ita fortiter vestri amici? Solutio. Dixit, quod ipsa diligebat homines hypocritas, quia decipiunt homines legales, qui sunt sancti homines. Impatientia, quare habes plures amicos, quam patientia? Solutio. Dixit impatientia, quod ipsa erat magis diligens cum ira, quam patientia cum abstinencia. Impatientia, quare es malè edocta? Solutio. Respondit impatientia, quod ipsa erat malè edocta, quia cum gula & cum superbia, ira & auaritia fecerat societatem. Impatientia, quare es inobediens abstinentiæ? Solutio. Dixit, quod erat inobediens abstinentiæ, quia erat consanguinea patientiæ.

De Quæstionibus inconstantia, & vitiorum mixtorum.

Inconstantia, quare es turpis? Solutio. Dixit, quod ipsa erat turpis, quia

constantia erat vna species sanctitatis. Inconstantia, quare es falsa? Solutio. Dixit, quod ipsa erat falsa, quoniam si per vnum modum non posset homines legales decipere, ipsos per alium modum decipiebat. Inconstantia, es pigra? Solutio. Dixit, quod ipsa erat ita diligens, quod homines ipsam in veritate inuenire non poterant. Inconstantia, quare es in vno tempore edocta, & in alio malè edocta? Solutio. Dixit, quod ipsa erat malè edocta, vt vituperia dicere posset. Inconstantia, cui es magis inobediens? Solutio. Dixit, quod indiscretio, luxuria, superbia, gula & auaritia hoc sciebant.

De Quæstionibus immunditia, & vitiorum mixtorum.

Imunditia es ita magna in hypocrisi, sicut in sotularibus? Solutio. Dixit, quod falsitas hoc sciebat. Immunditia, habes pigrum? Solutio. Dixit, quod quæreretur hoc à luxuria, quam in pluribus hominibus procurabat. Immunditia, quare loqueris dum comedis, & tenes os plenum? Solutio. Dixit, quod ipsa & incurialitas societatem fecerunt. Immunditia, habes timorem? Solutio. Respondit, & dixit, quod illam quæstionem faceret sanctitati & obedientiæ, quæ plorabant.

De Quæstionibus falsitatis, & vitiorum mixtorum.

Falsitas habes pigrum? Solutio. Dixit, quod illam quæstionem faceret Iudicibus & Aduocatis, qui lites prolongant rusticis. Falsitas quomodo es cognita? Solutio. Dixit quod de incurialitate, & de hypocrisi erat suum vexillum. Falsitas, cui es magis inobe

inobediens? Solutio. Dixit, quod mercatori in quo tot homines confidunt.

De Quæstionibus militum.

De Quæstionibus pigritia, & vitiorum mixtorum.

Pigritia, quare es malè edocta? Solutio. Dixit, quod illa erat malè edocta, quia nimis comederat, & sibi placebat multum dormire. Pigritia, es obediens? Solutio. Respondit, quod ipsa obediens erat caseo recenti & pani calido.

De Quæstionibus incurialitatis, & inobedientia.

Incurialitas, es alicui obediens? Solutio. Respondit, quod illa erat obediens homini guloso, qui carnes ad mensam diuidit, & suo socio dicit, quod eligat ex duabus partibus illam partem quam voluerit.

De Quæstionibus branchis arboris Imperialis.

Et primò de Baronibus.

Heremita à Domino Papa quæsiuit, quare Christianus Imperator dedit Imperium Ecclesiæ Romanæ? Solutio. Vade ad rubricam antedictam. Heremita à Rege quæsiuit, cum quibus hominibus maiorem amicitiam habere debet. Solutio ibidem. Heremita à Filio Baronis quæsiuit, vtrum plus Regem diligere debeat, quam suū Patrem? Solutio. Nullus miles tantum est amabilis, sicut bonus Princeps. Heremita à Rege quæsiuit, vtrum sibi erat licitum emere Baroniam? Solutio vt supra.

Quæsiuit heremita à Rege, quare sunt milites? Solutio. Vade ad rubricam antedictam. Quare milites debent esse magis audaces, quam alij homines? Solutio ibidem. A quodam milite quæsiuit heremita, vtrum ordinem militiæ sciebat? Solutio. Dixit miles, quod ipse ordinem militiæ nesciebat, & suum Patrem increpauit, qui sibi illum ordinem militiæ non scripserat: quia si vnus liber artis militiæ factus fuisset, plures milites humiles essent, qui superbi sunt, luxuriosi, & audaces, qui sunt timidi, & diuites, qui sunt pauperes, & honorati, qui sunt inhonorati. Miles, dixit heremita, cum quo militiam conseruas? Solutio. Dixit miles, quod ipse militiam conseruat cum ense Regis, qui facit suam coronam esse communem.

De Quæstionibus Burgensium.

Burgenses quare sunt? Solutio. Vade ad rubricam antedictam. Burgenses quare debent esse liberi? Solutio. Sic oportet Burgensem habere libertatem ad ordinandum ciuitatem, sicut oportet milites libertatem habere ad custodiendum vias & coronam Regis. Quæsiuit à Burgenſe heremita, quare diuitiæ suæ tantum non durabant, sicut diuitiæ alterius hominis? Solutio. Nullus homo est tantum ociosus sicut burgensis. Quæsiuit heremita à burgenſe, quare minus vivebat quam alius homo? Solutio. Dixit burgensis, quod ociositas & ciuitas delicata hoc sciebant.

De Quæstionibus consilij.

Quæsiuit heremita à Principe, de quibus personis suum consilium esse debebat? Solutio. Vade ad rubricam antedictam. Ab ense regis quæsiuit heremita, quare non erat rectus? Solutio. Dixit ensis, quod ipse obliquus erat, quia Rex bonum consilium non habebat. Quæsiuit heremita, vtrum consilium Regis de pluribus personis esse debebat? Solutio. Quanto plures persone sunt in cōsilio Regis, maior est confusio consilij & sua secreta sunt minora. Quæsiuit heremita à Rege, de quibus hominibus maiorem habebat timorem? Solutio. Dixit Rex, quod nulli homines sibi possent facere tantum de malo, sicut illi de consilio suo, nec ipsum tantum decipere. Tunc dixit heremita Regi, quod non haberet homines in consilio suo negligentes, indiscrertos, crudeles, superbos, iniuriosos, & quod maxime plus hominem auarum euitaret, quam alium hominem, quia homo auarus facit omnia propter denarios.

De Quæstionibus procuratorum.

Quæsiuit heremita à Rege, sui procuratores de quo debebant esse induti? Solutio. Vade ad rubricam antedictam. Quæsiuit heremita à Rege, vtrum habebat bonos procuratores? Solutio. Dixit Rex, quod suus populus hoc sciebat. Quæsiuit heremita à Rege, vtrum in procuracione habebat symoniam? Solutio. Dixit Rex, quod quæreret hoc ab auaritia. Rex, dixit heremita, vbi est legalitas & tuæ diuitiæ? Solutio. Dixit Rex, quod legalitas & suæ diuitiæ sunt in illis hominibus quos ipse cogit esse procuratores.

De Quæstionibus iudicum.

Rex, dixit heremita, quales conditiones requirit bonus iudex? Solutio. Vade ad rubricam antedictam. Quidam Rex fecit iudicem vnum hominem pauperem in vna magna ciuitate, quæ à iudice quæsiuit, quid prius considerabat in suo iudicio, aut diuitias aut iustitiam? Solutio. Respondit iudex, quod ipse leges addidicerat, vt honorem haberet & diuitias. Iustitia à iudice quæsiuit, quare in suo iudicio mentiebatur? Solutio. Dixit iudex, quod ipse mentiebatur, quia Rex sibi paucos denarios dabat, & seruitium à gentibus accipiebat. Rex à ciuitate quæsiuit, quare plorabat? Solutio. Nullus iudex est communis qui diu stat in vna ciuitate.

De Quæstionibus Aduocatorum.

Rex, dixit heremita, quales conditiones debent tui Aduocati habere? Solutio. Vade ad rubricam antedictam. Quæsiuit heremita à Rege, vtrum in vna ciuitate debeant esse plures Aduocati? Solutio. In multitudine Aduocatorum est confusio litium. Quæsiuit heremita ab Aduocatis, quare tantum lites prolongant? Solutio. Dixerunt Aduocati, quod denarij rusticorum hoc sciebant. Aduocatis, dixit heremita, quis pro vobis in alio mundo aduocabit? Solutio. Responderunt Aduocati, quod lachrymæ rusticorum hoc sciebant.

De Quæstionibus sagionum vel nunciorum.

Rex, dixit heremita, de quibus conditionibus debent esse tui sagiones?

giones: Solutio. Vade ad rubricam antedictam. Sagio, dixit heremita, quare es superbus? Solutio. Dixit sagio, quod ipse erat similitudo Regis. Quæsiuit à dæmone heremita, quales homines plus ipsum in hoc mundo significabant secundum eorū officium? Solutio. Dæmon dixit, quod sagiones sunt illi homines, qui habent suam similitudinem in tormentando homines. Quæsiuit heremita à Dæmone, quis est maior sagio inferni? Solutio. Dixit Dæmon, quod maior sagio quem sciebat erat malus Rex.

De Quæstionibus inquisitorum.

Rex, dixit heremita, quales inquisitores debes habere? Solutio. Vade ad rubricam antedictam. Quæsiuit Rex à suis inquisitoribus, vtrum ipsi in suo officio fuissent fideles? Solutio. Responderunt inquisitores, quod in suo officio fideles fuissent, si inquisitionem contra ipsum fecissent. Rex, dixit heremita, habes verecundiam? Solutio. Dixit Rex, quod ipse verecundiam habebat, quia contra iudicem inquisitionem fieri faciebat, non autem contra semetipsum. Quæsiuit heremita ab inquisitione, quare plorabat? Solutio. Dixit inquisitio, quod plorabat, quia ad summities magnarum arborum non ascendebat.

De Quæstionibus confessoris.

Rex, dixit heremita, quem confesorem debes habere? Solutio. Vade ad rubricam antedictam. Rex quare habes confesorem? Solutio. Respondit Rex, quod confesorem habere volebat, vt conscientiam haberet. Confessor Regis quare ploras? Solutio. Dixit confessor, quod ipse plora-

bat, quia ociosus erat. Rex quare ploras? Solutio. Dixit Rex, quod ipse plorabat, quia hypocrysis stabat in suo confessore.

De Quæstionibus brancharum arboris Apostolicalis.

Quærebatur à summo Pontifice, quales erant suæ branchæ? Solutio. Vade ad rubricam antedictam. Brancha de quo viuus? Solutio. Dixit brancha, quod viuebat ex concordantia quam habet cum trunco & cum aliis branchis. Branchæ, dixit heremita, vellentis esse truncus? Solutio. Responderunt, nullum particulare secundum cursum naturalem est contra suum vniuersale. Brancha, quare es ita magna? Solutio. Dixit brancha, quod ipsa erat ita magna, vt esset proportionata cum magnitudine trunci, qui est valde magnus. Brancha es bona? Solutio. Dixit brancha, quod quæreretur à suis operibus. Brancha quare es? Solutio. Nullus truncus est bonus sine branchis. Brancha quot sunt branchæ cæli? Solutio. Dixit brancha, quod duodecim Prouinciæ erant in mundo. Brancha quot sunt rami cæli? Solutio. Dixit brancha, quod quatuor sunt virtutes Cardinales, & tres Theologales. Brancha habes conscientiam de lupis qui comedunt oues? Solutio. Dixit brancha, quod cætera branchæ hoc sciebant. Brancha etis ita alta & ita magna in die iudicij? Solutio. Dixit brancha, quod quæreretur hoc à suo libro.

De Quæstionibus brancharum arboris Cælestialis.

Bbranchæ arboris cælestialis quales sunt? Solutio. Vade ad rubricam

522 Quæstiones brancharum.

antedictam. Quare sunt duodecim signa, & non plura nec pauciora? Solutio. Secundum dispositionem substantiarum inferiorum sunt quatuor tempora anni, & oportet quod quolibet tempus sit de triangulo: sicut ver, qui habet vnâ lineam calidam, & aliam humidam in concordantia, & aliam in contrarietate humiditatis & siccitatis. Et vade, ad rub. virtutis. Quare signa morû habent circularè? Solutio. Nulla continuatio potest esse in maiori motu quadranguli, & trianguli, quam in circulo. Quare Aries se mouet ad Taurû, & Taurus ad Gemini, & Aries non se mouet ad Piscem, nec Piscis ad Aquarium? Solutio. Naturaliter ignis se mouet ad aërem per concordantiam caloris, & si aër se moueret ad ignem per concordantiam humiditatis, esset ignis de complexione calida & humida. Et si aqua ad aërem se moueret, esset aër de complexione humida & frigida, & estas se moueret ad ver, & ver ad hyemem, & agriculor in estate seminaret, & in hyeme forent messes. Quæsiuit heremita à vere, qualia sunt sua signa? Solutio. Vade ad rubri. virtutis. Astronomus quare totiens errat in suo iudicio? Solutio ibidem. Vtrum Philosophi antiqui errauerunt in appropriationibus qualitarum & masculinitatis & foeminitatis, quas duodecim signis, & septem planetis attribuerunt? Solutio ibidem. Quare Aries est de cõplexione ignis, & Piscis de complexione aquæ? Solutio. In quolibet triangulo naturali oportet esse participationem contrariorum, idcirco Aries & Piscis participant per contrarietatē in vere & in hyeme, vt ignis actionem habeat in generatione, & aqua passionem in corruptione. Quare Gemini est de complexione aëris, & Cancer de

complexione aquæ? Solutio. In quolibet triangulo naturali oportet esse concordantiam qualitarum propriarum & appropriatarum, vt sit generatio & proportionatum temperamentum. Ab Ariete quæsiuit heremita, cum quo signo maiorem habebat concordantiam, & cum quo maiorem habebat contrarietatem? Solutio. Respondit Aries, quod maiorem habebat concordantiam cum Taurro, quoniam ad illum se mouet sine medio, & maiorem habebat contrarietatem cum Piscem, quoniam ad ipsum se mouebat cum medio, idcirco ignis maiorem habebat concordantiam cum partibus, quæ sunt supra se, & minorem cum partibus, quæ sunt sub se.

De Quæstionibus brancharum arboris Angelicalis.

PRincipales proprietates, Angelorum quales sunt? Solutio. Vade ad rubricam antedictam. A bonitate Angeli quæsiuit heremita, vtrum erat ita principalis ratio ipsius Angeli sicut intellectus? Solutio ibidem. Bonitas Angeli, dixit heremita, quare non es ita principalis ratio, sicut intellectus? Solutio. Dixit bonitas, quod Deus est intelligibilis, & non bonificabilis. Angele, dixit heremita, quare tuæ rationes principales sunt tres, & non plures neque pauciores? Solutio. Dixit angelus, quod Deus nō poterat esse sibi obiectum nisi per recolere, intelligere & amare tantummodo. Quæsiuit heremita ab intellectu Angeli, quare erat formaliter? Solutio. Dixit intellectus, quod ipse formaliter erat per propriam intellectiuitatem & intelligibilitatem. Intellectus

lectus Angeli quare est finaliter? Solutio. Respondit intellectus, quod ipse erat finaliter, quia Deus est intelligibilis. Intellectus Angeli de quo est, & quomodo est? Solutio. Vade ad rubri. virtutis. Intellectus Angeli, dixit heremitas, es cum memoria & voluntate ex vna eadem bonitate? Solutio. Dixit intellectus, quod vna est bonitas secundum naturam, & plures sunt rationes, vnus sit actus bonitatis per intelligere, & alius per recolere, & alius per amare. Et vade ad rubri. virtutis. Angele, de quo est tua bonitas moralis, & idem de tuo intelligere? Solutio ibidem.

De Quæstionibus brancharum arboris æiternalis.

Quæsiuit heremita ab æiternitate, quales sunt suæ branchæ? Solutio. Vade ad rubri. antedictam. Æiternitas quomodo sunt tuæ branchæ? Solutio ibidem. Æiternitas, quare habes duas branchas & non plures, & quare duas & non vnam tantum? Solutio. Omnis moralitas est bona aut mala. Quæsiuit heremita à paradiso, vtrum sit cælum empireum? Solutio. Respondit paradiscus, quod si lux sanctorum corporum concretorum & glorificatorum de continua luce non esset, non posset esse in maiori actu suarum rationum. Et vade ad rubri. antedictam. Ab inferno quæsiuit heremita, de quo erat suus color? Solutio. Nullus color est luci tantum contrarius, sicut niger color. Quæsiuit heremita ab æiternitate, vtrum in paradiso sit vmbra? Solutio. Si cælum empireum non esset de luce, quodlibet corpus stans inter duo corpora vmbra faceret. Quæsiuit heremita ab inferno, vtrum in

ipso erat lux? Solutio. Respondit infernus, quod illam quæstionem faceret sulphuri, & fumo ligni viridis, quod ignis comburit. Heremita ab Inferno quæsiuit, quare erat æiternalis? Solutio. Dixit Infernus, quod ipse erat æiternus, vt iustitia Dei non esset ociosa. Inferne, de quo est tuum principium? Solutio. Dixit Infernus, quod suum principium erat ex priuatione completi. Inferne, quare es ita magnus? Solutio. Dixit Infernus, quod ipse erat ita magnus, quia Deus modicum recollitur, cognoscitur, & amatur.

De Quæstionibus brancharum arboris maternalis.

Quæsiuit heremita à Domina nostra, quot erant suæ branchæ? Solutio. Vade ad rubricam antedictam. Quæsiuit heremita à Domina nostra, quomodo cõsistit Mater Dei? Solutio ibidem. Quæsiuit heremita à branchis maternitatis, quomodo exeunt de trũco? Solutio ibidem. Quæsiuit heremita à maternitate, vtrum suæ branchæ erant magnæ? Solutio. Respondit maternitas, quod illam quæstionem suæ filiationi faceret, & peccatoribus, qui sibi quotidie spem transmittunt, qui dicunt ei, quod ipsi volunt esse sui filij, quia est mater misericordiae. Quæsiuit heremita à Domina nostra, quomodo est mater misericordiae? Solutio. Dixit Domina nostra, quod ipsa est Mater misericordiae, ipsa existente Matre Filij Dei per hominem. Est etiam Mater misericordiae, quia Filius suus ipsam exaudit de quolibet, pro quo ipsum rogat. Quæsiuit heremita à dæmone, quare plorabat? Solutio. Dixit dæmon, quod ipse plorabat, quia Domina nostra est Mater misericordiae. Quæsiuit heremita à branchis Domi-

524 Quæstiones brancharum.

nae nostræ, de quo sunt suæ vmbrae?

Solutio. Dixerunt branchæ; quod suæ vmbrae sunt de spe & misericordia.

Quæsiuit heremita ab vmbra brancharum, de quo erat suus color? Solutio.

Responderunt, quod color de quo est earum vmbra, est de amore, fide, & spe.

Quæsiuit heremita à Domina nostra, qualem de suis branchis plus diligebat? Solutio.

Dixit Domina, quod illa quæstio fieret maiori amabilitati.

Quæsiuit heremita à Domina nostra, vtrum ipsa sit maior maternitas? Solutio.

Dixit Domina nostra, quod illa quæstio fieret suis maioribus branchis.

De Quæstionibus brancharum arboris Iesu Christi.

Naturæ Domini Iesu Christi quot sunt? Solutio.

Vade ad rubricam antedictam. Quare in Domino Iesu Christo sunt duæ naturæ, & non plures, vel quare non habet vnâ naturam tantummodo? Solutio.

Sine duabus naturis non potest esse Deus & homo; & si plus duabus naturis haberet, non esset verus homo.

Natura humana Iesu Christi de quot naturis est. Solutio.

Vade ad rubricam virtutis. Natura diuina & humana Iesu Christi, quomodo participabant in hac vita præsentis? Solutio.

ibidem. Dominus Iesus Christus, quomodo in hac vita attingebat obiecta? Solutio.

ibidem. Dominus Iesus Christus, quomodo est vna persona ex duabus naturis? Solutio.

ibidem. Bonitas diuina & humana Iesu Christi, existente vna persona, quomodo sunt distinctæ? Solutio.

ibidem. Cum Deus sit substantia spiritualis, quomodo potuit tangi, vulnerari, & habere famem, sitim, & mortem? Solutio.

ibidem. Quæsiuit heremita à Deo, quomodo potest fa-

cere vnâ creaturam, quæ sit finis & complementum omnium creaturarum?

Solutio ibidem. Dominus Iesus Christus de quo est? Solutio ibidem.

De Quæstionibus diuinarum personarum. Et primò de Patre.

IN Deo quomodo respondent sibi inuicem sua natura, & suæ rationes? Solutio.

Vade ad rubricam antedictam. Actus diuinarum rationum quomodo sunt? Solutio.

ibidem. Actus diuinarum rationum, quomodo sunt infiniti? Solutio.

ibidem. Operatio, quam Deus habet in seipso, de quo est? Solutio.

ibidem. Deus, quare est Pater? Solutio.

ibidem. Quæsiuit heremita à Deo, vtrum erat sibi magis proprium magnum producere, quam paruum, & æternum, quam non æternum, & magis bonum, quam minus bonum? Solutio.

ibidem. Quæsiuit heremita à Deo Patre, verum Filium ex matre producat? Solutio.

Si Deus Pater Filium ex matre produceret, non esset totus Filius ex Patre.

Quæsiuit heremita à Deo Patre, vtrum fuit antequam Filius? Solutio.

In productione quæ est de æternitate, non est anterioritas.

Quæsiuit heremita à Patre, vtrum Filium producat in quantitate? Solutio.

In productione quæ est de infinitate, non possunt esse locus, nec quantitas.

De Quæstionibus personæ Filij.

Pater quomodo est ante Filium? Solutio.

Vade ad rubricam antedictam. Quomodo Pater est commune suppositum? Solutio.

Pater in quantum est Pater ex natura, est suppositum singulare: & in quantum respondet in producendo suum Filium omnibus suis

rationibus

rationibus est suppositum commune, quod de omnibus & cum omnibus suis rationibus, & per omnes suas rationes filium producit. Filius quomodo est de passione? Solutio. Pater in quantum suam actiuitatem considerat, de sua actiuitate possibilitatem considerat. Et vade ad rubri. virtutis. Filius quomodo est de Patre, & non de alio? Solutio. Pater in considerando suam possibilitatem, & de sua propria bonitate, infinitate, æternitate, & cæteris possibilitatem considerat. Filius, quomodo est possibilis & possit? Solutio. In Deo se habent relatiue possibilitas, quæ est pater, & possibilitas, quæ est filius. Et quia Deus est purus actus, æternus, infinitus, & completus, est filius possitus, & ideo in filio possitus & possibilis sunt vnū idē, & possunt esse omnes actus rationum æternaliter & infinite. Pater & Filius quomodo sunt distincti? Solutio. Vade ad rubr. virtutis. Pater & Filius quomodo sunt vna essentia, vna substantia, vna natura, vna bonitas, vna magnitudo, vna æternitas, &c. Solutio. Si infinitus & infinibilis, æternus & æternabilis, possit & possitibilis, possunt esse differentes essentia, substantia, & natura, & differentes bonitates, contradictio posset esse ens reale, quæ contradictio est impossibilis. Quæsiuit heremita à Filio, vtrum erat ex materia, aut si erat materia? Solutio. Vade ad rub. virtutis. Filius quomodo est Filius? Solutio ibidem. Quæsiuit heremita à Filio, vtrum erat augmentabilis? Solutio ibidem.

De Quæstionibus sancti Spiritus.

Spiritus sanctus quomodo est passiuus spirabilitas sine materia? Solutio. Vade ad rubricam antedictam. Spiritus

sanctus, quomodo est tertia persona. Solutio ibidem. Spiritus sanctus, quomodo est à Patre & Filio? Solutio ibid. Cum Pater & Filius sint personæ distinctæ, quomodo sunt vna spiratiuitas? Solutio. Pater & Filius sunt distincti per proprias proprietates, & sunt vna spiratiuitas per communem spiratiuitatem. Cum Spiritus sanctus sit ex Patre & Filio, quomodo est vna spirabilitas, vna persona & non plures? Solutio. Spiritus sanctus est ex Patre & Filio, in quantum est ex communi spiratiuitate, & est vna persona, & vna spirabilitas, in quantum est ex vna spiratiuitate, & non ex pluribus. Spiritus sanctus quomodo est æqualis Patri & Filio? Solutio. Vade ad rubricam virtutis. Pater & Filius quomodo sunt æquales in Spiritu sancto? Solutio. In hoc quod Pater & Filius æqualiter se inuicem diligunt, & sunt vna spiratiuitas & non plures, sunt æquales in Spiritu sancto. Pater & Spiritus sanctus, quomodo sunt æquales in Filio? Solutio. Pater de toto seipso Filium generat, & Filius de toto seipso Spiritum sanctum spirat. Filius & Spiritus sanctus quomodo sunt æquales in Patre? Solutio. Filius de toto seipso spirat Spiritum sanctum, & est totus genitus à toto Patre, & Pater de toto seipso spirat Spiritum sanctum, qui est totus spiratus ex toto Patre. Cum Spiritus sanctus sit ex Patre & Filio, quomodo est totus ex Patre, & totus ex Filio? Solutio. In hoc quod Pater & Filius sunt distinctæ personæ, est Spiritus sanctus ex Patre & Filio, & in quantum Pater & Filius sunt vna spiratiuitas, & non plures, Spiritus sanctus est vna spirabilitas, & non plures: & est totus Spiritus sanctus ex Patre, & est totus ex Filio.

526 Quæstiones brancharum.

De Quæstionibus Trinitatis.

Quare sunt tres personæ, & non plures, neque pauciores? Solut. Vade ad rubricam antedictâ in brâchis arb. diuinalis. Quæsiuit heremita à bonitate Dei, in quo numero potest esse magis magna? Solutio ibidem. Aternitas Dei secundum quem numerum potest esse magna? Solutio ibidem. Bonitas Dei quomodo esset parua, si essent minus tribus personis diuinis? Solutio ibidem. Cum Pater sit bonificans, & Filius sit bonificabilis in generare, & sanctus Spiritus sit bonificare in spirare, & nullus istorum triû sit alius, quare bonitas non est in quarto numero? Solutio ibidem. Cum filius sit bonificabilis in generare, & sit bonificans in spirare, quare filius non est vna persona in generare, & alia in spirare? Solutio. Filius est vna persona in quantum generabilitas in qua est personatus & personabilis aternaliter & infinitè, & in quantum Spiritum sanctum spirat, est personans, & non personatus: sicut homo, & multo melius, qui in quantum est filius, est personatus & persona, & in quantum alium hominem generat, est personans, & non personatus. Filius qui est generabilis & est generatus, quare non est vna persona, in quantum generabilitas, & alia persona in quâ est generatus? Solutio. Filius est vna persona, in quantum principiatus est in aternitate, & est illa eadem persona, in quantum est principiabilis, & si esset duæ personæ, aternitas esset ociosa inter principians & principiabilem, & non esset generare, nec principiare, nec aternare inter principiantem, & principiabilem, generantem, & generabilem, aternantem & aternabilem. Pater in quantum generat Filium est

Pater, & in quantum spirat Spiritum sanctum non est Pater: quoniam si esset Pater, Spiritus sanctus esset Filius. Quare ergo Pater nō est vna persona in quantum Pater est, & alia persona in quantum non est Pater? Solutio. Pater est vna persona, in quantum est Pater, & non est alia persona, in quantum non est Pater: quoniam si esset alia persona, non generaret ex toto seipso Filium, & si esset vna persona, in quantum generat, & alia in quantum spirat, non spiraret de toto seipso Spiritum sanctum, & esset maior quam Filius, & Spiritus sanctus, & sua essentia diuisa esset in partes, & esset pars in Deo, & illa esset minor quam totum, & quia Deus est infinitus, non possunt esse in illo minoritas, nec maioritas, neque partes, nec plures essentia. Est ergo Pater vna persona generans & spirans, sicut ignis, & multo melius adhuc, qui est vna substantia in lucificando, & calefaciendo, & in producendo differentes substantias elementares, quæ sunt de sua essentia & natura: sicut piper, aleum, &c. Spiritus sanctus quare non spirat, aut non generat, vel non producit aliquam personam per aliquem modum, aut quare non est duæ personæ? Solutio. Dictum est iam quod in bonitate esset minoritas, si in illa esset necessaria alia proprietas, quæ non esset bonificatiuitas, nec bonificabilitas, nec bonificare. Et Spiritus sanctus licet sit ex Patre, & Filio, non potest esse duæ personæ, cum sit de vna spiratiuitate, vt dictum est.

De Quæstionibus brancharū arboris exemplificalis. Et primò elementalium.

Quare elementa quietem non habent in subiectis elementatis, postquam

postquam se habent ad finem illarum? Solutio. Vade ad exemplum rubricæ antedictæ. Quæsiuit heremita à voluntate, quare multotiens est confusa in electione? Solutio ibidem. Voluntas, dixit heremita, habes quietem in amare & in odire? Solutio. Nulla quies potest esse de contrariis finibus. Et vade ad exemplum, virtutis. Libertas, dixit heremita, quomodo potes esse in seruitute existente hoc quod es, sine priuatione aliqua tuarum conditionum? Solutio ibidem.

De Quæstionibus exemplificabilibus brancharum arboris vegetalis.

VNus homo quomodo accipit modum in decipiendo alium hominem? Solutio. Vade ad exemplum rubricæ antedictæ. Vnus homo quomodo scit se custodire à deceptione, quam alius homo sibi vult facere? Solutio ibidem. Quare homines qui expectant ordinare suum testamentum & facere satisfactionem de commissis, cum sint infirmi pro maiori parte decipiuntur? Solutio ibidem. Quare homines imaginari debent, recolere & amare temperantiam in principio mentis? Solutio ibidem.

De Quæstionibus exemplificabilibus brancharum arboris sensualis.

ANatura quæsiuit heremita, quare erat magis fortis quam consuetudo? Solutio. Vade ad exemplum branchæ arboris sensualis. Magna contrarietas quomodo vincit & destruit paruum concordantiam? Solutio. Vade ad exemplum brancharum arboris sensualis. Nouus honor quare debet euitare societatem antiqui honoris? Solutio ibidem. Homo diues quare de-

bet euitare societatem hominis pauperis? Solutio ibidem.

De Quæstionibus exemplificabilibus brancharum arboris imaginæ.

AB imaginatione quærebatur, quis ipsam vincebat? Solutio. Vade ad rubricam antedictam. A discretione quærebatur, quis ipsam vincebat? Solutio ibidem. Quærebatur ab homine, qui est in mortali peccato, vtrum vti debeat bonis, quæ possidet? Solutio ibidem. Ab indiscretione quærebatur, in quo est maior? Solutio. Nulla indiscretio maior est quam illa, per quam homo in suo mortali inimico habet confidentiam. Et vade ad exemplum virtutis.

De Quæstionibus brancharum arboris humanalis & corporalis.

QUærebatur ab arte, vtrum esset maior, quam ius? Solutio. Vade ad exemplum rubricæ antedictæ. Quærebatur Rex à Raymundo, quomodo cognosceret bonum nuncium, quem transmittere vellet ad quendam Principem? Solutio ibidem. Quærebatur à Rege, quomodo cognoscebat inimicitiam hominis? Solutio ibidem. Quærebatur à dæmone, quomodo homines decipiebat? Solutio ibidem.

De Quæstionibus arboris exemplificabilis, brancharum humanarum spiritualium.

APhilosopho quærebatur, qualis potentia animæ prius suum accipit obiectum? Solutio. Vade ad exemplum rubricæ antedictæ. Quærebatur à Philosopho, qualis potentia animæ facit suppositionem, & qualis demonstra-

528 Quæstiones brancharum.

monstrationem? Solutio ibidem. A Philosopho quærebatur, qualis est ille modus, ratione cuius voluntas præcedit intellectum, & qualis ille modus, ratione cuius intellectus præcedit voluntatem? Solutio ibidem. A Philosopho quærebatur, vtrum modum sciret, secundum quem credulitas est lumen intelligentiæ? Solutio ibidem.

De Quæstionibus exemplificabilibus brancharum arboris moralis.

A Rege quærebatur, vtrum sciebat conditiones, quæ ad nuncios spectant? Solutio. Vade ad exemplum rubricæ antedictæ. A Rege quærebatur, vtrum conditiones sciebat, quæ ad legationem spectant? Solutio ibidem. Quærebatur à Rege, vtrum debeat explorare conditiones Imperatoris, ad quem suos nuncios transmittibat, secundum quas ordinare debebat suam legationem? Solutio ibidem. A Rege quærebatur vtrum in suo consilio esset aliquis, qui sciret artem generalem Raymundi, cum qua cognoscere posset, vtrum legati, quos transmittit, legationem debeant obtinere? Solutio. Respondit Rex, quod ipse de arte illa magnum bonum audiebat: & placeret sibi, quod aliquis homo sui consilij ipsam sciret, vt sibi consilium daret artificialiter: cum ita sit, quod consilium sit super quæstiones: & ars Raymundi generalis sit ad soluendum quæstiones, secundum quod dici audiebat: quoniam in nullo est ita necessaria clara determinatio quæstionis: sicut in consilio Regis.

De Quæstionibus exemplificabilibus brancharum arboris Imperialis.

Quærebatur à Rege vtrum sciebat suos Barones castigare, quando

delinquant? Solutio. Vade ad exemplum rubricæ antedictæ. Quærebatur à Rege, si ipse habebat timorem à suo comite, quem reprehenderat coram suo populo, de vno magno defectu quem fecerat? Solutio ibidem. Quærebatur à Rege, quare homo nobilis, qui cum ipso manducat in vna mensa, reputat sibi ad dedecus, si in eadem mensa manducat rusticus? Solutio ibidem. Quærebatur à Rege, vtrum sciebat, quare rusticus, qui cum illo comedit in vna mensa, reputat sibi ad dedecus? Solutio ibidem.

De Quæstionibus exemplificabilibus brancharum arboris Apostolicæ.

Quærebatur ab homine paupere, vtrum sciebat modum, ratione cuius diuitiæ acquirebantur ex denariis & virtutibus? Solutio. Vade ad exemplum rubricæ antedictæ. Ab homine quærebatur, vtrum sciret modum secundum quem diuitiæ denariorum & virtutum consumebantur? Solutio ibidem. Ab ancilla quærebatur qualis Dominus est magis tedious ad seruendum? Solutio ibidem. A peregrino quærebatur, cum quo homine est melior societas? Solutio ibidem.

De Quæstionibus exemplificabilibus brancharum arboris Cælestialis.

AB Astronomo quærebatur, quomodo gentes decipiebat? Solutio. Vade ad exemplum rubricæ antedictæ. Ab Astronomo quærebatur, vtrum suum iudicium esset de necessitate? Solutio ibidem. Quærebatur ab Astronomo, vtrum consuetudo naturam vincat? Solutio ibidem. Quærebatur ab infirmo, vtrum sua infirmitas per timorem crescebat, quem sibi falsus me

fus medicus faciebat, qui dicebat, quod sua infirmitas erat magna, vt faceret ipsi timorem mortis, propter quem sua infirmitas cresceret, & vt denarios plures haberet tenendo ipsum in magna infirmitate. Solutio ibidem.

De Quæstionibus exemplificalibus, brancharum arboris Angelicalis.

Quærebatur à sancto Michaële, à sancto Gabriele, & à Seraphino, vtrum inuidiam habebant? Solutio. Vna & eadem bonitas sufficit bonificatio, bonificabili, & bonificare. Et vade ad rubricam antedictā. A memoria quærebatur, & à voluntate, & intellectu sancti Gabrielis, vtrum inuidiam habebant? Solutio. Vna eadem bonitas sufficit memoratiuitati, intellectiuitati, & amatiuitati. Ab homine paupere quærebatur, vtrum velleret esse diues? Solutio. Dixit homo pauper, quod ipse volebat esse diues, dum tamen dormire non perderet. Et vade ad rubricam virtutis. Quærebatur à sancto Michaële, quomodo de hominibus auaris cognitionem habebat? Solutio ibidem.

De Quæstionibus exemplificalibus brancharum arboris æternalis.

A Lucifero quærebatur, quare suum intellectum maledixit? Solutio. Vade ad exemplum rubricæ antedictæ. A Lucifero quærebatur, quare spem non habebat? Solutio ibidem. A Rege quærebatur, quem domicellum eligere debebat in seruitorem? Solutio ibidem. A Raymundo quærebatur, quare suum esse maledixit? Solutio ibidem.

De Quæstionibus exemplificalibus brancharum arboris maternalis.

A Domina nostra quærebatur, vtrum matrem habebat? Solutio. Vade ad exemplum rubricæ antedictæ. A Domina nostra quærebatur, quomodo erat mater mundi? Solutio ibidem. A mundo quærebatur, vtrum erat satur? Solutio ibidem. Homo qui habet spem, quare timorem non habet? Solutio ibidem.

De Quæstionibus exemplificalibus brancharum arboris Iesu Christi.

Quærebatur ab heremita, quem modum tenebat in disputando cum infidelibus? Solutio. Vade ad exemplum rubricæ antedictæ. Quærebatur à Raym. quomodo gratia de cælo descendebat? Solutio ibidem. A Raym. quærebatur, vtrum vnquam in fide dubitabat? Solutio ibidem. Raymunde, scis modum secundum quem Deus naturam humanam assumpsit? Solutio ibidem.

De Quæstionibus exemplificalibus brancharum arboris diuinalis.

Quærebatur, vtrum Deus poterat esse perfectus nisi in ipso foret productio? Solutio. Vade ad rubricam antedictam. A Deo quærebatur, vtrum in seipso finem habebat, aut in alio? Solutio ibidem. A Deo quærebatur, vtrum erat ita magnus per agere, sicut per existere? Solutio ibidem. Quærebatur à Deo, quomodo erat ita magnus per agere, sicut per existere? Solutio ibidem.

De Quæstionibus ramorum.

Et Primò de arbore elementali.

ELEMENTA composita quare sunt? Solutio. Vade ad rubricam antedictam. Elementa composita de quo sunt? Solutio ibidem. Quare ignitiuitas est magis intensa forma, quam ignibilitas materia? Solutio. Forma est simplex per actionem, & materia duplex est per passionem, quoniam vna est materia intra, quæ est de vna & eadem essentia cum forma, sicut materia ignis simplicis, & alia est materia extra, de qua est elementatum. Idcirco in arbore branchæ significant elementa simplicia, & rami elementa composita, in quibus fiunt flores, fructus, & renouatio in vere: quia elementa sunt magis digesta, & mixta in ramis, quam in brâchis. Elementa composita vbi sunt? Solutio. Vade ad rubricam virtutis. Elementa quomodo se inuicem mortificant? Solutio ibidem. Elementa quomodo transeunt ex numero simplici in numero composito, & quomodo remanent in illo numero simplici quem habet quælibet simplex elementum per se? Solutio ibidem. Formæ primæ, quomodo participant in simplicibus substantiis cum compositis? Solutio ibidem. Elementa quomodo stant inuicem in mixto? Solutio ibidem. Ignis qui levis est, quare descendit hîc inferius, & aqua quæ est ponderosa, quare ascendit superius? Solutio ibidem. Motus quem inuicem habent elementa, quomodo durat? Solutio ibidem.

De Quæstionibus ramorum arboris vegetalis.

RAmi pomerij de quo sunt? Solutio. Vade ad rubricam antedictam. Philosophus à ramo pomerij Martini quærebat, vtrû erat in potentia in ramo arboris elementalis? Solutio. Clauus quem faber producit ex ferro prius fuit in lapide per dispositionem, quam in ferro per potentiam. Philosophus à ramo pomerij Martini querebat, vtrum suus numerus fuit appetibilis in ramo elementali? Solutio. Species naturales confusæ sunt in generibus, & exeunt in numero appropriato & desiderato vno ab alio differentæ. A ramo pomerij Martini quæsiuit Philosophus de quo erat sua augmentatio? Solutio. Secundum quod humidum nutrimentale exit à ramo elementali, in specie rami vegetalis se extendit, & multiplicat ramus radicalis in sua specie. Philosophus à ramo pomerij Martini quæsiuit, quis ipsum mouit de ramo elementali, & ipsum posuit in specie vegetali? Solutio. Agens naturale ita naturaliter trahit ex generibus indiuidua, & ipsa in species ponit sicut faber, qui de massa ferri clauum trahit & cultellum, & artificialiter ipsos ponit in diuersis figuris. Philosophus, à ramo pomerij quæsiuit, vtrum ad se trahat materiam rami elementalis, & vtrum ramus elementalis trahat ipsam ad se? Solutio. Quia nulla materia est actiua, sed est pura passio, nulla materia seipsam influit. Philosophus à ramo quæsiuit, vtrum ramus elementalis, inquâtû forma suâ materiâ influat ramo vegetali? Solutio. Finis habitâdi mouet formâ cameræ, quæ mouet suâ materiam ad primû finē. A ramo pomerij Martini

Martini quæsiuit Philosophus, cum ipse sit vnus ramus, quomodo in ipso plures rami sunt in potentia? Solutio. Ferrum massæ est vnum, in quo erant in potentia ferrum clauis & ferrum cultelli. A ramo pomerij Martini quæsiuit Philosophus, vtrum sit visibilis? So. Dixit ramus, quod ipse erat duplex, & quod erat visibilis, inquantum est natura rami elementalis, & est inuisibilis, inquantum est vegetalis. A ramo pomerij Martini quæsiuit Philosophus, vtrum sui flores plus in natura participant cum illo secundum arborem vegetalem, aut secundum arborem elementalem? Solutio. Omnis participatio maior est per speciem, quam per genus.

De Quæstionibus ramorum arboris sensualis.

R Ami arboris sensualis de quo sūt? Solutio. Vade ad rubricam antedictam. Rami arboris sensualis quomodo sunt? Solutio ibidem. Rami arboris sensualis quales sunt? Solutio ibidem. Philosophus à ramis equi Martini quæsiuit, quomodo sunt assituati? Solutio ibidem. Ab oculis equi Martini quærebat Philosophus, quot sunt sui rami? Solutio. Vade ad rubricam virtutis. Philosophus quæsiuit, vtrum visibilitas pomi propinquior sit visitiuitati, quam visibilitas lapidis aut flammæ? Solutio. Omnis visitiuitas plus participat intra cum visibilitate vegetali, quam elementali: sed quia vegetatiua videri non potest, nec suum proprium indiuiduum simplex, fortius ipsa visitiuitas participat cum visibilitate lapidis & flammæ, quàm cum visibilitate vegetali. Idcirco lapis & flamma sunt visibiliores quàm pomum. Philosophus à luxuria quæsi-

uit, vtrum ita fortiter participabat cū corde, sicut cum oculis? Solutio. Respondit luxuria, q̄ intra cū corde participabat, & extra cū oculis. Philosophus à visitiuitate quæsiuit, & ab audiuitate, vtrum erant differentes ratione oculorum & aurium, aut per seipsas? Solutio. Si differentia visitiuitatis & audiuitatis non esset propria, sed esset appropriata, potentia sensitua non haberet naturalem communitatem per seipsam. Philosophus à corde quæsiuit, quare maiorem concordantiam habet cum placibili odore, quam cum pulchro colore? Solutio. Nullus color extra realiter venit ad cor.

De Quæstionibus ramorum arboris Imaginalis.

R Ami imaginatiuè, quales sunt? Solutio. Vade ad rubricam antedictam. Rami imaginatiuè quot sunt? Solutio ibidem. Imaginatio, quomodo imaginatur? Solutio ibidem. Ab imaginatione quæsiuit heremita, vtrum cū imaginatur flammam ignis, imaginatur æqualiter figuram & splendorem? Solutio. Quia lux est instrumentum ad videndum, & figuram est accidens commune ad videndum & tangendum, imaginatur imaginatiua fortius lucem in principio, quam figuram: sed quia figura plus participat cū extēsitate corporali imaginatur fortius imaginatiua figuram in assituatione, quam lucem. Imaginatio, dixit heremita, imaginatis æqualiter in imaginatione pomi generationem & corruptionem? Solutio. Cum ratione finis sit principium, imaginatur imaginatio per vegetatiuam generationem, & per elementatiuam corruptionem. Imaginatiua, dixit heremita, cum equum imaginatis, quam similitudinē

similitudinem tangis ante? Solutio. Respondit imaginatiua, quod ipsa ante visibilitatem tangebatur, quam vegetabilitatem vel elementabilitatem, quia visibilitas est propinquior naturæ videndi, quam vegetabilitas vel elementabilitas. Imaginatiua quare habes maius placitum in imaginando rosam, quam in imaginando leprosum? Solutio. In difformitate figuræ imaginatiua est infirma. Imaginatio, potestatem speciem imaginari? Solutio, Respondit imaginatio, quod ipsa nullum obiectum accipere potest sine figura. Imaginatio cum leprosum imaginari, quare facis tuum subiectum leprosum. Solutio. Respondit, quod non faciebat semper suum subiectum leprosum, quod est homo, sed cum accidit quod homo de tota sua potestate lepram imaginatur ratione magni timoris aut magnæ horribilitatis, dixit quod ipsa haberet ita magnam potestatem in sensitui in peruertendo ipsam in speciem lepræ: sicut habet ira in peruertendo hominem in speciem stultitiæ.

De Quæstionibus ramorum arboris Humanalis.

Rami arboris humanalis quales sunt? Solutio. Vade ad rubricam antedictam. Quærebatur ab homine, utrum suum pedem elementet? Solutio. Dixit homo, quod ipse suum pedem elementabat, sicut totum, quod vitur sua parte, & trahit partes, quæ sunt extra, & ipsas ponit intra: sicut nasus qui accipit vapores extra, homine respirante, & intra ipsas ponente, ut humidum radicale habeat de quo viuat. Homo, dixit heremita, vegetas tu pedem tuum? Solutio. Comedit homo panem, & bibit vinum, & sua vegetatiua cōuertit panem in carnem,

& vinum in sanguinem, & vitur homo sua parte: sicut instrumento, quod est pars hominis, & vitur instrumento suæ animæ, & in hoc passu est multum de Philosophia. Homo, dixit heremita, sentias pedem tuum? Solutio. Olea in oleastro inserta in suam speciem conuertit materiam oleastri, & sensituium conuertit in suum proprium sensibile, extra quod venit per elementationem & vegetationem, quæ sunt sua instrumenta & subiecta suo aduentui, & ex ipsis exeunt in speciem sentienti. Homo, dixit heremita, rationaris tuum pedem? Solutio. Dixit homo, quod suus pes erat pars sui corporis, quæ anima stare facit in specie hominis, homine suas potentias mouente spirituales, sicut instrumenta in sustentando corpus in specie hominis, & illis potentiis natura sua vtenibus, ita corpus rationando: sicut ignis qui suum mouet calorem in calefaciendo aquam, cum qua participat in substantia elementata. Homo, dixit heremita, volificas tuam voluntatem? Solutio. Dixit homo, quod sua voluntas est ex volitui, volibili, & velle, & ipso mouente suam voluntatem ad obiectum volibile vitur sua voluntas natura sua: sicut ignis qui mouendo suum calorem in calefaciendo aquam vitur suo calore & natura. Idcirco dixit homo, quod ipse volificabat suam voluntatem, in quantum ipsam mouebat ad vten- dum natura sua, quæ siquidem volificatio accidentaliter est & moralis, unde velle quod est intra naturale, habitum moralem induit secundum virtutem aut vitium. Homo, dixit heremita, tui rami quomodo sunt in continua quantitate & discreta? Solutio. Vade ad rubricam virtutis. Homo quomodo moreris? Solutio ibidem. Quæstio heremita à lingua hominis muti, quare non

non loquebatur ? Solutio. Dixit lingua, quod affatus sine audire denunciare non poterat in verbo similitudinem suæ conceptionis interioris.

De Quæstionibus ramorum virtutum moralium.

R Ami morales quales sunt ? Solutio. Vade ad rubri. antedictam. Rami morales de quo sunt ? Solutio ibidem. Heremita quæsiuit à Martino, vtrum intelligere quod habet, cum Raymundum intelligit, sit intelligere quod habet, cum intelligit Petrum ? Solutio ibidem. Martine, dixit heremita, tuum imaginari quomodo induis moralitate ? Solutio. Dixit Martinus, quod ipse suum imaginari moralitate induit imaginando obiectum imaginabile cum habitibus virtutum aut vitiorum. Martine, tuum visum quomodo induis moralitate ? Solutio. Dixit Martinus, quod ipse suum visum induebat moralitate, induendo videre suum, quod est intra, de videre quod acquirit extra. Martine, tuum loqui quomodo induis moralitate ? Solutio. Dixit Martinus, quod ipse suum loqui induebat moralitate ipsum assuescendo bonis verbis, aut malis, aut virtutis, aut falsis. Martine, quomodo es iustus ? Solutio. Dixit Martinus, quod ipse erat iustus vtendo iustitia. Martine quomodo vteris iustitia ? Solutio. Dixit Martinus, quod ipse iustitia utebatur in iustificando suum recolere, intelligere, & amare, & in iustificando sua verba. Martine, quomodo vteris iniuria ? Solutio. Respondit Martinus, quod ipse iniuria utebatur diligendo hoc, quod diligere non debebat, & odiendo hoc, quod odire debebat, & dicendo hoc, quod dicere non debebat, & tacendo hoc,

quod tacere non debebat. Martine, tuum amare quomodo renouas ? Solutio. Dixit Martinus, quod suum amare renouabat in dimittendo vnum obiectum, & accipiendo aliud obiectum.

De Quæstionibus ramorum vitiorum.

R Ami vitiorum de quo sunt ? Solutio. Vade ad rubri. antedictam Rami vitiorum quales sunt ? Solutio ibidem. Gula, dixit heremita, quomodo es peccatum ? Solutio. Dixit gula, quod ipsa erat peccatum in mutatione intentionis comedendi, videlicet volendo comedere per delectationem, & non ratione viuendi. Gula, quomodo es magna ? Solutio. Dixit gula, quod erat magna in multiplicando mutationem intentionis comedendi per delectationem contra viuere. Gula, de quo viuus ? Solutio. Dixit gula, quod ipsa viuebat de mutatione intentionis comedendi. Gula, quomodo moreris ? Solutio. Dixit gula, quod ipsa tunc moriebatur, cum homines comedebant, vt essent sani, & quod viuerent. Gula, habes aures ? Solutio. Dixit gula, quod aures non habebat, dum famem habebat, & cum comedebat, aures habebat, cum quibus audiebat verba, quæ conscientia dicebat. Quæsiuit heremita à gula Martini, vtrum ipsa erat vnum peccatum aut plura ? Solutio. Respondit gula, quod ipsa erat vnus habitus maternalis, qui plures habebat filios suos : sicut vnus homo, qui plures habet vestes. Gula, de quo es plena ? Solutio. Respondit gula, quod erat plena priuatione temperantiæ. Gula quis est tuus Pater ? Solutio. Dixit gula, quod ille homo est suus Pater, qui temperantiâ non habet.

De Quæstionibus ramorum arboris Imperialis.

Rami arboris Imperialis quales sunt? Solutio. Vade ad rubricam antedictam. Rami arboris Imperialis quot sunt? Solutio ibidem. Rami Principis per quales ramos melius significantur? Solutio ibidem. A ramis Principis quæsiuit heremita, vtrum sint generales aut speciales? Solutio. Dixerunt rami quod secundum officium Principis sunt generales, & secundum quod Princeps est vnus homo, sunt speciales.

De Quæstionibus iustitia Principis.

Princes, dixit heremita, diligis plus tuam iustitiam specialem, quam tuam generalem? Solutio. Dixit Princeps, quod ipse subditus est publicæ utilitati: idcirco libertatem non habet secundum iustitiam ad diligendum tantum speciale bonum, sicut publicum. Princeps, quare es communis persona? Solutio. Dixit Princeps, quod ipse erat communis persona, vt iustitia sit in hominibus. Quærebatur à Principe, vtrum ipse plus iustitiam, quam charitatem diligebat? Solutio. Respondit Princeps, quod ipse plus iustitiam, quam charitatem diligebat, in quantum est persona communis: & in quantum est vnus homo, plus diligebat charitatem, quam iustitiam. Princeps, diligis plus tuum filium, quam tuum populum? Solutio. Iustitia non consentit quod plus bonum speciale, quam bonum publicum diligatur.

De Quæstionibus amoris Principis.

A Principe fuit quæsitum, qualis debet esse suus amor? Solutio. Vade ad rubricam antedictam in ramis arboris imperialis. Quærebatur à Principe, quomodo ita diu regnabat? Solutio ibidem. Quæsitum fuit à Principe, quare plus suum populum time-re se faciebat, quam amare? Solutio. Nullus homo superbus aliquid facit propter amorem. A Principe quærebatur, quare timorem habebat? Solutio. Dixit Princeps, quod timorem propter hoc habebat, quod plus suus populus ipsum timebat, quam diligebat.

De Quæstionibus timoris Principis.

A Principe fuit quæsitum, qualis debet esse suus timor, & qualis sui populi? Solutio. Vade ad rubricam antedictam in ramis arboris imperialis. Quærebatur à Principe, vtrum maiorem timorem habebat de amore, quam de morte? Solutio. Bonus Princeps propter amorem sui populi in bello periculo mortis se exponit. Ab amore & timore quærebatur, in quo concordantiam maiorem habebat? Solutio. Amor & timor responderunt, quod quæstio illa fieri debet bono Principi, & bono populo. A Principe quæsitum fuit, vtrum de suo populo maiorem timorem habebat, quam de Deo? Solutio. Respondit Princeps, quod de timore Dei sequitur libertas, & de timore sui populi sequitur seruitus.

De Quæstionibus sapientiæ Principis.

Conditiones Principis quales sūt? Solutio. Vade ad rubricam antedictam. Per quam conditionem est Princeps magis timibilis? Solutio ibidem.

A Principe quærebatur, utrū necessariū erat tantū sibi charitatē diligere, sicut sapientiā? Sol. Princeps dixit q̄ secūdū suum officium sapientia erat sibi magis necessaria, quam charitas, quia sapientia concordantiam habet cum iustitia, & charitas cum denariis. A sapientia Principis fuit quæsitum, vtrum timorem habebat? Solutio. Sapientia Principis respōdit, quod secundum suam naturam timorem non habebat, nec secundum naturam iustitiæ & enis, qui sunt sui amici.

De Quæstionibus potestatis Principis.

A Principe fuit quæsitum, quare potens esse desiderabat? Solutio. Vade ad rubricam antedictam in ramis arboris imperialis. A Principe quærebatur, vtrum plus sapientiam quam potestatem diligebat? Solutio. Princeps dixit, quod cum sapientia sui consilij regnabat. Potestas Principis quare ploras? Solutio. Respondit potestas, quod plorabat, quia Princeps ipsam destinent otiosam, & fortiter ipsam in faciendo malum vexabat. A potestate Principis quærebat vtrum timorem habebat? Solutio. Potestas respondit, quod habebat timorem de libertate populi sui, quæ crescebat.

De Quæstionibus honoris Principis.

A Principe quærebatur, de quo erat suus honor? Solutio. Vade ad rubricam antedictam in ramis arboris Imperialis. Princeps quare plus honorem diligis, quam denarios? Solutio. Princeps dixit, quod ipse per honorem magis erat imago Dei, quam per denarios. Honor Principis quare ploras? Solutio. Honor dixit, quod

plorabat, quia Princeps per honorem detinebat, in quantum plus seipsum quam Deum honorare affectabat. Honor Principis habes timorem? Solutio. Nullus honor de ita alto in infirmum cadere potest, sicut honor Principis.

De Quæstionibus libertatis Principis.

A Principe fuit quæsitum, vtrum ipse sciebat quid est sua libertas? Solutio. Vade ad rubricam antedictam in ramis arboris Imperialis. Princeps quare ploras? Solutio. Dixit Princeps, quod plorabat quia populus suus plus propter timorem, quam propter amorem ipsum diligebat. Princeps quare habes libertatem? Solutio. Vade ad rubricam virtutis. A libertate Principis quærebatur, quomodo in seruitutem deueniebat? Solutio ibidem.

De Quæstionibus ramorum arboris Apostolicalis.

R Ami arboris apostolicalis quales sunt? Solutio. Vade ad rubricam antedictam. Ab Ecclesia quæsitum fuit, quare sua sunt præcepta? Solutio ibidem. Ecclesia quare ploras? Solutio. Respondit Ecclesia, quod plorabat, quia omnes gentes sibi non sunt obediētes. Festum quare ploras? Solutio. Respondit festum quod plorabat, quia Iudei melius sua Sabbata colebant, quam Christiani dies dominicos.

De Quæstionibus primi præcepti arboris Apostolicalis.

PRæceptum in quo est maius? Solutio. Vade ad rubricam antedictam in ramis arboris apostolicalis. A voluntate quærebatur, vtrum tota obligata erat ad diligendum bonum, & ad euitandum malum? Solutio ibidem. Voluntas cum tu sis naturaliter libera, quare est tibi factum mandatum? Solutio. Dixit voluntas, quod ipsa est libera, vt liberè Deum diligat, & est in seruitute, vt sit obediens. Voluntas, quare tibi præceptum est, quod Deum plusquam teipsam diligas, & tuum proximum tantum, sicut temetipsam? Solutio. Voluntas respondit, quod amabilitas Dei est maior, quam sua, & amabilitas sui proximi æqualis est suæ amabilitati.

De Quæstionibus intellectus, qui est in radicibus arboris Apostolicalis.

AB intellectu quærebatur, in quo est magis subditus? Solutio. Vade ad rubricam antedictam. Cum intellectus sis liber, quare est tibi factum præceptum? Solutio. Dixit intellectus, qd sibi est factum præceptum, quia positus est in persona communi, & quod per timorem sua tota potestate vtatur ad ostendendum veritatē Fidei Ecclesiæ Romanæ Sacrosanctæ. Quærebatur à beato Petro quare Dominus Iesus Christus sibi ter præcepit, quod pasceret oves suas? Solutio. Quilibet prælatus cognoscere debet suum Dominum, seipsum, & suum proximum, & debet amare iterum suum Dominum, seipsum, & suum proximum, & recollere debet suum Dominum, seipsum, & suum proxi-

um. Quærebatur ab intellectu, vtrum culpam haberet, si non procurasset toto suo posse honorem Dei & vtilitatem sui proximi? Solutio. Respondit intellectus, quod Deus non tantummodo præceptum facit parti substantiæ, sed facit præceptum toti substantiæ; & hoc facit, quia Dominus est totius substantiæ, & vt tota substantia sit obediens, ratione cuius obedientiæ tota substantia meritum habeat & gloriam.

De Quæstionibus tertij præcepti ramorum arboris Apostolicalis.

A Memoria quæsitum fuit, in qua persona est magis obligata ad recolendum Deum? Solutio. Vade ad rubricam antedictam. Memoria, quare tibi factum est præceptum magnum & de magnis rebus? Solutio. Memoria dixit, quod præceptum magnum, est, quia Dominus magnus est, & dignus magno honore, & etiam quia ipsa magna est in potestate procurand. magnum bonum, & euitandi magnum malum. Memoria quare ploras? Solutio. Dixit memoria, quod ipsa plorabat, quoniam conscientiam habebat, quia Dominus Iesus Christus non est recolitus, nec honoratus per totum mundum. Memoria vteris ne toto tuo posse ad essendum obediens? Solutio. Memoria dixit, quod hanc quæstionem, ciuitatē Hierusalem faceret in qua est vnus liber, in quo scripta sunt omnia sua opera.

De Quæstionibus quarti præcepti ramorum arboris Apostolicalis.

AB imaginatione quærebatur, in qua persona est magis obligata? Solutio.

Solutio. Vade ad rubricam antedictam. Imaginatio quærebat à cruce, quare stabat in Ecclesia? Solutio. Crux dixit, quod ipsa in Ecclesia stabat vt ipsa magnam passionē quam Deus in ipsa sustinuit recoleret. Ab imagine Domine nostræ quæsiuit imaginatio, quare in Ecclesia erat depicta? Solutio. Imago respondit, quod ipsa in Ecclesia erat depicta, vt peccatoribus bonitatem Domine nostræ ostēderet, & quod spem in Domina nostra habeant. A figura inferni in Ecclesia depicta quæsiuit imaginatio, quid in Ecclesia faciebat? Solutio. Figura inferni dixit, quod ipsa erat in Ecclesia, vt peccatores inobedientes mandatis Dei recolerent magnas pœnas inferni, & vt de illis magnum habeant timorem.

De Quæstionibus quinti præcepti arboris Apostolicæ.

A Potentia sensitiua est quæsitum, Vtrum in parte aut in toto sit sibi præceptum ipsa existente parte hominis? Solutio. Vade ad rubricam antedictam. Quæsitum fuit cui sensui factum est maius præceptum? Solutio. Per nullum sensum Deus tantum honorari potest sicut per affatum & auditum. Quærebat ab affatu, in quo magis erat ociosus? Solutio. Affatus respondit, quod fortius erat ociosus ad ostendendum veritatem fidei Christianæ per totum mundum, quam in aliqua alia re, cum ita sit, quod ad ostendendum veritatem fidei Christianæ sit magis obligatus. Auditus habes conscientiam? Solutio. Auditus dixit, quod ipse conscientiam habet, quia Euangelia non erant audita per vniuersum mundum.

De Quæstionibus sexti præcepti arboris Apostolicæ.

Potentia vegetatiua es obligata ad obediendum Domino tuo, qui te creauit? Solutio. Vade ad rubricam antedictam. Potentia vegetatiua es ociosa? Solutio. Granaria sunt plena blado, quod equos pingues facit, & pauperes macerat. Vegetatiua es bene diuisa? Solutio. Respondit vegetatiua, quod pauperibus illa quæstio fieret. Vegetatiua de quo es? Solutio. Respondit vegetatiua, quod ipsa est de charitate, iustitia, & temperantia.

De Quæstionibus septimi præcepti ramorum arboris Apostolicæ.

Potentia elementatiua es obligata ad seruiendum Deo? Solutio. Vade ad rubricam antedictam. Quærebat ab auro & argento, vtrum erant ociosa? Solutio. Responderunt, quod quæstio illa fieret auaritiæ & pauperibus. Argentum vbi est tuum centrum? Solutio. Dixit argentum, quod suum centrum est in scriniis cum auaritia, & in pauperibus cum charitate. Argentum quare es ita magnum? Solutio. Argentum dixit, quod est ita magnum, vt diuitibus & pauperibus sufficiat.

De Quæstionibus ramorum arboris Cælestialis.

Rami arboris cælestialis quales sunt? Solutio. Vade ad rubricam antedictam. A planetis quærebat philosophus, quomodo eorum qualitates appropriatæ debeant ordinari? Solutio ibidem. Philosophus quærebat ab igne, vtrum influentiam recipiebat à Leone aut à Sole? Solutio. Flös accipit

generationem & principium in ramo, qui venit ex radicibus, ex trunco, & ex branchis. Sol. Dixit Philosophus, de quo es? Solutio. Ramus pomerij est ex radicibus, ex trunco, & ex branchis. Sol, quare est tuus motus ab occidente ab orientem? Solutio. Ex duobus motibus contrariis maiores exeunt impressiones & passionēs. Sol, quare mouetur de oriente ad occidentem cum naturaliter moueatur de occidente ad orientem? Solutio. Marinarius qui se mouet de prora nauis ad puppim, mouetur in motu nauis de puppi ad proram. Quare Saturnus est de complexione terræ? Solutio. Vade ad rubricam virtutis. Saturnus quare dies sabbathi est tuus? Solutio. In septimana non est aliqua dies ita alta, sicut dies sabbathi. Philosophus à Sole quærebat, vtrum faciem habebat? Solutio. Illæ partes nobiliores sunt, qui prius vadunt, quam illæ quæ vltimò. Philosophus à Sole quæsiuit, quare faciebat, 365. dies, & sex horas in anno, & non plures, neque pauciores? Et etiam à planetis quæsiuit quare sunt septem, & non plures, neque pauciores? Solutio. Vade ad rubr. virtutis.

De Quæstionibus ramorum arboris Angelicalis.

R Ami arboris angelicalis quales sūt? Solutio. Vade ad rubricam antedictā. Ab angelo fuit quæsitū quomodo rami sui erant mixti? Solutio ibidem. Quæsitum fuit ab Angelo, vnde sua influentia exit? Solutio. Ex virtute brancharum pomerij exeunt rami, ex quibus exeunt flores & fructus. Quæsitum est à ramo angeli, quomodo stat supra branchas? Solutio. Vade ad rubricam virtutis. Intelligere angeli quomodo est magnum? Solutio

ibidem. Obstinatio angeli mali, quare est? Solutio ibidem. Intelligere angeli est successiue aut subito? Solutio ibidem. Angelus habet deliberationem ad faciendum bonum? Solutio ibidem. Quærebat ab angelo, quare maius habet intelligere, quam homo, cum ita sit, quod homo participet cū omnibus creaturis? Solutio ibidem. Quærebat ab angelo, qui oculos corporales non habet, quomodo conuertebat visibilitatem coloris, in visibilitatem intelligendi? Solutio ibidem.

De Quæstionibus ramorum arboris æiternalis.

R Ami arboris æiternalis quales sunt, & quot sunt? Solutio. Vade ad rubricam antedictam. Quæsitum fuit à Paradiso, vtrum aliquod meritum sit ita magnum, sicut ipse est? Solutio. Nullum meritum bonitatis acquisitum est in æiternitate. Ab inferno quærebat, vtrum culpa peccatoris sit ita magna, sicut ipse? Solutio. Omnis culpa est contra infinitatem Dei. Quærebat à iustitia Dei, vtrum sit Purgatorium? Solutio. Si Purgatorium non esset, iustitia Dei esset ociosa in quibusdam hominibus peccatoribus, qui in hac vita penitentiam non agunt. Quæsitum est à Purgatorio, de quo est? Solutio. Purgatorium dixit, quod est de capite æiternitatis Inferni, & de priuatione caudæ. A peccatoribus fuit quæsitum, vtrum illi qui sunt in Purgatorio, desiderant ad hanc vitam redire, vt de Purgatorio exire possint? Solutio. Ad fugiendum pœnas maiores, homines desiderant pœnas minores. Paradise, habes pietatem de illis hominibus, qui sunt in Inferno? Solutio. Paradisus respondit, quod tantum iustitiam Dei diligebat,

bat, quod amor non vult, quod ipse pietatem habeat de illis, qui ipsum blasphemant. Inferne, diligis aliquem hominem, qui sit in Paradiso? Solutio. Dixit Infernus, quod ipse nullum bonum diligebat, quia totus est peruersus ad malum diligendum. Inferne es saturatus? Solutio. In nulla substantia, in quo finis est in priuatione potest fieri saturatio. Inferne, quare Deum, qui est bonus, blasphemas? Solutio. Infernus respondit, quod ipse totus in malum est peruersus, & est ita contrarius Paradiso: sicut color niger contrarius est albo colori.

De Quæstionibus ramorum arboris maternalis.

R Ami arboris maternalis quales sunt? Solutio. Vade ad rubricam antedictam. A Domina nostra quærebatur, quomodo est mater misericordiae? Solutio ibidem. Quærebatur à sancto Gabriele, quare nullus homo peccator habet desperantiam? Solutio. Sanctus Gabriël dixit, quod nullus qui benè Dominam nostram cognosceret, desperantiam habere posset. Ab vno magno peccatore quærebatur, quare habebat spem in Domina nostra? Solutio. Dixit peccator, quod ipse spem habebat in Domina nostra, quia sua spes est similitudo spei Dominae nostræ. A Domina nostra quærebatur cum peccatores sint contra suum Filium, quare pietatem habet de ipsis? Solutio. Dixit Domina nostra, quod ipsa non habebat pietatem de peccatoribus, qui pietatem non habent, sicut de ipsis, qui spem non habent, non habet pietatem. Pietas quare ploras? Solutio. Dixit pietas, quod plorabat, quia magna in hominibus non erat. Peccator, quare habes spem

in Domina nostra? Solutio. Peccator dixit, quod spem in Domina nostra habebat, quia sua erat aduocata. Peccator, cum Domina nostra est tua aduocata, & tu quare non es aduocatus in honorando ipsam per mundum vniuersum? Solutio. Peccator respondit, quod ex tunc suum posse faceret in honorando ipsam. Regina vxor Regis, quare non es superba? Solutio. Regina respondit, quod ipsa proposuerat quod omni tempore foret humilis, postquam ipsa viderat Filium Dominae nostræ in pariete iacere depictum inter bouem & asinum. Filia Regis, quare diligis virginitatem, & non vis habere maritum? Solutio. Dixit Filia Regis, quod ipsa virginitatem diligebat, vt in aliquo similis esset Dominae nostræ, quam plusquam seipsam diligebat.

De Quæstionibus ramorum arboris Iesu Christi.

R Ami arboris Iesu Christi quales sunt? Solutio. Vade ad rubricam antedictam. A Domina nostra fuit quæsitum, vtrum plus Filium suum, quam seipsam diligebat? Solutio. Domina nostra respondit quod ipsa ab ipso inhonorata erat, à quo huiusmodi quæstio sibi facta erat, cum ita sit, quod suus Filius amabilius est, quam omnes creaturæ. Quæsitum est à Domina nostra, vtrum Deus creare posset aliquam creaturam suo Filio nobiliorem? Solutio. Vade ad rubricam virtutis. Quæsitum est à Domina nostra, vtrum amor quem habuit natura diuina ad humanam personam producit? Solutio. Domina nostra dixit, quod in incarnatione natura diuina humanitatem assumpsit, & non personam: quoniam iam persona erat, & ideo personam

assumere non indigebat. Quæsitum est à Domina nostra, vtrum Filius suus secundum naturam suam humanam omnes creaturas & omnia opera earum intelligat & rationes? Solutio. Domina nostra dixit, quod secundum naturam nulla pars mundi intelligere potest omnes mundi intelligibilitates, cum ita sit, quod nulla pars possit totaliter comprehendere totum, sed inquantum suus Filius est Deus, totum mundum & omnes suas partes intelligit. A Domina nostra quærebatur, vtrum suus filius est melior quam omnes creaturæ? Solutio. Domina nostra respondit, quod quia Deus diligit esse Filium suum, & non diligit esse aliam creaturam, est melior Filius suus quam omnes creaturæ. A Domina nostra quæsitum est, vtrum Deus plus diligit Filium suum quam omnes creaturas? Solutio. Domina nostra dixit, quod amatus quem amans diligit esse, est magis amatus quam alius amatus, quem amans non vult esse. Quærebatur à Domina nostra, vtrum Filius suus inquantum homo totam naturam diuinam & omnes rationes diuinas intelligat? Solutio. Domina nostra respondit, quod Filius suus inquantum homo rationes infinitas & infinitam naturam comprehendere non potest, cum sit finitus, sed inquantum Filius suus Deus est, omnes rationes diuinas & totam diuinam naturam intelligit. A Domina nostra fuit quæsitum, postquam omnes homines sunt de natura Filij, quare sustinet quod aliquis homo sit in seruitute diaboli in inferno? Solutio. Domina dixit, quod Filius suus plus diligit iusticiam Dei, quam suam humanam naturam. A Domina nostra fuit quæsitum, vtrum Filius suus inquantum homo aliquem peccatorem ad damnationem iudicabat, cum ita

sit, quod quilibet peccator sit de sua natura, & etiam quia ipsa rogat Filium suum pro peccatoribus, & suus Filius ei magnum habet amorem? Solutio. Domina nostra respondit, quod inquantum Filius suus est Deus & homo, & ambæ naturæ vna sunt persona, est vnum iudicium illius personæ, sed inquantum vna est natura diuina & alia est natura humana, Filius suus inquantum homo & natura hominis rogat pro peccatoribus diuinam personam, per cuius preces dixit Domina nostra, quod ipsa est mater peccatorum, qui in ipsa spem habent.

De Quæstionibus ramorum arboris diuinalis.

R Ami arboris diuinalis quales sunt? Solutio. Vade ad rubricam antedictam. Rami arboris diuinalis quomodo sunt? Solutio ibidē. Deus quomodo generat & spirat? Solutio ibidē. Generatio & spiratio quomodo sunt hoc quod sunt? Solutio ibidem. Diuina bonitas quomodo est ratio diuinæ naturæ? Solutio ibidem. Diuina bonitas quomodo est ratio aliis diuinis rationibus? Solutio ibidem. Deus quomodo est purus actus? Solutio ibidem. A bonitate diuina quærebatur, vtrum suus actus est moralis aut naturalis? Solutio. Nulla moralitas est æterna & infinita. Et vade ad rubricam virtutis. Generatio & spiratio in Deo quomodo sunt distinctæ? Solutio ibidem. Deus quomodo est principium in seipso? Solutio ibidem.

De Quæstionibus ramorum arboris exemplificalis, & elementalis.

A Cucurbita quærebat^{ur} & à pipe-
Are, quod eorum est Deo simili^{us}?
Solutio. Vade ad rubricam antedi-
ctā. Ignis quomodo significat produ-
ctionem diuinarum personarum? So-
lutio ibidem. Ociositas ignis quomo-
do significat incarnationem Filij Dei?
Solutio. Si Deus non diligeret esse in-
carnatus, diligeret esse ociosus in creā-
do nobiliorem creaturam, quæ creari
potest. Et vade ad rubricam virtutis.
Cum Christiani sint in veritate, & om-
nes alij homines sint in errore, quare
sunt ita pauci in comparatione alia-
rum nationum, & quare tot illo-
rum existunt in peccato? Solutio ibi-
dem.

De quæstionibus prouerbiorum, ra- morum arboris vege- talis.

A Priuatione quærebat^{ur}, vtrum ha-
bebat aliquam entitatem positi-
uam? Solutio. Vade ad rubricam an-
tedictam. Pulchritudo Domine cum
est mortua, vbi stat? Solutio ibidem
ad primum paragr. Pulchritudo Dei
quomodo est pulchritudo hominum?
Solutio ibidem ad primum paragraph.
Pulchritudo quomodo stat in mare?
Solutio ibidem ad secundū paragraph.
A castitate quærebat^{ur}, quare pul-
chrior est, quam facies pulchræ Do-

minæ? Solutio ibidem ad tertium pa-
ragraph. A bonitate fuit quæsitum,
quare pulchrior est in anima, quam in
corpore? Solutio. Mantellus, & cæ-
tera ornamenta pulchræ Domine fa-
ciunt luxuriam sapius recoli & super-
biam, quam bonum recollere & amare.
Et vade ibidem ad quartum paragra-
ph. A pulchritudine Domine quæsitum
est, vtrum sit mortua aut viua? Solutio
ibidem ad quintum paragraph. Ancil-
la quare ploras? Solutio ibidem ad sex-
tum paragraph. Pulchritudo Domine
es bona? Solutio ibidem ad septimum
paragraph. Ab auro & argento quæ-
rebat^{ur}, vtrum plus, quam aliqua
pulchritudo valebant? Solutio ibidem
ad octauum paragraphum. Pulchri-
tudo in quo es immortalis? Solutio
ibidem ad nonum paragraphum. Pul-
chritudo in quo es maior? Solutio ibi-
dem ad decimum paragr. Quare Do-
mina pulchra speculum rupit? Solu-
tio ibidem ad vndecimum paragra-
phum.

De Quæstionibus prouerbiorum ramorum arboris sen- sualis.

A Vditus, quis tibi pulchritudinem
Domine manifestabat? Solutio.
Vade ad rubricam antedictam. Audi-
tus, quale nomen pulchrius, & genera-
lius est? Solutio ibidem ad primum
paragr. Quærebat^{ur} à participatione
in quo est maior? Solutio ibidem ad
secundum paragr. A morte quæreba-
tur, quis eam occidit & deuicit? Solu-
tio ibidem ad tertium paragr. A iu-
stitia quærebat^{ur}, qualis est maior iu-

dex? Solutio ibidem ad quartum paragraph. Ab oculis quæbatur in quo est eorum maior gloria? Solutio ibidem ad quintum paragr. A mundo quæsitum est quare creatus est? Solutio ibidem ad sextum paragr. A pietate quæbatur in quo est maior? Solutio ibidem ad septimum para. Error, quare es ita magnus? Solutio. Propter priuationem charitatis est error multiplicatus. Et vade ad octauum paragr. rubri. antedictæ. A Iesu Christo quæbatur, vtrum oblitus est suâ ciuitatem Hierusalem? Solutio. Iesus Christus illos pastores recolit, qui suâ ciuitatem Hierusalem obliuiscuntur. Et vade ad nonum paragr. rubri. antedictæ. A bonitate quæbatur, in quo est melius ipsam recolere, intelligere, & amare? Solutio ibidem ad decimum paragraph. Affatus quæsiuit, de quo erat melius loquendum. Solutio ibidem ad vndecimum paragraphum.

De Quæstionibus prouerborum ramorum arboris imaginalis.

Quæbatur ab imaginatione, cum quo diuitias hominû reuelauit? Solutio. Vade ad rubri. antedictam. Imaginatio, quare plures homines diuites pauperes deueniunt? Solutio ibidem. Gustus, quare te occidit auaritia? Solutio ibidem. Gustus, quare de oculis conquereris? Solutio ibidem.

De Quæstionibus exemplificalibus ramorum arboris humanalis.

Quæbatur ab oratione quomodo ad cælum ascendeat? Solutio. Vade ad rubricam antedictam. Ab intentione quæbatur quæ est ratio quare plures Christiani vadunt ad

infernum? Solutio ibidem. Oratio, quare imaginationem dimisisti? Solutio ibidem. Ab oratione quæsitum est, quomodo homines veniunt ad saluationem? Solutio ibidem.

De Quæstionibus prouerborum ramorum arboris moralis.

A Libertate quæbatur, vtrum ipsa Regem consulebat? Solutio. Vade ad rubricam antedictam. Maius bonum quis te consulit? Solutio ibidem. Sancte homo, quare non diligis venerari, & quare vercûdiam non habes, quando es inhonoratus? Solutio ibidem. Sancte homo, quomodo tuis amicis consulis? Solutio ibidem.

De Quæstionibus prouerborum ramorum arboris Imperialis.

Et primò de Iniustitia.

Rex cum coronatur, quomodo incipere debet ad regnandum? Solutio. Vade ad rubricam antedictam. A Rege quæbatur, quare tristitiam habebat? Solutio ibidem in rubrica de iustitia. Diuina voluntas, quomodo habere potes quicquid vis? Solutio ibidem ad secundum paragr. Largitas Dei das adeo nobile donum bonitati, sicut voluntati? Solutio ibidem ad tertium paragr. Iustitia Dei es ociosa? Solutio ibidem ad quartum paragr. Iustitia & misericordia Dei estis æquales in bonitate, potestate, sapientia, & voluntate? Solutio ibidem ad quintum paragr. Quæbatur à Deo quare naturam humanam assumpsit? Solutio ibidem ad sextum paragr. Iustitia, dixit peccator, quid mihi affers? Solutio ibidem ad septimum paragr. Peccator, quare temetipsum iudicas?

Solu

Solutio ibidem ad octauum paragra-
ph. Iustitia, quare melius quam aurum &
gentum vales? Solutio ibidem ad non-
num paragrah. Peccator cui teipsum
exhibes? Solutio ibidem ad decimum
paragr. Misericordia & charitas, quis
est in vestra societate? Solutio ibidem
ad vndecimum paragrahum.

De Quæstionibus sapientie.

Peccator quid desideras? Solutio.
Vade ad rubricam antedictam. Sa-
pientia Dei intelligis omnia? Solutio
ibidem ad secundum paragr. A boni-
tate Dei quærebatur, vtrum bonifica-
bilis erat de sua natura? Solutio ibi-
dem ad tertium paragrahum. Intelle-
ctus Dei quomodo est magnus? Solu-
tio ibidem ad quartum paragr. Inten-
tio quomodo est ratio productioni?
Solutio ibidem ad quintum paragr.
Intelligere, quare es in sapientia Dei?
Solutio ibidem ad sextum paragrah.
Intelligere Dei, quomodo es remotum
à contrarietate? Solutio ibidem ad se-
ptimum paragrah. Sapientia Dei, in
quo homine es maior? Solutio ibi-
dem ad octauum paragrah. Intelle-
ctus creatus, quomodo obligatus es ad
multum intelligendum? Solutio ibidē
ad nonum paragrah. Ab æqualitate
quærebatur, quomodo in Deo consi-
stit? Solutio ibidem ad decimum pa-
ragrahum.

De Quæstionibus amoris.

Quærebatur à Deo de quo memo-
riam habet? Solutio. Vade ad ru-
bricam antedictam. Voluntas diuina
es ita magna, sicut magnitudo? Solu-
tio ibidem ad secundum paragrah.
A Deo quæsitum est, vtrum in Deo sit
odire? Solutio ibidem ad tertium pa-

ragraph. Diuina veritas quomodo es
ita magna? Solutio ibidem ad quar-
tum paragrah. Diuina voluntas, quo-
modo es perfecta? Solutio ibidem ad
quintum paragrah. Peccator à cha-
ritate quæsiuit, vtrum sibi dare posset?
Solutio ibidem ad sextum paragrah.
Heremita à Deo quæsiuit, quomodo
sibi cauere posset, quod peccatum nō
committeret? Solutio ibidem ad sep-
timum paragrah. Charitas, dixit he-
remita, posses emi pro denariis, pro ca-
stris, & pro ciuitatibus? Solutio ibid.
ad octauum paragrah. Quidam Rex
à quodam quæsiuit sapiente, quomo-
do sibi cauere posset, quod aliquis ho-
mo ipsum non decipiat? Solutio ibi-
dem ad nonum paragrah. Homo
pauper à Deo quæsiuit, quomodo ma-
jus donum dare posset? Solutio ibid.
ad decimum paragrah.

De Quæstionibus potestatis.

Heremita à Deo quæsiuit, vtrum
per seipsum, aut per alium est
Deus? Solutio. Vade ad rubricam an-
tedictam. Quæsiuit heremita à Deo,
vtrum sua potestas quantitatem habe-
bat? Solutio ibidem ad secundum pa-
ragrah. A potestate Dei quæsiuit he-
remita, quomodo bonitati sufficere
potest? Solutio ibidem ad tertium pa-
ragrah. Heremita quæsiuit à Deo,
vtrum aliquam personam deificare
posset? Solutio ibidem ad quartum
paragrah. Heremita à potestate quæ-
siuit, quomodo est Deus? Solutio ibi-
dem ad quintum paragrah. Deus
quomodo miracula facere potest? Solu-
tio ibidem ad sextum paragrah. Po-
testas in quo est nobilior? Solutio
ibidem ad septimum paragrah. Po-
testas in quo est magis utilis? Solutio
ibidem ad octauum paragrah. Pote-
stas

stas quomodo potes melius te communicare? Solutio ibidem ad nonum paragraph. Potestas per quem modum te fortiozem ostendis? Solutio ibidem ad vltimum paragraph.

De Quæstionibus timoris.

Heremita à Deo quæsiuit, quare timorem non habet? Solutio. Vade ad rubricam antedictam. Deus quare es maior Dominus? Solutio ibidem ad secundum paragraph. Timor quid est? Solutio ibidem ad tertium paragraph. Timor quomodo es melior? Solutio ibidem ad quartum paragraph. Timor quomodo facis hominem legalem? Solutio ibidem ad quintum paragraph. Timor quomodo es causa honoris? Solutio ibidem ad sextum paragraph. Timor quomodo es in æqualitate potestatis & bonitatis? Solutio ibidem ad septimum paragraph. Timor debes tantum misericordiam timere sicut iustitiam? Solutio ibidem ad octauum paragraph. Timor ad quid es vtilis? Solutio ibidem ad nonum paragraph. Timor in quo tempore es melior? Solutio ibidem ad vltimum paragraph.

De Quæstionibus honoris.

Honor, quare ploras? Solutio. Vade ad rubricam antedictam. Voluntas, quomodo facis Deo honorem? Solutio ibidem ad secundum paragr. Hypocrita, scis Deum honorare? Solutio ibidem ad tertium paragraphum. Nomen Dei, es multum honoratum? Solutio ibidem ad quartum paragr. Iustitia quare rides? Solutio ibidem ad quintum paragr. Honor quomodo potes esse maior? Solutio ibidem ad sextum paragraph. Peccatum quare

rides? Solutio ibidem ad septimum paragraph. Honor regis quomodo vadis? Solutio ibidem ad octauum paragr. Superbia quare ploras? Solutio ibidem ad nonum paragraph. Iustitia quid scribis? Solutio ibidem ad decimum paragraphum.

De Quæstionibus libertatis.

Heremita quæsiuit à Deo, quomodo est liber? Solutio. Vade ad rubri. antedictam. Potestas Dei, habes libertatem? Solutio ibidem ad secundum paragr. Potestas per teipsam habes libertatem? Solutio ibidem ad tertium paragraph. Libertas quomodo es maior? Solutio ibidem ad quartum paragr. Libertas, posses emi? Solutio ibidem ad quintum paragr. Libertas, quare es in seruitute? Solutio ibidem ad sextum paragr. Libertas quare es? Solutio ibidem ad septimum paragraph. Peccator, habes libertatem quod ex eas de peccato? Solutio ibidem ad octauum paragr. Virtus potes esse in seruitute? Solutio ibidem ad nonum paragr. Seruitus vales plus, quam libertas? Solutio ibidem ad vltimum paragr.

De Quæstionibus exemplorum ramorum arboris Apostolicalis.

Punctus transcendens, in quo stas? Solutio. Vade ad rubricam antedictam. Heremita quæsiuit à voluntate & ab intellectu, vtrum sint magni in potestate? Solutio ibidem. Intellectus, quale est tuum meritum? Solutio ibidem. Imaginatio, quomodo deuinceris? Solutio ibidem.

De Quæstionibus exemplorum ramorum arboris Cælestialis.

TEntatio quare es? Solutio. Vade ad rubricam antedictam. Tentatio quomodo es deuicta? Solutio ibidem. Gemini à cancro quæsiuit, quare maiorem concordantiam habet cum Saturno, quam cum Ioue? Solutio ibidem. Sagittarius à Saturno & à Ioue quæsiuit, quare est vnus iuxta alium postquam contrariantur? Solutio ibidem.

De Quæstionibus exemplorum ramorum arboris Angelicalis.

PRior quare bonus es ad essendum Abbas? Solutio. Vade ad rubricam antedictam. Capitulum quare es infirmum? Solutio ibidem. Capitulum, quomodo potes esse sanum? Solutio ibidem. Abbas quare timorem habes de toxica? Solutio ibidem.

De Quæstionibus exemplorum ramorum arboris Euternalis.

Confessio, quomodo vincis peccatum? Solutio. Vade ad rubricam antedictam. Confessio, quare bonum est te vti? Solutio ibidem. Confessio, quare ploras? Solutio ibidem. Confessio, habes ita magnum timorem sicut verecundiam? Solutio ibidem.

De Quæstionibus exemplorum ramorum arboris maternalis.

Voluntas, de quo societatem diligis? Solutio. Vade ad rubricam antedictam. Voluntas, quis tibi consulit quod non sis ociosa? Solutio ibi-

dem. Princeps vitiose, quare diligentiam habes ad faciendum malum? Solutio ibidem. Potestas Principis, quare timorem habes? Solutio ibidem,

De Quæstionibus exemplorum ramorum arboris Iesu Christi.

Peccator à misericordia quæsiuit, quomodo iustitiam Dei deuincere posset? Solutio. Vade ad rubricam antedictam. Misericordia à peccatore quæsiuit, quare erat in tristitia? Solutio ibidem. Peccator à misericordia quæsiuit, quomodo desperantiam deuincere posset? Solutio ibidem. Peccator à misericordia quæsiuit, quomodo tentationem cognoscere posset? Solutio ibidem ad vltimum paragr.

De Quæstionibus exemplorum ramorum arboris diuinalis.

Quærebatur à dare, quare plus homines hilares faciebat, quam accipere? Solutio. Vade ad rubricam antedictam. Verecundia, dixit heremita, quare plus es in accipere secundum virtutem, quam in dare? Solutio ibidem. Necessitas, habes à Deo magnā concordantiam cum accipere sicut largitas cum dare? Solutio ibidem. Quærebatur à charitate, quomodo concordantiam habebat cum accipere. Solutio ibidem.

De Quæstionibus Foliorum. Et primò arboris elementalís.

De Quantitate.



QUÆREBATVR à quantitate ignis, vtrum substantialis esset, aut accidentalis? Solutio. Si quantitas esset pars substantialis

Substantiæ, bonitas & magnitudo, duratio, potestas, & aliæ radices arboris elementalis essent ita magnæ, & ita bonæ per vnam quantitatem sicut per aliam. Et vade ad rubricam antedictam. Quantitas, quomodo es & de quo es? Solutio ibidem. Quantitas continua quomodo es, & discreta? Solutio ibidem. Quantitas, quare es? Solutio ibidem.

De Quæstionibus foliorum arboris vegetalis.

De Quantitate.

Quærebatur à quantitate piperis, vtrum esset de quantitate ignis & aliorum elementorum? Solutio. Quantitas oleæ & oleastri in quo olea inserta est, sunt quantitates discretæ de vna continua quantitate, & quantitas oleæ viuit de quantitate oleastri. Et vade ad folia arboris vegetalis. A colore rosæ quæsitum est, vtrum sua quantitas sit composita? Solutio. Substantia rosæ composita est de essentia arboris elementalis, & vegetalis, sub cuius compositione omnes suæ partes sunt compositæ. Et in hoc passu magnum secretum naturale reuelatum est. Quærebatur à rosa quomodo quantitas sua crescebat? Solutio. In quantitate aquæ consistit in potentia quantitas rosæ priusquam generetur, & cum rosa crescit sua quantitas clementum accipit ex quantitate quæ est in potentia in aqua. A sapore pomi quærebatur, vtrum habebat quantitatem vnam aut plures? Solutio. Quia pomum est de elementatiua, & vegetatiua eius sapor duas habet quantitates.

De Quæstionibus foliorum arboris sensualis.

De Quantitate.

A Quantitate equi quærebatur, vtrum sit simplex, aut composita? Solutio. Vade ad folia antedicta. Quæsitum est à quantitate equi, quare non est visibilis postquam equus est visibilis? Solutio. Color equi tantummodo est ex arbore elementali sicut suus calor, & quia visibilitas est tantum ex arbore sensuali, nulla quantitas coloris est visibilis: & quia substantia equi ex omnibus tribus arboribus est composita per accidens est visibilis. Quærebatur ab equo, quomodo suæ quantitates ad inuicem sunt mixtæ, cum ita sit, quod illæ non sint partes substantiales? Solutio. In motu naui mouentur marinarij de vno loco in alium. Et vade ad folia virtutis. Ab equo quærebatur, vtrum in illo quantitas sui sensus sit de quantitate sui coloris & saporis? Solutio. Nullum humidum radicale est idem numero cum humido nutrimentali, & hoc facit differentia, quæ essentias per species facit esse differentes.

De Quæstionibus foliorum arboris imaginalis.

De Quantitate.

A B imaginatione quærebatur quomodo quantitatem substantiarum accipit? Solutio. Vade ad rubricam antedictam. Imaginatio accipit ante similitudinem quantitatis elementalis, quam vegetalis & sensualis? Solutio. Omne subiectum magis imaginabile est per colorem, quam per saporem.

saporem vel per sentire. Ab imaginatione quærebat, quomodo numerum ternarium imaginatur? Solutio. Imaginatio respondit, quod ipsa primo quantitatem vnius imaginabatur, & postmodum quantitatem secundi, deinde quantitatem tertij ex his omnibus tribus quantitibus particularibus vnam communem quantitatem trahebat, existentem sub numero ternario. Et vade ad rubricam virtutis. Ab imaginatione quærebat, vtrum numerus quem illa producit aliquam habeat quantitatem realem, vel si sit tantum ex similitudinibus? Solutio. Imaginatio respondit, quod ille numerus quem illa ex substantiis producit, non dicit aliquam realem entitatem secundum naturam substantiarum ex quibus ipsa numerum trahit, sed in quantum in seipsa numerum illum sustentat est actus, quem ipsa in numero habet ens reale in hoc quod est actus suus, qui est de natura sua & virtute, & in hoc passu est plurimum de Philosophia.

De Quæstionibus foliorum arboris humanalis.

De Quantitate.

Quarebatur à quantitate hominis quomodo ex pluribus est vna? Solutio. Vade ad rubricam antedictam. Anima, dixit heremita, cum tu quantitatem extensiuam non habes, quomodo per totum corpus Martini es extensa? Solutio. Sicut in pomo sapor potest per totum colorem extendi, quamuis sapor non sit de specie coloris, ita anima rationalis per totum corpus extendi potest, quamuis sua quantitas naturam non habeat longi, ampli & profundi. Anima rationalis

cum tua substantia non sit augmentabilis, & es per totum corpus hominis magni, quomodo potes per totum ipsum esse, cum tu tota in illo corpore eras, cum erat paruum? Solutio. Sicut sapor pomi in colore extensus est, licet non sit de genere coloris, ita anima rationalis extensa est secundum quod corpus extenditur, licet non sit de natura longi, ampli & profundi. Anima rationalis, habes quantitatem? Solutio. Vade ad rubricam virtutis.

De Quæstionibus foliorum virtutum moralium.

De Quantitate.

Iustitia, cum tu quantitatem non habes realem, quomodo crescere potes aut diminui? Solutio. Imaginatio crescit & similitudinem substantiæ dimittit, quamuis illa similitudo ens reale non sit, quam multiplicat vel dimittit, secundum quod imaginatio magnum aut paruum habet actum. Iustitia tua quantitas est visibilis? Solutio. Nulla moralitas potest esse visibilis, quia colorem non habet. Iustitia crescis in actu per potentiam, aut per obiectum? Solutio. Nulla passio multiplicat seipsam. A iustitia quærebat, vtrum quantitatem habebat? Solutio. Vade ad rubricam antedictam.

De Quæstionibus foliorum arboris vitiosa.

De Quantitate.

Luxuria, habes quantitatem? Solutio. Vade ad rubricam antedictam. Luxuria, quomodo crescis aut diminuis, cum tu sis priuatio castitatis, & priuatio non sit subiectum quanti-

tatis quæ sit suus habitus? Solutio ibidem. Luxuria habes aliquam quantitatem realem? Solutio. Luxuria respondit, quod ipsa habere non poterat aliquam quantitatem realem, postquam erat pura priuatio castitatis. Luxuria postquam nulla priuatio moralis ponit aliquam realem entitatem, de qua est tua quantitas? Solutio. Luxuria respondit, quod ipsa erat ex motu inordinato contra ordinem & matrimonium. Et vade ad rubricam virtutis.

De Quæstionibus foliorum arboris imperialis.

De Quantitate.

Iudex quomodo debet vti quantitate in iudicio? Solutio. Vade ad rubricam antedictam. Scientia iuris civilis quomodo poni potest in cæteris terminis? Solutio ibidem. Emprio & venditio quomodo conditionatæ sunt per quantitatem? Solutio ibidem. Iudex cum quo veritatem inueniet? Solutio ibidem.

De Quæstionibus foliorum arboris Apostolicæ.

De Quantitate.

Quaritur vtrum in summa Trinitate sit quantitas? Solutio. Vade ad rubricam antedictam. Cum personæ diuinæ distinctæ sint, quomodo possunt esse sine quantitate? Solutio. In nullo supposito quod sit de natura infinitatis & æternitatis, potest esse quantitas. Essentia diuina cum sit in distinctis personis, cum quo est indiuisibilis? Solutio. Pater est tota essentia, & de toto se ipso Filium producit, remanet ergo tota essentia in Patre &

in Filio, & idem est de Spiritu sancto. Cum diuina bonitas non sit bonitas creata, quomodo potest esse sine quantitate, ipsa existente terminata in bonitate creata? Solutio. In pomo sapor non est de natura coloris, & terminatus est per distinctionem in colore.

De Quæstionibus foliorum arboris Cælestialis.

De Quantitate.

Quomodo quantitas in firmamento consideratur? Solutio. Vade ad rubricam antedictam. In sole quomodo discretæ quantitates considerantur? Solutio ibidem. Quantitas ignis quomodo influentiam recipit à quantitate solis, qui suum proprium subiectum non dimittit? Solutio ibidem. Discretæ quantitates firmamenti quomodo stant sub vna quantitate continua? Solutio. In bonitate bonificans, bonificabile, & bonificare, distincta sunt per quantitates discretas, quæ sunt de communi quantitate bonitatis.

De Quæstionibus foliorum arboris Angelicæ.

De Quantitate.

Quaritur, vtrum Angelus habeat quantitatem? Solutio. Vade ad rubricam antedictam. Cum Angelus naturam corporis non habeat, suæ discretæ quantitates, quomodo sunt inuicem coniunctæ? Solutio. Amans stat in amato per amare, & in motu naui mouentur marinarij. Discretæ quantitates substantiæ Angeli multiplicant communem quantitatem assitutam in circulo, aut in triangulo.

gulo, aut quadrangulo? Solutio. In substantiis spiritualibus sunt ita discretæ quantitates in figura numeri, sicut in corporalibus in figura circuli, trianguli, aut quadranguli. Vtrum plures sint boni Angeli, quam mali, cum plures homines sint mali quam boni? Solutio. Nulla magnitudo mali Angeli cum magnitudine Dei habet concordantiam.

De Quæstionibus foliorum arboris æternalis.

De Quantitate.

Æternitas quomodo habet quantitatem? Solutio. Vade ad folia antedicta. Lucifer considerat numerum annorum? Solutio. In flamma ignis non est nox, nec in Cælo empirio non est nisi vna dies. Dæmon quare non habet spem? Solutio. Si in inferno haberet æternitas annorum numerum, quilibet damnatus habere posset spem in Deo. Vnus angelus habet ita magnam quantitatem sicut alius? Solutio. Omnia opera meritoria angelorum non sunt æqualia.

De Quæstionibus foliorum arboris maternalis.

De Quantitate.

Quæ est maior maternitas? Solutio. Vade ad folia antedicta. Moralis quantitas Domine nostræ est adeo magna sicut naturalis? Solutio. Quantitas naturalis humanitatis Christi, non est de morali quantitate Domine nostræ. Pietas Domine nostræ est maior, quam culpa peccatoris? Solutio. Vade ad rubr. virtutis. Domina nostra considerat numerum hominum

saluatorum & damnatorum? Solutio. Qualibet die Domina nostra suum Filium rogat, quod ipsam faciat matrem plurium hominum.

De Quæstionibus foliorum arboris Iesu Christi.

De Quantitate.

Natura diuina cum sit infinita, quomodo participare potest cum quantitate? Solutio. Vade ad folia antedicta. Humanitas Christi cum terminatam habeat quantitatem, quomodo ex illa tota persona quæ est Deus, potest indui, quæ siquidem persona est infinita? Solutio. Diuina voluntas quæ est persona, vult quod totus Filius sit incarnatus: & potestas Dei perficere potest omne id, quod vult voluntas, quæ est infinita. Diuina natura Iesu Christi quæ est persona, quomodo sine quantitate consistit, & quod Filius incarnatus sit, & non Pater, nec Spiritus sanctus? Solutio. Calor piperis, & calor flammæ, in quantum calor, non est diuisibilis. Cum Filius sit incarnatus, & non Pater, nec Spiritus sanctus, participant tantum Pater & Spiritus sanctus, cum natura humana, sicut Filius? Solutio. In essentia in qua quantitas non est, non potest esse comparatio maioritatis & minoritatis.

De Quæstionibus foliorum arboris diuinalis.

De Quantitate.

Cum in Deo sit bonitas vna ratio, & magnitudo alia, & idem est de æternitate, potestate, & cæteris, quomodo possunt esse sine quantitate? So-

Iutio. Quia bonitas & magnitudo, & alia rationes sunt in vno eodem numero: non potest esse in illis quantitas, quamuis sint rationes reales. Et vade ad folia antedicta. Cum Pater generet Filium, & non Spiritum sanctum, & spirer sanctum Spiritum & non spirer Filium, quomodo potest esse sua productio sine quantitate? Solutio. Ignis regulam desiccat, & ceram dissoluit, ita quod diuersitas operis differentis, per differentiam subiectorum virtutem ignis non diuersificat. Substantia Dei quomodo potest esse extensa per totum intra firmamentum, & extra sine quantitate? Solutio. Extensitas substantia spiritualis quantitatem non habet, neque mensuras, postquam non habet figuram circuli, quadranguli, nec trianguli. Et dicimus, quod est extensa, vt ipsam per totum intelligamus. Essentia diuina quomodo potest esse communis omnibus tribus personis diuinis sine quantitate, cum ita sit, quod communitas sit ex pluribus? Solutio. Communitas essentia consistit per quantitatem numeri, vnde sequitur pluralitas personarum. Et vade ad folia antedicta.

De Quæstionibus foliorum arboris exemplificalis.

De Quantitate.

Sapientia & iustitia Dei habent æqualiter potestatem? Solutio. Vade ad folia antedicta. Æqualitas prædestinationis, & liberi arbitrij quomodo intelligitur? Solutio ibidem. Voluntas & intellectus hominis, quomodo se inuicem compellunt. Solutio ibid. Homo prædestinatus potest damnari? Solutio ibidem.

De Quæstionibus foliorum arboris elementalís.

De Qualitate.

Ignis quare est ignis, & non est aliud elementum? Solutio. Sicut substantia est per formam & per materiam, hoc quod est: & non est accidens: ita ignis, quia habet propriam qualitatem, quam non habet aliquod aliud elementum: determinatum est, quod sit tantum ignis, & non aliud elementum. Et vade ad rubricam antedictam. Qualitas quare est? Solutio. Si qualitas non esset, nullum obiectum esset intelligibile: & omnes creature essent idem numero. Et vade ad rubricam antedictam. Calor aeris si esset sua propria qualitas, quid sequeretur? Solutio. Per propriam qualitatem, & per appropriatam est concordantia, & actio & passio in substantiis. Vnum & idem elementum, quomodo potest esse simplex & compositum? Solutio. Vade ad rubr. virtutis.

De Quæstionibus qualitatis arboris vegetalis.

Qualitas est visibilis? Solutio. Vade ad folia arboris vegetalis. Dulcedo pomi est simplex qualitas, aut composita? Solutio. Dulcedo pomi, in quantum est ex pluribus saporibus, est composita, & in quantum est in vno numero in pomo, est simplex qualitas. Cum qualitas non sit pars substantialis, quomodo intrare potest compositionem cum alia qualitate? Solutio. In motu nauis mouentur marinarij. Qualitates elementorum & substantiarum vegetatarum, quomodo intrant compositionem? Solutio. Vade ad rubr. virtutis.

De Quæstionibus qualitatis arboris sensuales.

Calor quem homo sentit, de quo est? Solutio. Calor simplex est de igne, & compositus est de aëre & de terra, & est de sensitiua per sentire: sicut martellus, qui est clauis, & idem est per vegetare. Et vade ad folia arboris sensuales. Gustus quomodo dat placitum per comedere, & visus per videre? Solutio. ibidem. Dulcedo quam homo sentit in pomo, quomodo ducitur de potentia in actum? Solutio ibidem. Sentire de quo viuunt? Solutio ibidem.

De Quæstionibus qualitatis arboris imaginæ.

Imaginatio quomodo similitudinem qualitatis realis accipit? Solutio. Vade ad rubricam antedictam. Cum bonitas moralis. Martini non sit sensibilis, imaginatio quomodo ipsam imaginari potest? Solutio. Ex ordine substantiarum visibilium trahit imaginatio similitudinem in abstracto. Sermones quos dixit Rex, accipit ipsos intellectus aut imaginatiua potètia? Solutio. Imaginatio est instrumentum, quod stat in medio intellectus & sensus in sermonibus, quos dixit Rex. Sermones quos memoria recolligit, imaginatur ipsos? Solutio. Ita est imaginatio instrumentum memoriandi, sicut est intelligendi & amandi.

De Quæstionibus qualitatis arboris humanæ.

Qualitates hominis, quomodo sunt inuicem assituate? Solutio. Vade

ad rubricam antedictam. Calor hominis est qualitas illius aut ignis? Solutio. Calor aëris est qualitas appropriata ipsi aëri, & est qualitas propria ignis. Tristitia hominis est propria qualitas corporis vel animæ? Solutio. Vna qualitas est illa, quæ dat passionem corporalem, & alia illa, quæ dat passionem spiritualem. Bonitas moralis Martini est qualitas corporalis? Solutio. Proprie iustitia est qualitas animæ acquisita & corpori appropriata.

De Quæstionibus qualitatis virtutum arboris moralis.

Moralis virtus Martini quomodo determinata est per qualitatem? Solutio. Vade ad rubricam antedictam. Prudentia Martini est de vna qualitate vel de pluribus? Solutio. In vno intelligere colliguntur & coniunguntur plures similitudines. Et vade ad rubricam antedictam. Vna moralitas est alterius qualitas? Solutio. In pipere passiue sunt siccitas, humiditas & frigiditas ex calore, & in lampade calor olei est ex calore flammæ. Moralitas qualitas quomodo crescit? Solutio. Ex multitudine lignorum crescit flamma, quæ ligna comburit.

De Quæstionibus qualitatis vitiorum arboris moralis.

Avaritia, quomodo es mala? Solutio. Avaritia respondit, quod ipsa mala est, quia per malitiam est qualis, sicut magnitudo quæ est qualis bona per bonitatem. Et vade ad rubricam antedictam. Qualitas mala quomodo multiplicatur? Solutio. Vade ad rubricam antedictam. Vitiosa qualitas, cum sis priuatio virtutis, in quo subiecto es sustentata? Solutio ibidem.

Avaritia.

Auaritia, es qualitas per Martinum, cuius es habitus? Solutio. Si auaritia esset qualitas per seipsam in Martino, cuius est habitus, per ipsam culpam non haberet.

De Quæstionibus qualitatibus arboris imperialis.

Mercator promittit dare bonum aurum, & non dat bonum, & miles promittit vendere bonum equum, & non vendit bonum, idcirco est quæstio, vtrum venditio valeat aut non? Solutio. Iustitia non vult, quod aliqua stabilitas stet per priuatas promissiones. Miles promittit vendere bonum equum, & vendit bonum, & mercator promittit dare bonum aurum, & non dat bonum, quæritur, vtrum venditio valeat, aut non? Solutio. Nulla substantia potest esse sine omnibus illis partibus, quæ sibi sunt necessariae. Mercator tentat equum, & non est bonus, quem miles dicit esse bonum, & mercator vitium equi non cognoscit, & credit, quod sit bonus, & soluit aurum, & in crastino cognoscit, quod equus bonus non est: quæritur vtrum venditio valeat, aut non? Solutio. Iustitia vult secundum Imperatorem, quod mercator prudentia utatur, & si non vult uti, quod puniatur. Papa vero vult, quod miles utatur conscientia, & si non vult uti, iustitia Dei vult, quod in alio seculo puniatur, aut quod in isto seculo poenitentiam agat. Quidam facit testamentum, in quo dicit, quod vxor sua quæ est prægnans: si duos habeat filios, quod ille qui primo nascatur, heres sit denariorum suorum. Tandem vxor sua duos habet filios, quæ nescit, quis illorum primo natus est, quæritur, quomodo adimplebitur voluntas testatoris? Solutio. In igno-

rantia antecedentis coniuncta ignoratur, & in æqualitate paternitatis sunt denarii æqualiter diuisibiles.

De Quæstionibus qualitatibus arboris Apostolicæ. De Baptismo.

Baptismus quare est? Solutio. Vade ad rubricam antedictam. Baptismus quomodo hominem mundat à peccato? Solutio ibidem. Puer qui intellectum non habet, & qui Baptismo non consentit, quomodo mundatur per sacramentum? Solutio. In puero sunt quinque arbores, quatuor impressionem Sacramenti accipiunt; Quinta vero impressionem Sacramenti accipit in potentia: sicut pomum in quo accepta est potentia generandi aliud pomum, quæ in actum venit per Sacramentum Confirmationis. Si puer moritur, antequam veniat ad Sacramentum Confirmationis, proficit sibi aliquid illud Sacramentum? Solutio. Impressiones aliarum arborum illos mundant, qui culpam peccator originalis portabant, & quintæ arbori fit gratia per cõcordantiam aliarum: sine qua gratia iustitia Dei iniuriam faceret primis arboribus, quæ characterem Sacramenti receperunt.

De Quæstionibus Confirmationis.

Confirmatio quare est? Solutio. Vade ad rubricam antedictam. Si puer non vult consentire Confirmationi, vel sibi aliquid Sacramentum Baptismi? Solutio. In destructione formæ est materia destructa, Pueri qui moriuntur anteq̃ sint cõfirmati vadunt in Purgatoriũ? Solu. Anima pueri baptizati qui confirmatus non est, characterem Sacramenti in potentia recipit, qui culpam non habet;

bet : si in hoc seculo ratione non est
vñus, quia instrumentum non habuit,
cum quo vti posset. Si homo confir-
matus non est, & credit quod sit con-
firmatus, & moritur antequam sit cõ-
firmatus, est inmundatus à peccato ori-
ginali ? Solutio. Bona intentio culpam
& peccatum consumit.

De Quæstionibus matrimonij.

Matrimonium quid est ? Solutio.
Vade ad rubricam antedictam.
Matrimonium quare est ? Solutio ibi-
dem. Matrimonium quomodo est ?
Solutio ibidem. Martinus matrimo-
nium consentit, & vxor eius interius
non consentit, sed exterius per verba,
quaro vtrum valet matrimonium ?
Solutio. Duo sunt iura, vnum est in-
terius, & aliud exterius, secundum
ius exterius est ligata fœmina vxor
Martini, quæ contra hoc quod erat
interius, suum mouebat affatum, ali-
ud ius interius stat liberum, & si post-
modum consentiat, captum est. Et va-
de ad rubricam virtutis.

De Quæstionibus Eucharistiæ.

Sacramentum altaris quare est ? So-
lutio. Vade ad rubricam antedi-
ctam. Sacramentum altaris ad quid
proficit ? Solutio. Nulla vtilitas est maior
huiusmodi, quam sua bonitate cum
Deo vti Et vade ad rubr. virtutis. Cum
Christus sit in cælo, quomodo potest
esse in vno tempore in pluribus alta-
ribus, & suum corpus quomodo potest
esse in hostia, quæ est ita parua, & cum
materia panis in suo corpore sit trans-
substantiata, quare corpus Christi non
crescit ? & quare sensus ipsum in Sa-
cramento non attingit, videlicet vi-
dendo, gustando, odorando, & tan-

gendo ? Solutio ibidem. Quod est
maius & nobilius opus, quod Deus
& homo facere possunt in hoc mun-
do ? Solutio. In maiori participatione
Dei & hominis, maius & nobilius o-
pus consistit. Et vade ad rubricam vir-
tutis.

De Quæstionibus Ordinis.

Ordo quare est ? Solutio. Vade
ad rubri. antedictam. Quare
nullus homo Sacramentum altaris fa-
cere potest, nisi sit presbyter ? Solutio.
Nullus finis magis nobilis stat sine or-
dinatõ principio, & ordinato medio.
Presbyter qui excommunicatus est,
quare Sacramentum altaris conficere
potest ? Solutio. Litteræ quæ sunt in
cera, non sunt de essentia sigilli, nec
de essentia hominis qui illas litteras
ponit in cera cum sigillo, sed tantum-
modo litteræ quæ sunt in cera sunt
impressiones litterarum sigilli, licet
homo sit bonus aut malus. In quo stat
maius peccatum ? Solutio. In illo ho-
mine, in quo potest esse maior virtus,
potest esse maius peccatum.

De Quæstionibus Pœnitentiæ.

Pœnitentia quid est ? Solutio. Va-
de ad rubricam antedictam. Pœ-
nitentia quare est ? Solutio ibidem.
Confessio quare est ? Solutio. Confes-
sio est, vt pœnitentia possit esse: quo-
niam sine confessione presbyter ne-
sciret pœnitentiam dare, nec habere
cogitationem de satisfactione. Quare
presbyter potest homini, qui sibi con-
fiteatur culpam dimittere, & sibi ipsi
dimittere non potest ? Solutio. Claues
beati Petri omnibus hominibus sunt
communes, idcirco oportet quemlibet
presbyterum esse sub iudicio alterius.

*De Quæstionibus extremae
unctionis.*

EXtremavunctio quare est? Solutio. Vade ad rubricam antedictam. Si patiens discretionem non habet, quid prodest ei extremavunctio? Solutio ibidem. Si Martinus sine extremavunctione moriatur, & moritur absque peccato mortali, potest ne saluari? Solutio Per priuationem formarum quæ sunt de bene esse, formæ quæ necessariae sunt, in tempore necessitatis non destruantur. Quare extremavunctio non datur pueris? Raymundus noluit ad quæstionem respondere, quia quæstio non fuit magna.

*De Quæstionibus qualitatis aliorum
foliorum arboris Apostolicæ.*

Cum in Deo sint plures dignitates, & quælibet sit alia, quare quælibet est dicta qualis, & non alia? Solutio. Vade ad rubricam antedictam. Si bonitas Dei non esset substantialis qualitas, esset licitum in illa dicere qualis bonificans, quale bonificare? Solutio ibidem. Si in Deo non essent proprietates personales, esset licitum dicere, quod in illo esset vnus intelligens, & alius intelligibilis, & aliud intelligere? Solutio ibidem. Si ne qualitate essentiali existente in Deo, possent esse in Deo bonificatio, magnificatio, & possificatio, & sic de aliis? Solutio ibidem.

*De Quæstionibus qualitatis arboris
Cælestialis.*

Quare dicitur, quod Saturnus est malus, & Sol calidus? Solutio. Vade ad rubricam antedictam. Umbra

de quo est? Solutio ibidem. Postquam Arieti est appropriata qualitas ignis, quare Libra est appropriata qualitas aëris, & non qualitas aquæ, quæ est appropriata Scorpionis, qui est propinquior Arieti quam Libra, quæ cum Ariete stat in opposito? Solutio. Raymundus dixit, quod ipse quæstionem illam soluere nesciuit per suam artem: quoniam videbatur ei, quod positio quam antiqui fecerunt in illa appropriatione, non sit vera nec necessaria: Idcirco non est mirum si Astronomi errant in eorum iudicio. Luna quare est de complexionem aquæ? Solutio. In participatione ignis & Lunæ efficitur temperamentum caloris & frigiditatis, humiditatis, & siccitatis, vt elementa possint de influentia quintæ essentiae accipere.

*De Quæstionibus qualitatis arboris
Angelicalis.*

In Angelo quomodo est qualitas appropriata? Solutio. Vade ad rubricam antedictam. Beatus Michaël qui speciem fantastica per imaginationem non multiplicat, quomodo potest plus vnum obiectum diligere quam aliud? Solutio ibidem. Beatus Michaël facit aliquam negationem? Solutio ibidem. Beato Michaëli est adeo naturale secundum suam propriam qualitatem diligere vnum Angelum de minori bonitate, sicut alium de maiori? Solutio. Deus secundum suam charitatem tantum amare potest minorem bonitatem, sicut maiorem: sed minor bonitas hoc sustinere non potest, nec iustitia hoc vult. Et vade ad rubr. virtutis.

De Quæstionibus qualitatis arboris æternalis.

Qualitas moralis beati Petri, quæ terminata est in certa quantitate, quomodo est æterna? Solutio. Vade ad rubricam antedictam. Pœna Machometi quare est æterna, cum ita sit, quod suum peccatum finitum sit & terminatum? Solutio ibidem. Moralitas qualitatis beati Petri est multiplicabilis? Solutio. Cauda æternitatis non sustinet quod in illa sit aliqua multiplicatio. Lucifer quare libertatem non habet ad faciendum bonum? Solutio. Vade ad rubr. virtutis.

De Quæstionibus qualitatis arboris maternalis.

Qualitates morales Dominæ nostræ quantum sunt magnæ? Solutio. Vade ad rubricam antedictam. Quare peccator habet culpam, cum habet desperantiam, quia suum peccatum est magnum? Solutio ibidem. Domina nostra potest negare alicui peccatori, qui ipsam cum contritione rogat & amore? Solutio ibidem. Cum tot & tanta sint peccata, & virtutes sint paucae in hominibus, & Deus sit iustus, quomodo sustinere potest in mundo tot malos homines? Solutio. Naturaliter quælibet mater pietatem habet de passione Filij sui.

De Quæstionibus qualitatis arboris Iesu Christi.

Deus potest acquirere virtutes morales? Solutio. Vade ad rubricam antedictam. Iesus Christus quare promisit se vendi, ligari, verberari, & Crucifigi? Solutio ibidem. Ie-

sus Christus quare mulierem & pueros siue filios non habuit? Solutio ibidem. Iesus Christus quare erat pauper? Solutio ibidem.

De Quæstionibus qualitatis arboris Diuinalis.

Qualitates Dei quare non sunt accidentales? Solutio. Vade ad rubricam antedictam. Deus diligit Martinum, quando bonus est, & non diligit eum, quando malus est, eius amare quare non est accidentale? Solutio. Si cera esset tegula, ita benè ignis ipsam desiccaret sicut vitrum & carbonem desiccât. Cum Deus bonus sit per bonitatem, & magnus per magnitudinem, quomodo potest ipse esse sua bonitas? Solutio. Si Deus non esset sua bonitas, non sufficeret infinita magnitudo naturæ neque bonitati, & foret finita: & idem est de sua potestate infinita, & hoc esset malum & vitiosum. Pater generat Filium, & quia Pater & Filius distinctæ sunt personæ, & Pater generat Filium de sua bonitate, quare bonitas Patris & Filij non sunt duæ bonitates: & idem est de aliis rationibus? Solutio. Rationes & natura sunt vnum idem numero, ut natura non sit bona & magna accidentaliter: & quia Pater filium generat de sua natura, & de sua bonitate, infinitate, & æternitate, est Pater vnus, & alius filius per generationem, & bonitas & natura amborum, vnum sunt per infinitatem & æternitatem.

De Quæstionibus qualitatis arboris exemplificatis.

Pomum quod est in pomerio, quare appetitum habet descendendi in terram? Solutio. Vade ad exemplum antedictum. Cerasum quod sus co-

medebat, quare plorabat & ridebat? Solutio. Quodlibet suppositum plorat, inquantum suum numerum perdit: & ridet, inquantum speciem suam multiplicat. Quare plantæ maximè colorem habent viridem? Solutio. Quia confusio est materia priuationis aut generationis, & color viridis est magis confusus, quam alius, est color viridis magis generalis plantis, quam alius color. Quare plantæ folia cadere permittunt? Solutio. Ita habet folium appetitum multiplicandi suam speciem, sicut fructus. Et vade ad exemplum virtutis.

*De Quæstionibus relationis arboris
elementalis.*

Relatio in quot species consistit? Solutio. Vade ad rubricā antedictam. In igne simplici quomodo est relatio? Solutio. Substantia ignis est ex forma & ex materia, quæ se habent relatiuè per actionem & passionem: & transit in tertium numerum substantialiter generando ex igne simplici ignem compositum cum cæteris elementis coniunctum. Relatio quid est? Solutio. Relatio est respectus principiorum, quorum alia sine aliis esse non possunt. Relatio est maior per concordantiam, quam per contrarietatem? Solutio. Relatio est maior per concordantiam in generatione, & per contrarietatem in corruptione.

*De quæstionibus relationis arboris
vegetalis.*

Relatio pomi, & relatio elementorum quomodo aggregantur in pomo? Solutio. Ignis (idem est de cæteris elementis) se habet ad calefaciendum, & pomerium ad pomifi-

candum. Idcirco ambæ relationes in pomo aggregantur, & eorum extremitates, ex quibus vna relatio communis est composita. Relatio pomi priusquam erat, ubi stabat? Solutio. In pomerio est pomum potentialiter per generationem: & illa potentia sustentatur in vegetatione inserta in elementatione. In pomo quis considerat extremitates relationis secundum cursum naturalem? Solutio. In radicibus pomerij sunt instinctus & appetitus naturales, qui opera pomerij comprehendunt secundum naturas eorum. Cum pomum sit putridum, quo vadit sua relatio numeralis? Solutio. Numerus pomi deuenit in priuationem: & ex essentia sua nutrimentum & virtutem accipiunt aliæ relationes, quæ in illo erunt in potentia.

*De quæstionibus relationis arboris
sensualis.*

Cum homo pomum dulce comedit, in quo amaritudinem sentit, quomodo est relatio inter gustatiuum & gustabile? Solutio. Inter gustatiuum & gustabile est duplex relatio, & est in gustare triplex, per sentire in corruptione gustantis & gustabilis. Stat relatio in oculis inter visitiuum & visibile, aut inter oculos & colorem parietis? Solutio. Relatio quæ est intra, est ex visitiuo & visibili, quorum oculi sunt instrumenta & organa, & visibilitas parietis est similitudo, quam visitiuum intra accipit in visibilitate intra. Idcirco relatio intra attingit extra suā similitudinem. Visitiuum & visibile se habent relatiuè in videndo, & auditum & audibile in audiendo: & sic de aliis sensibus quoniam quilibet suā propriam habet relationem: quare ergo dicitur, quod homo videt & audit? Solu

Solutio. Videre est propria qualitas oculorum, & oculi sunt ita hominibus appropriati: sicut pars suo toti, & instrumentum agentis. Martinus qui est pater Guillelmi, cum est mortuus, ubi est illa relatio? Solutio. Solus intellectus facit relationem inter Martinum & Guillelmum exterius, & cum Martinus Guillelmum generabat, stabat relatio intra naturaliter.

De quæstionibus relationis arboris imaginalis.

Imaginatio quomodo accipit relationem? Solutio. Vade ad rubricam antedictam. Imaginatio cum quo sensu habet cum relatione maiorem concordantiam? Solutio. Nulla relatio est ita palpabilis imaginatiuè: sicut relatio patris & filij, quæ accepta est per videre. Imaginatio habet aliquam entitatem relationis? Solutio. Nulla forma est sine actione, nec vlla materia sine passione. Imaginatio potest de colore trahere relationem? Solutio. In magna intensitate albedinis substantiæ albæ, considerari potest magna intensitas nigredinis, & parua intensitas albedinis.

De quæstionibus relationis arboris humanalis.

Relatio qualis est, quæ in homine est magis naturalis? Solutio. Nulla relatio est ita homini naturalis, sicut ipsa per quam ipsa est diffinibilis, videlicet relatio bonificationis, bonificabilis, & bonificare. Quare homo est magis diffinibilis per relationem, quam per aliquod aliud accidens? Solutio. Nullum accidens accipit ita fortiter partes necessarias in substantia, sicut facit relatio. In re-

latione bonificationis consistit relatio animæ & corporis? Solutio. Vade ad rubricam antedictam. In anima rationali consistit relatio? Solutio ibidem.

De Quæstionibus relationis virtutum arboris moralis.

Relatio quomodo consistit in virtute morali? Solutio. Vade ad rubricam antedictam. Habitus virtutis consistit relatio, cum homo vititur virtute? Solutio. In habitu virtutis est actio relationis in potentia, & cum homo vititur virtute, habet formam suum obiectum in actu. Et vade ad rubricam virtutis. Relatio in virtute morali habet aliquam entitatem? Solutio. Sine aliqua entitate nulla similitudo esse potest. Est relatio inter vnam virtutem & aliam? Solutio. Sine concordantia virtutum, nulla virtus posset esse contra vitium.

De quæstionibus relationis vitiorum arboris moralis.

In habitu vitioso relatio quomodo consistit? Solutio. Vade ad rubricam antedictam. Relatio vitij quomodo incipit? Solutio ibidem. Inter gulam & luxuriam, relatio quomodo est assituata? Solutio. Per abundantiam arboris elementalis, vegeralis, sensualis & imaginalis, anima rationalis tentatur gula & luxuria, quam quidem tentationem facit assituatio gulæ & luxuriæ obliuiscendo castitatem & temperantiam. Cum ira sit morus subitaneus, potest relatio in illa habere aliquam assituationem? Solutio. Nulla ira est sine tristitia & passione agentis.

De Quæstionibus relationis arboris Imperialis.

INstrumentum quod fit supra emptionem & venditionem quomodo debet esse conditionatum? Solutio. Vade ad rubricam antedictam. Quare seruus in testimonium Domini sui non admittitur? Solutio. Relatio Domini & seruitutis non est causa æquali iudicio. Iudex vidit Martinum occidere Petrum, coram quo Iudice Martinus non est accusatus, sed Guillelmus accusatur & à Iudice punitur, quare Iudex Guillelmum punit, & non Martinum? Solutio. In iudicio Iudex non est per relationem suorum oculorum, sed per relationem suarum aurium. Scientia iuris ciuili quomodo posset applicari sub breuibus principiis, & generalibus per illa iudicata? Solutio. Vade ad folia arboris imperialis, & habeas cognitionem de substantiis naturalibus per hunc librum, & idem est de accidentibus substantiarum naturalium & moralium, & inquiras per illa secundum doctrinam, quam damus in soluendo quæstiones per relationes, & per alia accidentia.

De Quæstionibus relationis arboris Apostolicæ.

IN summa Trinitate quomodo est relatio substantialis absque aliquo accidente? Solutio. Vade ad rubricam antedictam. Relatio diuinarum personarum est de proprietatibus, aut est de essentia? Solutio. In diuina voluntate est relatio communis, sicut voluntas quæ communis est per essentiam, & in amante, amabili, & amare, ita est relatio sustentata in proprietatibus personalibus, sicut voluntas: & hoc requirit æternitas, vt relatio non sit acci-

dentalis. Relatio posset esse inter Patrem & Filium sine spiritu sancto: Solutio. Nulla relatio potest esse perfecta, sine singulari proprietate & communi. Spiritus sanctus Patrem diligit, est ergo relatio inter Patrem & Spiritum sanctum per naturam amoris, & idem est de Spiritu sancto qui diligit Filium & etiam seipsum. Et ideo quaero, vtrum in hoc amare, quod habet Spiritus sanctus, sit relatio singularis & communis, de qua sequitur productio personæ? Solutio. In amare Spiritus sancti est relatio amatiua, quæ est propria & singularis proprietas Spiritus sancti, scilicet sua persona actiua in amare, & passibilitas suæ amabilitatis est cum amatiuitate vna eadem persona per essentiam, & communis relatio quæ est de amabilitate Patris & Filij, est ita Spiritui sancto quies, licet personam non producat: sicut Patri & Filio est quies communis relatio in producendo Spiritum sanctum. Et in hoc passu multum est de Theologia.

De Quæstionibus relationis arboris cælestialis.

Relatio quomodo est in sole? Solutio. Vade ad rubricam antedictam. Relatio quomodo est intra Arietem, Taurum, & Gemini? Solutio. Arietes est calidus, Gemini similiter, & Arietes actiue, & Gemini passiue: & relatio eorum est in concordantia per dualitatem, & relatio quæ est triplex, est per contrarietatem Tauri, qui cum Ariete habet concordantiam per siccitatem, & cum Gemini habet contrarietatem per frigiditatem, & siccitatem: idcirco Gemini non est ita fortis in Ioue, sicut Taurus in Saturno. Quomodo est relatio inter Martem & Solem, qui sunt de complexione ignis? Solutio.

Solutio. Mats accipit calorem de Ioue, & illum dat foli, & Sol dat illum Veneri, qui est de complexionem de Ioue: idcirco eorum relatio est in concordantia. Et hoc idem est de relatione quam habent per contrarietatem contra Iouem & Venerem, in quantum sunt contra humiditatem cum eorum siccitate, in qua habent concordantiam. Aries & Libra quomodo relatiue se habent? **Solutio.** Aries & Libra relatiue se habent per primam horam diei & noctis. Veruntamen Raymundus dixit, quod contentus non erat de positionibus antiquorum, qui attribuerunt complexionem aëris Libræ, cum Aries sit in Vere in cōplexione ignis: cum ita sit, quod propria hora diei sit de complexionem aëris, & propria hora noctis sit de complexionem terræ.

De Quæstionibus relationis arboris Angelicalis.

Quomodo est in Angelis relatio? **Solutio.** Vade ad rubricam antedictam. Est in Angelo relatio angelificatiui, angelificabilis, & angelificare? **Solutio.** Quia nullus Angelus est ex alio Angelo, sed de seipso, non potest in Angelo, esse relatio antedicta. Relatio æqualitatis quæ est inter vnum Angelum & alium, dicit aliquam entitatem possitiuam, aut tantummodo est intentionalis? **Solutio.** Nulla relatio realis est extra substantiam. Relatio quam sanctus Michaël habet in sua voluntate, amanti, & amabilis, amando semetipsum, de quo est? **Solutio.** Inter alia principium substantiæ sancti Michaëlis est relatio vnum principium, quod ponit cum differentia in voluntate potentiam, obiectum, & actum, quæ sunt de eius essen-

tia. Et in hoc passu multum est de Philosophia.

De Quæstionibus relationis arboris Æternalis.

In æternitate quomodo est relatio? **Solutio.** Vade ad rubricam antedictam. Corpus beatificatum quomodo erit subiectum relationis calefactiui & calefactibilis igne existente calefactiuo & aqua calefactibili? **Solutio.** In capite æternitatis relationes sunt in quiete, vt in cauda durare possint. Corpora damnatorum in inferno quomodo sunt incorruptibilia, relationibus eorum in contrariis subiectis existentibus? **Solutio.** In carcere iustitiæ sunt consummabilitates damnatorum incarceratæ. Amatiuitas de Lucifero habet proprium amabile? **Solutio.** Si Lucifer proprium amabile haberet, quod peruersum non esset in odibilitatem, pœnam non haberet.

De Quæstionibus relationis arboris maternalis.

Quæ est maior relatio, quam Deus creauit inter duas personas? **Solutio.** Vade ad rubricam antedictam. Quomodo Deus creare potuit maiorem relationem filij & matris? **Solutio** ibidem. Sine incarnatione Deus posset creare relationem in ita magna maiore amoris, quod ipsa maiorem creare non posset? **Solutio** ibidem. Quæ est maior relatio, quæ possit esse inter misericordiam & peccatorem? **Solutio** ibidem.

De Quæstionibus relationis arboris Iesu Christi.

Quæ est illa maior relatio, quæ est inter Deum & creaturam? **Solutio.**

lutio. Vade ad rubricam antedictam. Est vera ista prædicatio, Deus mortuus fuit? Solutio. Prædicatio est vera secundum relationem mortis humanæ, Deo existente illo homine, qui mortuus fuit. Est vera ista prædicatio, Deus naturam humanam assumpsit, & non hominem? Solutio. Prædicatio est vera, quia de natura humana fecit Deus hominem in seipso. In Iesu Christo facit Deus se de humanitate hominem, aut humanitas facit Deum hominem? Solutio. In incarnatione non est relatio hominificationi & hominificabilis, qui sunt tantummodo de natura humana, quod si esset, sequeretur, quod homo se deificaret, & Deum hominem faceret.

*De Quæstionibus relationis arboris
Diuinalis.*

Quomodo per relationes dignitatum diuinarum oporteat esse productionem personarum in diuina essentia? Solutio. Vade ad rubricam antedictam. Deus in quantum intelligit seipsum Patrem, producit Filium, & in quantum amat Filium, spirat Spiritum sanctum, & in quantum intelligit seipsum Deum, non producit seipsum: quæro ergo, per quam naturam per vnum intelligere est productio, & per illudmet intelligere non est productio, cum ita sit, quod in Deo non sit nisi vnum intelligere? Solutio. Ignis cum vno eodem calore diuersas facit operationes, oportet ergo quod vnum sit calefacere in communitate, & quod ex ipso plura sequantur calefacta, quia operationes sunt plures. Et vade ad rubricam antedictam. Filius & Pater relatiuè se habent, & Filius intelligit seipsum, & non producit Patrem, & Patrem intelligit seipsum, &

producit Filiû: quæro ergo, cû in hac relatione sit æquale intelligere Patris & Filij, quomodo per vnum intelligere sequitur productio, & per aliud non? Solutio. In diuina relatione est ita nobilis quies, sicut productio. Et vade ad rubricam virtutis. Diuina relatio quomodo potest esse actiua & passiuâ absque natura accidentis? Solutio. Pater se Deum Patrem intelligit, & ideo intelligit Filium Deum, & Pater est actiuus, & Filius passiuus in intelligere; & quia in intelligere Deus est intellectus, illa relatio non potest esse accidentalis: quoniam si esset accidentalis, non esset per illud intelligere Deus intellectus, cum ita sit, quod in Deo non possit esse accidens, & ad hoc concurrunt omnes dignitates diuinæ. Et vade ad rubricam vt supra.

*De Quæstionibus relationis arboris
exemplificæ sensuales.*

Quare sunt tot homines peccatores? Solutio. Deum tantum decet honor, & quilibet homo ipsum vult habere. Magna bonitas vbi inuenitur? Solutio. Vade ad rubricam antedictam. Qualis est maior labor, qui sit in hoc mundo? Solutio. Nullus labor in hoc mundo est maior quàm conseruare honorem. Et vade ad rubricam antedictam. Qualis sensus requirit maiorem honorem? Solutio. Affatus & auditus famam procurant, quam homines plusquam aliud desiderant.

De Quæstionibus actionis & passionis arboris elementalis.

Actio & passio elementorum vbi incipit? Solutio. Vade ad rubricam antedictam. Est aliqua actio & passio

passio substantialis? Solutio ibidem. Quomodo actio exit & dirigitur de actione, & passio de passione? Solutio ibidem. Forma ignis potest habere actionem in sua propria materia, quamuis ignis compositus non sit cum alio elemento? Solutio. Fusile molendini lignum in quo mouetur, combureret, si aqua illud non infrigidaret.

De Quæstionibus actionis & passionis arboris vegetalis.

Quomodo in pomo sunt actiones & passiones potentie elementariæ, & vegetariæ coniunctæ? Solutio. In lampade calor ignis mouet calorem olei, qui mouet materiam olei flamma ignis. Vegetatiua mouet elementariam in pomo aut è conuerso? Solutio. Fines substantiarum mouent principia & media, ut ipsæ sint, & principia & media mouent partes, per quas fines sunt, & sunt hoc quod sunt. In pomo actiones & passionis sunt accidentales aut substantiales? Solutio. Primariæ actiones & passionis sunt substantiales, in quibus accidentales sustentantur, ipsis existentibus instrumentis substantialium. In pomo accidens quomodo potest habere actionem & passionem? Solutio. Martellus qui mouet clauum, est substantia, & in quantum motus est per manum, est eius motus passiuus, & in quantum mouet clauum, est actiuus.

De Quæstionibus actionis & passionis arboris sensibilis.

In substantia sensata quomodo sunt actiones & passionis aggregatæ ex tribus arboribus? Solutio. Vade ad folia antedicta arboris sensibilis. Homo

qui placitum sentit in comedendo aut in bibendo, & sic de cæteris sensibus, est ipse agens in sentire aut patiens? Solutio. Totum mouet suas partes actiuas in suis passiuis, & ideo per unum modum est agens, & per alium patiens. Homo qui sentit dolorem, sensus ille est per elementariam aut per vegetariam, aut per sensitiuam? Solutio. Elementariæ & vegetariæ tangunt sensitiuam, & sensitiuæ sentit tactum illarum. Obiectum mouet potentiam, aut potentia obiectum? Solutio. In actu qui est inter potentiam & obiectum, obuiant sibi simul actio & passio, & actio venit ex parte potentie, & passio ex parte obiecti, & secundum quod potentia placitum inuenit in similitudine obiecti, suum motum multiplicat.

De Quæstionibus actionis & passionis arboris imaginæ.

Imaginatiua quomodo accipit similitudines reales actionum & passionum? Solutio. Vade ad rubricam antedictam. Imaginatiua quomodo est actiuæ in mouendo sensitiuam ad sentiendum? Solutio. Imaginatiua imaginando visibilitatem, imaginatur pulchritudinem sceminae, & tunc visibilitatem tangit, cum qua participat, & visibilitas suam propriam tangit visibilitatem, & ipsam mouet ad similitudinem visibilitatis extra representatæ per imaginatiuam: idcirco imaginatiua est agens, in quantum representat visibilitatem & pulchritudinem, & visibilitas est actiuæ, in quantum se mouet ad visibilitatem extra, & in illo motu mouet sensum tactus, cum quo participat. Et in hoc passu cognoscitur quomodo vna forma mouet aliam, & quomodo passionis extra sunt materia

motibus qui sunt intra. Cum imaginatiua similitudinem accipit ab obiecto, imprimit obiectum illam similitudinem in illa, aut imaginatiua imprimit illam similitudinem in seipsa? Solutio. Amicus qui multum suum amatum diligit, bonitatem considerat amati sui, & ex similitudine illius bonitatis suum induit amare, quod habet passionem, in quantum est ex illa similitudine, & actionem habet, in quantum est actus motus per amicum. Imaginatiua per quem sensum est magis actiua & passiuā? Solutio. Quia imaginatiua primo accipit per videre, est magis fortis per visum, qui sibi dat magis palpabiliter similitudines obiectorum, quam aliquis alius sensus; & ideo magis est eius operatio per figuram in circulo, quadrangulo, aut triangulo extensam.

De Quæstionibus actionis & passionis arboris humanalis.

IN homine quomodo sunt actiones & passionēs? Solutio. Vade ad rubricam antedictam. Imaginatiua sub qua potentia animæ rationalis est magis passiuā? Solutio. Potentia intellectiua primo informat passionem imaginatiuā, & ideo imaginatiua magis est obediens intellectiui, quam memoratiuā vel volitiuā secundum modum inquisitionis & multiplicationis specierum, & eius quies magis est in memoratiua, & suus labor in volitiua. Quæ potentia est magis actiua in sensitiua, aut memoratiua, aut intellectiua, aut volitiua? Solutio. Per audire memoratiua est magis actiua in sensitiua, & per videre & affari intellectiua, & per gustare, & per odorare, & tangere volitiua. In memoratiua quæ est magis actiua, aut intellectiua aut

volitiua? Solutio. Intellectiua per se ipsam speciem ponit in memoratiua, & cum licentia volitiuæ ipsas trahit.

De Quæstionibus actionis & passionis arboris moralis virtuosæ.

Actio & passio quomodo sunt in amoralibus virtutibus? Solutio. Vade ad rubricam antedictam. In virtute morali potest esse actio sine passione? Solutio ibidem. Quæ est magis actiua virtus, aut prudentia, aut iustitia? Solutio. Prudentia materiam præparat, & iustitia ex ipsa operatur. Fortitudo est maior virtus per passionem, quam per actionem? Solutio. Passio fortitudinis fortior est per charitatem & spem, & sua actio per fidem, iustitiam, prudentiam & temperantiam.

De Quæstionibus actionis & passionis arboris moralis vitiosæ.

Sunt actio & passio in vitiis & peccatis? Solutio. Vade ad rubricam antedictam. Ira sub qua potentia animæ est magis actiua & passiuā? Solutio ibidem. In quo vitio plus est de actione? Solutio. Nullum vitium stare vult ira altè, sicut superbia. Quod vitium dat maiorem laborem? Solutio. Nemo dormit ita parum, sicut homo auarus.

De quæstionibus actionis & passionis arboris imperialis.

IN iure quomodo sunt actio & passio assituatæ? Solutio. Vade ad rubricam antedictam. In medio loco horti vnius rustici qui est iuxta castrum, oritur quidam fons, & communis fons castri est multum à castro remotus, quarum

quæritur ergo vtrum ille fons qui est prope castrum debeat esse communis, aut non? Solutio. Vtilitas communis est actiua, & specialis passiuæ. Duo rustici vnum habent asinum, & vnus rusticus vult ire cum illo asino ad forum ad emendum bladum, alius vero rusticus vult, quod asinus vadat ad forum, quia vult vendere suam partem, & emere bladum, modo quæritur, vtrum asinus tantum stare debeat in foro quousque rusticus partem suam venderit, aut quousque alius rusticus bladum emptum in foro duxerit ad suam domum super asinum? Solutio. Illa actio est maior quæ passionem habet magis prope & magis determinate. Quædam Domina & suus maritus vnum habent captiuum æqualiter, & maritus est zelopitus de illo captiuo & de Domina vxore sua, Domina existente bona & casta, maritus vero vult vendere suam partem cuidam homini, veruntamen vxor suâ partem vedere nō vult, vt ipsa melius in sua domo de sua parte seruitium possit accipere, Domina allegante, quod vnus sine voluntate alterius partem suam vendere non potest. Ideo quæritur vtrum maritus suam partem vendere possit aut non, postquam est Zelopitus de sua vxore & captiuo? Solutio. Quia opinio nō est certa, actionem non habet ad destruendum conditionem & promissionem.

De Quæstionibus actionis & passionis arboris Apostolicalis.

Quomodo possunt esse in summa Trinitate actio & passio, & quod non sint accidentia? Solutio. Vade ad rubricam antedictam. Quidam Abbas vult gallinas comedere in infirmito-

rio, & facit præceptum cuidam Monacho, qui maturinas dicit in choro cum aliis Monachis, quod vadat ad præparandum illas gallinas, modo quæritur, vtrum Monachus debeat esse obediens Abbati? Solutio. Nulla relatiua sine magna necessitate habet passionem. Quidam Abbas timorē habet de toxica, & præceptum facit cuidam Monacho, quod sibi afferat scutellam, & quod comedat primo de illo cibo, sed Monachus qui scutellam de coco accipit, nescit vtrum in scutella sit toxica, aut non, modo quæritur, vtrum Monachus debeat esse obediens Abbati in illo casu? Solutio. De nulla re incerta debet fieri promissio. Quidam Prior denarios habet pro suo patrimonio, & habet vnā sororem, quæ maritari non potest, si ipse illi non dat illos denarios, Abbas vero & conuentus magnam habent necessitatem de illis danariis, quia conuentus est in magno debito. Modo quæritur, vtrum Prior conscientiam habere debeat ad dandum denarios ad maritandum sororem suam, aut ad necessitatem sui conuentus? Solutio. Qui se seruicuri obligat, omnibus suis bonis dat passionem.

De Quæstionibus actionis & passionis arboris cælestialis.

Quis planeta est magis passiuus? Solutio. Vade ad rubricam antedictam. Quare sol habet magis virtutem actiuam, quam alij planetæ? Solutio. Virtus quæ est in medio, est magis intensa, quam virtus, quæ est in extremis. Quare luna maiorem dat experientiam de suis proprietatibus, quam aliquis alius planeta? Solutio. Vade ad rubr. virtutis. Cū sol corporaliter non participet cū igne per contra-

Autem, nec sue qualitates proprium subiectum dimittunt, quomodo ignis habet per solem passionem, & sol in ipso actionem? Solutio. Quia materia quintæ essentiæ & quartæ substantiarum mundi participant in vna generali bonificabilitate, habet bonificatiuitas solis actionem in bonificabilitate ignis. Et vade ad rubricam, vt supra.

De Quæstionibus actionis & passionis arboris Angelicalis.

IN Angelo actio & passio quomodo sunt assituate? Solutio. Vade ad rubricam antedictam. Cum sanctus Michael oculos non habeat, quomodo habet actionem in attingendo colore Martini? Solutio. Sicut sanctus miracula facit sopra cursum naturalem propter sanctitatem, ita Angelus propter magnitudinem magnæ intellectiuitatis attingit coloratum supra cursum visibilitatis. In substantia sancti Michaelis & in suis rationibus sunt æquales actio & passio? Solutio. Secundum cursum naturalem sanctus Michael postquam fuit beatificatus & confirmatus, tota sua virtus est in actu. Boni angeli quomodo habent actionem in malis Angelis? Solutio. Vade ad rubricam antedictam.

De Quæstionibus actionis & passionis arboris æiternalis.

IN æiternitate actio & passio quomodo sunt? Solutio. Vade ad rubricam antedictam. Ignis habet actionem in anima Machometi? Solutio. Nulla substantia corporalis substantiam spirituales secundum cursum naturalem tangit, veruntamen secundum opinionem sanctorum ignis dat passionem animabus supra cursum naturalem. Cum dæmon sit substantia spiritualis, quomodo actionem habet in corpo-

ribus damnatorum? Solutio. In hominibus dæmoniis dæmon accipit similitudinem alicuius complexionis illius corporis, cum qua ipsum tormētat. Vnus dæmon dat passionem alteri dæmoni? Solutio. De omni mala participatione sequitur passio.

De Quæstionibus actionis & passionis arboris maternalis.

Domina nostra quomodo actionem habet supra dæmones? Solutio. Vade ad rubricam antedictam. Domina nostra quomodo habet actionem in suo filio: qui est Dominus creaturarum? Solutio ibidem. Peccatores quomodo habent actionem in Domina nostra? Solutio. Spes quam peccator habet in Domina nostra Dominam nostram obligat ad habendum pietatem. Domina nostra habet passionem, quia filius suus ita parū appreciatur in mundo, cognoscitur, & amatur? Solutio. Domina nostra passionem nō habet per suum filium, qui ita est gloria exaltatus & in bonitate, quod de nullo hic inferius indiget, veruntamen passionem habet de peccatoribus cum pietate, qui in illa spem habeant.

De Quæstionibus actionis & passionis arboris Iesu Christi.

IN Iesu Christo quomodo sunt actiones & passionēs? Solutio. Vade ad rubricam antedictam. Natura diuina passionem habuit in cruce? Solutio. Deus in quantum homo ita habuit in cruce passionem: sicut anima Christi in quantum homo. Et vade ad rubricam virtutis. In corpore Christi habet aqua passionem per ignem? Solutio. Passio quā aqua habet per ignem

in corpore Christi, ira est in quiete: sicut est passio magnitudinis in quiete, accipiendo bonitatem de bonitate. Iesus Christus habet passionem, quia lupi tantum comedunt de ouibus suis? Solutio. Iesus Christus passionem habet de ouibus suis cum charitate & pietate: & habet actionem cum iusticia, cum qua pastoribus minatur, qui bene oues non custodiunt.

De Quæstionibus actionis & passionis arboris diuinalis.

Quomodo persona patris est actiua: & persona filij passiuua? Solutio. Quia Deus se cognoscit ita bonum & ita magnum, & sic de cæteris rationibus, per agentiam: sicut per existentiam, est actiuitas in patre, & passibilitas in filio, vt agere, hoc est producere, sit ita magnum sicut existere. Cū pater sit actiuus & filius passiuus, quomodo conuertitur passibilitas filij, cum actiuitate patris in vna actiuitate spiratiua? Solutio. Diligit pater filiū, & filius patrem diligit. Idcirco generabilis passibilitas est amatiuitas in amando patrem. Spiritus sanctus qui est pura passio patris & filij, quomodo est in pura actione? Solutio. Spirabilitas ita conuertitur cum amare, Spiritu sancto amante patrem & filium: sicut generabilitas conuertitur cum amare, filio amante patrem. Spiritus sanctus est materiabilis, postquam est spirabilis? Solutio. Vade ad rubricam antedictam,

De Quæstionibus actionis & passionis arboris exemplificalis.

Quomodo sunt homines obstinati inter actionem & passionem? Solutio. Vade ad rubricam antedictā.

Passio quam dat contritio quomodo est bona? Solutio ibidem. Peccator quomodo peccatum suum mortificare potest. Solutio ibidem. Cum pœnæ inferni sunt ita magnæ, quare peccatores ira paruum habent timorem? Solutio ibidem.

De Quæstionibus habitus arboris elementalís.

Primi habitus naturales quales sūt? Solutio. Vade ad rubricam antedictam. Ignis habet in habitu calorem: vbi est ergo ille habitus, dum ignis est in lapide, à quo trahitur cum ferro? Solutio. Ignis qui est in lapide compositus est, & in omni composito elementato est calefacere, quod est actus caloris: est ergo habitus ignis in lapide, & exit in aërem, cum trahitur ex lapide cum ferro. Habitus ignis simplicis vbi est? Solutio. Ignis simplex calidus est per suam naturam, & suum subiectum est substantia ignis simplicis: & in illo habitu est in potentia habitus ignis compositi, qui aquam in olla calefacit. Ante habitum ignis simplicis est alius habitus caloris? Solutio. Substantia ignis simplicis est ex radicibus arboris elementalís: & sicut per genus & differentiam diuersificata sunt species, ita per habitum caloris diuersificata est substantia ignis ab aliis substantiis, radicibus existentibus communibus, pluribus substantiis specificatis, vni substantiæ per calorem, & alij per humiditatem: & sic de cæteris habitibus naturalibus.

De Quæstionibus habitus arboris vegetalis.

Habitus pomi, vbi est antequam sit generatum? Solutio. Habi-

rus est in potentia in habitu pomerij, qui est communis habitus ad generandum plura poma. Ante habitum pomi, qui est in potentia in pomerio, est alius habitus, qui sit habitus pomi? Solutio. Habitus pomerij, qui generatus non est, est in potentia in vegetatiua, quæ communem habitum habet ad plures plantas. Ante habitum communem vegetatiuæ, est alius habitus, qui sit de suo genere? Solutio. Sicut olea in oleastro inserta dicit substantiam positiuam differentem per essentiam à substantia oleastri, ita habitus communis vegetalis in vegetatiua sustentatus est primus habitus suæ speciei, & est insertus in habitu arboris elementalis, cuius qualitates in suam speciem producit, quia sicut olea producit habitum oleastri in suam speciem, producit arboris vegetalis calorem ignis in suam speciem, & illum calorem producit in dactili & in fructu. Habitus pomi putrefacti quo vadit? Solutio. Omnes habitus plantarum quæ corrumpuntur, deueniunt in priuationem secundum numerum, & materia & forma substantiarum corruptarum ad substantiam redeunt vegetalem communem, & per consequens hoc quod pertinet ad elementa rediit ad substantiam elementalem communem, & ambæ substantiæ communes sunt vnum chaos commune confusum, quod est truncus arboris vegetalis communis ad omnes plantas existentes in illo; ille plantæ quæ non sunt in potentia habitus, quarum sunt in potentia in habitu communi, quas agens naturale producit in actu cum renouatione nouorum numerorum.

* *

De Quæstionibus habitus arboris sensualis.

Habitus arboris sensualis qui sunt? Solutio. Vade ad folia arboris sensualis. Habitus sensus quomodo est assituatus in habitu vegetali & elementalibus? Solutio. Sicut humidum radicale assituatum est in nutritiuo, conuertendo in suam speciem illud, quod venit, ita habitus sensualis assituatus est in vegetali & elementalibus, sensu conuertente illud, quod ex duabus arboribus sibi aduenit. In lacte quod puer sugit de mamilla, est habitus sensualis? Solutio. Habitus sensualis fœminæ in lacte ponit in potentia habitum sensualem, quem habitum puer ducit in actu, qui illud lac de mamilla matris sugit: de quo suus viuunt habitus radicalis. Habitus potentiæ expulsiuæ, qui est in embrione, stat in illo in potentia vel in actu? Solutio. Habitus potentiæ expulsiuæ stat in embrione in actu: de quo sequitur materia, quam fœmina proijcit cum puero, quando nascitur.

De Quæstionibus habitus arboris imaginalis.

Imaginatiua quomodo habitus substantiarum attingit? Solutio. Vade ad rubricam antedictam. Depictor qui hominem in pariete depingit, ille habitus hominis depacti antequam fuit, ubi erat? Solutio. Habitus quos imaginatiua habet in potentia, sunt ex similitudinibus aggregatis, & in habitu communi imaginationis positus, qui similitudines nouas redire facit: sicut plures plantæ corruptæ, quarum vegetationes sunt positæ in vna vegetatione communi, quæ redire facit nouas

uas plantas. Capra quæ lupum non vidit, quomodo habet in habitu timorem, quem de ipso habet, cum ipsum videt? Solutio. In capra participat arbor imaginæ cum sensuali, vegetali & elementali, in quantum substantia capræ est ex substantia quatuor arborum, & ratione instinctuum naturalium quatuor arborum excitata est imaginatio capræ ad imaginandum mortem, cum lupum videt, qui naturaliter est suus inimicus. Cum imaginatio sit habitus positivus, cum capra moritur, quo vadit ille habitus? Solutio. Habitus numeralis imaginationis capræ Martini perditur, & essentia imaginationis ita rediit ad communem imaginationem: sicut vegetatiua capræ ad communem vegetationem, & calor capræ ad communem calorem.

De Quæstionibus habitus arboris humanalis.

HABitus arboris humanalis quales sunt? Solutio. Vade ad rubricam antedictam. Faber quomodo habet in habitu ad faciendum cultellum? Solutio. Vade ad rubricam quæ est de ferraria. Vnus faber quomodo habet in habitu ad faciendum cultellum vnum meliorem, quam alius faber? Solutio. Ille qui prima principia prius considerat, melius scit ducere illorum similitudines in suum effectum. Faber quomodo habet in habitu ad faciendum vnam figuram de ferro, quam nullo tempore vidit? Solutio. Per naturam imaginationis quæ in habitu habet chimeram compositam de similitudine hominis & piscis, hominis & bouis, & sic de aliis similitudinibus suo libito, inuenit faber figuras nouas.

De Quæstionibus ædificatoriæ.

HABitus ædificatorius quare est? Solutio. Vade ad rubricam antedictam. Vnus homo quare plus diligit addiscere artem ædificatoriam, quam artem fabrilem, aut è conuerso? Solutio. In quolibet homine assituti sunt habitus primarum quinque arborum, & homo qui naturaliter se plus habet ad discendum artem ædificatoriam, quam artem fabrilem, melius proportionatus est cum vegetatiua, quam homo qui plus diligit artem fabrilem, quam artem ædificatoriam, qui melius proportionatus est cum elementatiua de qua est ferrum, quam homo qui plus diligit artem ædificatoriam quam fabrilem. Quare vnus homo vult esse carpentarius & non vult esse carnifex? Solutio. Responsio huius quæstionis consistit in responsione quæstionis antedictæ. Carpentarius quomodo habet in habitu ad faciendum de ligno figuras nouas, sicut ille qui primo inuenit figuram navis aut scutella? Solutio. Fines qui sunt necessarij ad viuendum, habitus communes excitant, vt se habeant ad speciales secundum instinctus & appetitus naturales.

De Quæstionibus Sartoria.

SARTOR quomodo incipit addiscere suam artem? Solutio. Vade ad rubricam antedictam. Sartor quomodo procedit in sua arte? Solutio ibidem. Cum actus & forfices sint de ferro, quis prius in habitu habuit acum & forfices, aut faber, aut sartor? Solutio. Vltimi fines ducunt habitus ex primis. Sartor quomodo bene discere potest artem sartoriam? Solutio. Ille bene suam artem addiscit, qui bene considerat

siderare scit primos habitus & vltimos. Et vade ad rubricam, vt supra.

De Quæstionibus Agricultura.

P Principia agriculturæ qualia sunt? Solutio. Vade ad rubricam antedictam. Cum nulla ars mechanica sit ita necessaria sicut agricultura, quare rusticus est minus honoratus quam alter mechanicus? Solutio. Secundum cursum naturalem publica utilitas magis est amabilis quam specialis: idcirco ille facit contra naturam qui non facit plus honorem rustico quam magistro, qui turrem facit, aut nauem. In qua arte sunt plures Philosophi? Solutio. Secundum experientiam nulli homines tantum sciunt de Philosophia sicut rustici. In artibus mechanicis quales homines maiorem habent spem? Solutio. Nullus mechanicus maiorem habet spem quam rusticus, qui bladum seminat, & terram fodit.

De Quæstionibus mercimonie.

P Principia mercimonie qualia sunt? Solutio. Vade ad rubricam antedictam. Mercator quomodo potest esse subtilis in sua arte? Solutio ibidem. Quare mercatores plures habent denarios quam alij homines? Solutio. Ille qui computat illud quod expendit & lucratur, & qui sæpius cambit, plures habet denarios quam alius homo. Quare mercatores magis sunt legales: quam alij homines? Solutio. Nullus mechanicus tantam habet necessitatem legalitatis sicut mercator.

De Quæstionibus marinaria.

P Principia marinaria qualia sunt? Solutio. Vade ad rubricam ante-

dictam. Quis prius fuit in habitu, aut remus, aut velum? Solutio. Quia imaginatio prius imaginatur motum de vno loco in alium in terra quam in mari, & illum motum cum motu pedum imaginatur, & non cum motu venti, imaginatur ante in mari motum per ramos quam per velum, & homo qui pedem non habet, primo imaginatur crocam, seu baculum, in quo sustentetur, vt moueri possit. Quis ante nauem imaginatus fuit, aut marinarius, aut mercator? Solutio. Primus marinarius discretus fuit mercator, qui ire per mare desiderauit, vt denarios lucrari posset, quare mercimonia est causa artis marinariae. Quare marinarij audaciores sunt quam alij homines? Solutio. Nulli homines tam sæpè timorem habent, sicut marinarij.

De Quæstionibus militia.

Q Væ sunt principia militiae? Solutio. Vade ad rubricam antedictam. Militia fuit prius considerata per iudicem quam per militem? Solutio. Si miles prius militiam consideraret quam iudex, inimicus iustitiæ non esset. Miles considerat ante ensen quam scutum? Solutio. In bello est ensis ad vulnerandum & occidendum, & scutum est propter timorem mortis. Vtrum miles ante ensen considerat quam sagittam? Solutio. Ensis consideratur propter audaciam, & sagitta propter timorem.

De Quæstionibus Grammatica.

Q Væ sunt principia Grammaticae? Solutio. Vade ad rubricam antedictam. Vtrum Grammatica prius considerata si per Rhetoricum quam per Grammaticum? Solutio. Ita est Rhetorica

Rhetorica finis Græmaticæ : sicut habitare est finis cameræ. Vtrum grammatica prius fuit considerata propter necessitatem affatus quam propter suam rhetoricam? Solutio. Magna pax foret in mundo si grammaticâ Latinorum scirent omnes nationes. Quare grammaticus vtitur plus nomine & verbo, quam logicus? Solutio. Scientia quæ magis generalis est, non indiget tot in terminis sicut alia scientia.

De Quæstionibus Logicæ.

QUæ sunt principia Logicæ? Solutio. Vade ad rubricam antedictam. Vtrum rhetorica adeo est necessaria ars sicut logica? Solutio. Per rhetoricam mouetur Princeps ad pietatem, & per logicam ad iustitiam. Quare logici propinquiore sunt quod sint fantastici, quam alij homines? Solutio. Nullus homo vtitur intentionibus ita frequenter sicut logicus, nec habet ita magnû placitû de sophismis. Vtrum logicus prius considerat genus quam speciem, & speciem quâ indiuiduû, & substantiam quâ acciden? Solutio. Vltimi fines prius sunt in natura, quam primi in intellectu speculatiuo. Et in practico ante sunt primi quâ vltimi, sicut in arte fabili, in qua voluntas ante desiderat clauum quam martellum, sed faber ante facit martellum quam clauum.

De Quæstionibus Rhetoricæ.

PRincipia Rhetoricæ quæ sunt? Solutio. Vade ad rubricam antedictâ. Rhetoricus quomodo magnam habet materiam ad inueniendum nouos modos & pulchros ad vtendum sua scientia? Solutio ibidem. Quis ante artem rhetoricam considerat, aut imagi-

natio, aut aures? Solutio. Ita est Rhetorica per aures per primam intentionem, sicut imaginatio per figuras substantiarum. Rhetorica est ita pulchra per verba humilia & pia, sicut per verâ? Solutio. Affatus ante considerat esse quam bene esse, & ideo Rhetoricus est per bene esse, & eius finis est per esse in quo veritas cognoscatur, ideoque plures contingit quod Rhetorica homines, mouet ad pietatē, & ad charitatem cum falsis verbis.

De Quæstionibus Arithmeticæ.

PRincipia Arithmeticæ quæ sunt? Solutio. Vade ad rubricam antedictam. Arithmeticus considerat ante quantitatem numerorum, quam substantiarum? Solutio. Sicut naturalis entia realia ante quam intentionalia considerat, & logicus intentionalia quam realia, ita arithmeticus ante considerat similitudines numerorum realium, quam quantitates illorum: geometricus vero contrarium facit. Arithmeticus considerat ante numerum duorum, quam vnus? Solutio. Geometricus ante continuam quantitatem quam discretam considerat, & arithmeticus facit in contrarium. Quare arithmeticus magis habet certas mensuras, quam geometricus? Solutio. Diuisio quantitatis continuæ est multum plus difficilis, quam diuisio quantitatis discretæ.

De Quæstionibus Geometriæ.

PRincipia Geometriæ quæ sunt? Solutio. Vade ad rubricam antedictam. Quare geometricus ante lineam diametralem considerat, quam triangularem? Solutio. Figura circularis ita cito diuisibilis non est in æqua-

libus partibus sicut figura triangularis. Quare Geometricus primo multiplicat duo ex vno, & quatuor ex duobus, & octo ex quatuor, quam tria ex vno & sex ex tribus, & duodecim ex sex? Solutio. Illas mensuras quæ citius multiplicant numerum, Geometricus primo considerat, cum ita sit, quod quantitas continua ante sit diuisibilis in discretam per numerum dualem, quam ternalem. Idcirco Geometri dicunt, quod numerus dualis est ita multiplicatio suarum mensurarum in duplicando, sicut in arte arithmetice vnus in numerando vnum post alium. Marinarij quomodo mēsurāt miliaria in mari? Sol. Marinarij cōsiderāt quatuor vēros generales, videlicet vētū oriētālē, occidentālē, meridionalē, & ventum septentrionalē, similiter alios quatuor ventos qui ex primis exeunt, considerant, videlicet grec, exaloch, lebig, & maestre, & centum circulos considerant in quo venti angulos faciunt, deinde considerant per ventū orientalem nauem euntem centum miliaria à centro quot sunt miliaria vsque ad ventum de exaloch, & miliaria duplicant vsque ad ducenta miliaria, & cognoscunt quod miliaria sunt multiplicata, quæ sunt ducenta à vento orientali, vsque ad ventum de exaloch per multiplicationem miliarium, quæ sunt de termino centenatio orientis vsque ad terminum de exaloch. Et ad hoc instrumentum habent chartam, compassum, acum, & stellam maris.

De Quæstionibus Musicae.

PRincipia Musicae quæ sunt? Solutio. Vade ad rubricam antedictam. Musicus considerat ante accentus litterarum vocalium, quam consonantium, tunc cum artem musicae inue-

nit? Solutio. Ars musicae similitudo soni & vocis de arbore elementali egressa, in qua se habet primo secundum naturam ad sua accidentia quam ad accidentia, aliarum arborum. Musicus in qua litera vocali primo incipit ad considerandum artem musicae? Solutio. Nullus accentus ita communis est, nec ita levis, sicut accentus de a. Et ideo pueri ante incipiunt in accidentibus de a. quam in accidentibus aliarum litterarum, & idem faciunt homines cum moriuntur, qui plus plangunt per a. quam per alias litteras. Quare feminae plus vtuntur accidentibus de i. quam de a? Solutio. Quia feminae nodum in gutture non habent sicut homines, vocem magis subtilem habent quam homines.

De Quæstionibus Astronomie.

PRincipia Astronomie quæ sunt? Solutio. Vade ad rubricam antedictam. Astronomus considerat ante in sole habitum caloris quam lucis? Solutio. Nullus habitus appropriatus est ita considerabilis sicut habitus proprius. Astronomus quomodo facit iudicium? Solutio. Astronomus considerat respectum, quem vnum signum habet cum alio, & quem habet cum vna planeta per respectum lineæ diametricæ, & facit iudicium de hominibus qui nascuntur in illa linea, aut qui in illa faciunt, petitiones quos iudicat secundum condiciones signi & planetæ. Et valde ad rubricam virtutis. Quare scientia astronomie magis incerta est quam alia? Solutio. De nulla scientia est ita grauis experientia sicut de astronomia, nec aliqua scientia est ita positua sicut illa.

De Quæstionibus Iuris.

P Rincipia iuris quæ sunt ? Solutio. Vade ad rubricam antedictam. Iurista scientiam positivam iuris quomodo potest ducere ad necessarias ostensiones ? Solutio. Per processum huius libri potest Iurista veritatem inuenire & probare de illis rebus quæ ad scientiam iuris pertinent. Quare Iurista plus vitur habitu memoriæ quam habitu intellectus, cum ita sit, quod Iurista maiorem habet concordantiam cum intellectu, quam cum memoria ? Solu. Iuristæ plus vtuntur habitu memoriæ, quā intellectus, quia antiqui scientiā Iuris super habitū memoriæ fundauerūt. Idcirco est scientia cōfusa & proluxa, & est de particularibus, ratione cuius cōfusionis durāt lites ita diu, & quidā Iuristæ sunt cōtra alios in diuersis opinionibus. Quidā fecit testamētū, & dixit quod si vxor sua quæ prægnās erat filium haberet, quod tres partes omnium bonorum suorum haberet, & eius vxor quartam partem, & si filiam haberet volebat testator quod eius vxor tres partes omnium bonorū suorum haberet, & sua filia quartam partem. Mortuus est testator, & vxor filium & filiam habuit, modo quæritur quot partes de bonis mariti vxor habere deber ? Solutio. Inter maioritatem & minoritatem stat æqualitas, & illud quod non est in maiori parte neque in minori parte, neque in æqualitate non est aliquid, mulier est maior in bonis sui mariti per suam filiam & minor per suum filiū: oportet ergo quod in bonis sit æqualis postquam est in illis inter maioritatem & minoritatem, oportet ergo de bonis mariti fieri octo partes æquales de quibus mulier vxor testatoris habere debet tres partes ratione filiae suæ, & vnā partē ratione fi-

lij sui, & filius habere debet tres partes, & filia vnā, & sic cōpleta est voluntas testatoris. Multū placuit heremita solutio quam Ray. fecit & dixit, quod sicut Ray. illā soluit quæstionē cum principis suæ artis quæ sūt maioritas, minoritas, & æqualitas possent alię quæstiones iuris per naturales rationes iuris determinari, sequēdo processum illius artis & huius scientiæ.

De Quæstionibus Medicinæ.

Q uomodo sunt principia medicinarum ? Solutio. Vade ad rubricam antedictā. Quare plures homines per medicos moriūtur, quā curātur ? Solu. ibidē. Quomodo principia medicinarum possent duci ad principia generalia ? Solut. Principia medicinarum ad principia generalia possent duci secūdū hūc modū, ignis est in pipere in quarto gradu caloris, & terra in tertio siccitatis, & aer in secūdo humiditatis, & aqua in primo. Et in cinamomo ignis est in tertio gradu caloris, terra in secūdo siccitatis, & aer in primo, & aqua est in gradata, videlicet factis quatuor partibus de vno gradu aqua in cinamomo non habet nisi tres partes, & in feniculo ignis est in secundo gradu caloris, & terra in primo siccitatis, & aer habet in ipso tres partes humiditatis, & aqua habet duas partes frigiditatis, & in aniso est ignis in primo gradu caloris, & terra habet in ipso tres partes siccitatis, & aer habet duas humiditatis, & aqua habet vnā partem frigiditatis. Est ergo ignis gradatus in planetis, quæ de sua sunt complexionē quatuor modis, & idem est de aëre, aqua, & terra, sicut aqua quæ in canphora est in quarto gradu frigiditatis & aer in tertio gradu humiditatis, & terra in secūdo siccitatis, & ignis in primo gradu caloris, & sic suo modo de aliis

elementis. Cum quodlibet elementum quatuor habeat genera graduum in plantis, vt supra significatum est, possunt medici & ordinare & facere, sexdecim electuaria generalia, sicut ex plantis quæ sunt de complexione ignis, ex quibus fieri possunt quatuor electuaria generalia contra complexionem aquæ per frigiditatem & humiditatem: sicut vnum electuariũ quod sit in quarto gradu caloris, secundum quod est piper & aliud electuarium in tertio gradu caloris, secundum quod est cynamomum graduatum est: & aliud in secundo gradu caloris, sicut fœniculus est graduatus, & aliud in vno gradu caloris, secundum quod anisum est graduatum. Ordinatis ita quatuor electuariis antedictis de complexione ignis possent medici quatuor facere electuaria de complexione aëris, & quatuor de complexione aquæ, & quatuor de complexione terræ: & sic medici habere possunt sexdecim electuaria, generalia ad curandum infirmitates, quæ sunt per quatuor qualitates generales, ita quod si infirmitas Martini est per febrem, quæ sit in quarto gradu caloris, medicus dare debet contra calorem illud electuarium, quod sit de complexione aquæ in quarto gradu frigiditatis, & illud gradum frigiditatis iuuare debet cum secundo gradu humiditatis aëris, & cum primo gradu siccitatis terræ. Et si infirmitas sit in tertio gradu caloris, ipsam curare debet cum quarto gradu frigiditatis. Et si sit in secundo gradu caloris medicus illam curare debet cum tertio gradu frigiditatis. Et si infirmitas sit in primo gradu caloris, illam curare debet cum secundo gradu frigiditatis. Et è conuerso, si infirmitas sit in quarto gradu frigiditatis, aut in tertio, aut in secundo, aut in primo me-

dicus debet esse contra illam infirmitatem cum quatuor electuariis, quæ sunt de complexione ignis, & hoc de gradu in gradum, vt dictum est. Et idem sequitur, si infirmitas sit ratione complexionis aëris aut terræ, quod si infirmitas sit interpolata, videlicet per æquales complexiones, veluti si sit per ignem & per aërem, medici miscere debent electuaria, quæ sint de complexione aquæ & terræ, & illa gradare contra infirmitatem secundum ordinem supradictum. Et hæc est vna species & vna regula, secundum quam medici ordinare possunt medicinam ad principia generalia. Medici quomodo cognitionem habere possunt de gradibus infirmitatum? Solutio. In die naturali sunt viginti quatuor horæ in quatuor partes diuisæ, & quælibet pars appropriata est illi elemento, quod est de sua complexione: sicut triangulus, qui est in regione de mane vsque ad meridiem, qui maximè est de complexione aëris, & ille triangulus qui est de meridie vsque ad noctem, est de complexione ignis, & ille qui est de occasu solis vsque ad mediam noctem, est de complexione terræ, & ille qui est de media nocte vsque ad ortum solis, est de complexione aquæ. Regnat ergo infirmitas secundum triangulos antedictos, & secundum quod infirmitas incipit aut finitur in illis quatuor regionibus, medicus cognoscere potest gradum infirmitatis, veluti si febris incipiat in prima hora diei, est in primo gradu humiditatis, & si in secunda hora diei est in secundo, & si in tertia est in tertio: & si in quarta est in quarto: & hoc secundum febrem tertianam, quæ posita est inter calidum & humidum: quod si febris sit tertiana simpliciter per coleram, sequetur ordinem meridi-

dici vsque ad occasum solis, secundum ordinem quem diximus de mane vsque ad meridiem : quod si tertia sit duplex, sequetur ordinem antedictum dupliciter : quod si sit quotidiana, sequetur antedictum ordinem tripliciter : & si sit continua , sequetur prædictum ordinem per totum circulum:& idem de quartana secundum quod incipiet in sua regione in circulo. Et sic medici possunt gradus infirmitatum cognoscere , & illos gradus concordare cum gradibus electuorum. Et de hac materia locuti sumus magis prolixè in principiis , quæ fecimus de medicina. Multum placuit heremitarum ordo, quem Raym. dixit, & mirabatur, quare antiqui medici nullum ordinem generalem in suis scriptis posuerunt.

De Quæstionibus Philosophiæ.

P Principia Philosophiæ quæ sunt? Solutio. Vade ad rubricam antedictam. Ordo Philosophiæ quid est? Solutio. Ordo Philosophiæ significatus est in processu huius scientiæ. Quæ scientia est magis generalis? Solutio. Quia Philosophia habet magis generalia principia quam alia scientia, ideo magis generalis est. Cum Philosophia sit ita generalis scientia, quare non sunt multi Philosophi? Solutio. Intellectus Philosophi plus laborat quam alius, & Philosophia non tantum diligit denarios : sicut faciunt Ius & Medicina.

De Quæstionibus Theologiæ.

Q Væ sunt principia Theologiæ? Solutio. Vade ad rubricam antedictam. Theologia quomodo potest ad certos terminos duci? Solutio. Hoc

significatum est in arbore Christianali & diuinali. Quare Theologi plus videntur positione, quam ostensione? Solutio. Positio per credulitatem leuius est, & ostensio per intelligere grauius. Raymunde, credis tu quod adhuc erit tempus, quod Theologia erit scientia ostensua, plusquam positiua? Solutio. In Theologia plus est de veritate quam in alia scientia, quia nobilius habet subiectum & sua principia per prophetias fuerunt, quæ sunt de positionibus, & sua media per miracula fuerunt, quæ medicinæ sunt, infirmitatum, veritatum : oportet ergo quod suus finis sit de ostensionibus : quoniam si non esset, Deus iniuriam faceret humano intellectui & supremæ veritati, & contemplationi amborum.

De Quæstionibus habitus arboris moralis virtuosæ.

H Abitus virtutum qui sunt? Solutio. Vade ad rubricam antedictam. Fides quare non est habitus naturalis? Solutio ibidem. Vnus homo credit Deum esse, & credit quod sit bonus, infinitus & æternus, ille homo ita diu studet in Philosophia & Theologia, quod per studium & per gratiam Dei attingit Deum esse per necessarias rationes, per quas attingit Deum esse bonum, infinitum & æternum, idcirco quæro, vtrum in illo homine sit habitus fidei? Solutio. Ille homo qui prius credebat Deum esse, & postmodum intelligit Deum esse, habitum habet fidei, sed ipsum non habet secundum modum quo prius habuit : quoniam tunc cum Deum intelligit, habet habitum fidei per conscientiam : sicut homo qui credit vt intelligere possit, & non posset intelligere illud obiectum si prius in illo non

diderit, & hoc Isaias propheta significauit, in quantum dixit, si non creditis, non intelligentis, & ideo in illa coniuncta meritum restauratur per fidem, & adhuc est in illo homine habitus fidei, qui Deum intelligit esse, in quantum supponit quod si Deum non intelligeret, aut dubitaret ipsum esse aliquo modo aut per aliquam tentationem, quod ipse rediret ad credendum Deum esse. Si melius est credere Trinitatem, & esse incarnationem & alios articulos fidei Romanæ, quam illos intelligere, quare Theologi nituntur quantum possunt illos intelligere? Solutio. Deus non creauit hominem principaliter, vt per suam credulitatem meritum acquirat, immo principaliter ipsum creauit, vt ipsum Deum diligat & intelligat: quoniam nobilior finis est Deum amare & intelligere, quam in Deum credere tantum, & ipsum non intelligere, & voluntas potest plus Deum amare, si intellectus ipsum per intelligere contempletur, quam si tantum per credentiam ipsum contempletur. Et ideo Theologi sequuntur instinctum & appetitum naturalem nobilioris finis. Et male dicunt illi qui dicunt, quod homo articulos fidei intelligere non debet, vt per suam credulitatem meritum acquirat, & per maius meritum maiorem gloriam. Et in quantum hoc dicunt, significant quod ipsi sint creati propter se, non autem propter Deum, & meritum ignorant, quod maius habet intellectus per intelligere quam per credentiam: quoniam grauius est inquirere & inuenire rationes & ostensiones intelligendo Deum esse, quam positiuè credere Deum esse, est, quia intellectus per intelligere fortius disponit obiectum memoriæ & voluntati, quā per credulitatem.

*De Quæstionibus habitus arboris
moralis vitiosæ.*

Quomodo sunt habitus vitiorum? Solutio. Vade ad rubricam antedictam. Vnus homo est in habitu castitatis, & vna pulchra domina ante ipsum transit, ille autem homo placita luxuriæ considerat, & sua sensituiua calorem sentit, propter illam considerationem quæro vtrum ille homo perdit habitum castitatis? Solutio. Habitus virtutum & vitiorum aliquando in principiis participant, vnde ille homo per habitum luxuriæ tangitur, & tangitur in principio habitus castitatis secundum naturam arboris elementalis, vegetatiuæ, sensituiuæ, & imaginatiuæ, & ille tactus representatur memoriæ & intellectui, & postmodum venit ad voluntatem, & si voluntas consentit, habitus luxuriæ in medio transit, & venit ad finem, & habitus castitatis non habet principium, medium nec finem, in quo sit sustentatus, quod si voluntas non consentit, est habitus luxuriæ extra triangulum, quem tangit in principiis quæ diximus, & homo est in passione tentationis & in bello virtutis & vitij, & si vincit, habet meritum, & si est deuictus, habet culpam. Raymunde secundum quod tu dicis, meritum aut culpa de voluntate venit, postquam ipsa elegit, aut non vult eligere, & ideo quæro, in quo habent culpam intellectus & memoria, imaginatio sensituiua, vegetatiua, & elementatiua? Solutio. Si memoria & intellectus diu remanent, & sic de imaginatione in obiecto luxuriæ, delectantibus se inuicem sensituiua, vegetatiua, & elementatiua in illa delectatione mouent voluntatem ad eligendum carnalem delectationem,

tionem, & ideo culpam habent. Et si memoria cito obliuiscatur, & intellectus delectationem ignorat, & memoria recollit, & intellectus intelligit iudicium Dei & culpam, & imaginatio immunditiam subiecti imaginatur, habent meritum, & ligant voluntatem ad odiendum luxuriam, & refranant sensuriam, vegetatiuam, & elementariam. Vnus homo est superbus, veruntamen est castus, quæro quomodo habitus superbiæ & habitus castitatis intus in illo homine stare possunt? Solutio. In pipere calor & frigiditas participant, existente calore in quarto gradu, & frigiditate in primo, sic simili modo possunt esse superbia & castitas in homine, vno habitu existente in maiori gradu, & alio in minori. Et sicut calor & frigiditas possunt esse in pipere, quia frigiditas concordantiam habet cum humiditate aëris, & cum siccitate terræ, cum qua calor ignis concordantiam habet, sic in aliquo homine esse possunt per aliqua media duo habitus contrarij, & si habitus virtutis est in maiori gradu, habitus vitij est in peccato veniali: & si habitus vitij est in maiori gradu, est in peccato mortali.

De Quæstionibus habitus arboris Imperialis.

VNUS miles vnum equum vendit, qui non videt de vno oculo, emptor vero hoc non cognoscit, nec miles qui hoc scit, dicit emptori, quæro vtrum emptor ille possit reddere equum militi, & recuperare suos denarios? Solutio. Vade ad rubricam antedictam. Vnus miles & vnus Burgenfis æqualiter habent vnum castrum, miles vero habet inimicos, qui sibi malum & guerram in illo castro fa-

ciunt, quæro vtrum Burgenfis iuuare debeat militem aut non? Solutio. Ille partes diuisibiles sunt, quæ in communitate concordantiam non habent, & si æqualiter diuisæ non sunt, debent portare passionem. Vnus homo habet vnum pratum iuxta vnum fluuium, in quo est vnus suus asinus. Vnus vero piscator ligat suam barcham cum vno sermento ad ripam illius prati. Asinus autem barcham intrauit ad potandum, & postquam potauerit, sermentum comedit, & barcha & asinus vadunt per flumen tantum quod barcha rumpitur & asinus moritur. Quæro vtrum Dominus asini satisfacere debeat piscatori pro barcha sua, aut piscator satisfacere debeat Domino prati pro asino suo? Solutio. Secundum arborem elementalem & vegetalem est barcha, supposito quod piscator ius habeat ad ligandum suam barcham ad illud pratum. Et asinus est per arborem elementalem, vegetalem, sensualem, & imaginalem, ideirco asinus est in actione, & barcha in passione, & de actione & passione huiusmodi non sequitur vitium morale. Et quia Dominus barchæ, nec Dominus asini in arbore rationali peccant, nec in imaginarij, nec in sensuali: sed tantummodo in elementalj & vegetali, in quibus æqualiter errant sine vitio morali, æqualiter debent habere passionem in perditione asini & barchæ. Quidam carpentarius ligna emit ab vno furnario, & in vno ligno est carbo ignis, sed non apparet, & furnarius asinum onerat de ligno, dum vero carpentarius ligna ad suam domum portat, fit magnus ventus & incenditur ignis, & ligna & asinum comburitur. Quæritur vtrum furnarius teneatur carpentario aut non? Solutio. Secundum arborem rationalem sensua-

fenfualem, vegetalem & elementalem, non peccat carpentarius, immo peccat secundum imaginalem, quoniam imaginari debebat carbonem incensum, quia ligna emit à furnatio & iuxta furnum. Et furnarius non peccauit secundum arborem rationalem, sed peccauit, in quantum carbonem incensum non imaginabatur, & peccabat, in quantum simpliciter lignum vendere promisit, & in parte vendidit carbonem incensum, & ideo furnarius tenetur de satisfactione carpentario, quia peccauit per affatum & per imaginationem. Et carpentarius non peccauit nisi tantummodo per imaginationem.

*De Quæstionibus habitus arboris
Apostolicæ.*

Vtrum in summa Trinitate sit habitus? Solutio. Vade ad rubricam antedictam. Vtrum cum mundus creatus non erat, fuerat in sapientia Dei habitatus? Solutio. Nullus habitus potest esse absque experientia alicuius partis aut similitudine subiecti, & quia sapientia Dei est infinita, non est ei necessaria similitudo, neque experientia alicuius creaturæ. Sapientia Dei quomodo mundum & suas partes intelligere poterat, licet in ipsa non fuerat habitatus? Solutio. Quia potestas Dei est infinita, sapientia sua intelligere poterat res possibiles creaturarum, licet creaturæ non sint aliquid, antequam sint, & sapientia cum sua intelligibilitate potest esse ratio intellectiuitati suæ ad producendum suas creaturas, quæ non sunt, & potestas potest hoc complere, & voluntas amare, & veritas potest hoc ponere in vero, licet habitus non sit necessarius. Et in hoc passu habet intellectus humanus

materiam ad habendum valde altam intelligentiam in Deo & in suis dignitatibus. Papa vnum elegit Canonicum in Episcopum, ille vero canonicus se exultat, quia magnum timorem habet de illo officio, quia periculosum est, qui dicit, quod non vult esse Episcopus: modò quaeritur vtrum iustam habeat exultationem, hoc supposito quod secundum moralitatem ipse sit sufficiens, quod sit Episcopus? Solutio. Secundum cursum naturalem in voluntate est nobilior virtus, charitas, quam timor, vt iam dictum est, & quia Papa dominium habet supra amorē & timorem Canonici, moraliter est nobilior finis in intentione Papæ per amorem, quam in intentione Canonici per timorem, quæ siquidem intentio Papæ esset in seruitute, si producere non posset voluntatem Canonici ad finem nobiliorem.

*De Quæstionibus habitus arboris
Cælestialis.*

Corpora Cælestia quomodo habent effectiue in habitu virtutē, quam corpora inferiora ab illis recipiunt? Solutio. Vade ad rubricam antedictam. Cum Aries est contra Saturnum, in illa contrarietate cuius habitus est fortior ad mittendum virtutem suam ad inferiora? Solutio. Si Saturnus sit propinquior Arieti quam Iupiter Cancro, est fortior Aries quam Cancer, & è conuerso. Sol quomodo habet in habitu illuminandi Lunam? Solutio. Sol suam dat similitudinem Veneri, & Venus illam similitudinem dat Mercurio, & Mercurius illam similitudinem dat Lunæ. Secundum hoc quod supra dicitur, nullo tempore sequeretur Eclipsis in Luna; quæro ergo quare est Eclipsis, cum ita sit, quod

quod sol continuè suam dat similitudinem Veneri, & Venus Mercurio, & Mercurius Lunæ? Solutio: Motus Planetarum circa terram per vnum respectum non vadunt semper, & ideo cum accidit, quod Mercurius Lunam non respicit per lineam diametricam, quia terra est in medio, non potest mercurius similitudinem Solis dare Lunæ, aut potest esse, quod inter Solem & Venus sit terra, aut inter Venus & Mercurium, aut inter Venus & Lunā, aut inter Solem & Lunam, & ideo sequitur Eclipsis per errantem cursum, vt dictum est.

De Quæstionibus habitus arboris Angelicalis.

Habitus Angelicalis qui sunt? Solutio. Vade ad rubricam antedictam. Sanctus Michaël habet in habuit cognoscēdi peccatum Martini? Solutio. Oculi habent in habitu videndi colorem, veruntamen illum videre nō possunt absque instrumento, nec Beatus Michaël attingere potest peccatū Martini sine operibus Martini. Lucifer habet in habitu pœnā æternalem? Solutio. Si S. Michaël non haberet habitū gloriæ æternalis, habitus suæ gloriæ cōpletus non esset. Pœna Luciferi est ita magna: sicut sūt sui habitus? Solutio. Logicus tantum scit de Logica: sicut est habitus suus Logicalis. Et tunc heremita dixit, quod pœna quam Lucifer sustinet, nemo narrare posset, nec scribere.

De Quæstionibus habitus arboris Æternalis.

Habitus æternales qui sunt? Solutio. Vade ad rubricam antedictam. Habitus quos habent Sancti

in æternitate, in quo sunt differentes ab habitibus, quos in hac vita habuerunt? Solutio. Habitus sanctorum sani sunt & non infirmi, & liberi sunt ac confirmati, & per affirmationem discunt sine negatione & dubitatione. Habitus vero huius vitæ infirmi sunt & alterabiles de bono in malū, & de malo in bonū, & sic de aliis alterationibus secundum quod experientiam habemus. Logicam quam scit Martinus, sciet illam in alia vita? Solutio. Si Martinus sit saluatus, logicam habebit in habitu, quam sciuit in hac vita secundum finem beatitudinis acquisitæ per illum habitum, & si sit damnatus, ipsam sciet contra finem, vt pœnam sustineat. Supposito quod Martinus sit saluatus, ipso in habitu habente aliquam virtutem plus per intellectum quam per voluntatem, habebit voluntas tantum de gloria in habitu sicut intellectus? Solutio. Purgatorium est propter hoc, vt aliquis habitus puniatur plusquam alius, vt æqualiter gloriam habere possint, veruntamen Rex per amorem alicuius amici sui parit filio illius, aut suo fratri.

De Quæstionibus habitus arboris maternalis.

Habitus Domine nostræ qui sūt? Solutio. Vade ad rubricam antedictam. Domina nostra habet ita fortiter in habitu iustitiam Filij sui, sicut suam misericordiam? Solutio. Tantum diligit Domina nostra Filium suum, quod æqualiter opera sua diligit: sed quia est peccatoribus obligata, qui in ipsa spem habent, suum Filium per misericordiam rogat, & quia est pia, ipsum de iustitia non rogat, quæ quidem iustitia peccatores punit. Do-

mina nostra vtitur simpliciter habitu misericordiæ, aut cum medio? Solutio. Si spes quam peccatores habent in Domina nostra, sit instrumentum, cum quo Domina nostra habet pietatem, bene sequitur, quod cum intellectu cum quo Filium suum intelligit, peccatores intelligit, & spem quam habent in ipsa. Beatus Petrus habet in habitu tam magnam sanctitatem, quod possit locum tenere Vicario suo? Solutio. Cum sanctitate Domine nostræ in qua peccatores spem habent, sunt multi homines saluati, & cum sanctitate spei suæ.

*De Quæstionibus habitus arboris
Iesu Christi.*

IN Iesu Christo fuit habitus fidei? Solutio. Vade ad rubricam antedictam. Iesus Christus habuit aliquam tentationem ad peccatum? Solutio ibidem. Iesus Christus multiplicabat species in intelligere suo? Solutio. Omnis intellectus qui speciem multiplicat, est infirmus. Iesus Christus dum erat in hoc mundo, obliuiscetur? Solutio. Sicut Deus in Iesu Christo recalebat vt homo, sic homo in Iesu Christo vt Deus recalebat.

*De Quæstionibus habitus arboris
diuinalis.*

Vtrum in Deo sit habitus? Solutio. Vade ad rubricam antedictam. Si in Deo non sit habitus, quomodo intelligere potest? Solutio. Intellectus Dei est purus actus ita in intelligendo sicut in existendo, nec est necessarium, quod sua intellectiuitas cum alio intelligibili intelligat, sed cum suo, quod est de sua essentia: idcirco intellectus diuinus prerogati-

uam habet super omnem intellectum creatum. Raymunde, quare negas tu, quod in Deo sit habitus, cum Deus sit bonitas & bonus, magnitudo & magnus, & sic de aliis? Solutio. Raym. dixit, quod habitus est illa potentia naturalis, in qua potentia actiua cum alia passibili agere potest in suo proprio patiente: sicut ignis qui habet in habitu calorem, qui cum sua calefactiuitate agere potest in suo proprio calefactibili cum iuuamine calefactibilitatis aëris: & ideo dicitur, quod omnis habitus est accidens, & non purus actus, quia per seipsum agere non potest sine iuuamine alterius: & quia Deus non indiget aliquo extra se, & habet operationem in seipso secundum productionem diuinarum personarum, idcirco negatur in Deo habitus, & dicitur, quod sua bonitas, magnitudo, &c. sunt purus actus in existendo & in agendo. Si in Deo non esset productio personarum, essent in ipso habitus? Solutio. Si in Deo non esset productio personarum, oporteret quod suæ rationes essent habitus & non purus actus, sicut sua potestas, quæ possificare non posset seipsam, nec sua æternitas æternare semetipsam, & potestas esset possificans & possificabilis creatura extranea cum cuius iuuamine se haberet ad suum possificabile, & potestas operationem in seipsa non haberet, & idem est de æternitate, & cæteris.

*De Quæstionibus habitus arboris
exemplificalis.*

Quare Deus sustinet, quod vnus homo sit subditus alterius, cum ita sit, quod ambo sint in specie similes & in natura? Solutio. Vade ad rubricam antedictam. Quare pulchra Domina

Domina est superba propter suam pulchritudinem, & Domina bona non est superba propter suam bonitatem, cum ita sit, quod bonitas sit pulchrior quam facies Dominae? Solutio. Nulla bonitas moralis cum peccato participat. Bonitas moralis quomodo est in habitu? Solutio. Homo qui moraliter bonus est in habitu habet bonitatem, in quantum sequitur naturam & rationem bonitatis, cum qua bonum producit in aliqua substantia bonificabili. Culpa quomodo est habitus per peccatum? Solutio. Per lucis priuationem est habitus umbræ, & per actum peccati est habitus culpæ.

De Quæstionibus situs. Et primò de arbore elementali.

Primariæ assituationes naturales quæ sunt? Solutio. Vade ad rubricam antedictam. Bonitas ignis quomodo est assituata? Solutio. Bonitas ignis attingi non potest cum oculis, quia visibilis non est: sed cum imaginatione eius assituationem imaginatur in numero bonificantis, bonificabilis, & bonificare, quæ de sua sunt essentia, in quibus est suum sustentamentum. Bonitas ignis quomodo assituata est in magnitudine? Solutio. Cum oculis magnitudo non attingitur ignis: sed extensitatem bonitatis extensæ per magnitudinē imaginabatur: & per bonum magnum bonificans & magnificans, & bonificabile & magnificabile, & bonificare & magnificare. Ignis simplex quomodo assituatus est in composito? Solutio. Dixit Raymundus quod quæstio illa fieret ramis arboris elementalis.

De Quæstionibus situs arboris vegetalis.

Elementa quomodo sunt assituata in pomo & pomū in ipsis? Solutio. Vade ad rubricam antedictam. Elementa sunt sub vegetatiua aut supra? Solutio. Elementa & vegetatiua sunt partes adinuicem mixtæ in pomo per corpus sphericum, videlicet rotundum. Veruntamen sic vegetatiua est supra elementatiuam: sicut finis qui est supra principium & medium, & flamma supra oleum. In assituatione pomi vegetatiua ponit aliquam extensitatem, quæ de sua sit natura? Solutio. Illa quæstio fiat guttæ olei vegetatæ, quæ se extendit supra plures guttas aquæ ex ipsis aggregatæ, quam siquidem extensionem facere non posset, si de natura corporali non esset. Ignis in pomo quare visibilis non est? Solutio. Nulla pars quæ est in alia, est visibilis.

De Quæstionibus situs arboris sensualis.

In equo quomodo assituatæ sunt arbor elementalis, & arbor vegetalis & sensualis? Solutio. Vade ad folia arboris sensualis. In equo sensitiua per ipsum extensa ponit naturam corporalem, quæ de sua sit essentia? Solutio. Si sensitiua non esset substantia corporalis, non haberet virtutem ad conuertendum in suam speciem calorem ignis, nec quantitatem ipsius, neque saporem vegetatiuæ, nec ossa equi essent in sua specie. Sensus communis est assituatus in ossibus equi? Solutio. Si sensus communis assituatus non esset in ossibus equi: ossa equi de sua specie non essent. Cum sensus communis sit in branchis equi, quomodo potest esse assituatus in ossibus, qui de suis bran-

chis non sunt? Solutio. Continua quã-
titas equi sustentata est, & assituata in
pluribus quantitibus discretis, & è
conuerso.

*De Quæstionibus situs arboris
Imaginalis.*

Imaginatiua quomodo assituata est
in equo cum aliis potentiis? Solutio.
Vade ad rubricam antedictam. Cum
imaginatiua sit de ita subtili materia,
quomodo intrare potest in assituatio-
ne cum aliis formis corporalibus? So-
lutio. Potestas est vna ratio imagina-
tiue, ratione cuius intrare potest in as-
situtionem cum aliis formis, & boni-
tas est vna alia ratio, cuius ratione est
ei bonum, quod intret assituationem
cum aliis formis, & sic de cæteris par-
tibus eius, idcirco ratione suarum par-
tium naturalium, & partium natura-
lium aliarum arborum potest cum illis
intrare assituationem, quamuis in se
paruam entitatem corporalem conti-
neat. Imaginatiua est corporalis po-
tentia? Solutio. Si imaginatiua non
esset corporalis potentia, actus suus
naturam non haberet in mensuris
Mathematicis extensis, quæ sunt si-
militudines substantiarum corpora-
lium. Imaginatiua est ens per se, aut
est ens, quod sit ex alio? Solutio. Ista
quæstio fiat arbori imaginali.

*De Quæstionibus situs arboris
Humanalis.*

Arbor humanalis quomodo est
assituata? Solutio. Vade ad ru-
bricam antedictam. Corpus est as-
situum in anima in longum, amplum,
& profundum, cum ita sit, quod ipsa
non sit de natura corporali? Solutio.
Sicut magnitudo quæ bona est per

bonitatem & non per seipsam, ita ani-
ma rationalis est extensa in longum,
latum, & profundum accidentaliter
per corpus, & non per seipsam. Quo-
modo scitur, quod anima rationalis
non sit de natura corporali? Solutio.
Intellectus humanus bonitatē Ange-
li & Dei desiderat, & idem est de ma-
gnitudine & cæteris formis spirituali-
bus; quamuis longum, amplum, & pro-
fundum non consideret. Anima ra-
tionalis est per generationem? Solutio.
Impossibile est generationem esse in
substantia, in qua non est longum, am-
plum, & profundum, quæ de sua sint
essentia, cum ita sit, quod generatio
incipiat ad producendum substantiam
in parte successiuè, & non in toto.

*De Quæstionibus situs arboris mo-
ralis virtuosæ.*

Virtus moralis quomodo est as-
situa? Solutio. Vade ad rubri-
cam antedictam. Substantia spiritualis quo-
modo est assituata? Solutio. In intel-
lectu assitutum est intelligere in in-
tellectiuo & intelligibili. Charitas
quomodo est assituata? Solutio. Cha-
ritas assituata est in modo, quem ha-
bent sancti homines in amâdo Deum,
se ipsos, & eorum proximos. Habitus
charitatis quomodo est assituatus? So-
lutio. In voluntate sunt naturalia &
essentialia amatiuum, amabile & ama-
re, & amatiuum accipit aliquod obie-
ctum amabile extra, & ex similitudine
sua, & ex similitudine obiecti quod est ex-
tra, atque ex similitudinibus amabilita-
tis & amare quæ sunt intra, producit
vnum amare nouum & extraneum acquisitum
& morale, per quod charitas est habi-
tuata, & est charitas sepe in actu, siue
ille homo charitativus vigilet aut dor-
miat, & est suo habitu indutus inquan-
tum

tum producere potest illud amare morale, secundum proportionem temporis aut loci, iustitiæ & prudentiæ & aliarum virtutum, quæ illum habitum iuuant.

De Quæstionibus situs arboris moralis vitiosæ.

Vitium quomodo est assituum, cum ita sit, quod dicat priuationem virtutis? Solutio. Lumen quod est de nocte ante hominem in camera tenebras assituat in pariete in figura extensa per illam vmbra. In homine auaro qui dormit quomodo assituata est auaritia? Solutio. Sicut præsentia luminis in pariete assituat similitudinem illius corporis quod est inter illud & parietem, ita habitus auaritiæ assituatus est per dissimilitudinem charitatis & largitatis, quæ priuantur in homine auaro qui dormit aut vigilat. Assituatio vitij Martini de quo est? Solutio. Sicut de non esse sequitur esse per creationem, quamuis non esse entitatem non habeat, ita ex priuatione esse moralis sequitur situs in quo habitus moralis vitiosus est sustentatus. Situs moralis habet quantitatem propriam? Solutio. Sicut priuatio habitus virtuosi producit situm in quo habitus vitiosus est sustentatus, ita qualitas priuata ex habitu virtuoso producit qualitatem situs vitiosi.

De Quæstionibus situs arboris Imperialis.

Scientia iuris quomodo debet assituari? Solutio. Vade ad rubricam antedictam, & ad rubricam iustitiæ in arbore morali. In emptione & venditione quare plus tenetur homo ex

deceptione medietatis, quam alterius quantitatis? Solutio. Illa deceptio quæ est inter principium & medium non est ita magna, sicut illa quæ est in medio, aut sicut illa quæ est inter medium & finem, quæ non sustinet quod contrarium suum in medio participet cum illa, quod si cum ipsa participaret, foret de sua natura. Præscriptio bonorum mobilium quare est posita in minori tempore, quam præscriptio bonorum immobilium? Solutio. Per triangulum principij, medij & finis citius alienantur bona mobilia, quam immobilia. Causa quare assituata est in figura trianguli, & non quadranguli, aut quintanguli: sicut assituatio moralis iudicis, rei, & actoris? Solutio. Omne medium morale liberum est inter duo extrema, siue extremitates sint in concordantia aut in contrarietate.

De Quæstionibus situs arboris Apostolicæ.

In summa Trinitate est assituatio? Solutio. Vade ad rubricam antedictam. Corpus Iesu Christi quomodo assituum est in Sacramento altaris? Solutio. Assituatio miraculi quod facit sanctus homo, est supra situm, qui est secundum cursum naturalem. Quare presbyter non potest esse aduocatus? Solutio. Tantum est situatio ordinis presbyteri in magna sanctitate, quod in ipso aduocatio sustentari non debet. Quare est prohibitum, quod bigamus possit esse presbyter? Solutio. Duplicitas matrimonij in situatione trianguli duas lineas comprehendit, & maritum situat in magna vilitate, quare in tali homine altior ordo situari non debet.

*De Quæstionibus situs arboris
cælestialis.*

Cælum quomodo est assituatum? Solutio. Vade ad rubricam antedictam. Sol est assituatus secundum corpus circulare aut sphaericum? Solutio. Nullum corpus est ita plenum circulo, quadrangulo & triangulo, sicut corpus, quod est rotundum. Sol quare est assituatus in Saturnum & Lunam? Solutio. Oportet quod virtus nobilior sit in medio. Firmamentum quare situatum est in circulo? Solutio. In figura circulari est maior mobilitas, quam in alia figura.

*De quæstionibus situs arboris
angelicalis.*

Substantia Angeli quomodo est assituata? Solutio. Vade ad rubricam antedictam. Gloria bonorum Angelorum quomodo est assituata? Solutio ibidem. Situs Angelicus est alterabilis? Solutio. Nulla substantia est alterabilis substantialiter, quæ secundum suam naturam non est in loco neque in tempore. Assituatio Angeli habet superficiem? Solutio. In distinctione spirituali vnius substantiæ spiritualis & alterius, est superficies spiritualis absque contactu & colore.

*De Quæstionibus situs arboris
æiternalis.*

Sancti quomodo assituati sunt in Paradiso, & damnati in inferno? Solutio. Consideravit Raym. in stellis cæli, & in carbonibus fornacis, quorum quidam sunt supra alios. Et vade ad rubricam antedictam. Animæ dam-

natorum quomodo assituatae sunt in æiternitate? Solutio. Consideravit intellectus mali angeli suam pœnam in desperatione assituatâ. Habitus malorum angelorum quomodo sunt assituati? Solutio. Ita est assituata pœna supra culpam in æiternitate; sicut calor supra substantiam ignis in inseparabilitate. Successio quomodo assituata est in æiternitate? Solutio. Partes circuli assituatae sunt in illo sine principio, medio & fine continuæ quantitatis.

*De Quæstionibus situs arboris
maternalis.*

Domina nostra quomodo est in cælo assituata? Solutio. Vade ad rubricam antedictam. Voluntas Domine nostræ quomodo est assituata? Solutio ibidem. Domina nostra quomodo recolit peccatores, & quomodo illos intelligit, qui in ipsa spem habent? Solutio. Sol multiplicat calorem ignis & suam lucem: idcirco ignis est magis calidus & magis lucens in æstate quam in hyeme, quem quidem Solem Domino Iesu Christo comparamus, in quo Domina nostra cognitionem habet de illis peccatoribus, qui in ipsa spem habent. Domina nostra est pedes in cælo, aut est sedens? Solutio. Nulla figura est tantum visibilis sedendo sicut stando.

*De Quæstionibus situs arboris Iesu
Christi.*

Assituatio naturæ diuinæ & humanæ quomodo est in Christo? Solutio. Vade ad rubricam antedictam. Cum natura diuina sit infinita quomodo assituari potest in natura finita? Solutio. Sicut Angelus qui transit per medium de vno loco ad alium
secu

secundū naturam loci, & non secundū naturā suipius; ita natura diuina assiruata est in natura finita secundū naturā finitā & non secundū naturā suipius. Et vade ad rubr. virtutis. Cū Pater & Filius & Spiritus sanctus sint vna essentia indiuisibilis, Filius & natura humana quomodo possunt esse in vna assiruuatione personæ? Solutio. Intellectus iudicis in suo iudicio veritatem intelligit, & voluntas iudicis illam veritatem diligit, & idem est de memoria, quæ ipsam recolit, & solus affarus pronunciat iudicium illis, qui sunt extra, qui iudicium per modum audiendi attingunt, quamuis sensus communis non sit diuisibilis. Corpus Christi est indutum, aut nudum? Solutio. Sol coram quo est nebula, tantum suā similitudinem in inferioribus nō trāsmittit, sicut facit sine nebula, neque in aliqua visibilitate tantum est de Beatitudine sicut in visibilitate corporis Domini nostri Iesu Christi.

*De Quæstionibus situs arboris
diuinalis.*

CUm in Deo sint distinctæ personæ in vna eadem essentia, quomodo potest esse vna persona in alia sine situatione? Solutio. Vade ad rubricam antedictam. Quare in Deo non potest esse situatio? Solutio. Quia in Deo quælibet persona est tota essentia, non potest esse in illo assiruatio. Et vade ad rub. virtutis. Postquā situs nō est in Deo, quomodo potest intellectus humanus attingere participationem diuinarum personarum? Solutio. Per situm quem Deus creauit, accipit humanus intellectus similitudinem, in qua attingit quomodo quælibet persona est in alia sine accidentali assiruuatione. Et vade ad rub. virtutis. Si situs

non esset, posset humanus intellectus percipere quod in Deo possent esse distinctæ personæ, qualibet existente in alia? Solutio. Cum puncto transcendenti transit humanus intellectus supra situm creatum & supra suas vires ad intelligendum quomodo Pater est in filio sicut generans, & Filius in Patre sicut generatus, & quomodo Pater & Filius sunt in Spiritu sancto sicut vnus spirans, & Spiritus sanctus est in illis sicut spiratus, & quomodo omnes tres sunt vna essentia & natura sine compositione.

*De Quæstionibus situs arboris
exemplificalis.*

Quæ est maior assiruatio Regis? Solutio. Vade ad rubricam antedictam. Rex qui in Cathedra sua vituperatur, quare ridet? Solutio. Si oculi mali Regis audirent hoc, quod de ipso suus populus dicit, propter coronam auri neque propter vestes pulchras non riderent. Vtrum annulus Regis sit ita pulcher sicut furcæ? Solutio. Iustitia Regis non est ita pulchra in annulo sicut in furcis. Corporalis pulchritudo quare melius conuenit Regi quam alij homini? Solutio. Pulchritudo iustitiæ, sapientiæ, fortitudinis, & charitas carnis & personæ maiorem habent in Rege concordantiam, quam in alio homine.

De Quæstionibus temporis. Et primò arboris elementalís.

Tempus est diuisibile? Solutio. Vade ad rubricam antedictam. Principia temporis quæ sunt? Solutio ibidem. Tempus quomodo consideratur & attingitur? Solutio ibidem. Ignis simplex est in tempore? Solutio.

Omne

Omne corpus in quo fit motus, est in tempore.

De Quæstionibus temporis arboris vegetalis.

TEmpus quare non est visibile? Solutio. Sicut potentia vegetatiua est inuisibilis, quia ex elementatiua est induta, sic tempus est inuisibile, quia de substantia est indutum. Pomum quod est in potentia, est in tempore? Solutio. Nullum ens quod substantiam non habet est in tempore. Si pomum quod est in potentia, non sit in tempore, quomodo est in potentia? Solutio. Illa substantia est in potentia, quæ principata est & non completa. Tempus quomodo est in motu? Solutio. Ita est tempus in motu, qui est eius figura, vt cognoscatur, sicut est color in colorato qui est sua figura, vt cognoscatur.

De Quæstionibus temporis arboris sensualis.

TEmpus quomodo sustentatum est in equo? Solutio. Vade ad folia arboris sensualis. Tempus quomodo est in auditu equi? Solutio. Est tempus in equo, qui sine motu non mouetur, & motus est in auditu equi, qui leonē audit clamare. Tempus est successiue aut in instanti in elementare, vegetare & sentire equi? Solutio. In quantum substantia equi est in instanti hoc quod est, est tempus in equo in instanti, & in quantum in equo est successio elementandi, vegetandi & sentiendi, est tempus in successione illius motus. Tempus quomodo existit in pede equi? Solutio. Tempus in pede existit in instanti, in quantum

pes equi est substantia, in qua tempus sustentatum est, & ita est in illo pede, qui mouetur in successione & motu, sicut arbor naui, quæ mouetur in motu naui.

De quæstionibus temporis arboris imaginæ.

Imaginatiua quomodo attingit tempus? Solutio. Vade ad rubricam antedictam. Tempus existit in imaginatione successiue? Solutio. In motu corporis anima est mota, cui quidem animæ motus de vno loco ad alium non conuenit naturalis. Imago non potest imaginari tempus? Solutio. Sicut oculi non vident substantiam, sed tantummodo figuram, ita imago tempus attingere non potest, sed suam figuram. In homine qui dormit & nihil imaginatur, est tempus de die & de nocte? Solutio. Tempus de die & de nocte est in imaginatiua, in quantum illa est in vno tempore in die, & in alio de nocte, sed figura temporis de die & de nocte non est in imaginatiua, quæ illam figuram non imaginatur.

De quæstionibus temporis arboris humanæ.

Arbor humanæ quomodo est in tempore? Solutio. Vade ad rubricam antedictam. Successio temporis quomodo existit in Martino? Solutio. Successio temporis existit in Martino per elementare, vegetare, sentire, imaginari, recolere, intelligere & amare, & per motum vnius loci ad alium. Tempus transit successiue in anima rationali Martini? Solutio. In substantia in qua non est generatio nec corruptio, non est successio temporis, & si

& si tempus existat in principio illius substantiæ, successio ipsius non est in cauda. Species quas Martinus multiplicat per recolere, intelligere, & amare, sunt in successione temporis, aut in instanti? Solutio. Si species fantista esset subiectum motus, oporteret quod esset substantia, est ergo tempus in motu successiuo potentiarum, Martinus & species quas multiplicat, sunt in instanti sine motu illarum; sicut albus color corui nigri, qui est in imaginatione Martini in instanti, qui ipsum imaginatur, licet ille color de coruo non moueatur in tempore successiuè.

De Quæstionibus temporis arboris moralis virtuosa.

Virtus moralis quomodo est in tempore? Solutio. Vade ad rubricam antedictam. Cum charitas non sit ens subiectum motui, quomodo potest esse in tempore? Solutio. Auiternitas non est subiecta motui, & est in tempore ex parte capitis, & non ex parte caudæ. Tempus charitatis quomodo incipit & finit? Solutio. In motu voluntatis quæ mouetur ad amandum Deum, est principium charitatis in tempore, & cum mouetur ad amandum luxuriam, aut aliud vitium, est finis charitatis, videlicet eius priuatio est in tempore. Martinus habet charitatem & iustitiam cum vitur charitate, & se mutat in vtendo iustitia, mutatio sua quomodo est in tempore? Solutio. Martinus finem charitatis considerat, cum vitur charitate, & finem iustitiæ considerat, cum vitur iustitia, & quia vnus finis est in vno tempore, & alius in alio, transmutatio illa est in tempore per modum principij, medij, & finis.

De Quæstionibus temporis arboris moralis vitiosa.

Vitium quomodo est in tempore? Solutio. Vade ad rubricam antedictam. Plura vitia quomodo existunt in vno tempore? Solutio. Plures habitus vitiosi possunt esse in vno tempore; sicut Petrus vitiosus, qui in vno & eodem tempore habitum auaritiæ habere potest & luxuriæ, sed in vno eodem tempore vti non potest actu cuiuslibet, quia termini sunt diuersi. Cum Petrus vitur luxuria, quomodo remanet habitus auaritiæ in tempore, postquam non vitur auaritia? Solutio. Est habitus auaritiæ dum Petrus vitur luxuria, in quantum est dispositio & ratio, quod Petrus vitur auaritia in suo tempore. Dum Petrus vitur luxuria & nō auaritia, vsus auaritiæ quomodo est in potentia in tempore futuro? Solutio. Voluntas Petri subiecta est habitui auaritiæ, quæ est in actu, quia ab ipsa priuatus est actus charitatis, & ille habitus auaritiæ est in tempore præsentis cum priuatione charitatis & amabile quod est extra, per quod est auaritia, in potentia in tempore futuro, & cum Petrus vitur sub habitu auaritiæ, existit amabilitas illa in actu in tempore præsentis.

De Quæstionibus temporis arboris Imperialis.

Tempus quomodo est in iudicio? Solutio. Vade ad rubricam antedictam. Miles mercatori vedit equum, in illo tempore quo vendidit equum est integer, & mercator equum probat, & dum equum currere facit, cædit equus, & suam tibiam rûpit: modo quæritur vtrum venditio valeat, aut

non? Solutio. In venditione equi, qui sanus est, non peccat arbor elementalis, nec vegetalís, sensualis, imaginális, nec rationalis, ex parte militis, & in tempore quo equus cecidit, peccabat arbor elementalis, sensualis, & imaginális ex parte equi & mercatoris, qui equum mouebat: idcirco secundum iustitiam valet venditio. Quidam mercator facit testamentum, & suum filium hæredem constituit, & centum solidos Martino dimittit, publicato testamento in absentia testium, & in præsentia Martini, dicit suo filio, quod Martinus habet ducentum solidos, & Scriptor in testamento in absentia testium ducentum solidos scripsit, modo quæritur, vtrum illud testamentum valeat, aut non? Solutio. Testamentum non valet tempore iudicij, & valet tempore concordantiæ, quæ est inter hæredem & Martinum. Quare homo mutus testamentum facere non potest? Solutio. In homine muto peccat arbor sensualis per cuius peccatum tempus non potest esse ei subiectum, quoniam affatus manifestare non potest conceptionem interiorem parentibus hominis muti, deficiente ergo figura temporis, oportet quod deficient res ordinatæ in defectu suæ figuræ.

De Quæstionibus temporis arboris Apostolicis.

IN summa Trinitate quomodo potest esse productio sine tempore? Solutio. Vade ad rubricam antedictam. In summa Trinitate existit principium, in quantum Pater Filium principiat, illud principium quomodo potest esse sine tempore? Solutio. Nulum suppositum in tempore est principiatum quod principiatum est de

essentia principij, quæ existit in æternitate, & non in tempore. In tempore in quo hostia non est consecrata, quomodo existit Sacramentum altaris in tempore futuro? Solutio. Iudex existens in iudicio suo vitur habitu iustitiæ, & amabilitas temperantiæ est in illo in potentia, quæ est in actu, cum iudex est in mensa, qui comedit temperare. Vsurare quare est? Solutio. Per usuram existunt quinque primæ arbores in homine usurario ociosæ moraliter, per quam ociositatem tempus & motus non sunt instrumenta ad acquirendum virtutes: idcirco Iudæi qui sunt usurarii, magis sunt pigri, quam alij homines.

De Quæstionibus temporis arboris Celestialis.

TEmpus quomodo est sine die artificiali? Solutio. Vade ad rubricam antedictam. Tempus quomodo est sine motu? Solutio ibidem. Tempus quare est? Solutio ibidem. Tempus simplex quomodo est commune ad tempus præteritum, præsens, & futurum? Solutio ibidem.

De Quæstionibus temporis arboris Angelicalis.

Angelus quomodo est in tempore? Solutio. Vade ad rubricam antedictam. Sanctus Michaël fuit principiat in tempore in substantia corporali aut spiritali? Solutio. Si sanctus Michaël esset principiat in tempore, quod sit pars substantiæ corporalis, foret tempus, quod esset pars sancti Michaëlis de natura substantiæ corporalis. Quomodo potest esse tempus in vna specie, quæ sit corporalis, & in alia quæ sit spiritalis, & quod sit

fit vnum in semetipso? Solutio. Sicut bonitas spiritalis & bonitas corporalis sunt per essentiam differentes, nec sunt sub vno genere bonitatis realis, ita sunt in differentia tempus sancti Michaëlis, & tempus solis, & tempus animæ Martini & sui corporis, quia si esset sub vno genere temporis, participarent in natura, & essent substantiæ spirituales in parte de natura corporis, & corporales de natura Spiritus. Angelus quomodo potest ire de Roma ad Hierusalem? Solutio. Angelus potest ire de Roma ad Hierusalem sine tempore, in quantum suum tempus naturale quod non est in illo sustentatum, sed in quantum ipse Angelus in ipso est principiat: & in quantum tempus est sustentatum in Hierusalem, & in Roma, non potest Angelus ire sine tempore de vno loco ad alium, tempore existente de natura illorum locorum.

De Quæstionibus temporis arboris æuiternitatis.

TEmpus in æuiternitate erit successiue? Solutio. Vade ad rubricam antedictam. Istud tempus generationis & corruptionis habebit finem? Solutio ibidem. Antichristus in quo tempore veniet? Solutio. Sol est in medio planetarum, vt communiferet eis virtutem, & aduentus Iesu Christi est in medio principij mundi & finis, vt det eis complementum: veniet ergo Antichristus secundum hanc similitudinem in fine mundi, vt sit contra messes Domini Iesu Christi, & quod ab eius natiuitate sit remotior. Antichristus qui tantam scientiam habebit, & qui sciet, quod ipse contra veritatem faciet, & quod in peccato morietur propter hoc quod faciet, &

sciet suam mortem, & quod in inferno æuiternaliter staret, quare malum faciet? Solutio. Sicut Dominus Iesus Christus se habuit ad mortem corporalem ratione vitæ æuiternæ, ita Antichristus se habebit ad mortem corporalem, vt se habeat ad mortem æuiternam, & hoc faciet vt ei sit magis contrarius.

De Quæstionibus temporis arboris maternalis.

TEmpore quo Domina nostra fuit concepta, fuit concepta in peccato originali? Solutio. Peccatum & virtus sunt contraria, & quia illo tempore quo Domina nostra concepta fuit, virtus fortius incæpit esse contraria peccato, quam in tempore transacto, oportet quod Domina nostra concepta fuerit absque peccato. Et vade ad rubricam antedictam. Domina nostra est semper in præsentia filij, cum ita sit, quod aliqui dicunt, quod ipsa in infima descendit per miracula, aut per iuuamina pluribus personis? Solutio. Sol inferius non descendit, veruntamen sua virtus est causa ad generandum flores & fructus. Domina nostra recolit tempus, in quo suus filius fuit crucifixus & mortuus? Solutio. Gloria Domine nostræ est ita magna, quod in quantum habet ita magnam gloriā, non recolit illud tempus, vt dolorem non habeat, sed in quantum peccatores habent spem in ipsa recolit illud tempus, & suum filium recolere facit, vt misericordiam de peccatoribus habeat. Quod est nobilius tempus quod vnquam fuit? Solutio. Nobilius tempus quod vnquam fuit, vel erit, fuit illud in quo Domina nostra suum filium concepit, quoniam in illo vniuerunt se adinu-

cem natura finita & infinita, & Deus fuit factus homo, qui cum omnibus creaturis participat.

De Quæstionibus temporis arboris Iesu Christi.

Æternitas & tempus quomodo possunt inuicem participare? Solutio. Vade ad rubricam antedictam. Cum Iesus Christus conceptus & natus sit in tempore, potest aliquid ultra tempus intelligere? Solutio. Sicut Deus passionem sustinuit in cruce in quantum homo, ita Iesus Christus homo ultra tempus intelligit omnia in quantum Deus. Iesus Christus est in cælo sèper in vno loco? Solutio. Maior gloria est status & motus secundum bene esse, quam vnius tantummodo. Deus in quo tempore fuit incarnatus? Solutio. Sicut virtus est maior in medio quam in extremis, oportuit quod tempus in quo Christus fuit incarnatus, fuisset in medio principij, & finis mundi, vt cum maiori virtute proportionatus fuisset.

De Quæstionibus temporis arboris Diuinalis.

In illo tempore in quo Deus principiauit mundum, principiauit in se aliquam nouitatem? Solutio. Vade ad rubricam antedictam. Quomodo potest Deus mundum principiare abique aliqua nouitate sui ipsius, ipso producente mundum in vno tempore, quam ante producere noluit? Solutio. In illo tempore quo Deus voluit mundum producere, voluit producere & creare tempus, quod non potuit esse subiectum alicui, quod fuisset ante ipsum, quia si posset esse, fuisset antequam fuisset, quod est impossibile. Pater fi-

lius generat, & Filius in æternitate remanet generabilis, in qua æternitate remanet generatus, & hoc fit per modum productionis, videlicet de generabilitate producere generatum. Modo quæro, quomodo istud fieri potest sine tempore? Solutio. In hoc quod generans est æternitas, & de seipso generat generabile, & generare est purus actus, sequitur de necessitate æternare, in quo tempus esse non potest. Deus potuit creare mūdum æternum? Solutio. Si creans qui est æternus potuisset creare mundum de sua essentia & natura, bene potuisset mundum creare æternaliter, ita quod in illo creare non fuisset principium neque tempus. Sed quia Deus mundum de sua natura creare non potest, neque de sua essentia, mundus recipere non potuit naturam æternitatis, neque potest esse principiatu sine tempore. Et idem de quantitate quam habere oportet, quod non potest esse de essentia substantiæ infinitæ.

De Quæstionibus temporis arboris Exemplificalis.

Quare homines desiderant habere filios? Solutio. Si homines sapè considerarent illud, quod quædam filia Regis suo Patri dixit, minimè filios desiderarent. Et vade ad rubricam antedictam. Quare pater vult, quod suus filius sit melior ipso, & Filius hoc esse desiderat? Solutio. Quia filius propinquior est secundum tempus fini mundi quam pater, in quo fine sunt messes perfectiores: naturaliter desiderat filius esse melior quam pater, & pater illud idem vult. Et in hoc significatum est, quod adhuc erunt plures sanctæ personæ. Quare Rex desiderabat plus quod de suo genere

nere plures Reges essent, quam de alio genere? Solutio. Naturaliter perfectio in duobus consistit, videlicet in existere & agere: ideoque naturaliter homines desiderant esse, & ut de eorum esse sequatur aliud esse, & hoc successu, cum ita sit, quod omnis causa suum effectum diligit secundum rationem naturalem. Fœmina quæ filium habuit cum ita magno labore, quod quasi iuxta mortem deuenta est, quare iterum marito suo copulam concedit carnalem? Solutio. Dolores obliuiscuntur, & placita desiderantur.

De Quæstionibus loci arboris elementalis.

Locus quid est? Solutio. Vade ad rubricam antedictam. Res collocata quomodo sunt in loco? Solutio ibidem. Quales sunt similitudines loci, quas oculi attingunt? Solutio ibidem. Locus est imaginabilis? Solutio. Sicut essentia loci est visibilis, ita est imaginabilis, & hoc est, quia oculi essentiam loci non attingunt, unde imaginatio imaginatur similitudines loci, quas oculi attingunt. Intellectus vero, supra imaginationem essentiam loci attingit.

De Quæstionibus loci arboris vegetalis.

In pomo arbor vegetalis & elementalıs quomodo sunt collocata? Solutio. Vade ad folia arboris vegetalis. Pomum quod est in potentia in pomerio, quomodo est collocatum? Solutio. Finis pomi quod est in potentia collocatum, est in fine pomerij qui est in actu. Et idem est de bonitate pomi & bonitate pomerij, & sic de aliis primis principiis extensis

in radicibus, truncis, branchis, ramis, foliis, floribus, & fructibus elementaliter, & vegetaliter. Color pomi quomodo collocatus est in colore ignis & aliorum elementorum? Solutio. Sicut plures partes collocatæ sunt suo in toto, sunt plures colores collocati in colore pomi ex pluribus aggregato. Vegetatiua pomi quomodo potest collocari in colore, cum ita sit, quod ipsa colorem non habeat? Solutio. Sicut aer qui calidus non est per suam naturam, nec aqua: similiter est eorum calor in sentire assituatus; ita vegetatiua pomi, quæ colorem non habet secundum suam naturam, assituata est in colore pomi qui propriè est ex elementis, & qui pomo est appropriatus.

De Quæstionibus loci arboris sensualis.

In equo arbor elementalıs, vegetalıs, & sensualis quomodo sunt collocata? Solutio. Vade ad folia arboris sensualis. Sensitiua habet locum, qui de sua sit natura? Solutio. Ita locus appropriatus est sensitiuæ per locum elementalem, sicut aëri calor per calorem naturalem ignis. Si sensitiua per seipsam locum non habet, quomodo potest collocari in loco? Solutio. Quia magnitudo creata est bonificabilis, potest bonificari, quamuis bona non sit secundum suam naturam, potest ergo in bonitate sustentari in quantum bona. Sensitiua quomodo est collocata in sentire? Solutio. Naturaliter sentire est dispositum essendi collocatum in sensitiuo & in sensibili: sicut aer qui dispositus est, quod calefat, in quantum est calefactibilis, & quia locus grosso modo constat ex elementis permixtis cum vegetatiua & sensitiua equi Martini. Dispositi-

tio illius sentire collocata est in loco istius mixtionis, per cuius collocationem equus famem sentit aut sitim, & viam videt, per quam vadit, & sentit frigiditatem aquæ, quam bibit.

*De Quæstionibus loci arboris
imaginalis.*

Imaginativa quomodo imaginatur locum? Solutio. Vade ad rubricam antedictam. Locus est pars imaginationis? Solutio. Si locus esset proprium accidens imaginationis, semper cum imaginatio species multiplicaret, extenderetur corpus subiectum in loco, & sequeretur quod chimera quam imaginatio facit, esset substantia. Imaginatio quomodo participat cum loco? Solutio. Sicut substantia equi est disposita, quod imaginetur ratione suarum primarum partium, & ratione coloris equi Martini: ita est disposita, quod sit imaginata ratione imaginabilitatis quæ est in imaginatione collocata secundum similitudinem loci, cum qua similitudine substantia equi cum imaginatione participat. Cum Martinus moriatur, sua imaginatio in quo loco remanet, cum ita sit, quod cum anima non vadit, quoniam ei necessarius est locus elementalis in quo sustentetur? Solutio. In illo loco in quo erat imaginatio Martini sustentata & seminata, videlicet in loco radicali & communi, oportet quod imaginativa sustentetur, sicut sapor pomi comesti, qui ad prima principia rediit.

*De Quæstionibus loci arboris
humanalis.*

Martinus quomodo est in loco? Solutio. Vade ad rubricam antedictam. Martinus quomodo est col-

locatus in seipso? Solutio ibidem. Martinus qui suum equum recolit, quomodo habet similitudinem illius equi in sua anima? Solutio. Martinus habet similitudinem illius equi in sua anima per imaginatiuam, quæ illas similitudines accepit per visitiuam, quas similitudines accepit memoria quæ equum recolit. Voluntas Martini quomodo est collocata in suo intellectu, qui ipsam intelligit? Solutio. Habitus prudentiæ est instrumentum, per quod de amabilitatibus quæ sunt extra, accipit amabilitatem interiorem voluntatis, & ex illis similitudinibus amabilitatis voluntatem Martini considerat.

*De Quæstionibus loci arboris morales
virtuosa.*

Virtutes morales quomodo sunt in loco? Solutio. Vade ad rubricam antedictam. Iustitia quomodo est in habitu, cum spes sit in actu? Solutio. Iustitia est in habitu tunc, cum suus actus non est in iudice, & actus spei qui est sperare, exit de spe. Cum iustitia sit in habitu & spes in actu, quæ illarum in alia consistit? Solutio. In illa virtute est maior bonitas, quæ est existens & agens, quam in illa, quæ est in habitu tantummodo. Quare virtus nobilior est in medio loco, quam in extremis? Solutio. Nulla virtus in medio participare potest cum suo contrario.

*De Quæstionibus loci arboris moralis
vitiosa.*

Vitium quomodo est in loco? Solutio. Vade ad rubricam antedictam. Cum Martinus sit castus, in quo loco existit luxuria in potentia? Solutio. Possibilitas quam habet Marti-

nus effendi luxuriosum, est locus, in quo luxuria est in potentia. Luxuria de quo loco deriuatur? Solutio. Luxuria deriuatur ex quinque arboribus primis, in quantum dispositæ sunt ad vtendum contra castitatem. Illa dispositæ per quam quinque arbores dispositæ sunt vtendi luxuria, vnde venit? Solutio. Ipsa venit ex deuotione libertatis quam Deus dat homini ad faciendum bonum, quæ siquidem libertas, quæ per hominem venit, est difformata, & est in potentia, in quantum homo de nihilo est creatus.

De Quæstionibus loci arboris Imperialis.

Iurista quomodo debet vti loco in suo iudicio? Solutio. Vade ad rubricam antedictam. Mercator qui emit equum, in absentia equi soluit denarios, tandem ad domum militis vadit ad accipiendum equum, quem mortuum inuenit, propter quod mercator denarios recuperare debet: sed supposito quod vnus alius mercator vnum equum emit ab alio milite, qui sibi tradidit equum in absentia denariorum, & milite leunte cum ipso ad domum, mercator archam suam inuenit ruptam, & denarij sunt furati, venturamen venditio equi valet supposito quod mercator habeat vnde soluere possit: ideo est quæstio, quare vltima venditio valet, & non prima? Solutio. In mercatore remanet arbor elementalís abundans, quamuis sui denarij furati sint, & militi qui equum perdidit, arbor elementalís, vegeralis, sensualis, & imaginális, in certo numero equi deficiunt. Vnus homo alij mutauit centum talenta, & dixit, quod soluit ei quinquaginta talenta sub vna ficulnea, debitor vero dicit,

quod ipse sibi soluit centum sub vna castanea, & quilibet ipsorum testes adduxit, qui dicunt, quod debitor soluit omnia talenta sub vno pomerio. Modo quæritur secundum quam trium arborum iudex debeat dare iudicium? Solutio. Actor sapius considerat hoc, quod mutuat, quam reus hoc quod mutuo recipit, quia denarij desiderabiliores sunt ad recuperandum, quam ad soluendum: idcirco actor magis est abundans arbore imagináli & rationali, quam reus, si omnino sibi solutum non est ei, & si omnino est ei solutum, est minus abundans, quia sibi solutum est, & testes maiorem habent concordantiam cum numero arboris elementalís ex parte rei, quam ex parte actoris, per quam maiorem concordantiam denariorum significatum est: quod testes sint contra actores, licet eis deficiat arbor imaginális, in quantum dicunt, quod denarij soluti fuerunt sub pomerio, aut forte eorum imaginatio non deficit, sed deficit imaginatio actoris & rei aut vnus: debet ergo iudex iudicare pro reo, pro quo est maior præsumptio per imaginationem & per concordantiam numeri denariorum, quam habet eum testibus. Fœmina quare ad testimonium non admittatur, cum ita sit, quod fœmina loquatur citius, & magis specifica voce, quam homo? Solutio. Causa quare fœmina loquitur citius quam homo, est, quia homo naturaliter maiorem deliberationem habet in loquendo, quam fœmina, per quam maiorem deliberationem est magis constans, quam fœmina; & etiam in testimonio maiorem vim habet intellectus quam voluntas, & fœmina sapius loquitur per naturam voluntatis, quam per naturam intellectus, homo vero facit per contrarium. Idcirco fœmina

mina

mina in testimonium admitti non debet, supposito, quod homo testimonium facere possit, & causa quare femina plus specificè loquitur quam homo est, quia magis subtilem loquelam habet.

*De Quæstionibus loci arboris
Apostolicæ.*

IN summa Trinitate quomodo Pater potest esse in Filio, & Filius in Patre sine loco? Solutio. Vade ad rubricam antedictam. Spiritus sanctus qui exit de Patre & Filio, quomodo exire potest ex ipsis sine loco? Solutio ibidem. Locus qui est creatura in quo seruit ad intelligendum summam Trinitatem? Solutio. Locus est figura ex qua intellectus humanus trahit similitudinem, cum qua intelligit in summa Trinitate quod quælibet persona est in alia. Tres personæ quomodo possunt esse in essentia sine loco? Solutio. In bonitate sancti Michaëlis sunt bonificans, bonificabilis, & bonificare sine loco.

*De Quæstionibus loci arboris
Cælestialis.*

Firmamentum est in loco? Solutio. Vade ad rubricam antedictam. Virtus quam Sol dat flori quomodo transit per locum? Solutio. Ignis aërem calefacit, & aër illum calorem quem accipit de igne dat aquæ, & aqua ipsum dat terræ. Sol quomodo se mouet de vno loco ad alium? Solutio. In sole suæ partes sunt circulares & sphaericae, & appetitus communis partium est motus, qui est centrum illius appetitus. Quare Sol se mouet in æstate superius, & in hyeme inferius? Solutio. Viuunt plantæ & animalia per solem,

& sunt quatuor tempora in anno, & martellus mouetur secundum dispositionem clauis, & radices arboris cælestialis quietem habent in motu solis.

*De Quæstionibus loci arboris
Angelicalis.*

Angelus quomodo est in loco? Solutio. Vade ad rubricam antedictam. In sancto Michaële locus est vna de suis partibus? Solutio. Sicut in sancto Michaële tempus est vnum de suis principiis, in quantum principiari non potuit sine tempore, ita in ipso locus spiritualis est vnum de suis principiis sine quo quædam partes non possunt esse in aliis. Cum sanctus Michaël transit de vno loco ad alium, transit in instanti, aut successiue? Solutio. In continenti, cum amicus suum diligit amatum, est amatus recolitus. Plures Angeli quomodo possunt esse in vno loco? Solutio. Vade ad rubricam, vt supra.

*De Quæstionibus loci arboris
aufernalis.*

Sancti quomodo se mouent de vno loco ad alium? Solutio. Vade ad rubricam antedictam. Infernus in quo loco est? Solutio. Quia Infernus & Paradisus sunt contrarij per magnam contrarietatem, oportet quod eorum distantia sit magna: est ergo locus Inferni in corde terræ, qui remotior est à cælo empireo, quam aliquis alius locus. Damnati quomodo sunt collocati in Inferno? Solutio. Imaginabatur Raym. vnum magnam montem de carbonibus quorum quidam sunt super alios. Sancti quomodo sunt collocati in Paradiso? Solutio. Imaginabatur Raymundus motum

tum stellarum & cælum Empireum
plenum luce.

*De Quæstionibus loci arboris
maternalis.*

Peccatores qui in Domina nostra
ipem habent, quomodo sunt Filij
Dominæ nostræ? Solutio. Vade ad ru-
bricam antedictam. Domina nostra
quomodo est in cælo? Solutio. Ray-
mundus imaginabatur stellam auro-
ræ, quæ aduentum solis denunciat.
Domina nostra vbi est in cælo? Solu-
tio. Raym. imaginabatur assituatio-
nem Angelorum & sanctorum in cæ-
lo Empireo, & supra assituationem Ie-
sum Christum, & Dominam nostram
imaginabatur. Corpus Dominæ no-
stræ quod est in cælo, quid sustinet il-
lud? Solutio. Voluntas vult, & suum
velle est completum.

*De Quæstionibus loci arboris Iesu
Christi.*

Iesus Christus est in omni loco: So-
lutio. Vade ad rubricam antedi-
ctam. Natura humana quomodo est
in diuina, cum ita sit, quod in diuina
non sit locus? Solutio. Potestas potest,
& possificat, & intellectus intelligere
potest, & intelligit, & voluntas amare
potest, & amat. Natura diuina quæ est
inspita, quomodo stat in natura hu-
mana, quæ est finita? Solutio. Maior
virtus animæ est in virtute corporis,
quæ est minor, & ex anima & corpo-
re consistit vna persona. Iesus Chri-
stus quomodo est in cælo? Solutio.
Raymund. solem imaginabatur, qui
stellas illuminat.

*De Quæstionibus loci arboris
dininalis.*

Quomodo Deus est in loco & si-
ne loco? Solutio. Vade ad rubri-
cam antedictam. Deus quomodo est
in seipso? Solutio. Bonitate existente
in suo bonificante, bonificabili, & bo-
nificare, existit in seipsa. Mundus quo-
modo in Deo est collocatus? Solutio.
Substantia finita collocata est in infi-
nita, inquantum in illa est terminata.
Deus est in Inferno? Solutio. Si Deus
essentialiter In inferno non esset, o-
porteret quod substantia sua termi-
nata esset & finita.

*De Quæstionibus loci arboris
exemplificalis.*

Potestas, sapientia, & voluntas quo-
modo possunt esse sine loco in
bonitate? Solutio. Vade ad rubricam
antedictam. Aequalitas est locus, aut
subiectum per quod potestas, sapien-
tia & voluntas æquales sunt in boni-
tate in substantia spiritali? Solutio.
Ita est æqualitas locus plurium for-
marum æqualium, sicut locus in po-
mo plurium elementorum, & sicut
pomum quod est locus compositionis
eorum. Diuinæ formæ quomodo
possunt esse aliæ in aliis sine loco? So-
lutio. Vade ad rubricam virtutis. To-
tum quomodo collocatum est in suis
partibus, & partes in illo? Solutio ibi-
dem.

*De Quæstionibus quantitatis calc-
stialis arboris exemplificalis.*

Quantitas in qua figura plus habet
de virtute? Solutio. Vade ad ru-
bricam antedictam. Sol est maior

quam terra? Solutio. Si sol terram illuminat per rectas lineas secundum mēsuras quas antiqui posuerunt, maior est quam terra, veruntamen si terram illuminat illuminando Venus, & Venus Mercurium, & Mercurius Lunam, & Luna ignem, & ignis aërem, & aër aquam, & aqua terram, illuminat Sol terram, speciem sui splendoris multiplicans, & potest esse multo minor quam terra, sicut flamma candelæ, quæ minor est, quam camera: & illuminat cameram, suam speciem multiplicando. Sol quare maior apparet in manè, quam in meridie? Solutio. In manè vapores terræ sunt de grossiori materia, quam in meridie, in quorum grossitie ignis multiplicat magis suam similitudinem, quam in minus grossis. Quare Sol est magis calidus hora vespereorum, quam hora tertia? Solutio. Sicut Sol igni multiplicat suum calorem, multiplicat ei suam siccitatem, quam habet maiorem, quanto Sol remotior est à terra, quæ est de completionē aëris.

De Quæstionibus qualitatis exemplificæ arboris angelicæ.

Quare Dæmon peccata hominum procurat, postquam scit, quod propter ipsorum peccata maiorem habet pœnam? Solutio. Vade ad rubricam antedictam. Ignis de quo viuit? Solutio ibidem. Febres quare sunt? Solutio ibidem. Quare dæmon non agit bonum? Solutio ibidem.

De Quæstionibus relationis exemplificæ arboris æternæ.

Quare pictores qui sunt inter nos depingunt imagines dæmonum in figura nigra, & illi qui sunt in In-

dia in figura alba, & quare ipsos in turpi figura depingunt? Solutio. Vade ad rubricam antedictam. Paradise quare ploras? Solutio ibidem. Quare Paradisus lupum maledixit, qui abstulit à Regina suum Filium? Solutio ibidem. Quare plures homines vadunt in Infernum, quam in Paradisum? Solutio ibidem.

De Quæstionibus actionis & passionis exemplificæ arboris maternalis.

Cum mundus sit Dei, quare patitur, quod lupi oues comedant? Solutio. Vade ad rubricam antedictam. Quare est Ecclesia? Solutio ibidem. Quare est religio? Solutio ibidem. Peccator habet actionem in Domina nostra, & Domina nostra in suo Filio? Solutio ibidem.

De Quæstionibus habitus exemplificæ arboris Christianæ.

Est vna idea, aut plures? Solutio. Vade ad rubricam antedictam. Habitus scientiæ de quo viuit? Solutio ibidem. Quomodo intelligit homo vnā rem cum alia? Solutio ibidem. Necessitas & contingentia quomodo sunt differentes, & quomodo sunt vnum idem? Solutio ibidem.

De Quæstionibus situs exemplificæ arboris diuinæ.

Quare dixit insipiens in corde suo, quod non est Deus? Solutio. Vade ad rubricam antedictam. Deus quomodo est? Solutio ibidem. Deus si non esset in Trinitate, posset esse? Solutio ibidem. Quis modus teneri debet in disputando & probando fidem Catholicam? Solutio ibidem.

*De Quæstionibus florum. Et primo
de arbore elementali.*

FLORES elementorum qui sunt? Solutio. Vade ad rubricam antedictam. Instrumenta naturalia quæ sunt? Solutio ibidem. Elementare quomodo est instrumentum elementantis & elementari? Solutio. In scriptura penna est instrumentum agentis & patientis. Et vade ad rubr. virtutis. Ignificare est instrumentum calefacto, aut calefacere? Solutio. Penna est substantialis literæ, & eius motus est accidentalis. Ignificare est instrumentum ad vegetandum piper, aut calefacere? Solutio. Ignificare est instrumentum elementandi, & ideo est instrumentum substantiæ piperis, quæ quidem substantia est ex suo instrumento, & calefacere est instrumentum caloris piperis, & calor piperis est ex suo instrumento. Ignificare est instrumentum sentiendi calorem, aut calefacere? Solutio. Ignificare est instrumentum substantiale, quod mouet substantiam ad sentiendum, & calefacere est instrumentum accidentale, quod mouet substantiam ad calorem, & sentire est flos, de quo nascitur sensum calefactum per calorem, & elementatum per ignem, & sensatum per sentire. Ignis quomodo est instrumentum ad imaginandum? Solutio. Flamma ignis est visibilis, & calor ipsius est sensibilis, est ergo ignis instrumentum imaginationi, in quantum obiectum sensibile disponit, de quo imaginatio similitudinē trahit imaginabilem. Ignis quomodo est instrumentum ad intelligendum? Solutio. Ignis flammam quæ est visibilis, procurat, & sensus illam visibilitatem accipit, similitudi-

nem cuius accipit imaginatio, & illam similitudinem accipit intellectus ab imaginatione, de qua suum induit intelligere. Quomodo ignis est instrumentum voluntati hominis, quæ aquam desiderat? Solutio. Ignis suum calorem & siccitatem in vegetatiua multiplicat, & vegetatiua dat illam multiplicationem sensitiuam, & imaginatiua similitudinem illius multiplicationis accipit, & similitudinem passionis, & ambas similitudines dat intellectui, quas quidem similitudines intellectus repræsentat voluntati, quæ elegit appetitum aquæ frigidæ contra sitim multiplicatam. Quomodo fit indiuiduatio substantiæ & sustentatio speciei? Solutio. Vade ad rubricam antedictam.

*De Quæstionibus florum arboris
vegetalis.*

FLOS pomerij est visibilis per elementatiuam aut per vegetatiuam? Solutio. Vade ad rubricam antedictam. Flos quomodo est instrumentum fructus? Solutio. In sphaera Lunæ elementa colligunt influentiam corporum celestium, & illam influentiam colligunt fructus ex floribus. In flore pomerij est pomum in potentia, aut in tota arbore? Solutio. In flore colliguntur omnes potentialitates aliarum partium arboris. Quare flores plus habent de odore quàm folia? Solutio. Vade ad rubr. virtutis. Quare non tantum stant flores in arbore sicut folia? Solutio ibidem. Flores quare magis intensum colorem habent quam folia? Solutio ibidem. Ficulnea quare non facit flores? Solutio ibidem. Ficus quare sunt magis placidæ ad comedendum, quam alij fructus? Solutio ibidem. Fructus nascitur de pomo successiue aut in

instanti? Solutio. In omni multiplicatione motus oportet esse successionem. Quæ partes arboris ante nascuntur de flore in fructu? Solutio. Ante oportet fundamenta cameræ esse quam suæ parietes, & parietes antequam rectū.

*De Quæstionibus florum arboris
sensualis.*

Flores arboris sensualis quales sunt? Solutio. Vade ad rubricam antedictam. In arbore sensuali quis actus est magis generalis? Solutio. Sicut in pipere magis generalis actus est calefacere, quam actus aliarum qualitatuum, sic in arbore sensitiuæ sentire est magis generalis actus, quam actus aliarum arborum. Oculi quomodo sunt instrumenta ad videndum? Solutio. Vade ad rub. virtutis. Ignis quomodo est instrumentum oculorum & visus? Solutio. Ignis est instrumentum oculorum per elementationem, & ipsi visui per lucem. Vegetatiua quomodo est instrumentum oculorum & visus? Solutio. Vegetatiua est instrumentum oculorum per vegetare, & visus per specificare species, quæ ad visum pertinent, sicut in nutriendo specificat sanguinem venis, & medullam ossibus. Sensitiua quomodo est instrumentum oculorum & visus? Solutio. Sensitiua est ita instrumentum oculorum in sensando, sicut elementatiua in elementando, & vegetatiua in vegetando. Et ita est instrumentum visus per sentire, sicut ignis per illuminare, & & vegetatiua per digerere. Videre quomodo est instrumentum visus? Solutio. Videre est actus potentiae actiuae, quæ in illo similitudinem accipit potentiae passivæ. Quare in oculis sunt plures tunicæ? Solutio. Multiplicatio speciei fit in dando similitu-

dinem vnius potentiae alij, & ideo cætrum oculorum solem significat, qui suam dat similitudinem Veneri, & tunicæ alios planetas significant & sphaeras, qui accipiunt similitudines. Homines quare habent placitum in videndo pulchras figuras, & displicentiam in videndo turpes figuras? Solutio. Oculi & voluntas in pulchritudine concordantiam habent & in turpitudine contrarietatem. Quomodo voluntas non vult, quod oculi turpia videant. Et in hoc passu est significatum, quod voluntas naturaliter est pulchra. Quare oculi magis sunt de colore aquæ & terræ, quam ignis & aëris? Solutio. In visu ita sunt color aquæ & color terræ instrumenta coloris ignis & aëris: sicut motus martelli est instrumentum motus clavi in agere, siue operari suo.

De Quæstionibus florum arboris imaginæ.

Flores arboris imaginæ qui sunt? Solutio. Vade ad rubricam antedictam. Imaginari quomodo est instrumentum elementandi? Solutio. Cum imaginari delectationem comedendi & bibendi, imaginatio sensitiuam mouet ad sentiendum appetitum comedendi & bibendi, & sensitiua vegetatiuam mouet ad vegetandum, & vegetatiua elementatiuam ad elementandum. Et vade ad rub. virtutis. Imaginatiua quomodo est instrumentum imaginari? Solutio. Imaginatiua multiplicat similitudines plurium rerum, & cum omnibus imaginatur similitudines imaginari desiderari, ut sentiat aut intelligatur. Cum imaginatiua castrum aut aliud obiectum imaginatur, quomodo imaginari est instrumentum? Solutio. Motus manus instrumentum est motus martelli, qui siquidem motus manus

manus est instrumentum appetitus volutatis, quæ manum mouet, vt martellus clauum moueat. Dixit Monachus Raymundo, quod adhuc solutionem istius quæstionis non intelligebat. Raymundus respondit Monacho, quod imaginaretur, & consideraret motum, quem habent voluntas, imaginatio, manus, & martellus ad clauum, quem quidem motum imaginatio aggregat ex pluribus similitudinibus, quæ sunt plures tunicæ, de quibus suum induit imaginari. Et vade ad rub. virtutis. Vestigiū pedis quomodo est instrumentum ad imaginandum pedem? Solutio. Quilibet effectus suam causam significat cum similitudine. Quare vestigium pedis non est instrumentum ad imaginandum colorem pedis? Solutio. Imaginatio accipiendo vestigium pedis, non multiplicat similitudinem coloris in causa, sed tantummodo in effectu, & hoc est, quia oculi non accipiunt per vestigiū qualem pedem in numero. Imaginatio, quomodo multiplicat imaginari ex pluribus speciebus? Solutio. Vade ad rub. virtutis. Ex imaginari quomodo sequitur imaginatum? Solutio. Sicut ex vegetare sequitur vegetatum, & imaginatio accipit illam similitudinem antecedentis & consequentis, ita sequitur ex imaginari imaginatum. Imaginari est morale instrumentum, aut naturale? Solutio. Imaginari est instrumentum naturale intra imaginationē, & morale extra. Imaginatio incipit ante imaginari suum in sua natura, aut in suis moralitatibus? Solutio. Agens naturale ante incipit in partibus propinquis, quam in partibus remotis secundum appetitum, sed ante incipit in partibus remotis secundum necessitatem.

De Quæstionibus florum arboris humanalis.

Flores hominis qui sunt? Solutio. Vade ad rubri. antedictam. Quomodo in homine elementare est flos, & idem est de vegetare, sentire, & imaginari? Solutio. Homo est elementarius in quantum alium hominem generat, quando ex elementato producit elementatum, & ideo flos suus est elementare, quod est instrumentum illius productionis, quæ est de suomet instrumento: homo est vegetarius, in quantum Pater dat Filio potentiam vegetariam per generare & vegetare, & est sensitiva in quantum suo Filio dat potentiam sensitivam, & idem de imaginatiua: sunt etiam per alium modum flores in homine, sicut Martinus qui est elementarius, vegetarius, & sensitivus, in quantum cibum transmutat in speciem suam, & est imaginarius, in quantum vtitur imaginari. Anima Martini quomodo facit suum corpus elementare, vegetare, & sentire? Solutio. Naturales partes quæ sunt in Martino ex parte elementariæ, sunt intentione, quod ex ipsis sit homo, & idem de vegetatiua, sensitiva, & imaginatiua: sunt ergo per seipsas dispositæ, quod sint partes hominis, & anima rationalis ipsas applicat, & ponit in actu illis partibus cum suis partibus formalibus participantibus dispositis, quod sint partes hominis, & ex mixtione ambarum dispositionum, vna existēte actiua, & alia passiva, resultat homo, qui vtitur partibus suis, & vtitur qualibet parte secundum suam naturam. In homine est calor, & per consequens calefacere, illud calefacere est instrumentum, ignis aut animæ, aut hominis? Solutio. In scri-

ptura voluntas mouet manum, & manus pennam, & homo voluntatem mouet atque manum & pennam. Homo homificat seipsum? Solutio. Filius non potest homificare seipsum, ita quod se hominem faciat, quod si se hominem faceret, esset Pater suiipsum, veruntamen habet in seipso homificare, sicut in se habet videre vtendo partibus suis secundum quod instrumenta sunt ad vsum hominis. Homo quomodo habet rationare? Solutio. Homo habet rationare vtendo partibus animæ rationalis secundum earum officium, sicut habet sentire vtendo partibus sensus secundum eorum officium. Homo quomodo habet meritum morale? Solutio. Homo habet meritum morale virtuosum vtendo suis partibus secundum earum officium, & vitiosum, cum vititur partibus suis contra earum officium. Et vade ad arborē moralem. Homo quomodo viuít? Solutio. Lumen de oleo in lampade viuít. Homo quomodo moritur? Solutio. Deficit oleum, & moritur in lampade lumen. Homo quare est? Solutio. Homo est duobus modis, primus est formalis & naturalis, in quantum est de anima & corpore, secundus est finalis & moralis, videlicet Deum amare & cognoscere, recolere, laudare, & ei seruire, & ideo morales virtutes sunt viæ finis & operationis, per quas deuenitur ad beatitudinem.

*De Quæstionibus florum arboris
moralis virtuosæ.*

Flores virtutum qui sunt? Solutio. Vade ad rubricam antedictam. Quare merita sunt flores virtutum? Solutio. Retributio est constantia meriti, sicut pomum quod est constantia

floris pomerij. Meritum de quo est? Solutio. Meritum est ex rebus debitis secundum finem propter quem sunt, & etiam cum homo vti non vult contra illum finem. Meritum quare est? Solutio. Meritum consistit duobus modis, primo est, quia homo vititur naturis partium, de quibus est, & non contra earum naturam, secundo est, vt Deus occasionem habeat dandi gloriam hominibus virtuosis.

De Quæstionibus florum iustitiæ.

Flos iustitiæ quis est? Solutio. Vade ad rubricam antedictam. Iudicare de quo viuít? Solutio. Ita viuít iudicare de bono intelligere & amare, sicut videre viuít de colore, & calefacere de calore, & homo per comedere. Iudicare quare est? Solutio. Iudicare est, vt sit pax inter Deum & hominem, & inter hominem & hominem, & vt Deus occasionem habeat indulgendi. Quomodo viuít iudicare de bono intelligere & amare? Solutio. In virtute quidam habitus viuunt ex aliis, & per alios, cum aliis, & in aliis, & ille viuít ex omnibus in illo tempore, quo suo vititur officio.

De Quæstionibus florum prudentiæ.

Flos prudentiæ quis est? Solutio. Vade ad rubricam antedictam. Sapientia quomodo est virtus moralis. Solutio. Est virtus moralis in homine amante fines rerum, vt ipsis vti possit. Habere cognitionem de Deo, de sua Trinitate, incarnatione, & de eius operibus, illa cognitio poterit esse vitium? Solutio. In cognoscendo Deum & eius operationes homo vitiosus esse non potest, dum ramen Deum plus diligat & eius operationes, quam ali-
quid

quid aliud. Sapientia de quo viuit? Solutio? Sapientia ita viuit ex suppositione, sicut planta viuit de aqua quæ ipsam rigat, etiam ex frequentatione iudij & ex rationibus ostensiuus.

De Quæstionibus florum fortitudinis.

Flos fortitudinis quis est? Solutio. Vade ad rubricam antedictam. Flos fortitudinis quomodo est? Solutio. Sicut est in scriptura, quod voluntas mouet manum, & manus pennam, & penna litteras ad illas figuras exteriores, quæ interius imaginatæ & conceptæ sunt, ita est meritum fortitudinis in fortificando consuetudines bonas intra conceptas in habitibus virtutum. Meritum fortitudinis quam vtilitatem confert? Solutio. Fortitudo victoriam confert & famam & pacem, & in alia vita confirmationem æternæ requiei. Fortitudo potest deuinci? Solutio. Nihil fortitudinem deuincit nisi homo, cuius est pars, qui ipsam vincit, in quantum non vult ipsa vti.

De Quæstionibus florum temperantia.

Flos temperantiæ quis est? Solutio. Vade ad rubricam antedictam. Temperantia quare habet meritum? Solutio. Sicut homo culpam habet in occidendo hominem, habet meritum homo virtuosus in sustentando hominem. Temperantia quare plus attributa est ipsi comedere quam alij flori? Solutio. Sicut quodlibet elementatum habet magis proprium subiectum in vtiendo plus sua qualitate in vno subiecto quam in alio, ita quilibet habitus virtuosus magis habet proprium subiectum, in quantum plus

vitur sua qualitate in illo quam in alio. Temperare quomodo potest homo intelligere & imaginari in comedere, loqui, expendere, & sic de aliis floribus, cum ita sit, quod videri non potest neque tangi? Solutio. Cum passionibus infirmis cognitio habetur de formis sanis.

De Quæstionibus florum fidei.

Flos fidei quis est? Solutio. Vade ad rubricam antedictam. Fides quomodo durat? Solutio ibidem. Quis est nobilior flos, credere vel intelligere? Solutio. In intelligere quod veritatem de Deo intelligit maior est magnitudo bonitatis quam in credere quod veritatem de Deo credit, in quo credere est maior magnitudo bonitatis quam in intelligere quod intelligit, quod bos & asinus non sunt de vna specie. Meritum quod homo habet per fidem est ita magnū, sicut meritum quod homo habet per intelligere? Solutio. Nemo infirmus tantum seruitium facere potest sicut homo sanus.

De Quæstionibus florum spei.

Flos spei quis est? Solutio. Vade ad rubricam antedictam. Sperare quomodo est inter iudicare & remittere? Solutio. Quilibet homo habet meritum, qui suum peccatum cum contritione cognoscit, & qui placitum habet, quod de seipso iudicium fiat, de quo placito misericordiam assequitur. Cum sperare quæ virtus maiorem habet concordantiam? Solutio. Iustitia & charitas affuerunt iudicare & remittere de necessitate per sperare. Cum homo moritur, quo vadit sua spes? Solutio. Secundaria instrumenta pro

ta propter hoc prius morte annihilantur; quia in alia vita non sunt necessaria.

De Quæstionibus florum charitatis.

FLos charitatis quis est? Solutio. Vade ad rubricam antedictam. Tunica amandi quæ sunt? Solutio ibidem. Quare amare maius est per dare, quam per accipere? Solutio. Ignis est nobile & fortior per calefacere quam per desiccare. De amare vitium est ita nobile, sicut amare virtutem? Solutio. Nullum consequens est ita nobile: sicut suum antecedans.

De Quæstionibus florum vitiorum.

FLores vitiorum qui sunt? Solutio. Vade ad rubricam antedictam. Peccare de quo est? Solutio. Peccare est ex deviatione principij & medij à fine propter quem sunt. Culpa ubi incepit? Solutio. Culpa incepit in ociositate rationū cōtra diligentiam virtutis. Consequētia culpæ est ita pœna: sicut cōsequētia virtutis moralis est gloria. Elementare, vegetare, sentire, & imaginari quomodo induta sunt culpa? Solutio. In privatione finis est perditio instrumentorum. Recolere quomodo est peccare? Solutio. Recolere Deum, & non amare ipsum propter bonitatem suam est peccare. Intelligere quomodo est peccare? Solutio. Intelligere peccatum, & non deamare ipsum, est peccare, & ideo nullus debet peccatum quod fecit, dicere in ridendo, sed cum contritione & dolore. Amare quomodo est peccare? Solutio. Amare est peccare, cum est actus voluntatis sine charitate. Timor quomodo est peccare? Solutio. Timor est peccare, cum

nō est consequētia ipsius amare charitate induti. Conscientia quomodo est peccare? Solutio. Conscientia est peccare sine contritionare.

De Quæstionibus florum arboris Imperialis.

FLores Principis qui sunt? Solutio. Vade ad rubricam antedictam. Iudicare & iniuriari in quo plus esse possunt? Solutio ibidem. Honorare aut inhonorare in quo plus altius ascendere possunt? Solutio ibidem. Gloriarī & tormentare in quo maiora esse possunt? Solutio ibidem. Laudare & maledicere de quibus melius narrari potest? Solutio ibidem. Verum dicere & mentiri in quo citius inueniri possunt? Solutio ibidem. Auferre & donare in quo sepius vadunt stare? Solutio ibidem. Superbire & humiliari in quo plus distare possunt? Solutio ibidem. Exemplum bonum & malum quis magis dare potest? Solutio ibidem. Amare & deamare in quo plus ascendere possunt? Solutio ibidem.

De Quæstionibus florum arboris Apostolicalis.

FLores arboris apostolicalis qui sunt? Solutio. Vade ad rubricam antedictam. Quid est articulus? Solutio. Articulus est testimonium verorum per credulitatem, aut per intelligentiam. Qui sunt altiores flores & pulchriores? Solutio. Vade ad rubricam virtutis. Ecclesia sancta quare plorat? Solutio. Plorat sancta Ecclesia, quia sui flores per totum mundum non sunt recoliti, cogniti, & amati.

De Quæstionibus utrum Deus sit de arbore Apostolicali.

Vtrum Deus sit, vel non? Solutio. Vade ad rubri. antedictam. Si summum bonum non esset, esset summum malum? Solutio. Si summum malum est, impossibile est summum bonum esse, & si summum bonum est, impossibile est summum malum esse, & si summum bonum est & summum malum est, impossibile est summam contrarietates esse & non esse: quoniam subiecta infinitarum contrarietatum se sustinere non possent. Et vade ad rubricam antedictam, in qua probatur Deum esse. Quare est necessarium Deum esse? Solutio. Si Deus non esset, impossibilitas maior esset quam possibilitas, & sequeretur quod maior potestas concordantiam haberet cum non esse, & minor cum esse, & maior potestas quæ in priuatione existeret, esset causa maioris possibilitatis, & sequeretur contradictio, inquantum esset & non esset, quæ contradictio est impossibilis, est ergo necessarium Deum esse. Et vade ad rubricam virtutis. Si Deus non esset, quid sequeretur? Solutio. Si Deus non esset, intellectus humanus considerare posset maiorem nobilitatem in esse fantastico, quam in esse reali, & cum falsitate quam cum veritate, quod est impossibile, sequeretur ergo: si Deus non esset, quod hoc quod est possibile, esset impossibile, & hoc quod est impossibile, esset possibile. Et vade ad rubricam virtutis. Deum non esse, quare est odibile? Solutio. Quia Deus est, suum esse est amabile, qui si non esset, suum esse esset odibile, & eius priuatio esset amabilis. Et vade ad rubricam virtutis. Quæ utilitas sequi-

tur de esse Dei? Solutio. Si Deus non esset, nulla substantia quierem haberet in sua existentia, & eius quies foret in sua agentia, ratione cuius nullam utilitatem haberet, & omnes substantiæ sine priuarentur, de quo vacuæ forent. Et vade ut supra.

De Quæstionibus unitatis Dei florum arboris Apostolicalis.

Est vnus Deus, aut plures? Solutio. Vade ad rubricam antedictam. Quare oportet quod vnus Deus sit, & non plures? Solutio ibidem. Si plures dii essent, quid sequeretur? Solutio. Si essent plures dii, in nullo ipsorum esset potestas, sapientia & voluntas vnum idem numero, quæ si non essent vnum idem numero, nullus esset dignus, quod esset Deus, cum ita sit, quod Deum consideramus esse summum esse. Quare non potest esse nisi vna summa bonitas? Solutio. Si essent plures summæ bonitates per essentiam distinctæ, esset essentia cuiuslibet finita & non infinita, sine qua infinitate non haberet dignitatem in summitate. Et vade ad rubricam virtutis. Si non est nisi vnus Deus, quid sequitur? Solutio. In hoc quod vnus Deus est, sequitur quod potest esse Deus: quoniam potest esse finis & perfectio suiipsius & alterius; videlicet sui effectus. Et si essent plures dii, non posset esse Deus, cum ita sit, quod conditiones Dei sint, quod sit perfectio & finis suiipsius & alterius, & sic esset Deus & non esset, si essent plures dii. Quare non possunt esse plures dii? Solutio. Si essent plures dii, essent plures æternitates: quoniam quilibet foret suamet æternitas, & sicut quilibet foret infinitus per durationem, infinitus esset per magnitudinem, & per ex-

renſionem, quod eſt impoſſibile, propter quam impoſſibilitatem plures dii eſſe non poſſunt.

De Quæſtionibus pluralitatis arboris Apoſtolicæ.

Vtrum in Deo ſit pluralitas? Solutio. Vade ad rubricam antedictam. Quare in Deo eſt pluralitas? Solutio. Si in Deo non eſſet pluralitas, actus ſuarum rationum non eſſent æterni, nec infiniti. Et vade ad rubric. virtutis. Si in Deo pluralitas non eſſet, quid ſequeretur de ſua vnitate? Solutio. Si in Deo pluralitas non eſſet, vnire non eſſet purus actus ſuæ vnitatis, & non eſſet ita magna per agere, ſicut per exiſtere. Et vade vt ſupra ad ſecundam rationem. Abſque pluralitate poteſt in Deo eſſe deitas? Solutio. Dicimus quod non ſine numero vnus & alterius, videlicet ſine numero deificantis & deificabilis, & quod vnus non ſit alius, quod ſi vnus eſſet alius, falſa eſſet iſta prædicatio in Deo vnum, duo, tria. Deus poſſet eſſe ſine pluralitate? Solutio. Si Deus poſſet eſſe ſine pluralitate, poſſet eſſe per exiſtentiam ſine agentia, aut per agentiam ſine exiſtentia, & ſic tantum poſſet eſſe per priuationem finis, ſicut per formam, aut per priuationem formæ, ſicut per exiſtentiam finis, quod eſt impoſſibile. Sine pluralitate Deus poſſet eſſe infinitus? Solutio. Duo conſiderare oportet in infinitate perfectæ, vnum videlicet quod ſubſtantia ſit infinita, aliud quod eius operatio ſit infinita, quæ non poteſt eſſe infinita ſine pluralitate vnus & alterius.

De Quæſtionibus diuinarum proprietatum.

Quare oportet quod pluralitas Dei ſit de Patre, & Filio, & Spiritu ſancto, & non de aliis proprietatibus? Solutio. Vade ad rubricam antedictam. Deus ſeipſum intelligit, & ideo eſt intelligens & intelligibilis, quare intelligens dicitur, & appellatur Pater, & intelligibilis Filius? Solutio. In ſapientia Dei eſt intelligens per ita magnam bonitatem, quod bonitas ſuo intelligere eſt ratio infinita, eſt ergo ratio ad producendum infinitum bonum: oportet ergo quod intelligens qui habet reſpondere rationi infinitæ bonitatis, producat de ſeipſo, qui eſt infinitus bonus, aliam perſonam infinitam, & quia ipſam producere oportet de ſeipſo, oportet quod ſit Pater: quoniam omne ens quod producit aliud de ſeipſo, eſt Pater, & per conſequens intelligibilis productus eſt Filius, cum ita ſit, quod Pater & Filius ſe habeant relatiue. Et vade ad rubricam virtutis. Deus diligit ſeipſum, per quam naturam vel virtutem ſuam amare vocari debeat Spiritus ſanctus? Solutio. In Deo Pater diligit Filium, & Filius diligit Patrem, & in quantum Pater Filium generat, vna conſideratio eſt per generare, & in quantum Pater Filium diligit, & Filius Patrem diligit, eſt alia conſideratio per amare, quod eſt ex actione Patris, & ex actione Filij, & ex illis duabus actionibus oportet exire vnâ paſſiuam ſpirationem, quæ ſit ita magna proprietatis perſonalis, ſicut proprietas Patris & Filij, vt amare non ſit accidens, & quod ſit ſubſtantia, & quia ſpirare eſt de exire & ſanctitate puritatis & innocentie, quam habent Pater & Filius

lius, qui se communicant in ita magna substantia per amare: sicut est substantia, quæ est per generare, oportet quod tertia persona vocetur Spiritus sanctus. Et vade ad secundam rationem rubri. antedictæ. Potest esse maior relatio quam inter Patrem & Filium & Spiritum sanctum? Solutio. In essentia & natura amoris non possunt esse magis propriæ proprietates vel magis essentielles quam amatiuitas, amabilitas & amare, est ergo amor maior per talem relationem quam per alias proprietates, quæ non sint de essentia & natura amoris. Similimodo inter producentem & productibilem, qui sit de essentia & natura producentis, non potest esse maior relatio in productione quam inter Patrem & Filium, nec concordantia amborum potest esse maior quam in amare. Potest esse maior concordantia quam Patris, & Filij, & Spiritus sancti? Solutio. Nulla concordantia potest esse maior in bonitate quam inter bonificantem, bonificabilem & bonificare, nec in magnitudine quam inter magnificantem, magnificabilem & magnificare: nec in æternitate quam inter æternantem, æternabilem & æternare. Et si posset esse maior concordantia quam inter Patrem, & Filium, & Spiritum sanctum in bonitate, & sic de aliis, posset esse maior concordantia inter bonificantem, bonificabilem & bonificare, bonificabili non existente de natura & essentia bonificantis, nec bonificare de essentia & natura amborum, quod est impossibile. Potest esse maior æqualitas quam Patris, & Filij, & Spiritus sancti? Solutio. In essentia & natura potestatis non potest esse maior æqualitas quam inter possificantem, possificabilem & possificare.

Et idem est de essentia principij in qua maior æqualitas esse non potest quam inter principiantem, principiabilem & principiare: quoniam, si possificantis magis posset æqualificare sibi, possificabile alterius essentia & natura quam suæ, maiorem dispositionem haberet agendi de sua æqualitate in essentia & natura, quæ non esset de suo genere, quam illa quæ esset de suo genere, quod est impossibile. Et quia possificabile quod est de essentia possificantis est Filius, postquam de ipso est productus, & possificans est Pater, per consequens & possicare amborum Spiritus sanctus. Oportet ergo esse maiorem æqualitatem quæ potest esse, Paternitatis, Filiationis & Spirationis.

De Quæstionibus numeri ternarij Diuinalis.

Quare personæ diuinæ sunt tres, & non plures, neque pauciores? Solutio. Vade ad rubricam antedictam. In bonitate quis est nobilior numerus qui esse potest, & sic de magnitudine, æternitate, & aliis diuinis formis? Solutio ibidem. Quare in Deo non sunt duo Patres, & duo Filij, & duo Spiritus sancti, aut plures? Solutio ibidem ad secundam rationem. Concordantia in quo numero est nobilior, & maior? Solutio ibidem ad tertiam rationem. Æqualitas in quo numero potest esse melior, maior, & magis potens? Solutio ibidem ad quartam rationem. Principium in quo numero est magis durabile, scibile, magis verum & magis amabile? Solutio ibidem ad quintam rationem.

De Quæstionibus creationis.

MVndus est æternus, aut est creatus de nouo? Solutio. Vade ad rubricam antedictam. Posset Deus mundum creare æternum? Solutio. Impossibile est, quod potestas Dei plus possit de æternitate, quam de bonitate, magnitudine, sapientia, voluntate, veritate, gloria, & virtute, quoniam si plus posset per æternitatem quam per alias formas, maiorem conuenientiam haberet cum æternitate, quam cum aliis formis, & foret in Deo maior & minor conuenientiam, quod est impossibile: ergo potestas Dei producere non potest nec creare mundum in infinitate bonitatis, magnitudinis, potestatis, sapientie, & sic de aliis formis, quoniam mundus illam infinitatem recipere non posset, sed potestas illam dare posset, si subiectum esset dispositum ad recipiendum: quare sicut potestas mundi infinire non potest per bonitatem, magnitudinem, & sic de aliis dignitatibus, sic ipsum infinire non potest per æternitatem. Et vade ad rubricam virtutis. Si mundus esset æternus, quid sequeretur? Solutio. Si mundus esset æternus, & non de nouo creatus sua æternitas foret finis & complementum omnium partium mundi, & æternitas Dei non, cum ita sit, quod infinitum necessitatem non habet de alio infinito, & sic sequeretur quod Deus non esset finis & complementum mundi, & quod mundus in seipso suum finem haberet, quod est impossibile & contra nobilitatem Dei. Etiam aliud inconueniens sequeretur, quod inuenies in secunda ratione rubricæ antedictæ. Si mundus esset æternus, esset melior, quàm si sit nouus? Solutio. Vade

ad rub. virtutis ad tertiam rationem. Quæ derogatio esset Deo, si mundus esset æternus? Solutio ididem ad quartam rationem. Si mundus sit creatus, de quo est principiatus? Solutio. Sapientia Dei quæ est infinita, & quæ comprehendit tam futura, quam præsentia & præterita, mundum intellexit antequam fuit, & voluntas Dei voluit, quod mundus esset principiatus & productus, secundum quod per sapientiam fuit intellectus, & potestas Dei possificauit & compleuit; in actu posuit hoc, quod voluit voluntas, & ita fuit mundus creatus per hunc modum, & non fuit creatus de aliquo, & quia non fuit, est dictum, quod creatus est de nihilo.

De Quæstionibus recreationis.

Et primo quod primus homo peccauit.

PEccatum incepit primo in primo homine? Solutio. Vade ad rubricam antedictam. In quo cognoscitur quod peccatum incepit in primis parentibus? Solutio. Generaliter homines inclinationem habent ad malum, antequàm ad bonum, & hæc generalitas non poterat principiari in principiis consequentibus, & non generalibus, quod si fuisset, generalis non fuisset, & quia est generalis, est principiata in antecedentibus, quæ sunt primi & parætes generales. Et vade ad rub. virtutis ad secundam rationem. Si peccatum non fuisset principiatum in primis parentibus, qualia inconuenientia sequeretur? Solutio ibidem ad tertiam rationem. Contrarietas quæ est per peccatum contra concordantiam quæ est per virtutem, quomodo scitur quod est principiata in primis parentibus? Solutio

tio ibidem ad quartam rationem. Quis peccauit ante Adam, aut Eua? Solutio. Secundum cursum naturalem homo est generalius principium, quam fœmina, & quia humana species quæ est generalis, est infirma per peccatum, oportet quod sit magis infirma per magis generale peccatum, quam per minus generale.

*De Quæstionibus quod peccatum
Adæ sit generale sensualiter.*

Est peccatum originale? Solutio. Vade ad rubricam antedictam. Si peccatum originale non fuisset quid sequeretur? Solutio ibidem ad secundam rationem. Generalitas peccati potuit principiari in hominibus consequentibus? Solutio ibidem ad tertiam rationem. Posset esse mors generalis, sine peccato? Solutio ibidem ad quartam rationem. Quare est originale peccatum, cum ita sit, quod in generalitate magis sit de malo, quam in specialitate? Solutio. Vnum malum est per aliud, malo in suis conditionibus remanente. Et vade ad rub. virtutis ad quintam rationem.

*De Quæstionibus quod peccatum
originale sit in anima.*

Peccatum originale est spirituale? Solutio. Vade ad rubricam antedictam. Cum anima Saraceni non sit de anima Adæ, quare est in peccato originali? Solutio ibidem ad secundam rationem. Si peccatum generale non esset spiritualiter quod inconueniens sequeretur? Solutio ibidem ad tertiam rationem. Quare est peccatum originale spiritualiter? Solutio ibidem ad quartam rationem. Saracenus qui credit esse in statu saluationis, qui pecca-

tum originale ignorat, & non est in actuali peccato, cum moritur; quare damnatur? Solutio. Causa non remota remanet effectus, & nō remota generalitate remanet specialitas: est ergo damnatus propter originale peccatum.

De Quæstionibus recreationis.

Est mundus recreatus? Solutio. Nos intendimus probare incarnationem & mortem Iesu Christi, & ex probatione istorum duorum articulorum sequitur quod mundus sit recreatus, Deo existente incarnato & mortuo, in quantum homo, ut mundus sit recreatus. Supposito quod Deus sit incarnatus & mortuus, quare sequitur quod mundus sit recreatus? Solutio. Pro peccato requiritur satisfactio, & per peccatum primi hominis fuit mundus à fine deuiatus ad quem extitit creatus, & moriente magis generali homine in magnitudine bonitatis, sanctitatis & virtutis, ad quem mundus recreatus fuit, qui est Iesus Christus, satisfecit sua mors, & mundum ad finem restaurauit, ad quem creatus extitit: & si sua mors non suffecisset pro satisfactione generalis peccati, esset defectiuus in magnitudine bonitatis, & Adam esset maior in productione mali, quam Iesus Christus in reparatione boni, quod est impossibile, cum ita sit, quod Iesus Christus sit Deus & homo. Iesus Christus in quantum Deus non fuit mortuus, ergo Deus per mortem non recreauit mundum, & ideo quæro, utrum humanitas Christi sufficit ad recreandum mundum? Solutio. In tantum est Deus perfectus in magnitudine bonitatis & aliarum suarum dignitatum quod in hoc quod ipse est homo, ille homo sufficit reparationi mundi per suam mortem, licet deitas

deitas non fuisset mortua: sicut corpus Martini, quod sufficit ratione nobilitatis animæ, cum qua est coniunctum, quod sit melius in magnitudine bonitatis, quam corpus Leonis vel Solis: & sic de omnibus aliis corporibus quæ non sunt de humana specie. Corpus Christi fuit particulare, fuit ergo sua mors particularis, mors ergo particularis quomodo reparare potuit mortem vniuersalem? Solutio. Talis potest esse particularis in magnitudine bonitatis, quod plus potest quam omnes particulares sub vniuersali existentes secundum quod dictum est: sicut corpus Martini, quod ratione nobilitatis animæ rationalis valet plusquam omnia corpora irrationabilia omnium planetarum & firmamenti. Si non esset recreatio quod inconueniens sequeretur? Solutio. Si non esset recreatio, plura inconuenientia sequerentur, videlicet quod Deus rationem non haberet saluandi homines in peccato originali existentes, nec Iesus Christus haberet rationem moriendi, si recreatio non esset, & non haberet motum honorandi diuinam naturam, & Deus dimitteret mundum deuiatum à fine, propter quem creatus est, & plura alia inconuenientia sequerentur.

De Quæstionibus quod Iesus resuscitabit homines in iudicio.

Vtrum homines resuscitabuntur? Solutio. Vade ad rubricam antedictam. Si non esset resurrectio quod inconueniens sequeretur? Solutio ibidem ad secundam rationem. Quare oportet quod sit resurrectio? Solutio ibidem ad tertiam rationem. Si non esset resurrectio posset iustitia Dei vti homine? Solutio. Impossibi-

le est vti homine in subiecto quod non est in specie hominis. Absque resurrectione possent omnes partes naturales corporum quæ sunt partes mundi, attingere eorum finem? Solutio ibidem ad quintam rationem. Corpus Martini mortui & in terra putrefacti, aut comesti per lupos, quomodo poterit resuscitari in illo numero, in quo erat, cum moriebatur? Solutio. Substantia in qua potestas, sapientia, veritas, virtus & voluntas sunt in vno eodem numero infinito, & æterno, non est impossibile aliquid opus virtuosum: quoniam sapientia illud scire potest, & voluntas illud amare, & potestas potest possificare, & in verum ponere, illud quod scit sapientia, & quod voluntas diligit.

De Quæstionibus quod anima rationalis sit immortalis.

Anima rationalis est immortalis? Solutio. Vade ad rubricam antedictam. Anima quomodo potest esse immortalis? Solutio ibidem ad secundam rationem. Quare anima est immortalis? Solutio ibidem ad tertiam rationem. Si anima moreretur quod inconueniens sequeretur? Solutio. Si anima moreretur, suæ partes subiectum non haberent in quo forent sustentatæ cum sint spirituales & omnes annihilarentur, & si rediret, foret iterum creata, & sine satisfactione culpæ, quare moriebatur in naturali virtute posita contra iustitiam Dei. Et vade ad rub. virtutis, ad quartam rationem. Raymunde, quomodo scis tu, quod anima sit immortalis?

Solutio ibidem ad quintam rationem.

De Quæstio-

De Quæstionibus quod Deus dabit gloriam sanctis in gloria.

Post diem iudicii sancti erunt glorificati? Solutio. Vade ad rubricam antedictam. Si non esset Paradisus & gloria quod inconueniens sequeretur? Solutio ibidem ad secundam rationem. Quare oportet esse gloriam? Solutio. ibidem ad tertiam rationem. Cum quo Deus corpora sanctorum glorificat, cum ita sit, quod ipse sit insensibilis? Solutio ibidem ad quartam rationem. Cum quo Deus dat gloriam animabus sanctorum? Solutio ibidem.

De Quæstionibus quod Iesus sit conceptus, & quod Deus fuit incarnatus.

Vtrum Deus sit incarnatus? Solutio. Vade ad rubricam antedictam. Si Deus incarnatus non esset quæ inconuenientia sequeretur? Solutio. Si Deus incarnatus non esset, omni tempore suæ rationes desiderarent quietem habere in creaturis, & nunquam ipsam attingerent. Et vade ad secundam rationem rubricæ antedictæ. Quare Deus est incarnatus? Solutio. Deus est incarnatus vt maiorem concordantiam quæ possit esse inter causam & suum effectum producere possit. Et vade ad rubr. virtutis ad tertiam rationem. Si Deus, non fuisset incarnatus, sua natura posset esse finis & completum naturæ creatæ? Solutio ibidem ad quartam rationem. Si Deus incarnatus non esset, suæ rationes possent esse finis & complementum rationibus creatis? Solutio ibidem ad quintam rationem.

De Quæstionibus quod Iesus Christus fuit conceptus per Spiritum sanctum.

Iesus Christus fuit conceptus per Spiritum sanctum? Solutio. Vade ad rubricam antedictam. Iesus Christus posset esse conceptus per hominem & per fœminam? Solutio ibidem ad secundam rationem. Si Iesus Christus per hominem & fœminam conceptus fuisset, quod inconueniens sequeretur? Solutio ibidem ad tertiam rationem. Iesus Christus quomodo potest esse homo sine carnali copula hominis & mulieris? Solutio. Omne illud potest diuina bonitas, q̄ per ipsam bonificari potest. Et vade ad rubric. virtutis ad quartam rationem. Quare oportet quod Iesus Christus sit Filius fœminæ & non hominis? Solutio ibidem ad quintam rationem.

De Quæstionibus quod Iesus Christus sit incarnatus.

Iesus Christus est incarnatus, aut est incarnandus? Solutio. Vade ad rubricam antedictam. Si Iesus Christus sit incarnandus, quod inconueniens sequeretur? Solutio ibidem ad secundam rationem. Quomodo scitur quod Iesus Christus sit iam incarnatus? Solutio ibidem ad tertiam rationem. Quare Iesus Christus est incarnatus, & non incarnandus? Solutio ibidem ad quartam rationem. Quare Iesus Christus non fuit incarnatus in principio mundi? Solutio. In maiori ordine & medio qui possit esse inter Deum & creaturam oportuit quod fuisset incarnatio Filij Dei. Et vade ad rub. virtutis ad quintam rationem.

De

De Quæstionibus quod Iesus Christus fuit natus.

Iesus Christus fuit natus? Solutio. **V**ade ad rubricam antedictā. Cum Filius Dei sit æternus, quomodo potuit nasci de fœmina? Et cum sit infinitus in magnitudine, quomodo potuit nasci per illum locum ita modicum, vbi alij homines nascuntur? Solutio ibidem ad secundam rationem. Quomodo potuit Iesus Christus nasci de Domina nostra Virgine, ipsa Virgine remanente? Solutio. Omne illud quod potest scire diuina sapientia, & quod potest velle diuina voluntas, potest perficere diuina potestas. Et vade ad rubr. virtutis ad tertiam rationem. Quare Iesus Christus ex fœmina virgine nascebatur? Solutio ibidem ad quartam rationem. Inter virginitatem Iesu Christi & Domine nostræ quomodo potuit esse maior concordantia? Solutio ibidem ad quintam rationem.

De Quæstionibus quod Iesus Christus fuit mortuus.

Vtrum Iesus mortuus fuit? Solutio. Vade ad rubricam antedictā. Per mortem Iesu Christi quomodo fuit recreatio? Solutio ibidem ad secundam rationem. Ex morte Iesu Christi quæ vtilitas sequitur? Solutio ibidem ad tertiam rationem. Si Iesus Christus non fuisset mortuus, quod inconueniēs sequeretur? Solutio ibidem ad quartam rationem. Filius Dei qui est Iesus Christus, quomodo potuit mori, cum ipse sit æternus & immortalis? Solutio ibidem ad quintam rationem.

De Quæstionibus quod Iesus Christus descendit ad inferos.

Vtrum Iesus Christus descendit ad inferos? Solutio. Vade ad rubricam antedictam. Quare Iesus Christus descendit ad inferos? Solutio ibidem ad secundam rationem. Vtrum anima Iesu Christi passionem habuit in inferno? Solutio ibidem ad tertiam rationem. Anima Iesu Christi descendit ad inferos vbi sunt damnari? Solutio ibidem ad quartam rationem. Quæ vtilitas sequebatur de anima Iesu Christi, quæ descendit ad inferos? Solutio ibidem ad quintam rationem.

De Quæstionibus quod Iesus Christus resurrexit.

Iesus Christus resurrexit? Solutio. **V**ade ad rubricam antedictam. Iesus Christus cum fuit mortuus fuit homo? Solutio ibidem ad secundam rationem. Iesus Christus quare resurrexit? Solutio ibidem ad tertiam rationem. Ex resurrectione Iesu Christi quæ vtilitas sequebatur? Solutio ibidem ad quartam rationem. Quomodo scitur, quod Iesus Christus resurrexit? Solutio ibidem ad quintam rationem.

De Quæstionibus quod Iesus Christus ad cælos ascendit.

Iesus Christus ascendit ad cælos? Solutio. Vade ad rubricam antedictam. Iesus Christus quare ascendit ad cælos? Solutio ibidem ad secundam rationem. Si Iesus Christus ad cælos non ascendisset, quid sequeretur? Solutio ibidem ad tertiam rationem. Iesus Christus quomodo ascendit ad

dit ad cœlos; cum suum corpus alas non habuit? Solutio. Omne illud quod vult voluntas corporis glorificari cum quo est coniuncta, potest diuina virtus perficere. Iesus Christus in quo cœlo ascendit? Solutio. In nullo cœlo tantum est de gloria, sicut in cœlo Empireo, nec alicui homini tantum de gloria conuenit, sicut Domino Iesu Christo.

De Quæstionibus quod Iesus Christus sit iudex in die iudicij.

Q Viserit Iudex in die iudicij? Solutio. Vade ad rubricam antedictā. Quare oportet esse iudiciū generale? Solutio. Omnis multiplicatio numeri principiari in tempore oportet habere finem, qui est finis mundi. Et vade ad rub. virtutis ad secundā rationem. Iudicium quomodo potest esse in maiori veritate? Solutio ibidem. Quando erit dies iudicij? Solutio. Dixit Raymū-
dus quod ipse nesciebat quando erit dies iudicij, nisi secundum similitudinem, videlicet secundum aliam nobilitatem incarnationis Filij Dei, cui conuenit proportio & æqualitas temporis principij mundi, medij & finis est significatum, quod dies iudicij sit in numero annorum totidem ab incarnatione Christi, sicut ab incarnatione vsque ad principium mundi. In quo loco erit dies iudicij? Solutio. Nullus locus in terra est ita sanctus, sicut ciuitas Hierusalem, quia Iesus Christus ibi fuit crucifixus & sepultus & mundus recreatus.

De Quæstionibus florum arboris celestialis.

Flores arboris celestialis qui sunt? Solutio. Vade ad rubricam ante-

dictam. Flores substantiarum celestium quomodo sunt adinuicem mixti? Solutio ibidem. Motus qui sunt hīc inferius, sunt de essentia motuum superiorum? Solutio. Secundum cursum naturalē omnes quantitates discretæ sustentatæ in corpore sunt de vna continua quātitate generali. Quare pluit sapius in Martio, quam in Septembri? Solutio. In Martio incipit generatio, cui conuenit confusio plurium partium contrarium & concordantium, vt sit specificatio & indiuiduatio plurium specierum. Quare sceniculus plus crescit de die, quam de nocte? Solutio. Quia sceniculus est de complexione ignis maiorem recipit virtutem à Sole, quam à Luna. Quare melius est in Vere flebothomari & balneari, quam in alio tempore? Solutio. In nullo tempore sit tantum de mixtione partium veterum & novarum, sicut in Vere, ideo ille qui vineas scindit, portas aperit partibus nouis, vt generationem intrare possint. Quare olea non perdit in hyeme folia, sicut ficulnea folia sua perdit? Solutio. Quia Aurumus est de complexione terræ, habet aqua maiorem virtutem restrictionis in siccitate, quam ignis in humiditate aëris, & ignis maiorem habet virtutem in conservando per siccitatem folia, quam in humiditate aëris per calorem. Quare ex grano sinapi exit maior arbor quam ex grano frumenti, quod est maius? Solutio. Granum sinapis est de Sole, & granum frumenti est de Venere. Flos Lune quomodo est inter potentiam & obiectum? Solutio. Luna est planeta, qui dat influentias superiores corporibus inferioribus. Quare aqua maris est salia? Solutio. In nulla aqua influit Sol ita magnum motum caloris & siccitatis, sicut in aqua maris.

*De Quæstionibus florum arboris
Angelicalis.*

Qui sunt flores arboris angelicalis? Solutio. Vade ad rubricam antedictam. Seraphin attingit Deum naturaliter, aut supra naturam? Solutio ibidem. Seraphin intelligit Deum cum medio, aut sine medio? Solutio ibidem. Amare de Seraphin quomodo æqualiter est indutum magnitudine & bonitate? Solutio. In potestate amare de Seraphin æqualiter se communicant bonitas, magnitudo & sua voluntas. Intelligere & amare de Seraphin, quare sunt æqualia in magnitudine bonitatis? Solutio. Bonitas & magnitudo Dei æqualiter intelligibiles & amabiles sunt. Seraphin quare plus Deum diligit quam seipsum? Solutio. In cœlo Empireo maior amabilitas fortius mouet ad amandum maiorem amatiuitatem quam minorem. Seraphin potest ignorare? Solutio. Oculi qui sunt de die aperti non videre non possunt, & Deo existente exemplari Seraphin, non potest Seraphin ignorare. Seraphin potest plus Deum in vno tempore diligere quam in alio? Solutio. Voluntas de Seraphin ita plena est beatitudine, quod amare suum crescere non potest, nec diminui. Deus diligit tantum vnum angelum sicut alium? Solutio. Radius solis tantum communicabilis est secundum suam naturam paruis fenestris camerae, sicut magnis, sed de ipso tantam claritatem accipere non possunt parue, sicut magnæ. Intelligere angeli illuminat intelligere hominis. Solutio. Inter intelligere & amare est naturaliter concordantia, & angelus representat Martino aliquod obiectum amabile, & si illud diligit Mar-

tinus, voluntas angeli & voluntas Martini concordantiam habent in illa amabilitate, ratione cuius angelus illuminat intellectiuitati Martini intelligibilitatem obiecti per verumque amari.

De Quæstionibus florum arboris æuitalis. Et primò de gloria.

Flores arboris æuitalis qui sunt? Solutio. Vade ad rubricam antedictam. Gloria cælestis quomodo est bona? Solutio ibidem ad primum paragraph. Bonitas Paradisi quomodo est magna? Solutio ibidem ad secundum paragraph. Bonitas Paradisi cum quo durat? Solutio ibidem ad tertium paragraph. Bonitas gloriæ quomodo esse potest? Solutio ibidem ad quartum paragraph. Bonitas gloriæ quomodo est intellecta? Solutio ibidem ad quintum paragraph. Bonitas gloriæ quomodo est amabilis? Solutio ibidem ad sextum paragraph. Bonitas Paradisi quomodo habet virtutem? Solutio ibidem ad septimum paragraphum. Bonitas gloriæ quomodo est in veritate? Solutio ibidem ad octauum par. Gloria Paradisi de quo est? Solutio. Gloria Paradisi est de actibus diuinarum rationum angelicarum & humanarum, qui siquidem actus sunt tria lumina gloriæ, quæ se miscent in gloriari æuitaliter si necessitate. Et hoc passu cognoscitur, quam magna est gloria Paradisi.

*De Quæstionibus tormenti ipsius
amare.*

Amare dæmonis quomodo est malum? Solutio. Vade ad rubricam antedictam. Tormentum quod est per amare, quomodo est magnum? Solutio ibidem ad secundum paragraph.

Tor

Tormentum quod est per amare, quomodo durat? Solutio ibidem ad tertium paragraph. Tormentum quod est per amare, quomodo potest esse? Solutio ibidem ad quartum paragr. Magnitudo tormenti quod est per amare, quomodo est intellecta? Solutio ibidem ad quintum paragr. Amare dæmonis quomodo est malum & vitiosum? Solutio ibidem ad sextum paragr. Amare dæmonis, quomodo est falsum & tormentans? Solutio ibidem ad septimum paragraph. Amare dæmonis est consequens de deamare? Solutio. Sicut in bono Angelo deamare est consequentia de amare, ita in malo Angelo & peruerso amare est consequentia de deamare. Cū dæmon sit substantia spiritualis, quomodo potest pœnam attingere? Solutio. Omnes rationes naturales substantiæ dæmonis in sua contraria substantiam peruertunt, quæ peruersio est labor substantiæ. Pœna dæmonis quæ est valde magna, potest crescere aut minui? Solutio. Vt iustitia Dei habeat subiectum perfectum, in quo culpam punire possit, oportet quod tota natura substantiæ dæmonis & omnes suæ partes sint plenæ pœna.

De Quæstionibus florum arboris maternalis.

Flores arboris maternalis qui sunt? Solutio. Vade ad rubricam antedictam. Bonificare Domine nostræ quomodo est assuetum? Solutio ibidem. Amare Domine nostræ quomodo est in summo? Solutio ibidem. Domina nostra habet passionem in quantum odit illos qui dedecus filio suo faciunt? Solutio. Domina nostra ita magnum placitum habet de iustitia Filij sui, quod odiendo illos qui Filio suo de-

decus faciunt, pœnam non sentit. Domina nostra potest amare peccatorem, qui sit in peccato mortali? Solutio. Domina nostra diligit in suo filio misericordiam & pietatem, & ideo peccatores diligit, & eorum peccata odit. Domina nostra diligit tantum iustitiam, sicut pietatem? Solutio. Domina nostra est ambabus formis plena. Domina nostra potest mouere peccatorem, qui est in mortali peccato ad contritionem? Solutio. Sicut faber mouet cum martello clauum, mouet Domina nostra cum potestate filij sui peccatorem ad contritionem, si in ipsa habeat spem & deuotionem. Domina nostra potest obliuisci? Solutio. Si Domina nostra posset obliuisci, magnitudo in suo intelligere & amare non esset secundum modum durandi. Domina nostra habet totum quod desiderat? Solutio. Sicut per præsentiam solis est dies, ita Domina nostra per præsentiam filij sui habet totum quod desiderat. Domina nostra considerat pœnam damnatorum? Solutio. Domina nostra cum placito in suo filio suas attingit operationes.

De Quæstionibus florum arboris Iesu Christi.

De Bonitate.

Flores arboris Iesu Christi quales sunt? Solutio. Flores arboris Iesu Christi sunt actus diuinarum rationum, & humanarum Iesu Christi. Et vade ad rubricam antedictam. Et per flores volumus probare incarnationem, miscendo quosdam actus cum aliis, & primo cum bonitate, & ad quæstiones istorum florum trahimus de qualibet rub. duas quæstiones. Si ne incarnatione bonitas Dei esset ma-

gna ratio Deo, quod produceret ita magnam creaturam in bonitate, quod bonitas non posset esse maior ratio? Solutio. Vade ad rub. bonitatis & magnitudinis incarnationis. Quare Deus non assumpsit naturam plurium creaturarum? Solutio. Sicut in Deo bonitas potest esse maior ratio Deo, quod magnum bonum producat, Deo existente vno, & non pluribus, ita est maior ratio Deo existente incarnato, & vno homine, quam si esset incarnatus in pluribus creaturis. Bonitas Dei est ratio Deo, quod producat æternum bonum creatum? Solutio. Ita est æternitas ratio Deo, quod creaturam in æternitate producat, sicut bonitas est ratio, quod creaturam producat in bonitate. Sed sicut bonitas creata in infinitate produci non potest, ita duratio creaturæ produci non potest sine tempore, & quia duratio creata potest produci in æternitate per incarnationem, existente homine Deo æterno, requirit summa bonitas, quod homo sit Deus & summum bonum. Quare summa bonitas & æternitas non sunt rationes Deo, quod sint plures creaturæ bonitates æternæ? Solutio. Bonitas & æternitas maiorem concordantiam habere possunt in vno supposito creatore, quam in pluribus, & hanc naturam habent ratione vnitatis diuinæ, cui melius proportionatum est vnum suppositum creatum in deitate per incarnationem vnitum, quam plura supposita. Potestas Dei quomodo potest vti maiori bono creato? Solutio. Nulla potestas plus potest de creatura in bonitate, quam posse deificare bonitatem creatam. Et vade ad rub. bonitatis potestatis. Quare potestas Dei incarnari non potest in leone, vel in grue? Solutio. Summa bonitas participare non potest in vnitate cum suppo-

sito, quod discretionem non habet. Quare ratione bonitatis & sapientiæ diuinæ oportet esse incarnationem? Solutio. Vade ad rubricam bonitatis sapientiæ. Quare Deus non producit totum illud bonum, quod intelligit esse possibile? Solutio. Sapientia Dei non intelligit aliquod bonum esse producibile extra ordinem & dispositionem productionis. Voluntas Dei posset absque incarnatione tantum diligere bonum creatum, sicut sapientia ipsum intelligere potest? Solutio. Vade ad rubricam bonitatis voluntatis. Quare diuina bonitas non est ratio voluntati diuinæ, quod diligat Deum esse angelicarum? Solutio. Si voluntas Dei diligeret sub ratione bonitatis, quod Deus esset angelicatus & hominificatus, non sufficeret vnum suppositum creatum deificatum, quod esset summum bonum cuiuslibet boni creati, & deficeret magnitudo bonitatis magnitudini amabilioris. Bonitas diuina quomodo incarnationem cum virtute significat? Solutio. Vade ad rubricam bonitatis virtutis. In Iesu Christo dum erat in hoc mundo, erat moralis virtus acquisita? Solutio. Vitium esset summæ bonitati, si priuaret Iesum Christum bona moralitate. Bonitas & veritas quomodo incarnationem significant? Solutio. Vade ad rubricam bonitatis veritatis. Postquam incarnatio est bona, quare summa bonitas ipsam non facit verificare in credulitate hominum, qui ipsam non credunt? Solutio. Diuina bonitas & veritas non cogunt libertatem & voluntatem hominum, vt iustitiæ Dei subiectum remaneat, in quo possit vti iudicare. Quare per bonitatem & per gloriam oportet esse incarnationem? Solutio. Vade ad rub. bonitatis gloriæ. Cum incarnatio sit bona

bona & gloriosa, quare Iesus habuit in cruce passionem? Solutio. Illa solutio est in capitulo de recreatione. Inter bonitatē increatā, & creatā quomodo potest esse maior differentia? Solutio. Vade ad rubricam bonitatis differentia. Inter bonitatem diuinā & humanam Iesu Christi, quomodo potest esse differentia, & quod vna sit persona Iesu Christi de natura diuina & humana? Solutio. Persona Iesu Christi vna est per incarnationem, & est ex pluribus naturis ratione distinctionis plurium rationum. Diuina bonitas & creata quomodo possunt esse in maiori concordantia? Solutio. Vade ad rubricam bonitatis concordantia. Quare bonitas diuina & bonitas creata cōcordantiā habēt per vnā incarnationē, & non per plures? Solutio. Bonitas diuina est vna, idcirco ratione suæ vnitatis vna incarnatio requiritur, & non plures, vt ipsa sit coniuncta cum vna bonitatē creata. Per bonitatem & contrarietatem quomodo significatur incarnatio? Solutio. Vade ad rubricam bonitatis contrarietatis. Diuina bonitas & bonitas creata quomodo possunt esse remota à contrarietate? Solutio. Diuina bonitas & creata non possunt esse magis remotæ à contrarietate, sicut in vnitatem suppositi, quod in seipso aliquod malum nō habet. Diuina bonitas quomodo est ratio Deo ad principiandum maius bonum creatum? Solutio. Vade ad rubricam bonitatis principij. Diuina bonitas quare non est ratio Deo, quod mundus sit principiatu ad plures homines? Solutio. Sicut diuina bonitas potest esse aliud & nobilius principium per vnitatem, quam per plures bonitates, ita est nobilius principium in creando mundum principaliter ad vnum hominem, quam ad plures. In-

ter honitatem increatam & creatam, quomodo potest esse nobilius mediū? Solutio. Vade ad rubricam bonitatis medij. Per quod medium diuina bonitas acquirere potest bonitatem moralem & naturalem & cum illis participare? Solutio ibidem. Diuina bonitas quomodo potest esse ratio ad producendum maiorem finem bonitatis creatæ? Solutio. Vade ad rubricam bonitatis finis. Finis bonitatis creatæ, quomodo potest esse remotior à priuatione finis? Solutio ibidem. Diuina bonitas quomodo potest esse ratio ad producendum bonitatem creatam in maiori maiortate? Solutio. Vade ad rubricam bonitatis maiortatis. Diuina bonitas posset esse ratio ad producendū bonitatem in maiori maiortate per plures incarnationes, quā per vnā? Solutio. Nulla maior maiortas produci potest in æqualitate plurium bonitatum sustentatarum in pluribus hominibus. Diuina bonitas quomodo est ratio Deo, quod maiore æqualitatem rationum creatarū producat? Solutio. Vade ad rubricam bonitatis æqualitatis. Deus posset æquare duos homines in bonitate maiori ipso existente illis duobus hominibus per incarnationem? Solutio. Quia vnitatis bonitatis increate est in maiortate, non posset Deus æquare duas personas, nec plures per incarnationem in maiori bonitate. Per maiore bonitatem quomodo significatur incarnatio? Solutio. Vade ad rubricam bonitatis minoritatis. Diuina bonitas quomodo fortius elongare potest bonitatem creatam à maiori minoritate? Solutio. In maiori bonitate fortius elongari potest bonitas creata à maiori minoritate, quam in minori bonitate.

De Quæstionibus florum arboris Iesu Christi.

De Magnitudine.

Magnitudo & æternitas quomodo sunt maiores rationes creaturæ? Solutio. In persona quæ sit de diuina & humana natura sunt magnitudo & æternitas maiores rationes creaturæ. Et vade ad rubricam antedictam. Quomodo durare potest persona diuina in vno statu, quæ in vno tempore fuit homo, & in alio tempore non fuit homo? Solutio. Nulla mutatio potest esse in natura æterna & infinita. Per magnitudinem & potestatem quomodo probatur incarnatio? Solutio. Vade ad rubr. magnitudinis potestatis. Magnitudo & potestas quæ sunt rationes Dei, quomodo requirunt actus æquales in creaturis? Solutio. Requirit potestas à magnitudine ita magnum actum, videlicet magnificare: sicut ipsa potest possiccare & illuminet actum, videlicet possiccare requirit magnitudo à potestate secundum magnificare, & illas duas requisitiones oportet esse in incarnatione sustentatas. Sapientia & magnitudo Dei quomodo adinuicem requirunt actus suos? Solutio Vade ad rubricam magnitudinis sapientie. Esset magnus actus sapientie scire maius magnificare creaturæ in potentia, & minus quam illud in actu? Solutio. Nullum magnificare est adeo magnum in potentia, sicut in actu secundum naturam magnitudinis. Cum diuina voluntas sit libera & causa, & non causata, quid est ei causa, quod ipsa incarnationem diligat de necessitate? Solutio. Magnificabilitas & amabilitas se inuicem causant ad ha-

bendum actus æquales existentibus ambabus rationibus eademmet natura. Et vade ad rubricam magnitudinis voluntatis. Absque incarnatione posset diuina voluntas plus magnam creaturam diligere, quam magnitudo magnificare? Solutio. Si non esset incarnatio, diuina voluntas tantum creaturam diligere non posset, sicut magnitudo ipsam magnificare posset. Si non esset incarnatio, magnitudo Dei esset vitiosa in creatura? Solutio. Illa causa quæ suo effectui non dat complementum ita magnum, sicut effectus recipere potest, est vitiosa. Et vade ad rubricam magnitudinis virtutis. Incarnatio quomodo est causa magnæ virtuti? Solutio. Sicut homo maiorem habet virtutem in producendo hominem in sua specie, quam de pingendo hominem in pariete, ita Deus maiorem habet virtutem in producendo creaturam in sua natura diuina, quam in natura creaturæ. Quomodo potest Deus producere maiorem veritatem creaturæ? Solutio. Vade ad rubricam magnitudinis veritatis. Cum incarnatio sit in ita magna magnitudine veritatis, quare est ita magna magnitudo falsitatis in mundo, qui principaliter creatus est, vt Deus sit incarnatus? Solutio. Iesus Christus suum locum beato Petro dimisit in Vicaria, de qua est magna veritas in intellectu plurium hominum, de qua magna veritate habent reddere magnam rationem, si ipsam teneant ociosam. Deus quomodo potest dare maiorem gloriam? Solutio. Vade ad rubricam magnitudinis gloriæ. Si non esset incarnatio, corpora sanctorum quomodo haberent magnam gloriam? Solutio. Quia Saraceni incarnationem non credunt, qui in Paradiso magnam gloriam per remunerationem

nem considerant, considerant in Paradiso gloria comedendi, bibendi, induendi pulchrarum camerarum, & tactum carnalem pulchrarum foeminarum virginum. Quomodo est maior differentia inter Deum & creaturam? Solutio. Vade ad rubricam magnitudinis differentiarum. Quomodo melius significatur magna distinctio diuinarum personarum, & vnitas naturæ? Solutio ibidem. Quomodo potest esse maior concordantia inter Deum & creaturam? Solutio. Vade ad rubricam magnitudinis concordantiarum. Magna concordantia diuinarum personarum cum quo melius significatur? Solutio ibidem. Deus quomodo potest esse creatura maius principium? Solutio. Vade ad rubricam magnitudinis principij. Si Deus non esset incarnatus, magnitudo Dei esset ociosa in non principiando magnam creaturam? Solutio. Illud agens ociosum est in magnitudine, quod non est ita magnum principium, sicut potest esse. Quod est maius medium, quod Deus creare potest? Solutio. Vade ad rubricam magnitudinis medij. Quare est incarnatio? Solutio ibidem. Quis est maior finis quem Deus dare potest creaturæ? Solutio. Vade ad rubricam magnitudinis finis. Si non esset incarnatio, esset aliqua creatura perfecta? Solutio. In priuatione magni finis non potest aliqua creatura esse perfecta. Deus quomodo potest creare magnitudinem in maiori maiortate? Solutio. Vade ad rubricam magnitudinis maioritatis. Absque incarnatione posset Deus magnitudinem creatam eleuare in maiori gradu creationis? Solutio. Supra incarnationem non potest esse altior gradus creationis. In creatura quomodo potest Deus æquare bonitatem & magnitu-

dinem in altiori gradu bonitatis? Solutio. Vade ad rub. magnitudinis equalitatis. Absque incarnatione actus diuinæ magnitudinis & sapientiæ posset esse æquales in creatura? Solutio ibid. Magnitudo Dei quomodo creaturam remouit à minori paruitate, & ipsam posuit in maiori magnitudine? Solutio. Vade ad rubricam magnitudinis minoritatis. Si non esset incarnatio, diuina magnitudo posset creare suam similitudinem extra paruitatem? Solutio. Si non esset incarnatio, omnis creatura esset maior in paruitate, quam in magnitudine.

De Quæstionibus florum arboris Iesu Christi.

De Æternitate.

Vtrum absque incarnatione potestas Dei tantum posset de creatura in durare, sicut per incarnationem? Solutio. Vade ad rubricam antedictā. Potestas Dei posset priuare incarnationem? Solutio. Ita oportet esse incarnationem per durificationem sub ratione æternitatis, sicut per possificationem sub ratione æternæ potestatis. Deus potest contra actum æternitatis & sapientiæ? Solutio. Vade ad rubricam æternitatis sapientiæ. Diuina sapientia quomodo scire potest maiorem actum æternitatis in creatura? Solutio. Maior actus, quam sapientia scire potest de æternitate, in creatura est, quod sciat vnā personam de æternitate & creatura. Æternitas & diuina voluntas quomodo sunt causa sapientiæ & actibus, quos habent in creatura? Solutio. Vade ad rubricam æternitatis voluntatis. Est tantum necessarius actus æternitatis in creando, sicut actus diuinæ voluntatis? Solutio.

Si

Si æternare non esset ita magnus actus in creando, sicut actus diuinę voluntatis qui est amare, diuina æternitas esset ociosa in creatura sua. *Æternitas & diuina virtus quomodo sunt causę incarnationis?* Solutio. Vade ad rubricam æternitatis virtutis. Si incarnatio non esset æternitas, & virtus essent ociosę in creare. Solutio. Contra magnum actum virtutis esset æternitas vitiosa, si virtus esset ociosa in creando creaturam per æternare. *Æternitas & veritas quomodo habent in creatura maiorem actualitatem?* Solutio. Vade ad rubricam æternitatis veritatis. *Æternitas & veritas quomodo creaturam remouent à maiori priuatione & falsitate?* Solutio. Veritas creata cum æternitate & veritate in creata coniuncta, remotior est à priuatione & falsitate, quam aliqua alia creata veritas. *Æternitas quomodo potest esse causa maiori glorię creatę?* Solutio. Vade ad rubricam æternitatis glorię. *Æternare & gloriari quomodo coniunguntur in creare?* Solutio. In deificando creaturam coniunguntur æternare & gloriari in creare. *Æternitas quomodo habet maiorem actualitatem differentię creatę?* Solutio. Vade ad rubricam æternitatis differentię. *Æternare & differentiare quomodo se remouent à maiori cōtrariari in creare?* Solutio. Sine incarnatione æternare & differentiare, concordare non possunt sumę in creare. *Æternitas & concordantia cum quo possunt plus concordare in creare?* Solutio. Vade ad rubricam æternitatis concordantię. *Creare quomodo potest esse de æternare & concordare?* Solutio. In deificare, creare est de æternare & concordare. *Æternitas quomodo principiari potest creare in æternare?* Solutio. Vade ad rubricam æternitatis prin-

cipij. *Æternitas quomodo potest esse maior causa principio?* Solutio. Per deificare creaturam potest esse æternitas maior causa creaturę. *Æternitas & creatura cum quo sunt maiora media in creare?* Solutio. Vade ad rubricam æternitatis medij. *Amare & æternare quomodo melius se possunt coniungere in creare?* Solutio. Maior coniunctio quę potest esse de æternare & amare, in creare est per deificare & creare. *Æternitas quomodo attingere potest maiorem finem per creare?* Solutio. Vade ad rubricam æternitatis finis. *Æternitas & finis cum quo possunt melius cōcordare in creare?* Solutio. ibidem. *Æternitas quomodo fortius ostendere potest similitudinem suam in creare?* Solutio. Vade ad rubricam æternitatis maiortatis. *Æternitas quomodo æternare potest maius creare, cum creare esse non possit sine temporificare?* Solutio. In deificare creaturam consistit quæstionis responsio. *Æternitas & diuina voluntas absque incarnatione possent habere æqualitatem in creare?* Solutio. Vade ad rubricam æternitatis æqualitatis. *Æternitas & diuina voluntas de quo possunt æquare, æternare, & amare in creare?* Solutio. Per incarnare possunt omnes diuinę rationes æquare eorum actus in creare. *Æternare quomodo fortius remouere potest creare de minoritate?* Solutio. Vade ad rubricam æternitatis minoritatis. *Æternitas cum quo melius remouere potest minoritatem à priuatione?* Solutio. Cum incarnatione remota est creatura fortius à priuatione.

**

De Quæstionibus florum arboris Iesu Christi.

De Potestate.

Quomodo probatur incarnatio per potestatem & sapientiam? Solutio. Vade ad rubricam antedictam. Sapientia Dei quæ scit, quod potestas possit de me facere Papam, sequitur propter hoc, quod de me Papam faciet? Solutio. Sapientia Dei non considerat aliquam ideam superfluum, ut in considerare suo non sit vacuitas finis. Diuina potestas & diuina voluntas quomodo sunt causæ incarnationis? Solutio. Vade ad rubricam voluntatis potestatis. Cum voluntas Dei possit velle plures incarnationes per plures homines, sequitur propter hoc, quod ipsæ sint, postquam voluntas ipsas amare potest? Solutio. Vade ad rubricam virtutis. Potestas Dei cum quo potest tantum uti virtute corporali, sicut spiritali? Solutio. Vade ad rubricam potestatis virtutis. Si non esset incarnatio potestas Dei ociosa esset & vitiosa? Solutio. Si non esset aliquis modus, ratione cuius diuina potestas se tantum communicare posset substantiæ corporali, sicut spiritali, ociosa esset in illo modo. Possificare & verificare quomodo causant incarnationem? Solutio. Vade ad rubricam potestatis veritatis. Cum potestas Dei sit infinita, quid ipsam compellit, quod ipsa se communicet per incarnationem? Solutio. Iudex est liber in suo iudicare, & quia veritas est ei ratio, quod verum iudicium faciat, Iudex se cogit cum ratione iustitiæ & veritatis ad dandum veram sententiam contra falsitatem & injuriam. Cum potestas Dei sit per seipsam gloriosa, quæ gloria est ei incarnatio? Solutio. Om-

nis causa placitum habet in producendo suam similitudinem, licet sine illa productione sit perfecta per seipsam. Et vade ad rubricam potestatis gloriæ. Gloria diuina quomodo compellit potestatem diuinam ad possificandum incarnationem? Solutio. Existente potestate ratione ad possificandum, & gloria ad gloriandum, æqualiter in creare compellit Deus (ut ita loquar) seipsum cum suis rationibus ad se incarnandum, sicut cum sua misericordia se cogit ad indulgendum. Potestas Dei quomodo plus uti potest differentia creata? Solutio. Vade ad rubricam potestatis differentiarum. Cum in summa Trinitate non sit distinctio per essentiam, quomodo potest Filius esse incarnatus, & quod Pater, & Spiritus sanctus non sint incarnati? Solutio. In quantum Filius distinctus est à Patre & Spiritu sancto personaliter, potest esse incarnatus, licet Pater & Spiritus sanctus non sint incarnati. Sed in quantum omnes tres personæ sunt vna essentia, vna natura, oportet quod Pater & Spiritus sanctus sint ita verè homo per incarnationem, sicut Filius. Si incarnatio non esset, quid sequeretur de diuina potestate & de sua concordantia in creatura? Solutio. Vade ad rubricam potestatis concordantiæ. Cum potestas diuina tantum se extendere potest in incarnare per Patrem & Spiritum sanctum, quare Pater & Spiritus sanctus non fuerunt incarnati? Solutio. Ex parte creaturæ quæ est filia per creationem, fuit melius proportionatus & dispositus Filius homo ad essendum deificatus per incarnationem Filij Dei, quam per personam, quæ non sit Filius, cum ita sit, quod inter Filium & Filium maior sit concordantia secundum speciem, quam inter Filium & non Filium se-

cundum genus. Maior possibilitas & principiabilitas quomodo sunt rationes maiori creabilitati? Solutio. Vade ad rub. potestatis principij. Incarnatio quomodo potest esse principium omni enti creato? Solutio. In quantum Deus creationem considerabat, ut in natura cum omni ente creato participaret, est incarnatio finale & principale principium, & finis omnis creaturæ, adificare quomodo potest esse maius medium inter possituitatem increatam & possitabilitatem creatam? Solutio. Vade ad rubricam potestatis medij. Indulgere quomodo potest esse maius medium inter indulgentem & indulgibilem? Solutio. Quæstio ista fiat incarnationi Iesu Christi. Potestas diuina quomodo potest melius exaltare finem creaturæ? Solutio. Vade ad rub. potestatis finis. Ex quo finis angeli melius fuisset exaltatus, si Deus fuisset angelicatus, quare Deus non assumpsit naturam angeli? Solutio. Quia Deus per hominem participare potest cum omnibus creaturis, & non per angelum, est magis generalis finis, qui est per hominem, quam finis qui est per angelum. Potestas & maioritas quomodo sunt rationes ad incarnandum? Solutio. Vade ad rub. potestatis maioritatis. Postquam maior possibilitas consistit per plures incarnationes quam per unam tantum, quare potestas & maioritas non sunt rationes pluribus incarnationibus? Solutio. Diuina potestas est una & non plures, & ideo magis maiorificare potest unam creaturam super omnes, quam plures. Diuina potestas, sapientia & voluntas quomodo habere possunt maiorem æqualitatem in creare? Solutio. Vade ad rub. potestatis æqualitatis. Cum Filius sit incarnatus, & non Pater neque

Spiritus sanctus, tres personæ diuinæ quomodo possunt esse æqualiter homo? Solutio. Vnitas naturæ & essentia diuinæ facit esse æqualiter tres personas, hominem & Deum. Potestas & minoritas quomodo possunt esse rationes incarnationis? Solutio. Vade ad rub. potestatis minoritatis. Cum potestas Dei sit infinita & homo finitus, quomodo habere possunt proportionem in incarnatione? Solutio. Ita est positus nasus hominis in humana specie, sicut caput secundum proportionem, quamuis nasus sit minor quam caput.

*De Quæstionibus florum arboris
Iesu Christi.*

De Sapientia.

Quare Deus per magnitudinem sapientiæ & voluntatis est incarnatus? Solutio. Vade ad rubricam sapientiæ voluntatis. Postquam magnitudo est causa sapientiæ & voluntati, quod Deus sit incarnatus, quare non est causa pluribus incarnationibus, cum magnitudo sit maior causa pluribus quam vni? Solutio. Diuina magnitudo est una, & idem est de sapientia, quæ est una, & sic de voluntate, & ideo secundum naturam vnitatis & singularitatis magnitudo est causa cum sapientia & voluntate vni incarnationi, & non pluribus. Et vade ad rubricam antedictam. Sapientia Dei esset vitium, si ignoraret incarnationem? Solutio. Secundum naturam diuinæ sapientiæ & virtutis melius competit diuinæ sapientiæ scire magnum obiectum virtuosum, quam paruum. Et vade ad rubricam sapientiæ virtutis. Sapientia Dei considerat res impossibiles?

biles? Solutio. Vitium esset Soli, qui est super terram in meridie, si super terram illam esset nox. Est necessarium sapientiæ Dei scire maiorem veritatem Dei & creaturæ? Solutio. Vade ad rubricam sapientiæ veritatis. Quare sapientiæ Dei pertinet melius scire magnam veritatem, quam parvam? Solutio. Secundum naturam veritatis tantum pertinet Deo scire vnam veritatem sicut aliam. Sed quia sapientia Dei est magna & non parua, melius pertinet ei scire magnam veritatem quam parvam. Sapientia Dei & gloria quomodo sunt causæ ad sciendum maiorem gloriam creatam? Solutio. Vade ad rubricam sapientiæ gloriæ. Sapientia Dei quare pœnam considerat, cum sit sibi sufficiens considerare gloriam? Solutio. Sapientia Dei pœnam damnatorum considerat ratione iustitiæ, & vt ipsos puniat. Diuina sapientia quomodo causat incarnationem per differentiam? Solutio. Vade ad rubricam sapientiæ differentitiæ. Si non esset incarnatio, posset sapientia Dei scire maiorem distinctionem Dei & creaturæ? Solutio ibidem. Sapientia Dei posset scire maiorem concordantiam inter Deum, & creaturam absque incarnatione? Solutio. Vade ad rubricam sapientiæ concordantiæ. Diuina voluntas potest deamare maiorem concordantiam Dei & creaturæ? Solutio. Sicut diuina sapientia non potest ignorare maiorem concordantiam Dei & creaturæ, sic diuina voluntas non potest odire maiorem concordantiam Dei & creaturæ. Diuina sapientia quomodo potest esse causa maiori principio creato? Solutio. Vade ad rubricam sapientiæ principij. Diuina voluntas potest deamare maius principium creatum? Solutio. Sicut diuina sapientia igno-

rare non potest maius principium creatum, ita diuina voluntas ipsum deamare non potest. Diuina sapientia quomodo est causa maiori medio creato? Solutio. Vade ad rubricam sapientiæ medij. Creare quomodo est medium inter Deum & creaturam? Solutio ibidem. Maior scitiuitas & maior scibilitas quomodo sunt causæ maiori fini creato. Solutio. Vade ad rubricam sapientiæ finis. Sapientia Dei quare nescit quod Martinus possit esse Papa, qui non erit Papa? Solutio. Sapientia Dei non considerat aliquam superfluitatem in suo scire, de quo non sequitur aliquis finis. Et vade ad rubricam virtutis. Absque incarnatione posset sapientia Dei scire maiorem maioritatem creatam? Solutio. Vade ad rubricam sapientiæ maiortatis. Diuina voluntas potest deamare maiorem maioritatem creatam? Solutio. Sicut diuina sapientia maiorem maioritatem creatam ignorare non potest, sic diuina voluntas ipsam deamare non potest. Quare est maior scibilitas æqualitatis causa incarnationis. Solutio. Vade ad rubricam sapientiæ æqualitatis. Si non esset incarnatio, posset diuina sapientia scire maiorem æqualitatem, quæ potest creati? Solutio. Nulla scibilitas creata tantum potest exaltari sine incarnatione, sicut per incarnationem. Diuina voluntas potest plus amare minorem intelligibilitatē, quam maiorem? Solutio. Quia diuina sapientia est magna, & non parua, se melius habet secundum suam naturam ad intelligendum magna, quam parua, & maius bonum, quam minus. Et vade ad rubricam sapientiæ minoritatis. Sicut sapientia Dei non considerat quod Martinus possit esse Papa, postquam non erit Papa, ita forte

non considerat maiorem maioritatem scibilitatis creatæ? Solutio. Causa quare sapientia Dei non considerat quod Martinus possit esse Papa, postquam non erit Papa, est, quia ex illo considerare non sequeretur aliquis finis, sed si sapientia Dei non cōsideraret maiorem maioritatem intelligibilitatis creatæ, quæ creati potest, non se extenderet tantum sua sanctitas in suo proprio obiecto, quod est scibilitas, sicut faceret diuina possitiuitas in suo proprio obiecto, quod est possibilitas. Et iste passus est multum placens ad considerandum, & est subiectum intelligendi plura de Deo.

*De Quæstionibus florum arboris
Iesu Christi.*

De Voluntate.

Diuina voluntas & virtus quomodo sunt rationes maiori creature, quæ potest creati? Solutio. Vade ad rubricam antedictam. Diuina voluntas quare plus magnam virtutem diligit, quam virtutem paruam? Solut. Cum diuina voluntas sit magna, & nō parua, vitium foret ei, si plus paruam virtutem diligeret, quam magnam. Diuina voluntas quare plus maiorem diligit veritatem, quam minorem? Solutio. Vade ad rubricam voluntatis veritatis. Postquam diuina voluntas est magna & non parua, quare diligit paruam veritatem? Solutio. Secundum comparisonem veritatis & & volūtatis tantum diligit diuina voluntas paruam veritatem, sicut magnā: sed quia diuina voluntas est magna & non parua, secundum naturam magnitudinis suæ tantum non potest amare paruam veritatem, sicut magnā. Maior gloria quare est magis amabilis quam minor? Solutio. Quia minoritas & par-

uitas concordantiam habent, & magnitudo & maioritas, est maior gloria amabilis plusquam minor. Si non esset incarnatio, quid sequeretur de voluntate & gloria? Solutio. Si non esset incarnatio, diuina voluntas non diligeret maiorem gloriam creaturæ, & haberet maiorem proportionem cum minori gloria, quam cum maiori. Et vade ad rubricam voluntutis gloriæ. Distinctio amati & amici quomodo est causa incarnationis? Solut. Vade ad rubricam voluntatis differentię. Quare voluntas diligit maiore distinctionem amici & amati? Solutio. In maiori distinctione amici & amati potest voluntas habere maius amare, quam in minori. Quare per maiorem amabilitatem concordantiæ significatur incarnatio? Solutio. Vade ad rubricā voluntatis cōcordantiæ. In creare quomodo potest esse maior cōcordātia p amare? Sol. Maior cōcordātia quæ potest esse per amare, potest esse per incarnare. Si nō esset incarnatio diuina voluntas posset tantū principia-bilitatē creatā amare, sicut si sit incarnatio? Solut. Vade ad rub. voluntatis principij. Deus est voluntas & principium: idcirco quæro quomodo amare & principiare melius equari possunt in creare? Solutio. Extra incarnare, amare & principiare æqualiter concordare non possunt in creare. Maius amare quomodo est maius medium in creare? Solutio. Per incarnare est amare maius medium in creare. Et vade ad rubricam voluntatis mediij. Sine incarnare posset esse maius amare in creare? Solutio. Nullum medium potest esse maius, quam illud in quo Deus & creatura sunt vna persona. Maior finis creatus potest deamari per diuinam voluntatem? Solut. Si maior finis creatus per diuinam vo-

lunta

luntatem deamari posset, diuina sapiētia maiorem finem creatum ignorare posset. Et vade ad rubricam voluntatis finis. Diuina voluntas quare nō diligit creatum finem in aternitate? Solutio. Finis creatus non potest esse sine tempore, in quo sit principiatus. Et quia Deus ipsum in aternitate principiari non potest, sine principio ipsū principiari voluit & in aternitate per incarnationem. Maior maioritas voluntatis quare incarnationē ponit de necessitate? Solutio. Vade ad rubricam voluntatis maioritatis. Si Deus sit incarnatus, de necessitate requiritur, quod sibi de incarnatione regretur? Solutio. Diuinæ rationes non compellunt Deum, sed ipse illis respondet in agendo secundum quod ipse ab ipso requirunt opus virtuosum & non vitiosum. Per amorem diuinum & æqualitatem quomodo est incarnatio significata? Solutio. Vade ad rubricam voluntatis æqualitatis. Æqualitas amati increati & amici increati quomodo melius significatur? Solutio. Per maiorem æqualitatem amatiuitatis & amabilitatis creatæ est æqualitas summæ Trinitatis fortius significata. Si non esset incarnatio, quid sequeretur inter diuinam voluntatem & voluntatem creatam? Solutio. Vade ad rubricam voluntatis minoritatis. Si non esset incarnatio, posset diuina voluntas amare creaturam secundum suam naturam? Solutio. ibidem.

De Quæstionibus florum arboris Iesu Christi.

De Virtute.

Deus quomodo posuit maiorem concordantiam inter virtutem

& veritatem creatam? Solutio. Vade ad rubricam antedictam. Naturalis veritas & virtus Dei quomodo habere possunt habitum moralem? Solutio ibidem. Cum quo Deus posuit maiorem distantiam inter virtutem & gloriam, vitium & pœnam? Solutio. Vade ad rubricam virtutis gloriæ. De quo virtus naturalis multiplicare potest maiorem gloriam moralem? Solutio ibidem. Fides, spes & charitas cum quo possunt magis esse differentes & concordantes in magnitudine bonitatis? Solutio. Vade ad rubricam virtutis differentiæ. Virtus moralis quomodo habere potest magis nobile subiectum, & maius ad differendum habitus suos? Solutio ibidem. Concordantia virtutum cum quo potest esse magis contraria concordantiæ vitiorum? Solutio. Vade ad rubricam virtutis concordantiæ. Si non esset incarnatio, posset Deus habere subiectum, per quod posset ponere concordantiam virtutis moralis in maiori maiortate contra concordantiam vitiorum moralium? Solutio. Nulla moralis virtus tantum vitio resistere potest, sicut illa quæ est habitus Dei hominis. Deus quomodo principiari potest virtutem moralem in maiori principiabilitate virtutis? Solutio. Vade ad rubricam virtutis principij. Maior maioritas virtutis & maior maioritas principij quomodo creati potest? Solutio ibidem. Virtus moralis quare potest esse fortior in medio amoris? Solutio. Vade ad rubricam virtutis medij. Deus quomodo fortius potest occasionare homines, quod sint virtuosissimi? Solutio ibidem. Virtus fidei & spei quomodo melius possunt esse instrumenta charitatis? Solutio. Vade ad rubricam virtutis finis. Charitas quomodo potest fortius informare & mo-

uere fidem & spem? Solutio ibidem. Vtrum absque incarnatione posset esse maior maioritas virtutis contra maiorem maiortatem vitij, & maior maioritas vitij posset esse priuatio maioris maioritatis virtutis? Solutio. Vade ad rubricam virtutis maioritatis. Si non esset incarnatio diuina, virtus maiorem concordantiam haberet in suo effectu cum minoritate, quam cum maiortate? Solutio ibidem. Diuina virtus quomodo æqualiter se communicat sapientiæ & voluntati per creationem? Solutio. Vade ad rubricam virtutis æqualitatis. Si non esset Deus incarnatus, posset esse subiectum in quo virtuosa æqualitas creari posset in maiori maiortate? Solutio ibidem. Quare incarnatio melius secundum Deum concordat cum esse, quam cum non esse, cum incarnatio Deo non sit necessaria? Solutio. Vade ad rubricam virtutis minoritatis. Si incarnatio non esset virtus in maiori maiortate, esset vitium in maiori maiortate? Solutio. Ex hoc vnde sequitur falsum & impossibile, oportet quod sequatur verum & possibile.

*De Quæstionibus florum arboris
Iesu Christi.*

De Veritate.

IN subiecto creato gloria & veritas quomodo possunt esse magis contrariæ pœnæ & falsitati? Solutio. Vade ad rubricam antedictam. Gloria Dei & creaturæ quomodo possunt esse in maiori maiortate? Solutio ibidem. Distinctio Dei & creaturæ quomodo potest esse in maiori veritate? Solutio. Vade ad rubricam veritatis differentię. Maior distinctio Dei & creaturæ quomodo est in maiori veritate? So-

lutio ibidem. Verificare & concordare quomodo possunt esse in maiori creare? Solutio. Vade ad rubricam veritatis concordantię. Si non esset incarnatio, quomodo posset esse maior priuatio verificandi & concordandi in creatione? Solutio ibidem. Deus quomodo principiare potest maiorem veritatem in creando? Solutio. Vade ad rubricam veritatis principij. Verificare & concordare quomodo melius coniunguntur? Solutio. Vade ad rubricam antedictam. Verificare creatum quomodo est maius mediū in veritate? Solutio. Vade ad rub. veritatis mediij. Verificare quomodo est maius medium inter sapientiā & voluntatē, magnitudinē & bonitatem? Solutio ibid. Finis Dei & finis creaturæ cum quo coniungunt se in maiori veritate? Solutio. Vade ad rub. veritatis finis. Finis Dei & finis creaturæ in quo remouentur fortius à falsitate? Solutio ibidem. Inter Deum & creaturam quomodo potest esse veritas in ita magna maiortate, quod maior esse non posset? Solutio vade ad rubricā veritatis maioritatis. Diuina veritas quomodo est causa maiori maiortati? Solutio. Quia diuina veritas est magna & non parua, est causa maiori creabilitati. Veritas & æqualitas quomodo sunt causæ incarnationis? Solutio. Diuina veritas est magna, & non parua, & idem de diuina æqualitate, quæ est de personis; idcirco concordantiam habent in maiortate. Deus quomodo potest creaturam diligere cum maiori amare, & quomodo ipsam verificare potest cum maiori verificare? Solutio. Vade ad rub. veritatis æqualitatis. Si non esset incarnatio, quid sequeretur de verificatione creata? Solutio. Vade ad rub. veritatis minoritatis. Si non esset incarnatio.

arnatio, finis mundi haberet maiorem proportionem cum falsificatione, quam cum verificatione? Solutio. Si minoritas vinceret maiorem in creatione, falsitas vinceret veritatem in magnitudine bonitatis.

De Quæstionibus florum arboris Iesu Christi.

De Gloria.

Quare gloria & differentia sunt rationes incarnationis? Solutio. Vade ad rubricam antedictam. Differentia quæ est inter elementum & elementum, inter plantam & plantam, inter hominem & leonem, inter corpus & animam, inter Solem & Lunam, in quo habet æternam quietem? Solutio. In differentia increata & creata quæ in vna persona per incarnationem participant, est quies creationis. Concordantia Dei & creaturæ in quo est maior? Solutio. Maior gloria creaturæ est per incarnationem. Et vade ad rubricam gloriæ & concordantiæ. Concordantia elementi & elementi, plantæ & plantæ, equi & leonis, auditus & visus, Solis & Lunæ in quo habet naturalem quietem? Solutio. In gloria increata & creata quæ in vna persona per incarnationem participant, per concordantiam quietem habet naturaliter concordantia creata elementi & elementi, elementariæ & vegetariæ, vegetariæ & sensitivæ, sensitivæ & Lunæ, Lunæ & Solis, Solis & Arietis. Principium creatum quomodo habet gloriam secundum cursum naturalem? Solutio. In participatione principij increati & creati, quæ participant in unitate personæ per incarnationem, habet generaliter quietem principium

creationis. Et vade ad rubricam gloriæ principij. Principium elementi & elementi, plantæ & plantæ, plantæ & equi, equi & equi, hominis iusti & hominis iusti, Solis & Lunæ, Solis & Arietis, quomodo æternaliter quietem habet naturalem? Solutio. In fine incarnationis habet æternaliter quietem principium creatum. Cum inter ens infinitum & ens finitum non sit proportio, quomodo potest esse glorificatio creationis? Solutio. Vade ad rubricam gloriæ medij. Medium quod est elementi & elementi, elementi & plantæ, & sic de aliis mediis naturalibus, quomodo habet naturaliter quietem? Solutio. In participatione medij increati & creati per incarnationem omne medium creatum & innocens à peccato naturaliter habet quietem. Gloria & finis quomodo sunt causa incarnationis? Solutio vade ad rubricam gloriæ & finis. Finis elementi & elementi, plantæ & plantæ, equi & leonis, Solis & Lunæ, quomodo habet quietem? Solutio. In fine increato & creato, vno fine per incarnationem cum alio participante, habet quietem omnis finis creatus, excepto fine damnati & Angeli maligni. Gloria creata cum quo ascendere potest ad maiorem maiorem? Solutio vade ad rubricam gloriæ maiorem. In igne substantia maior est quam accidens, & planta maior est in virtute quam ignis, & leo quam planta, & homo quam leo vel Luna hæc maioritas naturalis in quo habet naturalem quietem? Solutio. In participatione maiorem creata & cum infinita magnitudine coniuncta per incarnationem, habet quietem maiorem creata. Aequalitas creata cum quo potest habere maiorem glorificationem? Solutio vade ad ru

ad rubricam gloriæ æqualitatis. Inter elementum & elementum est æqualitas, & inter plantam & plantam, & sic de aliis æqualitatibus creatis. Hæc æqualitas naturalis in quo habet quietem? Solutio. In æqualitate creata coniuncta cum æqualitate personali increata habet quietem omnis æqualitas creata innocens à peccato. Deus cum quo potest dare maiorem gloriam creaturæ? Solutio. Vade ad rubricam gloriæ minoris. In igne est minoritas inquantum suum accidens est minus, & sua substantia est maior, & idem est de minoritate plantæ, leonis, gruis, hominis, & lunæ. Hæc minoritas naturalis creata in quo habet quietem? Solutio. In Iesu Christo est natura humana minor, & natura diuina maior, & quia ambæ naturæ sunt vna persona, in minoritate personæ habent quietem naturaliter omnes minoritates creatæ innocentes à peccato.

*De Quæstionibus florum arboris
Iesu Christi.*

De Differentia.

Differentia & concordantia creaturæ quomodo ascendunt super earum naturas? Solutio. Vade ad rubricam antedictam. Differentia quomodo se extendit in maiori concordantia recolendi, intelligendi, & amandi? Solutio ibidem. Differentia cum quo potest esse nobilius principium recolendi, intelligendi, & amandi? Solutio. Vade ad rubricam differentię principij. Iesus Christus diligit inquantum Deus, & diligit inquantum homo, hæc duo amare sunt vnum amare, aut sunt differentia? Solutio. Sunt vnum amare, inquan-

tum vna est persona, & sunt duo amare, inquantum in ipso sunt duæ naturæ, sicut Martinus qui diligit cum voluntate aquam, & aquam diligit per instinctum naturalem sensitiuæ, quæ humiditatem requirit & frigiditatem tunc cum nimis desiccata est aut calefacta. Creare est ex creatore & creatura? Solutio. Vade ad rubricam differentię mediij. Iesus Christus est in medio sanctorum gloriæ, & est super omnes altior in gloria, idcirco quare quomodo est in medio, & quomodo est super omnes? Solutio. Caput Martini stat in medio brachij dextri, & pedis dextri, & brachij sinistri, & pedis sinistri, & tunc est supra cum sedet, aut cum stant pedes. Deus quomodo creare potest vnum finem, quæ sit complementum omnium aliorum finium creatorum? Solutio. Vade ad rubricam differentię finis. Finis & differentia quomodo sunt in maiori exaltatione? Solutio ibidem. Vna creatura quomodo potest esse maior quam omnes creaturæ? Solutio. Vade ad rubricam differentię maioris. Si essent duo Iesu Christi, aut plures, esset differentia creata in maiori maiortate quam si non sit nisi vnus Iesu Christus? Solutio. In arbore in qua vnum folium non est altius omnibus aliis non est folium in maiori summitate. Differentia & æqualitas quomodo sunt rationes incarnationi? Solutio. Vade ad rubricam differentię æqualitatis. Si essent duo Christi æquales, aut plures, differentia creata esset in maiori æqualitate, quam si sit vnus Christus tantummodo? Solutio. Partes substantiæ sunt magis altæ, & magis nobiles in vnitatem & maiortate substantiæ, quam in æqualitate quam habent inter seipsas. Differentia & minoritas quomodo significant incarnationem

nem? Solutio. Vade ad rubricam differentie minoritatis. In creatione quomodo ascendit creatura ad maiorem maioritatem, & quomodo est in maiori minoritate? Solutio. Differentia creata supra maiorem maioritatem ascendere non potest, nec descendere potest ultra maiorem minoritatem. Et vade ad rub. virtutis.

De Quæstionibus florum arboris Iesu Christi.

De Concordantia.

IN creare quomodo est principiari in maiori concordantia? Solutio. Vade ad rubricam antedictam. Concordantia creata quomodo est in altiori gradu principiabilitatis? Solutio. Altior gradus principiabilitatis est in nouitate, quæ non sit de aliqua antiquitate principiata, & superior gradus nouitatis creata est in principio coniuncto per concordantiam principiabilitatis æternæ. Per quod medium creare est in altiori gradu concordandi? Solutio. Vade ad rubricam concordantiæ medij. In creare vbi est centrum concordantiæ? Solutio. Nullus punctus est ita nobilis in circulo, nec in corpore rotundo, sicut est centrum, quod in medio est. Et vade ad rubricam virtutis. Summitas concordantiæ creata est in fine, & suæ infirmitates sunt in medio & in principio, & ideo vbi est ille finis? Solutio. Vade ad rubricam concordantiæ finis. Abique incarnatione possunt omnes creaturæ concordare naturaliter vni fini creato? Solutio. Cum omnes creaturæ sint nouæ, nulla creatura per suam naturam potest esse finis omnium creaturarum, potest esse ergo aliqua natura creata finis cunctarum natura-

rum creaturarum, si cum natura diuina sit coniuncta. Diuina voluntas quomodo tantum amare potest concordantiam in creare, sicut diuina potestas ipsam potest possificare? Solutio. Vade ad rubricam concordantiæ maioritatis. Diuina sapientia potest esse maior in creare concordantiam, quam diuina potestas? Solutio. Si non esset incarnatio, sapientia & maioritas haberent in creatione concordantiam, & potestas & minoritas. Amor & concordantia quomodo se æquare possunt in concordare & amare? Solutio. Vade ad rubricam concordantiæ æqualitatis. Quælibet pars naturalis humanitatis Iesu Christi quomodo est æqualis alij in maiori concordantia? Solutio. Diuina natura Iesu Christi æqualiter est coniuncta cum qualibet parte naturæ humanæ. Quid spectat ad interioritatem minoris concordantiæ in maiori, & maioris in minori? Solutio. Vade ad rubricam concordantiæ minoritatis. In concordantia quomodo potest ascendere minor ad maiorem, & maior descendere ad minorem? Solutio. In vnitatem personæ quæ sit de maiori & minori, est solutio quæstionis.

De Quæstionibus florum arboris Iesu Christi.

De Principio.

Prinzipium creatum quomodo habet maius medium? Solutio. Vade ad rubricam antedictam. Principium creatum particulatum per quod medium potest esse principium toto vniuerso creato? Solutio. Incarnatio est medium per quod creator & creatura sunt vnum principium toti vniuerso creato. Abique incarnatione posset

æqui de maiori fine maius principium & è conuerso? Solutio. Vade ad rubricam principij finis. Absque incarnatione finis creatus posset principiari, ita videlicet quod per se habeat suum complementum? Solutio. Iesus Christus inquantum homo maiorificatus est in magnitudine bonitatis, quæ de semetipso est complementum, hoc esse non posset, si cum deitate non esset coniuncta sua humanitas. Deus in quo potest creaturam maiorem principiari? Solu. Vade ad rub. principij maioritatis. Deus quomodo potest maiorem maioritatem principiari? Solut. vade ad rubricam antedictam. Cum creatura nobilior sit in fine, quam in principio, sine incarnatione posset Deus in creatura principium & finem æquare? Solutio. vade ad rubric. principij medij æqualitatis. æqualitas creata cum quo potest esse maius principium? Solutio. In participatione æqualitatis creatæ & increatæ potest esse æqualitas creata particulata principium finale & formale omnibus æqualitatibus creatis. Principium quomodo est motu de minoritate ad maiorem maioritatem? Solutio. Vade ad rub. principij minoritatis. Quomodo cognoscitur natura peccati, cum peccatum nullam habeat entitatem? Solutio. Cū ex minori principio sequitur minor finis, oportet quod de maiori principio sequatur maior finis, quod si hoc non esset, esset peccatum, cum ita sit, quod maioritas principij & finis maiorem habeat proportionem cum esse, & sit remotior à priuatione, quam minoritas, & imo significatum est, quod Deus sit incarnatus, & quod homines peccatum faciunt, de quo minori principio volunt habere maiorem finem, quam de maiori.

De Quæstionibus florum arboris Iesu Christi.

De Medio.

Sine incarnatione posset esse medium creatum & particulatum, forma & finis omnium mediorum creatorum? Solut. Vade ad rub. antedictam. Quomodo Deus posset vnum accidens exaltare in ita magna virtute, quod esset finis omnis substantiæ creatæ? Solutio ibid. Medium quomodo potest poni in maiori maioritate virtutis? Solutio. Vade ad rub. medij maioritatis. Maior maioritas posset sine incarnatione creari? Solutio. Si non esset incarnatio, maior maioritas in creatione poni non posset. Sine incarnatione posset æqualitas creari ad maiorem maioritatem, videlicet quod sit de principio & fine? Solutio. Vade ad rubric. medij æqualit. Ignis quomodo calefieri posset per aquam, & lux quomodo posset esse occasio tenebrarum? Solutio ibidem. Productio creata quomodo mouetur de maiori maioritate ad maiorem maioritatem. Solutio. Vade ad rubricam medij minoritatis. Inter minorem minoritatem & maiorem maioritatem medium quomodo sustentari potest. Solutio. Ista quæstio fiat incarnationi Iesu Christi.

De Quæstionibus finis quæ est de floribus arboris Iesu Christi.

Maioritas & finis quomodo sunt causæ incarnationis? Solut. Vade ad rubricam antedictam. Sine incarnatione posset Deus finem formalem & materialem creare in maiori maioritate accidentis & substantiæ? Solutio.

Solutio ibidem. Posset Deus creare finem in maiori maioritate, & æqualitate finis formalis, materialis, causalis & finalis? Solutio. Vade ad rubricam finis æqualitatis. Sine incarnatione posset Deus creare in maiori maioritate æqualitatem substantiæ, & substantię & accidentis, accidentis & accidentis, finis & finis? Solutio. Tantum requirit maior maiortas de magnitudine & bonitate, quod sine incarnatione creari non posset. Absque incarnatione posset Deus minorem finem ascendere ad maiorem maiortatem secundum cursum naturalem? Solutio. Vade ad rubricam finis minoritatis. Minor finis quomodo potest esse maior sine contradictione? Solutio. Finis vnus partis coniunctæ cum deitate potest esse finis totius vniuersi creati.

De Quæstionibus maioritatis quæ est de floribus arboris Iesu Christi.

Communis utilitas quomodo est causa incarnationis? Solut. Communis utilitas & maioritas proportionem habent cum magnitudine bonitatis. Communis utilitas quomodo habet maiorem proportionem cum maiortate, quam cum æqualitate, cum sit de rebus æqualibus? Solutio. In exaltatione maioris maioritatis in magnitudine bonitatis est communis utilitas sustentata. Cum Deus creauerit mundum posset Deus ante se habere sine incarnatione ad maiorem maiortatem, quam ad minorem? Solutio. Vade ad rubricam maioritatis & minoritatis. Quare melius conuenit Deo maiorem creaturam creare, quam minorem? Solut. Magnitudo & maioritas concordantiam habent, & paruitas & minoritas, idcirco incarnatio significatur esse de necessitate.

De Quæstionibus æqualitatis de floribus arboris Iesu Christi.

Æqualitas & maioritas quomodo sunt causæ incarnationis? Solutio. Vade ad rubricam antedictam. Si non esset incarnatio quid sequeretur de æqualitate creata? Solutio ibidem. Probauimus incarnationem, & doctrinam dedimus secundum artem generalem, quomodo cum primis formis huius scientiæ homo sciatur inquirere & inuenire veritatem, miscendo vnum principium cum alio secundum quod fecimus, & ipsas ad vnam quæstionem applicare, & sicut respondimus aliquibus obiectionibus contra incarnationem factis potest respondere secundum modum, quem tenuimus pluribus aliis obiectionibus peregrinis. Et hæc regula generalis est per totam hanc scientiam.

De Quæstionibus productionum diuinarum.

Secundum quod per primas formas quæstiones fecimus de incarnatione Dei, quæstiones volumus facere de productione diuinarum, personarum, & primo per bonitatem, magnitudinem, & æternitatem. Bonitas, magnitudo & æternitas quomodo sunt rationes diuinæ productionis? Solutio. Vade ad rubricam antedictam. Si in Deo non esset productio, possent in ipso esse rationes? Solutio. Destructo ante c. destruitur cōsequens. Si in Deo non esset productio, in sua potestate posset esse actio per bonitatem, magnitudinem & æternitatem? Solutio. Vade ad rubricam bonitatis, magnitudinis, æternitatis, & potestatis. In Deo est vna ratio causa alterius, vt sit pro-

ductio? Solutio. In diuinis non est propriè, dictum causa & effectus, & ideo oportet dicere ratio rationi, sicut bonitas quæ est ratio bono quod bonum producat, & quia bonitas est magna, est ratio magnitudini, quod illud bonum productum sit magnum. Sapientia Dei quomodo est ratio productioni? Solutio. Vade ad rubricam bonitatis, magnitudinis, æternitatis, & sapientiæ. Si in Deo non esset productio, quod inconueniens sequeretur? Solutio. Intelligit sapientia Dei, quod bonitas est ratio bono, quod producat bonum, & hoc oportet ipsum intelligere de necessitate, postquam bonitatem intelligit, & ipsam intelligit esse magnam, & per huius intelligere intelligit, quod bonitas est ratio bono, quod producat bonum, & magnum bonum, & idem per æternitatem. Et si productio non esset in Deo, intelligeret bonitatem esse ociosam rationem, vnde malum sequeretur & paruitas bonitatis, & plura alia inconuenientia sequerentur, quæ in essentia diuina esse non possunt. Diuina voluntas quomodo est ratio necessaria productioni? Solutio. Vade ad rubricam bonitatis, magnitudinis, æternitatis, & voluntatis. Diuina voluntas est ita magna ratio, & ita bona, & ita æterna per amare sicut per bonificare, magnificare, & æternare? Solutio. Si diuina voluntas non esset ita magna ratio ad bonificandum, magnificandum, & æternandum, sicut est ratio ad amandum, non esset magnitudo ratio voluntati, quod esset magna, nec bonitas esse ratio magnitudini, quod esset bona, & idem suo modo de æternitate. Vitium quomodo caderet in diuina bonitate contra virtutem magnitudinis, & æternitatis? Solutio. Vade ad rubricam bonitatis, magnitudinis,

æternitatis, & virtutis. Quod vitium esset bonitati, si in Deo non esset productio? Solutio. Contrarium illius virtutis quam habet bonitas in bonificante, bonificabili, & bonificare per infinitatem & æternitatem, esset illud vitium, quod quæris. Diuina veritas quomodo est conditionata per bonitatem, magnitudinem, & æternitatem? Solutio. Vade ad rubricam bonitatis, magnitudinis, æternitatis, & veritatis. Productio in Deo quare est de necessitate? Solutio. Quia bonitas, magnitudo, æternitas, & veritas sunt rationes propter quid, & sunt hoc quod sunt per formam, est in Deo productio de necessitate. Et vade ad rubricam virtutis. Gloria quomodo est ratio propter quid bonitati, magnitudini & æternitati? Solutio. Vade ad rubricam bonitatis, magnitudinis, æternitatis, & gloriæ. Sine productione posset æternitas habere magnam gloriam bonitatis? Solutio. Priuatio propter quid de æternitate priuaretur ex ipsa magna gloria bonitatis. Æternitas quomodo potest esse magna in bonitate? Solutio. Vade ad rubricam bonitatis, magnitudinis, æternitatis, & differentiarum. Producere posset esse in Deo sine distinctione producentis, & producti? Solutio. Sicut contradictio non sustinet quod productus & ille qui producit, sint vnum idem in numero, ita bonitas, magnitudo, æternitas productionis non sustinent, quod sit productio sine distinctione producti, & illius qui illum productum producit. Concordantia quomodo requirit productionem à bonitare, magnitudine & æternitate? Solutio. In quantum bonitas & æternitas sunt rationes concordabiles puro actui, est concordantia ratio productionis. Et vade ad rubricam bonitatis, magnitudinis, æternitatis,

nitatis, & concordantiæ. Sine productione posset in Deo esse concordantiam? Solutio. Impossibile est concordantiam esse sine pluribus, ideo oportet quod in Deo sit productio plurium, ut bonitas, magnitudo, æternitas possint concordantiam habere. Sine productione possent bonitas, magnitudo & æternitas esse longè à contrarietate? Solutio. Causa quare bonitas, magnitudo & æternitas possunt esse longius à contrarietate est concordantia, quæ est contraria contrarietati, & concordantia in Deo sine productione esse non potest. Et vade ad rubricam bonitatis, magnitudinis, æternitatis, & contrarietatis. Contrarietas potest esse occasio productionis in divinis? Solutio. Non esset magnitudo ratio concordantiæ, si contrarietas esset ratio ad concordandum. Deus posset esse magnum principium per bonitatem & æternitatem? Solutio. Vade ad rubricam bonitatis, magnitudinis, æternitatis & principij. Bonitas est maior ratio per magnitudinem & æternitatem principiatuque, quam per tempus vel per parvitatem? Solutio. Quia Deus est magnus & non parvus, secundum suam conditionem conditionatus est ad producendum magnum & non parvum in seipso, & quia creatura est parva, ordinatus est extra ad producendum parvam creaturam, & quia vult producere suam similitudinem, magnam creaturam producit. Et in hoc passu cognoscitur, quod Deus producit magnam creaturam secundum conditionem suam similitudinis, & parvam secundum conditionem creaturæ. Sine productione posset esse bonificare in medio bonitatis, & magnificare in medio magnitudinis, & æternare in medio æternitatis? Solutio. Vade ad rubricam bonitatis,

magnitudinis, æternitatis & medij. Cum magnitudo Dei sit infinita, quomodo potest esse medium in illa quæ extremitates non habet? Solutio. Propter hoc est bonificare in medio bonitatis, quia est de bonificante & bonificabili. Finis est ita magnus sicut bonitas & æternitas? Solutio. Vade ad rub. bonitatis, magnitudinis, æternitatis & finis. Finis quomodo est ita magnus sicut bonitas & æternitas? Solutio. In hoc quod magnitudo se communicat in essendo ita magna ratio est ad bonificandum, sicut magnitudo bonitatis, & ad æternificandum, sicut magnitudo æternitatis, est ita magnus finis bonitatis sicut est bonitas, & æternitatis sicut est æternitas. Bonitas, magnitudo & æternitas quomodo possunt esse in maiori maiori? Solutio. Vade ad rubricam bonitatis, magnitudinis, æternitatis & maioritatis. Sine productione possunt esse bonitas, magnitudo & æternitas in maiori gradu entitatis qui possit esse? Solutio. Impossibile est, quod aliqua substantia non sit maior per existere & agere, quam simpliciter per existere & non agere, aut per agere & non existere. Æqualitas quomodo est ratio necessaria productioni? Solutio. Vade ad rubricam bonitatis, magnitudinis, æternitatis & æqualitatis. Magnitudo quomodo est ratio bonitati & æternitati per æqualitatem? Solutio. Existente magnitudine ratio bonitati, quod in illa sit æqualitas bonificantis, bonificabilis & bonificare, est ei ratio, quod sit magna per æqualitatem, sine qua æqualitate non posset esse sibi ratio, quod esset magna, & idem est de æternitate. Deus quomodo esset minor quam aliud ens sine productione? Solutio. Vade ad rubricam bonitatis, magnitudinis, æ-

ternitatis & minoritatis. Magnitudo posset esse non ratio bonitati & æternitati? Solutio. Sicut magnitudo Dei non potest esse mala, nec in tempore, ita bonitas & æternitas non possunt esse parvæ.

De Quæstionibus potestatis, sapientia & voluntatis arboris diuinalis.

CUm in Deo sapientia & voluntas sint actu, quomodo sunt possibiles? Solutio. Sunt possibiles in quantum est productio personarum productarum per intelligere, quod est de essentia sapientia, & per amare, quod est de essentia voluntatis, & non sunt possibiles per essentiam, neque per existentiam. Et vade ad rubricam antedictam. Pater intelligendo producit Filium, & Spiritus sanctus Patrem, intelligendo personam non producit, idcirco quæro, quomodo potest esse intelligere sancti Spiritus ita magnum, sicut intelligere Patris? Solutio. Sicut intelligere Patris suam habet perfectionem in producendo Filium, habet intelligere Spiritus sancti perfectionem suam in non producendo personam, sed quod sit pura contemplatio, & hoc ut personæ sint tres & non plures. Et vade ad flores arboris apostolicalis, ubi probauimus quod non possunt esse in Deo nisi tres personæ. Potestas quomodo tantum potest de virtute, sicut eadem virtus? Solutio. Quantum virtus scibilis est per sapientiam, & amabilis per voluntatem, tantum possibilis est per potestatem. Et vade ad rubricam potestatis sapientia, voluntatis & virtutis. Omne illud quod est in Deo, est substantia, nec in ipso est aliquod accidens, & Spiritus sanctus seipsum intelligit, & personam

non producit, idcirco quæritur, quomodo suum intelligere potest esse substantia, & non accidens? Solutio. Spiritus sanctus in quantum seipsum intelligit, seipsum per potestatem intelligere potest, & sicut seipsum potest per potestatem intelligere, scit seipsum per sapientiam, & diligit seipsum per voluntatem, & virtuosum habet intelligere per virtutem, quod virtuosum intelligere non haberet: si diligeret esse Pater: quoniam diligeret contra Patrem, qui habet singularem virtutem essendi Pater, & sicut habet singularem virtutem essendi Pater, ita singularem habet potestatem, singularem sapientiam & singularem voluntatem essendi Pater, & quia Spiritus sanctus est de toto intelligere Patris, & de toto intelligere Filij, est substantia suum intelligere, quamuis substantiam non producat. Potestas quomodo potest tantum de veritate: sicut possunt sapientia & voluntas? Solutio. Vade ad rubricam potestatis, sapientia, voluntatis & veritatis. Si Pater quartam personam considerat, ipsam potest intelligere per potestatem & sapientiam, & sicut ipsa potest intelligere per potestatem & sapientiam, ipsam amare potest per potestatem & voluntatem, & si ipsam amare potest per potestatem & voluntatem, oportet quod quarta persona sit de necessitate, ut voluntas attingere possit hoc quod desiderat, idcirco quæritur, quomodo potest esse inconueniens, quod sit quarta persona, postquam non est inconueniens, nec impossibile quartam personam considerari? Solutio. In Deo potestas, sapientia & voluntas sunt vnum idem in numero cum veritate, idcirco sapientia se extendere non potest ad considerandum aliquam personam extra veritatem, quod si consideraret,

speciem multiplicaret, & sic faceret chimeram extra veritatem: sicut homines faciunt, & voluntas diligeret quartam personam esse in veritate aut in falsitate. Vnde supposito quod non possit esse quarta persona in Deo, potestas considerare non potest quartam personam. Cum potestas sit gloria, quomodo potest habere actionem in gloria? Solutio. Vade ad rub. potestatis, sapientiæ, voluntatis & gloriæ. Cum Pater & Filius sint personæ productiue, & Spiritus sanctus non sit persona productiua, quomodo potest tantum habere de gloria, sicut Pater & Filius? Solutio. Quia Spiritus sanctus est de tota productiuitate Patris & Filij, & est de tota eorum gloria, est ita gloriosus, sicut Pater & Filius, quamuis personā non producat. Diuina potestas quomodo est libera in sapientia & voluntate? Solutio. Vade ad rubricam potestatis, sapientiæ, voluntatis & differentię. Sine distinctione posset diuina sapientia ita in voluntate scire numerum vnum, duo, tres: sicut in voluntate scit numerum amantis, amabilis & amare? Solutio. Omne illud est impossibile, quod non est intelligibile. Cum potestas, sapientia & voluntas sint vnū idem numero, quomodo concordantiam habere possunt? Solutio. Vade ad rubricam potestatis, sapientiæ, voluntatis & concordantiæ. Cum potestas & sapientia concordantiam habeant in scire peccatum, quare potestas & voluntas concordantiam nō habent in volendo peccatum? Solutio. Peccatum scibile est ratione iustitiæ, & non est amabile, quia malum est contra bonitatem, quæ est idem numero cum voluntate. Quare in Deo non potest esse contrarietas? Solutio. Vade ad rubricam potestatis, sapientiæ, voluntatis & contrarietatis. Cum

inter potestatem, sapientiam & voluntatem Dei non sit contrarietas, quare Deus creauit contrarietatem. Solutio. Si Deus non creauisset contrarietatem sub ratione propriarum qualitarum, & diuersorum finium, non posset esse in numero corruptio, nec per consequens generatio, & genera & species forent absque indiuiduis, & virtutes & vitia non essent contrariæ, nec poena & gloria: creauit ergo Deus contrarietatem sub ratione propriarum qualitarum diuersorum finium, vt vacuitas finis non esset in toto vniuerso creato. Principium quomodo potest esse in Deo magis intelligibile, & magis amabile. Solutio. Vade ad rubricam potestatis, sapientiæ, voluntatis & principij. Cum Deus sit æternus & infinitus, quomodo potest de seipso filiū principiare & Spiritum sanctum? Solutio. Quia in Deo est actualis positiuitas & possibilitas, scitiuitas & scibilitas, amatiuitas & amabilitas, est in Deo principiatiuitas & principiabilitas actualis. In potestate Dei quomodo potest esse medium? Solutio. Sicut in sapientia potest esse intelligere per ipsam, & per potestatem, & per voluntatē, quæ diligit, illud intelligere, potest esse in potestate possificare per possibilitatem, scibilitatem & amabilitatem. Et vade ad rubricam voluntatis, potestatis & medij. Cum in Deo Pater & Filius & Spiritus sanctus sint vna simplex essentia sine quantitate, quomodo Spiritus sanctus potest esse in medio Patris & Filij? Solutio. In diuino amore est amare in medio amantis & amabilis sine quantitate. Finis potestatis quis est? Solutio. Vade ad rubricam potestatis, sapientiæ, voluntatis & finis. Cum personę diuinæ sit distinctę quomodo potest esse essentia illarum simplex &

non

non composita? Solutio. Nihil est formæ impossibile, in qua potestas, sapientia, voluntas, finis & simplicitas sunt vnum idem numero. Diuina potestas quomodo potest esse maior, quam alia potestas? Solutio. Illa potestas quæ est vnum idem numero cum sapientia & voluntate, potest omne illud quod est amabile & scibile. Diuina potestas quomodo potest esse maior per productionem? Solutio. Vade ad rubricam potestatis, sapientiæ, voluntatis & maioritatis. Potestas, sapientia & voluntas Dei quomodo possunt esse remotæ ab inæqualitate? Solutio. Vade ad rubricam potestatis, sapientiæ, voluntatis & æqualitatis. Cum in Deo potestas, sapientia & voluntas sint vnum idem numero, quomodo possunt esse æquales, cum ita sit, quod oporteat, quod æqualitas sit de pluribus numero differentibus? Solutio. Sunt vnum idem numero per essentiã potestas, sapientia & voluntas, & sunt plures rationes per productionem personarum. Potestas, sapientia & voluntas, quomodo remotæ sunt à minoritate? Solutio. Vade ad rubricam potestatis, sapientiæ, voluntatis & minoritatis. Diuina sapientia potest considerare, quod creatura quæ est minor, potest Deus facere maiorem alia creatura, & voluntas ipsam velle potest infinitam in extensitate, idcirco quæritur, si potestas ipsam multiplicare potest in infinitã magnitudine, cum ita sit potestas, sapientia & voluntas sunt vnum idem numero? Solutio. Diuina potestas non potest se plus ad aliquod obiectum extendere, quam sapientiã: & sapientiã non potest intelligere creaturã infinitã in magnitudine, quia creatura recipere non potest infinitatem, postquam cum minoritate participat.

*De Quæstionibus virtutis, veritatis,
& gloriæ de floribus arboris
diuinalis.*

Virtus, veritas & gloria quomodo sunt vitiis magis cõtrariæ? Solutio. Vade ad rubricam virtutis, veritatis & gloriæ. Gloria Dei potest esse verior & virtuosior in existendo & agendo, quã in existendo tantummodo. Solutio. Ibid. In gloria posset esse gloriosus sine distinctione, & in veritate verosus, & in virtute virtuosus? Solutio. Vade ad rubricam virtutis, veritatis, gloriæ & differentiarum. In Deo distinctio personarum est Deus? Solutio. Virtus, veritas & gloria Deo deficerent, si in eo esset aliquid quod non esset ipse. Productio quare est necessaria virtuti, veritati & gloriæ Dei? Solutio. Vade ad rubricam virtutis, veritatis, gloriæ & concordantiæ. Vitium quomodo posset esse in veritate & gloria Dei? Solutio. Vitium esset in Deo, si cum concordantia remotus non esset à contrarietate: sicut sibi foret vitium: si cum veritate remotus non esset à falsitate, & cum gloria à pœna. Contrarietas quomodo est impossibilis esse in Deo? Solutio. Vade ad rubricam virtutis, veritatis, gloriæ & contrarietatis. Si in Deo non esset productio, esset in eo contrarietas? Solutio. In omni ente oportet quod sit contrarietas in quo gloria & veritas habent defectum virtutis. Deus quomodo est magis virtuosus, & magis verosus, & magis gloriosus principium? Solutio. Vade ad rubricam virtutis, veritatis, gloriæ & principij. Virtutificabilitas, verificabilitas & glorificabilitas in quo, & de quo, & per quem possunt habere maiorem principialitatem? Solutio. Ista quæstio fiat maiori principia-

icipiuitati, quæ potest esse. Medium quare est necessarium gloriæ, virtuti & veritati Dei? Solutio. Vade ad rubricam virtutis, veritatis, gloriæ & medij. Virtus quomodo est medium inter veritatem & gloriam? Solutio. Virtus est medium inter gloriam & veritatem dando cuilibet æqualiter suam similitudinem in verificando & glorificando. Sine productione posset aliqua diuina ratio suum finem attingere? Solutio. Vade ad rubricam virtutis, veritatis, gloriæ & finis. Sine productione quomodo essent sine vacuæ diuinæ rationes? Solutio. Qui traheret de gloria gloriantem, glorificabilem & gloriati, nullus finis posset esse in gloria. Virtus & veritas quomodo possunt esse in gloria in maiori maiortate, quæ potest esse? Solutio. Vade ad rubricam virtutis, veritatis, gloriæ & maiortatis. Virtus quomodo se communicare potest in maiori gloria & veritate? Solutio. Maior communicatio virtutis est, quod sit de producente, productibili & de producere, quæ sint eadem virtus. Actus veritatis quomodo potest esse in gloria sustentatus? Solutio. Vade ad rubricam virtutis, veritatis, gloriæ & æqualitatis. Inæqualitas cum quo, & per quem est longior à virtute, veritate, & gloria Dei? Solutio. Nihil tantum contrarium est inæqualitati, sicut æqualitas. Veritas potest habere purum actum in gloria in virtute, & in seipsa sine productione? Solutio. Vade ad rubricam virtutis, veritatis, gloriæ, & minoritatis. Maior actus virtutis quomodo est remotior à maiori actu virtutis? Solutio. Nullus actus est tantum remotus à minori actu virtutis: sicut maior actus qui potest esse virtutis.

De Quæstionibus differentia concordantia, & contrarietatis de floribus arboris diuinæ.

Diuinæ rationes quomodo sunt magis remotæ ab ociositate? Solutio. Vade ad rubricam antedictam. Distinctio & contrarietas quomodo sunt magis contrariæ? Solutio. Illa distinctio quæ est in concordantia, & quæ est concordantia, est magis remota à contrarietate, quam aliqua alia distinctio. Principiabilitas quare est in Deo de necessitate? Solutio. Vade ad rubricam differentiarum, concordantiarum, contrarietatis & principij. In principio distinctio quomodo est remotior à contrarietate? Solutio. In illa distinctio quæ est concordantia, non habet contrarietas aliquam conditionem principij. Sine productione concordandi posset esse in Deo contrarietas? Solutio. In distinctio in qua non est aliqua conditio concordantiarum, oportet quod sit contrarietas de necessitate. Et vade ad rubricam differentiarum, concordantiarum, contrarietatis & medij. Distinctionare & concordare quomodo sunt medium in spirare? Solutio. Iudicare indutum charitate est medium in amore. Finis concordantiarum quomodo est in deitate sine contrarietate? Solutio. Vade ad rubricam differentiarum, concordantiarum, contrarietatis, & finis. Si in voluntate Dei non esset distinctio amantis, amabilis, & amare, quid sequeretur? Solutio. Si in voluntate Dei non esset distinctio amantis, amabilis, & amare, in ipsa non posset esse finis neque concordantia. Distinctio quare naturaliter maior est in concordantia quam in contrarietate? Solutio. Vade ad rubricam differentiarum, concordantiarum, contrarietatis, &

maioritatis. Pater, & Filius, & Spiritus sanctus quomodo sunt in maiori maiori-
tate distinctionis & concordantia? Solutio. Existente Filio ex toto Patre, & Spiritu sancto existente ex ambobus sine aliqua conditione contrarietatis, est eorum distinctio & concordantia in maiori maiori-
tate, quæ possit esse. Concordantia Dei quomodo remotior est à contrarietate? Solutio. Vade ad rubricam differentia, concordantia, contrarietatis & æqualitatis. Si in Deo non esset æqualitas, oporteret quod in ipso foret contrarietas? Solutio. Si in Deo non esset æqualitas æquantis, æquabilis, & æquare cum distinguere & concordare, de sua priuatione sequeretur habitus contrarietatis in essentia Dei. In Deo quomodo possunt esse concordantia & distinctio sine minoritate? Solutio. Sine accidente nulla minoritas potest esse. Et vade ad rubricam differentia concordantia, contrarietatis & minoritatis. Cum Pater sit producens, & Filius similiter, Spiritus sanctus qui non producit, quomodo potest esse in ita magna distinctione & concordantia, sicut sunt Pater & Filius? Solutio. Duæ passionis sancti Spiritus sunt de tota actiuitate Patris & Filij, & ita sunt vna persona, sicut duæ actiuitates sunt vnum principium.

De Quæstionibus principij, medij & finis de floribus arboris diuinalis.

DEus quomodo potest esse purum principium? Solutio. Vade ad rubricam antedictam. Cum sanctus Spiritus sit ex Patre, & Filio, quomodo est ipse tantum ex Filio sicut ex Patre? Solutio. In vnitatem medij, & finis est vnitatem principij. Prin-

cipium, medium & finis quomodo possunt esse in maiori maiori-
tate, quæ esse possit? Solutio. Vade ad rubricam principij, medij, finis, & maioritatis. Postquam in Deo non est vacuitas, quomodo potest esse in ipso complere? Solutio. Ita oportet quod in Deo sit complere ex complente & complebili: sicut in amore amare ex amante, & amabili. Principians, principiabile, & principiare, quomodo possunt esse æqualia in medio & in fine? Solutio. Vade ad rubricam principij, medij, finis, & æqualitatis. Principiatiuitas, & principiabilitas, quomodo sunt æquales in principiare? Solutio. Ista quæstio fiat infinitum, æternare, generare, & spirare. Si in Deo non esset purum principiare, quid ex hoc sequeretur? Solutio. Vade ad rubricam principij, medij, finis & minoritatis. De maiori principiare & minori quomodo habetur cognitio? Solutio ibidem.

De Quæstionibus maioritatis, æqualitatis, & minoritatis.

DIuinæ personæ cum quo sunt remotæ à maiori-
tate & minoritate? Solutio. In æterno & infinito æqualificare maioritas & minoritas esse non possunt. Et vade ad rubricam antedictam. Si in Deo non esset æqualitas, foret in ipso inæqualitas? Solutio. Qui de Deo vnam rationem priuaret, priuaret omnes rationes.

De Quæstionibus florum arboris exemplificatis. Et primo de elementali.

Finis auri in quo est magis virtuosus? Solutio. Vade ad rubricam antedictam. Cum ignis sit creatura, finis
suus

suus potest esse malus. Solutio ibidem ad secundum paragraph. Quare esse est magis vtile, quam bene esse? Solutio ibidem ad tertium paragr. Cum ferrum sit vtilius argento, quare argentum est magis pulchrum quam ferrum? Solutio. Hoc quod Deus non dat vni, dat alij. Et vade ad quartum paragraph. Culpa quomodo incipit? Solutio ibidem ad quintum paragraph. Lux quomodo habet maiorem fortitudinem quam tenebræ? Solutio. Vnum modicum de lumine illuminat vnam magnam cameram. Et vade ad sextum paragraph. Ignis qui cum Luna participat, quare descendit inferius ad participandum cum pipere? Solutio ibidem ad septimum paragraph. Aqua calida quæ est in olla, calefacit per suam naturam carnes, quæ sunt in ipsa? Solutio ibidem ad octauum paragr. Hypocrysis & superbia quomodo habent concordantiam? Solutio ibidem ad nonum paragraph. Nobilitas in quo primo incipit? Solutio ibidem ad decimum paragr.

De Quæstionibus prouerbiorum florum arboris vegetalis.

DEdecus quomodo incipit? Solutio. Vade ad rubricam antedictam in primo paragr. Liber humilitatis vbi est? Solutio ibidem ad secundum paragr. Liber finis vbi est? Solutio ibidem ad tertium paragr. Inuisibilitas quomodo exit in visibilitate? Solutio ibidem ad quartum paragr. Reprehensio vbi incipit? Solutio ibidem ad quintum paragraph. Homines quare poenitent? Solutio ibidem ad sextum paragraph. Homo quomodo est superbus? Solutio ibidem ad septimum paragraph. Imperfectus & perfectio quomodo sunt in vna eadem

qualitate? Solutio ibidem ad octauum paragraph. Particulare quomodo est propinquius fini quam vniuersale, & vniuersale quomodo est maius quam particulare? Solutio ibidem ad nonum paragr. Quare homo qui est diues & nobilis, non vult videre suum parentem vilem & pauperem? Solutio ibidem ad decimum paragr.

De Quæstionibus prouerbiorum florum arboris sensualis.

CUM Deus sit infinitus, suum actum posset homo comprehendere? Solutio. Vade ad rubricam antedictam in primo prouerbiorum. Secretum quomodo cognoscitur? Solutio ibidem ad secundum paragraph. Superbia quomodo cognoscitur? Solutio ibidem ad tertium paragraph. Oculi quomodo mouent memoriam ad recolendum? Solutio ibidem ad quartum paragraph. Memoria quomodo mouet sentitiuum? Solutio ibidem ad quintum paragraph. Sensitiua quomodo sentit cum medio? Solutio ibidem ad sextum paragraph. Nuncij infirmitatis qui sunt? Solutio ibidem ad septimum paragraph. Quare visibilitas sentiri non potest? Solutio. Sicut oculi non possunt audire, neque aqua potest sentire, ita formæ quæ sunt in potentia se inuicem videre non possunt. Et vade ad rubric. virtutis ad octauum paragr. Postquam oculi visibilitatem non vident, quare ipsam desiderant? Solutio. Propter hoc formæ generales desiderantur, vt spirituales attingantur. Et vade ad rub. virtutis ad nonum paragr. Homo quare videri non potest? Solutio. Si homo videri posset, anima sua posset videri. Et vade ad rubricam virtutis ad vltimum paragraphum.

De Quæstionibus prouerbiorum florum arboris imaginalis.

Imaginatiua & sensitiua quomodo habent officia diuersa? Solutio. Vade ad rubricam antedictam in primo paragr. Anima rationalis potest dormire? Solutio ibidem ad secundum paragr. Imaginatiua quare imaginari non potest in vno tempore totum circulum firmamenti? Solutio. Imaginatiua quæ est Romæ imaginari non potest, quod caput antipodum sit supra, & pedes inferius. Et vade ad rub. virtutis ad tertium paragr. Quare imaginari mortem plus valet, quam imaginari vitam? Solutio. Qui mortem imaginatur, aliam vitam desiderat, & vitam huius mundi contemnit secundum cursum naturalem. Et vade ad rub. virtutis ad quartum paragr. Pulchritudo quomodo est mala? Solutio ibidem ad quintum paragraph. Imaginatio Regis quomodo est ordinata? Solutio ibidem ad sextum paragraph. Intellectus cum quo vadit ante voluntatem? Solutio ibidem ad septimum paragr. Imaginatio in quo modo se extendit & restringit? Solutio ibidem ad octauum paragraph. Est aliquod instrumentum mobile æqualiter per potentiam & obiectum? Solutio ibidem ad nonum paragr. Memoria quare est infirma? Solutio ibidem ad decimum paragraphum.

De Quæstionibus florum arboris humanalis.

Vita hominis quare est? Solutio. Vade ad rubricam antedictam. Quæ paupertas aut priuatio est maior? Solutio ibidem. Homo quomodo est dæmonis? Solutio ibidem ad ter-

tium paragraph. Homo iustus quomodo cognoscitur? Solutio ibidem ad quartum paragraph. Cum cogitare nobilius sit quam sentire, quare desideratur plus sentire, quam cogitare? Solutio. Quia equus facit contra suam speciem, cum filium generat de asina, plus retinet suus filius similitudinem asinam, quam equinam. Et vade ad quintum paragraph. Peccatum originale quomodo cognoscitur? Solutio ibidem ad sextum paragr. Mutatio intentionis quomodo bona famam adducit? Solutio ibidem ad septimum paragraph. Hypocrisis de de quo viuit? Solutio. Ita viuit hypocrisis de bona fama, sicut videre de colore. Et vade ad octauum paragr. Homo quomodo valet plus, quam asinus? Solutio ibidem ad nonum paragr. Homo quomodo scit tenere bonas vias? Solutio ibidem ad decimum paragr.

De Quæstionibus prouerbiorum florum arboris humanalis spiritualis.

Homo iustus quomodo Deum diligit plusquam seipsum? Solutio. Vade ad rubricam antedictam in prima ratione. Memoria quare Deum obliuiscitur? Solutio ibidem ad secundum paragraph. Res visibiles, quomodo res inuisibiles significant? Solutio ibidem ad tertium paragraph. Amabilitas Dei quomodo comprehendit amabilitatem hominis? Solutio ibidem ad quartum paragr. Deus quare non est honoratus per totum mundum? Solutio ibidem ad quintum paragr. Nuncius qui pietatem adducit & recolentiam, quis est? Solutio ibidem ad sextum paragr. Electuarium infirmæ voluntati necessarium

flarium quod est? Solutio ibidem ad septimum paragraph. Suspiria & fletus quomodo peccatum consumunt? Solutio ibidem ad octauum paragr. Mala voluntas quomodo cognoscitur? Solutio. Quilibet latro tenebras diligit. Et vade ad nonum paragraphum. Ira Dei in quibus hominibus est? Solutio ibidem ad vltimum paragr.

De Quæstionibus prouerbiorum florum arboris moralis virtuosæ.

Aqua quomodo significat puritatem? Solutio. Vade ad primam rationem rubricæ antedictæ. Fides quare plorat? Solutio ibidem ad secundum paragraphum. Duo brachia iustitiæ quæ sunt? Solutio ibidem ad tertium paragr. Maior timibilitas quomodo est inter iustitiam & spem? Solutio ibidem ad quintum paragraphum. Nuncij qui bona verba adducunt, qui sunt? Solutio ibidem ad sextum paragraph. Iustitia quare conqueritur spei de hominibus? Solutio ibidem ad sextum paragr. Fortitudo per quam est maior? Solutio ibidem ad octauum paragr. Quis est maior tunica? Solutio ibidem ad nonum paragraph. Deus quomodo est hominum? Solutio ibidem ad vltimum paragr.

De Quæstionibus prouerbiorum florum arboris moralis vitiosæ.

Fortitudo quomodo habet culpam? Solutio. Vade ad primum prouerbiorum rubricæ antedictæ. Accidentia pænæ quæ sunt? Solutio ibidem ad secundum paragr. Si superbia ascenderet, esset vitium? Solutio ibidem ad tertium paragr. Qua-

re filius portat culpam Patris? Solutio ibidem ad quartum paragraph. Spes cui est magis contraria? Solutio ibidem ad quintum paragr. Prudentia quomodo est magis remota? Solutio ibidem ad sextum paragr. Peccatum quare non potest esse creatura? Solutio ibidem ad septimum paragr. Esse cui est magis contrarium? Solutio ibidem ad octauum paragr. Vitium & culpa quomodo sunt vnum idem numero? Solutio ibidem ad nonum paragr. Vnum idem vitium quomodo est magis & minus? Solutio ibidem ad vltimum paragr.

De Quæstionibus prouerbiorum florum arboris imperialis.

Pax in quo est sustentata? Solutio. Vade ad rubricam antedictam in primo paragraph. Maior pulchritudo Regis de quo est? Solutio ibidem ad secundum paragraph. Honor Regis in quo sustentatur? Solutio ibidem ad tertium paragraph. Seruitus quomodo venit in libertatem? Solutio ibidem ad quartum paragr. Malus Princeps quomodo est vincibilis, & bonus Princeps quomodo est fortificabilis? Solutio ibidem ad quintum par. Amicitia Principis quare est periculosa? Solutio ibidem ad sextum paragraph. Dæmon cum quo facit maiorem societatem? Solutio ibidem ad septimum paragraph. Sapientiam & voluntatem quis ipsas tenet captas? Solutio ibidem ad octauum paragr. Quomodo potest cum Principe pax procurari? Solutio ibidem ad nonum paragraph. Humilitas in quo apparet pulchrior? Solutio ibidem ad vltimum paragraph.

De Quæstionibus prouerbiorum florum arboris apostolicalis.

De Articulis.

SI Deus non esset, quare hoc quod seest nihil foret, Solutio. Vade ad primum paragraphum rubricæ antedictæ. Infinitas potest non esse? Solutio. Si substantia finita potest esse in priuatione, substantia tamen infinita non potest in priuatione esse. Et vade ad rub. virtutis ad secundum parag. Duæ substantiæ infinitæ differentes per essentiam, quare nō possunt esse? Solutio. Si duæ substantiæ finitæ differentes per essentiam possunt esse, duæ substantiæ infinitæ differentes per essentiam non possunt esse. Et vade ad rub. virtutis ad tertium paragr. Deus quare nascitur de Deo? Solutio ibid. ad quartum paragraph. Quare Deus exit de Deo? Solutio ibidem ad quintum paragraph. Mundus quare non potest esse æternus? Solutio ibid. ad sextum paragraph. Homo quot modis obligatus est ad seruiendum Deo? Solutio ibidem ad septimum paragraph. Homines damnati cognoscunt gloriā Dei? Solutio. Si peccatum bonam amabilitatem deuiat à bona amatiuitate, ita peccatum deuiat bonam scibilitatē à sciuitate. Et vade ad rub. virtutis ad octauum paragr. Homo creatus est propter hunc mundum, aut propter alium? Solutio ibidem ad nonum paragraph. Potestas Dei quare plus potest de magnitudine, quam de paruitate? Solutio ibidem ad decimum paragraphum.

De Quæstionibus prouerbiorum in florum arboris apostolicalis.

De Articulis.

Incarnatio est plus per amorem, quam per recreationem? Solutio. Vade ad primum paragraph. rubricæ antedictæ. Potestas Dei fuit ita fecunda per creationem, sicut per incarnationem? Solutio ibidem ad secundum paragraph. Iesus Christus quare moriebatur? Solutio ibidem ad tertium paragraph. Iesus Christus quare descendit ad inferos? Solutio ibidem ad quartum paragraph. Iesus Christus quare resurrexit? Solutio ibidem ad quintum paragraph. Iesus Christus quare ad cœlos ascendit? Solutio ibidem ad sextum paragr. Iesus Christus quare iudicabit bonos & malos? Solutio ibidem ad septimum paragraph. Maius peccatum quod est? Solutio ibidem ad octauum paragr. In quo nomine omnis virtus comprehenditur? Solutio ibidem ad nonum paragraph. Veriora testimonia quæ sunt? Solutio ibidem ad vltimum paragraph.

De Quæstionibus prouerbiorum florum arboris Cælestialis.

Quis fuerit primus dies, cum Deus mundum creauit? Solutio. Vade ad primum paragr. rubricæ antedictæ. Vegetare cum qua complexione fortius concordat, & cum quo die? Solutio ibidem ad secundum paragr. Iudicium generale in quo die erit? Solutio ibidem ad tertium paragr. Imaginatio in quo die est fortior? Solutio ibidem ad quartum paragr. Astronomi quare errant ita frequenter in eorum

rum iudiciis? Solutio ibidem ad quintum paragraph. Ars Alchimie potest esse vera? Solutio ibidem ad sextum paragr. Tabula Astronomie potest esse vera? Solutio ibidem ad septimum paragr. Complexio Lunæ potest esse de Mercurio? Solutio ibidem ad octauum paragr. Hæresis quomodo incipit? Solutio ibidem ad nonum paragr. Potestas est maior per voluntatem, quam per complexionem? Solutio ibidem ad decimum paragr.

De Quæstionibus prouerbiorum florum arboris Angelicalis.

Angelus habet aliquid maius ipso? Solutio. Vade ad primum paragr. rubricæ antedictæ. Angelus habet verecundiam moralem? Solutio ibidem ad secundum paragr. Mala tentatio quomodo cognoscitur? Solutio ibidem ad tertium paragr. Consilium mali Angeli ubi incipit? Solutio ibidem ad quartum paragr. Bonus Angelus quomodo consulit? Solutio ibidem ad quintum paragr. In bono Angelo potest esse contrarietas? Solutio ibidem ad septimum paragr. Pœna dæmonis quomodo est affluata? Solutio ibidem ad septimum paragr. Intellectus dæmonis tormentat voluntatem? Solutio ibidem ad octauum paragr. Malus angelus potest habere aliquod placitum? Solutio ibidem ad nonum paragr. Dæmon quomodo perdidit spem? Solutio ibidem ad vltimum paragr.

De Quæstionibus prouerbiorum florum arboris æiternalis.

In paradiso est aliquod malum desiderium? Solutio. Vade ad primum paragraphum rubricæ antedictæ. In

Paradiso est aliquis defectus? Solutio ibidem ad secundum paragr. Quilibet dæmon diligit publicum malum? Solutio ibidem ad tertium paragr. Infernus de quo viuit? Solutio ibidem ad quartum paragr. In Paradiso erit quilibet homo Rex? Solutio ibidem ad quintum paragr. In Paradiso est spes? Solutio. Hoc quod est spes in hoc mundo, est intelligere in Paradiso. Et vade ad rub. virtutis ad sextum paragr. In Inferno potest Iesus Christus diligi? Solutio ibidem ad octauum paragr. In inferno est aliquis finis naturalis? Solutio ibidem ad nonum paragraphum. Timor est in Inferno? Solutio. Quia homo maiorem pœnam habere potest quam anima, habet quælibet anima damnata timorem de die iudicij. Et vade ad rub. virtutis ad vltimum para.

De Quæstionibus prouerbiorum florum arboris maternalis.

Iesus Christus & Domina nostra quomodo inter se loquuntur? Solutio. Vade ad primum paragraphum rubricæ antedictæ. De quo loquitur Iesus Christus Domine nostræ? Solutio ibidem ad secundum paragr. Quare sunt plures homines in errore quam in veritate? Solutio ibidem ad tertium paragr. Iesus Christus de quo facit placitum Domine nostræ? Solutio ibidem ad quartum paragr. Domina nostra habet pietatem? Solutio ibidem ad quintum paragr. Domina nostra quomodo consulit? Solutio ibidem ad sextum paragr. Domina nostra plorat in Paradiso pro peccatoribus? Solutio. Loco plorandi Domina nostra habet pietatem. Et vade ad rubricam virtutis ad septimum paragr. Domina nostra rogat suum

suum Filium? Solutio ibidem ad octauum paragraph. Domina nostra scit preces quas sibi faciunt homines? Solutio ibidem ad nonum paragraph. Iesus Christus negat aliquid Dominae nostræ? Solutio ibidem ad vltimum paragraphum.

De Quæstionibus prouerborum florum arboris Iesu Christi.

Humanitas Christi cum quo honorat deitatem? Solutio. Vade ad primum paragraph. rubricæ antedictæ. Deus quomodo potest dare maius donum creaturæ, & creatura Deo? Solutio ibidem ad secundum paragraph. Iesus Christus quid desiderat? Solutio ibidem ad tertium paragraph. Creator & creatura quomodo se inuicem diligere possunt? Solutio ibidem ad quartum paragraph. Humanitas Iesu Christi rogat deitatem? Solutio ibidem ad quintum paragr. Humanitas Iesu Christi diligit habere honorem? Solutio ibidem ad sextum paragraph. Iesus Christus quare rogat? Solutio ibidem ad septimum paragraph. Humanitas Iesu Christi scit preces quas homines sibi faciunt? Solutio ibidem ad octauum paragraph. Humana natura Christi est multum pulchra? Solutio ibidem ad nonum paragraph. Pulchrior Dei similitudo quæ est? Solutio ibidem ad decimum paragraphum.

De Quæstionibus prouerborum florum arboris diuinalis.

Spiritus sanctus de quo est? Solutio. Vade ad primum parag. rubr. antedictæ. Si non esset exire, posset esse finire? Solutio ibidem ad secundum paragraph. In finire posset esse sine

completere? Solutio ibidem ad tertium paragraph. Aternitas posset esse sine aternabilitate? Solutio. Hoc quare mundus non potest aternus esse, est, quia sua aternabilitas non est causa diuinæ aternitatis. Et vade ad rubric. virtutis ad quartum paragraph. Sine certo numero diuinarum personarum posset esse complementum in numero? Solutio ibidem ad quintum paragraph. Filius quomodo potest esse sine matre? Solutio. Ille Filius qui totus est de Patre, non habet necessitatem quod habeat matrem. Et vade ad rubr. virtutis ad sextum paragr. Quæ persona in Deo est centrum complementi? Solutio ibidem ad septimum paragraph. Spiritus sanctus quare non producit personam? Solutio. Sicut Pater & Filius se habent de necessitate ad producendum in deitate, oportet quod sanctus Spiritus se habeat de necessitate ad non producendum in deitate. Et vade ad rubric. virtutis ad octauum paragraph. Spiritus sanctus quomodo habet tantum sicut Pater & Filius? Solutio ibidem ad nonum paragraph. Numerus quare non potest esse infinitus? Solutio. Nullum infinitum est in potentia. Et vade ad decimum paragraphum.

De Quæstionibus fructus.

Et primò de arbore elementali.

FRUCTVS arboris elementalis quis est? Solutio. Vade ad rubricam antedictam. Elementarum quomodo est fructus? Solutio. Successio quæ est de principio per medium, habet quietem in fine. Et vade ad rubricam virtutis. Ignis quare plus habet de perfectione in composito quam in seipso? Solutio.

tio. In rebus naturalibus sunt formæ simplices, ut sint compositæ. Vtrum sit fructus generalis elementalis? Solutio. Si non esset generale vegetare, nulla planta esset. Et vade ad rubr. virtutis. In pomo quis est fructus elementalis? Solutio. Illud ens quod est in pomo de partibus simplicibus elementorum, est fructus elementalis. Fructus elementalis est in pomo visibilis? Solutio. In communitate naturali nulla pars simplex videri potest. Fructus elementalis est in pomo palpabilis? Solutio. Ponderositas & durities sunt instrumenta cum quibus sensus attingit partes fructus elementalis. Fructus elementalis est magis nobilis in auro, quam in pomo? Solutio. Vegetatio est perfectio elementationis, quia est in maiori magnitudine bonitatis in fine. Per opus artificiale potest esse fructus elementalis? Solutio. Per flammam exit aurum de potentia in actu. Postquam per artificium potest exire forma de potentia in actu, potest per artificium fieri aurum de argento? Solutio. Martellus non producit clauum de seipso, nec medicus sanitatem de seipso producit in patiente.

De Quæstionibus fructus arboris vegetalis.

FRuctus arboris vegetalis quis est? Solutio. Vade ad rubricam antedictam: Duo fructus qui sunt in pomo quomodo sunt indiuiduati? Solutio. Finis elementationis est per elementare, & finis vegetationis per vegetare. Duo fructus qui sunt in pomo quomodo coniunguntur in vno fructu qui est pomum? Solutio. Ex pluribus partibus simplicibus est composita vna substantia, & ex pluribus

substantiis compositis est vna substantia composita, quæ est plus quam aliqua ipsarum composita. Duo fructus in vno quomodo sunt imaginabiles? Solutio. Vade ad rubricam virtutis. Centrum plantarum quod est? Solutio ibidem. Quæ ex partibus plantæ est magis plena? Solutio ibidem. Sali quare non facit fructum? Solutio ibidem. Cerasum quare habet os siue lapidem intra & non extra, sicut amigdalum & nux? Solutio ibidem. Gradus quos elementa habent in plantis, quomodo sunt assituati? Solutio ibidem. Plantæ habent ita gradus suos assituatos secundum vegetationem, sicut habent secundum elementationem? Solutio. Formis nobilibus est magis necessarius ordo, quam minus nobilibus.

De Quæstionibus fructus arboris sensibilis.

FRuctus arboris sensibilis quis est? Solutio. Vade ad rubricam antedictam. In equo quis est fructus elementorum vegetatiuæ, & sensitiuæ? Solutio ibidem. Equus est visibilis per colorem, aut est visibilis per visibilitatem? Solutio. In equo est color ex elementis, & visibilitas est sensitiuæ, & color est subiectum visibilitatis, & obiectum visum est ex ambabus passionibus. Equus quomodo est fructus? Solutio. Equus in quantum est visus, est fructus videndi: idcirco est fructus sensitiuæ, & in quantum est coloratus, & color est visus: est coloratus fructus colorandi: & in quantum est vegetatus, est fructus vegetandi. Equus quare est fructus? Solutio. Equus est fructus per formam, sicut panis, qui est fructus farinæ & aquæ, & substantia quæ est fructus suæ

formæ & suæ materiæ. Et equus est fructus per finem, in quantum est propter equitare, de quo equitare est fructus equitatum. In equo colorato quare est fructus sensitivæ? Solutio. In equo colorato est fructus colorandi formaliter, & quia coloratum est, ut sit visum, est fructus formaliter sensitivæ. Ex tribus fructibus equus quomodo est vnus fructus? Solutio. Est equus vnus fructus communis ex pluribus formaliter & finaliter, formaliter per essentiam omnium trium fructuum particularium, finaliter per finem cuiuslibet trium fructuum. Fructus equi habet quietem in seipso? Solutio. In quantum equus est fructus formalis, est fructus suiipsius, & in quantum est fructus finalis, est fructus alterius, videlicet equitati, cuius est fructus per equitare, sicut pomum qui est fructus illius per comedere, qui ipsum comedit. Equus quare non est fructus finalis suiipsius? Solutio. Si equus non esset instrumentum equitandi & arandi, aut alicuius necessitatis hominis, partes suæ haberent in ipso quietem, & non seruirent Deo, cum ita sit, quod equus de Deo cognitionem non habet, & sequeretur, quod equus esset creatus sibiipsi, & non Deo. Serpens qui homines occidit, quomodo est fructus hominis? Solutio. Serpens in quantum homines occidit, est instrumentum iustitiæ Dei & prudentiæ hominum; habet etiam aliquas conditiones, quæ sunt bonæ conditionibus hominis: sicut tyriaca, quæ fit de serpente, quæ bona est contra venenum, contra lepram, & contra morbum caducum, & fortificat calorem naturalem.

*De Quæstionibus fructus arboris
Imaginalis.*

FRUCTUS arboris imaginalis quis est? Solutio. Vade ad rubricam antedictam. Fructus arboris imaginalis de quo est? Solutio ibidem. Fructus imaginationis quid est? Solutio. Est per formam, & per finem: per formam, hoc est per imaginari: per finem, hoc est per imaginatum. Capra imaginatur lupo de quo habet timorem: idcirco quæritur, quomodo lupo qui est imaginatus, est fructus imaginationis capræ? Solutio. Ex secundariis intentionibus sunt fructus primarij: sicut capra quæ timorem habet de lupo, quia diligit viuere. Capra fontem imaginatur: fons imaginatus quomodo est fructus imaginationis capræ? Solutio. Similitudo fontis quam imaginatio multiplicat, est fructus secundarius imaginationis, & bibere est fructus primus. Equus viuus qui equum mortuum videt, imaginatur suam mortem? Solutio. Si equus suam mortem non imaginaretur, de morte timorem non haberet. Visibilitas quomodo est fructus imaginationis? Solutio. Si visibilitas non esset imaginatio, coloratum imaginari non posset: est ergo visibilitas ita fructus secundarius imaginationis: sicut panis est fructus secundarius vitæ. Homo chymeram imaginatur, illa chymera est fructus imaginationis cum ipsa non sit realiter? Solutio. Species quæ non sunt entium verorum sunt instrumentales, cum quibus verè attinguntur. Imaginatum quomodo est fructus imaginationis? Solutio. Sicut calefactum est fructus caloris & sentitum sensus, est imaginatum fructus imaginationis. Imaginari est fructus imaginatiuitatis? Solutio.

lutio. Imaginatiuitas est fructus formalis, & imaginari finalis.

De Quæstionibus fructus arboris Humanalis.

FRUCTUS arboris humanalis quis est? Solutio. Vade ad rubricam antedictam. Anima rationalis quomodo est fructus corporis? Solutio. Sicut elementare est fructus secundarius elementorum, & elementatum est primus, ita corporificare est fructus secundarius potentia elementaria, vegetaria, sensitua, imaginaria, & rationalia est fructus primus secundum comparationem fructuum qui sub se sunt, & est secundarius secundum comparationem rationati, hominificati. Homo quomodo est fructus Solis? Solutio. Sicut martellus qui est propter clauum, & planta quæ est propter vitam animalis, ita Sol est propter hominè. Quam vtilitatē habet Sol de esse hominis? Solutio. Sole seruiente homini seruit Deo, quia homo diligit Deum & cognoscit. Homo per quam naturam est nobilior fructus? Solutio. Homo est fructus per formam, & est fructus per finem, & per formam non est fructus creaturarum corporalium, sed per finem est fructus omnium creaturarum corporalium. Quis est fructus hominis peccatoris? Solutio. Illa substantia est suo fructu vacua, quæ suo fine est priuata. Et in hoc passu cognoscitur, quomodo poena damnatorum est magna. In homine damnato quis est fructus Solis & plantæ? Solutio. Fructus Solis & plantæ perditus est in homine damnato, in quantum beatitudinem non habet, & restauratus in iudicio Dei, Martinus est melior fructus Patris sui, quam Sol? Solutio. Martinus est fructus sui Patris forma-

liter, finaliter, & materialiter, & est fructus Solis finaliter tantummodo. Fructus meritorius martini quis est? Solutio. Iustorum est fructus iudicandi, & amatorum amandi. In hominibus quomodo sunt fructus alterabiles? Solutio. Fructus fabri qui clauum facit sunt denarii quos habet propter clauum, & clauus est fructus hominis qui ipsum emit, & hoc de gradu in gradum vsque ad viuere.

De Quæstionibus fructus arboris moralis virtuosa.

FRUCTUS arboris moralis quis est? Solutio. Vade ad rubricam antedictam. Fructus morales quomodo nascuntur de habitibus? Solutio. De iustitia nascitur iustus actus per iudicare, & bonus bonificatus per bonificare. Et vade ad rubricam virtutis. In moralibus habitibus quomodo sunt quidam fructus aliorum? Solutio. In quantum vna manus aliam iuuat, est vna manus alterius, sicut martellus qui est clauus. Fructus morales quomodo colliguntur? Solutio. Imaginaria colligit coloratum cum videre, & verba cum audire. Fructus morales quando colliguntur? Solutio. In illo tempore, quando Martinus actibus virtutum vtitur, colligit merita. Fructus spei quis est? Solutio. Illud meritum quod Martinus habet per spem, est fructus spei. Cum Martinus sit desperatus, fructus spei quem habebat ubi est? Solutio. Fructus quem Martinus habebat per spem non attingit beatitudinem, cum Martinus desperatus est, veruntamen vtilitatem attingit, in quantum est occasio minoris poenæ. Nobilior fructus Martini vitiosi quis est? Solutio. Vade ad rub. virtutis. Vnus fructus quomodo est in potentia alte-

sius fructus? Solutio ibidem. Mors quomodo est fructus vitæ? Solutio. Cū mors moralis est virtuosa, est fructus vitæ virtuosæ, sicut manducare est fructus ipsius viuere, & color colorati.

De Quæstionibus fructus arboris moralis vitiosæ.

FRUCTUS vitiosus quis est? Solutio. Vade ad rubricam antedictam. Cum peccatum sit occasio priuationis finis, quomodo potest habere aliquem fructum? Solutio ibidem. Punitio quomodo est fructus peccati? Solutio. Punitio est fructus peccati, inquantum est instrumentum quod subiectum peccati sit tormentatum. Punitio quomodo est instrumentum gloriæ? Solutio. Cum malis cognoscuntur boni. Peccatum potest esse fructus alicuius substantiæ realis? Solutio. Sicut cæcitas est priuatio visus, est peccatum priuatio fructificandi. Et in hoc passu cognoscitur, quod peccatum est illud instrumentum per quod priuatus est fructus virtutis. Vnum peccatum est fructus alterius? Solutio. Inquantum vnum peccatum iuuat aliud, vnum peccatum est instrumentum alterius contra fructum virtutis. Dæmon qui Martinum peccare facit, consequitur aliquem finem? Solutio. Finis caloris innaturalis in homine qui habet febrem, est contra finem caloris naturalis: & imo finis caloris innaturalis, est contra finem sui proprii subiecti. Quis est fructus superbix? Solutio. Superbia appetitū habet eundi superius, & suum fructum colligit in eundo inferiorius. Fructus auaritiæ quis est? Solutio. Auaritia desiderare facit diuitias, & attingit suum fructum in paupertate, inquantum homo auarus

est magis pauper, quam alius homo. Forma dæmonis quæ est? Solutio. Informatio per quam qualibet pars dæmonis habet suum finem in priuatione, est forma dæmonis. Et in hoc passu cognoscitur quomodo est magna peruersio virtutis in vitium.

De Quæstionibus fructus arboris imperialis.

FRUCTUS arboris imperialis quis est? Solutio. Vade ad rubricam antedictam. Fructus arboris imperialis de quo est? Solu. Fructus personæ cōmunis est pluriū particulariū moralitatum quæ in pluribus hominibus sustentantur. Fructus principis quare est principaliter? Solutio. Calor ignis est propter calorem piperis equi, gruis & hominis. Fructus principis est superior aut inferior? Solutio. Est superior per formam, & inferior per finem. Et in hoc passu cognoscitur quod nullus homo secundum finem est tantum subditus sicut princeps. Peior fructus quis est? Solutio. Dixit Raymundus, quod illam quæstionem faceret malo principi. In malo principe quis est peior fructus? Solutio. Nobilior fructus qui est in principe est per iustitiā. Fructus imperialis quid sapit? Solutio. Sapit pacem & diuitias hominum; si princeps sit bonus. De quo vivit fructus principis? Solutio. Vivit de actibus suarum virtutum, & de actibus virtutum suorum hominum. Fructus principis quomodo est pulcher? Solutio. Est pulcher cum bona fama, & cum vero iudicio. Fructus principis vbi est? Solutio. In patibulo, in suo scuto, & in sua corona.

De Quæstionibus fructus arboris apostolicalis.

FRUCTUS arboris apostolicalis quis est? Solutio. Vade ad rubricam antedictam. Fructus arboris apostolicalis de quo est? Solutio. Est de ordine, qui gentes ordinat ad saluationem. Cultor fructus quis debet esse? Solutio. Vade ad rubricam virtutis. Fructus apostolicalis de quo viuiri? Solut. Viuit de cõmunitatibus finium sub ipso existentium. Et vade ad rubricam virtutis. Fructus apostolicalis est magnus? Solutio ibidem. Fructus arboris apostolicalis deberet esse dulcis? Solutio ibidem. Fructus arboris apostolicalis est albus? Solutio ibidem. Fructus arboris apostolicalis est utilis? Solutio ibidem. Fructus arboris apostolicalis cuius imago est? Solutio. Vnus est Iesus Christus in cælo, & imago suæ vnitatis, & Dominij est in terra vnus Apostolicus. In Apostolico suus fructus quomodo est figuratus? Solutio. Sicut figuræ litterarum sigilli, & figuræ litterarum cere formatę per ipsas de sigillo sunt vnum in specie & numero; est fructus apostolicalis impressio proportionata & disposita, quod sit similitudo in Apostolico;

lutio. In seipsis non sunt contrarij? Solutio. In seipsis non sunt contrarij, quomodo firmamentum non est de contrariis, sed sunt contrarij in igne, & in aqua, & in pipere, & in cucurbita. Fructus cæli quomodo colligitur in terra? Solutio. Sol vapores consumit, & Luna ipsos multiplicat. Cum piper non sit de essentia Solis, quomodo est fructus Solis? Solut. Pomum est fructus pomerij per formam & materiam, & est fructus finis illius qui pomum comedit. Cum anima beati Petri non sit de essentia Solis quomodo est fructus Solis? Solut. De corpore beati Petri & de anima erit in die iudicij beatus Petrus. Cælum empireum quomodo est fructus Solis? Solut. Corpus beati Petri fuit fructus Solis in hoc sæculo, & erit fructus cæli Empirei in alio sæculo. Lux solis, & lux cæli Empirei sunt de vno fructu? Solutio. Secundę intentiones sunt causę primarum: sicut martellus qui est clauus, & martellus & clauus sunt de vno ferro. Piper est fructus cæli Empirei? Solutio. Piper est fructus ignis & solis, & cælum Empireum est fructus solis & ignis.

De Quæstionibus fructus arboris Angelicalis.

De Quæstionibus fructus arboris cælestialis.

FRUCTUS arboris cælestialis quis est? Solut. Vade ad rubricam antedictam. Fructus arboris cælestialis vbi colligitur? Solutio ibidem. Fructus Arietis & Martis est vnus? Solutio. Vnus est in specie qualitatibus, & sunt plures, in quantum est differentia obiectorum & subiectorum. Fructus Arietis & Cancri sunt contrarij? So-

FRUCTUS arboris angelicalis quis est? Solutio. Vade ad rubricam antedictam. Principalior fructus arboris Angelicalis quis est? Solutio ibidem. Potest esse aliquis fructus magis naturalis per aliam naturam quam per suam naturam? Solutio. Formaliter nullus fructus potest esse magis naturalis per aliam naturam, quam per naturam sui ipsius, sed ratione finis sic. Et vade ad rubric. virtutis. Amabilitas Dei quomodo comprehendit amatiuitatem

Angeli? Solutio ibidem. Bonificatiuitas Dei quomodo comprehendit bonificabilitatem Angeli? Solutio ibidem. Fructus angelicalis quomodo est plenus & completus? Solutio ibidem. Fructus angelicalis quantum est magnus? Solutio ibidem. Potest angelus ignorare & obliuisci? Solutio. Omnis creatura potest per formam & materiam deficere, sed ratione finis non potest deficere, postquam in fine habet complementum. Fructus angeli de quo uiuit? Solutio. In angelo secundæ intentiones uiuunt ex primis. Fructus angelorum est ex hominibus? Solutio. Nuncius Regis non est ex ipsis, quibus transmittitur.

*De Quæstionibus fructus arboris
Æuiternalis.*

FRUCTUS arboris æuiternalis qui sunt? Solutio. Vade ad rubricam antedictam. Fructus arboris æuiternalis ubi, in quo & quomodo colliguntur? Solutio ibidem. Fructus bonitatis, magnitudinis, durationis, potestatis, sapientiæ, voluntatis, virtutis, veritatis, & gloriæ, quomodo colliguntur in beatis? Solutio. Vade ad rubricam fructus bonitatis. In malitia & de malitia potest esse aliquis fructus? Solutio. Vade ad rubricam fructus malitiæ. Ignis potest tormentare ignem, & intellectus voluntatem? Solutio. Vade ad rubricam virtutis. Ignis potest affligere animam in Inferno? Solutio ibidem. Animam in Inferno affliget corpus? Solutio. Si anima in hac vita mouit corpus ad delectationem per peccatum, bene sequitur, quod ipsam mouebit ad pœnam in Inferno secundum iustitiam Dei. Si homo damnatus flet in Inferno quot lachrymas proiiceret? So-

lutio. Si homo in Inferno lachrymaret æuiternaliter, multiplicaret numerum guttarum omnium aquarum, quæ sunt in fluminibus, in mari & in stagnis. Fructus damnatorum quid est? Solutio. Est priuatio finium naturalium. Et vade ad rubr. virtutis. Dæmon intelligit suum intelligere, quomodo est sibi malus fructus? Solutio. Homo qui venenum bibit, quod bibere non credit, bibit ut uiuat, & moritur, quia bibit.

*De Quæstionibus fructus arboris
maternalis.*

FRUCTUS arboris maternalis quis est? Solutio. Vade ad rubricam antedictam. Domina nostra quomodo & cum quo suum fructum colligit? Solutio ibidem. Fructus Domine nostræ de quo est? Solutio. Est peccatorum qui in ipsa spem habent. In quo tempore Domina nostra fructum colligit? Solutio. Quando peccatores plorant, & Dominam nostram cum suspiriis & lachrymis recolunt, Domina nostra colligit de suo Filio misericordiam. Domina nostra est fructus angelorum? Solutio. Iesus Christus est fructus Domine nostræ, & est fructus angelorum. Quis est fructus maternitatis? Solutio. Iesus Christus est masculus in quantum homo, & est fructus & finis omnium masculinitatum. Fructus Domine nostræ quantum est magnus? Solutio. Dixit Raym. quod computaret stellas. Fructus Domine nostræ est altus? Solutio. Dixit Raym. quod cælum cum manu tangeret. Fructum Domine nostræ quis diligit? Solutio. Plorabat Raym. quia omnes homines huius mundi non cognoscunt nec diligunt fructum Domine nostræ. Fructus

ctus Domine nostræ habet bonos cultores? Solutio. Plorabat Raym. quia sunt tot peccatores.

De Quæstionibus fructus arboris Iesu Christi.

FRUCTUS arboris Iesu Christi quis est? Solutio. Vade ad rubricam antedictam. Fructum Iesu Christi quis colligit? Solutio ibidem. De fructu Iesu Christi quæ utilitas sequitur? Solutio ibidem. Fructus Iesu Christi de qua natura est? Solutio ibidem. Fructus Iesu Christi potest esse altior in magnitudine bonitatis & virtutis? Solutio ibidem. Cum fructus Iesu Christi sit ita saporosus, quare ex ipso ita pauci homines gustant? Solutio. Si fructus Iesu Christi esset multum cognitus, plures homines ex ipso comederent. Fructus Iesu Christi sufficeret omnibus hominibus? Solutio. Nobilitas finis sufficit nobilitati principij & medij. Iesus Christus est completus? Solutio. In complemento Iesu Christi quietem habent rationes diuinæ & omnes rationes creatæ, exceptis rationibus damnatorum. Fructus Iesu Christi quomodo colligitur? Solutio. Colligitur cum fide, spe & charitate, iustitia, prudentia, fortitudine, temperantia, humilitate, misericordia & pietate. Fructus Iesu Christi est durabilis? Solutio. Illud quæratur ab æternitate, gloria & æternitate.

De Quæstionibus fructus arboris diuinalis.

FRUCTUS arboris diuinalis quis est? Solutio. Vade ad rubricam antedictam. Fructus diuinalis est completus? Solutio. Illud quæratur ab infi-

nita bonitate & æterna, & ab omnibus actibus suarum rationum. Fructus diuinalis potest deficere? Solutio. Vade ad rubricam virtutis. Filius quomodo est fructus Patris? Solutio ibidem. Spiritus sanctus quomodo est fructus Patris & Filij? Solutio ibidem. Pater quomodo est fructus Filij? Solutio. Pater est fructus Filij in amando & intelligendo cum omnibus actibus suarum rationum, Filio intelligente & amante Patrem cum bono infinito, æterno, potente, virtuoso, glorioso & veroso amare & intelligere. Pater & Filius quomodo sunt fructus sancti Spiritus? Solutio. Dixit Raym. quod illud quæreret à solutione quæstionis antecedentis. In Deo est fructus vnus tantummodo, aut plures? Solutio. In Deo non est nisi vnus fructus per essentiam, & in ipso sunt plures fructus per proprietates personales, & per actus diuinarum rationum. Deus quomodo est fructus creaturarum, & creaturæ quomodo sunt fructus Dei? Solutio. Vade ad rubricam virtutis. Fructus Dei vbi est? Solutio. Illud quæratur ab humilibus & veridicis hominibus, qui plus Deum diligunt quàm omnes creaturas.

De Quæstionibus fructus arboris exemplificalis.

Et primò de elementalibus.

QUÆRITUR, quod valet plus, aut ferrum, aut aurum? Solutio. Vade ad rubricam antedictam. Quæsiuit heremita à Raym. vtrum sciret in arte militiæ quod erat primò aut scutum vel ensis? Solutio. Illa arma quæ magis sunt necessaria prius erant inuenta. Et vade ad rubricam virtutis. Ignis habet se prius ad calefactum quam

quam ad calefacere? Solutio. Faber secundum finem prius se habet ad clauum, & secundum motum ad operari. Ignis habet se ante ad calefaciendum aërem, quam aquam? Solutio. Secundum finem se habet ante ad calefaciendum aërem, & secundum materiam ad calefaciendum aquam.

De Quæstionibus fructus arboris exemplificæ arboris vegetalis.

Queritur utrum in plantis sint fructus plus per vegetare, quam per elementare? Solutio. Vade ad rubricam antedictam. Pomum est plus ut suam speciem multiplicet, quam ut comedatur? Solutio ibidem. Elementa dant plus suas qualitates pomo propter comedere, quam propter esse suum? Solutio ibidem. Pomerium habet maiorem quietem in pomo, quam in seipso? Solutio. Illa quies quæ est maior, est in fine.

De Quæstionibus fructus arboris exemplificæ sensibilis.

Homo iustus quare habet aduersitates in hoc mundo & homo malus prosperitates? Solutio. Vade ad rubricam antedictam. Vtrum homines peccatores tantas habent tentationes sicut homines iusti? Solutio ibidem. Homines hypocritæ quomodo habent conscientiam, & quomodo faciunt poenitentiam? Solutio ibidem. Perfectio religionis quæ est? Solutio ibidem.

De Quæstionibus fructuum arboris exemplificæ imaginæ.

Imaginatio habet maiorem concordantiam cum memoria, quam cum

intellectu? Solutio. Vade ad rubricam antedictam. Iudex quomodo est partialis? Solutio ibidem. Quidam habitus morales quomodo sunt maiores quam alij? Solutio ibidem. Imaginatum est ita magnus fructus imaginationis: sicut recolitum aut memoratum? Solutio. Imaginatum est maior fructus imaginationis per formam, & recolitum siue memoratum per finem.

De Quæstionibus fructuum arboris exemplificæ humanæ.

Homo est maior fructus per animam, quam per corpus? Solutio. Secundum materiam plurimum creaturarum est homo maior fructus per corpus, quam per animam, & secundum formam & finem per animam. Et vade ad rubricam antedictam. Quare puer prius se inclinat ad naturas corporis, quam animæ secundum cursum naturalem? Solutio. Secundum materiam secundariæ intentiones sunt primo, & secundum formam & finem sunt consequentia primarum. In electione quare sanctitas est plus eligibilis quam honor? Solutio. Vade ad rubr. virtutis. Anima & corpus quomodo habent maiorem concordantiam? Solutio. In proportionem entium inæqualium finis illorum est in maiori concordantia.

De Quæstionibus fructus arboris exemplificæ moralis.

Fructus arboris moralis de quo est? Solutio. Vade ad rubricam antedictam. Primariæ intentiones & secundariæ quomodo cognoscuntur? Solutio ibidem. Patientia quomodo cognoscitur? Solutio ibidem. Dominus

us discretus quomodo suum discipulum tentat? Solutio ibidem.

De Quæstionibus fructuum arboris exemplificalis Imperialis.

Vtrum Princeps tantum debeat diligere sanitatem sui corporis, sicut utilitatem sui populi? Solutio. Vade ad rubricam antedictam. Princeps quid debet credere de consilio? Solutio ibidem. Plures homines quomodo dant consilium contra eorum fœlicitatem? Solutio ibidem. Princeps superbus quomodo venit ad infortunium? Solutio ibidem.

De Quæstionibus fructus arboris exemplificalis Apostolicis.

IN Prælato quæ sunt primariæ intentiones & secundariæ? Solutio. Vade ad rubricam antedictam. In arbore apostolicali quis est fructus superior? Solutio ibidem. Fructus apostolicalis quomodo est saporosus & lucens? Solutio ibidem. Fructus apostolicalis quomodo est virtuosus, magnus & redolens? Solutio ibidem.

De Quæstionibus fructus arboris exemplificalis Cælestialis.

Natura Solis habet ita magnam potestatem in corpore hominis, sicut natura ignis? Solutio. Vade ad rubricam antedictam. Astronomus potest dare ita verum iudicium de homine infirmo, sicut medicus? Solutio ibidem. Quare Astronomi sunt pauperes? Solutio ibidem. Homo quomodo est filius Solis? Solutio ibidem.

De Quæstionibus fructus arboris exemplificalis Angelicalis.

Vtrum agere sit fructus aut existere? Solutio. Vade ad rubricam antedictam. Mundus quomodo posset esse in bono statu? Solutio ibidem. Fructus beati Michaëlis est amare, aut amatum? Solutio. Amabilitas Patris & Filij est fructus beati Michaëlis per amatiuitatem, & Spiritus sanctus est fructus beati Michaëlis per amare. Beatus Michaël habet se prius ad amatum quam ad amare? Solutio. Cum in Deo amatus & amare æquales sint in æternitate, sine, magnitudine & bonitate, est eorum æqualitas causa beato Michaëli, quod æqualiter se habeat ad amare & ad amatum.

De Quæstionibus fructus arboris exemplificalis æternalis.

Gloria Paradisi & pœna Inferni quomodo debent considerari? Solutio. Vade ad rubricam antedictam. Pœna Inferni est prius considerabilis, quam gloria Paradisi? Solutio. Consideratio amoris est antecedens considerationis timoris. Quare quidam virtuosus sunt tristes, & quidam hilares? Solutio ibidem. Quis sanctior videtur, aut tristis aut hilaris? Solutio. Ex forma & materia vnum idem iudicium fieri non debet. Et vade ad rubricam virtutis.

De Quæstionibus fructus arboris exemplificalis maternalis.

Domina nostra quomodo rogari debet & laudari? Solutio. Vade ad rub. antedictā. Supposito quod peccatum originale non esset, foret Deus

incarnatus? Solutio ibidem. Articuli fidei Catholicæ possunt probari? Solutio ibidem. Propter intelligere articulos fidei perdet homo meritum fidei? Solutio ibidem.

De Quæstionibus fructus arboris exemplificalis Iesu Christi.

Quare anima de hoc mundo faturari non potest? Solutio. Vade ad rubricam antedictam. Ex auaritia quid sequitur? Solutio ibidem. In contemplando Deum quis habet maius meritum, aut intellectus aut voluntas? Solutio ibidem. Memoria habet maiorem passionem per intellectum, quam per voluntatem? Solutio ibidem.

De Quæstionibus fructus arboris exemplificalis diuinatis.

Creaturæ quomodo Deum significant? Solutio. Vade ad rubricam antedictam. Fructus Philosophiæ quis est? Solutio ibidem. Scientia quomodo est tractabilis? Solutio ibidem. Vita suprema & magis sapientiosa quæ est? Solutio ibidem. Et gloria detur Deo. Amen.

De Quæstionibus centum formarum, quæ sunt in fine arboris elementalis.

De vnitatis.

I.

Vnitatis quid est? Solutio. Vnitatis est illa forma quæ est ratio indiuiduationis. Et vade ad rubricam antedictam. Absque communi vnitatis possunt esse plures vnitates? Solutio ibidem. Comple-

mentum vnitatis de quo est? Solutio. Sicut complementum amoris est de amante, amabili & amare, ita complementum vnitatis est de vniente, vnibili & vnire. Quare est vnus mundus, & non plures? Solutio. Quia est vnus Deus, & non plures, est sua vnitatis ratio essendi vnum mundum & non plures.

De Quæstionibus pluralitatis.

I I.

Pluralitas quid est? Solutio. Pluralitas est illa forma quæ est causa pluribus rebus. Quæ sunt prima principia pluralitatis? Solutio. Summa pluralitas ita est causa creatæ pluralitatis, sicut summa vnitatis est causa creatæ vnitatis. Prima pluralitas creata de quo est? Solutio. Nulla pluralitas est ita prope bonitatem, sicut illa quæ est ex essentialibus bonificante, bonificabili & bonificare. Vna pluralitas quomodo est causa pluribus? Solutio. Vade ad rubricam antedictam.

De Quæstionibus simplicitatis.

I I I.

Simplicitas quid est? Solutio. SimPLICITAS est illa forma quæ est ratio pluribus simplicibus antequam non est aliqua natura, quæ sit ex ipsa, nec ex suis simplicibus. Et vade ad rubricam antedictam. Simplicia simplicitatis quæ sunt? Solutio. Simplicia simplicitatis sunt illa, ex quibus propriè ipsa est ratio, videlicet simplicians, simplicabile & simplicare, quæ sunt sua essentialia concreta, & in quibus ipsa est sustentata, & quietem habet & perfectionem. SimPLICITAS vbi est? Solutio. Vade ad rubricam antedictam.

am. Prima simplicia sunt corruptibilia? Solutio. Si prima simplicia essent corruptibilia, simplicitas & compositio essent vnum idem numero, & corruptio esset ex primis formis, & non secundis.

De Quæstionibus compositionis.

I V.

Compositio quid est? Solutio. Compositio est cōiunctio pluriū simplicium quibusdam in aliis existentibus, de quibus sequitur tertius numerus, omnibus communis. Et vade ad rubricam antedictam. Species compositionis quot sunt? Solutio. Duæ sunt: prima est illa, quæ est ex partibus simplicibus, secunda est illa, quæ est ex partibus compositis, & ex hac sunt substantiæ elementatæ. Vtrum sine communi compositione plures compositiones possunt esse? Solutio. Vade ad rub. virtutis. Secunda species compositionis non esset ex prima? Solutio. Si secunda species non esset ex prima, possibile foret esse totum sine partibus, & partem sine communitate.

De Quæstionibus formæ.

V.

Forma quid est? Solutio. Forma est illud ens, cui factio est magis propria qualitas, quam alij. Formæ particulares possunt esse sine forma vniuersali? Solutio. Vade ad rubricam antedictam. Formæ particulares de quo sunt? Solutio. Ita sunt formæ particulares ex forma vniuersali, sicut sunt ex bonitate bonificans, bonificabilis & bonificare. Forma vniuersalis est ex aliis formis? Solutio. Oporteret quod omnis cōmunitas sit ex causis simplicibus. Et vade ad rub. virtutis.

De Quæstionibus materiæ.

VI.

Materia quid est? Solutio. Materia est illud ens cui passio est magis propria qualitas, quam alicui alij enti. Et vade ad rubricam antedictam. Generalis materia vbi est? Solutio ibidem. Materias particulares quis ducit de potentia in actum? Solutio. ibid. Materia spiritalis quomodo est in potentia in generali? Solutio. Bonificabilitas realis bonitatis est in potentia materialiter in bonitate, & formaliter est in habitu bonificantis, & ideo bonificare sapit essentiam & naturam omnium trium.

De Quæstionibus generis.

VII.

Genus quid est? Solutio. Genus est illa cōmunitas, supra quam non est alia cōmunitas, & est supra omnes spirituales cōmunitates. Genus est ens reale aut intentionale? Solutio. Est ens reale, quia si non esset ens reale, arbor elementalis esse nō posset. Et est intentionale, quoniam si non esset intētionale, intellectus species multiplicare non posset ad inquirendum rerum veritatem. Et vade ad rubricam antedictam. Genus reale de quo est, & vbi est? Solutio. Istud quærat ab arbore elementalī. Genus intentionale de quo est? Solutio. Istud quærat ab intellectu, qui ipsum facit ex similitudinibus indiuiduorum, & ipsum multiplicat supra species eorum.

652 Quæst.centum formarum.

De Quæstionibus speciei.

VIII.

Species quid? Solutio. Species realis & naturalis est illud subiectum, in quo genus utitur differentia, communicando seipsum pluribus partibus communibus differentibus, quæ sunt de sua essentia. Species intentionalis quid est? Solutio. Species intentionalis est illa similitudo, quam intellectus accipit ex realibus speciebus. Species ubi sunt? Solutio. Vade ad rubricam antedictam. Si species non esset ens reale, quod inconueniens sequeretur? Solutio ibidem.

De Quæstionibus intensitatis.

I X.

Intensitas quid est? Solutio. Intensitas est illa figura quæ fortius partem simplicem significat, quam aliqua alia figura. Intensitas generalis & specialis ubi est? Solutio. Vade ad rubricam antedictam. Intellectus quomodo considerat intensitatem? Solutio. Intellectus intensitatem considerat denudando speciem, quam accipit de similitudine communi, considerando simplicem unitatem. Intensitas est sensibilis? Solutio. Intensitas se communicat sensui & communi subiecto, de quo sensus ipsam trahit ex simplici figura.

De Quæstionibus extensitatis.

X.

Exintensitas quid est? Solutio. Vade ad rubricam antedictam. Extensitas de quo est? Solutio ibidem. Extensitas spiritualis de qua est? Solutio. Extensio bonitatis realis angelicalis

est ex suis realibus concretis, per quæ ipsa est extensa, & est ex similitudinibus, quas dat magnitudini, durationi & cæteris partibus substantialibus substantiæ angeli. Voluntas quomodo se extendit in intellectu? Solutio. Extendit se voluntas in intellectu, diligendo in ipso plures res differentes, & quanto magis ipsas diligit, tanto plus in ipsis extendit suum actum.

De Quæstionibus abstractionis.

XI.

Abstractio quid est? Solutio. Abstractio est illa forma prima & communis suis concretis, quæ de sua sunt essentia, in qua intellectus non considerat aliam communitatem. Er vade ad rubricam antedictam. Abstractiones secundariæ quæ sunt? Solutio ibidem. Abstractio est, ut causæ primariæ sint. Species abstractionis quot sunt? Solutio. Duæ sunt, vna est realis, alia intentionalis, quæ siquidem intentionalis est similitudo realis. Er vade ad rubricam, ut supra.

De Quæstionibus concreti.

XII.

Concretum quid est? Solutio. Concretum est illud obiectum cui abstractio est ratio, quod in illo sit sustentata, & quod sibi sit ratio operationis secundum suam naturam. Concreta prima quæ sunt? Solutio. Vade ad rubricam antedictam. Prima concreta ubi sunt? Solutio ibidem. In primis concretis est, motus? Solutio. Sicut secundaria concreta sunt in potentia in primis antequam sint, est motus in potentia in primis concretis, & exit in actum nascentibus & exeuntibus secundis concretis ex primis. Et

in hoc passu cognoscitur quomodo vnum tempus est in potentia in alio tempore.

De Quæstionibus generationis.

XIII.

Generatio quid est? Solutio. Generatio est productio, quæ exit & nascitur in nouitate quæ est ex antiquis entitatibus. Generatio quomodo est? Solutio. Vade ad rubricam antedictam. Generatio generalis vbi est? Solutio. ibidem. Species generationis quot sunt? Solutio. Sunt tres. Prima est suprema, quæ est de forma tatummodo & sine corruptione Deo producere de se ipso Deum per viam generationis, vt dictum est. Secunda species est de forma & materia, & quæ non potest esse sine corruptione, de qua sunt substantiæ naturales elementatæ. Tertia species generationis est ex similitudinibus multiplicatis per sensitiuam, imaginatiuam, & rationatiuam.

De Quæstionibus corruptionis.

XIIII.

Corruptio quid est? Solutio. Corruptio est priuatio partium antiquarum, vt sint formæ & materiæ nouæ. Corruptionis quot sunt species? Solutio. Species corruptionis sunt tres. Prima est realis & naturalis, sicut substantia elementata, quæ peruenit in priuationem per corruptionem suarum partium. Secunda species est ex similitudinibus intentionalibus, imaginabilibus & sensualibus corruptis, cum veniant in priuationem. Tertia species est de peccato, per quod homo corrumpitur & deuiatur à fine, ad quem creatus est. Primum principium corruptionis quod est? Solutio. Si-

cut concordantiæ est primum principium generationis, est contrarietas principium primum corruptionis. Et vade ad rubricam antedictam. Corruptio & priuatio sunt vnum idem principium in cõsummatione substantiarum? Solutio. Omnis contrarietas est contra contrariam concordantiam, & priuatio est omne principium secundum finem generationis & corruptionis quæ sunt per concordantiam & contrarietatem.

De Quæstionibus priuationis.

XV.

Priuatio quid est? Solutio. Est realis dissimilitudo generationis & entitatis in qua sit concordantia, & est realis similitudo contrarietatis & corruptionis. Vtrum priuatio generalis sit ens reale? Solutio. Vade ad rubricam antedictam. Subiectum priuationis quid est? Solutio. Corruptio est ita subiectum priuationis, sicut generatio est subiectum essendi. Primum principium priuationis quod est? Solutio. Primum principium priuationis secundum finem est generatio, & secundum materiam contrarietas.

De Quæstionibus pleni.

XVI.

Plenum quid est? Solutio. Plenum est illa forma, quæ pōnit impossibile esse realem vacuitatem. Plenum est ens reale vel intentionale? Solutio. Si plenum non esset ens reale, vacuum posset esse ens reale, quod si vacuum posset esse ens reale, posset esse & non esse vnum idem numero. Plenum est ens generale? Solutio. Vade ad rubricam antedictam. Plenum est ens sensibile? Solutio. Nulla

654 Quæst. centum formarum.

forma communis est sensibilis, & de hoc experientiam habemus, in quantum quilibet sensus suum proprium habet instrumentum & obiectum.

De Quæstionibus vacui.

XVII.

Vacuum quid est? Solutio. Vacuum est illud subiectum, in quo non attinguntur fines rerum, per quod partes substantiarum quierem non habent. Species vacui quot sunt? Solutio. Species vacui sunt duæ, quas inuenies in rubrica antedicta. Secunda species est illa, quam negamus in rubrica de pleno, quam intellectus multiplicat, quia virtutem habet in intelligendo vnum contrarium cum alio. Et in hoc passu multum est de Philosophia. Si Deus priuaret quicquid est de Saturno vsque ad spheram terræ, posset esse vacuum? Solutio. Impossibile est vacuum esse ens reale, vt nihil non sit creatura, nec habeat aliquam entitatem. Si Deus priuaret totum quod comprehenditur sub quinta essentia, esset vacuum? Solutio. Si per priuationem Firmamenti, & totius quod in se continet, sequeretur vacuum, oporteret quod vacuum esset locus prius quam creatio esset, quod est impossibile, & si esset possibile, oporteret quod vacuum esset æternum, & quod esset materia pleni, quæ esset alia impossibilitas, & sic de vna impossibilitate ad aliam vsque ad impossibilitates infinitas.

De Quæstionibus grossitudinis.

XVIII.

Grossitudo quid est? Solutio. Grossitudo est illa forma, ratione cuius materia est magis plena, &

magis ponderosa quam per aliquam aliam formam. Quare materia est magis spissa quam forma, cum ita sit, quod forma sit plenior quam materia? Solutio. Causa propter quam materia est magis spissa quam forma, est ratione grossitudinis, quæ melius conuenit cum materia quam cum forma, ratione restrictionis aquæ, & causa propter quam forma est magis plena quàm materia, est ratione communicationis & infusionis ignis & gracilitatis formæ. Et vade ad rub. antedictam. Quare homo melancholicus est magis ponderosus quam flegmaticus, & homo melancholicus plus currit quam flegmaticus? Solutio. In quantum grossitudo est illa forma restrictionis, est causa homini flegmatico, quod sit piger & grossus: quoniam flegmaticus est de complexionem frigidam & humidam, est per complexionem frigidam ponderosus, & per humidam leuis: & quia melancholicus est gracilis, plus currit quam flegmaticus. Grossitudo est principium generale? Solutio. Vade ad rubricam virtutis.

De Quæstionibus gracilitatis.

XIX.

Gracilitas quid est? Solutio. Gracilitas est illa forma, ratione cuius plus est facta aggregatio partium minorum, quam maiorum. Cum gracilitas sit causa aggregationis minorum partium, & grossitudo partium maiorum, quare substantiæ graciles sunt magis plenæ quàm substantiæ grossæ? Solutio. Maior aggregatio fieri potest de partibus minoribus, quam de maioribus: quia minores partes tantum de loco non occupant, sicut maiores. Quare substantiæ graciles sunt longiores, quam substantiæ grossæ? Solutio.

lutio. Sicut grossitudo est forma, quæ est causa amplitudinis, & profunditatis & ponderositatis, ita gracilitas est causa longitudinis, profunditatis & leuitatis. Gracilitas est principium generale? Solutio. Vade ad rubricam antedictam.

De Quæstionibus leuitatis.

XX.

Leuitas quid est? Solutio. Leuitas est illa forma quæ materias superius ascendere facit. Leuitas est principium generale? Solutio. Vade ad rubricam antedictam. Cum forma ignis sit magis plena quam materia, quare materia non est leuior quam forma? Solutio. Illa pars in qua plus est de virtute, se habet citius ad suum centrum, quam illa in qua est minus. Cum ignis materialiter & formaliter sit levis, quare inferius descendit, cum descensus ita habeat esse per ponderositatem, sicut ascensus per leuitatem? Solutio. Finis planetarum & animalium insertus attrahit virtutem corporum caelestium. Et vade ad rubricam antedictam.

De Quæstionibus ponderositatis.

XXI.

Ponderositas quid est? Solutio. Ponderositas est principium generale? Solutio. Vade ad rubricam antedictam. Cum aqua pluuialis sit grauis, quare superius ascendit? Solutio ibidem. Ponderositas de quo est? Solutio. Ponderositas est de seipsa inquantum est principium generale, & est ex pluribus appetitibus naturalibus inquantum est in ipsis contenta, ut cum ipsa ad centrum descendant quod desiderant.

De Quæstionibus totalitatis.

XXII.

Totalitas quid est? Solutio. Totalitas est multiplicatio plurium quæ sunt suæ partes. Totalitas est principium generale? Solutio. Vade ad rubricam antedictam. Totalitas potest esse sine parte? Solutio. In creaturis se habent relatiuè totalitas & partes inquantum inter ipsas est maioritas & minoritas, verumtamen quælibet pars est tota ipsamet. Et in hoc passu cognoscitur quomodo Deus est totus ipsemet sine parte, & habet in seipso relationem personalem per æqualitatem sine maioritate & minoritate. Bonitas creata est per seipsam tota, aut per aliam? Solutio. Ita est bonitas tota per totalitatem, sicut est magna per magnitudinem.

De Quæstionibus partis.

XXIII.

Pars quid est? Solutio. Pars est illa forma quæ cum sua pari forma totum multiplicat, & est subiecta differentie. Pars est principium generale? Solutio. Vade ad rubricam antedictam. Pars potest esse per seipsam? Solutio. Pars formaliter potest esse per seipsam, sed quia finaliter totum est suum centrum, secundum finem non potest esse per seipsam, imo oportet ipsam sustentari in suo toto communi coniuncto ex partibus pluribus.

Pars quæ sit de toto, potest esse principium generale? Solutio.

Vade ad rubricam virtutis.

De

656 Quæst.centum formarum.

De Quæstionibus interioritatis.

XXIV.

Interioritas quid est? Solutio. Interioritas est illa forma, per quam quædam partes substantiæ possunt esse in aliis. Interioritas est forma generalis? Solutio. Vade ad rubricam antedictam. Interioritas de quo est? Solutio. Interioritas inquantum est simplex principium, est de seipsa, & inquantum est extensa in pluribus partibus, est ex ipsis. Interioritas quare est? Solutio. Interioritas est formaliter de seipsam, & finaliter est, ut quædam partes possint per ipsam esse in aliis: sicut bonitas, quæ per interioritatem potest esse in magnitudine, & magnitudo in bonitate.

De Quæstionibus Exterioritatis.

XXV.

Exterioritas quid est? Solutio. Exterioritas est illa forma, ratione cuius continens potest esse extra contentum, & differentia potest esse ratio diuisioni partium, quæ supra substantiam sunt superficies, in qua est sustentata. Exterioritas est forma generalis? Solutio. Vade ad rubricam antedictam. Exterioritas de quo est? Solutio. Exterioritas inquantum est simplex principium, est de seipsa, & inquantum est materia pluribus exterioritatibus, est communitas illarum. Exterioritas quare est? Solutio. Exterioritas est, inquantum forma est per seipsam, & inquantum finis est, ut discretæ quantitates substantiarum possint esse existentes quædam extra alias: sicut ampulla, quæ est extra vinum, & Marti-

nus extra cameram, & leo extra speciem hominis.

De Quæstionibus Stationis.

XXVI.

Statio quid est? Solutio. Statio est illa forma, ratione cuius substantiæ & accidentia sunt hoc, quod sunt, & habet appetitum essendi in vno loco, & non in alio. Et vade ad rubricam antedictam. Quare statio est plus per formam quam per finem? Solutio. In substantiis naturalibus est motus propter finem, & est quies ut sit substantia. Quare dormitio maiorem habet concordantiam cum statione quam cum motu? Solutio. Statio est de quiete & de instanti, & motus est de labore & de successione. Et in hoc passu cognoscitur, quod quædam substantiæ non sunt ad faciendum, sed formaliter sunt factæ, & aliæ sunt ad faciendum finaliter. Statio quare est? Solutio. Statio est, ut partes ex quibus substantia est composita, sint in suo proprio numero, & quod substantia sit ex ipsis, & quod partes sint partes illius substantiæ.

De Quæstionibus motus.

XXVII.

Motus quid est? Solutio. Motus est illa forma, per quam potest esse successio partium temporis, mutationis loci, & alterationis substantiæ & suarum partium. Motus est forma generalis? Solutio. Vade ad rubricam antedictam. Statio potest esse sine motu in substantiis naturalibus? Solutio. Nulla statio potest esse sine fine, nec aliquis finis potest esse sine motu.

Motus

Quæst. centum formarum. 657

Motus potest esse sine statione ?
Solutio. Si non esset statio partium,
motus non haberet subiectum, in quo
posset esse.

De Quæstionibus duritiei.

XXVIII.

Durities quid est ? Solutio. Duri-
ties est illa forma, quæ est magis
contraria mollitiei, quam aliqua alia
forma. Durities est forma generalis?
Solutio. Vade ad rubricam antedi-
ctam. Durities quare est ? Solutio.
Durities est, ut partes substantiæ pos-
sint esse sine suis contrariis intra sub-
stantiam, in qua intrare non possunt.
Et duries est ratione siccitatis terræ &
restrictionis aquæ. Quare ossa du-
riora sunt, quam caro? Solutio. Cum
ossibus statio convenit formaliter, &
cum carne motus finaliter.

De Quæstionibus mollitiei.

XXIX.

Mollities quid est ? Solutio. Mol-
lities est illa forma, quæ aperit
portas duritiei, ut quædam partes in
in aliis intrare possint, & quod influen-
tia & refluentia habeant loca, per quæ
transire possint. Mollities est forma
generalis? Solutio. Vade ad rub. ante-
dictam. Argentum fusum quare est
molle? Solutio. Sicut argentum quod
non est fusum, propter frigiditatem
aquæ est durum, ita est molle per ca-
lorem ignis cum est fusum. Et in hoc
passu cognoscitur, quod calor contra
frigiditatem cum mollitie habet con-
cordantiam. Aqua frigida quare ho-
minem restringit? Solutio. Sicut ca-
lor ignis concordantiam habet cum

duritie in tegula quam desiccatur, quia
concordantiam habet cum terra per
siccitatem, ita habet aqua concordan-
tiam cum aëre in stomacho hominis
restringendo humiditatem illius cum
frigiditate quæ cum humiditate aëris ha-
bet cōcordantiam. Et in hoc passu est
multum de medicina & de mutatione
Alkimistæ.

De Quæstionibus longitudinis.

XXX.

Longitudo quid est? Solutio. Lon-
gitudo est illa forma, ratione cu-
ius plura puncta lineam constituent.
Longitudo est forma generalis? So-
lutio. Vade ad rubricam antedictam.
Longitudo quare est? Solutio. Lon-
gitudo est formaliter, quia plura pun-
cta aut partes magis participant per
contractum de alto in infimum, & fi-
naliter est, ut sit linea quæ participet
cum altitudinibus & infimitatibus.
Longitudo de quo est? Solutio. Lon-
gitudo de se ipsa, inquantum est
simplex forma, & est pars corporis, ut
per ipsam possit esse.

De Quæstionibus amplitudinis.

XXXI.

Amplitudo quæ est? Solutio. Am-
plitudo est illa forma ratione cu-
ius plures partes possunt esse collate-
rales. Amplitudo est forma generalis?
Solutio. Vade ad rubricam antedi-
ctam. Quare amplitudo est magis
causa superficiei, quam longitudo?
Solutio. Sicut longitudo est causa
spine per lineam & per calorem & sic-
citatem, sic amplitudo est causa super-
ficiei per collaterationem humiditatis
& frigiditatis. In bonitate quid est

658 Quæst.centum formarum.

causa amplitudinis? Solutio Bonificare est causa amplitudinis ita per collationem, sicut bonificans per longitudinem, & bonificabile per profunditatem.

De Quæstionibus profunditatis.

XXXII.

Profunditas quid est? Solutio. Profunditas est medium amplitudinis & longitudinis, per quod est centrum in medio substantiæ. Profunditas est forma generalis? Solutio. Vade ad rubricam antedictam. Profunditas Saturni transit vsque ad ad Venus? Solutio. Si profunditas Saturni transiret vsque ad Venus? Solut. Si profunditas Saturni transiret vsque ad Venus, transiret profunditas Lunæ vsque ad Martem, & non esset Sol centrum commune in virtute profunditatis Saturni & Lunæ. Rotunditas est ita de pluribus circulis collateralibus & contiguis de alto in infimum, sicut linea ex pluribus punctis. Et in hoc passu cognoscitur, quod circulus est ex superficie supra longitudinem, amplitudinem & profunditatem.

De Quæstionibus potentie.

XXXIII.

Potentia quid est? Solutio. Potentia est illa forma, quæ se habet ad obiectum, ut actum suum habere possit, & per quam formæ sunt possibiles. Potentia quot species habet? Solutio. Vade ad rubricam antedictam. Aptitudo & dispositio quomodo sunt differentes in potentia? Solutio. Aptitudo est in potentia per habitum, & dispositio per materiam. Quæ dua-

rum specierum potentia est prima? Solutio. Inquantum forma est nobilior, quam materia, est prima in virtute, & inquantum nulla substantia naturalis potest esse sine forma & materia, sunt aptitudo & dispositio æqualiter in vno & eodem tempore.

De Quæstionibus obiecti.

XXXIII.

Obiectum quid est? Solutio. Obiectum est ille terminus ad quæ se habet potentia per suam aptitudinem & dispositionem obiecti. Species obiecti quot sunt? Solutio. Vade ad rubricam antedictam. Potentia vadit ad obiectum, aut obiectum vadit ad potentiam? Solutio. Quia finis prius mouet formam, quam materiam, est prius motus per possibilitatem in actibus, quam per possibilitatem, & ideo sunt ante secundum naturam, non tamen secundum tempus; sunt prius actus per potentiam, quam per obiectum. Forma ad quam duarum specierum obiecti se habet primo? Solut. Magister qui cameram facit, secundum finem prius se habet ad habitare quam ad cameram, & secundum formam est prius camera quam habitatio.

De Quæstionibus actus.

XXXV.

Actus quid est? Solutio. Actus est hoc, per quod principia naturalia fines naturales attingunt, & est opus & centrum existens in medio naturalium formarum & materialium. Species actus quot sunt? Solutio. Vade ad rubricam antedictam. Actus est in facto esse aut in fieri? Solutio. Species

Quæst.centum formarum. 659

cies actus quæ est per formam, est facta, & illa quæ est per finem, est in fieri. Forma & materia in qua duarum specierum actus maiorem habent concordantiam? Solutio. In substantiis naturalibus forma quæ est producta de potentia in actu, est magis propè materiam quam forma, quæ est in producendo, & non est producta.

De Quæstionibus prioritatis.

XXXVI.

Prioritas quid est? Solutio. Prioritas est illud ens, ratione cuius vnum ens est ante aliud. Et vade ad rubricam antedictam. Prioritas quare est? Solutio. Prioritas est, vt quædam naturæ possint esse antequam aliæ, & quod possit esse successio principij vsque ad finem. Prioritas habet maiorem concordantiam cum formis quæ sunt in potentia, quam cum formis quæ sunt in actu? Solutio. Quamuis effectus ante sit in potentia quam in actu, oportet quod prius sit in causa quam in effectu: idcirco possibilitates dispositæ sunt secundum habitus, & formæ sunt magis nobiles quam materiæ. Prioritas est forma generalis? Solutio. Vade ad rubricam antedictam.

De Quæstionibus secundioritatis.

XXXVII.

Secundioritas quid est? Solutio. Secundioritas est ille terminus, in quo incipit vltimitas, in qua incipiunt secundæ intentiones & consequentiæ. Secundioritas quomodo est retro prioritatem? Solutio. Vade ad rubricam antedictam. Secundioritas de

quo est? Solutio. Secundioritas est ex consequentiis & ex nouitatibus naturalibus. Secundioritas potest esse prioritas? Solutio. In successione posterioritatis quæ est consequentia sui antecedentis est prioritas de suo consequenti per quod est tertioritas.

De Quæstionibus tertioritatis.

XXXVIII.

Tertioritas quid est? Solutio. Tertioritas est ille terminus in quo nascitur tertius numerus & finit numerus secundus, & in quo finis naturalis sustentatur. Tertioritas naturalis de quo est? Solutio. Omnis finis naturalis est de suo principio & medio. Tertioritas quomodo est retro secundioritatem? Solutio. Vade ad rubricam antedictam. Tertioritas quare est? Solutio. Tertioritas est, vt sit complementum & influentia & refluentia de fine, principio & medio.

De Quæstionibus augmentationis.

XXXIX.

Augmentatio quid est? Solutio. Augmentatio est actus maioritatis & successionis, & per quam vnū potest esse ex pluribus. Augmentatio est forma generalis? Solutio. Vade ad rubricam antedictam. Augmentatio de quo est? Solutio. Augmentatio formaliter est de seipsa, & composita est ex pluribus. Augmentatio quare est? Solutio. Augmentatio est formaliter per seipsam, & finaliter est vt sit successio & motus de principio vsque ad finem in substantiis naturalibus.

De Quæstionibus consumptionis.

X L.

Consumptio quid est? Solutio. Consumptio est ille terminus in quo perditur antiqua augmentatio, & in quo noua incipit augmentatio. Consumptio est forma generalis? Solutio. Vade ad rubricam antedictam. Consumptio de quo est? Solutio. Consumptio formaliter est de seipsa, & finaliter est de corruptionibus partium. Consumptio & corruptio sunt vnum idem numero? Solutio. In quantum consumptio est actus minoritatis, & corruptio dicit priuationem minoritatis, sunt formæ differentes corruptio & consumptio.

De Quæstionibus dispositionis.

X L I.

Dispositio quid est? Solutio. Dispositio est illud quod præparat subiecta actuum formarum per possibilitates. Dispositio est forma generalis? Solutio. Vade ad rubricam antedictam. Dispositio de quo est? Solutio. Dispositio est ex possibilitatibus præparatis ad essendum passiue sub possibilitatibus. Dispositio quare est? Solutio. Dispositio est vt possibilitates habeant præparatas possibilitates, in quibus possint esse actiue sine impedimento.

De Quæstionibus proprietatis.

X L I I.

Proprietas quid est? Solutio. Proprietas est illa forma, ratione cuius

ceteræ formæ habent esse speciale, proprium & appropriatum. Proprietatis quot species habet? Solutio. Calor est propria qualitas ignis, & est proprietas appropriata aëri. Et vade ad rubricam antedictam. Proprietas quare est? Solutio. Proprietas est, vt qualibet forma possit esse in suo proprio numero, & quod suam similitudinem appropriare possit alij formæ. Frigiditas est propria qualitas aquæ, & calor ignis: idcirco quæritur, si istæ duæ proprietates contrariæ ex generali proprietate descendant? Solutio. Sicut anima rationalis incipit in corpore cū ea coniuncto esse noua per creationē, ita proprietates naturales contrariæ inceperunt esse nouæ in primis substantiis per creationem, vt vnum contrarium non sit principium sui contrarij. Et in hoc passu est multum de Philosophia.

De Quæstionibus proportionis.

X L I I I.

Proportio quid est? Solutio. Proportio est illa forma ratione cuius corpus est ordinatum ex partibus maioribus & minoribus. Proportio est forma generalis? Solutio. Vade ad rubricam antedictam. Proportio quare est? Solutio. Proportio est, vt ex partibus maioribus & minoribus sit iustitia & ordo. Si proportio non esset, quid sequeretur? Solutio. Si proportio non esset, omnes partes substantiarum iustitiæ priuarentur, & quædam partes forent nimis magnæ, & aliæ nimis paræ, & non esset aliqua pulchra similitudo, quies sensibus nec imaginationi.

Quæst.centum formarum. 661

De Quæstionibus conditionis.

XLIIII.

Conditio quid est? Solutio. Conditio est illa forma, quæ ligat plures formas obligatas determinatis promissionibus concessis per quamlibet secundum discretionem aut appetitus naturales. Conditio quomodo est asituata & statuta? Solutio. Vade ad rubricam antedictam. Conditio quare est? Solutio. Conditio est, ut vnū iuuet aliud per propriam vtilitatem & communem. Et in hoc passu cognoscitur primum obiectum Rhetoricæ iuris. Per secundas intentiones quomodo potest haberi cognitio de primis, & per primas de vltimis? Solutio. Vade ad rub. virtutis. Et in hoc passu multum est de Philosophia.

De Quæstionibus intentionis.

XLV.

Intentio quid est? Solutio. Intentio est nuncius finis, qui principio suam similitudinem transmittit, ut ipsum desideret secundum discretionem aut appetitum naturalem. Species intentionis quot sunt? Solutio. Intentio duas habet species, prima est per finem, secunda est per formam, & materiam, & operationem. Et vade ad rubricam antedictam. Intentio quare est? Solutio. Intentio est ut quædam creaturæ cum aliis participant in propria vtilitate & communi, & quod omnes sint ad seruitium Dei. Si intentio non esset, quid sequeretur? Priuata intentione finis creaturarum esset in priuatione. Et in hoc passu cognoscitur, quod mutatio intentionum

contra ordinem est subiectum peccati.

De Quæstionibus ordinationis.

XLVI.

Ordinatio quid est? Solutio. Ordinatio est illa forma, quæ ordinat plures formas ad vnum finem vel ad plures. Ordinatio est forma generalis? Solutio. Vade ad rubricam antedictam. Ordinatio de quo est? Solutio. Ordinatio est de seipsa simpliciter, & est composita ex primis & secundis intentionibus. Si ordinatio non esset, quid sequeretur? Solutio. Sicut malum sequitur ex priuatione boni, sic sequitur deordinatio ex priuatione ordinationis. Et in hoc passu cognoscitur, quod malus religiosus plus est deordinatus, quam alius homo, & idem est de mala persona communi.

De Quæstionibus operis.

XLVII.

Opus quid est? Solutio. Opus est actus rationum ut per ipsum principia & fines substantiarum coniungantur, & quod rationes non sint ociosæ, & quod ex ipsis sequatur hoc quare sunt. Opus de quo est? Solutio. Opus est de actione & passione formaliter existente illo opere instrumento finis & medio inter principium & fidem. Opus quare est? Solutio. Si opus non esset omnia entia essent ociosæ, & omnis finis superfluous esset, & in priuatione, & sequeretur contradictio realis priuationis & operationis. Et in hoc passu cognoscitur quod ociositas est antecedens magnæ culpæ.

662 Quæst.centum formarum.

Opus incipit intra substantiam aut extra? Solutio. Forma naturalis ante incipit in suo proprio subiecto, quam in subiecto sibi appropriato, sed de formis artificialibus est contrarium.

De Quæstionibus influentia.

XLVIII.

INfluentia quid est? Solutio. Influentia est donum aut coactio per communicationem rei aut rerum, unde sequitur plenum in quo partes laborem habent aut quietem. Influentia est forma generalis? Solutio. Vade ad rubricam antedictam. Influentia est causa corruptionis? Solutio. Istud quæritur ab aqua, cuius virtutem ignis corrumpit, quia sibi suum influit calorem. Species influentia naturalis quot sunt? Solutio. In substantiis naturalibus & corporalibus duæ sunt species influentia, vna est illa, quæ conuenit cum qualitate & cum suo proprio subiecto, sic calor ignis influxus in aqua calida cum suo proprio subiecto, qui est ignis, qui suum proprium calorem mouet in aqua contra frigiditatem & contra subiectum illius. Secunda species est influentia, quæ venit ex similitudinibus, vna similitudine influente alij suam similitudinem, quamuis in illa suam essentiam non ponit nec suum proprium subiectum, sicut Sol, qui suam virtutem influit in igne, & sigillum suas similitudines in litteris cereæ: & imaginatio, quæ accipit similitudinem influxam à calore & sapore.

[De Quæstionibus refluentia.

XLIX.

Refluentia quid est? Solutio. Refluentia est reditio influentia per concordantiam aut contrarietatem. Et vade ad rubricam antedictam. In substantiis naturalibus quare est refluentia? Solutio. Ex influentia & refluentia sequuntur actus potentiarum naturalium. Potentia refluit obiecto suam virtutem, aut obiectum potentia? Solutio. Aer refluit igni siccitatem suam, quia est contra humiditatem, & ignis refluit illam siccitatem aëri cum suo calore ut mortificet humiditatem. Materia quid refluit formæ? Solutio. Forma producit de materia possibilia in posita, & materia refluit actionem, quæ venit per dispositionem in passionem positam.

De Quæstionibus productionis.

L.

Productio quid est in substantiis naturalibus? Solutio. Productio est illa forma quæ est ratio ad producendum in actu formas quæ sunt in potentia, ut entia possibilia sint posita. Producere de quo est? Solutio. Producere formaliter actus productionis, est materialiter de forma & materia per actionem & passionem. Et vade ad rubricam antedictam. Vna forma cum quo producit aliam formam? Solutio. In productionibus naturalibus ignis cum suo calore in aëre producit siccitatem. Et in productionibus artificialibus mechanicus producit formas cum instrumentis sui officij. Productiones

ductiones quæ sunt supra cursum naturalem quomodo sunt? Solutio. Idea æterni in potentia posita producta est in subiecto creato per creationem supra cursum naturalem, quæ quidem idea in actu est producta per agens naturale & per diuinas rationes supra cursum naturalem. Et in hoc cognoscitur quod idea retinet naturam productionis supra cursum naturalem & de cursu naturali, & ideo inquantum retinet naturam supra cursum naturalem, est idea, & inquantum retinet naturam cursus naturalis, est creatura.

De Quæstionibus originis.

L I.

ORigo quid est in substantiis naturalibus? Solutio. Vade ad rubricam antedictam. Origo de quo est? Solutio. Origo est formaliter de seipsa, & suus actus est oriri, qui oritur de forma & materia, de quibus oriuntur actus formarum primarum de quibus forma communis & materia constitutæ sunt. Origo in quo oritur? Solutio. Origo nascitur in specie & in propria substantia indiuiduata. Origo quare est? Solutio. Origo est ut sint nouæ substantiæ in quibus species sint sustentatæ, & actus primarum formarum.

De Quæstionibus exitus.

L II.

EXitus naturalis quid est? Solutio. Exitus est illud, per quod vna forma exit de alia, & per quod actus exit de potentia & obiecto. Et vade ad rubricam antedictam. Exitus de quo exit, & in quo exit? Solutio. Exit calor

de igne, & humiditas de aëre, & frigiditas de aqua, & siccitas exit de terra, & exeunt qualitates in composito constituto de suis propriis subiectis, quæ in ipso exeunt cum formis nouis, & de veteribus exeunt per generationem & corruptionem. Exitus est forma generalis? Solutio. Vade ad rubricam virtutis. Cum exire influxum sit de rebus, quomodo potest esse forma generalis? Solutio. Exire inquantum est actus exit de rebus, & inquantum exitus est forma in abstracto, est forma generalis, de qua exire est actus suus formaliter, & inquantum exire exit de aliis formis, est materialiter actus earum. Et in hoc passu multum est de philosophia.

De Quæstionibus separabilitatis.

L III.

Separabilitas quid est? Solutio. Separabilitas est illa forma, ratione cuius plura possunt esse ex vno. Et vade ad rubricam antedictam. Separabilitas de quo est? Solutio. Separabilitas est ex partibus motis in nouo numero reali. Separabilitas quare est? Solutio. Separabilitas est duobus modis, vno modo ratione formæ: sicut faber qui separat vnum ferrum per plures clauos, alio modo est ratione finis, sicut faber qui clauum separat ex massa ferri, ut sit clauus, & quod habeat denarios. Separabilitas cum qua primarum formarum maiorem habet concordantiam? Solutio. Si inseparabilitas nihil esset, differentia & separabilitas essent idem numero.

De

664 Quæst. centum formarum.

De Quæstionibus inseparabilitatis.

L I V.

Inseparabilitas quid est? Solutio. Inseparabilitas est illa forma ratione cuius entia differentia ab inuicem non separantur. Et vade ad rubricam antedictam. Inseparabilitas quare est? Solutio. Inseparabilitas est, vt qualitates naturales de suis propriis subiectis non diuidantur, siue separantur existentes appropriatæ aliis subiectis extraneis, sicut calor ignis, qui est appropriatus aëri. Si inseparabilitas non esset, quid sequeretur? Solutio. Priuata inseparabilitate in subiectis naturalibus, omnis qualitas appropriata suum proprium subiectum dimitteret, & cursus naturalis esset destructus, nec vllum elementatum esset de elementis. Inseparabilitas de quo est? Solutio. Inseparabilitas est ex partibus coniunctis & mixtis quibusdam in aliis sub tali conditione, quod vna non possit esse sine alia: sicut bonitas quæ non potest esse sine potestate, nec materia sine forma.

De Quæstionibus possibilitatis.

L V.

Possibilitas quid est? Solutio. Possibilitas est illa forma ratione cuius materia est disposita, quod ex ipsa possint esse essentia posita. Et vade ad rubricam antedictam. Possibilitas de quo est? Solutio. Possibilitas est ex potestate passiuæ subiecta actioni potestatis actiuæ. Possibilitas quomodo est forma generalis? Solutio. Vade ad rubricam virtutis. Possibilitas quare est? Solutio. Possibilitas est per

seipsam essentialiter: sicut Martinus qui per suam essentiam est homo, & possibilitas est ratione finis: quoniam sine ipsa nullus actus esse posset.

De Quæstionibus impossibilitatis.

L V I.

Impossibilitas quid est? Solutio. Impossibilitas est illa forma, contra quam suum contrarium nullam habet potestatem. Et vade ad rubricam antedictam. Impossibilitas est de potestate? Solutio. Si impossibilitas esset de potestate, possibile & impossibile posset esse idē numero. Si impossibilitas nō est de potestate, de quo est? Solutio. Ita est impossibilitas ex priuatione potestatis: sicut vitium est ex priuatione virtutis. Impossibilitas est creatura? Solutio. Impossibilitas est creatura in qua creata potestas terminata est & comprehensa, sine qua impossibilitate omnis potestas creata esset infinita.

De Quæstionibus similitudinis.

L V I I.

Similitudo quid est? Solutio. Similitudo est forma generalis, ratione cuius in suo genere dantur similitudines. Et vade ad rubricam antedictam. Similitudo de quo est? Solutio. Similitudo est ex passiuis impressionibus & actiuis differentibus potestatis, & in eadem spem conseruatis. Similitudo quare est? Solutio. Si similitudo non esset nullum esset posset participare cum alio, nec de se ipso aliquid significare. Similitudo est ens reale aut intentionale? Solutio. Similitudo est ens reale per naturam, & intentionale per artificium.

De Quæstionibus dissimilitudinis.

L VIII.

Dissimilitudo quid est? Solutio. Dissimilitudo est impressio actiuarum qualitarum, & passiuarum differentium per essentiam & species. Et vade ad rubricam antedictam. Dissimilitudo quare est? Solutio. Si dissimilitudo non esset, pluralitas nihil esset. Vna bonitas quomodo est dissimilitudo alterius? Solutio. Differentia & contrarietas finium multiplicant dissimilitudines de vna & eadem specie. Et vade ad rubricam virtutis. Malitia quomodo est dissimilitudo bonitatis? Solutio. Existente bonitate ratione bono quod producat bonum, & existente malitia ratione bono quod producat malum, est dissimilitudo bonitatis, & etiam dissimilitudo inter malitiam & bonitatem.

De Quæstionibus natura.

L IX.

Natura quid est? Solutio. Natura est illa forma ratione cuius primæ formæ sunt rationes productionibus secundum earum proprietates, & per quam naturam formæ ultimæ respondent primis secundum earum proprietates. Et vade ad rubricam antedictam. Est vna natura aut sunt plures? Solutio. Est vna natura generalis, ex qua plures nature deriuantur. Natura generalis de quo est? Solutio. Natura generalis est ex constitutione plurium naturarum simplicium, sub quibus sunt essentiae primarum formarum. Et in hoc passu cognoscitur, quod ita est generalis natura centrum

naturarum superiorū: sicut Sol, qui est communis virtus in medio Mercurij, Saturni & Lunæ, Ignis & aqua habent vnā & eandem naturam? Solutio. Ignis & aqua habent vnā & eandem naturam in bonitate, & habent diuersas naturas per differentes & contrarias qualitates.

De Quæstionibus corporalitatis.

L X.

Corporalitas quid est? Solutio. Vade ad rubricam antedictam. Corporalitas de quo est? Solutio. Corporalitas est ex partibus simplicibus, quæ sunt ex proprietate & natura circulari, triangulari, & quadrangulari. Corporalitas quare est? Solutio. Corporalitas est per se formaliter, & est finaliter vt sit corpus. Corporalitas & corpus sunt vnum idem in numero? Solutio. Corporalitas ita est essentia corporis, sicut terrestritas terræ, & humanitas hominis.

De Quæstionibus transmutationis.

L X I.

Transmutatio quid est? Solutio. Transmutatio est instrumentum, cum quo forma naturalis trahit vnā materiam de vna forma, & ponit ipsam in alia. Et vade ad rubricam antedictam. Transmutatio quare est? Solutio. Transmutatio est: vt actus formarum possit esse. In transmutatione quam materia facit de vna forma in aliam, habet materia in seipsa aliquam transmutationem? Solutio. Nulla materia naturalis est in illa passionem & fine cum noua forma in qua erat cum forma antiqua. Transmuta-

666 Quæst. centum formarum.

tio fit de vna eadem forma, quæ dimittit vnâ materiâ & accipit aliam? Solutio. Si vna eadem forma esset transmutata de vna materia in aliam materiam, esset illa forma pura passio, & in hoc passu cognoscitur, quod vna eadem forma in sua specie remanens, vnâ materiam accipit & aliam dimittit, & in hoc passu multum est de Philosophia.

De Quæstionibus lucis.

LXII.

Lux quid est? Solutio. Lux est instrumentum differentię, quæ cum luce suum actum significat sensibus particularibus. Lux de quo est? Solutio. Lux est formaliter de seipsa, in quantum est color corporum celestium & ignis, & finaliter est instrumentum differentię. Lux quare est? Solutio. Lux ita est per colorem, sicut homo est homo per humanitatem, & albus per albedinem. Et vade ad rubricam antedictam. In Inferno est lux? Solutio. In Inferno est lux, vt differentia instrumentum habeat cum quo ostendere possit oculis turpes figuras, qui in hac vita per peccatum videre desiderabant pulchras figuras, & illa lux est causa tenebrarum oculis qui non habebunt appetitum videndi turpes figuras.

De Quæstionibus vmbra.

LXIII.

Vmbra quid est? Solutio. Vmbra est color confusus de aqua & terra in absentia lucis. Et vade ad rubricam antedictam. Vmbra de quo est? Solutio. Vmbra est de priuatione

lucis & de grossis vaporibus, qui per aërem non sunt depurati, qui in ipsis suum colorem ostendere non potest. Si vmbra non esset quid sequeretur? Solutio. Si vmbra non esset absentia lucis nihil esset. Supra Lunam est vmbra? Solutio. Si supra Lunam esset vmbra, Sol non daret suam similitudinem Veneri, nec Venus Mercurio, nec Mercurius Lunæ, nec ignis influentiam Solis reciperet.

De Quæstionibus linea.

LXIV.

Linea quid est? Solutio. Vade ad rubricam antedictam. Linea est forma generalis? Solutio. Si linea non esset forma generalis, primæ formæ non haberent concreta, in quibus essent sustentatæ. Linea de quo est? Solutio. Linea est de seipsa in sua prioritate, & est de partibus punctualibus, quæ sunt supra se, ex quibus composita est, & est materia partium quæ sunt in inferioribus, quæ sunt de sua specie. Linea est in corpore sphærico? Solutio. In omni corpore in quo sit longum, amplum, & profundum, oportet esse lineam.

De Quæstionibus punctualitatis.

LXV.

Punctualitas quid est? Solutio. Punctualitas est illa forma, ratione cuius punctus est indiuisibilis. Punctualitas de quo est? Solutio. Punctualitas est ex punctis simplicibus indiuisibilibus. Cum linea sit ex punctis, & puncta sint indiuisibilia, quomodo est linea diuisibilis? Solutio. Omnis linea quæ est ex punctis est compo

Quæst. centum formarum. 667

composita, & omne compositum est diuisibile. Cum punctus sit indiuisibilis quomodo potest esse vnus punctus in alio? Solutio. Vade ad rubricam antedictam.

De Quæstionibus superficiei.

LXVI.

Superficies quid est? Solutio. Superficies est illa forma, cum qua corpus indutum est naturaliter colore. Superficies de quo est? Solutio. Vade ad rubricam antedictam. Superficies quare est? Solutio. Superficies est, vt corpus terminari possit, & quod sit visibile & palpabile. In punctu indiuisibili est superficies? Solut. Sicut quilibet punctus indiuisibilis est pars corporis diuisibilis, ita superficies indiuisibilis in punctu indiuisibili sustentata est pars superficiei diuisibilis.

De Quæstionibus figura.

LXVII.

Figura quid est? Solutio. Figura est similitudo formæ extensa in colore, quæ in superficie extenditur. Figura de quo est? Solutio. Vade ad rubricam antedictam. Figura clauis est creatura? Solutio. Si figura clauis creatura non esset, visibilitas & imaginabilitas clauis creaturæ non essent. Figura clauis antequam clauus sit vbi est? Solutio. Figuræ particulares sunt in potentia in vniuersali figura, antequam sint sua propria subiecta.

De Quæstionibus rectitudinis.

LXVIII.

Rectitudo quid est? Solutio. Rectitudo est illa forma, ratione cuius lineæ sunt rectæ. Rectitudo de quo est? Solutio. Vade ad rubricam antedictam. Quare sunt sex rectitudines, & non plures neque pauciores? Solutio. Sine sex rectitudinibus in nullo corpore esset centrum nec superficies, & idem si essent plures quæ sex rectitudines. Firmamentum habet sex rectitudines? Solutio. Quia firmamentum est corpus supremum, vltra quod non est corpus naturale, non habet supra se rectitudines, & quia intra continet corpus generale confusum & sphericum quod est de Saturno vsque ad centrum terræ, sunt in illo corpore sex rectitudines.

De Quæstionibus masculinitatis.

LXIX.

Masculinitas quid est? Solutio. Masculinitas est illa essentia per quam sunt plures masculi. Masculinitas de quo est? Solutio. Vade ad rubricam antedictam. Masculinitas quare est? Solutio. Si masculinitas non esset in substantiis naturalibus, generatio non esset. Masculinitas Arietis est sibi propria qualitas, aut appropriata? Solutio. Sicut calor est Arieti qualitas appropriata, quia est instrumentum calefaciendi, ita masculinitas est Arieti appropriata, quia est instrumentum mouendi virtutem masculinitatis in masculis.

De Quæstionibus femineitatis.

LXX.

Femineitas quid est? Solutio. Femineitas est illa forma quæ est cau-
P P P 2

668 Quæst.centum formarum.

sa passuarum impressionum. Fœmineitas de quo est? Solutio. Vade ad rubricam antedictam. Litteræ quas sigillum imprimit in cera sunt fœmininæ aut masculinæ? Solutio. Ita se habet sigillum ad ceram cum masculinitate Arietis, Gemini, Leonis, & aliorum corporum cælestium masculinorum, & formarum actiuarum elementorum, sicut potentia se habet ad obiectum, & gallus ad gallinam. Gallus postquam est masculus quare generat gallinam? Solutio. Sicut Aries gallum iuuat ad generandum gallum per masculinitatem, ita Taurus gallum iuuat ad generandum gallinam per fœmineitatem.

De Quæstionibus membrofitatis.

LXXI.

Membrofitas quid est? Solutio. Membrositas est illa forma quæ est essentia membrorum naturalium. Membrositas de quo est? Solutio. Vade ad rubricam antedictam. Membrositas quare est? Solutio. Membrositas est ut formæ naturales habeant membra cum quibus naturaliter agere possint. In substantia angelorum sunt membra? Solutio. Dixit Raymundus, quod quæreret illud in arbore angelicali.

De Quæstionibus instrumentalitatis.

LXXII.

Instrumentalitas quid est? Solutio. Instrumentalitas est illa forma quæ superior est quam membrofitas, sicut verbum quod est magis propriè manifestatum locutum, quam lingua, & flos est magis propè fructum, quam

ramus, & motus qui est magis propè clauum, quam martellus qui ipsum mouet. Et vade ad rubricam antedictam. Inter instrumentum & membrum est differentia? Solutio. Instrumentum & membrum sunt ita prope in specie, sicut figura & superficies in corpore. Membrum potest esse instrumentum? Solutio. In pomerio ramus est instrumentum branchæ & floris, & flos est instrumentum rami & pomi. Martellus cum quo facit clauum facit, est membrum aut instrumentum? Solutio. Martellus est membrum fabrilis, & est instrumentum fabri, sicut lingua, quæ est membrum loquelæ, & est instrumentum loquentis.

De Quæstionibus nutrimenti.

LXXIII.

Nutritum naturale quid est? Solutio. Nutritum naturale est illa forma per quam viuit humidum radicale. Nutritum naturale de quo est? Solutio. Vade ad rubricam antedictam. Nutritum morale quid est? Solutio. Nutritum morale est antiqua consuetudo. Nutritum morale de quo est? Solutio. Nutritum morale est ex actibus potentiarum arboris moralis.

De Quæstionibus impressionis.

LXXIV.

Impressio quid est? Solutio. Impressio est figura causæ & effectus. Impressio de quo est? Solutio. Vade ad rubricam antedictam. Differentia impressionis naturalis & artificialis quomodo

quomodo est? Solutio ibidem. Flos quomodo imprimit suum odorem in aëre? Solutio. Sicut materia panis quem homo comedit est impressio per transmutationem in materiam vegetativam & sensitivam, ita odor floris per transmutationem impressus est in aëre.

De Quæstionibus insertionis.

LXXV.

Insertio quid est? Solutio. Vade ad rubricam antedictam. Insertio quare est? Solutio ibidem. Quare insertio piri fieri potest in pomerio, & non in ficulnea? Solutio. Secundum quod species plantarum sunt propinquæ & concordantes in natura possunt esse insertæ quædā in aliis. Ignis potest esse in aqua insertus? Solutio. Si ignis posset esse in aqua insertus in illa insertionem posset ignis & aqua maiorem habere concordantiam, quam contrarietatem. Et in hoc passu cognoscitur quare insertio piri fieri non potest in ficulnea.

De Quæstionibus perfeitatis.

LXXVI.

Perfeitas quid est? Solutio. Vade ad rubricam antedictam. Perfeitas quare est? Solutio. Perfeitas est per formam & per materiam in rebus naturalibus, & ideo est per formam tantummodo, & perfeitas est ut fines rerum in ipsa sint sustentatæ. Perfeitas de quo est? Solutio. Perfeitas est de forma & materia, & est de fine illarum. Ignis est per seipsum simpliciter hoc quod est? Solutio. Vade ad rubricam antedictam.

De Quæstionibus individuitatis.

LXXVII.

Indivuitas quid est? Solutio. Individuitas est forma generalis quæ est ratio & causa individuis specialibus. Individuitas quare est? Solutio. Individuitas est ut ex vno plura esse possent. Individuitas de quo est? Solutio. Ita est individuitas Martini & sui filij, pomerij, equi, gruis ex individuitate generali, sicut est color Martini & sui filij, pomerij, equi, & gruis ex colore generali. Et vade ad rubricam antedictam. Quare unitas & pluralitas sunt æqualiter causæ individuitatis? Solutio. Pluralitas Patris & Filij & unitas quam habent in spirâdo sanctum Spiritum sunt rationes per quas in creaturis pluralitas & unitas sunt æqualiter causæ individuitatis. Et in hoc passu multum est de Theologia & Philosophia.

De Quæstionibus attractionis.

LXXVIII.

Atractio quid est? Solutio. Attractio est id per quod vnum humidum radicale ad se attrahit de alio humido radicali humidum nutritivum. Attractio quomodo est? Solutio. Vade ad rubricam antedictam. Adamas cum quo attrahit ad se ferrum? Solutio. Sicut potentia visiva ad se attrahit visibilitatem coloris, ita magna terrestrietas adamantis ad se attrahit terrestrietatem ferri. Cum quo semen ad se attrahit multiplicationem suæ speciei? Solutio. Vade ad rubricam virtutis.

De Quæstionibus necessitatis.

LXXIX.

Necessitas quid est? Solutio. Necessitas est illa forma, ratione cuius ex impossibili sequitur suum contrarium possibile: sicut si est impossibile quod totum sit minus, quam sua pars, oportet quod totum sit maius quam sua pars. Species necessitatis quot sunt? Solutio. Vade ad rubricam antedictam. Ex duabus speciebus necessitatis quæ est magis necessaria? Solutio. Illa substantia quæ est in instanti secundum cursum naturalem est magis necessaria, quam illa, quæ est per successionem, & idem de substantia, quæ est supra cursum naturalem, ut Deus sit finis omnium entium. Si necessitas non esset, quid sequeretur? Solutio. Si necessitas nihil esset, omne quod est, esset per contingentiam, & Deus nihil esset, & omne quod est impossibile, esset possibile, & è conuerso. Et in hoc passu est significatum Deum esse de necessitate, & ipsum esse vnum in Trinitate personarum.

De Quæstionibus contingentie.

LXXX.

Contingentia quid est? Solutio. Contingentia est illud per quod quidam fines alios deuiant ex eorum contrariis. Et vade ad rubricam antedictam. Contingentia de quo est? Solutio. Contingentia est ex finibus contrariis, quorum quidam aliis suas necessitates impediunt. Contingentia quare est? Solutio. Contingentia est, quia principium non potest habere

medium proprium nec naturale; per quod possit transire ad suum finem necessarium. Si contingentia nihil esset, quid sequeretur? Solutio. Si contingentia nihil esset, nullus homo libertatem haberet, & asinus sæpe clamaret de necessitate, nec capra timerem haberet de lupo, & gelu semper amigdala combureret.

De Quæstionibus perfectionis.

LXXXI.

Perfectio quid est? Solutio. Perfectio est illud instans in quo successio habet quietem. Perfectio de quo est? Solutio. Sicut possibile est de hoc, quod non participat cum impossibili, ita perfectio est de hoc quod non participat cum defectu. Perfectio cum quo est? Solutio. Perfectio est cum actibus formarum naturalium & cum illarum similitudinibus moralibus. Perfectio quare est? Solutio. Perfectio est ut sit quies in existere & agere. Et vade ad rubricam antedictam.

De Quæstionibus imperfectionis.

LXXXII.

Imperfectio quid est? Solutio. Imperfectio est ex perfectionis priuatione, & ita est suum contrarium, sicut malum contrarium est boni, & calor frigiditatis, & nigredo albedinis. Imperfectio est creatura? Solutio. Imperfectio est creatura in operibus naturalibus. Et vade ad rubricam antedictam. & non est creatura in operibus moralibus. Et vade ad arbor. moralem vitiosam. Imperfectio est forma generalis? Solutio. Si imperfectio non esset forma generalis, successio perfectionis nihil esset. Perfectio

fectio & imperfectio habent aliquam concordantiam? Solutio. In operibus naturalibus sunt imperfectiones instrumenta perfectionum, sicut causæ secundariæ primarum.

De Quæstionibus vite.

LXXXIII.

Vita quid est? Solutio. Vita est illa forma ratione cuius substantiæ viuunt, & sunt viuificatæ. Vita naturalis de quo est? Solutio. Vade ad rubricam antedictam. Vita spiritualis de quo est? Solutio. Vade ad arbor. humanalem & angelicalem. Mors quid est? Solutio. Mors est ita priuatio vitæ, sicut vita est illud quod cum morte non participat.

De Quæstionibus coloris.

LXXXIII.

Color quid est? Solutio. Color est illa forma, ratione cuius substantia corporalis est colorata. Color est visibilis? Solutio. Color inquantum est forma in abstracto non est visibilis, sed ita est instrumentum substantiæ visibili, quæ est visa cum speciali colore, sicut sapor generalis est instrumentum substantiæ gustabili cum speciali sapore. Color de quo est? Solutio. Color est de seipso inquantum sua species, & est de pluribus coloratis quæ non sunt de sua specie, & quæ per ipsum colorem sunt visibilia. Color quare est? Solutio. Vade ad rubricam antedictam.

De Quæstionibus soni.

LXXXV.

Sonus quid est? Solutio. Sonus est illa forma, ratione cuius aures sunt instrumenta ad audiendum. Et in hoc passu multum est de Philosophia. Sonus de quo est? Solutio. Sonus est de seipso simpliciter, & sonus qui auditur aut qui dispositus est ad audiendum, est pars soni generalis, quæ quidem pars est instrumentum speciale auditus. Audire est de sono? Solutio. Inquantum potentia sensitiva extracta est de elementatiua per creationem, est audire de sono, sed inquantum potentia elementatiua & sensitiva sunt species differentes, audire non est de sono materialiter, sed est instrumentum quod audiatur. Sonus quare est? Solutio. Istud quærat a tonitruo in rubrica antedicta.

De Quæstionibus Odoris.

LXXXVI.

Odor quid est? Solutio. Odor est obiectum odorandi, ut odoratus sentiatur. Et vade ad rubricam antedictam. Odor est de essentia sensus odoratus? Solutio. Ita sunt differentes per essentiam odor & odoratiuitas, sicut vegetatio & sensitiuitas. Odor de quo est? Solutio. Odor rose est de suis vaporibus, & odoratiuus est de sensu, qui vapores rosæ in suam odorabilitatem conuertit. Si sensus non esset, rosa esset odorabilis? Solutio. Duæ sunt odorabilitates, vna est illa, quæ est intra sensum, & quæ de sua est essentia: alia est illa, quæ est extra sensum, quæ est odorabilitas gene-

672 Quæst.centum formarum.

generalis, ratione cuius est specialis odorabilitas in rosa, in lilio, in sulphure, & in aliis substantiis odorabilibus. Et iste generalis odor extractus est de arbore elementalī per creationem: sicut Deus qui de die naturali cum sole diem traxit artificialem.

De Quæstionibus saporis.

LXXXVII.

Sapor quid est? Solutio. Sapor est illa forma, ratione cuius animalia delectantur in comedere & bibere. Sapor de quo est? Solutio. Sapor est de arbore elementalī. Et vade ad rubricam antedictam. Cum sapor sit de arbore elementalī, ignis habet saporem in calefaciendo aquam? Solutio. Sapor generalis ita est ex elementis, sicut color: & sicut color exit in elementatum de potentia in actu, ita sapor exit in sensitua de vegetatiua de potentia in actum. Et quia aqua in olla calefacta non est in substantia vegetata nec sensata ignis: licet sapor de ipso sit materialiter instrumentum, non habet cum quo saporem sentire possit, qui in ipso in quantum species semper est in potentia. Amaritudo est de sapore? Solutio. In carne putrida quæ dat amaritudinem sensitua hominis, qui ipsam gustat, inuenit vermis saporem delectabilem.

De Quæstionibus sensus.

LXXXVIII.

Sentire quid est? Solutio. Vade ad arborem sensualem. Sentire de quo est? Solutio. Secundum formam generalem ita est sentire potentia arboris elementalī materialiter, quod

exit & nascitur in arbore sensuali: cut vita instrumentalis oleæ inserto oleastro de vegetatiua oleastri. Et de ad rubricam antedictam. Tactus qui est per sentire, quare est? Solutio. Tactus est per suam propriam speciem formaliter, & est finaliter, vt animalia placitum habeant in tangendo, vt suas species possint conseruare. Et vade ad rubricam antedictam. Cum carbo ignis tangit manum, quare manus sentit dolorem? Solutio. Ita disconuenit tactus substantiæ elementalī non vegetatæ & substantiæ sensatæ, quæ est sine vegetatione: sicut conuenit tactus elementato sensato cum vegetatione.

De Quæstionibus conceptionis.

LXXXIX.

Conceptio quid est? Solutio. Conceptio est illa forma generalis, ratione cuius formæ passiuę concipiunt nouas formas actiuas. Conceptio de quo est? Solutio. Vade ad rubricam antedictam. Conceptio quare est? Solutio. Conceptio est vt sit manifestatio actuum formarum sensibus particularibus, & imaginationi & potentiis animæ rationalis. Conceptio quam affatus manifestat, de quo est? Solutio. Ita est conceptio quam affatus manifestat ex instinctibus & appetitibus naturalibus exitis de sensitua in imaginatiua: sicut sunt appetitus & instinctus naturales de elementatiua exiti & nati in vegetatiua plantarum, & in sensitua animalium. Et in hoc passu cognoscitur, quare femina quæ puerum concipit, imprimit in illo aliquam similitudinem obiecti, quod imaginatur. Et idem est de masculo.

Quæst.centum formarum. 673

De Quæstionibus dormitionis.

X C.

Dormitio quid est? Solutio. Dormitio est illa forma, ratione cuius formæ quæ laborauerunt, appetitum habent quiescendi. Dormire de quo est? Solutio. Dormire est ex preparatione, quæ preparat & disponit materiam ut sint actus, formarum naturalium. Et vade ad rubricam antedictam. Quare nullus homo vivere posset sine dormire? Solutio. Si equus qui currit non quiesceret postmodum, alia vice currere non posset. Quare homines qui sunt inebriati, maiorem habent appetitum dormiendi quam alij? Solutio. Quia vinum multum est vaporatium, subito ascendere facit vapores ventris ad cerebrum qui claudunt imaginatiuæ species, quas de sensu accipit, quæ similitudines non habet cum quibus satisfaciat potentiis animæ rationalis.

De Quæstionibus vigilationis.

X C I.

Vigilare quid est? Solutio. Vigilare est successio specierum fantasticarum motorum de sensu per imaginatiuam usque ad potentias animæ rationaliæ. Vigilare de quo est? Solutio. Vade ad rubricam antedictam. Quare quidam homines vigilant plus quam alij? Solutio. Nullus homo tantum dormit, sicut flegmaticus: nec nullus homo tantum vigilat, sicut ille qui multum amat. Homo qui somniat, participat plus cum vigilare quam cum dormire? Solutio. In hominibus qui somniant, vigilat plus imaginatiua, quam alia potentia.

De Quæstionibus somnii.

X C II.

Somniare quid est? Solutio. Vade ad rubricam antedictam. Somniare unde venit, & suæ species quot sunt? Solutio ibidem. Quare homo plus somniat, quam animalia irrationalia? Solutio ibidem. Quare homo melancholicus naturaliter plus somniat, quam alius homo? Solutio. Nulla memoria tantum species retinet, sicut illa quæ est de complexione terræ, & hoc est, quia habet plus durable fundamentum.

De Quæstionibus gaudij.

X C III.

Gaudium quid est? Solutio. Gaudium est illa forma quæ finem desideratum repræsentat. Gaudium naturaliter ubi incipit? Solutio. Vade ad rubricam antedictam. Pomerium habet gaudium, & ignis qui aquam calefacit? Solutio ibidem. Puer habet ante gaudium per sentire quam per amare? Solutio. In pueris prius accipit imaginatio delectationem per sensum, quam voluntas vel intellectus per imaginationem, & hoc est, quia infans in principio non utitur moralitatibus antiquis.

De Quæstionibus tristitia.

X C IV.

Tristitia quid est? Solutio. Tristitia est illa figura, quæ perditionem finis desiderati repræsentat. Tristitia ubi incipit naturaliter? Solutio.

674 Quæst.centum formarum.

Vade ad rubricam antedictam. Tristitia moralis de quo est? Solutio. Tristitia moralis est ex diffinitione antedicta. Quare homo melancholicus naturaliter est magis tristis quam alius homo? Solutio. Nullum elementum est ita remotum à Saturno, sicut terra: nec aliquis planeta est ita propè Saturnum sicut Iupiter. Et vade ad rubricam antedictam.

De Quæstionibus sanitatis.

XCv.

Sanitas quid est? Solutio. Sanitas est proportio partium coniunctarum in substantia elementata cum maiori concordantia quam contrarietate. Sanitas ubi incipit naturaliter? Solutio. Vade ad rubricam antedictam. Quæ differentia est inter sanitatem naturalem, & sanitatem moralem? Solutio. Sanitas naturalis est per formam, & moralis per finem, ratione cuius sanitatis naturalis sunt medici. Quare homines saniores sunt in hyeme quam in æstate? Solutio. In illo tempore in quo fructus colliguntur, fructus sunt magis nociui quam in alio tempore, & hoc apparet in gallina, quæ magis tenera est & magis lapida, si mortua sit per duodecim horas quam per vnam.

De Quæstionibus infirmitatis.

XCvi.

Infirmitas quid est? Solutio. Infirmitas est illa forma, quæ requirit contrariam diffinitionem sanitatis. Infirmitas quare est? Solutio. Infirmitas est, quia sanitas non est. Corpus hominis potest esse inter sanitatem &

infirmitatem? Solutio. Si corpus animatum posset esse inter sanitatem & infirmitatem, non esset in illo medio subiectum naturalibus contrarietatibus & esset incorruptibile. Et vade ad rubricam antedictam. Infirmitas moralis de quo est? Solutio. Ista quæstio fiat gulæ, ensi, malo medico & pulchræ fœminæ.

De Quæstionibus industrie.

CXvii.

Industria quid est? Solutio. Industria est illa forma generalis, ratione cuius plantæ & animalia habent modum viuendi. Et vade ad rubricam antedictam. Modus ubi incipit naturaliter? Solutio ibidem. Modus moralis quid est? Solutio. Modus moralis est figura modi aut industriæ naturalis. Vineæ quæ discretionem non habet, nec oculos, quomodo ascendit per arborem, & quare tenet folia recta in rectitudine branchæ, & cum ipsam tangit, quare ipsa replicat? Solutio. Ex industria generali descendunt industriæ speciales.

De Quæstionibus substantiæ.

CXviii.

Substantia quid est? Solutio. Substantia est illud ens, quod propriè per se stat, sine quo nullum accidens potest esse? Substantia naturalis ubi incipit, & de quo incipit? Solutio. Vade ad rubricam antedictam. Substantia quomodo est sub accidentibus? Solutio. Bonitas substantialis quæ dat suam similitudinem magnitudini substantiali est per accidens sub similitudine quam dat. Substantia quare est? Solutio.

Quæst.centum formarum. 675

Solutio. Substantia est per seipsam formaliter & finaliter, vt formæ substantiales & accidentales habeant subiectum, in quo possint esse, & de quo possint agere.

De Quæstionibus essentie.

XCIX.

Essentia quid est? Solutio. Essentia est illa forma, ratione cuius esse sustentatum est in concreto substantiali aut accidentali, quod siquidem esse cum illo concreto conuertitur per existere & agere, & actus essentie remanet cum illo sustentatus, & cum essentia habens vnā & eandem naturam, & in hoc passu est multum de Philosophia. Essentia quomodo est supra substantiam? Solutio. Vade ad rubricam antedictam. Partes propriæ & principales essentie quæ sunt? Solutio. Anima rationalis & corpus cum ipsa coniunctū propriæ sunt partes humanitatis, & simplex bonificās, bonificabile, & bonificare sunt partes bonitatis. Essentia de quo est? Solutio. Vna essentia est generalis & communis, quæ est ex pluribus essentiis, sicut humanitas quæ est de bonitate magnitudinis & cæteris formis humanalibus: sunt aliæ essentie speciales, quæ sunt sub illa essentia generali, & sunt de illa, sicut essentia animæ rationalis & essentia corporis humani.

De Quæstionibus entis.

C.

Ens quid est? Solutio. Ens est genus quod est supra omne quod est de natura substantiali & accidentali. Ens quomodo est forma generalis? Solutio. Vade ad rubricam antedi-

ctam. Qui considerat ens, considerat ante accidens, quam substantiam. Solutio. Figura accidentales sunt fenestæ entis substantialis. Ens quomodo est inuestigabile & tractabile? Solutio. Vade ad rubricam vt supra.

De Quæstionibus applicationis & practica centum formarum, quæ sunt in fine arboris sensualis.

In hoc passu dabimus doctrinam ad faciendum quæstiones de arbore sensuali per centum formas, & ad soluendum illas quæstiones. Et secundum modum quem tenebimus de centum formis in arbore sensuali, teneri potest in aliis arboribus. Potentia sensitua per quam naturam est vna, & est de pluribus rebus? Solutio. Vade ad rubricam antedictam paragra. primo. Quæritur vtrum Petrus Filius Martini posset esse ille, qui est, & quod Martinus nunquam fuisset, & quod Petrus fuisset Filius Guillelmi? Sol. Secundū naturam vnitatis numeralis Petrus non posset esse ille qui est, si Martinus non esset Petro existente Filio Guillelmi, quia si esse posset, tota pluralitas elementationis, vegetationis & sensualitatis posset ita conuenire cum vno sicut cum aliō. Sensus communis est simplex aut compositus? Solutio. Simplex est secundum naturā vnitatis arboris sensualis, compositus est secundum quod arbor sensualis est ex pluribus causis, videlicet de elementatiua, vegetatiua & sensitua. Et vade ad rubricam virtutis ad secundum paragra. Visus est simplex potentia aut composita. Solutio. Oppor- teret quod omne particulare sit ex illa natura, ex qua est suū vniuersale, quod si non esset, non esset pars illius.

676 Quæst.centum formarum.

Sensus communis est ex forma & materia, aut ex vna tantummodo? Solutio. Sine forma & materia arbor sensualis esse non posset, quoniam non haberet de quo esset. Et vade ad rub. virtutis ad tertium parag. Forma & materia sensus communis quæ sunt? Solutio. Elementatiuitas, vegetatiuitas, sensitiuitas per naturam compositionis & simplicitatis sunt formæ sensus communis, & elementabilitas sunt materiæ sensus communis secundum naturam simplicitatis & compositionis. Sensus cõmunis est de generibus & speciebus? Solutio. Vade ad rub. virtutis ad quartũ parag. Videre per quam naturã multiplicat species? Solutio. De natura totius sunt naturæ partium. Partes sensus communis quæ sunt intra, & quæ sunt extra? Solutio. Visibilitas quæ est de essentia sensus communis est pars quæ est intra sensum, & visibilitas lapidis, pomi, flammæ & ignis est pars quæ est extra. Et vade ad rub. virtutis ad quintum paragr. Partes quæ sunt intra & extra sensum communem, quomodo participant? Solutio. Sensus particulares sunt extremitates sensus communis, quæ cum obiectis extra participant, sicut visitiuitas cum colore obiecti, quod accipit, & idem est de audituitate, quæ cum sono participat, & sic de aliis suo modo. Sensus communis quomodo est ex formis abstractis? Solutio ibidem ad sextum paragraph. Sensus particulares quomodo sunt ex concretis, sicut visus, qui est ex visitiuo, visibili & videre? Solutio ibidem. Potentia sensitiua quomodo est subiecta generationi & corruptioni? Solutio ibidem ad septimum paragraphum. Ex corruptione sensitiuæ Martini sequitur aliqua

generatio? Solutio. Ex corruptione herbæ quam equus comedit, sequitur generatio carnis, & ex corruptione carnis, quam canis comedit, sequitur generatio alterius carnis. Grosseitudo & gracilitas sunt formæ sensus communis? Solutio ibidem ad octauum paragraph. Quare naturaliter quidã homines magis sunt subriles, quam alij? Solutio. Secundum quod materia sensus communis Martini est sub magis subtili forma, quam materia Gullielmi, potest melius imaginatio Martini attingere similitudines multiplicatas per sensus particulares, quam imaginatio Gullielmi. Sensus communis per quam naturam est ponderosus? Solutio ibidem ad nonum paragraph. Quare visus est magis leuis, quam auditus? Solutio. Visus est maxime per complexionem aëris, quam per aliam complexionem, & auditus est per complexionem terræ. Complementum sensus communis de quo est? Solutio ibidem ad decimum paragraph. Oculi homines cæci sunt vacui? Solutio. Non sunt vacui actibus potentie elementatiuæ & vegetatiuæ, sed vacui sunt actibus sensitiuæ. In sensitiua quare oportet esse sensum communem? Solutio ibidem ad decimum paragraph. In substantia sensata quomodo sunt quædam extensitates in aliis? Solutio ibidem ad duodecimum paragraph. Sensus communis quare est & mouet sensus particulares? Solutio ibidem ad decimũ tertium paragraph. Sensus communis est mollis aut durus? Solutio ibidem ad decimumquartum paragraph. Quare potentia visitiua maiorem concordantiam habet cum mollitie, & audititiua cum duritie? Solutio. Ex obuiatione & percussione siccorum corporum

exit

exit magnus sonus:& mollires & diaphanitas concordantiam habent cum humiditate. In sensitiua sunt mensuræ? Solutio. Vade ad rub.virtutis ad decimum quintum parag. Quare potentia visiva attingit obiectum magis remotum, quam auditiva? Solutio. Quia ignis & aër sunt de magis subtili materia, quam aqua & terra, & est eorum virtus magis extensiva, quam virtus aquæ & terræ. Potentiæ obiecta & actus sensitiuæ quales sunt? Solutio. Vade ad rubricam virtutis ad decimum sextum paragraphum. In sensu quare vna potentia est ex pluribus, & vnum obiectum ex pluribus, & vnus actus ex pluribus? Solutio. Sensus est vnus per sensitiuam quæ est vna, & est ex pluribus, quia arbor sensualis est ex pluribus. Sensus communis est ex proprietate secundioritatis & terrioritatis, licet in quartum numerum non transeat? Solutio ibidem ad decimum septimum parag. In sensu quæ sunt formæ quæ sunt primæ, & quæ sunt illæ quæ sunt vltimæ, & quæ sunt illæ quæ sunt in medio? Solutio ibidem. Sensus quomodo est in crescere, & in diminuere? Solutio ibidem ad decimum octauum parag. Cum sensus incipit decrescere, incipit decrementum virtutis sensus? Solutio. Durante humido nutrimentali, durat humidum radicale. Et in hoc passu multum est de Philosophia, quoniam secundum quod elementatiua & vegetatiua dispositæ, sunt quod sint materiæ sensitiuæ: attrahit sensitiua ex ipsis suam virtutem de potentia in actu, vt viuat: sicut flamma ignis quæ calefacit aquam, quæ calorem qui est in aqua in potentia, facit esse in actu, vt sentiat. Dispositio, proprietates & proportio quomodo sunt formæ sensus? Solutio. Vade ad rub. virtutis ad decimum nonum par.

Sensitiua leonis mortui in quo modo est insistentata? Solutio. Aqua quæ exit de mari in vaporibus & in pluuia & cadit in terram, vadit cum fontibus in mare, & numerus falsedinis aquæ maris perditur in numero dulcis saporis aquæ pluuiæ. Et in hoc passu cognoscitur, quod aqua fontis magis naturalem habet saporem, quam aqua sisternæ, & est magis sana. Sensus quomodo est conditionatus, & quomodo habet inclinationem ad obiectum? Solutio. Vade vt supra ad vigesimum paragraphum. Vnus sensus quomodo indiuiduatus est ex alio sensu? Solutio. Sub tali conditione se communicat elementatiua & vegetatiua sensitiuæ, quod eorum naturæ sint obiectatæ differentiis specierum sentiendi. In sensitiua quomodo est ordo & operatio? Solutio. Vade ad rub. virtutis ad vigesimum primum parag. Sensus quomodo est subiectum influentiæ & refluentiæ sentiendi? Solutio ibidem ad vigesimum secundum paragraphum. Arbor elementalis & vegetalis influunt aliquam virtutem in actibus sensuum particularium? Solutio. Nullum humidum radicale viuunt sine humido nutrimentali. Productio, origo & exitus quomodo sunt formæ sensus? Solutio. Vade ad rub. virtutis ad vigesimum tertium paragraphum. Quare in gustu non est tantum de multiplicatione specierum, sicut in visu? Solutio. Productio quæ est per gustum, est magis propria & magis naturalis formis natis & exitis, quam productio quæ est per visum, & de hoc experientiam habemus, in quantum animal viuere potest sine visu, & sine gustu non, & in hoc passu cognoscitur quod hoc quod natura facere potest cum paucis speciebus, non habet appetitum quod hoc faciat cum pluribus, & cum

678. Quæst. centum formarum.

illud quod facere nō potest cum paucis speciebus appetit, quod illud faciat cum pluribus. Separabilitas & inseparabilitas quomodo sunt formæ sensus? Solutio. ibidem ad vigesimum quartum paragraph. Ab oculis Martini qui visum perdidit, est separata potentia sensitiva? Solutio. In nullo instrumento sensuali sensitiva radicaliter se diuidere potest ab arbore elementalī & vegetali, sed instrumentaliter per priuatam dispositionem trium formarum, videlicet vegetatiuæ, elementatiuæ & sensitiuæ, à quibus separatus est ordo organi sensati. Et hoc apparet in figura instrumenti artificialis, sicut ioculator qui manifeste non ponit notam, quam habet in suo corde cum viella, quæ temperata non est nec disposita ad sonandum. Possibilitas & impossibilitas quomodo sunt formæ sensus? Solutio. Vade ad rub. virtutis ad vigesimum quintum parag. In sensu quomodo vna possibilitas est ex pluribus, & quomodo plures possibilitates amissæ sunt per vnā simplicem impossibilitatem? Solutio. Ex possibilitate elementatiuæ, vegetatiuæ & sensitiuæ, est communis possibilitas, ratione cuius potest esse vna arbor sensualis. Et qui aliquod ex nouem accidentibus generalibus traheret à substantia, impossibile esset illam substantiam esse. Substantia sensata, quomodo est ex similitudinibus? Solutio. Vade ad rub. virtutis ad vigesimum sextum paragr. Per quam naturam sunt dissimiles actus sensuum particularium? Solutio. Ita viuūt sensus communis ex dissimilitudinibus arboris elementalī & vegetali, sicut ex similitudinibus illarum. Natura, corporalitas & transmutatio quomodo sunt formæ substantiæ sensatæ? Solutio. Vade ad rub.

virtutis ad vigesimum septimum paragraph. Potentia visiva est de principiis corporalibus? Solutio. Qui de Martino vnum oculum extraheret, esset transmutata in alio oculo natura, & virtus illius cum subiecto corporali, sine quo transmutatio fieri non posset, nec ille oculus posset suam multiplicare. In videndo lux & umbra quomodo sunt formæ sensus visitiui? Solutio. Vade ad rub. virtutis ad vigesimum octauum paragraph. Quare oculi de nocte non vident, cum ita sit, quod lux sit vna de partibus suis essentialibus? Solutio. Lux quæ est intra in operatione poni non potest: si non habet lucem, quæ est extra, quæ sit sibi instrumentum videndi. Sensus quomodo est punctualis, & quomodo est de lineis & de natura superficiei constitutus? Solutio. Vade ad rubri. virtutis ad vigesimum nonum paragr. Auditui est superficies necessaria? Solutio. Si superficies non esset in tactu, qui sit in aëre, sonus esse non posset. Rectitudo & figura quomodo sunt principia sensus? Solutio ibidem ad trigessimum paragraph. In auditu est necessaria figura? Solutio. Si figura non esset instrumentum auditus, vocem asini & philomenæ acciperet sensus auditus in eadem specie. Sensus est de masculinitate & fœmineitate? Solutio. Vade ad rub. virtutis ad trigessimum primum paragraph. Vox est masculina aut fœminina? Solutio. Vox est de essentia soni & actus illius, & sonus est ex actibus partium fœmininarum & masculinarum. Et vade ad rubricam virtutis ad eundem paragraph. Sensus communis per quam naturam requirit membra & instrumenta ad vtendum sua virtute? Solutio ibidem ad trigessimum secundum paragraph. Differentia sensus est per differentiam membrorum

membrorum & instrumentorum, aut propriè per sensum? Solutio. Inquantum sensitiva est de differentia, habet propriam naturam sentiendi differenter diversa obiecta per species, & inquantum membra & instrumenta sūt de differentia, est appropriata natura sensitivæ membrorum & instrumentorum, quod per illam differenter attingit obiecta. Et in hoc passu multum est de Philosophia. Nutrimētum & impressio quomodo sunt formæ sensus? Solutio. Vade ad rubricam virtutis ad trigessimū paragraph. Insertio & perfectas sunt partes sensus? Solutio ibidem ad trigessimūquartū paragraph. Sensitiva potest esse per seipsam hoc quod est? Solutio. Nulla forma quæ sit in alia inserta, potest esse per seipsam sine influentia illius in qua inserta est. Individuitas & attractio sunt partes sensus? Solutio. Vade ad rubricam virtutis ad trigessimūquintū paragraph. In sensu est attractio de passionē ad actionem, & de actione ad passionem? Solutio. Si aer sibi calorem ignis attraheret in illa attractione esset aer forma activa, & ignis passiva, & ignis calorem suum non daret aëri. Necessitas & contingentia sunt formæ sensus communis? Solutio ibidem ad trigessimūsextū paragraph. Cæcitas est per sensitivam, aut per elementativam & vegetativam, & idem queritur de amaritudine quam gustus sentit in pomō dulci, & sic de aliis formis quæ eveniunt per contingentiam in aliis sensibus? Solutio ibidem ad eundem paragraph. Perfectio & imperfectio sunt partes sensus? Solutio ibidem ad trigessimūseptimū paragraph. Cæcitas in sensu est ita de necessitate imperfectionis sicut visus de perfectione? Solutio. In homine muto est verbum per con-

tingentiam affatus & per necessitatem imperfectionis quæ est causa surditiei, & in hoc passu multum est de Philosophia. Vita & color sunt formæ sensus communis? Solutio ibidem ad trigessimūoctavū paragraph. Cum color obiectum sit visus, & visus sit de vita, est color de essentia vitæ sensualis? Solutio. Si color esset de essentia visitiva, pōmum quod habet colorem esset sensatum, non est ergo color de essentia sensitivæ, sed est instrumentum videndi. Sonus, odor & sapor sunt partes sensitivæ? Solutio. Partes quæ sunt essentielles substantiæ, sunt vnum, partes quæ sunt instrumentales, sunt aliud. Et vade ad rubricam virtutis ad trigessimūnonū paragraph. Tangibilitas & affabilitas sunt passionēs essentielles sensus communis? Solutio. In omnibus formis passivis sensus communis est distinctio: quoniam quædam formæ sunt intra, quæ cum formis activis sunt de essentia sensus, & formæ quæ sunt extra sunt instrumenta, quæ non sunt de sua essentia nec de sua specie. In affatu est actus, qui sit de essentia affatus? Solutio. Sicut auditus est per tangere, & ille tactus est in specie auditus, licet non sit de essentia auditus, ita affatus est per tactum, licet ille tactus non sit de specie affatus. Et in hoc passu cognoscitur, quod instrumenta extra non sunt de essentiis potentiarum intra. Et vade ad rubricam virtutis ad quadragessimū paragraphum. Vigilare & dormire sunt partes sensus communis? Solutio. Si dormire esset pars sensus communis omne corpus sensatum in dormiendo sentiret. Et si vigilatio esset pars sensus nullum corpus sensatum dormiret. Vigilare & dormire quomodo sunt instrumenta sensus communis? Solutio ibidem ad quadra

quadragessimoprimum paragraphu. Gaudium & tristitia sunt de essentia sensus communis? Solutio. Existente pipere ex elementis per essentiam. & de eorum qualitatibus est semper in calefacere, humefacere, & frigefacere, & in deliccare. Et quia substantia non est in eodem tempore in gaudio & in tristitia, gaudium & tristitia non sunt de essentia sensus, sed sunt instrumenta illius. Et hæc instrumenta sunt moraliter habituata & deriuata ex illis quæ sunt intra, quæ sunt de essentia sensus, in quantum placitum naturale. Et in hoc passu multum est de Philosophia, cum quo attingi possunt plura secreta naturalia. Horribilitas quam habent homines in videndo turpes figuras, per quam habent tristitiam est de essentia sensus? Solutio. Illa horribilitas quæ est in practica, est moralis & instrumentalis, & est priuatio actus placiti naturalis qui est de essentia sensus. Et vade ad rubricam virtutis ad quadragessimusecundum paragraph. Sanitas & infirmitas sunt de essentia sensus? Solutio ibidem ad quadragessimutertium paragraph. Cum leo sit infirmus ubi est sua sanitas? Solutio. In aqua calida sua frigiditas est in potentia. Industria leonis est de essentia suæ sensitiuæ? Solutio. ibidem ad quadragessimuquartum paragraph. Industria leonis est naturalis aut moralis? Solutio. Industria leonis, & ita de aliis animalibus, naturalis est per elementatiam & vegetatiuam, & est moralis per sensitiuam, quæ quidem moralis est figura naturalis extra quæ est similitudo per accidens industriæ substantialis, quæ est intra: idcirco cum leo natus est, statim habet industriam lactandi: quoniam forma naturalis quæ est intra, mouet formam moralem accidentalem quæ

est extra. Et in hoc passu multum est de Philosophia. Substantia, essentia & ens quomodo sunt differentes in sensitiua? Solutio ibidem ad quadragessimuquintum paragraph. In quæstionibus peregrinis quomodo potest haberi solutio per centum formas? Solutio. Secundum modum quem tenuimus in applicatione formarum in sensitiua, & secundum modum quæ tenuimus in aliis quæstionibus huius arboris scientiæ potest haberi modus inueniendi veras conclusiones quæstionum peregrinarum. Et vade ad rubricam antedictam.

*De Quæstionibus habitus huius
Scientiæ.*

Secundum decem regulas tabulæ generalis proponimus decem facere quæstiones, vt compleamus numerum quatuor mille quæstionum, & quod cū illis cōseruetur habitus huius arboris scientiæ. Vtrum hæc arbor scientiæ sit generalis? Solut. Hæc arbor scientiæ generalis est, quia est de generalibus principiis, secundum quod in suis radicibus apparet, & est generalis, quia est de sexdecem arboribus, quæ generales sunt ad omnem habitum scientiæ. Hæc arbor quid est? Solutio. Est inuentio & complementum generalium Theoricarū & practicarum quæ constituunt generalem habitum sciendi. Hæc arbor de quo est? Solutio. Materialiter est de sexdecem arboribus, quas in se continet, & quæ sunt suæ partes secundum quod in ipsa apparet, & est de generali habitu sciendi secundum finem. Hæc arbor quare est? Solutio. Hæc arbor est formaliter, quia est de sexdecem arboribus quæ sunt suæ partes, & est finaliter, vt Raymundus

dus qui non habet aliquem cui pos-
 set perfecte suam generalem artem
 ostendere, significare valeat per hanc
 arbo. scientiæ generalem intellectum
 qui haberi potest per suam artem
 ad omnes scientias, quoniam per hanc
 arbo. potest ille generalis intellectus
 cognosci. Et homo qui habet in-
 tellectum fundatum, humilem &
 legalem, poterit hanc arbo. per seipsū
 studere & addiscere. Hæc arbor quā-
 tum est magna? Solutio. Vade ad
 folia suarum arbo. ad loca de quanti-
 tate, & cum illis quantitativis poteris
 cognoscere quantum hæc arbor est
 magna, & idem facere poteris de suis
 aliis prædicamentis & de suis substan-
 tiis. Subiectum huius arboris scien-
 tiæ quod est? Solutio. Subiectum hu-
 ius arboris est illud, per quod huma-
 nus intellectus acquirit vniuersalem
 habitum sciendi. Hæc arbor in quo
 tempore fuit inuenta? Solutio. Hæc
 arbor inuenta est anno incarnationis
 Domini Dei Nostri. M. C C X C V.
 à die sancti Michaëlis vsque ad diem
 Kalendarum aprilis. Hæc arbor vbi
 est cōpilata? Solutio. Hæc arbor cōpi-
 lata est in ciuitate Romæ, & in altari
 beati Petri posita, & Domino nostro
 Iesu Christo, & Domine nostræ, ange-
 lis & sanctis quorum corpora Romæ
 quiescunt commendata. Practica dis-
 cursus & applicatio huius arboris quo-
 modo haberi potest in quæstionibus
 peregrinis? Solutio. Vade ad deci-
 mum sextum arborem quæstionalem,
 & teneas modum in soluendo quæ-
 stiones peregrinas, quem tenuimus in
 soluendo quæstiones huius arboris:
 applicando quæstiones peregrinas ad
 ad illas arbores quæ sunt generales
 terminis earum. Habitus huius sci-
 entiæ cum quo conseruari potest? So-

lutio. Imaginando frequenter & re-
 colendo arbores speciales huius arbo-
 ris generalis conseruari potest gene-
 ralis habitus scientiæ, quam homo ha-
 bere potest per ipsum. Et gloria de-
 tur Deo. Amen.

De fine huius arboris.

Finiuit & compleuit Raymundus
 hanc arbo. cum iuamine & gra-
 tia Dei quem laudauit & benedixit,
 quia sibi gratiam fecit in principio, in
 medio, & in fine huius arboris, & quia
 ipsum de labore magno liberauit. Et
 à Deo misericordiam petiit, si in ali-
 quo negligens fuerit in tractatu huius
 arboris: & si in aliquo errauit in ipsa,
 ex certa scientia non errauit, sed igno-
 ranter. Et supplicat sancto Patri Do-
 mino Papæ & suis fratribus quod hūc
 librum gratanter accipiant, & ipsum
 corrigant, si in se aliquem errorem cō-
 tineat, & quod ipsum approbent &
 multiplicent: quoniam magnum bo-
 num ex hoc sequi posset, secundum
 quod in suo processu apparet. Ante-
 quam Raymundus à Monacho com-
 meatum accepisset, diu considerauit,
 Monachus petiit à Raymundo de quo
 considerabat, Raymundus respondit,
 & dixit, quod ipse considerabat, quod
 hæc arbor scientiæ primo esset alicui
 sanctæ personæ præsentata, quæ habe-
 ret valde altum intellectum, & quod
 ipse præsentaret ipsam Domino Papæ
 & Dominis Cardinalibus. Raymun-
 de (dixit Monachus) & quis erit illa
 persona? Respondit Raymundus, &
 dixit, quod ipse spem habebat, quod
 aliquis sanctus homo ipsam adhuc
 præsentaret ad honorem Dei. Cum
 sit laus & gloria. Amen.

TABVLA ARBORVM IN HOC
volumine contentarum.



<i>Arbor elementalis.</i>	fol. 2
<i>Arbor vegetalis.</i>	50
<i>Arbor sensualis.</i>	57
<i>Arbor imaginalis.</i>	79
<i>Arbor humanalis.</i>	92
<i>Arbor moralis.</i>	123
<i>Arbor imperialis.</i>	164
<i>Arbor apostolicalis.</i>	181
<i>Arbor caelestialis.</i>	241
<i>Arbor angelicalis.</i>	257
<i>Arbor æternalis.</i>	272
<i>Arbor maternalis.</i>	287
<i>Arbor christianalis.</i>	297

<i>Arbor diuinalis.</i>	339
<i>Arbor exemplificalis.</i>	378
<i>Arbor quaestionalis.</i>	443

Finis tabula arborum.

Opus præclarum & valde mirabile Arbor scientiæ vocatum, à multum Reuerendo magistro Raymondundo Lullio editum, in quo omnium scientiarum traditur notitia, finem operatum accepit in inclyta vrbe Lugdun. opera Gilberti de Villiers. Impensis verò Magistri Guilhelmi Huyon, & Constantini Fradin ibidem commorantes. Anno salutis Millefimo quingentesimo decimoquinto quarto Nonas Maij.

INTRO

INTRODVCTORIVM

magnæ artis Generalis Reue-
rendissimi Doctoris illuminati
Magistri Raymundi Lullij , ad
omnes scientias vtilissimum.

RRrr 2

INTRO



INTRODVCTORIVM MAGISTRI
RAYMVNDI LVLLII
INCIPIT INTRODVCTORIVM
magnæ artis generalis Reueren. Doctoris
illuminati Magistri RAYMVNDI
LVLLII ad omnes
scientias.



*Q*UONIAM omnis scientia est ex vniuersalibus : vt per vni-
uersalia sciamus ad particularia descendere , & de ipsis red-
dere rationem , propter hoc sequuntur vniuersalia infra scri-
pta : vt intellectus per ipsa ad intelligendum in mate-
riis pluribus valeat exaltari : principia artis generalis sunt nonem , &
regule etiam sunt nonem , velut in tabula sequenti apparet.

Principia transcendentia.

B	Bonitas.
C	Magnitudo.
D	Æternitas.
E	Potestas.
F	Sapientia.
G	Voluntas.
H	Virtus.
I	Veritas.
K	Gloria.
	Infinitas.

Questiones.

Verum.
Quid.
De quo.
Quare.
Quantum.

Quale.
Quando.
Vbi.
Quomodo.
Cum quo.

Subiecta.

B	Deus.
C	Angelus.
D	Cælum.
E	Homo.
F	Imaginatiua.
G	Sensitiua.
H	Vegetatiua.
I	Elementatiua.
K	Instrumentatiua.

Principia instrumentalia.

Differentia.

Concor

Raymundi Lullij.

Concordantia.
Contrarietas.
Principium.
Medium.
Finis.
Maioritas.
Æqualitas.
Minoritas.

Regula.

Possibilitas.
Quidditas.
Materialitas.
Formalitas.
Quantitas.
Qualitas.
Temporalitas.
Localitas.
Modalitas & instrumentalitas.
Societas.

Virtutes.

Iustitia.
Prudentia.
Fortitudo.
Temperantia.
Fides.
Spes.
Charitas.
Patientia.
Pietas.

Vitia.

Avaritia.
Gula.
Luxuria.
Superbia.
Acedia.
Invidia.
Ira.
Mendacium.
Inconstantia.

Opposita Principiorum transcendentium.

Malitia.

Prauitas.
Priuatio boni.
Impotentia.
Ignorantia.
Odibilitas.
Vitium.
Falsitas.
Pœna.

Opposita virtutum.

Iniustitia.
Imprudentia.
Debilitas.
Distemperantia.
Infidelitas.
Desperatio.
Odium proximi.
Impatientia.
Impietas.

Opposita vitiorum.

Liberalitas.
Sobrietas.
Continentia.
Obedientia.
Feruor agendi bonum.
Amor proximi.
Suauitas.
Verum testimonium.
Quies.

Opposita principiorum instrumentalium.

Confusio.
Discordantia.
Concordantium mala.
Ocium.
Vacuum.
Inquies.
Minoritas mali.
Inæqualitas.
Maioritas mali seu culpæ.

Opposita oppositorum vitiorum.

Prodigalitas.

Introductorium magnæ artis generalis

Infobrietas.
Incontinentia.
Inobedientia,
Male agens corde.

Odium proximi.
Rixatio.
Contradictio mentis.
Inquietas anxietatis.

B Bonitas est ens ratione cuius bonum agit bonum: & sic bonum est esse, & malum non esse.

C Magnitudo est ens ratione cuius bonitas: siue duratio sunt ambientis extremitatis essendi magister.

D Aternitas siue duratio est ens ratione cuius bonitas, magnitudo, &c. durant.

E Potestas est ens ratione cuius bonitas, magnitudo, &c. possunt existere & agere.

F Sapientia est ens ratione cuius sapiens intelligit.

G Voluntas est ens ratione cuius bonitas, magnitudo, &c. sunt volubilia.

H Virtus est origo vnionis, bonitatis, magnitudinis, in vno bono, magno, &c.

I Veritas est illud quod est verum de bonitate, magnitudine, &c.

K Gloria est ipsa delectatio in: qua bonitas, magnitudo, &c. quiescunt.

Differentia est proprietas ratione cuius bonitas, potestas, &c. sunt rationes clara & inconfuse.

Concordantia est id ratione cuius bonitas, voluntas, &c. in vno & in pluribus concordant, & quorundam mutua conuenientia in eodem puncto propter eundem finem.

Contrarietas est quorundam mutua resistentia propter diuersos fines.

Principium est id quod se habet ad omnia ratione alicuius proprietatis, prioritatis.

Medium est ipsum subiectum per quod finis influit principio, & principium refuit fini sapiens naturam vtriusque.

Finis est id in quo principium quiescit.

Maioritas est imago immensitatis, bonitatis, magnitudinis.

Equalitas est ipsum subiectum in quo finis concordantia, bonitatis, potestatis, &c. quiescit.

Minoritas est ens circa nihil.

Species Questionum.

B Vtrum. {
Dubitatio.
Affirmatio.
Negatio.

E Quare. {
Formaliter.
Finaliter.

C Quid. {
Est in se.
Habet in se.
Est in alio.
Habet in alio.

F Quantum. {
Continuè.
Discretè.
Propriè.

G Quale. {
Appropriatè.

D De quo. {
Primitiuè.
Materialiter.
Possessiuè.

H Quando. {
& quandiu, ex
quo tempore,
viquequo. {
significat litte-
ras. {
E
D
K

Raymundi Lullij.

I Vbi.	{ significat litteras.	{ E D K	{ multitudinem & suarum partium.
k Quomodo. Situm esse.	{ 1 Est pars. 2 Pars est in parte. 3 Partes sunt in toto & è conuerso.	Cum quo; Habere.	{ 1 Est pars. 2 Pars est in parte. 3 Partes sunt in toto & è conuerso. Totum transmittit extra se suam similitudinem & suarum partium.
Et	{ Totum transmittit extra se suam si-		

Species principiorum instantialium.

Differentia.	{ Inter	{ Sensuale & sensibile.
Concordantia.		{ Sensuale & intellectuale.
Contrarietas.		{ Intellectuale & intellectuale.

Principium.	{ Causa. Quantitas Tempus.
-------------	----------------------------------

Medium.	{ Coniunctionis. Mensurationis. Extremitatum.
---------	---

Finis.	{ Perfectionis. Terminationis. Priuationis.
--------	---

Maioritas.	{ Inter	{ Substantiam & substantiam.
Æqualitas.		{ Substantiam & accidens.
Minoritas.		{ Accidens & accidens.

Sensualē dicitur illud ens quod sentit, vel potest sentiri per sensus, scilicet videndo, audiendo: item sicut lapis & arbor, & qualibet res.

Intellectuale est illud ens quod est spirituale natura, sicut Deus, Angelus, anima rationalis, &c.

Causa est principium per cuius operationem sequitur causatum, quod est eius effectus.

Effectus dicitur illud causatum quod deductum est in esse per operationem causa.

Causa efficiens est illud agens quod efficit seu producit effectum: sicut Deus qui mundum creauit, &c.

Causa materialis est illa ex qua res est secundariè: sicut corpus in homine, ferrum in cultello.

Causa

Introductorium magnæ artis generalis

Causa formalis est illa per quam res principaliter existit, & per illam in sui esse conseruatur, sicut anima rationalis in homine: & vegetatiua in arbore, &c.

Causa finalis est illa propter quam res principaliter fit seu effecta est, sicut Deus: qui est causa finalis cuiuslibet creaturæ, & habitare domus, &c.

Substantia est id quod existit per se & in se: sicut Deus, Angelus, homo, &c.

Accidens est id quod non existit per se, nec in se: sicut albedo, sanitas, virtus, vitium, scientia, & sunt nouem genera accidentium, scilicet quantitatis, & qualitatis, &c.

Quantitas est accidens per quod entia sunt quantificata, finita & terminata, &c.

Qualitas est accidens per quod entia sunt qualia seu determinata, sicut qualitas grammaticalis.

Relatio est illud accidens per quod vnum ens respicit aliud de necessitate: vt relatio magistri ad discipulum, Patris ad Filium.

Actio est operatio agentis super passum, vt Dominus super vasallum, mantellus super clauum.

Passio est operatio patientis sub agenti, vt calefacti sub calefaciente.

Habitus est accidens de quo subiectum induitur, vt albedo in albo, scientia in sciante.

Situs est debita & ordinata positio partium in toto, & è conuerso, vt tectum in parietibus, & tignum in domo.

Tempus est accidens in quo entia omnia principiantur, vt tempus mundi.

Locus est accidens per quod entia collocantur & continentur quedam in aliis, vt locus quem habet qualibet substantia corporea.

Medium coniunctionis est illud quod diuersa coniungit ad vnum, sicut clauus duos postes.

Medium mensurationis est illud per quod equalia mensurantur, vt per punctum circuli alie partes circuli, &c.

Medium extremitatum est illud quod existit inter extrema: vt paries inter tectum & fundamentum.

Finis perfectionis dicitur ille, in quo res perficitur, siue illud propter quod res facta est finaliter: sicut Deus qui est perfectio hominis, & homo suarum partium.

Finis terminationis dicitur terminus rei: vt terminus regni, campi, &c.

Finis priuationis dicitur non esse in quo res desinit, siue non esse in quo suum esse desinit naturaliter, moraliter, viriliter, artificialiter, vt mors, peccatum, disruptio, &c.

De Nouem subiectis generalibus.

NOuem subiecta generalia antedicta debent tractari cum quatuor conditionibus, scilicet cum diffinitione, differentia, concordantia & maioritate. Cum diffinitione videlicet, vt quodlibet subiectum habeat suam propriam diffinitionem cum qua cognoscatur & differat à quocunque alio. Cum differentia videlicet, quod

differentia quæ est inter vnum subiectum & aliud, conseruetur. Cum maioritate, videlicet secundum quod vnum subiectum est altius & nobilius, quælibet aliud tribuantur sibi altiora & nobiliora principia, & diffinitiones regulæ & species earum sequendo & conseruando diffinitionem differentie in concordantiam & maioritatem, prædictum est.

In entibus irrationabilibus sensuabilibus

Raymundi Lullij.

libus loco sapientię ponitur instinctus, loco voluntatis appetitus, & pro gloria delectatio, loco memorię recolitus.

contrarietate. Et potest tractari per decem quęstiones, quęrendo vtrum cęelum, &c. sequendo quatuor conditiones antedictas.

De primo subiecto quod est Deus

Deus est illud ens in quo bonitas, magnitudo, æternitas, &c. suę dignitates sunt vnum idem numero, & Deus est illud ens quod habet in se omne complementum, & nullo indiget extra se. Deus est bonitas, magnitudo, æternitas, &c. suę dignitates absque contrarietate, maiore & minore.

De Deo potest homo tractare per decem quęstiones generales, quęrendo seu inuestigando, vtrum Deus, quid Deus, de quo Deus, &c. sequendo quatuor conditiones prædictas, affirmando in Deo omnem perfectionem, & negando seu remouendo omnem defectum.

De Angelis.

Angelus est substantia intellectualis creata, Deo similior natura & simplicitate quam alia creatura: in angelo est essentialis & naturalis bonitas, magnitudo, duratio, &c. excepta contrarietate. Et potest tractari per decem quęstiones, quęrendo vtrum Angelus. Quid Angelus, &c. sequendo quatuor conditiones iam dictas.

De Cælo.

Cælum est illud corpus, quod habet magis extensam magnitudinem quam aliud corpus.

Cælum habet essentialem bonitatem, magnitudinem, instinctum, appetitum, delectamentum, &c. absque

De Homine.

Homo est substantia sensualis & intellectualis, vel est animal hominificans, vel cui propriè competit hominificare. Homo habet naturalem, essentialem, bonitatem & magnitudinem, &c. dupliciter, scilicet sensualem & intellectualem, quia est compositus ex anima rationali & corpore. Et est anima rationalis forma intellectualis informans ipsum corpus hominis, dans sibi humanum esse & conseruans illud in humana specie. Et habet essentialiter tres potentias, scilicet memoriā, intellectum & voluntatem, cum quibus agit quicquid agit. Et hominis corpus constitutum est ex elementatiua, vegetatiua, sensitiua, imaginatiua, motum ad suas operationes per formam prædictam. Et potest tractari per decem quęstiones, inuestigando de homine per vtrum, quid, de quo, &c. sequendo conditiones iam dictas.

De Imaginatiua.

Imaginatiua est potentia, siue pars animalis, per quam ipsum animal imaginatur illa quę fuerunt sibi corporalibus sensibus præsentata: & habet essentialem & naturalem bonitatem, magnitudinem, instinctum, appetitum, delectationem, &c. absque essentiali contrarietate. Et habet tres potentias sibi coessentialēs, scilicet instinctiuam, appetitiuam, recollectiuam. Et potest cognosci quęrendo de ipsa per vtrum, quid, de quo, &c. sequendo

Introductorium magnæ artis generalis

De Sensitiua.

Sensitiua est potentia cum qua animal sentit sensibilia, scilicet visibilia, audibilia, &c. Et habet essentialem & naturalem bonitatem, magnitudinem, &c. Et potest cognosci querendo de ipsa per vtrum, quid, de quo, &c. Et habet sex sensus particulares, scilicet visum, auditum, gustum, tactum, odoratum & affatum, in quibus ipsa diuersificatur: & similiter sua principia essentialia & sua particularia debent cum quatuor conditionibus tractari.

De Vegetatiua.

Vegetatiua est potentia per quam fit naturaliter transmutatio de vna substantia in aliam, sicut de pluuia in plantam, & de cibo in carnem, &c. Et habet essentialem & naturalem bonitatem, magnitudinem, instinctum, appetitum, delectationem, &c. sine essentiali contrarietate habet etiam quatuor potentias cum quibus naturaliter operatur, scilicet appetitiuam per quam appetit attrahere ad subiectum, per retentiuam retinet, per digestiuam digerit retentiuum, per expulsiuam expellit hoc quod subiecto non competit. Et potest tractari de ipsa cum decem quaestionibus, scilicet vtrum, quid, &c. sequendo quatuor conditiones prædictas.

De Elementatiua.

Elementatiua est ens naturale, seu potentia in elementatis, per quam elementa intrant compositionem, & existunt vt agant in ipsis elementatis quæ de ipsis componuntur. Elementa

sunt quatuor, scilicet ignis, aer, aqua, terra. Ignis est calidus & siccus, levis & lucidus. Aer humidus, calidus, levis, dyaphanus. Aqua ponderosa, frigida, humida, alba. Terra sicca & frigida, ponderosa, & nigra. Elementatiua habet bonitatem, magnitudinem, &c. cum contrarietate ratione elementorum quæ sunt contraria per suas qualitates proprias & appropriatas. Potest inuestigari per decem quaestiones generales, scilicet vtrum, quid, de quo, & sic de quolibet elementatiuo quorum quodlibet habet suam propriam essentialem ac naturalem bonitatem, magnitudinem, &c. Et potest tractari cum decem quaestionibus generalibus sequendo quatuor contradictiones prædictas.

De Instrumentatiua.

Instrumentatiua est potentia, siue habitus per quam fiunt opera non naturalia, sicut artificialia & huiusmodi: & continet tres species, scilicet moralitates, artes liberales, & sciencias alias, & artes mechanicas. In instrumentatiua est bonitas, magnitudo, &c. suo modo in generali, & qualibet suarum specierum habet bonitatem, magnitudinem, &c. differentem ab alia secundum quod sunt differentes inter se. De instrumentatiua generaliter & specialiter tractat Artista generalis cum decem quaestionibus, & hoc idem de speciebus, quia in ipsa & sub ipsa continentur, & etiam de quolibet contento sub quolibet regulando semper quatuor conditiones generales supra dictas, quæ sunt diffinitio, differentia, concordantia & maioritas.

De

Raymundi Lullij.

De Virtutibus.

Iustitia est virtus per quam iustus reddit unicuique quod suum est, scilicet Deo, sibiipso, & proximo suo.

Prudentia est virtus per quam prudenter agit eligendo, euitando, & providendo. Eligendo scilicet bonum, & citius magis bonum, & euitando malum & citius magis malum, providendo scilicet circa possibilia & impossibilia, vtilia & in vtilia, &c.

Fortitudo est virtus cum qua homo fortis fortificat suam animam contra vitia, ut virtutes valeat adipisci.

Temperantia est virtus per quam temperant suam animam & actus temperat inter duas extremitates contrarias in quantitate secundum maius, par, paruum.

Fides est virtus cum qua homo credit id esse verum quod non sentit neque intelligit, & cum qua ascendere potest ad intelligendum supra suas vires naturales cum respectu totius hominis.

Spes est virtus per quam sperans sperat à Deo auxilium, veniam, ac premium vel gloriam.

Charitas est virtus cum qua voluntas ascendit ad diligendum Deum & proximum suum supra posse suum naturale. Vel sic. Charitas est virtus per quam charitativius diligit Deum super omnia, seipsum, proximum æqualiter in Deo & propter Deum.

Patientia est virtus cum qua homo suffert passionem in pace & absque ira cordis.

Patientia est habitus cum quo patiens vincit, & non vincitur.

Pietas est virtus cum qua voluntas movet se ad habendum dolorem de languoribus proximi sui.

Pietas est habitus cum quo prius dolet de dolore proximi sui.

Deffinitiones Vitiorum.

Avaritia est vitium devians bonum à fine propter quem creata sunt.

Avaritia est vitium cum quo bona à suo fine deviantur, qui est servire homini iuste, prudenter, &c.

Gula est vitium quod sapius priuat abstinentiam & temperantiam, quam aliquod vitium aliud, ideo est peccatum per quod homines plus moriuntur, quam per aliud peccatum.

Gula est vitium per quod gulosus de se priuat abstinentiam & temperantiam per maius comedere & bibere, & immoderatum appetitum ipsorum.

Luxuria est vitium per quod homo vititur suis potentiis indebitè contra congruitatem continentie.

Luxuria est vitium cum quo luxuriosus deviat carnalem copulam ab ordine & finali intentione propter quas sunt.

Superbia est vitium cum quo homines appetunt honores qui eis non conveniunt.

Accidia est habitus cum quo accidiosus pigritiam habet in faciendo bonum, & euitando malum, & habet placitum de malo aliorum, & tristitia de eorum prosperitate.

Invidia est vitium per quod invidus iniuste desiderat bona alterius, & habet placitum de malo aliorum, & tristitiam de eorum prosperitate.

Ira est vitium per quod voluntas sine deliberatione odit bonum, & diligit malum.

Ira est vitium cum quo iratus ligat suam libertatem & deliberationem contra refranatam voluntatē regulatam sub patientia, & propter hoc desi-

Introductorium magnæ artis generalis

derat malum, & odit bonum.

Mendacium est vitium, cum quo mendax falsè & vitiosè quod habet in mente, profert ore.

Inconstantia est vitium, cum quo inconstans multifariè variabilis est.

Sequuntur centum forma.

Entitas.
Essentia.
Vnitas.
Pluralitas.
Abstractum.
Concretum.
Natura.
Genus.
Species.
Dispositio.
Proportio.
Intentio.
Instans.
Intensitas.
Extensitas.
Continuitas.
Contiguitas.
Hyle huc chaos.
Indiuiduitas.
Simplicitas.
Compositio.
Forma.
Materia.
Corpus.
Rectitudines.
Punctus.
Linea.
Sphæra.
Ratio.
Vacuum.
Vniuersale.
Particulare.
Proprietas.
Translatio.
Alteratio.
Generatio.

Angulus.
Figura.
Triangulus.
Quadrangulus.
Circulus.
Superficies.
Instinctus.
Appetitus.
Morus.
Corruptio.
Priuatio.
Infinitas.
Comprehensio.
Capacitas.
Existentia.
Potentia.
Obiectum.
Actus.
Immobilitas.
Successio.
Attractio.
Receptio.
Significatio.
Nouitas.
Monstruitas.
Color.
Vmbra.
Necessitas.
Contingens.
Fortuna.
Occasio.
Diffinitio.
Quæstio.
Obstinatio.
Opinio.
Suppositio.
Demonstratio.
Punctus transcendens.
Idea.
Prædestinatio.
Prædicatio.
Libertas.
Creatio.
Misericordia.
Crimina.

Scientia.

Raymundi Lullij.

Scientia.
Ars mechanica.
Ars liberalis.
Ars moralis.
Ars generalis.
Theologia.
Philosophia.
Astrologia.
Geometria.
Musica.
Rhetorica.
Logica.
Grammatica.
Medicina.
Moralitas.
Ius.
Militia.
Politica.

Diffinitiones centum formarum.

ENtitas est illud, per quod ens est
ens, & producit siue agit ens ita:
sicut bonitas est id per quod bonum
est bonum, & agit bonum.

Essentia est illud, per quod est esse:
sicut per humanitatem est homo &
per entitatem est ens.

Vnitas est ens, per quod vnum est
vnum, & agit seu producit vnum.

Pluralitas est rerum aggregatio ali-
quo modo diuersarum.

Abstractum est essentia rerum: sicut
albedo albi.

Concretum est ens, in quo susten-
tatur abstractum quod est sua essen-
tia.

Natura est principium, per quod
entia naturalia producuntur naturali-
ter: est duplex, natura scilicet naturans,
vt Deus, & natura naturata, vt creatu-
ra: ideo de natura tractandum est dif-
ferenter secundum quod diuersifica-
tur per diuersa subiecta.

Genus est ens, quod prædicatur de

pluribus differentibus specie: sicut la-
pis qui prædicatur de marmore, ru-
bisso, saphiro, & animal de homine
boue, leone, &c.

Species est, quæ prædicatur de plu-
ribus differentibus numero: sicut ho-
mo de Petro, &c.

Dispositio est priuatio alicuius rei,
ratione cuius ipsa res disponitur ad
aliquem finem: sicut disponere mate-
riam naturalem, vel artificialem ad
formam.

Proportio est ordo graduum ad v-
nam rem, sicut elementa.

Intentio est actus, per quem entia
se habent ad operandum ratione ali-
cuius finis naturalis, artificialis vel ra-
tionalis: & est duplex, scilicet pri-
ma & secunda: prima respicit finem.

Instant est principium & terminus
temporalis.

Intensitas est propinquius simplici
quam composito: vt ignis simplex.

Extensitas per contrarium: vt ignis
intrans elementa.

Contiguitas est actus coniunctio-
nis rerum in extremitatibus, sicut ossa
& caro in corpore.

Continuitas est mixtio partium,
quarum quædam sunt in aliis, sicut
elementa in elementato.

Chaos siue hyle est corpus primum
existens, principium omnium rerum
generabilium & corruptibilium. Et est
corpus ex vniuersali forma & prima
materia constitutum.

Individuum est ens, quod prædi-
catur de vno tantum: sicut Petrus de
seipso, & distat plus à genere quam
species.

Simplicitas est ens, per quod entia
sunt simplicia: ideo quod non sunt
constituta de pluribus essentiis, vt
Deus qui est ens simplex & supre-
mum in simplicitate, eo quod est vna

Introductorium magnæ artis generalis

sola essentia quæ est ipsamet sua bonitas, magnitudo, &c. Pura simplicitas in creaturis aliquid dicitur simplex in quo est vnum per suum numerum, vel per respectum alterius, sicut Angelus, anima, ignis, simplex.

Compositio est aggregatio plurium essentiarum in aliquo esse composito ex multis, sicut homo qui est compositus ex corpore & anima rationali: & sicut elementatum de quatuor elementis, & substantia creata de materia & forma.

Forma est principium essentiale, per quam maxime consistit actio.

Materia est principium essentiale, cui propriè competit passio, & ratione ipsius substantia composita est passiva.

Corpus est substantia habens longitudinem, amplitudinem & profunditatem: sicut lapis, arbor, &c.

Sex sunt rectitudines corporum, scilicet sursum, deorsum, ante, retro, dextrorsum, sinistrorsum.

Punctus est minima pars corporis.

Linea est quædam longitudo extracta composita ex pluribus punctis continuis, cuius extremitates sunt duo puncta.

Sphæra est locus proprius quem appetit quodlibet elementum, vt ignis sursum, terra deorsum. Cœlestis sphæra dicitur circulus in quo sunt situata signa & planetæ.

Ratio est lumen intellectus ad cognoscendum rerum realitates.

Vacuum est illud obiectum in quo non consideratur aliqua entitas. Plenum è conuerso.

Vniuersale est illud ens quod in se continet multa particularia. Particulare è contra.

Proprietas est ens cum quo agens specificè agit: sicut animal, planta,

Translatio est actus naturaliter in translato denudata forma antiqua, & induta forma noua.

Alteratio est mutatio de vna qualitate in aliam remanente substantia eadem: sicut vinum in acetum, sanitas in ægritudinem, virtus in vitium.

Generatio est naturalis operatio, per quam hoc quod est in potentia naturaliter existit in actu, cauendo nouam formam.

Angelus est pars figuræ in quo termini linearum participant acutè vel rectè.

Figura est accidens constitutum ex situ linearum, & habitu superficiiei seu colorum.

Figuræ generales sunt tres: scilicet triangularis, quadrangularis, & circularis.

Triangularis est figura quæ habet tres angulos acutos, tribus lineis contentos.

Quadrangularis est figura quatuor habens angulos rectos siue obliquos, quatuor lineis contentos.

Circulus est figura, vnica linea circulari contenta.

Superficies est superior corporis extremitas, in qua apparet ipsius color.

Instinctus est principium per quod entia naturalia regulantur ad suas operationes naturales secundum speciem suam & naturam: sicut ignis, & animal, & est similitudo intellectus.

Appetitus est principium per quod entia naturalia appetunt hoc quod eis competit, videlicet suam naturam, vt ignis ascendere, homo bibere, comedere, & est similitudo voluntatis.

Motus est principium per quod entia motiua mouent mobilia ad aliquem ignem, & est duplex, scilicet naturalis & artificialis seu violentus motus. Naturales sunt sex: scilicet generatio, corruptio,

ruptio, augmentatio, diminutio, alteratio, & loci mutatio.

Corruptio est opus naturale, per quod id quod est in actu est in priuatione corrumpendo formam antiquam scilicet illam per quam corruptum erat in suo actuali esse.

Priuatio est medium inter generationem & corruptionem, per quod transit esse cum non esse: hæc tria principia generalia sunt in tribus quibus sustentatur cursus naturæ in generabilibus & corruptilibus, scilicet in elementis vegetabilibus & animabilibus.

Infinitas est ens absque termino & mensura. Et est triplex scilicet magnitudine, duratione & numero. Infinitas magnitudinis est immensitas. Infinitas durationis est æternitas. Infinitas numeri est quo ad numerantem, quæ non attingit terminum numeri, licet ipsa res numerata habeat finitum numerum.

Comprehensio est similitudo finitatis & apprehensio: sicut gustando qui cum gustat apprehendit mare salsum.

Capacitas est forma, per quam capax potest comprehendere & attingere entia comprehensibilia per ipsum. Existencia est essentia entis quod existit. Agentia est esse agendi, sed agere est actus existentis, sicut calefacere calidum: benefacere bonum.

Potentia est id quod cum suo actu se habet ad obiectum: sicut visus cum videre, auditus cum audire, & sunt in homine decem potentie naturales: scilicet auditus, visus, gustus, tactus, odoratus, affatus, imaginatio, memoria, intellectus & voluntas, quibus consequenter correspondetur decem modis obiectorum. Alio modo sumitur potentia pro ente quod nondum est, sed potest esse, ut scientia in intellectu, fructus in arbore.

Obiectum est illud ens, quod est apprehensum per potentiam: sicut sapor per gustum.

Actus est opus potentie, cum quo obiectum assumitur à potentia: ut videre visus: similiter actus est duplex, primo quando ens est in esse secundo pro agere ipsius.

Immobilitas est proprietas entis immobilis quæ nullum habet appetitum ad se mouendum: sicut Deus qui est ens immobile, cum sit ens æternum & infinitum in se habens suam perfectionem æternaliter & infinite.

Successio est commutatio de vno in aliud per motum.

Attractio est actus potentie, qui attrahere appetit aliquid secundum suam naturam & proprietatem attrahentis & attracti: ut magnes ferrum, teriaca venenum.

Receptio attractionem sequitur relationali.

Significatio est reuelatio secretorum, cum signo demonstratorum.

Nouitas est ens, per quod subiectum habituatur nouis habitibus, vel noua quantitate.

Monstruitas est deuiatio motus naturæ à principio ad finem, per superabundantiam aut magnam indigentiam, ut sex digiti, vel quatuor tantum, & inde dicitur monstrum.

Color est habitus per figuram contrarius & sunt quatuor colores generales, scilicet luciditas, dyaphanitas, albedo, nigredo.

Vmbra est habitus priuatus lucis vel luminis, & est habitus æris per oppositum terræ denigratus.

Necessitas est illud ens, quod aliter esse non potest. Necessarium est quod nullo modo euitari potest.

Contingens est veniens absque necessitate, & est duplex, scilicet simplex & ne

Introductorium magnæ artis generalis

& necessarium. Contingens simplex est quod nullomodo necessitas est, sicut esse fabrum. Contingens necessarium est alicuius duorum contradictoriorum futura necessitas, ut Petrum saluari vel damari.

Fortuna est accidens inuentum sine intentione fortunati.

Occasio est ens, quod intentione habet ad ea quæ accidere possunt, ut homo ponens lignum in ignem, ut comburatur, est occasio combustionis: medicus sanitatis.

Diffinitio est certa & expressa rei & suatum proprietatum manifestatio.

Quæstio est ignota petitio, per quæ potentie animæ extant ut in suis actibus requiescant, & fit decem modis in quæstionali, scilicet per vtrum, quid, de quo, quare, quantum, quale, quando, vbi, quomodo, cum quo.

Obstinatio est nimia actio memorie & voluntatis circa obiectum, per quam intellectus stat firmatus per falsi affirmationem contra veram negationem: sicut de vitio & amore.

Opinio est suppositio seu credulitas alicuius rei cum dubitatione.

Suppositio est quædam confusio constituta de possibilitate affirmationis, & suæ contrariæ negationis, ut veritas inuestigando possit inueniri.

Demonstratio est manifestatio ignoti per notum aut minus noti per magis notum. Et fit tripliciter, scilicet per quid siue per causam, per quia siue per effectum, & per æquiparentia primo: sicut Sol est igitur dies est; secundo dies est, igitur Sol est: tertio sicut diuina bonitas est infinita & æterna, igitur diuina potestas homo est, quia Dei bonitas & hominis sunt æquales.

Vel demonstratio est necessaria seu consequens apprehensio alicuius particularis positionis vel priuationis pro-

ueniens ex necessaria vel conuenienti positione seu ex impossibili priuatione diffinitionum & proprietatum vniuersalium principiorum & distinctionum, & regularum artis generalis.

Prædicatio est ars, cum qua prædicator informat populum ad habendos bonos mores, & euitandos malos.

Punctus transcendens est instrumentum humani intellectus cum quo attingit suum obiectum iuxta naturas potentialium inferiorum, & attingit supremum obiectum supra suam arduam.

Vel punctus transcendens est altitudo seu difficultas realitatis obiecti, implicans in potentia contradictione, eo quod ipsa potentia de natura sui eum penitus attingere non potest.

Idea in Deo est ens siue obiectum æternaliter per diuinam sapientiam de rebus producentis in tempore, & hæc Idea in Deo est ipsemet Deus. Idea in tempore est similitudo æternæ Ideæ & talis Idea siue similitudo in creatura est creata.

Prædestinatio in diuina sapientia est actus, qui intelligit homines æternaliter electos cum iustitia ad saluationem, & hæc prædestinatio in Deo est Idea quæ est Deus. Prædestinatio est actus diuinæ sapientiæ, qui intelligit reprobandos cum iustitia ad damnationem, & est in Deo Idea Deus.

Libertas est proprietas intellectus, cuius data rationali creature, ut liberè bonum diligit, & malum vitat. Liberum arbitrium est id in anima rationali, per quod liberè se mouet ad bonum vel malum diligendo, vel odiendo, accipiendo vel dimittendo. Et est duplex, scilicet speculatum quando deliberatum faciet vel non, practicum quando electio facta est.

Creatio

Raymundi Lullij.

Creatio in æternitate est Idea , & quia æternaliter per diuinam sapientiam est scita, & per diuinam voluntatem est amata, quæ creatio in æternitate est Idea quæ est Deus.

Creatio in tempore est productio entis de nihilo, & hæc est creatura. Misericordia est parcens culpas & peccata : & misericordia in æternitate est Idea quæ est Deus , sed in prædestinato vel misericordiato est creatura.

Gratia est electio personæ super sua merita, dando bona illis qui non meruerunt.

Scientia est vera & necessariacognitio de rebus habita per verum intelligere.

Scientia generalis est quidam utilis habitus stans applicabilis, ratione cuius omnia scibilia cæterarum scientiarum sunt ad sciendum in potentia ipsius: intellectus humanus imaginatur, qui tripliciter facit scientiam in vna, scilicet in hoc mundo: primo per naturam sensus & imaginationis, secundo per suam naturam supra suam imaginationem.

Tertio supra suam naturam in natura & perfectione supremi, & sic ratio humani intellectus est triplex secundum triplicem modum intelligendi supradictum.

Ars est ordinatio & statutum cognoscendi finem de quo vult hoc habere notitiam, & habet duas species, scilicet artem mechanicam & liberalem.

Ars mechanica est modus lucratiuus manualis ad præbendum subiectum vitæ corporalis.

Ars liberalis est quidam modus sciendi per quem intellectus attingit ad eloquendum quantitates rerum, & sunt septem, scilicet Grammatica,

Logica, Rhetorica, Musica, Geometria, Arithmetica, Astrologia.

Ars moralis est modus ordinandi potentias, apprehendendi per multitudinem suarum actionum & notificationem.

Ars generalis est vniuersale statum omnibus scientiis per sua primitiua & generalia principia in quibus vnitates illarum potestate relucet. Item ars generalis est quoddam Dei donum, ut sit humano intellectui generale instrumentum necessario ad cognoscendum veritates entium in quibus quiescat, ut ab opinionibus & erroribus per verum intelligere sit remorus.

Theologia est scientia humanum intellectum & voluntatem præparans ad cognoscendum & diligendum Dominum Deum nostrum.

Philosophia est scientia per quam intellectus illuminatur ad cognoscendum primam causam per cuius effectum opera secreta Philosophorum naturalia vel moralia cognoscimus.

Astrologia est scientia ad cognoscendum virtutes & motus quos cælum habet in inferioribus corporibus elementalis secundum naturam corporum superiorum, scilicet signorum & planetarum.

Geometria est ars per quam habetur doctrina ad mensurandum lineas, angulos, & figuras & rerum corporalium, longitudes & amplitudines, profunditates.

Arithmetica est ars inuenta ad numerandum multas vnitates.

Musica est ars ad ordinandum plures voces concordantes in vno cantu.

Rhetorica est ars ordinandi verba pulchre & ornate.

Logica est ars docens discernere verum à falso.

Grammatica est ars docens loqui-

Introductorium magnæ artis generalis

pronunciare, & scribere congrue & recte.

Medicina est scientia sanitatem docens conseruare, aut lapsa reducere secundum possibilitatem naturæ in corpore sentato.

Moralitas est habitus extra naturam per quam quis dispositus est agendum bonum vel malum per virtutes aut vitia.

Ius est tribuere vnicuique quod suum est.

Militia est habitus cum quo miles iuuat Principem suum vt possit sustinere iustitiam.

Pollitica est ars cum qua Burgenſes procurant vt litatem publicam ciuitatis,

Prædicatio est ars cum qua prædicator informat populum ad habendos bonos mores & euitandum malos.

Sequuntur propria principia cuiuslibet scientiæ secundum proprium subiectum.

Et primò de Theologia.

Deus est *subiectum* in Theologia, & dicitur subiectū eo quod omnia qua tractat ipsa Theologia diriguntur ad dandum notitiam de Deo. *Finis Theologia* est Deum cognoscere & amare, honorare, laudare & sibi ferre, & cum ipsa Theologia vri virtutibus contra vitia ad perpetuam beatitudinem consequendam. Principia Theologiæ sunt essentia diuina, vita, dignitates, actus, forma, relatio, ordinatio, actio, articuli, præcepta, expositio, prima intentio, secunda intentio.

De Philosophia.

Delectatio sciendi est subiectum in Philosophia, finis cognoscere causam primam & secreta: effectus principiorum sunt prima causa, morus, intelligentia, orbis, forma vniuersalis materia prima, natura, elementa, simplicia, appetitus, potētia, habitus, actus, mixtio, digestio, compositio, alteratio.

De diuisione Philosophiæ.

Philosophia diuiditur in tres partes, quia est naturalis, alia moralis, alia sermocinalis: naturalis est scientia habita de rebus naturalibus cuius tres sunt partes, scilicet Methaphisica, Physica, & Mathematica.

Methaphisica est scientia de rebus spiritualibus transcendentibus, cuius tres sunt considerationes, scilicet diuina, Angelica, & rationalis anima.

Physica est scientia de rebus naturalibus inferioribus in elementis & elementatis.

Mathematica est scientia de rebus naturalibus consideratis in quantitate cuius quatuor sunt partes, scilicet Geometria, Astrologia, Musica, Arithmetica. Geometria considerat de quantitate immobili in corpore. Astrologia de quantitate mobilium in corpore cœlesti.

Arithmetica de numero absolute. Musica de numero relato ad sonum.

Moralis Philosophia est scientia de rebus moralibus cuius tres sunt partes monastica, Iconomica, & politica.

Monastica est scientia de regimine vnius in se: Iconomica de regimine vnius ad plures; politica de regimine plurium ad plures.

Sermocinalis Philosophia est scientia

Raymundi Lullij.

ria considerans de sermone, cuius tres sunt partes, scilicet Grammatica, Logica, & Rhetorica. Grammatica de sermone congruo, Logica de sermone vero, Rhetorica de sermone ornato.

De Iure.

Iustitia est subiectum in iure, finis ut inter gentes sit pax & concordia, & ut cum munditia & honestate Deo seruiatur. Principia sunt Deum diligere, honestè viuere, unicuique quod suum est reddere. Deum diligere est principium ad utendum virtutibus & vitia euadendum: unicuique quod suum est reddere est principium ad satisfaciendum ipsi Deo de se, sibi de se, proximo suo de se.

Vel principia iuris sunt hæc, forma, materia, ius generale, commune, speciale, naturale, positium, canonicum, ciuile, consuetudinale, Theticum, practicum, militare, comparatiuum, antiquum, nouum.

De Medicina.

Sanitas est subiectum in medicina: finis ut corpus sensatum possit habere suas operationes, quæ sibi conueniunt: principia sunt tria, scilicet res naturales, non naturales, contra naturā. Res naturales sunt septem, scilicet alimenta, complexionēs, humores, membra, virtus, operationes, species & quatuor annexa prædictis sunt, ætas, color, figura, distantia inter masculum & fœmineum. Non naturales sunt decem, scilicet cibus, aër, porus, sōnus, vigilia, exercitium, actio, repletio, inanitio, accidentia animæ: Res contra naturam sunt tres, scilicet morbus, causa, accidens.

De Geometria.

Quantitas continua immobilis est subiectum in Geometria, finis cognoscere lōgitudines, amplitudines, & profunditates rerum corporalium: principia sunt decem, scilicet punctus, linea, angulus, figura, quantitas, centrum, capacitas, longitudo, amplitudo, profunditas.

De Astronomia.

Quantitas continua mobilis, seu influentia cœlestis est subiectum in Astronomia: finis cognoscere virtutes & motus quos cœlum habet in inferioribus effectiue: principia sunt signa planetæ. Signa sunt duodecim, Aries, Taurus, Gemini, Cancer, Leo, Virgo, Libra, Scorpio, Sagittarius, Capricornus, Aquarius, Pisces. Planetæ sunt septem: scilicet Saturnus, Iupiter, Mars, Sol, Venus, Mercurius, Luna.

De Arithmetica.

Numerus absolutè est subiectum in Arithmetica: finis numerando multas vnitates summare, & ipsas facilius numero retinere. Principia sunt paritas, imparitas: numeri sūt tres, scilicet articulus, digitus, compositus. Species numeri sunt decem numeratio, additio, subtractio, mediatio, duplicatio, multiplicatio, diuisio: progressio radicum extractio, quadrata, & radicum abstractio cubita.

De Musica.

Vocum concordantia seu melodia est subiectum in musica, finis

Introductorium magnæ artis generalis

concordando diuerſas voces, produce-
re delectationem in cantu. Principia
ſunt decem, ſcilicet *altitudo, infinitas,
mediocritas, longitudo, breuitas, groſſitu-
do, gracilitas, ſubtilitas, proportio, accen-
tus vocalium & conſonantium.*

De Grammatica.

Congruitas & reſtitudo loquendi
eſt ſubiectum in Grammatica: ſi-
nis eſt congrue & recte loqui, pronun-
ciare & ſcribere. Principia ſunt littera,
ſyllaba, oratio, dictio vel octo partes
orationis, aut concordantia ſubſtantiui
& adiectiui, ſuppoſiti, appoſiti, relatiui
& antecedentis & modi ſignificandi.

De Logica.

Argumenta ſeu argumētatiua ra-
tio ſignificatio eſt ſubiectum in
Logica: ſinis etenim arguendo eſt verū
& falſum poſſint inueniri, & vnum ab
altero diſcerni. Principia ſunt, termi-
nus, propoſitio.

De Rhetorica.

Ordo & pulchritudo verborū eſt
ſubiectum in Rhetorica: ſinis per
verba ordinata ac pulchra eſt *mouere*
voluntatem audientis ad aliquem ſi-
nem deſideratū. Principia ſunt, forma
materia, ſinis: partes ſunt quinque, ſci-
licet inuentio, diſpoſitio, loquutio, me-
moria, & pronunciatio.

Cum generalis ſcientia habeat
principia & quæſtiones ac regulas ge-
nerales ad omnes artes & ſcientias, &
ad quodlibet particulare contentum
in ipſis, & vnitatem artis ſiue ſcientiæ
reuelentur in arte generali, ſequendo
proceſſum ipſius: ſicut particulare in
ſuo vniuerſali inquirendo bonitatem,
magnitudinem, &c. & inquirendo de
ipſo per vtrum, quid, de quo, &c. &
ideo ipſo ars generalis eſt ſpeculum
humano intellectui in quo relucent &
apparent omnium ſcibilium veritates.
Finis ſcientiæ ſpeculatiuæ eſt veritas,
practiciæ vero opus.



* Complete / Norman


* blank prelim #2 discarded

Adams L 1695

70-23-62
1-2

also





SPECIAL

88-B

14535

GETTY CENTER LIBRARY

